

**FIDEI
CATHOLICAE
DIGESTUM
SINGULA EIUS
DOGMATA, ET...**

François m. 1666 ca Carrière,
Josè Maria Fonseca de Evora






FIDEI CATHOLICÆ
DIGESTVM

SINGVLA EIVS
DOGMATA,
ET RITVS ECCLESIAE,
IVXTA SS. PATRVN,
ET CONCILIORVM DOCTRINAM
EXACTE DECLARANS.

AVCTORE
R. P. F. FRANCISCO CARRIERE,

Aptensi Minorita , Doctore Theologo , Pœnitentiaro
Apostolico , & Concionatore Regio.

NUNC PRIMUM IN LVCEM PRODIT.



LVGDVNI,

Apud **LAVRENTIVM ANISSON, & IOAN.**
BAPTISTAM DEVENET. *is.*

M. DC. LVII
CVM SUPERIORVM PERMISSV.

LIBRI CATHOLICI

SINGULARIA

DOGMATA

IVATA 33 PART V.M.

Imprimatur
in Civitate
Romana

C. 8310

AVRILIA ANTONIO

LIBRARIUS

IN ROMA

CUM LICENTIA



NOBILISSIMO EXCELLENTISSIMOQVE D. D.
CAROLO EMANVELI
PHILIBERTO HYACINTHO
DE SIMIANE,
MARCHIONI PLANITIARVM,
ROATI, LIBVRNI, CASTRI
NOVI, EQVITI DVCIS SABAVDIÆ
REGIS CYPRI, PRÆFECTO PEDITVM
eiusdem, ac supremo Cubiculario.



M B I T patrociniū tuū Digestū
istud Symboli, (MARCHIO EXCEL-
LENTISSIME) imò multis nominibus
pri dem tuū se tibi veluti Parenti optimo
sistit tuæ securum clientela: Neque verò
alienis auspiciis intueri poterat lucem quā
tuis, cuius nobilissima familia tam multa
extant in Aptensem Conuentualium Sancti Francisci familiam,
antiqua recentiaque Beneficia, nimirum, citra grauem No-
minis tui Auorūque iniuriam, haud poterat fructus iste
repræsentari alij quā clarissima Simianorum Genti, quippe cū
in eo solo adoleuerit, quod Maiores tui ob singularem in Diuum
Elzearium eiusque consortem Virginem Beatam Delphinam,
ubere atque inexhausto nativæ liberalitatis fonte à quadragin-
tis annis fecundarunt. Quod verò me potissimum perpulerit,
ut tibi splendidissimo id temporis clarissimi huiusce Sanguinis si-
deri commendarem fructum istum studiorum ac lucubrationum
mearum, vereor ne tuæ perinde gratum accidat modestiæ, ut est
officio meo, tuæque dignitati consentaneum, ea si palam omnibus
testari velim, quæ tota Europa de te sunt hac ætate testatissima.
Enim verò periculum non est ne quis reputet à me dari aliquid au-
ribus tuis, aut velle me assentatiūculis cum tentare qui quamquam
aule innutritus ab aule technis, artibusque, cane peius & angue,
toto semper animo abhorruerit. Certè quæ de tuis decoribus ad nos
ā 2 vsque


usque manarunt , non priuato loco , non in angulo , sed luce pa-
lam , sed spectante Gallia , Italia , Germania , ita à te gesta sunt ,
ut aliquid affingendi locus profecto esse non possit. At enim om-
nium maxime oculos in te animosq; conuertit, quod inter militares
lauros etiam serpere sinas Poëtarum hederas præmia frontium,
atque ab incredibili in Litteras amore, laurea meritò donandus au-
dias Apollinari. Nempè amorem pietatis , auitaque Religionis ,
doctrinæ laudem , rerum politicarum scientiam , styli cultum cum
militari disciplina , mira ingenij rerum omnium capacis sæcundi-
tate , ita coniunxisti , ut qui ministerij tui personam , militum al-
loquia , administranda Reipublicæ pondus immensum , (cuius
pars tanta tuis humeris incumbit) apud se reputauerit, vix credat
tibi aliquando vacasse tempus quo eruditis interesset cogitationi-
bus , doctasque mortuorum lucubrationes sedula manu volutares.
Contrà qui Mathematicarum, historica supellectilis, iurium, pacis
ac belli, linguarum, & ut vno verbo amplectar , scientiarum om-
nium Orbem in te absolutum suspiciet , agrè persuadeat sibi, otium
tibi aliquod superasse quod publicis curis impenderes. Quocirca tot
rebus , tamque variis parem atque adeò maiorem Genium sperare
audeo commodaturum te oculos operi , quod tuum iterum non pi-
gebit hoc loco dicere : siquidem quod gladius tuus in acie , illud hoc
toto libro stylus meus aggreditur, quod Tu in sole puluerèque mili-
tari , id Ego in umbra & scholastico puluere molior. Digestum est
Symboli Fidei Nicana , cui nuper in Sub-Alpina Angronia val-
le laboranti dici non potest , quàm admirabili virtute , rerum ge-
rendarum sagacitate , eloquentiâque ipsis hostibus stupenda, copia-
rum Dux summus præsto fueris , digesseris ea quæ seditio latè disse-
cerat , magnâque cum fidei tum Principis tui inuictissimi gloriæ
fama, suam rebus sacris Ecclesiæque asserueris dignitatem. Patere
igitur, ut hoc quaecumque mea in te obseruantia gratique animi
monumentum non tam fugientibus Typographiæ characteribus
quàm amoris encausto , pectori meo insculptum extet apud omnes ,
tuumque in operis huius fronte nomen emicet , quod quemadmo-
dum fidei hostibus formidolosum , ita erit Digesti mei inuidis ob-
tretractatoribus sacrum & inuiolandum.

Excellentiæ tuæ

Seruus humillimus
FR. FRANC. CARRIERE.

Apta Iulia die 27. Septembris
Dino Elzeario sacra
1656.

PRÆFATIO



PRÆFATIO OPERIS.

PRIMVS ille Supremi Numinis Vicarius Moyſes, cum in vltima vitæ ſuæ, centum & viginti annorum periodo Legem diuinam commendaret, & repeteret Iſraëli conſtituto in campeſtribus Moab ſingulari vſus Præfatione, quæ tria Deuteronomij priora complectitur capita, ait. *Hæc eſt ſapientia veſtra & intellectus coram populis, vt audientes vniuerſa præcepta hæc dicant, En populus ſapiens & intelligens, Gens magna.* At Solem ſua ſemper ſydera norunt, & Chriſtum æternæ Sapientiæ Solem Chriſtiani agnoſcunt, qui quantò præ Moyſe differentius nomen hæreditauit, tantò plenius in ipſos ſapientiam effundit, quò ſint ei populus verè ſapiens, & gens ſingulariter ſancta. Hanc autem plenitudinem ſapientiæ protulit plenitudo temporis cùm Chriſti Domini Vicarius, & Beati Petri Succellor Pius IV. Profeſſionem Catholicam in Concilio Tridentino digeſſit & indixit. Hæc ſanè eſt ſapientia quam inter perfectos loquebatur Doctor Gentium 1. Cor. 2. *Et in qua Fideles tanquam in lege teſtamenti Domini gloriari debent, ſi tamen doctrinam eius palam habeant, & palam facere non ignorent.*

Sed proh dolor! nemo in ſola Parentum fide ſaluatur, plerique tamen in Plebani ſui Fideles haberi volunt, & cùm de Myſteriis Catholicismi, aut de ritibus eius perquiruntur, nec ſapientiam inter perfectos loquuntur, nec inter eam loquentes audiunt; quòdque peius eſt, *Sicut populus, ſic &* plerumque Sacerdos, cuius dos eſt ſacra docere prius quam dare. Fœlicior hac in parte notatur Ethnicorum ſors, qui nullos Sacerdotes ferebant indoctos. Habuit olim Gallia ſuos Druidas, qui in omni diſciplinarum genere ſuis Duces erant. Habuit Ægyptus ſuos Sacerdotes, ad quos tanquam ad vberrimum ſcientiarum fontem properabant, qui aliquo Philoſophiæ deſiderio tenebantur. Chaldaïs Sacrificulis inuentionis Aſtrologiæ & Mathematicarum diſciplinarum honor tribuitur. Perſæ Magorum ſuorum ſapientiam iactant. India ſcientiam & integritatem Gymnoſophiſtarum ſuorum miratur. Italia Pontifices, aut Diales, aut Quirinales imperitos explodebat. Non paucos tamen in Chriſtiano & Catholico orbe ſacris initiatos, & Sacerdotio præfulgentes videre eſt, qui de ea quæ in eis eſt fide & adminiſtratione Sacramentalium, quæ ex officio paſſim ad manum habent, rationem reddere ſint parati: eâ forſan de cauſa, quò inductorum ab Eccleſia Rituum & Traditionum Rationale vnà cum Dogmatum Fidei plenaria elucidatione deſideretur, quo ad

perfectum adducantur , sed sparsim à speculatiuis Professoribus sublimis doctrina , à Casuistis moralia , à Catechistis rudimenta , à Chronologis rerum initia laboriosè sint perscrutanda.

Ideò ego minimus inter Minores tradidi cor meum ad Dominum qui fecit me , & in conspectu Altissimi deprecatus sum , si fortè spiritu sapientiæ & intelligentiæ repleuerit me , vt palam faciam arcana disciplinæ Ecclesiasticæ , quæ in Articulis Romanæ fidei penitiùs includuntur : ea omnia vno , vel duobus Libris complectenda.

Venerunt in communionem laboris , vt dignum illustratione fidei procuderem Opus , *Theologia* , atque *Historia Ecclesiastica* , illa , ad inconcussam Dogmatum basim autoritate Sacræ Scripturæ & selectæ rationis pondere stabiliendam : ista , ad annosam Sanctorum Patrum consensionem , & Oecumenicorum Conciliorum definitionem proferendam : vtraque verò coniunctim Aduersariorum quorumlibet ora procacia obtrudendo. Sic nescio quo fato , factum Opus istud , promptuarium vberimum , in quo quid quisque quærat quæ ad Catholici institutionem & perfectionem facere possunt , incunctanter inueniat ex sola Articulorum partitione , quæ ad oculum patet.

Egi in hac elucubratione diligenter vt potui , non sufficienter vt volui : quod quam operosum sit , nemo nescit cum sapiens ipse proprio edoctus exemplo scripserit Ecclesiast. 1. *Qui addit scientiam addit laborem.* SS. Hieron. Greg. Aug. legunt. *Qui scientiam Legis exponit , dolorem addit.* Imò , vt vertit Aquila *tormentum*. Si quid Lectori minùs arrideat , hoc ab ipso suppliciter postulatur , vt apud se perpendat difficillimum esse , imò vix possibile vniuscuiusque mentem assequi , aut votis secundare in tanta rerum adeò implexarum atque arduarum , & magna Aduersariorum contentione controuersarum varietate ac multitudine , quæ omnigenam eruditionem requirerent.

Porro arduum Opus istud esse nemo sanæ mentis diffitebitur , sed , vt spero , gloriosum Deo , hominum saluti necessarium , Theologo proprium , & Franciscano (cuius vocatio est aliis proficere) religiosè congruum : si quid acceptabile & boni in eo esse videbitur , ille vnus celebretur , cuius dona sunt hominum bona , vnde perenniter fluunt , vt in eundem tanquam in Oceanum refluant : illi certè quidquid à tenuitatis nostræ studio proficisci potest iamdudum consecratum volo , & à Sacrosancta Romana Ecclesia , cuius arbitrio & censuræ quanta possum animi demissione subijcio corrigendum.



FORMA
PROFESSIONIS FIDEI
CATHOLICÆ IN
QUADRAGINTA ARTICVLOS
IVXTA BVLLAM PII PAPÆ IV.
DISTRIBVTA.



GO N. firma fide credo, & profiteor omnia, &
singula, quæ continentur in Symbolo fidei, quo
Sancta Romana Ecclesia utitur, videlicet

I.

Credo in unum Deum Patrem omnipotentem.

II.

Creatorem cali & terra, visibilibus omnium, & invisibilibus,

III.

*Et in unum Dominum Iesum Christum Filium Dei unigenitum,
Et ex Patre natum ante omnia sacula, Deum de Deo, lu-
men de lumine, Deum verum de Deo vero, genitum non factum
consubstantialem Patri, per quem omnia facta sunt. Qui
propter nos homines, & propter nostram salutem descendit de
calis: Et incarnatus est de Spiritu-Sancto ex Maria Virgine;
Et homo factus est.*

IV.

*Crucifixus etiam pro nobis sub Pontio Pilato, passus & sepultus
est.*

V.

Et Resurrexit tertia die secundum Scripturas.

ã 4

VI.

V I.

Et ascendit in calum, sedet ad dexteram Patris.

V I I.

Et iterum venturus est cum gloria iudicare viuos & mortuos, cuius regni non erit finis.

V I I I.

Et in Spiritum-Sanctum Dominum, & viuificantem, qui ex Patre, Filioque procedit, qui cum Patre & Filio simul adoratur, & conglorificatur. Qui loquutus est per Prophetas.

I X.

Et vnā Sanctam Catholicam & Apostolicam Ecclesiam.

X.

Confiteor vnum Baptisma in remissionem peccatorum.

X I.


Et expecto resurrectionem mortuorum.

X I I.

Et vitam venturi saeculi. Amen.


APPROBATIO

A P P R O B A T I O R. P.
Prouincialis, & Commissarij
Generalis.

 R. Honoratus Montanarq Ordinis Minorum Con-
uentualium Sancti Francisci Prouinciæ Sancti Ludoui-
ci Minister Prouincialis & Commissarius Generalis
Reuerendo in Christo Patri FR. FRANCISCO CAR-
RIERE ejusdem Prouinciæ Diffinitori perpetuo, & Regis
Christianissimi Concionatori. Cùm ex Symbolo Concilij
Nicani Digestum singulare non paruo cum studio & perspi-
cuitate edideris, grauium ac Doctorum Virorum iudicio re-
cognitum & comprobatum. Hinc est quod præsentientes illud
honori Dei, Catholicorum confirmationi, Hæreticorum con-
uersioni; nec-non Seraphicæ nostræ Religionis splendori, plu-
rimùm vtile proficuúmque fore, Prælo mandari præsentium
tenore non solùm concedimus, sed etiam præcipimus & man-
damus. Sit itaque fidei & solertiæ tuæ eius impressioni sedulò
& accuratè inuigilare. Datum in Capitulo Prouinciali Insulæ
sub chirographo & sigillo nostro die 20. Ianuarij Anno Domi-
ni 1655.

FR. HONORATVS MONTANARQ
Prouincialis, & Commissarius
Generalis.

A P P R O B A T I O D O C T O R V M P R O V I N C I Æ.

 Os infra scripti Doctores Collegij Romani, & Profes-
sores in sacra Theologia Patres Prouinciæ Sancti Ludoui-
ci attestamur legisse & examinasse Digestum Concilij
Nicæni à R. P. FRANCISCO CARRIERE ejusdem Prouinciæ Diffi-
nitori perpetuo editum, quod Typis dignum dicimus, & du-
cimus, vt pote opus singularis eruditionis, quod in omnium
manibus cum multa vtilitate Lectorum, & elucidatione verita-
tis Catholicæ versabitur. Datum Auenione die 8. Februarij
1655.

FR. ANTONIVS BARRAV.

FR. ANTONIVS PAGY.



APPROBATIO DOCTORVM Parisiensium.

NOs infra scripti in sacrae Theologiae facultate Parisiensi Doctores fidem facimus nos attentè perlegisse, & sedulò examinasse *Digestum Symboli Concilij Nicæni*, à Reuerendo P. FRANCISCO CARRIERE Aptense Ordinis Minorum Conuentualium, Doctore Theologo, Regis Christianissimi Concionatore editum: in quo præter non vulgarem styli elegantiam & planam methodum, singulare Authoris ingenium clucet in enodandis difficultatibus, exquisita eruditio in adducendis Sanctorum Patrum testimoniis, in utroque autem emicat solida doctrina in stabiliendis Fidei Orthodoxæ dogmatibus, & refutandis contrariis erroribus; quapropter in omnium vtilitatem & ædificationem Typis mandandum, & in lucem edendum censemus. Datum Lugduni die vigesima secunda Martij 1657.

FR. PAVLVS LOMBARD
Prior Carmel. Lugdun.

FR. IACOBVS DV CREVX
Minorita.

FR. ARCHANGEL. MOLINIER
Augustinianus.

FR. CYRILLVS MOREL.
Prouincialis Carmelitarum
Prouinc. Narbonæ.



APPROBATIO VICARII GENERALIS *Illustrissimi Archiepiscopi Lugdunensis.*

VIsis Doctorum Approbationibus, Nos quoque censemus *Digestum* hoc Symboli Concilij Nicæni, à Reuerendo Patre FRANCISCO CARRIERE Aptense, Ordinis Fratrum Minorum Conuentualium Doctore, Regis Christianissimi Concionatore conscriptum, Dignissimum esse quod in lucem prodeat, & ideo eius editioni lubenter annuimus. Lugduni die vigesima quarta Martij 1657.

DE NEVFVILLE Abbas S. Iusti
Vicarius Generalis.



PERMISSION.

VEv les Attestations cy-dessus, ie n'empesche pour le Roy
l'Impression dudit Liure intitulé, *Digestum Symboli Concilij
Nicani*, avec les deffences en tel cas requises & accoustumées.
FAICT à Lyon, ce 14. Mars 1657.

BOVLLIOVD MERMET.


CONSENTEMENT.

SOIT fait suivant les Conclusions du Procureur du Roy. A
Lyon, ce 24. Mars. 1657.

S H V B.



CONSPECTVS



CONSPECTVS

Operis.



PRÆMISSO Tractatu de Fide, duodecim Articuli Symboli Concilij Nicæni ad Theologiæ normam acuratè cum suis circumstantiis per singulares Quæstiones expendantur, & sub titulo **CREATORIS VISIBILIVM** Opera sex dierum, sub **INVISIBILIVM** Angelorum & animæ rationalis natura examinantur, tum sub **VITA FVTVRI SÆCVLI** Beatitudinis & Damnationis status declaratur.



2775292700

DIGESTVM

Index Quæstionum.



INDEX QVÆSTIONVM Quæ in Tractatu de Fide, & sub duodecim Articulis Symboli discussæ habentur.



QVÆSTIO I. Quid propriè sit Fides, & quomodo definiatur. folio 1
De Reuelatione necessaria fidei.

| | |
|---|----|
| An debeat esse publica vel priuata. | 8 |
| Vnde possit dignosci, an priuata sit à Deo, &c. | 9 |
| De propositione obiecti materialis fidei. ibid. | |
| Argumenta quæ ostendunt Mysteria credibilia. | 10 |
| A quo facienda Propositio credendorum. | 11 |

| | |
|---|----|
| De interno Actu Fidei, qui est credere. | 13 |
| De integritate Fidei. | 15 |
| De necessitate introducendæ fidei Christianæ. | 17 |

| | |
|--|----|
| De externo Actu Fidei. | 19 |
| Quando, & quo ordine compositum sit Symbolum. | 21 |
| Quid sit Theologia, & quodnam sit eius obiectum. | 27 |
| Quid de Trinitatis Sacrosanctæ Mysterio sit credendum. | 29 |

QVÆST. I. **D**E existentia Dei. fol. 34
Vtrum vnus tantum sit Deus.

| | |
|---|----|
| An possit à nobis aliquod nomen Deo imponi. | 35 |
| Qualiter Deus nominari debeat. | 37 |
| De Attributis in genere. | 38 |
| An cum summa vnitare Attributorum cum essentia, & eorum inuicem distinguantur ab illa, & à seipsis. | 39 |
| De Attributis diuinis in speciali. De simplicitate. | 43 |
| Quomodo essentia diuina contineat rerum perfectiones. | 44 |
| Quomodo Deus viuens dicatur. | 45 |
| An in omni genere perfectionis Deus sit infinitus. | 46 |
| An Deus sit æternus. | 47 |
| An immensus. | 49 |
| An immutabilis. | 51 |
| An sit summum Bonum. | 53 |
| An sit Beatus. | 54 |
| De scientia Dei. | 55 |
| Quomodo cognoscat futura contingentia. | 57 |

| | |
|---|----|
| An scientia Dei cohareat cum libertate humana. | 60 |
| An scientia Dei sit causa Rerum. | 60 |
| An sit in Deo scientia media. | 61 |
| Quomodo Deus cognoscat creaturas in sua essentia, & An ipsa sit Idæa rerum. | 63 |
| An in Deo sit Voluntas & qualis. | 65 |
| Quænam eius sit efficacia. | 69 |
| De variis eius affectibus & virtutibus. | 70 |
| De Prædeterminatione. | 83 |
| An prædestinatio sit ante præuisa merita. | 85 |
| De Reprobatione. | 93 |



Sub verbo Symboli, Patrem.

| | |
|---|-------|
| QVÆST. I. A N Mysterium Sanctissimæ Trinitatis possit cognosci naturaliter ratione. | 96 |
| An in Deo sit aliqua Processio. | 97 |
| De Personis in genere, Constitutione & distinctione diuinarum. | 101 |
| De Relationibus diuinis & essentia, an & quomodo distinguantur? | 105 |
| An in Deo sint tres Personæ realiter distinctæ. | 110 |
| An tres Personæ sint Deus. | 111 |
| An tres Personæ sint vnus Deus. | 114 |
| An in Deo sint tres subsistentiæ reatiuæ. | 114 |
| An detur in Deo subsistentia absoluta & communis. | 114 |
| An sit vnica existentia absoluta & tres reatiuæ. | 115 |
| An relationes abstractæ & distinctæ ab essentia dicant perfectionem. | 116 |
| An in diuinis detur prioritas naturæ, & originis. | ibid. |
| An essentia diuina generet vel generetur, spiraret vel spiretur. | 121 |
| Quomodo de Sanctissimæ Trinitatis Mysterio sit loquendum. | 125 |
| De nominibus Patris, Ingeniti & Principij. | 126 |
| An essentia in Patre sit principium generationis Filij. | 127 |
| An Filius, & Spiritus Sanctus habeant potentiam generandi. | 129 |
| An Pater generet Filium intellectu præintelligente | 130 |

Index Questionum

| | |
|--|-------|
| gente ipsum. | 130 |
| An Pater generet Filium volens voluntate antecedente. | ibid. |
| An Pater sit sapiens sapientia genita. | 131 |
| An Pater & Filius diligant se Spiritu-Sancto. | ibid. |
| ibid. | ibid. |
| Quæstio de Appropriatione. | 132 |
| An Pater generet de substantia sua Filium. | ibid. |
| ibid. | ibid. |
| Quæstio de Persona Filij. | 134 |
| An generatio Filij sit æterna. | 135 |
| Quid sit Verbum creatum, quid diuinum, & quomodo producat. | 137 |
| An Verbum procedat ex cognitione solius essentia, vel ex cognitione Personarum, & creaturarum. | 138 |
| Quæstio de Persona Spiritus-Sancti. | 143 |
| An Spiritus-Sanctus procedat à Patre & Filio. | 144. |
| An Pater, & Filius spirent in quantum sunt vnum. | 145 |
| An Spiritus-Sanctus requirat esse à duobus suppositis. | 147 |
| An si Spiritus-Sanctus non procederet à Filio distingueretur ab eo realiter. | 149 |
| An processio Spiritus-Sancti sit generatio. | 150 |
| An Spiritus Sanctus producat libere vel naturaliter. | ibid. |
| An generare, & spirare sint idem realiter in Patre. | 151 |
| Quæstio de Missione diuinarum Personarum. | 152 |
| An missio actiua sit actio transiens. | 154 |
| Quæstio de Circum-cessionem. | ibid. |
| An in Personis diuinis sit summa æqualitas. | 157 |
| An distinctio identitatis, æqualitas, similitudo sint reales relationes. | 159 |



Sub voce Omnipotentem.

| | |
|---|-----|
| QVÆST.I. CVr Symbolum agens de creatione eam ad solum Patrem refert. | 162 |
| Quid sit propria notio Omnipotentia. | 163 |
| An Deus possit facere quæ non facit. | 165 |
| An productio Creaturarum præsupponat productionem personarum. | 167 |
| An si per impossibile esset vnica persona in diuinis adhuc in illa esset causalitas perfecta respectu omnium causabilium. | 171 |
| An Deus possit facere infinitum. | 172 |



Sub verbo Creatorem.

| | |
|--|-----|
| QVÆST.I. AN Deus possit creare. | 173 |
| An Creatio sit aliquid absolutum in creatura | 175 |
| An creatio sit actio transiens vel immanens. | 177 |
| An creatio sit mutatio, an distinguatur realiter à creatura. | 178 |

| | |
|--|-------|
| Quæstio de conseruatione an idem sit quod creatio. | 179 |
| An Deus possit redigere aliquid in nihilum. | 181 |
| An creatura possit creare. | ibid. |
| An Dei ad creaturam sit aliqua relatio realis, æterna, vel temporalis. | 184 |
| An in Deo sit noua relatio ad creaturam. | 187 |



Sub Articulo Factorem cæli & terræ, visibilibus omnium.

| | |
|--|-----|
| QVÆST.I. QVare Deus mundum produxerit. | 191 |
| Quo tempore mundum produxerit. | 192 |
| An Mundus potuerit esse ab æterno. | 193 |
| In qua anni parte mundus creatus est. | 194 |
| Quomodo mundus à Deo productus fuerit. | 195 |
| Quo ordine. | 197 |
| De creatione hominis quantum ad corpus. | 198 |
| An corpus hominis sit conuenienter dispositum. | 199 |



Sub verbo Inuisibilibus, de Anima rationali.

| | |
|---|-------|
| Propositiones de fide tenenda circa Animam rationalem. | 200 |
| QVÆST.I. DE existentia & essentia eius. | 202 |
| An sit vera forma corporis. | 203 |
| An sit immaterialis. | 204 |
| An sit tota in qualibet parte corporis. | 205 |
| An Animæ rationales sigillatim creentur à Deo. | ibid. |
| Quandonam producat anima rationalis. | 206 |
| An tot sint animæ, quot sunt, fuerunt, & futuri sunt homines. | 207 |
| An in homine sint plures Animæ. | ibid. |
| An potentia animæ distinguantur ab illa, & à se inuicem, & quot sint. | 210 |
| An anima rationalis sit immortalis. | 211 |
| An in omnibus hominibus sit eiusdem speciei, & æqualis perfectionis. | 212 |
| An imago Dei sit in homine secundum animam. | 213 |
| An per separationem anima acquirat modum positium. | 216 |
| De loco animæ separatæ. | 217 |
| De motu. | ibid. |
| De cognitione. | 218 |
| De loquutione. | 219 |
| Cur Deus eam fecerit ad suam imaginem. | ibid. |
| Quæstio de iustitia originali. | 220 |



Sub verbo Inuisibilibus De creatione Angelorum.

| | |
|---|--|
| QVÆST.I. DE existentia Angelorum, quando, vbi, an corporei, & in gratia | |
|---|--|


Index Quæstionum.

| | |
|--|-----|
| gratis creati. | 223 |
| De numero, & ordinatione Angelorum. | 226 |
| Quomodo nouem Ordines differant inter se. | 227 |
| De duratione existentie & operationum Angelorum. | 229 |
| De loco Angelorum an sint in pluribus, simul, &c. | 232 |
| De motu. | 235 |
| De Cognitione. | 239 |
| De locutione & illuminatione. | 247 |
| An intellectus Angelicus discurret. | 250 |
| Quomodo Angeli & Beati offerunt Deo preces nostras. | 251 |
| De potestate Angelorum circa corpora. | 252 |
| De custodio bonorum Angelorum, & impugnatione malorum. | 256 |
| De peccato Dæmonum. | 257 |
| De pœna Dæmonum. | 261 |
| De pœna Dæmonum quantum ad cruciatum. | 263 |




Sub Articulo Incarnationis.

| | |
|--|-------|
| Explicatio verborum quibus vsitur Concilium Nycænum. | 266 |
| QVÆST. I. Quid sit Incarnatio. | 272 |
| An relatio naturæ humanæ ad Verbum sit murtua. | 275 |
| An Personalitas addat aliquid positium supra naturam singularem in persona creata. | 276 |
| An persona Christi sit composita. | 279 |
| An Incarnatio possibilis demonstrari possit naturali lumine. | ibid. |
| An demonstrari possit Incarnationis veritas contra Iudæos. | 281 |
| An Incarnatio conuenienter peracta sit. | 283 |
| An necessaria fuerit Verbi diuini Incarnatio. | 284 |
| An si Adam non peccasset Filius Dei factus fuisset homo. | 286 |
| An Verbum assumpserit omnes partes naturæ humanæ. | 289 |
| Quo ordine vnitæ fuerint. | 291 |
| An vnio hypostatica fuerit perfectissima vnio. | 292 |
| An in genere entis, & doni sit maxima. | 293 |
| De Spiritu-Sancto auctore Incarnationis. | 294 |




Sub verbis ex Maria Virgine.

| | |
|---|-----|
| QVÆST. I. AN Maria Virgo fuerit, ante partum, in partu, & post. | 296 |
| An B. V. verè fuerit Mater Dei. | 299 |
| Quomodo fuerit vera Mater. | 300 |
| An potuerit coagere Spiritui-Sancto in instanti. | 301 |
| Quæstio de partu Virginis, seu de Natiuitate Christi. | 303 |
| An in Christo sint duæ filiationes. | 305 |
| De modo, loco & tempore partus B. V. | 306 |
| Quæstio de immaculata Conceptione B. V. | 308 |
| An fomes peccati fuerit extinctus in B. Virgine. | 315 |




Sub verbis, et homo factus est.

| | |
|--|-------|
| QVÆST. I. AN in Christo admittenda communicatio Idiomatum. | 317 |
| De regulis in hac enuncianda seruandis. | 318 |
| De proprietatibus naturalibus corporis Christi. | 320 |
| De intellectu & voluntate animæ rationalis Christi. | 322 |
| De perfectionibus intellectus Christi, scilicet scientiis. | 323 |
| De scientia beata Christi in quantum homo. | 324 |
| De scientia infusa. | 326 |
| De scientia acquisita. | 328 |
| De voluntate humana Christi. | 329 |
| An voluntas eius libera fuerit in operando. | 331 |
| De perfectionibus datis voluntati, seu de gratia Christi. | 335 |
| De perfectionibus animæ, tam ad intellectum, quam ad voluntatem pertinentibus. | 341 |
| De defectibus animæ quos assumpsit Christus. | 342 |
| De merito Christi. | 346 |
| De quibusdam officiis Christi de Christo capite. | 354 |
| De Christo Mediatore. | 355 |
| De Christo Legislatore. | 357 |
| De Christi regia potestate. | 359 |
| De Christi potestate ad miracula. | ibid. |




Sub Articulo Crucifixus, passus, sepultus.

| | |
|---|-------|
| QVÆST. I. AN Christus pati debuerit in cruce. | 361 |
| Cut fiat mentio Pilati. | 365 |
| An Christus passus sit secundum totam animam. | ibid. |
| Et sepultus de modo depositionis è cruce & linteaminibus. | 372 |
| An descensus Christi ad inferos constet ex Scriptura. | 374 |
| An Græci & Latini Patres conueniant circa descensum. | 376 |




Sub Articulo Resurrexit.

| | |
|--|-----|
| QVÆST. I. DE veritate & circumstantiis Resurrectionis Christi. | 378 |
|--|-----|



Sub Articulo Seder.

| | |
|---|-----|
| QVÆST. I. DE loco, tempore, modo, termino & fructu Ascensionis. | 388 |
|---|-----|



Sub Articulo, Venturus est iudicare.

| | |
|--|-----|
| QVÆST. I. AN iudiciaria potestas Christo competat, cuiusque exequutio. | 393 |
|--|-----|

Index Questionum.

An sit futurum duplex iudicium à Christo p̄-
natum & vniuersale. 394
De iudicio vniuersali & circumstantiis. 395

Sub Articulo, Et in Spiritum Sanctum:

QVÆST. I. **C** Vt Spiritus Sanctus sit tertia
Persona in diuinitate. 400
Quomodo producat Spiritus Sanctus, & quo
sensu vocetur Amor. 401

Cur dicatur Dominus & viuificans. 402
Quod procedat à Patre & Filio. 403

An ab utroque tanquam ab vno principio. 404

De Missionē Spiritus Sancti. 405

Sub Articulo, Et vnam S. Cath. Apost. Eccles.

QVÆST. I. **D** E diuersa acceptione Ecclesie
& nominibus eius. 408

De Ecclesie existentia. 409

De visibilitate Ecclesie Christiane. 410

An Ecclesia visibilis possit deficere. 413

De iis qui sunt extra Ecclesiam. 416

Sub verbo, Credo vnam Ecclesiam.

QVÆST. I. **D** E vnitatem, nota prima veræ Ec-
clesie. 419 †

De Sanctitate nota singulari veræ Ecclesie. 419 †

De vniuersalitate, tertia nota veræ Ecclesie à
qua dicitur Catholica. 415 †

De Apostolicitate, quarta nota veræ Ecclesie. 421 † †

Sub verbo, Sanctorum Communionem.

QVÆST. **Q** Vid, & inter quos sit hæc San-
ctorum Communio. 420 † †

Sub verbo, Confiteor vnum Baptisma.

QVÆST. I. **D** E vniuersali peccatorum re-
missione per Baptisma. 422 † †

Sub Articulo, Et expecto Resurrectionem.

QVÆST. I. **A** N Resurrectio probari possit
Scriptura, &c. 426

An, & quomodo futurum sit idem numero
corpus. 429

An resolui possint quolibet objectiones contra
Resurrectionem. 430

An corpora resurgent in membrorum inte-
gritate. 432

An in Resurrectione erit sexuum diuersitas. 435

An omnes resurgent eiusdem stature. 436

De incorruptibilitate resurgentium. 437

An corpus post resurrectionem erit vegetabile. 437

An corpus resurgens erit perfectissimum in
sensu. 440

An omnes homines morituri sint ante resurre-
ctionem. 441

An resurrectio fiet in instanti. 442

Quomodo fiet resurrectio, & quo ordine. 443

Sub Articulo, Et vitam venturi seculi.

QVÆST. I. **A** N homo in hac vita possit esse
beatus. 444

An solus Deus sit hominis beatitudo eaque
supernaturalis. 445

An visio Dei intuitiua sit possibilis intellectui
creato. 447

An visio Dei detur nunc animabus Sancto-
rum. 448

Quomodo Beati videant Deum, an per spe-
ciem impressam. 449

An Deus videatur per Verbum creatum à vi-
dentibus productum. 452

An detur lumen gloriæ in intellectu Beato-
rum. 452

An possibile sit Deum videri sine lumine glo-
riæ. 453

An clara visio Dei possit concedi viatori. 455

Quid videant Beati in Deo. 456

An videnter Deum comprehendere possint
ipsum. 457

An & quomodo videant in Deo creaturas. 459

An omnes Beati equaliter videant Deum. 462

An intellectus perfectior possit intensius vide-
re quam imperfectior in æquali lumine. 463

An dato æquali lumine perfectior intellectus
possit intensius videre. 464

An Deo per intellectum apprehenso necesse sit
voluntate frui. 465

An gaudium sit de essentia beatitudinis. 466

An beatitudo consistat per se in actu intelle-
ctus vel voluntatis. 467

An perpetuitas vel securitas sit de essentia bea-
titudinis. 468

Status comprehensoris. 470

De Aureolis. 471

De corporis beati dotibus. 472

De numero & qualitate dotum. 475

De impassibilitate. 476

De beatorum sensibus externis eorumque fun-
ctionibus. 478

De claritate corporis beati. 483

De agilitate. 484

De subtilitate. 487

De vita misera.

Quomodo peccans mortaliter dignus est pœna
æterna. 489

De statu damnatorum. 491

An ignis inferni sit corporeus. 492

An sit eiusdem speciei cum nostro. 493

Quomodo damnatorum corpora vrantur, nec
corrumpantur. 494

Quomodo ignis inferni agat in spiritus & ani-
mas. 495

An pœna damnatorum sit multiplex & æqua-
lis. 498



DIGESTVM FIDEI CATHOLICÆ, SINGVLA EIVS DOGMATA & Ritus Ecclesiæ exactè declarans.

DE FIDE

*Quid propriè sit, & quomodo
definiatur.*



NOMIN Fidei diuersimodè
vsurpari solet apud sacros Au-
thores. Primò pro credulitate
humana qua credimus vera
quæ proponuntur ab homine;
Sic Terentius in Andria. *Pro-
pmodum iam habeo tibi Fidem.* Secundò pro fi-
delitate in seruandis promissis, 1. Machab. 10.
Perseuerate adhuc conseruare ad nos Fidem. Ci-
cero lib. 1. de officiis. *Fides est dictorum conuen-
torumq; constantia & veritas.* Eius etymologiam
explicat Augustinus epistola 19. ad Hieronymum.
*Fides Latino sermone ab eo appellata dicitur
quia sit quod dicitur.* Sic sumitur 1. Timoth. 5.
Primam fidem irritam fecerunt: id est, promissis
non steterunt. Tertiò, in Scriptura sumitur
pro conscientia: Roman. 14. *Omne quod non est
ex Fide, peccatum est;* id est, quicquid homo facit
contra dictamen conscientiæ, in eo peccat: Et
hoc sensu dixerunt Iurisperiti, *Possessor bona
fidei præscribit.*

Non est hic quæstio de iis, sed de quarto mo-
do, quo pro credulitate & firmo assensu adhære-
mus omni verbo dei reuelato; sicque definitur
communiter à Theologis. *Virtus supernaturalis
inclinans intellectum ad credendas res à Deo re-
uelatas propter auctoritatem Dei.* Hæc definitio
quoad substantiam non differt ab ea quam habet
Apostolus ad Hebr. 11. *Fides est substantia spe-
randarum rerum, argumentum non apparentium.*
Ex definitione quatuor elucescunt proprietates:
quarum prima est, quòd sit quædam species co-
gnitionis non minus quàm scientia & opinio:
Fide, ait Paulus, *intelligimus aperta esse sacula
verbo Dei.* Secundar. esse donum Dei gratis
datum, non autem industriâ humanâ acquisi-
tum:) Philippen. 1. *Vobis donatum est pro Chri-
sto non solum ut credatis in eum sed etiam ut pro
illo patiamini.* Siquidem quòd diuersis eandem
concionem audientibus & eadem miracula vidē-
tibus & mirantibus, alij crediderint, & alij in sua
perfidia obstinati perstiterint, inde prouenit quòd
Deus eorum corda mouerit & istorum non mo-
uerit, sicut concionante Paulo commota est Ly-
dia purpuraria; & Christo Lazarum à mortuis

suscitante nonnulli Iudæi ad fidem sunt traducti
Ioan. 11. Tertia quòd quæ fide tenemus, certissi-
mè cognoscamus; longè etiam certius quàm res
eas quas sensu percipimus, vnde Petrus cùm nar-
rasset se gloriam Dei incarnati in Thabor transfi-
gurati vidisse & Dei Patris vocem auribus perce-
pisse, subiungit: *Habemus firmiorem* (seu vt Græ-
cè legitur *ῥαβδωτέρον*, id est, *certiorem & magis
comperitum*) *sermonem propheticum:* Quasi dicat
se certius ea nosse, quæ Scriptura tradit, quàm
quæ videt oculus. Quarta hanc fidei certitudi-
nem à nullo proficisci quàm à veritate diuina.
Nam quæ per scientiam nouimus, scimus certò ex
rerum euidentiâ; cùm scire, sit rem ex causis co-
gnoscere. In rebus, quas fide cognoscimus, nulla
est euidentia, sed potius summa obicuritas: verbi
gratia, in vna diuinitate tres esse personas quarum
quælibet sit ipsemet Deus & non tres: In Chri-
sti vnica persona duas sustentari naturas: harum
tamen rerum & aliarum omnium quas fide tene-
mus summa est in Christianorum animis certitu-
do; idque solùm quia fidelissimus veracissimus-
que Deus nobis palàm fecit per Ecclesiam.

In definitione Pauli dicitur quòd sit *Substan-
tia*, cùm notum sit eam esse accidens de genere
qualitatis: sed substantia non sumitur hic vt vsur-
patur à Philosophis pro genere generalissimo con-
tra alia genera diuiso, sed secundum quod in quo-
libet genere inuenitur quædam similitudo sub-
stantiæ prout scilicet primum in quolibet genere
continens virtute alia in se dicitur esse substantia
illorum, hinc fides probatur prima inter virtutes,
quia substantia habet rationem prinii, quòd si
aliquæ, vt fortitudo, humilitas &c. præcedere di-
cantur aliquando fidem, hoc est per accedens &
tanquam dispositiones ad fidem, tum necessarium
est virtutes Theologicas, quarum obiectum est
vltimus finis, esse priores aliis, cùm autem in agi-
bilibus finis sit principium, oportet quòd ipse sit
prius in intellectu, & sic per fidem, quam in vo-
luntate per spem, aut charitatem. Hinc Clemens
Alexandrinus ait *Fides est basis & stabilimentum* Lib. 1. *Stro-
charitatis.* Nec mirere quòd spei obiectum, seu mat.
res speranda ponatur in fidei definitione, & non
res charitatis seu res diligenda. Nam cùm fides
pertineat ad intellectum secundum quod impera-
tur à voluntate, oportet quòd ordinetur ad ob-
iectum illarum virtutum, quibus perficitur voluntas,
sicut ad finem, inter quas est spes & in definitione
fidei ponitur obiectum spei; quia autem charitas
potest esse visorum & præsentium, ideo res dili-
genda

Definitio
Fidei.

genda non ita propriè pertinet ad fidei definitionem. Paulus addit *argumentum*, vel *demonstratio* seu *convictio*: Et hic non importat diuersum genus fidei nec diuersos actus, sed diuersas habitudines vnius actus ad diuersa obiecta, nec dicas argumentum inferre & manifestare veritatem: hoc enim est verum de argumento quod sumitur ex propriis rei principiis: hic autem sumitur argumentum ex autoritate diuina quæ reuelat. Fides est nobis loco duplicis generis Principiorum; quæ reperiuntur in disciplinis: quædam enim sunt principia quæ cognitionis tantum sunt causæ; vt omnia principia theoricarum disciplinarum. Quædam præterea sunt & actionis: vt principia Philosphiz Moralis atqueque practicarum: Vtrumque autem continet fides in Christiana disciplina: Nam illa est basis & principium bonarum nostrarum actionum; quod notat Paulus cum ait: *Fide plurimam hostiam Abel quam Cain obtulit Deo: Fide Abraham obediuit, & Sancti per fidem vicerunt regna, operati sunt iustitiam.* Et 1. Rom. 3. *Hæc est victoria que vincit mundum, fides nostra.* Est etiam causa cognitionis earum rerum quæ non nisi per fidem nosse possumus; quod idem indicat cum ait: *Fide intelligimus aptata esse secula verbo Dei.* Quis enim intelligeret creationem esse ex nihilo, & solo verbo, vel velle Dei practico res habuisse existentiam, ipsoque solo in ea conseruari? Deum esse vnum & trinum, &c. Est ergo fides initium salutis humanæ sine qua nemo ad Deum pertingere potest pro salute obtinenda. Quare Augustinus dicit: *Nulla sunt maiores diuitia, nulli thesauri quam fides, quæ peccatores saluat, cecos illuminat, agros curat, fideles iustificat, penitentes reparat, infirmos augmantas, Martyres coronat, Virgines conseruat, Sacerdotes consecrat in hereditate æternæ cum Angelis collocat.* Fides ergo est radix omnium bonorum: nam sicut in radice non apparet pulchritudo, & tamen quidquid est in arbore pulchritudinis procedit ex illa; sic ex fidei humilitate quidquid meriti & pulchritudinis & beatitudinis susceptrura est anima, procedit. Hoc intellige etiam de fide informi, id est, sine charitate: Nam informitas hæc, est defectus cuiusdam exterioris forme, quæ non attinet ad rationem spectatiuius fidei, sicut quibusdam datur Prophetiæ donum absque charitate.

Fides dicitur *supernaturalis* seu *habitus infusus* & *donum Dei*, vt sciamus fidem Christianam non esse quid naturale, sicuti est fides humana qua dictis hominum præstamus assensum; sed esse quid supernaturale, vt declarauit Christus Ioan 6. *Hoc est opus Dei, vt credatis in eum, quem misit ille:* Et Paulus Ephel. 2. *Gratia estis saluati per fidem, & hoc non ex vobis ne quis gloriatur; donum Dei enim est.* Vnde D. Thomas ait: Cum ea quæ sunt fidei sint supra naturam hominis, & illis assentiendo eleuetur supra naturam suam, necessè est assensum fieri à Deo interiori mouente & lumen speciale dante, sine quo maneret homo in tenebris infidelitatis & ignorantiz. De hac luce loquens Paulus ait: *Deus qui dixit de tenebris lumen splendescere, ipse illuxit in cordibus nostris ad illuminationem scientiæ & claruitatis Dei:* Quasi dicat: omnipotens qui dixit, *fias lux*, & sic figurauit tenebras mundi, ipse idem produxit excellentiorem lucem qua mentem nostram illuminaret ad diuina mysteria & notitiam Christi

percipiendam. De hoc enim lumine intelligi potest illud Isai. 9. *Populus qui ambulabat in tenebris, vidit lucem magnam; habitantibus in regione umbræ mortis, lux orta est eis.* Propterea Augustinus translatus de infidelitate ad fidem per Christi illuminationem, agens gratias Deo dicebat: *Va tenebris meis, va ignorantia mea, quando non cognoscebam te Domine, serò te cognoui lumen mentis & verum, serò te cognoui sed gratias tibi, quoniam illuminasti me, & cognoui te & me.* Sic in cap. 33. Soliloquior. Nemo potest videre solem sine lumine solis, ita nemo potest Deum & diuina attingere sine speciali lumine per fidem infuso: imò sicut lux oculorum corporis necessaria est ad credendum, & ideo sine illa homo manet cæcus.

Dices quæ consistunt in hominis voluntate possunt acquiri ab eo; fides autè ex August. lib. de præparat. Sanctorum cap. 5. consistit in voluntate credentium, & innuit Lucas cap. 8. *Noli timere, crede tantum, & salua eris filia tua.* Et Marc. 9. *Si potes credere omnia sunt possibilis credenti, & continuo exclamans pater pueri, cum lacrymis aiebat: Credo Domine, adiuua incredulitatem meam.*

Respondeo fidem quidem consistere in hominis voluntate, sed oportet quòd illa præparetur à Deo per gratiam, ad hoc, quòd eleuetur ad ea, quæ sunt supra naturam suam; idque innuit Paulus Philipp. 1. *Qui caput in vobis opus bonum.* & cap. 2. *Deus est qui operatur in vobis velle & perficere.* alioquin homo haberet aliquid, quod non accepisset à gratia, nempe bonam voluntatem credendi, nec esset verum, quòd ait, *Non est volens, neque currens, sed Dei miserentia.*

Dices, voluntas potest naturaliter appetere, quod solo lumine naturali iudicat esse honestum; at illud iudicat esse honestum credere authoritati diuinæ reuelanti; ergo voluntas potest talem actum credendi appetere per solas vires naturæ, ac proinde non est opus auxilio gratiæ ad eam motionem, qua voluntas determinat intellectum ad assensum fidei.

Respondeo, quòd ad fidem seu ad actum fidei, qui vocatur *Credere*, duo requiruntur. Vnum est, quod proponantur homini credibilia, siue immediatè à Deo, siue ab homine, Angelo, Ecclesia; hoc enim præcedere debet, vt homo aliquid explicitè credat. Aliud est assensus credentis ad ea, quæ proponuntur. Quantum ad primum, necessarium est vt fides sit à Deo; ea enim quæ sunt fidei excedunt lumen naturale intellectus, & spheram rationis humanæ, vnde non cadunt in cognitionem hominis, nisi Deo reuelante, & ea quibusdam reuelantur immediatè à Deo, vt i Prophetis, Apostolisque factum legimus; quibusdam mediatè scilicet per Prædicatores & Doctores, sic Christus ipse agens in terris, quos euangelizabat vocabat ad fidem, & ad salutem; & assumptus in cælum vocauit mirabiliter Paulum circumdans eum lumine, terrens voce, percutiens quadam cæcitate & mittens ad Ananiam, & hæc vocatio Christi fuit tam efficax, vt excussio protinus spiritu minarum & cædis dixerit absolutè, *Domine quid me vis facere?* Sic Diuus Hubertus à Christo vocatus est apparente ei Crucifixo inter cornua ingentis Cerui, quem inter venandum persequabatur, ibi eum timore correptum alloquens iussit

adire

Web. 11.

Lib. 1. de verbis Apost. serm. 1. verius finem.

2. 2. q. 6.

1. Cor. 5.

adire Lambertum Episcopum, à quo viam salutis esset percepturus. Similia legimus de S. Eustachio.

Secundò Deus vocat per Angelos; sic vocauit Cornelium Centurionem, cui apprensus Angelus misit eum ad Petrum, & Deus Petro tunc visionem ostendit linteum quatuor initiis è cælo dimissi, in quo erant serpentes & reptilia, quæ iubebatur occidere, & manducare, quo significabatur intra vnum linteum quatuor Euangeliorum initiis alligatum contineri etiam Gentes, vel vt exponit August. lib. 5. hom. 48. linteum figurabat Ecclesiam, animalia Gentes, quatuor extremitates linteum quatuor orbis partes, vbi Euangelium prædicari debebat, occisio animalium erat mors spiritualis, quæ peccato mori debebant, & viuere gratiæ & fidei Christi.

Sic etiam vocatus videtur Augustinus, qui dum disceptantes secum multas haberet cogitationes, fluctuans in hæresi sua, licet iam aliquid luminis interius sentiret, tamen illi ex parte oblectabatur, tandem proiecit se sub arborem in horto, & audita est vox cælestis, *Tolle lege, tolle lege*, qua monebatur aperire librum continentem Epistolas Pauli, in quibus veritatem & stabilitatem reperire debebat, vnde aperiens librum subito incidit in illud Rom. 13. *Non in impudicitia, & in cubilibus, comestationibus, ebrietatibus, non in contentione, & emulatione, sed induimini Dominum Iesum Christum.* Sic perfecte illuminatus, translatus est de hæresi ad fidem, de impudicitia ad castitatem, & exarsit in pacem Christi.

Tertiò Deus aliquos vocat ad fidem per Sanctos; sic Constantinus per Siluestrum, quem accedere iussus est ab Apostolis Petro & Paulo apparentibus ei noctu; sic quotidie per Euangelij nuntios mundum illuminat, seu proponit credenda & sic patet, quòd fides, seu Propositio Reuelatorum est purum donum Dei.

Quantum verò ad secundum scilicet ad Assensum hominis, in ea quæ sunt fidei considerari potest duplex causa. Vna quidem exterius inducens, v. g. visum miraculum, vel prædicatio, & persuasio hominis inducentis ad fidem, quorū neutrum est causa sufficiens (videtur enim vnum & idem miraculum, & audientium eandem prædicationem, quidam credunt, quidam non credunt,) & ideo oportet ponere aliam causam internam, quæ mouet hominem interius ad assentiendum illi, quæ sunt fidei; hanc autem causam Pelagiani ponebant solum liberum arbitrium, & propter hoc dicebant, quòd initium fidei est ex nobis (in quantum scilicet ex nobis est, quòd parati sumus ad assentiendum illi, quæ sunt fidei, sed consummatio fidei est à Deo, per quem nobis proponuntur ea, quæ credere debemus,) sed hoc est falsum; nam in eleuatione hominis supra se, requiritur supernaturale principium interius mouens, quod est Deus, & ideo fides, quantum ad assensum, qui est principalis actus fidei, est à Deo interius mouente per gratiam, vt Canone 6. & 9. Conc. Arausiaci est definitum; alioquin homo haberet aliquid, quod non accepisset à gratia, nempe bonam voluntatem credendi, nec videretur verum, quod Paulus ait. 1. Cor. 4. *Quid habes, quod non accepisti?* & cap. 15. *Gratia Dei sum id, quod sum.* & Rom 9. *Non est volentis, neque currentis, sed Dei miserentis.*

Respondeo secundò, duo iudicia posse præcedere voluntatem credendi (siquidem necessariò præcedere debet iudicium intellectus quo quis iudicat prudenter ea posse credi, quæ proponuntur, quia voluntas non fertur in incognitum; nam si

voluntas debet appetere aliquod bonum obiectum, necessariò debet præcedere cognitio obiecti boni) quibus iudicemus mysteria fidei quæ proponuntur nobis, esse credibilia, vnum euidens, quod oritur ex motibus quæ conuincunt intellectum, & hoc solis viribus naturæ oriri potest. Alterum iudicium obscurum præcedere potest voluntatem credendi, illudque obscurum, quod oritur ex illustratione diuina, & immediatè versatur circa credibilitatem mysteriorum fidei, non propter motiua, sed propter reuelationem Dei, hoc posterius est iudicium supernaturale intellectus, & non potest elici sine gratia, quod cum elicatur ab homine infideli, non producit ab habitu fidei, qui nondum inest; sed à concursu supernaturali Dei, qui supplet habitum fidei, qui in homine infideli hoc facit, & non tantum declarat obiectum esse credibile, sed & verum esse, & mouet intellectum ad iudicium de vtroque. Qui habitus fidei supernaturalis duplex est; vnus in intellectu ad elicendum assensum fidei, alter in voluntate ad imperandum assensum. Ita D. Thom. quæst. 4. art. 2. & ratio est, quia omnis supernaturalis actus secundum viam ordinariam requirit supernaturalem habitum, à quo producat; qui duo habitus distinguuntur, nam actus illius qui est in intellectu, est Credere, seu assentiri. Posterioris est imperare assensum; prior tendit in mysteria propter auctoritatem Dei reuelantis, secundus in assensum fidei propter honestatem.

Fides dicitur *Virtus inclinans intellectum*, vt constet in quam animæ potentia reperitur, cum enim habitus in ea potentia collocari debeat, à qua eliciuntur actus, sequitur habitum seu virtutem fidei collocandum esse in intellectu, cum ab intellectu eliciantur actus fidei; Actus enim assentiendi & credendi, qui sunt actus fidei, eliciuntur ab intellectu; Quod autem Credere sit immediatè actus intellectus, patet, quia obiectum huius actus est verum, quod propriè pertinet ad intellectum, & ideo necesse est, quòd fides, quæ est principium huius actus sit in intellectu, sicut in subiecto. innuit hoc Paul. 1. Cor. 13. *Videmus nunc in speculo & in enigmate, tunc autem facie ad faciem.* Sed visio, quæ fidei succedit in patria, est in intellectu; ergo & fides.

Dices ex August. fides est in credentis voluntate, voluntas verò est alia potentia ab intellectu; ergo fides non est in intellectu sicut in subiecto.

Respondeo Augustinum accipere fidem in lib. de prædest. Sanct. cap. 5. pro actu fidei, qui dicitur consistere in credentis voluntate, in quantum ex imperio voluntatis intellectus assentit credibilibus.

Instabis assensus fidei ad aliquid credendum provenit ex voluntate obediens Deo, tota ergo laus fidei debita videtur esse ex obedientia, sed obedientia est in voluntate; ergo & fides.

Respondeo, quòd non tantum oportet voluntatè esse promptam ad obediendum, siquidem ad actum Catholicæ fidei prærequiritur actus aliquis voluntatis, à quo proximè imperetur, vnde 2. Cor. 1. Paul. dixit captiuandum esse intellectum in obsequiū fidei, quatenus scilicet per voluntatis impulsū subiicitur fidei Christianæ, quod & Patres nec non & Concilia habent, cum doceant hominem non nisi volentē credere, ipsumque credulitatis affectum spectare ad initiū fidei, hominēque credendo metiri sed oportet etiam intellectū esse bene dispositū

ad sequendum imperium voluntatis, sicut oportet concupiscibilem esse bene dispositam ad sequendum imperium rationis, & ideo non solum oportet esse habitum virtutis in voluntate imperante, sed etiam in intellectu assentiente.

Instabis ex Rom. 10. ubi fides cordi, quod in Scriptura pro voluntate sumi, non dubitandum tribuitur.

Respondeo cor in Scriptura accipi pro tota anima, & quia tam intellectus, quam voluntas sunt facultates animæ, ideo fit ut aliquando pro utraque sumatur Matth. 9. pro intellectu, *Quid cogitatis mala in corde.* & 22. *Diligas ex toto corde.* pro voluntate.

Instabis, intellectus vel est speculativus vel practicus, sed fides non est in intellectu speculativo, quia cum nihil dicat de euitabili & fugiendo, ut habet Aristot. lib. 3. de anima text. 34. & 46. non est principium operationis, fides autem est, quæ per dilectionem operatur, ut Galat. 5. dicitur. Similiter etiam nec in intellectu practico, cuius obiectum est verum contingens, factibile vel agibile. Obiectum enim fidei est verum æternum; nam ut dicit Dionys. 7. de divinis nominibus. *Fides est circa simplicem & semper existentem veritatem.* & ut docent Doctores, obiectum fidei est veritas prima, nihil enim cadit sub fide, nisi in ordine ad Deum; non ergo fides est in intellectu sicut in subiecto.

Respondeo quod fides est in intellectu speculativo, sicut in subiecto, ut patet ex fidei obiecto, sed quia veritas prima, quæ est fidei obiectum, est finis omnium desideriorum & actionum nostrarum, ex Augustino 1. de Trinit. cap. 8. inde est, quod per dilectionem operatur, sicut etiam intellectus speculativus fit extensione practicus, ut dicitur 3. de anima text. 28.

Dices, charitas dicitur passim à Patribus forma fidei, aliarumque virtutum, & id, cuius est forma, sunt in eodem, quia ex his fit vnum simpliciter, sed charitas est in voluntate, non autem in intellectu.

Respondeo, & Nota quamlibet virtutem & habitum habere suam formam & essentiam, quatenus in tali specie constituitur, quod habet per ordinem ad suum obiectum, & illa forma dicitur intrinseca & essentialis rei, sic autem charitas non est forma fidei, sed tantum extrinseca, prout informat actum fidei aut aliarum virtutum, quatenus scilicet quemdam valorem moralem eis confert, actusque earum perfecte bonos facit, illos referendo in Deum, qui est ultimus finis, nihil autem prohibet vnum actum à diversis habitibus, in diverso subiecto residentibus, formaliter tantum distinctis, ut sunt intellectus & voluntas, informari.

Instabis, fides est vera, imò prima virtus Theologica; ergo independens à charitate. Concedo rotum; nam ex 1. Corint. 13. *Fides potest esse sine charitate.*

Nota autem virtutem considerari posse, vel secundum suam rationem essentialem, & intrinsecam, vel quatenus conducit ad vitam æternam; priori modo fides ex sua ratione est vera virtus, & theologica, quia ad Deum refertur, ut primam veritatem; secundo autem modo dependet à charitate, quæ eam ad Deum refert, ut in finem, propter quem operetur, & servet mandata, quia *et si habueris fidem, ita ut montes transferas, charitatem autem non habeam, nihil mihi prodest.* ait Paul. loc. cit.

Hinc intellige eandem esse realiter fidem informem & formatam, mortuam, & viam; siquidem istæ denominationes sumuntur ab extrinseco, nempe à charitatis præsentia, vel absentia, per quam fides ipsa intrinsece non mutatur, & hinc Glossa interlin. super illud Iacobi 2. *Fides sine operibus mortua est.* dicit quibus renouiscit; unde infert S. Thom. quod fides, quæ prius erat mortua, & informis, fit formata, & vivens, consequenter utramque esse vnum & eundem habitum diversè vocatum à charitate assistente vel absente.

Nec ignores præter habitum illum fidei existentem in intellectu, esse ponendum alium habitum in voluntate, per quem intellectus moueatur ad assensum eliciendum, quique distinctus sit à vulgaribus virtutibus moralibus. Prima pars probatur: nam cum fides versetur circa res obscuras, non potest intellectus ab illis determinari ad eorum assensum, sed requiritur pia motio ex parte voluntatis, per quam inclinetur homo ad captivandum intellectum in obsequium fidei; quare sicut in ipso intellectu ponimus habitum fidei, ut connaturaliter, & per principium proportionatum eliciat assensum fidei, ita congruum est, ut in voluntate ponatur habitus aliquis, per quem illa iunetur, & eleuetur ad imperandum assensum fidei; & habitus ille residens in voluntate, est virtus propriè dicta; siquidem per illum voluntas inclinatur in actum, qui non potest non esse bonus & honestus, cum per illum imperetur actus fidei, quem intrinsece honestum esse patet.

Nota quod ad assensum fidei requiritur præuius actus voluntatis; nam facta sufficienti propositione, alius credit, alius non, quod non potest provenire quam ex libera voluntate; Marc. 16 insinuat penes hominem esse credere. *Qui crediderit, & baptizatus, &c. qui verò non, condemnabitur.* Nec dicas intellectum posse se determinare propter motiva, & argumenta quæ præcedunt, & faciunt res credibiles; nam aliud est, res esse credibiles, & aliud esse veras: Licet autem intellectus noscat propositionem fidei esse credibilem, non tamen est sufficienter determinatus, ut credat esse veram; sicut patet quando duæ opiniones probabiles proponuntur cum suis utrimque rationibus, tunc hæret intellectus suspensus, estque voluntatis determinare electionem & dicere, impero talem actum credendi, in fidei verò mysteriis, opus illa habet auxilio gratiæ ut Iessi. 6. Conc. Trident. cap. 6. habetur, & sic actus fidei est liber.

Nota item, plerumque Authores agere de fide, tanquam de vno habitu, quia etsi realiter duo sint, iuxta antedicta, pro eodem sumuntur propter moralem connexionem, quam habent inter se quatenus per actum vnius imperatur actus alterius, & actus imperans sumit bonitatem obiectivam ab actu imperato, cui tamen vice versa communicat rationem libertatis & meriti. Libertas enim & meritum formaliter spectant ad voluntatem, ad intellectum verò non nisi per denominationem ab actu voluntatis.

Dicitur ad credendas res à Deo reuelatas, hoc ponitur in definitione ut ostendatur Obiectum Materiale circa quod versatur fides, cum autem illa versetur circa mysteria à Deo reuelata, ergo hæc sunt obiectum materiale, Deus autem primariè, cum inter omnia quæ per fidem creduntur, principem locum

Paul. Rom. 10. vocas obedientiam, non omnes obediunt Evangelio, id est non habet voluntatem credendi.

locū obtineat, quod intellige de Deo, ut Deus est, sub ratione diuinitatis; sicut enim Deus est subiectū in primariis cōclusionibus Theologiæ, indeque, fit, ut sub ratione deitatis sit primarium obiectum materiale Theologiæ, ita Deus ut Deus debet esse obiectum materiale fidei, cum præcipue veritates ad credendum propositæ, sint illæ, quibus docemur Deum esse vnum in essentia, trium in personis, esse Creatorem, Redemptorem mundi, & Glorificatorem iustorum, &c. Et hinc aliqui ponunt Deum adæquatum obiectum materiale fidei, saltem indirectè; siquidem fides Christiana nihil proponit, nisi ea intentione, ut Deus melius noscatur, & ametur, non tamen excludendæ sunt res creatæ ab obiecto materiali, cum plures nobis sint de fide.

Dices quæcumque continentur sub obiecto fidei sunt æquè credibilia; at res creatæ non sunt æquè credibiles, uti diuinæ, cum non sint æquè necessariae.

Respondeo res omnes, quæ fide diuina creduntur, non esse ex se & ex proprio merito æqualiter credibiles, esse tamen, quatenus reuelatæ sunt à Deo; nam Deus non minus sapiens, & verax est in paruis, quàm in magnis.

Quæres, an quis possit habere fidem & scientiam de credibilibus reuelatis, seu an obiectum fidei possit esse aliquid visum & scitum; ratio dubij sumitur ex definitione fidei ex Augustino tract. 40. in Ioan. *Quid est fides, nisi credere quod non vides.* & ex confessione S. Thomæ Ioan. 20. *Quia vidisti me Thomas credidisti.* is ergo habuit simul notitiam, & fidem de Christo.

Respondeo ex Scoto in 3. distinct. 24. quod scientia propriè dicta, quæ est notitia certa & euident de obiecto necessario, habita per causam euidentem necessariam applicatam ad conclusionem per discursum syllogisticum, non potest stare cum fide, quia non potest quispiam habere de eodem obiecto simul notitiam euidentem, & non euidentem. Thomas aliud vidit, & aliud credidit, vidit hominem, & credidit Deum.

Dices de eodem simul potest esse scientia & opinio, cum possit cognosci aliqua conclusio per demonstrationem, & syllogismum dialecticum; sed scientia & fides minùs repugnant, quàm scientia & opinio; ergo, &c.

Respondeo, scientiam & opinionem esse simpliciter impossibiles in eodem de eodem; nam adueniente demonstratione corrumpitur opinio, & medium dialecticum impeditur à demonstratione, ne generet opinionem.

Obiectum formale fidei est Deus, ut prima veritas reuelans, ideo dicitur in definitione, *Propter ipsius auctoritatem.* Ratio est, quia actus fidei non nititur auctoritate humana, sed diuina, consequenter ratio, ob quam credimus, est auctoritas diuina, itaque Deus non præcisè ut Deus, sed quæ verax est, est obiectum formale fidei; sicut enim solemus credere homini narranti, non ideo præcisè quia homo, aut diues, vel nobilis, vel doctus, sed quia verax est, & sic credimus Deo dicenti aut reuelanti, non ideo præcisè quia Deus aut æternus, aut omnipotens, sed quia verax est. Item sicut magis & minùs credimus homini, quia maiorem aut minorem opinionem habemus de illius veracitate, sic firmissimè & perfectissimè

credimus Deo, quia habemus opinionem de illo, quod sit summè & infinitè verax.

Veritas autem hîc duas includit perfectiones, Sapientiam, & Bonitatem, Sapientiam, quæ perfectam rei cognitionem supponit, estque in intellectu. Bonitatem, quæ est in voluntate, quæ vult loqui de re, sicut illam cognoscit, & non fallere seu decipere auditorem; is, qui loquitur sine perfectionibus istis, mendax est, hincque David arguit generaliter hominem de mendacio, quia & falli potest ob defectum sapientiæ, quo decipi potest ipse, & ob defectum Bonitatis, quo & decipere potest, licet cognoscat rem.

At Deus veracissimus est, & infinita veritas ob utrumque, ideoque Deum mentiri est impossibile, cum decipi non possit ob infinitam cognitionem & sapientiam, nec fallere ob bonitatem infinitam. Adde, quod mendacium est intrinsecè malum, & Num. 23. dicitur: *Non est Deus quasi homo ut mentiat.* Rom. 3. *Deum verax est, omnis autem homo mendax.* Ioan. 14. *Ego sum via, veritas, & vita.* Quare licet concedam Deum posse aliqua ita obscure loqui, ut ob ipsorum obscuritatem aliqui decipiantur, falsò explicantes diuina colloquia, ut patet in hæreticis falsò interpretantibus diuinam Scripturam, tamen negandum est Deum posse falsum reuelare, ut patet in allatis rationibus, ita S. Thom. 2. 2. quæst. 1. art. 3. & sequaces eius.

Dices legi in Scriptura quod Deus sefellerit, 3. Reg. 22. *Dedit Dominus spiritum mendacij in ore omnium Prophetarum tuorum qui hic sunt.* Ezech. 14. *Ego Dominus decepi Prophetam istum.* 2. Thessalo. 2. *Mittet illis Deus operationem erroris ut credant mendacio.* & probatur ex iis, quæ Deus per Prophetas dixit, quæ tamen non contigerunt. Isai. 38. *Morietur Ezechias.* Ioan. 3. *Adhuc quadraginta dies & Ninive subuertetur.*

Respondeo certum esse Deum non posse mentiri, quia est veritas infinita, consequenter in eo nullum potest esse mendacium; quod spectat illud 1. Ioan. 1. *Omne mendacium ex veritate non est.* Tum mendacium est deceptio, at hæc pugnat cum charitate, quæ postulat, ut quod tibi non velis fieri, alteri ne feceris, quod autem pugnat cum charitate, malum per se est. Tum si Deus posset mentiri, non esset infallibilis veritas, & sic periret certitudo fidei nostræ; nam si potest mentiri, vnde constat, quod hætenus mentitus non sit in iis, quæ per Prophetas, & Apostolos reuelauit nobis?

Testimonia allata probant permisisse Deum decipi quod sapienter fecisse, vel ex iustitia punitiua non est dubium. Alia intelligenda sunt esse comminatoria, nisi agant pœnitentiam, vel de prædictione ex causis naturalibus, hoc sensu, morietur Ezechias, spectando cursum, & dispositionem rerum naturalium. Vide Speculum nostrum vniuersale Bibliorum hæc elucidans.

Addidi Deum esse formale fidei obiectum, ut primam veritatem Reuelantem, nam in hoc resoluitur assensus fidei in Deum, scilicet quærens est prima veritas reuelans.

Dices & primam veritatem esse de obiecto materiali; nam sicut Deus se omnipotètem, iustum, &c. reuelauit, sic & se esse veracem; ergo prima veritas de Deo creditur propter aliud, id est

est propter reuelationem; ergo est obiectum materiale, & non formale.

Respondeo, prima veritas dupliciter spectari potest; Primò præcisè, secundùm se, & sic est obiectum materiale. Secundò non præcisè secundùm se, sed quatenus est reuelans, & sic est formale, vnde duo assensus hic possunt distingui. Vnus, Credo Deum esse veracem. Alter, Credo mysteria fidei propter primam veritatem reuelantem; in priori prima veritas præcisè sumpta, est materiale obiectum fidei, quod creditur propter aliud, in posteriori est formale, propter quod alia creduntur.

Dices constare ex euangelio multos credidisse propter miracula; ergo in tali casu prima veritas non fuit obiectum formale fidei; quod patet ex illo Ioann. 10. *Si non facio opera Patris, nolite credere mihi, si autem facio, & mihi non vultis credere, operibus credite.*

Respondeo in illis, qui propter miracula credebant, posse spectari tres actus. Primò iudicium intellectus, quo iudicabant prudenter credi posse Christum esse Deum, & hoc iudicium nitebatur miraculis à Christo factis. Secundò pia voluntatis affectio, qua cupiebant credere Christum esse Deum, & hæc pia affectio excitabatur in illis auxilio gratiæ actualis, quo Deus mouebat illorum voluntatem, vt vellent credere. Tertiò actus ipse credendi, seu assensus fidei, quo reipsa credebant Christum esse Deum, & hic assensus nitebatur reuelatione primæ veritatis, quæ faciebat hoc obiectum infallibiliter credibile; nam Deus, qui est prima veritas, reuelabat Christum esse Deum. Matth. 3. *Hic est filius meus dilectus*, & hanc reuelationem miraculis confirmabat.

Vbi notandum est materiale obiectum fidei, quod creditur, duobus modis fieri credibile. Primò per miracula, & similia motiua, quæ faciunt, vt prudenter credi possit. Secundò per reuelationem primæ veritatis, quæ facit, vt infallibiliter credi possit; itaque duplex potest esse iudicium intellectus; vnum, iudico hoc obiectum prudenter credi posse; alterum, iudico hoc obiectum infallibiliter credi posse. Prius est naturale & euident. Posterius supernaturale est, & obscurum.

Dices assensus fidei videtur vltimò resolui in auctoritatem Ecclesiæ, nam si quæram quare credis articulos fidei, respondebis, quia Deus reuelauit, si iterum quæram, quare credis Deum reuelasse, respondebis, quia Ecclesia Catholica hoc dicit. Ergo vltima responsio & resolutio fit in Ecclesiam. Ergo non credimus ob auctoritatem diuinam, proinde illa non est ratio formalis, ob quam credimus.

Respondeo tripliciter credi potest Deum aliquid reuelasse. Primò propter se, & tunc est assensus fidei theologicæ. Secundò propter auctoritatem Ecclesiæ sic credentis, & docentis, & tunc non est assensus fidei theologicæ, sed alterius inferioris ordinis. Tertiò propter auctoritatem hominis priuati, & tunc est assensus fidei humanæ. Primus assensus sic explicatur, credo Deum hoc reuelasse, credo non propter aliud, sed immediatè propter se; secundus, sic credo Deum hoc reuelasse, quia Ecclesia hoc dicit, tertius, credo Deum hoc reuelasse, quia homo hoc dicit. Primus assensus non resoluitur vterius,

sed sistit in reuelatione diuina quæ propter se ipsam creditur. Secundus resoluitur in auctoritatem Ecclesiæ. Tertius in auctoritatem hominis.

Nota autem assensum fidei quatuor modis resolui. Primò dispositiue in extrinseca motiua, quæ disponunt hominem ad credendum, vnde si quærat quid te permouit, vt catholicus fieri velles? Respondebis miracula, vel consensus populorum ac Gentium, aut aliquod simile motiuum, & hic sistitur in hoc genere resolutionis.

Secundò directiue resoluitur in auctoritatem Ecclesiæ proponentis & dirigentis, quid credendum sit. Tertiò formaliter in auctoritatem Dei reuelantis, quæ est ratio credendi. Quartò effectiue in Deum & habitum fidei, qui actum credendi efficiunt. Nec dicas Ecclesiam pertinere ad motiua inducentia ad credendum.

Respondeo si quidem Ecclesiam dupliciter considerari. Primò quatenus est collectio multorum hominum, & sic pertinet ad motiua, nam consensus eorum, qui sunt in ea, inducit alios, vt velint amplecti fidem Christianam. Secundò, quatenus est infallibilis in proponendo, & iudicando ob assistentiam Spiritus Sancti.

Ex his argues assensum, qui nititur auctoritate Ecclesiæ, tam esse infallibilem, quàm qui Dei. Ergo, inquires, vterque est assensus fidei diuinæ seu theologicæ.

Respondeo Deum ex natura sua infallibilem esse, Ecclesiam non ex se, sed ex directione Spiritus Sancti, vnde infallibilitas Dei est altioris ordinis, vt pote increata; alia verò creata, & dependens, consequenter & assensus talis est naturæ, cuius est fundamentum cui innititur.

Valentia tom. 3. disput. 1. quæst. 3. Ioan. Malderus, Becan. Bonacina, & alij respondent breuiter ad principale. Res fidei credi ob diuinam auctoritatem, tanquam ob rationem formalem, ob auctoritatem verò Ecclesiæ, tanquam ob regulam infallibiliter proponentem res fidei, seu tanquam rationem à posteriori, nam in actu fidei duas possumus rationes considerare. Prima est ratio formalis, seu ratio à priori, & hæc est auctoritas. Secunda est ratio à posteriori, & hæc est regula proponens res fidei.

Vide ergo maximam fidei Christianæ certitudinem, quæ testimonio infallibili Dei innititur, vel Ecclesiæ, quod non humanum, sed diuinum dicere oportet, etsi enim Ecclesia constet ex hominibus, qui falli, & fallere possunt, vt tamen diriguntur à Spiritu Sancto ad Ecclesiam regendam, habent infallibilitatem; ideo Ecclesia Dei viuus dicitur primæ Timoth. 3. columna & firmamentum veritatis.

De reuelatione necessaria Fidei.

Reuelatio publica facta toti Ecclesiæ sufficit ad obiectum formale fidei, quamuis absolute non sit necessaria; prima pars certa est ex fide, & potest probari ex eo, quòd Catholicorum omnium consensu ea vera est fides, qua assensum præbemus mysteriis per Apostolos vniuersali Ecclesiæ à Deo reuelatis, etsi nullam illorum priuatam reuelationem habeamus; vnde Patres, quotquot contra hæreticos de rebus fidei decertant, probare solent veram fidem ex reuelatione Prophetis & Apostolis facta, & per Scripturam Sacram, ac Traditionem ad alios fideles derivata. Secunda pars ostenditur, quia Deus potest alicui priuatè

privatæ personæ revelare aliquam veritatem credendam, & illa potest ei assentiri propter auctoritatem Dei revelantis, quo ipso elicit actum fidei non minùs quàm ille, qui credit propter revelationem publicam, imò actus illi sunt eiusdem speciei, eo quòd per utrumque homo formaliter assentitur alicui veritati, quæ est revelata à Deo, Quòd autem illa revelatio publica sit, aut privata, hoc sanè per accidens, est respectu ipsius fidei, quæ non fertur in obiectum, quia publicè, aut privatim revelatio est, sed quia ab ipsa prima veritate semper infallibili revelatum est.

Dices Ecclesiam solam esse certam fidei regulam, quatenus nullus præter illam potest proponere aliquid, ut de fide credendum.

Respondeo hoc esse verum de lege ordinaria, Deus autem potest extraordinariè revelare alicui privatæ personæ.

Quæres an Revelatio ad fidem spectans, ut sit formale obiectum fidei, debeat esse obscura, potest autem obscura esse duobus modis. Primo ex parte rei revelatæ, quod tunc fit quando res quæ revelatur non ostenditur per ipsam revelationem. Secundo ex parte Dei revelantis, quod tunc fit cum non constat evidenter revelationem esse à Deo. Quæritur ergo an utroque modo debeat esse obscura.

Respondeo debere esse obscuram ex parte rei revelatæ, sic enim *fides est argumentum rerum non apparentium* Heb. 11. & 1. Corinth. 13. *vidimus nunc per speculum in enigmate*. Et ratio est, quia sicut homo, qui mihi multa narrat de exteris nationibus, non efficit per suam narrationem ut ea clarè videam; sic etiam Deus, quando revelat mysterium Trinitatis, non efficit per suam revelationem ut clarè videamus hoc mysterium, sed tantum ut obscurè credamus, & hoc docet experientia, nam testimonium alterius, cui fides innitur, facit assensum obiectum, tum fides opponitur scientiæ, quatenus hæc claram, illa obscuram rei cognitionem dicit.

Ex parte etiam Dei revelantis est etiam obscura, non enim nobis clarè constat & evidenter revelationem illam propter quam rebus fidei assentimur, factam esse à Deo, Revelatio autem mysteriorum facta Apostolis & demandata fieri per totum orbem Marc. 16. & de facto publicata Rom. 10. in omnem terram exiit sonus eorum; applicatur & datur cuilibet per prædicationem evangelij: fides enim ex auditu; Et ultra requiritur ad credendum interna gratiæ, sine qua nemo potest credere Ioan. 6. *nemo venit ad me nisi pater traxerit eum*, per internam scilicet gratiam.

Licet autem revelatio evidens, seu illa quam, constat esse à Deo, formaliter & per se non sit fundamentum fidei, poterit tamen cum ea esse in eodem subiecto. Prima pars probatur; nam duo hic in actu fidei possunt distingui assensus. Primus, quo quis evidenter iudicat Deum esse, qui aliquid revelat, qua ratione ex multorum sententia primus Angelus cognoscebat revelationem, quam habebat in via, esse à Deo, cum clarè sciret se in creaturis nullum superiorem habere à quo eam posset recipere. Secundus, quo quis formaliter ob talem revelationem, & quia clarè novit eam esse à Deo, assentitur rei revelatæ; At neuter est assensus fidei, non quidem prior, cum sit intrinsecè evidens, & necessarius, seu independens ab imperio voluntatis (quæ conditiones re-

pugnant fidei) non etiam posterior, quia qui clarè cognoscit Deum esse, qui revelat aliquid, cum aliunde clarè sciat Deum non posse mentiri, non potest non clarè cognoscere id, quod à Deo revelatum est, verum esse; unde talis discursus est evidens necessarius, & per discursum comparatus, ideoque ad scientiam potius quàm ad fidem spectans.

Secunda pars, quòd fides possit stare cum evidentiæ revelationis, patet tum quia primus Angelus cum evidenti notitia revelationis sibi à Deo factæ habuit in via fidem eiusdem speciei cum nostra, quod etiam proportionem servata extendi potest ad Beatam Virginem, & Apostolos, quia homo potest assentiri rei revelatæ propter testimonium Dei, seu quia Deus revelavit eam, non attendendo an clarè constet eiusmodi revelationem esse à Deo nec ne, sicut non attendit, an ea revelatio sit publica, an privata. Assensus autem qui oritur ex tali motivo, est verus actus fidei. Confirmatur nam si evidentiæ revelationis impediret ne intellectus posset elicere verum assensum fidei, cum nobis constet, evidentiæ saltem morali, quicquid continetur in scriptura esse revelatum à Deo, sequeretur veram fidem non esse in nobis.

Quæres, an revelatio virtualis seu mediata sufficiat ad fidem, aut ea, quæ non est vera revelatio, etsi talis existimetur.

Respondeo negatiè, nam ad primum, revelatio virtualis tunc habet locum, quando propositio aliqua in se non est revelata, deducitur tamen per legitimam consequentiam ex alia propositione, quæ est revelata, qua ratione Deus censetur virtualiter revelasse Christum esse risibilem, quatenus revelavit eum esse hominem, At qui talis revelatio non sufficit ad fidem, sed tantum ad assensum theologicum, & colligitur inde; quia cum Christum esse hominem Deus dixerit, & non dixerit esse risibilem, etsi hoc ex illo colligatur per evidentem consequentiam, non tam certò credo Christum esse risibilem, quàm esse hominem, cum tamen omnes actus fidei Christianæ debeant esse æquè certi utpote motivo infallibili divinæ revelationis innixi.

Dices, ex eo quòd revelatum est Christum esse hominem, de fide est eum habere animam rationalem; ergo & esse risibilem, patet sequela, quia utrumque æqualiter continetur in propositione revelata.

Respondeo non sequi, & ratio discriminis est, quia cum anima sit de essentia hominis, eo ipso quòd Deus revelat Christum esse hominem, censetur revelasse formaliter, etsi non distinctè, eum habere animam rationalem, sicut & revelat eum esse animal rationale. At idem non potest dici de risibilitate aliisque proprietatibus ab essentia hominis profluentibus, cum in ea formaliter non contineantur, neque ex revelatione constet eas esse inseparabiles, & possim credere sine periculo hæresis esse separabiles.

Ad secundam propositionem Respondeo, imaginariam revelationem non sufficere ad fidem, tum quia ex communi sententia, fidei non potest subesse falsum, posset autem si ea inniteretur revelationi existimatæ, tum quia sicut repugnat, quòd habeam fidem homini non loquenti, ita & quòd habeam fidem Deo, nisi ipse loquatur, etsi loqui existimetur, tum denique quia
nulla

nulla est ratio, cur non potuerit Deus immittere homini aliquod lumen supernaturale intrinsecò determinatum ad assensum dumtaxat veros quales non essent si in reuelatione ficta possent inniti.

Dices, homines simplices multa credunt, ut à Deo reuelata, quæ non sunt; at quid vetat talem assensum esse veræ fidei? cum vera misericordia exerceatur erga fictum pauperem & vera adoratio circa hostiam, quæ putatur consecrata, cum non sit.

Respondeo, homines illos, ut non mouentur ad credendum vero Dei testimonio, ita nec verum fidei assensum præbere, sed existimatum dumtaxat, quomodo enim dici potest eos credere Deo loquenti, cum Deus non loquatur? possunt tamen elicere veros actus virtutum moralium circa falsa obiecta, quia voluntas fertur in illa, non ut sunt in se, sed ut representantur ab intellectu, is autem fertur in suum obiectum, ut est in se.

An reuelatio diuina debeat esse publica vel priuata.

Notandum est reuelationem illam dici publicam, quæ Prophetis & Apostolis à Deo facta est pro tota Ecclesia & per totum orbem publicata, priuatam verò quæ alicui personæ priuatæ sit.

Hoc prænotato, sensus quæstionis duplex esse potest. 1. An sufficiat reuelationem illam diuinam, quæ ad obiectum formale fidei pertinet, esse publicam & toti Ecclesiæ factam; an vero præterea priuata aliqua reuelatio unicuique credentium facta requiratur. 2. An si daretur aliqua reuelatio priuata, illa sufficere possit ad formale obiectum fidei supernaturalis, pro cuius duplicis quæstionis resolutione.

Dicendum publicam reuelationem sufficere ad rationem formalis obiecti fidei, eamque sufficienter applicari per Euangelij prædicationem & Ecclesiæ auctoritatem, nec opus esse vlla alia priuata.

Hæc assertio est de fide contra Calvinistas, qui in articulo 4. confessionis fidei suæ profitentur se libros Scripturæ Canonicos à non Canonicis dignoscere, non tam communi Ecclesiæ consensu, quam interiori reuelatione & suauione Spiritus Sancti. Refellitur hic error & veritas nostræ assertionis probatur 1. ex cap. ultimo S. Marci ubi postquam Christus discipulis suis dixit: *Euntes in mundum vniuersum, predicate Euangelium omni creatura.* statim subiungit: *Qui crediderit & baptizatus fuerit, saluus erit, qui vero non crediderit, condemnabitur.* Quibus verbis aperte declaratur, reuelationem factam Apostolis & per prædicationem illorum alijs notificatam sufficere, ex parte notificationis ipsius obiecti ad credendum: Siquid enim aliud requireretur, Christus eos, qui credere nollent, damnationi æternæ non subiiceret.

Probat 2. ex auctoritate S. Augustini lib. 1. de doctr. Christ. statim initio ubi agit ex professo contra eos qui dicunt se accepisse diuinitus cognitionem scripturarum, monetque vnumquemque debere sibi cauere ab illa superbissima & periculosissima tentatione, ut velit edoceri à Deo & non ab hominibus: quod ibi pluribus exemplis vrget.

Probat 3. ex eo quòd ut refert Eusebius lib. 5. hist. Eccl. cap. 15. iam à primis Ecclesiæ temporibus Montanus & Maximilla, tanquam hæretici damnati sunt, quòd particulares reuelationes prætenderent contra Ecclesiæ consuetudinem, rùm traditione, rùm successione antiquitus ab Apostolorum temporibus eo vsque derivatam.

Dicendum 2. licet priuata reuelationes valde dubiæ sint & suspectæ, si tamen alicui personæ certo innotesceret reuelationem sibi aliquam à Deo esse factam, illa ei posset sufficere ad credendum.

Hoc constat, ex eo quòd in sacris litteris recensentur aliquæ reuelationes à Deo factæ, quibus fides habita est ut Gen. cap. 15. refertur, Abraham tanquam priuatæ personæ factam fuisse reuelationem à Deo, quod filius ipse nasciturus esset, quod ipse credidit; unde dicitur de illo, *Credidit Abraham Deo, & reputatum est illi ad iustitiam.*

Constat 2. ex Concilio Trident. sess. 6. & canone 16. ubi docet & definit, neminem posse esse certum certitudine fidei, de sua gratia & finali perseverantiâ, nisi per specialem Dei reuelationem. quibus verbis supponit assensum supernaturalem fidei sufficienter inniti reuelationi factæ à Deo alicui tanquam priuatæ personæ.

Diximus in assertionem, si reuelatio priuata tanquam diuinitus facta certò innotescat & in eo versatur præcipua difficultas, qua ratione scilicet possit certo innotescere, reuelationem illam priuatam esse à Deo. Porro notandum est, nos hic loqui tantum de iis quæ requiruntur ex parte obiecti ad aliquid credendum supernaturaliter; nam certum est, præter publicam reuelationem & extemam Euangelij prædicationem, necessariam quoque esse in subiecto fidei, seu in persona credente internam gratiam excitantem & adiuuantem.

Vnde possit dignosci, an reuelatio priuata sit à Deo, ac proinde sufficiens pro eliciendo actu fidei.

Sicut nemini dubium esse debet quin aliquando Deus priuatis quibusdam personis, res aliquas olim reuelauerit & nunc etiam pro suo beneplacito reuelare possit, sic experientia nimis crebra compertum est, plurimas reuelationes, quas priuatæ personæ sibi factas prætendunt, variis illusionibus & erroribus esse referas. Vnde Synesius epist. 54. ante duodecim sæcula conquestus est multos tunc temporis priuatos homines & etiam Sacerdotes finxisse somnia pro reuelationibus.

Ut ergo veritas ab errore & illusionem in hac materia dignosci possit, proponemus hic aliquas observationes ex probatissimis authoribus collectas, quæ maximam cuius hac in re lucem afferre possunt.

Obseruandum igitur 1. qualis sit persona quæ sibi factam aliquam reuelationem dicit. Ac primum sit sana in fide. Quamvis enim Deus infidelium linguâ ad enuntiandas aliquas veritates vsi possit, & aliquando etiam vsus sit: tamen cum hoc rarissimè fecerit, & è contra dæmon sepius talibus illuserit & falsas reuelationes, aut blasphemias & alijs impietatibus immixtas ipsis suggesserit, (ut testantur Annales sacri in Manete, Monsano,

Montano, & pluribus aliis hæresiarchis,) merito defectus veræ & sacræ fidei in ea persona, cui fiunt reuelationes, præbet maximam rationem, non solum dubitandi, an tales reuelationes à Deo sint, sed etiam illas penitus repudiandi, tanquam à spiritu erroris & mendacij suggestas.

Videndum præterea, num fidei sinceritatem, vitæ ac morum integritas virtutisque commendent, & præsertim humilitas: an è contrà, vitia & imperfectiones notabiles illam dehonestent; Ideò non credendum superbis, ambitiosis, carnalibus, impatientibus, odia excentibus, alios diffamantibus, vel pecunias hinc inde corroden- tibus, nec etiam hypocritis, qui singularia quædam affectata pietatis, aut penitentia signa per superiores minime approbata ostendant. Hoc argu- mento vltus est olim vnus ex antiquis Patribus Appollonius nomine (vt refert Eusebius lib. 5. hist. Eccles. cap. 17.) ad conuincendum falsitatis reuelationes & prophetas Maximilla, & Quin- tilla mulierum, quæ in secta Montanistarum pri- mis partes tenebant, eo quòd, vt refert hic au- thor, essent pecuniarum cupida, sænus exercen- tes, tessera & tabulis ludentes, choreis dedica- & cultui corporis, & sumptuoso luxui vestimento- rum. Certè Christus Dominus loquens de falsis prophetis, & docens qua ratione à veris discerni possent, nihil aliud dixit Matth. 7. nisi *A fructi- bus eorum cognoscetis eos.*

Consideranda est præterea corporis & animæ constitutio in tali persona, an sit v.g. parum fir- ma valetudo, aut quæ præferat redundantiam bilis atræ: an habitus corporis inedia aut plus in- somniis sit deformata, an cerebrum laxum sit, an imaginatio turbida, &c. Eiusmodi enim personis dæmon facillimè illudere & imponere potest, vt experientia constat.

Non etiam negligenda est ætatis & sexus dif- ferentia.

Si enim ætas caduca sit, delirij periculum est, si puerilis, leuitatis, & morbi imaginosi, quia, (vt Medici testantur) pueri sunt cerebro humi- diore, & pleni vaporibus, ac proinde facili ne- gotio commouentur.

Quòd spectat ad sexum, certum est mulieres esse imbecilliores, abundare passionibus admo- dum acerbis, & vehementibus, quare quod à passione natum, id sæpè à veritate profectum pu- tatur. Sunt etiam naturæ humidioris: humidum verò, facilius commouetur, & varias impressio- nes recipit; ideò citius imaginantur, cumque mi- nus ratione polleant, & minus habeant pru- dentia, facilius est dæmoni eas similitudine falsa & apparente deludere. Ea de causa notatur à quibusdam, paucas admodum in sacris paginis repetiri mulieres, quæ Prophetia dono prædica- fuerint. Et in historia Ecclesiastica refertur, plu- res mulieres imaginationibus suis tanquam reuelationibus à Deo immixtis adhærentes, non solum seipsas, sed & plures alios, & etiam viros quos- dam eruditos in errorem induxisse. Testis est sui temporis doctissimus Tertullianus, qui dum vi- sionibus & reuelationibus muliercularum confi- dit, in hæresim & absurditates varias turpissimè delapsus est.

Obseruandum 2. qualis sit ipsa reuelatio. Ac primò an conformis sit sapientia illi, quæ de cæ- lo est, talis autem erit si (vt ait Gerson in tracta- tu de probatione spirituum, (qualitates à S. Iacobo enumeratas habeat, si nimirum sit *pudica,*

Carriere in Professionem Fidei.

modesta, suauis, boni consentiens, plena mi- sericordia & fructibus bonis. Videndum est igitur an in illa reuelatione reperiatur aliquid oppositum veritati, & doctrinae Christi Domini, an aliquid modestia, humilitati, charitati, aut aliis virtuti- bus repugnet, an aliquid curiosum, inutile, aut lucrum aliquod & commodum temporale tan- tummodò spectans, an reddat personam pro- prio iudicio vel propriae volutati magis addictam, quæ superiorum censuram refugiat, aut etiam contemnat; hæc enim iudicia, & alia similia sa- tis euincunt talem reuelationem à Deo esse non posse; Præterea quando in eiusmodi reuelatione suadentur aliqua, quæ pia & bona videntur, dili- genter perpendendum est, num simul alia etiam suadeantur, quæ sint vana, inutilia, improba, aut pietati aduersa; hæc est enim ars, qua fre- quenter dæmon plures decipit, vnde S. Arsenius monebat, vt caueamus ne prætextu alicuius bo- ni dæmon nos in mala impelleret; frequentia item nimia reuelationum meritò illas suspectas redde- re debet, neque enim Deus, nisi maximis & gra- uissimis de causis aliquid reuelare solet, & quam- uis ante aduentum Christi crebriores essent reue- lationes, eo quòd mundo tenebris errorum oper- to tunc essent necessariae, vt illis quasi quibusdam faculis & luminaribus in illa nocte cæcitas homi- num iuaretur; At nunc exorto sole veritatis, est diffusa vndequaque Euangelij luce, cum minùs necessariae sint, rariùs à Deo fieri solent. Videndi sunt super hac materia Gerson in tractatu de pro- batione spirituum, S. Vincentius Ferrerius in tra- ctatu de vita spiritali cap. 11 & 12. Martinus Deltio lib. 4. disquisitionum magicarum cap. 2. quæst. 3. & alij plures, qui de hac re fusiùs egerunt.

De Propositione obiecti materialis Fi- dei, seu rerum reuelatarum à Deo.

Certum est requiri propositionem credendo- rum; nam cum res fidei sint obscuræ, non potest intellectus circa illas ferri per assensum nisi sufficienter ei proponantur, tanquam fide dignæ, eo vel maxime, quia deficiente euidencia obiecti, requiritur affectus & imperium voluntatis, quæ captiuetur intellectus in obsequium fidei, quare cum voluntas non feratur in incognitum, præte- quitur propositio Credendorum. hoc habet ex- pressè Paul. Rom. 10. *Fides ex auditu, auditus au- tem per verbum Dei.*

Propositio autem illa debet facere res creden- das euidenter credibiles, quòd euincitur ex eo, quia fides Christiana dicit firmum assensum ex- cludentem omnem dubitationem, qualis non esset, si iudicium quod præcedere debet de credi- bilitate obiecti non esset certum & euidenter. Confirmatur; nam si sufficeret iudicium proba- bile, cum hoc facili mutari possit, ob plerasque rationes probabiles, quæ pro parte opposita oc- currere possunt, sequeretur eum, qui mysteriis ritè propositis assensum dedit, posse prudenter, & sine peccato fidem abiicere, quod dici nequit,

Dices, si fides est de rebus obscuris, quomo- do ad eam requiritur euidentia?

Respondeo euidentiam requiri, non circa res ipsas fide creditas, sed circa credibilitatem earum, ita vt intellectus quidem non habeat euidentem cognitionem rei reuelatae in se, aut veritatis ipsius,

B iudicet

iudicet tamen eam, ut proponitur, esse credibilem, idque tanta certitudine morali, ut prudens quisque ei assentiri debeat.

Instabis; si res ad credendum proposita, est euidenter credibilis, est etiam euidenter possibilis, adeoque euidenter vera.

Respondeo, negando priorem consequentiam, contingit enim plerumque, ut res impossibilis fiat credibilis, ut vel eo patet, quod non raro duæ propositiones contradictoriæ tot rationibus fulciuntur, ut fiant euidenter credibiles, cum tamen à parte rei una sit impossibilis, & quamuis certum sit in fide Catholica, quicquid credibile est esse possibile, non tamen hoc posterius euidenter est, cum motiua fidei non talia sint, ut omnino conuincant intellectum ad assentiendum rei propositæ.

Dices, multi credunt, qui non habent illam euidentiam credibilitatis.

Respondeo ex Petro à Sancto Ioseph, fidem eorum, qui sic credunt, non esse perfectam, & Christianam, cum hæc ex se debeat esse omnino firma, & immutabilis.

Instabis, ergo nullus idiota habet veram fidem.

Respondeo non sequi, licet enim personæ rudes, & simplices non penetrent per se omnia motiua fidei, eorumque vim, sicut Theologi, possunt tamen habere sufficientem eorum notitiam beneficio Pastorum, à quibus de rebus fidei instrui debent.

Quæres an sit aliqua euidentia credibilitatis in rebus de fide.

Respondeo veritates nostræ fidei licet obscuræ sint, & ineuidentes, esse tamen euidenter credibiles, patet ex Psalm. 92. *Testimonia tua credibilia facta sunt nimis.* Probatum ex S. Augustin. lib. de utilitate credendi cap. 15. & 16. ubi fusè agens de hac euidentia credibilitatis dicit pertinuisse ad prouidentiam Dei, constituere aliquam auctoritatem qua velut gradu certo innitentes astollamur in Deum, & possimus credere sine temeritate & periculo errandi. Et paulò post addit nos duobus modis moueri ad credendum, scilicet miraculis, quæ in confirmationem fidei facta sunt, & multitudine populorum illam profitentium, quæ etiam repetit, & confirmat in lib. contra Epistolam fundamenti capit. 4. his verbis. *Multa sunt qua me iustissime continent in Ecclesia Catholica gremio, tenet consensus populorum & Gentium, tenet auctoritas miraculis inchoata, spe nutrita, charitate auclta, vetustate firmata: tenet ab ipsa Sede Petri Apostoli usque ad presentem Episcopatum successio Sacerdotum.*

Probatum tertio hac ratione: veritates nostræ fidei sunt à Deo reuelatæ, & ad credendum propositæ cum talibus circumstantiis ut assensus fidei supernaturalis possit circa illas prudenter, & absque villo leuitatis peccato elici: aliàs si leuiter, & imprudenter eliceretur non esset actus virtutis. Atqui talis assensus elici prudenter non potest circa veritates illas nisi euidentiam aliquam habeant credibilitatis: neque enim ille prudens censeretur, qui temerè & inconsideratè quiduis sibi propositum crederet, nihil in se perpendens, an dignum sit quod credatur.

Motiua seu Argumenta, quæ fidei mysteria ostendunt esse euidenter credibilia.

Varia sunt argumenta quibus SS. Patres vsi sunt ad illam credibilitatis mysteriorum nostræ fidei euidentiam demonstrandam; illustriora hîc seligo.

Primum ducit S. Augustinus lib. de utilitate credendi cap. 14. & contra Epistolam fundamenti cap. 4. à multitudine, conditione & auctoritate eorum qui fidem Christianam omnibus sæculis amplexi & professi sunt; illud enim proculdubio dignum est credi, quod omnes penè Gentium nationes & in his innumerabiles viri summa auctoritate, summo ingenio & eximia doctrina præditi firmiter & seculum omni dubitatione crediderunt.

Secundum ipsa Christi Domini persona tanta innocentia & sanctitate conspicua, tam præclaris virtutibus insignis, tanta humilitate, benignitate, mansuetudine, charitate erga omnes & etiam acerbissimos hostes prædita efficacissimum argumentum suggerit ut rectè monet S. Bonauentura in stimulo diuini amoris p. 1. cap. 6. quo conuincantur animi illius doctrinam dignissimam esse, cui credatur *neque aliud nomen sub celo datum esse hominibus in quo oportet nos saluos fieri* Act. 4. Suffragantur huic argumento oracula & prophetiæ quæ multis sæculis ante Christi aduentum vel ipsis Iudæis testibus, qui etiam nunc illas esse veras Prophetias agnoscunt & testantur, in quibus tamen videmus omnia vitæ ac mortis Christi mysteria tam distinctè fuisse prædicta & tam fideliter suo tempore adimpleta, ut ab alio spiritu procedere non potuerint, nisi ab illo cui soli omnia nota sunt & aperta æquæ futura atque præsentia. Ad illas Prophetias mittebat Christus Iudæos Ioan. 5. ut ex illarum adimplerione mouerentur ad credendum in se, *seruamus scripturas illa sunt quæ testimonium perhibent de me.* Hoc argumento vsus est Tertull. in Apolog. cap. 20. & S. August. lib. 17. de Ciuit. cap. 15.

Tertium argumentum quo tanquam efficacissimo & fortissimo vsus est S. Iustinus martyr in Apolog. 2. ad Antoninum Pium & Tertull. in Apolog. cap. 39. ducitur à rectitudine & sanctitate ipsius doctrinæ Christianæ, illa enim doctrina, quæ ex omni parte sanctissima est, meritò & cum summa ratione credenda est niti fundamento veritatis, cum veritas & sanctitas maximè inter se cohæreant. Atqui talis est doctrina Christiana, nihil enim in ea nisi rectum & sanctum, nihil nisi veræ iustitiæ, pietati, charitati, aliisque virtutibus omni ex parte consentaneum vnde meritò propheta dixit Psalm. 18. *Lex Domini immaculata conuertens animas, &c.* Vbi è contrà omnes aliæ sectæ à Christiana religione alienæ variis non solum erroribus & absurditatibus sed etiam vitiis, vanitatibus, obsecrationibus, &c. corruptæ & scædatæ semper extiterunt ut vel ipsorum Ethnicorum historiis constet.

Quantum ducit S. Chrysostomus hom. 4. & 5. in 1. ad Corinth. à modo, quo fides & religio Christiana propagata est. Quis enim non obstupescat si attentè consideret qua ratione id factum sit à paucissimis hominibus nulla eruditione humana aut eloquentia instructis nulla vi aut po-

tentia armatis nulla nobilitate claris, nulla opulentia præstantibus, & præterea eiusmodi res doctibus, quæ naturali hominum propensione essent maximè repugnantes: his tamen non obstantibus totum ab illis orbem Christo esse subiugatum & in eo plurimos sapientissimos, eloquentissimos, potentissimos, opulentissimos homines ita esse persuasos, ut ultro desertis patriis religionibus, & abdicatis omnibus naturæ desideriis Christianæ religionis iugum subierint, & illam fidem quæ docet negare seipsum, crucem ferre, &c. summo studio & affectu professi fuerint: Quis inquam hoc considerans non exclamet cum Propheta Psal. 76. *Hæc mutatio dextera excelsi.*

Quantum duci potest ex consideratione martyrum propè innumerabilium, omnis conditionis, sexus, & ætatis, qui pro asserenda fidei veritate mortem oppetere non dubitauerunt, & tormenta atrocissima non solum forti, sed etiam alacri animo pertulerunt. Hoc argumento S. Iustinus & ipse martyr Apolog. 1. ad Senat. Rom. testatur se maximè fuisse permotum ad fidem Christianam amplectendam.

Sextum, quod affert S. Chrysost. hom. 3. in 2. ad Cor. à miraculis ferè innumeris quæ in confirmationem fidei nostræ variis temporibus & occasionibus sunt diuinitus facta, ut testantur vel ipsi Ethnici, & hoc argumentum ipsemet Christus Dominus suggestit, cum Apostolis & discipulis patrandorum miraculorum in confirmationem fidei dedit potestatem apud S. Matth. cap. 10. dicens illis: *infirmos curate, mortuos suscite, leprosos mundate, demones eicite, &c.*

Contrà verò, Hæretici nullum vnquam patrarint miraculum in testimonium suæ doctrinæ, ut scilicet eam diuinitus inspiratam veramque esse demonstrarent, ubi nota Idolorum prodigia non fuisse vera miracula, sed præstigia, illusiones, & falsas suppositiones, quibus dæmon utebatur, ut honorem Deo debitum sibi ipsi vendicaret, si autem aliqua mira verè facta comprobantur, ea naturæ facultatem, quam apprimè callet dæmon non superant, consequenter miracula non fuerunt.

Septimum argumentum adiungo, quod hæc doctrina Catholica sit antiquissima, utpotè à Christo ipso per Apostolos derivata, ut patet, Tum ex perpetua successione Pontificum Romanorum, qui sicut in potestate regendi vniuersalem Ecclesiam, sunt vicarij Christi & Petri successores, ita omnes eandem Petri fidem constanter professi sunt, ut infra demonstrabimus in tractatu de Pontifice Romano; Tum ex eo quod nunquam Ecclesia destituta fuit doctores eximios, qui eam scriptis contra insurgentes hæreses confirmauerint.

Ex his motiuis seu argumentis facillè ostendi potest Catholicam fidem esse euidenter credibilem, nam euidens est illud esse credibile, quod grauibz & magni momenti argumentis nititur. At fides eiusmodi argumentis nititur. Ergo euidentis est eam esse credibilem; unde non potest verisimiliter dici eos decipi, qui Catholicam amplectuntur fidem, aliàs posset non immerito vnusquisque nostrum vsurpare verba illa Richardi à sancto Victore lib. 30. de Trinit. cap. 1. si error est quem credimus, à te decepti sumus, iis enim signis doctrina hæc confirmata est, quæ nisi à te fieri non potuerunt. Adde ad hæc motiua, Prædictiones propheticas, licet enim difficiles &

Carriere in Professionem Fidei.

obscuræ hæc cuius intellectui humano apparent olim, nunc tamen videntur & comprobantur impletæ in fidei Christianæ propagatione.

Non intelleximus aut audiuius Abrahamum promissionem à Deo habere exaltationis, cum Genes. 12. Deus dixit ei, *in semine tuo benedicentur omnes Gentes.* Videmus tamen effectum huius prædictionis; nam idololatriæ extirpationem, & idolorum explosionem, & omnes terræ nationes cultui Dei consecratas per benedictum illud semen Christum, filium Abraham indubitatum est, patetque ad oculum per euangelium eius extingui inanium deorum cultum.

Non eramus præsentibus, cum Deus dixit ad filium eius dilectum; *filium meum es tu, ego hodie genui te, postula à me, & dabo tibi gentes hereditatem tuam,* ut refert David Psalm. 2. hoc hodie adimpletum videtur, Christus enim rex habetur ac colitur à Regibus terræ.

Non interfuimus lamentabili spectaculo Caluarie ubi foderunt manus & pedes Christi iuxta oraculum Psal. 21. sed sequelam psalmi comprobamus, *Adorabunt in conspectu eius omnes familia gentium.*

Non vidimus triumphantem Christi resurrectionem, nec Patrum à Lymbis educationem, probamus tamen inimicorum eius ultionem, & Iudeorum confusionem, & miseriam, iuxta oraculum Psal. 40. *resuscita me & retribuam eis.*

Non vidimus admirabilem Christi in cælos à monte Oliueti Ascensionem, sed sequelam Ascensionis palpamus vniuersalem scilicet Christi vbique terrarum gloriam, iuxta Psal. 56. *exaltare super cælos Deus, & super omnem terram gloria tua.*

Non audiuius, quod David refert Psal. 58. dictum filio à Patre, *Deum ostendis mihi super inimicos meos, ne occidas eos, nequando obliuiscantur populi mei, disperge illos in virtute tua, & depone eos.* Videmus autem Iudeos misere agere super terram, si autem deletæ fuissent figuræ Prophetiæ, & Lex Moysis, quæ testimonium perhibent fidei Christianæ, extinctæ fuissent in ruina eorum: Deus autem vult ut Iudei suprà viuant, ut per eorum actiones, & obseruationes legales, Scriptura & odium ipsum in Christum Christo deseruiant, & Christianis sic adimpletur oraculum Patriarchæ Isaac, maior seruiet minori, Esau Iacobo, Iudeus Christiano.

A quo facienda propositio Credendorum.

Propositio Fidei Catholice, seu verbi Dei, debet fieri ab Ecclesia, quia Deus non reuelat immediatè & per se vnicuique fidelium mysteria, sed vult ut ea recipiamus & discamus per manum Ecclesiæ, id est per instructionem Pastorum, & Prædicatorum, quos mittit Ecclesia, quorumque doctrinam approbat, idque docet Paul. Rom. 10. *Quomodo credent, si quidem non audierunt? & quomodo audient, sine prædicante? quomodo autem prædicabunt nisi mittantur?* & 1. Tim. 4. Ecclesia vocatur columna & firmamentum veritatis, necnon & domus Dei, nam per hæc verba Paulus innuit Ecclesiam esse depositariam & tutricem veritatis diuinæ, ne explodatur à terra.

Idem in Epistola ad Hebr. recenset ordinem reuelationum diuinarum, scribens cap. 1. *Multi-*

faciam

fariam multisque modis olim Deus loquens in Prophetis, nonissimè diebus istis locutus est nobis in filio. qui per excellentiam vocatur Apoc. 1. Testis fidelis. & cap. 1. Evangelij Ioan. versu 18. dicitur Deum nemo vidit unquam; unigenitus filius qui est in sinu patris, ipse enarrauit. Non quidem omnibus indifferenter, sed singulariter discipulis suis. Luc. 8. Vobis datum est nosse mysterium regni Dei. & Ioan. 15. Vos dixi amicos, quia omnia; quacumque audiui à Patre meo nota feci vobis. Et cum surrexisset, Apostolis, quos praelegerat, seipsum vivum post passionem suam praeibit in multis argumentis per dies 40. loquens de regno Dei, & Act. 10. Petrus ait: Et nos testes sumus omnium, quae fecit in regione Iudeorum, & Deus dedit cum manifestum fieri non omni populo, sed testibus praordinatis a Deo, nobis qui manducauimus & bibimus cum eo, postquam resurrexit à mortuis, & praecepit nobis predicare & testificari. & Ioan. 20. Dixit Iesus discipulis, sicut misit me pater, & ego mitto vos. & Luc. 24. Oportebat Christum pati, & resurgere & predicari in nomine eius remissionem peccatorum in omnes gentes, vos autem testes estis horum.

Sicuti ergo Pater mittens filium suum vnigenitum, hunc signauit Ioan. 6. scilicet sigillo vel potestate edendi miracula, (latiauerat enim, cum hæc dixit, quinque millia hominum de quinque panibus; & duobus piscibus,) & cap. 5. *Opera quae ego facio testimonium perhibens de me, & qui misit me pater, ipse testimonium perhibuit de me.* Ita Christus cum dedit discipulis suis potestatem spirituum immundorum, & vt eiecissent eos, & curarent omnem languorem, & infirmitatem, vt exprimitur Matth. 10. Sine dubio dedit testimonium, quod miserat eos. Christus dicit opera, quae facit date testimonium de sua missione, vnde infert, ergo credite operibus. & Ioan. 15. *Si non venissem, & si non fecissem in eis opera, quae nemo alius facit, peccatum non haberent.* Hinc Apostoli vt notat Marc. cap. 16. *Professi predicauerunt ubique Domino cooperante & sermonem confirmante sequentibus signis.* Act. cap. 4. Apostoli otant vt Deus manum suam extendat ad sanitates, & signa, & prodigia, fieri per nomen sancti filij sui Iesu, vt cum omni fiducia loquantur verbum Dei. Olim etiam Deus mittebat Prophetas cum potestate edendi miracula. Sic Exod. 4. Moyses mittitur, vnde credatur Deum aperuisse ei & misisse eum. Sic ergo fides Christianorum resoluitur in has duas ratiocinationes.

Quicquid Deus reuelauit, verissimum & certissimum est; ergo credi debet. Quicquid docet Ecclesia Catholica ad fidem spectans, Deus reuelauit; Ergo quicquid docet Ecclesia certo debet credi à fidelibus.

Veritas primae propositionis patet ex se, solo lumine naturali; nam Deus cum sit prima veritas, non potest mentiri.

Veritas secundae confirmatur hoc syllogismo, Quicquid vero miraculo habet testimonium, id Deus reuelauit; quicquid Ecclesia Catholica docet de fide, testimonium habet vero aliquo miraculo certum; ergo est Deum reuelasse. Sic Deus testimonium suum seu reuelationem aliquantulum nobis obscuram exponit, & declarat per aliud testimonium suum clarius & euidentius, scilicet per opera supernaturalia, quorum ipse solus est causa efficiens. Quia autem Deus non potest approbare mendacium; impossibile est

errorem, & falsam doctrinam confirmatum ita per verum miraculum. Dixi per verum, ad distinctionem miraculorum Antichristi, quae Paul. 2. Thessalo. cap. 2. vocat miracula mendacij.

Hinc subsumo, nulla falsa seu erronea doctrina confirmari potest veris miraculis. Tota doctrina Ecclesiae Catholicae confirmata est veris miraculis; ergo vera est; ergo credi debet.

Nec dicas Ioannem Baptistam, aliosque Prophetas nullum edidisse miraculum, hoc enim dato, quod Ecclesiae doctrinam nullo miraculo confirmasset, ipsa tamen pluribus miraculis à Christo & Apostolis in confirmationem eius editis nititur: Nec enim dicimus doctrinam Ecclesiae ad hoc, vt pro verbo Dei admittatur deberi miraculis confirmari, quotiescumque praedicatur, aut à singulis, qui annuntiant eam, sufficit, quod aliquando hoc in eius gratiam factum perhibeatur. De cetero quod praedicatur examinari debet ad regulam primae fidei annuntiatæ, & miraculis confirmatae.

Ad hæc nota, miraculum duas requirere condiciones; prima, mirabile debet esse cuique intellectui creato, quia verò cognitio causae admirationem supprimit, necesse est causam miraculi occultam esse ex se intellectui creato, soliue Deo notam, consequenter quod talis effectus Deum solum habeat causam efficientem. Secunda, quod miraculum non sit tantum praeter ordinem naturae, sed aliquo modo contra; Defectus istius facit, quod creatio mundi, iustificatio animarum rationalis, & huiusmodi opera diuina non censentur esse miracula, quia in his nihil notatur contra ordinem & dispositionem semel datam vniuerso.

Contra verò, Incarnatio Verbi Dei, Resurrectio mortuorum, Eucharistia, sunt propriè miracula & effectus supernaturales, & contra naturales. In Incarnatione duae substantiae completæ vnica subsistunt subsistentia. In Resurrectione datur regressus à priuatione ad habitum. In Eucharistia corpus verum & naturale est sine suis dimensionibus localibus, contra regulas communes naturae.

Arguunt iniquiores, omne miraculum debere esse visibile, in Eucharistia nullum apparet; ergo non fit.

Respondeo, quod & sic dici posset de Incarnatione & vnione Verbi diuini, cum humanitate Christi; vnio enim illa non est visibilis. Dico ergo duo esse genera miraculorum. Quaedam, quae ad confirmationem fidei patrantur, & illa debent esse visibilia ad insinuandam fidem mysteriorum. Sed miracula quae sunt ipsa mysteria, apparent tantum oculis fidei; eisque subsunt. Tum non sola miracula testimonium perhibent de mysteriis fidei, supereminet verbum Dei scriptum, & traditione datum; fides ergo habet euidentiam credibilitatis per omnia praetata motiua, ex quibus homo sumit assensum, quod per hæc testificata Deus reuelauerit, innoxque assentitur propter reuelationem iis quae non videt, nec ratione capir. Hinc Basilus in Aeticeis sermone de vera ac pia fide, definit fidem. *Summa animi sine ulla hesitatione, persuasio de eorum veritate quae à Deo dicta sunt.* Vnde ego infero quod fides formam suam & differentiam essentialem desumat, non ab obiecto, sed à medio non ab eo, quod credimus, sed à ratione & motiui nostro credendi; quare qui credit Deum existere, quia Aristoteles hoc dicit, vel tres esse personas diuinas, quia

Plato

Plato aut quidam Philosophi Academici hoc innuunt, is non credit fide diuina, sed tantum humana. Sed credere montem Oliueti vicinum Hierosolimæ, vel ancillam in domo Pontificis tempore passionis Christi ianuæ domus præfuisse, & similia, quæ ex se vilia & infirma sunt, ea inquam credere solo testimonio Scripturæ, fides hæc diuina est.

De interno Actu fidei, qui est Credere.

Sanctus Augustinus lib. 2. de prædestin. Sanctorum docet, Credere, esse cogitare cum firmo assensu rei reuelatæ, actus autem talis duas habet proprietates. Prima certitudinem & infallibilitatem, quæ ex autoritate Dei reuelantis qui 1. veritas immutabilis est, oritur, tantaque debet esse hæc certitudo, ut quicquid sensus, quicquid ratio, aut demonstratio, aut quælibet autoritas suggerat, potius negandum sit, quam quod fides docet, unde quantumlibet iudicet visus, gustus, tactus, panem esse aut vinum in Eucharistia quantumlibet secundum sua principia Philosophia dicat, *Ex nihilo nihil fit*, contra creationem. *A priuatione ad habitum non est regressus*, contra resurrectionem. *Accidens non potest esse sine subiecto* contra consecrationem. In omnibus his dicit fides, nonne Deus stultam fecit sapientiam huius mundi, & si captiuat intellectum in obsequium fidei, hinc dicebat Ambrosius aufer argumenta, ubi fides queritur. Iam dialectica taceat, non dialecticis creditur sed Piscatoribus.

*Firmitas fidei
inueniuntur.*

Tanta porro est fidei firmitas ut nullam habitationem vel fluctuationem pati velit in his, quæ proponit, & qui verè credit, rationes omnes naturales, quæ fidei aduersari possent, statim reiicit, hinc Laudatur fides Abraham, cui cum Dominus filius promitteret: *Sic eris semen tuum sicut stella cæli*, non considerauit corpus suum emortuum, & uxoris suæ, cum ferè esset centum annorum. Nulla ergo physica ratione, vel consideratione senij, vel quod hoc foret contra cursum naturæ, à fide est retardatus, sed credidit in spem contra spem, id est contra cursum naturæ Rom 4. assertioni Dei posthabuit vniuersa, licet ignoraret modum quo impleri posset. Vnde dicit Apostolus, quod per hoc dedit gloriam Deo: quia contra proprium sensum & commune iudicium ac infirmam vim naturæ illi credens, agnoscebat eum esse primam veritatem, nec falli nec fallere potentem. Secunda proprietas actus fidei est Obscuritas, quæ oritur ex ipsa reuelatione, quæ nobis non est euidens, sed obscura, unde fides dici solet anigmatica, & velata.

Nota, in actu fidei triplicem esse respectum circa Deum. Primus circa Deum tanquam obiectum formale, propter quod credimus. Secundus circa Deum tanquam obiectum materiale, quod credimus. Tertius circa Deum tanquam finem vltimum, in quem ordinatur actus credendi. Hinc dici solet nos Credere Deo, credere Deum, & credere in Deum, Deo, ut narranti, seu reuelanti, Deum verò, ut rem reuelatam; In Deum, tanquam in finem, in quem refertur actus fidei, ita S. Thom. quest. 2. art. 2. Ex Augustino ser. 181. de verbis Domini, ubi ait, *aliud est credere in illum, credere illi & credere illum*, & tract. 29. in Ioan. *quid est credere in eum? credendo amare.*

Hinc oritur difficultas quod actus fidei sit in

solis iustis, quia soli diligunt, non autem peccatores, & talis est opinio S. Augustini & re ipsa actus fidei tantum secundum duos primos respectus habet peccator.

Dices ergo peccator non potest recitare symbolum, ergo falsò dicit, *Credo*.

Respondeo symbolum recitari ex persona Ecclesiæ, & eius parte profiteri veraciter symbolum, nam Ecclesia diligit, & tertium affert respectum actus fidei.

Notantes esse actus fidei, ex parte obiecti in ordine ad intellectum, scilicet *Credere Deo, Deum, & in Deum*, licet enim vnus habitus vnus sit actus, & fides sit vnus habitus cum sit vna virtus, ista tria tamen considerantur, ut vnus & idem actus, habens relationes diuerfas ad obiectum fidei. Obiectum autem fidei tripliciter considerari potest, cum enim Credere pertineat ad intellectum prout est motus à voluntate ad assentiendum, potest obiectum fidei accipi vel ex parte ipsius intellectus, vel ex parte voluntatis mouentis intellectum; si ex parte intellectus, sic in obiecto fidei duo considerari possunt; vnum, quod est materiale obiectum fidei, & sic ponitur actus fidei, *Credere Deum*, quia nihil proponitur nobis ad credendum, nisi secundum quod pertinet ad Deum. Aliud est formale ratio obiecti, quod est sicut medium propter quod tali credibili creditur, & sic ponitur actus fidei *Credere Deo*, quia obiectum formale fidei est prima veritas, cui inhæret homo, ut propter eam assentiat creditis. Si verò consideretur obiectum fidei tertio modo, secundum quod intellectus est motus à voluntate, sic ponitur actus fidei, *Credere in Deum*, veritas enim prima refertur ad voluntatem, secundum quod habet rationem finis. Ista ergo tria *Credere Deum, Deo, & in Deum*, non sunt diuersi actus fidei, sed vnus & idem habens diuersas relationem ad fidei obiectum, hanc autem distinctionem actuum fidei ponit S. Augustin. in lib. de verbis Domini sermon. 61. & tractat. 29. in Ioann.

Quæres an assensus seu actus fidei generetur per discursum. Nota duplicem esse discursum, alter sit ex propriis rei principiis, vel effectibus, alter ex sola dicentis autoritate: Rursumque in vtroque duplex ordo seruari potest, alter temporis, vel quando intellectus ex vna re cognita transit successiue ad aliam cognoscendam. Alter causalitatis, ut quando assensus vnus rei est causa vel ratio assensus alterius rei, licet vterque assensus sit simul tempore. Certum est assensum fidei nunquam generari per discursum, qui fiat ex propriis rei principiis, vel effectibus; ratio est, quia formale obiectum fidei est autoritas Dei reuelantis, & ex illa sola pender assensus fidei, ut fides est. Ergo quando discursus non fit ex autoritate Dei reuelantis, sed ex propriis principiis, vel effectibus, non potest esse assensus fidei, sed alterius virtutis intellectualis; ut si quis probaret Christum habere animam rationalem, sic omnis homo habet animam rationalem, Christus est homo, ergo, &c. nam in hoc discursu propria ratio assentiendi conclusioni non est autoritas Dei reuelantis, sed res illa, quæ in præmissis ponitur.

Dices hæc conclusio, Christus habet animam rationalem est de fide, ergo assensus illius conclusio

conclusionis est assensus fidei, ergo nititur auctoritate Dei reuelantis.

Respondeo, dupliciter possumus assentiri illi conclusioni. Primò propter præmissas in allato syllogismo, & sic non est assensus fidei, sed theologicus; qui ex vna propositione reuelata aliud per discursum elicit. Secundò propter solam Dei reuelationem, & sic est assensus fidei; Assensus autem fidei potest generari per discursum, qui procedit à reuelatione diuina, ad rem reuelatam, ita vt prius generetur assensus diuinæ reuelationis, quàm assensus rei à Deo reuelatæ. Ratio est, quia quando vnum creditur propter aliud, possunt esse diuersi assensus in intellectu, quorum vnus sit via ad alterum, sicut quando vnum diligitur propter aliud possunt esse diuersi actus, quorum vnus sit causa alterius, vt patet in dilectione finis, & mediorum; At in fide vnum creditur propter aliud, nempe res reuelata propter reuelationem, ergo possunt esse diuersi actus, alter reuelationis, alter rei reuelatæ; & intellectus potest progredi à priori ad posteriorem, siue ordine temporis, siue ordine nature, & causalitatis, & hoc clarum est in fide humana, possum enim credere vno assensu Ciceronem hoc vel illud dixisse, & alio, verum esse quod dixit.

Quæres, an maior sit firmitas & certitudo fidei diuinæ, quàm humanæ, & scientiæ naturalis.

Dixi iam, fidem nullam ferre hæitationem, ostendo hic certiores esse scientia; elicitor ex Apostolo 1. Thessal. 2. *Cum accepissetis (supple per fidem) à nobis verbum auditus Dei, accepistis id, non vt verbum hominum, sed sicut verè est verbum Dei.* Sed nihil certius est verbo Dei. suffragantur verò rationes. Ille Assensus est certior qui habet infallibilis motuum, at fides diuina hoc habet cum innitatur verbo infallibili primæ veritatis, hæc verò in testimonium aliquod humanum, adeoque fallibile resoluatur; patet ex effectu, quia si duæ propositiones, quarum alia sit de fide, alia naturaliter euidens, non possunt conciliari inter se, fidelis posteriorem abiiciet, vt adhæreat priori, quod signum est assensum fidei infusæ multò certiores esse quacumque scientia naturali: Quænam, exempli gratia, haberi potest cognitio euidens per lumen naturale, quàm ista, *Quæ sunt eadem vni tertio, sunt eadem inter se.* Vnde infertur necessariò tres personas realiter distinctas non posse eandem habere naturam: Quid euidens in lumine naturali, quàm accidentia non posse subsistere sine subiecto: adeoque substantiam panis esse in Eucharistia, & tamen vtrumque falsum esse certa fide nonimus, ergo fides per se certior est quacumque cognitione naturali.

Dices, implicat, quòd demonstratio non gignat veram scientiam, adeoque nulla potest esse certior cognitio ea, quæ per demonstrationem generatur.

Respondeo primò, fieri posse vt ea non sit vera demonstratio, quam veram putas, deinde etsi talis sit, supposito rerum ordine diuinitus instituto, potest Deus talem ordinem immutare, adeoque impedire ne ex tali combinatione causarum sequatur talis effectus, aliàs necessarius, vt si impediatur ne stупpa ab igne comburatur. Tandem esto detur talem cognitionem esse infallibilem, adhuc debemus concipere fidem esse infallibiliorē, cum magis repugnet, quòd prima veritas

fallat, aut fallatur, quàm quòd lumen naturale erret, vnde Aug. 7. confessionum, meritò aiebat se potius dubitaturum, an ipse viueret, quàm an vera sint quæ fide diuina creduntur.

Dices ille assensus est magis certus, qui magis expellit dubitationem, atqui assensus naturaliter euidens magis hoc facit.

Respondeo illum esse magis certum, qui iuxta prudentem æstimationem magis expellit dubium. At hoc modo fides infusa magis expellit, quàm scientia propter antedicta, licet ratione ineuidentiæ obiecti & propter oppositas rationes naturales interdum patiat dubitationum motus. S. Thom. respondet, quòd credens, dum dubitat, non est ex parte causæ fidei, sed quoad nos in quantum non plenè assequimur per intellectum, quæ sunt fidei.

Dices visio est certior auditu, sed fides est ex auditu; in intellectu autem & scientia, & sapientia includitur, quædam visio ergo certior est scientia, vel intellectus quàm fides.

Respondeo quòd cæteris paribus visio est certior auditu, sed si ille, à quo auditur, excedit multum videntis visum, certior est auditus quàm visus, sicut aliquis parue scientiæ magis certificatur de eo, quod audit à scientissimo, quàm de eo, quod sibi secundum suam rationem videtur, & multò magis certior est homo de eo, quod audit à Deo, qui non potest falli nec fallere, quàm de eo, quæ propria suggerit ratio, quæ falli potest.

De integritate Fidei.

Constat ex reuelatione, fidem veram & doctrinam Christi vnā esse, & indiuisā, nam in indiuisione consistit vnitas. Ephesior. 4. *Vna est Deus, vna fides.* Hinc ergo est, quòd sicut ex Iacobi cap. 2. ad iustitiam & gratiam sanctificantem necessarium est obseruare decem præcepta; nam qui peccat in vno factus est omnium reus; Ita ex Paulo; ad veram fidem credendi sunt omnes articuli fidei, & sicut ex transgressione vnus ex decem præceptis, homo excidit à gratia, ita errans in vno articulo cum pertinacia, priuatur vera fide, & consequenter spe salutis æternæ, vt habetur in symbolo S. Athanas. *Quicumque vult saluum esse, ante omnia opus est, vt teneat Catholicam fidem quam nisi integram, inuolantemque serauerit, absque dubio in æternum peribit.* Tum ex D. Tho. species cuiuslibet habitus dependet ex formali ratione obiecti, qua sublata non potest remanere species, eius formale obiectum fidei est veritas 1. secundum quod manifestatur in sacris Scripturis, ex doctrina Ecclesiæ, quæ procedit ex veritate prima; vnde quicumque non inhæret doctrinæ Ecclesiæ, sicut regulæ infallibili, & diuinæ illæ non habet habitum fidei, sed alio modo tenet ea quæ sunt fidei. Opinione scilicet & proprio iudicio. Destruitur autem in errante donum fidei demeritoriè, vt ait Scotus, sicuti charitas tota demeritoriè aufertur per vnum actum peccati, quando Deus in vno solo præcepto offenditur. Ex prima Timor. 1. habetur Hymeneum & Alexandrum naufragasse circa fidem, id est fecisse iacturam fidei; vt interpretes exponunt, illi autem non errabant circa omnes articulos, sed tantum circa resurrectionem, & abrogationem legis. Tum qui errat pertinaciter in aliquo fidei

fidei puncto, est extra Ecclesiam, at extra illam nulla est salus; ergo talis non habet ullam fidem, tum regula infallibilis proponens res fidei est Ecclesia, at cum hæreticus recedit ab Ecclesia, recedit etiam à rebus fidei, quæ ab Ecclesia, tanquam à recta regula proponuntur, consequenter in eo non est actus fidei supernaturalis, addo Conc. Trident. sess. 6. cap. 15. asserere ipsam fidem amitti per infidelitatem, gratiam verò iustificantem per quodlibet peccatum mortale, etsi fides non amittatur. Vnde patet oppositam sententiam reiici tanquam erroneam de illis qui aliqua credunt, alia reiiciunt dici potest quod dicebat August. lib. 6. contra Faust. cap. 13. *Qui in evangelio quod vultis, creditis, quod non vultis, non creditis, vobis, potius, quam Evangelio creditis, quia cum suum cuiusque animus auctor est quid in quaque scriptura, probet, vel improbet, non se iam auctoritatis scripturarum ad fidem, sed sibi scripturas subicit ipse ad voluntatem.*

Calvinista ergo qui credit Deum trinum, & vnum, non id credit fide divina, quia Deus dixit, nam etiam dixit, Deus corpus Christi esse in Eucharistia, sed fides eius resoluitur in persuasionem quandam humanam, & privatum iudicium, quo sibi persuadet Deum hoc potius revelasse, quam illud; vnde hæreticus vocatur ab electione, hæresis enim idem est, quod electio.

Dices cum Durando qui ex Catholico sit hæreticus, eadem facilitate credit quædam mysteria, quæ ante credebat; ergo per eundem habitum, tum ea credit propter solam revelationem quæ est formalis ratio fidei, tum habitus potest consistere cum aliquo actu contratio.

Respondeo facilitatem credendi oriri non ex habitu pristino, sed ex consuetudine pristina, quam contraxit, & dico eum ea credere, non propter revelationem divinam propositam ab Ecclesia, sed propter eandem revelationem ex persuasionem propria acceptam. Quod si natura habitus non destruitur per vnum actum, quia non habet repugnantiam formalem inter se, non potest tamen consistere, spectata Dei voluntate, quæ vult perire habitum fidei per actum infidelitatis.

Instabis sicut homo obedit Deo ad credendum articulos, ita & ad servanda præcepta legis, sed homo potest esse obediens circa quædam, & non circa alia, ergo & fidelis licet non credens aliquem articulum.

Respondeo diuersa præcepta posse referri, vel ad diuersa motiva proxima, & sic vnum potest servari sine alio, vel ad vnum motivum primum, quod est perfectè obedire Deo, à quo deficit, quicumque vnum transgreditur, ut dicit Iacob, *qui in uno peccat, factus est omnium reus.* In fide autem est vna formalis ratio mouens, scilicet prima veritas, quæ verax haberi debet in omnibus.

Dices intellectus hæretici non est potentior intellectu Catholici, sed intellectus Catholici indiget adiuuari ad credendum quemlibet articulum, ergo nec hæreticus potest aliquem credere sine dono fidei saltem informi.

Respondeo cum S. Thom. quod alios articulos, de quibus hæreticus non errat, non tenet eodem modo, quo catholicus, scilicet inhærendo simpliciter primæ veritati, ad quod indiget ho-

mo adiuuari per habitum fidei, sed tenet ea quæ sunt fidei propria voluntate & iudicio.

Dices hæretici non dubitant de autoritate Dei revelantis, quasi ea fallax sit, sed dubitant, an ipsi articuli sint revelati à Deo, necne, nam si crederent revelatos, mox acquiescerent. Hinc subodorare omnes ferè controuersias pendere à cognitione legitimæ Ecclesiæ.

Respondeo tamen hæreticos dubitare, & de autoritate Dei revelantis, & de ipsis articulis, an sint revelati, nullos enim admittunt, eo quod Ecclesiæ eos proponat revelatos sed quos ipsi ex privato spiritu, & propria persuasionem iudicant esse revelatos, patet exemplo nam si quæras à Catholico, an epistola Iacobi sit Canonica, respondet esse, quia id definiuit Ecclesia. Hæreticus non curat iudicium Ecclesiæ nec Lutheri aut Calvini negantium, hos enim homines errori subiectos ait, quid ergo mouet eum, propria phantasia & superbia, qua plus sibi arrogat, quàm Ecclesiæ & Pastoribus suis, vnde non mirum si nouatores circumferantur omni vento doctrinæ in nequitia, vel ut græcus legit in alea hominum, ut ait Paulus, significans inconstantiam & leuitatem aliquorum, qui velut de fide aleam iaciunt, & quasi ad iactum alex doctrinam mutant, iuxta cerebrum & somnia sua.

Nota ad integritatem fidei credenda esse, quæ scriptura sacra reuelat, & quæ Traditio docet, sed de hac in suo Tractatu agemus abundè.

Quæres vtrum sit necessarium credere ea, quæ probari possunt ratione naturali.

Respondeo ex S. Tho. affirmatiuè idque propter tria. Primò ut homo citius perueniat ad cognitionem diuinæ veritatis, scientia enim, ad quam pertinet probare Deum esse, & alia eiusmodi de Deo proponuntur vltimò hominibus addiscenda præsuppositis multis aliis scientiis, & sic nonnisi post multum tempus vitæ suæ homo peruenit ad cognitionem Dei. Secundò ut cognitio Dei sit communior, multi enim in studio scientiæ proficere nequeunt, vel propter hebetudinem ingenij, vel propter alias occupationes & necessitates temporalis vitæ, vel etiam propter torporem addiscendi, qui omnino fraudarentur cognitione Dei, nisi eis proponerentur diuina per modum fidei. Tertiò propter certitudinem, ratio enim humana est multum deficiens in rebus diuinis, cuius signum est, quia Philosophi de rebus humanis perscrutantes, ratione naturali, errarunt in multis, & sibi ipsis contraria senserunt. Ut ergo esset indubitata certaue cognitio de Deo apud homines, oportuit quod diuina traderentur per modum fidei, quasi à Deo dicta, qui mentiri non potest.

Dices ea credere necessarium est, de quibus est fides, sed non est de eodem scientia & fides, quia omnis scientia habetur per aliquam propriam per se nota, & per consequens visa, cum non sint in intellectu, quin prius fuerint in visu, & ideo oportet, quæcumque sunt scita aliquo modo, visa esse, fides autem est rerum non apparentium, Cum ergo scientia sit de omnibus, quæ naturali cognitione, seu ratione haberi possunt, videtur quod non oportet credere, quæ per rationem naturalem probantur.

Respondeo, quod non potest esse scientia, & fides de eodem apud eundem, sed id quod est ab

In hæreticis non est fides divina, illa enim destruitur demerito primo errore pertinaci, fides enim aliorum articulo- rum quos credunt non est divina quia resoluta est in persuasionem humanam.

Obiectum materiale fidei.

ab vno scitum, potest esse creditum ab alio, id tamen, quod communiter proponitur hominibus ad credendum, communiter non scitum est, & illa sunt quæ simpliciter fidei subiant, & ideo fides & scientia communiter non sunt de eodem.

Instabis, ergo non est meritorium credere; tamen Heb. 11. dicitur, quod sancti per fidem adepti sunt repromissiones; quod non esset, si credendo non mererentur. Tum credere est actus intellectus assentientis diuinæ veritati, & imperio voluntatis seu ex libero arbitrio moto à Deo per gratiam, & omnis actus humanus, qui subicitur voluntati, si sit relatus in Deum, est meritorius. Consequentia patet, nam qui assentitur credendo cuidam veritati, habet causam sufficientem inducentem, ut constat in scitis, aut non, si habet, ubi est meritum, cum non sit ei liberum credere, aut non credere, si non habet, ergo leuiter est credere, ut dicitur Ecclesi. 19. *Qui cito credit, leuis est corde*, sicque non videtur mereri.

Respondeo, in scitis non esse tantum meritum vel nullum, posito casu quod homo non habeat voluntatem credendi ea, quæ sunt fidei, nisi propter rationem, & hic currit ratio S. Gregorij homil. 26. in Euang. *Fides non habet meritum ubi ratio humana prebet experimentum*. Quando autem homo habet voluntatem credendi ea, quæ sunt fidei ex sola Dei autoritate, etiam si habeat rationem demonstratiuam ad aliquid eorum, ut Deum esse, &c. non propter hoc tollitur, vel diminuitur meritum fidei. Ille autem, qui credit, habet sufficiens inductiuum, inducitur enim autoritate diuinæ doctrinæ confirmatæ miraculis: Et quod plus est, instinctu interiori Dei inuitantis; unde non leuiter credit, habet tamen sufficiens inductiuum ad scientiam, & ideo non tollitur ratio meriti; Quare Petrus 1. 3. inducit ad querendas rationes non ut credamus, sed ut magis & firmitus suscipiamus, quæ sunt fidei, parati, ait semper ad salutem & satisfactionem omni poscenti vos rationem reddere, de ea, quæ in vobis est, spe; non induceret autem ad hoc studium si tolleretur meritum.

Dices, contrariorum contrariæ sunt causæ: sed id, quod inducitur in contrarium fidei, huc sit persecutio cogentis ad recedendum à fide, siue etiā sit aliqua ratio hoc suadēs, auget meritum fidei ergo ratio conadiuuans fidem minuit meritum.

Respondeo, ea quæ repugnant fidei, siue in consideratione hominis, siue in persecutione exteriori, in tantum augent meritum fidei, in quantum ostenditur voluntas magis prompta, & firma in fide, & ideo Martyres habuerunt maius fidei meritum non recedentes à fide propter rationes Philosophorum, vel hæreticorum, contra fidem allatas, sed ea quæ conueniunt fidei non semper diminuunt meritum fidei.

Quæres, an fides Christiana sit melior seu perfectior fide, seu Religione Patrum primi sæculi, sub lege Naturæ & Religione Mosaica Iudæorum.

Respondeo primò, si in prima hominum ætate cibus communis ad vitam longævam, nil aliud erat, quàm simplices herbarum, fructuum & aqua, cur frugalis & purus hic usus transiit & mutatus est in lauiorem, in quo exquisiti cibi & generosa vina assumuntur, quia vita ista pinguior & melior est illa primigena. Idem dicam de Religione Christiana, quæ ut ait Christus, iugum suauis &

onus est leue. Respondeo itaque perfectiorem esse legem Euangelicam, ideo aliis subrogatam à Deo.

Respondeo secundò, eandem essentialiter esse fidem & religionem Christianorum cum primis duabus, idque ratione eiusdem obiecti, eiusdem scilicet Dei, ratione eiusdem formæ, quæ est fides, & ratione eiusdem finis, qui est Dei gloria & salus hominum.

Includebatur Religio Christiana in lege naturæ tanquam in matrice, & in Mosaica tanquam in sincipitibus, iam sui est iuris, nec sub tutoribus, adulta & grandis facta in plenitudine temporis. Nam Patres eundem venerabantur & colebant Deum quem nos, illi quidem ut venturum in carne, nos autem ut incarnatum, ita ut omnes eandem profiteantur fidem, eademque credant illi ut promissa, nos ut data.

Lex Mosis & Euangelica, eundem habent scopum, seu finem, gloriam scilicet seu vitam æternam, Moyses hanc à longè prospiciebat, nos uti propinquam. Lex ergo Mosis & Christiana idem sunt, quantum ad substantiam, differunt tantum, quantum ad praxim seu ritus. Nam ut docet Paulus, *Unus est Deus qui iustificat Circumcisionem ex fide, & præputium per fidem*.

Rom. 4.

Quod autem Lex Naturæ eandem professæ sit nobiscum religionem, testatur Scriptura, *Agnus occisus est ab origine mundi*, id est, merita operum Patrum, in meritis Christi, sanguinisque eius effundendi, in cruce fundabantur, unde quælibet antiqua sacrificia figuratiua erant mysterij Redemptionis per Christum consummandæ. Unde euidenter sequitur Fidem, Legem & Religionem Patrum & Iudæorum substantialiter non differre à nostra, etsi in ceremoniis maximè dissidere planum sit. At, inquires, si vtrique legitima & sancta, cur duplex mutatio facta? legi naturæ, succedit Mosaica, ista autem euacuatur per Euangelicam.

Apo. 7.

Respondeo, sic à sapientia Creatoris statutum aut inspiratum, in primo & secundo statu nondum capaces erant homines Euangelicæ legis, quæ terrena non sapit, sed spiritum & veritatem lætatur profundius, religio itaque Christiana nobilior censetur, nec à primis distinguitur, quasi specie differens, sed tantum ut perfectior, commendatio autem religionis non petitur ab antiquitate introductionis, sed ab institutoris sanctitate, inutile & friuolum est querere à quo tempore conspirarint Gentes in Dei cultum, vnum est notare, quomodo coluerint & religiosè ei seruiuerint, quod nouum habetur nunc, annosum erit, & quod tale nunc est, recens fuit.

Dices, Deus æternus est, ut quid ergo nouis colitur ritibus.

Respondeo, noua non sectari Christianos Deum colendo, sed ipsos tardè in cultu perfectio & vera adoratione instructos.

Instabis, cur tam serò data, ipsis forma perfectæ religionis.

Respondeo, omnia, quæcumque voluit Dominus, fecit in cælo & in terra, fecit inquam quando voluit, quis contradicet Domino?

Quis iste nouus colendi Deum ritus apud Christianos?

Respondeo; Christum hunc statuisse Ioan. 4. *Veri adoratores adorabunt Patrem in spiritu & veritate*, hinc habetur Deum esse obiectum adorationis,

adorationis, qui cum unus sit in essentia & trinus in personis consubstantialibus simul adorantur. Pagani non adorant in spiritu & veritate, sed in errore & mendacio, Deo enim vero idolum quod nihil est supponunt. Patres primi sæculi & Iudei adorabant quidem in spiritu, cum verum Deum colerent, sed non in veritate, ut faciunt Christiani, sed in figuris quibus in Euangelio successit veritas & corpus pro umbra, verumque sacrificium à Deo humanato institutum, quod ex opere operato peccata delet, confert gratiam, & pignus est gloriæ, quæ est finis religionis sanctæ.

*De necessitate introducenda fidei
Christiana.*

Multi hodie arbitrantur sufficere ad salutem notitiam; eorum quæ ratio naturalis & Philosophia ostendunt; durum enim videtur eis, hominem obligari ad fidem eorum, quæ non percipit sensu, qui ipsi est organum sciendi; Adde quod in fide passim habent & notant difficultates, quæ literatores excitant & obruunt.

Respondeo, si eam tantum notitiam de Deo habetemus, quam humana ratio & Philosophia suppeditant, pauci admodum Deum noverunt, & peritiores pauca sciunt de illo; Homines enim maiori ex parte incapaces sunt scientiæ, vel ex indispositione corporali, vel ex ignavia; non enim in molli, ut dicitur, querenda est scientia lecto; quæ duro & assiduo comparanda est labore, & studio; vel ex continua iactatione & perturbatione mentis, ex variis passionibus, quæ acquirendæ sapientiæ opponuntur. Anima enim, ut Philosophus ait, quiescendo fit sapiens.

Præterea intellectus humanus variis involuitur imaginationum; & opinionum, ex varietate occurrentium obiectorum conceptibus, quos & multiplicat erga vnum & idem obiectum, aliquam efformans ideam, eamque amplectens, moxque eandem contraria inducta reprobat. Ratio humana facile in varia distrahitur, quæ pro diversitate verisimilitudinis efficitur, de ea imaginationis diversa de eodem elicit iudicia; Nemo tam convincentem affert rationem, quin alteri apparenter fortiori detur locus. Plato v. g. excludit munera, sic illis ad malum inducatur quæ ea acceptat. Aristippus ea acceptabit, eo quod vitum constantem & vera virtute præditum, concutere nequeant, si Pompeius milites suos è loco, & statione non dimouet, iubens eos expectare Pharsaliæ, Cæsar è contrâ, aggressionem suis imperabit, quasi ex cursu & impetu sit excitandus ardor eorum, & augendum robur, quod tamen Pompeius firmius ad resistendum credit in statione. Ita ergo quilibet ad libitum rationes excogitat, ad stabiliendam suam sententiam, qualiscumque ea sit, ut errores proprii ingenij, & affectus veritate aliqua excogitata admittendos esse præbet: sic enim veritas rerum naturalium & humanarum, se habet veluti species & pulchritudo mulierum; quæ ut plurimum ab imaginatione pendet.

Hinc ut patet ratio humana, quæ omnia discit, discutit, iudicat, ut plurimum errat in sui ipsius notitia, sequere regulam inflexam, erroneam & deficientem prodit, cum in sui examine versatur, nec enim novit quid ipsa sit, unde sit, quove tendat, & quomodo in corpore & per corpus agat, naturam suam & effectus non capit

Carrière in Professionem Fidei.

plene, sed de iis hæsitando balbutit, unde Plinius non sine ratione dixit omnia incerta esse, si rationem spectemus & in maiestate naturæ abscondita, quod procul dubio didicit à Platone, qui naturam dixit poësim ænigmaticam; id est pulchritudinem ordinatè compositam, obscuram tamen & oculis nostris inaccessam.

Si ergo naturali duntaxat cognitione fruemur, nihil certum & stabile habebimus, cum rationes naturales inter se pugnant, ipsamque rationem sibi dissimilem, & contrariam experiamur.

Verum Repugnantia huiusmodi & diversitates non habentur in fide, quam imaginatio humana, & sensus non discit, aut regulat, vnicum enim hæc habet simplicissimum obiectum Deum ipsum, sua mysteria reuelantem; quanto autem veritas maior, & perfectior est, tanto firmior & infallibilior est certitudo.

Reihnus exemplum in mechanicis artibus animaduertit, quæ in dies profecerunt, & ad perfectionem adducere videntur. E contra verò Philosophia, Iurisprudentia, Medicina, obliuiores & emergentibus quotidie nouis obscuritatibus implexæ comprobantur; ratio est, quia in mechanicis artifices vniuntur in obiecto professionis suæ, & in vnitatem perfectionis eius conspirant; At in scientiis liberalibus diuiduntur ingenia, discipulus à magistro diuellitur, & dehiscit, quisque sectam & scholam facit pro varietate conceptuum, & opinionum verisimilitudine tantum constantem.

Hinc ergo liquet maxima nos obruendos confusione, & tenebris, si sola ratione naturali res diuinas apprehenderemus; Nouæ etenim in dies emergerent assertiones, & quisque sibi fidei articulos effingeret, & credendos proponeret.

Si de Philosophiæ dictamine est quæstio, hoc procul dubio non minori confusione, quam ratio naturalis subiaceret. Nam Philosophorum dogmata & scripta, innumeris latent circa notiora contradictionibus; Mundum vnicum extare alij dixerunt, alij infinitos posuerunt; Hunc in tempore productum, alij ab æterno existere crediderunt; Multi providentiam mundo præsidere asseruerunt, alij fortunæ & casui, vel fato omnia commiserunt; Immortalitatem animæ permulti stabilierunt, non defuerunt tamen, qui vnâ cum corpore perituram dixerent; Qui ab immortalitate eius steterunt, transmissionem earum in corpora brutorum induxerunt; Qui mortalitatem earum sustinuerunt, eas idem quod corpus pati fatum seu exitum dixerunt.

Si de felicitate hominis est quæstio; quisque in sensu suo abundat. Quidam in voluptatibus corporeis, alij in contemplatione, alij in fama statuunt; Si de scientia agitur, multi solis sensibus adherendum autumant; Alij non eis credendum esse affirmant; unde tertia inde emersit opinio, nullam scilicet certam haberi scientiam, sed omnia in apparentia consistere, quam effingit imbecillitas mentis humanæ, sicque problematici affirmantes & negantes pro argumentorum incertitudine, omnia sub lite relinquebant sectatores illi; unde Theodoretus optime dixit, opiniones Philosophorum non esse confutandas & euertendas, cum seipsas ex immixta confusione & contrarietate euertant, cum tot inter ipsos sine sensu, quot capita, eaque veluti malè concinnata horologia dissonantia in omnibus; nam, ut ait

C

Strabo

Strabo. Philosophi aliquā nouerunt de creaturis, sed paucissima de rebus diuinis, eaque cum obscuritate maxima, & maiori cum ignorantia, quam scientia.

Cum ergo nulla reperiatur certitudo, aut soliditas in rationibus naturalibus, ob diuersitates fluctuantium opinionum, & ipsa Philosophia hominum erroribus & contradictionibus obuoluta comprobetur, Oporteat autem Dei noticiam firmam, & stabilem esse, hanc sola fides reuelata proferre potest, in quantum emanat à Deo & reuelationem ostendit, non autem rationem aut Philosophiam.

Addo præterea rationem naturalem non sufficere ad salutem hominis; ratio enim est pars hereditatis nostræ, & substantia, ut aiebat prodigus, quæ nos contingit, fides autem est merè donum Dei, ab eius pura liberalitate emanans, si autem sola ratio satis esset homini, ad salutem æternam, eam propriis attingeret viribus, sicque præsumptionis Luciferanæ conscius, & reus esset, qui ad beatitudinem infinitam ex se solo, ut testatur Ezechiel, adspirauit; quod tamen impossibile esse, ratione ipsa demonstratur; requiritur enim proportio inter finem; & media ad ipsum, nulla autem est inter virtutem finitam hominis, & beatitudinem æternam, quæ est obiectiue infinita; & consequenter nili mutetur homo à fide vires aliquas, (hæc enim ut cælestis & diuina proportionem quamdam cum beatitudine sortitur, ad quam nos eleuat & tendere facit) nusquam homo ad supernaturalem finem suum pertingeret. Dato autem, quod sola ratio sufficeret ad salutem, quam exiguus saluandorum esset numerus, is acuto & perspicaci iudicio & viuaci pollens ratiocinatione. hinc excluderentur tardi ingenio, & ferè omnes illiterati, quod obstat Bonitati Dei, qui Pater est omnium, omnesque vult saluos fieri quare prouidet de medio omnibus generaliter profuturo, fide scilicet viua, & charitate formata, quam docti & indocti, & indifferenter singuli habere possunt, imò paruuli, nec non & idiotæ præ sapientibus mundi, ex literatis, ex fide proficiunt; humilis enim ignorantia, & mentis demissio præualet scientiæ, quæ ipsat, plûsque fidei interdum experimur inter plebeios, quam inter aulicos, & alta sapientes, faciliusque indocti assentiuntur mysteriis diuinis, quæ fides proponit, quam Rabbini, & magistri in Israël & orbe.

Quæres cur sublimia mysteria proponuntur de fide credenda, sineque eius materiale obiectum, cum obscuratus & excutens sit humanus intellectus, & ratio eius humil reptans, vixque naturalium, & sensibilibus capax, ut experientia constat.

Respondeo triplici de causa proponi nobis & reuelari, quæ captum nostrum superant. Primò ad deprimentendam præsumptionem nostram, siquidem, quæ erroris mater est, sic emendatur, cum enim intellectus noster, nolit rebus assentiri, nisi in quantum eas imaginatur veras, notatque falsitatis quæcumque non potest assequi, hinc fides ei proponitur, quæ insolenti hoc fastu depresso, in se reflectitur, & humiliter de se sapere cogitur, iuxta sapientis præceptum Eccles. 3. *Alisiora te ne quæsieris*, multa enim supra sensum ostensa sunt tibi.

Secundò, captiuamur sub iugo fidei ad Dei scilicet gloriam, & commendationem, cuius operatio probatur illo digna, quanto sublimia, &

incomprehensibilia; potentia enim supremæ, nec non sapientiæ, & bonitatis est, ea facere, quod maiora cogitari nequeant. Qualia sunt, mundum in principio producere ex nihilo, eumque modo impetetrabili, nec non & indeclinabili gubernare. Quid ineffabilius, & omni dignius acceptatione, quam Deum in vtero virginis humanari, mortem subire, sicque vitam æternam homini comparare? Quid gloriosius, quam suscitare scriptum è mortuis, & coheredes gloriæ suæ homines efficere?

En quæso; studiose Lector, quomodo Deo digna mysteria proponat fides Christiana, quibus diuina exaltatur maiestas, & humana deprimatur arrogantia; hinc scriptura agens de fide, docet eam dare gloriam Deo; sic Paul. Rom. 4. *Abraham confortatus in fide dedit gloriam Deo sciens plenissime, quia quæcumque promissit Deus, potens est facere.* Vno verbo omnia dicam; hæc est Dei gloria, quod credamus ipsum posse facere, quæ capere non possumus, quia maior est nobis & rapina contumeliola est, nolle alia credere, quam quæ intellectus & imaginatio humana mortalis & obscurata capere potest.

Tertia ratio sublimitatis, Christianæ professionis, & fidei, tendit ad auulsionem cordis humani à terrenis affectibus; Cognitio liquidem affectum præcedere debet, sicut aurora diem; nec enim incognita amare possumus; Omnes autem tendimus in Deum, & ut ipsa Philosophia docet, summum Bonum habemus pro fine, & termino; hoc verò positum asseritur in contemplatione primæ veritatis, ad quam tamen nequit pertingere ratio; & Philosophia sæculi, ob improporcionem finiti ad infinitum. Tunc verè Deum nouimus, cum ipsum superexcedentem mentes nostras intelligimus, quando autem solo naturæ dictamine, & rationis acumine apprehendimus, eum non ut Deum percipimus, sed ut ens singulare. Nam Deus est essentialiter infinitus, & actus purus, ut docet Theologia; infinitum autem non cadit in finitum intellectum.

Proponendum ergo est aliquid diuinum intellectui humano, superans rationem eius, ut inde ad cælestia & superna anhelare, & ferri discat. Nouit hoc medium Aristot. quod inseruit cap. 3. Ethicorum, *ut homines à sensibilibus ad honestatem deducantur, oportet ostendere bona his potiora, quorum gustu suauius delectentur &c.* cap. 10. *Oportet hominem ad diuina trahere; quia licet de diuinis parum habeant, illud parum excedit omnia:* audierat hæc Aristoteles à præceptore suo Platone; qui in Tymæo declarans generationem rerum, & supremorum excellentiam, concludit, *fidem esse hereditatem hominum, ut ab imis ad summa renocemur, atque ut id, quod ortum est, recipiat hereditatem, per fidem veniendum est ad veritatem.*

Quam ergo necessaria sit fides, ut ad cognitionem Dei deueniamus, quæ sola viam parat ad æternam felicitatem, ex his duobus omnium maximis Philosophis colligitur. Quibus adde reuelationem ipsius authoris fidei Christianæ Ioan. 3. expressam. *Hæc est vita æterna, ut cognoscant te Deum patrem, & quem misisti Iesum Christum.*

De Effectibus fidei Christianae.

SANCTUS THOMAS ponit timorem ex Iacobi 2. *Damones credunt & contremiscunt*, eius Conclusio hæc est, Cum per fidem informem apprehendamus Deum iustum, scelerum vltorem, & per fidem charitate formatam apprehendamus ipsum esse quoddam summum & altissimum bonum, à quo separari pessimum est; necessarîo ex illa nascitur in nobis timor seruilis, ex hac verò filialis.

Ponit etiam purificationem cordis, ex Petro Act. 15. *fide purificans corda eorum*, nam cum homo per fidem Deo & diuinis inhæreat, consequitur in eo purificatio à peccatis, & eò maior, quò maiori charitate fidelis fuerit præditus, ad hæc S. Thom. dicit, quòd impuritas cuiuscumque rei consistit in hoc, quòd rebus vilioribus miscetur, non enim dicitur argentum impurum ex auri mixtione, per quam pretiosius redditur, sed ex plumbi, vel stanni mixtione; clarum autem est, quòd rationalis creatura dignior est omnibus temporalibus, & corporalibus, & ideo redditur impura ex hoc, quòd temporalibus se subiicit per amorem, à qua impuritate purificatur per contrarium motum, dum scilicet tendit in id, quòd est supra se, scilicet in Deum, in quo quidem motu, primum principium est Fides, *accidentem enim ad Deum oportet credere*. Et ideo primum principium purificationis cordis est fides, qua erroris impuritas purificatur, quæ si perficiatur, per charitatem formata, perfectam purificationem causat.

Quæres, vtrum in Beatis sit Actus, vel habitus fidei. S. Thom. respondet negatiuè; de Actu probatur ex 1. Corinth. 5. *videmus nunc per speculum, iune autem facie ad faciem*. 1. Corinth. 3. *nunc ex parte cognoscimus, & ex parte prophetamus, cum autem venerit, quòd perfectum est, manebitur, quòd ex parte est*, id est fides, quæ propter obscuritatem dicitur cognitio ex parte, excluderetur aduentu claræ cognitionis in cælis habendæ.

De habitu etiam negatur; frustra enim conseruaretur, vbi actus non est possibilis; habitus enim conseruatur ob actum.

DICES, etsi Beati Deum clarè videant, non tamen futuram resurrectionem, & vltimum iudicium intuituè cognoscunt, sed obscurè credunt, propter auctoritatem Dei reuelantis; hoc autem sufficit, vt in iis ponatur habitus fidei.

Respondeo cognitionem illam non esse fidem, quia etsi res credita, sit in se obscura; Beati tamen clarè norunt Deum esse, qui reuelat; eumque euidenter sciunt eum non posse mentiri, hinc per euidentem consequentiam ponunt rem reuelatam esse veram; quæ cognitio non tam ad fidem, quàm ad scientiam spectat.

Quæres, an Dæmonibus vel Damnatis sit fides actus, vel habitus.

Respondeo negatiuè; quia habitus non conseruatur, nisi in iis qui possunt habere actus, at actum habere nequeunt. Probat, quia ad eum eliciendum necessaria est pia affectio voluntatis, talem actum imperantis, ob reuerentiam diuinitatis, vt ei tanquam primæ veritati debitam: at damnati continuò malè affecti sunt erga Deum.

Tum actus non potest elici sine speciali auxilio

Carriere in Professionem Fidei.

Dei quo carent: Neque obstat Iacobi textus 2. *Damones credunt, & contremiscunt*: Num ibi est sermo de fide naturali in eo posita, quòd mysteriis fidei assentiantur, coacti rationum vel signorum euidentia, qua ratione credunt Deum esse, & peccata vindicare conuicti propria suæ damnationis experientia: Neque obstat quòd character dicitur remanere in damnatis, id namque est, vt fideles distinguantur ab infidelibus.

Quæres, an fides sit in Purgatorio.

Respondeo affirmatiuè; quia gratia, & charitate prædictæ animæ eliciunt actum supernaturalem amoris erga Deum: ergo eum etiam supernaturaliter agnoscunt, adeoque per fidem, quamuis autem non mereantur, quia sunt extra viam, tamen habent spem de possidenda gloria; spes autem supponit fidem.

De Externo Actu fidei.

ACTUS externus fidei est professio catholicismi, seu externa confessio, qua quis significat internum fidem, quam profiteatur, iuxta illud Rom. 10. *corde creditur ad iustitiam, ore autem fit confessio ad salutem*. Externa ergo confessio, quando supponit internum fidei assensum, est actus virtutis fidei, quæ est in potentia intellectiua animæ. Ratio est quia externa confessio ex natura sua ordinatur ad internum assensum, sicut signum ad rem signatam, ergo habet eandem honestatem virtutis, quam habet internus assensus.

Confessio externa fidei ad salutem necessaria est necessitate præcepti affirmatiui, quo iubemur fidem Christi profiteri suo tempore. Hoc præceptum; cum sit affirmatiuum, non obligat omni tempore, sed pro aliquo, quando scilicet confessio est ad honorem Dei, vel proximi. Ad hæc vide Casuistas, & quæ in vltimo Tractatu, iuxta ordinem articulorum Professionis asseremus.

Professio autem distincta & articulata Catholicismi hæc est, quam præposuimus in limine Libri, quæ Symbolum Nycænum expositiuum Apostolorum præfert. Est autem Symbolum Apostolicum formula fidei Christianæ breuiter comprehendens primaria capita nostræ religionis, quæ omnibus expressè credendo proponuntur. Hanc formulam Symbolum vocatur primò, quia ex variis sententiis, quas singuli Apostoli in commune contulerunt, est conflata, Symbolum dicitur à *syn*, quòd est simul, & *bolus*, quòd est morsellus, quia quisque Apostolorum morsellum suum, id est partem suam, apposuit. Sic habet Glossa in Rubr. de Summa Trinitate. Vel, secundum Dionysium, à *syn*, quòd est con, & *bolus*, quòd est sententia, vel conuenientia; quia de Apostolorum duodecim conuenientia stabilitum fuit. Secundò, quia est velut nota, & tellera, qua falsi fratres, qui Euangelium corrumpebant, & desertores erant fidei, à veris dignoscebantur Christianis, sicut enim inter milites datur nota, & tellera, vt se mutuò agnoscant, ita & inter milites Christi. Sic & nouatores habent speciales fidei, quam inducunt, confessiones; & Turcæ habent Alcoranum suum, hoc est fidei Mahometanæ confessionem. Ipsi ergo Apostoli, tanquam Patres fidei, Fundatores Religionis Christianæ, Magistri doctrinæ Euangelicæ, Legati Christi, Coadiutores eius in opere Redemptionis, hanc formulam omnibus Ecclesiis tradiderunt.

Conuenienter autem ponuntur articuli fidei in

C 2

Symbolo,

Symbolo, licet sacra Scriptura sit regula fidei, cui nec addere, aut detrahre liceat, ut Deuter. 4. dicitur: Nam veritas fidei in Scriptura diffusè continetur, & variis modis, & in quibusdam obscurè, qui longo studio & exercitio indigent; quare veritates collectæ sunt summarie ex sententiis Scripturæ, & mysteriis, quæ credenda iniunxit Deus.

Miraberis fortè, Candidissime Lector, Ecclesiam Catholicam in publicis confessionibus, in solemni Missæ officio, necnon in expressa Professione fidei, diuersum ab Apostolico Symbolum usurpare, licet illudmet Apostolorum, quod est signaculum fidei primitiue Pastores fidelium proponant diebus Dominicis populo addiscendum, & memoriter cum Oratione Dominica habendum, ita ut ipsa Ecclesia nullum aduultum admittat ad Baptismum, quin profiteatur se contenta in Symbolo Apostolorum credere. Sed si benè aduertens nihil omnino distonat vnum Symbolum ab altero, sed vnum est expositiuum alterius; siquidem, cum ut ait Paulus: *Oportet hæreses esse*. Hæ articulos fidei expressos in Apostolico concusserunt, & deprauarunt: Æmula igitur sponsa Christi Ecclesia Catholica, celestis veritatis sibi consignatæ Concilia indixit in Spiritu Sancto legitime congregata, & aduersarios fidei condemnans, implicitas in articulis Apostolicis veritates, vel declarauit, vel expressius reddidit. Itaque Nycæna Synodus 318. Patribus constans, sub Syluestro Papa, & Constantino Imperatore, anno Domini 325. in Nycæa ciuitate Bithyniæ congregata, ad anathematizandam omnem hæresim pullulantem, specialiter Euzoianorum, Arrianorum, Macedoniorum, Photinianorum, & Apollinarianorum, edidit symbolum, in quo omnipotentiam Patris in creatione rerum extendit ad facturam omnium visibilium, & inuisibilium. Declarat naturam filij, natum scilicet ex patre ante sæcula, vnigenitum, Deum de Deo, *homousion*, hoc est consubstantiali Patri, & per quem omnia facta sunt. Incarnationis mysterium pro hominibus, seu ad eorum salutem factum docet.

Deinde Concilium Constantinopolitanum 150. Patrum, contra Macedonium Episcopum Constantinopolit. qui negabit Spiritum Sanctum Deum esse, celebratum temporibus Gratiani, & Theodosij Imperatorum, sub Damaso Papa, pro diuinitate, & consubstantialitate Spiritus Sancti, vnum ex principalibus Conciliis, & quidem proximum Nicæno, anno Domini 381. celebratum, decreuit fidem eius inuolabiliter custodiendam esse, & declarauit Christum natum ex Maria, illaque semper Virgine; expressit præterea Christum venturum cum gloria ad iudicium finale, regni-que eius non esse finem. Quæ ad essentiam & diuinitatem Spiritus Sancti spectabant declarauit, docens illum esse Dominum, & viuificantem, ex Patre procedentem, cum Patre, & Filio adorandum, & glorificandum; qui locutus sit per Prophetas. Docuit Ecclesie vnitatem, eamque Apostolicam, & vnum eius Baptisma in remissionem peccatorum declarauit. Nouis postmodum exortus difficultatibus circa processionem Spiritus Sancti. Concilium Florentinum sub Eugenio IV. Papa 1438. definiuit esse de veritate fidei, ut credatur à Patre, Filioque procedens. Sic Apostolicum Symbolum pro varietate temporum, & insurgentium hæreseon expositum, & declaratum

est ab Ecclesia Catholica, quæ in duobus primis Conciliis Symbolum speciale edidit, & quantum S. Athanasij omnium explicatissimum admittit, & Officio diuino inseruit; vnde eiusdem autoritatis cum aliis comprobatur; quod uti compendiosam fidei regulam Concil. Florentinum tradidit Armenis & Iacobinis, qui 1431. venerant vnire Ecclesiam suam cum Catholica.

Certum ergo est Symbolum Apostolorum continere in summa totum fidei obiectum, ut docet S. August. serm. 11. de temp. & sicut quatuor Euangelia non tam sunt quatuor, quam vnum, ita quatuor hæc edita Symbola sunt vnum, sed declaratum in subsequentiis. Primum notatur editum ab Apostolis ad fidei instructionem, reliqua ad eiusdem explicationem & propagationem.

Quæres, An credibilia sint per certos articulos distinguenda. Ratio dubitandi non leuis est, quia omnium, quæ in sacra Scriptura continentur, est habenda fides, sed illa non possunt reduci ad certum aliquem numerum, propter sui multitudinem; Ergo superfluum videtur articulos fidei distinguere, idque maxime in duodecim, uti distinguitur, Symbolum Apostolicum.

Respondet S. Thom. in 2.2. q. 1. art. 6. quod aliqua sunt credibilia, de quibus non est fides secundum se, sed solum in ordine ad alia, sicut etiam in aliis scientiis quædam proponuntur, ut per se intentæ, & quædam ad manifestationem aliorum: Quia verò fides principaliter est de his quæ videnda speramus in patria, secundum illud Hebr. 11. *Fides est substantia rerum sperandarum*. ideo per se pertinent ad fidem illa, quæ directe nos ordinant ad vitam æternam, sicut sunt tres Personæ omnipotentis Dei, mysterium Incarnationis, & alia huiusmodi, & secundum ista distinguuntur articuli fidei. Quædam verò proponuntur in sacra Scriptura, ut credenda, non quasi principaliter intentæ, sed ad prædictorum manifestationem, ut quod Abraham habuit duos filios, quod ad contractum osium Eliæ suscitatus est mortuus, & alia huiusmodi, quæ narrantur in Scriptura in ordine ad manifestationem diuinæ maiestatis, vel Incarnationis Verbi, & secundum talia non oportet articulos fidei distinguere. Licet autem formalis ratio obiecti credibilis sit vna, & indiuisibilis, scilicet prima veritas, & sic credibilia distinguere non possint secundum rationem formalem; & hæc ex parte articuli fidei non distinguuntur, sed vnicus sit ex parte rei creditæ; tamen illa ratio formalis obiecti est relativa ad nos, & intellectus noster hanc considerat, ut quid complexum, & enuntiabile, & sic distinguit; ratio autem est, quia cognita sunt in cognoscente secundum modum cognoscentis; est autem modus proprius humani intellectus, ut componendo, & diuidendo veritatem cognoscat, & ideo quæ sunt secundum se simplicia, intellectus humanus cognoscit secundum quandam complexionem per modum enuntiabilis, sicut è contra diuinus intellectus incomplexè cognoscit ea, quæ secundum se complexa.

Quæres, an Articuli creuerint pro tempore.

Respondet S. Gregor. homil. 16. in Ezechiel. quod secundum incrementa temporum, creuerint scientia Sanctorum Patrum, qui quando viciniore fuerunt aduentui Saluatoris, tantò plenius perceperunt salutis Sacramenta; vnde dicendum, quod Articuli successionem temporum creuerunt,

non quidem quantum ad substantiam, sed quantum ad explicationem, & expressam professionem: nam quæ explicite, & sub maiori numero credimus, nos eadem omnino à superioribus Patribus implicite, & sub minori numero credita fuerant; unde S. Thomas benè ratiocinatur, quòd ita se habent in doctrina fidei articuli fidei, sicut principia per se nota in doctrina, quæ per rationem naturalem habetur, in quibus principis ordo quidam inuenitur, ut quædam in aliis implicite continentur, sicut omnia principia reducuntur ad hoc, tanquam ad primum. Impossibile est simul affirmare, & negare, ut docet Arist. 4. metaph. text. 9. & similiter omnes articuli continentur implicite in aliquibus primis credilibus; scilicet, ut credatur Deus esse, & providentiam habere circa salutem hominum, iuxta illud Heb. 11. *Accedentem ad Deum oportet credere, quia est, & quod inquirentibus se sit remunerator.* In esse diuino includuntur omnia, quæ credimus in Deo existere æternaliter, in quibus necessario beatitudo consistit. In fide autem Providentiæ includuntur omnia, quæ temporaliter dispensantur à Deo ad hominum salutem, quæ sunt via ad beatitudinem. Et per hunc etiam modum aliorum subsequen- tium articulorum, quidam in aliis continentur, sicut in fide redemptionis humanæ implicite continentur, Incarnatio Christi, Passio eius, & alia huiusmodi.

Expressior ergo facta est hodie cognitio articulorum, qui substantialiter non creuerunt; unde Ephes. 3. Paulus dicit, *In aliis generationibus non est agnitus mysterium Christi, sicut nunc reuelatum est sanctis Apostolis eius, & Prophetis.* & Exod. 6. dicit Deus: *Ego sum Deus Abraham, Isaac, & Iacob, & nomen meum Adonai non indicaui eis.* David etiam, *Super senes intellexi.*

Notat autem S. Thom. fuisse de necessitate salutis explicite credere à principio Trinitatem personarum in diuinitate, necnon & futuram Verbi Dei Incarnationem, quia ut docet Petrus Act. 4. *Non est aliud nomen datum hominibus, in quo oporteat nos saluos fieri.* quia ait S. Thom. mysterium Incarnationis non potest explicite credi sine fide Trinitatis; nam in Incarnationis mysterio hoc continetur, quòd filius Dei carnem assumpsit, vel assumere debuerit, quòd per gratiam Spiritus Sancti mundum renouauerit, & quòd de Spiritu Sancto conceptus fuerit, & ideo eodem modo, quo mysterium Incarnationis Christi ante Christum fuit explicite creditum à Maioribus seu Legis Doctoribus; implicite autem, & quasi obumbratè à minoribus; ita etiam mysterium Trinitatis: & hinc in Testam. Vet. multipliciter expressa est Trinitas personarum; antequam homo creetur. *Faciamus hominem ad imaginem & similitudinem nostram.* Nec dicas Ioan. 17. Christum dicere, *Pater manifestauit nomen tuum hominibus.* Unde inferas ante Christum incognitum fuisse mysterium Trinitatis, quod August. exponit, non id nomen, quo vocaris Deus, sed id quo vocaris Pater meus.

Respondet, siquidem ante Christum fidem Trinitatis occultatam fuisse in fide maiorum, seu Doctorum, sed per Christum manifestam esse vulgariter mundo, & per Apostolos,

Nec dicas, fidem esse substantiam rerum sperandarum, & omni tempore eadem speranda fuisse, consequenter & credenda.

Respondet verum hoc esse, sed quia ad hæc

speranda homines non petuenerunt, nisi per Christum; quantò remotiores fuerunt à Christo secundum tempus, tantò à consecutione sperandarum longinquo- res erant. Unde Hebr. 11. *Iuxta fidem defuncti sunt omnes isti, non acceptis re- promissionibus, sed à longe eas aspicientes.* Quantò autem aliquid à longinquo- ribus prospicitur, tantò minus distinctè videtur; & ideo bona speranda distinctius cognouerunt, qui fuerunt aduentui Christi vicini, licet enim Deus, in quem nullus defectus scientiæ cadit, fidem tradat, cognitio tamen credibilium non fuit perfecta in homine à principio: nam homo uti addiscens, non poterat eam à principio perfecte suscipere, & Deus sapienter condescendit capacitati eius, sicque successione temporum profecit homo, hincque status Testam. Vet. comparatur à Paulo pueritiæ Galat. 3.

Quando, & quo ordine compositum fuit Symbolum.

V Suardus scribit, reperti in aliquibus martyrologiis memoriam huius rei consecratam anno Christi quadagesimo quarto, & 15. mensis Iulij, idque tum Beda, tum alij scribunt, quòd anno 2. Claudij Imperatoris contigisse docet Spondanus; Cum enim Apostoli de prædicando Gentibus Euangelio iam tunc iniissent consilium, cum diuina præuia reuelatione à Petro esset iisdem Gentibus apertum Ecclesiæ ostium, & persequente illos Agrippa, qui Petrum apprehenderat, volens post Pascha, ut Act. 12. legitur, producere eum Iudæis, & interficere, non haberent quo loco in Iudæa consisterent, furente hac secunda in Ecclesiam excitata persecutione, qua non Iudæoconuersi aut Diaconi, sicut Stephanus, sed præcipue ipsi appetiti sunt Apostoli, factam tunc esse eorum in diuersas orbis terræ partes diuisionem. Profecturi autem, communi consilio, quosdam fidei Canones, quibus vniuersam fidem Christianam perstringerent, constituerunt, ne vlla ex parte, aliqua, vel apparens, inter eos in annuntiatione Euangelij diuersitas esset, quos proprio nomine Dei Ecclesia Symbolum Apostolorum nuncupauit: Quod ab Apostolis sine scripto traditum esse testantur Hieron. epist. 61. ad Pammachium, Ambros. epist. 81. ad Siric. August. de fide & oper. cap. 9. Rufinus in præfatione expositionis ipsius Symboli, August. serm. 115. de tempore hoc habet de Symbolo, quòd sit Catholicæ legis comprehensio. Simplex, breue, plenum; ut simplicitas consulat audientium rusticitati; breuitas, memoriæ; plenitudo, doctrinæ; adduntur & ibidem singulorum Apostolorum, quas eidem Symbolo contulisse creduntur singula sententiæ; Ac licet is sermo, an sit Augustini, à quibusdam reuocetur in dubium, cuius tamen sit, nihil interest, cum de iisdem singulis duodecim Apostolorum distinctis elogiis, suppetant etiam aliorum Patrum testimonia, Leonis epist. 96. ad Pulcher. Venantij Fortun. in præf. expol. symb. Rabani lib. 2. de institut. Cleric. cap. 56. & aliorum.

Petrus dixit. *Credo in Deum Patrem omnipotentem.*

Ioannes dixit. *Creatorem cæli, & terræ.*

Iacobus maior dixit. *Credo & in Iesum Christum filium eius unicum, Dominum nostrum.*



Andreas dixit. *Qui conceptus est de Spiritu Sancto natus ex Maria virgine.*

Philippus ait. *Passus sub Pontio Pilato, Crucifixus, mortuus, & sepultus.*

Thomas ait. *Descendit ad inferos, tertia die resurrexit à mortuis.*

Bartholomæus dixit. *Ascendit ad cælos, sedet ad dexteram Dei Patris omnipotentis.*

Matthæus dixit. *Inde venturus est iudicare vivos, & mortuos.*

Iacobus Alphæi dixit. *Credo in Spiritum Sanctum, sanctam Ecclesiam Catholicam.*

Simon Zelotes dixit. *Sanctorum Communionem, Remissionem peccatorum.*

Iudas Iacobi dixit. *Carnis Resurrectionem.*

Matthias complevit. *Vitam æternam.*

Mihi plus placet ordo, quem S. Bonaventura sic assignat.

I. Petrus posuit hanc particulam, *Credo in Deum Patrem omnipotentem, Creatorem cæli, & terra.*

II. Andreas subiunxit. *Et in Iesum Christum filium eius unicum, Dominum nostrum.*

III. Ioannes. *Qui conceptus est de Spiritu Sancto natus ex Maria virgine.*

IV. Iacob. maior intulit. *Passus sub Pontio Pilato, crucifixus, mortuus, & sepultus.*

V. Thomas adiunxit. *Descendit ad inferna, tertia die resurrexit à mortuis.*

VI. Iacob. Minor addidit. *Ascendit ad cælos, sedet ad dexteram Dei patris omnipotentis.*

VII. Philipp. adiunxit. *Inde venturus est iudicare vivos, & mortuos.*

VIII. Barthol. intulit. *Credo in Spiritum Sanctum.*

IX. Matthæus adiunxit. *Sanctam Ecclesiam Catholicam.*

X. Simon addidit. *Sanctorum Communionem, Remissionem peccatorum.*

XI. Iudas Thadæus superaddidit. *Carnis Resurrectionem.*

XII. Matthias consummavit. *Vitam æternam. Amen.*

Si respectus habentur ad eos, qui Symbolum ediderunt, articuli sunt convenienter in duodecim distincti, quasi 12. lapides pretiosi, qui erant olim in Rationali Pontificis, in quibus erat scriptum doctrina, & veritas; quia in veste Christi, quæ est Ecclesia, hi duodecim articuli ordine dispositi elucet, & in illis compendio continetur omnis doctrina, & veritas, scitu ad salutem necessaria. Sed si consideremus, quæ radicaliter sunt credenda, tunc fidei articuli quatuordecim notantur, quorum septem spectant ad diuinitatis fidem. Septem verò ad Christi humanitatem pertinent: Illa enim per se pertinent ad fidem, quorum visione in vita æterna perficimur, & per quæ ducimur ad illam. Duo autem nobis in paradiso videnda proponuntur, scilicet occultum deitatis mysterium, cuius visio nos beatos facit, & mysterium humanitatis Christi, per quem in gloriam filiorum Dei accessum habemus, ut dicitur Rom. 8. Vnde Ioannis cap. 17. legitur: *Hæc est vita æterna, ut cognoscant te Deum verum, & quem misisti, Iesum Christum.* Et ideo prima distinctio credendorum est, quod quædam pertinent ad maiestatem diuinitatis, quædam verò pertinent ad mysterium humanitatis Christi; sunt igitur 7. articuli fidei, qui præcisè pertinent ad cognitionem diuinitatis.

Primus est, Deum esse, qui ibi exprimitur. *Credo in Deum.*

Secundus est, Patrem Deum esse ibi. *patrem omnipotentem.*

Tertius, filium Deum esse, ibi notatur, & in *Iesum Christum filium eius.*

Quartus est, Spiritum Sanctum Deum esse; *Credo in Spiritum Sanctum.*

Sic patet, quod prædicti quatuor articuli sunt de unitate diuinæ essentiae, & trinitate personarum.

Quintus est, credere remissionem peccatorum his, qui sunt in Ecclesia, notatur ibi. *Sanctam Ecclesiam, Sanctorum Communionem, Remissionem peccatorum.*

Sextus est, credere *mortuorum Resurrectionem.*

Septimus est, credere *Bonorum remunerationem.*

Alij septem sunt articuli, qui pertinent ad humanitatem Christi.

Primus est, credere filium Dei esse conceptum de Spiritu Sancto, Vbi. *qui conceptus est de Spiritu Sancto.*

Secundus, filium Dei natum ex Maria, illaque virgine. *Ex Maria virgine.*

Tertius est, filium Dei pro nobis mortuum in cruce, ibi. *Passus sub Pontio Pilato, crucifixus, mortuus, & sepultus.*

Quartus est, filium Dei descendisse ad inferos secundum animam, ibi. *Descendit ad inferos.*

Quintus est, filium Dei resurrexisse à mortuis, ibi. *tertia die resurrexit à mortuis.*

Sextus est, eum ascendisse ad Patris æqualitatem, ibi. *Ascendit ad cælos, sedet ad dexteram Dei Patris.*

Septimus est, filium Dei iudicaturum vivos, & mortuos, siue bonos, & malos, ibi. *Inde iudicare vivos, & mortuos.*

Dic si velis cum S. Thoma art. 8. quod circa maiestatem diuinitatis tria credenda nobis proponuntur. Primò quidem unitas, & ad hoc pertinet primus articulus; Secundò Trinitas Personarum, & ad hoc sunt tres articuli secundum tres personas. Tertio verò proponuntur nobis opera propria diuinitatis, quorum primum pertinet ad esse naturæ, & sic proponitur nobis articulus Creationis, secundum verò pertinet ad esse gratiæ, & sic proponuntur nobis sub vno articulo omnia pertinentia ad sanctificationem humanam. Tertium verò pertinet ad esse gloriæ, & sic proponitur nobis alius articulus de resurrectione carnis, & de vita æterna, & ita sunt septem articuli pertinentes ad diuinitatem.

Similiter circa humanitatem Christi ponuntur septem articuli; quorum primus est de incarnatione, siue de Conceptione Christi. Secundus de Natiuitate eius ex virgine. Tertius de passione eius, morte, & sepultura. Quartus est de descensu ad inferos. Quintus de Resurrectione. Sextus de Ascensione. Septimus de aduentu ad iudicium, & sic in vniuersum sunt. Quatuordecim hæc speculatiue distincta referre volui.

Mihi tamen non arridet hæc duodenarij articulorum numeri excresecientia; nam sicuti duodecim præcisè Apostoli à Domino non sine mysterio electi fuere, ita & ipsi & Spiritus Sancti suggestionem duodecim articulos mystico numero composuisse credendum est; nec aliquem ipsorum duos articulos inferere præsumpsisse præconfortibus,

ribus, qui semel locuti locum dabant alteri, ut Symbolum pro parte sua stabiliaret: Non ignorabant Apostoli huius mystici duodenarii figuras, quæ præcellerant; prænouerant etiam se destinatos à Deo, ut duodecim fundamenta ciuitatis Dei, seu Ecclesiæ, idque non tantum ratione sanguinis effundendi pro religione, quam ex singulari dogmate, quod inferre, & prædicare debebāt, fundabant. Distinguo ergo conuenientissimè articulos fidei, iuxta numerum eorum qui Symbolum cōdunt, & iuxta rationem credendorum expendo; si enim articulos conglobatim scrutaris, Deum & Christum eius agnosces; de Deo sex habebis articulos, qui aut diuinam naturam, aut Trinitatem personarum, aut effectus proprios Dei proponunt.

Primus, unitatem diuinitatis ostendit. *Credo in Deum.*

Secundus, trium personarum distinctionem affert, nec diuidi debet in tres articulos, quia eadem est cognitio trium personarum.

Tertius, accipitur ex ratione proprii effectus Dei, & sic multiplicatur in tres, vnus spectat ad creationem cæli & terræ; alius ad gratificationem; ideo dicitur. *Credo Ecclesiam sanctam Catholicam, Sanctorum Communionem, Remissionem peccatorum.* Alius spectat ad renouationem naturæ, & sic habes: *Carnis resurrectionem.* Tertius pertinet ad glorificationem; ideo dicitur, *Vitam æternam.* quæ cum detur ex iustitia Dei seu æquitate, quæ merces est operibus nostris, completitur etiam pœnam æternam reprobis. Sex verbis hos 6. articulos habet: Vnus Deus, Trinus, creans, gratificans, resuscitans, glorificans.

Si articuli accipiantur ratione assumptionis humanitati, sic sunt sex. Primus spectat ad Christi Conceptionem, quæ cum Natiuitate iungi debet, nec enim homo dicitur, qui non apparet homini. Secundus passionem Christi proponit, qui passus, crucifixus, mortuus & sepultus est. Tertius ad descensum eius ad inferos spectat. Quartus, ad eius resurrectionem. Quintus ad Ascensionem, & sextus ad finale iudicium refertur, ideo dicitur, *Inde venturus est iudicare.*

Mirantur aliqui quod Eucharistiæ Sacramentum ineffabile, specialem non faciat articulum Symboli, cum specialem difficultatem, & nouas in dies generet controuersias.

Respondeo, sic visum superis, id est Apostolis Dei interpretibus; vel dic eos tacuisse Eucharistiam, includendo eam in mediis, quæ sanctificant Ecclesiam; vel considera duo in isto Sacramento. Vnum, quod est Sacramentum, & ex hoc habet eandem rationem cum aliis effectibus gratiæ sanctificantis. Aliud, quod miraculosè ibi continetur corpus Christi, & sic includitur in omnipotentia, sicut & alia miracula, quæ omnipotentia attribuitur.

Dices, si Symbolum Apostolorum continet omnia de Deo, & de Christo credenda, cur aliud proponitur?

Respondeo, quia peruersi homines Apostolicam doctrinam, & cæteras Scripturas peruertunt ad suipsorum perditionem, sicut 2. Petri ult. dicitur, ideo necessaria fuit explicatio fidei contra insurgentes errores, vel ad pleniorum fidelium instructionem.

Instabis, interdictam fuisse nouam Symboli

editionem, perlecto Nicæno in gestis primæ Ephesinæ Synodi, idque reiteratum fuit in Chalcedonenfi.

Respondeo prohibitionem, & sententiam Synodi se extendere ad priuatas personas, quarum non est determinare de fide; Non enim per huiusmodi decretum Synodi generalis ablata est potestas sequenti Synodo, nouam editionem Symboli facere, non quidem aliam fidem continentem, sed eandem magis elucidatam; Sic enim quælibet Synodus obseruauit, ut sequens aliquid exponeret supra id, quod præcedens exposuerat, idque propter necessitatem alicuius hæresis insurgentis.

Quod si editio Symboli potest fieri à Concilio vniuersali, testè Sanctus Thomas in 2. 2. q. 1. art. 10. concludit, quod Papa, ut caput Ecclesiæ, hoc possit, sicut etiam Synodum generalem congregare, cuius decreta confirmat, aut annullat; & ratio patet, quia Deus dixit Petro Luc. 22. *Ego rogaui pro te, ut non deficiat fides tua, & tu aliquando conuersus confirma fratres tuos.* tum vna fides debet esse totius Ecclesiæ, secundum illud 1. ad Corinth. 1. *Idipsum dicatis omnes, & non sint in vobis schismata.* quod seruari non posset, nisi quæstio de fide exorta determinetur per eum, qui toti Ecclesiæ præest, ut sic eius sententia à tota Ecclesiâ firmiter teneatur, & ideo ad solam authoritatem Summi Pontificis pertinet noua editio Symboli, sicut & omnia alia, quæ pertinent ad totam Ecclesiam, vnde editio Nicæni, & Constantinopolitani censentur Papæ præfidentis.

Hinc Pius IV. Papa formam iuramenti Professionis fidei determinauit, & iniunxit publicè faciendam ab iis maxime, qui curam animarum, vel gradum prælaturæ suscipiunt.

In hac Confessione exprimitur obiectum materiale fidei Christianæ, & distincta leguntur Ecclesiæ Catholice dogmata, ita ut possit hæc nuncupari Symbolum Concilij Tridentini, quod tamen præcedentia non supprimit aut abolet, sed potius exponit.

Quæres, verum quilibet habens vsum rationis teneatur scire, & credere omnes articulos fidei?

Ratio principalis dubitandi hæc est, quia sicut se habet obedientia respectu præceptorum, ita se habet fides respectu articuloꝝ, sed non est vera obedientia, nisi obedire omnibus præceptis; ergo nec vera fides, nisi assentiat omnibus articulis fidei. Eadem instantia ex parte charitatis fiet, quæ, ut sit vera, se extendit ad quælibet diligibilia.

Respondeo, duplicem hic inuolui difficultatem. Primam de necessitate. Secundam de fide, vel implicita, vel explicita; nam quædam sunt necessaria necessitate medijs, aliqua verò præceptis; illud dicitur necessarium necessitate medijs, sine quo nullus saluari potest, licet sine sua culpa illud abesset, sic necessaria est fides, vnde infidelis, licet nunquam instructus fuisset, non potest tamen sine fide saluari; Illud dicitur necessarium necessitate præcepti, quod solum necessarium est, quia præceptum est; vnde si sine tua culpa absit, poteris sine illo saluari, sic necessaria est Eucharistia. Dico præterea, fidem dari vel expressam, vel implicitam. Respondeo, cum communiori sententia, necessarium esse necessitate medijs scire explicitè mysterium Trinitatis, &

Incarnæ

D. Tho. q. 1.
Scot. & alij.

Incarnationis. De primò patet Hebr. 4. *accedentem ad Deum, oportet credere, quia est, & quòd inquirentibus se remunerator est.* De secunda constat, cum hoc mysterium ab æterno fuerit dispositum, ut homo suam consequeretur salutem, ideo omni tempore debuit aliquo modo explicite credi, via autem hominibus veniendi ad beatitudinem, est mysterium Incarnationis, & passionis Christi, tum Incarnatio non potest credi sine fide Trinitatis, & Matth. ultimo dicitur. *Euntes docete omnes gentes; baptizantes eos in nomine Patris, & Filii, & Spiritus Sancti,* ita D. Thomas quæst. 2. art. 5. cuius hæc est Conclusio; teneatur homo credere explicite omnes fidei articulos, implicite verò, quæcumque in sacra traduntur scriptura.

Hoc tamen in praxi habet difficultatem, quia magna Rusticorum pars etiam post instructionem, dum ad Confessarios accedunt, illa mysteria de Trinitate & Incarnatione ignorant, saltem explicitam scientiam, & vix pertinenter de illis respondent, tam facile enim respondebunt tres esse deos, & unam personam, quam contrariè valent naturam aut personam distinguere, aut concipere. Personas Patrem, Filium, & Spiritum Sanctum, tanquam tres homines concipiunt, & tria corpora. De Patre si interrogas eos, tibi respondebunt esse hominem; unde post multam inculcationem adhuc in his, vel ignorant, vel errant, ut propterea mihi iudicetur valde probabilis sententia, quæ dicit implicitam solum fidem, & scientiam de his mysteriis esse necessariam necessitate mediij: nam & eam tenent Theologi, Sotus in 4. distinct. 4. Vega in Tridentin. Medina de fide cap. 6. Sanchez in opere moral. lib. 2. cap. 2. num. 8. 9. & 10. Aptæ verò est distinctio Sanchez de hac re, quæ distinguit scire explicite & explicite credere. Explicite scit qui interrogatus rationem sit reddere explicite; credit qui rei auditæ assentitur. Ad explicite sciendum, necessitate præcepti, tenentur etiam rudes, at ab hac scientia ingenij tarditas (si scientiam huiusmodi ferè impossibilem efficiat) eos excusabit; Sed non excusabit ab explicite credendo ea, quæ necessitate mediij credenda sunt. Sufficit autem, si Confessario aut alio narrante eos articulos, quos necessitate mediij credere opus est, illorum fidem credendo concipiant; Explicite enim credere, ait Sanchez, est rei, quam quis audiuit, assentiri: Et sic mysterium Trinitatis, & Incarnationis audientes à Confessario, vel alio docente credunt rudes quilibet, licet non ita assequantur.

Ad rationem dubitandi adductam. Respondet, quòd non est simile de obedientia, & charitate, & fide, quia fides consistit in cognitione; obedientia autem, & charitas consistunt in executione. Nunc autem, ut sit perfecta executio, non sufficit agere in vniuersali, nisi fiat perfecta actio circa omne particulare, & ideo obedientia respicit omne præceptum; & Charitas omne diligibile; sed in cognitione non sic est, sufficit enim cognoscere in vniuersali, absque eo quòd omnia in particulari cognoscantur, & ideo sufficit fidei, quòd habeatur cognitio aliquorum articulorum explicite, & aliquorum implicite.

Nota fidem posse esse maiorem in vno quam in alio nam paruum & magnum inuenitur in ea Matt. 23. *modica fidei quare dubitasti.* 29. *mulier magna est fides tua.* 8. *non inueni tantam fidem.*

id sit, non tantum propter maiorem certitudinis, & deuotionis feruorem, sed etiam secundum quod plura quis explicite credit, quam alius. Licet ex parte obiecti formalis, quod est vnum, & simplex, scilicet veritas prima, non diuersificetur in credentibus, sed sit vna specie in omnibus & diuersa numero in diuersis.

Notandum tamen hic discrimen esse, inter Pastores, & plebem, quod illi non modo tenentur expresse credere omnes articulos symboli, sed etiam illa intelligere; quantum satis est, ut de iis omnibus populum sibi subditum instruere possint, & eos, qui contradicunt, arguere: Eademque ratio militat in Concionatoribus, & Confessariis; cum etiam ipsis incumbat cura alios informandi, esto pastores non sint; unde cum res fidei sint valde obscuræ, & nequeant rectè, & sine errore intelligi, vel contra emergentes difficultates propugnari, nisi ope Theologiæ, profectò in periculo salutis verantur, qui sine sufficienti rerum theologicarum notitia curam pastorem inueniunt, vel Concionatori aut Confessarij munus suscipiunt, quia ut dicit Christus Matth. 23. *Si cæcus caeco ducatur præstet, ambo in foveam cadent.*

Præmissus de fide Tractatus, & Expositio istorum verborum, *Ego fide Credo.* Satis innuunt quantæ molis, & laboris sit magnalia Dei loqui, & sanctorum scientiam scire, & elucidare: Quanta enim in verbis cautio adhibenda sit, constat ex primò decurrentibus Catholico exprimendis mysteriis fidei, Trinitatis scilicet, & Incarnationis, circa quæ præcipue versatur Symbolum Apostolorum, Quorum non modo res, sed voces ipsas Patres & Concilia definierunt: nec enim solum propter res, sed & propter verba incurritur hæresis, ut post S. Hieronymum docet S. Thom. 1. part. quæst. 31. artic. 2. hinc Concilium Constantinense examinans doctrinam Ioannis Viclefi quem damnauit, varios censuræ gradus distinctis Hæresis, erroris, propositionis hæresim sapientis, malè sonantis, scandalosæ, seditionis, schismaticæ, periculosæ, arrogantis, blasphemæ, temerariæ, impiæ, aurium offensivæ: Quæ omnia ut prudenter deuientur, & formam habeamus sanorum verborum, quam Paulus Timoth. commendat, exactissimo vtendum est delectu, sedulitate, lectione, & studio; & in omnibus laborandum, ut opus Euangelistæ faciamus.

Ad hæc, ut facili, & perspicua methodo Professionem fidei elucidare valeamus, ad maiorem Dei gloriam, & studiosorum solatium, singulare articulorum eius Anatomen facio, quia præcipuum sciendi organum commendat diuisio generalis rerum, & specialis partitio, & discussio adiutorum.

SCHEMA FIDEI.

Fides est virtus infusa à Deo, omnium prima; quæ perficiunt intellectum, quæ firma, & ita integra debet esse in habente eam, ut pereat discendendo vel minimum articulum.

Obiectum formale illius est veritas prima, secundum quod manifestatur in scripturis sacris, & doctrina Ecclesiæ vniuersalis.

Materiale est, quod vniuersalis Ecclesia proponit, non cadens sub scientiam aut sensum.

Actus eius internus est Credere, propter auctoritatem

thoritatem Dei dicentis, seu cum firmo assensu cogitare; qui meritorius est, et si accedat naturalis rationis confirmatio.

Externus est eorum, quæ ad eum pertinent, clara Confessio seu Professio, omnibus ad salutem necessarius, quodcumque honor Dei, vel proximi utilitas exigit.

Effectus fidei est Timor Dei, & animæ purificatio à vitio.

Non ergo sufficit fidem interiùs tenere, sed & exteriùs loco, & tempore necesse est profiteri, non obstante, vel exilio, vel bonorum iactura, vel etiam vitæ; hinc Apostolus monet fideles, ne quoquo modo vacillent, *teneamus* ait Hebr. 4. *Fidei nostra indeclinabilem confessionem*, & Hebræis qui ob fidem sustinuerant varias calamitates, & bonorum suorum rapinam, dicit etiam cum vitæ periculo confitendam esse fidem, *Nec dum usque ad sanguinem resistitis*. Quid mirum si sanguinem rependimus pro fide, quam Christus redemptor sanguine proprio, & discipulorum suorum fundavit?

Aduerte hîc veteres habuisse aliqua signa, ex quibus colligebant fidem negari.

Primò, thus idolo adhibere vel adorare; simi-

les nunc sunt qui hæreses aliquas amplectuntur, vel laudant.

Secundò, nomen libello dare, hi vocabantur libellatici. Pecuniam dabant iudici, & Scribæ, ut adscriberentur libro eorum, qui legi paruerunt; ne ultra vrgerentur; sic peccant, qui metu damni, aut spe temporalis lucri, se hæreticis accommodant.

Tertio, comedere oblata idolis; similes sunt, qui cœnas, vel cœiones hæreticorum adunt, vel carnes edunt venitis diebus, Cum Iulianus quadragesimæ tempore panem & aquam, quæ in officinis passim vendebantur, idolis immolari curasset, ut sic oblata demonibus edere cogerentur, nemo repertus est, qui emerit, aut se contaminauerit; Apparuit autem Theodorus martyr Episcopo Constantinopolitano, reuelans quo cibi genere succurteret Christianis, elixo scilicet vel decocto frumento, & sic, qui ditiores erant, pauperibus dantes frumentum, omnibus subueenerunt.

Quartò, Coronam in natalitiis principum gestare, aut more sacrificantium, hedera caput circumgere, de qua re Cyprianus, & Tertull. lib. de corona militis.

Ex his omnibus habetur elucidatio primæ propositionis, CREDO IN DEVM, quod est non solum per intellectum ei assentiri, sed etiam est credendo, & sperando pia quadam affectione in eum tendere. Vocula illa, in, significant hanc tendentiam quasi ad summum bonum.




ADMONITIO.

DIDICIMVS credere (quod est reuelatis firmitus assentiri propter authoritatem Dei , quàm illis , quæ euidenter scimus , aut sensu experimur ; nam scientia aut sensus falli possunt ; Deus prima veritas , nec falli , nec fallere potest ,) iam accedimus ad Deum , in quem primò credere docet Symbolum Apostolicum , cuius naturam breuiter aperit , sed quis poterit capere ? maior est Deus intelligentia nostra , & incomprehensibilis , & tamen hac est vita æterna , ut cognoscamus Deum. Quare ne durus & indigestus sit sermo noster de Deo , interrogo Patres Orthodoxos , consulo Doctores Scholasticos , ut annuntient mihi , nulla enim in re tanta potest esse nimia diligentia , & improbus labor. Hunc ingratum & fastidiosum multis presentio , sed ei exantlandum , qui omnibus proficere , & difficultates digerere studet , æquus iudicabit Lector. Tum est cuique Authori suus in scribendo genius & scribendi caracterismus. Hoc de præcipuis Christiana doctrina Magistris diligenter monstrauit Cassiodorus 1. diuinar. lectionum à cap. 18. sicut enim non omnis fert omnia tellus , nec vnus singularis iustus omnibus virtutibus in summo collucet , sed in aliqua regione aliquid oritur singulare , & inter Sanctos quisque sua decora præfert ; ita in scribendo cuique Scriptorum inest quippiam peculiare , quo ab aliis secernitur. Hoc mihi in digerendo articulos fidei peculiare afferuam , ut questiones insurgentes denodarem scholasticè , idque , ne Beneuolus Lector alibi quarere cogatur occurrentium dubiorum resolutionem. Delibet quisque non ad nauis eam , sed ad palati gustum quod placuerit , non peribunt reliquæ. Nec cui autem desim , breuiter & plano discursu perstringo , quæ fides Catholica docet de Deo Vno in essentia , & Trino in personis , ea subsequenter scholasticè discutienda ad plenioris veritatis illustrationem.



DE THEOLOGIA.



ON ignorandum Theologiam secundum saeculo circa annum Christi 170. plenè tractatam & explicatam Alexandriæ per Sanctum Pantemum Philosophum, & Theologum Christianum peritissimum, cuius discipulus fuit Clemens Alexandrinus, istius verò Origenes. Etsi enim S. Marcus Evangelista ibi fundasset Doctores, ij tamen potius dicendi Catechistæ, qui Symbolum, Orationem Dominicam, & Decalogum exponebant. Ita Genebrardus in Eleuterio ex Tertulliano lib. 4. contra Marcionem, Eusebio, Hieronymo, Nicephoro, Genebrardus autem center Ecclesiis Collegiatis deinceps funditas, ad instar istius primæ Christianorum scholæ à Marco institutæ.

Theologia verò Scholastica hæc quoad methodum & ordinem, quo in scholis traditur, non extiterit ante tempora Petri Lombardi Episcopi Parisiensis, qui obiit anno Christi 1164. Cùm enim Græci Schismatici fidem Ecclesiæ circa mysterium Sanctæ Trinitatis, & processionem Spiritus Sancti diuerarent, multosque literatos temerariæ curiositates Gilberti Porretani & Petri Abailardi obruerent, qui fidem & Theologiam Philosophiæ subantebant. Petrus Lombardus digessit in meliorem formam, & ordinavit tractatus Theologicos, & hinc nomen magistri sententiarum sortitus est. Ipsa tamen Theologia quoad substantiam, seu quatenus est habitus scientificus, conclusiones deducens ex reuelatis, (quo sensu ipsa est necessaria ad salutem) iam dudum nota erat literatis. Licet enim omnes, qui saluantur, non sint Theologi, tamen nemo saluatur sine luce & ope Theologiæ. Quæ proinde, etsi non sit necessaria singulis, est tamen requisita & necessaria pro singulis, saltem ut plurimum, & spectata ut est via ordinaria, qua fides in adultis gigni & augeri solet. His autem qui mysteria fidei & Symbolum enucleare intendunt absolute exquisiti, & ad manum esse debet.

Nemine ergo studiose Lector, si in articulis Symboli Scholasticos veteranos & recentiores indagamus, & si in subtilioribus à Scoto Minorum Theologo stamus, prius tamen aliqua præmitto de ipsa Theologia.

Quid sit ipsa Theologia & quodnam sit eius obiectum.

Nomen *Theologia*, si vim & significationem illius spectemus, pro quacunque, de Deo, ac rebus diuinis, doctrinâ sumi potest, ut docet S. Augustinus lib. 8. de ciuit. cap. 1. Vnde & ipsi Ethnici Scriptores, qui de rebus diuinis tractauerunt, olim Theologi dicti sunt, ut obseruat idem S. Pater cap. 14. Si verò illius nominis apud Scriptores Ecclesiasticos communem acceptionem attendamus, *Theologia* nomine, eam solum de Deo, ac rebus diuinis doctrinam significari inueniemus; quæ non solo rationis lumine comparatur, sed diuina præsertim reuelatione nititur.

Est autem duplex doctrina, quæ diuina reuelatione innixa est, vna ipsa fides, qua res diuinas reuelatas intelligimus. Altera, qua res ipsas per fidem intellectas explicare, persuadere, ac contra hæreticos & alios ipsius fidei aduersarios propugnare possumus.

De vtraque loquitur idem S. August. lib. 14. de Trinit. cap. 1. *Aliud est, inquit, scire quid credere debeamus, quod docet; id est: aliud autem scire, quemadmodum hoc ipsum & pius optineatur & contra impios defendatur, quod proprio appellare vocabulo scientiam videtur Apostolus.* Et hæc secunda doctrinæ species secundum receptum communiter vsum, proprio nomine vocatur *Theologia*. De qua proinde quaeritur, an sit scientia, an verò ad aliquam aliam virtutem intellectualem pertineat & pro cuius resolutione.

Dicendum 1. Theologiam non esse scientiam strictè sumptam, eo modo, quo scientiæ nomen à Philosophis sumi solet; Aristoteles enim 1. poster. cap. 2. ei assignat 4. conditiones: Prima est, quòd scientia est cognitio certa, id est sine vlla dubitatione: Secunda est, quòd ipsa est de obiecto necessario, vnde de contingentibus non datur scientia: Tertia est, quòd sit causata à causa habente euidentiā apud intellectum habentem scientiam: Quarta, quòd hæc causa sit applicata cognito siue scibili per discursum syllogisticum. Quamuis autem Theologia sit certissima, imò scientias quascunque certitudine antecellat, non est tamen euidens; cùm eius principia, quæ à fide petuntur, obscura sint & ineuidentiā: Aureolus sic probat, de singularibus non est scientia, sed solum de vniuersalibus: in Theologia autem traditur cognitio multorum singularium, ut mysterij Incarnationis, & multarum aliarum rerum contingentium, ergo non est scientia. Hanc rationem improbat S. Thom. 1. parte q. 1. dicit enim de singularibus tradi scientiam in Theologia, non principaliter, sed quia in exemplum adducuntur; hæc responsio non admittitur à multis, quia de Incarnatione Verbi, quæ est vna actio singularis, per se traditur scientia Theologica; Item de aliis actionibus Christi, ut resurrectione, morte, &c. Soluitur ergo ratio aliter, quia idem negauit Aristoteles de singularibus esse scientiam 1. poster. tex. 62. & 64. quia singularia ista sunt corruptibilia non æterna: At si singularia, vel in se, vel in alio essent incorruptibilia, non negaret de illis esse scientiam; ista autem singularia Incarnatio, vita, & mors Christi, licet in se sint contingentia, & transierint, tamen in reuelante Deo sunt æterna, siue ita certa cognita, ac si essent æterna & in essentia diuina, ut perpetua manent, ergo sunt obiectum scientiæ.

Scoti ratio efficacius concludit, Theologiam non posse dici verè scientiam. Scientia propriè dicta non potest stare, ut ipse probat in 3. dist. 24. cum fide, sed sic est, quòd Theologia nostra viatorum innititur fidei, ergo non potest esse scientia propriè dicta: minor probatur, quia Theologia nostra procedit ex articulis fidei, & ex propositionibus in sacra Scriptura expositis, quæ non sunt euidentes ex se, sed sola fide; maior etiam patet, quia inter conditiones scientiæ tertia est, quòd sit ex causa habente euidentiā apud intellectum, ita scilicet, quòd intellectus cognoscat prædicatum inesse subiecto per tale medium, & causam; at conclusiones Theologiæ non habent talem euidentiā, quia & ipsæ sunt creditæ, & procedunt ex principiis creditis, non notis lumine naturali.

Notandum tamen, quòd possumus dicere Theologiam nostram esse scientiam, ut multi recentiores concedunt, scilicet non strictè & ut

1. poster. Arist. definit scientiam, idque propter inevidentiam, sed ubi definit 6. Ethicor. cap. 4. & 7. scientia est habitus oppositus opinioni & suspicioni, quo determinatè verum dicimus, quia est certissima, opponitur enim opinioni, & suspicioni, & licet non habeat evidentiam, reuelatur enim nobis à Deo, quia est veritas infallibilis, & cui non potest subesse fallitas, & sic explicanda loca Prou. 15. *Labia sapientum disseminabunt scientiam.* Sap. 7. *Ipse dedit mihi omnium, quæ sunt veram scientiam.* & Sanctorum Patrum, ut Augustin. lib. 14. de Trinitat. cap. 1. & lib. 12. cap. 14. *Locutus Theologiam nostram scientiam qua fides saluberrima gignitur, nutritur, defenditur, roboratur.* & aliorum, ut annuit Scotus, qui in accensione scientiæ pro cognitione terra & infallibili, ut accipit Aristot. 6. Ethic. concedit Theologiam esse scientiam perfectissimam, imò & sapientiam, quia 4. præcipue proprietates sapientiæ 1. metaph. cap. 2. recentit, ei debentur, quod scilicet sit cognitio vniuersalissima, quod sit circa res difficillimas, & maximè à sensibus remotas, quod sit certissima, quod ad nullam aliam cognitionem ordinetur, sed aliis omnibus præsit, &que dirigat, tres primæ vbi sunt Lectori, 4. ostendo. Theologia ad nullam scientiam superiorem ordinari constat, imò aliis scientiis tanquam ancillis vtitur, iuxta illud Prou. b. 9. *Misisti suas ancillas, vocare ad arcem.* hoc est quod aliis scientiis ad altiorem finem dirigat & ordinat, v. g. Moral. Philosophiæ cognitionem, ad allectionem vite æternæ, sicque Theologia dici potest vera, & perfecta hominis scientia. Hinc intellige Theologiam nostram non esse fidem diuinam, quamuis eam præsupponat, ipsique innitatur, quia est discursiua, fides autem nullo vtitur discursu, sed in ipsa reuelatione diuina simpliciter acquiescit.

De obiecto Materiali Theologiæ.

SANCTUS THOMAS & SCOTUS statuunt Deum esse primum & adequatum materiale subiectum Theologiæ, hoc est, quod virtualiter continet omnes veritates huiusmodi habitus: rationes multæ hoc conuincunt. 1. in nulla scientia traditur ita distincta ea perfecta cognitio de Deo, sicut fit in Theologia, at illud est subiectum in aliqua scientia, quod magis distinctè quàm quoduis aliud in illa scientia cognoscitur: etenim in nulla scientia traditur ita perfecta & distincta cognitio de non per se subiecto, sicut de per se eius subiecto; maior probatur, quia si in alia scientia traderetur maior & distinctior cognitio de Deo, quàm in Theologia, illa scientia esset prior Theologia, quod est absurdum. 2. Ista scientia est de numero, de quibus dicit S. August. 14. de Trinit. cap. 1. & 14. fidem gigni, defendi, & roborari: Ergo est de eodem obiecto, de quo est fides, sed obiectum ipsius fidei, est Deus; ergo sacra Theologia est de Deo, ut de subiecto; Nec dicas diuersorum habituum non posse esse vnum & idem obiectum, dico enim fidem acquisitam & Theologiam esse eundem habitum, quia Theologia innititur propositionibus reuelatis, ex quibus deducit suas conclusiones, quæ & ipsæ sunt creditæ, non scitæ, idè non distinguitur à fide, si tamen consideremus Theologiam Scholasticam, quæ propositionibus reuelatis miscet scientias naturaliter adiuuentas, & præcipue metaphysicæ, hæc

est alijs habitus à fide; nam licet Scholasticus sumat vnam propositionem naturaliter notam, tamen sumit aliam creditam; Conclusio autem semper sequitur debiliorem partem, idè illa conclusio est credita, non scita; Est tamen Theologia Scholastica habitus mixtus ex supernaturalibus & naturalibus, & ita accidentaliter differt à fide, non per se, nec essentialiter, ut docet Scotus in 3. distinct. 24. Tertia ratio, Theologia est de his, quæ sunt soli diuino intellectui naturaliter nota, sed solus Deus est naturaliter sibi notus, ergo Theologia est de Deo, tanquam de subiecto; maior probatur, quia nulla datur scientia, quæ sit superior Theologia, at si ipsa non esset de his, quæ sunt soli Deo naturaliter nota, & de ipso Deo, posset dari aliqua alia scientia, & de his, quæ sunt naturaliter nota Deo, Theologia consequenter non esset scientia superior; minor probatur, quia omnis essentia creata est alicui intellectui creato naturaliter nota, remanet ergo solus Deus, qui intellectui creato non est naturaliter notus, cum ipse Deus sit infinitus, & solus quoque intellectus Dei sit infinitus.

Adde nobilissimam scientiam esse de nobilissimo subiecto ex 6. Metaph. tex. 2. & 1. de anima tex. 1. Sed omnes concedunt Theologiam esse scientiam nobilissimam; ergo est de Deo, ut de subiecto.

De obiecto formali.

SCOTUS statuit esse Deum sub ratione, quæ est hæc essentia, pro cuius intelligentia ponit exemplum; nam homo potest intelligi ut animal rationale, ut substantia, ut mansuetum in natura, ut nobilissimum animalium: in primo intellectu consideratur secundum rationem quidditariam propriam; in secundo consideratur in communi; in tertio consideratur per accidens; in quarto in respectu ad aliud: inter autem omnes istas considerationes, seu cognitiones, nobilissima est illa, quæ est de homine secundum rationem quidditariam; nam cognitio de homine in communi, est confusa cognitio, illa de homine in respectu præsupponit cognitionem hominis, quoad absolutum, illa sub ratione passionis præsupponit notitiam subiecti siue hominis sub ratione quidditaria; cognitio ergo hominis sub ratione quidditaria, est cognitio perfectissima de homine. Ex hoc probatur conclusio Scoti; nam de Deo potest institui scientia ut sub ratione quidditaria, ut sub ratione deitatis, siue sub qua est hæc essentia, item sub ratione respectus ad extrinsecum, v. g. sub ratione reparatoris, vel capitis Ecclesiæ. Item sub ratione attributali, quæ est quasi passio; unde aliqui ponunt Deum esse subiectum in hac scientia sub ratione bonitatis, denique posset poni subiectum sub ratione communi vel vniuersali, ut Deus sub ratione entis, vel entis infiniti, vel entis necesse esse, & similia; omnes autem istæ rationes sunt imperfectiores, quàm consideratio de Deo sub ratione deitatis, vel quatenus est essentia hæc: hæc autem est nobilissima scientia; ergo sequitur Deum esse subiectum in hac scientia sub ratione deitatis, (siue sub ratione, quæ est hæc essentia: nec dicas idem obiectum dari metaphysicæ, consequenter non distinguendam iri Theologiam à metaphysicæ. Negat autem hoc Scot. qui ei assignat ens in quantum ens.

Dices ex opinione Scoti sequeretur Deum posse comprehendī a nobis, quia ad habitum, in quo aliquod subiectum statuitur, pertinet considerare illud omnibus modis; ergo & omnino perfecte cognoscere illud, quod est comprehendere obiectum.

Respondere negando consequentiam. Ad probationem dico habitum esse duplicem, perfectum, & imperfectum, seu adæquatum, & inadæquatum obiecto, verum est quod habitus perfectus, & adæquatus, est comprehensivus subiecti sui, cuiusmodi est Theologia Dei, imperfecto autem habitui, cuiusmodi est nostra Theologia, hoc non competit. Hic multa possunt dici, quæ supersedeo.

Quenam sit Conclusio Theologicarum certitudo.

Nomine Conclusionis Theologicæ intelligo propositionem illam, cui assentitur intellectus ratione discursus Theologici, seu ex vi assensus, quem illius præmissis, tanquam ex fide veris, & certis, præbuit.

Dico conclusionem Theologicam etiam ex duabus præmissis fide diuina cognitis deductam, inferioris esse certitudinis, quā sint ipsæ veritates immediatæ à Deo reuelatæ, & per Ecclesiam ad credendum propositæ: patet non solum ex dicto philosophorum, quod semper sit certitudo maior principiorum, quā conclusionis, quæ ex illis deducitur, sed præsertim, quia veritates fidei immediatæ diuinæ reuelatione innituntur, quæ est omnino infallibilis; at conclusiones Theologicæ non nisi mediante discursu, qui cum sit operatio intellectus creati, non potest habere æqualem cum veritatibus fidei certitudinem, cum omnis intellectus creatus in operationibus sibi propriis falli & decipi possit.

Hæc tamen certior est semper quauis alia conclusione cuiusvis scientiæ naturalis, eo quod motiuum quo innititur, semper est certius motiuo conclusionis scientiæ naturalis, cum hæc solo lumine naturali: illa verò fidei & attestatione diuinæ innitatur.

Deum esse, vulgariter dicitur esse per se notum, & demonstrabile per effectus, ut intuit Apostolus ad Roman. 1. *inuisibilia Dei per ea, quæ facta sunt, intellecta conspiciuntur*. Quod non esset nisi per ea, quæ facta sunt, posset demonstrari Deum esse, primum enim, quod intelligi oportet de aliquo, est, *An sit*. Effectus isti perfectam Dei notitiam non suggerunt, nec indicant quid ipse sit, sed tantum, quod sit primum ens incausatum, & omnium causam, hoc autem non est simpliciter cognoscere eum: Philosophi solo lumine naturali existentiam Dei agnouerunt, Christiani per fidem Catholicam naturam eius & essentiam plenè edocentur.

VNum esse ita evidens & necessarium est, ut qui plures admittit, non minus erret, quā qui nullum agnoscit: cum enim Deus comprehendat in se totam essendi perfectionem, si essent plures dii, oporteret eos differre, aliquid ergo conueniret vni, quod non alteri, & si hoc esset priuatio, non esset simpliciter perfectus, si perfectio, alteri eorum deesset, impossibile ergo est esse plures Deos, vnde & antiqui Philosophi, quasi ab ipsa veritate coacti, ponentes principium infinitum, posuerunt vnum tan-

tum principium, explosa stupiditate, aut ambigua adulatione eorum, qui plures inuenerunt Deos. vnitas hæc clarè enuntiatur Deuteron. 6. *Audi Israel, Dominus Deus noster, Deus vnus est.*

Hinc, non corpus sed purum spiritum fieri necesse est, ut Ioannis 4. dicitur, *Spiritus est Deus* cum sit primum mouens immotorum, ac primum ens omnium nobilissimum, quod corpori conuenire nequit, uti spiritus omnes perfectiones habet & attributa, de quibus tractant Theologi, specialiter tamen perfectissimum intellectum & voluntatem, quæ substantialiter vnum & idem sunt in Deo, licet aliquo modo, ut docent Theologi, distinguantur & infertur ex diuersa definitione & actione eorum, intelligere enim præcisè non est velle, nec velle, est intelligere; imò in eis reperitur ordo rationis, cum argere præsupponat intelligere.

Deus itaque cum sit semper in actu æternaliter, immutabiliter, & felicissime, operationem habet immanentem, secundum quam in ipso aliquid procedit, nam processiones in diuinis sequuntur intelligere & velle, vnde cum in natura intellectuali duæ tantum sint processiones, hinc habetur processio verbi diuini, quæ in scriptura vocatur generatio filij, & processio Spiritus Sancti, quæ dicitur inspiratio, neque habetur Trinitas Personarum, quam fides Catholica veneratur in vnitate diuinitatis, quæ ex se talis est naturæ ut in vna persona ingenerata & improducta subsistat, hæcque Pater nuncupatur.

Quid de Trinitatis Sacrosanctæ mysterio Credendum.

Nomen Trinitatis idem importat, quod vnitatem trium, quod exponitur tres personæ in Deo vno, idque ad significandum, quod in vna essentia diuina tres sunt subsistentiæ non distinctæ, sed distinctæ per proprietates incommunicabiles, quæ relatiuæ sunt ad inuicem.

Distinctio hæc infert dari in Deo dispositionem & ordinem originis, qui vnitatem naturæ diuinæ nullatenus mutat, Et hæc tres diuinæ subsistentiæ & Personæ vocantur *Pater, Filius, & Spiritus Sanctus*, quæ ab æterno sine prioritate aut posterioritate subsistunt in essentia ipsis communi.

Nec ignorandum hæc nomina *persona, Pater, Filius, Spiritus Sanctus*, ut ad essentiam diuinam referuntur, non assumi uti communiter apud homines vsurpantur, sed modo singulari & proprio diuinitati. Nomen personæ significat hanc subsistentiam intellectualem, intelligentem, & volentem, quæ, ut ad alias refertur, distinguitur proprietate personali & incommunicabili.

Nomine Patris intelligitur prima persona Trinitatis, quæ sic dicitur, eo quod consideratur, uti principium sine principio, & radix communicationis diuinæ tam ad intra, quā ad extra, id est personarum diuinarum, filij, & Spiritus Sancti, & omnis creaturæ in tempore; Pater tamen specialiter dicitur respectu filij, ad quem refertur, eum ab æterno de sua substantia producentem.

Secunda persona dicitur filius, quia secundum

ad rationem processionis suæ, quæ est per intellectum, (cuius est tendere ad assimilationem perfectam) procedit in similitudinem naturæ, qui consequenter Deus est, uti pater, quia quicquid in Deo est, Deus est.

Tertia in Trinitate persona est Spiritus S. qui à Patre Filioque procedit & hanc personam Spiritum S. nominamus per appropriationem; unde cum Spiritum Sanctum dicimus, non intelligimus aut animas beatas, aut Angelos, qui Spiritus sunt, & sanctitatem habent, neque intelligimus personam Patris, aut Filij, licet utraque Spiritus sit, & quidem sanctitatis author, sed intelligimus hanc tertiam personam, per quamdam tam scripturæ quam Ecclesiæ appropriationem: Non enim proprium nomen habemus, quo illam personam nuncupemus, aut quo exprimere possimus illam communicationem Patris, & Filij per modum amoris; sed spiratio solet appellari & persona, illa per spirationem producta Spiritus Sanctus dicitur, quam æqualem esse cum aliis in essentia & omni perfectione non ambigendum, cum sit idem cum Patre & Filio Deus.

Quando ergo nomen Dei absolute pronunciamus, hoc æqualiter tribus personis convenit; quando vero personam aliquam consideramus, tunc qualibet proprietate sua personali distinguenda est, & sic dicendum est Pater, Filius, & Spiritus Sanctus sunt unus Deus, tamen Pater non est Filius, nec Spiritus Sanctus est Filius, sed quælibet persona realiter, personaliter ab illa distinguitur. Hæc est fides Catholica, ut non confundamus personas, neque essentiam separemus. Pater est Deus Filius est Deus, Spiritus S. est Deus, & tamen, Pater, Filius, & Spiritus Sanctus non sunt tres Dii, sed unus, ita tamen ut Deus Pater non sit personaliter Deus Filius, nec Filius sit personaliter Deus Spiritus Sanctus, quælibet persona verus & vivus est Deus, tres tamen unus tantum sunt Deus; unde si queris, quid est Pater? respondendum, quod est Deus; similiterque de Filio & Spiritu Sancto: quod si intres, quid Pater, Filius, & Spiritus Sanctus simul; id eam, tres sunt unus Deus, unusque Dominus. Non sic certe apud homines; nam si petas, quid Abraham, homo, quid Isaac, homo; quid Iacob, homo singularis, nusquam dicitur hos tres esse unum numero hominem; verè enim tres sunt singulares homines, essentia distincti, & proprii distincti, seu separati substantia.

In Deo res planè aliter se habet; nam quicquid est, & habet Pater, hoc & Filius, & Spiritus Sanctus plenissime ab æterno; non obstante enim personarum distinctione, una & eadem numero essentia, natura, divinitas, est in tribus, distinctior autem personalis realis est à parte rei; quia genitor & geniti sic distingui notum est. Sabellius hanc imaginariam, & rationis ratiocinantis censebat, sed falsissime, hæc enim stat ex parte personarum, nullatenus autem ex parte essentia, seu naturæ, ut impius blasphemavit Atrius ad consubstantialitatem Filij suppressendam.

Generatio filij est ab æterno, ob supremam & infinitam adivitatem, seu fecunditatem Patris æterni, qui nunquam est in potentia, sed est semper in actu, & ob supremam æqualitatem Filij ad Patrem, cui coæternus & consubstantialis est; hæ præcipue notantur conditiones pro perfecta æqualitate, quæ cum intercedunt in hac generatione filij, nec non & in spiratione tertie perso-

næ, hinc trium personarum una est divinitas, æqualis gloria, coæterna maiestas, & æternitas; nam sicut si sol esset æternus splendor, & lux eius pariter esset æterna. Sic cum pater sit æternus & fecundus, hinc productio eius æterna est.

Summatim ad ineffabilem Filij Dei generationem æternam dici potest, quod Pater intuendo seipsum, & perfecte intelligendo essentiam suam, seu eam, licet infinitam, comprehendendo, producit vivum sui conceptum, & perfectissimam imaginem eiusdem secum essentia, sapientia, & potentia, & hæc est Filius, & vocatur etiam Verbum Dei, sicut mens nostra seipsam intelligens, sui in seipsa format imaginem, quam verbum mentis vocamus.

Ad hanc rem accommodo, est similitudo speculi. Quando quis se in speculo contempletur, producit imaginem perfectam sui, ut vix differentiam agnoscat; Est enim simillima, non solum quoad lineamenta & colores, sed etiam quoad motum & actionem, si enim homo moveatur, movetur & speculi imago; hæc quoque imago non est cum labore, aut cum tempore, aut instrumento producta, sed in instanti, unico aspectu. Sic ergo considera Deum contemplari seipsum oculo sui intellectus in speculo divinitatis suæ, & ibi producere imaginem simillimam sui, cui totam suam substantiam, & essentiam, & perfectionem communicat, & ideo hæc imago est verè filius, Nos autem speculum intuendo, huic imagini non communicamus substantiam nostram, ob impotentiam nostram, & ideo non dicitur filius, Quia verò Deus ab æterno hanc sui contemplationem continuat; ideo hæc generatio non transit aut præterit, sed semper eadem in Deo permanet. Sicut sol semper producit & spargit lumen, & semper lumen in aëre perfectum est, & tamen à sole semper quasi gignitur.

Idem dicendum de spiratione Spiritus Sancti; & ideo idem est in divinis gignere & gignisse, idem est spirare & spirasse; quia hæc omnia perficiuntur in instanti æternitatis, ubi idem est præteritum, præteritum, & futurum.

Quando ergo dicit Pater in Psalm. 2. *Ego hodie genui te*; illud *hodie* idem est, quod in æternitate, & ab æterno, ubi est unum, hodie unus deus æternitatis, unum nunc, unum instans, unum stabile præteritum: Et illud *genui te*, idem est, quod ego ex te, ego genui, ego gignam semper tanquam Verbum, tanquam Filium meum; Et cum alibi dicitur *ex æterno ante luciferum genui te* idem est, quod ex substantia mea secunda & instanti, quasi ex viro produxi te mihi consubstantiali, antequam ego crearem Luciferum, vel alium aliquem Angelum, vel antequam crearem stellas, aut solem, aut aliam aliquam creaturam, ante omnia secula ego genui te, ante ortum omnis creaturæ ortus es ex me; hinc quoque specialiter dicitur. *Oriens nomen eius*, quid ita? quia licet omnes creaturæ ortæ sint, & orientem suum habeant siue natiuitatem, tamen illa brevi finitur, nec ab æterno est: at verbum oritur de mente Patris semper Oriens, & nunquam occidit natiuitas eius, nunquam oriri desinet Oriens ab æterno.

Excet ergo infidelis aliquis Arrianus, & dicat, erat quando non erat, hoc est, erat tempus, quo Filius nondum erat. Hunc reuincit Ioannes dicens, *in principio erat verbum*, id est in Patre, qui est principium totius divinitatis: *Et verbum erat apud Deum*, ibi est distinctio personarum; Et

Zach. 16.

Dag

Nihil. 1.

Ambrosii tractatus
de Symbolo.

Nihil. 66.

Deus erat verbum, ibi unitas essentiae. Hoc erat in principio, quia egressio eius ab initio à diebus æternitatis; ibi Evangelista quater repetit vocem erat, ut æternitas Filij aduersus hæreses clariùs stabiliretur; quapropter antè dixit S. Ambrosius. Verbum ab æterno erat, erat, erat, erat, igitur qui ab æterno non esse blasphematur, errat, errat, errat, errat.

At inquires, sublimis hæc & incomprehensibilis doctrina de Trinitate diuina, nunquid rationi naturali aduersatur? Quinimò hæc illi suffragatur, ut conici potest ex infra dicendis. Primò ex ratione naturali euincitur, quicquid perfectionis reperitur in creatis, id longè nobilius & eminentius esse in Deo; at producere & generare sibi simile, perfectio non parua est in creatura, necesse ergo eam in Deo eminentissimè ponendam; hancque inesse sibi Deus per Isaiam apertè declarat: *Nunquid ego, qui alios parere facio, ipse non pariam?* Vis generandi non solum innata est rebus corporalibus, sed & spiritualibus, ut Angelo, & animæ rationali, qui notiones seu conceptus spirituales produciunt, imò ex sublimitate cogitationum & notionum, excellentia mentis infertur: attamen fecunditas hæc mentis nusquam est sine aliquo defectu; hanc enim subsequitur alteratio quædam, aut mutatio; quia de non cognoscente fit cognoscens, de non amante fit amans, ibi profectò notatur alteratio, & mutatio formalis.

Cùm ergo de perfectione spiritus creati sit dicere verbum mentis, seu intelligere per intellectum, & amorem producere, seu amare per voluntatem, quis sanæ mentis hanc in Deo non admittet, qui ex se ab æterno habet duo principia productiua, non otiosa, aut in potentia tantum, sed fecunda infinite, & semper in actu produciunt; ergo ab æterno. Nam Pater ex se est agens sufficiens ad producendum, habens in seipso principia productiua, scilicet intellectum, seu memoriam fecundam, & voluntatem, consequenter ex vi primi principij seu intellectus producit ab æterno; habet enim obiectum præiens & intimum, ipsumque solum sua dignum attentione, essentiam suam, quam ut intelligit & contempletur, dicit verbum seu notionem, quæ non accidentaria est, sed consubstantialis producenti; Deo enim nullum competit accidens, aliàs enim imperfectus esset, nec primum esse dici posset, consequenter nec Deus; quare necessariò credendum est idem omnino in Deo esse intelligere, & esse, at esse Dei substantiale est; ergo & intelligentia eius, seu verbum, quod dicit: vnde inferitur quod genitor & genitus vnus omnino sunt nature, & substantiæ, eò maximè, quia natura diuina, vti simplicissima, nullam admittit diuisionem, aut multiplicationem, & quia nemo seipsum generare aut producere potest, esset enim, & non esset, hinc necessariò habetur distinctio realis personalis inter producentem & productum; vnde euincitur distinctio realis à patre rei inter personas diuinas cum idem natura & essentia, quæ vnice communicata est tribus.

Sic ratio naturalis viam sternit fidei circa inperferutabile mysterium Trinitatis.

Præterea ratione naturali constat bonitatem infinitam Dei præcellere bonitati limitatæ creaturarum; at ista bonum finitum producit, utpote, æquatum sibi; ergo infinitæ creatoris bonitati subuenda est productio boni infiniti, at præter

Deum nihil est infinitum; ergo quod producit, Deus est, sed vnus est Deus, & nemo seipsum generat vel producit; ergo qui generatur, Deus est, & alius à producente, non in essentia, nam Deus nequaquam esset, sed in substantia, seu persona alius.

Adde, quod ratio & Philosophia docent, omne agens agere secundum modum & vires innatæ virtutis; at virtus Dei est infinita; quidni ergo produceret aliquid infinitum? Mundus totus nullo modo quantum ad substantiam adæquatur infinitæ potentie Dei, imò omnis creatura quasi nihil ante Deum; cùm ergo Deus nihil infinitum extra se produxerit, credendum est hoc ad intra perficere generando ab æterno Filium consubstantialem sibi.

Tum Deus est actus purus, æternus, & infinitus; necessariò ergo agit æternaliter & infinite; ergo ante creationem mundi, & temporis, id est, in æternitate sua aliquid diuinum producit productione æterna, & infinita; at hæc importat verbum, & amorem, seu Filium, & Spiritum Sanctum.

Denique nemini dubium est delectabilis esse de propria substantia aliquid producere, quàm de materia extranea; naturaliter enim Pater in Filio de se genito magis delectatur, quàm artifex in opere de materia insensibili, affabrè facto. Sic rationaliter concludere possumus Patrem in diuinis, Filij productionem conuenientiore & delectabiliore habere, quàm cæli & terræ creationem, cùm vna sit ab æterno, alia in tempore.

Et verum est, quod homo placet Creatori præ cæteris operibus visibilibus; quia magis habet de similitudine ad Deum; at nulla est creatura, siue corporea, siue spiritalis, quæ Deo perfectè similis sit in natura, hæc perfectæ imago & similitudo habetur in generatione diuina Filij sui, qui ex vi productionis suæ Patrem perfectissimè representat, quare in ipso infinite sibi complacet, ut Matth. 17. declarauit, *Hic est Filius meus dilectus, in quo mihi bene complacui.* Hoc insuper assero, quod ab alicuius essentia produciatur per operationem naturalem, & secundum naturæ principia, ipsammet productoris retinens naturam; id rationabiliter Filius producentis nuncupatur, sed Filius in diuinis procedit à Patre per operationem intellectus, qui principium productiuum naturaliter admittitur, & in productione sua manet in unitate essentia Patris; vnde sequitur, quod merito filij nomen sortitur.

Si enim homo, animam & totam substantiam corporis à genitore solo haberet, præter modum ordinarium, quò animam à Deo & substantiam corporis partialiter à patre & matre mutuatur, verè is talis genitoris filius diceretur. Verbum diuinum totum suum esse & essentiam cum perfectionibus habet à Patre æterno; verè ergo Filius dicitur, cùm per intellectum, qui facultas est naturalis, producat, Aliquando autem vocatur sapientia Patris, quia per eum omnia facta sunt: Verbum dicitur, quia Pater illud producendo exprimit omnes perfectiones diuinas, quas plenissimè ei communicat, Vox præterea Patris vocatur, quia Patris omnipotentiam & maiestatem nobis incognitam declarauit. Quare Philosophi maxima cum ratione Verbum Dei diuersimodè nuncuparunt, modò mentem æternam; Gallicè, *pensée*, modò vocem sanctam & diuinam; verè enim Verbum est in corde Patris, & vox in lingua matris,

matris. Verbum in generatione æterna, in qua Pater illud producit, vti expressam & viuam imaginem naturæ suæ infinitæ. Vox, quæ in tempore perfectiones patris, à quo procedit ab æterno, manifestat hominibus.

Multa apud Platonicos & antiquiores Philosophos habentur deuentis à summo bono generatione, quæ vti ait Plato in *Timæo ante sæcula processit, & in qua sunt omnes rerum puicbritudines, non extra se, sed in se semper.*

Ex quibus patet ipsos lumine quodam naturali deductos ad productionum diuinarum cognitionem; non igitur dogma istud Catholicum de personis diuinis aduersatur rationi, in quod Philosophi consentiunt.

At instabis indignum Deo videretur, quod generet; generatio enim, quæ communiter tribuitur rebus corporeis, præsupponit diuisionem quendam naturæ genitoris, quæ genito communatur. Quod autem natura Dei minuat, diuidatur, aut mutetur, dici non potest sine blasphemia.

Respondeo duplicem in creaturis adnotari generationem, vnam corpoream, alteram spirituales; in prima corpus viuum educitur ab alio viuento, in secunda verbum seu conceptus aut notio producitur à mente; ambæ imperfectæ notantur, etsi enim spiritualis procedat à nobiliori & perfectiori agente; siquidem Spiritus præcellit corpus, tamen quod à Spiritu producitur merum est accidens. Corporea generatio, quæ gignens aliquid sibi simile in natura specifica producit, diuisionem, seu auulsionem substantiæ eius importat, sicque imperfecta notatur ex parte subiecti, quod diuisibile est, & mutationi obnoxium, quamuis perfecta dici possit ex parte principij, seu potentia, quæ producit & generat. At generatio diuina excludit omnino defectus istos creaturarum generationi intrinsecos, genitura enim diuina, quæ per ipsam producitur, quæ verbum Dei vocatur, non est accidens vti verbum à Spiritu cæto productum, sed pura substantia per se subsistens in natura diuina. Verbum hoc substantiale non educitur ab essentia Patris per diuisionem aut auulsionem partialem à toto, sicut fit in animalium generatione, in qua genitor communicat non totalitatem, sed partem tantum suæ substantiæ, & naturæ; Sed Pater æternus generando Filium, totam ei communicat substantiam suam, & essentiam diuinam, sine diuisione aut multiplicatione; ideo vnicus & consubstantialis Patri dicitur, consubstantialis ob idemnitatem communicatæ naturæ, Vnicus quia Pater cum generando exhaurit totam substantiam, vt ei detur per operationem sui intellectus, quæ vnica, simplex, æterna, & semper existit sine cessatione; sicut enim generatio hæc non habet principium, sic nec finem, sed semper est actus in puncto præsentis æternitatis.

Non ergo comparanda est Generatio diuina cum generationibus creaturarum, quæ ratione annexarum ipsis imperfectionum tantò ab illa distant, quantò à Creatore; necesse est autem reperiri in Deo quæcunque perfectissima, & infinitè excedentia ea, quæ notantur in creaturis. Huius veritatis idea habetur in persona regis, quæ singulares habet perfectiones & excellentias, nulli subditorum proprias, Coronam v. g. sceptrum, & supremum ius & auctoritatem in totum regnum; si ergo rex subditos sibi homi-

nes eiusdem cum eo speciei & naturæ superexcellit, à fortiori Deus omnium factor facturam suam infinitè ab eo differentem, & in gradu essendi distantem infinitè præcellit. Quod cum ita sit, quis non videat citra intolerabilem insipientiam non commenfurandum esse diuinum, humanæ aut creaturæ infirmitati, quæ proportio fioni ad infinitum; quæ correlatio nihili ad fontem totius esse? Quid ergo mirum, si quæ in creatore audimus, nequaquam creaturæ conueniant? magnus vbique & semper Deus, & magnitudinis siue singularium eius perfectionum non est numerus: humiliemus capita, & sensus, & intelligentias nostras Deo; vt quid enim homo puluis & cinis ineffabilem Verbi diuini generationem capiet, aut enarrabit, qui nec sui in ventre matris efformationem, non obstantibus tot demonstrationibus, quæ cadunt sub sensum non intelligit, vt faretur David Psalm. 139 *tu formasti me, & posuisti super me manum tuam, mirabilis facta est scientia tua ex me, confortata est, & non potero ad eam.* Nec mirum si cæcutiat homo ad tanti splendoris solem, ipso equidem nihil in tota natura sensibilis, nihil tamen quod minus perspicui possit; nimium est sensibile ad eius aspectum, destruitur oculus: sic philosophandum de Deo, nihil ipso intelligibilius, nihil tamen minus intellectum ob excellentiam eius infinitam & incomprehensibilem; quare impossibile est scrutari, ne dicam comprehendere mente, ineffabile Trinitatis mysterium, in quo vnitas naturæ in tribus personis æqualiter adoratur, nec minus difficile generationem æternam Filij Dei enarrare aut intelligere.

De Productione verò Spiritus Sancti quid dicemus?

Vulgari apud Philosophos axioma dicitur, nihil esse volitum vel amatum, quin præcognitum; sicut enim Aurora præit diem, ita cognitio præcedit amorem, qualis est notitia, talis est affectus, vti res intelligitur, ita & diligitur, vnde defectus notitiæ rei in amorem eius refunditur; si enim error aut mendacium inueniatur in notitia, sine dubio defectus quidam notabitur in dilectione; data autem perfecta & expressa rei notitia sincerus & verus subsequetur amor, qui ad mensuram cognitionis exercescere solet.

At Pater æternus abyssum infinitam diuinæ suæ naturæ funditus, & totaliter mentis acie penetrat, & totaliter cognoscit; vti ergo totum cognoscit, totum producit, quod essentialiter est totum suum esse, id est Verbum, seu conceptum, ita sibi æqualem, vt vna & eadem vtriusque sit essentia & natura: vnde ista conceptio non solum vera est, sed ipsamet veritas per essentiam, quia concipientis, seu Patris naturam totaliter & indiuisam habet.

Cum ergo Amor respondeat notitiæ, ex hac cognitione infinita & substantiali, amor infinitus subsequitur ex cognoscente & cognito, seu ex Patre & Filio, at Deus solus infinitus est essentialiter & substantialiter consequenter amor Patris & Filij necessariò Deus, erit Deus vnus in essentia cum his duabus personis, personaliter tamen ab eis distinctus: Ad hæc sicuti naturalissimum est Patri producere Filium, eumque vti infinitè bonum amare, ita & naturalissimum est Filij

Filio gigni, & produci, Patremque diligere, qui infinite amabilis est.

Itaque in actu amoris tria occurrunt, scilicet amans, amatum, & ipse amor ab utroque resultans; Pater est amans, Filius amatum, Spiritus Sanctus amor, qui coequalis utrique esse debet, consequenter substantialis, eternus, infinitus, ut Pater & Filius, alias non esset eis aequalis, unde & imperfectus, quod impium est sentire de Deo.

Ille igitur amor subtilis, & in se subsistens, vocatur Persona, seu suppositum, diciturque Spiritus Sanctus, quia cum duae personae perfecte se diligant amore, mutuum habent communicationem spirituum ex intima propensione & impulsione ardentis affectus, unde vulgariter dicitur unum cor & animam duorum esse, quia in unum conueniunt & conspirant finem; perfecta siquidem dilectio, nexus, & vinculum est duarum voluntatum, & hac de causa Persona, quae in diuinis procedit à Patre & Filio per viam amoris seu affectus, & charitatis, vocatur Spiritus. Spiritus inquam, nam uti in nobis spiritus vitae est vinculum & unio animae ad corpus, ita Spiritus ille diuinus est (sed modo infinite excellentiori,) nexus Patris cum Filio. Vocatur Sanctus, non tantum ratione sanctitatis suae productionis, sed & ratione sanctificationis, quam quotidie in nobis operatur. In Spiritu Sancto terminantur productiones diuinae, quia in diuinitate dantur tantum duo principia productiua, intellectus scilicet & voluntas. Prima productio fit per actum intellectus, secunda per voluntatem, nec tamen posterius aut prius; in aeternitate enim non datur successio, sed ordo originis tantum.

Hæcque sit superius ad planam declarationem rudioribus promissam, ad firmandum eorum sola fides sufficit.

Duo genera fidelium animaduerto inter Christianos, unum, cui sit est habere dogmatum Catholicorum fidem, aliud, quod fidei gaudium seu mentis quietem sectantur & possident; Idiotæ, qui Patrum suorum professioni inhaerent, non querens rationem de fide & spe, quam habet, sed totum se committit directioni Ecclesiae Vniuersalis, quæ cum in Christo regenerauit, & fouet, hic fidem tantum habet; Sed litteratus, qui scrutatur mirabilia testimonia Dei, qui laboribus, vigiliis, lectionibus, & Orthodoxorum Doctorum assiduis consultationibus, Magistrorumque instructionibus, proficere conatur, sicque comprobatur dogmata fidei, etsi præter, non tamen contra rationem militare, imò ipsam suffragari veritati reuelatæ, profecto is non tantum fidem, sed fidei gaudium possidet; unde & diligentius ut plurimum proficit in charitate, & facilius submittit se Deo, quem maiestatis infinitæ experitur.

Appositè hic afferam formulam fidei habendæ de mysterio Trinitatis miraculosè traditam.

Anno Christi 233. Pontiani Papæ I. cum Gregorius Taumaturgus patriæ suæ Neocæsareæ Episcopus, nocte quadam requireret rationem prædicandæ sinceræ fidei populo suo, ac de variis, quæ tunc conuertebantur, quæstionibus animo agitare, apparuit ei Beata Virgo, cum Sancto Ioanne Euangelista, quæ per illum docuit perfectam Trinitatis fidem, datâ ei verbatim formulâ, seu regulâ, quam mox Gregorius post disparitionem scriptis mandans, & secundum illam postea in Ecclesia & eandem posteris prædicandam reliquit, quam Orientalis Ecclesia, necnon

Carere in Professionem Fidei.

& Occidentalis cognitam comprobauit, & ut sacrosanctum depositum cælitus datum religiose custodiuit. Gregorius Nissenus hanc recitat, habeturque descripta in 5. œcumenica Synodo, quam & post multa secula Apocrisarij Gregorij Papæ IX. citarunt, aduersus Germanum iuniorum Episcopum Constantinopolit. in eam sententiam, quod Spiritus Sanctus à Patre Filioque procedat. Est autem huiusmodi.

Vnum est Deum, Pater Verbi uiuentis, sapientia subsistentis, & potentia & figura eternæ, perfectum perfecti genitor, Pater filij unigeniti, unus Dominus, solus ex solo, Deus de Deo, figura & imago Deitatis, verbum efficax, Sapientia constitutionis rerum vniuersarum comprehensiva, & Potentia vniuersa creatura effectrix, filius verus, veri Patris, visum effugiens visum effugientis, & corruptioni non obnoxium, non obnoxij corruptioni, & morti non obnoxium non obnoxij morti, & æternus æternus. Vnus Spiritus Sanctus ex Deo ortum & existentiam habens; quippe per Filium apparuit, videlicet hominibus: imago Filij perfecti, perfecta vita, viuendum causa, fons sanctus, sanctitas sanctificationis supplicatrix; per quem manifestatur Deus Pater, qui est super omnia, & in omnibus, & Deus Filius, qui per omnia permanet. Trinitas perfecta, quæ gloria atque æternitate, & regno non diuiditur neque abalienatur.

Quam etiam Regulam constat fuisse ab eodem ipso Gregorio accuratissime explicatam, apposito Commentario de expositione fidei in scripto, qui citatus reperitur inter alios à Basilio Magno, & Leontio Scholastico. Hæc ergo est vera regula Theologica.

De mysterio Trinitatis scripsit S. Augustinus libros quindecim. Richardus à S. Victore sex. Boëtius duos. S. Hilarius duodecim. Nota ex August. in 1. lib. de Trinit. cap. 3. *Non erratur alicubi periculosius, quam in materia Trinitatis.* Quanta in verbis cautio à Theologis adhibenda sit, constat ex mysteriis Trinitatis, & Incarnationis, quorum non modò res, sed voces ipsas Patres & Concilia definierunt; nec solum propter res, sed & propter verba incutitur hæresis, ut post Hieronymum docet D. Thomas.

Hinc Concil. Constantiense varios censuræ gradus distinxit sess. 8. & 15. *Hæresis, error, propositio malè sonans, hæresim sapiens, errori proxima, scandalosa, seditiosa, schismatica, arrogans, improbabilis, blasphemica, impietas.* Bene ergo S. August. *Philosophi, inquit, liberis verbis viuunt, & in rebus difficillimis non pertimescunt offendere aures piorum. Nobis autem certam regulam loqui fas est, ne verborum licentia, etiam impiam gignat de rebus, quæ his significantur, opinionem.*

Basil. lib. de Spir. sancto cap. 29.

Leont. de sect. 28. 8.

S. Tho. 1. p. 1 qu. 31. ar. 2.



EXPLICATIO PRIMÆ

Propositionis Symboli Fidei, quo
Sancta Romana Ecclesia vtitur,
videlicet

Credo in unum Deum.

QVÆSTIO I.

Hic exprimitur existentia Dei, & unitas diuinitatis. Deum autem esse, licet non possit demonstrari à priori, quia non habet causam, siue extrinsecam, cum sit primum Ens à quouis alio independens, siue intrinsecam, eo quod intra Deum non potest esse distinctio causæ & effectus, propter varias inde resultantes imperfectiones.

Dices, ex eo quod Deus sit actus purus, bene sequitur eum existere; at hæc videtur esse demonstratio à priori, saltem quoad nos.

*Quid sit
actus purus.*

Respondeo, negando minorem; nam esse actum purum est habere existentiam, omnemque aliam perfectionem sine admixtione ullius potentialitatis; unde dicta argumentatio non est à causa, siue reali, siue virtuali, sed à toto ad partem, ac proinde non est demonstratio, sicuti neque illa Petrus est homo; ergo est animal. **D E V M** tamen existere demonstrari potest à posteriori, idque naturali lumine potest homo cognoscere; nam Philosophi solius rationis ductu ex consideratione rerum creaturarum perueniunt ad cognitionem Dei, variisque demonstrationibus comprobant eius existentiam; Quid enim aliud est visibilis creatura, nisi scala quædam, per quam usque ad Dei cognitionem ascendimus; & quot creature, tot sunt gradus huius scale.

*Soliloquiôr.
cap. 31.*

Ascendebat per illam Augustinus dum dicit; *Circuibam omnia Domine quarens te: interrogavi terram, si esset Deus meus, & dixit, quod non; & omnia, quæ in ea sunt, idem confessi sunt. Interrogavi mare & abyssos, & responderunt, quare super nos es. Interrogavi aerem, Cælum, Solem, Stellæ, neque nos sumus Deus tuus inquit; & dixi omnibus his: dixistis mihi, quod vos non estis Deus meus, ut dicere mihi aliquid de illo; & clamauerunt omnes voce grandi: Ipse fecit nos. Interrogatio creaturarum est profunda consideratio ipsarum. Responsio est attestatio eorum de Dei existentia, quia omnia clamant Deum nos fecisse. Ita August. qui sine dubio ita ratiocinari didicerat ab Apostolo, qui dicit, *Inuisibilia Dei per ea, quæ facta sunt, intellecta conspiciuntur*; id est Potentia, Bonitas, Sapientia Creatoris, relucet in creaturis: docuerat & hoc sapientia, à magnitudine speciei; & creatura, cognoscibiliter patet Creator horum videri, ne autem veritas hæc sine demonstratione syllogistica proponatur, tres affert.*

Rom. 1.

Cap. 13.

Prima, vel res omnes, quæ sunt in vniuerso, siue ex sint finitæ, siue infinitæ, sunt productæ, vel aliqua earum saltem est improducta, illa est Deus, quod intendimus, si verò tota rerum collectio producta est, vel producta est ab aliquo

existente extra numerum eorum, quæ producta sunt, vel ab aliquo existente intra illorum numerum; At hoc posterius dici nequit, quia si id, quod est pars Collectionis, totam collectionem produxisset, sequeretur rem aliquam seipsam produxisse, quod fieri non posse perspicuum est, nam esset & non esset, ergo affirmandum est totam productarum rerum seriem productam esse ab aliqua re, quæ sit extra numerum rerum productarum, adeoque quæ improducta sit, & illa est Deus.

Secunda; vel res omnes quæ sunt in vniuerso sunt possibiles, & contingentes, vel inter eas est aliquod ens absolute necessarium, quodque repugnet non esse; si posterius dicatur, habemus intentum; quia tale ens est Deus; si autem prius affirmaueris, Contra, vel earum rerum aliquando nulla existit, vel secus, si dicas aliquando nullam existisse, quæto qua vi postea de non esse ad esse transierint, certè cum non poruerint esse à seipsis, eo quod à nihilo nihil fieri potest, sequitur eas productas esse à causa aliqua; ab iis distincta, quæque non sit contingens, sed planè necessaria, & hanc vocamus Deum. Si verò dicas aliquam ex iis rebus contingentibus de facto semper existisse; cum nulla earum sit absolute necessaria, sed omnes ex se possint esse & non esse, supponamus nullam earum modò existere, sanè ea hypothese possibili data, omnes possent existere, & transire à non esse ad esse, at qua ratione non propria, ut patet ex dictis; Ergo virtute cuius causæ, quæ illas omnes antecedit, quæque necessitatem essendi habeat, at hæc est Deus.

Dices hinc non sequi Deum esse de facto, sed tantum fore si casus ille contingeret; verum hoc gratis dicitur, quia cum casus ille sit possibilis, consequenter possibile est Deum esse; ergo de facto Deus existit, si enim non esset actu, nequaquam posset existere, siue à seipso, cum nihil seipsam producat, siue per aliquam causam priorem, quia repugnat dari quid prius Deo.

Tertiò argumentari possumus ab eleganti rerum creaturarum constitutione & ordine, ab vni-formi earum agendi modo, à perpetua elementorum, quamuis pugnantium inter se; consistentia, ac denique, ut cætera præteream, à constantis cælorum motu, solisque accessu & recessu, tempestates annuas conficiente; ista enim satis ostendunt esse in rerum natura supremam aliquam mentem, quæ hæc inferiora regit ac moderatur, quæque, cum sit potentissima, & sapientissima, Deus esse negari non potest; unde Chrysostomus ait, creaturas tam clarè Condito-rem suum prædicat, ut neque Scythia, neque

*Chrysost.
hom. 9. ad
populum.*

Barbarus, neque Indus, neque vlla alia gens sit, quæ hanc vocem omni tuba clariorem intelligere non possit.

EXPLI.

EXPLICATIO ILLIVS

Partis In vnum.

QVÆSTIO II.

Probatà existentiâ Deitatis, quæritur vtrum vnus tantum sit Deus.

Notandum primò, duplicem esse vnitatem, vnitatem scilicet compositionis, quæ consistit in indiuidione, & non in indistinctione, sicut continuum dicitur vnum, quod non habet partes diuisas, licet distinctas, nec de ratione huius vnitatis est, diuisio eius ab alio, quia si esset vnum tantum continuum, non esset diuisio eius ab alio, & tamen haberet suam vnitatem.

Alia est vnitas simplicitatis, quæ consistit in indistinctione, & non tantum in indiuidione, neque ad hanc vnitatem requiritur distinctio ab alio, quia quocumque alio circumscripto remanet vera vnitas in eo, quod est simplex; quia videlicet non habet partes, neque diuisas, neque distinctas, & talis vnitas reperitur in Deo.

Resolutio. Licet Deum esse vnum sit fide creditum, vt legitur, *Audi Israel Dominus Deus tuus, vnus est.* Tamen ratio naturalis agnoscit ipsum vnū esse in essentia, & demonstratur pluribus viis.

Primâ; quodcumque aliquid non est de se determinatum ad vnum eiusdem rationis, non est determinatum ad certam multitudinem; sed si plures sint Dij eiusdem rationis, natura diuina non est determinata ad vnum; ergo qua ratione erunt duo Dij, poterunt esse tres, aut quatuor, & sic in infinitum; si ergo dicitur, quod sunt plures Dij, necesse oportet concedere, quod sint infiniti in numero, quia in his, quæ sunt, necesse esse, non differunt esse & posse.

Secundâ. Probat ex infinitate perfectionis diuinæ; Deus enim comprehendit ex se totam perfectionem essendi, cum sit prima causa effectiua omnium, & ipsum esse per se subsistens; vnde Dionysius dicit, quod Deus in sua essentia omnia præhabet; nam quicquid perfectionis est in effectu, oportet inuenire in causa effectiua, vel secundum eandem rationem, si sit agens vniuersum, vt homo generat hominem, vel modo eminentiori, si æquiuocum; sicuti in Sole est similitudo eorum, quæ per solis virtutem generantur. Si ergo essent plures Dij, oportet eos differre; ergo aliquid vni conueniret, quod non alteri, & si hoc esset priuatio, non esset simpliciter perfectus, si autem hoc esset perfectio, alteri eorum deesset, impossibile ergo est esse plures Deos; vnde & antiqui Philosophi, quasi ab ipsa veritate coacti, ponentes principium infinitum, posuerunt tantum vnum principium.

Tertiâ. Probat ex ratione intellectus infiniti sic, intellectus infinitus intelligit perfectissimè quodcumque intelligibile, ergo sunt duo Dij A & B; aut ergo A intelligit B per essentiam ipsius B, aut per aliquid supereminens, in quo relucet, aut per essentiam ipsius A, quæ est similis ipsi B, vel per speciem alicuius communis, si dicatur primum, cum actus, qui non est idem obiecto, sit eo posterior, sequitur, quod actus A erit posterior essentia B, & sic A non est Deus. Si dicatur secundum, sequitur quod B non est Deus; si tertium, cum notitia, quæ non habetur in simili, vel in communi tantum non sit intuitiua, neque perfectissima, sequitur quod A non

Carriere in Professionem Fidei.

cognoscat B perfectissimè, & sic non est Deus.

Probat ex ratione voluntatis infinitæ, quæ non potest esse inordinata, aut A vtitur B, aut fruitur; si primum, voluntas eius est inordinata, & sic non est Deus; si detur secundum, & A etiam fruitur seipso; ergo est beatus in duobus obiectis totalibus, & sic utrobique eorum sublato, non minùs erit beatus; ergo in neutro est beatus.

Quartâ, probatur ex eius simplicitate, manifestum est enim, quod id, vnde aliquid singulari est hoc aliquid, nullo modo est communicabile multis; illud enim, vnde Petrus est homo, communicari potest multis, sed hoc, vnde est hic homo, non potest communicari, nisi vni tantum; si ergo Petrus per id esset homo, per quod est hic homo, sicut non possunt esse plures Petri, ita nec possent esse plures homines; hoc autem conuenit Deo, nam ipse Deus est sua natura; quare Ioan. 14. dicitur de Deo, quod est vita, & non solum, quod est viuens. *Ego sum via, veritas, & vita.* Sicut autem se habet vita ad viuentem, ita Deitas ad Deum; ergo Deus est ipsa Deitas, secundum igitur idem est Deus, & hic Deus; impossibile ergo est esse plures Deos.

Obiicies, vnum, quod est principium numeri non potest prædicari de Deo, cum nulla quantitas prædicetur de Deo, similiter nec vnum, quod conuertitur cum Ente; quia importat priuationem; & omnis priuatio est imperfectio, quæ Deo non competit, non ergo Deus est vnus.

Respondeo, quod vnum, secundum quod est principium numeri, non prædicatur de Deo, sed solum de his, quæ habent esse in materia; vnum enim, quod est principium numeri, est de genere Mathematicorum, quæ habent esse in materia, sed sunt secundum rationem abstracta à materia; vnum verò, quod conuertitur cum ente, est quoddam metaphysicum, quod secundum esse non dependet à materia; & licet in Deo non sit aliqua priuatio, tamen secundum modum nostræ apprehensionis non cognoscitur à nobis, nisi per modum priuationis, & sic nihil obstat aliqua priuatiue prædicari de Deo, sicut quod sit incorporeus, infinitus, & pariter quod sit vnus.

Dices, Deum vnum tantum esse, est creditum ex sola Scriptura, & non demonstrabile ratione naturali; quia si hoc naturaliter cognosci potest, cognosci poterit singularitas Dei, & essentia diuina, vt hæc. Respondet Scotus, idem posse esse creditum ex Scriptura, & cum hoc demonstrabile per rationem, & dicit, quod singularitas Dei naturaliter cognosci potest tanquam obiectum vel pars obiecti; sed non sequitur & hoc quod essentia diuina cognoscatur vt singularis, in quantum singularitas nominat modum concipiendi; sic enim concipietur vt hoc, sicut album videtur vt hoc.

Dices, quæcumque si essent & meliora essent, sunt ponenda in vniuerso, & maximè in Ente supremo, in quo, quicquid boni potest esse, necesse est esse; sed plura bona infinita, si essent, essent meliora; ergo sunt plura bona infinita, & sic plures Dij.

Respondeo maiorem esse veram, si includatur conditio possibilis, falsam verò, si includatur impossibilitas; in minori autem implicatur conditio impossibilis; quia plura bona infinita sunt impossibilia; & ideo simpliciter loquendo nec sunt bona.

Deut. 6.
Esa. 44.
Ephes. 4.

Dionys. de
nominibus
diuinis.

bona, nec sunt omnino; quia quod non est, nisi ex impossibilitate positione, omnino non potest esse. D. Cyprianus probans hanc unitatem in Deo sic ait: *Unus Deus & Dominus, neque enim illa sublimitas potest habere consortem, cum sola omnium teneat potestatem. Ad diuinum imperium, de terris mutemur exemplum; quando unquam regni societas aut cum fide capis, aut sine cruore desist? Romanos geminos unum non capis regnum, quos unum videri capis hospitium. Pompeius & Caesar affines fuere, nec tamen necessitudinis fadum in amula potestate tenuerunt; Nec hoc de homine miraris, cum omnis in hoc natura consentiat; Rex unus in apibus, dux unus in gregibus in armentis Rector unus, nullo magis mundi est Creator, qui vniuersa, quacumque sunt, verbo subest, ratione dispensat, virtute consummat.*

Notitia hæc unitatis Dei vniuersaliter admiffa est à peritioribus Philosophis antiquitatis; nam sicut ratio naturalis agnoscit Deum esse, ita etiam ipsum esse vnum; vnde æqualis est error, Deum negare, aut plures admittere; quia si id, quod dicitur Deus, debet habere ex se omnem perfectionem possibilem, rectè sequitur habere vnicam essentiam infinitam, & infinitè perfectam, & proinde sequitur vnicam esse diuinitatem, vnum primum Ens, primum principium, primum Agens; si enim essent plures Dij, deberent aliqua perfectione distingui, quæ in vno esset, & non in altero, & sic non haberet omnem perfectionem. Tum Deus, ut sic, debet supereminere cuiuslibet rei; at si duo essent Dij, neuter socio suo seu consorti superexcelleret; essent enim æquales; vnde sequitur quodd neuter Deus esset. Quare Aristoteles scribit Deum esse Ens viuens, vnicè æternum, optimum & excellentissimum.

Ex quibus omnibus patet excitas Gentilium tot sibi Deos fingentium ex solis enim tetraz Diis triginta millia colebantur, inquit Heliodorus & Eusebius. In ingressu domus post ianuam habebant Deos suos, Idola siue Lares qui custodirent domum ut felix esset exitus & introitus, & ita de suis diis humiliter & contemptibiliter sentiebant, ait S. August. lib. 4. de ciuit. cap. 8. ut tres Deos custodiendis apposuerint, Forculum, foribus Cardiam cardioibus, Limentinum limini, vnde & coram eis iuxta ostium conuiuia instruebant & inter illa his Diis libabant quod taxat Isa. cap. 66. vers. 17.

Certè pluralitas hæc Deorum inducta est partim ex stupiditate & ignorantia populorum, partim ex ambitione & adulatione Poëtarum & Curialium, seu aulicorum, qui magnates & Principes extollendo, diuinis honoribus & titulis prosequabantur, ut videre est apud Authores.

Esto ergo, ratio naturalis unitatem hanc diuinitatis pronuntiet & declaret.

Fide hanc iam credimus & id docet Symbolum. *Credo in vnum Deum.*

Scriptura innuitur, ut Proverb. 30. *Quod est nomen eius, aut quod est nomen filii eius? &c.* Et Gen. 32. *cur quæris nomen meum?* & passim sancti Patres, sed præsertim Concil. Lateran. cap. firmiter de summa Trinitate & fide Catholica hoc attributum assignat Deo, sub his verbis. *Ex hoc autem deduci videtur quod neque etiam Deus sit nominabilis: idem enim esse videtur esse ineffabile & esse innominabile.*

Tamen res hæc non est ita clara, quoniam videbimus oppositum verificari in Sacra Scriptura, nam nulla res est de qua frequentius loquamur quam de Deo, imò eum plurimis nominibus nominamus, & multa Deo assignantur in scriptura; ideo non ita constat apud Theologos quomodo Deus dicatur ineffabilis, seu innominabilis, præsertim autem sunt duæ sententiæ,

Prima est S. Thom. & sectatorum, quod si sermo sit de nomine quod essentiam Dei perfecte & distinctè sicut est & quidditatiuè significet, nullum tale à nobis, quamdiu viatores sumus, posse vel concipi vel exprimi. Esto Angeli & Beati, ac Deus ipse possit imponere sibi aliquod tale nomen, quidditatiuè ipsum representans. Ratio plausibilis est; in hac vita non possumus cognoscere Deum sicut est, sed tantum per habitudinem ad creaturas: ergo non possumus imponere nomen significans eum sicuti est. Antecedens manifestum est. Consequentia probatur, quoniam non possumus nominare aliquam rem, nisi prout illum cognouimus; probatur hoc, quia voces significant res mediis conceptibus ipsarum rerum ex Aristot. 1. perihermenias, ergo tale est nomen, ac eius significatum, qualis est conceptus quem habet intellectus de hac re. Atqui diuina essentia non potest à nobis, quamdiu viatores sumus, perfecte ut in se est percipi & cognosci, ergo nec vlllo nomine perfecte ut in se est, exprimi aut explicari. Vnde communiter SS. Patres vocant Deum innominabilem, ineffabilem; & S. Augustin. in Psalm. 83. *Facile est, inquit, dicimus quid Deus non sit, quam quid sit: terram cogitas, non est hoc Deus, omnia cogitas quæ sunt in terra, in mari, in celo, non est hoc Deus: hoc solum possum dicere, quid non sit Deus, non quid sit.*

Secunda sententia est Scoti & Franciscanorum, Deum posse nominari à viatoribus nomine significante essentiam & quidditatem propriam Dei, licet illam viribus naturalibus non cognoscamus in particulari, & secundum conceptus eius proprios ex propriis, & sibi in particulari conuenientes sub ratione essentia, ut hæc & in se, sed tantum viribus naturæ cognoscamus aliquos conceptus proprios Dei desumptos ex communibus. Hoc autem declarat Scotus exemplo substantia; nam nos non cognoscimus substantiam secundum se neque intuitiue neque abstractiue; quia intellectus non intuetur immediatè substantias rerum, neque habet species substantia & per quas illam abstractiue cognoscat, solummodo enim cognoscit illam per species accidentium, & ex effectibus, siue operationibus accidentibus circa illam, & circa accidentia quæ ei insunt, quia enim videt in aliquo subiecto concurrere multa accidentia, ut puta quantitatem & qualitatem & diuersas qualitates, & videt vnum accidens manere sine alio in eodem subiecto, cognoscit vnum illorum non esse alterum, & rursus videt illa omnia mutari successiue, & tamen subiectum remanere

Q V Æ S T I O III.

An possit à nobis aliquod nomen Dei imponi.

Certum est Ineffabile esse Attributum proprium Dei, sapissimè enim hoc in Sacra

remanere, hinc iudicat illud subiectum esse ens diuersum ab illis accidentibus, & quia sunt plura subiecta sic diuersis accidentibus affecta, iudicat illa esse diuersas substantias quæ illis diuersis accidentibus subsunt; tamen quid illa subiecta sint in particulari, ut hæc sunt, non cognoscit, sed perfectior cognitio, siue conceptio quam habere possit de vnoquoque subiecto illorum quid sit, est hæc, quod est res aliqua habens talia & talia accidentia & relationes: Et tamen videmus, quod intellectus imponit nomina omnibus substantiis particularibus, quæ nomina nobis significant illas substantias secundum se & in particulari, ut hæc sunt, cum enim dico bouem, non solum concipio id quod ethymologia nominis importat vel accidentia illa externa, quæ mihi sese offerunt & obiciuntur, sed substantiam illam particularem subsistentem sub illis accidentibus, quæ dicitur bos, & sic de aliis.

Non ergo videtur esse inconueniens, quod viator ex cogitatione naturali, quam habet de Deo, possit imponere nomen significans Deum, secundum suam quidditatem in particulari, licet nullam habeat cognitionem de Deo in particulari, ut est hæc essentia, intuitiuam; nec abstractiuam, sed solum ex conceptibus creaturarum & effectibus eius.

Uterius subiungit Scotus, quod possumus imponere multa nomina quæ significant Deum in communi, patet ex propositione illa vulgari, scilicet, quod eo modo imponuntur nomina rebus, quomodo ipsæ res concipiuntur; unde Thomistæ dicebant, nos non posse imponere nomen aliquod Deo, quod ipsum significet secundum quidditatem suam in particulari, quia illius cognitionem in particulari non habemus, ergo cum cognoscamus Deum in communi & secundum prædicata propria, sed desumpta ex communibus, sequitur nos posse imponere nomen Deo, quod significet ipsum in communi, & secundum quidditatem quam nos de Deo habemus,

Addit præterea Scotus, verisimile esse quod Deus (qui sine dubio nomen proprium potest sibi imponere) multa talia reuelauerit, ut sunt illa quorum meminit Scriptura, Exod. 3. Qui est; *Hæc dicit filius Israel, qui est misit me ad vos hoc nomen mihi in æternum. & cap. 6. Ego Dominus qui apparui Abraham nomen Adonai non indicavi eis.* Non est dubium apud Iudæos nomen Tetragrammaton, quod pronunciare non audentes ex reuerentia eius loco legunt Adonai, essentiam Dei exprimere, licet eam non concipiamus. Unde concedendum est Deum nominari posse nomine quidditativo & significante essentiam ut est hæc essentia; vel saltem posse nos uti nomine imposito ab alio, Deo scilicet vel Angelo vel beato, significante illam essentiam, sic in particulari & secundum suum conceptum proprium & distinctum.

Ad fundamentum Thomistarum, nimirum quod nihil possit distinctus nominari & significari, quam intelligi seu concipi.

Respondet Scotus & arguit variè, quod si hoc esset, sequeretur quod nomina substantiarum significarent ut plurimum proprietates accidentales tantum, consequens falsum est; ergo, &c. Consequentia probatur, quoniam ut plurimum imponens nomen, non concipit de re nisi aliquam proprietatem vel accidens quoddam, quod est ratio impositionis nominis, ut, exempli gratia, lapis signi-

ficaret solam læsionem lapidis, quæ est proprietas accidentalis lapidis, & significatur per ethymologiam vocabuli, lædens pedem, idem dicendum de aliis nominibus, imponentes enim nomina imponunt ea secundum cognitionem quam habent de illis rebus, & qualem cognitionem habeant, manifestatur per ethymologiam nominis impositi, unde homo dicitur ab humo, quia est ex humo conditus; unde ista nomina ex vi suæ vocis non possunt aliud significare, quam id quod ethymologia nominis importat; falsitas verò consequentis est evidens, quia lapis non significat læsionem pedis, sed substantiam illam terream quæ dicitur lapis, idem de homine & aliis vocibus substantiarum & etiam accidentium.

Tum potest aliquis imponere nomen ad aliquid significandum quod imponens cognoscit tantum confuso modo, alij verò cognoscunt distinctè, ergo potest nomen significare aliquid distinctius quam concipitur ab imponente; Cōsequentia est evidens. Antecedens probatur exemplo, si aliquis ignorans voces hebræas, sciat tamen illarum aliquam esse primam, aliquam secundam, & tunc sic dicat, quæcumque sit prima vox hebræa, volo ut significetur tali voce, secunda tali, tertia tali, &c. ecce iste imponet nomina quæ distinctius significabunt, quam imponens intellexit; nam aliquis peritus in lingua hebræa, cognoscet distinctè quid illa vox imposita ad significandum primam vocem hebræam significet, quod imponens non cognoscit: argumentum hoc conuincit quia imponens intendit per nomen significare illud quod ipse non cognoscit & intendit significare illud secundum suam essentiam & quidditatem, quam tamen ipse non nouit, & fatetur non nosse; Ergo non est mirum si quis viator possit imponere aliquod nomen ad significandum illam essentiam & rem quæ dicitur Deus, licet eam distinctè, neque quoad aliquem conceptum quidditativum non cognoscat.

Nec valet dicere esse per accidens nomini, quod distinctius significet vni quam alteri, id enim non prouenit ex virtute nominis, sed ex acutie & perspicaciori intelligentia audientis: Nam necesse est distinctius illud significatum etiam contineri in illa voce, alioquin per illam vocem non intelligeretur, nec excitaretur intellectus illius acutioris ad intelligendum, quod enim in nomine non continetur non potest acuties quantacumque inuestigare: necesse est ergo, quod nomen significet aliquid distinctius quam imponens intellexerit.

Q V Æ S T I O I V.

Qualiter Deus nominari debeat.

SUPposito, quod quidditativum & distinctum non habeamus aut non intelligamus in hac vita nomen Dei, non desunt tamen plura, quibus licet imperfectè naturam eius aut aliquam perfectionem exprimamus: Hinc videmus in Scripturis tot illi nomina tribui, illumque vocari Dominum, Deum, omnipotentem, æternum, &c. unde S. August. tract. 23. in Ioan. Omnia, inquit, possunt dici de Deo, & nihil dignè dicitur de Deo: nihil latius hac inopia quævis congruum non inuenis, quævis quoque modo dicere, omnia inuenis.

Alium dicendi
modus Scoti.

3. Damascen. lib. de fide orthod. cap. 4. & 9. vult quod inter nomina dicta de Deo præmissum sit Qui est, quia esse dicit quoddam patet in infinita substantia. Cetera vero circumstant naturam. si dixeris, ait. distinctum. iustum, si bonum, si quid tale non naturam dicit, sed quæ circa naturam.

Respondeo cum distinctione; horum enim nominum quæ Deo tribui solent, alia sunt negativa, per quæ prohiemur nihil in Deo defectuositatis aut imperfectionis reperiri, ut cum dicimus illum esse increatum, immutabilem, immentum, &c. Alia verò sunt affirmatiua per quæ concipimus aliquam eius perfectionem, v. g. dicendo eum esse sapientem, iustum, sanctum. In quibus nominibus S. Thom. supplement. art. 3. monet, duo debere considerari, scilicet quod nominibus illis significatur, & modus, quo significatur, id quod significatur, magis conuenit Deo quàm creaturis, quantum verò ad modum significandi, ea nomina non propriè dicuntur de Deo, cum habeant modum significandi, qui creaturis magis, quàm Deo competit.

Rursus nomina affirmatiua, quæ de Deo dicuntur, alia sunt absoluta, ut quando Deus dicitur sapiens, bonus, &c. quæ quidem, ait S. Tho. Deum significant, non ut est in se, sed prout à nobis intelligitur in hac vita; Cum enim intellectus noster cognoscat Deum ex creaturis, sic illum cognoscit, sicuti illum creaturæ repræsentant, per illas nempe perfectiones, quas ab ipso participant; vnde cum dicimus (Deus est bonus) sensus est, id, quod bonitatem dicimus in creaturis, præexistere in Deo, sed secundum alium longè, imò infinitè excellentiorem modum, & sic de aliis.

Alia verò nomina sunt relatiua, qualia sunt illa, quæ aliquam Dei perfectionem significant cum relatione ad creaturas, vel potius creaturarum ad Deum; (creaturæ siquidem realem ad Deum habent relationem, non Deus ad illas) ut quando vocamus illum Creatorem, Redemptorem, Iustificatorem, &c.

Alia sunt denique nomina, quæ solius Dei sunt propria, ut quando vocatur æternus, infinitus, immensus, hæc enim nomina soli Deo competunt, nec ullis creaturis communicari possunt. Alia verò, quæ aliquo modo sunt ipsi cum creaturis communia, ut cum dicitur iustus, sapiens, fortis, &c. hæc enim suo modo de creaturis etiam dicuntur. Nota autem vnum esse illi præ cæteris proprium, scilicet hoc nomen *Deus*, quod licet ab aliqua eius operatione deriuetur, nimirum à contemplatione (ex verbo enim Græco θεωω, quod significat considerare, seu contemplari, formatum est nomen θεός, à quo vox latina Deus, tamen communiter pro ipsa Dei natura significanda usurpatur; vnde dicit Tertull. lib. contra Heret. cap. 3. *Deus substantia ipsius nomen est, id est, diuinitas; Dominus vero, non substantia sed potestatis, & eo sensu est incommunicabile creaturis, licet secundum imperfectam aliquam similitudinem legatur datum ipsis, ut Psal. 80. ego dixi, Dixisti, non autem secundum propriam & formalem ipsius nominis significationem.*

QVÆSTIO V.

De Attributis diuinis in genere.

Cum ex omnium Theologorum consensu, imò ex ipsa Scriptura habeatur, Deum esse actum purum, & esse subsistens, ut Exod. dicitur, *Qui est, ego sum qui sum*, Necessariò con-

cludendum est, omnes perfectiones inesse ei excellentissimo & ineffabili modo; quare tanta est diuinæ dignitatis excellentia, quòd mens de Deo cogitans deficit, cum sit incomprehensibilis, sensus eum non percipit, cum sit inuisibilis, lingua ipsum non explicat, cum sit ineffabilis, locus eum non recipit, cum sit incircumscriptibilis, Scriptura eum non explicat, cum sit inestimabilis, tempus eum non mensurat, cum sit immensurabilis, virtus eum non attingit, cum sit inaccessibleis, vota & desideria transgreditur, cum sit insuperabilis, & breuiter omnis creatura ad eum comparata defectum habet, quia finiti ad infinitum nulla est proportio. Ecce patet, quòd diuinæ excellentiæ nullius eget, quia sibi sufficit, quoniam optimus est; non enim indiget corpore, ut sit alicubi, nec tempore ut aliquando sit, nec causâ, ut alim de sit, nec forma, ut materia sit, nec subiecto in quo subsistat, vel cui assistat. Sunt & alia, quæ soli diuinæ maiestati conueniunt, & nulli creaturæ, ut esse omnipotentem, omniscium, creatorem, conseruatorem, &c.

Notandum primò. Omnia, quæ sunt in diuinis, esse aut essentialia, aut personalia. Essentialia illa dicuntur, quæ tribus Personis conueniunt, siue seorsim, siue simul sumptis, ut Pater est sapiens, bonus, iustus, &c. quod de ipso Patre dicitur & de Filio & de Spiritu Sancto. Notionalia seu personalia sunt, quæ de vna tantum persona, aut de duabus ad summum prædicantur, & sunt quinque, Paternitas, Filiatio, Spiratio, Generatio actiua, & Spiratio passiva.

Notandū 2. Attributū sumi tripliciter; primò pro eo, quod conuenit alicui, seu quidditatiue seu denominatiue, & isto modo Substantia, Ens, Spiritus, dicuntur Attributa in Deo. Secundo sumitur strictè pro eo, quod appropriatur alicui personæ eo modo, quo Patri potentia, licet ea sit communis tribus personis, appropriatur sapientia Filio, bonitas Spiritui Sancto; & sic quæcumque appropriantur, dicuntur Attributa. Tertiò, Attributum sumitur strictissime, quod sic describitur, *Attributum est perfectio secundaria, non quidditatiua, quæ accipitur ex creaturis, & attribuitur Deo via remotionis, & eminentiæ.* Sic Lichetus 1. sent. dist. 8. q. 3. Hic agimus de Attributis 3. modo, quæ propriè dicuntur Attributa. Ad hoc,

Notandum tertiò, quædam conuenire essentiali diuinæ in primo modo dicendi per se, quæ sunt ipsamet essentia, puta esse primum Ens, esse substantiam, esse spiritum; de istis non fit questio, an distinguantur ab essentia, nam Scotistæ admittunt illa non distingui, sed esse ipsamet essentiam, imò quinque supputant, quæ conueniunt Deo in primo modo dicendi per se, & sunt hæc, Esse, existere, substantia, spiritus & vita.

Quæres, an intellectus & voluntas sint attributa in Deo, ut attributum sumitur tertio modo?

Scotus videtur hoc negare, vel potius intendit quædam esse prima attributa, quædam verò secunda: prima sunt intellectus & voluntas, nam ferè omnia attributa reducuntur ad ista duo; Ad intellectum reducitur sapientia, scientia, & huiusmodi; & attributa omnia attribuuntur Deo per viam remotionis, & eminentiæ, ut iam notauimus; sapientia enim est in creaturis, sed cum aliqua imperfectione, puta quia finita, quia accidentis, quia informat, Et hæc ponitur in Deo remouendo omnem imperfectionem, puta ut substantia, ut infinita,

infinita, ut non informans, ita de similibus; unde notari dignum est, quod habetur apud Scotistas, scilicet omnes perfectiones, quæ notantur in creaturis, reponi in Deo, sed diuersimodè; nam quædam sunt perfectiones in creatis, quæ non habent repugnantiam cum infinitate, & hæc in suis formalitatibus reponuntur in Deo; sic sapientia ex sua formalitate non habet repugnantiam cum infinitate, sed potest subsistere perfectissimè cum ea, & hæc, uti similes, reponuntur in Deo. Quædam verò perfectiones reperiuntur in creatis, quæ repugnantiam habent cum infinitate, & hæc non ponuntur in formalitatibus suis in Deo, cum omnia debeant esse infinita, sed solum reponuntur in Deo viâ eminentiæ, ut esse lapidis, & animalis, & esse creatum non compatiuntur secum infinitatem; ideo eminenter tantum ponuntur in Deo.

Hoc vnum ex hac questione præcipuum habet, per attributa Dei id intelligi, quod prædicatur de Deo, seu perfectiones eius secundum modum nostrum concipiendi; unde quæstiones eadem, quæ sunt de attributis; fieri etiam possunt de nominibus; utimur tamen voce Attributorum, tum ut apud Theologos magis usitata, tum etiam ut magis apta ad illa declaranda, quæ de diuinis perfectionibus dicenda sunt; sicut enim nomen Dei naturam eius præsertim designat, sic Attributa ipsius naturæ proprietates & perfectiones & proprietates tanquam ipsi adiunctas, prout à nobis imperfectè concipiuntur, expressius significant.

QVÆSTIO VI.

An cum summa unitate & identitate Attributorum cum Essentia, & eorum inuicem, distinguantur ab illa, & à seipsis.

Resolutio prima, Attributa diuina non distinguuntur realiter ab essentia, nec inter se; nam repugnat summæ simplicitati essentiae diuinæ, & perfectionum eius; quia iam plures res confluerent ad compositionem illius neque essentia esset infinitè perfecta; quia ad complendam suam omnimodam perfectionem, indigeret variis realitatibus seu entitatibus realiter à se distinctis, essetque in potentia ad illas recipiendas.

Nec dicas, Attributa non dicere ipsam substantiam & naturam Dei, sed quæ insunt eius naturæ, & S. Patres ita loqui de ipsis.

Respondeo non esse sensum, Attributa esse in Deo accidentia, aut distingui ab ea realiter, sed ea concipi à nobis per modum quarundam proprietatum, quæ naturam diuinam circumstant, eamque afficiunt. Patres autem passim expriment summam identitatem eorum cum essentia, ut August. lib. 11. de ciuit. cap. 10. ideo ait, *simplex est Deus, quoniam hoc habet quod est.*

Imo loquendo de relationibus docet, quod relatio, qua Pater est Pater, non esse quid diuersum ab essentia, sed esse idem verè identitate cum ea; unde inter relationes & essentiam distinctio tantum formalis admittitur. Gilbertus Porretanus alius dixit Attributa esse realiter à Deo distincta, ac proinde sapientiam, qua Deus est sapiens, iu-

stitiam, qua iustus est, imo & diuinitatem, qua Deus est non esse Deum, sed quid ab eo realiter distinctum; verum in hoc errauit, ideoque in Concilio Rhemeni ab Eugenio Papa damnatus est.

Resolutio secunda. Cum summa identitate Attributorum inter se, & cum essentia, stat eorum formalis distinctio, & probatur, ex eo quod in Scripturis Sacris Spiritus Sanctus diuersos nobis de diuinis perfectionibus conceptus suggerit; aliter enim de misericordia, aliter de iustitia loquitur, aliter item de sapientia, aliter de omnipotentia, & sic de cæteris; unde qui istos conceptus scripturæ verbis expressos confunderet, & vnum pro altero promiscuè acciperet, sensum omnem scripturarum euerteret; unde sequitur nos rectè posse variis & distinctis conceptibus diuinas perfectiones exprimere, & enunciare; Neque enim aliter nobis de Deo loquendum est, ut ait S. Hilarius lib. 3. de Trinit. quàm sicut ipse ad intelligentiam nostram de se loquutus est.

Proindeque attributa illa Dei esse aliquo modo inter se distincta, non realiter ut dictum est, ergo vel per rationem, vel formaliter.

Probatum secundo ex S. Basilio loc. cit. ubi dicit *nullum esse nomen, quod totam Dei naturam comprehendat, & quantum satis est, explicet*: quare multa esse ac diuersa, quæ singula propriam habent significationem. Et ex S. Gregor. Nysseno qui lib. 1. aduersus Eunomium (qui ut refert S. Epiphanius, hæresi 76. nullam distinctionem conceptus & rationis in attributa diuina volebat admittere, dicens hanc omnem distinctionem in sola nominum prolatione consistere, & cum vocibus dissolui & euanescere) asserit vnus cuiusque nominis, quod de Deo dicitur, propriam esse notionem, & appositè S. Cyrillus Theol. 31. contra Eunomianos, *Non potest, inquit, humana natura maius aliquid, quàm ipsa sit, de Deo dicere*; nostro enim proprio modo intelligimus ex iis, quæ in nobis sunt, maiorum exempla sumentes, ut qui in parua tabula cœlestem describunt circulum.

Quod autem intercedat formalis distinctio, probatur; quia si diffinirentur, ratio formalis vnus non poneretur in diffinitione alterius. Sapientia autem in re, siue in proprio genere, & bonitas in proprio genere, distinguuntur ex natura rei; ergo sapientia & bonitas in diuinis distinguuntur ex rei natura, & non tanquam ratione ratiocinata, seu per intellectum. Consequentia probatur; quia diuina sapientia & diuina bonitas nihil addunt supra sapientiam & bonitatem in communi, seu in genere, nisi infinitatem. At infinitas non variat rationem formalem illius, quia infinitas non addit, nisi gradum infra illam rationem formalem, non extra; ergo ita formaliter distinguuntur Sapientia infinita, Bonitas infinita, sicut sapientia & bonitas in genere.

Respondebis duplex esse infinitas, aliud in genere, aliud extra genus, & simpliciter, infinitum in genere, est v. g. infinita albedo, infinitum simpliciter est, quod est infinitum ens, & comprehendit omnia Genera, & quaecumque infinitatem cuiusvis rationis. Ad propositum, Attributa, quia sunt perfectiones simpliciter, quando sunt infinitæ, sunt simpliciter infinitæ, non in genere. Cum dicitur infinitas non variat rationem formalem rei, cui aduenit, Responderetur verum esse de infinitate extra proprium genus, quia, cum

cum illa remanet distinctio formalis ex natura rei, & sic infinita albedo non est infinita quantitas, sed infinitas secundo modo, scilicet infinitas simpliciter tollit distinctionem formaliter, quoniam infinitas simpliciter adueniens sapientiae, facit illam eminenter omnia, & sic facit illam esse infinitam bonitatem, & infinitam iustitiam, misericordiam, &c. & sic non remanet distinctio formalis actualis, sed est eminenter omnia.

Scotus reiecit hanc responsionem, pro quo.

Notandum est, quod infinitum in genere potest accipi duobus modis, vno modo, quod sit infinitum in genere aliquo determinato, ut puta in quantitate, & tamen non sit infinitum in entitate, sed quoad entitatem postea sit distinctum ab aliis infinitis in genere in sensu allegato, & ita possunt dari plura infinita in genere distincta, & hoc modo à parte rei non potest dari infinitum in genere, quia quod est infinitum ex parte rei, est infinitum in entitate, nec plura esse possunt; unde Scotus in hac quaest. de Attributis concedit omnia Attributa esse idem realiter, quia quodlibet est infinitum in suo genere; Non possunt, autem esse plura infinita realiter distincta, ergo sunt vnum. Alio modo infinitum in genere dicitur illud, quod licet secundum entitatem sit simpliciter infinitum, tamen secundum suam rationem formalem, non includit omnem aliam rationem formalem, & sic infinita sapientia, licet realiter sit idem quod infinita bonitas, non tamen est formaliter idem; Et hoc modo accipitur infinitas in genere à Scoto, à Thomistis verò primo modo. Non est autem inconueniens, quod aliqua sint idem realiter, & tamen distinguantur formaliter, ut Anima & potentia eius. Tunc ad propositum sic arguo.

Si infinitas adueniens alicui Attributo, ut puta sapientiae, non facit illud infinitum intra suum genus, sed facit illud infinitum simpliciter, & in quocumque genere; ita quod auferat distinctionem formalem actualem ex natura rei; & faciat illud eminenter esse in quocumque genere, sequitur falsum esse, quod Deus à parte rei sit formaliter actualiter bonus, & formaliter actualiter sapiens; Consequens est aperte falsum; ergo & antecedens. Consequentia probatur, quia esse eminenter tale, & formaliter tale, est impossibile; nam Deus eminenter est homo, leo, lapis, & omnis creatura; ergo si sapientia, quae est in Deo, non est formaliter sapientia, sed eminenter, & ita est sapientia, sicut est bonitas, misericordia, &c. Deus est sapiens, bonus, misericors, &c. non formaliter, sed eminenter, sicut non formaliter, sed eminenter est homo, leo, lapis, &c. falsitas verò consequentis est evidens; quia perfectio simpliciter differt à perfectione supplente imperfectionem; quia ista non ponitur in Deo, non enim dicimus Deum nutriti, augeri; & tamen istae sunt perfectiones supplentes imperfectionem, At perfectiones simpliciter sunt, quae secundum suam propriam naturam & essentiam non supplent imperfectionem, sed secundum se sunt simpliciter perfectio; istae autem ponuntur in Deo, ut bonitas, sapientia, misericordia, &c. Non ergo poni debent eminenter in Deo, sed formaliter alioqui nulla erit differentia inter illas, & istas.

Quod si quis dicat, Deus non potest esse formaliter homo, sed solum eminenter; at potest esse sapiens, bonus, iustus, &c. formaliter, & emi-

nenter; quia istae sunt perfectiones simpliciter. Contra, termini isti sunt impossibiles, & vnum includit negationem alterius, esse formaliter tale, & virtualiter tale; ergo in quocumque subiecto ponuntur, ibi repugnabunt. Antecedens probatur; quia ex terminis repugnat, quod sapientia sit formaliter sapientia, & virtualiter sapientia, quod Petrus sit formaliter homo, & virtualiter homo.

Confirmatur. Aureum vnum est eminenter & virtualiter denarius aureus, vnus; at repugnat, quod sit simul formaliter denarius vnus aureus. Idem verum est in perfectionibus simpliciter; Nam infinitas est perfectio simpliciter, & tamen Deus non est simpliciter infinitus simul formaliter & virtualiter seu eminenter, sed est formaliter infinitus, nec est eminenter beatus, sed formaliter.

Item semen esse formaliter animal, & virtualiter animal, repugnat; assumptum probatur; quia esse eminenter tale, est quid perfectius, quam esse formaliter tale; unde dicimus Deum esse eminenter creaturam, non formaliter; At non potest dari excellentia maior, quam sit infinitas formaliter; nam infinitas virtualis, & eminentialis in entitate, non datur; similiter non datur beatitudo eminentialis, sed beatitudo formalis infinita, quae est maius bonum, quod dari possit; unde confundere istos terminos, non est mysteria Theologica declarare, sed confundere.

Præterea proba, quod infinitas adueniens sapientiae, bonitati in communi, &c. sit infinitas intra rationem illius formalem, & non extra, & consequenter non sit infinitas simpliciter; infinitas addit infinitos gradus perfectionis illi attributo, cui aduenit; at si infinitas destrueret & tolleretur rationem formalem illius attributi, ut puta Bonitatis, cui aduenit, non faceret illud attributum infinitum, sed corrumpere illud, & faceret aliud, & sic infinitas adueniens bonitati in communi, non faceret bonitatem de finita infinitam, sed faceret bonitatem esse sapientiam, iustitiam, misericordiam, relationem, essentiam, personam, & alia, quae sunt in Deo; hæc enim omnia continentur in infinito simpliciter; Hoc autem videtur manifestum absurdum; ergo falsum est, quod infinitas adueniens attributis sit infinitas extra rationem formalem illius attributi, & destruat rationem formalem actualem attributi, cui aduenit.

Aliqui retorquent argumentum contra Scotum sic, si infinita sapientia est idem realiter, quod infinita bonitas, ergo bonitas in communi est realiter sapientia in communi, at consequens est falsum, Consequentia tamen probatur à simili; quia sicut infinitas non tollit rationem formalem, ita non tollit realitatem.

Negatur Consequentia maioris, nec video quomodo per rationem illam probetur; Consequentia autem non valet; quia infinita bonitas est infinita sapientia realiter, quoniam non possunt dari plura infinita realiter distincta, sed bonitas infinita non est sapientia infinita formaliter; ideo non valet Consequentia, bonitas & sapientia sunt idem realiter; ergo bonitas & sapientia in communi sunt idem; quia fit transitus ab identitate reali ad identitatem formalem; si enim sapientia & bonitas in communi essent idem, essent idem formaliter, non realiter; infinitas autem infert identitatem realem non formalem; ideo non valet Consequentia; quia infinitas non tollit

tolle differentiam formalem, sed tollit differentiam realem. Ellet hic locus declarandi, quid sit distinctio realis, quid distinctio ex natura rei, & formalis; sed quia id infra factum habetur in questione de Relationum diuinarum distinctione ab essentia, consulatur ibi: vnum tantum præfero, triplicem assignari distinctionem, realem scilicet, formalem, & rationis ratiocinatæ; realis est penes obiecta formaliter distincta, quibus à parte rei respondent res diuersæ, ut inter hominem & equum, formalis distinctio est penes obiecta formalia, quibus à parte rei non respondent diuersæ res, sed vna, ut color & disgregatiuus, quæ in albedine v. g. obseruantur; hæc distinctio est ex natura rei, & extra opus intellectus, sicut realis; tamen realis est maior distinctione formali; nam quælibet realis est formalis, non autem contra. Conclusio probatur denique auctoritate SS. Patrum, Augustini lib. 11. de ciuit. cap. 10. dicentis, multa esse in Deo quæ tamen sunt ipsemet Deus; unde inferitur illa non esse solum distincta opere nostri intellectus, vel diuini, sed illa inter se distingui, neque vnum esse aliud: hæc sunt Augustini verba: *Cæterum dictum est in Scripturis Sanctis Spiritus Sanctus multiplex sapiensia, eo quod multa in se habeat, sed quæ habet, hæc est, & ea omnia vnus est, nec enim multa, sed vna sapientia est, in qua sunt immensi thesauri rerum intelligibilium.*

Dices, eundem Augustinum lib. 15. de Trinit. cap. 9. hæc habere: *Non est sapientia eius aliud essentia, cui hoc est esse, quod sapientem esse. & lib. 5. cap. 8. Non est aliud Deo esse, & aliud magnum esse, sed hoc idem illi est omne, quod magnum esse.*

S. Gregor. lib. 10. Moral. cap. 20. *Deus est quod habet eternitatem, quippe habet, sed ipse est eternitas, lucem habet, sed lux sua ipse est, non est ergo in eo aliud esse, & aliud habere.*

Boetius libello de Trinit. *Diuina natura sine materia forma est, atque adeo vnum, & est id, quo est, reliqua enim non sunt id, quo sunt? & infra: Quocirca hoc vere vnum in quo nullus numerus, nullum in eo aliud præter id quod est.*

Respondet, quod istæ auctoritates significant Attributa in Deo, essentiam, & reliqua, quæ in Deo distinguuntur, non distinguuntur realiter, ut res, & res essentialiter inter se, & ut pars & pars, sed non negant distingui aliquo modo ex parte rei; unde August. dixit: *Quod non eo verbum quo sapientia;* Ne ergo sibi contradicat, exponendus est, quod dum ait, attributa, & essentiam, & relationes esse idem, intelligitur realiter, quia sunt vnica res, non plures res, nec plures partes facientes compositionem; Cum ait illa distingui, & quod vnum non est aliud, non intelligit quod distinguantur ut res & res, neque sola ratione, sed tantum formaliter, & ex natura rei. Cæteri Patres non discrepant ab Augustino.

Dices, si Attributa distinguuntur ex natura rei & ante operationem intellectus, sequitur Deum non esse simplicem, consequens exploditur ab omnibus; Consequentia probatur; quia si ante operationem intellectus est aliqua distinctio in essentia diuina ex natura rei; ergo in ea est aliquid & aliquid, siue illa sint res, siue rationes formales; ergo in essentia diuina est conceptus plurium & compositio. Quod si dicas, illa plura

Carnere in Professionem Fidei.

in Deo non habere rationem partis, neque vnum rationem actus, alterum potentie, & sic non facere compositionem Arguo; nam illa distincta ex natura rei sic se habent, quod vnum est in alio, ut sapientia in essentia; vel ergo est in illa sicut ratio, quia essentia est talis, nempe sapiens, & tunc ante operationem intellectus est in essentia illa actus, & potentia, vel si hoc non admittitur, sequitur aliquid peius, nempe illa distincta ex natura rei facere in Deo congregatum quoddam & per accidens, & sic Deus erit vnum per accidens, quod est apertum absurdum. Confirmatur, quælibet pluralitas ex natura rei repugnat summæ simplicitati diuinæ; ergo quæcumque sit illa distinctio ex natura rei, scilicet vel rerum, vel formalitatum, est impossibilis simplicitati diuinæ.

Respondet, nego consequentiam, quod si in te distinctione formali actuali ex natura rei in diuinis ibi sit compositio; Ad probationem. Respondet, quod illæ formalitates sunt res, accipiendo rem pro omni eo quod non est Ens rationis merè fabricatum ab intellectu, quia relationes & attributa non sunt entia rationis habentia esse actuale formale præcisè per operationem intellectus, sed habent esse verum & reale actuale & formale in essentia diuina, cessante omni opere intellectus tam creati, quam increati; non sunt autem res propriè loquendo, accipiendo rem pro illa entitate, quæ potest existere sine alia oblique contradictione; Ad probationem contra hoc, dico, quod non faciunt compositionem in Deo, quia non habent rationem partis & partis, actus & potentie, neque faciunt aggregationem, quia non sunt res & res essentialiter ab inuicem distinctæ, ita quod vna possit separari ab alia, ut contingit in cumulo lapidum, quorum vnus est separabilis ab alio absque contradictione, unde sicut tres Personæ sunt tres substantiæ distinctæ realiter personaliter, nec tamen faciunt compositionem neque aggregationem, ita neque distinctio ex natura rei actualis formalis, quæ est minor distinctio.

Et cum dicitur ista Attributa, necnon & Relationes sunt in essentia diuina ante operationem intellectus; ergo ibi est ratio potentie & actus ante operationem intellectus; Respondet Scotus, quod relationes non sunt in essentia diuina tanquam actus in materia, vel quasi in materia, quia natura ipsa habet rationem actus & formæ per se existentis.

Ad Confirmationem; Respondetur, pluralitatem formalitatum & realitatum non facere compositionem; unde S. August. admittit talem pluralitatem, dum ait, *Quod non eo verbum quo sapientia.*

Quæstio hæc occurrere solet passim ad omnem sermonem de Deo, ideo refero fundamenta Thomistarum, qui volunt Attributa diuina non distingui inter se, & ab Essentia diuina ante operationem intellectus, idemque dicunt de Relationibus diuinis & Essentia.

Volunt ergo Attributa esse de conceptu Essentiae diuinæ à parte rei, & vice versa, non tamen respectu intellectus nostri eam inadæquatè concipientis; Probant, quia Deus est id, quo nihil maius ac perfectius excogitari potest, ac proinde ut sic est illimitatus, in omni genere perfectionis possibilis, hoc autem falsum esset, si non contineret essentialiter omnes perfectiones attri-

F butales

butales, sed tantum idemice, sic enim non esset essentialiter summe & infinite perfectus.

Secunda pars, quod essentia divina sit de conceptu Attributorum; probatur, nam attributum divinum vel essentialiter finitum vel essentialiter infinitum; non finitum, quia cum Deus sit infinitus, non constat ex finitis; ergo infinitum, adeoque includens essentialiter omnes perfectiones possibiles, & consequenter essentiam divinam, & omnia Attributa divina; Confirmatur, nam non ex alio capite Deus est essentialiter Deus, quam quia est essentialiter ens a se, atqui quodlibet attributum divinum est essentialiter ens a se; non ab alio; ergo essentialiter est Deus.

Tertia pars ostenditur, quia illud tantum est de conceptu explicito alicuius rei, quod primario & explicito obicitur intellectui eam concipienti; at dum concipis essentiam divinam non illico occurrunt distincta cognitio bonitatis, iustitiae, aliorumque Attributorum, & vice versa, cum cogitas de bonitate, aut iustitia divina, non statim distincta & explicita cogitatione attingis substantiam Dei, cui competunt caetera Attributa.

Nota pro illorum sententia. Propositiones, in quibus unum attributum praedicatur de alio, esse veras in sensu formali, formalitate se tenente ex parte obiecti, non autem formalitate se tenente ex parte intellectus inaequate concipientis, quia sic unum distinguitur ab alio; unde non potest dici, quod intellectus quia intellectus, sit voluntas, aut ut sic velit, quia iam concipiuntur ut virtualiter & secundum nostram rationem condistincta, quo modo unum non potest praedicari de alio.

Nota, quod Deus verè generat per entitatem simplicissimam, quae simul est intellectus & voluntas, dicitur tamen generare per intellectum, non per voluntatem, quia generat per illam entitatem, non ut habet rationem voluntatis, sed intellectus.

Nota, unum attributum esse magis virtutum cum seipso, quam cum aliis, non quidem actu, sed virtute & ratione, quatenus etsi eadem sit actualis omnium entitas, unum tamen ab alio distinguitur virtualiter & ratione ratiocinata, a se autem ratione tantum ratiocinante.

Nota, non bene colligi distinctionem formalem seu ex natura rei inter Attributa, ex eo quod similes perfectiones in creaturis eo modo distinguuntur; quia quae sunt dispersae in inferioribus, sunt unitae in superioribus; nempe ex eo quod aliter misericordia, aliter iustitia describi solet, tales enim descriptiones formantur ab intellectu nostro, qui ut concipit res, ita eas describit; quare cum nequeat in hoc statu Deum clarè cognoscere, varios de illius Essentia & Attributis conceptus format, & consentaneè ad hos conceptus inaequatos, aliter Dei Essentiam, aliter singula illius Attributa describit.

Hinc Molina, Bannes, Caletanus, & alij, tenent, quod Relatio & Essentia divina sunt idem formaliter actualiter ex parte rei, sunt tamen diversae fundamentaliter & virtualiter ex parte rei; per rationem autem sunt actualiter formaliter diversae; & hæc distinctio actualis rationis & virtualis ex parte rei sufficit ad tollendam contradictionem, & ad verificanda praedicata contraria, nam essentia, & relatio, iustitia, & misericordia, per rationem actu sunt distinctae, quæ distinctio virtualiter est ex parte rei, inter ipsas, & ideo de

illis possunt verificari praedicata contradictoria.

Adiungit Vasquez dispur. 120. cap. 6. non sufficere distinctionem rationis, sed requiri distinctionem rationis cum comparatione ad nostros conceptus varios; quia omnis distinctio rationis sit per comparationem ad nostros conceptus distinctos, unde illud ex parte rei, non notat aliquid ex parte Essentiae, Relationis, & Attributorum, sed in conceptibus nostris ad quos Essentiam, Relationes, & Attributa comparamus, cum illa distinguimus.

Scotus non recipit hanc responsionem, quoniam distinctio virtualis ex parte rei non sufficit ad verificanda contradictoria, quæ actualiter insunt rei, at ista contradictoria praedicata, esse actu communicabile competit ex parte rei essentiae, & actu repugnat Relationi, & esse incommunicabile actu competit ex parte rei relationi, & repugnat Essentiae; Ergo ex parte rei actu Essentia, & Relatio, iustitia, & Misericordia distinguuntur, non virtualiter tantum! unde sic formatur argumentum. Duo contradictoria probant rem de qua verificantur non esse eandem, quando de illis verificatur, sed ista duo praedicata contradictoria communicabile & incommunicabile verificantur de Essentia & Relatione, punire & premiare de iustitia & Misericordia, verificantur inquam, actu ex parte rei, & non solum virtualiter; ergo concludunt actu & non tantum virtualiter Essentiam & Relationem necnon Attributa distingui. Assumptum patet, scilicet quod Essentia divina actu sit communicabilis ex parte rei ante operationem intellectus & Relatio incommunicabilis; nam si hoc illis tantum competit per negationem intellectus, productio in divinis non esset realis, sed tantum per operationem intellectus nostri, & sic videremur facere Unitatem imaginariam, hoc autem est magis absurdum, quam illud, ad quod Thomistae deducunt opinionem Scoti, qui videatur admittere compositionem in Deo, dum distinctionem formalem inter Essentiam & Relationes, & inter ipsa Attributa ponit; quod tamen non facit ut videtur est infra, in quest. de Simplicitate Dei.

Quod si iustas, posita distinctione formali, Deum posse intelligi sine Attributis, sicque sine intellectu, sapientia, bonitate, voluntate, &c. quod est ridiculum; Consequentia probatur, quia quæ ex natura rei distinguuntur, unum potest esse absque alio. Respondeo negando consequentiam; Ad cuius probationem dico, quod illa, quæ distinguuntur ex natura rei, sic se habent; quod unum potest intelligi sine alio abstractione praecisiua, non abstractione divisiua; possumus enim considerare unum non considerando aliud, non tamen possumus intelligere Deitatem absque sapientia, bonitate, & aliis, &c.

Nota pro Scotio, Propositiones illas, Deus est sapientia, sapientia est bonitas, iustitia est misericordia, & e contra, sunt verè idemice & realiter, non formaliter. Nota pro S. Thoma Attributa non distingui tantum nomine ab Essentia & inter se, sed etiam virtualiter, seu ratione ratiocinata, nam alioqui sequeretur omnia nomina divina esse synonyma, quod tamen falsum est, quia etsi eandem rem significant, non tamen sub eadem ratione, neque possumus indifferentem iis uti ad quamlibet perfectionem Dei significandam.

*Ratio Scoti
convincens
dari in divi-
nis distinctio-
nem formalem.*

QVÆSTIO VIII.

*De Attributis diuinis in speciali,
de Simplicitate.*

Ratione inductæ distinctionis formalis inter attributa, quæ multis videtur inferre compositionem, incipimus à declaratione simplicitatis diuinæ.

Simplicitas perfecta consistit in exclusione cuiuscunque compositionis, diuisionis, & potentialitatis, ac proinde dicitur summam actualitatem, vix autem naturam seu quidditatem eius capiemus, nisi intellexerimus compositionem, quæ est eius oppositum, contrarium enim per suum oppositum innotescit. In composito autem duo sunt, scilicet multitudo partium & totum quod coalescit ex vnione partium. Compositum verò, quod tale est multiplex esse dicitur. Compositum per accidens & compositum per se. De hoc ultimo loquimur, quod multiplex est. Primum ex partibus quantitatis, vt corpus; At Deus non est corporeus, patet 1. ex Scriptura, quæ docet simpliciter Deum esse spiritum & indiuisibilem, & *habitare lucem inaccessibilem*. Ex quibus Patres colligunt Deum esse formaliter incorporeum, vt etiam statutum est in Concilio Lateran. sub Innocentio III. referturque in cap. firmiter de summa Trinitate. Secundò, quia nullum corpus excogitari potest, quod non subiaceat variis defectibus, siue quoad conditionem propriæ naturæ, & entitatis, quæ est multò imperfectior in substantiis spiritualibus, siue quoad modum existendi, nimirum quantitatiue & in loco determinatò, siue quoad vim agendi limitatam ad effectus corporeos & ad certum spatium, atqui huiusmodi defectus longè alieni sunt à Deo, qui est Ens perfectissimum, quò nihil melius siue quoad naturæ conditionem, siue quoad modum existendi, siue quoad virtutem excogitari potest. Neque est Compositum ex materia & forma; materia enim non habet locum nisi in rebus corporeis & quantis. Quòd si quis gratis affingat Deo materiam aliquam quantitatis expertem, atque adeò indiuisibilem quoad partes integrantes, certè talis materia se habebit vt potentia passiva respectu formæ, aliàs quo titulo diceretur materia? Sicquæ Deus erit compositum ex actu & potentia, adeoque non erit primum Ens; quia compositum est posterius partibus componentibus & ab iis dependet. Nec erit Ens absolutè necessarium, quia non repugnat dissolui compositum, quod ex partibus distinctis coalescit.

Hinc collige fieri non posse quòd Deus veniat in compositionem aliorum, siue tanquam materia, siue tanquam forma.

Quòd si S. Dionys. 4. cœlest. hierarch. dicit esse omnium, esse Deitatem quæ super te est, vnde formes hanc syllogismi minorem; sed esse omnium intrat in compositionem vniuersi; Ergo Deus venit in compositionem aliorum. Respondeo Deitatem dici omnium esse, effectiue scilicet & exemplariter, non autem per essentiam; sic & verbum Dei dicitur à S. Augustino forma quædam non formata sed exemplaris, non autem quæ sit forma compositi.

Carriere in Professionem Fidel.

Dices, Scriptura tribuit Deo membra humana & corporeorum nomina.

Respondeo metaphoricè intelligendam esse, idque vt per materialium similitudinem exprimas varias eius perfectiones, v. g. per oculos vim intelligendi, per brachia potentiam exequendi, per leonem fortitudinem, per agnum mansuetudinem; sic enim instruitur homo, cuius cognitio incipit à sensu, hincque Dionys. cap. 1 cœlest. hierarch. *Impossibile est aliter nobis lucere diuinum radium, nisi factorum velaminum varietate circumdatum.*

Tertium Compositum est ex esse seu existentia & essentia, quæ in creaturis faciunt compositionem; quia ipsis accidit tale esse existentiz, quod non est necessariò, cum hoc recipiant à causa superiore, & sic est dependens distinctum formaliter ab essentia. Deus autem est idem quod sua essentia, vel natura; ideò Ioan. 14. dicitur *Via, Veritas & Vita*, & non solum quòd sit viuens, verus, &c. sicut autem se habet vita ad viuentem, ita Deitas ad Deum; ergo Deus est ipsa Deitas.

Dices, nihil est in seipso, sed essentia vel natura Dei, quæ est Deitas, dicitur esse in Deo; ergo videtur quòd Deus non sit idem quod sua essentia.

Respondeo, nos non posse loqui de simplicibus, nisi per modum compositorum, à quibus cognitionem accepimus, & ideò de Deo loquentes vtimur nominibus concretis, vt significemus eius simplicitatem; cum ergo dicitur Deitas vel vita vel aliquid huiusmodi esse in Deo, referendum est ad diuersitatem, quæ est in acceptatione intellectus nostri non ad aliquam rei diuersitatem.

S. Thomas probat conclusionem, sicut id quod non habet ignem & non est ignis est; ignis autem per participationem; ita illud quod non habet esse, & non est suum esse, erit ens per participationem & non per essentiam; non ergo erit primum ens, quod est absurdum; Deus autem est, si ergo non est suum esse, erit ens per participationem & non per essentiam; non ergo erit primum ens, quod est absurdum; Deus ergo est suum esse, & non solum sua essentia; consequenter non compositus ex essentia & esse, quod comparatur ad essentiam, sicut actus ad potentiam; nihil autem est potentiale in Deo.

Quartum compositum habetur ex natura & supposito. Scorus vocat ex quo, & quod; natura enim dicitur quo, & suppositum quod. In vnione tamen istorum in Trinitate nulla est compositio cum essentia, eo quod essentia diuina perfectissime subsistit in personis, idque propter infinitatem, per quam transit in summam identitatem; nec obstat distinctio formalis essentia à personis realiter inter se distinctis, responderetur enim, quòd si infinitas identificat personas realiter distinctas cum summa simplicitate cum essentia, à fortiori eadem infinitas cum summa simplicitate vnit essentiam formaliter distinctam à personis.

Compositio ex genere & differentia non est ponenda in Deo; nam genus prædicatur vniuersè de pluribus speciebus; Deus autem notè potest esse species, quia cum sit ens summè & infinitè perfectum, repugnat esse plures Deos numero distinctos; sic enim vnus differret ab alio & eius perfectione careret, & consequenter non esset summè perfectus. Nihil etiam datur commune Deo & creaturis, cum Deus essentialiter sit ens,

F A indepen

independens & illimitatum, creaturæ verò dependentes & limitatæ; Cùm ergo Deus non sit sub genere, non potest componi ex genere & differentia.

Hinc patet, quod non potest dari definitio Dei nec demonstratio, nisi per effectum, quia definitio est ex genere & differentia, demonstratio autem medium est definitio.

Dices substantia est ens per se subsistens, hoc convenit Deo; ergo Deus est in genere substantiæ.

Respondeo substantiæ nomen non significare hoc solum, quod est per se esse, quia hoc quod est esse, non potest esse per se genus, nam omne genus habet differentias, quæ sunt extra essentiam generis, nulla autem potest inveniri differentia, quæ esset extra ens, quia non ens non potest esse differentia, sed significat essentiam, cui competit sic esse, id est per se esse, quod tamen non est eius ipsa essentia, & sic patet, quod Deus non est in genere substantiæ.

Dices unumquodque mensurari per aliquid sui generis, sicut longitudes per longitudinem, numeri per numerum, Deus autem est mensura substantiarum omnium; ergo est in genere substantiæ.

Respondeo maiorem procedere de mensura proportionata; hanc enim oportet esse homogeneam mensurato; Deus autem non est proportionata mensura omnium, ex eo quod unumquodque tantum habet esse, quantum ei appropinquat.

Ex his patet Deum esse simplicem, & omnis compositionis expertem. Angelus & anima rationalis simplices sunt, sed differenter à Deo, quia in Deo idem est quod est, & quo est, & hæc est perfecta simplicitas. Sola Dei natura increata hanc sibi vendicat simplicitatem, ut non aliud & aliud, alibi & non alibi, modo & modo inveniatur in eo. Nempe quod habet & quod est semper & vno modo est. Sed in Angelo & in anima rationali differunt quod est, & quo est, & ideo est ibi quedam alteritas & compositio, licet non sit dimensio quantitatis.

Semper est itaque Deus in essentia, quia nihil accidens ei esse potest, imo perfecta simplicitas ibi est, cùm non sit ipsi potentialis additio; unde Leo Papa: *Nihil addi vel minui potest simplici divinitatis natura, quia semper est quod est, cui proprium est sempiternum esse, cui idem est vivere vel intelligere; verumtamen multiplex est in donis ait Paul. 1. Corinth. 12. & Iacob. 1. Omne donum optimum & omne donum perfectum descendens à Deo. S. Bernard. non paribus constat Deum ut corpus, nec affectibus distat ut anima nec formis substat, ut omne quod factum.*

Scotus in 1. sent. distinct. 8. quæst. 7. ostendit omnem creaturam esse compositam ita, quod nulla est perfecte simplex, tamen sunt diversi modo compositæ, aliquæ ex re & re, ut substantiæ primæ materiales quæ constant materia & forma, aliæ vero sunt compositæ, non quia consent ex re & re, sed quia sunt compositæ ex positivo & privativo & ex actu & potentia obiectiva, & denique quia omnis creatura si non est composita est tamen alteri componibilis. Vide Augustinum in 1. disput. 36. Hinc constat Deum esse simplicissimum quia habet entitatem secundum totali-

tatem, quod nulli creaturæ competit, cùm sit quedam entitatis participatio.

Multa loca scripturæ asserunt hanc veritatem. Exod. 3. *qui est, misit me ad vos*, quibus verbis scriptura de Deo tanquam de ente maxime simplici loquitur.

Probatur secundò ex Conc. Lateran. ubi definitum est Deum esse unam substantiam, seu naturam omnino simplicem.

Probatur terciò ex S. August. lib. 11. de Civitate. cap. 10. ubi dicit: *solum naturam divinam esse simplicem, quia nihil habet, quod possit amittere, nec in ea aliud est habens, aliud quod habetur*, & S. Gregor. lib. 15. moral. cap. 21. *natura Dei est simplex, nec aliud ipse; aliud dicitur ei sunt: Deus enim est hoc quod habet.*

Probatur quartò ratione, quia cùm Deus sit primum ens in genere perfectionis, omne id, quod perfectius est, debet Deo inesse, atque ceteris partibus, perfectius est habere omnem & quamlibet perfectionem consistentem in una tantum simplici entitate, quàm in aliqua entitate composita consurgente ex coniunctione plurium inter se; Ergo: &c. Tum probatum est Deum esse omnis omnino compositionis expertem, proinde est actus purissimus & simplicissimus, ut rectè docent DD.

QVÆSTIO IX.

An & qua ratione Essentia divina in sua simplicitate contineat omnes rerum omnium perfectiones.

Cum Deus sic primum esse ex se, & totalitatem eius habeat, necessarium est in eo contineri omnium rerum perfectiones, hoc patet ex suprà dictis, idque habet expressè S. Tho. 1. part. quæst. 4. art. 1. & Deus ipse declaravit vicario suo Moyli eius conspectum desideranti. Exod. 3. *Ostendam tibi omne bonum*; quod & expressit Psal. 49. *pulebritudo agri mecum est*, & Prou. 8. *meum sunt divitiae, & gloria, & opes*; probatur ex S. Dionys. lib. de divinis nominibus. cap. 5. *Cuncta continent Deum secundum superextensam simplicem infinitatem suam*, & S. August. lib. 4. de Trinit. cap. 1. *unum est Dei verbum, per quod facta sunt omnia; quod est incommunicabilis veritas, ubi principaliter, & incommunicabiliter sunt omnia simul, non solum quæ nunc sunt in universa creatura, verumetiam quæ fuerunt & quæ futura sunt: ubi nec fuerunt nec futura sunt, sed tantummodo sunt; & omnia vera sunt, & omnia unum sunt.*

Ratio S. Thom. loc. cit. plausibilis est; Quicquid perfectionis est in effectum oportet inveniri in causa effectiva, quicquid enim habet effectus, illud habet à sua causa efficiente, & nemo dat quod non habet: Cùm ergo Deus sit prima causa effectiva rerum omnium, oportet earum perfectiones in illo præexistere.

Notandum tamen perfectiones istas esse in Deo diverso modo, quasdam formaliter, alias verò eminenter tantum. Trita est apud Theologos divisio perfectionum in simpliciter simplices, & secundum quid, hæc sunt nullam secum imperfectionem habentes, nec cum vlla alia perfectione

fectione maiori vel aequali in eodem ente impossibiles, quales sunt sapientia, iustitia, & hae perfectiones sunt formaliter in Deo.

Aliae secundum quid, quae licet sint quaedam entis perfectiones; aliquam tamen imperfectionem habent sibi admixtam, vel repugnantiam & incompatibilitatem in eodem ente cum alia maiori vel aequali perfectione, ut sunt qualitates & perfectiones rerum corporearum. Illae autem perfectiones, cum verè in Deo sint & formaliter, id est secundum propriam rationem, in eo esse non possunt, ut per se patet; sequitur ut sint eminenter, hoc est modo quodam infinitè meliori & excellentiori quam sint in ipsis creaturis.

Quamvis verò totius entis creati perfectio sit in Deo, alterutro ex his duobus modis, non tamen propterea creatura potest dici Deus; ipsa enim semper in se remanet infinitè à Deo distans, ac proinde omnino distincta, quod hic obsecro, ne propter illud esse, quod creaturae habent ab aeterno in Deo, putes cum delirante alia viciose ab Ecclesia reprobari, quamlibet creaturam esse & posse dici Deum, (hoc expressius notabitur in quaest. de Ideis.) Hinc etiam similiter refellitur quidam nouator, qui in epist. 6. ad Calvinum dicebat Deum in lapide verè & propriè esse lapidem, in trunco truticum, & sic in aliis, ignarus nimirum Theologiae, quae esse reale & verum creaturarum distinguit ab esse, quod illae habent in intellectu diuino; quod Scotus vocat esse intelligibile & diminutum, seu similitudinem & representationem rerum creandarum & creaturarum, & obliuiscitur Scripturae, quae Sapient. 13. docet *Quanto huus denominator eorum speciosior est.*

QVÆSTIO X.

Quomodo Deus viuens; vel viuus dicatur.

Scotistae non distinguunt vitam ab ipsa Dei essentia, ut dixi, nec de ea hic scribo vti attributo singulari, cum sit ipsamet essentia, sed ut in locutione de vita Dei instruamur; Deus ergo viuens & viuus dicitur pluries in Scriptura Psal. 83. *Cor meum & caro mea exultauerunt in Deum viuum.* Ioan. 17. *Deus dicitur Verus & viuus.* & Matth. 16. Petrus ad Christum. *Tu es Christus Filius Dei viui.* ad cuius intelligentiam nota; quod cum viuere dicantur aliqua secundum quod operantur ex seipsis; & non quasi mota ab aliis, quanto perfectius hoc alicui competit, tanto perfectius inuenitur vita in eo, non quod vita sit propriè operatio, nam ut dicit Aristot. 2. de anima, tex. 37. *viuere viuentibus est esse*, & nomen vitae sumitur ad significandam substantiam, cui conuenit secundum suam naturam mouere seipsam, vel agere se quocumque modo ad operationem, ita ut viuere nihil aliud sit, quam esse in tali natura. Quandoque autem vita sumitur ex quodam apparente exterius circa rem, quod est mouere seipsum; quia solemus nominare aliquid sicut cognoscimus.

Quod si dicas Deo non competit moueri, ergo neque viuere.

Respondeo, quod sicut dicitur 9. metaph. tex. 16. duplex est actio, una quae transit in exte-

riorem materiam, ut calefacere, secare, alia, quae manet in agente, ut intelligere, sentire, & velle, quarum haec est differentia, quia prima actio non est perfectio agentis, quod mouet, sed ipsius motus; secunda autem est perfectio agentis; unde quia motus est actus mobilis; secunda actio in quantum est actus operantis dicitur motus eius, ex hac similitudine, quod sicut motus est actus mobilis, ita huiusmodi actio est actus agentis, licet motus sit actus imperfecti, scilicet existentis in potentia, talis autem actio sit actus perfecti, id est existentis in actu, ut dicitur in 3. de anima. Hoc igitur modo quo intelligere est motus, id est quo se intelligit, dicitur se mouere; Perfectior modus viuendi est eorum, quae habent intellectum; hae enim perfectius mouent seipsas.

Dices, principium vitae in rebus viuentibus, quae sunt apud nos, est anima vegetabilis, quae non est nisi in rebus corporalibus, ergo viuere non competit incorporeis.

Respondeo, quod vita in istis inferioribus recipitur in natura corruptibili, quae indiget & generatione ad conseruationem speciei, & alimento ad conseruationem individui, & propter hoc in istis inferioribus non inuenitur vita sine anima vegetabili, sed hoc non habet locum in rebus incorporeis. Deus ergo, cum sit suum esse, ita & suum est viuere.

Nota hic incidenter Librum vitae in Deo dici metaphorice secundum similitudinem à rebus humanis acceptam. Liber is est firma notitia eorum, qui praedestinati sunt, iuxta illud 1. Timor. 1. *firmum fundamentum Dei stat habens signaculum hoc, nouit Dominus qui sunt eius.* Cum autem Liber vitae sit conscriptio ordinatorum ad vitam aeternam ex praedestinatione & praesenti gratia; qui ex prima ordinatus est non potest deleri, qui autem ex sola gratia ordinatus est, deleri potest; cum homo possit ab ea deficere per peccatum mortale, sed de iis suo loco dicetur.

*Quid Liber
vita.*

QVÆSTIO XI.

An Deus sit in omni genere perfectionis infinitus.

Quoniam diuinarum perfectionum, nec numerus nec finis est, omnia, quae de illis dici possunt, vno verbo exprimentur dicendo Deum esse infinitum in omni genere entis & perfectionis. Est de fide, & ut sic definitum in Concil. Lateran. cap. 2. idque Scripturae inculcant Psal. 144. *Magnus Dominus & laudabilis nimis & magnitudinis eius non est finis.* Quae verba de magnitudine virtutis seu perfectionis intelligi debent. Baruc. 3. *Magnus est, & non habet finem, excelsus & immensus.*

Probat 1. ex S. Dionys. lib. de diuin. nominib. cap. 9. *Magnus est Deus, & super omnem magnitudinem, & omnem transiens infinitatem.* Et ex S. Damasceno lib. 1. de fide cap. 4. *Deus infinitus est & incomprehensibilis, & hoc unum de illo potest comprehendere, quod sit incomprehensibilis & infinitus.*

Probat 3. ex eo quod Deus sit ens à se & independens à quouis alio; hinc enim colligi solet eum non posse habere ullam limitationem in

essentia

entitate sua seu essentia, cum limitatio effectuum, à voluntate aut impotentia causarum, à quibus procedunt, oritur; dicitur autem Deus essentialiter infinitus; quia est tale ens, quo maius aut melius excogitari aut esse non potest; hinc sequitur illum esse infinire perfectum, ita ut præter ipsum nihil tale possit reperiri; quia quodcumque ens excogitari possit, & quantumlibet perfectum, una tamen perfectio semper illi deest; scilicet esse ab omni alio independens; quicquid enim non est Deus, essentialiter ab illo dependentiam habet.

Probatur præterea via efficientiæ, quia Deus est à se & se solo immediate potest producere quoslibet effectus producibiles. Tum probatur ex eo quod intelligit infinita, sicque formatur ratio. Continens virtualiter & eminenter infinitas perfectiones est formaliter infinitum, sed intellectus Dei, ut est infinitorum intelligibilium, continet eminenter infinitas intellectiones, quia quodlibet intelligibile natum est intelligi propria intellectione ab intellectu creato; & illa dicit perfectionem, cum sit entitas absoluta ex prædicamento qualitatis; ergo primum intelligens est infinitum.

Quod si dicas animam Christi intelligere in verbo infinita, cum ipsa finita sit.

Respondeo intelligere habitualiter, sed non actualiter, hoc est successivè, & non vno actu.

Dices si Deus est Ens infinitum, non admitteret secum alia entia, sicuti si esset corpus infinitum, non admitteret secum alia corpora, quia occuparet omnia loca.

Respondeo infinitatem Dei non esse infinitatem multitudinis, sed intensivam entis; & ideo non tollit quin possint esse plura entia alia à quibus distinguatur Deus, hoc ipso quod Deus infinitus est, alia verò finita; alia ab ipso, & ipse non ab iis, sed à se solo, nec est simile de corpore quanto, nam illi est naturale excludere aliud quantum ab eodem loco, Vnum autem Ens maxime vero Ens per se subsistens non excludit alia entia à rerum universitate; nam entia non habent formalem inter se repugnantiam sicut duo quanta.

Richardus hanc pro nostra assertionem asserti rationem. Deus habet virtutem creandi; ergo est infinitus, nam creare est producere de nihilo; sed inter ista duo extrema est infinita distantia; ergo potentia, quæ reducit ad esse, est infinita.

Scotus reprobat hanc rationem; quia quando inter duo extrema nulla est distantia media; sed ipsa dicuntur distare ratione extremorum inter se, tunc tanta est distantia; quantum est maius extremum, v. g. inter non esse & esse Petri, tunc ab esse Petri sumitur distantia, qui cum sit finitus, finita dicitur distantia.

Nota Deum solum dici & esse infinitum per essentiam, quia infinitum non potest esse ex principio alio, id est non esse à se ut dicit Aristot. 3. Physic. 30. Omne autem, quod est præter Deum, est ex Deo sicut ex primo principio; ratio est, quia quicquid accipit esse ab alio, finitum est secundum essentiam, eo quod pendet, limitatum & finitum à sua causa.

Hinc habet, quod si Deus creasset ab æterno Angelum, infinitas durationis, quæ reperiretur in tali Angelo, alia esset ab infinitate durationis Dei, nam infinitas durationis Dei provenit ab infinitate

essentiæ; at illa Angeli esset extrinseca, & per participationem illi communicata, non proveniens aut fluens à sua entitate & essentia.

Dices, quod ita est hic ut non sit alibi, non est infinitum secundum locum; ergo quod ita est hoc, ut non sit aliud, non est infinitum secundum essentiam, sed Deus ita est hoc, ut non sit aliud, non enim est lapis aut lignum; ergo Deus non est infinitus secundum essentiam.

Respondeo negando Consequentiam, nam de ratione corporis infiniti quoad extensionem est, ut formaliter repleat omnia loca; quare si est in vno loco & non in alio; non est eo modo infinitum. At verò non est de ratione Entis quoad essentiam infiniti, ut sit formaliter entia infinita quoad multitudinem, sed ut perfectiones infinitas aut formaliter aut eminenter contineat; unde etsi Deus non sit formaliter lapis, aut lignum, id non impedit, quin sit infinire perfectus quoad essentiam.

Ratio cur solus Deus sit infinitus & independentes ut dixi, nihil tamen vetat quin res aliqua simpliciter finita dicatur infinita secundum quid, quatenus res illi inferiores, quantumvis perficiantur, nunquam possunt perungere ad ipsius dignitatem specificam.

Nota hic non posse dari infinitum actu, siue secundum multitudinem, siue secundum magnitudinem, siue secundum intensivam. Prima pars probatur primò, quia sequeretur partem esse æqualem toti contra illud notissimum principium, *Omne totum est maius sua parte*; Sequela patet, nam unitas est pars binarii, & consequenter infinita multitudo unitatum est pars infinitæ multitudinis binariorum, cum singulis binariis duæ unitates respondeant; at infinita multitudo unitatum non potest resultare ex finita multitudine binariorum, sed tantum ex infinita, cuius tamen est pars, ut dixi; quare pars est æqualis toti. Deinde ea multitudo, quæ detracta aliquo numero finito manet finita, non potest esse infinita, ut notum est, at si ex quacumque lapidum multitudine unus tollatur, qui remanent, non sunt infiniti, cum illud non sit infinitum in aliquo genere, quod non continet omnem perfectionem illius generis; sicut neque illud est absolute & in omni genere infinitum, quod non continet omnes perfectiones absolute possibiles, secunda & tertia pars possunt eodem modo probari; nam primò quantitas pedalis est pars bipedalis, & unus gradus qualitatis est pars duorum; unde prior ratio instaurari potest.

Rursus si à quacumque magnitudine duos pedes, vel à qualitate quantumvis intensa auferas duos pedes, quod remanebit, non poterit esse infinitum in eodem genere ob secundam rationem.

Dices Deus potuit creare mundum ab æterno, & singulis diebus producere vnum Angelum, quod si præstitisset, iam essent de facto infiniti Angeli.

Respondeo primò, gratis in hoc argumento supponi tempus potuisse ab æterno; nam tempus sequitur motum alicuius substantiæ, & prius est rem esse productam, quam moveri; quia producit in instanti, & non movetur nisi successivè.

Respondeo secundò, ea gratis data, negandam esse Consequentiam; quia etsi Deus quolibet

bet die creasset vnum Angelum, eorum multitudo non esset actu & simpliciter infinita; quia creatione nouorum Angelorum quotidie posset augeri. Circulationes etiam omnes vsque ad diem hodiernam transactæ essent, cum tamen id, quod præcipue infinitum est, pertransiri non possit, quæ ratio est; cur S. Thom. 1. parte q. 4. art. 3. neget corpus infinitæ magnitudinis, si daretur, moueri posse circulariter, quia vna pars nunquam posset peruenire ad locum alterius, eo quod infinitè inter se distarent.

QVÆSTIO XII.

An Deus sit æternus:

DEUS verè & propriè est æternus æternitatis, quæ ipsi soli est propria. Est de fide, vt habetur ex Concil. Lateran. c. 5. firmiter. Et Symbolo Athanasij *Æternus Pater, æternus Filius, æternus Spiritus Sanctus.* & pluribus Scripturæ locis. Deut. 32. *Vino ego in æternum dico Dominum.* Psal. 101. *Tu autem idem ipse es, & annus tuus non deficiet.* Daniel 6. *Ipsè est Deus viuens, & æternus in secula.* 1. Timoth. 6. *Solus habet immortalitatem.* Id non ignoratunt Philosophi, ipse enim Aristot. falsò quidem assererat mundum esse æternum, at si ex falsò liceat aliquando elicere verum, necessariò falsus est primam causam esse æternam. Theologi sic probant. Deus est à se; ergo æternus; Antecedens patet ex multis iam dictis. Consequentia probatur; non potest assignari causa cur postenus habuerit esse, cum à nullo in suo esse dependeat. Confirmatur; nam ens absolute necessarium non potest habere initium vel finem essendi; at hoc est habere durationem infinitam, consequenter & esse æternum. 3. probatur ex immutabilitate; si enim non esset æternus, mutaretur, ratio autem æternitatis consequitur immutabilitatem, sicut ratio temporis consequitur motum; vnde cum Deus sit maxime immutabilis, consequenter & æternus.

Ad hæc intelligenda est definitio æternitatis, quæ ab Anselmo in monologio; Boëtio lib. 1. de consolatione assignatur, *Æternitas est interminabilis vita tota simul & perfecta possessio.* Hanc attingit S. August. in Psal. 101. vbi dicit; *Quod in æternitate nihil est præteritum, quasi iam non sit, nihil futurum, quasi nondum sit, sed non est ibi, nisi est.* Ex quibus colligitur differentia duplex inter æternitatem & tempus.

Prima; quod tempus principio & fine clauditur, æternitas verò nec principium nec finem habet. Secunda; quod tempus est in perpetuo fluxu, at æternitas est tota simul nec ullam patitur successionem.

Nota ad definitionis intelligentiam, quod in quibusdam est terminabilitas simpliciter quia ex parte corrumpi possunt, vt sunt generabilia & corruptibilia, ad quorum differentiam dicitur interminabilis.

Nec dicas negationem non esse nisi de ratione eorum, quæ sunt deficientia, quod æternitati non conuenit; interminabile autem, negatiuè dicitur; ergo non debet poni in definitione æternitatis.

Respondeo, Æternitatem dicere aliquid positiuum, à quo fluit triplex negatio, scilicet termi-

nationis, successionis & dependentiæ; sic Scotus quæst. 6. quodlibeto 6. qui tenet æternitatem non posse terminari nec habere partes successiuas, nec ab alio dependere; ponitur autem negatio in definitione, non quod sit de essentia simplicium, quæ consueuere per negationem definiri, sicut punctum dicitur, cuius pars non est: sed quia intellectus noster, qui primò apprehendit composita, non potest venire in cognitionem simplicium, nisi per remotionem compositionis. Et simplicia præcipue diuina nullo modo melius manifestantur, quàm per remotionem, vt ait S. Dionys. Intellectus enim quasi manu ducitur ex negationibus eorum, quæ ab eis remouentur, ad ea aliquantè cognoscenda.

Item in quibusdam est interminabilis essentia, sed non vita, vt in corporibus celestibus, ad quorum differentiam additur vita.

De Deo autem dicit Augustin. quod solus habet immortalitatem, nam in omni mutabili natura, mors est scilicet ipsa mutatio; quia facit in ea aliquid non esse, quod prius erat, vnde & homo quando nascitur quodammodo incipit mori.

In quibusdam autem est interminabilis vita, sed tamen cum miseria & infelicitate; vt in demonibus & damnatis; Ad quorum differentiam additur *iucunda possessio*, in cuius intellectu est iucunditas felicitatis, quia tunc possessio alicuius rei dicitur iucunda, quando ad libitum habetur.

In quibusdam est interminabilis vitæ possessio, sed non *tota*, vt in omnibus beatis ante iudicium, quorum beatitudo est secundum partem animæ, & non corporis, ad quorum differentiam dicitur *tota*, quia totum est, quod non est diminutum, vel cuius est nihil extra addere.

In quibusdam est interminabilis vitæ possessio *tota*, vt in Angelis beatis ante iudicium; quia secundum totam sui substantiam habent felicem interminabilem vitam, sed non simul, cum aliqua sit in eis successio reuelationum & gaudiorum, ad quorum differentiam ponitur *simul*.

In quibusdam est interminabilis vitæ possessio tota simul sed non *perfecta*, eo modo, quo dicimus perfectum nullo indigens, sicut est in Angelis & hominibus post iudicium; ad quorum differentiam ponitur *perfecta*, id est nullo indigens ad suum esse beatum. Patet ergo ex prædicta definitione, quod tres ponuntur ibi conditiones, quæ inseparabiles sunt ab æternitate increata, quæ Deus est.

Æternitas Dei non est accidens, sed substantia ipsa Dei à qua non distinguitur, nec enim Deus solum æternus est, sed sua æternitas; nam vt ait S. Thom. Deus est suum esse, & sua essentia, consequenter sua æternitas. Res aliæ non sunt sua ducatio, quia non sunt suum esse, & ex Scoto Existencia non est Attributum formaliter distinctum, vt alia, sed est ipsa essentia, cum verò existencia sit ipsa duratio, & duratio sit æternitas, sequitur æternitatem non distingui formaliter ab ipsa essentia. S. August. in Psal. 101. sic habet: *Non aliud annus Dei, & aliud ipse Deus, sed annus Dei æternitas Dei est, æternitas ipsa Dei, ipsa Dei substantia est, quæ nihil habet mutabile.* Gregor. lib. 16. Moral. cap. 21. *Neque aliud ipse Deus, aliud dies eius sunt Deus; namque hoc est, quod habet, æternitatem quippe habet, sed ipse est æternus; lucem habet, sed lux sua ipse est.* Sic Anselm. in monolog. cap. 21. & 22. Bern. serm. in Cantic. 30. hoc melius explicare non possum

Ex Scoto
Æternitas
non distinguitur
formaliter
ab essentia
Dei, sicut aliis
attributa.

possum quàm verbis Petri Damiani opusc. 36. cap. 8. vbi sic loquitur. *Omnipotentis itaque Deo non est heri vel cras, sed hodie sempiternum; cui nihil defluit, nihil accidit, cui nihil est vacuum, nihil à se diuersum, illud hodie est aeternitas incommutabilis, indefectua, inaccessibilis, cui videlicet nihil addi, nihil valet imminui; Et omnia, quae apud nos elabendo discurrunt, aut per temporum vicissitudines se variant, apud illud hodie stant, & immobiliter perseverant; In illo scilicet hodie dies ille adhuc immobilis est, in quo mundus iste sumpsit originem; in illo iam, & ille nihilominus est, quo iudicandus est per aeterni iudicii aequitatem.*

Probatur ratione, si aeternitas esset accidens, re ipsa distinctum à substantia Dei, sequerentur duo absurda. Primum, substantiam Dei pertici accidente, nec esse infinitem perfectam, quod falsum est. Secundum, Deum non esse naturae & essentia sed solo accidente & quasi contingenter aeternum.

Dices aeternitas est mensura quaedam. Deus autem non est mensuratus; ergo nec aeternus.

Respondeo non dici aeternum, qui sit aliquo alio mensuratus; nam Deus est sua aeternitas, neque est ibi ratio mensurae, sed ibi accipitur ratio mensurae, secundum apprehensionem nostram tantum.

Dices. Aeternitas non habet praeteritum nec futurum, verba autem praeteriti & futuri dicuntur in scriptura de Deo, vti Michae 5. *Egressus eius à diebus aeternitatis eius.* Daniel. 7. *ad antiquum dierum peruenit.* Apoc. 1. *qui est, & qui erat, & qui venturus est.*

Respondeo quod sicut Deus, cum sit incorporeus, nominatur metaphoricè in scriptura ad condescendentiam caput nostri nominibus rerum corporalium, eique membra humana affinguntur; sic aeternitas tota simul existens, nominibus temporalibus & successiuis exprimitur, aeternitas autem quia coexistit omni tempori, & omne comprehendit, omnibus potest appellari, & de Deo dicuntur verba praeteriti & futuri in quantum eius aeternitas omnia tempora includit, non quod ipse varietur per praesens, praeteritum, & futurum.

Dices ergo scriptura nos decipit, quia tribuit Deo & aeternitati, quod illi non competit.

Respondeo non decipit; sed instruit, ita enim loquitur ut ostendat durationem Dei etsi indiuisibilem completi omnia tempora, illique coexistere, sicut anima rationalis coexistit corpori quanto, & punctum in medio circuli positum toti circumferentiae; tum scriptura sic nobis ostendit viam, qua possumus venire in aliquam cognitionem rerum diuinarum, nempe per cognitionem rerum sensibilium, humanarum, & temporalium.

Tum quando scriptura aliquid tribuit Deo, quod iuxta naturae eius modum ei non congruit, satis insinuat se metaphoricè loqui; nam cum Ioan. 1. dicit, *Spiritus est Deus*, clarè significat Deum non habere membra corporalia. Cum Exod. 3. dicit, *ego sum, qui sum*, & Psalm. 1. *ego hodie genui te*, aperte declarat in aeternitate non esse praeteritum & futurum.

Duo addo. Primum Obiectionem vel procedere de ipso Deo & actibus eius internis, ut generatio filij, & productio Spiritus S. in illis autem seu potius in duratione eorum non datur prius & posterius, nec praeteritum aut futurum, vel agitur de actione transeunti, cuiusmodi est Creatio, Conseruatio, Iustificatio, Apparitio, de quibus verè possumus affirmare, alias esse priores, alias esse posteriores, & pariter alias esse praeteritas, alias futuras; Secundum; vel Obiectionem intelligi de nobis in hac vita, non autem de beatis existentibus in caelo; nos enim non concipimus aeternitatem perfectè, sicut in se est, sed imperfectè, quatenus aliquo modo per analogiam nostri temporis explicari potest; & ideo tribuimus ei praeteritum & futurum, quae in ea non sunt; At beati, sicut clarè vident essentiam Dei; sic etiam aeternitatem, quae re ipsa non differt ab essentia eius, ac proinde concipiunt illam indiuisibilem, & sine vllà partium successione, sicut in se est.

Quaeres quomodo Deus coexistat rebus

Respondeo, per aeternitatem; at quomodo se habet illa aeternitas diuina cum coexistentia praedicta? Respondeo aeternitatem aliquo modo distinguui ab ea, quatenus aeternitas dicitur praecise durationem Dei, estque quoddam absolutum totum, & indiuisibile simul, simulas verò existentiae Dei cum existentia creaturarum; est quidpiam dicens respectum rationis ex parte Dei ad creaturas, & ex parte creaturarum respectum realem, qui successiuis est sicut fundamentum talis respectus; ideo dico Deum non posse coexistere rebus praeteritis, & futuris nunc & pro praesenti si coexistentia sumatur pro simultaneitate, si verò sumatur pro aeternitate; sanè aeternitas, quae fuit in praeterito, eritque in futuro, nunc est tota perfectè & indiuisibilis. Ex ea tamen aeternitate non sequitur praesentia ad res praeteritas vel futuras, cum praesentia haec requirat similitudinem seu respectum realem ex parte creaturarum; ratione actualis dependentiae earum. Hinc tuit opinio aliquorum, qui dixerunt Deum coexistere praeterito & futuro, sicuti praesenti, & rebus ipsis praeteritis & futuris nunc coexistere, eo quod aeternitas sit simul tota & indiuisibilis; unde sic forment argumentum. Quod coexistit toti secundum durationem, illi ipsi semper praesens est si totum est. Res praeterita; dum erant praesentes coexistebant aeternitati, & toti perfectè, & simul. Sed illa tota aeternitas nunc est; ergo & ipsae res sunt ipsi praesentes, licet praeteritae. Respondeo hanc praesentiam Dei exigere simultaneitatem. Aeternitas autem & simulas existentiae Dei cum existentia creaturarum sunt diuersa; unde Scotus arguit, quod nulla daretur aut esset Creatio, nam aeternitas erat ante constitutionem mundi & tota simul; Ergo secundum istos etiam praesens rebus futuris, & sic haec non fuerunt creatae, cum Creatio supponat non esse earum, seu nihil. Tum sequetur vniuersale iudicium factum in principio mundi, & dum erit iudicium esse creationem mundi, cum aeternitas eadem sit totalis & indiuisibilis à principio, & in fine mundi.

Nota; cum dicimus Deum coexistere durationi nostrae, non dicimus eum mensurari tempore nostro, crescere & senescere in tempore, nam nec sic Intelligentiae & substantiae spirituales coexistunt tempori, à fortiori nec Deus, sed solum intelligimus indistantiam quandam, siue

loco siue tempore; puta si punctum alteri puncto perfectissime coniungeretur, diceretur ab eo indistans. Sic Deus cum creaturis.

Nota item esse duplicem coexistentiam, scilicet adequatam & inadéquatam. Adéquata est, quorum idem est incipere & desinere, prius & posterius, & talis coexistentia respectu nostri non est in Deo, cum sit sine principio, & careat fine. Altera verò est mensura adéquata, dum vna alteri tota præsens est, non tamen inclusiue, sic Anima tota præsens est brachio, sed non inclusiue, ita ut etiam præsens non sit aliis partibus corporis.

Nota præterea æternitatem & tempus esse mensuras diuersi generis; nam illa est propriè mensura esse permanentis, & tempus est mensura motus, & rerum transmutabilium; unde mensurat & quietem; quæ est eius quod naturæ est moueri, & non mouetur.

Addo his omnibus intellectum humanum vix capere posse æternitatem, difficile quippe videtur, ut vnum instans durationis sit simul in diuersis temporibus, siue coexistat diuersis temporibus, tempora enim fluunt, & impossibile est simul manere præteritum & futurum; Æternitas autem est vnum instans durationis non fluens; ac proinde coexistens toti tempori præterito & futuro, & tamen nec ipsum instans diuiditur, nec tempora confunduntur. Quod planè superat caput humanum.

QVÆSTIO XIII.

An Deus sit immensus seu vbiq̃ præsens.

Cum duo sint, quæ rem quamlibet necessariò consequuntur, scilicet, duratio & locus: Et quicquid est, aliquando, & alicubi esse oportet, illudque nihil esse dicatur, quod nunquam & nusquam existit. Ideo post considerationem æternitatis; quam ad instar durationis in Deo concipimus; agendum est de perfectione illa per quam ipse rebus creatis præsens esse concipitur, quæ quidem à Theologis immensitas vocatur.

Dicendum est igitur Deum per illam suam immensitatem vbiq̃ realiter præsentem esse per se secundum se totum non quidè sicut partem essentia vel sicut accidens. Aliqui exponunt per indistantiam à quolibet, alij per præsentiam vbiq̃uitatis, quia vbiq̃ præsens est. Dicitur etiam esse extra hunc mundum.

Prior pars est de fide in scripturis, contenta Iob. 11. *excelsior celo est, quid facies! profundior inferno. vnde cognosces! longior terra mensura eius.* Psalm. 138. *quo ibo à spiritu tuo, si ascendero in celum, tu illic es, si descendero in infernum, adu, ubi extrema loca mundi assignat.*

Probat ex S. Athanasio in Symbolo *Immensus Pater, immensus Filius, immensus Spiritus S.* ex S. August. lib. 5. de Trinit. cap. 5. *Deus vbiq̃ est, sine ullo situ præsens, sine habitu omnia continens, sine loco vbiq̃ totus.*

Rationes multæ afferuntur, prima ex infinitate Dei; cum enim Deus sit summè perfectus sequitur, eum esse realiter præsentem rebus omnibus, siquidem res creatæ eò perfectiores ceteris partibus iudicantur, quò maius spatium secundum

dum realem præsentiam occupare possunt, etsi non esset realiter vbiq̃, sequeretur eum non esse in omni genere perfectionis infinitum; deesset enim illi præsentia in aliquo loco, quæ est perfectio; sequeretur præterea eum posse moueri de loco in locum, quod est absurdum, & eius immutabilitati repugnans.

S. Thomas immensitatem Dei sumit ab operatione eius; nam vbiq̃ est agens & adest ei, in quod agit. *Omni causa*, inquit, *necessariò conueniens est cum suo effectu* ex Arist. 7. Physic. Deus autem est causa propria omnium rerum cum enim sit, ipsum esse per suam essentiam, oportet quòd esse causatum sit proprius eius effectus, sicut ignire est proprius effectus ignis; hunc autem effectum Deus causat in rebus, non solum quando primò incipiunt esse, sed quamdiu conseruantur in esse, sicut lumen causatur in aëre à Sole quamdiu aër illuminatus manet; quamdiu ergo res habet esse, oportet quòd Deus adsit ei secundum modum, quo ipsa habet esse; esse autem est illud quod est magis intimum cuilibet, & quod profundius inest, cum sit formale respectu omnium, quæ sunt in re. Vnde oportet quòd Deus sit in rebus omnibus intimè, & in dæmonibus, in quantum sunt res quædam, scilicet spiritus. Est ergo in omnibus locis, tanquam in rebus quibus confert virtutem conseruariam locati, & est in omnibus locis replens omnia loca, non sicut corpus impediens alia locari, sed causando quòd omnia alia sint in loco & illum replent. D. Thom. vocat hunc essendi modum, esse per essentiam, quia substantia Dei adest omnibus, ut causa essendi. Confirmatur ratio; quia cum potentia Dei sit infinita, sequitur ex vi operationis Deum esse vbiq̃; nam si potentia concluderetur peculiari loco; finita esset.

Nota autem immensitatem Dei non stare in hoc, quòd actu sit præsens spatiis infinitis, si non sint, sed quòd ex se natura sua possit coexistere infinitis, si essent. Ad hæc obserua.

Attributa Dei distingui. Quædam sunt, quæ requirunt actualem existentiam terminorum, quædam verò non, & quamuis vtraque attributa sint in Deo, ea tamen quæ requirunt actualem existentiam terminorum ut sint infinita concipiuntur per modum potentia, illa verò quæ non requirunt actualem existentiam terminorum, concipiuntur per modum actus, profero exemplum. Scientia in Deo omnium possibilium concipitur à nobis ut actu omnium, quamuis eius termini; puta res possibles, non sint actu, idque quia Deus non habet scientiam ab illis obiectis possibilibus, sed à sua essentia. Æternitas verò in Deo quæ respicit coexistentiam cuicumque temporis, quia requirit actualem coexistentiam terminorum, & totum tempus, non potest esse simul actu, ipsa intelligitur à nobis per modum potentia, quæ scilicet Deus potest coexistere cuicumque tempori. Talis est immensitas; dicit enim in Deo potentiam coexistendi omnibus spatiis, quæ sunt. Quòd si de nouo fierent, eis coexistere per eandem immensitatem.

Iam quòd spectat ad modum, quo Deus vbiq̃ esse concipitur. Cum res creatæ duobus tantum modis dici possint esse alicubi; vel circumscriptiue cum, scilicet totum toti loco, & partes totius loci partibus respondent vel definitiue, cum totum in toto loco est, & totum in qualibet parte loci, sicut in corpore hominis inest anima,

Deus neutro ex his duobus modis dici potest esse præsens rebus creatis.

Non circumscriptivè, cum non constet partibus, quæ dividi aut extendi possint, unde S. August. Epist. ad Dardanum, *in eo ipso*, inquit, *quod dicitur Deus ubique diffusum carnali resistendum est cogitationi & mens à sensibus corporis evocanda; ne quasi spatiosa magnitudine opinemur Deum per cuncta diffundi.*

Nec etiam definitivè, cum eius præsencia nullo definiatur loco, ita ut potius dicendum sit, ut notat Boët. lib. de Trinit. quod *in eo locus omnis sit præsens, quam quod Deus in illo sit loco.*

Cum igitur neutro ex his duobus modis, Deus præsens sit, & tamen verè, & realiter ubique sit, restat ut alio quodam longè excellentiori modo, licet inexplicabili, illum ubique esse concipiamus.

De illo autem modo variè loquuntur SS. Patres. S. Gregor. lib. 16. moral. cap. 7. dicit *quod incircumscriptus Dei Spiritus omnia intra semetipsum habet, quæ tamen & implendo circumdatur, & circumdando implet, & sustinendo transcendit, & transcendendo sustinet.* Damasc. lib. 1. de fide cap. 8. vocat divinitatem *implentem omnia, à nullo comprehensam, sed potius amplectentem omnia, & continentem, & sine ulla iniquitatione substantiis omnibus insistentem & ultra omnia.* Petrus Damian. Opusc. 36. *ipse Deus, inquit, manet super omnia, ipse infra omnia, ipse intra omnia, ipse extra omnia, superior est per potentiam, inferior per sustentationem, interior per subtilitatem, exterior per magnitudinem.*

Quæres pro secunda quæstionis propolite parte. An Deus sit extra cælum & in vacuo si daretur. S. Bonaventura cum Scoto & aliis id negant, nam ex Scoto Deus non potest esse in nihilo, seu in aliquo pendente solum ab imaginatione nostra, vastitas illa extra cælum imaginaria est, & ante creationem mundi fuit purum nihil à nobis tantum imaginatum; ergo ibi non est, sicut enim Deus non potest esse in Chymæra, ita nec in spatio, quod non habet esse realius chymæra. Respondent quidam illud spatium non esse purum nihil sicut est chymæra, sed distantiam quandam, in qua aliquid verè potest esse. Improbatur; nam vel talis vastitas est nihil, aut aliquid, si supra nihil est aliquid, aut est substantia, aut quantitas aut aliud accidens; non substantia, ut patet; non accidens; quia debet esse in substantia; non quantitas, tum quia hæc ut accidens debet esse in substantia, tum quia intra quantitatem posset esse corpus aliquod; duæ enim quantitates simul se penetrarent; illa ergo distantia nihil est nisi spatium imaginarium, seu aliquid nostra imaginatione consideratum.

Respondent alij illam vacuitatem non esse purum & omnino nihil, sed privationem, quæ est negatio cum aptitudine aliqua, ita ut illud vacuum non sit repletum, sed aptum sit repleti. Nec hæc responsio valet de vacuo aut spatio imaginario supra cælum; nam ut aliqua negatio sit privatio, quæ est cum aptitudine, debet esse cum aliquo subiecto; aptitudo enim nequit esse extra subiectum, ac extra cælum nullum est subiectum, quæ de causa Aristot. 1. de cælo cap. 9. rectè dicit extra cælum nec locum nec vacuum esse, si autem vacuitas illa esset privatio, esset verè vacuum non repletum, aptum tamen repleti.

Si de vacuo loquamur, dupliciter considerat

potest; primum de ipsa negatione quæ est extra superficiem, & dicitur spatium imaginarium, & hæc non potest esse privatio, sicut nec intra illam superficiem est aliquid privatum; illa enim negatio non habet subiectum, ac proinde non potest esse negatio, aut possumus loqui de illa negatione, quæ est in superficie ambiente; nam sicut superficies, quæ intra se corpus continet, dicitur repleta, ita cum nullum corpus habet, dicitur privata, id est non repleta; apta tamen repleti, quod vocamus spatium; ex hoc tamen non fit, ut Deus sit intra ipsam superficiem, aut possit repleti; vacuum enim est locus non repletus corpore, aptus tamen corpore repleti; ergo negatio illa in superficie ambiente est cum aptitudine, ut corpus non ut spiritum contineat, quare ratione huius aptitudinis spiritus intra eam esse nequit.

Dices, non tantum superficies ambiens repletur corpore, sed etiam spatium, seu intervallum, quod intra est; si enim maneret corpus contectum ubi erat destructa superficies, continenti sua quantitate repletur non superficiem, quæ iam non extaret, sed intervallum illud, quod occupare diceretur, eodem modo quo suprema sphaera nunc repleti dicitur non superficiem, quam supra se non habet, sed intercapedinem illam suæ quantitati æqualem; & sicut corpus, si fieret extra cælum, repleti diceretur aliquam partem vastitatis illius imaginariæ.

Respondeo hæc faciliè confutari; cum enim præter superficiem ambientem illud intervallum nihil sit, nisi sola cogitatione, ut probavi, corpus, quod sine superficie ambiente maneret aut absque ea produceretur, non repletur aliquid sua quantitate, nec occuparet, ac proinde non in alio, quam in seipso esset, ea verò tantum ratione diceretur situm alterius corporis occupare, non quia situm ille à sua ipsius quantitate distingueretur, sed quia simul cum sua quantitate aliud corpus esse non posset.

Dices cum Conimbricensibus & Suarez, non minus se se fundit immensitas ad loca, quam æternitas ad tempora, cum omnia attributa æquè sint perfecta eandemque rationem habeat immensitas ad locorum differentiam, quam æternitas ad omnem temporum varietatem, sed Deus existit per infinitum tempus imaginatum, quod comprehendit sua æternitate indifferetè & vnicè.

Respondeo Deum fuisse ante omne tempus, sed non in alia duratione quam in æternitate; quia hæc fuit ab æterno & nulla alia. Eodem modo non fuit in alio, quam in seipso, quia præter ipsum ab æterno nihil fuit; quare retorquetur argumentum; Eadem est ratio existentie & immensitatis per vos, sed Deus existeret sibi & nulli temporis, antequam tempus esset; ergo nunc cum sua immensitate sibi erit præsens, & non spatiis imaginariis, cum illa non sint: vide apud Philosophos argumenta sententiae affirmantis, & si proferantur Patres ad hanc inclinantes. Responde eos voluisse tantum significare Deum ita esse in uniuerso, & intra ipsum, ut non sit in toto eo definitus, non autem quod in spatio quoque imaginario sit. Hinc Tertull. contra Praxeam cap. 5. *Ante omnia Deus erat solus, ipse sibi & mundus, & locus, & omnia.* S. August. in Psal. 122. *Antequam Deus faceret Sanctos, ubi habitabat? in se habitabat.* S. Bernard. lib. 5. de confid. cap. 6.

*Non quia
que modis
præsencia Deo*

Non

Non est quid querat, ubi erat Deus, antequam mundum fieret, prater ipsum nihil erat, erat ubi nunc est, scilicet in se, quoniam ipse sufficit sibi.

Nota quinque modos presentiam Dei, per essentiam, per presentiam, per potentiam, per gratiam, per unionem hypostaticam. Tres primos Scotus exponit per suam substantiam, per suam cognitionem, per suam operationem, (creando, & conservando,) quod proprium est potentiae.

Q U A E S T I O XIV.

An Deus sit immutabilis.

Catholicum est dogma Deum esse omnium mutationis omnino expertem, & omnem creaturam mutabilem esse; id aperte docet Scriptura Num. 23. *Non est Deus sicut filius hominis ut mutetur.* Malach 3. *Ego Deus, & non mutor.* Iacobi 1. *Apud quem non est transmutatio, nec vicissitudo obumbratio:* Sicque definitum in Concil. Lateran. cap. firmiter de summa Trinit. probatur 2. ex S. August. in illa verba Psalm. 89. *A saeculo & usque in saeculum tu es Deus.* ubi sic loquitur: *Non dicit Prophetas saeculo tu fuisti, & usque in saeculum tu eris; sed praesentis significationis verbum posuit, insinuans Dei substantiam omni modo incommutabilem, ubi non est, (fuit; aut erit,) sed tantummodo est.* Ad quae verba appositus S. Bernard. serm. 31. in Cantic. *Tolle (fuit & erit) unde iam transmutatio aut vicissitudinis obumbratio.*

Probat rationibus; quia simplex, quia a se, quia actus purus, absque permixtione alicuius potentiae passivae, eo quod potentia simpliciter est posterior actu, omne quod quocumque modo mutatur, est aliquo modo in potentia, ex quo patet esse impossibile quod Deus aliquo modo mutetur. Tum omne, quod movetur, acquirit motu suo aliquid, & pergit ad illud, ad quod prius non pertingebat. Deus autem cum sit infinitus comprehendens in se omnem plenitudinem perfectionis totius esse, non potest acquirere nec se extendere in aliquid prius non habitum.

Hinc patet, quod motus proprius (qui est actus existentis in potentia) non competit Deo. Quod si in scriptura invenitur appropinquatio, elongatio, &c. metaphorice intellige, sicut enim sol dicitur intrare vel exire domum in quantum eius radius pergit ad domum, sic Deus dicitur appropinquare ad nos, vel recedere in quantum participamus influentiam bonitatis eius vel deficiamus ab eo.

Praecela ratio ex Scoto est eius divinitatis necessitas, quod probat. Oppositorum effectuum opposita principia sunt assignanda; sed ratio praecela mutabilitatis creaturarum est ipsa contingentia; Ergo immutabilitatis Dei eius necessitas.

Nota autem aliud esse necessitatem, aliud immutabilitatem; illa enim opponitur contingentiae, non autem immutabilitati; nam actus volitionis Dei vel praedestinationis circa beatos est immutabilis; non tamen necessarius; cum contingenter & libere eos elegerit.

Nota mutari, esse aliter se habere quam prius; vel esse novam inceptionem vel desinentionem alicuius in aliquo, vel est transitus de potentia passiva ad actum intrinsicum mobili, vel ab actu ad eius privationem, qui transitus supponit poten-

Contra in Professionem Fidei.

tiam passivam tanquam terminum a quo, ad hoc ut fiat mutatio; ponitur autem actus mobili intrinsicus, nam mutationes denominantes extrinsecè subiectum quod non afficiunt, ipsis cessantibus vel incipientibus, nulla sit mutatio penes obiectum, ut lapis intellectus & non intellectus non facit mutationem in ipso obiecto, cum non afficiat ipsum ad mutationem, mutatio ergo est proprie illa, quae sit ex praesistente subiecto ad subiectum, haec notatur in alteratione; vel ex non subiecto ad subiectum, haec in generatione; vel ex subiecto ad non subiectum, haec est in corruptione; haec duae ultimae dicunt terminos contradictorios, prima verò positivus.

Nota etiam ex S. Thom. quod aliquid dici potest mutabile dupliciter, uno modo per potentiam, quae est in ipso ad mutari, alio modo per potentiam, quae est in altero; omnes enim creaturae antequam essent non erant possibiles esse per aliquam potentiam creatam, cum nullum creatum sit aeternum, sed per solam potentiam divinam in quantum Deus poterat eas producere; sicut autem ex voluntate Dei dependet, quod res producat in esse, ita ex eadem dependet, quod res in esse conservet: non enim aliter conservat eas, quam semper dando eis esse, unde si suam eis actionem subtraheret, omnia redigerentur in nihilum; ideo Heb. 1. dicitur *portans omnia verbo virtutis suae*; & August. lib. 4. de Gen. ad litt. cap. 12. *Virum Dei ab eis quae creata sunt, si cessaret aliquando, simul & illorum cessaret species, omnisque natura concideret.* Est ergo in potentia creatoris, ut creaturae non sint, postquam factae sunt: Haec ergo sunt mutabiles per potentiam, quae est in altero.

Rursum aliquid est mutabile per potentiam, quae est in ipso existens, & sic probatur.

Secunda Propositionis pars; Quod scilicet omnis creatura sit mutabilis, quia scilicet nulla est omnino simplex, aut infinite perfecta; ergo potest recipere novas qualitates, & aliis privari, & cum non sit immanens, potest ab uno loco in alium transferri, & tandem si est intellectualis, potest subire varias mutationes in suis electionibus, aliisque operationibus internis.

Natura rationalis potest mutari quinque modis. Primo quoad existentiam, ut si aliquando existat, aliquando non. Secundo quoad locum, ut si ex uno ad alium transeat. Tercio quoad accidentia, ut si mutetur in quantitate aut in qualitate. Quarto quoad cognitionem, ut si nunc putet esse verum, quod antea falsum iudicabat. Quinto quoad voluntatis propositum, ut si nunc decernat aliquid, quod ante decreverat non facere. Nullo horum modorum Deus mutari potest; non primo, quia aeternus & necessario est & immortalis, Psalm. 101. *Tu autem idem ipse es.* 1. Timoth. 6. *qui solus habet immortalitatem* non secundo quia est ubique, Hierem. 13. *Calum & terram ego impleo.* nec tertio quia in eo nullum est accidens: Iacob. 1. *apud quem non est transmutatio.* &c. nec quarto quia non potest falli in sua cognitione, Hebr. 4. *omnia nuda & aperta sunt oculis eius,* nec quinto quia non rescindit sua decreta more hominum. Num. 3. *non est Deus quasi homo ut mutetur.* Proverb. 19. *multa cogitationes viri in corde, voluntas autem Dei permanet.*

Haec immutabilitas Dei oritur ex variis eius attributis. Primo ex Aeternitate, hinc fit ut nec incipere nec desistere possit quoad existentiam;

G 2

Secundo

Secundò ex immensitate seu omni præsentia, hinc locum mutare nequit. Tertiò ex simplicitate, hinc ut nullum in eo accidens. Quartò ex scientiæ certitudine, hinc ut falli nequeat. Quintò ex sapientia, hinc ut decreta non mutet.

Nota Spiritum Sanctum dici Sapient. 19. mobilem & stabilem, casualiter scilicet, quia facit Sanctos mobiles ad bene operandum, & dat in bono quiescere & perseverare, vel mobilis dicitur in vita, stabilis in patria, vel mobilis in actibus, stabilis in contemplationibus, vel mobilis in aliis sanctis, stabilis in Christo, ut Isa. 41. dicitur *Super eum requiescet Spiritus Domini.*

Dices, scriptura videtur facere Deum mutabilem in aliquibus locis, in aliis autem inflexibilem, Job. 14. *Constituisi terminos eius, qui prateriri non poterunt.* Isa. 38. *audui orationem tuam, ecce ego adiciam quindecim annos vite tue;* cui ex parte Dei Ilias missus dixerat *morieris & non visus.*

Respondeo Deum praevidere infallibiliter eventus futuros, Non tamen eos semper praevidere uti praevidet, nec ideo fallitur in sua prae-dictione; eos enim prænuntiat secundum statum, in quo sunt, & secundum propriam eorum naturam, & meritum, & non secundum conditionem, in qua reperientur ex Dei decreto. Ideo res humanas in triplici statu considerare possumus. Primo ut sunt in Dei notitia, sicque infallibiles sunt; nam quomodocumque, & quantumque voluerint aut possint variare, Deus novit earum vicissitudines & mutationes. Secundò considerandæ sunt res uti in suis principiis naturalibus hærent, v. g. vita humana vel sterilitas terræ, quæ alterari, augeri, minui possunt à causa superiore, Deo scilicet; sicque aliter se habere possunt, quam in suis naturalibus causis praevidemus. Tertiò res humanas pensamus in quantum annexæ sunt merito vel demerito; hodie homo potest aliquid dignum vitæ perpetrare, cras verò incidet in mortis meritum. Itaque res in primo statu consideratæ, uti sunt in Dei infallibili scientia, sunt omnino infallibiles, & Prædictiones, quæ sunt secundum diffinitivam Dei scientiam & sententiam, immutabiles sunt. At si spectemus res in suis naturalibus causis & principiis, vel in hominis merito aut demerito, tunc sunt obnoxie mutationi. Sic Deus per prophetam annuntiat Ezechie regi, quod sit moriturus; considerato scilicet naturali statu morbi. At non erat moriturus iuxta notitiam Dei, qui certò sciebat se additurum 15. annos vitæ, sicque prædictio spectabat tantum principium naturæ, aut hominis demeritum, non autem decretum divinum. Idem dic de prædictione Ninive subvertendæ secundum eius demeritum, non autem secundum notitiam Dei propitiaturus ei ob Pœnitentiam.

Quæres. Cur cum res mutari queant in causis suis naturalibus, & procedere de merito ad demeritum, & è contra; Prædictiones propheti-cæ non dentur potius, habito respectu ad infallibilem Dei notitiam, quam ad principia earum naturalia, sic enim eas firmius reciperentur ab hominibus?

Respondeo, visum Spiritui Sancto eas dare intuitu variationis possibilis potius, quam intuitu scientiæ divinæ infallibilis, nam si infallibiliter Deus pronuntiaret, ut futuras novit, deficeremus animo, nec recurreremus ad orationem, & alia

opera bona; vilius ergo nobis est sic prædici, no desperationis ansa nobis detur.

Prophetiæ ergo accipiendæ sunt comminatoriæ potius, quam absolute determinationes; quando ergo dicitur Job. 14. *Numerus mensium apud te est,* intellige de notitia Dei, non de statu naturali in se, qui per phagmata produci potest.

Quæres. An Deus possit velle aliquid de novo, vel cuius oppositum ante voluit? Lichetus hoc asseruit, cum sui tamen submissione ad Ecclesiæ iudicium, supponens tamen quod nulla possit esse mutatio in Deo: Doctores non admittunt hoc; nam illud velle, quo vult, quicquid vult, sic est idem essentialiter essentiæ divinæ, quod non potest esse novum, nec elici de novo; unde.

Dico Primò in Actibus immanentibus Dei non est aliqua mutatio in sua essentiâ, ratione receptionis illorum; nam ad hoc ut sit mutatio ratione actuum immanentium, requiritur ut sit potentia passiva receptiva illorum, & quod actus illi distinguantur à subiecto recipiente, & sic quod subiectum se habeat per modum potentiæ, & actus per modum actus, at in Deo essentiâ non dicit potentiam passivam, nec intellectio aut volitio distinguuntur ab illa essentiâ, ut actuates eam; ergo non est mutatio respectu actuum immanentium.

Dices saltem Deus est in potentia respectu actuum liberorum, prius enim, quam me amet, est in potentia me amandi, vel non me amandi, & sic in eo est quedam mutatio.

Respondeo amare me, vel non amare, esse solum respectus extrinsecos inferentes tantum in Deo mutationem respectum rationis, qui non sufficiunt ad mutationem, & non opponuntur immutabilitati Dei.

Dico Secundò non esse mutationem in Deo respectu actuum successivorum; nam actus Dei non multiplicantur, cum sit unus actus intelligendi, & volendi Dei infinitus, & consequenter vnicus, quo diuersa & opposita successivè producuntur ad extra; quo determinavit ab æterno, & prædefiniit amare Petrum, v. g. pro tali tempore, & in altero non amare.

Dices exprimi in scriptura mutationem aliquam hoc modo, Deus hucusque amavit me, & deinceps odit, dicitur etiam pœnitere, id est dolere de præterito, reuelat Ezechie mortem, & mox quasi pœniteat, declarat contrarium.

Respondeo non ideo multiplicari actus in Deo, scripturam verò debere intelligi, quod hæc Deus effectivè agat, non autem affectivè, Regi primò declarat quod erat in causis secundis, postea reuelavit retardationem effectuum harum causarum.

Dico Tertiò mutationem respectum rationis non contrariari immutabilitati; nam ut supra notavi, diuersa obiecta, ut Creatio creaturæ, Amor, Odiū, &c. non afficiunt intrinsecè Deum, & velle divinum manens simpliciter in se idem dicitur aliquando velle contingens, ut quando transit super obiecta contingentia, scilicet dum vult creaturam esse, & aliquando dicitur necessarium, ut quando transit super obiecta necessaria. Et sic Actus divinus dicitur diuersus, secundum diuersa obiecta, vnus tamen & idem est. S. Aug. de Civit. *Deum potest ad novum opus non novum, se daturnum adhibere consilium.*

QVÆSTIO XV.

An Deus sit summum bonum?

Christus Dominus hanc veritatem de Deo expressit Luc. 18. *Nemo bonus, inquit, nisi solus Deus*; quod intelligendum de summo bono per essentiam nemo est, qui dubiter; unde August. 1. de Trinit. cap. 2. *Trinitas, ait, est summum bonum; quod purgatissimis mentibus cernitur*; ratio est quia cum esse Dei sit essentia eius; & bonum & ens sint idem secundum rem, distincta tantum ab invicem secundum rationem, sequitur Deum esse bonum seu per essentiam, seu bonum simpliciter; unde duo principalia nomina de Deo sunt, qui est, & bonum; per primum significatur Dei esse absolutum in se, & sic consideratur ut infinitum, per secundum consideratur esse diuinum, ut causa; fecit enim Deus omnia propter bonitatem suam. Dicitur autem summum/quamvis simpliciter debet dici bonum; relatiue ad bonum, quod notatur in creatis, quæ deficiunt à bono Dei; unde patet, quod illud adiectiuum *summum*, nihil addit absolutum Deo; nam relatio, qua aliquid dicitur de Deo ad creaturas, non est realiter in Deo, sed in ipsis; in Deo verò secundum rationem tantum est.

Nota pro generali intelligentia & boni & bonitatis Dei, Bonum & Ens esse idem secundum rem, ratione tantum distingui bonum enim dicit rationem appetibilis, quam non importat ens; ratio enim boni in hoc consistit, quod sit appetibile; unde Aristot. 1. Ethic. dicit bonum esse, quod omnia appetunt; manifestum est autem, quod vnumquodque est appetibile secundum quod est perfectum; nam omnia appetunt suam perfectionem, in tantum autem vnumquodque est perfectum, in quantum est actu; unde euincitur vnumquodque in tantum esse bonum, in quantum est ens, esse enim est actualitas omnis rei. Ex quo patet, quod ens & bonum sunt idem secundum rem, sed bonum dicit rationem appetibilis, quam non dicit Ens; Ens autem cum prius cadat in conceptione intellectus, quam bonum, ipsa essentia prius est secundum rationem; unde Aristot. in lib. de causis dicit, quod prima rerum creaturarum est Esse; omne autem Ens, in quantum Ens est bonum; nam 1. Timoth. 4. *Omne, quod non est Deus, est Dei creatura.* & ex Paulo, *Omnia creatura Dei est bona, Deus verò maxime est bonus.*

Dices, nullum malum esse bonum. Isai. autem 5. *Pa qui dicitis malum bonum, & bonum malum.* Sed aliquid ens dicitur malum, ergo omne ens non est bonum.

Respondeo, nullum ens dici malum in quantum ens, sed in quantum caret quodam esse, sicut homo dicitur malus in quantum caret esse virtutis, oculus dicitur malus, in quantum caret acumine visus.

Instabis bonum dicit aliquid, & addit supra Ens. Boetius in lib. de hebdomada, *Intueor, ait, in rebus aliud, quod sunt bona, & aliud quod sunt*; unde sequitur, quod ens & bonum differunt. Ea verò, quæ addunt aliquid supra ens, contrahunt ipsum, sicut substantia, quantitas, qualitas, & similia; ergo bonum contrahit ens, non ergo omne ens est bonum.

Respondeo, quod substantia; quantitas, &c. contrahunt ens applicando ens ad quidditatem aliquam seu naturam, sic autem bonum non addit aliquid supra ens, sed rationem tantum appetibilis & perfectionis, quod conuenit ipsi esse in quacumque natura sit; unde bonum non contrahit ens, quia autem ens & bonum differunt ratione, non eodem modo aliquid dicitur ens simpliciter & bonum simpliciter.

Dices, summum bonum debet excludere omne malum, quod Deus non facit.

Respondeo, debere excludere à subiecto, in quo est, non autem ab aliis, quorum respectu se habet extrinsecè.

Dices, omnia non appetunt Deum, quia non omnia cognoscunt ipsum, nihil autem appetitur nisi cognitum; Ergo cum bonum sit, quod omnia appetunt, Deus non est summum bonum.

Respondeo, quod omnia appetendo proprias perfectiones appetunt Deum ipsum, in quantum perfectiones omnium rerum sunt quædam similitudines diuini esse, & sic eorum, quæ Deum secundum seipsum norunt, eum appetunt, quod est proprium rationalis creaturæ. Quædam norunt aliquas participationes bonitatis suæ; quod etiam extenditur ad cognitionem sensibilem. Quædam norantur inclinari ad bonum cum aliqua cognitione, non quidem sic, quod ipsam rationem boni cognoscant, sed norunt aliquod bonum particulare, sicut sensus cognoscit album, & dulce, & quid simile, huiusmodi inclinatio sequens hanc cognitionem dicitur appetitus sensitivus. Quædam verò habent appetitum naturalem absque cognitione, utpote inclinata ad suos fines ab aliquo superiore cognoscente.

Dices, ratio boni consistit in modo, specie, & ordine; unde S. August. lib. de natura boni cap. 3. ait. *Hæc tria bona modus, species, & ordo, tanquam generalia bona sunt in rebus factis à Deo, hæc tria ubi magna sunt, magna bona sunt, ubi parua, parua bona sunt, ubi nulla, nullum bonum est.* quod non esset, nisi ratio boni consisteret in eis; sed modus, species & ordo non conueniunt Deo uti immenso, & ad aliud non ordinato.

Respondeo, hæc conuenire rationi boni creati, at bonum in Deo est sicut in causa; unde ad eum pertinet imponere aliis modum, speciem, & ordinem; itaque hæc tria sunt in Deo, sicut in causa, & eminenter.

Dices, contra hanc boni determinationem, malum est priuatio modi, speciei, & ordinis, sed malum non tollit totaliter bonum; ergo ratio boni non consistit in modo, specie, ordine.

Respondeo, quod quodlibet esse est secundum aliquam formam; unde secundum quodlibet esse rei modus, species, & ordo consequitur ipsum; sicut homo habet speciem, modum, & ordinem, in quantum est homo, & similiter in quantum est albus, & in quantum est virtuosus, & in quantum est sciens, & secundum omnia, quæ de ipso dicuntur, malum autem priuat quoddam esse, sicut tæritas priuat esse visus; unde non tollit omnem modum, speciem, & ordinem.

G 3 sed

sed solū modum, speciem, & ordinem, quæ consequuntur esse vitus.

Nota bonum propriè esse terminum motus appetitiui; unde diuiditur in honestum, vile, & delectabile, quæ diuisio propriè est boni humani; si tamen consideretur ratio boni, potest bono ut bonum est competere. Delectabile illud est, quod nullam aliam rationem appetibilitatis habet, nisi delectationem, etsi sit aliquando noxium & inhonestum. Vtile dicitur, quod non habet in se, unde desideretur, sed desideratur tantum ut duceat in alterum, sicut sumptus medicinæ amara. Honestum est illud, quod habet in seipso, unde desideretur. Deo autem conuenit esse summum bonum; nam aliquid dicitur bonum secundum quod est appetibile, vnumquodque autem appetit suam perfectionem, omnes autem perfectiones sunt in Deo, ut in causa, consequenter eminentiori modo, quam in seipsis.

*Stamenti boni
qualitates nō
reperiuntur in
bono creato.
Marino Vatro
in lib. de Phi-
losophia va-
rietas mul-
tam notauit
apud Philo-
sophos in sum-
mo bono ag-
noscente &
statuendo.
S. August. 1.
de ciuit. 19.
diffinitio in
128. opinionis
testatur.*

Notandum autem, quod summum bonum debet necessariò habere duas qualitates, scilicet quod sit stabile, seu durationis perpetuæ, & sine mixtione amaritudinis seu doloris, quod non est inuenire in bono creato, multo minus in volutibus corporeis, quæ momentaneæ sunt, & dolore & tristitia præceduntur, aut finiuntur; Nam *Extrema gaudy lucis occupas, & risus dolore miscetur.*

Dices, sicut vnum conuertitur cum Ente, ita & bonum; sed omne ens est vnum per essentiam suam, ex Arist. 4. metaph. ergo omne ens est bonum per essentiam suam.

Respondet S. Thomas, quod vnum non importat rationem perfectionis, sed indiuisiōis tantum, quæ vnicuique rei competit secundum essentiam suam. Simplicium autem essentia sunt indiuisæ actui & potentia; Compositorum verò essentia sunt indiuisæ secundum actum tantum; & ideo oportet, quod quælibet res sit vna per suam essentiam, non autem bona.

Nota ad intelligentiam conclusionis & istius instantiæ, vnumquodque dici bonum secundum quod est perfectum. Perfectio autem cuiuslibet rei triplex est. 1. quidem secundum quod in suo esse constituitur. 2. prout aliqua accidentia ei superadduntur necessaria ad suam operationem perfectam. 3. verò perfectio alicuius est per hoc, quod aliquid aliud attingit, sicut finem, utpote prima perfectio ignis consistit in esse, quod habet per suam formam substantialem, secunda eius perfectio consistit in caliditate, leuitate, siccitate, & huiusmodi; tertia verò perfectio eius est, secundum quod in suo loco consistit & quiescit; hæc autem triplex perfectio nulli creaturæ competit secundum suam essentiam, sed soli Deo, cuius solius essentia est suum esse, cui non adueniunt aliqua accidentia, sed quæ de aliis dicuntur accidentaliter, ei conueniunt essentialiter, ut esse potentem, sapientem, &c. ipse etiam ad nihil aliud ordinatur, sicut ad finem, sed ipse est finis ultimus omnium rerum; Vnde patet, quod solus Deus habet omnimodam perfectionem secundum suam essentiam, & ideo solus bonus est per suam essentiam.

Nota autem, quod etsi Deus communicet bonitatem suam creaturis extrinsecè & causaliter, seu in genere causæ efficientis, exemplaris, & finalis; tamen quælibet res dicitur bona formaliter à bonitate sibi inherente, quæ non est ipsa boni-

tas diuina, sed quædam exigua illius similitudo & participatio, quia omnia sunt bona, in quantum sunt, sed non dicuntur entia per esse diuinum, sed per esse proprium & creatum. Nec refert quod Deus dicatur bonum omnis boni, non enim sensus est, quod creaturæ sint tantum bonæ extrinsecè, idque à bonitate diuina; habent enim propriam & internam bonitatem, aut quod bonitas diuina singulis inhaereat rebus; siquidem Deus non potest venire in alicuius rei compositionem.

Deus ergo dicitur bonum omnis boni, quia causat bonitatem omnis creaturæ. Hinc intellige S. August. lib. 8. de Trinit. cap. 3. *Bonum hoc, & bonum illud, tolle hoc, & illud, & vide bonum si poteris, ira Deum videbis non alio bono bonum, sed bonum omnis boni.*

QVÆSTIO XVI.

An Deus sit Beatus.

Nemini hoc dubium esse potest, quod ex ineffabili perfectione Dei conuincitur, & ex Paulo 1. ad Timoth. ult. notatur *Quem suus temporibus, Iesum scilicet, Ostendit Deus beatus, & solus potens, Rex Regum & Dominus Dominantium.* Et ratione probatur; nam cum Deus sit perfectissimo modo, & secundum omnem gradum perfectionis intellectualis naturæ simpliciter perfectus, beatitudo Deo quàm maximè conuenit, nihil enim aliud intelligitur sub nomine beatitudinis, quàm bonum perfectum intellectualis naturæ, cuius est suam sufficientiam cognoscere in bono quod habet, & cui intellectuali naturæ, in genere competit, ut ei contingat aliquid vel benè vel malè, & sit suarum operationum domina, vtrumque autem istorum excellentissimè conuenit Deo, scilicet esse perfectum, & intelligentem.

Nec dicas beatitudinem Dei non includere omnem beatitudinem; nam quædam consistit in rebus corporalibus, Deus verò est incorporeus.

Respondeo siquidem, quod sicut essentia diuina complectitur omnem perfectionem, eiusque est causa emmentialis eam continens, ita & beatitudo eius spiritualiter habet, quæ sunt in corporalibus corporaliter. Deus, ait S. August. *est felix, non mundi molitione, sed sui contemplatione, ipse sibi solus obiectum adequatum, & presens. In Deo non est aliud esse & intelligere, nec ante creationem otiosus erat Deus, cum ageret circa essentiam suam in emanationibus Verbi, & Spiritus Sancti, & in contemplatione idearum æternarum, quæ relucebant in intellectu diuino; quod actu vnicò infinito, immutabili, indeficiente, se ipsum nouit sine accretione; aut diminutione.* Boet. lib. 3. de consolat. *Habet gaudium de se, & de omnibus aliis pro delectatione, pro diuiniæ habet omnimodam sufficientiam, quam diuinitas promittunt, pro potestate omnipotentiam, pro dignitate regimen omnium sine labore; nam non erit extrase ad agendum, cum operetur per intelligentiam, quæ in ipso est, consequenter felicitas eius non potest conuerti aut alterari per regimen mundi, quem per intellectus operationem regit, pro fama habet admirationem totius creaturæ, specialiter rationalis, cuius ipse est obiectum beatitudinis.*

beatitudo. S. August. lib. 5. Confess. cap. 4. beatitudo est, qui se nouit, etiamsi alia ignorat.

QVÆSTIO XVII.

De scientia Dei.

Nomine scientiæ hîc non intelligimus illam, quam Philosophi definiunt. Cognitionem esse rei per causas; sed in genere certam & claram cognitionem cuiuslibet rei cognoscibilis, & eo sensu de fide est in Deo esse scientiâ perfectissimam.

Hoc pluribus in locis manifestè testatur scriptura. *Elther. 14. Domine, qui habes omnem scientiam. Roman. 11. O altitudo diuitiarum, sapientiæ, & scientiæ Dei, ratio autem est; quia cum Deus sit perfectissimum Ens, & in perfectissimo gradu Entis, scilicet in gradu substantiæ, & vitæ intellectualis; consequenter habet cognitionem intellectualem, quæ est inter rerum perfectiones potissima, cum per eam cognoscens fiat quodammodo omnia.*

Cum autem in humana scientia tres præsertim defectus reperiantur. Primus quod sit accidentaliter. Secundus quod ab obiecto suo pendeat, & à rebus ipsis hauriatur. Tertius quod varia sit & multiplex: cum multis rationibus, demonstrationibus, & argumentis constet, ac præterea pro varietate obiectorum cognitorum, etiam in se varietur, dicendum est nullum horum defectuum in scientia Dei reperiri, imò perfectiones oppositas illi inesse.

Primò enim scientia Dei non est accidentaliter, sed est ipsa Dei substantia, Cum enim (vix ante positis habes) nulla possit esse compositio in Deo; nihilque in eo sit, nisi simplicissima & perfectissima substantia: Et aliunde certum sit in illo scientiam & intelligentiam reperiri: Inde sequitur scientiam & intelligentiam De non esse aliud, quàm ipsam Dei substantiam; vnde Synesius lib. de insomniis; *Deo, inquit, sola ad cognoscendum natura satis est;* Hinc est quod scientia Dei est per modum actus secundi; quia si esset per modum actus primi, illa esset potentia eliciua actus secundi, illiusquæ receptiua, quod repugnat puritati & simplicitati Dei.

Neque dicas actum secundum dicere ordinem ad primum; hoc enim verum est de actu secundo, qui se habet per modum actionis elicitæ, & receptæ. At intellectio diuina non ita se habet à parte rei, sed per modum per se subsistentis, & identificatæ cum substantia diuina, quamquam, iuxta nostrum conceptum, intellectio in Deo distinguatur ab intellectu, & intellectus à substantia, ut patet ex dictis.

Secundò scientia non hauritur à rebus quas cognoscit; sed ipse Deus omnia in sese, & in natura sua cognoscit; vnde S. Ambrosius tract. in Symbolum cap. 8. *Licet, inquit, omnia caelestia, & terrestria, ac minima quaque perspicias Deum: nihil tamen extra se intelligere, sed singula in se intueri dicatur.* Et S. Dionys. lib. de diuin. nomin. cap. 7. *Non ex iis quæ sunt, inquit, ea quæ sunt addiscens, nouit diuina mens, sed seipsa & in seipsa secundum eam scientiam, qua omnium est causa, &c. non secundum exemplar intentionis singulis sed secundum unicam causam præstantiam omnia cognoscens.*

Modus, quo res cognoscit, est perfectissimus, tum quia est sine discursu, siue secundum successionem, siue secundum causalitatem, quia omnia videt in seipso, eo quod essentia diuina potest simul repræsentare subiectum quodlibet, & quicquid cuiuslibet competit, tum quia scientia seu intellectio diuina est planè inuariabilis, non tantum entitatiuè, seu quatenus identificatur cum essentia diuina, sed etiam formaliter in ratione scientiæ; quia cum Deus sit infinitè perfectus, repugnat quòd aliquid ignoret, aut in cognitione rei antea perceptæ proficiat.

Nota hîc Doctorem angelicum, & Scotum discrepare in assignando modo cognitionis diuinæ: ille 1. p. quæst. 14. art. 6. ex eo quod Deus perfectè comprehendit essentiam suam, tanquam primam, & necessariam rerum creaturarum causam, Concludit Deum in ea sic cognitâ cognoscere omnes creaturas: cum ad perfectam comprehensionem alicuius causæ requiratur, ut in ea sic cognitâ omnes eius effectus cognoscantur. Quod si dicas hoc esse noscere in vniuersali, & non secundum propriam cognitionem. Respondet S. Tho. Deum non solum cognoscere res in seipso, sed per id, quod in se continet cognoscere eas in propria natura, & tantò perfectius quanto perfectius vnumquodque est in seipso.

Itaque secundum Thomistas Deus cognoscit creaturas in seipso distinctè & proprio conceptu, secundum rationes proprias ipsarum, tanquam in primario obiecto prius cognito: quod confirmant ex Dionys. supra cit. & Aug. lib. 83. quæst. q. 43. nihil extra se cognoscit Deum?

Scotus hoc non admittit, sed vult Deum cognoscere creaturas in essentia, ut est verbum repræsentans, & speculum creaturarum. Quod sic probat.

Nihil potest esse medium cognoscendi aliud, nisi contineat illud. At essentia cognita non continet creaturas secundum suas rationes formales; ergo essentia cognita non est ratio videndi creaturas ipsi Deo, cum non contineat eas secundum suas rationes formales.

Ad Dionys. & August. respondet, Deum nihil extra se discere, sed omnia in seipso, puta in verbo expresso, aut in essentia repræsentante.

Scot. 1. sent. dist. 3. dicit duo esse in Deo obiecta. Primarium, quod est essentia diuina, & Secundarium, creaturæ. Primarium constituit intellectum diuinum in actu primo ad intelligendum. Secundarium, non dicit Scotus intellectum diuinum cognoscere obiectum secundarium in primario, ut obiecto cognito, sed per ipsum constitui in actu primo ad intelligendum secundarium.

Ex his multi dicunt Deum cognoscere creaturas in sua essentia, tanquam in verbo & per modum speculi. Hoc enim habet essentia diuina à natura sua, quod repræsentet omnia in suo formali esse, quod habent à parte rei, (quod non intelligas de cognitione esse creaturarum in Deo; nam sic sunt ipse Deus, quicquid enim in Deo est, Deus est) sed de cognitione esse formalis creaturarum, quod in se habent. Ad hæc.

Nota primò, quod à parte rei non est pluralitas actuum cognitionis in Deo, sed vno simplicissimo, inuariabili omnia simul intelligit. Dum autem dicimus Deum cognoscere prius essentiam, quàm creaturas, hoc dicimus secundum modum nostrum concipiendi, secundum diuer-

sa fundamenta; prioritas enim illius cognitionis nec est naturæ aut temporis, sed quædam prioritas creationis, quatenus cognitio essentia est ratio cognoscendi creaturas.

Nota secundò duplicem esse intellectionem in diuinis, essentialem scilicet & notionalem, illa conuenit tribus personis ratione essentia, & communis est, notionalis est personæ particularis; unde cum datur in Deo intellectio essentialis datur etiam verbum essentialis commune tribus personis, quod se habet quasi species expressa in representando; est & aliud verbum notionale, quod constituit secundam personam Trinitatis; & est aliquod relatiuum distinctū realiter à Patre & Spiritu S. non autem sic verbum essentialis.

Ex primo itaque notando habetur,

Tertia perfectio scientiæ diuinæ opposita tertiæ imperfectioni scientiæ humanæ, seu multipliciari eius, & variationi. Cum enim scientia Dei est quod sit vna & simplicissima ut dictum est, sit eius substantia, & illa sit vnica & simplicissima, ac in se omnino immutabilis, sequitur ut de scientia eius idem omnino dici debeat. Vnde S. Augustinus lib. de Ciuit. cap. 10. explicans quo sensu in scriptura Spiritus diuinæ intelligentiæ dicatur multiplex: *Ceterum, inquit, dictum est in scripturis sanctis Spiritus sapientia multiplex, eo quod multa in se habeat. Sed quæ habet, hæc & est, & ea omnia vnum est. Neque enim multa, sed vna sapientia est, in qua immensi quidam sunt, atque infiniti rerum intelligibilium thesauri. Et Petrus Damianus opusc. 36. cap. 7. Deo, inquit, nec nouum aliquid penitus accidit, nec aliquid ab eo per temporis momenta recedit. Sed nec diuersis obiectibus diuersa considerat, ut cum intendit præteritis vacet à præsentibus vel futuris, vel rursus cum præsentia siue futura considerat, oculos à præteritis auertat, sed vno duntaxat ac simpliciter præsentissima maiestatis intuitu simul omnia comprehendit: neque hoc confusè atque inexplaratè, sed omnia discernit, ac iuxta proprietatem suam quaque distinguit.*

Quanta insuper agnoscenda est cognitionis diuinæ perfectio, quod scilicet sit vniuersalissima; id est quod ad omne scibile se extendat, id autem est vel Deus, vel creatura aliqua, siue existens, siue possibilis. Hoc autem totum Deus perfecte comprehendit se, per seipsum; ut habetur 1. Corinth. 2. *Quæ sunt Dei nemo nouit, nisi Spiritus Dei*; qui scilicet se comprehendit; nam Deus est maxime intelligibilis, sibi que summe vnitus; ergo seipsum, quantum est, comprehendit; confirmatur, nam nullum obiectum est magis proportionatum scientiæ Dei, quam ipsemet Deus; ergo vel nihil, vel seipsum intelligit. Alia à se per suam essentiam; quia radicaliter & eminentissime continet entitates omnium creabilium, & consequenter eorum cognoscibiles, non solum in comuni, sed secundum quod sunt à se inuicem distinctæ; vnde Hebr. 4. dicitur quod *Pertingit vsque ad diuisionem spiritus & animæ, compagum quoque & medullarum, & discretor est cogitationum & intentionum cordis, & non est vlla creatura inuisibilis in conspectu eius.* Doctor Seraphicus ita apprimè hæc omnia exprimit in parte 1. breuiloquij cap. 8. ut nihil dicendum relinquat. *De sapientia Dei hæc tenenda sunt quod ipsa limpidissime cognoscit omnia bona & mala præsentia, præterita, & futura, actualia & potentia, ac per hoc incomprehensibilis non*

hic, & infinita: ita tamen quod ipsa in se nullo modo diuersificetur, licet diuersa omnia sortiantur. In quantum enim est cognoscitua omnium possibilium, dicitur scientia, sicut cognitio, in quantum est cognoscitua omnium, quæ in vniuerso sunt, dicitur visio: in quantum est cognoscitua omnium, quæ bene sunt, dicitur approbatio; in quantum est cognoscitua eorum, quæ ab ipso Deo facienda sunt, dicitur dispositio: in quantum est cognoscitua eorum, quæ futura sunt, dicitur præscientia, siue prævisio: in quantum est cognoscitua eorum, quæ damnanda sunt, dicitur reprobatio. Et quia ipsa, non tantum est cognoscitua, sed etiam ratio cognoscendi omnia, ideo in quantum est ratio cognoscendi omnia cognita, dicitur lex: in quantum est ratio cognoscendi visa, & approbata; dicitur speculum: in quantum est ratio cognoscendi prædestinata & reprobata, dicitur liber vite. Quia verò hæc omnia vnum sunt in Deo, ideo frequenter vnum accipitur pro alio.

Vnum restat in hac quæstione enucleandum; quomodo scilicet Deus nouit per mala, & res tantum possibiles, quæ non sunt entia.

Nota ergo duplex esse malum, aliud pænæ, aliud culpæ, prius causatur à Deo, posterius permittitur; quare verumque ab ipso cognosci debet. De priori intelligitur illud Amos 3. *Si est malum in ciuitate, quod non fecerit Dominus. De posteriori Psal. 18. Delicta mea à te non sunt abscondita. & 56. Malum coram te feci: Nec refert, quod dicit Abacuc. 1. Mundi sunt oculi tui; ne videant malum.* Videre enim sumitur ibi pro approbare. Primum ergo cognoscitur ut ens, secundum (quod est priuatio rectitudinis debitæ in esse) per suum oppositum seu bonitatem, quæ caret aut priuat, sic cæcitas per visum; tenebræ per lumen, & peccatum omissionis cognoscitur per actum præceptum, qui omittitur:

Q V Æ S T I O XVIII.

Quomodo Deus cognoscit, seu intelligit futura contingentia?

Supposito, quod Deus intelligat, & certò sciat futura contingentia, ut fides docet, tum Scriptura, Psal. 32. *Qui finxit sigillatim corda eorum, qui intelligit omnia opera eorum;* ac illa sunt contingentia; utpote subiecta liberò arbitrio: Mai. 4. *Dicite nobis quæ ventura sunt, & dicemus quod Dei estis vos.* Ioan. 14. *Et nunc dixi vobis priusquam fiat.* Tunc ratione; Deus habet infinitam intellectionem; ergo intelligit omnia intelligibilia; futurum autem est intelligibile; ergo intelligit illud; ac eius intellectio est ab æterno; ergo ab æterno nouit futura. Adde, quod Deus est author, aut saltem cooperatur omnium rerum suo concursu vniuersali ab æterno determinato pro quocumque futuro particulari; ergo necessario scire debet, ad quid determinatum sit suum auxilium; nec omittenda est consequentia, quæ elicitur de pronuntiationibus futurorum contingentium à Prophetis, quæ inspiratæ à Deo referuntur, ut enim rectè dicit Tertull. lib. 2. contra Marcion. cap. 5. *Diuina præscientia tot habet testes, quot fecit Prophetas.*

Hoc inquam supposito.

Nota, futura esse in triplici genere. Quædam sunt

Ex D. Thom. tanta est virtus Dei in cognoscendo, quanta est eius actualitas in existendo, se ergo comprehendit quod est ratio perfecte cognoscere: quàm est cognoscibile.

sunt dependentia à causis naturalibus, quæ impediri nequeunt à causis naturalibus, ut eclipsis solis, & lunæ. Alia sunt futura, quæ quidem dependent à causis naturalibus, ea tamen impediri possunt, quæ si impediuntur à causis naturalibus, sciri possunt naturaliter ab Angelis & hominibus, si autem impediuntur à causis liberis, de ipsis est questio. Quædam verò sunt futura, quæ putè dependent à causis liberis, puta à voluntate hominis & Angeli, (supponendo eos habere liberum arbitrium) & de istis maxime est questio, & dissensio inter Doctores, in assignanda ratione diuinæ cognitionis, cum futura contingentia non sint necessaria, nec determinata ad vnum, sed indifferentia, ut possint esse & non esse, quomodo Deus infallibiliter videat. S. Thomas dicit, quodd contingens potest dupliciter considerari, vno modo, in seipso, secundum quod iam actu est, & sic non consideratur ut futurum, sed ut præsens, neque ut est ad verumlibet contingens, sed ut determinatum ad vnum, & propter hoc, sic infallibiliter subdi potest certæ cognitioni, utpote sensui visus, ut v.g. cum video Elzearium sedere. Alio modo considerari potest contingens, ut est in sua causa, & sic consideratur ut futurum, & ut contingens, nondum determinatum ad vnum; quia causa contingens se habet æqualiter ad opposita, & sic contingens non subditur certitudinaliter alicui cognitioni, unde quicumque cognoscit effectum in sua causa tantum, non habet de eo nisi coniecturalem cognitionem.

Deus autem nouit contingentia, non solum prout sunt in suis causis, sed etiam prout vnumquodque eorum est actu in seipso, & licet contingentia fiant in actu successiue, non tamen successiue ea Deus nouit prout sunt in suo esse, ut nos nouimus, sed simul; quia sua cognitio mensuratur æternitate, vti & suum esse, Æternitas autem tota simul existens ambit & complectitur totum tempus, & omnia continet sine successione, ideo comparatur puncto, quod respicit æqualiter lineas circumferentiæ, & ipsæ lineæ sunt æqualiter præsentæ puncto centri; unde omnia quæ sunt in tempore sunt præsentia Deo ab æterno, non solum ea ratione, qua habet rationes rerum secum præsentæ, sed quia eius intuitus fertur ab æterno super omnia, Prout sunt in sua præsentia, unde patet, quodd contingentia cognoscuntur infallibiliter à Deo in quantum subduntur diuino conspectui secundum suam præsentia, & tamen sunt futura contingentia, suis causis comparata.

Caictanus huius opinionis defensor notat, dupliciter intelligi posse, quodd res temporales sint præsentæ æternitati, & sint futura. Vno modo sic, quodd in quolibet nunc temporis sint præsentæ æternitati, ita quodd coexistentia rei cuiuslibet ad æternitatem mensuretur, quolibet instanti temporis, & in hoc sensu non est verum; alio modo potest intelligi quodd in quolibet nunc æternitatis res temporales sint præsentæ æternitati, ita quodd coexistentia cuiuslibet rei ad æternitatem saluetur in quolibet nunc æternitatis, & hunc sensum intendit S. Thomas.

Dicit ergo omnia futura coexistentia esse in
Carere in Professionem Fidei.

quolibet nunc æternitatis, & ratione illius coexistentiæ cum æternitate Deum cognoscere illa: probatur autoritate S. August. lib. 2. ad Simplician. Boëtij lib. 3. de consolat. Gregor. 1. Moral. dicentium non esse in Deo propriè scientiam, quæ dicit anteuisionem futurorum, seu præscientiam, cum omnia sint præsentia Deo, dici ergo scientiam, non præscientiam; Origen. Beda, dicunt non reperiri in Deo respectu cognitionis eius, *fuit*, aut *fiet*, sed *est*. Probatur ratione. Si futura non essent præsentia æternitati, ergo ea bis cognoscerentur à Deo; primò per præscientiam, & cum essent in existentia per scientiam.

Plausibilis alias fuit hæc opinio excludens præscientiam in Deo, quæ denotat rem aliquam esse posteriorem cognitione sua, seu quæ futura est post præuisionem seu præscientiam, nam successio temporis non compatitur cum æternitate, in qua omnia sunt actu præsentia. Quodd si Scriptura vitur aliquando vocabulo præscientiæ, ut Rom. 8. *Quos præscit, prædestinauit.* ibi vox hæc non denotat noticiam, quæ rem seu effectum præcedat, sed significat prærogatiuam amoris, qua Deus Electos persequitur, seu denotat scientiam approbationis, vel ex Sancto Augustino scientiam amoris annexam.

Scotus ruinosa habens hæc fundamenta aliter sentit; pro cuius sententia,

Nota, futura, nec alias res creatas non esse præsentæ Deo in esse reali, sed solum obiectuali, id est esse cognito. Hæc propositio opponitur propositioni Thomistarum, asserenti omnia esse præsentia Deo realiter ab æterno. Secunda propositio, et si res essent realiter præsentæ Deo ab æterno, talis præsentia non esset ratio Deo eas cognoscendi.

Prima propositio probatur, si creaturæ haberent ab æterno aliquod esse præter esse diminutum, id est esse cognitum, & ideale, cum illud esse sit reale & proprium creaturæ, aut creatura in tempore non posset produci, aut si produceretur, bis produceretur. 1. Si sessio mea futura, vel Antichristus non tantum, quantum ad entitatem, quam habent in esse cognoscibili, sed etiam quantum ad entitatem, quam habent in esse existentia, est nunc præsens æternitati; ergo nunc est producta in illo esse à Deo; nam nihil aliud habet à Deo in fluxu temporis, nisi quodd sit producta à Deo secundum illud esse, sed istam sessionem vel Antichristum Deus producet; ergo illud, quod iam productum est, ab eo iterum produceretur in esse, & non produceretur in esse, cum sit. 3. Si aliqua duo coexistunt vni tertio, & illa coexistunt inter se, accipiamus ergo duo futura, quorum vnum sit prius, & aliud posterius, illa duo coexistent æternitati; ergo & inter se; ergo vnum futurum non est prius altero ratione coexistentiæ, quod est contra suppositionem.

Respondet Caictanus dicendo aliquid, quodd iam est in vna mensura, posse habere nouum esse in alia mensura, & sic esse, quodd creaturæ habent in quolibet nunc æternitatis, posse esse nouum, & recipi nouum in mensura temporis. Non valet quia res abstrahendo ab æternitate, tempore, & æno, aut sunt aut non sunt: si non sunt, non coexistunt; si sunt, ergo non
H produ

producentur. Tum arguit Scotus; xuum Angeli est omnino simplex coexistens toti tempori; ergo Angelus, qui est in xuo, præsens est toti fluxui temporis, & omnibus eius partibus; ergo secundum illam rationem Thomistarum Angelus posset natura iter cognoscere futura contingentia, quod est falsum, ut constat de die iudicii, quem nemo scit, nec Angelus Dei.

Respondent aliqui, xuum esse mensuram substantiæ Angeli, & non operationum eius, seu cognitionis, & sic omnia, quæ sunt in tempore Petri discreto, coexistent substantiæ Angeli, sed non suæ cognitioni. Sed hæc responsio est contra ipsum Caietanum, dicentem unam quandam intellectiōem Angeli mentuari xuo, sicut sua substantia, & sic ratione illius cognitionis etiam possent futura cognoscere. Adde etiam contra Thomistas, futura secundum eos dici præsentia non cognitioni Dei, sed suæ æternitati, & existentia, quæ dicit essentiam, & non intellectiōem diuinam; ergo cum etiam substantiæ Angelicæ ratione xui futura sint præsentia, illa cognoscuntur naturaliter ab Angelis. Ratio ergo currit; futura contingentia propriè loquendo non coexistunt Deo realiter ab æterno; ergo talis existentia non potest esse ratio ex parte obiecti, cur Deus ea ab æterno intuitiue videat; sequela manifesta est, antecedens verò ex dictis patet, & ulterius ostenditur, quia coexistentia supponit existentiam, atqui futura contingentia non existunt, cum à causis suis nondum sint producta, aliàs non essent futura contra hypothetum; ergo nequeunt iam existere, multò minùs realiter coexistere Deo ab æterno. Probatur præterea; sicut se habet locus ad immensitatem Dei, ita & tempus ad æternitatem illius, atqui res existens in aliquo loco, v. g. in hac aula, etsi ibi coexistat immensitati Dei, non tamen ubique ei coexistit; quia ipsa deberet ubique coexistere; ergo similiter res existens in aliquo tempore, etsi pro tunc coexistat æternitati Dei, non tamen dici potest, quod pro tempore præterito, quo nondum erat & ab æterno, illi realiter coexistit.

Secunda propositio, quamvis daretur talis præsentia rerum æternitati, non tamen esset Deo ratio cognoscendi futura; probatur, quia ista scissio præter hoc, quod est præsens æternitati, secundum quod est præsens in aliqua parte temporis, ipsa tamen est futura in se, & secundum hoc, quod est futura, producenda est à Deo. Quæro utrum Deus habeat certam notitiam eius, aut non? si hoc; ergo non est per hoc, quod iam existens est, sed secundum quod futura est, & istam certam notitiam oportet ponere per aliquid aliud, & istud sufficit ad certam cognitionem de existentia huius rei: si non nouit ipsam certitudinaliter sic futuram; ergo producit ipsam non cognoscens ipsam, cognoscat autem ipsam, cum fuerit producta; ergo nouit aliter facta quàm faciendâ, quod est contra S. Augustinum lib. 10. de ciuit. c. 12. Item dato, quod esset realis coexistentia, nihil videtur posse facere ad certitudinem notitiæ diuinæ, quia intellectus diuinus nullam certitudinem accipere potest ab obiectis secundariis, videlicet enim, si aliquo modo moueretur ab eis.

Ad rationes Caietani, Respondeo, durationem Dei seu æternitatem esse totam simul, tamen non comprehendere creaturas, nisi successiue, non ex parte Dei, sed creaturarum. Æternitas ergo, ut dicatur simplicissima mensura ambiens omnia tempora, sufficit, quod res sint in æternitate; quando in se existunt, neque refert, quod centrum simul coexistat omnibus partibus circumferentiæ; hoc enim inde oritur; quia ea omnia simul existunt, cum tamen omnes partes temporis nequeant simul existere, adeoque non possint omnes simul & ab æterno coexistere æternitati, sed quolibet quando existit.

Hinc patet, ut dicatur Deus coexistere rei, cui heri non coexistebat, aut cui non coexistet eras, sufficere, quod successio sit in ipsis rebus, quæ Deo coexistere dicuntur, quemadmodum Deus sine ulla mutatione suæ immensitatis potest quoad locum coexistere modò alicui rei, si producat, modò non coexistere, si annihilatur.

Ad secundam rationem, quod scientia sit in Deo, & non præscientia, quæ dicat antevisionem. Respondeo, cognitiōem Dei respectu creaturarum communiter distingui in scientiam simplicis intelligentiæ, quæ intelligit res possibiles, ut possibiles sunt, & in scientiam visionis, quæ intelligit præsentia, intelligebat equidem futura, ut futura pro tali tempore, ut autem nunc sunt, cognoscit illa, ut quæ actu existunt; neque est ponenda diuersa scientia respectu eorundem, dum futura sunt, & dum actu existunt: nam consequenter deberet poni alia scientia respectu præteritorum; talis autem non ponitur; ergo eadem scientiâ videt Deus futura, præsentia, & præterita.

Ad Patres, qui præscientiam in Deo negant, Respondeo negare illam, quæ dicit obscuritatem & abstractionem, vocantque eam scientiam visionis, quia clara est, & intuitiua; ad differentiam nostræ, nam præscientia in nobis est scientia immatura, anticipata, & obscura; unde res, quæ sunt à nobis præuisæ, videntur alia scientiâ, dum actu sunt, clara scilicet, & intuitiua; imò Prophetæ clariùs vident quæ prophetarunt, dum ea actu sunt existentia.

Exploditur insuper opinio S. Bonauenturæ, quod Deus nouit futura contingentia, quia habet in se ideas omnium; quæ includunt rationes futurorum; nam idæe sunt in intellectu diuino ante omnem actum voluntatis, & necessariò repræsentant. Tum eodem modo sunt possibilem, non futurorum, quàm futurorum; quia differentia petitur ab actu voluntatis: Ergo idæa non magis repræsentat ipsum futurum esse, quàm non, aut ipsum ponendum in esse in hoc nunc potius, quàm in illo. Ad hæc; Nota idæam esse rationem in mente diuinâ, secundum quam aliquid est formaliter extra, ut secundum propriam rationem eius.

Ratio cognitionis Dei de futuris contingentibus non est essentia diuina, ut habet præcisè rationem omnipotentis vel idææ, quia omnipotentia præcisè spectata potest quidem repræsentare omnia possible, non tamen aliquod futurum, cum Deus non operetur ad extra necessitate naturæ, sed liberrimè, adeoque nihil sit futurum, nisi ex libera eius voluntate.

De idea, iam dixi eam ratione precedere decretum Dei de rebus producendis, cum Deus producat res iuxta ideam, quam de illis habet; ergo à fortiori idea precedit rerum omnium productionem, & consequenter scientiam visionis, quam Deus habet de illis, quia hæc versatur circa res, vt existentes in aliqua temporis differentia; non ergo fieri potest, vt Deus futura contingentia noscat præcisè in suis ideis, etsi in eis omnia factibilia noscat.

Duplex ergo Ratio assignatur, vna remota, sed sufficiens, altera propinqua.

Prima est Decretum suæ voluntatis, quia omnia futura in tempore definiuit ab æterno.

Nota primò ad hæc res prius esse futuras, quã Deus intelligat eas esse futuras, prioritate ordinis, & modo cognoscendi, vel secundum modum nostrum concipiendi, aut ratione distinctorum obiectorum cognitorum, nam prius concipitur intelligibile, quã illius concipiatur scientia, & sic non ex eo quod Deus intelligit res, futuræ sunt, sed ex eo quod futuræ sunt, intelligit eas futuras.

Nota secundò Deum habere ab æterno decretum particulare respectu cuiuscumque particularis actionis, quo decreuit se daturum vel negaturum concursum, & tale decretum prius intelligitur, quã ipsum futurum; non enim futurum potest esse futurum, nisi ex determinatione suarum causarum, & tale decretum, vt decretum est, & non, vt est actualis concursus, est vna causa illius futuri, Deus ergo videns tale decretum suæ voluntatis, & certò sciens suam voluntatem infallibilem & immutabilem esse, certò comprehendit à decreto suæ voluntatis & infallibilitate futurum, tanquam determinatum in sua causa. Hic concedendus discursus in Deo; nam à decreto & infallibilitate voluntatis suæ tanquam præmissis concludit hoc futurum.

Ratio secunda propinqua sunt ipsa futura vt determinata in suis causis relucencia deinde in essentia diuina, explicatur, Intellectus diuinus, aut offert simplicia quorum vnio est contingens in re, aut si offert complexiorem offert eam vt neutram & voluntas eligens vnam partem, scilicet coniunctionem ipsorum pro aliquo nunc in re facit illud esse determinatè verum, hoc erit pro A hoc autem existente determinatè vero Essentia diuina est ratio intellectui diuino intelligendi illud verum, & hoc naturaliter quantum est ex parte essentia, ita quod sicut intelligit naturaliter omnia principia naturalia, seu necessaria quasi ante voluntatis actum, quia eorum veritas dependet ab illo actu voluntatis. Ita essentia diuina est ratio cognoscendi ea in illo priori instanti naturæ; quia tunc sunt vera, non quod illa vera moueant intellectum diuinum, nec etiam termini eorum; quia tunc vilesce-
ret, sed sicut Essentia diuina est ratio cognoscendi simplicia, ita & complexa talia. Tunc autem in illo priori instanti naturæ non sunt vera Contingentia, quia nihil tunc est, per quod habeant determinatam veritatem, posita autem determinatione voluntatis diuinæ, iam sunt vera pro illo secundo instanti, & hoc idem erit ratio intellectui diuino intelligendi ista, quod erat in primo, & si ista con-

tingentia fuissent vera in illo primo instanti, tunc fuissent cognita, & essentia diuina fuisset ratio cognoscendi. Ergo in isto secundo instanti in quo sunt vera, essentia diuina est ratio intellectui diuino cognoscendi.

Dices si tale decretum ponatur in Deo nulla est omnino libertas, cum illud precedat determinationem causæ secundæ, & suum infallibiliter sortiatum effectum.

Respondeo esse tale decretum in Deo respectu cuiuscumque actionis etiam peccati, siue omissionis, siue commissionis, diuersimodè tamen, nam respectu peccati commissionis respicit actum positium seu materiale, cuius formale est malitia seu carentia rectitudinis debitæ, & hoc formale, decretum Dei non respicit, imò est contra eius voluntatem, respectu verò peccati omissionis, decretum respicit causam, & non peccatum, v. g. iter faciendo non audire missam, respectu ergo cuiuscumque positiui etiam in peccato est decretum Dei. Ex eo tamen peccatum non debet imputari Deo, nec tollitur arbitrij libertas.

Nota ad hæc, arbitrium nostrum stare cum prædefinitione Dei; nam hæc non præcedit ordine causæ determinationem voluntatis nostræ, sed illam comitatur. Vnde necessitas sequens positionem decreti Dei est comitans aut sequens determinationem nostram, proinde cum illam non præcedat, nec impedire aut lædere potest à simili, sicut scientia Dei, quæ scit me hoc facturum, non lædit libertatem meam, ex eo quod sequatur id, quod futurum est; non enim ideo res futura est, quia Deus scit; sed ideo Deus scit, quia res futura est; ita & Deus determinationem nostram ex suo non tollit decreto, quia ipsam ex se determinatam supponit, atque posterius est ea. Hæc doctrina supponit distinctionem necessitatis, quæ, ex Anselmo lib. de præscientia, distinguitur in antecedentem & subsequentem, seu, vt loquitur S. Bonaventura, & alij, *Consequentis & consequentia*. *Consequentis* est illa, quæ oritur ex terminis, vt homo est; ergo est animal rationale. *Consequentis* est ea, quæ ex suppositione nascitur; si currit; ergo mouetur. Prima, scilicet consequentis, aufert libertatem. Secunda, seu consequentia manet cum libertate, v. g. Deus scit Petrum peccaturum, ergo Petrus peccabit, est necessitas consequentia. Dicamus, vt vulgo distinguitur, necessitas antecedens est illa, quæ oritur ex causa antecedente & necessariò operante, posita enim tali causa necessariò sequitur effectus. Consequens verò necessitas est illa, quæ oritur ex sola positione effectus, etsi à causa libera oriatur hæc; nullo modo libertati præiudicat; ideo tantum aliquid faciendum necessariò dicitur, quia reuera fiet, licet liberè fiat, sicut de eo, quod iam factum est, potest dici, quod necessariò factum est, hoc est, quod fieri non potest, quin factum sit; quamuis liberè factum sit.

Idem dicendum de decreto Dei circa opera libera hominum, nam nullum horum fuit definitum ante vllam liberam voluntatis humanæ determinationem.

Ceterum hæc prædeterminatio, seu decretum Dei nec simul esse posset cum determinatione nostra, nec cum ea concordare, nisi præcederet.

*Statuitur
scientia con-
ditionata seu
modica.*

scientia Dei, non quidem eius, quod absolu-
tum est, hoc enim præsupponit prædefinitio-
nem Dei, sed eius quod sub conditione co-
gnoscitur, cuius præscientia antecedit omnem
determinationem; Cognoscit enim Deus, quid
sub hac conditione futurum esset, si Petrus,
v. g. in tali vocatione excitaretur, cum ergo
Deus has combinationes vocationum cum ar-
bitrio cuiuscumque præsciat, & quid cum
qualibet earum futurum esset arbitrium, In
primo signo decernit absolute vocare tali vo-
catione aliquem, cui respondurum esse sub ta-
li conditione nouit, In secundo verò decernit
cum determinatione voluntatis, quam sub
conditione nouerat absolute cooperari, ac
proinde nostram determinationem suo decre-
to non antecedit, sed comitatur, & talis con-
comitantia non tollit libertatem nostram.

Quòd dixi de decreto, à fortiori valet de
Dei scientia, quæ non influit tantum in actio-
nem, quantum illud; nec omitam rationem
S. August. lib. 3. de lib. arbit. cap. 3. futura con-
tingentia eodem modo reipsa futura sunt, quo
à Deo per præsentiam futura cognoscuntur,
atque cognoscuntur futura liberè, neque enim
præscientia Dei destruit voluntatis nostræ na-
turam, quæ ut ait August. voluntas non esset nisi
esset in nostra potestate, ergo liberè futura sunt.

*Concordia
scientia diui-
na cum liber-
tate hominis
ex eo est, quia
scientia sup-
ponit volun-
tatis liberam
determina-
tionem.*

Q V Æ S T I O XIX.

An Scientia diuina cohereat cum libertate humana?

Est de fide præscientiam Dei non repugna-
re libertati humanæ, ipsa enim docet
Deum certissime præscire omnia, quæ liberè
ab hominibus fiunt, tum docet ea quæ ab ho-
minibus fiunt, ab eorum libera electione pen-
dere, esse in eorum potestate, & ita ab illis
liberè fieri, ut possint si velint ea non facere,
Quòd ex plurimis scripturæ locis probari po-
test, ut Gen. 4. vbi Deus sic alloquitur & ad-
monet Cain, cum fratris sui cædem meditare-
tur. Nonne si bene egeris recipies, sin autem ma-
le, statim aderis in foribus peccatum tuum; sed
sub te erit appetitus tuus, & tu dominaberis il-
lius, & Eccles. 15. dicitur quòd Deus reliquit
hominem in manu consilij sui, &c. ante homi-
nem vita & mors, bonum & malum. Quòd pla-
uerit ei dabitur illi. 1. Corinth. 2. nam qui sta-
tuit in corde suo firmus non habens necessitatem,
potestatem autem habens sua voluntatis, &c.

Probatum secundò ex S. Hierony. in cap. 26.
Ieremiæ, vbi explicans hæc verba prophetae,
noli subtrahere verbum, si forte audiant: sic lo-
quitur, nostro Dominus loquitur affectu, ut li-
berum homini seruetur arbitrium; nec ex præ-
scientia eius, quasi ex necessitate vel facere quid
vel non facere cogatur, Non enim ex eo quòd
Deus scit futurum aliquid, ideo futurum est, sed
quia futurum est, Deus nouit, quasi præsciens fu-
turorum, & S. August. lib. de Ciuit. cap. 10.
quocirca nullo modo cogimur, aut resenta præ-
scientia Dei tollere voluntatis arbitrium, aut re-
sento voluntatis arbitrio, Deum, quòd nefas est,
negare præscium futurorum, sed utrumque am-
plectimur, utrumque fideliter & veraciter confi-

*Scientia sim-
plicis in-
telligentia
est causa re-
rum non autem
scientia vi-
sionis.*

temur. & lib. 3. de lib. arb. cap. 4. Sicut, inquit,
tu memoria tua non cogis facta esse, quæ præterie-
runt, sic Deus præscientia sua non cogit facienda,
quæ futura sunt.

Ratio præcipua huius concordie est, quia
cum scientia supponat obiectum suum, certè
scientia, quam Deus habuit ab æterno de actu
meæ voluntatis liberè futuro, nullo modo im-
pedit, quin talem actum liberè eliciam; intue-
tur enim illum, ut iam à me liberè elicitum,
adeoque nequaquam potest mihi imponere
necessitatem eliciendi eum, atque hanc con-
ciliationem insinuant Theologi, quando
aiunt scientiam visionis, de qua hic agimus,
esse merè speculatiuam, & nullo modo influere
in obiectum, sed supponere illud, ut existens,
& per causas secundas productum.

Nota quòd cum Petrus absolute potuerit
non peccare, potuit etiam Deus non scire eum
peccaturum, quare quòd hoc sciuerit, non
fuit absolute necessarium, sed tantum ex sup-
positione, quòd Petrus esset peccaturus, ac
proinde necessitas ex tali præscientia illata
non nocet libertati, cum non sit antecedens,
sed dumtaxat consequens.

Q V Æ S T I O XX.

An Scientia Dei sit Causa Rerum?

Dico scientiam, quæ vocatur simplicis in-
telligentiæ, esse causam rerum, non au-
tem eam, quæ dicitur visionis. Prima pars pa-
tet ex Psalm. 103. Omnia in sapientia fecisti.
Prou. 3. Dominus sapientia fundauit terram,
&c. & ex ratione; nam Deus est agens per li-
beram voluntatem omnia enim, quacumque vo-
luit, fecit in calo & in terra; voluntas autem non
fertur in incognitum, neque potest certò sine
errore operis perfectionem assequi, nisi à præ-
uia luce intellectus dirigatur, quoad modum
illud faciendi, quare scientia Dei est causa re-
rum, tanquam principium dirigens ad rectam
& ordinatam earum productionem. Vnde col-
lige scientiam Dei esse rerum causam, non mo-
do materialiter, seu identicè spectatam, qua-
tenus identificatur cum essentia diuina, quæ
est rerum omnium principium, sed etiam for-
maliter in ratione scientiæ, quia ut sic est dire-
ctiua operationis, & præfert faciem voluntati,
quæ est potentia cæca.

Secunda pars ostenditur, nam scientia diui-
na est causa rerum dirigendo illius volunta-
tem ad opus, & ostendendo modum, quo res
qualibet conuenienter fiat, at scientia visionis
non potest dirigere voluntatem Dei ad opus;
quia ut eam dirigeret, deberet esse ratione
prior, quàm liberum decretum illius, atqui
non tantum non est prior, quin etiam est ra-
tione posterior, implicat ergo, quòd volunta-
tem dirigat ad sua libera decreta facienda, aut
quòd cum ea concurrat ad opus.

Quòd autem scientia simplicis intelligen-
tiæ habeat omnes condiciones requisitas, ut sit
causa rerum, patet, nam præcedit decretum di-
uinum, adeoque rerum existentiam, represen-
tat res omnes factibiles, dicatque modum,
quo res quælibet conuenienter fieri debet; er-
go nihil deest ei ad rationem scientiæ practice.

Nota

Nota eam scientiam esse liberam, quæ ita adiunctum habet decretum, ut illud sequatur, qualis est scientia visionis; non autem illam, quæ illud antecedit; qualis est scientia simplicis intelligentiæ. Neque hinc colligas Deum ad extra agere necessariò; siquidem scientia simplicis intelligentiæ; etsi ut scientia, & ut causa in actu primo spectata, sit necessaria, non tamen causat actu, nisi quatenus habet adiunctum Dei decretum, quæ ratione est libera.

Q V A S T I O XXI.

An in Deo sit scientia conditionata, seu media?

VT res clarè proponatur, supponendum est, quodd licet scientia Dei sit in se simplicissima, & maximè una; nihilominus secundum diuersam habitudinem quam concipimus habere ad sua obiecta, communiter à Theologis diuidi solet in eam, quæ dicitur scientia simplicis intelligentiæ; & eam quæ scientia visionis appellatur.

Scientia visionis dicitur ea; quæ Deus cognoscit res, quæ in aliqua differentia temporis, existentiam habent, vel habuerunt, vel habituræ sunt.

Scientia verò simplicis intelligentiæ est, quæ cognoscit res omnes, quoquo modo esse possunt, siue re ipsa aliquando futuræ sint, siue non.

Hæc utraque scientia aliis nominibus aliquando appellatur; scientia enim simplicis intelligentiæ dicitur scientia necessaria; quia fieri non potest, quin creaturæ omnes, respectu diuinæ omnipotentiae, sint possibiles, ac proinde necessarium est illas à Deo, ut tales, cognosci; Scientia verò visionis vocatur scientia libera, eo quodd supponit in Deo decretum liberum producendi creaturas; & ad illarum existentiam & operationes concurrendi.

Præter hanc duplicem scientiam, alteram adhuc plerique Theologi assignant, quam vocant mediam, quæ Deus cognoscit res illas contingentes & liberas, quæ quidem nunquam futuræ sunt, quæ si certa aliqua conditio poneretur, essent futuræ, & de hoc quidem tertio genere scientiæ, maxima est inter Theologos controuersia, aliis pro parte affirmatiua magno ardore certantibus, aliis non minori conatu eam oppugnantibus.

Dicendum est igitur Deum certò & infallibiliter cognoscere illa futura conditionata: sed quodd idem est Deum ab æterno præuidisse, quodd Angeli vel homines liberè facturi essent; si in tali vel in tali rerum ordine, cum his, aut illis circumstantiis collocarentur.

Probatum primò autoritate Scripturæ, quæ variis in locis testatur Deum prædixisse res quasdam enenturas esse, si aliqua conditio poneretur: quæ tamen, cum posita non fuerit, res illæ non eueniunt. Vnde sequitur Deum certò & infallibiliter cognouisse eiusmodi res, quæ non extiterunt, verè futuras fuisse, si talis conditio posita fuisset. Ita habetur in lib. 1. Reg. cap. 21. vbi duo futura conditionata fue-

runt à Deo reuelata Dauidi, nempe, quodd si maneret in vrbe Ceyla, Saül Rex descensurus esset ad obsedendam urbem; & quodd si Saül urbem illam obsideret, incolæ illius tradituri essent ipsum Dauidem in manu Saülis. Quorum tamen neutrum euenit, quia conditio defuit: Dauid enim ibi non remansit, sed accepto illo diuino oraculo, inde sine mora discessit. Idem patet ex S. Matth. cap. 21. vbi Christus testatur Tyrios & Sydonios penitentiam fuisse acturos, si apud eos miracula fecisset, quæ in Iudæa patrauerat.

Probatum 2. ex S. August. lib. de Corrèpt. & gratia cap. 8. vbi ex his verbis Sap. 4. *Placent Deo factum est dilectum, & viuens inter peccatores translatus est: raptus est, ne malitia mutaret intellectum eius, &c.* Colligit prædestinatos singulari Dei beneficio, ex hac vitæ morte immaturè subtrahi: quos, si diutius viuerent, in peccatum lapsuros, & exinde gratia & salute priuandos fore præsciuit; vnde sequitur Deo notum fuisse id, quodd reuera non contigit; contigisset autem certissimè, si vita illorum longius producta fuisset. S. Gregor. Nissen. in orat. de infantibus qui præmatura morte rapiuntur, sic loquitur: *Consentaneum est ab illo, qui peragere futurum nouit, ac præteritum, prohiberi paruuli progressionem ad perfectam aetatem, ne malum illud, quodd præsciens illa vis & facultas cognouerit in eo, qui victurus esset, ita persistatur, eique materia nequitia visa fiat.*

Probatum 3. ratione; nam scientia Dei non esset vndequeque perfecta, nisi omne verum attingeret, ac non attingeret omne verum, nisi futura conditionata cognosceret; cum hæc non minus vera sint, quam quæ absolute futura sunt, imò prius secundum rationem, futurum contingens sit verum conditionatè, quam absolute; nam si verum est, quodd Petrus positus in talibus circumstantiis peccat, certè, antequam positus esset in iis, verum erat, quodd si in iis poneretur peccaret; Tale autem conditionatum est propriè obiectum scientiæ mediæ, seu conditionatæ, quare hæc scientia ponenda est in Deo. Quodd autem spectat ad id, quodd Thomistæ docent, nihil esse futurum, siue absolute, siue sub conditione, nisi dependenter à decreto aliquo ipsius Dei, quo efficaciter vult prædeterminare creaturam quamcumque; etiam liberam ad agendum, & per quodd proinde cognoscit futura sub conditione, atque ita hanc cognitionem non pertinere ad scientiam illam conditionatam, seu mediam, sed ad scientiam liberam, seu visionis, magnam id videtur recipere difficultatem, si enim hoc ita sit, decretum ita concipiendum esset, volo efficaciter ut Ceylitæ tradant Dauidem, si Saül ad eos descenderit, volo ut Saül contra ius fasque ad necem quærat Dauidem, & eo animò urbem, in quam confugerat, obsideat: Volo Tyrios phyticè prædeterminare ad conuersionem, si Christus apud eos miracula ediderit; Atque hoc modo Deus esset causa peccati, & tolleretur libertatem, cum impossibile sit eum non peccare, quem ad agendum prædeterminat. Sic etiam redderetur proflus inutilis ratiocinatio & exprobratio Christi contra Iudæos, per comparisonem Tyrionum, & Sydoniorum, cum ipsi potuissent, siquidem Iudæi respondere, non mirum esse quodd Tyrij ira-

dicta occasione essent conuertendi, quia vi decreti alicuius diuini erant accepturi auxilia quædam efficacia & ineluctabilia, quibus ipsi carere debebant, & sine quibus penitentiam agere non poterant.

Dices nihil omnino esse futurum, siue absolute, siue conditionate, nisi dependenter à decreto Dei.

Respondéo, hoc esse verum aliquo sensu, & aliquo, falsum; nam imprimis, si agatur de decreto physice determinante, falsum est, quod futurum contingens supponat tale decretum, cum physica prædeterminatio contingentiam & libertatem excludat; nam necessitas, quam tale decretum inducit, est verè antecedens, & nullo modo consequens, cum antecedit & causet physice actum voluntatis nostræ, cumque non supponat vt iam in præscientia Dei positum, aut ponendum sub conditione.

Nec dicas necessitatem antecedentem, vt venit à Deo, non tollere libertatem, vt patet in negatione Petri, quæ libera fuit, etsi posita antecedente Christi prædictione euenerit necessarid; nam hoc exemplum non est ad propositum, quia etsi Christi prædictio præcesserit tempore negationem Petri, ordine tamen rationis prædictio fuit posterior, cum non idem Petrus Christum negauerit, quia Christus prædixit, quin potius Christus prædixit; quia Petrus verè erat negaturus; quare necessitas negationis orta ex Christi prædictione non erat antecedens, sed consequens.

Si autem agatur de decreto concurrenti cum voluntate, eique tribuendi quicquid est necessarium ad agendum, verum est, quod ex parte Dei requiritur tale decretum ad hoc, vt contingens sit futurum; Sed cum discrimine, nam; vt res aliqua sit absolute futura sub conditione, sufficit, quod si talis conditio poneretur ex vi decreti diuini, quod tunc esset, tribuerentur voluntati auxilia necessaria ad agendum.

Nota 1. per scientiam conditionatam enervari quidem gratiam illam efficacem, cui vis physica prædeterminandi voluntatem tribuitur, non tamen illam, cui Concilium Tridentinum statuit voluntatem posse dissentire, si velit, quin potius, vt talis gratia habeat omnimodam firmitatem, ea debet inniti scientiæ conditionatæ, qua Deus videt habituram effectum, etsi eo carere possit.

Nota 2. prædestinationem propriè non fieri dependenter ab operibus sub conditione prænotis, tanquam à ratione motiua, quia etsi Deus sine huiusmodi præscientia nequeat aliquem prædestinare, ea tamen non est causa, cur aliquem prædestinet, vt patet exemplo Tyrionum, qui prædestinati non sunt, etsi Deus certò sciret eos penitentiam fuisse acturos, si his aut illis præuenirentur auxilia.

Quod autem ista scientia prædictæ sit in Deo, qua tanquam præuia luce dirigatur ad statuenda sua decreta, patet ex supradictis, & ex prudentiæ & economiæ; & confirmatur, quia cogitari nequit, quod Deus prudenter statuât decreto efficaci saluare aliquem per media repudiabilia, nisi dirigatur scientia conditionata dictante eiusmodi media habitura bonum

exitum, si dentur, aliàs decretum Dei manifestò frustrationis periculo expositum esset, perfectissima autem tribuenda est Deo prouidentia.

Dices Deum cognoscendo vim mediorum, & vim, quam singula habent cum voluntate, certò scire, quænam ex illis sint habitura effectum, atque per eiusmodi scientiam, quæ est naturalis, applicare illa ad obtinendum effectum. Verum hoc reicitur facild, tum quia à nobis nequit concipi, quomodo Deus certissimè cognoscat effectum futurum in causa ad vtrumlibet indeterminata, tum quia cum scientia Dei sit infallibilis, illud necesse est euenire, quod Deus ex cognitione causarum certò euenturum præuidit. At quænam erit illa necessitas, qua necesse erit futurum illud contingens euenire, quod Deus ex cognitione causarum certò euenturum præuidit; non sanè consequens, quia nullo modo supponit actum etiam sub conditione præuisum; ergo est necessitas antecedens, adeoque libertati repugnans; quare concludendum est, pro componenda libertate arbitrii cum certitudine decretorum Dei, recurrendum esse ad scientiam conditionatam; seu mediam inter scientiam simplicis intelligentiæ, quæ necessaria est, & visionis, quæ subsequitur absolutum decretum Dei de re futura.

Hanc S. August. alique Patres admittunt, nam Paganis & Hæreticis querentibus cur Deus creauerit Angelos, & homines, quos sciebat peccaturos, SS. Patres non respondent talem scientiam non esse in Deo, sed eà admittunt docent in hoc suspiciendam esse bonitatem Dei, quod etsi præuideat aliquos futuros malos, non propterea desinit eos creare, eisque auxilia sufficientia, quibus saluari possint, si velint misericorditer largiri.

Q V Æ S T I O XXII.

*Quomodo Deus cognoscat Creaturas
sua essentia, & an ipsa sit
Idea earum?*

Supposita Dei distinctissima cognitione de omnibus in communi & in particulari, vt Hebr. 4. dicitur *Discretor est intentionum cordis*; ponendum est cognitionem eius terminari ad existentiam & essentiam earum, non vt in ipsis est, seu vt sunt ad extra; nam vt docet S. August. quest. 61. libri 183. *Deum nihil extra se inuenitur*. Sed vt relucet in essentia sua; nec enim cognitio eius pendet ab extra; difficultas est de modo.

Scotus in 1. dist. 36. ponit hunc ordinem in diuinis. In primo instanti Deus intelligit essentiam sub ratione merè absoluta; in 2. producit lapidem, v. g. in esse intelligibili, & lapidem intelligit, idem enim est ita producere lapidem, & eum intelligere, & in hoc instanti resurgit relatio in lapide intellecto, & terminatur ad intellectionem essentiae diuinæ (nam relationes creaturæ ad Deum non sunt mutue.) In tertio instanti intellectus diuinus forsitan potest comparare intellectionem

nem suam ad quodcumque intelligibile, ad quod nos possumus comparare, & tunc comparando se ad lapidem intellectum, potest causare in se relationem rationis. Et in quarto instanti potest intelligere relationem illam, reflectendo se super illam; si quis ergo admittit relationes, hæc non erunt priores in intellectu, nec consequenter ratio cognoscendi, nec idea; postquam enim Deus intellexit essentiam in primo instanti, Scotus ait, quod intellectus virtute eiusdem essentiae producit creaturas in esse intelligibili, quod est esse cognitum & diminutum, & habent rationem obiecti secundarii, non mouentis intellectum, sed tantum terminantis intellectum intellectus diuini; & hoc esse intelligibile creaturarum est *Idea*, quia est ratio, per quam Deus cognoscit res ad extra, & ad cuius similitudinem res ipsas condit, cum dat eis esse reale.

Quæres, quodnam est illud esse cognitum, seu intelligibile, quod creaturæ habent in mente diuina?

Quid sit esse
cognitum
creaturarum.

Respondetur, esse cognitum, seu intelligibile; nam ait Scotus sicut nos intellectu nostro possumus intelligere aliquid, licet illud non habeat esse in se, nec essentiam, nec existentiam, ita Deus potest virtute essentiae diuinæ intelligere creaturas, licet non sint nec quoad esse essentiae nec existentiae. Nec tamen per illud esse productum ab intellectu res illa dicitur habere aliquod esse reale essentiae, vel existentiae, sed solum habet esse cognitum, & intelligibile, & istud est esse absolutum, sicut cum ego formo idolum in intellectu meo rei alius, quam nunquam vidi, ut cum imaginor speciem intelligibilem. Sic intellectus diuinus potest in seipso producere virtute essentiae similitudines omnium creaturarum, & eas intelligendo intelligere creaturas.

Scotus autem vocat hoc esse intelligibile, *esse diminutum*, ut statua Cæsaris eo mortuo, quia repræsentat Cæsarem, Cæsar habet esse in illa statua: illud esse Cæsaris non est esse aliquod verum Cæsaris, sed esse diminutum & repræsentatum. Ita esse creaturarum in Deo est tantum similitudo earum, non autem esse verum & reale earum.

Quid est hoc, Respondetur nihil est aliud realiter, quam intellectio diuina, quæ sicut producit ab intellectu, & tamen æterna est, ita esse diminutum creaturarum producit ab intellectu diuino in esse, & tamen est ipsemet Deus realiter, distinguitur tamen formaliter ab intellectione Dei; nam est terminus intellectione, quæ est eius principium productuum.

Hinc deducitur Verbum diuinum seu Filium Dei non posse produci de creaturis cognitis; nam Deus prius cognoscit, & producit ea, quæ spectant ad intra, quam ea, quæ ad extra. Pater enim, Filius, & Spiritus Sanctus unico actu eas intelligunt, non unus post alium; ergo præintelliguntur producti ante cognitionem & vocationem creaturarum.

Probatio sententiæ Scoti habetur ex hoc, quod essentia ut nuda est ratio intellectui diuino, nedum seipsum cognoscendi, sed etiam omnia possibilis, tam futura, quam non futura. Hoc habet à se repræsentare; tum intel-

lectus creatus potest producere in esse intelligibili res, quæ non habent esse essentiae, aut existentiae, ergo multo magis intellectus diuinus.

Definitio idea
ex S. August.

Nota secundum hanc descriptionem, ideam habere tantum hoc munus, quod sit ratio exemplaris, secundum quam res est formabilis ab agente per intellectum, Sed quod idea sit ratio cognoscendi, non ponitur à S. Aug. quæst. 46. lib. 83. ubi eam sic definit. Idea est exemplar & ratio in mente diuina, secundum quam Deus format res ad extra; tamen alibi loquendo de idea, ait, quod est causa cognitionis, ut dum dicit visione idearem anima sit beata; hoc autem est ita intelligendum, quod ideae sint causa visionis, non tanquam causa formalis, quæ res cognoscuntur; quia hæc est essentia diuina, sed tanquam obiecta secundaria, quibus notis alia extra creata cognoscuntur in illis; Deus enim primò intelligit essentiam, & illa mediante producit intellectiōnem creaturarum, seu creaturas in esse intelligibili; & ita cognitio creaturarum in Deo erit in secundo instanti; nasci in primo intelligit essentiam. Ex quo sequitur Deum non intelligere creaturas mediantibus ideis; hoc enim esse cognitum, quod producit per intellectum, est idea, quod subsequitur cognitionem. Potest tamen dici ideas esse causas cognoscendi, uti obiecta secundaria, non mouentia, sed terminantia, & respectu creaturarum in proprio genere, & existentia possunt dici rationes cognoscendi; quia creaturæ non cognoscuntur in seipsis à Deo, sed tantum ut refulcent in ideis.

Dices, ex hoc sequitur Deum cognoscendo essentiam suam, tanquam primum obiectum, non se comprehendere, quod est falsum; probatur, quia ideo beati non comprehendunt Deum, quia non cognoscunt omnia, quæ sunt in Deo, tanquam in causa ex vi visionis essentiae; ergo ex opposito, cum visio Dei sit comprehensiuæ, debet cognoscere creaturas; ergo essentia in illo primo erit idea.

Respondetur, nego antecedens; nam ad cognitionem comprehensiuam non requiritur necessarium cognitio creaturarum. Pater enim secundum rei veritatem, producit verbum ex cognitione comprehensiuæ, nec tamen producit, ut docet S. Thomas, ex cognitione creaturarum pertinentium ad scientiam visionis. Tum essentia in illo primo, ponit intellectum in actu primo ad producendum creaturas in esse intelligibili, & sic causaliter est idea earum, formaliter tamen est esse cognitum.

Quod si S. Dionys. 7. de nomin. diuin. dicit Deum cognoscere creaturas in seipso, tanquam in causa, & per causam, Concedo; nam essentia est causa cognitionis earum causaliter, non formaliter.

Dices prius est creaturas posse fieri potentia diuina, quam eas habere rationem entis, & cognoscibilis; at in illo priori, Deus cognoscit quomodo sint faciendæ, & hoc non nisi virtute essentiae; Ergo essentia diuina est exemplar, & idea creaturarum, non autem ipsæ creaturæ cognite.

Respondetur

Respondeo concedo prius possibiles esse creaturas, quàm sint actu productæ, & habeant rationem entis, ac in illo priori cognosci, quomodo sint formandæ, sed dico hæc virtute essentia fieri causaliter, virtute verò esse cogniti formaliter.

Instabis. Vel essentia diuina, vt est illimitata, ponitur ratio cognoscendi creaturas, vel vt est ratio plura repræsentans, si primo modo, ipsa sola cognoscetur sub ratione obiecti; quia vt illimitata, est vna, tam vt est ratio cognoscendi, quàm vt cognita. Si secundo modo, sicut illa repræsentat plura obiecta secundaria, ita potest poni pluralitas ex parte rationis cognoscendi, & dici quod pluralitas idearum est ratio cognoscendi plures creaturas.

Respondet Scotus, quod essentia diuina vt cognoscendi ratio, & vt cognita, est vna & illimitata; sed cum dicitur, ergo ipsa sola cognoscetur sub ratione obiecti, negat consequentiam; ratio est; quia non est necessarium, quod si essentia mouet, vt vnum illimitatum obiectum, etiam ipsa præcisè quomodo cumque sit obiectum terminatiuum, quia per motionem illam potest produci aliquod obiectum secundarium, quod sit terminatiuum illius motionis secundariæ, & sic contingit in proposito. Vnde ideæ, seu esse cognitum creaturarum est obiectum terminatiuum secundarium, hoc autem esse cognitum est idem realiter cum essentia; quia est idem realiter cum intellectione diuina distinctum tamen formaliter.

Dices contra ideas. Idea est forma realis in Deo, sed creatura secundum illud esse cognitum est ens rationis; ergo non est idea.

Respondeo ex Scoto esse ens reale; quia est ipsamet intellectio diuina; hæc autem est idem realiter cum essentia diuina. Dicitur verò ens rationis; quia producitur ab intellectu diuino. Idea autem, secundum omnes, includit ens rationis; vnde & Thomistæ volunt essentiam Dei sub rationibus imitabilitatis esse ideam.

Instabis. Omne Ens, aut est reale, aut rationis, ex Aristot. 6. metaph. Ens autem rationis ex S. Thom. in quæst. de veritate, vel est relatio rationis, vel negatio. Tunc sic arguitur, istud esse cognitum, vel est negatio, & hoc non; vel relatio; ergo benedicat S. Thomas hoc esse cognitum non esse ens absolutum, sed relationem.

Respondeo ex Scoto omne ens rationis non esse relatiuum; experimur enim intellectum nostrum producere in seipso cognitionem rerum, quæ cognitio est Ens rationis subiectiuum; subiectatur enim in anima & intellectu nostro, quod licet sit in se Ens reale, vti sunt scientiæ productæ in nobis, tamen dicitur Ens rationis subiectiuè, ita Ens productum per intellectum diuinum, licet sit idem cum Essentia diuina secundum substantiam, tamen dici potest formaliter Ens rationis, & hoc non est relatiuum, sed absolutum, estque productum, sicuti producta est diuina cognitio.

Instabis. Intelligi & repræsentari nihil ponit in re, sed est quid omnino extrinsecum; res ergo visæ & intellectæ in essentia per istud esse cognitum nullum habent esse nec diminutum.

Respondeo repræsentari, esse denominationem, sed cum dicitur, nihil ponit in re, distinguo, vel intelligitur de aliquo esse reali ipsius denominati, de hoc est verum, vel intelligitur de aliquo esse diminuto, sine esse rationis illius, & hoc est falsum, quoniam imago repræsentans Cæsarem, licet in eo nihil reale ponat, ponit tamen esse diminutum, quia dat Cæsari esse repræsentatum, quod esse, licet non existat in ipso Cæsare realiter, est tamen aliquod esse ipsius, scilicet diminutum, & hoc sufficit.

Dices pictor ad pingendam imaginem habet aliam rem imitandam, quæ dicitur idea & exemplar; ergo idea non est res producenda, Deus autem eodem omnino modo res habet in mente, quas facturus est, quo eas producit, ad instar ergo illius, quod est in mente non producit.

Respondeo negari illud esse cognitum non esse quid distinctum à creaturis in proprio genere, & esse existentibus; nam creaturæ in esse cognito sunt ipsemet Deus, in genere autem proprio sunt Entia corruptibilia, quantum est ex se, & in tempore Deus eas producit in esse proprio reali & temporali, ad instar esse cogniti æternaliter.

Nota Scotum non negare essentiam diuinam esse ideam rerum, imò id adstruit & declarat, asserendo quod esse cognitum in mente diuina sit intellectio Dei, quæ realiter est ipsa essentia Dei. Scotus solum negat ideam pro formali acceptam, esse essentiam Dei sub relationibus imitabilitatis diuersimodæ.

S. Thomas 1. parte quæst. 14. art. 6. docet, quod creaturæ omnes quantum ad earum perfectionem, continentur in Deo secundum proprias rationes, eas etiam, per quas ab inuicem distinguuntur; propria enim natura consistit secundum quod aliquo modo participat perfectionem diuinam; Deus autem, cum suam essentiam comprehendat, noscit eam non tantum absolute, sed quoquo modo participabilis est. Sensus S. Thomæ est, quod essentia cognita vt participabilis, sit ratio cognoscendi creaturas.

Quod si quæras, quomodo plures sint ideæ, cum vnica sit essentia simplicissima?

Respondeo, quod essentia in se est vnum quid omnes excedens creaturas, posse tamen hanc accipi vt propriam vniuersiusque rationem, secundum quod diuersimodè participabilis est à creaturis. Hinc relationes necessariæ, nam imitabilitas est relatio. Fundamentum S. Thomæ est, Essentia Dei est exemplar creaturarum, ad cuius instar sunt; ergo vt exemplar debet continere earum quidditates; sed non continent formaliter, sed tantum eminenter; Ergo essentia vt est causa eminenter continens ipsas, est exemplar & idea; Quod autem necessarij sint respectus, patet; nam essentia, vt nudè apprehensa, non est idea, sed vt est sub illis imitabilitatis respectibus.

Scotus impugnatur hoc, probando impossibile esse Deum cognoscere creaturas per istas resolutiones, tanquam per rationes intelligendi. Nulla relatio, inquit, cognoscitur, nisi cognito termino; sed istæ relationes fundantur in essentia diuina, & terminantur ad creaturas.

turas; ergo non possunt cognosci istæ relationes, nisi prius cognoscantur creaturæ; ergo si prius creaturæ cognoscuntur, quàm istæ relationes, profectò relationes non sunt ratio cognoscendi; nullum enim posterius cognitum est ratio cognoscendi aliquid prius cognitum. Maior patet; nam intellectus non potest comparare duo extrema ad inuicem, & causare similitudinem, nisi prius cognoscat extrema; de ratione enim relationis est, quoddam sequatur extrema, non quoddam antecedit: Et in relationibus realibus, non prius est paternitas, quam suppositum Patris & Filij, nec prius est habitudo speciei ad genus, quàm sint species & genus. Tum istæ relationes sunt cognoscibiles ab intellectu diuino. Quæro quomodo cognoscantur ab eo? vel enim cognoscuntur per alias relationes, vel per essentiam Dei, vt est istis nudata, si primum, quæro de illis relationibus, per quid cognoscuntur; si per alias; ergo processus in infinitum; si secundum; ergo sicuti relationes istæ possunt cognosci per essentiam diuinam, vt est nuda, ita creaturæ in esse cognito, seu obiectiuo, quæ a Scoto dicuntur obiecta secundaria, cognosci possunt per essentiam suam, & sic hæ relationes superflue.

Aliqui ad conciliationem S. Thomæ & Scoti, dicunt Ideam adæquatè spectatam completi veluti duas ideas partiales; obiectiuam, quæ est essentia diuina, vt imitabilis à creaturis; & formalem, quæ nihil est aliud, quàm cognitio actualis, qua Deus intuenso suam essentiam, vt imitabilem, repræsentat formaliter creaturas, vt hoc vel illo modo faciendas.

Nota ideam propriè esse de re factibili ad imitationem exemplaris; vnde non sunt ideæ in Deo negationum aut priuationum; quia hæ propriè causari nequeunt à Deo. Licet autem Deus producat Filium & Spiritum Sanctum, non tamen habet ideas illorum; quia non sunt res per artem factibiles ad imitationem exemplaris.

Sunt igitur in Deo speciales ideæ creaturarum omnium, non modò aliquando existentium, quia hæ aliter creari non possent, adeoque non essent possibiles; sed etiam possibile; hoc autem intellige de indiuiduis; nam generæ & species, cum non producantur, nisi in singularibus, non habent aliam ideam, quàm singularium. Patet propositio ex Scriptura Hebr. 11. *Fide credimus aptata esse sacula verbo Dei, vt ex inuisibilibus visibilia fierent*; hoc est vt iuxta inuisibile exemplar, quod est in mente Dei, hæ inuisibilia fierent. Ita hunc locum explicat Hugo Cardinalis & alij. Ioan. 1. *Quod factum est in ipso vita erat.* hoc est vt explicat S. August. tract. 1. in Ioan. *Quod factum est extra Deum, erat viuens in Deo, secundum rationem & ideam eius in diuina mente ab æterno existentem.* liquet & ratione; nam cum Deus sit agens rationalis, id est intelligendo & volendo agat, & non fortuito, certum est eum habere ideas omnium rerum, alio enim modo agere non potest, consequenter oportet vt prius habeat obiectum creabile præsens, non in se, cum ipsum nondum sit, nec Deus egeat aliquo ad extra vel ad intelligendum, vel ad cauendum, sed in esse cognito, quod esse vocatur ratio.

Carriere in Professionem Fidei.

QVÆSTIO XXIII. DE VOLVNTATE DEI.

An in Deo sit voluntas, & qualis?

DE fide est Deum habere verè & propriè voluntatem: hoc euidenter docet Scriptura Psal. 113. *Omnia quacumque voluit, fecit.* Matth. 26. *Fiat voluntas tua.* Rom. 9. *Voluntati eius quis resistet.* & 12. *Vt probetur quid sit voluntas Dei.* Conuincit & ratio; quia Deus præditus est intellectu, vt antedicta declarant; ergo & voluntate. Sequela patet; nam appetitus sequitur formam, naturalis naturalem, sensitiuus sensitiuam, rationalis rationalem; idque vt quælibet res possit appetere bonum sibi conueniens; Deus ergo appetitu naturali seu voluntate præditus est, præsertim cum hæ sit perfectio simpliciter simplex; & perfectiùs momenti consentanea & necessaria; nam in omnibus diuidentibus ens, nobilius diuidens est perfectio simpliciter simplex; sed si ens per voluntarium & inuoluntarium diuidatur, voluntarium erit nobilius; ergo Deus est formaliter volens; non per actum elicitem ab aliqua potentia.

Nota, voluntatem in Deo non esse sicut in nobis per modum potentie & actus primi; quia strictè loquendo potentia volendi est principium elicitiuum actualis volitionis realiter distinctæ, & subiectum illius receptiuum, quæ conditiones repugnant summæ puritati, actualitati, & simplicitati Dei; sed voluntas in Deo est actus purissimus, & simplicissimus seu vnica actualis volitio diuina.

Nota præterea, quod etsi à parte rei voluntas non sit in Deo per modum potentie, seu actus primi, nihil tamen vetat quin eam concipiamus, (sicut eam consideramus) vt distinctam ab essentia, & veluti quandam illius proprietatem; sicut etiam distinguimus Attributa, vel formaliter, vel per rationem ab eadem essentia, & concipimus Deum non modò actu intelligere, sed etiam habere intellectum infinite perfectum per modum potentie, ab actuali intellectione distinctæ, Voluntas ergo per modum nostrum concipiendi distinguitur ab actu volendi; & multiplex sæpè dicitur; secundum varios respectus ad creaturas, & diuersa circa illas decreta; hinc est, quod Scriptura aliquando in plurali numero de voluntatibus diuinis loquatur, vt Psal. 102. *Notas fecit Israeli voluntatem suam.* Licet à parte rei Deus vt actus purus, non modò intelligat vna intellectione quicquid intelligit, sed & vnico actu secundo velit quicquid vult.

Eo sensu multiplex apud Doctores reperitur diuinæ voluntatis diuisio.

De diuisione voluntatis diuinæ.

Voluntas Dei, etsi realiter vnica sit & simplicissima, imò verò vnicus actus infinitus, immutabilis, quo vult quicquid vult, diuiditur. Primò, in voluntatem signi & beneplaciti, voluntas beneplaciti, Gallice *de complaisance*, est ea, quæ vult aliquid, quia ita placet

placet ipsi, & ista determinat absolute, quæ placent ipsi, ita ut non sit, qui possit resistere ei, & hoc modo qui peccat, peccat iuxta voluntatem Dei, non enim peccaret, si absolute Deus nollet.

Notandum verò est, hanc voluntatem complacentiæ dupliciter considerari, vel ut operantem, volendo scilicet & producendo in nobis bonum, & sic Deus non vult peccatum, quia ipsum non operatur, nec quicquam mali ingerit, aut imprimit in voluntatem peccatoris, sed dicimus peccatum non committi contra voluntatem Dei, in quantum placet ipsi permittere, ut incidamus in peccatum, sed per istam permissionem Deus nullo modo impellit, mouet, aut inclinat in malum; imò solum finit hoc fieri, aut permittit ipsum non impediendo; nam ut ait S. August. *Voluntas humana mouetur de malo in bonum Deo auctore, de bono in malum suo arbitrio.* Ita ergo quicquid homo facit vel bonum vel malum, semper adimpletur voluntas beneplaciti, cum prorsus nihil fiat, quod Deus non velit posituè, aut saltem quod non permittat fieri.

Voluntas signi est ipsius diuinæ voluntatis declaratio per aliqua signa externa, quibus Deus præcipit, aut prohibet aliquid. Quinque communiter numerantur, hoc inclusa versò,

Præcipit, aut prohibet, permittit, consilium, implet.

Quando enim Deus aliquid iubet, signum est, quod velit illud fieri. & est contra quando prohibet, quod nolit; similiter cum aliquid consilium dat; signum est id, quod consilium illi placere: quando verò aliquid permittit; signum, nolle impedire; cum posset si vellet: denique quando operatur, siue per se solum, siue cum causa secunda, signum est velle id, quod agit, aliàs si nollet, non ageret; vnde S. Anselmus dixit in libello de volunt. Dei. *Appellari Dei voluntatem, quicquid in nobis ipse misericorditer operatur.* & S. August. in Enchirid. cap. 9. *Nihil sit, quod omnipotens non velit, vel sinendo ut fiat, vel faciendo.* Hæc signa non possent dici signa, nisi significarent aliquam voluntatem in Deo, ut homo pius, nisi significaret viuum, non esset signum; quæ voluntas prout est in Deo existens, dicitur beneplaciti, quæ non fertur circa rem, tanquam absolute præceptam, vel prohibitam, sed circa absolutam voluntatem præcipiendi: sic Deus vult absolute hoc præcipere, vel prohibere, licet absolute & efficaciter voluntas sua non feratur in rem. Hæc voluntas respicit bonum tantum in communi, uti voluntas iudicis æqui & iusti, qui equidem vellet nulla committi crimina, nec haberi criminosos, carceres, gehennas, supplicia; sed hæc eius voluntas non est absolute sic determinata; nam aliter auferret hæc mortis funesta instrumenta; hoc tamen stante, reos particulariter punit, quamuis optet generaliter criminosos, non inueniri. Ita Deus generaliter præcipit & imperat sectari iustitiam, probèque viuere, vitium vetat & interdicit, quæ signa sunt voluntatis vniuersalis excludendi quoduis peccatum; sed voluntas hæc non ita determinata est ad exclusionem cuiusvis delicti; hoc enim posito, nulli inuenirentur facinorosi aut peccatores: Quod absolute non vult impedire ad manifestatio-

nem suæ iustitiæ; huius autem voluntatis meminit Christus in Oratione Dominica, in qua docet nos orare, ut voluntas Dei fiat, id est ut per auxilium gratiæ suæ bonum, quod præcipit, faciamus, & malum, quod prohibet, non perpetremus.

Hinc inferitur nihil omnino fieri contra diuinam voluntatem; posituè enim ordinat & vult quodlibet bonum, quod sit, & permittit malum, quod perpetrant peccatores; & quamuis multa agant contra voluntatem, quam signi vocamus, tamen miro modo accidit, ut qui contra voluntatem Dei agit, incidat in voluntatem eius, voluntas enim Dei est, ut qui legem transgreditor, puniatur in hoc vel altero seculo, sic scribit August. in Enchirid. cap. 100. *Nam in hoc, quod contra Dei voluntatem fecerunt, de istis facta est Dei voluntas, unde magna opera Dei exquisita in omni voluntate eius, ut miro & ineffabili modo non fiat præter voluntatem eius, quod etiam contra eius sit voluntatem; quia non fieret, si non sineret, nec utique nolens finit, sed volens.*

Secundò diuiditur in voluntatem antecedentem, & consequentem: Quæ diuisio desumitur ex S. Damasc. lib. 2. de fide cap. 29. ubi per voluntatem antecedentem intelligit eam, qua Deus vult ex se aliquid, nulla ad id volendum ratione inductus, ex parte creaturæ, dic si volueris, quod ista voluntas antecedens respicit ordinem naturæ, prout à Deo condita est. Et de hac voluntate Damascen. intelligit illud Apostoli 1. Timoth. 2. *Deus vult omnes homines saluos fieri.* Per consequentem verò intelligit eam, quæ Deus vult aliqua ratione inductus ex parte creaturæ, vel circumscriptis, omnibus circumstantiis, dic si libeat, quod voluntas consequens respicit ordinem personæ, prout est libero arbitrio suo, vel alieno in finem disposita, & hac voluntate dicit Deum velle punire peccatores propter ipsorum peccata.

Tertiò diuiditur in absolutam & conditionatam, quæ diuisio coincidit cum præcedenti, necnon & cum alia, quam multi vocant efficacem & inefficacem. Efficax & absoluta est ea, quæ semper impletur, & idè sic nuncupatur, quia semper sortitur suum effectum, vnde Esther 13. *Non est qui possit resistere voluntati tuæ.* Cuius ratio sumitur ex omnipotentia, quæ à nulla creatura impediri potest, Conditionata seu inefficax est ea, quæ ad hoc ut impleatur habet aliquam conditionem adiunctam, vnde cum non semper ponatur ea conditio, non semper est efficax; talis est ea voluntas v.g. quæ vult Deus peccatores ad penitentiam reuerti; cum hac conditione tamen, si & ipsi gratiæ suæ cooperari velint, quo sensu Christus dixit Matth. 23. *Quoties volui congregare filios tuos, &c. & noluiisti.*

Nota ex de Combis, voluntas beneplaciti est propriè voluntas Dei, voluntas signi est metaphoricè voluntas; primo modo Deus dicitur aliquid velle, & hoc velle est ipsemet Deus; Secundo modo est ad modum volentis se habere, & hoc velle non est Deus, diuisio hæc est vocis tantum, non rei, sicut ira potest dici vel propriè motus iræ, vel metaphoricè signum iræ.

Dices;

Dices inde sequi aliquam voluntatem otiosam & imperfectam reperiri in Deo, hanc, v. g. qua vult omnes homines saluos fieri, cum hac conditione scilicet si & ipsi velint & media conuenientia amplectantur; illa enim voluntas respectu reproborum est otiosa, cum effectum suum nunquam habitura sit; Est etiam imperfecta, quia sic potius dicenda esset velleitas, quam voluntas. hęc autem velleitas dicit impotentiam, & defectum in voluntate.

Respondeo voluntatem illam conditionatam, v. g. quia Deus vult omnes homines saluos fieri, nec otiosam nec imperfectam dici posse: non otiosam, cum ex ea sequatur preparatio mediorum & auxiliorum, quę dantur omnibus hominibus, vt salui fiant: quod suppono ex tractatu de gratia, neque etiam imperfectam, cum non sit velleitas, sed vera voluntas; non enim dicit Apostolus quod Deus vellet, sed quod *vult omnes homines saluos fieri*. Et in eo vera ostenditur, quod per eam verē Deus mouetur ad illorum mediorum & auxiliorum preparationem.

Q V Æ S T I O XXIV.

De obiecto diuinę voluntatis.

Dvplex statuitur, primum scilicet, quod est ipsemet Deus, & secundum, quod est quilibet creatura: de primario nulla est difficultas; certum est enim Deum naturaliter & necessariō amare seipsum, & velle; frustra enim voluntate prædictus esset, nisi aliquid vellet & amaret; nullum autem obiectum congruentius cogitari potest, quam eiusdem bonitas infinita, eō vel maxime, quia sicut diuinę cognitionis obiectum primum est diuina veritas, ita proportionē seruata diuinę voluntatis obiectum perfectissimum debet esse diuina bonitas; ita vt ad essentialē & absolutam Dei felicitatem vtrique operatio concurrat, videlicet comprehensio, & amor sui ipsius, imō Deus vult.

Obiectum secundarium (quod est omnis creatura) propter suam bonitatem adeoque obiectum formale & terminatum omnium volitionum diuinarum est ipsius bonitas & Deus nihil ad extra vult aut amat, nisi in ordine ad se, & propter seipsum, hoc probatur ex scriptura Isai. 43. *Omnes qui inuocant nomen meum in gloriam meam creauit eum*. Prou. 16. *Omnia propter semetipsum operatus est Dominus*. Probatur ex S. Bernard. serm. 19. in Cantic. *amat Deus, nec aliunde hoc habet, sed ipse est unde amat*. Suffragatur ratio; quia cum Deus creando res bonas, faciat, Genes. 1. *vidit Deus cuncta quę fecerat, & erant valde bonę*; patet eum non posse moueri à præexistente earum bonitate, vt eas velit, & diligat, sed à sua bonitate infinita, quę proinde est obiectum formale & terminatum totale volitionis diuinę, quatenus Deus cognoscens essentiam suam, vt infinitis modis participabilem, motus à sua bonitate statuit has & illas creaturas producere, iisque participationem aliquam sui esse conferre, & ad se referte, eo quod ipse

Carriere in Professionem Fidei

sit vltimus omnium rerum finis. Hinc sequitur res omnes naturaliter in illum referri & ordinari debere: alioquin esset ordo inuersus & præposterus, quando autem dicitur creasse propter se, hoc intelligi non debet, quod Deus illis indigeat, verē enim psalter regius Psalm. 15. *Dixi Domino Deus meus es tu, quoniam bonorum meorum non indige*; Sed vt in illis sapientię, bonitatis ac potentię suę opes ostendat, gloriamque suam clariorem & illustriorem reddat.

Quæres, An Deus se amet necessariō & non liberē?

Respondeo necessariō suam ipsius bonitatem velle & amare, tam quoad specificationem, quam quoad exercitium actus, amare quoad specificationem est non posse exercere circa amatum, actum vel minimum odij, ac Deus seipsum non potest odisse, cum in eo nulla vel minima vmbra mali esse possit, imō cum in essentia sua omnes rationes boni, tam in genere Entis quam moris reperiantur. Probatur de amore, quoad exercitium, nam cum Deus perfectissimē se comprehendat, neque possit abstinere ab actuali sui cognitione, & videat se infinitē amabilem, & nihil deprehendat propter quod non semper actu ametur, consequens est, eum se necessariō amare quoad exercitium.

Dices, nonne Deus potest cessationem ab actuali amore sui interdū apprehendere vt bonum, v. g. ad experiendam suam libertatem.

Respondeo negatiuē, tum quia ex cessatione posita sequeretur eum mutari, tum quia Deus non esset perfectē beatus, eo quod ad perfectam beatitudinem requiritur actualis amor summi boni, tum quia actus ille diuinę voluntatis, quo Deus bonitatem suam vult & amat, est actus immanens & essentialis; imō est ipse Deus ac proinde qui desinere non potest.

Quæres an Deus amet creaturas liberē, & sine vlla necessitate.

Respondeo amare creaturas existentes liberē & tamen immutabiliter, nam amare eas, est efficaciter velle, vt existant, & ex vi talis volitionis eas in tempore producere; At Deus non producit necessariō res ad extra, sed liberrimē; ergo liberē amat creaturas existentes. Minor est de fide, & probatur quia si Deus ageret ad extra ex necessitate nature, nullum actum liberum exercere posset, cum libet non sit circa seipsum, adeoque non esset agens liberum contra scripturam Psalm. 134. *Omnia quęcumque voluit Dominus fecit in celo & in terra*. Ad Ephes. 1. *operatur omnia secundum consilium voluntatis suę*. Tum nulla ab eo esset creata causa libera, quia nullum potest esse agens liberum per participationem, si non sit agens liberum per essentiam, à quo talis participatur perfectio.

Dices. Deus vult alia à se in quantum vult bonitatem suam, sed hanc vult ex necessitate; ergo & sic alia à se.

Respondeo velle necessariō suam bonitatem, non tamen sic ea quę vult propter bonitatem suam, quia bonitas eius potest esse sine illis.

Dices omne æternum est necessarium, sed quicquid Deus vult, ab æterno vult, aliter esset mutabilis; ergo quicquid vult necessarium vult.

Respondeo quodd ex hoc, quodd Deus vult ab æterno quicquid vult, non sequitur eum velle necessarium, nisi ex suppositione.

Dices quicquid Deus scit, ex necessitate scit, sed sicut scientia diuina est essentia eius, ita voluntas diuina; ergo quicquid vult ex necessitate vult.

Respondeo quodd sicut diuinum esse in se necessarium est, ita & diuinum velle, & diuinum scire, sed scire habet necessariam habitudinem ad scita, non autem diuinum velle ad volita, quia scientia habetur de rebus; secundum quodd sunt in sciente, voluntas autem comparatur ad res secundum quodd sunt in seipsis; quia igitur omnia alia habent necessarium esse, secundum quodd sunt in Deo, non autem secundum quodd sunt in seipsis, habent necessitatem absolutam, ita quodd sunt per seipsa necessaria, ideo quæcumque Deus scit, ex necessitate scit; non autem vult ex necessitate, quæcumque vult.

Quæres, quomodo Deus liberè velit; & qua ratione in eo sit aliquis actus liber; quo possit velle, aut nolle sine vlla sui mutatione?

Respondeo liberam Dei volitionem, non esse denominationem extrinsecam, aut respectum rationis, aut perfectionem aliquam realiter ab ipsa essentia diuina distinctam: sed ipsammet volitionem necessariam, qua Deus seipsum vult, & amat: quatenus tamen hæc extenditur, seu terminatur ad creaturas, ad quas posset non extendi, & terminari, seu prout efficacitate sua illas infert & efficit, cum posset non inferre, & efficere; seu denique quatenus indifferens est, ut sine vlla sui mutatione eas afficiat, aut non efficiat libera dicitur.

Quodd non sit denominatio extrinseca patet: nam libera volitio est aliquid intrinsecum Deo, cum sit actus vitalis, & immanens; ergo non potest consistere in denominatione extrinseca orta à productione creaturarum, quatenus ita producantur, ut potuerint non produci; tunc volitio Dei est æterna, & productio creaturarum est temporalis.

Quodd non sit respectus rationis patet: nam Deus à parte rei liberè vult, idque ab æterno, & ante omnem operationem intellectus singentis respectus rationis; ergo volitio Dei libera non potest, siue totaliter, siue partialiter, constitui per tales respectus; quia sunt extrinseci Deo, & supponunt res producendas, ac proinde quodd Deus liberè velit eas producere,

Quodd etiam non sit quid distinctum realiter ab essentia diuina, constat; quia id eius omnimodæ simplicitati repugnat; tum si volitio libera est totaliter in Deo, vel ea addit realitatem aliquam supra volitionem necessariam, vel non, primum relinquitur, quia faceret compositionem; ergo secundum est admitendum.

Quare cum volitio necessaria, ut sic, nullam dicat libertatem, consequens est ipsammet voluntatè liberam Dei esse ipsammet voluntatem necessariam, quatenus ea est indifferens ut terminetur aut non terminetur ad creatu-

ras. Confirmatur; nam cum volitio diuina simpliciter infinita, sit ita ut æquivalet infinitis volitionibus & nolitionibus, ut sit libera non requiritur additio noua entitatis, sed tantum eiusdem volitionis libera terminatio ad tale obiectum.

Dices forma non potest esse in subiecto, quin ei conferat totum suum effectum formalem; ergo cum voluntas necessaria, sit veluti forma quædam existens in eo, tribuet ei velle necessariò omnia volibilia.

Respondeo effectum formalem volitionis diuinæ esse necessariò facere, ut Deus amet omnia, non tamen ut omnia amet necessariò, sed singula pro cuiuscumque exigentia & capacitate.

Secunda Pars Responſionis ad Quæſtionem, quodd Deus immutabiliter prius creaturas. Probatum primo ex scriptura Proverb. 19. *multa cogitationes in corde viri, voluntas autem Domini permanebit.* Hebr. 6. *volens Deus ostendere immutabilitatem consilij sui.* Probatum ex August. lib. 12. confess. cap. 13. ubi ait Deum non velle modò hoc, modò illud, sed *jemel & simul & semper velle omnia quæ vult, non iterum & iterum, neque nunc ista, nunc illa, neque velle postea quod volebat, aut nolle prius, quod volebat; quia talis voluntas mutabilis est, & omni mutabile, æternum non est, Deus autem æternus est.* Probatum ratione; nam voluntas Dei libera spectari potest vel secundum entitatem suam, vel secundum terminationem ad tale obiectum, at neutro modo mutari potest, non primo, cum sic, idem sit quodd substantia Dei, nec secundo, tum quia voluntas inconstans indicat naturam realiter mutabilem, tum quia leuitas voluntatis, dicit talem quandam mutationem moralem à summa Dei perfectione alienam.

Dices eum non esse inconstantem, qui ob rationem magni momenti mutat sententiam.

Respondeo hoc verum esse, quando talis ratio non fuit præuisa, aut non satis penetrata, quod in Deo non habet locum. Quod autem legitur Genes. 6. *penitet me fecisse hominem;* intelligi debet quoad effectum non quoad affectum, quia Deus deleuit hominem quem creauerat, ac si verè doluisset se eum creasse.

Ex Scoto. Prima propositio necessaria hæc est, *Deus est.* Prima propositio contingens hæc est, *Deus vult,* voluntas diuina non est libera ad actus diuersos, quia tantum unum habet, & non plures, qui actus est infinitus & illimitatus, & sic idem actus est ad diuersa obiecta, imò eodem potest infinita velle; & sic illo unico actu omnes creat, conseruat, prædestinat, quos vult, reprobat, quos vult, eodemque facit quicquid facit; æquivalet enim actus iste infinitus, volitionibus infinitis, & nolitionibus infinitis, realiter distinctis.

S. Thomas quæst. 19. art. 7. quærens an voluntas Dei sit mutabilis; sic concludit substantia diuinæ, & eius scientia, cum sint inuariabilia, voluntatem quoque eius immutabilem esse necesse est, pro quo.

Nota aliud esse mutare voluntatem, & aliud velle aliquam rerum mutationem, potest enim aliquis

aliquiseadem voluntate immobiliter permanente velle, quod nunc fiat hoc, & postea fiat contrarium, sed tunc voluntas mutaretur, si quis inciperet velle prius, quod non voluit, vel desineret velle, quod voluit; quod quidem accidere non potest, nisi prælupposita mutatione, vel ex parte cognitionis, vel circa dispositionem substantiæ ipsius volentis. Quod Genes. dicitur, metaphorice est intelligendum ad similitudinem nostram, cum enim nos poenitet, destruiamus quod fecimus, quamvis hoc esse possit absque voluntatis mutatione, cum etiam aliquis homo absque voluntatis mutatione interdum velit aliquid facere, simul intendens postea illud destruere; sic ergo Deus dicitur poenituisse, in quantum hominem deleuit per diluvium.

Q V Æ S T I O XXV.

Quanam sit voluntatis diuinæ efficacitas.

Certum est voluntatem Dei esse causam realem, patet ex dictis de libertate eius & ex Scriptura 1. al. 48. *Dixi & facta sunt, mandavi & creata sunt.* Sap. 11. *Quomodo posset aliquid permanere, nisi tu voluisses?* Sicque communiter docent Sancti Patres. Cyprian. lib. 3. contra Iulian dicit, *Deum sola voluntate esse perfectorem operum.* & Clemens Alexandr. in Protreptico, *Sola, inquit, voluntate Deus movetur & solum eius velle factum consequitur.* & eo sensu S. August. lib. 3. de Trinit. cap. 4. docet *Voluntatem Dei esse primam & summam causam omnium corporalium specierum atque motionum.* Efficacitas autem voluntatis diuinæ & vis effectrix extendit se ad omnia possibilis, seu quod idem est voluntas diuina est omnipotens, Deique potest efficere quicquid voluerit: hoc constat ex innumeris Scripturis. Iob. 42. *Scio Domine, quia omnia potes.* Matth. 29. *Apud Deum omniaabilia sunt.* Et hanc veritatem adeo manifestam existimavit S. August. ut serm. 139. sic loquatur: *Non, dico de mihi Christianum; de mihi Iudæum: sed de mihi Paganum idolorum cultorem, demonum servum, qui non dicat Deum esse omnipotentem, negare Christum potest, Deum omnipotentem non potest?* Ordo professionis fidei, rationes omnipotentis in articulum illum refert, ubi eas vide.

Quæres, an intellectus diuinus propinquius seu immediatius concurrat in factibilia quam voluntas?

Respondeo, utrumque in suo genere operari immediate; voluntatem quidem quoad applicationem & exercitium; intellectum vero quoad directionem, & veluti specificationem.

Quæres, an sit in Deo potentia quædam executiva ratione distincta ab intellectu & voluntate, & quanam illa sit?

Respondeo primò, talem potentiam quidem esse admittendam; nam non idè Deus est omnipotens, quia cognoscit, aut quia vult omnia, quin potius non potest velle aliquid, nisi quia est omnipotens ad illud faciendum; quare, secundum rationem, prius concepimus

omnipotentiam, quam intellectum aut voluntatem illius.

Quæres, quid sit potentia executiva, siue effectrix creaturarum.

Respondeo, esse ipsammet essentiam Dei; quia sicut illa continet eminenter possibilis omnia, ita est omnipotens ad producendum quicquid voluerit, si accedat scientia ut dirigens, & voluntas ut eligens, & applicans.

Hinc patet totam causalitatem ad extra esse necessariò in tribus personis; nam cum Deus ad extra opereatur per intellectum & voluntatem, quæ sunt idem realiter cum essentia; illa autem communis sit tribus; ergo & operatio ad extra. Opera ergo Trinitatis ad extra bene dicuntur indiuisa, ut definitum est in Concil. Lateran. cap. firmiter. Hinc habes quoddam actus efficiendi, puta creandi, conservandi, iustificandi, &c. non distinguitur ex natura rei ab actu volendi, unde illud Scripturæ, *Omnia quæcumque voluit fecit.*

Dices, per actionem immanentem, cuiusmodi est volitio, non relinquitur aliquid realiter extra ipsum agens, ex 9. metaph. cap. 16.

Respondeo, quoddam actio diuinæ voluntatis propriè loquendo, nec est immanens nec transiens, prout de ipsis loquitur Philosophus, sed continet eminenter utramque.

Dices, potentie distinguuntur per obiecta, sed obiectum factibile est aliud à volibili, non enim omne volibile est factibile.

Respondeo, maiorem esse veram, quando obiectum vnius potentie non continet eminenter obiectum alterius; in proposito autem essentia diuina, quæ est adæquatum obiectum voluntatis diuinæ, continet eminenter obiectum potentie executivæ, scilicet quodcumque factibile, & ideo etiam voluntas continet eminenter potentiam executivam.

Instabis actus volendi est in Deo formaliter ab æterno, creatura vero in tempore; ergo creatura non producitur per actum volendi.

Respondeo, Deum voluisse ab æterno producere creaturam, sed non pro æterno, sed pro tali temporis differentia.

Replicabis, productio non distinguitur à volitione, & Deus ab æterno voluit creaturam producere pro tempore; ergo ab æterno producit.

Respondeo, quoddam illa volitio non habet rationem productionis ab æterno, sed tantum in illo instanti, pro quo voluit ab æterno rem esse. Instatur iterum; quia si volitio fuit ab æterno, & non productio; ergo volitio separatur à productione, & per consequens distinguitur. Respondeo, quoddam actus diuinæ voluntatis capitur dupliciter, vno modo quantum ad id, quod est in se formaliter, & sic idem ille actus, qui est volitio, est etiam productio; nec est ibi aliqua separatio, alio modo quantum ad id, quod connotat per volitionem, & productionem; & sic est ibi distinctio, & separatio; ille enim actus, ut est volitio, connotat obiectum in esse volito præcisè; ille autem idem actus, ut dicitur productio, connotat obiectum in esse reali. Nulla ergo

est repugnantiæ, quod actus voluntatis diuinæ sit æternus, & effectus sit in tempore, quem præordinauit ab æterno sine mutatione aut renouatione actus diuinæ voluntatis; No-uitas enim effectus diuini non præsupponit vllam actionem nouam in Deo, cum eius actus sit suamet essentia, quæ est actus purus & realiter suus actus, in qua non sunt plures actus.

Replicabis, si potentia executiua in Deo, est ipsa voluntas, aut executio illa sit per actum volitionis, aut per alium actum executiuum; non primum quia actio immediatè productiua alicuius termini, & ipse terminus sunt simul.

Respondeo, id verum in actione naturali, seu necessaria, sed non in libera, in qua non oportet, quod terminus ponatur in esse in eodem instanti, in quo est actio.

Notandum est enim, quod in tali actione aliud est instans, in quo est actio, & aliud, pro quo ponitur actio; vnde ad propositum, Deus voluit ab æterno producere creaturam, non tamen pro æterno.

Quæres, an sit defectus potestatis in Deo non posse mori, non posse peccare, non posse rem factam infectam reddere.

Respondeo, nullam esse in Deo impotentiam, sed potius maximam omnipotentiam suæ perfectionem; posse enim mori, aut aliquid pati, non est potentia, sed defectus potentie; vnde rectè dixit S. August. lib. 3. de ciuit. c. 10. *Omnipotens est Deus faciendo quicquid vult, non patiendo quod non vult.*

Posse item peccare non est argumentum potentie, sed potius infirmitatis; rectè enim Petrus Damian. opusc. 36. de omnipotentia Dei cap. 10. *Quod malum est, inquit, potius nihil debet dici, quam aliquid: atque idè nihil præiudicat, si dicamus Deum omnia posse, licet mala non possit: cum mala non intra omnia, sed potius extra omnia debeant supputari.* Denique quod Deus id non possit, quod semel factum est, infectum reddere, non prouenit ex imbecillitate, sed potius ex diuinæ veritatis perfectione; vtenim rectè dixit S. August. lib. 26. contra Faust. Manich. cap. 5. *Quisquis dicit, si omnipotens est Deus, faciat, ut que facta sunt, facta non fuerint: non videt hoc se dicere si omnipotens est, faciat, ut ea que vera sunt, falsa sint.* Inde patet cur Theologi dicant, Deum illa non posse; quæ inuoluunt contradictionem.

QVÆSTIO XXVI.

De variis affectibus, & virtutibus voluntatis diuinæ.

IN Deo sunt quidam affectus, & non alij, si considerentur prout secum non inferunt aliquam immutationem, sine corporalem, siue spiritualement; nam, ut dixi, Deus est omnis immutationis omnino expers. Quæstio ergo est de his intelligenda, prout habent simplicem rationem actus sine vlla adiuncta imperfectione.

AMOR non tantum erga se, sed etiam erga creaturas, idque primò, ut notat S. Thom. 2. part. quæst. 20. quia primus motus volunta-

tis & cuiuslibet virtutis appetitidæ est Amor; siquidem priores sunt actus respicientes bonum, quam malum, cum hoc sit obiectum secundarium, & per aliud, nempe ut opponitur bono, & illud sit naturaliter prius inter actus, qui in bonum in communi feruntur; prior erit amor, quam alij; is enim respicit bonum in communi, reliqui verò actus feruntur in bonum sub quadam speciali ratione; cum ergo voluntas sit in Deo, sequitur ponendum amorem in ipsa. Confirmatur ex eo quod quicquid entitatis & bonitatis habent creaturæ, id totum habent, quia Deus vult ea habere: amare enim aliquem nihil aliud est, quam ei bonum velle. Vbi S. Thom. loc. cit. obseruat differentiam amoris diuini, & humani, homo enim supponit in obiecto amato bonitatem, at verò Deus amando infundit bonitatem, atque adeò facit id, quod amat bonum, ad proinde amabile.

Hinc deducitur Deum non æqualiter diligere omnes creaturas; certum est enim meliores semper magis amari à Deo, quatenus meliores: eò enim meliores sunt, quod maius bonum à diuina voluntate accipiunt: maius autem bonum accipere à Deo, est magis ab eo amari; vnde S. Thom. cit. infert Deum magis diligere Christum, ut hominem, quam totam vniuersitatem creaturarum; quia vult illi maius bonum, nempe ut idem, qui est homo sit Deus per vniõnem personæ verbi, quæ est essentialiter infinitè perfecta.

Creaturas rationales diligit Deus vero amore amicitie. Hoc de iustis infert Scriptura, Psal. 138. *Nimis honorati sunt amici tui Deus.* Ioan. 15. *Iam non dicam vos seruos, sed amicos.* Concil. Trident. sess. 6. cap. 6. *Statuit hominem per iustificationem ex inimico fieri amicum.* At amicus est amici amicus, neque potest amicitia constare nisi inter duos se mutuo redamantes; quare cum homo iustus sit Dei amicus, necesse est, ut vicissim Deus sit hominis iusti amicus, seu quod illum ex vera & sincera amicitia diligit. Confirmatur, nam cum Deus iustum ex vera beneuolentia amet, optando ei verum & solidum bonum, ut ipsi bene sit, & aliunde homo per gratiam eleuetur ad statum supernaturalem, in quo sit quodammodo confortatur diuinæ, & acquirit ius ad beatitudinem, potestque Deum ex vera charitate diligere, nihil vetat quin vera amicitia reperiri valeat inter Deum & hominem. Neque obstat Philosophum dicere 1.8. Ethic. cap. 5. *Amicitiam, non esse nisi inter æquales;* non enim id debet intelligi de æqualitate arithmetica, sed tantum de Geometrica seu proportionis, qualis inter Deum & hominem iustum, eleuatum per gratiam ad Dei filiationem reperitur, præsertim cum Aristot. cap. 7. agnoscat speciem quandam amicitie inter superiores & inferiores, regem & subditum, Deum & hominem. Creaturas irrationales Deus non amat amore amicitie aut beneuolentie, tum quia illud non potest terminare amorem amicitie, quod nequit redamare illum à quo diligitur. At irrationabilia nequeunt redamare Deum, ex defectu rationis, tum quia inter amicos debet esse mutua communicatio bonorum, & voluntatum consensio, quæ, & similia, non possunt habere locum in irrationabilibus, vnde nec nos

amamus eas amicitie amore; multò minus Deus. Potest tamen dici Deum eas amare amore concupiscentie, quia conducunt ad manifestationem diuinorum Attributorum, tum quia Deus, licet non sibi, hominibus tamen eas concupiscit tanquam amicis suis, in quorum utilitatem producat sunt.

ODIVM. reperitur in voluntate diuina tam respectu peccati, quam peccatoris, quatenus peccator est. Sap. 14. *Odio sunt Deo impius & impietas eius; & hoc satis constat, ex eo quod Deus peccatoribus vult malum vindictæ ac pœnæ æternæ.* Est autem proprius Odij actus velle malum sicut amoris velle bonum. Ratio autem principalis est; quia cum Deus diligat seipsum infinitè, non potest non odisse peccatum, quod ipsius maiestati & bonitati aduersatur & iniuriosum est; hinc Deus odit peccatorem, non vt hominem, sed vt peccatorem, nec odio inimicitie propriè dicto, sed abominationis, vt vocant.

GAVDIVM. seu delectatio est in Deo, vt tradit S. Thom. ratio est; quia gaudium est actus, quo voluntas conquiescit in fruitione seu possessione rei amate; At Deus perfectissimè conquiescit in seipso; ergo in eo est gaudium respectu proprii boni. Iud cum Deus verè amet creaturas, consequenter gaudet de illarum bono, quando præsens est, sicuti id desiderat abiens.

DESIDERIVM quatenus fitur in bonum proprium nondum obtentum. Non est in Deo; nam non potest carere vllò sibi proprio, respectu tamen boni alieni, quatenus verè nobis optat gloriam, potest admitti.

SPEs non est in Deo, cum omnia bona perfectè possideat.

Nec **DESPERATIO** cum nihil sit ipsi difficile.

Nec **TRISTITIA**, cum hæc versetur circa malum præsens & inuoluntarium; Deus autem non sit capax vllius mali, siue voluntarij, aut non, siue præsentis aut futuri.

Nec **IRA** propriè, sed tantum metaphoricè vt ait S. Thomas (quia ex vulgata sententia ira supponit dolorem siue tristitiam.)

IUSTITIA est in Deo, prout est specialis virtus distincta ab alijs; hanc frequenter indicat Scriptura, vt Matth. 23. in parabola conducentis operarios, & promittentis se datum illis, quod iustum fuerit, & post opus expletum reddentis unicuique mercedem, & iubentis, vt vnusquisque tollat, quod suum est. Hinc docere vult Deum ex vera iustitia tribuere gloriam pro meritis bonorum operum. Paul. 2. Timoth. 4. *Reposita est mihi corona iustitiae, quam reddet mihi in illa die iustus iudex.* Hebr. 6. *Non enim iniustus est Deus, vt obliuiscatur operis vestri.* Corona iustitiae operibus reddenda planè significat exerceri iustitiam in collatione beatitudinis. Rom. 2. *Iustitia Dei in eo reuelatur ex fide.*

Cum autem iustitia duplex sit, nempe commutativa & distributiva: Prior quæ consistit in eo, vt tantum reddatur, quantum acceptum fuerit, non est propriè in Deo, vt docet S. Thom. quest. 21. art. 1. iuxta illud ad Roman. 11. *Quis prior dedit ei, & retribuitur ei?* Nihil enim Deus accipere potest à nobis, quia prius illud ipsi nobis dedit; vnde cum ma-

xima ratione Concil. Trident. sess. 6. cap. 16. sic loquitur, *Ab sit, vt Christianus homo in seipso vel confidat, vel gloriatur, & non in Domino, cuius tanta est erga omnes homines, bonitas, vt eorum velit esse merita, quæ sunt ipsius dona.*

Posterior verò iustitia, quæ consistit in distributione bonorum communium, iuxta proportionem meritorum cuiusque, si strictè sumatur, non est etiam propriè in Deo; quia nullum creaturæ meritum omnia Dei dona præcedere potest, cum omne meritum ab aliquo gratuito Dei dono, hoc est ab eius gratiæ initium sumat, vt suppono ex tractatu de Gratia; deinde quia Deus erga creaturas nullius rei est debitor.

Quare dicere debemus iustitiam in Deo reperiri, modo longè perfectiori & eminentiori: illam considerando prout abstrahit ab omnibus iustitiæ humanæ conditionibus, quæ Deo minimè conueniunt; Et dicit aliquam in Deo perfectionem, quæ, secundum nostrum modum concipiendi, voluntatem eius dirigit, tum in distributione præmiorum, supposito creaturæ per ipsius Dei gratiam merito, tum in inflictione pœnarum, supposito eiusdem creaturæ per propriam voluntatem peccato.

Nota 1. nullam dicere imperfectionem, quod Deus propria sponte promittat hominibus præmium sub conditione operis, quodque posito opere teneatur stare suis promissis; hinc enim non sequitur propriè Deum ordinari ad creaturas, sed tantum bona ipsius ex iustitia illis debita esse.

Nec inde amittit Deus perfectissimum Dominium, quod habet in creaturas, etsi supposito pacto dandi illis vitam æternam, non possit ea destruere; sicut non desinit esse perfectissimus Dominus Angelorum, etsi supposito decreto, quo statuit eos conseruare in æternum, non possit eos in nihilum reducere; hinc enim tantum habetur dominium illud quoad talem usum esse ligatum, quæ in re nulla est imperfectio, cum eiusmodi impedimentum ex mero Dei beneplacito, saltem radicaliter & remotè oriatur.

Nota 2. etsi inter Patrem & Filium, vt sic, non sit vera iustitia, esse tamen si Pater Filio speciale dominium bonorum concedere velit; at Deus concessit homini speciale dominium, in suos actus, & vult vt per illos possit obtinere ius ad gloriam æternam.

Licet autem Deus nequeat propriè constitui debitor erga homines, id non impedit, quin bona illius debeantur hominibus. Ex hac distinctione conciliari possunt varia loca SS. Patrum apparenter pugnantia; hincque lumen accipit, quod S. August. lib. 1. Confes. cap. 4. habet, *Supererogatur tibi, vt debeas, & quis habet quicquam non tuum? redditus debita nulli debent, dona debita nihil perdens.*

MISERICORDIA propriè inuenitur in Deo, vt docet S. Thom. q. 21. art. 3. hanc passim prædicat Scriptura Psal. 88. *Misericordias in æternum cantabo.* Trenor. 3. *Misericordia Domini quod non sanima consumperit.* Et ipsa non quidem secundum passionis affectum; Deus enim non afficitur ex miseria alterius per tristitiam, sed secundum effectum; repellit enim & miseriam, iuxta illud Anselmi in prolos. cap. 10. *Misericors est; non quia in sensu affectum, sed quia*

*Misericordia
in Deo facit
dum effectum
sanctum.*

quia nos sentimus effectum. Atque hoc sufficit, ut misericordia sit in Deo proprie & formaliter, ut pie sentit Ecclesia in oratione. *Deus cui proprium est misereri.* Obseruat autem S. Tho. defectus non tolli, nisi per collationem alicuius perfectionis. Conferre autem perfectionem spectare ad quatuor virtutes, nempe ad bonitatem, iustitiam, liberalitatem, & misericordiam, sed cum aliquo discrimine; nam perfectiones communicare spectat præcisè ad bonitatem, eo quod bonum est sui diffusivum; eas vero conferre iuxta rerum proportionem & naturalem exigentiam spectat ad iustitiam legalem, seu gubernatricem, quatenus autem Deus nullo modo attendens ad propriam utilitatem & sine intuitu retributionis largitur perfectiones, hoc pertinet ad liberalitatem; quatenus denique omnes perfectiones à Deo rebus collatæ expellunt aliquem defectum aut impediunt, sic spectant ad misericordiam latè sumptam, prout ad omnes creaturas etiam ratione carentes extenditur, ad eandem verò proprie sumptam, ut versatur circa rationales, & beatitudinis capaces, sic perfectio, quam tribuit Deus, expellit miseriam proprie dictam, seu quæ veræ felicitati opponitur.

Addo his inveni in omnibus Dei operibus misericordiam & iustitiam simul: hanc, quia Deus non potest aliquid facere, quod non sit conveniens sapientiæ & bonitati ipsius, & eatenus sibi ex decencia debitum, tum quicquid facit, secundum convenientem ordinem & proportionem facit, ut exigit natura rerum, & bonum universi. Illam, tum quia opus iustitiæ semper præsupponit opus misericordiæ, & in eo fundatur, tum quia ea, quæ alicui creaturæ debentur, Deus ex abundantia bonitatis suæ largiùs dispensare solet; quam exigit proportio rei & iustitiæ gubernatricis. Nota tamen quædam opera tribui misericordiæ, quædam iustitiæ, quia in nonnullis magis apparent: Damnatio reproborum dicitur simpliciter opus iustitiæ, in illa tamen apparet misericordia, non quidem totaliter, relaxans pœnam, & miseriam depellens, sed minuens, puniendo citra condignum id est pœna minori, quam per se loquendo & seclusa ordinatione Dei eorum peccatis sit debita. Sicut vice versa prædestinati præmiantur ultra condignum, quatenus potuisset Deus sine iniustitia minorem gloriam eorum operibus decernere, quam de facto decrevit.

PROVIDENTIA est in Deo respectu omnium rerum creaturarum. Est de fide. Probat-
tur primò ex scriptura. Sap. 8. *Astringit à fine usque ad finem fortiter, & disponit omnia suaviter* & cap. 14. *Iua autem Pater providentia gubernat.* Matth. 6. *respicite volatilia cæli, quoniam non serunt, neque metunt, neque congregant in horrea, & pater vester cælestis pascit ea considerate lilia agri.* Act. 17. *in ipso vivimus, movemur, & sumus.* Pro conservatione rerum Sap. 11. *Quomodo posset aliquid permanere, nisi tu voluisses, aut quomodo, quod à te vocatum non est, conservaretur?* Luc. 12. *nonne quinque passeris vaneunt dipondio, & unus ex illis non est in oblivione coram Deo: sed & capilli capitis vestri numerati sunt.* Probatur secundò ex S. Cyprian. lib. de Idolorum vanitate. *Mundi unus est rector, qui universa quacumque sunt,*

verbo iubet, ratione dispensat, virtute consummat. Ex Damasc. lib. 1. de fide cap. 2. *quod Deus bonus sit, iustus, verum omnium conditor architectus: quod vim omnem, imperiumque habeat, omnia inspiciet, omnibus, prospiciat, omnia in potestate habeat, hac inquam omnia scimus, & confitemur.*

Probatur rationibus. Primam assumo ex qualitate Patris, qua Deum compellare instrui in oratione, quam Christianis præfixit Christus Dominus; ipse enim nihil magis cordi habuit, quam providentiæ diuinæ fidem astringere, & demonstrare, quod Deus creaturas tanquam ab eo derivatas & creatas curare non desinat. Patris est filios suos educare, fouere, optimi Regis est subditos suos tueri, & conservare; propensio autem ista paterna & regia eminentiori modo est in Deo, ex quo ait Paul. Ephel. 3. *Omni paternitas in cæli, & in terra nominatur.* Consequenter curam rerum ei denegare iniuriosum est primatiæ eius qualitati. Nec fastidio & gramini imputandum putes omnia curare; nam certum est rem dependere in facto esse seu in conservari à causa, quæ dedit esse; conservatio enim nihil aliud est, quam continuatio primi esse; Deus autem cum sit agens per intellectum & voluntatem, per ipsamet ea conservat, per quæ creavit, & cum per immensitatem ubique substantialiter existat, virtus esse diuini diffunditur & communicatur omnibus creaturis, quæ sunt aliqua eius participatio, eadem facilitate, quæ eas produxit; unde Sap. 6. *equaliter est illi cura de omnibus, quoniam pusillum, & magnum ipse fecit, hoc eruditè explicat S. Iren. lib. 2. cap. 41. nihil omnino eorum, quæ facta sunt, & quæ fiunt, vel fiunt, Deum fugit, sed per illius providentiam unumquodque, & habitum, & ordinem, & numerum, & quantitatem accipit propriam.* Verum ante effectus Providentiæ, videamus quo fundamento stet & innitatur, Et Quid proprie sit.

Providentia nihil aliud est, quam cognoscere & amare creaturas quaslibet, ideo definitur.

RATIO Ordinis Rerum in Finem. Quæ ratio necessariò est in Deo, cum operetur per intellectum & voluntatem, adeoque necesse est omnium effectuum, quos produxit, eam rationem præexistere in eo. Ratio autem duo dicit, cognitionem, & æternam dispositionem, seu ordinationem, licet executio illius sit temporalis, quæ dicitur gubernatio. Quare bene notat S. Tho. providentiam non esse constituentem formaliter in solo actu intellectus, sed etiam in actu voluntatis, cum providentia præter rationem Ordinis mediorum ad finem, quæ se tenet ex parte intellectus, dicat curam aliquam & studium, adeoque voluntatem liberam rerum gerendarum, seu propositum & decretum liberum diuinæ voluntatis efficaciter intendentis talem finem, & eligentis talia media.

Licet autem Providentia diuina ex duabus his nascatur potentiis, non tamen componitur ex illis, quasi differentibus partibus, sed simplicissima semper persistit, quia in Deo intellectus, & voluntas non sunt duæ facultates diuise, sed substantialiter ipsamet Dei substantia. Deum autem omnia perfectissimè nosse

*Providentia
consistit in
actu intellectu-
ali. & vo-
luntati.*

nosse certum est; seipsam enim ita modullitus capit, ut infinitus existens per seipsum finiat, non quod finitus esse possit, sed quia excellentia eius infinita non excedit cognitionem suam pariter infinitam; ita ergo, qui Angelis & cuilibet intellectui creato incomprehensibilis est, finitus est sibi ipsi, cum infinitas sui esse non excedat cognitionem suam, quæ ei commensuratur. Cum ergo intellectus diuinus cognoscat perfectissime suam essentiam, consequenter nouit omnia, quæ sunt ad extra, non tamen per species intelligibiles, ut solet intellectus humanus, nec per concretas, & infusas, uti competit Angelo, sed in primario suo obiecto, quod est essentia, cuius infinitas dilucide repræsentat præterita, præsentia, & futura. Nec enim seipsum quis comprehendere potest, nisi planè intelligat, ad quæ se extendit potentia sua, & causalitas; illa autem potentia & causalitas ad omnia entia, non solum quantum ad principia speciei, sed etiam quantum ad principia indiuiduantia, tam corruptibilium, quam incorruptibilium se extendit.

Deus ergo se intelligendo, eadem cognitione in actu secundo & æternaliter immutabili, nouit & intelligit omnia, & dat esse prout vult, & quibus vult ex possibilibus creaturis, quas idem eius repræsentant. At quid prodest edere rem aliquam in lucem, cuius nolumus, conseruationem & directionem ad finem, propter quem fecimus. Necesse est ergo omnia, quæ quouis modo habent esse à Deo, ordinata esse ad proprium finem, sicque illius subdi prouidentia: Nam eiusdem est rem conseruare, cuius fuit primum dare esse. Placuit autem Deo mundum creare, & omnia, quæ in eo sunt, quæ sub cœli & terræ nomine comprehendit sacre Historiographus, ex quo dominium speciale per creationem acquisiuit Creator; huius ergo non despiciet, aut abiiciet gubernationem. Nec dicas Deum indicasse hanc directionem indignam sua prouidentia, nequaquam hoc aileri potest, cum in principio non incongruum habuerit hunc creare. Rationi ergo consonat, ut per prouidentiam curet, quæ per potentiam creauit.

Si Respondeas rerum ordinem, & eiusdem firmitatem, & conseruationem demandatam fuisse naturæ, quæ tanquam pia mater fouet, nutrit, & curat indefinenter & sine errore & ad exigentiam, quæ habet in gremio. Esto / at quid intelligis per naturam, nonne spiritum quendam errantem & fortuitum, qui casu omnia administret? nequaquam dici id potest; nam quæ casu & fortuito sunt, non semper eodem currunt tenore, aut ordine disponuntur; obseruamus autem regulato inuolabilique cursu & ordine moueri cœlos, vicissitudinesque sublunarium continuari, quate necessario causa aliqua rationalis, & intelligens præest orbi, at illa, vel est causa prima, scilicet Deus, vel secunda, quam si admisero, saltem conuincitur illam dependenter in omnibus à prima agere, à qua ordinem, regulas, motus quoslibet, dispositiones, actiones mutuetur. Hæc autem dicitur Prouidentia.

Posito iam hoc intellectus diuini fundamento pro Prouidentia; sequitur aliud, cui innititur hoc diuinum Attributum, scilicet

Carriere in Professionem Fidei.

voluntas diuina, quæ sine dubio vult & diligit, quæ sunt, ut Sap. 11. dicitur, *diligis omnia, quæ sunt, & nihil odisti eorum, quæ fecisti*, voluntas enim sequitur intellectum; unde sicut Deus necessario se nouit, consequenter & necessario se amat, & inde quæ existunt amat, nam qui aliquod obiectum perfectissimum diligit, consequenter & diligit ea, in quibus obiecti dilecti relucet qualitates, ut videre est in eo qui dulcedine delectatur; nam ex prosequitur & amat, in quibus dulcedo degustatur, Deus autem seipsum amat, consequenter & creaturas, quæ radium diuinitatis præferunt, quælibet enim in indiuiduo singularis quædam participatio & imago, aut saltem umbratilis repræsentatio est diuini esse.

Præterea cum ex Decreto & libera Dei voluntate creaturæ existant, hinc deducitur voluntatem diuinam eas amare; bonitati enim conuenit, & amoris se communicare; ergo cum Deus libere produxerit creaturas, voluntas eas diligit; unde infertur, quod eas ad ordinem intentum dirigit consequenter quod earum curam in speciali, & prouidentiam habet. Confirmatur hæc veritas, ex eo quod naturales rerum perfectiones eminentissime sunt in Deo; constat autem omne agens suos fouere effectus, & amare; sic Pater Filios suos diligit, Artifex opera sua chara habet, Orator suas orationes, Poëta sua carmina, Pictor suas imagines, &c. quomodo ergo Deus opera manuum suarum, id est intellectus, & voluntatis suæ dedignabitur?

Quod si Scriptura testatur Deum aliquid odisse, ut Psalm. 44. *odisti iniquitatem*. Rom. 9. *Esau odio habui* Psalm. 118. *iniquos odio habui*; Odium illud exponendum est; Nam dupliciter intelligi potest. Primo, quod Deus rem aliquam diligens, velit omnia ea, quæ huic rei aduersantur, non esse; sicque odit peccatum, uti bono creaturæ inimicum, ordinari enim odimus, quæ fieri nolumus. Secundo scriptura testatur, non solum iniquitatem, sed & ipsum iniquum horrore esse & abominationi apud Deum; hoc autem ex amore est, cum peccator nequeat habere maius bonum, quin minoris iacturam faciat eoque priuetur. Odium autem tale metaphoricum magis censendum est, quàm reale; habet enim plus amoris quàm auersionis, uti medicus, qui membri extirpationem ad vitæ conseruationem decernit; sic Deus sæpe in peccatores ira rigoroque animaduertit, ut videatur velle eos conterere; id autem ad boni æterni conseruationem per voluptatum temporalium reformationem facere solet. Sic vulgò dicitur, quod æger intemperans facit medicum crudelem. Ita planè dicimus de Deo, cum ob iustitiæ & ordinis totius vniuersi obseruantiam animaduertit, & seruire videtur in peccatores, qui ut plurimum reputantur eminentiores vniuersi Partes. Sed effectus ij prouidentiam sonant, & æquitatem Creatoris sancti & iusti testantur.

Prouidentiam hanc agnouerunt & venerati sunt, nedum Philosophi, & sapientes sæculi, sed & omnes terræ nationes aperte professæ sunt, omnia hæc mundana, & cœlestia certo quodam spiritu diuino regi & gubernari. Indæ, Chaldæi, Assyrii, Abyssini, Egyptii, Græci, Indij, Romani, Hispani, Galli, &c.

K

hoc

hoc non tantum corde, sed & externo cultu & religione Providentiæ sacrificia specialia deuotente testati sunt; Impietatis ergo & stupiditatis est venerabilem Antiquitatem arguere, & ab ea temerarie dissentire.

Trismegistus Antiquissimus omnium filium Statium ita informat. *Arduum est o fili Deum percipere; hunc quoties intueri volueris, aduerte mundi ordinem, ac eius ornatum, & eorum necessitatem, qua sensu percipiuntur, Providentiamque cunctorum, qua facta sunt, & qua fiunt in die in Pimand. 28. Dialog. 12. Neque Deus hominem ignorat, sed curam eius habet, & ab eo cognoscit vult.*

Pythagoras vocat Deum, Patrem, mentem & animam mundi, omnia regentem, & mouentem.

Plato Christianè, nedum philosophicè, providentiam commendat sic; quantum temporis nobis viuendum est, non debemus vita amore detineri, aut esse solliciti, sed ipsi Deo cura relinquenda est.

Aristoteles laudat Homeri conceptum, quo Deum vocauit Patrem & Regem hominum; bene vocat Deum regem, quia pater est, nam pater erga filios habet regiam excellentiam trinam, auctoritate, ingenio, prudentia; Idem Philosophus agens de regiminum diuersitate in Politic. lib. 3. diuinissimum genus regiminis monarchicum agnoscit, quia à Deo est, & conforme diuino; vnde infert regem esse imaginem Dei; At si rex domesticis suis rebus tantum intenderet, & populi curam non haberet, pro rege non se haberet; Posito ergo, quod Deus rex sit supremus totius orbis, consequenter intendit omnibus, & prouidet omnibus pro rerum exigentia.

Cicero hæc omnia palam fatetur, eum scribit Deum intendere non solum generi humano, sed & illius indiuiduis; nam si totius mundi curam habet, ergo & principalium partium mundi Africæ, Asiæ, Europæ, & Americæ, si partium istarum; ergo & notabilium ciuitatum, Romæ, Athenarum, Spartæ, Parisiorum, Corinthi & aliarum; vnde infertur, quod & incolæ earum nosse, & curare, & sua fouere debet providentia.

Seneca præ ceteris philosophus moralis quid non habet? is enim præter ea quæ scripsit volumina de diuina providentia, eiusdem effectus Lucillo amico suo intimat his verbis, *Deum, inquit, circa te est, tecum, & intra te datur aliquis spiritus diuinus, qui nobis intus est, prospiciens & considerans opera nostra, qui nobiscum agit, sicut cum colimus, nec probus quis esse potest, sine ipso, ut quid enim sine eius ope posset homo accidentia fortuna ferre, ab eo virtutosa & generosa desideria & motus suscipimus, &c.*

En ergo Providentia testata tantorum hominum testimoniis, quæ lumen naturale eis suggererat, vnde cum Platone inferre licet, æqualis esse erroris providentiam Dei tollere, & Deum ipsum negare, qui enim calorem ignis non agnoscit, is profecto negare debet ignem dari, Deus enim per effectus, quos in creaturis notamus, & experimur, cognoscibiliter videtur. Fides de providentia, ne dicam certa de ea scientia vox est totius naturæ; videmus enim cælorum reuolutiones, solem

continuum in alterutro hemispherio lucere, astra influere, elementa transmutari, terram geminare, generationes rerum in his inferioribus continuè fieri; vnamque alteri succedere, ita ut corruptio vnius sit alterius generatio: hæc sanè omnia Deum & providentiam eius altissime insonant, quod si his non obstantibus quis aures habens non audiat, reflectat se quæso supra se, & vocem providentiæ in corde intimam agnoscet.

Nemo in angustia vel periculo versatur, quin subito mentem & vocem ad Deum deuot, nulla præuia ratiocinatione, aut dubio, an Deum inuocare debeat, motus autem ille quo opem Dei inuocamus habetur à natura; Ac natura nihil facit frustra; ipsa enim ut dicit Philosophus, est opus intelligentiæ non errantis; si autem Deus pericula nostra non attendit, nec vocem implorantis audit, cur in necessitate ad eum recurrimus?

Tum si hæc inferiora Deus ignorat, cur naturali propensione ad vota & sacrificia ei offerenda prouocamur? certè natura ipsa hoc instinctu potestatur & proficitur dependentiam suam ab eo, cui libat & munera offert. Quæ omnia præsupponunt Providentiam omnisciam omniuidentem.

Ne dicas ergo, ait, Ecclesiasticus cap. 3. coram Angelo non est Providentia, ne forte iratus Deus contra sermones tuos dissipet opera manuum tuarum. Qui plantauit aurem, non audiet, qui fixit oculum, non considerat? Quali vero ait David, Psalm. 93. crimihosa est & impia cogitatio, & vniuersæ naturæ iniuriosa.

Dices, si fides Providentiæ diuinæ astruitur & demonstratur lumine naturali, & iudicio humano comprobatur; ut Quid tot Commenta & errores hominum circa eam?

Respondeo non omnes errasse in hac materia, sed eos dumtaxat, qui præsumptuosè & sibi nimis sufficientes aut temerario examinare voluerunt actus diuinòs, vel impios & voluptuosos, quos mollietates deprauauit, vel eos, quos supina fecellit ignorantia. In eorum persona sic loquitur Eliphas Themanites Iob. 22. *Quid enim nouit Deum? nostra non considerat & circa cardines cali perambulat.* Alij verba Psalmistæ 113. desectunt in offusionem providentiæ. *Calum cali Domino: terram autem dedit filius hominum.* Iis adiungi potest Auerroës, qui genera equidem & species rerum curari à Deo admittit, sed ab eius cognitione subducit indiuidua, quia, inquit, *Intellectus Dei, si hæc minima obiecta consideraret.* Vana & futilis hæc est cogitatio; est enim Deus in cælo singulariter manifestet diuitias gloriæ suæ, ibique thronum maiestatis fixisse dicatur, non ibi tamen coangustata est eius causalitas & actio restricta, cum per immensitatem totius vbique sit indiuisus, omnia continens non contentus, motum & actionem conferens immotus, ac ex 7. physic. oportet simul esse motum & mouens; Deus autem mouet omnia ad quorumlibet effectum, qui in vniuersa natura notantur productionem; vnde sequitur Deum adimplere cælum & terram, nulloque modo capi & contineri cælorum ambitu.

Quod

Quod si dicatur hæc inferiora indigna esse consideratione Dei.

Respondeo, Deum hæc omnia contemplari, & intelligere in semetipso, qui sicut beatus est consideratione & amore sui ipsius, ita aliquo modo consideratione creaturarum, quæ præsentibus ipsi sunt in æternitate, & virtute intellectus diuini producuntur in esse cognito, non tantum genericè sed & in indiuiduo, ut ex Scoto dixi; vnde Ioan. docet quod factum est vitam in ipso esse, id est ideas rerum esse vitam Dei, nec distingui realiter ab ipsa eius essentia.

Dices ex 1. Corinth. 9. *Nunquid de bobus cura est Deo?*

Quomodo
Deus suum
habet br-
utium.

Respondeo, colligi ex præcedentibus Paulum argumentari à minori ad maius, præcedit hæc periodus, *Scriptum est in lege non alligabitis os boni erituri, nunquid de bobus, &c.* Hinc infert Euangelista debere curari & pasci à populis. Potest etiam dici Deum non habere curam bouum, & brutorum, ut ipsis legem imponat, sicut hominibus, aut ut bruta ad immortalem vitam destinet, cum eorum naturæ nihil indiderit immortale. Deus tamen bruta curat in specie & in indiuiduo, conseruando eorum species ad gloriam suam, & hominum utilitatem; ideo *Dat escam pullis cornuorum inuocantibus eum.* Psal. 147. & Matth. 6. *Pater celestis pascit volatilia & lilia, sanumque agri vestit.* Quotid ergo magis prouidebit de necessariis homini, quem ad imaginem suam efformauit; sapientis enim gubernatoris est plures facere pretiosa, quàm vilia; hinc capillorum numerum obsignatum habere dicitur Matth. 10. *Vestri capilli capitis numerati sunt.* Vbi August. glossat ea quæ volumus seruire numeramus. *Numerus capillorum non est in actu computationis, sed in facilitate & perfectione cognitionis, quam Deus habet omnium, quæ in nobis sunt;* vnde Sap. 7. *Attingit à fine usque ad finem fortiter & disponit omnia suauiter.*

Tum Prouidentia cum sit **RATIO** omnium in Summo principe, & sapiens directio ad proprium finem, Gallicè *Conduite de toutes choses*, prouidentia diuina debet omnia amplecti.

Quæres, quis sit proprius finis intentus à Deo in rerum creatione?

Respondeo esse gloriam Dei & manifestationem bonitatis suæ per diuersos effectus, seu creaturas declaratam; & hinc est, quod mundum non creauit ab æterno, sed in tempore, ut indicaret se creatoris non indigere, cum ab æterno sine illis beatus & sibi sufficiens extiterit; produciens autem in tempore, cum illi placuit, ostendit se liberum esse ad extra; ut declarat Psalm. 93. *Deus ultionum liberè egis.* August. appositè ad hæc, *Beatus est Deus non molitione mundi sed contemplatione sui.* Ex creatione ergo Deus nihil acquirit de nouo ipsi essentiale; vnde Cyrill. in thesauro. *Superflua est Deo creaturarum productio, quantum ad eius perfectionem attinet, &c.* Infinitus est Deus, ut supra ostendi, at infinito in esse nihil addi potest, alioquin totius orbis pulchritudinem non possideret, nec esset à se, cum ab alio aliquid mutuari posset.

Quæ ergo Deus molitur, id ideo facit, ut *Carriere in Professionem Fidei.*

creaturis aliquam sui similitudinem, & participationem bonitatis impartiat, in quantum illius, genera & species capaces esse possunt; Quia verò quælibet creatura defectum patitur, & limitationem, nec capere potest summas & infinitas Creatoris perfectiones; hinc sapientia diuina diuersimodè se communicauit, & diuersas edidit creaturas, quibus varias indidit qualitates & virtutes singulares, ut sic quoddam vna nequit portare, alia colligat, & pro tanto authorem repræsentaret, cum enim mentis conceptum nequimus vno exprimere verbo, quem foris producere & manifestare intendimus vario locutionis genere & emphasi, necnon & periphrasi eleganter utimur; Ita ergo à fine omnium rerum, qui est gloria Dei, dependet, & nata est diuersitas formarum, & ab hac diuersitate procedit Ratio diuinæ Prouidentie; nam sicut res quælibet perseverat in suo esse per formam suam, in quantum illa existit; forma enim ex Philosopho dat esse rei non absolute, sed tale: ita & pro natura formæ res similitudinem Dei participat; nam ex 1. physic. forma est diuini quoddam & appetibile.

Ex diuersitate formarum nascitur diuersitas operationum; res enim agit per formam, ex operationum differentia oriuntur diuersæ habitudines materiæ ad ipsas; dantur autem in rerum natura plures formæ ita absolute & perfectæ, ut non indigeant materia pro suo proprio actu, ut sunt cogitationes Angelicæ, & animæ separatæ; dantur & aliæ formæ, quibus necessaria est materia ad actionem exercendam, ut animæ cuiuscumque generis vegetabilis, sensitivæ, & rationalis, quæ materia indigent, ut agant, & suos producant effectus; Diuersas ergo hæc habent habitudines ad materiam; ex quibus procedit diuersitas actiuorum & passiuorum; vnde postea tot accidentia & proprietates pullulant.

Cum ergo diuina potentia distribuatur creaturis diuersas formas, qualitates, habitudines, passionem, proprietates, & accidentia, id sanè non fit sine ratione; & hæc vocatur Prouidentia diuina, quæ omnia disponit cum sapientia, ut habetur Prouerb. 3. *Dominus sapientia fundauit terram, & prudentia stabilinis calos.*

Posito ergo quod Deus liberè agens ad extra velit aliquam bonitatis suæ partem dare creaturis, dans illis esse per creationem, hinc sequitur cum ordinate id facere, & hæc ordinatio nihil aliud est, quàm prouidentia, quæ omnia intra fines suos & actus proprios continet & moderatur. Licet autem res ex sola Dei subsistant voluntate, hæc tamen non excludit aut suppressit rationem, & causarum secundarum proprios & connaturales effectus, sicut nec ordinem rerum mutat, & inuertit. Dum ergo quæritur, cur ardet ignis? & lignum consumit? respondebo id connaturale & proprium ei esse; si quæris vnde? respondeo à propria forma, sic gradatim à causa ad causam ascendam, donec ad supremam, quæ Deus est deueniamus, qui igni talem formam & virtutem dedit.

Non est ergo pro ratione alienius effectus naturalis recurrendum in prima instantia, & proxime ad diuinam voluntatem; nam hæc non excludit ordinem Prouidentie, quæ mo-

Qualibet naturalis causa proprium habet effectum ex diuersitate forme. non ergo dicendum simpliciter quod Deus calefaciat se solo in igne, &c.

tus & operationes proprias cuilibet enti communicavit; aliter enim omnia inutilia & superuacanea forent, & nulla esset rerum dispositio, consequenter, nec providentia.

Quæres, an aliquis effectus sit casualis & fortuitus respectu diuinæ providentiæ?

S. Thom. respondet negativè, & probat; quia effectus dicitur casualis vel fortuitus respectu causæ, cuius ordinem declinat & effugit, at quamvis aliquis effectus possit exire ab ordine causæ particularis, eo quod hæc impediri potest ab alia causa particulari, non tamen effugere potest ordinem causæ vniuersalis, cum omnes causæ particulares tam impedire, quam impediens concludantur sub vniuersali, omnesque egeant illius concursu ad operandum, & nulla possit impedire, ne quod illa intendit, aut futurum prævidit, eueniat.

Respectu hominum datur casus fortuitus, ut si Rex è contraposis finibus regni accersat Lugduni gubernatores, Rex nouit eos sibi in via occuros, ij tamen cum nihil sciant de aduocatione, fortuito credunt hoc factum.

Quæres, an Deus provideat immediatè omnibus?

S. Thom. 1. part. quæst. 22. respondet affirmatiuè quantum ad rationem ordinis, licet non quoad executionem, ubi præmittit duo pertinere ad providentiam, nempe rationem ordinis rerum prouisarum in finem, & executionem ordinis, quæ dicitur gubernatio; quo posito docet Deum, quantum ad primum, prouidere immediatè omnibus, quia in suo intellectu habet rationem omnium effectuum, & causarum, per quas produci debeant. Quantum verò ad secundum, quædam esse media diuinæ providentiæ; quia Deus inferiora gubernat per superiora, non ex virtutis defectu, sed ex bonitatis abundantia, ut scilicet dignitatem causalitatis etiam largiatur creaturis: Quod non debet ita intelligi, ut Deus per se non exequatur ordinem à providentia sua præstitutum, sed ita, ut non exequatur eum, nisi cum causis secundis simul ad eundem concurrentibus.

Nota ex art. 4. S. Thom. Providentiam diuinam quibusdam rebus imponere necessitatem, non verò omnibus; quia ad illam spectat, res omnes ordinare in finem, non solum separatim, qui est bonitatis, & gloriæ Dei manifestatio, sed etiam in ipsis rebus existentem, qui est perfectio vniuersi; at talis perfectio non esset, si omnes gradus essendi non inuenirentur in rebus; quare ad necessarias & contingentes, ut ex iis effectus necessarij & contingentes oriuntur.

Hinc sequitur providentiam non semper assequi finem particularem, ad quem res ordinat, hoc patet in providentia tam naturali, quam supernaturali; nam in primis res naturales ordinantur ad suos fines particulares sibi proportionatos, à quorum tamen consecutione impediuntur non raro, ut patet quando contingunt effectus monstriosi & casuales.

Deinde Deus ex vera & sincera intentione saluandi omnes homines, præparauit illis media sufficientia, per quæ saluari possent, si vellet, & tamen omnes de facto non saluantur; ergo providentia non obtinet finem illum particularem, ad quem destinat huiusmodi media

necessaria: id obseruat S. Thom. dist. 40. q. 1. art. 2. Nec dicas ex collecta Dominicæ septimæ post Pentecostem dici contrarium; Deus, cuius providentia in sui dispositione non fallitur; nam verum equidem est non falli, etsi non semper obtineat finem particularem, tum quia licet aliquid recedere videatur à providentia secundum vnum ordinem, in illam relabitur secundum alium, ut ait S. Thomas 1. part. quæst. 19. art. 6.

Distinctio communis Providentiæ est in duo membra, & præcipuas species, scilicet in Physicam, & moralem. Distinctio hæc non petitur à subiecto, in quo est, cum sit Deus ipse vnus & inuariabilis, & æqualiter omnia intelligat in seipso, & pro beneplacito disponat, sed ratione subiectorum, circa quæ hæc versatur. Ita Durand. in principio distinct. 39. Inanimata & ratione carentia denominant providentiam physicam, creaturæ autem rationis & moralitatis capaces, quæ à providentia ad suum finem diriguntur per media, altioris gradus quàm sint naturalia & physica moralem postulant providentiam.

Homo ex duabus naturis constans vtramque requirit providentiam, cum enim vetus homo secundum naturam terrenus, & nouus secundum gratiam cœlestis, & spiritalis, in eo notentur, consequenter duos habet fines naturalem & supernaturalem & vtrique providentia Deus eum dirigit.

Providentia naturalis seu Physica respicit omnia, quæ moralitatem non habent & cognitione non sunt directa, ut cœli elementa, animalia; videmus itaque omnia ita consona primo creatoris ordini, ut sapientia eius à magnitudine speciei videri aut intelligi possit; opus siquidem naturæ, & intelligentiæ non errantis, & ut canit Psalmista 118. *Ordinatione tua perseverat dies, quoniam omnia formant tibi.* Scriptura passim confirmat hanc veritatem, *Qui operis cœlum nubibus, qui parat terræ pluviam, qui producit in montibus fœnum, qui dat inmentis escam ipsorum, & pulis cornuorum inuocantibus eum. Sol homini lucet, terra ipsi germinat, & multa animalia subministrat ad esum.* Adoranda est ergo Providentia, quæ aperit manum suam, ut impleat omne animal benedictione sua & attingat à fine usque ad finem, id est, ait Bernard. *A summo cœlo usque ad inferiores partes terræ, à maximo Angelo, usque ad minimum vermiculum;* nec enim, ut notavi, indignum est Deo minima curare, quæ non minore potentia creauit, nec timendum est Deum coinquinandum in rerum corruptione, cum spiritus sit, aut quoddam in vilibus vilescat, cum infinitè superemineat omnibus. *Si sol,* ait Chrysolog. *tangit stercora; non tamen iis inquinatur, quanto magis creator solis tanget omnia, nec tamen poterit ullis contactibus inquinari.* Nec vilescit intellectus Dei, aut distrahitur à cognitione, & amore sui, cum in seipso omnia videat.

Nota hominem ad finem naturalem dirigi providentia physica, in quantum ipse est membrum, & pars orbis.

Providentia Moralis respicit creaturas rationales uti capaces rationis, virtutis, & vicij meriti, & demeriti, mercedis & pœnæ. Esse morale dicitur clavis paradisi & inferni, quod tempus

republicam dirigit, & corpus ciuile facit, necnon & statum Ecclesiasticum induxit. Rector & subditus, siue magistratus, & ciuis non differunt in natura, imò non rarò inferior præualeat ingenio & prudentia, qua fortè felicius rempublicam administraret. Sola moralitas, electio scilicet, & nominatio auctoritatem & potestatem vni eorum confert, qua vacat alter.

Prouidentiam autem moralem dari in Deo, id est rationem ordinatissimam, & sapientissimam, qua Deus dirigit homines, & Angelos ad finem proprium, non in quantum habent esse naturale corpore & anima constans, ut homo, sed in quantum homo & Angelus capaces sunt præmij, aut poenæ, virtutis & vitij, quis dubitet? quæ libertati se attemperet, quis non credat? & in hoc singulariter adoranda & suspicienda est, quod rebus ipsis moribusque earum se accommodet, & sine violentia ad finem perducatur, ut Sap. 14. exprimitur, *Attingit à fine usque ad finem fortiter*, pro rebus scilicet irrationabilibus, *Suauiusque disponis omnia*, pro rationabilibus, habemus ex Aristotele probationem sensibilem huius veritatis. Boarius ait, nequit esse bos, nec equus, aut pastor ouis esse, ad bruta minanda & dirigenda requiritur gradus aliquis brutali superior; nam cum ipsa careant ratione & prouidentia, seipsa dirigere, tueri & gubernare nequeunt; At homines ratione ducuntur, & per alios diriguntur, præstet autem Deus habens in manu mensuram illam auream, Gallicè, *Toise d'or*, quam in manu Angeli vidit Ioan. Apoc. 21. ut intelligamus dari superiorem potentiam, qua iudicat de ratione ipsa, & esse morali, eamque cuilibet hominum actioni applicat, ita ut cogitationes, verba, actiones Angelorum & hominum, hac aurea & rationabili mensura mensurentur.

Per huius moralis Prouidentiae secretam directionem perstant regna, floretque inter alia Galliae, non obstantibus tot temporum & hostium concussionibus. Quis autem tam mentis impos casui & fortunæ hæc adscribat? & regulas præceptaque gubernationis & directionis, statuum siue Rerumpublicarum penitus explodat? Nunquid Præfecti, & Duces, & ministri principum, cæci sunt & duces cæcorum? sine iudicio & prouidentia; si Deus cyniphe, muscas, & volatilia respicit, fouet, & curat; nunquid hominem imaginem suam mediis ad finem suum obtinendum necessariis destitutum & vacuum relinquet?

Deus ergo creaturas ad intentum & proprium earum scopum & finem intendens dirigere & adducere, plures circa eas videtur habere actus, saltem modo nostro concipiendi; vnicus enim & simplicissimus est à parte rei, æternus & immutabilis, at hunc capere non potest intellectus humanus; cogimur ergo eum in plures diuidere ad intelligentiam planiorem.

Primus Dei actus est Idea, quæ est notitia & conceptio formalis creaturarum possibilium, quam Deus necessariò habet omnium, uti possibilem. Essentia diuina hoc quippe habet à se, ut sit speculum essentiale & necessarium ad proponendas & repræsentandas quidditates creaturarum, hoc notat Ioan. 1. *Quod factum*

est, in ipso vita erat. Theologi vocant exemplar, sicuti quando artifex speciem & ideam alicuius operis versat in mente, id sit, ut dicitur in scholis, de ordine ad effectum, & sic Ideæ non sunt simplices notiones, sed exemplar rerum futurarum, cum in possibilibus decreto suo voluntas acceptauit, & designauit pro certo tempore existentes; hinc est, quod S. Thomas vocat Ideas virtute practicas, quare asserimus Ideam esse partem essentialem Prouidentiae, & primum actum formandum; siquidem est rei, quam producere designamus, perfecta repræsentatio.

Sequitur Prædestinatio, aut resolutio, quæ decretum æternum Dei vocatur, quo ab æterno decreuit rem in tali tempore, loco, occasione, & in talibus circumstantiis futuram, Theologi differentiam faciunt inter prædestinationem, & decretum, seu inter decretum & prædefinitionem aut prædeterminationem; & decretum vsorant in materia tantum prædestinationis, nomen autem prædefinitionis indifferenter ad omnem aliam materiam assumunt. Quomocumque sit, exinde capillus capitis de capite vestro non peribit, quicquid existit & fiet in causis naturalibus, sine dubio inde dependet, & est effectus prædestinationis seu prædefinitionis, pluvia, serenitas, motus, actiones, interitus, determinata sunt usque ad minimam pluuiæ guttam. Excipimus liberos arbitrij motus Angeli vel hominis, quos non prædefinit Deus saltem malos; hoc enim repugnat bonitati, quia *Cuncta, quæ creauit, sic administrat*, ait S. August. *ut motus suos agere sinat, prouidet equidem peccata, sed non prædeterminat illa.*

Tertius Dei actus est Creatio; quia mundus casu aut fortuitò non est creatus, sed ex certa sapientia & regulatè ad normam diuinæ prouidentiae; dispositio seu diuersa positio rerum debetur sapientiæ, quæ omnia in pondere, numero, mensura, & loco, pro rei exigentia disponit; hinc montes suam habent elevationem, hinc grauius deorsum, & leuia sursum, eminent hinc fluuij in tali loco, talis arbor in tali, hæc species animalium, & volatiliū in tali regione & non in alia; quæ omnia non tam iure naturæ, quam ex Creatoris voluntate omnibus naturis sunt assignata.

Quartus actus voluntatis diuinæ est Conseruatio, *Quomodo enim*, ait Sap. 11. *posset aliquid permanere, nisi tu voluisses.* S. Thom. 1. parte quæst. 104. probat diuersis rationibus creaturarum dependentiam per conseruationem continuam, qua indigent, deficerent profectò radij solis, si à corpore eius vel minimum separarentur, necessarius omnino est concursus & cooperatio Dei cum rebus naturalibus, Deus itaque mouetur cum cælo, ambulat cum formica, volitat cum passere, cantat cum Philomela, natat cum piscibus, loquitur & ratiocinatur cum homine, lucet cum sole, ardet cum igne, idque totum sine præiudicio maiestatis, immutabilitatis, & gloriæ suæ infinitæ.

Datur & alia cooperatio Dei in rebus moralibus & supernaturalibus; Homo ergo & Angelus meriti & demeriti compotes, quanto magis excedunt dignitate animalia quæque, tantò maiorem Dei amorem & prouidentiam exigunt, quæ præluceat in principalium crea-

curarum administratione, in motu v. g. solis, plusquam in motu vermiculi. Deus magis amat Angelos, quàm bruta, & plus illi est curæ de homine, quàm de musca; quia præponderat subiectum excellentius, consequenter maiore & prouidentia dignus homo. Paterfamilias filium hæredem præfert domesticis & seruis.

Quantùm autem ad gloriam, quomodo acquireret eam sine adiutorio diuino. Natus est inter homines Deus, mortuusque, mediare ei prouidet per Angelos; quos tutelares addixit ei, per Pastores & Episcopos subministrat ei Sacramenta & verbum Dei, & sæpius miracula ei proponit ad augmentum fidei; Omnia denique in Ecclesia salutem hominis promouent.

Præterea ad hanc moralem Prouidentiam refertur decretum illud, quo Deus aliquos efficaciter eligit de massa perditionis, & alios in ipsa relinquit; vnde ex tenore & consequentia electionis electos efficaciter iustificat, & omnia in bonum ipsorum conuertit, auertendo mala, quæ illis possent obesse. Id August. mirabundus in Soliloq. adoratur; *nihil enim facit homo, quod alius non faceret, nisi enim custodires gratia illius, qui pro nobis factus est homo; Denique præseruatio & liberatio à malis est diuinæ prouidentie singularis actus, ut ingenuè sentit Ecclesia, quæ in prima Dominica sic orat, Deus cuius prouidentia in sui dispositione non fallitur, te supplices exoramus ut noxia cuncta submoueas, & omnia profutura concedas.*

Verum contra hanc de diuina prouidentia doctrinam, multæ formantur obiectiones.

Prima, Quomodo ergo iusti & amici Dei sunt ut plurimum, ut scopus ad sagittam, & obiectum persecutionis, malos autem non tangit tribulatio.

Seneca in lib. de prouidentia hanc elucidar quæstionem & titulum libro affixit, Cur viris bonis multa eueniant cum sit prouidentia.

Respondeo ego, quis es tu ô homuncio, qui hæc quæris, sat mihi scire ex prædictis, ea ex Dei nutu procedere, Dominus est, quod ergo bonum est in oculis suis faciat, nec dixeris beatum, cui arridet fortuna, vel mundus diuitias & voluptates affatim propinans, non vacat ille curis corrodentibus anxietur timore, fulget forsan in capite aurea corona, at multæ hoc transfigunt spinæ; vnde Antigonus Rex regnum & dominatum vocabat splendidam seruitutem; vno dicam omnia verbo, Impij, miseri, & miserè viuunt; quia passionibus dilaniantur, Auaritia vrit eos, lubricitas sordidat, ebrietas absorbet, inuidia cruciat, ambitio cõsumit, ira inflammat, timor infrigidat, & ut alius Epulo, de quo Euangelium, inferni portabilis experitur tormentum. Iustorum afflictiones si seriò examinentur, veri fauores reputabuntur; In extrema viuunt paupertate, & rerum pecunia, fallimur; nam cum superflua excusserint desideria, & mentis affectus retundant, omnia possident; solus namque pauper est dicendus, qui cum passione desiderij, diuitiis inhiat; Saluianus Episcopus Massiliensis aureum hic affert verbum *nemo alieno sensu miser est, sed suo; inopes*

sunt, esto, sed inopia gaudent, plorant, sed delectant lachrymæ, infirmantur, sed virtus eorum perficitur, Aurum terra est, idque in fornace probatur, & rutilat terra, sigulo non inseruit, nisi in fornace decoquatur. Iusti vasa dicuntur honoris, *habemus*, ait Paul. 1. Corinth. 4. *Thesaurum in vasis fictilibus, ut sublimitas sit virtutis Dei*; solidari ergo debent & decoqui in igne tribulationis, qui indurat & perficit, *in omnibus tribulationem patimur, sed non angustiamur, desicimus sed non perimus, semper mortificationem* IER. 17. *in corpore nostra circumferentes ut & vita IER. 17. manifestetur in corporibus nostris.* Diua Lyduuina nollet commutare pro carbunculis pretiosioribus vermes, qui linum & pectus eius deuorabant, nec Magdalena lachrymas suas pro Margaritis, nec Catharina præcidentes gladios rotæ suæ daret pro Saphyris, nec Laurentius prunas, quibus assabatur pro Adamantibus, nec Paulus catenas & vincula sua pro Torque pretiosa Ordinis Sancti Spiritus à Regibus Francorum instituti; Expecta tantisper & constabit veritas istius propositionis Apostolicæ *momentaneum & leue tribulationis nostra supra modum in sublimitate aeterna gloria operatur in nobis; agnoscunt hoc impij, nos insensati vitam illorum assumabamus insaniam, & finem illorum sine honore, ecce quomodo computati sunt inter filios Dei.* Sap. 5.

Urgebis Cur impij prosperè agunt, & dies suos ducunt in bonis, in oppressionem & tyrannidem Proborum, num sapientis est Rectoris refrænare impiorum insolentiam, eosque cohibere, ne iustos opprimant, aliàs is arguetur vel de impotentia, aut ignorantia, aut de consensu in delicta impiorum, qui eius subduntur regimini.

Multi etiam ex Sanctis vt Hieremias, Abacuc, David, hic hærent & anxiantur, vnde non mirum si Philosophi alique prudentes viri non capiant, Cur Deus Optim. max. permittat iustos ab impijs opprimi, cum id possit impedire.

Difficultatem enodabimus, si extendamus hominem ad duos destinatum fines; primus respicit tranquillitatem vitæ temporalis, alius gloriæ æternæ adeptionem. Hinc ergo est, quòd duplici prouidentia vt notauimus, gubernatur, quarum vna consistit in mediorum ad finem temporalem acquirendum dispositione, alia verò respicit & præparat media vltimi finis seu gloriæ æternæ.

Prima prouidentia humana est, & politica, fundata in sapientia & prudentia naturali, quæ respicit bonum, & tranquillitatem vitæ ciuilem, & socialis; homo enim est animal sociale, Alia verò est Prouidentia ipsius Dei, quæ per sapientiam suam, hominem dirigit, & promouet ad bonum æternum.

Cum ergo instas prudentiæ esse malitiam refrænare impiorum, ne bonis noceat, eosque diuexet, verum est, si loqueris de prouidentia humana, & politica, quæ nihil aliud intendit, quam firmæ pacis temporalis stabilitatem & vnionis inter ciues conseruationem, idque præueniendo, auertendo, & retundendo quantum potest oppressiones, concussiones, impetusque impiorum, qui omnia confundunt ea, pacem publicam perturbant,

Si verò agis de providentia suprema, & divina non admittitur propositio; non enim est Dei siue eius providentiæ, auertere quolibet oppressiones, & obviare tyrannidi quæ apud homines notatur. Imo singulare officium illius providentiæ est, sic administrare singula quæ creavit, ut suos motus agere sinat, nulli penitus rationabilium creaturarum resistendo; rerum enim natura exigit ut causalibera liberè agat, & à prima vim nequaquam patiat. Idque varias ob causas. Prima, ut quisque voluntariè & liberè virtutem sectetur, quæ spontanea esse debet; virtus enim coacta, non est virtus, sed servitus dicitur. Secunda, merces operi virtuoso assignata sufficienter; si bene consideretur, alliciat, non ergo trahi debet homo, tum impendentis iræ Dei apprehensio satis movet hominem cordatum. Tertia si quolibet impios puniret Deus, uti facit providentia humana, quos convincit legum refractores, cum coram Deo vix iustus reperitur, & peccato mortali pœna debeatur æterna, à fortiori & temporalis, terra iamdudum vacua foret, unde Poëta,

Si quoties peccant homines sua fulmina mittat Iupiter, exiguo tempore solus eris.

Ideo ergo divina providentia non animadvertit in singula hominum peccata; quia orbem evacuare, & devastare non vult, lat ei interdum scandala punire, & publicos facinorosos ad mentem sanam flagellis reducere; quia verò vix id observatur, imò vivunt sceleratissimi & perditissimi, in odium, dixeris, naturæ, cum tamen è contrà plures non obfirmatæ frontis, aut obdurati cordis, ex fragilitate innata potius delinquentes, quàm ex malitia, de minimo delicto dent pœnas, & spectaculum fiant mundo & Angelis.

Respondeo Deum compensaturum tarditatem pœnarum gravitate, si ex duobus debitoribus inæqualis summe eodem tempore solvenda creditor minimam suo tempore exigat, maiorem ad aliud expectando, nemini ipsorum iniuriam facit, cur ergo Deum argues, pœnam in hac vita de levis exigentem delictis, si in pace pro tempore, brevi equidem, etsi dies hominis complectatur, debitores aggravatos non molestat. Deo sua relinque, nemo manum eius effugiet. *Nemo est qui se abscondat à calore ne dicam iustitia eius.* quæ cum usuris tandem exigit solutionem.

Tum non frustra vivunt & regnant impij; nam ut ait S. August. *Vivunt, vel ut corrigantur, aut ut iusti per eos exerceantur.* Tyranni, Oppressores, & Carnifices, plus proficere iustis eos diversimodè vexando, quàm si benevolè cum ipsis egissent, tolle persecutiones, latet constantia, tolle sœvitiam & tyrannidem impiorum; marcescit gloria Martyrum, supprimatur iniquitas & iniustitia persecutorum, obscuratur æquanimitas & patientia innocentium.

Non ergo est divinæ Providentiæ impios de medio tollere, aut malitiam eorum retundere, cum ex ipsa, & per ipsam, iusti sicut palma florescant & virtutum fructus vberimos proferant.

Adde vulgatam responsionem, nullos scilicet ita malos, & desperatè pravitatis esse, quin aliquando boni aliquid agant, Deus illos in

peccatis morituros, ob idque damnandos providens, illorum opera utcumque bona, temporali aliqua prosperitate præmiantur.

Iustos autem vix tales reperiri, quin natos aliquos habeant, aut omnino immunes à peccato vivant, ob id ergo castigandos temporaliter, pro exigentia culparum iudicat Deus, qui præmia æterna, vel innocentia aut penitentia & tolerantia eorum iam destinavit, quidni prudenter dixerim exercendos variis afflictionibus servos Dei, tum ad probandam & manifestandam eorum fidem, tum etiam ad meritum cumulum augendum; quare optimè S. August. in Enchir. cap. 11. *Deum cum summe bonus sit, nullo modo sineret aliquid mali esse in operibus suis; nisi adeo usque esset omnipotens & bonus, ut etiam de malo bene faceret.*

Instabis, si iustus Dominus, cur in impiorum ruinis, quas interdum providentia decernit, ut notasti, iusti ipsi & innocentes inolvuntur, horret animus à spectaculo frequenti in incendiis, bellis, peste, inundationibus, hiatribus, eruptionibus, integras provincias, civitates, pagos, familias, perire.

Respondeo, providentiam divinam iusto iudicio id aut ordinare aut permittente, tres se se offerunt causæ. Prima; qui reputantur innocentes participarunt directe vel indirectè impiorum excessibus, vel dissimulando, vel applaudendo, aut tacite consentiendo; iuste ergo qui communicat reatu, participat in mulcta.

Secunda; esto non consenserint impietati, non tamen vacant à culpa, fortè nimis adherent terrenis, etsi ea non prætulerint Christo, & legi eius, sœvit ergo in eos iustitia divina, ut ex dolore bonorum temporalium iactura, contempnant gravitatem erroris, in immoderato affectu eorum admissi.

Tertia, communitas bonorum & malorum in hac vita impenditur à Deo, ut norint homines Deum nolle servos suos, quibus merces copiosa est in cœlo, remunerare in hoc sæculo; adde quod pœna temporalis transiit in conditionem naturæ per peccatum originale, ex quo terra iusta est spinas & tribulos homini germinare.

Quæres, an malum culpæ, seu peccata cadant sub divinam providentiam.

Respondeo affirmativè; nam hæc mala dupliciter considerantur, vel formaliter, ut sunt mala & peccata, vel materialiter, prout habent entitatem quandam realem & positivam, utroque modo cadunt sub providentiam. Primo quidem, quia etsi Deus non sit author peccatorum, ea tandem permittit & ordinat in bonum finem, adeoque sunt materia, circa quam providentia divina versatur. Secundo etiam, quia etsi Deus non sit causa movens ad entitatem materiale peccati, ad illam tamen concurrat, quando voluntas creata ad eam se determinat; cum enim huiusmodi entitas sit aliquid reale & physicum, repugnat quod existat in rerum natura sine influxu primæ causæ, cuius proinde Providentia sicut & causalitas, ad eam se extendat.

Quæres, an possit impedire? Respondeo, quidni? cum sit omnipotens, sed cum sit summe bonus, nunquam permetteret mala in operibus suis reperiri nisi usque adeo omnipotens & sapiens esset ut beneficeret etiam de malo ex August.

August. sup. sic per malitiam fratrum exaltauit Iosephum, sic impietate Absalonis usus est ad correctionem Davidis, iniustitiâ Chaldæorum ad puniendum Israël, sic auaritia proditoris Iudæ, & inuidia Synagoga promouit redemptionem mundi per passionem Christi.

*Deus benefa-
ci permittit
de mala.*

Nec dubitandum est Deum benefacere, etiam sinendo & permittendo fieri, quæcumque mala sunt; non enim hoc nisi iusto iudicio finit & certè bonum est omne, quod iustum est. Tum Deus permittit hominum offensas, nec eos impedit, ut ostendat eis se non indigere eorum famulatu ad honorem suum & gloriam tuendam; nam ut dicit Iob. 35. *Si peccaueris, quid ei nocebis? & si in iustis egeris quid donabis? & homini nocebit iniquitas sua.* Deus ergo non timet à malitia hominum impiorum, nec honorum iustitia & probitate indiget, & in hoc elucet singulariter bonitas diuina, quæ cum nobis non indigeat, curam tamen nostri habet, quasi sine nobis non existeret. Tum peccata permittit; quia naturæ liberæ non vult inferre violentiam. Nec dicas satis fore, ut nostras rebelles compelleret voluntates, Apage: num seruilis & coactus famulatus est in prelo? Deus nobiscum amice egit, amorem ideo exigit; virtus siquidem filia est libertatis, non autem necessitatis: Non ergo contradicamus creatori, nec sciscitemur, cur ita fecerit; bene ergo concludat S. August. lib. 4. de ciu. cap. 27. *Noluit Deus libertatem ab Angelorum & hominum potestate auferre, ut quantum mali eorum superbia, & quantum boni sua gratia valeret, palam ostenderet.*

At inquis, nunquid ad maiorem Dei gloriam cederet, quod non offenderetur; conueniens ergo fore ut peruersæ peccatoris voluntati renitteretur.

Respondeo ex prædictis, Deum omnia propter semetipsum esse operatum; gloriam enim suam, vel finem creatorum, singulariter affectat, ut in creatione ipsorum perfectiones diuinæ mirabiliter elucescant. Errat potentia in productione specierum, Sapientia & Prouidentia in dispositione & gubernatione; Bonitas in diuersitate perfectionum naturalium cuiuslibet speciei & indiuiduo inditarum manifestatur: Restabat Iustitia, ad hoc producta est creatura sui potens, & libera, quæ bonum & malum indifferenter amplecti potest, quæ, cum deuiat aut dehiscit à prima regula, commouet Iustitiam ad illationem pænæ correspondentis culpe.

Acquiescat ergo creatura libera mandatis, vel iugum exentiat, hæc omnia cedunt ad Dei gloriam, differenter tamen; nam magnificatur Misericordia & Bonitas in præmiando, & glorificatur Iustitia in impiorum suppliciis; quouis ergo modo agatur, elucet Creatoris gloria, iusti & æqui non minus in reprobatione & condemnatione reproborum, quam in exaltatione & glorificatione iustorum.

Sat superque est Deo præparasse, & dedisse hominibus sufficientia media auertentia à malo, suam scilicet legem & gratiam; unde nemo imputare potest Deo, si damnatur; nam, ut ait Ezechiel cap. 33. *Vno ego, nolo mortem impij, sed ut conuertatur.* Et ideo pro omnibus generaliter dignatus est mori. *Ipsè est propitiatio pro peccatis totius mundi.* 1. Ioan. 2.

Urgebis; Deus potest impedire malitiam peccatoris, id verò non facit; ergo vult ipsum peccatum; si autem illud approbat; ergo & illud facit.

Respondeo, ex vera & sincera propositione duas ineptissimas & falsissimas erui conclusiones; verum equidem est, Deum permittere peccata, idque ad maius bonum; etroncum autem est, quod ipsa aut velit aut faciat; quia verumque repugnat infinitæ eius bonitati: ex permissione autem non sequitur approbatio & complacentia in peccato; Permissio enim non est sufficiens causa ad consummationem peccati, cuius productio positivum actum voluntatis exigit, cum ipsa sola sit causa effectiua illius; At permittere non est effectus positivus voluntatis, sed tantum suspensio actus sui; unde sequitur, quod cum Deus finit illud perpetrari, nec ipsum velit, nec faciat villo modo; nam ut testatur Sapientia cap. 14. *Odio est Deo impius & impietas eius, qui nemini mandauit impiè agere.*

*Nuda per-
missio Dei
non est causa
peccati.*

Res mira, mundus totus est in peccatis, & homo peccato delectatur; illud tamen onerosum & horribile credit, ita ut quilibet illud in alium refundat. Quidam, ait Seneca, *incusant malitiam sæculi, quæ in dissolutionem inclinet, alij influentia cæli præcipitante in peccata, alij demonem instigantem arguunt, excusantes se demon ipse super hominis voluntatem, dicent, ait S. August. Licet delectatus sim super furore peccantium, tamen non attuli vinum.*

Sed impudentiores profecto, qui Deum complicem suorum scelerum faciunt. Plato tales blasphemos in Republica sua tolerare noluit, sed lege sanxit, ut tanquam pestes terribiles ultimo afficerentur supplicio, dissonum quippe est omnino & aduersarium rationi, summum bonum de summo malo, quod est peccatum, accusare; cum enim peccatum sit defectus, & peccare sit deficere, formaliter id supremo enti repugnat; plenitudo enim perfectionis malum absolute excludit ab ipso. Tum peccatum nihil habet positivum in se, cum sit pura priuatio, & defectus rectitudinis debet in esse operationibus nostris; hinc sequitur Deum (qui est lex, regula, rectitudo, & mensura omnium, qui nec superiorem habet, à quo legem, regulam, & mensuram accipiat, non posse villo modo velle aut facere peccatum; quare omne, quod Deo placet, eo ipso solo iustum & sanctum est.

Instabis; dato, quod Deus nolit peccatum, & ut videre est, peccent homines; ergo hic aliquid contra voluntatem Dei, quod repugnat Scripturæ alludenti, *Non est qui possit resistere voluntati sue.*

Respondeo ex S. Damasc. lib. 2. de fide c. 20. voluntatem Dei distingui in antecedentem & consequentem. Antecedens est, quæ Deus vult aliquid ex beneplacito suo absolute nulla habita ratione circumstantiarum, quo pacto vult omnes saluos fieri & non peccare. Consequens est, quæ vult aliquid non secundum se, sed habita circumstantiarum & naturæ rerum, ratione, cuius contrarium vellet, si non essent tales circumstantiæ; sic vult homines peccare, quia ipsi ut liberi ad hoc voluntarie se determinant: voluntas hæc dicitur Permissio nuda; quia nihil operatur in nobis, nec mouet voluntatem

voluntatem hominis, sed eam relinquit in manu consilij sui.

*Calvin. ex-
plaudis permis-
sionem voluntatem.*

Calvin. lib. 1. Institut. cap. 181. §. 1. reprobat hanc nudam permissionem. Satis superque ait, loquetur nugari eos, & ineptire, qui in locum providentia Dei nudam permissionem substitunt, ac si in specula sedens, expectaret fortuitos euentus, atque ita eius iudicia penderent ab hominum arbitrio. At si nulla admittitur differentia inter voluntatem expressam Dei, & permissionem, soluat ipse argumentum iamdudum ei propositum. Lutherus affirmat se esse Prophetam Dei. Catholici contrarium affirmant; necesse ergo est, aut quod Deus velit & aliud permittat, uti Catholicorum est sententia orthodoxa.

Distinctio hæc in velle absolutum, & simplicem permissionem, habetur passim apud Patres, vnum pro omnibus præfero. S. August. in Enchir. cap. 100. *Magna opera Domini exquisita in omnes voluntates eius, ut miro & ineffabili modo non fiat præter eius voluntatem, quod etiam contra eius sit voluntatem; quia non fieret, si non sineret, nec vtiq; nolens finit, sed volens: Quia autem S. August. hic docet quæ fiunt contra voluntatem Dei, non vtiq; fieri præter eius voluntatem, & addit, non vtiq; finit nolens, sed volens, dicendum est verba permittere duo significare, volitionem & nolitionem si fas est sic loqui, velle rem esse, & nolle impedire causam eius. Ad hoc occurrit appositè doctrina Aristotelis, quod negationes præcedunt affirmationes, & privatio formam, ita ut bonum, antequam bonum sit, prius fuerit non malum; similiter malum ante sui existentiam fuit non bonum: Quo supposito verbū permissionis exprimi debet per negationes, postea per affirmationes, scilicet velle ex vna parte non extare malum, ex alia autem, velle quoddam homo suo utatur libertatis arbitrio: Et hoc significat S. August. quod Deus finit volens, id est vult permissionem, sed non sequitur eum velle rem permissam, imò sequitur eam nolle, cum leges & penas decernat in eos.*

Dices, posito, quoddam Deus permittat malum, quod posset impedire, idem licebit homini, etsi ob stare possit, sic enim Deum imitatur.

Respondeo negando consequentiam. Primum quia Deus hoc tantum facere debet, quod facit, cum sit ipse regula æqui & boni; tum quia reliquit hominem in manu consilij sui à principio, cui consequenter violentiam inferre non debet; præterea non potest homo reparare mala, quæ fecerit alius, solius est Dei ut omnipotentis de malo facere bonum: Ad hæc imitandus est Deus in iis tantum, quibus se nobis exemplarem causam præbuit, non in iis, quibus vti causa efficiens aut finalis habetur, & in quibus omnipotentiam solam manifestare voluit, cuiusmodi est permissio peccati.

Dices Scripturam referre ad Deum non solum permissionem, sed motionem, impulsam, excitationem, & indurationem in peccato, v. g. Exod. 9. de Pharaone, *In hoc excitante, ut ostenderem virtutem meam, & annuntiaretur nomen meum in universa terra; quod Paulus explicans Roman. 9. ait, ergo qui vult*

Carriere in Professionem Fidei.

Deum miseretur, & quem vult indurat; cum ergo Deus excitavit Pharaonem ad rebellionem, sequitur eum velle peccatum: Elai. 63. quare nos fecisti errare de viis tuis, indurasti nos ne timeremus te. 2. Reg. cap. 16. Dominus præcepit Semei, ut malediceret David. Iosue 11. sententia Dei fuit, ut Chananei indurarentur & nullam inuenirent clementiam sed perirent. Esa. 13. suscitabo Medos qui sagittis parvulos interficient.

Resolutio Theologorum hic adducenda esset, Quoddam Deus nullo modo voluntatem nostram physicè prædeterminet ad actus malos, ut edixit Concil. Arausic. 1. cap. 25. & Trident. sess. 6. cap. 6. damnat eos, qui dicunt Deum operari mala opera, non solum permissivè, sed etiam propriè, & per se, quod certè esset, si decreto suo absoluto statueret, ut mala fierent, & si ad illa perpetranda determinaret physicè voluntatem, nec valet responsio Thomistarum, qui dicunt ideo Deum non esse causam peccati, quia prædeterminat tantum ad entitatem, & substantiam rei, seu ad actum, ut actus est; Verum hæc responsio gratis conficta est, quia quod per se directè est causa, ut ponatur aliquid, consequenter est causa, ut ponatur aliud, quod cum eo necessariò & inseparabiliter est coniunctum; At malitia est inseparabilis à substantia & entitate peccati, prout ista hic & nunc ponitur ab homine rationis compote; Ergo si Deus est causa, quoddam homo in iis circumstantiis ponat entitatem & substantiam peccati, consequenter est etiam causa, quoddam formale peccati ab eo ponatur, eò vel maxime; quia quando Thomistæ dicunt Deum determinare ad actum primum ut actus est, non loquuntur de generica ratione actionis, quæ, ut sic, non est mala, sed de tali actu in specie, ut est v. g. Odium Dei, aut blasphemia, qua ratione malitiam essentialiter, adeoque inseparabiliter coniunctam habet.

Tum si dæmon dicitur causa peccati, quatenus te inducit ad actum primum variis suasionibus, quas facillè cum diuino auxilio potes repellere; Quamò magis Deus dicitur causa peccati, si te physicè prædeterminat ad actum malum, si positiuè, & actiuè, & non tantum permissivè te indurat.

Imò si tu es ipse causa peccati, quatenus te determinas ad actum malum, à fortiori Deus erit causa peccati, si non te determinas ad talem actum nisi iam ab illo ad eundem actum prædeterminatus.

Nota Deum non sic vti prauis hominibus ad alios debellandos, aut affligendos, ut eos prædeterminet ad eiusmodi actus, sed partim; quia permittit, ut mali aliis noceant, partim; quia iusto iudicio eos, quibus infertur nocumentum, deserit, non dans eis adiutorium, quo malum imminens caueant.

Ad allata Scripturæ loca. Respondeo Deum excitare homines ad bonum, & ad malum, diuersè tamen; Ad bonum positiuè, directè, & ex seipso, inclinando voluntatem humanam ad bonum. Ad malum verò occasionaliter, & per accidens, in quantum interius vel exterius mouet voluntatem, proponendo ei aliquid, quod per se bonum est, aut saltem indifferens, sed ipso abutitur homo per malitiam suam, & vertit in malum, sic intelligendus

L dus

duſ eſt Iob. 14 *Dedit illi Deus locum poenitentia,*
& ille abſtitit eo in ſuperbia. Sic ergo Deus ex-
 citat hominem ad proſequendum aliquod bo-
 num, vt dum mouet ad militiam, ad ſtatum
 Eccleſiaſticum, imò aliquando ad vitam regu-
 larem; In his homo ſæpè proficit aliquandiu,
 ſed finaliter ingratus vocationis, & gratiarum
 deſectit, corrumpitur, inflatur; hinc perit &
 damnatur, in hoc ſenſu poteſt dici motus à
 Deo ad ſtatum, in quo vindictam diuinam, &
 flagella portabit. Sic Deus inſpirat Pharaoni
 deſiderium conſeruandi ſtatum ſuum contra
 quoſlibet inuaſores, ſed infelix princeps dece-
 ptus, vel perſuaſione adulatorum, vel mini-
 ſtrorum regni credit periculum ſibi imminere
 ab Iſraëlitis, qui ad oculum nimis augeban-
 tur. Hinc occaſionem accepit opprimendi eos
 commutando naturale illud & iuſtum conſer-
 uationis deſiderium immiſſum à Deo, in cru-
 deliſſimam tyrannidem; vnde dicitur in Scri-
 ptura, quòd Deus excitauit eum ad rem, vnde
 experietur ſeueritatem iudiciorum eius.

Dic alio modo locum hunc Scripturæ com-
 mendare bonitatem & longanimitatem Dei,
 quæ peccatorem, vel Pharaonem non puniuit
 morte in primo rebellionis actu, ſed eum ſtu-
 pidum & thorum habentem in delicto, exci-
 tauit, & excuſſit per repetita flagella, quibus
 finaliter abuſus eſt, & induruit, vt incus ſub
 malleo. Scriptura videtur hæc ſonare, dignus
 eras morte à primo reatu perpetrato, ſed nolui
 damnare imò vitam produci: huculque te to-
 tum in nouis peccatis excitaui & commoui
 per flagella, quæ emollire poterant cor aggra-
 uatum, illudque ad poenitentiam flectere, niſi
 ex propria tua malitia induruiſſes.

Hinc elucet ſuprema Dei bonitas, quæ &
 impiorum reſpicit, vocando eos ad poenitentiam
 per rigorem flagellorum, quando dulcedine
 cœleſtium inſpirationum non emolliuntur.

Locus Eſai, qui imputat Deo datam cauſam
 peccati, nihil aliud ſignificat, quàm popu-
 lum habuiſſe bonorum redundantiam, quæ er-
 rare eum fecerit de viis Dei.

*Expoſitio diſ-
 ſeſium Scri-
 pturæ locorū.*

Locus Iſaie priuationem ſoli natalis, &
 mortem tantum corporalem exprimit, quam
 Chananzi iamdudum merebantur, ob idolo-
 latriam & alios exceſſus.

Quantum ad Semei, hunc ex propenſione
 naturali affectum Sauti certum eſt: vnde ma-
 ledixit Dauid, quem credebat ſubuerſorem re-
 gni eius, & cauſam mortis; dum ergo Dauid
 dicit, *Dominus præcepit ei*, nihil aliud ſigni-
 ficat, quàm affectum naturalem Semei verſus
 principem, (cuius affectus author eſt Deus)
 neceſſitudinis enim probata & ſancta cuiusvis
 principum & cauta eſt Deus, mouere illum
 ad maledicta; ſic ergo Scriptura docet Deum
 mouere hominem & excitare ad delicta, quia
 operatur circa ipſum bona ex ſe quibus abu-
 tuntur impij in damnum ſuum.

Inſtabis; Cur operatur hæc ceſſura in
 damnum licet ea proprio hominis abuſu.

Reſp. nihil inde in præiudicium bonitatis
 diuinæ inferre poſſe legitime; nam Deus non
 tenetur auertere aut impedire per potentiam
 ſuam abſolutam quæcunque præſcit & præui-
 det mala; non enim habet ſuperiorem à quo
 talem accipiat legem; nam ipſe ſibi lex, &
 regula ipſa Dei Ratio eſt. Competit id homi-

nibus, quibus leges præſcribunt auertere &
 impedire pro vitibus peccata.

Concludo ergo non debere imputari Deo
 peccatum; nam licet conferat aliqua dona ho-
 mini; v.g. opes, motus aliquos externos, vel
 internos, ex quibus anſam & occaſionem de-
 ſumit peccandi, tamen non dat malum volun-
 tatem, nec quicquam inſpirat malitiæ; cum
 ex ſummo bono malum procedere nequeat.

Quòd ſi ruina peccatoris attribuitur inter-
 dum Deo ex Scriptura ipſa; intellige non tan-
 quam cauſa, ſed vt occaſio tantum; quia ſci-
 licet aliqua contulit, vnde occaſionem peccan-
 di accepit. Adagium philoſophicum, *Quod ſi
 cauſa cauſa eſt cauſa cauſa*, valet in neceſſario
 connexis; at hic homo non patitur violentiam;
 quòd ſi & vulgariter dicitur, qui occa-
 ſionem ruinæ dat, reus eſt, & cauſa eius. Re-
 ſpondeo, id dumtaxat verum cum determina-
 tæ voluit, & intendit ſubuerſionem illius, quem
 in tali poſuit procinctu; id autem nequaquam
 Deo competere poteſt; nam cum nunquam le-
 gatur ipſum creari hominem ad ruinam, ita
 nec quicquam operatus eſt ad præcipitium, &
 ruinam eius, imputetur homini, qui ex pra-
 ua voluntate peruerſit intentum Dei, & quòd
 bonum dederat deſectit in malum.

Quæres, an ordo Providentiæ certus & in-
 fallibilis ſit?

Reſpondeo, id non poſſe verti in dubium,
 vt autem infallibilitas hæc intelligatur. Nota
 Deum eſſe rerum omnium creatorem & cau-
 ſam; eſt enim primum eſſe, à quo omne eſſe
 dependet, conſequenter ordo providentiæ eius
 omnia complectitur, vt conſeruentur, & ad
 vltimum ſinem ſuum dirigantur; Quæli-
 bet autem Providentiæ duo dicit, præmedi-
 tationem ordinis inſtituendi, & executionem
 illius, ſed differentia eſt inter has duas partes
 providentiæ, quòd quantum magis ſublimis &
 acutus eſt intellectus prouiſoris, tantò vniuer-
 ſalius & ſigillatim intelligat ea, quæ ſubiunt
 directioni ſuæ vſque ad minima.

At quantum ad executionem, aliter planè
 ſe res habet; quantum enim ſupremus eminenti-
 ſſime eſt gubernator, tantò minus per ſeipſum
 curat minima; hæc enim officialibus & mini-
 ſtris reſignat.

Dux hæ partes providentiæ elucet emi-
 nentiſſime in Deo, ita vt ex ſcripto immediate
 omnia ordinet à ſine vſque ad ſinem, à primo
 Angelo ad vermiculum, & folium arboris,
 cum autem non competat infinita ſuæ maieltati
 mandare immediate executioni quæcum-
 que decreuit, cauſæ ſecundæ ad hoc mini-
 ſtrant ei; vnaquæque enim facit verbum eius
 ex officio.

Hoc ſuppoſito; ſequitur inconcuſſam & in-
 uiolabilem eſſe Providentiæ ordinem, nullum-
 que extare agens, quòd exemptionem volun-
 tatis diuinæ impedire poſſit; Conſequenter
 Providentiæ perſtat infallibilis. Ratio hoc ſua-
 det; nam quælibet actiua & paſſiua agentium
 virtus dependet neceſſario ab ordine & diſpo-
 ſitione diuinæ providentiæ, eſt autem impoſ-
 ſibile præfixum euertere ordinem; ergo inua-
 riabilis eſt.

Tum providentiæ hæc à Deo eſt orbis recto-
 re, nec alium poteſt habere; Deus autem im-
 mutabilis eſt, quadriſariam. Primò, quia per-
 ſectiſſimus

*Providentiæ
 duo includit
 ſcilicet præ-
 medi-
 tationem
 & executionem.*

fediffimus est, nec quicquam noui habere potest. Secundò, immensus est, cœlum & terram replet, ab utroque non definitus. Tertio, est æternus, & qualibet amplectitur differentias temporis, præteritum, præsens, & futurum. Quarto, sapientissimus est, qui prudentia mundum creauit; vnde nihil reformandum, aut reparandum reliquit: Cùm ergo creaturæ manere debeant in ordine suo, nec possint ab eo diuelli, nec Deus mutare nolit ordinem, is re vera infallibilis & constantissimus est.

Dices, ad quid ergo indicuntur supplicationes, & oratio religiosè frequentatur in Ecclesia, si Deus v. g. ordinauit me infirmum, & vexandum tali morbo, aut oppressione, vt quid ad eum clamabo; si enim exaudiat, & ad supplicationes flectatur, diuelleretur Providentia ab infallibilitate; quæ si in ea peritat; vana & inutilis erit oratio mea.

Respondeo, quodd sicut Providentiæ infallibilitas non imponit necessitatem rebus, quas ipsa ordinat, ita nec excludit orationes, quæ ad ipsam diriguntur; nam non idè oramus Deum, vt dispositionem æternæ suæ Providentiæ immutet, (hoc enim absolutè est impossibile) sed oramus, vt digni efficiamur, vel vt dignos ipse nos faciat obtinendi ea, quæ per orationis meritum concedere determinauit.

Oratio nostra non mutat ordinem Providentiæ, cum exaudiat.

Deus enim non simpliciter ordinauit fauores suos impertiri, sed constituit, vt ipsos requiramus: Ita ergo preces nostræ & gratiæ, quas assequuntur, includuntur in Providentiæ ordine; Gratiæ dare paratus est equidem Deus, ea tamen conditione, vt eam petere non desinamus; congruè enim bonitas diuina flectitur ad orationes nostras, non tanquam potentiz eius vim inferendi capaces, quæ immobilis est, sed in hoc elucet clementia, quæ votis supplicantium annuit & facit, vt petitur; Quodd si sæpè non exaudit, detur petentis indispositioni, & indignitati, qui bona malè petit, vel nociua petit: Hinc S. August. *Bonus Dominus, qui non tribuit sapè, quod volumus vt quod mallems attribuat, seu quod vtilius est.* Sic Paulo liberationem à tentatione petenti dictum, *Sufficit tibi gratia mea.* Loc. Iob. 14. *Qui Deum inflexibilem in prerogatione vira hominis dicit.* Isaia; 3. variabilem demonstrans ob prerogationem Ezechiz Regi concessam, expositus est, in quæst. de immutabilitate Dei; vide ibi.

Præfator vniuersalis non debet excludere quodlibet malum particulare.

Obiectio generalis contra Providentiam. Omnis sapiens prouisor excludit quantum potest omne malum, & defectum ab his, quorum curam gerit; videmus autem multa mala esse in rebus; aut ergo Deus ea impedire non potest, & sic non est omnipotens; aut non habet curam de omnibus, vt Iob. 22. Eliphaz refert.

Respondeo, quodd maior vera est de prouisore particulari, sed non de vniuersali; quia particularis excludit defectum prouisi, quantum potest; sed prouisor vniuersalis permittit accidere aliquem defectum in aliquo particulari ad maius bonum; ne impediatur bonum totius vniuersi; vnde corruptiones & defectus in rebus naturalibus dicuntur esse contra naturam particularem; sed tamen sunt de intentione

Carriero in Professionem Fidei.

ne naturæ vniuersalis; in quantum defectus vnius cedit in bonum alterius, vel etiam totius vniuersi; nam corruptio vnius est generatio alterius, per quam species conseruantur. Cùm igitur Deus sit vniuersalis prouisor totius entis, pertinet ad ipsius prouidentiam, vt permittat quosdam defectus esse in aliquibus rebus particularibus, ne bonum perfectum vniuersi impediatur; si enim omnia mala impedirentur, multa bona deessent in vniuerso; non enim esset vita Leonis si non esset occisio animalium, nec esset patientia Martyrum, si non esset persecutio Tyrannorum; vnde August. in Enchirid. *Deus omnipotens nullo modo permetteret aliquod malum esse in operibus suis, nisi adeo usque esset omnipotens & bonus, vt benefaceret etiam de malo.*

Q V A E S T I O XXVII.

De Prædestinatione, quid illius, & Reprobationis nomine intelligi debeat, & an sit?

PRædestinatio, si vim nominis spectes, idem est, ac præcedens destinatio; Destinare autem, est vel aliquid omnino apud se statuere, (vel vt dicit S. Thom. 1. p. q. 2. art. 1.) aliquid ad finem designare aut transmittere.

Huius autem vocis sic intellectæ duplex acceptio apud Sanctos Patres inuenitur. Vna lata & minùs propria; pro ordinatione rationalis creaturæ facta à Deo in quemlibet finem, siue in beatitudinem, siue in damnationem; quosensu S. August. lib. 15. de ciuit. cap. 2. dicit: *Ciuitatem Dei esse prædestinatam ad gloriam, ciuitatem verò diaboli ad ignem æternum prædestinatam.* Altera stricta & propria; pro sola ordinatione rationalis creaturæ ad beatitudinem & vitam æternam. Et hoc sensu communiter, tum in Scripturis, tum apud Sanctos Patres sumi solet, vt ex dicendis patebit.

Prædestinatio dupliciter sumitur.

Cùm autem hæc diuina ordinatio sit ab æterno, ac proinde omne tempus præcedat, idè dicitur præordinatio, & prædestinatio dicitur, ita vt particula *pra*, nihil aliud significet, quàm antecessorem durationis, seu æternitatis ad tempus; vt docet Alensis 1. part. quæst. 28. memb. 8. & alij; vnde dicit eo sensu Apostolus Ephel. 1. *Elegit nos in ipso ante mundi constitutionem.* & Rom. 8. *Quos præsciuit, & prædestinavit.* vbi simul iungit & accipit in eodem sensu præscientiam, & prædestinationem; Est autem euident particula *pra*, in verbo *præsciuit*, significare tantum antecessorem ipsius scientiæ diuinæ, secundum durationem; id est Deum scire res antequàm existant; vnde sequitur particula in voce prædestinationis eodem modo esse accipiendam.

Et sic dicendum est, quodd Prædestinatio nihil est aliud, quàm æterna & omne tempus præcedens destinatio, qua Deus ante mundi constitutionem creaturas aliquas ad gloriam & beatitudinem æternam elegit & destinauit.

De Fide est dari Prædestinationem, seu quodd Deus aliquos prædestinavit ad finem vltimum assequendum, qui est possessio æternæ gloriæ,

gloriz, idem dicendum de Reprobatione, scilicet quodd Deus aliquos verè reprobauerit.

Veritas hæc expressè habetur in scripturis, Rom. 8. *quos prædestinavit, hos vocavit, & iustificavit, &c.* Ephes. 1. *prædestinavit nos in adoptionem filiorum per Iesum* in eodem capite, *in quo sumus prædestinati secundum propositum eius.* Pro Reprobatione Sap. 9. *noli me reprobare à pueris tuis.* Heb. 12. *Esau reprobatus est: non enim invenit penitentia locum.*

Eadem veritas etiam asseritur à SS. Patribus, præsertimque à S. August. in toto libro de prædestin. sanctorum & alibi passim.

Prædestinatio est pars Providentia.

Ratio etiam suffragatur; quia in Deo est Providentia, ut probatum est, ergo & Prædestinatio, quæ est pars eius; pertinet enim ad providentiam ordinare res creatas ad finem, finis autem, ad quem res creatæ ordinantur, duplex est; Vnus, qui excedit proportionem & facultatem naturalem naturæ, & hic pro creatura rationabili est vita æterna; alius, quem res creata potest attingere secundum virtutem suæ naturæ; ad illud autem ad quod non potest aliquid virtute innata pervenire, oportet quodd ab alio transmittatur, sicut sagitta à sagittante mittitur ad signum; unde propriè loquendo rationalis creatura, quæ est capax vitæ æternæ perducitur ad ipsam, quasi à Deo transmissa, cuius transmissionis ratio in Deo præexistit, sicut per providentiam Ratio ordinis omnium in eo præexistit. Ratio autem rei faciendæ existens in mente aëtoris, est quædam præexistentia rei in eo; ideoque hæc Prædestinatio dicitur soli aëtori nota; quia quæ Dei sunt, nemo novit nisi ipse revelaverit. Tum fide divinâ certum est, quosdam salutem æternam consequi; certum ergo etiam esse debet Deum iis gratiam & gloriam illam ab æterno præparasse, cum Deus in tempore nihil faciat, quod ab æterno non decreverit facere.

Contrà cum certum sit multos gratiæ Dei deesse, & mori in peccatis, ideoque gloriam non consequi; certum est etiam Deum ob peccata illorum prævisa & impenitentiam finalem decrevisse eos à gloria æterna excludere.

Definitio Prædestinationis à scholasticis datur hoc modo. *Decretum absolutum, quo Deus aliquos homines, vel Angelos elegit ad gloriam.* S. August. sic definit. *Præordinatio alicuius ad gloriam vel Propositum miserendi, vel Preparatio gratia in præsentis & gloriam in futuro, vel ut ait in lib. de perseverantia cap. 4. Præscientia beneficiorum Dei.* Quomodoque autem definiatur, semper est actus Voluntatis divinæ; seu voluntas beneplaciti, quæ dicitur dilectio, Electio, Propositum, Prædefinitio.

Hunc autem voluntatis actum, seu hanc electionem præcedit actus intellectus divini, seu scientia simplicis intelligentiæ, ex quo vel supposito vel incluso, Prædestinatio aliquando dicitur Præscientia, vel providentia, vel aliquo nomine relato ad intellectum; Itaque Prædestinatio propriè est actus utriusque simul. Intellectus & voluntatis; hunc utrumque conjungit S. August. lib. de bono perseverantia, cum dicit, quodd *Prædestinatio est præscientia & preparatio beneficiorum Dei; quibus cer-*

tiissime liberantur quicumque liberantur. Ad hæc.

Nota duplicem in Deo considerari scientiam; uti obiecta illarum sunt in duplici differentia. Quædam enim sunt tantum possibili, & non futura. Quædam suntabilia, & in aliqua temporis differentia futura. Quæ tantum possibili sunt Deus cognoscit per scientiam simplicis intelligentiæ ante decretum, quo voluntas sua eligat aliquid velle esse futurum. Possibilia verò futura Deus intelligit per scientiam visionis, quæ uti futura refulcent in essentia divina, vel videntur in decreto divinæ voluntatis; nihil enim est futurum, nisi post decretum Dei; Non ergo est in Deo scientia visionis in Ordine Prædestinationis prius, quàm fuerit decretum, & ipsa Prædestinatio Petri, v. g. vel Pauli, nam ideo Res sunt futuræ, quia Deus vult eas esse futuras, & non ideo vult, quia sunt futuræ; unde quia talis actus est liber, Prædestinatio in Deo est absolute libera, esto illa scientia præcedens sit necessaria, saltem supposita veritate obiecti; hic Nota in quo Prædestinatio & Providentia conveniant & discrepent inter se; Conveniunt, quodd Providentia etiam complectitur actus intellectus & voluntatis, discrepant verò, quia materia Providentiæ latius patet, quàm Prædestinationis. Tum quia Prædestinatio infallibiliter obtinet suum finem particularem in quolibet prædestinato.

Quid fides Catholica de Prædestinatione reprobatione credendum proponat præcipuas hic veritates circa hoc duplex mysterium fide catholica credendas cum oppositis erroribus ab Ecclesia proscriptis & damnatis breviter proponamus; reliqua verò, quæ ad eandem materiam spectant deinde exponemus.

Posito ergo quodd credere dari in Deo prædestinationem ac reprobationem sit de fide, uti iam dixi.

Dico esse præterea credendum, nullam omnino dari ex parte prædestinati causam prædestinationis, si hæc sumatur, prout comprehendit non tantum electionem ad gloriam, sed etiam præparationem omnium gratiarum, seu decretum conferendi omnia gratiæ auxilia, ac proinde etiam primam gratiâ, quâ Deus ipsum prædestinatum prævenire & excitare decrevit.

Hic veritati oppositi sunt varij errores.

Primus fuit Origenis, qui asseruit lib. 1. Periarchon cap. 8. Deum ad prædestinationis gratiam homini conferendam moveri propter bona opera, quæ anima antequam eius corpori uniretur, exercuit; existimabat enim animas omnes ante hunc mundum corporeum simul fuisse creatas.

Hunc errorem refellit S. Thomas quest. 23. art. 5. autoritate Pauli Rom. 9. ubi Iacob electum, & Esau reprobatum dicit, *Cum nondum nati essent, aut quidquam boni vel mali egissent.* Quod autem dicit animas ante mundum corporeum fuisse creatas hoc ab Ecclesia damnatum fuit in Concil. Later. sub Innoc. III. sess. 8.

Secundus error fuit Pelagianorum, qui asseriebant hominem bonis operibus per solas naturales arbitrij sui vires factis gratiam & & prædestinationem posse promereri. Hanc illorum hæreticorum sententiam explicat S. Aug. lib. de prædestinat. Sanct. c. 18. his verbis. *Præsebat Deus, ait, Pelagianus, qui futuri essent sancti*

sancti, & immaculati per libera voluntatis arbitrium: ideo eos omnes ante mundi constitutionem in ipsa sua praescientia, quia tales futuros esse praesciuit, elegit. Et quamvis interdum Pelagius, ut veritati fucū faceret, & Ecclesiae damnationem effugeret, verbis magnificis gratiam commendavit, nunquam tamen ex animo pristinum errorem retractavit, sed illum variis verborum inuolucris obregere seper conatus est; ut patet ex S. August. toto fere lib. de gratia, ac praesertim ex cap. 3. 4. 6. 7. 9. 41. 42. Quod in tractatu de gratia fufius explicabitur. Vbi ostenditur hunc errorem à summis Pontificibus Innocentio, Zosimo, & Celestino & a Concilio Mileuitano Carthaginensi & aliis dñatū fuisse.

Eius certe fallitas manifestè reuincitur ab eodem S. August. lib. cit. ex illis Pauli verbis Ephes. 1. Elegit nos in ipso ante mundi constitutionem, ut essemus sancti & immaculati; ex quibus sic concludit. Non ergo quia futuri eramus, sed ut essemus sancti: ideo quippe tales eramus futuri, quia elegit ipse praedestinans, ut sales per gratiam eius essemus.

Errori Pelagianorum affinis fuit error semipelagianorum & Massiliensium: qui licet faterentur nos sine gratia non posse salutem aeternam consequi (in quo à Pelagianis distindebant) existimabant tamen Deum hanc nobis conferre gratiam decreuisse ab aeterno, intuitu & occasione alicuius boni operis, vel saltem alicuius boni desiderij, seu conatus nostrae voluntatis per naturae vires elicitij; unde Cassianus huius sententiae praecipuus assertor lib. 2. de institutis renuntiantium cap. 14. dicebat, *Dei misericordiam praesto esse occasione tantummodo bona voluntatis à nobis oblata, & collatione* 13. cap. 13. *Ob id solum Deum exigere vel expectare ad suam gratiam tribuendam quosdam bona voluntatis conatus ne penitus dormientibus aut initio dissolutis sua videatur dona conferre.*

Refelluntur hi errores, & simul nostrae fidei veritas probatur 1. auctoritate Scripturae 2. ad Timoth. cap. 1. *Vocauit nos vocatione sua sancta, non secundum opera: sed secundum proposuitum suum* 1. Corinth. 4. *Quis te discernit: quid habes, quod non accepisti?* 2. Corinth. 3. *Non sumus sufficientes cogitare aliquid ex nobis, tanquam ex nobis sed sufficientia nostra ex Deo est.*

Probatur 2. auctoritate Concil. Arausici 2. canone 2 in quo anathema profertur in eos, qui dixerunt. *Deum expectare nostram voluntatem, quā velimus à peccato purgari, non autem per Spiritum Sancti inspirationem fieri, ut etiam purgari velimus.* Et canon. 25. *Hoc etiam profitemur, quod in omni opere bono nos non incipimus, postea per misericordiam Dei adiuvamur: sed ipse nobis nullis praecedentibus meritis fidem & amorem sui inspirat.* Ex quibus Concilij & Scripturae verbis, cum constet nos primam gratiam promereri non posse; constat etiam praedestinationem, prout illam primam gratiam complectitur ex nostris meritis nullam provenire.

Probatur tertio, ex eo quod praedestinatio paruulorum, qui ab hac vita statim post susceptum baptismum rapiuntur, ex pura Dei misericordia pendet, non verò ex vllis eorum meritis; neque enim audiendi sunt illi, quorum meminit S. August. in lib. de praedest. San-

ctorum cap. 12. qui dicebant paruulos illos fuisse praedestinos propter opera bona, quae facturos illos, si diutius vixissent, ipse praeuiderat; ut enim rectè docet S. Augustin. loc. cit. *Omnes homines à Christo indicandi sunt* (ut ait Apostolus 2. Corinth. 5.) *Secundum propria corporis, id est prout in hac vita corporali se gesserint.* Et praeterea si ita esset, ut illi dicebant, parum prodesset iusto rapi antequam malitia mutaret intellectum eius, ut dicitur, Sap. 4. & è contrà multum profuisset Tyriis, & Sidoniis fuisse in Christum credituros, si eius signa vidissent; siquidem isti ob illam fidem & poenitentiam praeuisam, quamvis actu non extiterit, praemium a Deo accipere meruissent; ille è contrà inconstantiae ac mutabilitatis illius suae à Deo praeuisae, quamvis actu non habuerit, poenas luere debuisset, quod utrumque à veritate & ratione alienum est.

Confirmatur exemplo Christi, qui sicut est caput, ita est omnium praedestinatorum exemplum, quos (ut ait Apostolus) ipse Deus praedestinavit conformes fieri imaginis filij sui, sicut enim Christus ut homo praedestinatus est, nullis praecedentibus meritis ut per hypostaticam unionem cum Deo esset filius naturalis Dei, ita etiam nos sine vllis praecedentibus meritis praedestinamur, ut simus Filij Dei adoptiui per gratiam; hanc rationem tractat eleganter S. Aug. li. de bono perseuer. c. ult. & alibi.

QVÆSTIO XXVIII.

An Praedestinatio sit ante prauiſa merita.

NOta in actu Praedestinationis praesupponit dilectionem & electionem; nā Praedestinatio praesupponit electionem; electio autem amorē, licet autem Praedestinatio, electio & dilectio, in Deo sint vnici simplicissimi actus, in quo nulla est prioritas, vel posterioritas realis, & à parte rei, sed tantummodo nostro concipiendi fingitur, prout se habet obiecta, super quae transit actus diuinus, obiecta enim quaedam sunt primo volita, & quadam non, quae dum diligibilia ex se, quaedam verò propter aliud, intellectus humanos nequit capere diuina in suo esse & perfectione, ideo ea distinguit, & cum ordine à ratione deducto concipit, ut facilius intelligat.

Sic ergo distinguentes actum electionis Dei dicimus esse actum voluntatis diuinæ, quo vult dare alicui vitam aeternam, vti per Ieremiam 31. *Dixit in charitate perpetua dilexi te ideo attraxi te miserans.* Amor ille Dei causa suprema est Praedestinationis, & origo omnium bonorum, quae possidemus: Contrarium autem contingit in dilectione, quae notatur inter creaturas, affectus enim, quo aliquem prosequimur, nihil in amato producit, sed bonum & meritum vel reale vel imaginatum praesupponit, sed omne bonum, quod in nobis notari potest, dependet essentialiter, & necessarid ab amore, quo Deus nos amat, unde sequitur ipsum esse primam causam praedestinationis nostrae, nullatenus autem conaturalis & proprium aliquod bonum seu meritum nostrum: Dilectionem hanc consequitur electio, quae aliquid dilectioni addit, voluntatem scilicet eligendi nos ad gloriam sicque

Separandi nos à numero reprobatorum, idque Paul. Galat. 3. notauit *segregauit me ex vtero matris meae*. Ioan. 15. *Ego elegi vos de mundo, ut fructum afferatis*, scilicet vitæ æternæ; in Scriptura fit mentio duplicis separationis bonorum à malis, prima est, qua Deus separat homines à malo, vt efficiat eos bonos, hæc autem in hoc loco Prædestinationem notat, alia est, qua separat malos à bonis, vt condignis & æternis puniat suppliciis.

Electiōnem hanc consequitur Prædestinatio, quæ electiōni addit voluntatem dandi efficax medium, idque est gratia perseuerantiæ finalis ad consequendam vitam æternam.

Quod autem Deus aliquem diligat, eligat, & segetet inter homines, & determinet dare ei media efficacia ad gloriam, pendet ex mera voluntate Dei libera, vti declarauit Exod. 33. *misererbar cui voluero & clemens ero in quem mihi placuerit*: id etiam reuelatum est Paulo Rom. 9. *Non est volentis neque currentis sed miserentis Dei*: id Christus docuit, Matth. 11. *Sic placitum fuit ante te*.

Ex his constat dilectionem, electiōnem, prædestinationem hominum nullam habere causam ex parte Dei prædestinantis, nisi eius solum arbitrium. Si ergo queritur, cur hunc Deus præeligit, aut prædestinat, vnica datur responsio, *Confiteor tibi Pater Domine celi & terra, quia abscondisti hæc à sapientibus & prudentibus, & reuelasti ea paruulis, ita, Pater quoniam sic placitum fuit ante te*.

Elucidantur hi, præfati Actus dilectionis, electiōnis, prædestinationis, exemplo familiari. Concipe Regem, qui reuoluat in mente nepotem vel alium posthac nasciturum, ex quo istius ideam habet, & successorem sibi eligit, eodémque instanti determinat se ad conferenda ei media, quibus dignè possit consequi coronam; itaque proponit eum ornare suo tempore omni virtutum genere, & liberalibus disciplinis, militari specialiter imbuere; hic notatur specialis dilectio, electio & prædestinatio ad coronam ante natiuitatem. Sic Deus ab æterno habet ideam prædestinati, hunc amat, eligit ad regnum, & media se daturum proponit.

Si quærās à Rege cur hunc diligat, eligat, & ad tantam destinet fortunam, sit, inquit, pro ratione voluntas: Ita de Deo dicendum. *Non ex operibus iustitia qua fecimus nos sed secundum magnam misericordiam suam saluos nos fecis*: Nulla ergo electiōnis prædestinatorum datur causa præter Dei voluntatem, quæ cum sit causa omnium, à nullo causatur.

Dices; ergo Deus est acceptator personarum.

Resp. quod non; iustitia enim distributiva ex æquo, locum duntaxat habet in iis, quæ ex debito conferuntur, sic qui plus laborauerit, ampliorem meretur mercedem; in iis autem, quæ liberaliter & misericorditer dantur, non attenditur iustitia distributiva; licitum est enim Domino facere, quod lubet, v. g. si ex pura gratia diuersimodè agat cum aliquibus, quibus non est debitor, vnique centum aureos, alteri vnum tantum det, nemini facit iniuriam, dum vni plus dat, vel si Rex duos mortis reos habens, vni gratiam misericorditer faciat, alterum supplicio afficiat, nequa-

quam iniustus; aut acceptator personarum dici potest, cum vterque mortem incurrisset per delictum; At omne genus humanum erat de massa perditionis, consequenter mortem æternam incurrerat; quod ergo aliquos ex ipso Deus eligat ad vitam, & alios commertit damnet pœnâ æternâ, penes eum est citra iniusticiam.

Quando autem quærīs, cur hunc diligat, eligat, prædestinet; si respondeam Deum ex mera sua voluntate id facere, cum ipsa sit sibi & omnibus ratio facti, & ratio omnium rationum, & ipsamet æquitas, timeo ne cum voluntatem diuinam magnifico. Ipsi inferam iniuriam; si enim nulla datur ratio electiōnis aliquorum, quàm ipsa Dei voluntas, nequaquam occulta erunt Dei iudicia, nec mirabilia opera eius.

Respondeo ergo ex S. Augustin. lib. 6. contra Pelagium *si hunc præscit & hunc prædestinat; hoc non agit malitia is, qui summè bonus est, sed summa iustitia, nec personarum acceptione, sed causarum secretarum dispensatione*. Itaque propositum illud & voluntas Dei æterna fundatur in æquissima ratione; nam vti Deus æternus est, ita & æternaliter rationabilis. Ratio autem prædestinationis hominum, nec totaliter manifesta, vel abscondita est; nam cum Deus omnia in sapientia fecerit, tam in generali, quàm in speciali rationabiliter, vt videre est in naturæ operibus, à fortiori & in iis, quæ spectant ad statum gratiæ, qui Deum perfectius imitatur.

Quærīs v. g. cur parat Deus terræ pluuiam. Ratio generalis respicit terræ vbertatem ad hominis prouentum; si autem specialiter queritur, cur abundantius hyberno tempore, quàm æstate pluuiat, ratio specialis desumitur ex abundantia vaporum. Sic cum queritur, cur Deus iustificet homines. Respondeo, id respicere manifestationem misericordiz. Si instatur cur non omnes saluat. Respondeo generaliter, vt iustitia diuina manifestetur; nec enim commendaretur clementia, & misericordia in perditione vniuersali, sicuti nec teneretur, aut exaltaretur iustitia in omnium saluatione.

Si autem specialem rationem quærās, cur hunc Deus præ alio prædestinet, impossibile est homini hoc declarare, cum Deus hoc tacuerit, & vtilius indicarit ignorari, quàm manifestum fieri, & id Paulus indicauit inscrutabile & incomprehensibile; vnde exclamar: *O altitudo diuinarum sapientia, & scientia Dei. Quis reuelabit, ait Tertull. quod Deus tacet; vnde & ignorare tutissimum est, præstat per Deum nescire, quod non reuelauerit, quam per hominem quod ipse præsumpserit, porro non amplius inuenire licet, quàm quod à Deo discitur, quod à Deo discitur totum est*.

Hic hæret S. August. dum specialem rationem prædestinationis, aut reprobationis hominum indagar, vt fatetur ipse ad Simplician. *In eligendis, ait hominibus ad gratiam, nihil intueor post examen, cum eligantur aliqui inter alios, nisi vel maius ingenium, vel minora peccata, aut pauciora, vel vitam honestiorem, sed cum hac statuero, me ridebit illo, qui infirma mundi eligit secundum beneplacitum voluntatis sue, abscondisti hæc à sapientibus & prudentibus, quia sic placitum*.

Nec

Nec mirere Lector studiose, si ex Scriptura nullam rationem electionis, aut reprobationis habeamus, præter meram Dei voluntatem, non sequitur inde non dari aliam, quæ taceatur, non enim negantur ea omnia, quæ tacentur, ut notat S. August. hæc autem ignoratur, ut in timore & tremore salutem nostram operemur; Si enim dicimus, quod reprobi repellunt gratiam, hoc verum est, sed si essent prædestinati, non repellerent finaliter, unde S. August. lib. de prædest. Sanctior. *Gratia*, inquit, *quæ occultè cordibus humanis attribuitur, à nullo corde respuitur, ideo quippe tribuitur, ut duritia cordium auferatur.* Concludo ergo cum ipso met tract. in Ioan. 16. *Noli velle diiudicare, quare hunc trahat, & illum non trahat, si non vis errare.*

Scoti Conclusio est electionem saluandorum ad gratiam factam esse absoluta & efficaci voluntate ante vlla præuisa eorum merita, & virtute illius electionis decreta & præparata esse à Deo omnia illa gratiæ supernaturalis auxilia, quibus electi ad opera bona illius gloriæ de condigno meritoria efficaciter excitarentur. Ita habet in 1. dist. 41. quæst. 1. quem Minoritæ, alique non pauci, ut Scot. Bellarm. Suarez sequuntur.

Probatur ex Scriptura, quæ aliquibus in locis videtur significare Deum gratuitò ex mera benevolentia prædestinasse ad gloriam, ut Luc. 12. *Nolite timere pusillus grex, quia complacuit Patri vestro dare vobis regnum.* Sap. 4. *raptus est ne malicia mutaret intellectum eius.* Act. 13. *Crediderunt quotquot prædestinati erant ad vitam.* 1. Ioan. 10. ubi agitur de speciali cura, quam Deus exercet circa prædestinatos dando operam, ut à gratia finaliter non excidant. *Ego vitam æternam do eis & non rapier eos quisquam de manu mea*; hinc enim colligitur perseverantiam finalem esse effectum electionis, non autem causam illius; fauet Paulus Rom. 7. *Gratia Dei vita æterna*, & Rom. 8. aliisque locis agnoscens vocationem propriam electorum, quam vocat *secundum propositum*, quia Deus tribuit eam prædestinatis ex efficaci proposito saluandi eos, *diligentibus, Deum*, ait, *omnia cooperantur in bonum*, qui *secundum propositum vocati sunt*: nam quos præscivit & prædestinauit, &c. & cap. 9. tradens discretionem Iacob electi ab Esau reprobato, non ex eorum operibus sed ex mera Dei voluntate, quem ait se habere instar figuli facientis aliud vas in honorem, aliud in contumeliam. Probatur autoritate Sancti Augustini variis in locis & maxime in iis. quibus componit electionem efficacem ad gloriam cum finali perseverantia, ut velit hunc esse effectum illius ita ut alicui tribuatur perseverantia quia electus est ad beatitudinem & non vice versa ille eligatur, quia perseveraturus est, unde consequens est prædestinatos non eligi ex præuisis meritis, sed ex gratuita voluntate Dei cuius vi tribuuntur merita ipsa & perseverantia finalis, unde sæpè constituit distinctum inter prædestinatos & non prædestinatos, quod priores quia electi sunt, accipiunt perseverantiam, posterioribus verd perseverantia denegatur eo quod non sunt de numero electorum. Quæ in re serid monet non esse curiosè discutienda Dei iudicia, sed cum humi-

litate suspicienda. *O altitudo diuinarum sapientia, &c.*

S. Thomas electionem gratuitam propugnat, unde in 1. parte quæst. 23. art. 5. ait. Respondens, dicendum, quod cum prædestinatio includat voluntatem, sic inquirenda est ratio prædestinationis, sicut ratio diuinæ voluntatis inquiritur. Dictum est autem quod non est assignare causam diuinæ voluntatis ex parte actus volendi, sed potest assignari ratio ex parte volitorum, in quantum scilicet Deus vult esse aliquid propter aliud; nullus ergo fuit ita infans mentis, qui diceret merita esse causam prædestinationis ex parte actus prædestinantis. Sed hoc vertitur in dubium, utrum Deus præordinauerit se daturum effectum prædestinationis alicui propter merita aliqua, & respondet S. Thom. quod effectum prædestinationis possumus considerare dupliciter, vno modo in particulari, & sic nihil prohibet aliquem effectum prædestinationis esse causam & rationem alterius, posteriorem quidem prioris secundum rationem causæ finalis, priorem verò posterioris secundum rationem causæ meritoriae, quæ reducitur ad dispositionem materiæ; sicut si dicamus quod Deus præordinauit se daturum alicui gratiam ut mereretur gloriam. Alio modo potest considerari prædestinationis effectus in communi & sic impossibile est quod totus effectus prædestinationis in communi habeat aliquam causam ex parte nostra, quia quicquid est in homine ordinans ipsum ad salutem, totum comprehenditur sub effectum prædestinationis, etiam ipsa præparatio ad gratiam; neque enim hoc fit nisi per auxilium diuinum, iuxta id Threnor. ult. *Conuertere nos Domine & conuertemur.*

Scoti ratio pro conclusione. Qui ordinatè vult prius intendit & vult finem quàm media ad ipsum, sed Deus ordinatissime in suis consiliis & decretis procedit; ergo prius intendit finem quàm media: Atqui gloria se habet per modum finis, merita autem & bona opera sunt media ad illam; ergo prius intendit absolute illam gloriam electis conferendam, tum iis postea de mediis ad illam consequendam per gratiæ suæ auxilia, providere decernit: Confirmatur ex ipso modo eligendi, nam sicut finis eligitur, ita & media eliguntur, non possunt autem media eligi efficaciter, nisi prius finis efficaciter eligatur, nam si finis inefficaciter & remisse eligitur, ita & media, hocque maxime est verum in Deo, qui dum eligit finem, præscit se habere media efficacia ad conducendum ad finem; & in hoc differt ab aliis eligentibus; Ea autem quæ sunt ad finem sunt gratia, fides, meritum, vsus liberi arbitrij; ergo Deus prius vult finem, quàm aliquod medium. Confirmari potest hæc ratio sic, Deus solo beneplacito suo determinauit hominem hunc ad esse; ergo ex solo eodem determinat ad bene esse, id est ad gratiam & gloriam. Tum paruuli morientes post Baptismum saluantur, non tamen ex præuisione meritorum, quandoquidem nulla in ei. existerent, nec dicas quod hi saluarentur ex præmissis si vixissent, quæ ipsi operati fuissent: nam contra, Sap. 4. dicitur: *Raptus est ne malicia mutaret intellectum eius.* Deberet ergo damnare eos, qui si vixissent male operati fuissent. Confirmatur præ-

tetea ex 2. Timoth. 2. & Sanctis Patribus habetur, quod Deus fecerit quandam massam salutis & aliam perditionis. *In magna domo*, ait Paulus, *vasa quaedam sunt in honorem alia in contumeliam.* & Rom. 9. *Nunquid figmentum ei qui se finxit dicit, quid me fecisti sic?*

Per massam autem salutis Sancti Patres intelligunt prædestinatos & per perditionis, reprobos, sed massa salutis non est ratione gratiæ sed gloriæ quod patet; nam reprobi habent magnam gratiam & fortè æqualem vel maiorem quàm aliqui prædestinati. Prædestinatio ergo non est primò ad gratiam sed ad gloriam.

Probatur exemplis; certum siquidem est Deum in eodem signo quo prædestinavit hunc hominem vniri diuinitati, prædestinavit ad gloriam tum corporis tum animæ, sed prædestinatio ad vnionem facta est sine præiudicis meritis; ergo & prædestinatio ad gloriam datur exemplum de B. Virgine, fuit enim prædestinata ut esset mater Dei non præiudicis meritis, hæc duo non cadunt sub meritum.

Similiter ergo sic aliorum prædestinatio sine præiudicio meritorum, suffragatur Scriptura. *Elegit nos in ipso, scilicet Christo, ante constitutionem mundi, ut essemus sancti & immaculati, qui prædestinavit nos secundum propositum voluntatem suam*, ibi Apostolus loquitur de voluntate merè absoluta & de electione merè liberali, quæ antecedit præscientiam futurorum de qua voluntate intelligendus est sine dubio Rom. 9. *Cum nondum nati essent aut aliquid egissent boni aut mali (ut secundum electionem propositum Dei maneret) non ex operibus sed ex vocante dictū est quia maior seruit minori quia sic scriptum est Genes. 25. Iacob dilexi, Esau autem odio habui.*

Tum August. lib. de Prædest. SS. cap. 18. *non quia tales futuros esse præsciuit elegit, sed ut essemus tales per electionem.* Quod si in Epist. ad Rom. aliquando dixit fidem præscitam esse causam prædestinationis, vnde propter eam præscitam in Iacob prædestinatus fuerit, hoc retractat lib. 22. retractat. & in lib. de Prædestin. & gratia cap. 16. inuehens contra se rationem quòd fides est donum Dei sicut & alia bona opera, vnde scribit illud non dixissem si fidem inter dona Dei connumerare studissem vel scissem.

Dices Quomodo ergo Deus habet verum & sincerum affectum ad saluandum Iudam, si illam non eligit efficaciter ad gloriam cum Petro, Quæto & vicissim qua ratione Deus in contraria sententia velit saluare Iudam, cum eum non eligat ad auxilia efficacia & ad finalem perseuerantiam, ad quam tamen ex mera misericordiâ suâ elegit Petrum, sanè utrobique est eadem difficultas, neque puto quòd is qui se reprobatum existimat feliciorum aut mitiorum sortem experiat licet à nostra ad oppositam transeat opinionem.

Tum dico illam sententiam esse præferendam, quæ ex vna parte electis est multò favorabilior, & ex alia non maiorem habet rigorem erga reprobos, at hoc competit nostræ sententiæ ut per se patet quoad prædestinatos. Quantum verò ad reprobos ostenditur, quia si res attentè inspicatur, in morali æstimatione perinde est quòd Deus non eligat Iudam

ad auxilia efficacia & finalem perseuerantiam, aut quòd eum non eligat ad gloriam, cum reprobatio à finali perseuerantia sit virtualis reprobatio à gloria, hæcque non maiorem salutis spem relinquat quàm formalis voluntas denegandi gloriam.

Dices eadem voluntate Deus prædestinat qua dat gloriam, sed non dat nisi ob merita, ut Matth. 25. constat *Esurienti enim & distis mibi*, eadem ergo voluntas erit gratuita simul & remunerativa, quod repugnat.

Distingo, erit gratuita & remunerativa quoad se, nego, erit quoad obiectum, concedo, in hoc autem nulla est repugnantia, sicut neque quòd Petrus malit vendere equum suum Petro quàm Antonio, illa enim voluntas Petri est merè gratuita, etsi per illam non velit dare equum gratis sed pro iusto pretio.

Initabis eo ipso, quòd Deus statuit conferre gloriam per merita necesse est ut merita obiciantur iam eius intellectui ut præsentia. Respondeo negando de præsentia absoluta, sufficit enim quòd per scientiam conditionatam priorem electione sciat Deus se posse ei, quem elegerit, tribuere merita quotquot & quando voluerit.

Dices si Prædestinatio sit primò ad gloriam, sequeretur quòd in electis non maneret libertas ad beari vel damnari, si enim Deus ex seipso nullam habens rationem meritorum decreverit quosdam beare, sit ut non maneat in eorum libertate utrumque, siquidem nemo potest irritum facere decretum Dei, quòd patet, nam posuo tali decreto vel potest homo non perseuerare in gratia & sic damnari, vel non potest, si non potest, sit ut in eo non maneat indifferentia ad utramque partem ac proinde nec libertas; si verò adhuc potest non perseuerare & damnari: ponatur in re, nam si id quòd est possibile ponatur in re nullum sequitur impossibile, ponamus ergo aliquem electum non consequi gloriam, sequitur decretum efficax fieri irritum. At hoc est impossibile, ergo & antecedens.

Respondeo prædestinationem illam ad gloriam non mouere immediatè prædestinatum ad operandum sed potiùs electionem ad gratiam nec illa prædestinatio ad gloriam est primum antecedens suppositum nam ante illam prædestinationem per voluntatem Dei præcedit scientia Dei, qua nouit se habere media talia ut dum offeret ea prædestinato ipse sit cooperaturus liberè voluntariè, & spontaneè cum illis mediis, & sic scit talia media esse certa & infallibilia ad conducendum ad gloriam quem voluerit prædestinare, sicque libertas stat cum prædestinatione.

Respondeo primò retorquendo argumentum, nam maior est inconuenientia, quòd prima prædestinatio sit ad gratiam quàm ad gloriam, peto enim vnde Petrus prædestinatur ad illam gratiam efficacem & finalem & non Iudas, qui si eam habuisset glorificatus fuisset, non enim erit tanta inconuenientia loquendo de gloria quoad executionem & donationem, Si enim quæras, cur Petro dedit gloriam & non Iudæ. Respondebitur, quia ille benè, iste verò malè operatur, & si de libertate loquamur difficilius

Quomodo libertas in prædestinatione immediatè ad gloriam remaneat.

Gratia plane
mouet vo-
luntatem
ad agendum
quàm ipsa
prædestinatio.

difficilius est conciliare libertatem cum prædestinatione ad gratiam efficacem & infallibilem quàm cum prædestinatione ad gloriam, nam gloria non mouet meam libertatem, nisi mouendo meum appetitum per obiectum desiderabile & ex se amabile: At gratia non obiectiue mouet voluntatem, sed facit nos velle & currere, & mouet potentiam nostram non tantum in obiectum, sed ad actus ipsius voluntatis, v. g. sit Rex qui offerendo præmium alicui sic ad se vocaret non ita necessitaret (si hoc dicere fas est) sicuti si per funem traheret & alliceret ad se. Primum facit gloria. Secundum verò gratia, iuxta verba Christi Ioan. 6. *Nemo potest venire ad me, nisi Pater traxerit eum.*

Dices, si Deus prædestinat aliquos ex mera liberalitate, cur in Scriptura & Sanctis Patribus sæpe ad merita refertur, Matt. 21. *Esuriui enim & dedistis*, ibi produciuntur opera tanquam rationes & causæ beatitudinis; vnde sequitur prædestinationem fundatam esse sopra merita. S. Ambros. in epistola ad Rom. *Quos præsciuimus futuros sibi deuotos ipsos elegit ad premia capessenda.* Hieron. *Quos præsciuimus futuros conformes in vita, voluit ut conformes fierent in gloria.* S. Fulgent. lib. 1. ad Mon. *Prædestinamus quos prædestinamus ad se gratia præuenientis auxilio rediuros, & in se gratia subsequens auxilio permansuros.*

Prædestinatio
includit pro-
positum dandi
gratiam.

Respondeo, actum prædestinationis diuinæ includere firmum propositum dandi gratiam & gloriam & effectum ipsius includere pariter hæc duo, scilicet communicationem gratiæ & gloriæ. Si igitur in hoc actu diuino consideratur propositum voluntatis diuinæ, quo vult conferre gratiam prædestinato, certum est determinationem illam conferendi gratiam nullum præsupponere meritum in prædestinato, si patitur attendatur primus effectus illius prædestinationis, qui est prima gratia quæ dicitur iustificans, is certe adimpletur sine præsuppositione meriti, nam ante collationem primæ gratiæ nihil est in homine præter peccatum & vites ipsas naturales liberi arbitrij, cum quibus nudè consideratis nihil potest efficere condignum vitæ æternæ, quare Paulus Rom. 3. docet nos gratis iustificari per gratiam ipsius. Sed sicut Deus absolute proposuit dare primam gratiam sine præsuppositione meriti in recipiente, sic proposuit gloriam non conferre nisi post opera & merita. Vnde quando in Scriptura legitur Deum prædestinare absolute sine præmissione meritorum, id intelligendum de prædestinatione ad gratiam, quæ gratis datur, prima enim non potest cadere sub meritum, quando verò legitur oppositum & docetur non saluandos nisi per merita, id intelligendum de prædestinatione ad gloriam; Effectus enim prædestinationis vocatur merces, retributio, corona iustitiæ, ideòque Paulus docet nos prædestinati, *Ut similes conformes imaginis filij sui.*

Concludendum ergo est salutem hominis non dependere à sola Dei voluntate, sed requiri cooperationem hominis, licet enim Deus decreuerit ab æterno conferre gratiam præuenientem sine merito nostro, non tamen determinauit gloriam dare sine operibus & meritis; vnde S. August. in Enchirid. cap. 87.

Currius in Professionem Fidei

Quando à me queritur, cur omnes non saluantur, nihil aliud est respondendum, nisi quia voluit equidem Deus, sed tu noluisse. Quod si replices esse in potestate Dei malas conuertendi voluntates, & obdurata flectere corda. Respondeo, quando id facit, per gratiam id facit, quando verò id non facit, iusto iudicio facit, malitia enim impiorum facit quod noluerit facere.

Instabis ex Paulo Roman. 9. euinci Deum non habere rationem operum, antequam aliquid boni vel mali egissent, dixit Deus Malach. 1. *Jacob dilexi, Esau autem odio habui.*

Respondeo, textum istum literaliter intelligi de inæquali distributione temporalium bonorum, in quibus prælatum est Jacob, primò in iure primogenituræ, quod extraxit à fratre, secundo in ampliori familia quam habuit, tertio in feliciore solo, quod lacte & melle manabat; de Esau autem dicitur Malach. 1. *posui montes eius in solitudinem & hereditatem eius in dracones deserti.* quarto facta est promissio ad Jacob quod de domo eius nasceretur Messias; fauores isti vocantur effectus amoris diuini, & inæqualis portio Esau vocatur odium, non quod Deus odio habuerit Esau. *Nihil enim eorum quæ fecit Deus odit.* Sap. 10. Sed phrasia est Scripturæ, quæ fauorem minorem comparatiue ad maiorem, vocat odium. Sic Christus Matth. 6. cum qui duobus dominis vult seruire, dicit vnum odio habendum, non quod absolute odio habiturus sit, sed minus dilecturus. Ita Scriptura narrat Deum dilexisse Jacob & odisse Esau, quia in temporalibus donis præfecit eum. Adde quod in hoc facto Jacob figuram gessit electorum, Esau verò reproborum, qui primogenituram & patrimonium cæleste pro lentice ossa diuendunt; quæ temporalia bona repræsentat. Quique ad modum Esau fratres suos persequuntur, & alienigenas ducunt uxores, id est voluptatibus indulgent.

Respondeo præterea, Paulum in hoc loco non docere, quod Deus absolute prædestinet homines ad gloriam sine præscientia meritorum, sed intendit deprimere præsumptionem Iudæorum ad fidem Christi conuersorum, qui suam vocationem ex obseruantia Legis Mosaiæ tanquam ex merito datam ventilabant. Paulus ergo confundit eos & ex pura Dei misericordia vocatos docet, exemploque Iacobi & Esau, qui non obseruauerant legem, vix potest nondum stabilitam, confirmat, asseritque Iacobum dilectum & Esau odio habitum, nulla habita ratione istius legis, vnde sequitur quod vocationem habentes debeant id referre ad Dei misericordiam, non autem ad propria merita. Nihil ergo Paulus habet contra sententiam asserentem, prædestinationem fieri sine præscientia meritorum.

In oppositam tamen sententiam multi ex Sanctis Patribus & Doctores modernis inclinant & B. Franciscus Salesius in opuscul. de amore Dei cap. 3. lib. 3. vim facit ex verbis eulodam Collectæ, in qua Ecclesia Deum alloquens dicit, illum misereri omnium, quos suos fide & opere futuros prænoscat, quibus verbis, vt ille dicit, satetur Ecclesia gloriam illis esse destinatum, quos diuina sapientia præuidit gratiæ & vocationi suæ obtemperaturos, & per illam ad fidem viuam, quæ per charitatem operatur esse peruenturos. Asser-

Quomodo li-
teraliter in-
telligatur Ia-
cob dilexi,
Esau odio
habui.

Opinio Scoti
contraria, ho-
die magis re-
cepta.

tionem probant ex SS. Patribus Hieronym. ad Hedibiam. quest. 10. *Deus*, inquit, *vasa misericordie qua preparauit in gloriam suam non irrationabiliter saluat & absque veritate, sed causis precedentibus, quia alij non susceperunt filium Dei, alij autem recipere sua sponte voluerunt, ex quo ostenditur, non gentes eligi, sed hominum voluntatem.* S. Ambr. lib. 5. de fide c. 3. *Quorum merita præsciuit, eorum premia prædestinavit.*

Probatur tertio ratione; quia si Deus ab æterno ante vlla præuisa merita aliquos efficaciter ad gloriam prædestinavit, sequitur eos, qui sic prædestinati non sunt, esse absolute & ante vlla præuisa demerita exclusos à gloria, ac proinde reprobatos & damnatos, cum reprobatio & damnatio propriè consistat in exclusione à gloria: Quod tamen dici non debet, & à diuina bonitate maximè alienum est.

Neque dicas, non excludi positivè, sed tantum negativè, quia quoad effectum nihil interest, cum æquè certò & infallibiliter exclusio negativa atque positiva suum effectum consequatur. Neque item dicas hanc exclusionem non esse factam, nisi post præuisum peccatum originale, Deumque posse iuste à gloria sua tali peccato infectos excludere: quia etsi per iustitiam possit, tamen id per misericordiam non fecisse, sed è contrà omnium salutem voluntate antecedenti velle, & copiosam pro omnibus redemptionem dedisse multis in locis Scriptura testatur, ut patebit ex dicendis in expositione Incarnationis & gratiæ. Nec dicendum hanc sententiam derogare summæ & omnimodæ dependentiæ, quam homo in se agnoscere & profiteri debet respectu diuinæ potentis & misericordis in negotio salutis; nam cum illa stat semper inconcussa veritas illa, quam ut basim & fundamentum totius Christianæ pietatis sæpius ingerit S. August. nimirum nihil in se habere hominem, unde coram Deo gloriari possit: nihil ex se posse in salute sibi procuranda quod Deo acceptum referre non debeat: nullum ex se meritum proferre, quod gratiæ Christi adscribere non teneatur. Decreuit quidem Deus ab æterno gloriam homini conferre ob merita, ait Vasquez, sed quid ex se mereri potest, qui nequidem aliquid boni cogitare ex se sufficiens est? Unde cum sine gratiæ diuinæ auxilio nihil omnino possit, gratia autem illa sit ei prorsus indubitata, & ex ipsa tantum Dei misericordia concedatur, sequitur ut & merita omnia & gloriæ ipsius præmia, tanquam gratiæ munera & diuinæ misericordis dona debeat agnoscere. Cum autem gratiam illam Deus non æqualiter & uniformiter omnibus, sed vnicuique prout vult largiatur, & vni quidam maiorem, alteri verò minorem, huic efficacem tribuat, alteri non item, istum modo speciali ad se trahat alium derelinquat, verè ac meritò cum Apostolo dicere semper debeamus. *O altitudo diuinarum sapientis & scientis Dei, quam incomprehensibilia, &c.* Et; *Nunquid dicis figmentum ei qui se finxit, quid me fecisti sic? an non habet potestatem figulus luti, ex eadem massa facere aliud quidem vas in honorem aliud verò in contumeliam?*

Ad fundamentalem Scoti rationem, Respondet Vasquez, id verum esse in naturalibus, non autem in moralibus, verumque id esse in

petente & desiderante dignitatem, non autem in concedente, ratio disparitatis est, quia in naturalibus media, ut medicina, habent rationem causalitatis & efficientis, ac in moralibus medium se habet per modum impetrationis, ita ut intuitu illius conferatur dignitas.

Non placet mihi hæc responsio; nam tanta est connaturalitas gratiæ ipsius ad gloriam, ut eam quasi de iure, & uti medium efficiat attingat & non tantum uti medium morale & prohibito donatoris acceptabile, quare intendi prius finem quam media indubitatum manet, consequenter & Deum prius intendere gloriam prædestinatorum quam merita eorum per gratiam acquirenda, quibus postea quasi pro mercede condigna conceditur.

Ad locum Lucæ 12. Responderi potest Christum loqui de complacentia dandi regnum, non absoluta sed conditionata, sicut & promissio dandi eiusmodi regni non est absoluta sed conditionata, ut expressè definiuit Concilium Trident. sess. 6. can. 20.

Vnde ad Sapient. dicimus reaptum, ut poneretur conditio gratiæ finalis.

Ad Paulum. Respondet, vitam æternam dici gratiam, non quia gratis absolute decreta sit, sed quia per gratiam obtinenda sit, & præterea, quia cum talis & tanta sit, tamen pro exiguis operibus ex gratuito Dei beneplacito sit tanquam merces constituta.

Ad locum ex Actib. 13. Respondet, prædestinationem illam intelligendam esse non ad gloriam, sed ad fidem & iustificationem. *Influens enim*, ut Rom. 1 docet Paul. *ex fide vivit*, & proinde per præordinatos ad vitam intelligere possumus præordinatos ad fidem, & ad iustificationem.

Ad Ioann. Respondet, curam Dei esse à gratia ad quam præordinati sunt.

Ad locum ex Rom. 8. Respondet, verum esse eos, qui per gratiam vocantur ut ex peccatoribus fiant iusti, vocari ad illam gratiam, non ex meritis, sed ex gratuito Dei proposito; verba autem quæ sequuntur, *Quos præsciuit & prædestinavit*, sic intelligenda esse, quos præsciuit fidem & charitatem habituros per vocationem gratiæ suæ eos prædestinavit, ut essent conformes filio suo: itaque sicut filio tribulationes cooperata sunt in bonum, ita & illis cooperantur. Ita Cyrill. apud Oecumenium, in hunc locum S. Ambros. lib. 5. de fide cap. 3. S. Chrysost. hom. 15. in epistolam ad Romanos, & alij.

In gratiam Concionatorum, secundam hanc sententiam vulgò plausibilem & apparenter acceptabilem exponere libuit, eo maximè quod nihil adhuc super ista questione definitum sit ab Ecclesia, ac proinde liberum sit vnicuique illud sentire, quod sibi probabilius aut tempori aut loco congruentius videbitur, sine præiudicio tamen alicuius; nec vim esse faciendam in sententiis Patrum dissidentium utrimque, semel pro semper MONEO; nam ut doceor ex S. August. variis in locis, & præsertim in epist. 7. ad Marcellinum & in prologo suarum Retractionum. Quamdiu super aliqua questione nihil ab Ecclesia definitum est, vnicuique in suo sensu abundare permisum est.

Quæritur an prædestinatio sit infallibilis. Respon-

Quomodo
Prædestinatio
ad gratiam non
derogat summam
dependentiam
à Deo
quam proficetur
fides Catholica.

Respondeo ipsam certissime & infallibiliter consecuturam suum effectum, nec tamen imponere necessitatem. Ita S. Thom. 1. part. q. 23. art. 6. probatur ex Paulo 1. Timoth. cap. 2. *Firmamentum stat, habens signaculum hoc: nonne Dominus qui sunt eum.* Idem præterea constat ex prædictis ex quæst. 18. Tum ex certitudine mediæ & causalitatis id est gratiæ efficacis unde Christus Ioan. 10. de prædestinatis sic loquitur *non peribunt in æternum, & nemo rapies eos de manu mea.*

Probatur ex S. August. lib. 3. contra Iulian. cap. 5. *Ex his, inquit, nemo peris quacumque ætate moriatur: absis enim ut prædestinatus ad vitam sine sacramento mediatoris finire permittatur hanc vitam.* Et lib. de bono perseuer. c. 14. dicit, quod *prædestinatio est preparatio beneficiorum, quibus certissime liberamur quicumque liberamur.*

Quod autem hæc certitudo non officiat libertati probat S. Thom. cit. quia Prædestinatio est pars Prouidentiae, at non omnia, quæ subduntur illi, sunt necessaria, sed quædam contingenter eueniunt, secundum conditionem causarum proximarum quas ad tales effectus ordinauit, sic igitur & ordo Prædestinationis est certus & libertas arbitrij non tollitur per eiusmodi certitudinem ex qua effectus prædestinationis contingenter euenit.

Nota hanc certitudinem electionis efficacis præsupponere scientiam mediam decreto Dei, qua videt Deus quid faceret Petrus v. g. si illum in circumstantiis minimè prædeterminantibus constitueret, quare huius scientiæ vñs admittendus est in hac controuersia, & excludendæ motiones physice prædeterminantes, cum hæc inducant necessitatem.

Dicendum præterea efficacem electionem prædestinatorum antecedentem præuisa merita factam esse ad certum & determinatum gradum gloriæ; nam perfectioris prouidentiae modus exigit, ut sicut Deus certos Angelos & homines destinauit ad gloriam æternam, ut ex iis constitueret regnum cæleste, ita singulis præscribat gloriæ mensuram, ex cuius diuersitate & inæqualitate, tanquam ex variis mansionibus, ciuitas illa beatorum mirifice coalescit, iuxta illud Ioan. 14. *in domo Patris mei mansiones multe sunt.* Pro quo

Nota quod etsi Deus prædestinato tribuat, quamdiu viuit, auxilia sufficientia, quibus noua & noua merita cumulare possit si velit, prius tamen quam tribuat ea; nouit per scientiam mediam prædestinatum per talia auxilia, si ei dentur, non acquisiturum de facto nisi talem gradum meriti & gloriæ; unde ea scientia præsupposita, rectè potest Deus certò prædefinire mensuram gloriæ prædestinato tribuendæ, nec vnquam eueniet, quod illum gradum electus non attingat, aut prætergrediat; res enim erunt ita per prouidentiam dispositæ, ut quando electus præfixam meritum & gloriæ mensuram impleuerit, simul ad vitæ terminum perueniat.

Dices contra principale. Omne præteritum est simpliciter necessarium, unde Aristot. 6. Ethic. *Hoc solo aut priuatur Deum ingentia facere que facta sunt, sed prædestinatio alicuius est præterita, cum sit æterna; ergo est simpliciter necessaria.*

pliciter necessaria & consequenter prædestinatus non potest non prædestinari & consequenter necessariò saluabitur.

Respondet Nicolaus de Niise negando minorem, idem enim in Deo est prædestinasse, prædestinare & prædestinatum esse; actus enim prædestinandi non transit in præteritum cum sit in nunc æternitatis quod est simplicissimum; unde ita nunc potest Deus in nunc æternitatis aliquid velle, aut aliquem prædestinare, sicut si voluntas eius ad nihil fuerit determinata.

Responsio hæc excludit præscientiam in Deo in quantum illa in propria significatione dicit antecedentiam & successionem temporale cognitionis & rei cognite, quod in Deo non est, cum obiecta, quæ nouit, non sint posteriora sua cognitione, quæ coexistit actualiter cum illis per suam æternitatem, quæ vnico & & indiuisibili instanti complectitur omnes differentias temporis præteritum, præsens, & futurum; unde Adam & Antichristus temporaliter à se inuicem tot sæculis distantes æqualiter sunt præsentia æternitati Dei, quæ, ut dictum est, definitur, interminabilis vitæ tota simul & perfecta possessio; æternitas ergo coexistens actualiter cum omnibus actionibus facit eas actualiter præsentia uti in seipsis hæc sunt, si contingentes, contingentes, si necessariæ, necessariæ.

An autem Prædestinatus possit damnari multi seiscitantur.

Respondeo prædestinatum, ut sic, seu in sensu composito, non posse damnari quia eligitur ut saluandus per auxilia gratiæ quæ iuxta præscientiam siue scientiam Dei infallibiliter sunt in eo habitura effectum.

Absolutè tamen loquendo. Respondeo posse damnari, quia cum non saluetur nisi per auxilia repudiabilia & minimè prædeterminantia, potest is, si velit, negare consensum & in peccatum finale labi.

Contra verò eum, qui non est efficaciter electus ad gloriam, absolutè loquendo, posse saluari; quia etsi non possit efficere ut eligatur ante præuisa merita, potest tamen cooperari gratis acceptis, quod si faceret certè eligeretur ad gloriam ex præuisis meritis.

Quod autem Prædestinatus ut sic seu in sensu composito, non possit damnari. Necessitas hæc est consequentis seu ex suppositione, quod iam Deus præsupposita notitia persequantur eius finalis prædestinauerit eum.

Dices Deus potest quicquid potuit, sed potuit non prædestinare, quando prædestinauit; ergo potest nunc non prædestinare.

Respondeo quod cum Prædestinatio includat voluntatem diuinam, est enim electio, Deum velle aliquid ad extra seu creatum quidpiam est necessarium ex suppositione, nam ut ait Aristot. lib. de interpretatione, omne quod est quando est, necesse est esse; necessarium, inquam, est prædestinatum esse prædestinatum ex suppositione propter immutabilitatem voluntatis diuinæ, non tamen absolutè.

Hic offendunt plerique & desperant ad hoc dilemma tanquam ad Petram scandali. Vel ab æterno prædestinatus sum vel reprobatus. Si prædestinatus, necessariò saluabor, & quicquid

quid faciam tandem incidam in statum, in quem me Deus destinavit etiam si pessimè vi- xero. Si reprobatus, necessariò damnabor, etiam si velim bene vivere. S. August. lib. de bono persecut. cap. 1. refert quendam Mona- chum sui Monasterij eò fuisse adductum ista argumentatione, ut tandem deserta professio- ne Religiosa ad sæculi voluptates reuenteretur ac periret. Cæsarius idem pene recenset de Ludouico Lantgrauio obliuente correptioni- bus Religiosorum, qui eum ad bonā vitæ fru- gem reducere conabantur, quid factum, incidit in grauem morbum, accersit medicum corda- tum sanè & memorem argumentationis ordi- natæ, qua Lantgravius dissolutionem & in- temperantiam excusabat, ut quid vocasti me ait Domine mi frustra vocas me, nam si vene- rit hora mortis tuæ, certò morieris nec possum te iuuare, si non venit, non indiges ope mea. Quid ita ait Lantgravius, quin iuua me ante- quam adrepat mors, tum medicus, si putas vi- tam corporalem posse conseruari adhibita me- dicina, cur similiter non credis vitam æternam sperari & adipisci posse contritione & peni- tentia: vicit hoc verbo medicus & persuasit Lantgrauio.

Porro hoc Dilemma sic explicandum est, si prædestinatus sum id est, si à Deo ordinatus sum ad vitam æternam per certa media, quæ in mea sunt potestate, consequendam, certò consequar vitam hanc. Si sum reprobatus, id est, si à Deo ordinatus sum ad infernum pro- pter peccata mea, quæ liberè commissurus sum, certò damnabor si ea peccata commit- tam & ab illis non abstineam.

Hæc expositio peccatum credit animum nec enim eum qui in peccatis est adigit ad despe- rationem, nec ei qui iustus est securitatem pro- mittit, quin potius vtrumque monet ut eum timore & tremore salutem suam operentur ut Philippenes 2. monet Apostolus.

QVÆRITUR an Prædestinatio iuari possit precibus fidelium.

S. Thomas docet non posse quoad ipsam præordinationem; nullum enim æternum præ- ceditur à temporali. Quoad effectum verò seu executionem ordinationis posse iuari, nec- non & piis laboribus non est dubium, quia Providentia, cuius pars est Prædestinatio, non subtrahit causas secundas, sed sic prouidet ef- fectus ut etiam secundarum causarum ordo, subiaceat providentiæ, sicut igitur sic à Deo prouidentur effectus naturales ut simul causæ naturales ad illos ordinentur, sine quibus ij non prouenirent effectus, ita sic salus hominis prædestinatur à Deo ut etiam sub ordine præ- destinationis cadat quicquid hominem pro- mouet ad salutem vel orationes propriæ vel aliorum vel alia bona sine quibus salus non habetur; unde prædestinatis oratio & conatus ad pietatem plurimum conferunt; quia per huiusmodi certò impletur prædestinationis effectus, ut dicitur 1. Petri 1. *Salutate ut per bo- na opera vestra certam vestram vocationem & electionem faciatis.*

Dices eiusdem est adiuuari & impediri, sed prædestinatio non potest impediri.

Respondeo quòd causæ secundæ non pos- sant exire ab ordine causæ vniuersalis, sed

ipsum exequentur ideo adiuuant & non im- pediunt.

QVÆRITUR an Prædestinatio sit viatoribus certò nota.

Catholica fides docet neminem posse certò scire se esse de numero prædestinatorum, abs- que speciali aliqua Dei reuelatione.

Probatur ex Scriptura Eccl. 9. *Nescit homo virum amore vel odio dignum sit sed omnia in futurum reseruantur dubia & incerta:* Prou. 8. *Beatus homo qui semper est pauidus.* Rom. 11. *Tu autem fide stas noli altum sapere sed time,* &c. 2. Ioan. 8. *Videte vosmetipsos ne perdatis qua operati estis.* Vnde meritò admonet Apostolus 1. Cor. 10. *Qui se existimat stare videat ne ca- dat;* & ad Philippen. 2. *Cum metu & tremore vestram salutem operamini.* 1. Corinth. 9. *Castigo corpus meum & in seruitutem redigo ne forte cum aliis predicauerim ipse reprobus ef- ficiar.*

Probatur secundò ex Concil. Trident. sess. 6. can. 15. & 16. vbi anathema profertur in eum qui citra specialem reuelationem, absoluta & infallibili certitudine crediderit, aut dixerit se esse de numero prædestinatorum, vel se do- num perseverantiæ finalis habiturum.

Probatur tertio ex S. August. lib. de corrept. & gratia cap. 13. *Qui ex multitudine fidelium, quandiu in hac mortalitate vivitur in numero prædestinatorum se esse presumat?*

Probatur quarto ratione; quia cùm præde- stinatio ad gloriam pendeat à finali perseue- rantia & ab eo statu, in quo quis futurus est in exitu vitæ; euident est neminem certò scire posse, qualis tunc futurus sit: cùm ea, quæ contingenter futura sunt, quale est istud, de quo loquimur, nullus naturaliter certò præscire possit.

Calvinus ex opposito asserit lib. 3. instit. cap. 24. §. 8. vnumquemque fidelem certa fide credere debere se esse prædestinatum. Hoc à Bucero, magistro suo ut refertur didicerat, qui Christianum non agnoscit eum qui ita in- dubitatum non habet se salutem consequutu- rum sicuti credit Deum existere, ipsumque incarnatum esse, sic scribit in colloquio Ratif- bon. art. de firma æternæ salutis fiducia & cer- titudine. Idem docuit Petrus martyr. in c. 8. Epist. ad Romanos. Fundatur hæc vana pro- positio in locis quæ prædestinatos asserunt non perituros, & in iis quæ vocationem ad fidem pro nota salutis declarant, sed specialiter proferunt Nouatores textum Paul. Eph. 2. *Credentes signati estis spiritu promissionis sancto qui est pignus,* Gallicè *Atte, hereditatis nostra,* sed facilis ad hæc est responsio, neminem cer- tò scire se habere hunc interiorum Dei spiri- tum, quo etiam dato etiam quis scit se perse- ueraturū in fide & gratia Dei cū soli perseue- rantia Christi promissio facta sit Matth. 10. *Qui perseverauerit usque in finem, hic saluus erit.*

QVÆRITUR cur dubios & de salute anxios relinquat nos Deus.

Respondeo S. August. lib. de corrept. & gra- tia cap. 14. *Propter huius utilitatem secreti, ne forte quis extollatur, sed omnes etiam qui bene currunt timeant dum occultum est qui perue- niant.* Sanctus Prosper. lib. 2. de vocat. Gent. addit *expedire tale secretum ne reprobi despera- re & effrenatè vivant.*

Quæ

Quæres An numerus Prædestinatorum determinatus sit.

Respondeo affirmatiuè, ita vt nec augeri aut minui possit, sic S. August. citat. cap. 13. idque ex dictis eruitur, cum præsupponatur decretum efficax & prædefinitio pro ipsis, nec dicas Deuteron. 1. *Deum addat ad numerum hunc multa millia* vel Psalm. 68. *deleantur de libro uiuentium*; Nam hæc intelliguntur non de prædestinatis simpliciter, sed secundum quid, quicumque enim habet gratiam ex hoc ipso dignus est vita æterna: Ordinatio autem ad gratiam deficit interdum, quia qui eam habent peccant & ab ea excidunt, vnde secundum præsentem iustitiam fit alteratio; At qui ordinati sunt ex diuina prædestinatione ad gloriam, certò eam consequentur.

Quis autem eorum sit numerus, Deus solus nouit. Quidam dicunt tot saluandos, quot Angeli ceciderunt. Alij quot remanserunt in gratia. Alij quot sunt creati. Alij quòd plures sint prædestinati quàm reprobj affirmant, quia operatio Dei perfectior est quàm operatio naturæ, sed in operibus naturæ bonum inuenitur vt in pluribus, malum autem & defectus vt in paucioribus, tum proprium Dei est misereri. Sed contrarium docuit Christus Matth. 7. *Lata est via qua ducit ad perditionem, arcta uero qua ducit ad vitam & pauci inueniunt eam.* Ratio allegata currit de bono proportionato communi statui naturæ, quod accidit vt in pluribus, & deficit in paucioribus, sed bonum quod excedit communem statum naturæ inuenitur in paucioribus, & deficit vt in pluribus. Beatitudo autem excedit communem statum naturæ, & præcipuè secundum quòd per peccatum originis est destituta auxilijs gratiæ aut iis non benè utitur ideo pauciores saluantur.

Q V Æ S T I O · XXIX.

De Reprobatione.

Nomine reprobi apud Theologos intelliguntur omnes ij Angeli vel homines, qui non assequuntur æternam beatitudinem, cum multi sint damnati, vt exprimitur Matth. 25. *Ita maledicti in ignem æternum qui parati sunt diabolo & Angelis eius.*

Reprobatio ait S. August. est, *Præscientia iniquitatis quorundam & preparatio damnationis eorundem.*

S. Thom. 1. p. q. 23. art. 3. quærens vtum Deus aliquem reprobet dicit, quòd sic, ex primo Malach. *Jacob dilexi Esau odio habui*, & ita ratiocinatur, Cum Prædestinatio sit pars Prouidentia, & ad ipsam pertineat permittere aliquem defectum in rebus, quæ prouidentia subduntur, & homines in vitam æternam ordinentur, pertinet ad eandem, vt permittat aliquos deficere ab hoc fine, & hoc dicitur Reprobatio; sicut igitur Prædestinatio est pars prouidentia respectu eorum, qui diuinitus ordinantur ad vitam, ita Reprobatio est pars Prouidentia respectu eorum qui ab hoc fine decidunt.

Vnde Reprobatio non nominat tantum

præscientiam, sed addit aliquid secundum rationem sicut & Prouidentia, sicut etiam Prædestinatio includit voluntatem conferendi gratiam & gloriam ita Reprobatio includit voluntatem permittendi aliquem cadere in culpam, & inferendi pro ea damnationis poenam, nec obstat Sapient. 11. *Diligis omnia que sunt & nihil odisti eorum que fecisti*, dilectio enim illa est in quantum vult omnibus bonum aliquod, non quod omnibus velit bonum quodcumque; in quantum ergo non vult quibusdam hocce bonum quod est vita æterna, dicitur eos odisse vel reprobare, & hoc odium nihil aliud significat, quàm voluntariam carentiam illius amoris specialis, quo prosequitur prædestinatos eligendo eos posituè ad gloriam.

Distinguitur Reprobatio in negatiuam & positiuam vel vt loquitur Scotus dist. 41. q. 1. in Permissiuam & punitiuam qui docet non dari causam Permissiuæ, quia quòd homo permittatur labi in primum peccatum nulla ex parte illius datur causa. Positiuæ uero seu Punitiæ causam ait esse peccata hominum præuisa, & hanc positiuam reprobationem certum est esse decretum positiuum Dei, quo vult excludere, quos præscit morituros in peccato finali; vnde dicendum hanc Reprobationem fieri ob peccata præuisa, quia nunquam Deus destinat aliquem ad poenam, nisi præuisa culpâ; non enim Deus prius est ultor, quàm homo peccet.

Vt hæc elucidentur quærendum est in quo signo rationis secundum modum nostrum concipiendi hæc fiant.

Prima opinio est Durandi in 4 distinct. 40. q. 2. quem Caluin. & Besa sequuntur, Quòd in eodem signo in quo Deus aliquos elegit efficaciter ad gloriam, per tale decretum volo, v. g. Petrum peruenire ad gloriam, voluerit etiam absolute & simpliciter vt aliqui non cōsequerentur gloriam probat ex Rom. 9. *Antequam quidquam facerent boni aut mali Iacob dilexi, Esau autem odio habui*; quod confirmant ratione; nam voluntas Dei non manet suspensa nec negatiuè se habet circa aliquod obiectum; Ergo quibus non voluit in illo signo dare efficaciter gloriam, voluit absolute non dare, posset adduci ratio S. Thom. quòd Prouidentia vniuersalis sit particulares defectus sinere & ordinare, vnde & aliqui deficient à fine intento.

Secunda opinio tenet Deum ante præuisum peccatum Angeli vel hominis habuisse voluntatem simplicis affectus saluandi omnes. At post præuisum peccatum non habuisse illam dandi omnibus.

Resolutio. De Fide est neminem reprobari & ad poenam damnationis deputari, nisi ratione præuisorum demeritorum; vnde sequitur Deum non habuisse ante præuisum peccatum Angeli vel hominis, decretum excludendi aliquem à gloria.

Probat ex Scriptura varijs locis Ezech. 18. *Nunquid voluntatis mea est mors impij dicit Dominus Deus & non ut conuertatur à viis suis & viuat.* Sap. 1. *Deum mortem non fecit nec delebatur in perditione uiuentium.* Sap. 11. *Diligis omnia que sunt & nihil odisti eorum que fecisti nec enim odiens aliquid constituisti aut fecisti.* Matth. 18. *Non est voluntas autem Patris*

Quid sit
odium Dei
erga reprobos.

Duplex est
reprobatio
Permissiua,
sive negatiua, & positiua seu Punitiua, illius nō datur causa ex parte reprobatj, istius uero peccata seu impenitentia finalis præuisa.

vestrum ut pereat unus ex his pusillis. 1. Timoth. 2. Omnes homines vult saluos fieri 2. Petri 3. Deus patienter agit propter vos nolens aliquem perire sed omnes ad penitentiam reuerti, Osee 13. perditio tua ex te Israel.

Probatur ex Concil. Arausic. 2. can. 25. aliquos verò ad malum diuina potestate predestinatos esse non solum non credimus sed etiam si sunt qui tantum malum credere velint cum omni detestatione illis anathema dicimus. Et Tridentino sess. 6. can. 17. vbi dicitur. *In electione saluandorum misericordiam preuenire, in damnatione autem periturorum meritum malum precedere iustum iudicium.*

Probatur ex SS. Patribus August. lib. 3. contra Iulian. cap. 18. *Bonus est Deus, inquit, iustus est Deus: potest aliquos sine bonis meritis liberare quia bonus est: non potest quemquam sine malis meritis damnare quia iustus est.* S. Prosper. lib. 1. respons. ad capitula Gallorum ad cap. 7. *Gratia Dei non prius eos (reprobos scilicet) deseruit quam ab eis desereretur, & quia hoc ipsos voluntaria defectione facturos prauis ideò in predestinationis electione illos non habuit.*

Probatur rationibus. Prima si Deus habuit voluntatem excludendi aliquos à regno, vel hoc voluit facere sola potentia, vel iustitia; primum dici non potest secundum fidem, aliàs tales homines vel Angeli excludendi essent à regno, licet non peccassent, hoc solo, quia Deus ratione potestatis hoc voluit. Si ex iustitia, cum illa sit vindicativa, non vult Deus illam ex se sed propter peccata; si enim Deus absolute vellet exercere iustitiam nondum prauis culpà, vellet & ordinaret culpam, quod Deo repugnat. Quod autem Deus nolit iustitiam vindicativam ex se, patet; nam etiam dum prouideret peccatum non habuit talem actum voluntatis, nam etiam non obstante peccato originali, non amisit illum simplicem affectum saluandi omnes, cum & non multos post ipsum saluet; Si dicas aliquos reprobari propter ipsum peccatum originale. Respondeo non propter ipsum præcisè consideratum, sed ut durans ad mortem vsque. Ad hæc.

Notanda est differentia & conuenientia inter voluntatem dandi gloriam, & excludendi ab ea, si vtrique supponatur præcedere præscientiam futurorum operum; Nam sicut intentio dandi gloriam ut coronam iustitiæ virtute includit voluntatem dandi bona merita, & ex vi illius necesse est, ut Deus illam det & procuret; Ita voluntas excludendi à gloria, virtute includeret voluntatem dandi & procurandi mala merita seu peccata, quæ necessaria sunt, & exclusio illa fiat ex iustitia vindicativa sicut dicitur esse præordinata.

Differunt autem hæc duæ virtuales voluntates, quod prior consentanea est diuinæ bonitati, non autem posterior. Deus enim non solum non potest velle aut procurare homini mala merita, verumetiam nec permittere ex illo affectu, ut homo cadat; talis enim voluntas est indigna Deo.

Noluit ergo Deus ante præuisum peccatum, hominis damnationem.

Secunda ratio Deus per se & directe non est causa, quod aliquis damnetur, ut docet fides, oppositum autem dicendum esset, si ex seipso nullà supposità culpà ex parte hominis vel Angeli vellet positivè excludere eos à glo-

ria & in infernum detrudere.

Tertia ob eandem causam Deus ab æterno damnationis penas reprobis infligere decreuit, ob quam reipsa infligendus est. Atqui ob reprobos peccata eas infligendus est Matth. 25. *Ite maledicti in ignem æternum, esuriui enim & non dedistis mihi manducare, &c.*

Resolutio secunda negatiue seu permissiue reprobationis non datur causa ex parte reprobati; nam, ut dicit Scotus, permissio primi peccati est effectus illius voluntatis diuinæ negatiue, at tale primum peccatum non supponit ex parte creaturæ aliquam culpam, ut patet in Angelis bonis & malis.

Si verò loquatur de hominibus potest dici peccatum originale esse causam voluntatis illius negatiue Dei de non eligendis reprobis, & quamvis illud fuerit æquale in omnibus, tamen erat sufficiens iis, quibus denegatur causa denegandi, quod si aliquos elegit Dominus est nec iniuriam cuiquam facit, Matth. 20. *tolle quod tuum est & vade an non licet mihi facere quod volo.*

Dices, quibusdā reprobis remittitur peccatum originale ergo non est reprobationis causa.

Respondeo quod licet Deus non puniat remissum priuatione gloriæ, sæpe tamen negat gratiam vberiore seu specialem & non debitam prouidentiam.

O R D O Signorum in mente Dei, secundum Scotum.

Primo Deus habuit simul præsentis conspectui suo Petrum & Iudam; v. g. & decreuit efficaciter glorificare Petrum antequam præsciat eius merita. Circa Iudam nihil decreuit de gloria, sed se habet negatiue.

Secundo statuit vocare Petrum & dare illi gratiam congruentem ad bona opera, & circa Iudam negatiue adhuc se habet sicut in primo signo.

In Tertio præfinit permittere ut Iudas labatur in peccatum finale, & ex duabus negationibus postea præuidit illum moriturum in peccato.

In Quarto præuidens Deus exitum vtriusque decreuit dare gloriam Petro, & Iudam punire penā æternā.

Patet ex his quod si loquamur de reprobatione negatiua seu de negatione decreti de non eligenda tali persona ad gloriam, non datur causa ex parte reprobati.

Patet etiam ex hoc ordine quod detur causa ex parte reprobi positivæ eius reprobationis peccatum scilicet finale, in quo moriturus præuidetur.

Nota Deum posse permittere peccatum reprobos, tum ut magis resplendeat diuinæ prouidentiae suauitas permittentis ut creaturæ liberæ suos motus agant, tum ut ex peccatis reprobos prædestinati cautiore evadant, tum propter alios fines, neque opus est ut ex intentione puniendi reprobos, permittat eos peccare, etsi supposito peccato iuste statuatur inferre illis penam ex intentione ostendendi ex eorum supplicio iustitiam suam vindictivam.

Dices quomodocumque Deus aliquem reprobet, oportet quod sic se habeat reprobatio ad reprobos sicut se habet Prædestinatio ad prædestinatos, sed Prædestinatio est causa

causa salutis prædestinatorum; Ergo reprobatio erit causa reprobationis reprobatorum; hoc autem est falsum ex Osee 13. *perditio tua ex te Israël.*

Respondeo quod aliter se habet in causando Reprobatio quam Prædestinatio; nam Prædestinatio est causa & eius quod expectatur in vita futura & eius quod recipitur in presenti, scilicet gratia; Reprobatio vero non est causa eius quod est in presenti scilicet culpa; sed est causa derelictionis à Deo; est tamen causa eius quod redditur in futuro; scilicet poenæ æternæ, sed culpa provenit ex libero arbitrio eius qui reprobat & deseritur à gratia & secundum hoc verificatur dictum Osee.

Dices: nulli debet imputari quod vitare non potest, sed si Deus reprobat aliquem non potest vitare quin pereat; dicitur enim Eccles. 7. *considera opera Dei quod nemo possit corrigere quem ipse despexeris*; ergo non est imputandum hominibus quod pereant, hoc autem est falsum.

Respondet S. Thom. quod reprobatio nihil subtrahit de potentia reprobatum; unde cum dicitur quod reprobatum non potest adipisci gratiam, hoc non est intelligendum secundum absolutam impossibilitatem, sed secundum conditionatam; sicut dictum est prædestinatum necessitate salutis necessitate conditionata; quæ non tollit libertatem arbitrii; unde licet aliquis non possit consequi gratiam, qui à Deo reprobat, tamen quod in hoc vel illud peccatum labatur contingit ex eius arbitrio, unde & merito sibi imputatur in culpam.

Quæres qui sint effectus Reprobationis.

Respondeo quod licet prædestinatio aut Reprobatio non sit formaliter in utrovis ut recte decet S. Thom. 1. p. q. 23. art. 2. sed in Deo prædestinante aut reprobante tamen in quantum utraque mandatur executioni aliquos effectus producit in ipso prædestinato aut reprobo.

Prædestinationis effectus duo in genere notantur gratia scilicet & gloria, porro quia

gratia duplex est; una actualis, quæ dicitur Gratia vocationis, alia habitualis, quæ vocatur gratia iustificationis, hinc factum est ut primus ille effectus hominè gratiæ comprehensus in duo dividatur, & sic tres præcipui effectus prædestinationis numerentur, nempe vocatio, iustificatio, & glorificatio, ut Rom. 8. exprimitur.

Nota autem ad gratiam vocationis reduci omnia auxilia & adiumenta non solum interna sed etiam externa, quæ ad iustificationem simul cum internis concurrunt: ut externa Evangelij prædicatio: à parentibus Christianis ortus & educatio, occasionum peccandi remotio, cum piis & bonis conversatio, fraterna correctio & alia similia.

Ad gratiam quoque iustificationis pertine re omnes alios habitus supernaturales qui simul cum ipsa gratia habituali infunduntur, ut habitus fidei, spei, charitatis, & aliarum virtutum supernaturalium. Item dona Spiritus Sancti, gratias sacramentales, ac donum finalis perseverantiæ.

Ad Glorificationem denique pertinent ipsa visio benefica & alia dona gloriæ accidentalis, quæ vel animam vel corpus respiciunt.

Reprobationis duo tantum notantur effectus, permissio peccati & reprobi punitio, primum testatur Paul. Rom. 9. *Deus volens ostendere iram, & iram facere potentiam suam sustinuit in multa patientia vasa ira apta in interitum*: & ad hunc effectum reducitur obduratio seu obexcatio reprobi, quatenus Deus permittendo peccata, simul iusta aliqua ex causa subtrahit reprobo peculiare aliquod gratiæ suæ auxilium, quo eius cor emolliretur vel illuminaretur intellectus.

Secundus vero effectus reprobationis est ipsius reprobi æterna punitio *discedite à me*, &c. Matth. 25.

Quæres an ipsius reprobi peccata debeant dici effectus reprobationis.

Respondet effectus reprobationis sunt à Deo reprobante ut à causa. Atqui Deus peccatorum causa nec est nec dici debet ut videtur suo loco.

DE SS. TRINITATE.


Explicatio illius verbi *P A T R E M*.



*H*æc prima Sacrosancta Trinitatis Persona in Symbolo expressa, aperit ineffabile mysterium Fidei Catholica, cuius confessio singularissima est Christianis, hac enim discernuntur & distinguuntur ab omni Infidelium secta Paganorum, Mahometarum, imò & Indaeorum. Ex suprâ facto plano discursu de tanto arcano intelligitur profectò, quàm impenetrabile sit Angelo & homini, ideò maximi interest fidem sanam & perfectam de tam sublimi & adorando mysterio concipere & servare; quare ad explicandas & enodandas illius difficultates (Scholasticè, ut proposui ad maiorem veritatis illustrationem) non tam humana ratione quàm fidei, Ecclesie, Conciliorum, & Orthodoxorum Patrum auctoritate, utendum est, ut eâ prælucante verum à falso, certum ab incerto secernere valeamus, præsertim cum, ut rectè dixit S. August. lib. 1. de Trinit. cap. 3. Nec ullibi periculosius erratur, nec aliquid laboriosius quaritur, nec quidquam fructuosius inuenitur. Agam itaque primò de iis quæ mysterium spectant in genere, & subsequenter de iis quæ ad personas pertinent in particulari.

Q V Æ S T I O I.

An mysterium Sanctissima Trinitatis possit cognosci ratione naturali.



*S*ed ista Fide de tanto mysterio, quod sint tres Personæ realiter distinctæ inter se, in vna eademque numero singularissima essentia & diuinitate; Pater qui à nullo est genitus, Filius qui à Patre ab æterno est genitus, Spiritus Sanctus qui ab æterno procedit à Patre & Filio. Prima quæ occurrit disquisitio hæc est quàm præfert quæstio pro cuius resolutione

Dicendum est Personatum Trinitatem in unitate diuinæ essentiae, inuestigari & agnosci non posse ab intellectu creato sibi relicto & seclula reuelatione. Est de fide.

Probatum ex Scriptura Matth. 11. *Nemo novit Filium nisi Pater, & cui voluerit Filium revelare.* & cap. 16. cum Petrus alloquens Christum dixisset, *Tu es Christus Filius Dei vivi.* respondit ipse Christus, *Beatus es Simon Bar-ionas quia caro & sanguis non revelavit tibi, sed Pater meus.*

Probatum ex auctoritate Gregorij undecimi Papæ, qui, ut refert Nicolaus Emericus in decretorio Inquisitorum p. 1. q. 9. art. 96. damnavit ut hæreticam opinionem Raymundi Lullij qui assererat omnes articulos fidei, proindeque SS. Trinitatis mysterium probari posse per demonstrationes necessarias demonstrativas & evidentes,

Probatum ex SS. Patribus Augustino, qui cum multa meditaretur de hoc mysterio eo tempore, quo Libros de Trinitate componebat apparuit ei ad maris litus puerulus, qui facta fossula hauriebat cochleari aquam è mari, & in illam fossulam fundebat, inquit Augustinus, quid rerum ibi ageret, respondit, vellem totum mare in hanc fossulam fundere; At ille subridens, quomodo, inquit, ô bone puer, id poteris? ingens est mare, parvum cochlear quo hauris, parva fossa in quam fundis. At ipse, mihi facilius id quàm hoc quod cogitas brevis volumine impenetrabile mysterium concludere, & antequàm id possis, potius isti fossulæ totum infudero mare: sic disparuit; & Augustinus Deum glorificans, quàm verum dixisset advertit. Augustinus autem fidei luce & SS. Patrum scriptis utebatur, nec capiebat, quomodo ergo naturalis id assequetur ratio subobscura & excutiens ad ipsiusmet naturæ opera. Hinc lib. 8. de Trinit. cap. 5. loquens de hoc mysterio: *Prius, inquit, credere debemus, quàm intelligere.* Et S. Hilario lib. de Trinit. ubi sic loquitur: *Non potest homo sua intelligentia consequi posse mysterium diuinæ generationis.*

Probatum ratione; Omnis cognitio naturalis quàm de Deo habemus, aut habere possumus, ducitur solum ex creaturis à posteriori, & per effectus; Atqui nullus est quantumvis perfectus, qui referat nobis Deum esse unum in essentia, & trinum in personis: siquidem omnia opera Dei ad extra sunt tribus personis diuinis communia, & omnino indiuisa, nec Deus ad extra operatur ut trinus, sed quatenus unus. Ergo Dei opera ad extra nos ad trium diuinæ

diuinarum personarum noticiam perducere nequeunt.

Nec etiam potest probabiliter cognosci, quia nullum apparet medium, per quod citra reuelationem possit assergere in cognitionem aliquam probabilem huius mysterij, cum potius pleraque ei occurrant quæ illius possibilitati efficaciter opponi videntur, ut quod unus numero substantiæ unicuique tantum sit suppositum, Quod nullum agens naturam suam alteri communicet, sed aliam numero distinctam communicet. Quod nihil producat sine dependentia & causalitate. Quod producat sit prius tempore aut natura producto, quæ & similia valde aliena sunt ab iis quæ in Trinitate admittimus; quare tale mysterium esse impossibile, facile suaderetur ei, qui sine fide vellet illud scrutari, quod neque cum fide plenè apprehendi potest.

Dices, Philosophos quosdam Ethnicos ut Trismegistum, Platonem, Plotinum, & alios ita locutos fuisse in libris quos ediderunt ut videantur aliquam huius mysterij noticiam habuisse.

Respondeo, Philosophos illos, vel tantum locutos fuisse de diuersis essentia diuinæ proprietatibus & perfectionibus, non verò de distinctis in vnâ essentiâ diuinâ personis, vel si aliquam personarum diuinarum noticiam habuerunt, illam, non ex naturali luce aut proprii ingenij viribus obtinuisse, sed ex libris Mosaisis acceperunt, sicut de Platone asserit S. August. lib. 8. de ciuit. cap. 2.

Dices, hominem creatum esse ad imaginem Dei, ut dicitur Genes. 1. & in omnibus creaturis reperiri aliquod sanctæ Trinitatis vestigium ex Aug. lib. 7. de Trin. cap. 10. Atqui ex imagine naturaliter cognosci potest prototypus, sicut anima ex vestigio.

Respondeo 1. hanc imaginem in eo consistere, quod homo sit naturæ intelligentis sicut Deus, unde nihil potest colligi, nec demonstratiue concludi de Trinitate personarum, in Deo ac multò minus ex aliis creaturis, in quibus nihil inuenitur, quod ad huius mysterij noticiam eos ducat qui illud ignorant.

Respondeo 2. nos ne quidem scire posse, vel in nobis imaginem Dei, vel in aliis creaturis vestigium Trinitatis inueniri, nisi fides diuina illud reuelaret: cum Deus non cernatur in creaturis ut trinus, sed solum ut Deus sicut ex antedictis constat.

Q V Æ S T I O II.

An in Deo sit aliqua Processio seu emanatio vnius Personæ ab alia.

Notandum primò, quod intellectus in creaturis est potentia receptiua, & hoc pertinet ad imperfectionem, est etiam potentia productiua, & hoc pertinet ad perfectionem. In omnibus verò principiis productiuis, quæ de se non important imperfectionem, deueniendum est ad vnum simpliciter perfectum, quod scilicet ex plenitudine perfectionis non

Carriere in Professionem Fidei.

expectans perfici à producto vel à productione producit, quod autem dicitur de intellectu diuino, dicendum est conformiter de voluntate.

Notandum secundò, quod intellectus & voluntas nedum sunt principia operatiua, sed etiam principia productiua, sunt autem principia operatiua in quantum intelligunt & volunt, videlicet respectu actuum illorum, qui sunt intellectio & volitio quæ sunt operationes immanentes.

Sunt autem principia productiua respectu actuum illorum, qui dicuntur & sunt Dicere & Spirare, qui quidem actus in diuinis dicuntur notionales; Primi autem, scilicet intelligere & velle dicuntur essentielles; his præmissis probatur Propositio affirmatiua.

Quicquid est de sua ratione formali principium productiuum, illud in quocumque est sine imperfectione & à se est principium productiuum. Nota iungi illam particulam, *a se*, quia nihil potest impedire principium productiuum ex se formaliter, quin agat, nisi quia ut est in illo habet iam actum adæquatum, ut vis generatiua in filio non potest producere, nam ut est in eo habet terminum adæquatum. Idem dic de voluntate in Spiritu Sancto.

Sed memoria secunda, seu quod idem est & explicationis gratia dico intellectus summè intelligens, habensque obiectum intelligibile sibi præsens, est principium productiuum notitiæ genitæ est in Deo, & à se. Idem dicendum de voluntate fecunda, quæ est voluntas habens obiectum cognitum amabile sibi præsens; Illa ergo duo principia de se productiua sunt in Deo; ergo insunt duæ productiones.

Nec dicas, ex principio productiuo non inferre terminum productum, sed tantum potentialitatem ad produci: quod fortè verum est in intellectu & voluntate creata. At in Deo necessitas productionis ostenditur vbiicumque ponitur principium productiuum perfectum, si est necesse esse & infinitum, necessariò ibi ponitur productio perfecta, sed in Deo ponitur principium productiuum perfectum notitiæ genitæ; ergo necessariò ibi ponitur productio perfecta, & vocatur perfecta, quia se habet adæquatè ad principium productiuum; sicut enim intellectus eius est infinitus, ita notitia genita est infinita; consimile dicitur de voluntate, quia voluntas infinita habens obiectum amabile infinitum, sicut ponitur in Deo, est principium productiuum amoris infiniti.

Confirmatur similitudine sumpta ab intellectu & voluntate creata, ex quorum prior procedit Verbum, ex posteriori Amor; cum enim Deus sit intellectu & voluntate præditus, easdem processiones habere debet; cumque sit infinitus terminus earum debet esse infinitus, & consequenter Deus, imò cum nequeat esse nisi vnus Deus, sequitur personam quæ producit, & eam quæ producitur, debere esse vnum & eundem Deum. Nec refert quod intellectus & voluntas in Deo non distinguantur realiter; sufficit enim distinctio virtualis vel formalis, ut ab iis termini realiter distincti procedere possint, ad eum modum, quo anima rationalis eminenter tantum continens sensitiuam & vegetatiuam producit effectus vtriusque.

N

Dices.

Dices, rationem illam non concludere; quia intellectus noster producit verbum ut intelligat per illud; at Deus intelligit per notitiam essentialem & ingenitam, quare in eo frustra ponitur processio verbi.

Respondeo id non sequi; nam esto intellectus diuinus, uti summè actualis, non indigeat notitia genita ut intelligat, tamen cum sit summè perfectus, hinc colligi potest eum esse infinîtè fecundum, atque adeo per illum produci notitiam infinitam, non quidem ut perfectionem aliquam acquirat, sed potius ut suam communicet: Sic enim detractis creaturarum imperfectionibus, id solum Deo tribuimus, quod ad perfectionem simpliciter attinet; nimirum habere vim productiuam, non ex indigentia, sed ex abundantia & perfectionis plenitudine.

Secundò, probatur productio ad intra in Deo, in vnoquoque genere imperfectum arguit perfectum in illo, sed omnis productio in creatura est imperfecta, quia non attingit finem perfectum vel completum perfectionis, qui est assimilatio perfecta in vnitatem naturæ, quod non est in creaturis, & tamen non includit contradictionem; ergo oportet dari productionem perfectam, quæ sit in vnitatem naturæ, sed non potest dari nisi in Deo; ergo est in eo.

Dices, contra productionem in diuinis, nullum productum est ex se necessarium, sed quicquid est in diuinis est ex se necessarium; ergo nihil productum est in Deo, probatur maior, nihil potest esse necessarium ex se, & necessarium ab alio; si enim est ex se necessarium; ergo est necessarium quocumque alio circumscripto. Secundò, omne productum fuit possibile produci, sed omnis potentialitas repugnat necessariò ex se.

Respondeo, negatur maior. Ad primam probationem dico, quòd licet nihil possit esse ex se necessarium, & necessarium ab alio, formaliter tamen quia est ex se formaliter necessarium, potest esse necessarium ab alio productiue; Et cum dicitur si est ex se necessarium, necessarium est quocumque alio circumscripto, verum est circumscripto quocumque alio, cuius circumscriptio non includit impossibilitatem. Ad secundam probationem dico, quòd maior est vera de possibili logico, quòd videlicet importat modum compositionis formatæ ab intellectu, cuius termini non includunt contradictionem, sed non de possibili reali, quòd videlicet sumitur ab aliqua potentialitate in re.

Instatur, Essentia diuina non habet ex se suppositum productum, habet autem illud per productionem; ergo fit de non habente illud habens illud, & sic est ibi mutatio, quòd est impossibile.

Respondeo, quòd non valet consequentia, sed sequitur; ergo essentia de se non includit suppositum productum, habet illud per productionem; non enim debet ibi fieri abstractio diuina sic quòd in illo priori, in quo primò intelligitur essentia diuina, intelligatur non esse suppositum productum, sed tantum est abstractio præcisua.

Nota 1. pro solutione multarum difficultatum

in hoc subiecto: Filium Dei interdum vocari à Patribus *autrheon*; quia non est precariò Deus seu ex gratia & liberalitate, sed eadem necessitate accipit diuinitatem à patre tanquam sibi naturaliter debitam, qua per eam à seipso habet pater.

Filius etiam dicitur *Sebona*, seu fons essendi, non quòd non procedat ab alio, sed quia habet eandem naturam & potentiam Patris, à qua ut à fonte essendi omnia procedunt, cum ipsa à nullo sit; quare potest dici fons de fonte, sicut dicitur Deus de Deo, lumen de lumine.

Nota secundò, non esse perfectius esse à se quam esse ab alio quoad naturam in distincto, qua ratione vna persona est ab alia; hoc enim non arguit dependentiam aut causalitatem, cum persona procedens accipiat eandem naturam independentem & incausatam personæ producentis, idque omnimoda necessitate; unde ex sententia Patrum, in Deo non est minoris perfectionis esse Filium quam esse Patrem aut Spiritum Sanctum; nam cum tres personæ habeant eandem naturam & essentiam diuinam infinîtè perfectam, consequenter æqualitas est lumina perfectionis inter eas; unde loca Scripturæ, quæ inferioritatem aliquam videntur tribuere Filio, intelliguntur de eo secundum humanitatem; siquæ verò interdum à Patribus de Filio ut Deus est intelliguntur, ea nihil significant, quam Filium habere à Patre substantiam diuinam & virtutem operandi, Patrem verò à seipso, sicque Patrem esse superiorem seu maiorem Filio, quatenus est prior origine & principium illius.

Conclusio secunda. Non sunt ponendæ in Deo plures processionès quàm duæ; quia in Deo sunt tantum tres personæ, Pater, Filius, & Spiritus Sanctus. Prima à nulla procedere potest; Secunda procedit à prima; Tertia à prima & secunda; sicut ergo sunt tantum duæ personæ procedentes, & ita & duæ dumtaxat processionès, si enim plures essent, consequenter essent plures personæ quàm tres, quòd est contra fidem. Probatur secundò, nam in Deo sunt tantum duo principia ad intra, scilicet intellectus & voluntas, (cum actio sensuum etsi immanens non sit nisi in subiecto materiali;) at quodlibet ex illis principiis vnum tantum terminum habere potest; ergo duæ tantum processionès ab illis esse possunt: probatur minor; nam sicut intellectus diuinus propter suam infinitam perfectionem vnico actu simplicissimo cognoscit suum obiectum quantum est cognoscibile; ita producit notitiam tam perfectam, quanta esse potest cognitio talis obiecti. Et similiter, quia diuina voluntas est infinîtè perfecta, sicut amat suum obiectum quantum est amabile, ita producit amorem adæquatum amabilitati obiecti; unde neque aliud restat Verbum producendum per intellectum, neque alius amor spirandus per voluntatem, & ita duæ tantum processionès, alia per intellectum, alia per voluntatem.

Nec Verbum multiplicari potest; quia quòd producit à Patre totam exhaurit potentiam productiuam; unde etsi Filius intelligat, non tamen producit Verbum, quia intelligit per eandem intellectionem Patris, quæ suum terminum adæquatum iam habet in Filio; nec refert

Nota pro Filio Dei equalitate cum Patre.

refert quòd filius producat Amorem seu Spiritum Sanctum; nam recipit voluntatem fecundam à Patre quæ in illo priori non habet suum terminum, cum Filius non producat per voluntatem, sed per intellectum; quare non mirum quòd simul cum Patre producat Spiritum Sanctum.

Dices si accipiuntur duæ processiones secundum intellectum & voluntatem, cur non sumuntur aliæ duæ secundum potentiam & bonitatem, quæ non minùs sunt in Deo quàm intellectus & voluntas, præcipuè cum potètia Dei sit principium maximè productivum, & Bonitas sit maximè diffusiva sui ipsius.

Respondeo, processiones diuinarum personarum debent esse ad intra, ac potentia est principium agendi in aliud, vnde secundum potentiam accipitur actio ad extra, & sic secundum potentiam attributum non accipitur processio diuinæ personæ, sed tantum processio creaturarum; Bonitas verò non est productiva neque potest reuocari ad principium vel causam efficientem, sed tantum finalem; Nam ut ait Boëtius Bonum pertinet ad essentiam, & non ad operationem, nisi fortè sicut obiectum voluntatis, vnde cum sit necesse accipere processiones diuinas secundum aliquas actiones, non accipiuntur secundum bonitatem & alia huiusmodi attributa, non accipiuntur autem aliæ processiones nisi verbi & amoris secundum quod Deus suam essentiam, veritatem & bonitatem intelligit & amat.

Dices licet omnis processio in Deo sit per intellectum & voluntatem, non tamen sequitur duas tantum esse, quia sicut in nobis non est vna tantum processio verbi sed multæ; nam ex vno verbo in nobis aliud verbum procedit, & similiter ex vno amore alius amor, à fortiori in Deo, maior enim est fecunditatis virtus in Deo, quàm in homine.

Respondeo, quòd Deus vno simplicissimo actu omnia intelligit & omnia vult; vnde in eo non potest esse processio verbi ex verbo, nec amoris ex amore, sed est in eo vnum verbum perfectum & infinitum omnia completens, & vnus amor perfectus, & in hoc manifestatur perfecta eius fecunditas; Nos autem non possumus omnia intelligere vno actu nec vno omnia velle sed indigemus variis ac distinctis actibus ut experientia docet; nam alio actu intelligimus hominem, alio leonem, alio Deum, alio aliud similiter, alio actu volumus hoc, alio illud; quia non sumus infinitæ virtutis ut Deus.

Instabis intellectus in Deo non est aliud à voluntate sed sunt idem; ergo si est in Deo processio ab intelligibili, processio quæ est secundum operationem voluntatis, non erit alia ab intelligibili.

Respondeo intellectum & voluntatem in Deo distinguere saltem ratione secundum Thomistas, & formaliter secundum Scotum, hoc tamen quod sunt idem essentialiter & realiter non impedit actionem vtriusque, & ordinem processionum, quæ sunt secundum actionem vtriusque, non enim est processio amoris nisi in ordine ad processionem verbi, nihil enim potest voluntate amari, nisi sit intellectu con-

ceptum, sicut ergo attenditur quidem ordo verbi ad principium à quo procedit, licet in Deo sit eadem substantia intellectus & conceptio intellectus, ita licet in Deo sit idem intellectus & voluntas, tamen quia de ratione amoris est, quòd non procedat nisi ab intellectu conceptione, processio amoris habet ordinis distinctionem à processione verbi in Deo.

Conclusio tertia. Processiones diuinæ non sunt immediatè per essentiam diuinam, sed per intellectum & voluntatem; probatur ex Scriptura, quæ secundum Trinitatis personam vocat verbum, & tertiam amorem seu charitatem, ac verbum procedit per intellectum, & amor per voluntatem: Probatur secundò; nam de fide est processionem Filij esse priorem origine processione Spiritus Sancti, illam esse generationem non istam, Spiritum Sanctum non solum à Patre sed etiam à Filio procedere, ac denique non esse in Deo nisi duas processiones. Ista autem non haberent locum si processio fieret per essentiam ab intellectu & voluntate præcisam, & quidem processionem Filij esse priorem processione Spiritus Sancti ex eo intelligimus; quia cognitio præcedit volitionem, & nihil est volitum quin præcognitum, deinde concipimus generari Filium non Spiritum Sanctum; quia quod procedit per intellectum, procedit ut simile ex vi suæ processionis, non quod procedit per voluntatem. Præterea cum Filius prius origine sit productus quàm Spiritus Sanctus, inde habemus quòd possit concurrere ad productionem illius, quia in illo priori accepit à Patre potentiam spirativam simul cum diuinitate.

Obiicies, natura diuina est radix intellectus & voluntatis, & est principium determinatum ad agendum; ergo non sunt plura principia neque plures personæ.

Respondeo essentiam diuinam esse principium producendi, sed non se sola, sed simul cum intellectu; vnde ex essentia diuina & intellectu constituitur memoria fecunda quæ est integrum & completum principium producendi per modum naturæ, si enim essentia diuina non esset principium quoque producendi, sequeretur quòd verbum non magis esset notitia essentiae quàm lapidis, qui nullo modo concurret ad illam notitiam producendam; Essentia ergo non est principium productivum per se distinctum ab intellectu & voluntate, sed idem quod intellectus & voluntas.

Instabis vnus naturæ vnus est modus communicandi, sed essentia diuina est vna natura; ergo communicatur vno modo & non duabus productionibus.

Respondeo maiorem esse falsam ex Ambrosio; nam Adam & Filius eius fuerunt eiusdem naturæ specificæ & tamen Adam fuit à Deo per creationem & Filius suus ab Adamo per generationem; Ignis excussus de lapide & ignis ab igne genitus sunt eiusdem naturæ specificæ, & tamen per alium modum produci constat.

Obiicies. Paternitas diuina emanat ab essentia diuina; ergo in Deo sunt tres emanationes seu processiones, & hinc sumitur argumentum pro Durando; quia si Paternitas emanat à fecunditate essentiae diuinæ, cur non etiam Filiatio & Spiratio passiva?

N 2

Respon

Carriere in Professionem Fidei.

Pote. in lib.
de Hebdom.In Deo est
vnum tantum
verbi produ-
ctio & amo-
ris quia ver-
bum & amor
infinita sunt,
omninoque in-
tellegibilia &
amabilia co-
plentur.Ambros. lib.
de Incarnat.
Vbi.

Respondet, non agimus hic de emanatione seu processione relationum, sed personarum; Est enim quaestio, an sit aliqua processio diuinarum personarum, & cum sint tantum tres personae diuinae, respondemus, personam Filij & Spiritus Sancti procedere à persona Patris, hanc autem non procedere ab alia persona, adeoque esse tantum duas personales processiones. Quod ad Relationes attinet, illae propriè non procedunt vel emanant realiter ab essentia diuina; ratio est, quia in emanatione aut productione propriè dicta debet dari realis distinctio inter producentem & productum, quae non datur inter essentiam & relationes; Concedi tamen potest virtualis quaedam emanatio; nam essentia diuina continet in se virtualiter relationes, ac proinde possumus concipere relationes virtualiter emanare ab essentia, sicut etiam concipimus attributa emanare ab essentia & vnum procedere ab alio.

Dices, si Filius procederet per intellectum, ipsa intellectio esset eius productio, at hoc dici non potest, quia cum in tota Trinitate sit eadem intellectio, productio verbi competeret omnibus personis, adeoque omnes Verbum producerent, quia nequit concipi quod productio actiua competat alicui & is non producat.

Respondent aliqui, intellectiōem diuinam posse dupliciter spectari. Primò vt est nuda obiecti cognitio. Secundò, vt habet adiunctam relationem producentis ad productum, & priori modo non esse productionem, sed posteriori, qua ratione non est nisi in solo Patre; vnde solus Pater producit Verbum, etsi tres personae habeant eandem intellectiōem, & idem dicunt de volitione, proportionem seruata.

Respondet Scotus, Verbum non produci per intellectiōem essentialem, quae est communis tribus personis, sed per Dicere notionale Patris, & Spiritum Sanctum produci per Spirare notionale Patris & Filij; intellectiō autem vt est in Verbo, habet suum terminum adequatum, sic & Amor in Spiritu Sancto, quare non possunt amplius producere Verbum; ergo non potest multiplicari, quia cum sit infinitum, exhaustit totam potentiam productiuam intra lineam intellectus; vnde etsi Filius intelligat, non tamen producit Verbum; item nec Spiritus Sanctus, quia intelligunt per intellectiōem essentialem eandemque Patris, quae suam iam habet terminum in Filio. Nec refert quod Verbum producat Amorem; recipit enim à Patre voluntatem fecundam, quae in eo priori non habet terminum suum, cum Filius non producat per voluntatem, sed per intellectum, quare non mirum quod simul cum Patre Filius producat Spiritum Sanctum.

Corollarium Praedictorum.

In vnitatem naturae diuinae sunt tres personae, quarum prima est à nullo, quia nata diuina est de se hae vt in vna persona ingenerata & innascibili subsistat. Secunda est per generationem à sola prima. Tertia est per communionem spirationem à prima & secunda, quia in

illo priori naturae antequam spiretur Spiritus Sanctus, Pater communicauit Filio voluntatem secundam principium amoris.

Istud tamen sic est, quod Trinitas personarum non excludit ab essentia vnitatem, simplicitatem, immensitatem, incommutabilitatem, eternitatem, &c. huius ratio patet, quia qui crederet Deum non posse, se communicare, negaret in eo potentiam, qui verò crederet eum hoc posse, sed nescire, negaret sapientiam in eo, qui crederet eum hoc posse, sed nolle, negaret in eo bonitatem. Cum igitur Pater potuerit, sciuerit & voluerit se summè communicare, hoc fecit aeternaliter, scilicet habendo dilectionem & dilectum, hoc est Filium & Spiritum Sanctum. Praeterea omne bonum est sui diffusum; vnde cum Pater sit fons bonitatis, emanatio erit perfectissima ab eo, quae est generatio, erit etiam emanatio iucundissima, quae est per modum benignitatis & liberalitatis; haec autem emanatio amor est, qui est Spiritus Sanctus à Patre & Filio procedens. Et benè dicitur amor emanatio liberalitatis, quia amor est primum donum quod à liberalitate procedit, cum sit donum intrinsecum in ipso dante, in quo scilicet amore omnia dantur.

Haec Beata Trinitas tribus modis innotescit; ipsa enim patet in Scriptura, ostenditur in figuris, reuelatur in creaturis, hinc in Lege veteri, licet hoc mysterium multis fuerit ignotum, & implicite tantum creditum à multis, qui ad fidem explicitam equidem non tenebantur, illi tamen qui erant perfectiores illud nouerant & credebant fide explicita & perfecta; vt patet per Prophetas saepe insinuatam, & multis in locis Scripturae expressum.

Genesis primò, *Faciamus hominem ad imaginem & similitudinem nostram*. Si non essent tres personae Scriptura non diceret, *Faciamus ad nostram*, sed *meam*; & si essent tres personae & non vna substantia, non diceretur *ad imaginem*, sed *imagines*; ad insinuandam verò Trinitatem, seu vnitatem trium, ponitur in Psal. 66. *Benedicat nos Deus, Deus noster, benedicat nos Deus*, & additur, *metuant eum omnes fines terrae*; non dicit, *metuant eos*, vt significet vnitatem essentiae.

Genesis 18. Abraham stans in ostio, tres vidit venientes ad se & tamen loquitur ad eos in singulari. *Domine: tres vidit*, inquit ibi glossa, & vnum adorant.

Idem insinuabat illa Scriptura, in quam Christus incidit, dum in Synagoga librum aperiret. Mat. 61. *Spiritus Domini super me, euangelizari pauperibus misit me*. In voce Spiritum, designatur tertia persona, in voce Domini, signatur prima, in eo quod additur *super me*, designatur persona Filij.

Missa facio alia loca veteris Testamenti.

In nouo autem, aperta sunt Scripturae tres personas exprimentes, & notissima est illa Mat. 28. à Christo dicta, *Euntes docete omnes gentes, baptizantes eos in nomine Patris, & Filij, & Spiritus Sancti*. Prima Ioan. 5. *Tres sunt qui testimonium dant in caelo, Pater, Verbum, & Spiritus Sanctus, & hi tres vnum sunt*. Versu autem 18. *Deum nemo vidit unquam, unigenitus Filius, qui est in jura Patris ipse enarrauit*.

Ioan. 14. vers. 16. 15. vers. 26. 16. vers. 13. Roman. 11. vers. 36. *Quoniam ex ipso & per ipsum*

Trinitas ex Scriptura lo-
cu.

ipsum & in ipso sunt omnia ipsi gloria in secula. Nota ibi quod hæc præpositio Pauli multa docet; Ex dicitur auctoritatem & esse à nullo, hoc autem conuenit Patri, qui est principium sine principio, & hæc præpositio *per*, notat operationem siue medium & esse ab alio, unde per hoc intelligitur Filius, qui est principium de principio, hæc autem præpositio *in*, notat conseruationem & esse ab aliis, & idèd competit Spiritui Sancto, qui est continentia omnis boni.

Ostenditur etiam Beata Trinitas in figuris, significatur enim per tres Angelos, quos Abraham excepit, vt dixi; item per tres digitos, quibus moles terræ appensa dicitur Proverb. 30. per tria difficilia, ad inuestigandum, Ecclesi. 40.

Relucet quoque in creaturis vestigium sanctæ Trinitatis; cognoscitur enim in magnitudine creaturarum, potentia Patris, in dispositione, sapientia Filij, in ornatu, bonitas Spiritus Sancti; item in quolibet indiuiduo inuenies virtutem, speciem, & vtilitatem, quorum primum conuenit Patri, secundum Filio, tertium Spiritui Sancto; In sole notatur essentia, splendor, & calor, in homine residet imago ipsa Trinitatis, in vna anima & tribus animæ potentiis intellectu, voluntate, memoria, hæc est Trinitas creata, quæ non habet quietem, donec iungatur Trinitati increatæ in beatitudine, Non quiescet hæc imago donec exemplari suo tunc perfecte vniatur, quando tres illæ animæ potentie satiabuntur, intellectus visione Dei, voluntas fruitione, memoria æternitatis continuatione. Sed antequam ad id perueniat, tria ei vulnera sananda sunt, quæ contraxit per peccatum recedens à Trinitate, recedens enim à Patre, cuius est omnipotentia, contraxit infirmitatem, recedens à Filio, cuius est sapientia, contraxit ignorantiam, recedens à Spiritu Sancto, qui est bonitas, contraxit malitiam. Per hæc tria vulnera, tribus Trinitatis hostibus succumbit, carni per infirmitatem, mundo per ignorantiam, demoni per malitiam. Sed aduersus tria hæc, aliam ei Deus exhibuit Trinitatem auxiliatricem, tria scilicet dona, fidem, spem, charitatem, fidem vt illuminetur contra ignorantiam, & vincat mundum, spem vt roboretur contra infirmitatem & debellet carnem, Charitatem qua omnis malitia expellatur & superet Diabolum. De hoc sic loquitur Bernard. serm. de Trinit. *Trinitas est à qua homo cecidit Pater, Filius, & Spiritus Sanctus, est Trinitas qua cecidit intellectus, memoria, voluntas, & est Trinitas in quam ista cecidit impotentia, ignorantia & concupiscentia, est & Trinitas per quam Trinitas cadens resurgit ad Trinitatem, de qua cecidit scilicet fides, spes, charitas.*

Q V Æ S T I O III.

De Personis diuinis in genere.

Definitur Persona, intellectualis naturæ incommunicabilis existentia, hæc incommunicabilitas duplex est, sicuti & duplex notatur communicabilitas; vno modo aliquid

dicatur communicabile pluribus quod est idem cuilibet eorum, ita quodd quodlibet sit ipsum, sicut vniuersale dicitur communicari suis inferioribus; Alio modo communicatur alicui vt forma, qua aliquid est tale secundum ipsum, sed non est ipsum, vt anima communicatur corpori, & vtroque modo Deitas est communicabilis, & neutro modo Persona, & ita est duplex incommunicabilitas pertinet ad rationem personæ propter quod anima separata, licet habeat primam incommunicabilitatem, tamen non est persona, quia non habet secundam & vtraque incommunicabilitas requiritur ad rationem personæ in re & ex rei natura; incommunicabilitas ergo vt quod & vt quo est de ratione personæ.

Ex his patet, personam nihil dicere pertinet ad ens rationis, cum definitio nihil tale habeat, vtrumque enim istorum terminorum natura & existentia incommunicabilis est ante intellectus operationem in illa, quæ persona dicitur, vt Pater in diuinis includit naturam intellectualem & existentiam incommunicabilem ante operationem intellectus.

Scotus tenet personam formaliter dicere, quid negatiuum connotando positiuum non extra genus, sed in ipso genere scilicet in natura intellectuali & ratione connotati dicere dignitatem.

Alij ponunt rationem personæ esse quid positiuum & reale & significare substantiam, unde reprehenditur Laurentius Valla, quod dixerit nomen personæ qualitatem tantum significare, eo quod vna & eadem substantia dicitur interdum gerere plures personas, ac proinde in Deo non magis esse personam quam in brutis, qua in re errauit, cum apud authores sacros & profanos persona interdum sumatur pro substantia interdum significet qualitatem.

Probant illud positiuum & reale sic; Pater est persona realiter distincta à persona Filij; ergo per aliquid reale, non per essentiam, quæ communis est tribus; ergo per ipsam personalitatem & sic personalitas seu constitutiuum personæ est quid reale non mera negatio. Adde personas diuinas constitui per relationes, quas esse entia realia patet; tum ex Philosophorum sententia suppositum in creaturis non consistit formaliter in negatione, sed est quædam positiua entitas seu modus realis naturæ superadditus. Idem autem est dicendum de persona, quæ nihil aliud est quam suppositum naturæ intellectualis, quod si in creatis suppositualitas, seu personalitas est quid reale & positiuum, à fortiori in diuinis.

Nota pro eodem hodie sumi Personam, hypostasim, substantiam, indiuiduum.

Q V Æ S T I O IV.

De Constitutione & Distinctione Personarum diuinarum.

Hæc principalis est questio in mysterio Trinitatis.

Supponendum Personas diuinas constitui & quali componi à parte rei ex essentia & relatione

latione, quia habent essentiam, in qua conueniunt & oppositas relationes in quibus differunt vel non sunt idem ex parte rei.

Quæres qualiter fieri possit quoddam essentia & relatio, cum non sint idem, non faciant compositionem vel aggregationem aut non faciant personam aggregatione vel compositione.

Respondeo quoddam hoc euenit propter identitatem essentia & relationis; quia enim essentia & relatio sunt perfectissimè idem, ideo licet habeant rationem formalem distinctam, tamen non habent compositionem neque aggregationem, ut dicam in tractatu de Attributis. Si adhuc quæras, unde oritur hæc perfectissima identitas, si iam ex parte rei & formaliter distinguuntur.

Respondet Scotus hoc provenire ex infinitate essentia, propter quam omnia, quæ sunt in ea, sunt perfectissimè idem; unde essentia diuina est pelagus infinitum, in quo omnes relationum & attributorum rationes identificantur, & licet persona ex relatione & essentia sit vnum per se, & vnum sit in alio, scilicet relatio in essentia, non tamen ibi est tanquam actus in potentia vel quasi potentia, sed ut actus minus perfectus in perfectiori, & ut contentum in pelago infinitè continente.

Ad Quæstionem communiter dicitur personas constitui & distingui per aliquid distinctum à personis scilicet per proprietates easque non absolutas sed relativas.

Præpositus & Gregorius Ariminensis arguuntur temeritatis, quod docuerint personas diuinas se totis immediatè constitui & distingui; Nam Patres & Concilia unitatem agnoscunt secundum essentiam, & discretionem secundum proprietates personales, quibus consonat præfatio Missæ de Trinitate: in personis proprietas, in essentia unitas, in maiestate adoretur æqualitas.

Probatum ratione. Nam ex fide tres personæ sunt vnus Deus; quare sicut assignatur aliquid, in quo conueniunt, nempe essentia, ita cum non obstat illa unitate personæ sint plures & realiter distinctæ, sequitur in qualibet persona præter essentiam communem admittendam esse specialem aliquam formalitatem, per quam intrinsecè constituentur in ratione talis personæ, & distinguantur ab aliis; Ea autem formalitas congruenter vocari solet proprietas, ut distinguatur ab aliis perfectionibus diuinis, quæ aut duabus aut omnibus personis conueniunt.

Secunda pars, quoddam hæc proprietates non sint absolutæ sed relativæ, est adeo certa ut oppositum vix vacet errore; Nam de fide est personas in Deo multiplicari & facere numerum, ergo debet etiam multiplicari principium constitutum & distinctum personarum; At non multiplicantur proprietates absolutæ, cum hæc sint communes tribus personis, sed tantum relativæ; ergo dicendum est personas diuinas constitui & distingui per proprietates relativæ. Confirmatur; nam vna persona ut sic non potest constitui per id, quod competit alteri; quare cum absoluta competant æqualiter omnibus personis, sequitur constitutionem personæ diuinæ petendam esse à proprietate relativa. Præterea quotiescunque Scriptura loquitur de personis diui-

nis videtur nominibus relativis Patris, Filij, Spiritus Sancti; ergo signum est eas constitui & distingui relationibus & non proprietatibus absolutis; Si enim essent absolutæ, non debuissent vocari & exprimi nominibus relativis; Congruum autem videtur Baptismum dari inuocando personas Trinitatis nominibus propriis ipsarum; Christus autem ea nomina nouerat; ergo expressit illas; at sunt Pater Filius, & Spiritus Sanctus.

Secunda ratio. Quando articulus fidei traditur à Christo, conuenientius est accipere illum secundum intellectum, qui maximè haberi potest à Christo, talis autem articulus est de personis relativis, non autem absolutis; dicit enim baptizantes eos in nomine Patris, & Filij & Spiritus Sancti, tradit ergo hunc articulum ut credamus tres personas relativæ non absolutas: fortè respondebis hunc articulum certò tenendum esse quoad illud, quoddam personæ istæ sunt relativæ, sed non sequitur esse tenendum quoad illud, quoddam non explicauit, scilicet an sint constitutæ per absoluta necne, nec enim hæc duo repugnant.

Tertia ratio. Omnis entitas absoluta diuina conuenit Deo ut Deus est; ergo vna persona non distinguitur ab alia per absolutam entitatem; antecedens Probatum, quia omnis entitas est perfectio simpliciter & infinita; ergo conuenit Deo simpliciter, tum sequeretur Filium non fore consubstantialem Patri; nam absoluta proprietas, qua Filius distingueretur à Patre pertineret ad essentiam & substantiam sicut omnia absoluta.

Nota perinde esse siue dicamus cum D. Bonauentura personas diuinas constitui per origines seu actus notionales, siue dicamus cum S. Thoma per relationes originis; ratio est; quia originis seu actus notionales sunt planè idem cum relationibus nec villo modo distinguuntur nisi ratione ratiocinante sine fundamento in re, Quæ distinctio posita est in eo quoddam intellectus noster eandem rem modò ut actionem modò ut relationem accipiat; nam generationem concipit ut actionem, Paternitatem verò ut relationem, cum tamen idem sint, & probatur; quia generatio actiua & passiva sunt eorundem relationes ut iam dictum est, cum fiant sine motu & mutatione; ergo non distinguuntur à Paternitate & Filiatione nequidem distinctione virtuali, alioqui concedendæ essent plures relationes reales in Deo quàm quatuor, quod est contra communem sententiam Theologorum; sequela patet, quia ad multiplicandas relationes sufficit distinctio virtualis, ut constat de Spirazione actiua, quæ censetur relatio realis, & tamen solum distinguitur virtute à Paternitate & Filiatione; si ergo generatio actiua & passiva distinguuntur virtute à Paternitate & Filiatione, iam multò plures essent relationes reales quàm quatuor; & confirmatur ex Patribus, qui promiscue vtuntur nominibus Originum & Relationum, & aliquando per origines aliquando per relationes constituent & distinguunt personas unde Augustinus reputat pro eodem Genitum & Filium, Genitorem & Patrem, atque adeo natiuitatem & Filiationem, generationem actiuam & Paternitatem.

Argues, in relativis semper est aliquid absolutum

absolutum, super quod fundatur relatio, & quod per relationem refertur; Sed personæ diuinæ sunt relatiuæ; ergo in eis est quid absolutum, super quod fundantur relationes, & quod refertur per illas; sed illud non est essentia; ergo personæ sunt quid absolutum; absolutum autem constituitur per absolutum non per relatiuum; ergo personæ diuinæ constituuntur per absoluta non per relationes. Prima propositio probatur ex Augustino, ubi habes sic, omnis essentia, quæ relatiuè dicitur, est etiam aliquid excepto relatio; & cap. 3. Si Pater non est aliquid de se; non est omnino qui relatiuè dicatur ad aliquid. Ex hac auctoritate deducitur quod ipsa relatio non est id quod refertur, sed aliquid, cui inest relatio; & istud non est essentia, sed suppositum seu persona.

Ad Augustinum, Respondeo, verum esse de relationibus creatis, quæ sunt accidentia, non in diuinis, quæ sunt substantiales & per se subsistunt.

Dices, vnā personā diuinā per id constituitur & distinguitur ab alia, per quod terminat relationem illius; At non terminat relationem alterius secundum esse relatiuum, sed secundum esse absolutum, vt colligitur ex Logica; ergo.

Respondeo negando minorem; quia cū relatio diuina sit substantia perfectissima & per se subsistens, ea non est tantum ratio referendi aut terminandi, sed est etiam id quod refertur ad aliud, quodque oppositam relationem terminat; esto oppositum contingat in relatione accidentali.

Dices, & hinc Magna Difficultas, si personæ constituantur per quid relatiuum, Paternitas constitueret primam personam, at hoc repugnat, quia persona supponitur constituta antequam generet, adeoque antequam sit Pater; Nec respondeas constitui per Innascibilitatem siue per ingentum; quia hæc est proprietas negatiua; nam secundum propriam rationem formalem non importat neque connotat aliquod positium productum, sed est simplex negatio producti propriè dicti; vnde est proprietas negatiua; simplex autem negatio non potest constituere aliquid. Relatio Paternitatis confurgit ex ipso gignere; ergo prima persona prius est in ipso esse personali quàm habeat Paternitatem. Probatior maior, quia suppositi est agere ex 1. Metaph. Minor est euidentior; Pater enim per generationem est Pater; ergo antequam generet non est Pater; sed antequam generet est suppositum; ergo non constituitur in esse suppositi per Paternitatem seu relationem ad secundam personam.

Cruciantur hic Theologi & varia respondent.

Henricus dicit, generationem actiuam Patris considerari posse quatuor modis. Vno modo vt est aptitudinalis. Secundo modo quatenus est quasi potentialis. Tercio quatenus est præterita. Quarto quatenus est præterita, sicque ait relationem fundari super generationem; his quatuor modis posse considerari, & responderet relationem paternitatis constituere personam Patris, quatenus fundatur super genera-

tionem, vt est aptitudinalis; quia hæc est ratio, sub qua potest considerari generatio, & ad illum modum alij modi sequuntur, hic verò ad nullum alium, & relatio hoc modo significatur hoc nomine generationis.

Impugnat Scotus variè, hoc tamen modo; nam prima persona non constituitur in esse, proprietate habente minus perfectè esse positum, quàm habeat proprietas constitutiva secundæ personæ, quia tunc prima persona non esset æquè perfectæ in esse personali sicut secunda, quæ, vt vult Henric. & sequaces, constituitur Filiatione, quæ est relatio actualis non aptitudinalis aut potentialis; ergo prima quoque persona debet constitui relatione actuali non potentiali; Generatiuitas autem siue generatio aptitudinalis est potentialis non actualis, quia oppositum eius est generabile, siue aptum generari, quod includit potentialitatem; ergo generatiuitas non est ita perfectæ actualiter sicut Filiatio, sicque persona Patris esset imperfectior in esse personali Filio.

S. Thomas q. 40. dicit, Paternitatem constitutiuam personæ Patris, posse duobus modis considerari. Vno modo vt est proprietas, & sic constituit personam Patris & præcedit generationem. Alio modo vt est relatio, & sic sequitur generationem, nec constituit primam personam.

Impugnat Scotus sic, proprietas personæ diuinæ constitutiva est & in actu constituit, quatenus est in re & non quatenus concipitur per intellectum nostrum; ergo frustra distinguitur vt sic & sic concepta ad hoc vt sit constitutiva & constituat, quoniam non constituit secundum quod apprehenditur à nobis, sed quatenus est in re.

Antecedens probatur; quia si constitueret, non quatenus est in re, sed quatenus intelligitur à nobis, non constitueret personam realem; quia reale non constituitur nisi per aliquid, quod est in re & ex rei natura sine operatione nostri intellectus.

Scotus 1. sent. dist. 28. quæst. 5. supposito quod prima persona constituitur relatione positua ad secundam personam, quæ relatio est Paternitas, quatenus est in re actualiter; nec enim aliter constitui potest in esse personali, nam non constituitur Deitate, quia hæc non est incommunicabilis nec Spirazione actiua, quæ est communis Patri & Filio nec Innascibilitate, quia formaliter dicit negationem; ergo à sufficienti diuisione partium constituitur Paternitate, quæ est relatio positua ad secundam personam, nihil enim aliud est in Patre, non est autem distinguendum qualiter consideretur Paternitas vt est constitutiva; quomodoque enim varietur secundum considerationem nostram, eadem tamen est in re, & secundum quod est in re constituit personam realem.

Difficultas stat in hoc explicando; Quomodo sit simul quod Pater simul sit cum secunda persona, quia relatiua sunt simul natura, & tamen præcedat eam, nam eam producit. Ex hoc; namque patebit quomodo principale argumentum solvatur, quod est Paternitas subsequitur generationem, quia suppositi est agere; ergo persona Patris non potest constitui Paternitate.

Itaque

Itaque Respondet, quoddam relatiua sunt simul natura, & tamen cum hac simultate stat prioritas & posterioritas originis vnius ab altero. Primum declaratur, relatiua simul natura, intellige de mutuis vt docet Aristoteles; impossibile enim est vnum esse sine alio, vt quod sit Pater & non sit Filius, quia tunc relatiuum non haberet terminum & sic non esset relatiuum sed absolutum. Declaratur secundum, quia cum hoc quoddam Pater est simul natura cum Filio, stat etiam quoddam Pater est prius origine Filio, quia producit Filium, vnde ponatur quoddam sortis sit Pater Platonis, tunc si consideretur Sortes vt est sub paternitate, & Plato vt est sub filiatione (non considerando eos quatenus sunt subiectum paternitatis & filiationis) tunc sortis & Plato sunt simul natura, & tamen sortis est prius origine quam Plato, quia intelligitur sub paternitate, quæ est prior origine filiatione.

Auicenna. 6.
metaph. c. 1.

Habemus ergo ex hoc quoddam etiam in creaturis illud, quod est ratio essendi alicui simul natura cum aliquo, est etiam ratio eidem essendi prius origine illo. Declaratur secundum ex Auicenna, qui vult quoddam causa in quantum causa sit prior natura causato in quantum causatum.

Tunc dico, hæc prioritas nature ad causatum non repugnat simultati nature, quæ requiritur inter correlatiua, quia causa & causatum sunt relatiua in quantum vnum est causa & aliud est causatum, & sic sunt simul natura prout relatiua sunt simul natura id est vno posito ponitur & reliquum, nec vnum potest esse non existente altero; Ergo multo minus prioritas originis, quæ est minor prioritate nature, repugnabit simultati nature correlatiuorum.

Tunc ad propositum, prima persona constituitur in esse personali per relationem positivam ad secundam, & e conuerso secunda constituitur in esse personali per filiationem, quæ est relatio positiva ad primam, & est impossibile esse sine se inuicem, & sic sunt simul natura eo modo, quo dictum est relatiua esse simul natura, & tamen stat cum hoc quoddam prima persona constituta in esse tali est à qua est originata secunda, & ita prioritas originis non repugnat simultati relatiuorum.

Verum vt hoc melius intelligatur & tollatur omne dubium, Scotus excirat & soluit aliud dubium, cuius elucidatio facit rem hanc claram.

Dubium est quomodo determinetur essentia diuina ad primam substantiam, seu quomodo prima persona sit in essentia diuina.

Respondet Scotus, quoddam essentia diuina ex se est in prima persona, hoc declarat & simul probat in causa efficiendi & formali illimitata. Causa efficiens illimitata est, quæ potest producere plures essentias aliquo ordine, vt Sol potest illuminare plures partes medijs ordine quodam, scilicet illuminando prius partem vicinior, deinde per illam alias, omnis enim huiusmodi causa habet duos effectus sibi primos, alterum primitate immediationis, alterum primitate adæquationis. Primus est illuminatio illius partis medijs, quæ proximior est sibi, qua illuminata diffunditur lumen ad alias partes mundi per illam ordinati; primus vero effectus primitate adæquatio-

nis est totum medium siue totus mundus illuminatus; primus autem effectus primitate immediationis non est adæquatus: Siquis ergo quæreret, vnde sol determinatur ad illuminandum primam partem medijs seu ad producendum illum effectum primum primitate immediationis: Respondendum esset, ex se. Quod dictum est de illimitato in genere cause efficientis potest dici de quocumque illimitato in alio genere cause; vnde Scotus dat aliud exemplum de Anima intellectiva, quæ est vna numero, & tamen, quia illimitata est in genere cause formalis, informat multas partes corporis distinctas ordine quodam, vt Cor, caput, manus, &c. vnde totum corpus est primus effectus eius primitate adæquationis, tamen Cor secundum Aristotelem 16. de animalibus est primus effectus primitate immediationis, quia scilicet primò cor informat subsequenter alias partes caput, manus, &c.

Si ergo quæretur; vnde anima primò determinatur ad informandum cor quam caput; Respondendum est ex se sic se determinare.

Hoc eodem modo dicendum est de essentia diuina quia est vna numero & est illimitata ad essendum in tribus personis ordine quodam, ideo aliqua substantia siue persona est prima sibi primitate immediationis, & alia primitate adæquationis. Primo modo substantia prima siue prima persona diuina est essentia prima, quia ordine originis primò inest illi primæ persone quam aliis, & per illam inest aliis, Primitate vero adæquationis sunt primæ omnes tres substantiæ, nulla autem particularis est sic prima, quia nulla particularis est ei adæquata, quia tunc non posset esse in tribus personis essentia; ergo diuina est in prima persona ex se in aliis per illam.

Quoddam siquis, inquit Scotus, hoc neget, sed dicat essentiam diuinam determinari ad primam substantiam, siue ad primam personam per proprietatem primæ siue per primam relationem.

Respondet, esset eadem quæstio, per quid determinatur essentia ad illam proprietatem, & sic in infinitum, vel est standum in hoc quoddam essentia, quæ de se est in tribus adæquate primò primitate immediationis est in prima & per illam in tribus, in quibus tribus esset primò immediatè, nisi haberet ordinem ad inessendum illis.

Quoddam siquis obiciat, si essentia determinatur ex se ad primam personam; ergo non potest esse in tribus.

Respondet non valere consequentiam, quia essentia diuina est determinata ex se ad primam personam non determinatione includente adæquationem, ita quoddam sit ad illam ita determinata, quoddam ista sit sibi adæquata, sed est determinata determinatione excludente oppositum contradictorium, ita quoddam sensus est, essentia est ita determinata ad primam substantiam ex se quoddam non potest non subsistere in illa ex se, tamen ita determinatur ad subsistendum in prima persona ex se, quoddam non excludit per originem & ordinem posse existere in aliis duabus quæ eam adæquant.

Ad argumentum ergo respondetur; Cùm dicitur prima persona præintelligitur secundæ, quia ipsam gignit; Relatio autem Paternitatis consurgit ex ipso gignere. Respondet, inquam, primam personam præcedere secundam origine, & hoc

hoc modo præintelligi ante secundam: tamen cum hoc fiat, quod sint simul natura, sicut requiritur ad relatiua similitas naturæ ut expositum est, & ita stant simul quod Pater constituitur Paternitate & sic simul sit cum Filio, & tamen præcedat origine Filium.

Cum arguitur, primum suppositum præcedit generationem, quia suppositi est agere; ergo præcedit quoque secundum suppositum.

Respondeo, Generatio est duplex actiua & passiuæ, primum suppositum præcedit generationem passiuam & secundum suppositum origine ut dictum est, sed loquendo de generatione actiua dico, quod primum suppositum illam non præcedit, sed illa formaliter est subsistens; quia generatio actiua & Paternitas in re sunt idem.

Quod si quis arguat, Filius est simul natura cum Patre, ergo Filius est prior generatione passiuæ sicut Pater, non valet consequentia; quia Filius non est simul cum Patre omnibus modis, sed solum natura, non origine; Pater autem est prior generatione passiuæ origine non natura, ideo non valet consequentia.

Quod si quis dicat, Paternitas consurgit per generare siue generatione; ergo Pater non potest constitui Paternitate, vel sequitur quod Pater generat in primo signo.

Respondeo quod Paternitatem insurgere per generare potest intelligi duobus modis; vno modo quod insurgat per generare tanquam terminus, & effectus generationis, & hoc modo capitur in argumento, & hoc est falsum; alio modo quod insurgat per generare tanquam principium generationis, & in hoc sensu est verum, & tunc non sequitur quod Paternitas sit posterior generare siue generatione; nec quod Pater generet in primo signo, sed solum quod Paternitas est prior origine generare & quod constituit prius suppositum generans in esse suppositi perfecti; deinde habet generare, & sic generare est in secundo signo, licet Paternitas insurgat per generare, quia insurgit per generare non tanquam terminus neque passiuæ, sed tanquam principium & actiuæ, & sic est prior origine generare & est in primo signo. Generare enim pro principio actiuo est in primo signo, generare pro termino & passiuæ est in secundo signo sicut calefaciens ut calefaciens per calefactionem, calefaciens tamen est prior origine ipsa calefactione.

Ad probationem illam, quod suppositum debeat præcedere generationem actiuam, quia suppositi est agere; ergo præintelligitur suppositum antequam sit generare.

Respondeo propositionem illam, actio non potest esse nisi suppositi existentis, posse intelligi duobus modis; vno quod sit suppositi existentis in esse hypostatico aliqua entitate hypostatica priori ipsa actione, & hoc est falsum, quia prima entitas incommunicabilis & hypostatica est ipsa generatio actiua; alio modo quod actio sit suppositi existentis in esse hypostatico per ipsam actionem generandi, quæ est prima entitas incommunicabilis, & hoc modo est verum, quia primum suppositum habet esse hypostaticum ipsa actione siue generare.

Contra arguitur, quia omne agere præsupponit esse; ergo agere non potest esse prima ratio essendi ipsius agentis.

Carriere in Professionem Fidei

Respondeo, quod aliud est loqui in creaturis, aliud in diuinis; In creatis agere præsupponit esse & esse suppositale, non sic in diuinis; vnde in Deo est duplex esse, scilicet esse simpliciter & absolutum essentia & esse hypostaticum siue incommunicabile; agere in diuinis præsupponit esse absolutum non hypostaticum.

Quod si quis arguat, Agere in diuinis præsupponit illud esse quod est potens agere, sed illud non est essentia, sed suppositum, quia essentia non generat.

Respondet Scotus, quod posse agere hic non præsupponitur à parte rei, sed agere & potens agere sunt idem; vnde sic ad formam propositionis, agere præsupponit esse. Responderi potest esse veram disunctionem, id est agere præsupponit esse vel præexistens vel simul existens cum ipso agere. In creatis præsupponit esse præexistens, in diuinis præsupponit esse simul existens cum ipso agere; quia agere siue generare non potest existere nisi esse siue actus primus suppositalis quoque existat.

Q V Æ S T I O V.

De Relationibus diuinis & essentia, an distinguantur & quomodo.

NOta primò; magnam esse differentiam querere, an relationes inter se differant; & an differant ab essentia; nam ut dicit Boëtius. *Substantia in diuinis continet unitatem; Relatio multiplicat Trinitatem.* Si autem relationes non distinguantur ab inuicem realiter, non erit in diuinis Trinitas realis sed rationis; quod est error Sabellij. Distinguuntur ergo relationes reales in diuinis realiter; non quidem secundum absolutum, id est secundum essentiam, sed secundum respectum; vnde S. Thomas sic ratiocinatur: Ex eo quod aliquid alicui attribuitur, oportet quod ei attribuantur omnia, quæ sunt de ratione illius; sicut cuiusque attribuitur homo, oportet quod detur ei rationale. De ratione autem relationis est respectus vnus ad alterum; secundum quem aliquid opponitur alteri relatiuè; Cum ergo in Deo sit relatio, nam Pater non dicitur nisi à Paternitate, nec Filius nisi à Filiatione, & Spiritus Sanctus nisi à Spiracione seu Spiracione passiuæ, oportet quod realiter ibi sit oppositio. Relatiua autem oppositio in sui ratione includit distinctionem, vnde oportet quod in Deo sit realis distinctio, non quidem secundum rem absolutam, quæ est essentia, in qua est summa vnitas & simplicitas, sed secundum rem relatiuam; Sic ergo tres personæ distinguuntur inter se realiter personaliter.

Dices, quæcumque sunt eadem vni tertio sunt eadem inter se, sed omnis relatio in Deo existens, est idem secundum rem cum diuina essentia; ergo relationes secundum rem non distinguuntur.

Respondet Vasquez, in creatis concedo, in diuinis nego; nam licet in rebus finitis repugnet aliqua duo esse idem cum tertio secundum rem & inter se differre realiter, id tamen non repugnat

repugnat in ente infinito, scilicet Deo, ut scilicet una essentia sit cum personis eadem realiter & personae distinguantur, hoc enim peculiariter est in Deo, quod nec Aristoteles, nec lux naturalis nouit.

*Responsio Scoti
in 1. dist. 4.*

Respondet Scotus in primo dist. 4. quaecumque aliqua identitate sunt eadem alicui illa tali identitate sunt eadem inter se; quia concludi non potest aliqua identitas extremorum inter se, nisi secundum illam identitatem qua sunt eadem medio, si medium sit in se idem, sic quod intelligi debet de identitate extremorum quam habent tantum ratione medij, & ideo licet Paternitas & Filiatio in diuinis sint idem realiter essentiae diuinae, non tamen sequitur quod praecise sint idem illa identitate inter se, cum distinguantur realiter, sed quia sunt idem praecise ratione essentiae, ideo inter se habent identitatem essentialem. Id est quod essentia ita est in Patre ut in Filio, & ideo concedimus quod Pater est ille Deus, qui est Filius, & etiam concedimus quod ratione Deitatis sunt una res realiter, ratione tamen proprietatis distinguuntur realiter siue personaliter.

Instabis, Paternitas & Filiatio secundum nominis rationem distinguuntur ab essentia diuina: ita Bonitas & sapientia vel potentia, sed propter huiusmodi rationis distinctionem non est aliqua realis distinctio bonitatis & potentiae diuinae vel sapientiae; ergo neque Paternitatis & Filiationis.

Respondeo, quod potentia & bonitas non important in suis rationibus aliquam oppositionem; unde non est similis ratio.

RESOLUTIO. Relationes sunt idem realiter cum essentia, non tamen formaliter, id est essentiae formaliter distinguuntur a relationibus in abstracto, nam in concreto sunt idem cum essentia.

Nota ad intelligentiam huius questionis & illius de distinctione Attributorum, omnis distinctio aut est ex natura rei aut est rationis, sub ex natura rei ponitur realis & formalis, nam haec duae sunt extra opus intellectus; Realis tamen maior est formali; nam quaelibet realis est formalis, non autem contra, quia realis est quidem uti formalis inter res & res, sed fundatur in diuersis existentis, non autem formalis, quia omnia attributa diuina existunt una absoluta substantia essentiae diuinae & tamen formaliter distinguuntur.

Distinctio ergo formalis est praeter opus intellectus inter diuersas formalitates, quae formalitas non est tantum conceptibilitas ex natura rei; nam ideo est conceptibilitas, quia diuersa formalitas; unaquaeque enim formalitas est conceptibilis cognitione intuitiva.

Dico breuius, distinctio formalis est multiplicatio & non identitas formalitatum, & nomine formalitatis intelligitur formalis seu quidditativa ratio alicuius seu primum esse, pro quo.

Nota alicuius rei duplex esse primum & secundum, primum est esse essentialiter & quidditativum rei ut animal & rationale sunt de primo hominis esse, seu praedicantur in modo dicendi per se, Secundum est esse accidentale rei cuius accidentarium dicitur, duplex verò est accidens physicum & metaphysicum, seu

omnia quae sunt extra primum modum dicendi per se, sic relationes & Attributa sunt extranea ab essentia, quamuis intrinseca ei eademque realiter non tamen sunt de essentia. Vis facienda est in verbis cum Scoto; aliud est enim esse de essentia, & aliud est esse essentialiter idem, quaecumque enim sunt de essentia, sunt in primo modo, quae verò sunt intrinseca & eadem essentialiter sunt in secundo. Sic propriae passionis sunt extraneae, quia non sunt in primo modo.

Ad plenioram intelligentiam notanda est differentia, quae est inter distinctionem realem & formalem. Realis est penes obiecta formaliter distincta ut inter hominem & equum. Formalis distinctio est penes obiecta formalia, quibus a parte rei non respondent duae res sed una, ut color est disgregatiuus, quae in albedine obseruantur: hinc habetur quod omnis distinctio realis est formalis, nam quodlibet obiectum reale habet suam formalitatem & quidditatem, non autem omnis formalis est realis, nam unum obiectum reale vel una res continet saepe duo obiecta formaliter diuersa; nam albedo est una res, quae continet in se duo obiecta formaliter diuersa color & disgregatiuum.

Instat Durandus contra positionem distinctionis formalis. Omne ens vel est reale vel rationis; ergo pluralitas siue distinctio omnis erit realis vel rationis; & confirmatur, quia si ante operationem intellectus una ratio formalis non est alia, sequitur esse aliam & aliam rem; nam quaecumque ratio illarum est ens reale; ergo ante operationem intellectus rationes illae sunt ens & ens reale: Nec obstant quod conueniant in essentia una, quia etiam anima & corpus conueniunt in uno ente per se, quia tamen sunt diuersae rationes ante operationem intellectus, ideo faciunt compositionem.

Respondeo negando, non dari distinctionem mediam inter realem & rationis, concedo tamen omne ens esse vel reale vel rationis, sed dico quod ens reale est duplex, vel enim accipitur pro re proprie dicta, quae est ens illud, quod per se stare potest seipsum ab alia re, vel accipitur pro realitate & formalitate; res primi generis faciunt distinctionem realem; secundi verò formalem & ex natura rei. Ad Confirmationem respondeo, accipiendo rem pro omni eo quod est extra operationem nostram, concedo quod illae realitates sunt res id est entia realia non rationis, non tamen faciunt propter hoc compositionem; quia non sunt proprie res & verae res diuersae, quarum una possit esse absque alia sine contradictione, quia illae omnes realitates sunt una res, & ideo identice sunt omnino unum & idem non formaliter & ex parte rei omnino. Nec valet exemplum, nam anima & corpus sunt res & res separabiles ab inuicem absque contradictione, at realitates & rationes formales sunt omnino eadem res, quod non esse impossibile patet in albedine & ceteris accidentibus simplicibus, in quibus sunt plures realitates generis & speciei & differentiae, & tamen faciunt unam formam simplicem; ergo multo magis in Deo, qui est ens infinitum, possunt manere pluralitates absque quod faciant compositionem. Exemplum autem istud non est omnino simile, quia

quia admittit compositionem ex genere & differentia, quam non admittimus in Deo ut dictum est, sed sufficit ad hoc ostendendum, quod non est inconueniens manere duas realitates simul in eadem re simplici creata & non facere compositionem quam corpus & anima faciunt in homine.

Conclusio iam probatur, quod inter essentiam & relationes seu Personas sit formalis distinctio; Certum est enim quod essentia diuina est una; supposita verò sunt plura; At non videtur intelligibile quomodo essentia non multiplicetur, & supposita plurificentur, si essentia & supposita vel persone sunt omnino vnum & idem inter se ex parte rei; quæ enim omnino sunt vnum & idem inter se à parte rei, variato vno variatur & aliud, & multiplicato vno multiplicatur & reliquum; ergo videtur necessarium dicendum essentiam & relationes distinguere, & quod hæc distinctio est à parte rei necessarium id est cessante operatione intellectus, nam essentia manet una à parte rei & supposita multiplicentur à parte rei; ergo à parte rei distinguuntur & præter opus intellectus.

Probatur & ratione. Patet habet verè & realiter entitatem communicabilem, scilicet essentiam suam, habet etiam verè & realiter entitatem, quæ reuera est incommunicabilis nullo intellectu operante, quæ est Paternitas constituens ipsum in esse suppositi; At illa quibus competunt prædicata quidditatiua opposita & contradictoria habent quidditates & rationes formales diuersas; ergo essentia & ratio sine ratio essentia & ratio suppositi distinguuntur ex parte rei & ante operationem intellectus cuiuscumque. Prima propositio est clara; nam si Pater non haberet in se essentiam diuinam, quæ est communicabilis, non communicaret eam Filio. Si etiam non haberet relationem constituentem ipsum in esse suppositi Pater non esset suppositum. Secunda propositio patet, quia prædicata contradictoria non possunt verificari de eodem, communicabile autem & incommunicabile sunt opposita & contradictoria; ergo non possunt competere eidem entitati ex parte rei, & consequenter non constituunt eandem entitatem seu quidditatem & rationem essentialem, sed diuersam à parte rei; cum ergo essentia sit communicabilis & Paternitas incommunicabilis, ratio essentia & ratio Paternitatis sunt diuersæ & distinctæ. Quod si dicas, quod ante operationem intellectus diuini nempe Patris nulla est distinctio inter essentiam & relationem, sed essentia & ratio est entitas eiusdem omnino rationis, contra hoc est impossibile, quia si essentia & ratio est eadem entitas omnino à parte rei eiusdem rationis, sequeretur quod dum Pater communicat intelligendo essentiam Filio, communicaret etiam ei Paternitatem (essent enim eadem entitas positiua ut dicis) necesse est ergo quod essentia & Paternitas distinguantur ante operationem intellectus diuini. Confirmatur, quia licet Pater actu sui intellectus distingueret essentiam à relatione; tamen ex parte rei essentia & ratio esset eadem entitas positiua; ergo si communicaretur essentia, communicaretur quoque ratio Paternitatis Filio, alioqui intellectus Patris intelli-

Carriere in Professionem Fidei:

gendo diuideret siue distingueret essentiam in duas partes, quarum alteram communicaret siue faceret eam esse communicabilem, altera verò, quæ esset ratio, esset incommunicabilis. Rursus ratio Paternitatis non est incommunicabilis operatione intellectus diuini sed de se, & essentia est communicabilis de se non per operationem intellectus; ergo responsio est nulla.

Secundò conclusio probatur. Omne absolutum nullo intellectu considerante est aliud à relatiuo, nam esse à se, & esse ad aliud, sunt formalitates distinctæ, quæ aliquid important Deo; nam per hoc quod ad aliud relationes sunt genitæ, & per hoc quod à se, essentia est ingenita, tum ex hoc quod ad aliud, relationes realiter distinguuntur, essentia verò eo quod est absoluta, non habet talem distinctionem; ergo est distinctio in re; implet autem quod eadem ratio formalis simul sit ad aliud & non sit ad aliud; ergo implicat ut simul sit absoluta & respectiua.

Respondet Caietanus prima parte quæst. 39. quod essentia est res infinita, quæ eminenter & virtualiter & formaliter est communicabilis & incommunicabilis; ideo minor est falsa cum dicitur essentia est communicabilis si intelligatur esse tantum communicabilis, quia essentia diuina secundum suam rationem formalem, quæ est infinita, continet utramque rationem eminenter formaliter, scilicet incommunicabilitatem, & comunicabilitatem; & cum dicitur nulla una entitas formalis potest esse simul comunicabilis & incommunicabilis, quia duo contradictoria non possunt simul verificari de eodem. Respondet Caiet. hoc esse verum de eo, quod habet unam rationem formalem limitatam & finitam, non de eo, quod habet unam rationem formalem illimitatam & infinitam, cuiusmodi est essentia diuina.

Contra hoc fundamentum seu effugium. Duo prædicata contraria neque formaliter neque virtualiter seu eminenter possunt verificari de eodem, siue illud sit finitum siue infinitum; quia se mutuo destruunt, & dicere duo contradictoria verificari de aliquo vno est dicere repugnantiam & nihil, hoc patet ex conditione & natura contradictoriorum explicata ab Aristotele 4. metaph. & ab omnibus concessa ratione cogente; nam contradictio est affirmatio & negatio eiusdem prædicati de eodem subiecto secundum idem, est autem impossibile quod idem prædicatum affirmetur de eodem subiecto secundum idem & negetur de eodem secundum idem, sed ad vitandam contradictionem necesse est fieri mutationem vel ex parte subiecti vel prædicati, vel conditionis; secundum quam illud prædicatum affirmatur, vel negatur de eodem subiecto, verbi gratia, est impossibile, quod sol sit calefactiuis luti virtualiter & eminenter, & non sit calefactiuis luti virtualiter & eminenter; & quod Deus qui est infinitus sit eminenter bonus, & non eminenter bonus, eminenter, substantia & non eminenter substantia, contineat per se subsistere & non per se subsistere; quia una propositio destruit alteram.

Ergo ad propositum est impossibile quod essentia diuina virtualiter formaliter sit communicabilis & virtualiter formaliter non sit

communicabilis; ergo est impossibile quod simul contineat eminenter seu virtualiter formaliter communicabilitatem pluribus & eminenter seu virtualiter formaliter incommunicabilitatem; Ergo illa propositio est vera non solum de ratione formali limitata, sed etiam de ratione formali illimitata, & hæc ratio mihi videtur insolubilis.

Præterea essentia non est eminenter seu virtualiter, sed actualiter formaliter communicabilis, & relationes non sunt virtualiter formaliter communicabiles, sed actualiter formaliter incommunicabiles, & hoc ex parte rei; ergo illa distinctio essentiam fundamentaliter formaliter communicabilem esse & incommunicabilem non facit ad propositum; quia istud quod est formaliter constitutum personarum in esse incommunicabili est formaliter actualiter incommunicabile; ergo est distinctum à parte rei ab essentia, quæ solum ex parte rei fundamentaliter est incommunicabilis non formaliter actualiter ex parte rei.

Præterea cum dicitur essentia est res infinita, quæ formaliter eminenter continet vnica sua ratione formali alias rationes formales & prædicata. Quæro, an vnica ista ratio formalis continens eminenter omnia, auferat rationes particulares rerum existentium in essentia diuina, ita ut intellectus & voluntas in Deo non habeant proprietates formales proprias ex parte rei, similiter absolutum & respectuum generatio & spiratio si non habeo intentum, quia attributa, relationes, & essentia ipsa, ut sunt vnum ens formale distinctum à relationibus à parte rei habebunt suam rationem formalem actualiter ab aliis. Si sic ergo à parte rei actualiter formaliter verum est dicere, essentia est relatio, absolutum est respectuum, essentia ponit in numerum, relatio facit vnitatem, &c. quæ sunt absurda & contra Concilia.

Consequentia est euident, quia illa vnica ratio formalis infinita essentiae auferat rationes, munera, & officia propria, & sic omnia confunduntur.

Præterea repugnat dicere aliquid esse in aliquo formaliter virtualiter, quia isti termini repugnant, sicuti actus & potentia; quod enim est formaliter calidum non est virtualiter nec fundamentaliter calidum, & è conuerso; ergo essentia & relatio non possunt esse formaliter & virtualiter communicabiles vel incommunicabiles.

Præterea Concilium Florentinum definiens quod Pater omnia, quæ Patris sunt, dedit Filio præter esse Patrem, certè distinguit aliqua, quæ sunt Patris propria, quæ non communicat Filio per generationem ab his quæ communicat Filio ut sunt communia Patri & Filio.

Tum Augustinus 7. de Trinit. cap. 1. Omnis essentia quæ relatiuè dicitur est aliquid excepto relatiuo. Et iterum si Pater non est aliquid ad se non est ad aliud, & iterum de Filio non eo verbum quo sapientia: ex his omnibus liquet non esse idem absolutum & relatiuum, essentiam & relationem.

Epilogatur opinio Scoti. Distinctio essentiae à relationibus est formalis & quidditatiua, quæ est à parte rei ante operationem intellectus, sed tamen est minima distinctio ex parte rei, ita quod non est inter rem & rem ut loquimur

communiter, sed est inter realitatem & realitatem (ablata à termino realitatis omni imperfectione, ratione actus & potentiae) & relicta sola quidditate & essentia, quæ per definitionem explicatur. Fundamentum autem Scoti est quia ad saluandum productiones in diuinis, & pluralitatem suppositorum cum essentiae diuinae vnitatem, & actus diuersos in diuinis ex parte rei & absque operatione intellectus diuini, necesse fuit ponere hanc distinctionem formalem, alioqui videremur facere Trinitatem imaginariam, idem enim erit spirare & dicere si non datur distinctio formalis.

Verum aduersarij deducunt hanc opinionem de distinctione formali inter essentiam & relationes (imò ut tenet Scotus inter attributa quod videbimus infra) deducunt, inquam, ad absurdum, quia facit, aiunt, compositionem in Deo.

Quod autem ex nostra positione non tollatur simplicitas diuina patebit, si rursus declarauerimus, quomodo Deus sit simplex, & cum quibus stet simplicitas, in quæst. 8. de Attributis declarata est simplicitas, hic tamen agglomeranda est doctrina.

Notandum itaque primò, quod simplicitati opponitur Aggregatio & Compositio; licet enim vnitas Aggregationis & vnitas Compositionis sint vnitates, tamen sunt minores vnitates quàm simplicitatis; vnde non sunt compossibiles in eodem simul, quod enim est vnum aggregatione vel quod est vnum compositione, non est vnum simplex vel vnum vnitatem simplicitatis. Vnitas autem aggregationis, & vnitas compositionis est vnitas imperfectissima, & idè minor vnitas, quæ dari possit; quia includit multitudinem & distinctionem magis quàm alie vnitates; vnde vnitatis ordinis addit aliquid supra ipsam.

Ex hoc sequitur, quod vnitas aggregationis est inter rem & rem, quarum vna potest remanere sine alia absque contradictione, & quarum vnaquæque est per se subsistens vel existens omnino remota ab actu & potentia, ut acervus lapidum dicitur vnum aggregatione quia absque ratione actus & potentiae sunt iuncti simul, ex quo sequitur quod realitates illæ in aliqua re quarum vna non potest esse sine altera, si ex parte rei distinguantur, non possunt facere aggregationem, quia non sunt res absolutæ & perfectæ per se existere valentes vna absque altera, ut in anima intellectus & voluntas, in ente passiones eius vnum, verum, bonum & similia, sed ad summum si in tali re sic plures realitates reperiuntur & non sit illa res simplex, facient compositionem per se vel per accidens & habebunt rationem actus vel potentiae; Quod si istæ relationes non habeant rationem actus & potentiae, erit res simplicissima.

Notandum secundò, quod simplicitas absolute sumpta non dicit perfectionem simpliciter, quia materia prima est simplicissima, & tamen non est perfectior composito, & Elementa sunt simpliciora mixto, & tamen corpus mixtum est perfectius Elementis. Tantum ergo illa simplicitas est perfectio simpliciter, quæ excludit compositionem actua-lem vel compossibilitatem ex actu & potentia ex perfectione & imperfectione ut ait Scot. in primo

*Cur à Scoti
introducatur
distinctio for-
malis in Deo,
ad saluandum
scilicet produ-
ctiones &
pluralitatem
personarum à
parte rei &
absque opera-
tione intelle-
ctus.*

primo distinct. 8. q. 1. Et propter hoc sola simplicitas Dei est perfectio simpliciter, quia excludit compositionem actualem & compositionem potentialem; non enim est compositus nec compossibilis non solum ex actu & potentia, sed neque ex perfectione & imperfectione, propter quod Angeli non dicuntur omnino simplices sed compositi.

Simplicitas ergo Dei consistit in hoc quod non solum non est compositus ex actu & potentia, sed neque ex perfectione & carētia perfectionis, ut Angeli & alie creaturę simplices, quia in Deo est omnis perfectio, est enim infinitus neque adest carētia alicuius perfectionis.

Ex hoc deducitur nos non debere imaginari Deum ita simplicem esse, sicut materia prima, in qua nulla est actualitas & nulla perfectio quia hæc simplicitas est imperfectio non perfectio aliqua, unde materia prima propter hanc simplicitatem non dicitur habere perfectionem aliquam sed imperfectionem, sed debemus imaginari Deum esse Actum simplicissimum, in quo ex parte rei est omnis perfectio simpliciter actu absque defectu omni alicuius perfectionis; sicut ergo in aliquibus formis creatis videmus reperiri plures perfectiones actu & tamen illę sunt simplices actus neque constant ex actu & potentia in se licet sint actus respectu corporis, ut patet de anima rationali, quę formaliter est vegetans, nutrens, sentiens, intelligens, (non curo modò, an illę potentie sint accidentia animę vel substantia eius) quia quomodocumque dicatur, necesse est dicere quod anima ipsa simplex existens est principium formale productivum istarum operationum, non autem principium potentiale vel eminenter.

Ita Deus ipse formaliter habet in se omnes perfectiones simpliciter & alia necessaria intrinsece ut relationes emanationes absque aliqua compositione & ratione actus & potentie ipsarum ad se invicem; sicut ergo pluralitas perfectionum, quę sunt in anima intellectiva formaliter & intrinsece per quas excedit alias animas inferioris gradus ut vegetantem & sentientem non arguit in anima rationali compositionem neque aduersatur eius simplicitati. Ita licet in Deo sint multò plures & infinitę perfectiones quia est ens nobilius & perfectius, est enim perfectio infinita, multò minus arguunt compositionem, & in illo non tollunt simplicitatem. Imò tantum abest ut multiplicatio perfectionum in Deo formaliter ex parte rei actu tollat simplicitatem Dei, ut magis per illam simplicitas eius augeatur; Nam ideo Deus est simplicior omni creatura & Angelis quia illi compositi sunt ex multis perfectionibus, sed non ex omnibus, unde compositi sunt ex privatio & positio, Deus autem non constat ex privatio; habet ergo omnem perfectionem & infinitam perfectionem, & ideo est simplicissimus, & debet habere omnem perfectionem actualiter formaliter ex parte rei alioquin non esset simplicissimus actualiter formaliter, sed compositus ex privatio & potenciali, & sic non esset simplicissimus; unde potius opinio Caietani & Adversariorum admittit compositionem in Deo, quàm nos, quia dicunt ex parte rei actualiter formaliter non esse perfectiones di-

stinctas sed virtualiter, siue potentialiter formaliter. Ecce quod Deus non est omnino seiunctus a potentia secundum eos; ergo non est summe simplex.

Hoc confirmatur; quia distinctio diuinarum personarum realis personalis (sunt enim tria supposita realiter distincta sicut definitum est contra Sabellianos) est maior quàm distinctio formalis, tamen non tollit simplicitatem in Deo; Ergo neque distinctio formalis inter essentialiam & Relationes ac inter attributa & hæc ratio est efficax.

Loca multa Augustini Suffragantur 11. de ciuit. cap. 10. vbi sic. *Et hæc Trinitas unus est Deus, nec ideo non simplex, quia Trinitas, neque enim propter hoc naturam istam boni simplicem dicimus, quia Pater in ea solus aut solus Filius, aut solus Spiritus Sanctus; neque enim sola est ista nomina Trinitas siue substantia personarum, sicut hæretici Sabelliani putarunt. Pater quia gignit simplex est, & Filius qui gignitur est pariter simplex, & hoc est illud de quo gignitur, sed ideo simplex dicitur, quoniam quod habet, hoc est, excepto quod relatiue quaque persona ad alteram dicitur.*

Ex illa autoritate constat quod licet personę distinguantur realiter ex parte rei inter se, quia tamen non distinguuntur essentialiter sed eademmet sunt essentia verè & realiter, ita quod non potest esse vna persona sine alia, Deus est simplex.

Solum ergo distinctio realis essentialis quę est rei & rei separabilis in essentia facit compositionem in re, quod patet in exemplis ab Augustino allatis ut vas cum liquore, corpus cum colore, anima cum sapientia, quia ista possunt seiungi neque habens est idem realiter quod habet; Cum ergo essentia & relationes per Scotum sint idem realiter ex parte rei, siue res eadem cum essentia, sed tamen distinguantur ab eadem essentia ex parte rei formaliter quę distinctio est minor licet sit ex parte rei, nec facit compositionem, idem dicendum de Attributis. Augustinus 6. de Trinit. cap. 7. vbi ait quod Deus multipliciter quidem dicitur magnus, bonus, sapiens, beatus, verus, sed eadem magnitudo eius est, quę sapientia, & eadem bonitas, quę sapientia & magnitudo, &c. Nec aliud ibi beatum esse & aliud esse magnum, &c. ratio autem huius est quam adduxit superiori capite, quia Deus est immutabilis ideo non potest esse modò sapiens & modò non sapiens, vel modò magnus & modò maior; ergo istę proprietates in Deo non sunt separabiles & accidentia vti sunt in creatura, quę est mutabilis, propter quod istę proprietates in illa modò adsunt, modò non, modò intensius, modò remissius. Ex hoc inferitur Augustinum asserere has proprietates in Deo non facere compositionem, quia non sunt accidentia separabilia & diuersa entia realiter, & essentialiter; Hoc autem non tollit distinctionem formalem ex natura rei.

Obiiciuntur autoritates Anselmi in monologio cap. 16. Greg. 10. moral. cap. 20. Boëtij libello de Trin. & Aug. 15. de Trin. cap. 5. vbi ait cum aliis, *non est aliud sapientia eius, aliud essentia, cui hoc est esse quod sapientem esse.*

Resp. hæc omnia innuere quod relationes vel attributa non distinguantur realiter ut res &

res essentialiter inter se ut pars & pars, sed non negant Patres distinguere aliquo modo ex parte rei, unde August. à quo alij eandem doctrinam sumpserunt 7. de Trinit. cap. 1. & 2. ait *Filius non eo Verbum quo sapientia*, quia Verbum non ad se dicitur, sed tantum relativè ad eum, cuius est Verbum, sicut Filius ad Patrem, sapientia verò quo essentia; ergo cum Augustinus non sibi contradicat, exponendus est, quòd dum ait attributa, essentiam, & relationes esse idem, intelligit realiter, quia sunt unica res, non plures res, nec plures partes facientes compositionem, cum ait illa distinguere & quòd unum non est aliud, non intelligit quòd distinguantur ut res & res, neque sola ratione, sed tantum formaliter & ex natura rei.

Observe tamen in his rebus melius esse dicere quòd ista distincta formaliter v. g. essentia & relatio & attributa non sunt idem formaliter quàm distinguuntur formaliter, sic castior est locutio de Deo simplicissimo.

Notandum est exemplum ad intelligentiam & declarationem quòd cum simplicitate possit stare distinctio formalis: Exemplum allatum Albedo est accidens simplex secundum communem viam aut supponatur hoc ut verum, in albedine autem est ratio coloris & ratio segregatiui, & hæc non est illa, & tamen essentia albedinis est simplex.

QVÆRITUR, qualiter potest fieri quòd essentia & relatio non sint idem ex parte rei seu formaliter, & tamen non faciant compositionem vel aggregationem & non faciant personam unam aggregatione vel compositione.

Respondet Scotus, quòd id evenit propter identitatem perfectam essentiae & relationis, quia enim essentia & relatio sunt perfectissime idem, idèd etsi habeant distinctam rationem formalem, tamen non habent compositionem nec aggregationem.

Quòd si ultra quæras, unde oritur hæc perfectissima identitas, si iam ex parte rei & formaliter distinguuntur. Respondet, provenire ex infinitate essentiae, propter quam omnia, quæ sunt in ea, sunt perfectissime idem; unde *Essentia divina est palagus infinitum*, in quo omnes rationes formales attributorum & relationum identificantur.

Trinitas autem non facit compositionem in Deo, quia illæ tres personæ sunt idem in una natura simplici, scilicet essentia divina, quod est proprium solius essentiae divinae, quæ est omne illud quod habet, excepto quòd relativè unaquæque persona dicitur ad aliam; Ex eo ergo quòd Trinitas nihil ponat in natura quod ei sit per participationem vel sit separabile, & ipsa Trinitas conveniat in natura non facit compositionem. Probaturs conclusio ex Scriptura & Patribus, qui docent Deum esse Deitatem, veritatem, bonitatem, adeoque abstracta in Deo prædicari de concretis, quod falsum esset, si Deitas, veritas, sapientia, bonitas, &c. essent aliæ res ab essentia, licet in opinione Scoti sint alia & alia realitas.

QVÆRITUR, an Deo insint accidentia?

Respondet, quòd non; nam Deus est actus purus & ipsum esse primum & per se, omne autem quod est per se, est prius eo, quod est per accidens; Sed nec accidentia per se possunt esse in eo, sicut risibile est per se accidens hominis, quia huiusmodi accidentia causantur

ex principiis subiecti: In Deo autem nihil potest esse causatum, cum sit prima causa. Tum si Deus constaret accidentibus non esset infinitè perfectus; iam enim eius substantia per aliquid advenitium perficeretur, neque immutabilis esset, quia accidens aptum est de se adesse vel abesse à subiecto.

Dices, substantia nulli est accidens ut dicitur 1. Physic. textu 27. quod ergo in uno est accidens non potest esse substantia in aliis, sicut probatur quòd calor non sit forma substantialis ignis, quia calor est accidens in aliis, sed sapientia virtus & huiusmodi, quæ tribuuntur Deo, sunt in eo substantia & in nobis accidentia.

Respondet, ea quæ dicuntur de Deo & de creaturis non dici univocè; nam quicquid de aliquibus secundum idem nomen & non secundum eandem rationem prædicatur, dicitur æquivocè; At nullum nomen convenit Deo secundum eandem rationem qua dicitur de creaturis; nam sapientia in creatis est qualitas non autem in Deo, genus autem variatum mutat rationem, cum sit pars definitionis.

QVÆSTIO VI.

An in Deo sint tres Personæ realiter distinctæ?

Sabelliani docuerunt unam tantum esse personam in divinis, quæ propter diversos effectus haberet diversa nomina, & vocaretur Pater, Filius, Spiritus Sanctus; quatenus est author omnium, dicitur Pater, quatenus assumpsit naturam humanam ex virgine, Filius, quatenus sanctificat nos per gratiam, Spiritus sanctus, Ex qua opinione sequebatur Patrem esse natum, passum, mortuum.

Conclusio est de fide. Tres esse personas realiter distinctas Patrem, Filium, & Spiritum Sanctum; Quod quidem in Veteri Testamento non est apertè traditum, sed tantum obscurè insinuat. Genes. 1. *Bara e lohim, creavit Deus in plurali, cuius singulare est El, aut eloha, latine verbum Dei creavit*, Genes. cap. 3. *Eccè Adam quasi unus ex nobis, faciamus ad imaginem nostram*. Genes. 19. *Plus Dominus sulphur à Domino de celo*. In Evangelio clariùs exprimitur Matthæi 28. *Baptizantes eos in nomine Patris, & Filij, & Spiritus Sancti*. Ioan. 5. *Tres sunt qui testimonium dant in celo, Pater, Verbum, & Spiritus Sanctus*. Athanasij Symbolum, *Alia est persona Pater, alia Filius, alia Spiritus Sanctus*. Et illud in Concil. Lateran. relatum in cap. Firmiter. *Pater, Filius, & Spiritus Sanctus, tres quidem personæ sed una essentia*. Ratione ostenditur supposita fidei veritate, quæ docet in Deo esse Patrem, & Filium, & Spiritum Sanctum, qui ab alio producitur necessariò distinguitur ab eo realiter, quia nemo potest producere seipsum; esset enim & non esset, sed Filius producitur à Patre, Spiritus Sanctus ab utroque. Minor patet Ioan. 5. *Sicut Pater habet vitam à semetipso, sic dedit & Filio habere vitam*. & cap. 15, *Mittam vobis Spiritum veritatis qui à Patre procedit*.

Realiter autem tres personæ distinguuntur non ratione

ratione essentia, quia unica omnium est; Consequens ergo est ut distinguantur ratione substantiarum, adeoque sint tria supposita realiter distincta. Rursus cum illa sint supposita naturæ intellectualis, sequitur Patrem, Filium, & Spiritum Sanctum esse tres personas realiter distinctas, eo quod persona nihil aliud est quam naturæ intellectualis indiuidua substantia. Accedit alia ratio, Pater est alius à Filio, & Filius est alius à Spiritu Sancto. Ioann. 14. Ergo est realis inter eos distinctio, nam de vna persona non rectè diceremus, alius est Marcus, alius Ioannes; ubi nota Patrem, & Filium, & Spiritum Sanctum dici alium & alium, non aliud & aliud; nam aliud significat distinctionem in essentia; alius in persona: hinc August. ait, *Vna est Patris, Filij, & Spiritus Sancti essentia, in qua non est aliud Pater, aliud Filius, aliud Spiritus Sanctus, quamuis personaliter sit alius Pater, alius Filius, alius Spiritus Sanctus.*

Nota, ad hanc veritatem pertinet suppositio quod in Deo sit aliqua persona improducta, quod probatur eo modo quo concluditur vnum esse Deum à se & necessariò & non productum ab alio, quia vel est improductus & sic habetur intentum, vel productus ab alio, si ab alio, vel improductus iste, vel ab alio, & sic processus in infinitum; standum ergo in vno improducto.

Dices, fortè omnes personas diuinas esse improductas, Patrem ab essentia, alias ab ipso, vnde multi dicunt personas diuinas pullulare ab essentia.

Respondeo, hunc Deum ut præscindentem à personis non posse verè & realiter producere aliam personam, quia realis productio non est inter aliqua duo, nisi ipsa distinguantur realiter, nec vnum potest producere aliud, quin inter illa duo sit relatio originis, at inter essentiam & Patrem non est relatio originis nec distinctio realis; Pullulatio autem dicitur, quatenus persona constituitur ex essentia & personalitate, vel quatenus habent modum existendi infinitum communicatum ipsis ab essentia, vel dicendum personas pullulare, intelligi solum de Filio & Spiritu Sancto, quatenus principium quo, illas producendi est essentia diuina.

Dices, contra personalitatem personarum. Pluralitas proprietatum absolutarum non facit distinctionem personarum, nec in Deo, nec in nobis; Ergo multò minùs pluralitas relationum, sed in Deo non est alia pluralitas nisi relationum; ergo non potest dici quod in Deo sint plures personæ.

Respondeo, quod in Deo excluditur omnis pluralitas absolutè dictorum propter summam vnitatem & simplicitatem, non autem excluditur pluralitas relationum, quæ relationes prædicantur de aliquo ut ad alterum, & sic compositionem in Deo, de quo dicuntur, non important.

Respondet S. Thomas, quod proprietates absolutæ in diuinis, ut bonitas, sapientia, &c. non opponuntur ad inuicem, vnde nec realiter distinguuntur, licet ergo eis conueniat subsistere, non tamen sunt plures res subsistentes, quod est esse plures personas; proprietates

autem absolutæ in creaturis non subsistant, licet distinguantur realiter ab inuicem, ut albedo & dulcedo, sed proprietates relatiuæ in Deo & subsistant & realiter ab inuicem distinguuntur, vnde pluralitas talium proprietatum sufficit ad pluralitatem personarum in diuinis.

Dices, in Deo nihil est aliud nisi essentia & relatio, sed neutrum generat aut generatur; ergo nihil est in Deo quod generet aut generetur; ergo non sunt plures personæ.

Respondeo, in Deo non solum est essentia & relatio, sed etiam persona, quæ includit vtrumque; quamuis ergo nec essentia seorsim sumpta, nec relatio dicatur generare aut generari, tamen persona quæ includit essentiam & relationem dicitur vtrumque facere, & quidem persona includens essentiam & Paternitatem dicitur generare, includens verò essentiam & Filiationem dicitur generari.

Dices, conceptus mentis non est persona sed accidens, sed verbum est conceptio mentis diuinæ.

Respondeo, hoc interest inter Deum & creaturam intellectualem, quod ille intelligendo & amando producat substantiam, nos verò accidens illamque in Deo esse subsistentem consequenter personam.

Dices, persona est substantia indiuidua naturæ rationalis, at in Deo non sunt tres substantiæ; ergo nec tres personæ.

Respondeo, in Deo non sunt tres substantiæ absolutæ, sunt tamen tres relatiuæ; quando ergo dicitur persona est substantia, potest generatim intelligi de substantia, quatenus abstrahit ab absoluta & relatiua; si autem intelligitur speciatim de persona creata, debet esse absoluta substantia, si de increata debet esse relatiua.

Loca quæ vnum in Deo dicunt explicentur de vno Deo non de personis, hæ enim sunt vnus Deus.

Q V Æ S T I O VII.

An tres Personæ sint Deus.

Inter hæreticos nemo est qui apertè neget Patrem esse Deum, sed Arriani de Filio, Sabeliani de Spiritu Sancto negant, probatur autem contra vtrosque.

Conclusio affirmatiua. Christus est verus Deus Roman. 9. *Christus est qui est super omnia benedictus Deus.* Ioan. 1. *In principio erat Verbum, & Deus erat Verbum.* Dicitur apud Ioan. esse vnius essentia cum Patre, *Ego & Pater vnum sumus.* Dicitur vnigenitus qui est in sinu Patris, si autem vnigenitus iam est Filius naturalis, nam adoptiui multi sunt; tum miracula faciebat virtute propria.

Obiiciunt Arriani Ioann. 14. *Pater maior me est.*

Respondeo, hoc intelligi de Christo secundum humanitatem, vti secundum diuinitatem intelligitur illud, *Ego & Pater vnum sumus.*

Instant

^c Instant, maior est qui mittit, Pater misit Filium.

Respondeo, qui ex imperio, non autem qui volentem mittit maior est. Ioan. 5. *Non potest Filius facere quidquam nisi quod viderit Patrem facientem.*

Respondeo sensum esse, Filium non posse solum operari, sed vna cum Patre, nam in utroque eadem est essentia, & vna virtus operandi, ac proinde utriusque & Spiritus Sancti operatio, quo sensu dicitur opera Trinitatis ad extra esse indiuisa.

Instatur Ioan. 7. *Mea doctrina non est mea.*

Respondeo, perinde esse ac dixisset non est humana, sed diuina, vel non est ex homine, sed ex Deo.

Lucæ 18. *Quid me dicis hominem; nemo bonus nisi solus Deus.*

Respondeo, sic ratiocinari Christum ad hominem, Deus solus est bonus; si ergo, vt tu putas, ego non sum Deus, quid me dicis bonum?

Roman. 9. dicitur, *Verbum abbreviatum fuit Dominus.* Si Christus est hoc Verbum, ergo minor Patre.

Respondeo, intelligi nouum Testamentum quod opponitur Veteri, in quo erant multe leges cerimoniarum & hæc omnia sunt abbreviata. Plura sunt Scripturæ loca sed rationes magis urgent.

Prima. Filius habet principium sui esse, quia est ab alio nempe à Patre; ergo habet principium suæ durationis, quia esse & duratio in diuinis sunt idem; quod autem habet principium suæ durationis non est æternum; ergo Filius non est æternus; ergo nec Deus.

Respondeo, nomen principij potest dupliciter sumi, primò pro principio producente, sic verum est Filium habere principium sui esse & durationis, nam à Patre producente accipit esse & durationem, accipit tamen ab æterno. Secundò pro initio inchoante, sic falsum est Filium habere principium sui esse & durationis; non enim potest assignari aliquod initium inchoans, in quo cœperit Filius esse & durare quasi antea non fuisset & durasset, nam fuit ab æterno & durauit.

Secunda. Sicut se habet corruptum esse ad non esse, ita genitum esse ad esse, sed quod corruptum est desit esse; ergo quod genitum est incipit esse; ac Filius genitus est à Patre; ergo incipit esse; ergo non est æternus, nam quod incipit esse nunc est & immediate ante hoc non fuit.

Respondeo; maior est vera in rebus creatis, vbi generatio includit mutationem; tunc enim subiectum prius lubet mutationi formæ quàm ipsi formæ, ac proinde sicut id quod corruptum est desit esse, sic quod genitum est incipit esse: At in Deo res aliter habet; nam generatio diuina non includit mutationem, ac proinde persona genita accipit quidem esse, sed non incipit esse.

Dices, vel Filius præfuit actu in Patre, vel potentia, vel nullo modo; si præfuit actu, ergo fuit antequam generetur; si potentia, ergo in Deo datur potentia passiva; quod est falsum; si nullo modo, ergo factus est ex nihilo.

Respondeo, si illa particula *præfuit*, significat prioritatem aliquam ex parte rei, nullo modo admittenda est in Deo, quia in diuinis nulla datur prioritas à parte rei, iuxta id Athanasij, *Nit prius ani posterius*, si autem significat prioritatem rationis secundum modum nostrum concipiendi, tum distinguendum est; nam aliud est loqui de persona Filij, aliud de essentia; persona Filij præfuit nostro modo concipiendi in actiua potentia Patris; Essentia Filij præfuit actu in Patre, est enim eadem in Patre & Filio essentia, tamen non dicitur genita, sed communicata.

Instabis, quando Filius genitus est, vel erat vel non erat, si erat, quare genitus est, si non erat, ergo aliquando non fuit; ac proinde non est æternus, quomodo ergo est Deus?

Respondeo cum S. Basil. non erat antequam gigneretur, sed erat cum gigneretur, semper autem genitus est, semper ergo fuit.

Dices, si semper genitus est, quomodo peruenit ad terminum sine via?

Nota duplicem hæc questionem inuolutam. Vna est de presenti, an semper Filius gignatur. Alia de præterito, an semper genitus sit. Catholici docent non solum genitum esse, sed semper gigni: sic enim loquitur August. *Semper gigni Pater; & semper genitus est Filius, vel nascitur*, & ratio est, quia Filius gignitur in æternitate, quæ indiuisibilis est, immutabilis, infinita, coexistens omnibus partibus temporis nostri; cum ergo illa explicate non possimus nisi per respectum ad nostrum tempus, coexistat autem temporis nostro, sit vt rectè dicamus Filium semper genitum esse & gigni, nam licet in æternitate secundum se spectata non detur præteritum, sed solum præsens, tamen quatenus coexistit nostro temporis, datur præteritum & præsens. Augustinus vult rectius dici semper genitum esse quàm gigni; nam licet semper duret actus gignendi, tamen semper etiam perfectus & consummatus est; vnde sequitur in generatione diuina quicquid est perfectionis in via, id totum reperiri & in termino; in ea enim est semper nasci, sed sine imperfectione, & semper natum esse, sed sine imperfectione; vnde dici potest semper in via & semper in termino.

Dices, generare est summa perfectio ipse viuentis; hanc autem perfectionem habet Pater non Filius; ergo Filius non tam perfectus vt Pater; ergo non est Deus.

Respondeo, generare in creaturis perfectionem dicere, quia est actio quædam vitalis; in diuinis autem non est actio, sed relatio per modum actionis significata; relatio autem præcisè sumpta non dicit perfectionem.

Dices, vel coactè vel liberè genitus est Filius: si coactè, non est Deus; quia Deus cogi non potest: si liberè; ergo Filius potuit non generari; ergo potuit non esse; ergo Deus non est, quia Deus non potest non esse.

Respondeo nec coactè nec liberè genitus est; nam Pater genuit eum intelligendo, Pater autem non coactè nec liberè sed necessarid se naturaliter seipsum intelligit.

Dices beatius est dare quam accipere. Act. 20. quia diuitis est dare, indigentis accipere, sed Pater dat, Filius accipit, Matth. 11. *Omnia mihi tradita sunt à Patre meo*; perfectior ergo est Filius; ergo Filius non est Deus.

Respondeo tunc beatius esse quando qui accipit est indigens & imperfectus, quod de Filio non potest dici. Id clarè exponit August. *Scriptum est, quid beatius est dare sed in hac vita, ubi autem qui gignendo dedit & qui nascendo accepit non inopi subuentum est, sed ipsa copia grata est, nec potest qui accepit esse inaequalis ei qui dedit, quia & hoc accepit ut aequalis esset; nihil enim minus Patre habet, qui dicit, omnia, quae habet Pater, mea sunt; aequalis est igitur.*

Conclusio secunda Spiritus Sanctus est Deus, probatur ex Scriptura Act. 3. *Cur mentiri te Spiritus Sancto tentauit satan, mentitus es Deo.* Baptismus datur in nomine Spiritus Sancti 1. Corinth. 12. diuisiones facit gratiarum 2. Petri 1. Spiritus est qui locutus est olim per Prophetas; & Hebr. 1. *Is ipse qui Deus dicitur locutus in Filio quia est ubique quod proprium est Dei* Psalm. 138. & Sapient. 10. quia autoritate sua gubernat Ecclesiam & in ea constituit Episcopos & Apostolos: Act. 10. & 13. 1. Corinth. 6. dicimur templum Spiritus Sancti, post verò dicitur *portate Deum in corpore vestro.*

Obiiciunt Macedoniani omnia per ipsum facta sunt; ergo & Spiritus Sanctus qui consequenter est creatura.

Respondeo nec omnia simpliciter per ipsum facta, sed omnia quæcumque facta; at Spiritus Sanctus factus non est; alioqui ex iisdem verbis posset colligi Patrem factum per Filium.

Primæ Corinth. 1. dicitur *Spiritus omnia scrutatur*, is autem quærit; ergo dubitat; ergo ignorat. Respondeo intelligi omnia penetrare & comprehendere, quo sensu 1. Paralip. 28. Deus Pater dicitur omnia scrutari, & Ierem. 17. corda penetrare & comprehendere. Primæ Corinth. 14. Spiritus prophetarum iis subiectus est. Respondeo, duplex est diuinus & humanus, iste subiectus est diuino, quia non loquitur quicquid vult, sed quicquid ei suggerit diuinus unde numer. 22. Balaam Propheeta ait, nunquid aliud potero loqui, nisi quod Deus posuerit in ore meo. Rom. 8. *Spiritus pro nobis postulat.* Respondeo illum facere nos postulare, patet ex præcedentibus; *Spiritus adiuvat infirmitatem nostram; nam quid oremus nescimus.* Quasi dicat nescimus sed Spiritus docet. In Scriptura Spiritus dicitur pignus & pars, & Psalm. 15. *Deus dicitur pars hereditatis.*

Q V A E S T I O V I I I.

An tres Personæ sint vnus Deus?

Dogma fidei. Tres personæ sunt vnus Deus seu vna est essentia & deitas trium Personarum; nam verus Deus non est nisi vnus numero ex Deuter. 6. & 32. & 1. Corinth. 8. *Scimus quod nullus est Deus nisi vnus.* Sed Pater est Deus verus, Filius verus Deus & Spiritus

Carriert in Professionem Fidei.

Sanctus itidem; ergo Pater, & Filius, & Spiritus Sanctus sunt vnus numero Deus.

Obiicies verus & vnus Deus est Pater Christi, sed tres Personæ non sunt Pater Christi; ergo tres Personæ non sunt vnus verus Deus.

Respondeo hoc nomen Deus aliquando supponit pro essentia, aliquando pro personis, ut notat S. Thomas quæst. 3. art. 4. Tunc supponit pro essentia, quando id quod ei adiungitur conuenit illi ratione deitatis, ut cum dico Deus creat, prædestinat, conseruat, Tunc supponit pro personis, ut cum dico Deus generat; igitur ad obiectionem dico nomen sumi in maiori particulariter & distincte pro personâ Patris; In conclusione verò pro essentia, ac proinde non valere consequentiam, quia variatur suppositio terminorum, vel quod idem est in maiori sumitur pro vna personâ particulariter, In conclusione vniuersaliter & distincte pro Deitate, quæ est communis tribus personis; constat autem ex Logica non licere argumentari à terminis non distributo ad eundem distributum; Non enim sequitur, verus homo est Pater Petri, intelligendo determinatè illum hominem, qui est Pater Petri, Sed Paulus non est Pater Petri, ergo Paulus non est verus homo.

Obiicies esse genitum & ingenitum non sunt accidentia, quia nullum est in Deo, At Pater & Filius differunt secundum esse genitum & ingenitum, ergo differunt substantialiter; diuersa ergo est substantia Filij. August. retorquet argumentum, si quicquid de Deo dicitur; secundum substantiam dicitur; ergo quod dictum est, *Ego & Pater vnum sumus*, dictum est secundum substantiam; vna ergo est substantia Patris, & Filij, aut si hoc non est dictum secundum substantiam; ergo aliquid dicitur non secundum substantiam, & ideo non cogimur intelligere secundum substantiam genitum & ingenitum. Dico ergo: ingenitum significat negationem processionis ab alio, genitum processionem à Patre; illa autem processio non est accidens; sed substantia, nec tamen est substantia absoluta, sed relatiua. Dices; ergo substantialiter differt à Patre. Respondeo differt substantialiter relatiuè non absolutè.

Obiicies; Pater, Filius, & Spiritus Sanctus sunt alius & alius, sed Pater, Filius & Spiritus Sanctus sunt Deus; ergo Deus est alius & alius.

Respondeo; maior dupliciter intelligi potest; primò sic, Pater, Filius, & Spiritus Sanctus sunt alius ratione essentiae, sicque propositio est falsa. Secundò alius ratione personatum, vel quod est idem; Deus est tres personæ distinctæ.

Nota ergo in argumentis ne sit variatio terminorum; nam, v. g. genitum vel ingenitum non respicit essentiam sed personas, quare hoc non conuenit Deo ut Deus est sed ut persona.

Notat Fulienfis non esse absurdum dicere, quod personæ diuinæ dicantur tria indiuidua largo modo, sicut natura diuina quatenus est communis tribus personis habet aliquam similitudinem cum specie, ita tres personæ sunt veluti quedam illius indiuidua, præsertim quia licet ex vno capite non tam perfecte participant rationem indiuidui quam indiuidua

creata;

creata, quia scilicet divina habet eandem numero naturam, aliunde tamen obrinent eam perfectius quatenus personæ divinæ magis repugnat diuinitas quam creaturæ.

Nota secundò et si in creaturis vna natura sit tantum in vna persona, non sequi idem dicendum de Deo, quia cum illius natura sit infinita, non repugnat eam reperiri in pluribus personis, sicut in creaturis eadem natura specifica, quia accipit illimitationem quandam per intellectum, potest esse in pluribus indiuiduis.

QVÆSTIO IX.

An in Deo sint tres substantiæ relatiuæ?

Dantur tres substantiæ relatiuæ in Deo realiter distinctæ inter se, id est tres rationes existendi incommunicabiliter, quæ sunt quasi tres modi relatiui existentie absolutæ probatur quia Concilia & Patres admittunt in Deo tres substantias, eorum autem verba non possunt intelligi, nisi de substantiis relatiuis, quia ea tantum multiplicantur in Deo, quæ habent oppositionem relatiuam. Secundò cum persona & suppositum idem sint, tot in eo ponendæ sunt substantiæ quot personalitates, at hæ tres sunt; ergo & illæ. Confirmatur; nam verbum per substantiam suam est unitum humanitati, ea autem substantia non est absoluta, quia alioquin humanitas esset etiam vnica Patri & Spiritui Sancto; ergo est relatiua; Cùmque non sit potior ratio, cur talis substantia habeat locum in vna Trinitatis persona, quam in alia, sequitur cuilibet earum assignandam esse suam substantiam relatiuam, atque ita in Deo tres esse relatiuas; Tum tres personæ diuinæ sunt tres substantiæ non tantum adiectiuæ sed etiam substantiuæ; ergo habent tres substantias distinctas; quia per substantias constituuntur formaliter in esse substantium, Sed in Trinitate non multiplicantur concreta seu constituta substantiuæ sumpta, nisi multiplicatis formis quibus constituuntur; nam ideo tres personæ non sunt nisi vnus Deus, quia est vna tantum Deitas, & tamen sunt tres personæ; quia sunt tres personalitates.

Dices repugnat relationi, quatenus relatio est, esse rationem subsistendi, quia tota natura relationis est esse ad aliud, natura verò substantiæ est esse ad se, vt dicit Sanctus Augustinus.

Respondeo hæc duo non pugnant inter se relationem diuinam esse ad aliud & esse ad se siue per se, quia non pendet ab alio supposito per quod sustentetur. Simile est in relatione creata, quæ est in subiecto & refertur ad terminum; non enim pugnant esse in, & esse ad; nam vnum refertur ad subiectum, aliud verò ad terminum.

Nota S. Augustin. quando lib. 7. de Trinit. cap. 4. sic Deum ad se subsistere, agere de substantia vt est modus existendi per se independentem à subiecto sustentante, vt vel ex eo pa-

ter, quia colligit Deum non fore substantiam si ad se non subsisteret.

Nota S. Hieronymum velle epist. 9. vt ceceantur tres hypostases in sensu Arrianorum id est tres essentia. Nunc autem vsus inualuit vt hypostasis pro substantia accipiat, sicque in Deo debent poni tres hypostases.

QVÆSTIO X.

An detur in Deo substantia absoluta & communis?

Conueniendum est primò, pro quo supponatur substantia, & quid per eam significetur. Scotus dicit esse modum, qui dat ultimam subsistere; Concilia & SS. Patres solent sumere substantiam pro hypostasi, & hanc pro persona; Atqui in Deo sunt tantum tres hypostases relatiuæ seu tres personæ, neque admitti potest cum illis quidam hypostasis aut persona absoluta & communis tribus personis; Ergo neque substantia absoluta & communis.

Elicitur ex Aristotele, nam apud metaphysicos substantia sumitur pro aliquo modo substantiali quo res habet vt per se sit incommunicabiliter, At diuinæ naturæ vt præcisè à substantiis relatiuis non potest competere modus ille existendi incommunicabiliter, quia quicquid in ea sic spectata reperitur, est absolutum & commune tribus personis. Tum probatur, quia Deus sufficienter subsistit per tres substantias relatiuas. Tum incarnatio dicitur facta in hypostasi seu substantia verbi non in essentia; vnde vnio naturæ humanæ dicitur hypostatica ac personalis, quod æquiuocum esset si daretur alia substantia præter relatiuas. Adde quòd inintelligibile est quomodo cohereret substantia relatiua & substantia absoluta, salua in vtraque ratione substantiæ; ratio difficultatis est, quia de ratione substantiæ est, vt ipsa sit terminus naturæ & per se subsistat, quomodo ergo per aliam substantiam subsistet?

Dices conuenire Deo vt Deus est, modus perfectissimus existendi, qui dicitur subsistere, & ideo August. lib. 7. de Trinit. cap. 4. ait Deum ad se subsistere.

Respondeo quòd et si Deus præcisè per intellectum relationibus sit substantia perfectissima, adeoque ens per se existens id est non in alio in hæsiuè, non tamen est per se subsistens ob rationes adductas; vnde negandum est subsistere absolute esse modum subsistendi perfectissimum respectu Dei, imò eam naturam diuinam postulet communicari tribus personis, de perfectione illius est vt subsistat tantum per tres substantias relatiuas & excludat quamcumque substantiam absolutam.

Dices; ergo natura diuina id habebit commune cum creata vt non sit completa seclusa personalitate.

Respondeo hoc aliquo sensu admitti posse, tamen restat differentia, quòd diuina cum non distinguatur à personalitate nisi formaliter, habet

habet complementum suum à seipsa, creata verò illud non habet nisi ab extrinseco, quatenus realiter distinguitur à personalitate sua.

Q V Æ S T I O XI.

An in Deo sit vnica existentia absolutæ & tres relatiuæ.

Existere nihil est aliud quam rem esse actu in rerum natura, & non tantum in potentia obiectiua, quod tam accidentibus quam substantiis est commune; subsistere verò significat modum quo substantiæ existunt, sicut inhæreere significat modum quo accidentia existunt; vnde sicut se habet ens ad substantiam & accidens, ita se habet existere ad subsistere & ad inhæreere.

Resolutio prima. In Deo est vna existentia absoluta & essentialis, quæ est communis tribus personis; probatur ex Scriptura Exod. 3. *Ego sum qui sum.* & iterum, *Qui est misit me.* vnde formatur argumentum. Qui est, est essentialiter vt docent Theologi post August. lib. 12. de ciuit. cap. 2. ergo significat quid absolutum commune. 2. Deitas vt concipitur prior relationibus est essentialiter ens à se, & absolute necessarium, ac proinde existens actu, vt sic autem non existit per existentias relatiuas, si quæ sunt, quia hæc sequuntur relationes ipsas; ergo existit per existentiam communem & absolutam. 3. Impossibile est etiam per intellectum nostrum præcindere essentiam Dei ab actuali existentia; ergo existentia actualis est de essentia Dei, antecedens patet; quia est prima differentia quam apprehendimus inter essentiam Dei & creaturæ, quod essentia creaturæ potest apprehendi & concipi abstrahendo ab actuali existentia, quia non necessariò & essentialiter existit. Essentia Dei non potest hoc modo concipi; quia non concipitur vt ens in potentia, aut recipiens existentiam ab alio, sed vt ens actu essentialiter & per se existens. 4. In Deo est vna æternitas absoluta & essentialis iuxta Athanasium, *Non tres æterni, sed vna æterna.* ergo similiter est vna existentia absoluta & essentialis, patet sequela, quia æternitas est ipsa duratio Dei; at duratio vel est idem cum existentia, vel intrinsecè illam supponit, & est tanquam proprietas illius. 5. Immutabilitas est attributum essentialiter Dei; quod conuenit illi ratione infinitæ suæ essentia & naturæ; ergo existentia est essentialiter attributum, quia immutabilitas includit existentiam, nam esse immutabilem inter alia includit & dicit necessitatem essendi seu existendi; si ergo necessitas existendi est communis tribus personis, & conuenit illis ratione essentia infinitæ; idem dicendum erit de existentia, quia necessitas existendi supponit existentiam.

Resolutio secunda. Non dantur tres existentia relatiuæ; quia modus existendi per se, & modus existendi in alio, non superaddit nouam existentiam, sed nouum modum prioris existentia. Hoc patet primò in natura humana, quæ siue per se existat vt fit in nobis, siue existat in alio, vt fit in Christo, non censetur accipere nouam existentiam, & solum mutat

modum existendi; ergo similiter personæ diuinæ quæ habent vnā existentiam absolutam, quæ illis communis est, non censentur habere tres nouas existentias, per hoc quod habent tres subsistentias relatiuas & personales. Secundò, si essent tres existentia realiter distinctæ, cum vnàquæque existentia haberet suam propriam durationem; nam duratio nihil aliud est quam continuatio existentia, sequeretur & tres in Deo esse æternitates; quod est contra Athanasium. Si autem essent tres æternitates, essent etiam substantiæ tres æterni, sicut sunt tres personæ propter tres personalitates; Quod autem concessis tribus durationibus, deberent concedi tres æternitates: sic probatur; nam illæ durationes non essent successiue, sed indiuisibiles, nec haberent principium aut finem; ergo necessariò essent in specie æternitatis, cum æternitas nihil aliud sit quam duratio indiuisibilis principio & fine carens.

Dices, vnàquæque relatio est ens actu realiter distinctum ab alio; ergo habet propriam existentiam; ergo sunt tria entia actu.

Respondeo, non dari entitatem relatiuam distinctam ab existentia, idem enim est in Deo existere & esse, licet relationes relatiuæ inter se realiter distinguantur.

Q V Æ S T I O XII.

An relationes abstractæ & distinctæ ab essentia dicant perfectionem.

NOta pro quæstionis intelligentia, quod hinc relatio non consideratur, quatenus est idem cum essentia, sed accipitur relatio originis, v. g. Paternitas, secundum suum esse formale, & secundum suum proprium conceptum quatenus distinguitur ab essentia, non enim est dubium, quod accipiendo relationem, quatenus est idem cum essentia diuina, sit infinita & perfectionem infinitam habeat. Sed difficultas est, considerando relationem originis præcisè secundum esse ad alterum quod est propria ratio, quam super essentiam addit, & sic proposita quæstione, sunt duæ opiniones.

Resolutio ex Scoto in quodlib. 5. & in 1. sent. distinct. 2. Becano, & aliis, negatiua est, vult enim quod relationes præcisè consideratæ, quatenus distinguuntur realiter inter se & formaliter ab essentia, non dicant aliquam perfectionem, sed sint entia nec perfecta nec imperfecta, seu entia non quantæ, supponendum autem est ex eius doctrina. Ens reale prima sui diuisione, diuiditur in ens quantum & non quantum. Ens quantum est, quod habet quantitatem virtutis & perfectionis, non quantum quod caret quantitate virtutis & perfectionis; & deinde ens quantum diuiditur in infinitum & finitum; diuisio secundum quantitatem molis non est prima diuisio entis quanti ex Aristot. 1. Physic. text. 15. ita diuisio entis finiti & infiniti intensiue, est diuisio entis quanti secundum quantitatem virtutis, non molis, vnde sicut non omne ens est quantum quantitate molis, sed aliud est quantum, aliud non quantum, ita non omne ens est quantum

quantitate virtutis & perfectionis, sed aliud est quantum, aliud non quantum.

Probatur 1. resolutio, si Relationes dicunt perfectionem, vel dicunt finitam vel infinitam, ac non potest esse finita, quia nulla finita datur in Deo; ergo est infinita: hoc autem est falsum. Probatur; non possunt esse plura realiter distincta, & formaliter infinita, ac relationes originis sunt plures, quia sunt tres & sunt realiter distinctæ; ergo relationes originis non possunt esse formaliter infinitæ intensiue (loquimur enim de infinitate intensiua), & per coniequens nulla illarum est formaliter infinita; quia qua ratione vna non est infinita, eadem ratione altera; ratio enim concludit de omnibus: minor pater. Maior probatur per comparationem plurium infinitorum ad inuicem sic. Infinitum intensiue est illud, cui nihil deficit entitati; eo modo quo est possibile entitatem & perfectionem includi in vno, sed sic est, quod si darentur plura infinita distincta realiter, entitas & perfectio inclusa in vno, non includeretur in altero ergo neutrum illorum esset simpliciter infinitum, quod si quis dicat non esse possibile omnem entitatem & perfectionem simpliciter haberi per identitatem in vno summè perfectio; Contra arguit Scotus, nihil est summè perfectum, cui deficit aliqua perfectio simpliciter; ergo è conuerso, quod est summè perfectum includit omnem perfectionem simpliciter, antecedens probatur, quia si perfectum simpliciter non potest habere in se omnem perfectionem simpliciter, hoc eueniret quia illa perfectio simpliciter esset impossibilis illi summè perfectio, hoc autem esse non potest; quia perfectio simpliciter secundum Anselmum est *en* *que melior est in quolibet, quam non ipsa* hoc est quàm quodlibet impossibile sibi, illa enim definitio Anselmi perfectionis simpliciter. Monologion. cap. 5. *perfectio simpliciter est, qua in quolibet habente eam melius est ipsam habere quam non ipsam habere* est vera eum duplici expositione ex Scoto quodlib. 5. in expositione secunda rationis pro hac assertionem Prima est; hæc definitio non intelligitur, ita, quod perfectio simpliciter sit melior quàm suam oppositum contradictorium, quia sic omne ens positum esset perfectio simpliciter, omne enim positum est absolutè melius sua negatione opposita contradictoriè, sed illa particula, *non ipsum*, intelligitur pro quocumque sibi impossibili. Secunda expositio est quod illud melius debet intelligi in ordine ad suppositum absolutè, quatenus abstrahit à natura, non in ordine ad naturam, quia si intelligeretur in ordine ad naturam illud tantum esset perfectio simpliciter, quod conuenit naturæ illi etiam si esset imperfectissima, nam melius est supposito auri quatenus aurum est esse aurum quàm esse id quod est impossibile auro, quia impossibile auro destruit naturam auri, & sic melius est aurum esse quàm intellectuum, quia intellectiuitas est impossibilis & destruit naturam auri; illud ergo est perfectio simpliciter quod melius est in supposito quocumque considerato absolutè, & abstractè ab omni natura, quàm suum impossibile, non considerato illo supposito in ordine ad naturam, sed absolutè. Exemplum

Quid sit perfectio simpliciter.

melius est in ente esse videns, quàm esse cecum, melius est esse spirituale quàm corporeum, melius est æternitas quàm corruptibilitas, tamen applicando hæc supposito secundum naturam propriam vt considerando panem, vt panis est, falsum est quod melius sit illi esse incorruptibile quàm corruptibile, quia si esset incorruptibile non esset alimentum. Similiter in ligno falsum est melius esse videns quàm non videns, quia si lignum esset videns, non esset lignum, sed corrumpetur natura eius & fieret alia res scilicet virtus sensitiva, & sic de aliis. Perfectio ergo simpliciter est illud quod melius est ipsum quàm non ipsum, id est, quàm sibi impossibile in quacumque re absolutè considerata vt est suppositum, non autem vt est talis naturæ; Ergo si perfectio simpliciter esset impossibilis summè perfectio, illud summè perfectum, non esset perfectio simpliciter; quia non esset melius quocumque suo impossibili, siquidem suum impossibile esset perfectio simpliciter qua non potest esse melius, vel illa perfectio, non esset perfectio simpliciter; siquidem non esset melius ipsa, quàm illud summè perfectum, quod tamen est sibi impossibile.

Breuitè epilogatur ratio: tria infinita formaliter non possunt simul dari quia sunt impossibilia, de ratione enim summè perfecti est, quod contineat omnem perfectionem, quia repugnat dari perfectionem simpliciter & non posse esse in vno summè perfectio, quia illi repugnet, quoniam vna perfectio simpliciter non repugnat alteri; ergo nulla perfectio potest dari quæ sit extra vnum infinitum; reliqua ergo infinita sunt illi impossibilia & impossibilia.

Confirmatur hæc ratio: si possunt esse plura infinita, sint A & B, tunc sic arguo vnum quodque illorum erit intelligibile à diuino intellectu & actu comprehensiuo & adequato illi. At vnico actu comprehensiuo non possunt intelligi duo habentia propriam infinitatem, quia vnicum obiectum intensiue infinitum adequatur vnice comprehensioni; ergo intellectus diuinus duobus actibus comprehensiuis intelliget A & B, ergo tunc haberet duos actus, quod impossibile, quia vnus actus infinitus adequat intellectus diuini virtutem; vel ergo isti duo actus erunt in Deo successiue, & sic in Deo erit mutatio, vel nunquam alterum intelliget, cum vtrumque sit infinitum intensiue.

Respondet Suarez quod duplex est infinitas, alia est in genere entis & simpliciter & absolutè, alia est infinitas in genere tali, vt linea infinita; est infinita in genere quantitatis non absolutè, non enim est infinita albedo, neque infinita entitas, sed præcisè infinita quantitas in genere longitudinis. Quam distinctionem habent Thomistæ in diuersis materiis, vt in materia de gratia Christi; dicunt enim illam fuisse infinitam non in genere entis, sed in genere gratiæ, & eam secundum Scotum haberi dicunt quidam recentiores in Attributis; infinita enim bonitas non est infinitas simpliciter, quia non est sapientia infinita; est ergo infinita tantum in genere suo.

Ad propositum dicunt relationes originis esse infinitas

infinitas non absolute & simpliciter, & in genere entis quantum est ex sua formali ratione; hanc enim infinitatem habent ab essentia, sed sunt infinitæ infinitate in genere, quia scilicet sunt infinitæ bonitates, respectu in suo genere ut Paternitas est infinita perfectio in genere Paternitatis, sic Filiatio & Spiratio passiva; sunt ergo infinitæ perfectiones relationum, unde ad argumenta dicunt, maiorem illam primi argumenti non possunt esse plura realiter distincta & formaliter infinita, veram esse de infinito simpliciter & absolute ut est essentia divina, non de pluribus infinitis formaliter in genere: relationes divinæ sunt infinitæ secundo modo, argumenta concludunt de infinitate primo modo.

Contra hanc responsionem, non potest dari à parte rei infinitum in genere, licet per abstractionem nostri intellectus concipi possit, sed infinitas quæ competit relationibus est ex parte rei, ergo non possunt esse infinitæ in genere: Maior probatur, quia de ratione infiniti est esse illimitatum & indeterminatum; at quod est in genere est limitatum & determinatum; ergo. Præterea probo quod sint infinitæ absolute & simpliciter, non in genere, hic accipimus relationes secundum suum esse formale ut contra distinguuntur ab essentia, & tunc quæro, vel ratio formalis relationis ut Paternitatis est ens vel nihil, non secundum quia tunc personæ constituuntur in esse reali personali per aliquid quod esset nihil formaliter; ergo primum, tunc sic, at secundum hanc entitatem formaliter distinctam sunt infinitæ; ergo sunt infinitæ secundum entitatem, sed infinitum secundum entitatem est simpliciter infinitum non infinitum in genere; ergo relationes sunt simpliciter infinitæ, primum antecedens patet, quia aduersarij ponunt relationes esse infinitas, quatenus ab essentia distinguuntur. Consequentia prima est evidens, aliud assumptum est communiter concessum, etiam ab ipsis, quoniam essentia divina est infinita simpliciter, quia est infinita secundum entitatem, ad quam sequitur omnis perfectio.

Præterea infinitum in genere, si datur ex parte rei, vel est in genere substantiæ vel accidentis, non accidentis, quia accidentis cum sit imperfectius subiecto, non potest esse infinitum nisi substantia sit infinita, quia non haberet subiectum sibi proportionatum, unde necesse esset formam infinitam subiectum in subiecto finito, quod est absurdum, & præterea relationes divinæ non sunt accidentia; ergo non possunt esse infinitæ in aliquo genere accidentis (ex parte rei loquitur, non secundum denominationem vel modum nostrum concipiendi) ergo hoc infinitum in genere erit in genere substantiæ, ergo etiam substantia infinita, sed substantia infinita est infinitum simpliciter, quia continet omnem perfectionem, essentia enim divina non est quid maius quam substantia infinita; ergo si relationes divinæ sunt infinitæ in genere, erunt infinitæ in genere substantiæ; at sic non distinguuntur ab essentia divina, ergo non erunt infinitæ propria infinitate, & secundum suam propriam rationem formalem, sed solum secundum quod sunt idem cum essentia divina quod nos concedi-

mus, at non erunt infinitæ secundum illud quo distinguuntur ab essentia divina.

Secundum argumentum, si relationes essent infinitæ in genere ex parte rei, Deus componeretur ex pluribus infinitis partialibus ex parte rei; tres relationes divinæ essent tria infinita partialia, scilicet unumquodque in genere suo, Paternitas in genere Paternitatis, & Filiatio in genere Filiationis, & Spiratio passiva in genere Spirationis passivæ, & istæ tres infinitates essent realiter diversæ; ergo tria infinita partialia constituerent Deum, imò una persona esset composita ex duobus infinitis, scilicet ex infinito simpliciter quod est essentia, & ex infinito partiali, scilicet ex propria relatione, quod est absurdum manifestum: rursus hæc esset vera propositio ex parte rei, in Deo sunt quatuor infinitates ex parte rei, vel Deus est quatuor infinita; nam in Deo est essentia, & ad sunt relationes quorum unumquodque esset distinctum ab alio, neque ex parte rei idem tunc unum posset prædicari de alio, quia non esset verum dicere, infinitas essentia est infinitas Paternitatis, Filiationis, Spirationis, nec è conuerso, quia istæ infinitates in genere essent omnino diversæ à parte rei, sicut infinitum in quacitate non est infinitum, in caliditate, &c. omnia autem hæc sunt plusque absurda; ergo absurdum est dicere relationes istas esse infinitas in genere, & dari à parte rei infinitum in genere; licet per abstractionem nostri intellectus possit concipi.

Quod autem dicunt Scotum admittere attributa esse infinita in suo genere, & non simpliciter, est falsum, imò Scotus ex eo quod unumquodque attributum est infinitum concludit in 1. dist. 8. q. 4. post solutionem questionis secundum propriam mentem, omnia attributa esse idem realiter, quia non possunt dari plura infinita, & dicit hanc identitatem & infinitatem non tollere distinctionem formalem inter ipsa.

Quod si quis dicat: Illa prima propositio, non possunt esse plura realiter distincta & formaliter infinita, est vera de infinito radicaliter formaliter, non de infinito formaliter tantum, relationes originis sunt infinitæ secundo non primo modo, hæc responsio supponit infinitatem quæ est in relationibus, non esse à se ipsis, sed ab essentia tanquam à radice, ad hoc autem sequitur relationes esse infinitas formaliter infinitate essentia, cum qua sunt idem realiter & à qua fluunt, de infinitate autem in hoc sensu nulla est difficultas, quia cum sint idem cum essentia divina, etiam sunt perfectæ sicut essentia, & cum essentia sit perfecta infinitate etiam, relationes sic sunt infinitæ: At difficultas est de perfectione & infinitate propria quam habent ex se, quatenus distinctæ sunt ab essentia, hanc enim radicaliter debent habere ex se; ergo si sunt infinitæ erunt infinitæ radicaliter: quod infinitatem debeant habere ex se probatur, quia habent hanc infinitatem, quatenus distinctæ ab essentia; ergo non habent eam radicaliter ab essentia distinctam, quatenus distinctum non insuit in aliud distinctum; ergo si relationes essent ex se infinitæ formaliter, ergo & radicaliter: at ex concessis non possunt dici plura infinita formaliter & radicaliter; ergo relationes originis non
P 3 sunt

sunt infinitæ quia darentur plura infinita radicaliter.

Tertium argumentum; sequeretur aliquam perfectionem esse in vna persona quæ non esset in alia; at hoc falsum est; consequentia probatur quia Paternitas est in Patre non in Filio, Paternitas est perfectio aliqua. absurdum autem est, quia personæ non essent æquales.

Canus & alij respondent non esse inconueniens, quod aliqua perfectio relatiua sit in vna persona quæ non sit in alia; quia hoc nil aliud est dicere quàm quod realitas aliqua sit in vna persona quæ non sit in alia, quod catholicum est, quia alia res est Pater, alia Filius, & alia res est Spiritus. S. concedunt ergo isti in vna persona non esse perfectionem absolutam quæ non sit in alia sed loquendo de perfectionibus relatiuis quomodo dicunt esse relationes originis non habent pro inconuenienti.

Contra, sequeretur personas diuinas esse inæquales in perfectione, quia perfectio quæ esset in vna persona deberet alteri. Respondet illas perfectiones esse æquivalentes, adeo licet non habeant eandem specie perfectionem habere æquivalenter; Contra probo nullo modo fore tunc æquales diuinas personas, quia vna habet duas relationes, altera vnam tantum, vt Pater habet paternitatem siue generationem actiuam & spirationem actiuam, Spiritus Sanctus habet solam spirationem passiua; vna autem perfectio non potest esse æqualis pluribus perfectionibus; ergo Pater & Filius essent Spiritu Sancto perfectiores, quia plures perfectiones relatiuas haberent quàm Spiritus Sanctus licet eandem habeat essentiam. Præterea duæ personæ simul essent perfectiores vna, quatenus habent plures relationes diuersæ speciei, & cōsequenter plures perfectiones; consequens autem est absurdum, & contra August. lib. 3. contra Maxim. cap. 10. & serm. 38 de tempore ubi, inquit, *in Deo non esse quid maius res personarum simul qualibet seorsum, quia in omnibus eadem est essentia & natura* per quam rationem videtur velle perfectionem diuinarum personarum esse solum in essentia & naturā non in relationibus. Respondent aliqui diuinas personas esse omnes æquales in perfectione neque duas excedere vnam quia includunt eandem essentiam; Contra, ergo non habent perfectionem ex sua ratione formali quatenus distinctæ sunt ab essentia diuina, hoc autem disputamus, an secundum suas rationes formales habeant perfectionem non quatenus identificantur cum essentia.

Suarez respondet, quod perfectio est duplex, scilicet perfectio simpliciter simplex seu perfectio simpliciter & perfectio communiori modo dicta quomodo est perfectio relatiua; cum ergo dicitur quod vna persona careret aliqua perfectione quæ esset in alia, respondet negando cōsequentiam; quia omnis perfectio relatiua eminenter continetur in essentia & eminenter continetur in alia persona licet non formaliter, adeo vt perfectio relatiua quæ formaliter est in vna persona formaliter non sit in alia sed solum eminenter; & ideo non sequitur vnā personam esse imperfectiorem altera; quia vnaquæque persona continet omnem perfectionem altioris, si non formaliter,

saltem eminenter; hæc autem eminentialis continentia sufficit, quia continentia formalis non addit perfectionem illi cui additur; vnde humanitas addita verbo non addit illi perfectionem quia verbum continet perfectionem humanitatis eminenter.

Hæc Responsio falsa est, quia absurdum est concedere vnā relationem continere aliam eminenter; dato enim quod hoc possit aliquo modo concedi de essentia respectu relationū & aliarum entitatum increatarum quæ sunt in Deo vt concedit Scot. tamen de relatione respectu alterius relationis & præsertim oppositæ est impossibile; quia continere eminenter est continere causaliter siue radicaliter ex D. Thom. & philosophis; at vna relatio opposita non potest causare oppositum, quia opposita mutuo repugnant nec se producant; ergo est impossibile relationes oppositas & disparatas quæ in personis diuinis sunt continere eminenter quia non datur circulus in causis efficientibus eiudem generis; vnde dato quod Paternitas contineret eminenter Filiationem, non tamen Filiaio contineret eminenter Paternitatem, quod si recurrant ad essentiam, dicendo quod hoc sit quia relationes sunt idem cum essentia diuina, iam dictum est nos hic loqui de relationibus secundum suam rationem formalem, qua distinguuntur ab essentia diuina, vna relatio continet quidem aliam per identitatem, sicut alia quæ sunt in Deo se sic continent per identitatem virtute essentiæ, in qua identificantur realiter, tamen non se continent virtualiter nec eminenter.

Quartum argumentum sequeretur Patrem non esse perfectum & idem de aliis personis consequens est absurdum: Probatur, quia perfectum est id cui nil deficit; intelligitur autem in suo genere, nam sapientia non est perfecta si aliquid ei desit in genere sapientiæ; ergo si alicui personæ desit aliqua perfectio diuina deest ei aliquid in genere perfectionis; ergo illa persona non erit simpliciter perfecta.

Opinionis affirmatiuæ rationes soluuntur prænotando tempus, non esse questionem de relationibus quatenus sunt idem cum essentia, vel includunt aliquid ad eam pertinens, sed secundum suam rationem formalem præcisè; primo modo certum est includere infinitam perfectionem, secundo verò negamus.

Prima: non minus pertinent ad Dei perfectionem relationes quam attributa, sed illa sunt perfectiones simpliciter; ergo & relationes. Maior probatur, quia sicut Deo melius est esse sapientem quàm non esse sapientem: ita melius est Deo esse Patrem, Filium; & Spiritum Sanctum, quàm non esse; illud autem quod melius est esse alicui quàm non inesse, non potest non esse perfectio illius, quia melius & perfectius idem sunt, sicut bonum & perfectum.

Respondeo negando, parem esse rationem de relationibus & attributis, quia attributa sunt perfectiones simpliciter.

Ad probationem, quia melius est esse Patrem quàm non esse.

Respondeo, illa particula *melius*, potest comparari ad essentiam vel ad relationes, comparata ad essentiam est vera, quia melius est essentia diuinæ esse communicabilem, quàm incommu-

Incommunicabilem, non est communicabilis per relationes sed per seipsam, & per intellectum & voluntatem tanquam per principia; relationes autem originis deinde consurgunt & pullulant in essentia diuina concomitanter; ergo possunt dici perfectiones diuinæ non formaliter: ideo illa particula *melius*, comparata relationibus, ut relationes sunt in suo esse formali, exclusa essentia & identitate ac ordine ad essentiam, est falsa; unde ad formam argumenti; ad maiorem, cum dicitur non minus pertinent ad perfectionem Dei relationes originis quam attributa, dico illam esse veram. Considerando relationes concomitanter, & quatenus idem sunt essentia diuinæ, & concomitantur communicationem eiusdem essentia; considerando verò relationes secundum suam rationem formalem, seclusa concomitantia & identitate cum essentia diuina non pertinent ad perfectionem Dei.

Ad probationem maioris, negatur similitudo attributorum ad relationes, & insuper cum dicitur in probatione illius, melius est Deo esse Patrem.

Respondet esse Patrem, posse significare communicationem essentia, & relationes, quatenus concomitantur talem communicationem, alio modo potest significare illam relationem nudam Patris, primo modo est vera, secundo falsa. Argumentum procedit secundo modo; quod si quis dicat; ergo si relatio non pertinet ad perfectionem erit accidentaliter Deo; consequentia non valet, quia nec aduersarij sustinent eas esse de essentia Dei, neque esse accidentales Deo, & tamen sustinent pertinere ad perfectionem Dei; Dicendum ergo est cum Scoto in 1. dist. 2. q. 4. quod relationes, neque sunt essentielles neque accidentales, sed quid medium, quod dicitur non essentielles, sed potest dici extraneum, quatenus non est de diffinitione essentia, ut dixit in questione de constitutione personarum.

Secunda. Ens & bonum conuertuntur ex Aristotele in metaph. sed relatio & maxime diuina, est verum ens reale; ergo bona; ergo dicit perfectionem transcendentem, de hac enim est sermo in hac questione.

Respondet, vnum, verum, bonum, finitum & infinitum, esse passiones entis quanti, & non omnis entis; at relationes diuinæ sunt entia non quanta, adeo quod possumus dicere ens esse duplex, scilicet quidditatem & rationem hypostaticam, siue personalem. Primum est ens quantum & perfectum, & de illo intelligit Aristoteles, cum dicit bonum & perfectum esse passiones entis, non autem intelligit de ratione hypostatica & personali, & quoniam hæc responsio format aliquod dubium de entitate hypostatica, an dicat perfectionem?

Respondet Scotus, rationem hypostaticam creatam non dicere aliquid positium; sed duplicem negationem; negatio autem non dicit perfectionem; personalitas autem diuina, licet dicat aliquid positium, tamen non dicit perfectionem per propriam & formalem rationem; quod si inthes, relatio est verum ens reale; ergo & bonum. Respondet, concedo esse ens reale, tamen nego esse ens reale verum & perfectum ac completum, ut est res & res; imò dico esse verum ens & reale, sic per identitatem realem

cum essentia diuina, sed secundum suas rationes formales, sunt entia incompleta seu modi essendi personales, quibus non competit quantitas virtutis & perfectionis.

Tertia. Mystrium Trinitatis ut tale, in Deo dicit perfectionem, sed tale mysterium est in Deo formaliter per relationes; ergo relationes dicunt perfectionem: minor est evidens, quia relatio multiplicat Trinitatem: Maior probatur, quia quicquid est in perfectissimo ente intrinsece, necesse est dicat perfectionem.

Respondet, quod mysterium Trinitatis inuoluit multa alia præter relationes, inuoluit enim intellectum & voluntatem diuinam & essentiam ipsam, quæ sunt principia communicantia essentiam diuinam, & ideo mysterium illud prout inuoluit has perfectiones absolutas à quibus pullulant relationes, dicit perfectionem non autem propter solas illas relationes.

Quarta. Si Pater ut Pater non dicit perfectionem sub ea ratione non est amabilis, consequens est absurdum, quia personæ diuinæ secundum eam rationem habent maximam pulchritudinem & conuenientiam, & in Christi humanitate facemur personam Filij esse maximum humanitatis illius bonum, ea ratione quæ terminat illam humanitatem; at terminat illam per suam proprietatem; ergo proprietas personalis dicit dignitatem & perfectionem.

Respondet Fauentinus, personas diuinas ut personæ sunt præcisè, non esse amabiles, sed solum quatenus includunt essentiam propter quam sunt vnus Deus.

Ad rationem contra hoc, dicit personam Filij esse maximum bonum humanitatis Christi, non ratione Filiationis; sed quia persona terminans illam vnionem est Deus, & habet essentiam diuinam; vnde licet per relationem terminet vnionem, non tamen relatio est causa dignitatis & nobilitatis Incarnationis, sed essentia quæ est in persona.

Quinta. Quod non est comprehensibile nisi ab intellectu diuino est formaliter infinitum; at Filij generatio est formaliter incomprehensibilis cuiusque intellectui, præterquam diuino; ergo est formaliter infinita. Maior patet: minor probatur per Esai. 53. *Generationem eius quis enarrabit.* quod S. Hieron. exponit de generatione æterna Filij; ita & Ambros.

Respondet Scotus, non omne incomprehensibile intellectui creato esse infinitum, quare argumentum non concludit rectè illam generationem æternam non esse finitam ex hoc, quia non est comprehensibilis ab intellectu creato; etenim verum est quidem omne quod comprehenditur ab intellectu creato esse finitum: At eius opposita propositio, omne quod non comprehenditur ab intellectu creato est infinitum falsa est, quia potest esse nec finitum nec infinitum ut est generatum. Vel dic quod est infinita concomitanter ratione essentia diuinæ quæ per illam communicatur, & hoc modo etiam est incomprehensibilis ab intellectu creato & soli Deo comprehensibilis, ideo ex hoc non sequitur, relationem formaliter esse infinitam & incomprehensibilem per se.

Sexta. Relationes diuinæ sunt personalitates quibus personæ diuinæ subsistunt, & constituuntur; subsistere enim est terminare naturam

turam ut sit persona, est perfectio; ergo relatio ipsa quæ ultimus terminus est, est perfectio.

Respondet Scotus quodlib. 5. quod subsistere est verbum æquivocum; unde duobus modis capi potest: vno modo per se esse: secundo modo pro incommunicabiliter existere: primo modo dicit perfectionem siue perfectissimum esse; & hoc competit soli essentiæ divinæ secundum S. Augustinum; sed subsistere secundo modo non dicit perfectionem aliquam, quia secundum suum esse formale, præsupponit esse subsistentiæ primo modo, cui tantum addit incommunicabilitatem, & hoc subsistere competit relationibus divinis, ideo negatur eas dicere perfectionem secundum illud quod est sibi proprium.

Septima; omnis actio adæquata principio & termino infinito, est infinita formaliter; generatio in divinis, & similiter spiratio Spiritus Sancti, sunt actiones adæquatæ principio formali infinito & termino formali infinito; ergo istæ relationes sunt infinitæ. Maior patet. Minor probatur, quia principium generandi Filium est memoria secunda Patris, quæ est essentia & intellectus divinus, quæ ambo sunt infinita; primus terminus generationis est Filius, qui est infinitus, & terminus formalis est essentia divina communis, siue notitia declarativa, quorum utrumque est infinitum: Generationem autem esse adæquatam his ambobus probatur; quia tale principium non potest habere aliam generationem nisi istam, neque enim possunt esse plures generationes in divinis neque plures termini; ergo est adæquata, & quod dictum est de Filio dicendum est de Spiritu S.

Respondeo; adæquatio est duplex, vel secundum quantitatem vel secundum proportionem, in proposito generatio & spiratio non sunt adæquatæ primo modo, quia non sunt æquales in quantitate; siquidem illæ relationes non conveniunt in quantitate virtutis cum principio productivo, sed sunt adæquatæ secundum proportionem, ita quod generatio est maxime proportionata methoriæ fecundæ; sicut illuminatio, qua maior esse non potest, dicitur inadæquata Soli secundum quantitatem virtutis ipsi Soli, quia est effectus æquivocus & diversæ generationis. Generatio ergo est adæquata memoriæ fecundæ secundum proportionem intensivam, ita, quod sicut memoria est infinita, ita generatio sit infinita, sed extensivè quoniam unica generatio & unica spiratio adæquantur perfectè illis principiis, scilicet memoriæ fecundæ & voluntati fecundæ.

Octava ratio contra assertionem nostram: Intellectus divinus est infinitus formaliter, alioquin non posset comprehendere essentiam divinam, quæ est infinita, ipsam autem comprehendit; ergo est infinitus. Tunc sic arguitur; intellectus non est infinitus, nisi quia est idem essentiæ divinæ, quæ est infinita. At Paternitas est eadem illi essentiæ; ergo propter eandem rationem est formaliter infinita.

Respondeo intellectum esse formaliter infinitum, & hanc infinitatem habere ab essentiâ propter identitatem ad illam, non tamen ex hoc sequi relationem debere esse infinitam propter huiusmodi identitatem ad essentiâ, & ratio est quia intellectus est entitas, cui for-

maliter non repugnat quantitas virtutis, ut dictum est.

Si quis quærat Cur hoc? Respondet Scotus, eadem ratione posset quæri, quare repugnat relationi communicabilitas & non repugnat intellectui, & eadem assignanda est ratio utriusque; quæ est, quia formaliter Hoc est Hoc, & illud est illud formaliter, intellectus ergo est formaliter infinitus & radicaliter ab essentiâ, quia sibi non repugnat quantitas virtutis infinitæ. Relatio verò caret infinitate & perfectione, quia est talis naturæ & conditionis ut non sit capax quantitatis virtutis.

Q V Æ S T I O XIII.

An sint admittendæ aliquæ notiones in personis divinis, & quæ?

PER notiones hæc intelligimus proprietates quasdam personales, & veluti notas, quibus personæ divinæ inter se distinguuntur in ordine ad nostrum intellectum. Circa quæstionem igitur propositam.

Dicendum 1. aliquas notiones in divinis esse admittendas. Ita S. Thom. quæst. 23. art. 2. & post illum communiter omnes Theologi.

Constat 1. ex S. August. lib. 5. de Trin. c. 8. Vbi ait aliam esse notionem, qua Pater æternus intelligitur ut genitor; aliam, qua dicitur ingenuus: prioremque ei competere relativè ad Filium; posteriorem verò absolute in ordine ad seipsum. Et ex S. Basil. epist. 43. ubi vocat notionem, propriam personæ formam & notam, vel characterem, seu signum distinctivum; & dicit illas notiones esse necessarias, ut de Trinitatis mysterio inconfusa cognitio habeatur.

Probatur 2. ex eo quod (ut rectè observat S. Doctor supra) necessarium fuit notiones illas excogitare & admittere ad iuvandam intellectus nostri imbecillitatem: ut scilicet pro nostro capto ac modulo, per inadæquatos conceptus de personis divinis loqui, mysteriumque Trinitatis aptè & distinctè explicare possemus, ut ex sequentibus patebit.

Dicendum 2. quinque tantum notiones admittendas esse in divinis; scilicet Innascibilitatem, Paternitatem, Filiationem, Spirationem activam, & Spirationem passivam.

Ita S. Thom. supra artic. 3. & communiter omnes Theologi, qui sic illas probant, simul & explicant. Tot dantur notiones in divinis, quot haberi possunt ex his duobus respectibus (*à quo alium*, & *qui ab alio*) quia penes eos est omnis distinctio divinarum personarum. Atqui hi duo respectus solummodò nobis suggerunt quinque notiones nunc enumeratas. Quod constat inductione facta per modos, quibus personæ divinæ innotescunt.

Pater enim tripliciter innotescit 1. ex eo quod à nullo est, cum sit ipse principium sine principio; unde existit (Innascibilitas.) 2. ex eo quod alius est ab eo per generationem; unde existit (Paternitas.) 3. ex eo quod alius est ab eo per Spirationem; unde existit (communis Spiratio activa.)

Similiter

Similiter Filius dupliciter innotescit, 1. ex eo quod ipse est ab alio per generationem; unde existit (Filiatio) 2. eo quod ab ipso est alius per Spirationem; unde existit (actiua Spiratio) quæ illi cum Patre communis est; imò formaliter eadem ac in Patre. Ac proinde supra numeratæ notiones sunt tantum quatuor.

Restat Spiritus Sanctus, qui non innotescit per hoc, quod alius sit ab ipso; cum nullam producat personam: sed tantum per hoc quod ipse est ab alio, idque per Spirationem; unde existit propria ipsius notio, nempe (Spiratio passiva.) Ex quibus facile est colligere supradictas quinque notiones.

Obseruandum est autem, ex illis quinque notionibus quatuor esse relationes; scilicet Paternitas, Filiatio, Spiratio actiua, & Processio seu Spiratio passiva. Nam Innascibilitas non est relatio; sed potius negatio relationis, seu productionis passivæ ab altero. Eandem verò rem posse simul dici & relationem & notionem: relationem, quatenus est ratio referendi unam personam ad aliam; notionem, quatenus est ratio dignoscendi unam personam ab alia.

QVÆRES, cur non ponatur sexta notio, quæ delignetur nullam personam à Spiritu Sancto produci; sicut in Patre ponitur Innascibilitas, ut ostendatur illum ab alia persona non produci.

Respondetur talem notionem non esse in Spiritu sancto necessariam. Non enim quælibet negatio debet inter notiones numerari; sed ea solum, quæ aliquam perfectionem vel dignitatem exhibeat; cuiusmodi est innascibilitas in Patre; quatenus significat Patrem esse principium totius Deitatis, nec ab alio ullo produci. Ex qua tamen Patris notione non sequitur, quod Pater sit aliis personis excellentior: summa enim in omnibus ac perfectissima æqualitas est propter simplicitatem essentiae diuinæ, quæ tribus personis communis est, secumque illas prorsus identificat. Plura super hac re videri possunt apud Magistrum sententiarum lib. 1. distinct. 27. & 28. ubi & varias Sanctorum Patrum sententias fusiùs refert.

QVÆSTIO XIV.

Verum in diuinis detur prioritas naturæ & originis.

IN explicatione huius controversiæ, quæ est radix, & principium quoddam in doctrina Scoti, ab illa enim pendent solutiones & declarationes multarum difficultatum, videndum est prius in quo Theologi ceteri, & Scotus conveniunt, deinde videbimus opinionem particularem; & propriam Scoti, ac eam defendemus contra adversarios.

Notandum est ergo omnes Theologos, & præsertim celebriores in diuinis personis admittere ordinem originis; ut est videre apud D. Thomam 1. p. q. 42. art. 3. D. Bonavent. in 1. c. 2. art. 2, q. 1. & 2. & recentiores Thomistas, & alios, hunc autem ordinem originis appel-

lant etiam ordinem naturæ, quia D. August. oratione de quinque hæresibus à medio, como 7. cum appellat ordinem naturæ, non quo alter sit prius altero, sed quo alter sit ex altero; & etiam quia ordo ille originis est secundum naturam, siue secundum naturalem originem, ut colligitur ex D. Thom. loco cit. in corpore articuli, & ad 3. Hucusque conveniunt omnes Theologi, subiungunt deinde, D. Thom. D. Bonavent. & multi alij, hunc ordinem originis esse absque prioritate & posterioritate, & in hoc discrepantia inter eos, & Scot. fundamentum eorum est, quia secundum Athanasium in Symbolo, in diuinis personis nihil est prius & posterius, sed omnes sunt sibi æternæ & coæquales. Hæc veteres, & nihil amplius dicunt: Scotus autem rem hanc exactissimè declarat.

Nota illa ordinari ordine originis, quorum hoc est ab hoc, unde quod est æternum, licet sit & habeat omne pro quocumque signo durationis, non tamen oportet quod habeat esse pro quocumque signo originis; unde de Filio verificatur esse & non esse, cum determinatione tamen, scilicet esse ab alio, & non esse à se, illa enim non contradicunt, non verò esse & non esse simpliciter.

2. Scotus ergo ponit in diuinis duos ordines; alterum naturæ, alterum originis. In ordine naturæ ponit tria signa, siue tria instantia. In primo signo, siue instanti naturæ, occurrit essentia diuina, ut habet esse per se, & de se, quod non competit alicui naturæ creatæ, quia nulla natura creatura habet esse prius naturaliter, quam in supposito. In 2. instanti naturæ, pullulant in essentia diuina relationes diuinæ, & supposita diuina. In 3. signo, siue instanti naturæ, personæ diuinæ simul producant creaturas in esse ideali. Ista tria signa, siue instantia naturæ ponuntur à Scoto in 1. dist. 5. q. 2. §. *Tertia difficultas est quando, &c.* & d. 7. q. 1. in 1. argumento contra opinionem ascriptam D. Thom. §. *Contra istud arguitur, &c.* Sed & clarissimè & ad extensum in 2. dist. 1. q. 1. §. *Quantum ad hoc igitur, &c.*

Notandum est autem hic, Scotum diversimodè hæc instantia naturæ assignare, quoniam d. 5. & d. 6. assignat tantum duo priora signa naturæ; primam in quo essentia habet esse per se sine personis, & secundum in quo sunt productiones, & personæ in diuinis; de tertio instanti nullam facit mentionem. In 2. lib. facit mentionem de duobus ultimis instantibus naturæ: secundum enim instans, in quo habetur productio diuinarum personarum in essentia diuina, appellat primum signum naturæ; tertium verò in quo creaturæ in esse ideali producantur in intellectu diuino appellat secundum signum naturæ, & ratio est, quia in 2. lib. accipit ordinem naturæ comparando obiecta ad intellectum & voluntatem, & quia primum obiectum intellectus & voluntatis diuinæ est essentia diuina, illud est primum signum naturæ, in quo intellectus & voluntas diuina respicit essentiam diuinam, ut suum primum obiectum: quoniam autem secundarium obiectum intellectus & voluntatis diuinæ, sunt creaturæ in esse cognito; ideo appellat secundum signum naturæ illud, in quo intellectus & voluntas considerantur in ordine ad obiectum secundum

Opin. D. Tho. & D. Bonav. & aliorum in 1. c. 2. art. 2, q. 1. & 2. & recentiores Thomistas, & alios.

secundarium, tamen connumerando primum signum naturæ, in quo essentia habet esse per se existentia, siue subsistentia communicabile, cuius individuum est Deus, dicendum est secundum instans naturæ esse illud, in quo personæ diuinæ, & operationes ad intra producuntur, tertium verò in quo, & operationes ad extra producuntur. Hic est ordo naturæ in diuinis secundum Scotum.

* Adeo quod in primo signo naturæ est essentia per se subsistens, nondum communicata in 2. signo communicator ad intra. in 3. insurgunt virtute essentia, & intellectus, ac voluntatis diuinæ creaturæ in essentia diuina; quæ sunt obiectum secundarium.

3 Ordo autem originis secundum Scotum in eodem 2. lib. loco citato, & 1. sent. dist. 1. 2. q. 2. in corpore, & dist. 1. q. 2. & quodlib. 4. art. 1. 5. *Contra ista arguitur, &c.* & primo dist. 28. q. 3. 6. Ad quæst. & alibi sæpe; sed præsertim 2. sent. est duplex, alter est ordo verus originis, quia habet veram originationem, alter verò est ordo originis non verus, nec proprius, sed per similitudinem ad primum, primus ordo originis est in secundo signo naturæ, secundus ordo originis est in tertio signo naturæ; nam, ut ait Scot. in 2. loco citato, ordo originis sic se habet ad ordinem naturæ, quod omnia signa; & gradus vnus ordinis originis continentur in vnico instanti, & signo ordinis naturæ, adeo quod totus primus ordo originis & omnes gradus illius continentur in secundo instanti, siue signo naturæ, & totus secundus ordo originis, & omnia eius signa, & gradus continentur in tertio signo naturæ; isti enim ordines naturæ, & temporis in diuinis sic se habent, quod vnicum instans temporis continet plura instantia naturæ, ergo non est mirum, quod in vnico instanti æternitatis sint plura instantia naturæ, sicut ergo in vnico instanti temporis sunt plura instantia naturæ; ita in diuinis in vnico instanti naturæ sunt plura signa originis, atque adeo totus vnus ordo originis potest esse in vnico instanti naturæ. In primo ergo ordine originis sunt tria signa, in primo pater est à se, & est perfectus, & consequenter per se beatus, & proinde habens memoriam perfectam, id est essentiam sibi præsentem in ratione obiecti, & proinde potest operari, scilicet intelligere, & vellet, atque etiam potest producere; id est, generare, & spirare, quia hæc omnia habet à se, non ab vilo alio. In secundo signo originis pater producit filium, & communicat ei voluntatem secundam, & omnia essentialia, & in eodem secundo instanti Filius habet esse à Patre. In tertio Pater, & Filius producant Spiritum Sanctum, & Spiritus Sanctus producitur ab vtroque, hoc tamen modo quod Pater spirat à se, Filius verò spirat à Patre, & hic est ordo primus originis, qui est ad intra, & completur in secundo instanti naturæ. Sed aliquis obiecit, dictum est Patrem spirare à se, ergo spirat Spiritum Sanctum antequam Filius producat, quod est absurdum, quia tunc Spiritus Sanctus non procederet à Filio, vel bis produceretur. Respondeo, argumentum supponere esse similem ordinem inter Patrem spirantem, & Filium spirantem, qui est inter Patrem generantem, & Patrem spirantem, quod

tamen est falsum, nec nos asserimus, quia est falsum, ut concludit argumentum factum; dicimus ergo non esse eundem ordinem originis inter Patrem spirantem, & Filium spirantem, scilicet, quod in vno signo spiret Pater, & in alio Filius, sicut in vno signo Pater generat, & in alio Pater spirat, sed dicimus Patrem, & Filium in eodem signo originis, scilicet tertio simul spirare Spiritum Sanctum, hoc tamen discrimine, quod Pater à se, & Filius à Patre, & hoc discrimen est aliquis ordo, & potest dici ordo originis secundus, ut infra dicemus.

4 Secundus ordo originis est in tertio instanti naturæ, in quo comparatur intellectus, & voluntas diuina ad obiectum secundarium, scilicet ad esse ideale, siue cognitum creaturarum, & quia illud obiectum secundarium non est ex se intelligibile, ut est essentia diuina, sed fit actu intelligibile per intellectum, ideo non habet esse in memoria diuina, ut memoria est, sed producitur actu intelligentiæ in esse obiecti, sicut in nobis intentiones secundæ producuntur per intellectum, & non sunt in memoria, ut memoria est, sed dato etiam quod obiectum secundarium haberet esse in memoria, saltem hoc est verissimum, quod antequam habeat esse in memoria, vel intelligentia, tam memoria, quam intelligentia est in tribus personis, quod fit, ut memoria & intelligentia quatenus est in tribus personis sit ratio producendi creaturas in esse ideali, & cognitio; in hac autem productione creaturarum quodam esse cognitum potest assignari quidam ordo, & hic est secundus ordo originis. nam Pater quodammodo potest dici prius intelligere lapidem, quam Filius, & Filius, quam Spiritus S. nam Pater intelligit lapidem à se, quia non accipit intellectum ab alio; Filius verò intelligit lapidem, at non à se, sed ab alio, quia à Patre, Spiritus S. autem ab vtroque. Ex quo patet istum secundum ordinem originis non esse originationem simpliciter, quia scilicet personæ diuinæ iam producantur in esse diuinæ naturæ simpliciter, sed est quasi originatione secundum quid, sicut consequens personas iam productas.

Positio hæc à Scoto supponitur ut vera, probari tamen potest & primò, quoad illa tria instantia naturæ; primum enim instans naturæ de quo maior videtur difficultas, quia non competit alicui naturæ creatæ, nulla enim natura habet esse prius naturaliter quam in supposito: probatur à Scoto ex August. 7. de Trinit. cap. 6. vbi habet: quod essentia est quæ Pater est, & quæ Filius est, licet non sit, quæ Pater est Pater, & quæ Filius est Filius: ergo essentia ut abstractissime sumpta, competit per se esse, & sic prior est natura suppositis: confirmatur, quia in disput. de constitut. personarum diuinarum, diximus essentiam diuinam determinari ex se ad subsistendum in persona Patris ex se; ergo aliquo modo naturaliter essentia diuina est prior ipsis personis: Præterea dictum est essentiam diuinam habere subsistentiam, siue per se existentiam distinctam à subsistentia personarum; ergo est aliquo modo prior natura in suo esse, quam personæ, & consequenter hoc primum instans naturæ datur.

De secundo verò instanti nulla est difficultas,

tas, quia admissio essentiam in aliquo instanti naturæ præcedere productionem personarum, sequitur productionem ipsam esse posteriorem natura essentia ipsa, & proinde esse in secundo instanti naturæ.

Tertium verò instans naturæ probatur, præsertim in 2. dist. 1. q. 1. & 2. hac ratione, quia creaturæ sunt obiectum secundarium non primum; non enim habent esse intelligibile ex se, sed sunt actu intelligibiles per intellectum, sicut secundæ intentiones producuntur in esse intelligibili ab intellectu in nobis, essentia autem diuina est obiectum primum, quia ipsa per se est intelligibilis, ideo notitia eius naturaliter est prior quàm cognitio rerum, quæ per intellectum ipsius essentia producuntur: hoc sentire videntur Thomistæ; nam secundum ipsos, non potest Deus cognoscere creaturas nisi cognoscendo essentiam ut imitabilem à creaturis, illa autem relatio, ut imitabilis, est rationis, & ita creaturarum cognitio includit aliquid productum ab intellectu diuino præuium cognitioni ipsi creaturarum, & ideo est posterior cognitione essentia diuinæ in se: probatur istud in questione, an Verbum producat ex creatis cognitis; in omnibus enim his locis probatur cognitionem creaturarum esse posteriorem natura productione personarum.

Quoad ordines originis, omnes admittunt ibi esse ordinem, in quo vnum est ab alio, quem Scotus probat includere prius & posterius. Quoad primum ordinem verò, totus ille fundatur super productionibus diuinis personarum; nam cum persona Patris producat secundam, & vnaquæque persona sit ex se beata & perfecta omnino, ut probat Scot. in 1. distinct. 2. quæst. an due tantum sint productiones, & dist. 1. q. 2. §. contra ista instatur, & ex Augustino lib. 15. de Trinitate cap. 7. siue 13. de paruis, qui aperte ait, neminem esse qui audeat dicere Patrem, nec seipsum, nec Filium, nec Spiritum Sanctum intelligere nisi per Filium, nec diligere nisi per Spiritum Sanctum, & subiungit esse absurdum dicere; Patrem esse sapientem de Filio; ergo Pater & vnaquæque persona per se est beata omnino & perfecta; cum ergo Pater generet Filium, & Pater & Filius, Spiritum Sanctum, sequitur Patrem esse priorem Filio, & Filium Spiritu Sancto, & proinde in illo secundo instanti naturæ; esse tria signa originis quæ integrant primum ordinem, ad quem postea sequitur secundus ordo originis. Alij tres ordines originis habent fundamentum in primo ordine, qui est ordo simpliciter, quod enim Pater spirat à se, & Filius à Patre omnes admittunt: quod generatio præcedat spirationem omnes fatentur, quod essentialia præcedant notionalia, probatur dum ostenditur Patrem esse beatum per se antequam generet.

Scotus ergo differt ab alijs Theologis, quod admittens ordinem originis & naturæ ut alijs, prioritatem originis & naturæ velit, nam in sua doctrina Pater dicitur prior origine Filio, & essentia dicitur prior natura productionibus personarum; unde patet apud Scotum esse prius & posterius origine & natura. Recentiores aliqui putant, nullum esse discrimen inter D. Thomam & Scotum, eo quod Scotus videatur nihil intelligere per prius & posterius nisi

hoc esse ab hoc, ut Filium esse posteriorem Patri, nihil aliud esse nisi Filium esse à Patre, & Patrem esse priorem origine Filio, nihil aliud esse quàm esse cum à quo alius scilicet Filius est, & cum in diuinis secundum rem sit origo natio ista, quæ hoc est ab alio, & à quo alius, nullum videtur esse discrimen inter D. Thomam & Scotum.

Impugnatur tamen Scot. quasi errarit, saltem in modo loquendi ratione illorum trium instantium quæ ponit in diuinis, & quidem contra primum & omnia signa naturæ, est argumentum ipsius Scoti in quodlib. q. 4. ubi ait prioritatem naturæ dicere imperfectionem. Tunc sic, quod imperfectionem dicit remouetur à Deo, sed prioritas naturæ dicit imperfectionem ex parte alterius extremi scilicet originati; ergo in Deo non est ponenda prioritas naturæ.

Respondet, ordinem naturæ esse duplicem, alterum inter naturas & essentias diuersas, alterum in idemitate naturæ: Scotus loquitur de primo, quia quando vna essentia producit aliam essentiam distinctam, siue quando aliquid producit aliud quod est diuersum in essentia, est semper imperfectio ex parte essentia productæ, quia est æquipoca productio, ac in ordine naturæ qui est in eadem essentia & natura, non potest esse talis imperfectio, quia utrumque extremum est eiùdem naturæ, consequenter & perfectionis, & hoc modo euenit in proposito.

Instabis, Athanasium dicere in hac Trinitate nihil prius aut posterius.

Respondet, velle personas non habere inter se prioritatem & posterioritatem durationis & temporis, sed omnes esse æternas; unde concludit, sed omnes cœternæ sibi sunt: nec nos admittimus tale prius & posterius, sed secundum ordinem originis & naturæ, qui excludit omnem prioritatem & posterioritatem durationis.

Obiicitur contra duo priora instantia naturæ, & probatur esse vnum & idem, primo sic, eadem est penitus intellectio ex parte rei quæ Deus intelligit se, & intellectio quæ intelligit creaturas, ergo intellectio quæ Deus intelligit se, non potest esse in vno instanti naturæ priori & intellectio creaturarum in alio posteriori instanti naturæ; ergo falsum est esse in Deo illa duo instantia naturæ distincta & diuersa. Præterea quando aliqua sic se habent, quod vnum est prius altero, illa sunt distincta; sed cognitio quæ Deus se nouit & quæ creaturas nouit non sunt distinctæ cognitiones; ergo non sunt in Deo plura instantia distincta & priora ordine naturæ. Confirmatur, quia Scot. in 1. dist. 10. asserit distinctionem rationis non sufficere pro ordine naturæ; ergo inter quæcumque est ordo naturæ illa sunt distincta à parte rei: Quod si dicās esse eandem realiter, tamen Patrem prius se cognoscere quàm creaturas, quia illa eadem cognitio prius natura Deus se cognoscit quàm creaturas. Contra, quia tunc sequeretur Deum posse cognoscere se absque eo quod cognosceret creaturas; consequens est falsum; consequentia probatur, quia omne prius natura potest esse absque suo posteriori ex Scoto: falsitas consequentis probatur, quia si Deus esse posset, & non cognosceret crea-

turas, consequens est falsum: consequentia probatur; quia omne prius natura potest esse absque suo posteriori ex Scoto: falsitas consequentis probatur; quia si Deus esse posset & non cognosceret creaturas, posset non esse Deus, tanta enim necessitate Deus nouit se & cognoscit creaturas, quanta necessitate est Deus, Deus enim necessario & incommutabiliter nouit omnem creaturam ex August. lib. de fide ad Petr. cap. 33. at est impossibile quod Deus non sit; ergo & impossibile quod non intelligat creaturam.

Respondeo cum identitate reali stare distinctionem formalem; unde licet in Deo idem sit intellectus & voluntas, essentia, intellectio essentiae & creaturarum, tamen stat distinctio formalis cum ipsis; concedo ergo intellectiōnem qua intelligit Deus essentiam & ideas siue creaturas esse eandem realiter sicut etiam est idem realiter cum intellectu diuino, tamen dico distinguere formaliter & secundum omnes ratione, & vnā esse posteriorem altera secundum omnes, & hæc distinctio sumitur penes obiecta formaliter distincta quæ sunt essentia & ideæ; primum enim est obiectum primum; alterum est obiectum secundarium & ideo cognitio in ordine ad illa est diuersa formaliter, ideoque hæc distinctio formalis in cognitione diuina sufficit ad constituendum illa duo instantia naturæ. Ad rationem contra hoc quod eadem sit cognitio realiter non vero formaliter.

Respondeo prius natura posse esse sine suo posteriori natura contingere duobus modis: vno modo quando prius & posterius natura sunt in essentiis realiter distinctis, quarum vna non est realiter alia, altero modo quando sunt in eadem essentia: primo modo verum est, prius natura posse esse sine suo posteriori, & hoc modo intelligit Scotus, non secundo; hic autem creaturæ in esse ideali sunt realiter idem cum essentia diuina.

Quod autem opinio Scoti tam in te quam in modo loquendi consonet dictis Patrum elicitur ex August. lib. de triplici habitaculo, ubi ait de beata visione *Tunc manifestum erit in illis quid interest inter nasci, quod ad Filium pertinet & precedere quod ad Spiritum Sanctum, & infra, quomodo Pater non præcessit Filium tempore sed origine nec Spiritum Sanctum: præcedere ergo & esse prius idem sunt; ergo in personis diuinis, est prius & consequenter posterius; adeoque Pater est prior Filius posterior. Richard. Viator. 6. de Trin. cap. 7. querit quomodo se habeant inter se velle habere condignum id est Filium, & velle habere condilectum id est Spiritum Sanctum, id est, quodnam horum sit prius & quod posterius, & respondet quod prius est habere condignum, quod probat; quia habere condignum consistere potest in dualitate & habere condilectum non potest esse sine personarum Trin. dualitas autem est prior Trinitate quantum ad ordinem naturæ, ergo Richard. vult priorem esse generationem quam spirationem. Basil. lib. 3. contra Eunomium concedit primam & secundam & tertiam personam in Trinitate dignitate & origine; ubi autem est primum secundum & tertium origine est prius & posterius origine; ut patet, quia primum est prius secundo; appellat autem primum & secundum di-*

gnitate non quia prima persona sit perfectior secunda sed ratione authoritatis & sub authoritatis. Hæc autem adduxit Ioan. Theol. in Concil. Florent. sess. 20. Item lib. contra eundem explicans, Ioan. 20. *Pater maior me est*, exponit ut maior, dicat quia prior quatenus est causa Filij ut Greci loquuntur. Epiph. & Greg. Nazianz. asserunt Filium esse medium inter Patrem & Spiritum Sanctum; at ubi est medium ibi est prius & posterius siue primum & finis; principium autem præcedit medium & finem ergo ubi est medium est ibi prius & posterius.

Ratione probatur; in diuinis admittitur prima, secunda & tertia persona & hoc non solum ex parte intellectus nostri sed ex parte rei nullo intellectu cogitante; ergo persona Patris ita est prima quod non potest esse secunda nec tertia & sic de aliis. Tunc sic, at in omni ordine primum est prius secundo & secundum tertio; ergo prima persona cum sit prima erit prior secunda & secunda prior tertia; ergo in diuinis est prius & posterius; quia prius refertur ad posterius; dicitur enim prius ad illius comparationem.

Item ordo ex D. Thom. est habitudo plurimum ad vnum primum siue ad principium a quo reliqua omnia sunt, sed in diuinis est ordo realis & naturalis; ergo ex rei natura est ibi primum, secundum & tertium; ergo prius & posterius. Item omne produciens est prius productis; quia ex Aug. & ut patet *nil gignit se* nam esset antequam esset; ergo de ratione generantis & producētis est esse ante genitum, & productum; at Pater producit Filium & Pater & Filius produciunt Spiritum Sanctum; ergo Pater est prior origine Filio, Pater & Filius Spiritu Sancto; ergo in diuinis est prioritas & posterius originis: nec valet Responsio Caietani quod generans & produciens considerata ex parte rei sunt simul natura & intellectu, sed considerata secundum modum nostrum concipiendi, produciens est prius productis & generans genito. Nam ut dixi in constitutionibus personarum distinctio secundum modum nostrum concipiendi nil facit ad rem ex natura rei; at ex parte rei nihil potest generare & producere se, ergo non solum quoad modum nostrum concipiendi sed ex parte rei est quædam prioritas & posterioritas inter generans & genitum, producēs & productum non naturæ sed originis. Tum modus concipiendi debet esse conformis rei, alioqui est falsus; at per se produciens & productum sunt simul natura & intellectu ex parte rei, ergo falsus est conceptus quo concipitur vnum prius alio, at hoc non dices; ergo dicere debes produciens præcedere a parte rei productum.

Nota pro solutione obiectionum. Prius & posterius dici multis modis ex Aristotele in postpredicamentis cap. de priori & quinto Metaph. & hinc multi & diuersi ordines nascuntur: nam quorū modis dicitur prius & posterius tot sunt ordines rerum, prius tempore prius a quo non conuertuntur subsistendi consequentia, prius natura, prius dignitate, prius causalitate, in omnibus istis modis nullus alius respicit durationem nisi prius tempore, tempus enim est duratio unde quod est prius tempore est prius alio in ordine ad durationem; reliqua prius non respiciunt suum posterius in ordine ad aliquam durationem, nec se, nec imaginatione, quia

quia vnum non dicitur prius alio, ratione alicuius durationis; nam Rex non est prior Marchione ratione alicuius durationis, sed in ordine ad dignitatem, dato enim quod nulla est duratio in rebus, Rex esset prior dignitate Marchione.

Nota hic, Patrem in diuinis dici principium & fontem diuinitatis, non quia generet & producat essentiam, quia illa nec generat nec generatur, sed quia est persona improducta, aliter verò ab illo producta.

Nota essentialia dici priora notionalibus & esse, quia illa, vt ita dicam, præsupponunt essentialia, qui modus reducitur ad hunc modum qui dicitur prius natura.

Q V Æ S T I O XIV.

An essentia diuina generet vel generetur, vel spiret & spiretur; seu an actus notionales Patris prædicentur de essentia.

Sanctus Hieronymus & Augustinus docent incurri hæresim ex verbis inordinate prolatis, idèd cum loquimur de Trinitate, agendum est cum cautela & modestia, quia vt ait August. lib. 1. de Trinit. cap. 3. nec periculosius alicubi erratur, nec laboriosius aliquid queritur, nec fructuosius aliquid inuenitur, quare non mirum si litteratiore impingunt aliquando in errores circa has locutiones; quæ tam profundum spectant mysterium. Abbas Ioachim errauit circa hanc propositionem asserens quod sicut dicitur Deus genuit Deum, ita potest dici quod essentia generat essentiam: considerans quod propter simplicitatem diuinam Deus non est aliud quam essentia diuina, sed in hoc deceptus fuit, quia ad veritatem locutionum non solum oportet considerare res significatas, sed etiam modum significandi. Licet autem secundum rem idem sit Deus quod Deitas, non tamen idem est modus significandi utrobique; nam hoc nomen Deus, quia significat essentiam diuinam vt in habente, ex modo significationis suæ hoc habet naturaliter quod supponere possit pro persona, & sic ea personarum quæ sunt propria, vt dicatur quod Deus est genitus vel generans. Sed hoc nomen essentia non habet ex modo suæ significationis quod supponat pro persona, quia significat essentiam vt formam abstractam, & idèd ea quæ sunt propria personarum non possunt attribui essentia; significaretur enim quod esset distinctio in essentia diuina, sicut est distinctio in suppositis, & hinc D. Thomas habet hanc conclusionem q. 39. art. 3. quod nomina in abstracto non possunt supponere pro persona.

In præsentia autem questione, fuit gratissima disputatio inter magistrum sentent. Petrum Lombardum & Abbatem Ioachim, sed res decisa fuit in Concil. Lateran. sub Innocent. III. Petrus tenebat quod in diuinis essent quatuor res, scilicet essentia, & Pater, & Filius, & Spiritus Sanctus; Pater est res generans, Filius res generata, Spiritus Sanctus res spirata,

& res quæ nec generata nec spirata, scilicet essentia: Ioachim autem putabat hanc opinionem esse hereticam, quod poneret in diuinis quaternitatem, non autem Trinitatem; nam quatuor res aiebat ipse, faciunt quaternitatem, sicut tres res Trinitatem; vt autem vitæ in- conueniens, quod credebat sequi ex sentent. magistri posuit ipse in diuinis solum tres res, scilicet rem generantem quæ est Pater, rem genitam Filium, spiratam Spiritum Sanctum, ultra autem tres personas non posuit essentiam diuinam quæ tres personæ essent vna res; negauit enim omnino personas diuinas esse vnâ rem, tamè quia Scriptura & SS. Patres passim habent quod tres personæ sunt vnum, siue vna res; respondebat diuinas personas esse vnum charitate & dilectione, sicut multi fideles dicuntur vna Ecclesia propter vnâ fidem & charitatem quod probabat per id Ioan. 17. *Rego Pater vt sint vnum sicut & nos vnum sumus*, vnde inferebat, sed fideles non sunt vnum vnitæ naturæ & essentia, sed vnitæ charitatis & dilectionis, seu vnitæ collectiua & similitudinaria.

Damnatus fuit Ioachim in Concil. & approbata sententia Petri, vnde sic loquitur Papa: *Nos sacro approbante Concilio confirmamus cum Petro, quod vna summa res est essentia vel natura diuina, quæ nec generat nec generatur, neque ex hoc sequitur quaternitatem esse in Deo, quia illa tres res Pater, Filius, & Spiritus Sanctus sunt realiter illa vna res; quaternitas autem esse non potest, nisi esset aliquid quaternarium à tribus realiter distinctum. Addo rationes; generans & genitum sunt realiter distincta, quia nil generat seipsum ex August. de Trinit. c. 1. at essentia in diuinis est omnino indistincta, omnia enim quæ sunt in diuinis, sunt idem realiter illi essentia; ergo ipsa nec est generans nec genita, quia realiter distingueretur à generante vel genito. 2. Si essentia generaret vel generaretur, referretur ad se, & distingueretur à se, quod absurdum est, quia tunc non esset vna & simplex. 3. Pater est formaliter Deus, essentia, quæ eadem est in Filio & Spiritu Sancto propter indistinctionem illius; at si Pater generaret essentiam, non esset formaliter Deus ipsa essentia, quia tunc essentia esset distincta realiter à Patre & posterior origine eo.*

Instantia Ioachimi soluitur sic: Christus intelligi debet, non per similitudinem consubstantialitatis, sed proportionis, sic videlicet quod fideles sunt vnum vnitæ sibi proportionabili & cuius sunt capaces, sicut Pater, Filius, & Spiritus Sanctus sunt vnum charitate quæ est eorum natura; sic fideles sunt vnum charitate gratuita & infusa.

Obiiciens contra conclusionem, essentia communicatur; ergo generatur: antecedens patet per August. 1. de Trinit. cap. 16. *Essentiam præstat Filio sine initio generatio* consequens probatur, dupliciter: quia communicate & communicari non dicunt nisi relationes originis; ergo sunt idem quod producere & produci. 1. quia sint aliqua duo relatiua & sua correlatiua; si vnum relatiuum sit idem cum altero relatiuo, & correlatiuum erit idem cum altero correlatiuo exemplum. Communicare & producere sunt relatiua; eorum correlatiua sunt commu-

nicari & producti communicari vni refer-
tur ad communicare & producti ad produ-
cere; tunc arguitur: se communicare & produ-
cere sunt idem etiam communicari & produ-
ci sunt idem probatur hæc propositio, alioqui
sequeretur quod idem relatiuum referretur ad
plura correlatiua quod est absurdum, vnum
enim relatiuum habet vnicum tantum corre-
latiuium non plura, vt seruus ad dominum &
est impossibile quod seruus referatur ad Do-
minum, ad Patrem, &c.

Respondet Scotus, falsum esse omnino
idem esse producere & communicare tam in
diuinis quam in creaturis. In creaturis, quia
producere est habitudo producentis ad pro-
ductum adæquatum quod est compositum:
communicare est habitudo producentis ad
formam quæ est terminus formalis compositi,
producens enim naturale producit composi-
tum quod est terminus adæquatus & commu-
nicat ei formam quæ est pars essentialis con-
stituens compositum in esse, & vtrique habi-
tudo est realis in creaturis quia est ad termi-
nos realiter distinctos & est realis dependen-
tia vtriusque ad producentem. At in diuinis vtra-
que reperitur in producente quia adest habi-
tudo ad terminum productum adæquatum,
quid est persona diuina: adest quoque habi-
tudo ad essentiam communicatam quæ est for-
malis terminus: sed differenter hoc accidit in
diuinis & in humanis, nam habitudo ad ter-
minum adæquatum est realis, & est vera ori-
ginatio, nempe ad personam, quia terminus
productus est realiter distinctus à producente
habitudo vero ad terminum formalem est ha-
bitudo & relatio rationis quia terminus for-
malis non est realiter distinctus à producente.

Cum ergo dicitur in argumento, quod com-
municare & producere communicari & pro-
duci sunt eadem relationes falsum est, quia
communicare & communicari sunt relationes
rationis sed producere & produci sunt rela-
tiones reales, illa autem relationes rationis
concomitantur relationes reales producentis
& producti vt declaratur est ideo non valet,
Essentia communicatur ergo essentia gene-
ratur.

Dices idem est Deus & essentia diuina,
sed hæc propositio est vera, Deus gene-
rat Deum, ergo hæc est vera, essentia generat
essentiam.

Respondet quod licet & Deus & diuina
essentia sint idem secundum rem tamen ratio-
ne alterius modi significandi oportet loqui
diuersimodè de vtroque: hæc responsio est D.
Thom. quæst. 39. Scotus respondet hanc pro-
positionem non esse veram quia essentia est
abstracta abstractione vltima & hoc prædica-
tum generat vel generatur prædicari non po-
test nisi formaliter, huiusmodi autem prædica-
tum non potest prædicari de subiecto vltimè
abstracto nisi competat illi in primo modo di-
cendi per se, clarum verò est quod hæc prædi-
cata generat, generatur, non competunt essen-
tiæ in primo modo dicendi per se, quia præ-
dicata ista sunt relatiua, essentia verò est abso-
lutum, relatiuum autem non est de essentia
absoluti in primo modo & ideo hæc propositio
non est vera.

Dices genitum in quantum genitum, est
aliquid, sed nil est in diuinis quod non
sit essentia, ergo Filius in quantum genitus est
essentia, maior probatur quia generatio non
terminatur ad nihil ergo ad aliquid, quia in-
ter nil & aliquid non datur medium.

Respondet Scotus quod genitum est idem
illud aliquid quod essentia idem tice, non for-
maliter tamen, vnde cum dicitur in maiori ge-
nitum est aliquid, ubi aliquid potest dicere vel
aliquid absolutum tantum, & tunc est falsa, vel
aliquid vt complectitur ens absolutum & re-
latiuium, & sic conceditur quod genitum in
quantum genitum, est aliquid, scilicet aliquod
ens, est enim ens relatiuum & ideo cum postea
infertur ergo Filius in quantum genitus, est
essentia, est vera idem tice, non formaliter, vn-
de hæc distinctio de prædicatione idem tice &
non formalis, soluit argumenta omnia Logica
in mysterio hoc Trinitatis.

Q V Æ S T I O X V.

Quomodo de sanctissimo Trinitatis mysterio sit loquendum.

Quod Apostolus charissimum sibi allo-
quens Discipulum dixit 2. Tim. 1. *For-
mam habe sanorum verborum quæ a me didici-
sti*: hoc merito quisque attendere debet in om-
nibus fidei mysteriis, sed præsertim in SS. Tri-
nitatis mysterio; quod sicut sublimius aliis sic
etiam difficilius est; proindeque quoties de
illo loquendum est cautela maior adhiberi de-
bet, ne defectu aut scientiæ aut reuerentiæ,
verbis minus sanis aut aptis, tanti mysterij
veritas vel sanctitas obscuretur. Hæc igitur de
causa breuiter hic aliquot proponemus regu-
las communiter ab omnibus Theologis rece-
ptas, quibus vtile, imò necessarium videtur
in hac materia attendere.

Cum autem in qualibet enuntiatione duo
termini reperiantur; prædicatum scilicet &
subiectum videndum est quoties de hoc my-
sterio loquendum erit qua ratione vterque
propositionis terminus recte fidei consonus
& conformis esse poterit.

Prima regula. Nomina concreta, essentialia,
substantiua; id est quibus essentia diuina vel
aliquod eius attributum absolutum exprimi-
tur de tribus personis in numero singulari
prædicari debent. Ita S. Thom. 1. parte q. 39.
artic. 3. v. g. nomen istud Deus, quod est sub-
stantium essentialia prædicari non debet in
plurali de tribus personis, sed tantum in sin-
gulari; vnde S. Athanasius in Symbolo, *Deus
Pater, Deus Filius, Deus Spiritus Sanctus, nos
tamen tres Dei sed vnus est Deus*: ita *Dominus
Pater Dominus Filius Dominus Spiritus San-
ctus non tamen tres Domini sed vnus est Do-
minus*.

Secunda Regula nomina adiectiua essen-
tialia, quamuis de personis diuinis in plurali
numero prædicari possint vt docet S. Thom.
loc. citat. communiter tamen in singulari nu-
mero enunciari debent, quia scilicet substan-
tium potius modo quam adiectiuo vsurpari
solent. Hinc est quod licet ad rigorem Dei
possit,

possit esse in Trinitate tres omnipotentes, tres æternos, tres increatos, tamen ut habet Athanasius, conuenit magis dicere, quod Pater & Filius & Spiritus Sanctus, *Non sunt tres omnipotentes, sed unus omnipotens, sicut non tres æterni aut increati, sed unus æternus & increatus.*

Tertia regula. Nomina concreta, substantiua, essentialia, vti plurimum, pro ipsa diuina essentia, prout per se in tribus personis subsistit, aliquando etiam pro qualibet illarum personarum supponere possunt. Ita S. Thom. art. 4. v.g. in illa propositione Genes. 1. *Creauit Deus cælum & terram.* Nomen Deus, significat ipsam diuinam essentiam in tribus personis subsistentem. In hac verò Ioan. 3. *Misit Deus Filium suum in mundum.* Idem nomen, Deus, sumitur pro prima Trinitatis persona, Rursus in hac alia Psal. 109. *Dixit Dominus Domino meo.* Nomen Dominus, tam pro prima quàm pro secunda in diuinis personis sumitur.

Quarta regula. Nomina essentialia in abstracto nunquam supponere possunt pro diuinis personis. Ita S. Thom. in art. 3. vnde in Concilio Lateran. sub Innocentio III. cap. Damianus; reprobantur istæ propositiones tanquam falsæ: *Essentia generat, & essentia generatur*, quæ ratione similiter dici non debet, quod diuinitas generet vel quod Pater producat diuinitatem. Quamuis enim Deus & diuinitas, seu essentia diuina sint idē secundum rē, seu in sensu identico: non tamen est idem modus significandi vtroque, sed non sunt idem in sensu formali, hoc enim nomen, Deus, cum significet essentiam ut in habente illam ex modo suæ significationis potest supponere pro persona; at verò hoc nomen diuinitas, seu diuina essentia; cum significet essentiam diuinam ut formam abstractam; idē ex modo significationis suæ, pro persona supponere non potest.

Porro, ut rectè notat S. Doctor ad veritatem locutionum, considerare oportet non solum res significatas, sed etiam modum significandi. Obseruandum est tamen aliquando apud Sanctos Patres, nomina quædam essentialia in abstracto, poni pro diuinis personis, quæ ut idem S. Thomas monet art. 5. ad 1. intelligi & exponi debent per concreta vel per personalia: v.g. cum apud aliquos legitur in diuinis sapientiam de sapientia procedere, sensus est, Filium, qui est sapientia diuina, procedere à Patre, cui hæc diuina perfectio æque ac Filio competit. Aliquando etiam nomina illa essentialia abstracta personis diuinis tribuuntur per quandam appropriationem; quod fuse explicat idem Doctor art. 8. Et sic v.g. communiter potentia tribuitur Patri, sapientia Filio, bonitas Spiritui Sancto; non quod illa & similia nomina non sint toti Trinitati communia; sed id fit ad iuuandam vtrumque intellectus humani imbecillitatem, ut sic facilius veram & realem distinctionem personarum diuinarum, in perfectissima & simplicissima essentia diuinæ vnitatis, concipere possit.

Q V A E S T I O X V.

De Personis diuinis in particulari.

D E P A T R E.

QUÆRES, vnde proprietas Paternitatis est in Patre. D. Bonauent. dicebat, idē in diuinis esse Paternitatem, quia essentia in Patre generat quod falsum est, quia essentia nec generat nec generatur, vnde ista propositio Deus generat si sumatur pro essentia est falsa, si verò addatur Deus Pater, vera est. Respondet Scotus, essentiam diuinam ex se talis esse naturæ, ut in vna persona improducta, & ingenerata subsistat, nec potest dari alia ratio, quia hæc est immediata essentia diuina, est de se hæc ut in persona improducta subsistat.

Q U A E R E S, quomodo Pater dicitur fons Deitatis.

Respondet, non quod sit principium essentia diuinæ, sed principium communicationis essentia. Quomodo Principium? non quod seipsum principiet, sed quia Trinitas dicit pluralitatem personarum, Pater est principium Trinitatis: Quod si Damascenus dicat Filium etiam dici principium; vnde inferas ergo non solus Pater. Respondet, Patrem esse principium sine principio, Filium verò principium de principio, Deumque de Deo.

Q V A E S T I O X V I.

De Nominibus Patris, Ingeneriti & Principij.

NOMEN Patris duobus modis sumitur in diuinis. Primò personaliter seu notionaliter, & sic conuenit primæ personæ respectu Filij. Secundò essentialiter, & sic est commune tribus personis & conuenit Deo respectu creaturarum, iuxta illud, *Pater noster qui es in cælis.* Est enim Pater noster, tum quia nos producit & gubernat, tum quia per gratiam adoptat in Filios & facit hæredes vitæ æternæ. Dicitur tamen Pater prius & principalius secundum quod personaliter sumitur respectu Filij; nam ut ait D. Thomas, cum in Deo Patre inueniatur perfecta ratio Paternitatis respectu Filij, in Deo autem, & creatura, non nisi secundum aliquam similitudinem; nomen Patris in diuinis prius dicitur personaliter quàm essentialiter; ratio D. Thomæ est, quia propria significatio cuiusque nominis est prior & principalior quàm metaphorica, sed nomen Pater propriè dicitur de prima persona respectu Filij, & metaphoricè de Deo respectu creaturarum; minor probatur, quia de eo nomen propriè dicitur in quo tota ratio significata per nomen inuenitur, de eo autem impropriè seu metaphoricè, in quo non reperitur nisi secundum similitudinem aliquam aut proportionem; atqui ratio Patris consistit in eo ut producat substantiam viuētem eiusdem seculi naturæ, hæc autem ratio perfectissimè inuenitur in prima personæ respectu Filij, non item in Deo respectu creaturarum, quia Deus

non producit creaturas eiusdem secum naturæ; ergo prima persona dicitur proprie Pater respectu Filij, Deus autem metaphoricè respectu creaturarum; imò nomen Patris sumptum notionaliter, prius tribus modis competit Deo quàm sumptum essentialiter, primò prioritate perfectionis, quia perfectius est esse Patrem proprie quàm metaphoricè; secundò prioritate rationis: nam in Deo naturalia sunt ratione priora liberis; tertio duratione; Pater enim ab æterno genuit Filium, Deus autem produxit mundum in tempore.

Dices, commune secundum intellectum est prius proprio; sed hoc nomen Pater secundum quod personaliter sumitur est proprium personæ Patris, secundum verò quod sumitur essentialiter est commune toti Trinitati; nam toti Trinitati dicitur Pater noster; ergo per prius dicitur Pater sumptum essentialiter quàm notionaliter.

Responder D. Thomas, quod nomina communia absolute dicta secundum ordinem intellectus nostri sunt priora quàm propria, quia includuntur in intellectu priorum, sed non contra, in intellectu enim personæ Patris intelligitur Deus, sed non conuertitur, sed communia quæ important respectum ad creaturam per posterius dicuntur quàm propria, quæ important respectus personales, quia persona procedens in diuinis, procedit ut principium productionis creaturarum; sicut enim verbum conceptum in mente artificis per prius intelligitur procedere ab artifice quàm artificialiter quod producit ad similitudinem Verbi concepti, ita per prius procedit Filius à Patre, quàm creatura, de qua nomen Filiationis dicitur, secundum quod aliquid participat de similitudine Filij, ut pater per illud quod Roman. 8. dicitur, *Quos præciuit & prædestinavit conformes fieri imagini Filij sui.*

Secundum nomen est Ingenitum cū enim primæ personæ notio (ut ex dictis constat) sit innascibilitas ex illa derivatum est nomen Innascibilis siue Ingeniti, quod apud Sanctos Patres ad primam Sanctissimæ Trinitatis personam designandam adhibetur; quo quidem nomine non aliud significare voluerunt quàm primam illam personam à nullo principio esse productam, seu non procedere quouis modo ab alio, seu esse à se, quod solius Patris est, cum Filius & Spiritus Sanctus procedat ab alio; unde Sanctus Basilus lib. 4. contra Eunomium, ex hac appellatione Ingeniti argumentum ducit ad probandum secundam Trinitatis personam non esse factam aut creatam, sed esse genitam: quia scilicet frustra alioquin Pater ingenitus appellaretur si nulla persona esset gentas cum qua comparatus dici posset ingenitus; at potius increatus quàm ingenitus dici deberet.

Deinde si in Deo essent duæ personæ ingenitæ, essent duo Dii, cū unica numero natura non possit repetiri in pluribus personis, nisi per processionem unius ab alia. Quod si Patres interdum negant Patrem ingenitum esse, ij loquuntur in sensu Arrianorum, qui solum Patrem dicebant esse ingenitum, id est non factum; unde concludebant Filium & Spiritum Sanctum esse creaturas à Patre factas.

Nota, rationem Ingeniti non consistere in aliquo positivo; illud enim esset aut quid absolute, & sic omnes personæ essent ingenitæ, aut relatiuum, & ita plures essent in Deo relationes reales quàm quatuor, quod repugnat; Itaque esse ingenitum dicit de formali, negationem videlicet processionis ab alio, non tantum actualis sed etiam possibilis, fundamentum dictæ negationis est relatio in Patre existens, quæ est Paternitas, cum Spiritio actua sit communis Filio; & quinta relatio admitti non debeat.

Ingenitum seu Innascibilitas non est proprietas constitutiva Patris, est enim proprietas negatiua; Pater autem constituitur in esse personali per esse Patris seu per Paternitatem, cuius esse est esse ad Filium, intrinsicè enim esse relationis, est esse ad; personæ enim non sunt absolute sed relative. Ingenitum ergo in Patre importat negationem gentis per generationem, non autem incommunicati simpliciter; hoc enim competit Deitatis indiuiduo, scilicet huic Deo. Hinc Ingenitum quod est proprietas Patris, & Ingenitum quod competit essentia & Deo, ut est Deitatis indiuiduum, non dicitur vniuocè, Ingenitum conuenit Patri ratione affirmationis paternitatis; nam negatio conuenit ratione affirmationis. Resolutio autem hæc patet; nam suppositum diuinum non potest constitui per id quod formaliter dicit priuationem, quia persona in diuinis constituitur per id quod habet esse reale; priuatio autem nullam dare potest realitatem, tum si Pater constitueretur per proprietatem negatiuam, personæ non essent vniiformes; nam aliæ duæ per positivas constituuntur proprietates.

Nomen principij sumitur etiam personaliter & essentialiter; nam & Pater est principium Filij & Spiritus Sancti, & Deus est principium creaturarum; unde sicut nomen Patris est analogum respectu Patris personaliter sumpti, sic enim nomen principij se habet ad primam personam respectu Filij & Spiritus Sancti & ad Deum respectu creaturarum; ita D. Thom. & Scot. ratio est, quia relatio principij ad Filium & Spiritum Sanctum, est relatio realis, relatio principij ad creaturas est ens rationis, nil autem vniuocum est enti reali & enti rationis, principalius tamen dicitur Pater principium productum respectu Filij, quàm respectu creaturarum, quia de Patre respectu Filij dicitur ab æterno, ait D. Thomas de Deo respectu creaturarum, in tempore. 1. de Patre dicitur naturaliter de Deo liberè. 3. quia nomen principij de eo dicitur perfectius, unde aliquid perfectius procedit, sed Filius perfectius procedit à Patre quàm creatura à Deo; nam Filius procedit consubstantialis suo principio, non sic creatura.

Dices, nomen principij sumitur à prioritate, sed in diuinis non est prius & posterius ex Athanasio.

Respondeo, licet hoc nomen principium, quantum ad id à quo imponitur ad significandum videtur à prioritate sumptum, non tamen significat prioritatem sed originem, non enim idem est quod significat nomen, & à quo nomen imponitur, sicut enim substantiam rei & proprietatem

Ingenitū seu Innascibilitas non est propria constitutiva Patris.

proprietatibus vel operationibus diuinis cognoscimus ita substantiam rei quandoque ab aliqua proprietate denominamus uti lapidis substantiam à læsione pedis; non tamen hoc nomen est impositum ad significandam hæc actionem sed substantiam lapidis.

Dices principium & causa idem sunt ex Aristotele 4. Metaphyl. text. 3. sed non dicimus Patrem esse causam Filij ergo nec eius principium dicere debemus.

Respondeo. Græcos indifferentem uti in diuinis hoc nōmine. Latini verò solo principij nomine quia causa videtur importare diuersitatem substantiæ & dependentiam alicuius ab altero, quam non importat ratio principij. Ratio vero eorū principium assumatur, quia communior est quam causa sicut causa communior quam elementum, primus enim terminus, vel etiam prima pars rei, dicitur principium sed non causa.

Dices ergo sequitur Filium esse principium & consequenter creatum.

Respondeo inueniri apud Græcos quod Filius & Spiritus Sanctus principientur sed non est in usu apud DD. quia licet tribuamus Patri aliquā auctoritatis ratione principij nil tamen ad subiectionem vel minorationem quocumque modo pertinebat attribuisimus Filio vel Spiritui Sancto ut vitetur omnis erroris occasio secundum quem modum Hilarij 9. de Trinitate dicit donantis auctoritate Pater maior est sed minor non est Filius cui vnus esse donatur.

Quæres an Pater possit vocari principium totius Deitatis, habent hoc Patres & Concil. sed non potest dici nisi improprie quia Deitas non procedit à Patre tanquam à principio ut constat ex Lateran. cap. damnamus ubi definitum est essentiam diuinam nec generare neque gigni neque procedere quod autem improprie dici possit fons & origo totius diuinitatis concedit magister & Patres quia Pater est principium Filij & Spiritus Sancti. in quibus singulis tota diuinitas est. Nota semper principium sumi ad originem denotandam, non autem principium durationis.

Q V Æ S T I O XVIII.

An Essentia in Patre sit principium Generationis Filij vel ratio Paternitatis

Pro opinione Scoti potentiam agendi in vniuersum duplicem esse, remotam & propinquam; remota est quæ quantum est ex se habet omnia requisita ad agendum; verum quia deficit aliqua conditio extrinseca non potest agere; sic; non est potentia propinqua sed remota. Cum vero adest omnis conditio etiam extrinseca tunc est potentia propinqua; exemplum ignis habet omnia requisita ad comburendum lignum quantum est ex se, verum quia non adest approximatō debita, ignis dicitur esse in potentia remota ad concurrendum,

Cursum in Professionem Fidei

facta autem approximatione est in potentia propinqua. Ita in proposito.

Essentia diuina ex se sine relatione habet totam vim producendi & generandi nec vilo modo perficitur a relatione, tamen quia principium quo, nunquam agit sine supposito siue principio quod, & illud constituitur relatione, Essentia diuina quatenus est sine supposito & relatione, dicitur esse potentia remota, requirit ergo suppositum ut sit potentia propinqua non quia relatio vel suppositum perficiat vel actus ipsam essentiam, vñ est principium quo, sed tanquam conditio nostra externa, ut possit propinque agere. Actio enim illa generandi requirit distinctionem suppositorum in illa natura, quia generatio est inter supposita distincta; requirit ergo suppositum distinctum in, quo sit ut possit propinque agere; non requirit autem quodcumque suppositum sed solum suppositum Patris quia natura diuina apta est habere solum vnā productionem actualem per modum naturæ & intellectus quia illa productio est de se hæc, ideo habita prima persona ad quam essentia diuina ex se se determinat, & complet in ea adæquate suam actionem; unde licet eadem numero essentia perfecte sit in alijs personis, non tamen inest illis potentia generatiua quia actus generandi non est multiplicabilis sed est de se hæc ut dictum est; suppositum ergo in quo essentia diuina primo subsistit est ipsi essentiæ ratio ut proxime sit potentia generatiua & sic relatio & suppositum possunt dici requiri ad potentiam generatiuam Patris, sed non requiri intrinsece neque formaliter neque ut constitutiuum vel determinatiuum essentiæ, sed solum extrinsece scilicet ut possit exire in actum. Nota autem hic extrinsecum non dicere distinctionem realem sed formalem talem, qualem posuimus inter essentiam relationes.

Q V Æ S T I O XIX.

An Filius & Spiritus Sanctus habeant potentiam generandi?

Ratio dubitandi non leuis est quia vtrique persona habet essentiam quæ est potentia generatiua tum quia ex Hilario 4. de Trinitate potentia generatiua perfectionem dicit infinitam, unde communis Tribus personis videtur, tum ex August. 3. de Trinitate cap. 12. dicitur Filius non genuit creatorem, neque enim non potuit sed non oportuit.

Nota potentiam generandi posse sumi tripliciter, vno modo precise pro ipsa forma absoluta quæ est principium productiuum, secundo modo pro ipsa forma absoluta sub respectu potentialitatis, tertio pro ipsa forma sub illo respectu cum omnibus requisitis ad generandum quæ requiruntur ad rationem potentis proxime, unde hoc modo dicimus quod sol de nocte non habet potentiam illuminandi hemispherium nostrum quia non est debite approximatū.

Respondeo ergo potentiam generandi primo modo sumptam, esse in Filio quia potentia generandi hoc modo dicta est memoria

R fecundat

secunda quæ est communis tribus personis, ut dicit Anselm. secundo etiam modo sumpta est in Filio, quia potentialitas est quasi passio forme absolute, quæ dicitur potentia, passio autem est inseparabilis à subiecto; tertio modo sumpta non est in Filio, quia Filius sic potest generare, ratio autem cur non potest, quia eadem numero potentia generativa ut est in Filio habet terminum adæquatum, & generatio illa temper durat, idem Filius non potest alium generare, sicuti si quis esset potens adæquatum portare talentum, stante illa portatione non posset aliud portare: nec tamen potest hoc est intelligendum, quod adæquatio termini impedit potentiam generandi, sed declarat quod non est potentia generandi alium.

Ad rationem oppositam. Respondet, formam quidem absolutam seu essentiam tribus in personis esse, sed non ut potentiam proximè generativam; proximitas enim illa est ut sit in primo supposito, in quo habet terminum adæquatum; vel dico maiorem esse veram simpliciter loquendo, sed non oportet quod ubi cumque est potentia, ibi habeat actum, sicut anima intellectiva est in pede, tamen non dicitur habere actum intelligendi in pede; anima sensitiva est in osse, & tamen non habet actum sentiendi in osse, sed tantum in carne; sic potentia generandi in Filio, licet sit; non tamen oportet quod actum generandi habeat in eo.

Ad Augustinum. Respondet D. Thomas illum non intendere quod Filius posset generare Filium, sed quod hoc non est ex impotentia Filij quod non generet, quia Filius habet quidem eandem potentiam quam Pater, sed cum alia relatione, quia Pater habet eam ut dans, & hoc significatur, cum dicitur quod potest generare; Filius autem habet eam ut accipiens, & hoc significatur cum dicitur quod potest generari.

Q V Æ S T I O XX.

An Pater generat Filium intellectu praeintelligente ipsum ante generationem eius.

Resolutio. Pater genuit intellectum præcedente, quia intellectus est perfectio essentialis; generatio autem est proprietas personalis, essentialia autem præcedunt notionalia; genuit autem eliciente intellectu, quia sicut dicit August. *Verbum non est nisi à dicente.* in divinis autem nulla est potentia distinctiva præter intellectum.

Resolutio. Pater prius generat Filium quam intelligat ipsum, patet quia idem est Patrem generare & Patrem esse, cum generatio constituat Patrem in esse personali, sed prius est Patrem esse quam Patrem intelligere Filium; ergo; unde intellectio Patris est prius intellectio simpliciter quam intellectio Patris; intellectio igitur Patris licet simpliciter sit prior Patre, tamen ut in Patre sub habitudine illa intelligitur posterior.

Resolutio. Pater prius intelligit Filium quam Filius generetur, patet, quia Pater in primo signo originis intelligit Filium, hoc

enim habet à se; Filius autem generatur in secundo signo, habet enim esse ab alio.

Dices, contra primam resolutionem, nulla intellectio præconcepitur suo obiecto; ergo Pater non intelligit Filium ante generationem eius.

Respondet, antecedens verum esse de obiecto primario, non de secundo, cuiusmodi est Verbum, quantum ad relationem personalem.

Instabis, eadem intellectione intelligitur essentia & Filius; sed essentia est prior illa intellectione; ergo & Filius.

Respondet, maiorem esse veram, si intelligatur non æquè primò, prius enim intelligitur essentia quam Filius.

Instabis quod non est, videri non potest; ergo Pater non potest videre Filium ante generationem eius.

Respondet Nisè. quod non est simpliciter, videri non potest, illud tamen quod non est pro aliquo signo, videri potest eo quod simpliciter existit.

Q V Æ S T I O XXI.

An Pater genuerit Filium volens voluntate antecedente.

Nota, quod voluntas aliquando sumitur pro actu primo, videlicet pro potentia volitiva, aliquando pro actu secundo, scilicet pro volitione ipsa.

Resolutio. Pater genuit Filium volens voluntate & volitione antecedente; patet, quia voluntas est communis tribus personis, non autem generatio; communia autem præcedunt propria, genuit & voluntate concomitante, quia in divinis omnia sunt coæterna, non genuit autem intellectu aut voluntate subsequente, quia essentialia nullo modo sunt posteriora personalibus; non genuit voluntate aut volitione elicitive, quia Filius producit per modum naturæ; voluntas autem est principium liberè elicitive, patet enim de volitione, quia volitio est actus immanens qui non terminatur ad aliquid per iam productum & si instetur, quia dicit August. 9. de Trinit. quod ubi amore concipitur, & ibi etiam dicit voluntatem concurrere ad productionem Verbi copulando memoriam cum intelligentia; dicendum quod ibi loquitur Augustinus de Verbo nostro, quod aliquando est à voluntate imperante, hoc autem primo Verbo nostro convenire non potest, idem non convenit Verbo divino quod est primum.

Dices: operari, cuiusmodi est velle; præsupponit esse generatio autem constituit Patrem in esse; ergo generatio præcedit volitionem.

Respondet, præsupponere esse principij operativi, sed non suppositi operantis; unde velle præsupponit essentiam & voluntatem, sed non suppositum.

Instabis; volitio non est nisi volentis; ergo præsupponit suppositum volens, sed suppositum

tum Patris constituitur per generare; ergo Pater prius generat quam velit. Nihil negat consequentiam; quia licet volitio non sit nisi alicuius volentis, tamen etiam in creaturis volitio naturaliter est prior quam volens, volitio enim præcedit suum inesse, sicut fundamentum suam passionem, non est autem volens nisi à volitione inexistente.

QVÆSTIO XXII.

An Pater sit sapiens Sapiencia genita.

Resolutio est negatiua; nam tres personæ eadem penitus sapientia sapiunt, quæ simpliciter est ingenita; vti perfectio essentialis & præueniens generationem actiuam, quod si August. in q. 23. libri 83. hanc propositionem admisit, tamen libro 1. retract. cap. 26. eam retractauit, patet rationibus, sapere est aliquid in Patre; at Pater nil accipit à Filio, nec formaliter nec effectiue, sed omnia habet ex se, & à se; ergo non potest habere ipsum sapere à Filio. 2. Pater non est sapiens illa sapientia, qua per impossibile circumscripta, adhuc esset sapiens, sed, &c. ergo non sapit sapientia genita. Tum participium sapiens non denotat actionem aliquam, sed eandem sapientiam immanentem & veluti habitualementem, ut patet ex usu loquendi: quare propositionis sensus est Patrem esse sapientem formaliter & intrinsece non per sapientiam genitam, quæ est persona ab eo realiter distincta.

Dices: Pater est sapiens sapientia quam habet, sed habet sapientiam genitam, quia habet Filium.

Respondeo, Patrem sapientem esse sapientia quam habet formaliter, non autem ea quam habet ut correlatiuam, habet autem Filium ut correlatiuum, sed Pater non est formaliter Filius, seu sapientia genita.

Instabis, sicut Filius se habet ad sapientiam ingentam, ita Pater ad genitam, sed Filius est sapiens sapientia ingenta; ergo Pater sapiens sapientia genita.

Respondeo maiorem sic intelligendam, Filius est sapiens sapientia ingenta principiatiue vel originatiue, non autem formaliter, & sic Filius est sapiens sapientia ingenta, id est originatur à Patre, qui est sapientia ingenta.

QVÆSTIO XXIII.

An Pater & Filius diligant se Spiritu Sancto.

Hanc propositionem habet Augustinus 6. de Trinit. cap. 5. sub his verbis: *Spiritus Sanctus est quo genitus à genere diligitur, genitorumque suum diligit.* & 6. de Trinit. cap. 3. habet, *Nexus quo vterque coniungitur non est aliter eorum, sed Spiritus Sanctus, quo genitus à genitore diligitur & genitorum suorum diligit.* Hieronymus item dixit, *Spiritus Sanctus est amor* *Carere in Professionem Fidei.*

Patris & Filij. Consequentia probatur; quia eodem modo se habet diligere ad diligentem & producentem per voluntatem, sicut dicere ad intelligentem & producentem per intellectum, & eodem modo Spiritus Sanctus est terminus voluntatis, sicut Verbum est terminus productionis per intellectum, neque aliter comparatur Spiritus ad Patrem & Filium quam Verbum ad Patrem; ergo sicut illa propositio sapiens est sapientia Filij est falsa, ita & hæc Pater & Filius diligunt se Spiritu Sancto. Suarez & alij tenent retractatam ab Augustino implicite in prima propositione, cum sint similes, ratio Suaris est, aut diligere accipitur in hac propositione essentialiter aut notionaliter; nam non datur medium; quia omnis actus in diuinis vel est essentialis vel notionalis, non est notionalis, quia tunc idem esset quod spirare, at tunc sensus esset falsus & ineptus, sequeretur enim Patrem & Filium spirare se Spiritu Sancto, quod est falsum & ineptum; quia Pater & Filius non producent se, & si producerent se non producerent Spiritum Sanctum, cum sit quid posterius origine illis; Adiungit Scotus diligere se est actus mutuus; at nullus actus notionalis est mutuus, nec conuersiuus super agens; ergo ibi diligere non est actus notionalis; nec accipitur essentialiter, quia tunc hæc propositio coincideret cum illa, Pater est sapiens sapientia genita, & significaret Spiritum Sanctum esse causam formalem & effectiuam dilectionis essentialis Patris & Filij, quod est falsum, quia dilectio essentialis non potest inesse Patri & Filio à Spiritu Sancto formaliter nec effectiue, cum Spiritus Sanctus sit quid posterius & realiter distinctus à Patre & Filio.

Respondet Simon de Tornassus, quod Pater & Filius diligunt se Spiritu Sancto ut signo dilectionis communis, non placet Scoto; nam sic posset dici quod diligunt se creatura, quia ipsa est signum dilectionis eorum. Alentis, quod diligunt se amore appropriato Spiritui Sancto, nec placet Scoto; nam ita essent boni Spiritu Sancto, cum bonitas ei approprietur. Suarez vult Spiritum Sanctum dici nexum seu amorem Patris & Filij, quatenus Spiritus Sanctus hic habet rationem nexus & unionis affectiue, in qua Pater & Filius vniuntur, tanquam in termino communi producto; unde sicut duæ lineæ vniuntur in puncto seu centro, & duæ nature vniuntur in vna hypostasi in Christo, ita Pater & Filius dicuntur vniiri Spiritui Sancto non informatiue sed terminatiue; verum hæc opinio falsò nititur fundamento, quod scilicet Pater & Filius concurrant ad productionem Spiritus Sancti ut distincti, & Spiritus Sanctos sic terminos spirationis eorum quatenus sunt distincti, quod est falsum.

Certum est propositionem esse falsam accipiendo diligere essentialiter; nam sequeretur quod Pater qui diligit se ante productionem Verbi; & Spiritus Sanctus, diligeret se Spiritu Sancto, quod est impossibile, nec potest negari Patrem diligere se in primo signo originis amore essentiali, hoc autem in signo Filij & Spiritus Sanctus nondum sunt. *Respondendum est illam propositionem admittendam esse, accipiendo diligere notionaliter, ut De Thom. & Scot. accipiunt, ita tamen*

men ut illud diligere non solum importat productionem diuinæ personæ, sed etiam personam productam per modum amoris, qui habet habitudinem ad rem dilectam; unde sicut Pater dicit se, & omnem creaturam Verbo quod genuit, ita diligit se & omnem creaturam Spiritu Sancto in quantum Spiritus Sanctus procedit ut amor bonitatis primæ, secundum quam Pater se & omnem creaturam amat.

Dices, contra nominationem nexus. Pater & Filius non conueniunt in persona Spiritus Sancti cum sint personæ distinctæ ab eo, tum amor Patris & Filij est formaliter in ipsis, at Spiritus Sanctus non est formaliter in Patre & Filio; ergo non est eorum amor vel nexus.

Respondet, quod licet Pater & Filius non conueniant formaliter aut etiam personaliter in Spiritu Sancto, conueniunt tamen originaliter. Spiritus Sanctus dicitur amor non per proprietatem sed tantum per appropriationem

Q V Æ S T I O XXIV.

De Appropriatione.

Divus Thomas q. 39. art. 7. querens an nomina essentialia sint approprianda personis, respondet quod conueniens fuit ad manifestationem fidei, uti appropriatione: sic Paul. 1. Corinth. 1. vocat Christum virtutem Dei & sapientiam, essentialia autem appropriantur, non ut asserantur eis propria, sed ad manifestandas personas per viam similitudinis vel dissimilitudinis; & sic primo modo ea quæ pertinent ad intellectum appropriantur Filio, qui procedit per modum intellectus; secundum per modum dissimilitudinis, sicut potentia Patri ut August. dicit, quia apud nos per senectutem Patres solent esse infirmi ne tale quid suspicemus in Deo; manifestatio autem fidei in hoc est, quod cum Trinitas personarum non possit probari, declaratur per aliqua magis manifesta, qualia sunt essentialia attributa, quæ nobis sunt magis manifesta secundum rationem, quam propria personarum; quia ex creaturis, ex quibus accipimus cognitionem, devenimus facile in cognitionem essentialium attributorum, non autem in personalium. Nec dicas essentialia in abstracto ut sapere, declarare, diligere, significant per modum formæ, sed una persona non se habet ad aliam ut forma, cum forma ab eo, cuius est forma, non distinguatur supposito; ergo essentialia attributa maxime in abstracto significata non debent appropriari personis: nam respondeo quod si sic appropriarentur, quod essent eis propria, sequeretur quod una persona se haberet ad aliam in habitudine formæ, quod sanè excludit Augustinus in 6. de de Trinit. cap. 2. ostendens quod Pater non est sapiens sapientia quam genuit, quasi solus Filius sit sapientia, ita ut Pater & Filius simul tantum possint dici sapientia, non autem Pater sine Filio, sed Filius dicitur sapientia Patris, quia est Sapientia de Patre, uterque enim per se est sapientia, & simul ambo una sapientia, unde Pater est sapientia sua quæ est sua essen-

tia: licet omnia essentialia omnibus personis æqualiter conueniant, appropriatur tamen potentia Patri, sapientia Filio, bonitas Spiritui Sancto, & hoc propter exclusionem carnalis intellectus, ne videlicet Pater ratione antiquitatis credatur impotens, Filius ratione iuuentutis insipiens, Spiritus Sanctus ratione impotuitatis credatur crudelis; hæc ratio pertinet ad simplices, scilicet quod potentia præcedat sapientiam, & utraque bonam voluntatem. De attributis ita est loqui, aut secundum rem, & sic omnino idem iunt, nec appropriantur, aut secundum rationem, & sic quædam appropriantur, quædam non; nam appropriatio nil aliud est quam specialis attributio ratione alicuius conformitatis, cum proprio illius personæ, sicut potentia habet similitudinem cum Patre, qui est principium vniuersale, & sapientia cum Verbo, bonitas cum amore. Prædictam appropriationem habet Scriptura, quæ opera manifestatiua præattribuit Patri, sapientiæ Filio, bonitatis Spiritui Sancto.

Alia est appropriatio Hilarij; æternitas in Patre, qui non habet principium inceptions in se, nec principium essendi ab alio, species in imagine seu in Verbo, quia summè pulchrum, usus in munere, hoc est in Spiritu Sancto, quia est summè proficuum & communicatum.

Q V Æ S T I O XXV.

An Pater generet de substantia sua Filium.

Certa est conclusio quod Filius generetur de substantia Patris, sed difficultas est in explicando, quomodo intelligatur, & præsertim quid significet illa particula *de substantia Patris*, nec enim est de substantia quasi de materia; cum nusquam Doctores auli sunt nominare in diuinis materiam vel quasi materiam; consenserunt tamen cum Augustino in hac propositione, Filius generatur de substantia Patris.

Nota quod generatio in creatis duo dicit, scilicet productionem & mutationem, ista autem sunt distincta & vnum potest esse sine alio absque contradictione; nam rationes eorum sunt ad inuicem separabiles: productio formaliter est forma ipsius producti, & accedit sibi quod sit cum mutatione; mutatio formaliter est actus mutabilis, quo mutabile transiit de potentia ad formam; hæc autem duo in generatione creaturarum coniunguntur, & mutatio concomitatur productionem propter imperfectionem agentis creati, quod indiget passo; si autem generans creatum esset perfectum agens, & non exigeret materiam, de qua vel circa quam ageret, sed posset producere suum effectum ex se, tunc esset productio sine mutatione, vel si agens creatum esset ita perfectum quod posset productum ponere totaliter in esse quoad omnem sui partem, (ut agens supernaturale, Deus scilicet facit creando res) generatio creaturarum non esset mutatio; verum quia non potest producere totaliter rem in esse sed necessariò præsupponit materiam siue subiectum

subiectum aliquod, quod mutando & inducendo in illud nouam formam producit compositum; ideo generatio in creaturis est mutatio: possunt ergo separari & de facto separantur in agente supernaturali, ut patet in creatione, quæ non est propria mutatio in quantum mutatio dicit aliquid substractum, sicut subiectum aliter se habens nunc quam prius, quomodo Aristoteles definit mutationem 6. Physic. tex. 32. & 37. potest tamen dici mutatio ad terminum prout aliquid est in rei natura, quod prius non erat, sed hæc mutatio non fuit nota Philosophis.

Hinc ad propositum, cum in diuinis nil ponendum sit imperfectionis, & mutatio eam dicat ex parte potentie agentis & ex parte subiecti, quia transit de potentia in actum, ponitur generatio in diuinis, non sub ratione mutationis, sed solum sub ratione productionis, scilicet in quantum per illam aliquid in diuinis capit esse. Ideo generationi ut est in diuinis non assignabitur materia vel quasi materia, sed tantum terminus, & is vel totalis, id est adæquatus, qui primo producit in esse & est persona vel terminus formalis, secundum quem terminus adæquatus accipit esse formaliter. Resolutio hæc est, quod Filius non generatur de essentia Patris ut de materia vel quasi materia; quia in generatione diuina non ponitur materia.

Nota autem illud *De*, duo hic dicere simul, 1. efficientiam seu originationem, 2. consubstantialitatem, ita ut sit sensus, Filius est de substantia Patris, id est originatur à Patre ut consubstantialis. Si *De*, solum diceret efficientiam, creature possent dici de substantia Dei, quia ab eo efficiuntur; nec *De* dicit tantum consubstantialitatem, quia tunc Pater posset dici de substantia Filij; dicit ergo duo simul originem & consubstantialitatem, ut sit sensus, originatur & consubstantiatur ei, secundum ergo quod est de substantia Patris patet quod non est ex nihilo.

Probatur resolutio. Ipsa essentia est terminus formalis productionis Filij; ergo non est materia aut quasi materia. Consequentia est euident, quia materia & forma non coincidunt, sed oppositas omnino rationes habent; nam illud quod est materia vel quasi materia generationis est in potentia ad terminum formalem; ergo si essentia esset materia vel quasi materia esset in potentia vel quasi potentia ad seipsam quod est impossibile. Tum quia persona essentiam haberet duobus modis, scilicet ut materiam & ut terminum formalem; quia tunc circumscripto vno adhuc verè esset Deus, quod est inconueniens, quia Deus non est Deus eo, quo tamen circumscripto esset Deus. At dato casu quod non haberet essentiam ut quasi materiam, tamen haberet eam ut terminum formalem; ergo circumscripto vno modo habendi essentiam, quo esset Deus, adhuc esset Deus, tum illa persona esset bis Deus, quia est Deus per essentiam, haberet autem bis essentiam. Antecedens patet, quia Christus dicit Ioan. 10. *Quod dedit mihi Pater maior omnibus est*; illud autem est essentia, quam Filius habet per generationem; Item generatio non est in diuinis sub ratione mutationis, sed præcisè sub ratione productionis; ergo non est

ibi materia aut quasi materia, sed tantum terminus productionis, vel totalis siue primus, scilicet qui primo producit, vel formalis secundum quem terminus primus id est adæquatus accipit esse.

Dices, cum Oxam. Durand. Varrone, Filius nullo modo est de nihilo, ex Augustino contra Maximinum, ergo est de aliquo, sed non de aliquo alio quam de substantia Patris; ergo est de substantia Patris, sed illud de quo aliquid generatur se habet sicut materia; ergo Filius generatur de essentia quasi de materia: probatur minor, illud est materia vel quasi materia, vel illud est subiectum generationis quod permanet sub utroque termino generationis, sed sic est quod essentia diuina præcedit generationem, quia præexistit in Patre & remanet in Filio; ergo ipsa est verè materia vel quasi materia: confirmatur in eo in quo est terminus transmutationis est quoque transmutatio, sed sic est quod in relatione diuina est relatio Filiationis, quæ est terminus generationis; ergo in essentia est quoque generatio; ergo essentia est subiectum generationis, & sic est materia vel quasi materia.

Respondeo ad Augustinum, quod licet substantia & essentia diuina non habeat rationem materie vel quæsi materie, tamen Filius non est de nihilo, quia producit de aliquo præexistente ut forma, & illud est essentia, & hoc sufficit ad saluandum non produci de nihilo, uti creatura producit. Ad rationem respondeo, verum esse illud esse materiam vel subiectum generationis, quod manet sub illius utroque termino, in generatione scilicet quæ annexam habet mutationem, in illa enim subiectum mutatur & transit à priuatione ad habitum, siue à potentia ad formam, & hoc modo generatio non reperitur in diuinis, sed solum quatenus est productio; unde ad minorem dico, essentiam esse in Patre & Filio, non tanquam materia potentialis, sed tanquam vniuersa forma communis utrique personæ. Ad confirmationem respondeo, relationem esse in essentia, non tanquam formam in materia, sed ut proprietatem suppositi in natura, siue ut actus personalis in actu quidditativo; hæc autem modus essendi non importat modum essendi formæ in materia; quando natura & quidditas est perfectissima, licet in natura creata proprietates individualis aliquo modo determinet quidditatem.

Dices: omni potentie actiue correspondet aliqua passiva; sed in Patre est secunditas actiua; ergo debet ei correspondere aliqua passiva vel quasi passiva de qua producat; hæc nulla alia esse potest nisi essentia, quia de illa Filius dicitur produci; ergo essentia est ut materia. Negatur maior, ut patet de potentia creandi, quæ nullam requirit materiam passiuam, de qua vel in qua producat illud quod creatur, quæ dicitur potentia subiectiua, quæ est propriè potentia materie; potentie autem creatiue correspondet potentia obiectiua, ut ait Henricus, quæ est potentia producibilis & hoc modo concedit Scot. in diuinis Filium esse in potentia, quia est producibilis, sed illa non est potentia quasi materie, neque potentia

obediens, qualis est potentia creaturæ, antequam producat, quia verbum non producit de nihilo, sed est potentia & possibilitas logica, & ideo fallum est essentiam diuinam habere quasi rationem materiæ & potentiæ, vel quasi potentiæ propriè dictæ, quæ est potentia realis & physica.

Dices contra assertionem, quod essentia sit formalis terminus Generationis Filij, & eadem ratione spirationis Spiritus Sancti. Terminus formalis alicuius productionis habet esse per illam, sed essentia diuina non habet esse per productionem alicuius personæ; Maior probatur; quia totus adæquatus terminus accipit esse per productionem multò magis terminus formalis. Confirmatur eadem maior exemplo, quia cum producat animal, terminus formalis est animal quæ taliter accipit esse de nouo; unde infert Aureol. cuius est hæc ratio, animam in resurrectione non esse terminum formalem productionis illius, quæ dicitur resurrectio, eo quod anima rationalis præexistebat, nec albedinem in dealbatione, si prius existeret separata, esse terminum formalem dealbationis.

Respondeo fallam esse illam maiorem, scilicet quod terminus formalis non possit esse prior generatione, & eam præcedere; nam licet de facto in generationibus naturalibus materia præcedat, & per generationem forma producat, non tamen implicat formam præcedere & materiam subsequi, vt dicit Scotus dist. 5. quæst. 2. quando dicit verè saluari Filium in diuinis non esse de nihilo, licet essentia diuina non habeat rationem materiæ, quia sufficit vt præexistat vt forma, tunc enim non fit de nihilo, quia fit ex præexistenti aliquo licet illud non sit materia, sed forma: Vasquez hoc declarat his rationibus; in resurrectione terminus formalis est anima, quia terminus productus in esse formaliter constituitur per eam scilicet homo, alioqui illa productio non haberet terminum formalem aliquem quod est inconueniens, quia in omni productione, in qua est aliqua forma, illa est terminus formalis, vt patet ex vsu & acceptione termini formalis; præterea si terminus formalis non posset præexistere ante productionem, sequeretur quod in prima productione hominis anima rationalis non esset terminus eius, quod est absurdum; consequens probatur; quia anima rationalis prius natura præexistit per creationem quam informet corpus; ergo ipsa non habet esse per generationem & tamen dicitur terminus eius formalis; quia est forma hominis qui est terminus adæquatus generationis denique de ratione termini formalis videtur esse vt sit forma rei productæ; quod autem præcedat vel sequatur est accidentale.

Restat ergo quod Filius Dei sit genitus de substantia Patris, aliter tamen quam Filius hominis; pars enim substantiæ hominis generantis transit in substantiam geniti, sed natura diuina impargibilis est, unde necesse est quod Pater generando Filium non partem naturæ in ipsum transfuderit, sed totam naturam ei communicauerit remanente solum distinctione secundum originem quæ realis est,

Q V Æ S T I O XXVI.

De Persona Filij.

Ratio Filij propriè conuenit alicui personæ diuinæ, & Verbum est nomen personale proprium Filij, quatenus Filius est; ratio est, quia Verbum non est ipsum intelligere, sed quid productum intelligendo tanquam expressa imago rei intellectæ, at in diuinis solus Filius est quidpiam productum intelligendo tanquam expressa imago rei intellectæ, nempe substantiæ Patris; ergo in diuinis solus Filius est propriè Verbum. Probatur prima pars; nam in Deo est propriè Pater, idque in ordine ad aliquam personam diuinam; ergo & Filius, iuxta illud primæ Ioan. quinto v. 20. *Vt cognoscamus verum Deum & simus in vera Filio eius, hic est verus Filius*, quod ita intellige vt in Deo sit verus Filius ab æterno sicut est verus Pater, vt colligitur ex Symbolo Niceno & ex *Patre natum ante omnia secula*: hacque ratione suadet; nam hæc Filiatio dicit habitudinem ad principium generans per intellectum, sicut autem Pater est ab æterno & ab æterno intelligit, ita ab æterno producit Verbum seu Filium. Ita. 53. *Generationem eius quis enarrabit.* Scriptura dum loquitur de Verbo, generationis & Filij vel vnigeniti nomina vlturpat.

Difficultas est in reddenda ratione cur potius dicatur genitus, vt Psalm. 2. *Ego hodie genui te* quam Spiritus Sanctus; Filius enim sic describi solet persona viuens procedens à viuentis coniuncto in similitudinem naturæ, hoc autem conuenit Spiritui Sancto.

Respondeo quia secundum rationem suæ processionis, quæ est per intellectum, cuius est tendere ad perfectam assimilationem, procedit in similitudinem naturæ, quod non conuenit Spiritui Sancto; nam ex vi processionis suæ tendit & procedit per modum vnionis & ambris, quod si sit in similitudine naturæ, hoc non est ratione attributi producentis, sed propter omnimodam identitatem in diuinis, quod quasi materialiter se habet, non quod sit per materiam vel per accidens, sed quia non est præcisè ex vi processionis, hoc facile intelligitur supposita distinctione formali cū nostro Scotus, vel rationis cum Thomistis, inter attributa; hæc enim facit vt vnum sit principium quo formale vnus & non alterius, sic iustitia punit formaliter, & non misericordia. Ad huius euentiā. Nota hæc esse differētiā inter intellectum & voluntatē, quod intellectus sit in actu per hoc quod res intellecta est in intellectu secundum similitudinem suā; voluntas autem sit in actu non per hoc quod similitudo aliqua voliti sit in voluntate, sed ex hoc quod voluntas habet quandam inclinationem in rem volitam; Processio ergo quæ attenditur secundum rationem intellectus, & secundum similitudinis rationem, in quantum potest habere rationem generationis, quia omne generans intendit generare sibi simile; Processio verò, quæ attenditur secundum rationem voluntatis, non consideratur secundum rationem similitudinis, sed magis secundum

secundum rationem impellentis & mouentis in aliquid: & ideo quod procedit in diuinis per modum amoris non procedit ut genitum vel, ut filius, sed magis procedit ut Spiritus, quo nomine quidam vitalis motio & impulsio designatur, prout aliquis ex amore moueri dicitur vel impelli ad faciendum aliquid.

Dico, nulla processio per intellectum est. Generatio, quod siquid per intellectum producatum quantum sit similitudo rei intellectae, non est tamen simile in essentia & natura; ergo nec in diuinis.

Respondetur hoc est ex imperfectione intellectus, vel obiecti cogniti; si enim obiectum perfectum esset, perfectissime esset unum memoria & intellectio; & ideo intellectio nostra etiam de obiecto substantiali non est substantialis, quia talis intellectio non est eadem realiter cum obiecto cognito & intellectae, ut est in diuinis, intellectio enim seu verbum non est accidens sed substantia subsistens.

Dico sicut similitudo est de ratione verbi ita est etiam de ratione amoris, unde Eccl. 1.3. vers. 19. &c. *Omne animal diligit simile sibi*; Si igitur ratione similitudinis conuenit verbo procedenti generari & nasci; ergo videtur quod processio amoris in diuinis sit generatio.

Respondetur quod similitudo aliter pertinet ad verbum, aliter ad amorem; ad verbum in quantum ipsum est similitudo quidam rei intellectae, sicut genitum est similitudo generantis, sed ad amorem pertinet, non quod ipse amor sit similitudo sed, in quantum similitudo est principium amandi; unde non sequitur quod amor sit genitus sed quod genitum sit principium amoris.

Instabis; haec propositio est in quarto modo dicendi per se, *amor diuinus producit Deum*; ergo hoc conuenit illi ex vi principij; ergo Spiritus Sanctus ex vi principij erit similis in natura sicut Filius.

Respondetur propositionem esse veram materialiter, sicut exponit Suarez, non formaliter, id est Spiritus Sanctus est similis Patri non ratione attributi producentis scilicet voluntatis, sed ratione idemnitatis, & quia in diuinis omnia sunt vnum cum essentia. Vnde quod placet; ideo processio verbi dicitur generatio, non autem processio Spiritus Sancti quia verbum non solum vi suae processionis, procedit simile in natura hoc est eiusdem cum cum Patre naturae, sed etiam ut imago Patris, ac Spiritus Sanctus procedit quidem ut similis in natura Patri, & Filio; à quibus procedit; sed non ut illorum imago, & putat partem illam definitionis generationis in similitudine naturae intelligendam non de similitudine quae ex unitate naturae procedit, sed de similitudine, quae imago est; si autem sententiam suam explicat quod docet non sufficere ad rationem imaginis & similitudinis oriri ab alio, sed imago debet ad hunc finem exprimi ut repraesentet; Filius autem est expressa imago ad repraesentandum id à quo procedit ut ab obiecto intelligibili & ab obiecto per se, sic Patris & non Spiritus Sancti nec creaturarum est; imago cum ab ipso non procedat, cetero de Fi-

lio Heb. 1. & Coloss. 1. dicitur, *Quod sit imago* & August. lib. 7. de Trinitate cap. 2. dicit quod *solum Filius est imago Patris*, quod si Spiritus Sanctus exprimit Patrem consequenter imago possit aliquo modo dici, id non habet ex vi principij originantis, quia non procedit ut verbum, de cuius ratione est similitudo speciei ad id à quo procedit, non autem de ratione amoris.

QUESTIO XXVII.

An generatio Filij sit aeterna?

Est de fide: nam ex Athan. habetur quod totae tres personae coeternae sibi sunt; ad cuius euidentiam notandum est, quod aliquid existens ex principio posterius esse suo principio, contingere potest ex duobus: vno modo ex parte agentis; alio modo ex parte actionis; Et quidem ex parte agentis, aliter in agentibus voluntariis, aliter in agentibus naturalibus. In voluntariis quidem propter electionem temporis, sicut enim est in potestate agentis voluntarii eligere formam quam conferat effectui; ita in eius potestate est eligere tempus, in quo effectum producat. In agentibus autem naturalibus hoc contingit, quia agens aliquod non a principio habet virtutis naturalis perfectionem ad agendum, sed ei aduenit post aliquod tempus, sicut homo non potest a principio generare. Ex parte autem actionis impeditur, ne id quod est à principio, simul sit cum suo principio, propter hoc, quod actio est successiva, unde dato, quod aliquod agens tali actione inciperet agere statim cum est, non statim eodem instanti esset effectus, sed in instanti ad quod terminatur actio.

Clarum est autem secundum praemissa & ut diximus supra, quod Pater non generat Filium voluntate tanquam principio productiuo, sed natura, & iterum quod natura Patris ab aeterno perfecta fuit, & iterum quod actio, qua Pater producit Filium non est successiva, quia sic Filius Dei generaretur successive, & esset generato eius materialis & cum motu, quod est impossibile.

Relinquitur ergo, quod Filius fuit quando cumque fuit Pater, & sic Filius coeternus est Patri, & similiter Spiritus Sanctus utrique. Quod sic probat Scotus agens ex se sufficiens & à nullo dependens, producat per modum naturae & sine motu habet productionem sibi coeternam; sed tale agens est Deus Pater respectu generationis Filij; ergo habet illam generationem sibi coeternam, sed ipse est aeternus; ergo ista generatio est aeterna. Maior pater, quia agens si non potest habere effectum sibi coeternum, hoc est, vel quia dependens, vel quia insufficiens, vel quia non agit per modum naturae, vel quia agit per motum; omnes autem istae conditiones excluduntur in maiore.

Nota quod est eadem numero aeternitas trium personarum; ratio est, quia quorum vnum est esse existentiae, eorum est vna duratio, quia duratio respicit esse existentiae, sed Pater, Filius & Spiritus Sanctus vnum esse existentiae non dico subsistentiae; ergo eorum est vna aeternitas seu duratio.

Dices

Dices, contra æternitatem generationis; quod est ex altero habet principium, sed nullum æternum habet principium, ergo Filius non est æternus.

Respondes, æternitatem excludere principium durationis, sed non originis.

Instabis: omne quod corrumpitur desinit esse; ergo omne quod generatur incipit esse, hoc enim generatur ut sit, sed Filius est genitus à Patre, ergo incipit esse; ergo non est æternus Pater.

Respondes, quod omnis corruptio est mutatio quædam, & ideo omne quod corrumpitur incipit non esse, & desinit esse, sed generatio diuina non est transmutatio; unde Filius semper generatur, & Pater semper generat, & nullo modo est intelligendum in Filio non esse ante esse.

Instabis: si Filius genitus est à Patre aut semper generatur aut est dare aliquid instans generationis suæ, dum autem aliquid est in generari, est imperfectum; ut patet in successivis, quæ sunt semper in fieri, ut tempus & motus; si semper generatur, sequitur quod Filius semper sit imperfectus, quod est inconueniens; debet ergo dari aliquod instans generationis suæ ante illud; ergo aliquo instanti Filius non erat.

Respondes, quod in tempore, aliud est, indiuisibile, scilicet instans; & aliud est, quod est durans, seu tempus, sed in æternitate ipsum *nunc* est indiuisibile & semper stans; generatio verò Filij non est in *nunc* temporis aut in tempore, sed in æternitate, & ideo ad significandam præteritatem & permanentiam æternitatis, potest dici quod semper nascitur unde Origen. hoc expresse dicit; sed ut Gregor. lib. 20. mor. cap. 1. & August. q. 37. 83. & in Psal. 2. dicunt, melius est quod dicatur semper natus ut *ly semper* designet permanentiam æternitatis, & *ly natus* perfectionem geniti; sic ergo Filius non est imperfectus, neque erat quando non erat, ut dixit Arius.

Q V A E S T I O XXVIII.

Quid sit Verbum Creatum, & quid Diuinum, & quomodo producatur.

Duo ad actualem intellectiōem in homine concurrunt, primum est intellectus possibilis tanquam causa magis principalis elicitiua seu productiua intellectiōis, etsi non sit totalis sed tantum partialis. Alterum est species intelligibilis expressa vel impressa, secundans intellectum & determinans ac constituens in actu primo proximo intelligendi, & hæc etiam concurrunt ut causa partialis productiua intellectiōis. Ex his duabus causis ut vna, producitur intellectiō actualis, quæ & verbum mentis dicitur, & definitur à Scot. 1. sentent. dist. 2. 3. Verbum mentis est actus intelligendi productus à memoria perfecta, id est ab intellectu possibili secundato per speciem mouentem actu ad primam intellectiōem; dixit non sine actuali intellectiōe; quia si cessat actualis intellectiō, cessat & Verbum, quod

est terminus intellectiōis actualis & ipsamet formaliter intellectiō.

Nota, aliud esse dicere & aliud intelligere; nam in nobis dicere est prius quàm intelligere, sicut prior est actiō termino actiōis. Potissimè discrimen inter ea est, quod dicere habet rationem causæ; intelligere rationem termini, seu effectus; dicere sumitur causaliter, intelligere verò formaliter; dicere est producere actum intelligendi seu verbum mentis, quod quidem verbum formaliter receptum in intellectu facit illum formaliter intelligentem; unde intelligere propriè est habere in intellectu actum intelligendi non elicitiuè sed formaliter.

Dic, si vells, intelligere sumitur dupliciter, sicut & calefacere, primo effectiue, sic est producere intellectiōem; & est ipsum dicere; nam hoc est improprie intelligere; secundo formaliter, & est ex susceptione verbi seu actualis intellectiōis, tanquam formæ intellectum reddi, fieri, ac denominari formaliter intelligentem.

Ex his habes quod duplex est in nobis actus, dicere qui est actus de genere actiōis, & ipsum intelligere seu intellectiō formalis, & hæc est qualitas perficiens intellectum. Habes etiam à Scot. dist. 27. quod intelligere & velle non sunt actus productiui nec actiōes in nobis, sed sunt qualitates, quibus perficimur, sicut enim albedine paries est albus, & ea perficitur, ita intelligere & velle seu intellectiōe & volitione intellectus & voluntas perficiuntur, dicere verò in nobis seu produceret intellectiōem, spirare seu elicere amorem, sunt actus productiui.

Dices: Verbum est terminus actus dicendi, sed intelligere seu actus dicendi non est huiusmodi, quia terminus actiōis non est actiō ex Aristotele 5. Physic.

Respondes concedendo; quod verbum est terminus actus dicendi, & negatur quod intelligere in nobis non sit huiusmodi, imò verbum, quod est actualis intellectiō, dicitur dictiōe, nam ipsum præcedit productiō, quæ; ut terminatur ad intelligere seu ad intellectiōnem; dicitur dictiō.

Dices: intelligere non est propria actiō de genere actiōis ex Scot. quia deficit ei vna conditio, scilicet habere terminum productiuium; cum sit finis. Eadem ratione dicetur quod non sit qualitas, quia habet vnā conditionem, quæ non conuenit qualitati, scilicet habere obiectum, circa quod Respondes, quod intelligere seu verbum non includit formaliter & quidditatiue relationem ad obiectum ut terminum licet concomitanter; & ideo intellectiō absolute sumpta erit verum ens absolutum; Actiō verò formaliter & quidditatiue includit hoc, quod est esse ad terminum, & sic non est simile; sic Scotus in quest. 13. quodlibetali.

Nota istud notitiam *Intelligere*, licet præsestet actiōem, tamen non significat formaliter actiōem, sed intellectiōem in concreto; nam intelligere & intellectiō se habent ut concretum & abstractum; unde cum intellectiō non sit actiō, sed qualitas, ita intelligere est qualitas

qualitas significata in concreto : hoc autem probatur ; quia intellectio & volitio est actio immanens, non productiva termini, ut ait Aristoteles, qui 9. metaph. tex. 16. & 1. Ethic. c. 9. ponit differentiam actionis immanentis à transeunte ; quod illa non habet terminum productum, transiens verò habet, ex ipso autem Aristotele intelligere est pati, quod intelligitur nedum, quia intellectus patitur ab obiecto, sed formaliter, quia intelligere formaliter non est producere intellectionem, sed illam recipere, quia qualitas denominat subiectum, in quo recipitur, non autem agentem, à quo provenit ut subiectum recipiens albedinè est album non autem produciens albedinè.

Nota ex Scoto 1. sent. dist. 7. q. 12. dicere & intelligere esse actus intellectus, tamen dicere non est intelligere, nec contra ; nam omnis actus intellectus secundum ipsum non est intelligere ; omne autè intelligere seu intellectio actualis est verbum, sic verbum non est actio de genere actionis, sed de genere qualitatis.

Formatio verbi in homine ; primò est notitia habitualis confusa ; secundò actualis cognitio confusa ; tertio est inquisitio & in inquisitione multa verba de notitiis habitualibus virtualiter contentis in memoria, & tunc postea memoria perfecta gignit notitiam actualem perfectam. Certum enim est quod intellectus in habitu ex multiplici intellectione actuali habita de obiecto aliquo promptè & perfectè gignit notitiam de illo obiecto : hæc ergo notitia genita ex perfectissima memoria, quæ iam formata est ex illa inquisitione, est verbum perfectum, quod definitur actus intelligentiæ productus à memoria perfecta, non habens esse sine cogitatione actuali. Representant Verbum divinum. Nota. Illam inquisitionem non esse intrinsecè necessariam sed ratione imperfectionis intellectus creati ponitur præsertim humani, hanc excludit Verbum divinum. In nobis ergo duplex est actus, dicere seu elicere & producere intellectionem, & ipsa intellectio formalis, quæ est qualitas perficiens intellectum.

Dubitari solet, an ad gignitionem Verbi concurrat voluntas siue amor. Ad quod dicit Scotus, quod gigni amore obiecti cogniti non est de ratione Verbi, nec etiam gigni amore ipsius notitiæ, sed tamen ad ipsum Verbum perfectum concurrat duplex actus voluntatis, unus imperans inquisitionem prævia, & alius actus complacentiæ in notitia iam habita, sine quo intellectus non permaneret in ea, & sic in illa non haberet rationem Verbi permanentis, illa tamè permanentia non est de ratione Verbi perfecti intellus ; non enim est minus perfecta albedo unius diei quàm unius anni.

Verbi divini productio, memoria fecunda in Patre seu intellectus divinus habens essentiam divinam sibi præsentem in ratione obiecti, est principium quo ut actus primus duorum actuum secundorum, qui sunt intelligere & dicere ; Pater enim memoria formaliter intelligit, eaque formaliter dicit & producit, terminus verò dicere seu dictionis est notitia genita, quæ est Verbum ; isti autem duo actus scilicet intelligere & dicere proveniunt à memoria fecunda, non alter ab altero. Et licet intelligere præcedens non sit in homine, tamen est in Patre, nam in ipso præter actum dicere quo dicitur producere notitiam genitam seu Verbum quod est secunda persona in Trinitate, est alter actus præcedens ipsum dicere qui dicitur

Carriere in Professionem Fides.

intelligere propriè, estque actus essentialis non productivus, prior natura ipso dicere & productione Verbi, qui actus seu quod intelligere concurrat ad productionem, utpote proveniens à memoria fecunda, estque à se in essentia diujna & in Patre, Filio, & Spiritu Sancto : Exemplo Solis declaratur ; is enim est lucens & illuminans ; lucens propter se & sui perfectionem, illuminans propter alium : sic Pater est per se intelligens & beatus, & deinde gignit notitiam seu Verbum realiter ab ipso distinctum quod est secunda persona Trinitatis. Certum siquidem est Patrem in primo signo ante productionem Verbi esse perfectum Deum ex se, consequenter beatum, consequenter & intelligentem, imò quilibet persona est beata de se, & non per aliam ; nam quilibet est perfectus Deus, idè Pater & unaquæque persona habet essentialem notitiam ; unde elicitur quod dictio Verbi præsupponit in Patre intellectionem essentialem, quæ non est distincta ab eo realiter, sed idem omnino ; Verbum verò quod productum est distinctum realiter personaliter ; unde si per impossibile Pater non produceret, tamen perfectus esset & beatus ; Nec dicas quod actus distinguit potentias, ex Aristotele 2. de anima tex. 33. consequenter plures & diversos actus non posse competere eidem potentie, at actus essentialis scilicet intelligere competit intellectui divino ; ergo eidem non convenit actus notionalis, seu dicere & producere Verbum. Idem consequenter dicendum de voluntate ; huic competit actus essentialis diligere ; ergo non competit spirare, qui est actus notionalis ; constat autem actus notionales diversos esse ab essentialibus. Resp. siquidè, quod intelligere & dicere seu producere sunt eiusdè quasi rationis, nam intelligere est quasi producere, actus qui distinguunt potentias sunt diversæ omnino rationis : Idem dicendum de actibus voluntatis.

D. Thomas & Suarez dicunt, Verbum productum per intelligere essentialis & Spiritum Sanctum per velle seu diligere ; Pater, ait Suarez, producit Filium per intelligere comune, quatenus illud habet à se & non per generationem ; vult ergo quod produciens sit persona ingenta, secundò ait, talem intellectionem quæ est à se in Patre ut in persona ingenta habere terminum sibi adæquatum, unde licet sit in aliis personis, non poterit producere cum iam habeat terminum adæquatum.

Arguo : Intellectio essentialis est à se in essentia sicut in Patre ; ergo præscindendo à personis erit principium productivum Filij, secundò hæc ita est à se in Filio sicut in Patre ; nam quod habet Filius à Patre non à se, est notitia genita ; ergo Filius producat aliud Filium.

Respondet Suarez, quod hæc ut in Filio habet terminum adæquatum. Esto, sed quare hæc in priori quàm sit Filius non habebat terminum. Tum cur non intelligit à se non potest generare, potest tamen spirare, & tamen non est à se volens tum idem manens idem facit idem cuicumque conveniat ; ergo intellectio producat in Filio.

Convenientiæ verbi creati ad divinum. Sicut homo parit mente ac cogitatione ita Pater gignit per intellectum ; secundò sicut verbum mentis immaterialiter paritur, ita Verbum divinum ; tertio ut verbum mentis manet in mente à qua produciatur, ita Verbum divinum manet in ipso Patre, ut verbum hominis est imago rei, quæ

intelligitur, sic Verbum diuinū est imago Patris; ut Verbum in mente est principium fabricandi, ita diuinū in mente Patris est principium operandi, ut Verbum mentis ostēditur per vocem, sic diuinū factū est visibile per incarnationem, ut nulla sunt opera quę non dependeant à corde, sic creaturę dependent à Verbo diuino, ut conceptus noster tamdiu durat quamdiu intellectio, sic Verbum Patris est æternū, ut Verbum nostrum repręsentat res quę intelliguntur, sic diuinum repręsentat omnes creaturas.

Diffimilitudines sunt istę. Verbum nostrum habet initium temporis, diuinum verò est æternū, secundò, mens est prius tempore verbo nostro, Verbo diuino non est prior intellectus Patris seu Pater, tertio, Verbum nostrum differt natura à producente, non autem diuinum; quarto, Verbum nostrum est accidens inherens subiecto, diuinum est substantia per se subsistens, quinto, Verbum nostrum per se nil efficit, diuinum est omnipotens, sexto, Verbum nostrum vita caret, diuinū vitam viuut æternā; septimò, Verbum nostrum multiplex est, diuinum vnicum, octauò: nostra verba tam mentis quàm oris effluunt, diuinum æternū est & immutabile sicut æterna intellectio Patris.

Maneat ergo Conclusio Scoti, quodd Verbum diuinum producit, non per intellectiōnem essentialē, sed per dicere notionale Patris, & Spiritus Sanctus non per amorem seu diligere essentialē, sed per spirare notionale. Suarez non capit quomodo sit dicere & non intelligere: pro quo.

Nota esse in nobis actum duplicem; alter est dicere seu elicere & producere intellectiōnem actualem, quę est Verbum, & hic actus non est formaliter intelligere nec intellectio, sed causaliter tantum, quia producit intellectiōnem seu Verbum, & hic actus est de genere actionis proprię; Alter actus est ipsum intelligere seu ipsa intellectio per Verbum, quod est qualitas perficiens intellectum. Intelligere & velle non sunt actus productiui in nobis, sed sunt qualitates.

Q V Æ S T I O XXIX.

An Verbum procedat ex cognitione solius essentia, vel ex cognitione Personarum & Creaturarum tam possibilium quàm futurarum.

Questio talis esse debet, An non solum essentia diuina sed etiam Pater, Filius, Spiritus Sanctus & creaturę possibilis & futurę sint obiectum necessariò intelligibile ut pars memorię ad productionem Filij, Idem debemus querere de Spiritus Sancti productione, An producat per amorem omnium quę sunt in Deo; æquē enim fecunda est in Deo voluntas quàm intellectus.

Nota primò Deum vnico & simplicissimo intuitu cognoscere essentiam, personas & creaturas & omnia illa habere pro obiecto, sed sicut queritur, si Filius non spiraret, an distingueretur à tertia persona, quamuis necessariò spiret, sic quamuis Pater necessariò vnica intuitionē habeat pro obiecto essentia & personas, queritur an memoria fecunda sit principium quo producēdi ratione omniū obiectōrū istorū.

Nota verbum produci per dicere notionale, non per intelligere essentialē, & produci ex his quę sunt de memoria fecunda, ad quam pertinet essentia cum intellectu necessariò,

concomitanter verò Attributa quia non sunt de essentia licet sint intrinseca, Relationes etiam, & attributa sunt obiectum secundarium; essentia sola primum ut habet Scotus lib. 2. dist. 1. q. 1. §. ad solutionem quęstionis.

Nota in aliquo priori originis esse Patrem siue sit relatio siue sit absolutum, quàm sit Filius. Ad intelligentiam autem sententię Scoti qui tenet verbum non produci ex cognitione personarum, nec ex cognitione creaturarum tam simplicis intelligentię quàm visionis, recolenda est doctrina eius de prioritāte originis, quę inuenitur in diuinis: ipse ponit in diuinis tria signa naturę, in primo est essentia diuina absque relationibus & personis, in 2. sunt productiones & primus ordo originis ad intra, in tertio signo est secundus ordo originis ad extra: Cur autem hæc tria signa naturę debeant dari in diuinis, dictum est ibi: quod hic spectat dimisso primo instanti naturę, duo reliqua distinguuntur per comparisonem ad obiecta, nam quatenus intellectus & voluntas comparantur ad obiecta secundaria, quę non sunt ex se obiecta intelligibilia, sed sunt intelligibilia per intellectum & voluntatem, uti sunt creaturę in esse cognito est secundum instans naturę; Personę autem diuinę licet sint obiecta secundaria, habent enim esse per productiones, tamen quia pertinent intrinsecè ad communicationem essentia diuinę, ponuntur in 1. instanti naturę, in quo est totus ordo originis. Ordine originis intellectus & essentia diuina sic se habent, quodd essentia est obiectum motuum naturale intellectus diuini, accipiēdo hic motionē non propriē sed extēdendo nomē, & mouet ad producendū intellectiōnem essentialē, & notionale mouet etiā ad producendū amorē essentialē & notionale, sed diuerso modo; quia illa est naturalis, & necessaria, hæc motio non est naturalis, sed necessaria tantum: cōpleto autem toto progressu originis respectu primi obiecti scilicet essentia diuinę communicandę, sequitur ordo alius respectu obiecti secundarij scilicet essentia creabilis; nam essentia diuina in isto 2. ordine mouet 1. ad intellectiōnem simplicē omnis intelligibilis, sed non mouet ad hanc intelligentiā simplicē creaturarū nisi essentia sit in tribus ut docet expressè Scot. in quodlib. 14. §. hic intelligendū est, illa autem motio ad pariendā notitiā simplicem est motio naturalis, quia illa præcedit omnē actum voluntatis & hic terminatur motio naturalis. Sequitur deinde motio contingens in qua principium motuum non est essentia, sed voluntas diuina, quę est radix cōtingentię, & hæc motio fit quoque ordinatē, sed in 2. instanti naturę. Primò ergo voluntas determinat se ad alterā partē rerū possibilium pertinetiū ad notitiā simplicis intelligentię, ut ad volendum hoc determinatē fore. 2. ex hoc intellectus videns hanc determinationē voluntatis infallibilē, nouit hoc esse futurū, & hæc est scientia visionis; vnde motio ad videndū ea quę pertinent ad scientiam visionis non fit ab essentia sed à voluntate. Completa autem illa determinatione intra Deum sequitur motio extra Deum ipsum, ut Creatio & productio rerum in proprio genere.

Ex his conspicitur, quomodo ex cognitione & amore creaturarū tam possibilium quàm futurarū non procedat Verbum & Spir. S. cum creaturę sint in 2. instanti naturę & personę in 1.

Conclusio

Conclusio: Verbum non producit à relationibus diuinis tanquam ab obiecto intelligibili, & ut pars memorie secundæ Patri, nec Spiritus Sanctus ab amore relationum ut ab obiecto amabili; probat Scot. si hoc, sequeretur Verbum produci ex cognitione sui ipsius; ergo Verbum gigneretur à Verbo, imò gigneretur de Spiritu Sancto, consequens est falsum; ergo & antecedens: consequentia probatur; quia Pater non solum nouit creaturas formaliter, sed etiam nouit Filium & Spiritum Sanctum, ergo Verbum producit de Verbo & Spiritu Sancto ut notis Patri.

Respondet Caiet. negando falsitatem consequentis, vult enim non esse inconueniens, imò ait necessarium esse ut Verbum procedat ex cognitione sui & Spiritus Sancti, quia ratio hoc conuincit quod producat ex cognitione Patris, quæ est omnium intelligibilium comprehensiuæ, hæc enim complectitur cognitionem Verbi & Spiritus S. Quod si quis dicat illud consequens esse falsum; quia nil gignitur de seipso, & ided Verbum non posse produci de Verbo, neque posse produci de Spiritu Sancto, quia Spiritus Sanctus est posterior origine Verbo.

Respondent alij hoc esse verum de principio quod, non de principio quo, at Verbum non producit de seipso, neque de Spiritu Sancto tanquam de principio quod, sed tanquam de principio quo, nimirum de illis ut obiecto; obiectum enim est principium quo. Probatur tamen ratione: omne illud, ex quo aliquid producit, semper præsupponitur producto, siue illud ex quo producit sit principium quod, vel principium quo, vel aliquo modo prærequisitum ad actum productionis illius quod producit, at per aduersarios cognitio Verbi & Spiritus Sancti est id ex quo Verbum producit; ergo illa præsupponitur Verbo: Subsumo; sed illa cognitio præsupposita & præcedens est cognitio intuitiua Verbi & Spiritus Sancti etiam per aduersarios, quia in Deo non datur cognitio abstractiua, cognitio verò intuitiua est obiecti existentis & præsentis in seipso; ergo Verbum & Spiritus Sanctus præexistunt in se formaliter, antequam per generationem & spirationem, ille à Patre, hic à Patre & Filio producantur, hoc autem est adeo absurdum quod implicat contradictionem.

Respondet Suarez; visionem intuitiuam non semper supponere actualem existentiam obiecti pro omni signo rationis, sed posse esse prius existentiam visionis intuitiue quam existentiam rei visæ; potest ergo esse prior existentia visionis intuitiue personæ diuinæ, quam ipsa persona existat; quod probat, quia si Deus potest intueri creaturas futuras prius duratione quam ipsæ existant, tunc non poterit Deus ut sic videre personas prius ratione vel origine quam producantur. Hæc responsio ex ipsorum terminorum intelligentia refellitur; nam cognitio intuitiua secundum omnes Philosophos & Theologos est rei existentis & præsentis in seipso, & ex hoc distinguitur à cognitione abstractiua, quæ est rei absens ut absens est; ergo repugnat dicere quod existentia visionis intuitiue præcedat existentiam rei visæ. Quod verò ait Deum cognoscere creatu-

Carriera in Professionem Fidei.

ras intuitiue antequam habeant propriam existentiam, nil facit ad propositum, quia cognitio intuitiua est duplex, ut habet Scotus in 1. dist. 1. alia est cognitio intuitiua rei existentis ut existens est in seipso, alia est cognitio rei existentis non in seipso, sed in alio eminentiori modo; creaturæ videntur visione intuitiua secundo modo, quia videntur in essentia diuina, in qua habent esse eminentiori modo quam in seipsis; unde Deus nunquam in propria existentia & in proprio genere videt quia vilesceret & mutaretur.

At personæ diuinæ non videntur in alio sed in seipsis intuitiue, quia sunt in essentia diuina formaliter, non eminenter, in quo differunt à creaturis, quia hæc sunt eminenter in essentia, quia non possunt esse formaliter, non sic est de personis; ergo existentia personalis ipsarum præcedit visionem intuitiuam earundem, non è conuerso. Quod si dicas personas videri quoque in essentia antequam in seipsis videantur. Contra, personæ ut personæ sunt relatiuæ, relationes autem non sunt formaliter in essentia, quia illa est absolutum, absolutum autem non continet formaliter relatiuum; sunt ergo solum virtualiter in essentia formaliter sumpta, & per actus productionum insurgunt in ea; at quod virtualiter in aliquo continetur, virtualiter quoque cognoscitur.

Ex hoc ergo sequitur quod cognitio relationum diuinarum in essentia diuina, non autem in seipsis, est virtualis, quia enim cognoscit essentiam, quæ est ratio continens omnia notionalia, cognoscit quoque notionalia, non tamen ex hoc sequitur, quod cognoscat relationes in seipsis, & proinde non sequitur Verbum originari ex cognitione formali notionalium: hoc autem non negaret Scot. quia ipse tenet Verbum non produci ex cognitione personarum & creaturarum in esse suo formali, & adducit rationem, quia sunt obiectum secundarium; sunt autem obiectum secundarium, quatenus habent esse formale in essentia, non autem quatenus virtualiter continentur in ea.

Posset concedi cognitionem, quam Pater habet prius origine quam sint personæ, esse intuitiuam, sed non personarum existentium in seipsis formaliter, sed existentium in essentia diuina, quomodo dicimus cognitionem creaturarum esse intuitiuam, quæ ipsas præcedit; sed tunc, non sequitur Verbum produci ex cognitione intuitiua sui ipsius & Spiritus Sancti, ut sunt in Trinitate formaliter, sed ex cognitione intuitiua eminentiali quæ est virtualis.

Secunda ratio si Verbum produceretur ex cognitione sui ipsius & Spiritus Sancti, multo magis ex cognitione personæ Patris; at hoc est falsum; probatur consequentia; quia cognitio perfecta complectitur quoque cognitionem personæ Patris; falsitas consequentis probatur, pro cuius intelligentia suppono, quod Verbum est imago Patris, non quia sit similis Patri in notionalibus, sed solum in essentia, quia imago in diuinis non attenditur secundum notionalia & rationes personales & quasi indiuiduas, sed secundum speciem & essentiam; suppono etiam quod Verbum dicitur imago respectu obiecti, ex cuius cognitione producit. Tunc sic arguo: Verbum est imago Patris non secundum personalitatem, sed solum

S i

secundum

secundum essentiam, ergo Verbum produci-
tur ex cognitione Patris tanquam obiecti, non
quatenus est Pater, sed solum quatenus est
essentia: antecedens patet ex primo notan-
do, quod scilicet Verbum produci-
tur ex memoria secunda, quae includit intellectum &
obiectum intelligibile; obiectum autem in-
tellectus Patris primum, est ipsa essentia.
Consequentia patet ex secundo notando,
quod licet Pater unico simplicissimo intuitu
omnia noscat, essentiam, personas, & creatu-
ras, habeatque pro obiecto illa omnia tamen
memoria secunda non est principium quo,
producendi ratione omnium istorum obiecto-
rum. Confirmatur quia si Paternitas precedat
productionem filii, non tamen precedit in
ratione obiecti sed sola essentia, unde Pater
intelligendo essentiam producit Paternitas
vero insurgit per dicere, quod est generare, &
ideo precedit relationem suppositi in ratione
obiecti.

Ex his solvuntur rationes Suaris, quod Ver-
bum produci-
tur per se ex cognitione perso-
narum & praesertim Patris; nam cum dicit
Verbum produci ex cognitione perfectissima
seu comprehensione divinae essentiae; ergo
etiam ex cognitione relationum, quae sunt de
essentia intellectus aut ut minimum summe
identificatur cum illa.

Respondeo distinguere formaliter, tum essen-
tiam esse in primo signo originis; Cum dein-
de ait Patrem producere Verbum ut sui ipsius
imaginem, & consequenter ut in illo reprae-
sentatum intellectualiter. Respondeo Ver-
bum ut est imago Patris non repraesentare Pa-
trem quoad personalia, sed tantum quoad es-
sentialia; ideo ex hoc non colligitur Verbum
produci ex cognitione Patris ut persona est:
Cum ait Patres dicere Patrem producere Fi-
lium ex seipso, intelligendi sunt modo prae-
dicto, scilicet quoad essentialia ad intra; non
quoad notionalia, neque quoad essentialia ad
extra: Cum ait notitiam Patris non posse ter-
minari ad Verbum quin etiam terminetur ad
Patrem. Respondeo illo concessio, falsum esse
quod supponitur, scilicet Verbum produci ex
cognitione Verbi ut persona est, seu Pa-
trem prius cognoscere Verbum, quam
illud producat, ac ex illa cognitione Pa-
trem illud producere. Cum omnes dicunt
Verbum produci ex cognitione omnium
comprehensivam. Respondeo illam non esse
principium producendi ut omnium compre-
hensivam; 1. non dici perfectissimam seu
comprehensivam, quia intelligit alia, sed quia
perfecte comprehendit essentiam, quam qui-
dem relationes & attributa intrinsece con-
comitantur, Cum dicunt Pater cognoscendo se
produci-
tur imaginem sui, & sic cognoscit rela-
tionem, & consequenter correlativum nempe
se, atque dum simul cognoscit Filium cognos-
cit quantum ei communicavit potentiam spiran-
di, necessarium ergo Spiritum S. cognoscit,
ergo produci-
tur Filium ex cognitione omnium
sui scilicet & aliarum personarum. Respondeo
quod imago est tantum essentialium, tum hae-
ratio supponit unum falsum apud Scotum,
nempe Filium produci per intellectionem, is
enim tenet per dicere ex primi. Instat Vasquez
Produci Verbum nil aliud est quam intelligi;

ergo eodem actu efficitur Verbum simul pro-
duci & intelligi, imò Verbum produci idem
est quod intelligi, cum autem produci-
tur, Verbum, eius productio ad esse ipsius termina-
tur; ergo & cognitio similiter, cumque simul
sit Paternitas cum filiatione, non solum natu-
ra sed etiam modo nostro concipiendi, necesse
est intellectionem notionalem Patris ad ipsam
quoque Paternitatem terminari; ergo ex co-
gnitione Paternitatis produci-
tur. Respondeo
concludere tantum, Filium intellectum, esse
terminum productionis, & non esse princi-
pium sui. Respondeo etiam hoc solum sequi
Filium esse intellectionem, sed non sequi Fi-
lium per intellectionem sui produci.

Q V A E S T I O XXX.

An Filius procedat ex Cognitione Creaturarum.

Questio est de possibilibus vel de futuris
& existentibus.

Resolutio communis; Verbum non proce-
dere ex scientia creaturarum futurarum seu ex
scientia quae dicitur visionis & contingen-
tium: probatur, nam Verbum secundum to-
tam suam productionem est ens absolute ne-
cessarium, at non esset si produceretur etiam
ex noticia creaturarum aliquando existentium
ut sic, quia cum talis noticia potuerit non esse
in Deo potuit Verbum ex ea non procedere
atque adeo quoad suam productionem aliqua
ex parte mutari, quod dici non potest: Confir-
matur nam cum productio Verbi sit necessa-
ria, ea est prior scientia visionis, quae est li-
bera.

Ratio secunda, sequeretur nec Verbum nec
Spiritus Sanctum concurrere ad actum prae-
destinationis, iustificationis, glorificationis
creaturarum, & similia, neque producere illam
cognitionem visionis, sed eam iam habitam &
formatam à Patre, sibi communicari & quo-
dammodo revelari, quod est evidens absur-
dum.

Obiicitur August. q. 63, 83, dist. 3. qui quae-
rens cur Ioannes vocarit secundam personam
Verbum, & non rationem quia, inquit, *Ver-
bum dicit respectum ad creaturas*, subsumitur,
ergo quicquid habet Verbum divinum, habet
ex sua processione, sed habet respectum ad
creaturas existentes ergo habet ex sua proces-
sione: ergo procedit ex eadem cognitione.

Respondeo Verbum esse representativum
creaturarum, sed id non habet à principio,
productivo, sed solum consequenter & con-
comitanter.

Iustabis: August. 15. de Trinitate cap. 14.
dicit, *Verbum natum de omnibus quae sunt in
scientia Patris*, sic inde arguitur in scientia
Patris continentur omnes creaturae; ergo Ver-
bum oritur ex cognitione omnium creatu-
rarum.

Respondet Scotus in 1. dist. 1. q. 1. Verbum
produci de omnibus quae sunt in scientia Pa-
tris, supple virtualiter, quia produci-
tur de essentia quae est virtualiter omnia, ista & illa, si-
mul cum Filio & Spiritu Sancto postea produ-
cit

cit eum intellectu in esse intelligibili, in ultimo tamen instanti naturæ cum productiones personarum factæ sint.

Nota præterea Augustinum loqui non solum de scientia simplicis intelligentiæ, sed etiam visionis, quam tamen omnes ferme negant inclusam esse in Verbi productione uti posteriorem. Augustinus ergo interpretandus est, & dicendum, quod Verbum oritur ex omnibus quæ Pater nouit eo modo, quo Pater illa nouit, & quo sunt in Patre; at creaturæ sunt in Patre post productionem Verbi, & Spiritus Sancti, & in secundo instanti naturæ, vel dic Verbum dupliciter considerandum: vno modo secundum substantiam, & ut persona diuina præcisè: alio modo secundum ea quæ sibi consequuntur, scilicet secundum relationem expressiuam ad creaturas. Primo modo Verbum generatur de essentia nuda; secundo verò generatur à Patre de omnibus creaturis, quod est dicere, habet à Patre essentiam nudam de essentia nuda, deinde sicut Pater cognoscit creaturas, ita Verbum per eandem essentiam sibi à Patre communicatam habet ut possit producere cognitionem omnium creaturarum.

QVÆSTIO XXXI.

*An procedat ex cognitione Creaturarum
possibile.*

Negat Scotus. Nota autem in Deo non esse plures intellectiones, vnica enim essentia, personas, & creaturas nouit, sed illa intellectio non terminatur ad esse representatiuum creaturarum, tanquam à quo ut ab obiecto intelligibili producat, quamuis etiam terminetur ad esse representatiuum earum.

Nota etiam esse distinctionem in Deo ordinis naturæ & originis; nam ordo naturæ est in intellectu & in voluntate, & ordo originis est in processibus personarum & emanationibus creaturarum: sic in vno ordine naturæ erunt plura instantia originis, primo enim intellectus intelligit essentiam diuinam & voluntas amat eam, ut beatificatiuum obiectum, & personæ originantur & creaturæ representantur, sed nec in intellectu nec in voluntate personarum & creaturarum beatificatur Deus, sed in intellectu & volitione seu amore essentiae suæ. Ex his Scot. ponit quædam obiecta primaria, quædam secundaria, & circa solum obiectum primum essentiam scilicet ponit Scotus beatitudinem.

Nota, quod cognitio, quam habet Deus de creaturis, non est aliquid notionale ad intra, sed est essenziale ad extra; unde talis actus competit tribus personis; & cum dicimus Deus intelligit creaturas ad extra, &c. ibi Deus non supponit pro persona Patris, sed pro individuo Trinitatis quod complectitur tres personas omnes; at in proposito cum disputamus an Verbum producat ex cognitione creaturarum loquimur de cognitione quam habet persona Patris creaturarum, non de ea quam habet hic Deus, idè facere transitum de cognitione Patris ad cognitionem Dei ut est individuum Trinitatis est maxima deceptio. His præ-

missis. Conclusio negatiua probatur. Si creaturæ in esse intelligibili essent in essentia diuinæ ante productionem diuinarum personarum sequeretur nec Verbum nec Spiritum S. nec producere aut efficere cognitionem creaturarum, sed illas ex illa emanare; ergo solus Pater per suam intellectiōem produceret creaturas in esse, non autem aliæ personæ, quod est facere personas imperfectas. Confirmatur, quia Ioan. 1. dicitur, *Omnia facta sunt per ipsum & sine ipso nihil.* Hoc autem est intelligendum de quocumque esse creaturarum tam reali quàm in proprio genere, quàm de esse secundum quid seu obiectiuo, alioqui non essent omnia facta per ipsum, quoniam creaturæ non essent factæ in esse intelligibili per ipsum Verbum. Anselm in monologio cap. 29. dicit, *Verbum non esse similitudinem creaturarum quia ex ea cognitione non procedit.* Secunda ratio, si per impossibile creaturæ non essent possibiles, adhuc Verbum haberet sufficiens principium sui productiuum scilicet essentiam, cum intellectu Patris. August. 5. de Trinitate, cap. 14. asserit quod sicut Pater & Filius ad Spiritum Sanctum sunt vnum principium, sic omnes tres sunt vnum principium creaturarum ad ipsas producendas; hinc arguo, at principiatum non est ante principium; ergo nec creaturæ habent esse ante personas diuinas, sicut nec Spiritus S. ante productionem Verbi, & esse personale Patris, sed creaturæ posterius origine quàm personæ & Spiritus Sanctus posterius origine Patre & Filio, & sic Verbum posterius origine Patre. Hinc habetur hæc ratio; propter quam Verbum per aduersarios non producit ex scientia visionis, est, quia scientia visionis est posterior productione Verbi, nam illa scientia fundatur in decreto diuinæ voluntatis, ac decretum illud per eos ut tale non intelligitur esse in Deo, donec Filius & Spiritus Sanctus sint producti. Tunc sic: at creaturæ in esse simplicis intelligentiæ non minùs pendent à Trinitate; ergo earum esse simplicis intelligentiæ, præsupponit productionem personarum. Minor probatur; quia nisi in illo esse penderent à tribus, non esset verum dicere Pater, Verbum & Spiritus Sanctus producunt actu intellectus cognitionem simplicem creaturarum, quoniam solum concurrerent ad productionem cognitionis visionis, quod est absurdum; hæc enim perfectio, quæ est scientia simplicis intelligentiæ negaretur Verbo, & Spiritui Sancto, & sic non essent æquales Patri. Quod si dicant Verbum & Spiritus Sanctus habent illam, quia communicatur illis à Patre. Contrà; ergo Verbum & Spiritus Sanctus non causarent illam scientiam simplicis intelligentiæ, at productio illius est perfectio qua carerent.

D'ices, Verbum oritur ex cognitione perfectissima quæ est comprehensiuæ essentiae & intuitiua; sed illa cognitio non potest esse comprehensiuæ nisi cognoscat omnia; Creaturæ autem sunt cognoscibiles; ergo. Respondetur, falsum esse Verbum produci ex cognitione perfectissima extensiuæ scilicet extendendo perfectionem cognitionis ad omne intelligibile, quia aduersarij concedunt Verbum non produci ex futurarum rerum cognitione pertinentium ad scientiam visionis, & tamen illa

est intuitiva & pertinet ad perfectionem scientiæ diuinæ, & ideo dicimus quod oritur ex perfectissima & intuitiva cognitione obiecti primarij, quod est essentia, non secundarij, quod sunt ideæ creaturarum imò & personarum.

Dico etiam quod Verbum non producit ex scientia, neque ex intelligentia Patris, sed ex memoria Patris, non potest intelligere qui est actus operatiuus Patris essentialis, sed potest dicere, qui notionalis est actus, Verbum quidem producit per actum intellectus, sed non per intelligere formaliter & proprie, sed per dicere, qui actum est exprimere & producere noticiam in essentia, quæ est obiectum intellectus illius.

QVÆRES, an Pater dum dicit & exprimit per hunc actum intellectus noticiam, quæ est Verbum, ex essentia exprimat & dicat noticiam genitam ex sola essentia, an ex essentia, personis, & creaturis; essentia enim & intellectus in actu illo primo est memoria.

Respondet, quod Verbum non potest produci ex actu ex personis & creaturis; quia illæ pro illo instanti naturæ & signo originis non sunt in memoria Patris actu, sed solum virtualiter & proinde Verbum exprimi non potest ex notitia personarum, neque creaturarum in esse intelligibili, quia personæ & creaturæ non præsupponuntur, sed sublequuntur ad productionem Verbi, & ratio iam dicta est, quia sunt obiectum secundarium, non enim sunt improductæ sed productæ per intellectiōnem intellectus diuini, quæ intellectio creaturarum est communis tribus personis, & proinde habent esse intelligibile à tribus personis, non autem ante illas.

Pater ergo exprimit & dicit Verbum, quod est notitia genita ex nuda essentia, & Pater & Filius spirant Spiritum Sanctum ex nuda essentia, deinde tres personæ virtute essentiae & intellectus diuini produciunt creaturas in esse intelligibili simplicis intelligentiæ & deinde mediante decreto diuinæ voluntatis in esse futuro & scientiæ visionis, & ideo Verbum nec Spiritus Sanctus non sunt ex sua naturali proprietate Verbum aut amor creaturarum sed solum essentiae, unde relatio declaratiui ad creaturas est relatio rationis in Verbo, & appropriatur illi non proprium. Ideo non est inconueniens dicere, quod Pater in primo signo originis non habet perfectissimam noticiam, intelligendo per perfectissimam extensiuè, noticiam ut comprehendit essentiam diuinam secundum omnem modum, quo est cognoscibilis, scilicet ut est idea creaturarum; quia talis cognitio non est composibilis Patri in primo signo originis, quoniam hæc cognitio creaturarum in esse formali est communis tribus personis, ideo habetur in tertio instanti naturæ, & à tribus; Tamen Pater habet in illo signo cognitionem virtualement illarum, quia intuetur essentiam, in qua virtualiter continentur, & hæc ratio est perfectissima. Eadem ratione in illo primo signo originis non potest cognoscere relationes diuinas per se subsistentes, quia talis cognitio pro illo signo est ei impossibilis, cognoscit eas tantum virtualiter ut dictum est.

Nota autem cognitionem solius essentiae esse infinitam neque cognitionem creatura-

rum addere ei aliquam perfectionem, quia in essentia virtualiter continentur & virtute illius habent esse, præterea dictum est hanc cognitionem creaturarum esse opus ad extra, quod præsupponit productionem personarum; ideo dato quod diceret perfectionem distinctam, tamen hæc non potest competere Patri in primo signo originis, sufficit quod in tertio instanti naturæ competat tribus personis, quia est essentialis ad extra, sicut creare, gubernare, &c. dicunt perfectionem, & tamen non competunt Patri ante generationem Verbi & spirationem Spiritus Sancti, sed omnibus tribus & in tempore.

Instabis, creaturæ possibiles existentes in cognitione diuina ab æterno nil videntur esse aliud quam essentia, at Verbum procedit ex cognitione essentiae formaliter, ergo & ex creaturarum.

Respondet, creaturas in esse cognito siue ideæ esse idem realiter cum essentia, distinguuntur tamen formaliter sicut personæ diuinæ ab eadem formaliter distinguuntur, & hoc sufficit ut Verbum producat ex cognitione essentiae, non autem creaturarum ut obiecto, scilicet necessario intelligibili; Tum dico quod si creaturæ concipiuntur ut habent esse in Deo nil sunt aliud, nisi ipsa essentia & vita Dei, sed hoc non est ad rem, est enim esse eminentiæ & cognitionis, si autem loquamur de esse formali creaturarum quod cognoscitur à Deo, nego quod sit ipsa Dei essentia.

Instabis, essentia diuina est obiectum intellectus diuini sub omni ratione perfectionis quam habet, sed est deitatis perfectio quod in seipsa repræsentet creaturas; ergo sub omni perfectione quam habet, est obiectum intellectus diuini; ergo Verbum producit de cognitione creaturarum necnon & personarum. Nego maiorem extensiuè intellectam, est enim tantum obiectum intellectus sub ratione omnis perfectionis ut primarium obiectum, non autem ut secundarium, quod autem repræsentet creaturas vel personas est obiectum secundarium, Verbum autem producit de essentia ut est obiectum primarium. Dices; ergo non producit de ea ut est repræsentatiua omnis perfectionis, concedo ut omnis perfectio amplectatur quæ sunt de secundario obiecto.

Nota ergo in illo vnico actu Dei quo producit Verbum in æternitate poni varia signa, & sicut omnes concedunt non esse inconueniens quod Verbum non producat ex cognitione rerum futurarum, seu scientiæ visionis, quæ scientia quidem non minus pertinet ad perfectionem cognitionis diuinæ, ita nec inconueniens habet Scot. quod non producat ex cognitione personarum & creaturarum in esse possibili seu scientiæ simplicis intelligentiæ; & confirmatur, quia non eodem actu Pater producit Verbum & intelligit creaturas in esse possibili, quia actus quo Pater producit Verbum est notionalis proprius Patri; actus, quo cognoscit creaturas in quocumque esse, est essentialis communis tribus personis, essentialis, inquam, ad extra.

Nota ad omnia, quod distinguendo inter instantia originis non distinguitur inter durationem & durationem, sed tantum à quo quis sit.

QVÆSTIO XXXII.

De Persona Spiritus Sancti.

Nomen *Spiritus* deduci potest dupliciter, primò à Spirare, secundò à Spiritualitate: si primo modo sumatur, idem est quod spiratus, estque nomen proprium personæ in diuinis, quia illi soli conuenit spirare & procedere ut amor: si secundo modo dicatur, tunc Spiritus Sanctus est nomen commune omnibus personis diuinis, quia vnaquæque est Spiritus Sanctus & Sancta, ut Ioan. 1. *Spiritus Sanctus est Deus*, quod Augustinus etiam notat 1. de Trinit. cap. 19. vnde Hilar. lib. 8. de Trinitate ostendit aliquando significari Patrem, ut cum dicitur, *Spiritus Domini super me*, aliquando Filium, *In Spiritu Domini eiicio demonia*, aliquando Spiritum Sanctum, *Effundam de Spiritu meo super omnem carnem*; sic constat quod hoc nomen non est proprium alicuius personæ, cum sit commune tribus, prout sumitur in virtute duarum dictionum, quia prima significat immaterialitatem diuinæ substantiæ, secunda puritatem diuinæ bonitatis importat, consuetudo autem Ecclesiæ est ut in vi vnius dictionis caplatur ad tertiam personam significandam: Quod si dicas nomina personarum diuinarum dicuntur ad aliquid, ex Boëtio in lib. de Trinitate.

Respondeo, quod hoc nomen *Spiritus*, ponitur pro relatiuo, in quantum accommodatur ad significandam personam relatione distinctam ab aliis, nam intelligitur Spiritus, ut dixi; idè Aug. 7. de Trinit. 4. ait, *Cum queritur quid tres, dicimus tres persone*; ergo Spiritus est nomen diuinæ personæ; rationem affert istius nominis, quia sicut tertia persona procedit à Patre & Filio, sic etiam dandum fuit illi nomen commune quod esset Patri & Filio: secundò, quia nomen *Spiritus*, ex prima sua significatione significat halitum impellentem ac mouentem, est autem proprium amoris impellere ac mouere voluntatem in rem amatam; cum ergo tertia persona procedat per voluntatem, & sit amor Patris & Filij, ab utroque spiratus, meritò dicitur Spiritus, dicitur etiam Sanctus, quia Sanctitas iis rebus conuenit quæ in Deum ordinantur, amoris autem est omnia in Deum referre & ordinare, & quia Sanctitas principaliter pertinet ad ipsum amorem voluntatis; idè dicitur Spiritus Sanctus, non sic autem dicitur Filius Sanctus, quia Filius procedit modo naturæ; idè non sibi competit Sanctitas ex modo emanationis.

De nomine *Amoris* quod Spiritui Sancto appropriatur, certum est quod amor in diuinis dicitur essentialiter & notionaliter, hoc secundo modo est proprium Spiritus Sancti; dicit enim Gregor. hom. 30. *Ipsa Spiritus est amor*. ad hoc autem nota, quod sicut in humanis amor non tantum significat actum voluntatis, quo formaliter amamus, sed etiam terminum seu qualitatem, quam amando producimus; sic etiam in diuinis amor dicitur non actus solum voluntatis, quo tres personæ formaliter amant, sed etiam terminus à Patre & Filio amando productus, qui est persona Spiritus Sancti, & inde

est quod amare seu diligere in diuinis sumitur aliquando essentialiter pro actu, quo tres personæ amant & diligunt, aliquando notionaliter pro eo quod est spirare seu amando producere, quo pacto conuenit Patri & Filio, nullatenus Spiritui Sancto.

Dices: Spiritus Sanctus est persona subsistens, sed amor non significatur ut sic, sed ut actio quedam transiens ab amante in amatum; ergo amor non est proprium nomen Spiritus Sancti.

Respondeo, quod licet intelligere & velle seu amare significantur per modum actionum transcuntium in obiecta, sunt tamen actiones manentes in agentibus, ita quod in ipso agente important habitudinem quandam ad obiectum, vnde amor etiam in nobis est aliquid manens in amante, & verbum cordis manens in dicente, tamen cum habitudine ad rem verbo expressam vel amatam, sed in Deo, in quo nullum est accidens, plus habet, quia tam verbum quam amor est subsistens. Cum ergo dicitur Spiritus Sanctus est amor Patris in Filium vel in quicquam aliud, non significatur aliquid transiens in alium, sed solum habitudo amoris ad rem amatam sicut in verbo importatur ad rem expressam.

Dices; cuiuslibet amantis est aliquis amor, sed Spiritus Sanctus est amans; ergo eius est aliquis amor; si ergo Spiritus Sanctus est amor, erit amor amoris, & Spiritus à Spiritu.

Respondeo, quod sicut Filio, licet intelligat, non tamen competit producere Verbum, quia intelligere conuenit ei ut Verbo procedenti, ita licet Spiritus Sanctus amet, scilicet essentialiter, non tamen competit ei spirare amorem, quod est diligere notionaliter sumptum, quia sic diligit essentialiter ut amor procedens, non ut à quo procedit amor.

De nomine *Doni*. Aristoteles 4. Topic. cap. 4. sic definit; *Donum est datio liberalis sine aliqua spe aut intentione retributionis*, ratio autem gratitæ donationis est amor; idè enim gratis aliquid damus alicui, quia volumus ei bonum, vnde amor habet rationem primi doni, per quod omnia dona gratuita dantur, quare cum Spiritus S. procedat ut amor ex vi suæ processionis, est enim amor ipsius essentiae procedens à Patre & Filio, procedit in ratione primi doni, & sicut Filius qui procedit per modum Verbi dicitur propriè imago, licet etiam Spiritus Sanctus sit similis Patri, ita Spiritus Sanctus qui à Patre procedit ut amor dicitur propriè donum, licet etiam Filius detur, hoc enim ipsum quod Filius datur, est ex Patris amore, iuxta illud Ioan. 3. *Sic Deus dilexit mundum ut Filium suum unigenitum daret*.

Ex definitione doni constat, donum primò denotare rem, quæ datur & denominatur donum, secundò denotare relationem ad ipsum donantem, quæ est quod gratis à donante datur, tertio est relatio ad accipientem, quæ est quod accipiat vel accipere possit absque compensatione.

Scotus sic omnia declarat, nil habet doni rationem, nisi in quantum cadit sub ratione amoris; non enim nummus vel rosa, &c. vel aliquid

aliquid exterius habet rationem doni, nisi in quantum communicatum est amicabiliter actu amatorio voluntatis, & ideo omnia dicuntur talia ratione amoris dantis, et si non recipientis. Nota autem donum tribus modis accipi posse, scilicet actualiter, habitualiter & aptitudinaliter; actualiter, id est res quæ datur; aptitudinaliter, quæ non datur, sed est deputata ad donari, licet postea non donetur, sicut catulus ante 9. diem dicitur videre aptitudinaliter, quia est aptus natus videre, dato etiam quod postea actu non videret propter aliquod impedimentum. Donum ergo de suo principali significato significat relationem donabilitatis ad creaturam, quæ est relatio rationis; ista autem relatio non est aliquid notionale, siue proprietas Spiritus Sancti, sed est essentielle, quia talis relatio potest competere tribus personis ipsique essentialiter, Ioan. 14. *Ad eum veniemus.* Et donum connotat proprietatem personalem Spiritus Sancti, quia est verè amor, & consequenter donum; Si ergo donum capitur pro connotato est proprietas Spiritus Sancti.

QVÆSTIO XXXIII.

An Spiritus Sanctus procedat à Patre & Filio.

SVpposito quodd sit Deus, ut exprimit Scriptura 1. Ioan. 3. *Tres sunt qui testimonium dant in celo, Pater, Verbum, & Spiritus Sanctus, & hi tres unum sunt.* Matth. 28. *Baptizantes eos in nomine Patris, & Filii, & Spiritus S.* Ioan. 3. *Nisi quis renatus fuerit ex aqua & Spiritu Sancto.* ad Titum 3. *Saluos nos fecit per lavacrum regenerationis & renovationis Spiritus Sancti.* ex his duobus modis Gregor. Nazianz. 1. arguit contra Macedonianos, Si Spiritus Sanctus non est Deus adorandus, quomodo deum per Baptisma efficit? ac si dicat eius invocatione sanctificor & efficior Deus participatione sanctitatis; ergo ille est Deus adorandus, quia solus Deus est qui sanctificat & delet peccata. Hoc docent Concilia esse de fide contra Nestorianos, quos secuti sunt communiter Græci, qui etsi fateantur Spiritum Sanctum à Patre procedere, eumque esse verè Deum Patri ac Filio consubstantialem, negant tamen pertinaciter eum procedere à Filio; Nam illa sic definierunt in Græcia, Ephesinum, sub Constantino & sequentia usque ad Nicænū secundum, in quo Symbolum Nicænū fuit approbatum lectūque hoc modo, *Qui à Patre, & additur, Filioque procedit.* Item Concilia Latina, cui etiam interfuerunt Græci, & consentientibus omnibus cantatum est Symbolum cum additione *Filioque.* Lateran. sub Innocent. III. Lugdunen. sub Gregor. X. ubi cantatum est Symbolum ter Græcè & ter Latine cum illa declaratione, & in Florent. ubi idem quod in præcedentibus definitum fuit. Athan. hoc expressissimè habet in suo Symbolo. Nota hanc additionem factam in septimo Concilio Generali Nicæno, scilicet secundo sub Adriano Papa, quodd autem licita fuerit hæc additio, patet ex determinatione Florentini & rationibus, quia Ecclesia damnare debet hære-

ses, est autem hæresis dicere Spiritum Sanctum à solo Patre procedere; ergo cum aliqui eo tempore (Nestoriani scilicet quos Theodoret. imò & Damascen. & Theophil. secuti sunt) illam hæresim docuerint, necesse fuit occurrere & docere Spiritum Sanctum procedere à Patre & Filio, nec obstat quodd hæc additio facta fuerit sine consensu Græcorum, quia Pontifex Romanus præest toti Ecclesiæ independentè à quocumque; ergo potest definire res fidei, quando necesse est, etiamsi non omnes adsint; illa autem determinatio Ecclesiæ est maxima autoritas & convincens argumentum, ut ponit Augustinus contra Epistolam fundamenti.

Probatur rationibus. Prima, quia Pater prius modo nostro intelligendi, imò & à parte rei generat Filium quàm Spiritum Sanctum in primo instanti naturæ spirat, cum prior sit actus intellectus quàm voluntatis; in illo ergo priori Filius est genitus, & habet sibi communicatam à Patre actiuam potentiam spirandi; ergo simul cum Patre spirat Spiritum Sanctum, cum spirare non sit liberum, sed necessarium ac naturale. Secunda, habens principium productiuum perfectum priusquam intelligatur habere terminum seu productum adæquatam potest illo principio producere si non dependeat & si est necesse esse, necessariò producit, sed Filius habet principium productiuum Spiritus Sancti, priusquam intelligatur poni productus & non dependet; ergo producit Spiritum S. Minor patet; nam spiratio præsupponit aliquo modo generationem; in illo autem priori communicatur Filio omnis perfectio absoluta sicuti & voluntas secunda, quæ est principium Spiritus Sancti; probatur assumptum. Pater generando communicat Filio omnia præter esse Patrem, ex Ioan. 16. *Omnia quæ habet Pater mea sunt.* & 7. *Omnia mea tua sunt;* sed voluntas est perfectio diuina & non est proprietas Patris, quia non pertinet ad paternitatem; ergo illam communicavit Filio eandem priusquam spiraret Spiritum Sanctum, quia generatio præcedit spirationem. hæc ergo in utroque est principium Spiritus Sancti.

Dices, non est audendum, ait Dionys. 1. de nominibus diuinis, dicere aliquid de substantiali diuinitate præter ea quæ diuinitus nobis ex sacris eloquiis sunt expressa, sed Scriptura non exprimit, quodd à Filio, sed quodd à Patre, Ioan. 15. *Spiritu veritatis qui à Patre procedit.* Respondeo, nō licere quodd Scriptura non dicit vel per verba vel per sensum, secundo autem modo inuenitur, Ioan. scilicet 16. Tum Christum descendisse ad inferna est articulus fidei, & tamen non est expressus in Euangelio.

Dices, aut Pater sufficienter spirat, aut insufficienter, non primum; ergo secundum, & sic Filius non producit, quia vanum est fieri per plura quod potest per pauciora; Tum Spiritus Sanctus est vnus; ergo vnum habet principium, non duo, & vna spiratione procedit non duabus, ergo non à Patre & Filio sed à solo Patre.

Respondeo, quodd Pater sufficienter producit & Filius similiter, non duabus productionibus sed vnica tantum & vnico principio, voluntate

voluntate scilicet secunda vna numero in Patre & Filio, quare corrumpit tertia ratio cum vnicum sit principium vnius producti, ad quam tamen negaretur consequentia, non enim sequitur, mundus hic est vnus; ergo vnum habet principium; ergo non procedit à tribus personis, sed ab vna: ratio est, quia licet Pater, Filius & Spiritus Sanctus sint tres personæ, sunt tamen vnum principium producendi & vna actione creant, quia vnam essentiam & vnam omnipotentiam habent; eodem ergo modo licet Pater & Filius sint duæ personæ & duo spirantes, sunt tamen vnum principium Spiritus Sancti & spirant vna spiratione, quia habent vnam potentiam spiratiuam.

Instabis: sicut est in imagine creata, ita & in increata, sed in creata nobis scilicet amor non procedit à Verbo; ergo nec in Deo.

Respondeo non esse simile, quia in creatis non communicatur Verbo secunditas voluntatis, in diuinis autem propter infinitatem sit communicatio Verbo.

Instabis: si spiratio passiva est propria vni personæ; ergo & actiua: probatur consequentia, quia quælibet istarum relationum est æquè perfecta & æquè incommunicabilis, tum nil omnino simplex est à pluribus producibile, aliàs esset maior simplicitas in principiatio quàm in principio, sed Spiritus Sanctus est omnino simplex; ergo non à pluribus suppositis producibilis.

Respondeo negando consequentiam, quia natura diuina non potest pluribus productionibus haberi in vna persona, tamen vna persona potest communicare pluribus productionibus naturam.

Dices, intellectus in Filio non est minoris perfectionis quàm voluntas, sed per intellectum Filius non producit; ergo nec per voluntatem.

Respondeo, quia intellectus vt communicatur Filio habet adæquatum terminum; idè non producit in eo; voluntas verò vt communicatur non habet, quia est ordo in actibus primis perfectis vt qualem inter se habent, habeant & in eliciendo suos actus.

QVÆSTIO XXXIV.

An Pater & Filius spirent in quantum sunt vnum vel in quantum sunt duo supposita.

Certum est inter Catholicos, in Patre & Filio esse vnam virtutem spiratiuam; nam in Concilio Lugdunensi & Florentino definitum est, Spiritum Sanctum procedere à Patre & Filio tanquam ab vno principio, & habetur in 6. decretal. de fide Catholica. vbi Gregor. X. sic ait: *Fatemur quod Spiritus Sanctus eternaliter ex Patre Filioque, non tanquam à duobus principiis, sed tanquam ex vno principio, vnaque spiratione procedis.*

Pater autem & Filius spirant voluntate in quantum vna omnino, quia voluntas quæ est principium quo non est distincta, sed vna numero in duabus personis, nec illæ personæ spi-

rant illa voluntate quatenus aliquam distinet, quæ voluntas vt in Patre antequam generet Filium non intelligitur habere terminum adæquatum, sed ante ordinem originis intelligitur in Patre & Filio vna numero & vt principium productiuum respectu Spiritus Sancti; Voluntas autem hæc habet essentiam diuinam pro obiecto, & sic est productiua termini sibi adæquati amoris scilicet infiniti qui est Spiritus Sanctus. Secundò probatur hæc resolutio; principium productiuum Spiritus Sancti est voluntas quædam infinita; ergo vna solum est in essentia diuina; cum ergo vna infinita voluntas sit in Patre & Filio, erit necessariò illamet, quæ est in Patre; illamet, inquam, numero, & cum vt in Patre non præintelligatur habere terminum productum, sequitur vt in Patre & Filio vna necessariò sit principium productiuum Spiritus Sancti. Tertiò probatur, si essent plures virtutes spirandi, aut essent partiales aut totales; partiales ita vt quod vna non esset sufficiens principium, sed illa vnita vel ambæ collectæ essent sufficiens principium, hoc non potest dici; quia in quolibet instanti originis intelligimus esse principium completum & sufficiens ad producendum, quod non esset verum, si tales virtutes essent partiales; nam in primo instanti originis intelligerem virtutem spirandi Patris & nondum virtutem spirandi Filij; ergo primam imperfectam & insufficientem; Si totales; ergo duo spiratores; nam ad multiplicationem substantiui nil amplius requiritur, quàm vt multipliciter formæ & supposita.

An voluntas sit principium Spiritus Sancti. Resolutio pendet ex dictis suprâ, quod processiones non sunt immediatè à natura; hic ergo dicimus voluntatem diuinam communicare essentiam diuinam; quod sic probatur voluntas diuina producit terminum sibi adæquatum; ergo producit productum infinitum, sed omne quod est formaliter infinitum, est essentia diuina per idemnitatem; ergo voluntas diuina communicat suo producto essentiam diuinam: Voluntas ergo diuina est principium Spiritus Sancti; nam vt dicit August. *Spiritus Sanctus exiit à Patre & Filio, non quomodo natus sed quomodo datus; sed exire per modum dati siue doni pertinet ad actum voluntatis, cuius est liberè donare.*

QVÆRIT, quis sit terminus spirationis actiue, an essentia vel relatio passiva siue persona Spiritus Sancti.

Respondeo, quod hoc posset elici ex dictis de generatione Filij; dico autem essentiam esse terminum formalem & primum secundum ordinem naturæ spirationis actiue; Terminus verò primus adæquationis & quasi totalis est Spiritus Sanctus, omnia verò reliqua quæ formaliter consequuntur ad essentiam aut ad personam sunt termini secundarij. Primum patet, quia essentia est prior in essendo; ergo & in communicando. Secundum patet, quia terminus adæquatus voluntatis secundæ, quæ est principium spiratiuam, est amor spiratus; ergo terminus adæquatus spirationis actiue est ipsa persona quæ procedit per modum amoris & propriè dicitur amor spiratus. Tertium patet, quia Spiritus Sanctus non totam habet essentiam à Patre & Filio, sed etiam

quicquid habet, vt dicit Augustinus, intelligendum ergo est quod spiratio actiua primò primitate nature terminatur ad essentiam, secundò ad attributa quasi ad passionem termini primarij, tertio ad proprietatem personalem, sicut productio naturalis ad hæcitatatem, quartò ad relationes communes, quæ præsupponunt distinctionem personalem vt sunt æqualitas, similitudo, &c. eo enim ordine aliqua sunt quo communicantur.

Conclusio. Voluntas præcisè sumpta secus essentia non potest esse principium sufficiens seu totale productionis Spiritus Sancti, quia principium totale productionis non potest esse posterius termino formali eius, sed voluntas est posterior essentia, quæ est terminus formalis spirationis actiue.

Dico etiam voluntatem diuinam habentem essentiam pro obiecto, esse principium sufficiens productiuum Spiritus Sancti; patet, quia voluntas creata habens obiectum sibi conueniens præsentatum est sufficienter productiua amoris sibi proportionati; ergo & voluntas diuina habens essentiam per modum obiecti est sufficiens principium productiuum termini sibi adæquati scilicet amoris spirati infiniti, qui est ipse Spiritus Sanctus: & si dicatur quod essentia habet iam terminum adæquatum in productione Verbi.

Respondeo, quod verum est quantum ad vim dictiuiam, non autem quantum ad spiratiuiam, sicuti & ipsa voluntas habet terminum adæquatum in productione Spiritus Sancti quantum ad vim spiratiuiam, sed non quantum ad vim factiuiam per quam producit creaturas.

Dices contra primam conclusionem, voluntas est potentia operatiua; ergo non productiua; patet consequentia; quia operatio est actus immanens. Respondeo, negando consequentiam; nam est vtrumque. Instabis, diuersi modi prædicandi non conueniunt eidem potentie, sed prædicare contingenter & necessariò sunt diuersi modi; ergo cum voluntas diuina contingenter producat creaturas, videtur quod non necessariò producat Spiritum Sanctum. Respondeo, quod maior est vera de modis repugnantibus ad inuicem, sicut prædicare naturaliter & liberè; ad minorem dicitur quod necessariò & contingenter in voluntate diuina non sunt modi repugnantes, quia attenduntur in ordine ad diuersa obiecta, necessitas in ordine ad obiectum infinitum quod est persona Spiritus Sancti, contingentia in ordine ad obiectum finitum, quod est creatura.

Instabis, impossibile est idem distinctis productionibus communicari, sic enim communicaretur aliqua productione qua non existente tamen esset; sed essentia diuina totaliter communicatur per generationem; ergo non communicatur per voluntatis spirationem.

Respondeo maiorem esse veram, vbi illud quod communicatur habet esse simpliciter per productionem, vt anima in creatione hominis, non autem vbi accipit tantum esse secundum quid aut quasi sicut in resurrectione.

Dices, essentia diuina non potest esse terminus spirationis actiue; ergo non communicatur per voluntatem spirantem. Antecedens patet; quia vel esset terminus spirationis vt est in persona vel ipsa secundum se: non primum, quia essentia vt est in persona est posterior spiratione, non secundum, quia essentia secundum se est indistincta & communis tribus; ergo essentia in tribus personis terminaret spirationem; negatur antecedens, & ad probationem dicendum, quod essentia diuina secundum se terminat, productionem, & cum dicitur indistinctam esse secundum se & communem: Respondeo verum esse; & cum infertur; ergo ipsa in tribus personis terminat. Respondet Niise, quod ipsa essentia quæ semper est in tribus personis, semper terminat productionem, sed non vt est in personis: coincidit hæc difficultas cum ea, quam mouit Scotus, an Filius generetur de substantia Patris, respondet enim quod licet essentia comparata secundum se relationi sit prior, relatiuè tamen considerata vt communicata per productionem, non est prior relatiuè sed simul, ita quod nec relationem essentia præcedit, nec relatio essentiam, quia terminus adæquatus productus, qui est suppositum includit essentiam & relationem simul.

Instabis contra voluntatis productionem. Voluntas creaturæ non est principium communicandi naturam creatam; ergo nec diuina diuinam.

Respondeo, quod intellectus & voluntas non communicant naturam in quantum intellectus & voluntas, sed in quantum natura; ad cuius intelligentiam, nota naturam diuinam dici quadrupliciter, vno modo natura id est essentia, in qua tres personæ existunt; secundo dicitur natura principium actiuum naturale cui competit assimilare, & sic dicitur essentialiter contractum ad notionale; tertio modo dicitur quælibet vis naturalis existens in natura primo modo dicta; quarto modo dicitur natura incommutabilis necessitas ordinata ad aliquem actum. Intellectus & voluntas in quantum natura tertio modo dicta communicant essentiam, vel vt ait Scotus, voluntas & intellectus vt infiniti, quæ infinitas est proprius modus intellectus & voluntatis, ideo producant terminum adæquatum, qui est infinitus & ipsemet Deus.

Dices, quod repugnat alicui secundum suam rationem absolutam non competit sibi propter infinitatem, quia infinitas non dat actiuitatem alicuius alterius virtutis, sed dat intensionem in se. Sed voluntati repugnat communicare naturam, quia tunc competeret creaturæ.

Respondeo hoc competere eis, quatenus sunt in natura diuina quæ vt intellectus recipit naturalitatem & vim communicandi naturam diuinam; est enim illi annexa & ex hac connexionem & assistentia nature diuinæ voluntas accipit vim communicandi naturam & necessitatem immutabilitatis producendi Spiritum Sanctum.

Quomodo Spiritus Sanctus producitur à Patre & Filio. Nota voluntatem producere Spiritum Sanctum posse intelligi duobus modis: vno

vno quoddam voluntas ut voluntas & ut actus primus producat, alio modo quoddam voluntas non præcisè ut voluntas, sed ut actu volens sed voluntas simul cum actu secundo nempe volitione sit principium productivum Spiritus Sancti. Scotus tenet primo modo, D. Thom. secundo, quia dum ij dicunt voluntatem producere Spiritum Sanctum, ut est in duobus suppositis quæ se invicem diligunt & mutua hac dilectione produci Spiritum Sanctum manifestè sequitur eos asserere Spiritum Sanctum produci non solum per voluntatem ut est actus primus, sed etiam per actum secundum, nempe velle, quia Pater volitione vult Filium, & Filius volitione vult Patrem, hic autem mutuos amor est actus secundus voluntatis. Scotus autem probat suam sententiam nempe voluntatem spirare quatenus voluntas est & ut actus primus, non quatenus est volens neque quatenus habet actum secundum; Ex hoc verò sequitur falsum esse ad productionem Spiritus Sancti necessarium requiri duo supposita, quia voluntas ut voluntas & ut actus primus præcedit supposita & abstrahit ab illis, unde prior origine est voluntas ut actus primus quam ut actu volens, idè illi in quantum est productiva accedit ut sit in unico vel duobus suppositis: Prima ratio sumitur ex ratione formali voluntatis in principiando: Secunda à simili de intellectu: Prima hæc est; ratio formalis principiandi seu producendi in voluntate est ut sit libera, at quatenus est sub actu secundo non est liberum principium; ergo voluntas non est principium quatenus est sub actu secundo; ergo neque est principium productivum Spiritus Sancti quatenus est sub actu secundo: Maior probatur; quia voluntas ut est in nobis est principium liberum & essentialiter est tale: Minor probatur; quia actus secundus ipsa scilicet volitio seu actus volendi est qualitas quædam naturalis quæ non liberè agit sed naturaliter sicut albedo & nigredo, &c. Ergo voluntas quatenus est sub actu secundo non est principium agendi liberum, & hinc est quod ex actibus istis naturaliter generatur habitus; si ergo voluntas mediante actu secundo eliceret & produceret aliquid, non produceret liberè sed naturaliter, sicuti si voluntas mediante albedine produceret aliquem actum, non produceret eum liberè sed naturaliter: consequentia secunda est evidens: secunda ratio à simili est. Verbum non producitur intellectu paterno, quatenus est actu intelligens, ita quoddam actualis intellectio Patris sit ratio formalis per quam Pater generat; ergo à simili voluntas ut actu volens non est principium productivum Spiritus Sancti sed ut actus primus, ut hæc clariùs innotescant queritur.

Q V Æ S T I O XXXV.

An Spiritus Sanctus ex intrinseca ratione requirat esse à duobus suppositis.

Scotus negat in 1. distinct. 12. probatque: Quia quotiescumque principium alicuius operationis est perfectè in vno tale potest operari in Professionem Fidei.

rari, quia ad actionem non videtur requiri nisi principium perfectum quo & quod scilicet suppositum agens perfectum, sed voluntas æquè perfecta est in vno supposito quam in duobus, & vnum suppositum æquè perfectum est perfectione requisita ad suppositum agens sicut in duobus; ergo voluntas æquè potest esse principium producendi in vno sicut in duobus. Confirmat, quia principium quo, non recipit aliquam perfectionem à principio quod, sed bene principium quod habet suam perfectionem à principio quo ad agendum; non ergo ad hoc ut tale principium agat requirit esse in duobus, sed tantum tale principium quo est in duobus; quia generatio per intellectum præintelligitur inspirationi & in illo priori communicatur Filio secunda voluntas quæ est inspirationis principium. Secundò si in Patre non esset sufficiens principium ad producendum & ad hoc ut produceret requireretur ut talis virtus esset in Filio, sequeretur aliquid esse in Filio, quod non est ei communicatum à Patre scilicet illa totalis virtus spirandi. Tertio Pater habet omnem realitatem tam absolutam quam relativam à se in primo signo originis; nullam ergo habet à Filio genito, quam non intelligatur habere prius origine quam Filius generetur, quare & illam habet fecunditatem, siue ut ponatur relatio vel quid absolutum.

Thomistæ contendunt Spiritum Sanctum secundum personalem seu characteristicam suam proprietatem necessariò requirere ut sit à duobus personis, ita ut si esset tantum à Patre, non esset eadem persona Spiritus Sancti secundum eandem personalem proprietatem. Probant sic; Spiritus Sanctus dicitur à Patribus nexus Patris & Filij; & Richardus Victor. ait Spiritum Sanctum procedere ex amore mutuo & reciproco, ita quod Pater impendat amorem, Filius verò rependat; dum enim Pater diligit Filium, Filius est obiectum dilectionis Patris, & dum Filius rependit amorem Patri, obiectum dilectionis Filij est Pater: itaque illa duo supposita sunt duo obiecta & duo principia quod. Confirmatur ratione Richard. 3. de Trinitate & alibi, ubi asserit Verbum produci ab unica persona, quoniam intellectus potest habere perfectam fecunditatem ad productionem Verbi, ut existit in vna persona sola; ac voluntas non potest habere istam fecunditatem ad producendum Spiritum Sanctum, nisi sit in gemina persona; ratio est, quia intellectus consistit in plenitudine & perfectissima sapientia, quæ secundum modum naturæ suæ potest esse in unica persona, ac fecunditas voluntatis consistit in plenitudine amoris perfectissimi & iucundissimi; amor autem non potest esse iucundus & perfectus, nisi sit mutuos; ita ut sit qui impendat amorem & qui rependat ad mutuum; ergo amor requirit aliquam distinctionem in producentibus ex formali ratione amoris mutui, non solum ratione suppositorum sed ratione ipsius principij quo producunt.

Respondeo, Spiritum Sanctum esse nexum, quia est commune productum ab utroque, nam ut ait Augustinus, Spiritus Sanctus est communis unio Patris & Filij, notum est autem commune unio, nisi quia est commune productum;

fallum, ergo est, Spiritum Sanctum esse verum, quia procedat ab illis ut distinctis, & per actuale dilectionem; imò cum sit commune productum necesse est quoddam procedat ab illis in quantum sunt unum producent, non in quantum sunt distincti; unde quoddam Spiritus Sanctus sit mutus amor, non est propositio Sanctorum Patrum, sed Richardi, eaque facta, nisi interpretetur ut supra, voluntate scilicet qua Pater & Filius ut actu primo apti nati sunt se mutuo diligere & producere Spiritum Sanctum.

Instabis, amor per quem Spiritus Sanctus producit praeponit necessarium productionem per intellectum; ergo processio Spiritus Sancti supponit generationem Verbi & sic Spiritus Sanctus procedit à Patre & Filio.

Respondet Scotus, quando in aliquo sunt duo principia ordinata activa, illud non est in proxima potentia ad agendum principio secundo nisi praeintelligatur in actu primi principij; unde Pater non est omnino fecundus ad spirandum potentia propinqua quod est actus voluntatis ut principij primo, nisi intelligatur in actu principij prioris quod est intellectus, & per consequens voluntas non est principium proximum, nisi ut est in duobus, non tamen est alia aut maior fecunditas in duobus quam in uno, sed eadem in producente & producto, & addit quoddam si per impossibile primum principium non esset fecundum, adhuc voluntas posset esse fecunda in uno.

Instabis, Spiritus Sanctus necessario procedit à Patre & Filio, ut definitum est contra Graecos; ergo sequitur etiam necessario Spiritum Sanctum esse ab eis in quantum tales; ergo in quantum plures. Prima consequentia probatur, quia Spiritus Sanctus ex vi suae proprietatis dicitur habitudine relationis ad Patrem & Filium, non tanquam ad aliquid subsistens commune Patri & Filio, sed ad illos, ut constitutos propriis relationibus. Secunda verò consequentia patet, quia Pater & Filius, ut constituti propriis relationibus, sunt plures personae & distinctae; adde quoddam spirare est actio personalis non essentialis; ergo convenit Patri & Filio ut sunt personae, ut sic autem sunt distinctae; ergo producit ab illis necessarium ut sunt plures personae & distinctae.

Respondet, illud necessario, posse habere duplicem sensum in antecedente, primus est quia Spiritus S. necessario procedat à duobus, et quoddam ex nativa proprietate non possit esse nisi à duobus mutua actuali dilectione se diligantibus, ut Thomistae dicunt, & hoc modo nego Spiritum Sanctum necessario produci à duobus, & nego sub hac ratione definitum esse à Conciliis Spiritum Sanctum procedere à Patre & Filio. Alius sensus est, quoddam Spiritus Sanctus necessario est à duobus, quia producit per principium, quod est necessario in duobus antequam producat Spiritus Sanctus, & hic sensus est verus; at ex hoc non sequitur Spiritum Sanctum ex vi sua & ratione requirere ut sit à duobus distinctis quia si principium illud esset solum in Patre, adhuc posset spirare eo modo Spiritum Sanctum quo nunc est. Ad probationem illius consequentiae, dico eam tantum concludere Spiritum Sanctum nunc dicere relationem ad duas per-

sonas de facto non necessitate intrinseca sed extrinseca, quia de facto illud principium est in duobus suppositis antequam exeat in actum spirationis, quia Pater producit Filium & communicat illud principium ante productionem Spiritus Sancti.

Instabis: Spiritus Sanctus est tertia persona Trinitatis; ergo necessario procedit à duobus; ergo ex vi suae proprietatis; probatur, quia distinctio personalis est ex oppositione relativa, at si non procederet à duobus sed ab una, vel ab illis ut ab una, sequeretur non esse personam oppositam relative ambabus, & sic non esset tertia persona distincta ab illis.

Respondet, distinctionem personalem in divinis non esse praecise ex relatione ut opposita, sed ut est hoc est, idem etiam ut disparata potest distinguere, idem in illo casu distingueretur ab una relative, ab altera disparate.

Quaeritur hic, quomodo Pater & Filius diligant se Spiritu Sancto, sed supra dictum, quoddam Spiritus S. habet duplicem relationem ad Patrem & Filium, originis, quae est ratio spirati, & mutua est, & relationem rationis, quae est innominata & proportionaliter respondet declaratio Verbi, sicut enim Verbum est declaratio Patris, & omnium rerum quae sunt in Patre, ita Spiritus Sanctus ex vi processionis suae est amor omnis rei amabilis, non quidem proprii, nam nulla persona includit in sua proprietate relationem ad creaturas, sed appropriatam, & ita potest dici dilectio omnium rerum Patris & Filij, & sicut notavi, quoddam dicere capiebatur pro actu essentiali, & pro notionali, & pro declarare formaliter à declarando principiatiue, ita diligere potest capi pro actu essentiali, quo unaquaeque persona se & essentiam diligit, & pro notionali, qui est idem quoddam spirare, & tertio pro dilectione omnis diligibilis non formaliter sed productiue, & ita propositio prima vera sic erat Pater & Verbum producent Spiritum, qui est amor, & dilectio Patris & Filij, ad quem sequitur relationis dilectionis creaturarum.

QUESTIO XXXVI.

An si Spiritus Sanctus non procederet à Filio, distingueretur ab eo realiter.

Certum est quoddam Filius distinguitur à Spiritu Sancto per relationem, nam spiratio activa, quae est in Filio, opposita est passiva, quae est persona Spiritus Sancti, qui per actum producit, & de facto non datur distinctio realis in divinis, nisi inter ea quae relative opponuntur, in hoc conveniunt Theologi, & expresse habetur in Concilio Florentino, & apud Anselmum lib. de processione Spiritus Sancti cap. 2. ubi dicit omnia esse unum ubi non obviat relationis oppositio, & apud Boetium 1. de Trinit. cap. 12. sola relatio multiplicat Trinitatem.

Scotus tenet quoddam non solum per spirationem activam Filius distinguitur à Spiritu Sancto; sed etiam per filiationem, nam data hypothese quoddam Spiritus Sanctus non procederet ab eo, distingueretur; quod sic probat, quicquid

quid dat alicui formaliter esse, dat ei ens formale: si ens, ergo vnum vultate conuenienti tali entitati, id est in se indistinctum & distinctum à quocumque alio; sed Filius constituitur in esse personali filiatione, nam spiratio actiua non est de ratione personali Filij, quia illa spiratio nil facit ad esse personale Filij, sed supponit in esse personali Filij; ergo filiatione distinguitur formaliter ab alia persona; ergo si Spiritus Sanctus non procederet ab eo, adhuc distingueretur. Confirmatur, vel omne quod est principium essendi est principium distinguendi, sed posito quod Spiritus Sanctus non procederet à Filio, adhuc Filius esset Filius filiatione, & Spiritus Sanctus spiratione esset Spiritus Sanctus; ergo adhuc distinguerentur filiatione & spiratione; nam aliquis habens aliquam formam per eam distinguitur ab omni non habente eam, Spiritus Sanctus non habet filiationem vt habet Filius. Secundò generatio distinguitur à spiratione, eo quod est per intellectum, & hæc per voluntatem, & sicut emanatio per intellectum non potest esse per voluntatem, ita quod emanat ab intellectu non potest esse quod emanat à voluntate, nec contra.

Notandum ergo ex Scoto quod aliqua distinguuntur realiter, vel per oppositas relationes, vel per disparatas seu diuersas, qualis est paternitas v. g. & similitudo, & tunc facta hypothesis quod Spiritus Sanctus non procederet à Filio, licet non distingueretur per relationes oppositas, scilicet spirationis actiue & passiue, distingueretur tamen per disparatas relationes; D. Thomas obicit, Personæ non distinguuntur secundum aliquod absolutum, quia sequeretur quod non esset trium vna essentia; at relationes non possunt distinguere personas nisi secundum quod sunt oppositæ, quod probatur, quia Pater habet duas relationes, scilicet paternitatem & spirationem actiuam, quæ tamen quia non sunt oppositæ non constituunt duas personas, sed pertinent ad vnā tantum, ita si Filius non haberet in se relationem oppositam Spiritui Sancto, & similiter si Spiritus Sanctus non haberet oppositam Filio, non essent duæ personæ realiter distinctæ, sed vna habens duas relationes oppositas duabus relationibus, scilicet Filius filiationem quæ oppositur Paternitati, & Spiritus Sanctus spirationem passiua, quæ opponitur spirationi actiue, & ita Filius & Spiritus Sanctus non essent duæ personæ distinctæ realiter, sed vna habens duas relationes. Dicere verò quod Filius & Spiritus Sanctus non sint duæ personæ realiter distinctæ est hæreticum, quia fidem tollit Trinitatis; ergo à primo ad vltimum si Filius non spiraret Spiritum Sanctum, non distingueretur realiter à Spiritu Sancto.

Respondeo concedendo, quod personæ non distinguuntur per absolutum sed per relationem. Negatur tamen, quod relatio non possit distinguere nisi vt opposita, dicimus enim quod distinguit secundum suum esse formale, vt est vnum ens, & de se hæc, non vt opposita, ex eo enim quod filiatio est vnum ens & de se hæc, dum constituit facit constitutum esse vnum in esse personali, quod consequenter est distinctum ab opposito, non quia sint opposita, sed quia oppositum est vnum ens diuersum, & si-

militer à disparato, quia illud disparatum est aliud vnum ens diuersum.

Ad probationem cum dicitur, quia tunc cum Pater habeat duas relationes disparatas esset duæ personæ.

Respondeo negando consequentiam, quia consequentia valet solum quando relationes disparatæ sunt constitutivæ, spiratio autem actiua non est de numero relationum quæ sunt constitutivæ: Præterea ait Scotus, ratio propter quam relationes actiue non constituunt, tamen passiue constituunt, non est oppositio relatiua, quia tunc Filius bis constitueretur in esse; refertur enim bis relatiue ad Patrem per filiationem, & ad Spiritum Sanctum per spirationem actiuam; ergo si relationes actiue vt oppositæ constituunt, Filius esset duæ personæ distinctæ realiter, sed vera ratio est, quia non est tanta distinctio & impossibilitas relationum actiuarum in principis, quanta passiuarum in principis.

Dices, relatio aut distinguit secundum esse, aut secundum quidditatem, non secundum esse, quia sic transit in essentiam; ergo secundum quidditatem, sed secundum illam respicit tantum oppositum; ergo tantum distinguit ab opposito, sed si Spiritus Sanctus non procederet à Filio, non haberet relationes oppositas.

Respondeo, quod duplex est esse in relatione, aliud est esse reale, & aliud formale, esse autem formale relationis, & quidditas relationis, hinc esse quidditatum relationis sunt idem, concedo quod relatio secundum esse reale transit in essentiam diuinam, quia relatio & essentia non distinguuntur realiter, sed secundum esse formale manet distincta, & secundum hoc constituit & distinguit non solum à relatione opposita sed etiam disparata.

Instabis quando aliqua conueniunt in aliquo communi, & differunt, oportet quod differant per proprias differentias, Filius & Spiritus Sanctus conueniunt in essentia & differunt per differentias proprias, sed istæ sunt relationes originis; ergo si non est origo in eis, consequenter nec distinctio.

Respondeo, Filium & Spiritum Sanctum distinguere per differentias proprias, sed hæc non sunt relationes originis oppositæ, sed relationes disparatæ.

Dices etiam Boëtio, relatio multiplicat Trinitatem, concedo, non tamen sequitur quod solum in ratione opposita, sed multiplicat per suam rationem & esse formale, quod est quod sit vna & de se hæc, & idem distinguit nedum ab opposito, sed etiam à disparato, cui non est formaliter idem; exemplum habet Scotus. Albedo non solum distinguit ab opposita qualitate vt à nigredine, sed etiam à disparata vt ab odore & dulcedine, quia albedo formaliter non est dulcedo; ergo habent esse formale diuersum, idem distinguunt licet non sint oppositæ.

Dices, esto relationes distinguant secundum suum esse formale, sed ratio formalis relationis est esse ad aliud; ergo ex oppositione.

Respondeo, quod ratio formalis in communi, est esse ad aliud, sed cum hoc stat quod distinguit secundum esse disparatum, quia relatio dum constituit in esse relatio facit ens unum, quod consequenter est distinctum à quocumque alio ente, medium opposito, sed disparato, per hoc respondetur ad axioma, omnia sunt unum, vbi, &c. quod intelligitur de oppositione relationis absolute, non ut opposita est, neque ut disparata: & nota non dicere relatiua oppositionem sed relationis; at dum ait relationis oppositionem, relinquit nos liberos quoad modum quo relatio distinguit; dicimus autem quod vnaquæque relatio distinguit personaliter quia est de se hæc.

Q V Æ S T I O XXXVII.

An Processio Spiritus Sancti sit generatio.

Conueniunt omnes Theologi Spiritum Sanctum non esse Filium, neque processionem eius esse generationem, quod ex Ioan. 1. habetur & 4. vbi *Ingenitum dicitur Filius*, consequenter Spiritus Sanctus non est Filius; quod & Concilium Nicænum fatetur, nec Scriptura vnquam vocat Spiritum Sanctum natum aut genitum, sed procedentem, amorem, donum, ex quo elicitur productionem eius esse diuersam à productione Filij, sed difficultas est, quia naturaliter Spiritus Sanctus procedit viuens à viuente in similitudinem naturæ specificæ, vt ex Aristot. 2. de anima text. 3. 4. definitur filatio; Discrimen istud occultissime scribis Magister sentent. & August. lib. 3. contra Maximin. cap. 14. respondet se nescire inter illam generationem & hanc processionem distinguere; Scotus dist. 13. tenet Verbum dici & esse verè Filium, quia eius processio est per modum naturæ, & naturaliter producit, & hinc eius processio est generatio, quia est processio naturalis; Spiritus Sanctus verò non est Filius quia producit libere licet necessariò, non naturaliter, ideoque eius processio non est generatio; ratio autem cur productio Filij est naturalis, est, quia habitudo quæ est inter Patrem & Filium, quorum vnus est producens, alter verò productus, est naturalis, quia producit principio naturaliter inclinato ad agendum nimirum per intellectum; Spiritus S. verò quia producit libere licet necessariò non naturaliter, ideo habitudo, quæ est inter Patrem & Filium ad Spiritum Sanctum, non est naturalis quia Pater & Filius non spirant principio naturaliter inclinato ad agendum, sed libere, quod autem Spiritus Sanctus sit similis non habet ex vi productionis, sed ex infinitate essentia & inobliquitate diuinæ voluntatis: nec dicis omnis productio in esse substantiali est generatio, sed Spiritus Sancti est talis.

Respondeo maiorem veram de productione, quæ est per modum naturæ, non de illa quæ est per modum voluntatis. Dicendum secundum aliquos Spiritus Sancti productionem non esse generationem, quia etsi procedat in natura vt similis suo principio, non tamen procedit vt imago; nam nec amor amantis, nec

obiecti amari imago est. Non placet; nam ad generationem sufficit ex communi sentent. processio viuens à viuente in similitudinem naturæ, nec requiritur talis similitudo quæ pertingat ad rationem imaginis.

Veram huius rei causam puto, quia illud discrimen est inter intellectum & voluntatem, quod intellectus ex se sub præcisa ratione intellectus producit obiecti similitudinem, adeoque infinite perfectam, si sit infinite perfectus; At voluntas in ratione voluntatis non habet vim producendi similitudinem obiecti, sed tantum vitalem quandam propensionem in illud, quare etsi magis ac magis perficiatur ea ex propria & formalissima ratione, nunquam poterit eò perungere vt producat terminum perfectè similem obiecto, vel principio producenti; adeoque si talem producat terminum id aliunde habebit, & consequenter illius termini productio non erit vera & propriè dicta generatio, eo quod ad veram generationem requiritur vt terminus productus similis sit in natura principio producenti formaliter ex vi suæ processionis; Cum ergo Spiritus Sanctus procedat per voluntatem diuinam, mirum non est quod formaliter ex vi suæ processionis non procedat vt similis productio principio, ac proinde processio illius non sit vera generatio. Esto ex alio capite perfectam similitudinem habeat in natura cum Patre & Filio à quibus procedit. Materialiter ergo seu identicè producit similis in natura diuina, in qua nil potest produci quod cum ea non summè identificeatur, quodque proinde non sit Deus.

Dices, vel Spiritus Sanctus habet per accidens, quod procedat vt similis principio producenti, vel id habet formaliter & per se ex vi suæ processionis; prius dici non potest, sequeretur enim quod Spiritus Sanctus esset Deus per accidens; ergo secundum; ergo Spiritus Sancti processio est vera generatio.

Respondeo, non conuenire Spiritui Sancto per accidens quod procedat vt similis in natura eadem numero, neque etiam per se vt procedat per voluntatem diuinam, sed per se quatenus est processio in natura diuina.

Q V Æ S T I O XXXVIII.

An Spiritus Sanctus producat libere vel naturaliter.

Vasquez tomo 2. in proxima disput. 161. cap. 1. ait, totam controuersiam inter Scotum & D. Thomam esse in Verbo; nam cap. 2. ait, si Scotus asserit Deum Spiritum Sanctum produci libere eo quod spontaneè non violenter, non coactè, nobiscum idem sentit, si autem intelligat per libere produci à voluntate, hoc est ex vi suæ productionis non in similitudinem naturæ, sed tamen necessariò, ita vt non potuerit non produci, nil contra nos concludit.

Scotus verò dum q. quodlib. 16. ait de operationibus voluntariis, querendo num Beati libere vel naturaliter Deum diligant, concludit Spiritum S. libere quamuis necessariò produci

produci seu spirari libertate opposita naturalitati; duo sunt in hac conclusione. Primum quod liberè; secundum quod necessariò producat, istud secundum non est probandum; nam omnia quæ intra sunt in diuinis necessaria sunt, tum Deus diligit se, sed talis dilectio seu amor in diuinis est Spiritus Sanctus; ergo necessariò producit. Primum verò probatur, supponendo ex Aristotele 2. Physic. comment. 49. duplex esse agens; Agens à proposito seu liberum, & agens naturale, ex quibus Scotus ait quædam esse modum agendi naturaliter, & quædam liberè, quemdam necessariò, & quemdam contingenter, agere naturaliter opponitur agere libero, & agere necessariò opponitur agere contingenter; sed agere necessariò stare potest cum agere liberè, non enim sunt modi oppositi sed tales sunt ut conuenire possint in vno. Secundò notat ibi Scot. quid sit agens naturale & liberum, de naturali ait naturam sumi dupliciter, primò natura ut conuertitur cum ente, & tunc omne ens dicitur naturale id est habens entitatem, & sic ipsamet voluntas, quæ est agens liberum dicitur naturale ens; alio modo capitur strictè quod distinguitur contra agens liberum, & idè ex definitione vnius innotesceit aliud; Agens autem liberum est illud, quod à nullo alio determinatur; ac agens naturale est illud quod vel à remouente impedimentum vel ab approximante determinatur, & in hoc stat differentia agentis liberi & naturalis, v. g. intellectus naturaliter intelligit lapidem; sic dicitur naturaliter agere, quia sic ad agendum determinatur ab obiecto vel habitu vel à voluntate; voluntas autem est agens liberum, quia etsi præsupponat actionem intellectus & obiectum amabile, & aliquando habitum inclinantem, tamen semper voluntas est libera ad eligendum vel reiiciendum, idè ipsa liberè agit: his positis, Scotus vult probare quod quamuis agens liberum nusquam maneat cum agente naturali, posse tamen esse aliud agens circa idem obiectum & eadem ratione quod agat simul liberè & necessariò, ut in productione Spiritus Sancti quem necessariò produci fatentur omnes; probatur autem quod liberè. August. in Enchirid. cap. 14. *Sic est productum homo, ait, quod habet nolle circa infelicitatem & miseriam, sic quod non potest velle; item circa Deum homo habet velle, sic quod non potest stare nolle.* Tertio probatur ex Anselmo, quod quispiam habens actum bonum & non potens perdere illum, cum hoc simul est libertas, v. g. mori expedit & vtile est; oportet, ait Apostolus, hoc importat necessitatè; & tamen liberè potest homo mori, Tertio probatur ratione; res non potest poni nisi etiam ponatur quod est de essentia eius, sed de essentia voluntatis est libertas; minor probatur ex definitione appetitus liberi, appetitus ponitur pro genere, liber loco differentie, ergo libertas est de ratione voluntatis, secundò perfectissimus modus agendi reperitur, ubi est perfectum productum, sed Spiritus Sanctus est perfectissimum productum à voluntate, ergo perfectissimo modo, sed talis est libertas; ergo.

Dices, liberè agere est sic agere, quod quando agens agit possit non agere, ergo necessitas non stat cum libertate nec contra.

Respondeo, argumentum procedere ex ignorantia, quod est liberè & contingenter agere, unde liberè agere non est posse non agere quando agens agit, sed complacenter, eligibiliter, seu determinare se ad agendum, siue contingenter siue necessariò, & non determinari ab alio sicut agens naturale determinatur.

Dices, quod producit per voluntatem, ut est libera, est præcognitum, sed quod est præcognitum antequam sit, est creatura, quia est idealiter; ergo Spiritus Sanctus est creatura.

Respondeo, quod præcognosci ante existentiam, potest intelligi duobus modis; primo ut illud prius denotet prioritatem temporis vel naturæ, & sic maior est vera: secundo ut denotet originem, sicque nego quod præcognitum sit creatura, concedo enim quod actus intellectus est prior origine actu voluntatis, & quod Pater in priori signo intelligit se posse producere & spirare, sed hæc prioritas est originis, non durationis.

Instabis Patres locutionem libertatis in spiratione Spiritus Sancti abhorre.

Respondeo nos propriè loqui & cum authoribus, quia autem liberum sæpè comitatur contingens, idè Philosophi & Patres quandoque liberum & contingens pro eodem sumunt, sed lata est differentia, quia contingens stat cum agente naturali, & necessarium stat cum agente libero.

QVÆSTIO XXXIX.

An generare & spirare sint idem realiter in Patre.

Divus Thomas vult esse idem, & sic probat, quæcumque subsistunt, si differunt realiter, constituunt supposita distincta, sed generare & spirare subsistunt in Patre; ergo si differunt, constituunt supposita distincta realiter, quod est hæreticum: probatur minor, quia illæ relationes aut sunt inhærentes, & hoc non propter simplicitatem diuinam, aut subsistentes, & sic habetur propositum. Secundò, quæ prædicantur de se inuicem prædicatione dicente, *hoc est hoc*, non distinguuntur realiter, sed generatio actiua & spiratio actiua in Patre prædicantur de se inuicem; ergo. Tertio omnia sunt vnum in diuinis ubi non obuiat relationis oppositio ex Damasceno.

Scotus tenet distingui formaliter in Patre, & in se etiam realiter, quia generatio est in Patre tantum, spiratio est in Patre & Filio, & probat; quæ sic se habent quod vnum communicatur non communicato altero, illa non sunt omnino idem ex natura rei, sed generare non communicatur Filio, spirare verò communicatur; secundò quæ nequeunt conuenire vni & eidem respectu eiusdem personæ non sunt omnino idem ex natura rei, sed generare & spirare non conueniunt Patri realiter respectu eiusdem personæ, sed respectu diuersarum. Scotus ergo vult generare & spirare in Patre esse relationes disparatas.

Respondeo ergo ad D. Thomam glossando maiorem & veram admittendo, si subsistunt propria

propria subsistentia à se, relationes autem licet subsistant in se, non tamen propria subsistentia, sed subsistunt ex infinitate essentiae largiente eis subsistentiam.

Ad secundum nego minorem vel distinguendo, scilicet quod ibi est vera prædicatio, per idemcitatem non tamen formaliter.

Ad tertium respondeo fieri distinctionem, non tantum per relationes originis, sed & per disparatas, in Patre autem generare & spirare sunt relationes disparatæ.

QVÆRES, an Pater prius natura spiret quam Filius. Respondeo quod non, quia sunt simul natura, cum sint correlatiua, nec potest esse prioritas aut posterioritas naturæ ex parte ipsius spirationis, cum sit una & eadem in Patre & Filio, potest tamen dici quod Pater prius origine spirat, quia habet actum spirandi à se; Filius verò à Patre. Hic recolendus ordo originis & signa.

QVÆSTIO XL.

De missione diuinarum Personarum.

Missio includit duos respectus, vnum missi ad mittentem, alterum missi ad terminum; nam qui mittitur, ab aliquo mittente mittitur, & ad aliquem locum seu terminum, unde definiri potest: processio ab aliquo ad aliquem terminum; quod attinet ad priorem respectum, potest aliquis à mittente mitti tribus modis per imperium, per consilium & per originem seu processionem, priores duo important aliquam imperfectionem eius qui mittitur, nam primus subiectionem, secundus ignorantiam supponit; tertius non, quia procedere ab alio seu originari non est imperfectio. Quod attinet ad posteriorem respectum, potest quis mitti ad aliquem terminum duobus modis, ad terminum, in quo prius non erat, quo pacto homines & Angeli solent. Secundò ad terminum in quo quidem prius erat, sed tamen nouo modo incipit esse, quo pacto vna persona diuinam mittit aliam; mitti ergo nil est aliud quam vnā personam ab alia procedere, & in mundo visibiliter apparere, aut inuisibiliter operari; nec dicas, illud, quod sic mittitur, separari à mittente.

Respondeo, siquidem verum esse de missione locali, in qua fit loci mutatio, quod non accidit in missione diuinæ personæ, ista enim est sine separatione, & habet solam distinctionem originis cum habitudine ad effectum temporalem siue visibilem siue inuisibilem, quare & respectu processionis euincitur quod Pater propriè non potest mitti, & Augustinus lib. 2. de Trinitate cap. 5. notat quod nunquam legitur missus solus Pater, non enim habet de quo sit aut ex quo procedat, is equidem potest mittere Filium & Spiritum Sanctum, vt habetur Ioan. 3. *Misit Deus Filium suum & is cum uenisset Paraclitum quem Pater mittet.*

Dices, persona diuina mittitur secundum inhabitationem gratiæ, sed per gratiam tota Trinitas inhabitat in nobis, Ioan. 14. *Ad quā uenimus;* ergo quælibet mittitur.

Respondet D. Thomas, quod licet effectus gratiæ sit etiam à Patre, qui inhabitat per gratiam, sicuti Filius & Spiritus Sanctus, quia tamen non est ab alio, non dicitur missus.

Instabis: quidquid conuenit alicui personæ, conuenit omnibus præter notiones & personas, sed missio non significat aliquam personam nec notionem, cum sint tantum quinque; ergo cuilibet competit mitti.

Respondeo, quod missio in quantum importat processionem à mittente, includit in sui significatione notionem, non quidem in speciali, sed in generali, prout esse ab alio est commune duabus notionibus.

Vrgebis; omnis relatio Dei ad creaturas est communis tribus, sed missio dicit relationem ad creaturas quibus fit missio.

Respondeo, missio non dicit præcisè relationem ad creaturas, sed etiam connotat relationem æternam. Missio duplex est, visibilis & inuisibilis, tunc est inuisibilis, quando mittitur persona diuina ad sanctificandas interius animas per dona gratiæ sine aliquo sensibili signo talis aduentus: ubi nota in hac missione non tantum dona gratiæ sed ipsas etiam personas mitti, vt patet ex Scriptura quæ propriè est intelligenda, cum nihil huic sensui repugnat: Confirmatur, quia rei missæ tribuuntur effectus varij, Ioan. 14. & 15. qui non possunt oriri ab ipsis donis creatis, sed à persona diuina duntaxat vt docere, suggerere, testimonium perhibere, & similia; neque refert quod Spiritus Sanctus non incipiat esse de nouo in anima, quæ iustificatur, sufficit enim quod si per impossibile in ea non esset per suam realem præsentiam in puncto iustificationis, ei se realiter præsentem exhiberet; ratio verò cur missio inuisibilis non fiat aliter quam per gratiam sanctificantem, est, quia tunc persona diuina dicitur mitti inuisibiliter hominibus, quando nouo modo incipit esse in illis, sed per solam gratiam sanctificantem incipit esse nouo modo in hominibus; unde missio inuisibilis fit ad omnes participes gratiæ; ad Christum autem facta est inuisibilis missio in principio suæ conceptionis, non autem postea, eo quod in eo instanti fuit repletus gratia; quæ nunquam deinceps aucta fuit; missio autem Spiritus Sancti ad Christum in Iordane non fuit signum inuisibilis tunc factæ, sed alias in puncto Incarnationis; non enim necesse est vt eodem semper tempore sit missio visibilis, quo inuisibilis, sed satis est vt missio visibilis sit signum vel conferri gratiam de facto, vel iam ante collatam fuisse, sicque missus Spiritus Sanctus ad Christum indicauit plenitudinem gratiæ eius in conceptu Spiritus Sanctus ergo fuit signum inuisibilis missionis factæ in conceptu.

Missio visibilis duobus modis contingere potest, primo quādo fit cum aliquo signo sensibili, in quo representatur diuina persona, non vt operans tantum sed vt inhabitans, nec solum vt inhabitans, sed etiam emanans, & vt dicit Bonauent. quasi de aliq. ueniens, quo pacto Spiritus Sanctus, descendit in specie columbe super Christum, & in specie linguarum ignis super Apostolos. Et secundo modo quando illius missionis terminus temporalis est aliquid sensibile, quo pacto Filius in carne humana missus est in mundum, hæc autem missio est

est præstantissima, quæ non ad repræsentandum instituta est, sicut visibilis missio Spiritus Sancti, sed ad subsistendum in natura humana.

Nota, Spiritum Sanctum quater missum visibiliter, primò in specie columbæ, quando Christus baptizabatur, columba enim cum sit animal secundum, optimè significabat Christum fore secundum spiritali generatione, quæ fit per Baptismum, quem venerat introducere. Secundò in specie nubis lucidæ, quando Christus transfigurabatur ad demonstrandam ipsius maiestatem, & diuinitatem; nam ex multis Scripturæ locis patet solitam ostendi maiestatem diuinam in nube. Tertiò sub specie flatus, quando Apostoli acceperunt potestatem remittendi peccata. Ioan. 20. Quartò sub specie linguarum ignearum, quando acceperunt donum loquendi variis linguis ad conuertendum totum mundum; debuit autem Spiritus Sanctus mitti tempore quo Ecclesia fuit primò fundata; nam tunc tantum fuit plenitudo temporis gratiæ; tum non debuit mitti ante missionem Filij, quia sicut spiratio præsupponit spirationem, ita visibilis missio missionem Filij, tum quia maximum signum adhiberi debet ad credendum ea, quæ sunt maximæ difficultatis. Fide autem iam radicata, Spiritus Sanctus iam non mittitur; nam post tot signa data non est opus.

Dices; nego Spiritum Sanctum fuisse missum; nam visibilis missio attenditur secundum aliquam creaturam assumptam; Spiritus autem nullam assumpsit visibilem, vnde non potest dici quòd sit alio modo in aliquibus creaturis visibilibus quàm in aliis, nisi fortè sicut in signo, sicut est etiam in Sacramentis & in omnibus figuris legalibus, non ergo Spiritus Sanctus visibiliter mittitur, vel oportet dicere quòd eius missio visibilis attenditur secundum omnia huiusmodi.

Respondet D. Thomas quòd etiam visibilis missio Spiritus S. non attenditur secundum visionem imaginariam, quæ est visio prophetica, quia ut dicit August. 2. de Trinit. cap. 6. visio prophetica non est exhibita oculis corporeis, sed in Spiritu Sancto per spirituales corporum imagines; Columbam verò illam & ignem oculis viderunt quicumque viderunt, nec iterum sic se habuit Spiritus Sanctus ad huiusmodi species, sicut Filius qui dicitur petra ad petram, illa enim petra iam erat inter creaturas, & per actionis modum nuncupata est nomine Christi quem significabat, sed illa columba & ignis ad hæc tantum significanda repente extiterunt, sed videntur esse similia flammæ illi, quæ in rubo apparuit Moyse, & illi columnæ, quam populus in eremo sequebatur, & fulgoribus ac tonitruis, quæ fiebant cum lex daretur in monte Sina; ad hoc enim rerum illarum, corporalis extitit species, ut aliquid significaret atque prædiceret; sic ergo apparet quòd missio visibilis, neque attenditur secundum visiones propheticas, quæ fuerunt imaginariæ, & non corporales, neque secundum signa Sacramentalia Veteris & Noui Testamenti, in quibus quædam res præexistentes assumuntur ad aliquid significandum, sed Spiritus Sanctus dicitur visibiliter missus, in quantum fuit monstratus in quibusdam

Carriera in Professionem Fidei.

creaturis, sicut in signis ad hoc specialiter factis.

Dices, quælibet creatura est effectus demonstrans totam Trinitatem, non ergo per illas creaturas visibiles magis mittitur Spiritus Sanctus quàm alta persona.

Respondeo, quòd licet tota Trinitas operata sit illas, tamen factæ sunt ad demonstrandam specialiter hanc vel illam personam, sicut enim nominibus significabatur Pater, & Filius, & Spiritus Sanctus, ita etiam diuersis rebus significari potuerunt quamuis inter eos nulla sit leparatio aut diuersitas.

Instabis, quæ visibiliter sunt diuinitus dispensantur per ministerium Angelorum, ut ait August. 3. de Trinit. cap. 4. 5. & 9. si ergo aliquæ species apparuerunt, hoc factum fuit per Angelos, & sic ipsi Angeli mittuntur, non autem Spiritus Sanctus.

Respondeo, Angelos effecisse, non tamen ad significandam personam Angeli, sed Spiritus Sancti. Quia ergo Spiritus Sanctus erat in illis sicut in signo significatus, idè secundum eas Spiritus Sanctus dicitur visibiliter mitti & non Angelus.

Nota, quòd factæ fuere apparitiones visibiles diuinarum personarum Patribus Veteris & Noui Testamenti, quæ missiones visibiles non dicuntur, quia non fuere factæ ad designandam inhabitationem diuinæ personæ per gratiam, sed ad aliquid aliud manifestandum, ex Aug. lib. 2. de Trinit. 17.

QUÆRIT, an sola persona producat productam; nam si & non producat, dici potest quòd Spiritus Sanctus decet ab homine, quamuis non sit ab eo contra Augustinum 15. de Trinit. 16.

Respondent aliqui, quòd non idè exponunt id Esai. 48. *Nunc misit me Dominus Deus & Spiritum eius.* de Christi natura humana secundum quam missus est à Spiritu Sancto, non ut Filius Dei; utrumque potest dici, si persona mittens intelligatur esse principium effectus, secundum quem attenditur missio, sic enim tota Trinitas misit personam missam, non propter hoc autem homo dat Spiritum S. quia nec effectum gratiæ potest causare.

Q V Æ S T I O X L I.

An missio actiua sit actio transiens.

Ratio dubitandi quòd non sit, quia omnis transiens est productiua sui terminat in esse reali; at missio cum sit relatio rationis non introductiua alicuius termini in esse reali; ergo non est transiens; & contra, cum missio actiua importet respectum ad creaturam, ad quam fit missio, cui infunditur nouus effectus gratiæ. Nota ex Aristotele, actionem immanentem differre à transeunte, quòd immanens non habet terminum productum, transiens verò habet. Nota, quòd missio actiua Spiritus Sancti vel Filij per se significat duplicem respectum rationis, scilicet ad missum, & ad eum cui fit missio; mittere enim est quasi destinare

V

hoc

hoc in illud, sed connotat realem productionem gratiæ & impressionem in creatura rationali, ad quam fit etiam, licet autem ista infusio spiritualis sit noua in creatura, non tamen est actio noua in Deo infundente, quia si sic esset mutatio in Deo; Deus enim nil agit actione noua sed æterna, & ided talis actio non est in Deo relatio formalis sed fundamentaliter tantum, non ergo dicitur Deus de nouo agere propter nouitatem quæ fuit in eo, sed tantum propter nouitatem effectus per denominationem extrinsecam.

Nota, quodd in Deo non est actio nec passio ad intra, loquendo de genere actionis, quia ubi non est recipere nec recipi, ibi non est agere nec pati; patet, quia omnia in Deo subsistunt & sunt purus actus; at purus actus non est receptiuus alicuius entitatis, & nullum subsistens est natum recipi in alio. Dico ergo missionem esse actionem trãseuntem ratione connotati scilicet infusionis gratiæ; Est autem immanens, quia in diuinis ad extra est actio immanens; Deus enim intelligit & diligit creaturas, quæ sunt sibi extrinsecæ.

Q V Æ S T I O XLII.

De Circuminceptione seu mutua existentia vnus persona in alia.

Inclusio illa seu inexistencia actualiter est in diuinis vt Ioan. 14. asserit Christus: *Ego in Patre & Pater in me est*; vnde benè sequitur quod qui videt eum, videt & Patrem: difficultas est in explicando modum & quæ sit ratio talis inexistentiæ vnus personæ in alia. D. Thom. q. 42. asserit hoc esse tribus modis secundum essentiam, relationem, & originem. Primum probat; quia vna est essentia in tribus, & ided hæc est ratio vni personæ essendi in alia. Secundum probat, quia vnum correlatiuum est in alio saltem intellectu & conceptione, siquis enim cognoscit vnum correlatiuum definitè, cognoscit & reliquum, & ideo cum Pater & Filius sint correlatiua, Pater est in Filio, Filius in Patre & in Spiritu Sancto. Tertium probat, quia productio & originatione Filij à Patre non est transiens sed immanens, ita quodd productum non est extra producentem sed intra eum, & produciens est in producto per imitationem siue per representationem; At ex his non declaratur qualis modus sit iste, quo personæ diuinæ dicuntur esse in se inuicem per circuminceptionem, qui significatur per propositionem Christi, *ego in Patre*; An scilicet vna persona sit in alia, secundum se totam, an verò secundum partem ratione essentia. Difficultas hic sita & D. Thom. nil respondet.

Henric. & Durand. dicunt, vnã personam esse in alia per partem & ratione partis dici esse in ea secundum totam, pars autem est essentia.

Alij dicunt, vnã personam esse in alia secundum se totam primò & adæquate, id est secundum totum, sicut vinum est in amphora, & aqua in vase; alio modo potest aliquid esse in alio secundum partem, & hoc dupliciter; vno modo quodd pars sit in alio, & tamen nil sit

eius, hoc modo auis habens pedem in laqueo, dicitur esse tota in laqueo, licet sit in laqueo solum secundum partem sui scilicet pedem, qui tamen pes nil est laquei: Alio modo aliquid est in alio per partem, quæ est aliquid illius continentis, vt per pedes, qui essent aliquid monstri continentis, & è conuerso vt si esset monstrum habens duo capita & duo corpora, & duos tantum pedes, vnum monstrum esset in alio per partem sui; pedes enim sunt aliquid illius continentis & è conuerso, pedes enim sunt vtriusque monstri, rectèque ita potest dici vnum esse in alio: ad propositum Henric. & Durand. dicunt, personas non esse inuicem primo modo, scilicet secundum totum primò & adæquate sed secundo modo, scilicet per essentiam, quæ est quasi pars vniuscuiusque personæ; hæc opinio probatur, quia id quod est in aliquo secundum totum modo prædicto, est in illo secundum omnem sui partem, vt patet de contenta aqua in vase, si ergo vna persona esset in alia secundum se totam, vt Filius in Patre, non solum esset secundum essentiam, sed etiam secundum relationem Filiationis; ac consequens est falsum; consequentia est euident, falsitas consequentis probatur, quia si Filiatio esset in Patre, sequeretur quodd sicut essentia Pater est Deus, & Paternitas est Pater, ita Filiatione esset Filius, quod est absurdum manifestum. Secundò non est intelligibile, quod idem respectu eiusdem contineat & contineatur, ambiat & ambiatur, at si Pater esset in Filio secundum se totum & Filius in Patre, sequeretur quodd Pater contineret & contineretur, ambiret & ambiretur à Filio; ergo est impossibile sic Patrem esse in Filio, & Filium in Patre. Tertid vbi cumque est fundamentum relationis alicuius, ibi est relatio fundata in eo, at relatio originis fundatur in essentia; ergo vbi cumque est essentia ibi est relatio originis; essentia est in vnaquaque persona; ergo vnaquaque est in alia ratione essentia. Quatid Patres tenent, totam rationem huius circuminceptionis esse vnitatem essentia; ergo personæ sunt in se inuicem per partem, scilicet per essentiam, & ratione essentia vna dicitur esse in alia.

Scoti opinio communiter recepta est, quodd vnã persona sit in alia primò & adæquate secundum totum: pro cuius intelligentia.

Nota, cum dicitur vnã personam esse in alia, illud *Esse in*, non dicit aliquid absolutum, sed relationem personæ ad personam, non autem relationem originis, vt patet; quia illa non est eiusdem rationis in extremis; Paternitas enim differt à Filiatione & sunt opposita; Est ergo relatio communis, sicut est similitudo; hæc enim est eiusdem rationis in vtroque extremo, Ergo *Esse in* habet eandem rationem fundandi in vtraque persona, & hæc ab omnibus admittitur. Tunc sic arguitur: vna persona est in alia secundum illud quod primò fundat relationem *Esse in* ad aliam personam; at vna persona secundum se totam primò fundat huiusmodi relationem & non secundum partem; ergo vna persona est in alia non secundum partem sed secundum se totam. Maior patet; minor probatur. Persona in qua alia existit, terminat relationem illam secundum se totam, non secundum partem sui, quia ex Ioan. 14.

Filius

Filius dicitur esse in Patre & Pater in Filio, at Filius est persona. Pater est persona; ergo fundamentum adæquatum, & per se primò huius inexistentiæ est persona diuina; at persona constat ex essentia & relatione, non autem præcise ex essentia; ergo persona inexistens fundat illam relationem inexistendi secundum se totam non secundum partem tantum, & sic vna est in alia secundum se totam primò non secundum partem.

Secundò proprietates essentia: ut essentia est, non competit personæ, sed repugnat, ut pater, quia persona est incommunicabilis, essentia communicabilis; at esse vnum in tribus est proprietates essentia:; ergo hæc proprietates non potest competere personæ, & sic non potest dici quòd persona sit in tribus eo modo quo essentia est in tribus; si autem persona non esset in alia, nisi quia essentia est in tribus, modus essendi proprius essentia: ut contradistinguitur à persona competeret personæ ut persona est, quod repugnat.

Tertiò confirmatur authore Ambrosio in hymno, *In Patre totus Filius, & totus in Verbo Pater*. & Ioan. 14. *Qui videt me, videt & Patrem meum*. at videndo vnam personam videtur alia non solum quoad naturam communem, sed quoad totum personale; ergo vna persona est in alia quoad totum esse personale. Ad hæc.

Nota ex Aristotele 3. *Physic. text. 1.* quòd aliquod prædicatū potest competere alicui dupliciter, vel ratione partis competit toti, ut homo sanatur, quia cor vel pectus sanatur, vel aliquid conuenit alicui toti, ita quòd non conuenit alicui eius parti vel per partem, sed primò & adæquatè & præcise toti; exemplum, homo est risibilis, triangulus habet tres angulos; risibilitas enim non conuenit primò alicui parti vel brachio, sed competit toti, neque habere tres angulos, primò competit alicui parti trianguli sed toti triangulo primò.

Nota secundò quòd prædicata, quæ sic competunt toti, dupliciter se habent; aliqua enim sunt quæ soli toti competunt, non autem alicui parti, exemplum de risibilitate & triangulo, & hoc idem verificatur de omnibus passionibus subiectorum eterogeneorum; & ratio est, quia natura talis subiecti est adæquata tali prædicato, & natura illius totius non saluatur in aliqua parte eiusdem, & proinde eius passio nulli parti competit; Aliqua verò alia prædicata sic se habent quòd competunt toti & cuilibet parti totius primò; Exemplum, caliditas est passio, quæ primò & adæquatè competit igni toti, & tamen adæquatè etiam & primò competit cuilibet parti ignis; similiter cum totum corpus mouetur, motus est primò & adæquatè toti corpori & cuilibet eius parti, ex Aristotele 1. *Physic. text. 1.* & idem dicendum de omnibus totis homogeneis & eorum passionibus, & ratio est, quia natura subiecti homogenei, cui conuenit adæquatè talis passio est eiusdem rationis in toto & in parte.

Ex eo Scot. deducit Corollarium, quòd ex eo quòd aliquod prædicatū conuenit adæquatè & primò alicui toti, non debemus inferre quòd etiam conueniat parti; quia primitatis ratio non cogit ad hoc, sed solum est verum quòd natura totius est eadem in toto tali & parte eius. Ad propositum istud; prædicatum esse in,

Carriere in Professionem Fidei.

quo utimur in hoc modo loquendi, cum dicimus Filius est in Patre & Pater in Filio non competit personæ, quia competit primò parti alicui scilicet essentia: vel relationi, & per illam toti personæ, sed competit primò toti personæ adæquatè & sic vna persona est in alia primò & adæquatè & secundum se totam. Confirmatur hæc expositio, quoniam ex Hilario iste modus essendi vnius personæ in alia non est per illum modum, qua natura est in supposito vel forma in materia, sed sicut subsistens est in subsistente; subsistere autem est prædicatum proprium totius personæ non essentia: vel relationis, & idè licet essentia sit in persona, non tamen illa inexistens est subsistentia incommunicabilis, neque est existentia subsistentis, sed est intima præsentia vnius personæ in alia. *Totus*, ait Ambrosius in *Verbo Pater*, & *totus in Patre Filius*. Scot. vocat præsentiam intimam vnius personæ in alia.

Ex dictis patet, quòd ratio huius inexistentiæ non est præcise essentia, seu identitas naturæ, licet enim dicerentur personæ esse vna natura non verò vna esse in alia, nec est sola proprietates seu relatio, nam proprietates & relatio distinctionem & non circumincessionem dicunt, ex eo enim quòd vnum distinguitur ab altero per relationem oppositam, vnum non debet esse in alio, nec etiam est noua aliqua vnio præter vnionem naturæ in personis, sed ratio huius inexistentiæ est essentia & proprietates personalis, quia perfecta aliquorum præsentia: requirit distinctionem realem inter se, & perfectam vnionem personarum; ergo per proprietates sunt realiter distinctæ, & per essentiam diuinam perfectissimè vnite, & sic sunt sibi perfectissimè ad inuicem præsentis; Est ergo essentia & relatio simul, nam cum in persona non sit nisi essentia & relatio, neque alterutrum sit ratio huius inexistentiæ, solum sequitur vtramque esse talem rationem & fundamentum, cum personæ sunt vniformiter ad inuicem in se, ita quòd eodem modo Pater est in Filio & Filius in Patre, idem dic de Spiritu Sancto; at relationes originis non sunt eiusdem rationis in tribus, & idè non possunt esse ratio vniformis inexistentiæ huius; declaratur exemplo similitudinis, nam Aristot. 5. metaph. text. 10. capite de aliquid, dicit similitudinem fundari in vnitate qualitatis, & tamen dicitur ad alterum, vnde requirit vnitatem & distinctionem in suppositis, quæ similia sunt, ita in proposito nec vnitas essentia: sola, nec distinctio personarum sola, est sufficiens ratio huius inexistentiæ sed vtrumque est causa completa, principalior essentia, distinctio personalis minor.

QVÆRIT, an iste modus essendi in possit reduci ad aliquem modorum, quos ponit Philosophus 4. *Physic. text. 23.* dicit Scotus quòd non; cuius ratio est, quia in omnibus illis vnum est in alio per modum partis, vel per modum informationis, ut genus est in specie per modum partis scilicet, ut pars essentialis, & non è conuerso, & pars integralis continetur in toto integrali, ut pars, & non è conuerso; In proposito autem eo modo quo vna persona est in alia, penitus è conuerso altera est in illa, neque inest per modum partis, vel per modum informantis, vnde talis circumincessio reperitur in solo Deo, quia in eo solo

est vnitas numeralis essentiae cum personarum distinctione.

Aliqua tamen Scotus adducit exempla licet imperfecta. Primum de illapsu diuinæ essentiae respectu creaturarum, ad quem illapsus concurrunt simul immensitas naturæ diuinæ & mantenentia eius, circumscribatur autem ab illapsu talis mantenentia vel conseruatio, quæ est propter imperfectionem creaturæ, sic Pater erit in Filio & Filius in Patre. Aliud exemplum est de anima non informante corpus, ipsi tamen præsentia, sicut est in instanti mortis, aut de Angelo non informante corpus, ipsi tamen præsentia, vel ponatur vnum corpus gloriosum esse in alio corpore glorioso æquè subtili, addatur quodd sit ibi eadem natura propter quam necessariò sint sic præsentia & in inuicem, tunc habetur aptum exemplum, quia vnum non est in alio per modum partis, nec per modum informationis, sed per modum subsistentis & intimè præsentis vnus in alio.

Ad rationes Henrici facillè est iam respondere; quando dicitur, quodd quando aliquid inest alicui secundum se totum & primò, quolibet pars inest eidem toti, eodem modo negatur, quia vt explicatum est quandoque prædicatum competit toti nulli competendo parti, vt risibile competit homini primò & tamen non competit cuilibet eius parti æquè primò, ita ip propositio licet vna persona sit in alia secundum totum & secundum vtramque sui partem, vt ita dicam; hæc tamen inexistencia nulli parti per se competit, sed solùm præcisè quatenus sunt in toto. Tunc ad formam argumenti, concedo vnam personam esse in alia, & secundum essentiam & secundum relationem, ad probationem falsitatis.

Respondeo, quodd relationem vnus personæ esse in alia contingit duobus modis: vno modo formaliter: alio modo per intimam præsentialem totius personæ: Primo modo relatio vnus personæ non est in alia, & secundum hunc sensum currit argumentum, quia essentia est hoc modo formaliter scilicet in personis: Secundo autem modo concedo, relationem vnus personæ esse in alia, sed tunc non valet argumentum, quia procedit solùm de eo quod est in persona per informationem.

Ad secundum quod est confirmatio eiusdem rationis dicitur ex Scot. quodd aliquid continere & contineri intelligi potest duobus modis: vno modo accipiendo continere propriè & contineri vt contingit in creaturis, & hoc modo implicat, sicque currit argumentum: alio modo prout continere & contineri idem sunt quod præsentia intima subsistentis in subsistente, qui est modus particularis essendi in diuinis, & hoc modo non implicat; vnde si argumentum concluderet absolūtè, excluderet circumincessionem, quæ tamen est de fide.

Tertium concludit tantum essentiam esse rationem principalem huius inexistencie, non autem adæquatam, quod concedimus, in primo sensu loquuti sunt Patres, cum dicunt vnam personam esse in alia ratione essentia.

Dices contra veritatem Circumincessionis, nil quod exiit ab aliquo est in eo, sed Filius ab æterno exiit à Patre, Michæ 5. *Egressus eius ab initio à diebus æternitatis*; ergo Filius non est in Patre.

Respondeo, quodd Filius exiit per productionem passiuam, non autem per separationem localem aut essentialem, & idè non sequitur quin sit in Patre, quia Pater in seipso producit. D. Thomas respondet, exitus Filij à Patre est secundum modum processionis interioris prout verbum exit à corde, & in eo manet, vnde exitus iste est tantum secundum relationum distinctionem, non secundum distantiam aliquam essentialem.

Dices, si Pater est in Filio, & Filius in Patre, filiatio est in Patre; at is in quo est filiatio est Filius; ergo Pater est Filius.

Respondeo, in quo est formaliter seu ad modum formæ, hic est tantum per intimam inexistenciam.

Instabis, si quodlibet in quolibet ponatur, omnia erunt confusa, ait Aristoteles contra Anaxagoram hoc docentem; ergo si vna persona sit in alia, erit confusio in Personis contra Athanas. *Neque confundentes personas.*

Respondeo, quodd non est paritas positionis, quia ille ponebat quodlibet esse in quolibet tanquam pars eius, & quod quodlibet à quolibet poterat fieri, sed hic non pars est vel aliquid eius, sed subsistens sicut in subsistente; vnde nulla sequitur confusio.

Instabis vnum oppositum non est in altero, sed Pater & Filius opponuntur relatiuè; ergo vnus non potest esse in alio.

Respondet D. Thomas Patrem & Filium opponi secundum relationes, non autem secundum essentiam, & tamen oppositorum relatiuè vnum est in altero secundum intellectum, & secundum originem, quæ est ab ipso originante.

QVÆSTIO XLIII.

An in Personis Diuinis sit summa Æqualitas.

Summam esse æqualitatem inter personas diuinas in magnitudine, quæ in spiritualibus dicitur quantitas virtutis seu perfectio naturæ ipsius, cuius primus effectus est operatio, non est dubitandum; est enim de fide expressum in Symbolo Athanas. *Æqualis Pater, æqualis Filius, æqualis Spiritus Sanctus.* & August. in lib. de fide ad Petrum cap. 1. *Æqualitas*, ait, *intelligitur in Patre, Filio & Spiritu Sancto, in quantum nullus horum, aut præcedit æternitate, aut excedit magnitudine, aut superat potestate.* ideoque Paulus de Christo Philip. pens. 2. *Non rapinam arbitratus est esse se æqualem Deo.* Quodd æqualitas secundum hæc tria sit in Deo, sic ostenditur: quia in istis inferioribus tria sunt hæc, scilicet substantia, qualitas, & quantitas; Igitur vnitas in substantia causat idemtitatem, vnitas in qualitate causat similitudinem, & vnitas in quantitate causat æqualitatem.

Nota, istas relationes communes idemtitatis, æqualitatis, similitudinis, duobus modis capi posse; vno modo strictè, & sic pertinent ad diuersa prædicamenta, idemtitas ad substantiam, æqualitas ad quantitatem, similitudo ad

ad qualitatem, omnes autem habent duplex fundamentum, remotum, quod est res illius generis in qua illa relatio reperitur, ut æqualitatis est quantitas, & proximum, siue ratio fundandi, quæ est vnitas realis rei; Cùm de Deo prædicantur, non sumuntur prædicamentaliter sed transcendentaliter: ratio est, quia nil alicuius generis dicitur de Deo formaliter, & dicuntur solum secundum quod dicunt perfectionem, non autem ut perfectioni repugnant. In diuinis autem est æqualitas tantummodo secundum triplicem quantitatem, prout quantitas in Deo esse dicitur, licet improprie. Primò secundum quantitatem virtutis quæ est potentia. Secundò secundum quantitatem durationis, quæ est æternitas. Tertiò secundum quantitatem magnitudinis, qua ipse est intra omnia & extra omnia, & qua continet & locat omnia.

Aliter ostenditur in istis tribus Æqualitas personarum, quoniam in creaturis triplex magnitudo reperitur, scilicet temporis, dimensionis & virtutis. Prima magnitudo est in rebus mutabilibus. Secunda in corporeis. Tertia in spiritualibus creatis: Istis tribus respondent in creatore alia tria, in quibus personæ diuinæ sunt æquales, scilicet æternitas in esse, magnitudo in immensitate, & virtus in posse; dicendum ergo quod tanta est æqualitas in Trinitate, quod secundum Augustinum nec est maius aliquid, vel duo, vel omnes, quàm vnus, nec maius aliquid omnes, quàm singuli. Coæternæ quoque sunt personæ, quia in diuinis non est ponere nisi duo genera, scilicet substantiæ & ad aliquid seu relationes. Quantitas verò & qualitas transeunt in genus substantiæ, sicut æqualitas & similitudo dicuntur relationes. Sed substantia est communis tribus personis, relationum autem proprium est simul esse; ergo nullo modo Pater est prior Filio, nec secundum id quod ad aliquid est, nec secundum id quod absolutum est: idem ostenditur per exemplum in natura, quia licet splendor sit à Sole, tamen esset coæternus Soli, si Sol esset æternus.

Dici potest clariùs, quod æqualitas in creaturis, cùm attendatur penes quantitatem, quæ duplex est, discretæ & continuæ; Continua adhuc duplex, successiua & permanentis, & sciamus quantitatem discretam, quæ consistit in numero, non esse proprie in Trinitate, nam quantitas minor est in numero patris maioris, & consequenter ei inæqualis est, quod non est in Trinitate, querendum est de quantitate continuæ successiua, quæ in creaturis respondet durationi, quæ inest tempori, aut saltem eo mensuratur. Hoc autem querendum est, an propria duratione naturæ diuinæ, quæ est æternitas, quæ suo modo intelligitur respondere tempori, Personæ diuinæ sint æquales. Certum quidem est ex Athanasio. *In hac Trinitate nil prius aut posterius, nil maius aut minus, sed tota tres persona coæterna sibi sunt*; in ipsis enim intelligitur eadem æternitas; sed quomodo potest dici, quod eadem æternitas est numero trium personarum.

Respondeo, quia duratio respicit esse existentis, trium autem vnus est esse, ergo vna duratio siue æternitas.

Ratio principalis summa & perfecta æqualitatis.

Vbi est eadem essentia infinitè perfecta, ibi reperitur perfecta æqualitas, atqui eadē essentia est in tribus personis; ergo tres personæ diuinæ sunt inter se summe æquales quoad perfectionem. Suadetur minor ex 10. Ioan. *Ego & Pater vnus sumus*; quæ à Sanctis Patribus vniuersaliter intelliguntur de vnitatem quoad essentiam seu substantiam diuinam, non autem de sola vnitatem seu concordia voluntatis, ut putabant Arriani; verum quia in verbis prædictis non agitur expressè de Spiritu Sancto, addendum est illud ex 1. Ioan. 5. *Tres sunt qui testimonium dant in celo, Pater, Verbum & Spiritus Sanctus, & hi tres vnus sunt*. Hinc enim ex Patrum consensu efficax sumitur argumentum ad probandum idem & consubstantialitatem Spiritus Sancti. Probatur eadem minor ex 3. Synodo generali can. 7. *Si quis non confitetur Patri, Filio, & Spiritus Sancti, vnā naturā, sine substantiam, & vnā virtutem & potestatem, Trinitatem consubstantialem, vnā Deitatem in tribus substantiis siue personis adorandam esse, anathema sit*. Similia habentur in Concil. Tolet. 6. can. 1. & in Sanctis Patribus; cùm itaque tres personæ Trinitatis habeant eandem diuinam essentiam infinitè perfectam, consequens est summam perfectionis æqualitatem inter illas reperiri.

Nota, si in Scriptura aliquando videatur attribui quædam inferioritas Filio; ut plurimum intelligitur secundum humanitatem; si quæ verò interdum à Sanctis Patribus exponitur de Filio ut Deus est, ea nil significat aliud, quàm Filium habere à Patre substantiam diuinam & virtutem operandi, Patrem autem à seipso, sicque Patrem esse superiorem, seu maiorem Filio, quatenus est prior origine & principium illius.

Nota secundò, ibi non esse plenam æqualitatem vbi est prius & posterius, quoad durationem, aut quoad naturam, talem autem prioritatem non habere locum in Deo, sed solam prioritatem originis, quæ cùm tantum dicat vnā personam esse ab alia, nullam arguit imperfectionem; sicut enim infinitæ est perfectionis esse principium processionis diuinæ, ita & esse terminum illius.

Si quæras, quomodo intelligi possit personam producentem non esse priorem producta quoad durationem vel naturam.

Respondeo, hoc ea ratione posse intelligi, quia cùm persona diuina habeat ab æterno totam vim producendi, & necessariò producat, nil impedire potuit, quin persona producta esset ab æterno, cūque communicet eandem naturam improductam & independentem quam habet, hoc fit sine prioritate naturæ, quæ veram dependentiam & causalitatem dicere solet; vnde qui ponunt inter personas diuinas ordinem naturæ, explicandi sunt de ordine originis, qui ordo naturæ dicitur, quia in natura rei fundatus est, seu quia vna persona naturaliter est ab alia.

Dices, vel Pater genuit Filium existentem, vel non existentem; non primum quia

V, quod

quod existit non indiget ut producat, cum non producat nisi ut existat; ergo secundum, ac proinde Filius non est æqualis Patri quoad durationem.

Respondet, Filium existentem gigni non quidem ita ut existat antequam generetur, sed ita ut per ipsam generationem existat ad eum modum, quo lumen producitur existens vi ipsius illuminationis, qua producitur.

Instabis, Filium non existere antequam generaretur; atque adeo non semper fuisse; negatur consequens, quia Filius semper genitus est, ac proinde semper existit.

Dices, perfecta æqualitas est relatio mutua, hæc æqualitas personarum divinarum non est mutua. Maior patet; minor probatur ex Chrysost. supra illud Hebr. 1. *Qui cum sit splendor. Filius est æqualis Patri, sed non Pater Filio.* & August. 6. de Trin. cap. vlt. ubi inquit, *Si imago perfecta est, æquatur ei cuius est imago, non illud sua imago.* Tunc sic; at Filius in divinis est imago Patris perfecta; ergo æquatur Patri, & non è conuerso, & ita æqualitas non est mutua.

Respondet Scotus, illum terminum adæquatum importare duplicem relationem communem, quæ est æqualitatis & hæc est mutua, quia Filius æquatur Patri, & è conuerso. Importat etiam relationem disquiparantiæ, scilicet actus in æquante, & passivi in eo quod æquatur, & hæc est non mutua, quia relatio actiua æquandi competit Patri, qui producit Filium; relatio verò passiva æquati competit solum Filio, non Patri, & de hac loquuntur August. & Chrysost. dic breuius, isti sumunt æqualitatem, ut dicit non solum relationem æquiparantiæ, sed etiam imitationem quandam seu modum habendi fundamentum æqualitatis ab alio, & non ut dicit præcisè respectum æquiparantiæ.

Instabis, in Patre sunt duæ relationes originis, & in Filio duæ, in Spiritu Sancto una tantum, scilicet spiratio passiva; ergo non æquales. Nego consequentiam, quia illæ plures relationes in una persona habent veram unitatem, & propterea æqualitas non attenditur secundum relationem, cum non sit formaliter quanta, nec enim ratio præcisa relationis est entitas vel actualitas, nisi identice & non formaliter.

Instabis, Pater potest generare Filium; Filius autem non potest; ergo non est omnipotens; ergo non æqualis: patet prima consequentia, quia August. lib. 3. cap. 7. contra Maximin. si Pater non potest generare Filium sibi æqualem, non est omnipotens. Et hinc habes; quod in divinis est potentia respectu actuum notionalium; nam si potentia generandi, & communiter potentia ad actus notionales non pertinent ad omnipotentiam: potuisset Maximin. Arrianus respondere omnipotentiam Patris esse circa res ad extra; tum argueretur, licet potentia generandi non pertineat ad omnipotentiam, est tamen aliqua potentia; ergo cum hæc non sit in omnibus personis, sequitur illas non esse æquales in omnipotentia actiua. Ad hanc dubitationem vix adducitur nitida responsio.

Respondet, Augustinum concludere ad

hominem, siue ex concessis à Maximino, is enim concedebat Patrem communicasse Filio substantiam suam & non aliam, ut patet ex toto illo capite, cum hoc tamen negavit Filium æqualem esse Patri, tunc arguit Augustinus: per te, Pater dedit substantiam suam Filio, & dedit minorem, non æqualem, ut asseris, quia negas Filium esse æqualem; contra, ex hac tua assertionem sequitur Patrem esse impotentem vel inuidum; consequens probatur quoad primam partem dimisso secundo membro, quod non facit ad propositum. Si Pater dedit Filio substantiam minorem, hoc fecit, quia non potuit dare æqualem, & tunc sequitur Patrem non esse infinitum, neque habere substantiam infinitam, quia ubi est maius & minus non est infinitus, at substantia Patris esset maior, & substantia Filij minor; ergo Pater non esset infinitus, siue substantia eius non esset infinita; quod autem non est infinitum, non est omnipotens; ergo à primo ad ultimum, si Pater dat Filio substantiam diuinam, sed minorem sua, sequitur Patrem esse infirmum, id est non omnipotentem. Ex hoc Augustini argumento non licet inferre potentiam generandi in Patre pertinere ad omnipotentiam, sed posse generare æqualem pertinere ad omnipotentiam, & hoc ad eam pertinet non formaliter sed materialiter, scilicet quia quod potest generare & non æquale sed minus non est infinitum, & consequenter non omnipotens est.

Respondetur ergo præcisè ad argumentum; quod posse generare non continetur sub illo vniuersali esse omnipotentem, sed per habitudinem extrinsecam, quia scilicet infinitas essentia necessariò concomitatur esse omnipotentem, & illam infinitatem necessariò concomitatur communicabilitas in identitate naturæ, & sic in perfectionis æqualitate.

Urgebis, habens potentiam & potens operari est potentior eo qui habet potentiam & non potest operari; Pater verò habet potentiam generandi & potest generare; potentia autem generandi etiam sit in Filio, tamen non potest generare.

Respondet, quod maior est vera, si habens potentiam non possit operari, propter aliquem sui defectum vel potentia, sed in proposito hoc non habet locum, quia quod Filius non possit generare, hoc est ex plenissima perfectione potentia, quæ non distat ab actu in supposito illo.

Instabis, si Filius non sciret generationem Patris, non esset omnisciens; ergo à simili si non potest in generationem Patris non est omnipotens.

Respondet, nego consequentiam; scientia enim non requirit ordinem prioritatis ad obiectum suum, sed potest esse tam de priori, quam de posteriori, & ideo omnis scientia necessariò extendit se ad omne ens; potentia verò requirit ordinem prioritatis ad obiectum suum, quomodocumque dicatur possibile, & ideo omnipotentia non se extendit ad omne ens, sed tantum ad illud quod natum est esse posterius.

Sed dices: Sancti concedunt in Patre potentiam generandi respectu Filij, & in Patre & Filio potentiam spirandi respectu Spiritus Sancti, videtur ergo posse concedi Filium esse possibilem

possibilem & Spiritum Sanctum. Respondet Scotus non valere consequentiam, quia non est par ratio de potentia & de possibilitate, nam in creaturis potentia actiua dicit perfectionem, & possibilitas ei correspondens dicit imperfectionem, & quia in diuinis ponitur illud, & excluditur quod imperfectionem dicit, idè in Patre concedunt potentiam actiuam, non autem possibilitatem in Filio, nec in Spiritu Sancto; sed loco illius pro correlatiuo potentiae actiuae ponunt aliquid communius possibilitate, scilicet esse principiatum.

Corollarium. Personae diuinae sunt aequales secundum omnipotentiam, ipsa enim respicit possibile obiectiue siue transmutabile; At secundum actus notionales non sunt simpliciter aequales, quia sola essentia non est potentia generandi; requiritur enim principium quod, quod est suppositum vt sit potentia propinqua; sine supposito enim & relatione essentia est & dicitur tantum potentia remota, licet ex se habeat totam vim producendi, nec vlllo modo perficiatur à relatione, hoc autem est, quia principium quo nonquam agit sine supposito, seu principio quod, & illud constituitur relatione

pluribus magnitudinibus eiusdem speciei vel rationis; ergo hæc æqualitas diuina in magnitudine habet fundamentum perfectissimum tam remotum quam proximum, & consequenter potest esse æqualitas perfectissima; cum hac enim vnitate stat sufficiens distinctio extremorum, quia personaliter distinguuntur, idè adsunt omnia requisita ad perfectam relationem æqualitatis in magnitudine & perfectione.

Quæstio est, an hæc relationes sint reales, tenet Scot. probatur; illa relatio est realis, quæ realis condiciones habet, sed æqualitas, idemtitas, &c. habent; ergo: probatur, tres sunt condiciones, fundamentum reale, termini reales, extrema etiam relata realiter distincta, & hæc relationes innascuntur ex natura extremorum scilicet termini & fundamenti absque opere alicuius potentiae comparantis vnum alteri, quod autem relatio inlit ipsis extremis ratione fundamenti, quod est in eis ex natura rei, ita quod virtute extremorum & fundamenti oriatur non opere intellectus, probatur Ioan. 5. 2. Ioan. 2. *Non rapinam arbitratus est esse se aequalem Deo.* vbi Augustinus ait Christum se facere æqualem Deo propter hoc quod dicit se natum ex Deo, ex quo ostendit se supponere quod Filius sit æqualis Patri ex vi generationis. Probatur ratione: si Filius haberet aliam magnitudinem à Patre, quæ esset minor, vt sentiebant Atriani, Filius esset minor Patre & inæqualis illi inæqualitate, quæ esset relatio realis, & non tantum rationis; ergo magis vel æquè si habent eandem magnitudinem, erunt aequales æqualitate quæ sit relatio realis.

Q V A S T I O X L I V.

Utrum in Diuinis istæ quatuor relationes communes, distinctio, idemtitas, æqualitas, similitudo, sint reales.

SUppono primò has relationes dari, quod scurrit ratio; nam v.g. de magnitudine scilicet virtutis non moralis sic probatur, vbi est perfectissima magnitudo & perfectissima vnitas obiecti, ibi est perfectissima æqualitas in magnitudine, sed sic est quod in personis diuinis, quæ extrema istius relationis sunt, est perfectissima magnitudo & perfectissima vnitas; ergo inest perfectissima æqualitas: Minor probatur; personæ habent essentiam diuinam, quæ est perfectionis infinitæ & magnitudinis ex parte rei: nec dicas, magnitudinem seu infinitatem transire in essentiam diuinam; nam ex August. 5. de Trinit. cap. 10. idem illi est esse & magnum esse, consequenter non manet in essentia secundum propriam rationem magnitudinis; Nam respondebo quod etsi transeat in essentiam, propter perfectissimam idemtitatem, tamen manet secundum esse formale; vnde in creaturis etiam magnitudo siue quantitas perfectionis sic transit in essentiam creaturæ, vt tamen maneat distincta ratio magnitudinis perfectionis à ratione creaturæ, cui est perfectissime idem realiter. Ex his patet reperiri in personis fundamentum remotum æqualitatis scilicet magnitudinem infinitam. Proximum est vbi numerus siue singularis in tribus, quod autem vnitas personarum sit naturalis & singularis; probatur ratione, in essentia diuina est magnitudo; vel ergo vna est in Patre & Filio vel plures, quia (vnus & multa diuidunt omne ens) non plures, quia vel alterius rationis, & hoc non, vt patet; neque eiusdem rationis, quia eadem numero essentia non est magna

Thomistæ respondent, quod præter illas tres condiciones à Scoto allatas, requiritur quarta, scilicet quod fundamentum distinctum sit in extremis: exemplo probant; aliqua duo non possunt dici æqualia, nisi habeant distinctas in seipsis magnitudines; si enim habeant eandem numero quantitatem non possunt dici æqualia, ratio eorum est, quia illa fundamenta sunt quæ primò referuntur, nimirum quantitas in hoc quanto, & quantitas in alio quanto, & hæc albedo & illa albedo sunt primò similes, & ratione illarum extrema dicuntur æqualia, & similia, vnde cum in prima conditione dicitur; Relatio realis requirit extrema realiter distincta, debet intelligi de ipsis fundamentis primò, & secundò de extremis integrè acceptis; nam per fundamenta extrema referuntur ad inuicem, idè referri conuenit pro fundamentis distinctis, deinde extremis: hoc stante sic arguitur; sed magnitudo est in tribus personis, quia essentia diuina est eadem, & non distincta in pluribus personis, ergo relatio æqualitatis in diuinis non est realis sed rationis, siquidem magnitudo bis accipitur secundum intellectum semel in vna persona, & semel in alia, & concipitur vt distincta in personis, in quibus reuera non est distincta; dicunt ergo Scotum malè interpretari condiciones relationis realis & maximè primam, quæ dicitur extrema esse realiter distincta; intelligitur enim non solum de extremis sine fundamento, sed de extremis simul cum fundamento, & primò de fundamento quàm de extremis relatis: Reicitur à Scoto conditio ista quod quantitas distinguatur in extremis; Relationes

originis sunt reales, & tamen non requirunt fundamentum realiter distinctum; ergo multò minùs relationes communes vt sint reales, requirunt fundamentum realiter distinctum in illis; antecedens est clarum; quia relationes originis fundantur in essentia diuina, quæ est omnino vna, & indistincta realiter: consequens probatur; quia relationes quæ fundantur in aliquo fundamento vt est vnum, minùs requirunt illud fundamentum distingui, quàm quæ fundantur in fundamento aliquo, non vt est vnum; relationes communes æqualitatis, &c. sunt primi generis, relationes originis sunt secundi; ergo si istæ non requirunt fundamentum distingui, multò minùs illæ. Confirmatur, quia si vna albedo esset in duabus superficiebus, illæ essent similes realiter; ergo si eadem numero quantitas sit in diuersis personis, erunt æquales realiter. Ratio, cùm Scriptura dicit Filium æqualem, excludit errorem Arii; at is negabat Filium esse æqualem realiter

formaliter ex parte rei; ergo Scriptura & Patres intelligunt relationem æqualitatis esse à parte rei, & non per intellectum. Conceditur tot esse æqualitates, quot perfectiones, & magnitudines, sicut tamen illæ omnes sunt simpliciter vna res, ita & æqualitates secundum eas sunt simpliciter vna res; hoc autem modo concedere plures æqualitates in diuinis, non est inconueniens, quia sunt plures formaliter, & ex natura rei, quomodo quæque sunt plura attributa, non tamen plures res.

Concludo tractatum hunc de Sanctissimæ Trinitatis mysterio, dicendo id aded sublime & arcanum esse, vt vix ab humano ingenio concipi possit; vnde subiungo quòd Sanctus Augustinus lib. 3. contra Maximinum Arrianum, postquam illud explicasset, subiunxit. Qui potest capere capiat, qui autem non potest, credat, & oret, vt quod credit intelligat,



DE SANCTISSIMÆ TRINITATIS OMNIPOTENTIA.

Explicatio illius vocis *OMNIPOTENTEM*.



OMNIPOTENTIÆ diuina statim fit mentio initio Symboli, quia in illa includuntur cetera Attributa, scilicet *Infinitas*, *Sapientia*, *Providentia*, *Iustitia*, *Misericordia*, &c. meaque fuit cogitatio tractatum de Attributis diuinis in hunc locum differre, utpote ab Apostolis indigitatum, sed quia ex tenore Symboli praecebat expositio mysterij Sanctissimæ Trinitatis, Deo salutato agendum fuit pro reuerentia de eiusdem notis perfectionibus; agitur autem hic de Omnipotentia separatè ut nobis nihil sit difficile ad credendum in omnibus articulis proponendis, quandoquidem nihil sit difficile illi qui omnia quacumque voluit fecit; unde quamlibet moueat tibi difficultatem tua cogitatio, vel hereticus quispiam, multa in his, quæ credis, proponens vei impossibilia, v.g. Deum hominem fieri, crucifigi, mori, Virginem concipere & parere, corpus incinerem redactum idem omnino numero resurgere, corpus sex pedum in puncto specierum Eucharistia consistere, ipsumque esse simul in pluribus locis.

Respondeas ut verus Catholicus ad hac omnia Credo in Deum Patrem omnipotentem; hoc modo solues & resolues omnia. Beati, ait Christus Dominus Thoma, qui non viderunt & crediderunt. addere mihi liceat expositionis gratiâ, Beati qui non intelligunt, (siquidem sapius in Scriptura videre, sumitur pro capere, seu intelligere) & crediderunt.

Isaias Propheta euangelicus, ut notat Hieronym. ait, Dominus aperuit mihi aurem, ego autem non contradico. Fides de Omnipotentia Dei perfectum & consummatum facit Christianum.

Quæres cum S. Thoma, cur de Sanctissimo Sacramento Eucharistia non fiat mentio in Symbolo.

Respondet ipse, ipsum considerari posse, vel ut Sacramentum nos sanctificans, & sic contineri sub hoc articulo, Remissionem Peccatorum, quia per hunc credimus etiam Sacramenta ad remissionem illam instituta. Vel considerari ut mysterium admirabile, in quo singulariter elucet potentia diuina, & sic continetur sub hoc articulo, Credo in Deum Patrem Omnipotentem.

Omnipotens asseritur Deus in Symbolo, quia hoc Attributum videtur esse primum (saltem ut concipimus) quod respicit actiones Dei ad extra; unde præsupponitur ad fidei mysteria, & Gabriel Paranimphus Incarnationis dicit Luc. 1. Non erit impossibile apud Deum omne verbum.

Probatum hoc attributum diuinum ex Scriptura, Gen. 17. Ego Dominus Omnipotens ambula coram me & esto perfectus. Exod. 15. Dominus quasi vir pugnator omnipotens nomen eius. Non est verisimile inquit lex si. cap. de hered. instit. Quemquam in nomen suum errasse; cum ergo Moyses suggerente Spiritu Sancto hoc est Deo ipso, sublimem hanc nomenclaturam Deo tribuerit, nemini

162 De SS.Trinitatis Omnipotentia.

dubium esse debet, quin verè sit omnipotens. Testantur hoc Prophetae Iob: 42. Scio quia omnia potes & nulla te latet cogitatio. Ierem. 3. Ecce ego Dominus Deus vniuersæ carnis: nunquid erit mihi difficile omne verbum. Ezech. 10. Sonitus Cherubin quasi vox Dei omnipotentis loquētis. Baruc. 3. Et nunc Domine omnipotens Deus Israël. Sap. 12. Subest tibi cūm volueris posse.

Probatur ex SS. Patribus Cyrill. Hieros. catech. 8. Απειτικοί δε πάλιν ἐκ οὐτασιν εἶνα παντοκράτορα θεόν παντοκράτην ὃ ἐστὶν ὁ πάντων κρατὴρ, ὁ πάντων θεὸς ὁ ἄζωος.

Epiphani. in Anchorato. Potest Deus ex lapidibus excitare filios, & potest Deus mutare corruptibilia in incorruptibilitatem: & potest in terra facere quietem Paradisi quia vult.

Chrysost. hom. 7. in cap. 4. epistola ad Thess. Ne putes hīc aliquam operum fore difficultatem, Deus est qui efficiet.

Tertull. aduersus Praxeam cap. 10. Sed nihil Deo difficile quis hoc nesciat: & impossibilia apud sæculum, possibilia apud Deum quis ignoret?

Aug. apud Volusian. ep. 3. Demus Deum aliquid posse, quod nos fatemur inuestigare non posse, in talibus rebus tota ratio facti est voluntas faciētis.

In Enchir. cap. 95. Magnus in magnis, nec parvus in minimis, postremo omnipotens est ad facienda quæcumque voluerit.

Serm. 4. de Pasch. Non dico da mihi Christianum, da mihi Iudæum, sed da mihi Paganum Deorum cultorem, dæmonum seruum, qui non dicat Deum omnipotentem? negare Christum potest, omnipotentem Deum negare non potest.

Probatur ratione prima. Qui totum dicit, nihil includit, at per Symbolum Deus credendus potens omnium & ergo nihil excipiendum præter imperfectionem & peccatum, quæ formaliter consistunt in priuatione ipsius esse.

Secunda. Si Deus circumscriptam haberet agendi virtutem, & ad certa contractam opificia, vel contraxisset illam ipse sibi, vel alius: At non ipse, siquidem qua lege, res quævis vult sibi optimè eadem, vsque eo potentiam perfectionemque suam non restringit, ut contra quoad fieri potest amplifcet. Non item alius, ne hunc, cūm Deus non sit, cogamur tamen ipso etiam Deo superiorem reddere, ut pote qui potuerit virtuti Dei cancellos ponere, vel certè eum, qui Deus est & dicitur, Deum esse inficiari. Quippe audito Dei nomine substantiam sibi representant sapientes, quæ cūm subsit nulli, superstat omnibus, & vniuersarū perfectionum camulo gaudet, perperā autem representarent, si aliquid esset, ad quod non se extēderet vis eius agendi, eo quòd careret perfectione, à qua eiusmodi opus natū esset proficisci.

Q U Æ S T I O I.

Cur Symbolum agens de Creatione, eam ad solum Patrem refert.

CERTUM est hoc Attributo Omnipotentis intelligi quidpiam commune tribus personis, quo & summa earum æqualitas includit, uti S. Athanas. exponit in Symbolo suo in modum doctrinæ & elucidationis Catholicæ Fidei edito. Omnipotens Pater, omnipotens Filius, omnipotens Spiritus Sanctus. Æqualis Pater, æqualis Filius, æqualis Spiritus Sanctus. Quia autem prima persona Pater scilicet, est tunc in diuinis emanationis & communicationis æternæ, Ideò & ad ipsum ut principium omnium refertur creatio & productio rerum, licet communiter & indiuisim Filius & Spiritus Sanctus cum Patre concurrant ad extra; quòd Hi-

storiographus creationis innuit non ponens in Genetico principio nomen Iehoua, aut aliud nomen singularis numeri, sed plurale Elohim, quasi dicat, Creauit Domini, quod Theologi, post Magistrum sentent. disput. 1. referunt ad mysterium Trinitatis.

In textu autem vulgatæ editionis ponitur, Deus, creauit Deus, ut indicetur creationem non fuisse vnius tantum personæ propriam, sed tribus communem; vnde & singillatim tribuitur aliquando Patri, interdum Filio, aliàs Spiritui Sancto; ut appositè notat S. Gregor. in Psalm. 32. Verbo Domini, exponens, per Filium tanquam Patris verbum cæli firmati sunt & Spiritu oris eius, id est, per Spiritum S. omnis virtus eorum scilicet formata & firmata est.

Sanctus Thomas in 1. p. q. 45. art. 6. Natura diuina ait, licet sit communis tribus personis, ordine tamen quodam eis conuenit in quantum Filius eam accipit à Patre, & Spiritus Sanctus

Sanctus ab utroque. Ita ut virtus creandi licet sit eis communis, tamen ordine conuenit; nam Filius eam habet à Patre, & Spiritus Sanctus ab utroque; unde creatorem esse attribuitur Patri, ut ei qui virtutem creandi non habet ab alio. De Filio dicitur, *Per quem omnia facta sunt*, in quantum habet eandem virtutem; nam hæc præpositio *per*, solet denotare causam mediam seu principium de principio.

Dic, quod Patri appropriatur *potentia*, licet sit communis, quæ maximè manifestatur in creatione, & idèd Symbolum dat Patri esse *factorem omnium*. Ratio ergo desumitur ex appropriatione speciali Attributorum essentialium. Filio appropriatur *sapientia*, per quam omne agens per intellectum, seu rationabiliter operatur, & idèd dicitur de Filio *per quem omnia*. Spiritui Sancto appropriatur *bonitas*, ad quam pertinet gubernatio deducens res in debitos fines: Et viuificatio; nam vita in quodam interiori motu consistit, primum autem mouens est finis & bonitas.

QUÆRIT, cur Omnipotentia Patri, Sapientia Filio, Bonitas Spiritui Sancto communiter appropriatur, cum omnes perfectiones sint communes.

Respondet sic apud Theosophos vsitatum rationabiliter citra dispendium fidei. Quia Pater est fons omnis originis & principium sine principio, à nullo habens suam essentiam, sic licet omnia quæ sunt ad extra circa creaturas sint communia tribus personis; Creatio tamen tanquam opus omnipotentis attribuitur Patri.

Sapientia Filio, quia est æternum Verbum Patris, dantur & similiter opera sapientis, ut est reparatio mundi, quam tamen operatur sunt aliæ personæ, licet Filius solus carnem humanam assumpserit.

Bonitas attribuitur Spiritui Sancto, quia Patris & Filij amor est, operaque Bonitatis ei dantur, qualia sunt sanctificatio & iustificatio; Punitio aut vindicta non solet ei attribui, habes exemplum in Genes. 18 ibi dicitur tres Angelos apparuisse Abraham, sed postea duo tantum Sodomam vadunt; tres hi figura erant Trinitatis, & apparent, quia tunc agebatur de remedio pro Sodoma; quomodo enim Deus ei parere posset, intercedebat enim Abraham pro Sodomitis; quando verò vadunt ad puniendum, tertius abest, quia is qui aderat cum agebatur de misericordia tunc abest, cum res iustitiæ exercetur; at ille designat personam Spiritus Sancti, quia licet illa punitio non fiat sine ipso, non tamen solet ei attribui, nec ibi nominatur, quia paracletus & consolator est, cui benignitas tribuitur, *Qui postulare* dicitur *pro nobis gemitibus inenarrabilibus*; & amor est non solum Dei ad seipsum, sed & Dei ad nos; ipsi ergo dantur Bonitatis opera, Patri potentia, Filio iudicium; idèd in hac punitione significatur specialiter adstitisse Patrem & Filium, cum dicitur, *Pluie ignem Dominus à Domino*. quod aliqui interpretantur Filium à Patre.

QVÆSTIO II.

Quæ sit propria notio Omnipotentis diuina.

Vna est vox Theologorum quod Deus sit omnipotens, sed omnipotentis rationem assignare difficile est. Axioma commune profertur, quod illa omnia potest Deus, quæ non implicant contradictionem, quod Scotus exponit quodlibet. 10 art. 2. Omnis conceptus in quo non includuntur contradictoria est possibilis fieri à Deo. Quærendum & examinandum iam restat quid comprehendatur sub ista distributione. Certè cum potentia dicatur adabilia & Deus dicatur omnia posse, nihil rectius dicitur quam quod possit omnia possibilis, & ob id dicatur Deus omnipotens.

Possibile autem dicitur dupliciter ex Aristot. 5. metaph. text. 17. vno modo per respectum ad aliquam potentiam, sicut quod subditur potentis humanæ dicitur esse possibile homini; non potest autem dici quod Deus dicitur omnipotens, quia possit omnia quæ sunt possibilis naturæ creatæ, quia diuina potentia se extendit ad plura; si autem dicatur omnipotens, quia potest omnia quæ possibilis sunt suæ potentis, erit circulatio in declaratione potentis; hoc enim non erit aliud, quam dicere, quod Deus est omnipotens, quia potest omnia quæ potest.

Relinquitur igitur, quod Deus dicatur omnipotens, quia potest omnia possibilis absolute, quod est alter modus dicendi possibile; dicitur autem aliquid possibile vel impossibile ex habitudine terminorum; Possibile quidem absolute, quia prædicatum non repugnat subiecto, ut Petrum loqui, sedere, ratiocinari. Impossibile verò absolute, quia prædicatum repugnat subiecto, ut hominem esse asinum.

S. Thom. q. 25. art. 3. docet considerandum esse, quod cum omne agens agat sibi simile, unicuique potentis respondet possibile ut obiectum proprium secundum rationem illius actus, in quo fundatur potentia actiua; sicut potentia calefactiua refertur, uti ad proprium obiectum, ad omne calefactibile. Esse autem diuinum, super quo ratio diuinæ potentis fundatur, est esse infinitum non limitatum ad aliquod genus entis, sed præhabens in se totius entis perfectionem; unde quicquid habet vel habere potest rationem entis, continetur sub possibilibus absolutis respectu quorum Deus dicitur Omnipotens, nihil autem opponitur rationi entis, quam non ens, hoc igitur repugnat rationi possibilis absoluti (quod diuinæ potentis subditur) quod implicat in se esse & non esse simul; hoc enim non subditur omnipotentis, non propter defectum diuinæ potentis, sed quia non potest habere rationem factibilis neque possibilis.

Idèd autem quod implicat non est possibile, quia ponit esse & non esse simul, & proinde si illud fieret, fieret aliquid, cuius esse esset non esse, solum autem non esse non potest fieri à Deo, quia omne quod fit, debet esse aliquo modo simile ei à quo fit, Deo autem qui est ipsum esse.

esse, omne quod est simile, est; & solum non eius non est ei villo modo simile.

Quæcumque ergo non implicant contradictionem continentur sub illis possibilibus, quorum respectu Deus dicitur omnipotens; Ea verò quæ implicant, non continentur sub omnipotentia diuina, quia non possunt habere rationem possibilitatis; vnde conuenientius dicitur, quoddam ea non possunt fieri, quàm quod Deus non possit facere. Neque id est contra verbum Angeli dicentis: *Non esse impossibile apud Deum omne verbum*, id enim, quod implicat, non potest esse verbum, quia nullus intellectus potest illud concipere, qualia sunt quoddam præteritum non fuerit, sicut enim implicat dicere, quoddam Stephanus sedet & non sedet, ita quoddam sederit & non sederit, dicere autem quoddam sederit est dicere præteritum, dicere quoddam non sederit est dicere quoddam non fuerit; vnde præterita non fuisse, non est de ratione possibilitatis, consequenter hoc non subiaceret potentia diuinæ. Et hoc est quod dicit August. lib. 5. contra Faustum cap. 5. *Quisquis ita dicit si Deus est omnipotens, faciat ut quæ facta sunt, non fuerint, non videt se hoc dicere, si Deus est omnipotens, faciat ut ea quæ vera sunt, eo ipso quoddam vera sunt, faciat ut falsa sint.* Aristot. 6. Ethic. cap. 2. scribit, quoddam hoc solo priuatur Deus facere ingenua quæ facta sunt. Hinc Anselm. lib. cur Deus homo, ait, *Cum Deus faciat aliquid postquam factum est, iam non potest non esse factum, sed semper verum est factum esse.*

Dices, iam Deus non est minùs potens quàm fuerit ab æterno, sed ab æterno potuit facere vt v. g. Adam non esset; ergo iam potest facere vt non fuerit.

Respondeo non sequi, quamuis enim Deus maneat semper æquè potens, nec defectus sit ex parte illius, aliquis tamen est defectus ex parte obiecti, quia quod prius erat possibile, iam factum est impossibile. Sic S. Hieronym. epist. 22. cap. 2. dicit: *Cum Deus omnia possit non potest facere de corrupta incorruptam et si reparare possit carnis & mentis integritatem.* Defectus ergo est ex parte obiecti facti; ex hoc enim quod factum est, impossibile est quoddam non fuerit factum.

Nota etiam quæ implicant, vt mons sine valle, baculus sine duabus extremitatibus, præteritum non præteritum, bis quinque non esse decem, triangulum esse quadrangulum, aut quadrangulum esse cubum; & ex Euripide apud Plutarchum, hominem stantem & simul sedentem & huiusmodi, sunt nihil vel nihil deueniunt, & sunt idem; nam esse sine esse, est nihil omnino esse, & esse tale & non esse tale, est esse tale nihil, (sic tale potest dici de nihilo) At ista & similia petere est petere nihil, ad nihil autem faciendum non requiritur potentia, à fortiori nec exquirenda omnipotentia pro nihilo & non factibili, perinde enim est nihilum ipsum querere ad aliquid faciendum; quare S. Thomas prudenter vellicat lophistas istos ne impingant in blasphemiam, dum hæc enuntiant; nam cum de Deo præpotente loquimur, dicendum est talem aut talem rem non esse à parte rei possibilem; non autem quoddam Deus eam non possit facere; Potentia enim quælibet est ad aliquid siue faciendum siue destruen-

dam in obiecto; terminus ergo actionis est quid reale: Non ergo ex parte Dei se tenet defectus potentia, sed possibilitatis ex parte rei propositæ.

Instabis, Deus non est minùs potens re facta, quàm fuerit ab æterno, cum sit immutabilis. Respondi suprà defectum se tenere ex parte obiecti iam impossibilis.

Nota præterea, duplicem esse potentiam, scilicet passiuam, quæ nullo modo est in Deo, & actiuam, quæ summè est in eo; patet enim quoddam vnumquodque secundum quod est actus & perfectum, secundum hoc est principium actiuum alicuius: patitur autem vnumquodque secundum quod est deficiens & imperfectum; potentia autem actiua est principium agendi in aliud; passiuæ est principium patendi ab alio, vt docet Aristot. 9. metaph. tex. 17.

Ostensum est autem Deum esse summè perfectum & simpliciter, cum sit purus actus, neque aliqua imperfectio locum in eo habeat, vnde ei maximè conuenit esse principium actiuum, & nullo modo pati: Deus ergo omnia potest omnibus modis, quia potest producere de non esse ad esse, idque per creationem, potest ex incompleto completum facere, & hoc per propagationem, potest mutare vnum completum in aliud completum, sicut patet in transubstantiatione panis in Corpus Christi, & de talibus dicit August. *Demus Deo aliquid posse & nos intelligere non posse.*

Potentia Dei apparet in mundi initio, medio, ac fine, in principio, quia creauit res ex nihilo, in medio, quia res conseruat, & ne in nihilum redeant suâ potentia continet, in fine verò, quia mortuos mira celeritate suscitabit.

Dices: si potentia Dei respondet infinito suo esse, consequenter est infinita; poterit ergo facere infinitum, quod est impossibile; Quod etiam non facit, ideoque frustra esse videtur, cum potentia manifestetur per effectum.

Respondeo, quoddam potentia agentis vniuoci per effectum vel in suo effectui manifestatur, potentia enim generatiua hominis nihil plus potest quàm generare hominem; sed potentia agentis non vniuoci non manifestatur tota in productione effectus, v. g. potentia solis non tota manifestatur in productione alicuius animalis ex putri materia generati. Patet autem quoddam Deus non est agens vniuocum; nihil enim aliud præter ipsum, potest conuenire cum eo, neque in genere, neque in specie; vnde relinquitur quoddam effectus eius semper minor est quàm potentia eius. Non ergo oportet quoddam potentia Dei infinita manifestetur in hoc quoddam producat effectum infinitum. An autem possit facere infinitum, questione speciali examinabimus infra. Et tamen etiam nullum effectum produceret, non esset potentia Dei frustra, quia frustra est quod ordinatur ad finem, quem non attingit; potentia autem Dei non ordinatur ad effectum sicut ad finem, sed magis ipsa est finis sui effectus.

Nota insuper, quoddam licet Deus sit omnipotens, tamen ei non attribuuntur actus culpabiles, quia ij habent causam decientem à recta regula

Deo non pos-
sunt attribui
culpabiles
actus, quia hi
habent defi-
cientiam cau-
sam.

regula; Deus autem est causa efficiens, nec habet supra se regulam. Sic Deus dicitur non posse male velle nec mentiri. Nec tribuuntur ei actus poenales, ut metuere, dolere; nec corporales, ut comedere, dormire, ambulare, sedere, nisi fortè transumptiuè, nec actus inconuenientes, qui possunt esse tripliciter. Primò, si aliquis actus contradicat diuinæ potentiae, ut est facere maiorem se. Secundò si contradicat eius veritati, ut est facere aliquid simul esse & non esse, vel quod præteritum sit futurum; idèd Pal. 88. *Potens es Domine & veritas tua in circuitu tuo.* Tertiò si contradicat eius bonitati, ut damnare Petrum & saluare Iudam; de his S. Anselm. *Quodlibet inconueniens etiam minimum impossibile est apud Deum.* Horum autem ratio est, quia potentia diuina cum sit perfectissima, nec est de nihilo, nec est sub aliquo; vnde non potest deficere peccando, nec succumbere patièdo, nec egerè subsidium in aliquibus querendo, ac per hoc nec culpabilia, nec poenalia, nec materialia recipere potest.

QVÆSTIO III.

An Deus possit facere quæ non facit.

Resolutio Catholica affirmat; primò ex Scriptura Matth. 3. & Luc. 3. *Potens est Deus de lapidibus istis suscitare filios Abrahæ.* vbi Chrysost. Ambros. Hieronym. dicunt posse Deum ex veris lapidibus formare homines, quoddam tamen nunquam fecit & probabile est nunquam facturum. Marci 14. *Omnia tibi possibilia sunt, transfer calicem hunc à me.* vbi Christus indicat mundum reparari potuisse sine morte sua. Matth. 26. *Possim rogare Patrem & exhibebis mihi modo pluviam duodecim legionis Angelorum.* Neque autem ipse rogabat, neque Pater exhibebat ad repugnandum Iudæis, ergo Deus potest facere quæ non facit.

Probatur ratione, cum Deus propter bonitatem suam agat quæ excedit infinitè omnia quæ facta sunt, quæ ex natura sua seu ex quouis habitu in ipsa existente non limitatur ad certum ordinem rerum conuincitur posse plura & meliora, saltem accidentaliter, facere quàm quæ facit.

S. Thomas notat circa hoc duos errores. Primus dicit, Deum agere quasi ex necessitate naturæ, ut sicut ex actione rerum naturalium, non possunt alia prouenire nisi quæ eueniunt utpote ex semine hominis homo, ex semine oliuæ oliua, ita ex diuina operatione non possunt alia res vel alius ordo rerum effluere, nisi sicut nunc est.

Dixi autem in quæst. de voluntate Dei ipsam esse causam omnium rerum, & ipsam non determinari necessariò & naturaliter ad has res, vnde nullo modo iste cursus rerum sic ex necessitate à Deo prouenit, quoddam alia prouenire non possent. Secundus error tenet, quod potentia diuina determinatur ad hunc cursum rerum propter ordinem sapientiæ & iustitiæ diuinæ, sine quo Deus nihil facit ad extra. Cum autem potentia Dei, quæ est eius essentia, nihil sit aliud quàm Dei sapientia, conuenienter

quidem dici potest, quoddam nihil sit in Dei potentia quoddam non sit in ordine diuinæ sapientiæ, (nam diuina sapientia totum ordinem & posse totum potentia comprehendit,) sed tamen ordo à sapientia diuina inditus, in quo iustitiæ ratio consistit, non adæquat diuinam sapientiam sic, ut diuina sapientia limitetur ad hunc ordinem: patet autem quoddam tota ratio ordinis quam sapiens imponit rebus à se factis sumitur à fine; quando ergo finis est proportionatus rebus propter finem factis, sapientia facientis limitatur ad aliquem determinatum ordinem, sed diuina bonitas est finis excedens improporcionabiliter res creatas. Vnde diuina sapientia non determinatur ad aliquem ordinem rerum, ut non possit alius cursus rerum effluere; vnde dicendum est, quoddam Deus potest alia facere quàm fecit.

Dices, Deus non potest facere quæ non non præsciuit & præordinauit se facturum, sed non præsciuit nec prædestinauit se facturum nisi ea quæ fecit; ergo non potest facere nisi ea quæ facit.

Respondet S. Augustinus lib. de ciuit. 1. . . Deus potest ad nouum opus non nouum sed æternum adhibere consilium.

Respondeo secundò, duplicem agnosci potentiam in Deo ordinariam & absolutam. Ordinaria respicit omne id quod voluntas & sapientia ordinant secundum cursum & principia naturalia. Absoluta verò respicit id omne in quo saluari potest ratio entis seu id omne quod non implicat contradictionem. Secundum hanc dicendum est Deum posse alia facere quàm quæ præsciuit & præordinauit se facturum, quia ait S. Thomas quæst. 25. art. 5. ipsum facere subiacet præscientiæ & præordinationi, non autem ipsum posse; idèd enim Deus aliquid facit quia vult, non tamen idèd potest quia vult, sed quia talis est in natura sua. Vel,

Dic, Deum facere posse quæ non præordinauit, licet non possit facere quiddam quod non præsciuerit: Cum enim ordinauit se facturum aliquid, præsciuit se plura posse. Actus enim intellectus & cognitio præcedunt actus ratione voluntatis, & in connotato intellectus ad plura se extendit quàm voluntas.

Instabis, potentia Dei & decretum sunt idem realiter, ergo potentia non se extendit ad plura quàm decretum.

Respondeo, ex parte suæ entitatis sunt idem, sed ex parte obiecti vnum latius patet quàm alterum, ut dictum est de scientia & potentia diuina, quæ quidem secundum suam entitatem sunt reipsa idem, & tamen scientia ad plura obiecta se extendit (nouit enim impossibilia) quàm potentia.

Dices, pro instantia contra meliorem; Quidquid Deus facit, potentissimè & sapientissimè facit, sed tantò sit aliquid melius quantò sit sapientiùs & potentiùs.

Responde, si melius sit aduerbium; & importet modum ex parte facientis, sic Deus nequit melius facere, quia non potest ex maiori sapientia & bonitate facere, si ly melius sit nomen, verum est Deum, re qualibet posse facere meliorem, non essentialiter, sed accidentaliter.

Instabis homo Christus est plenus gratia & veritate, Beatitudo est summum bonum. Beata Virgo Maria est Mater Dei & super choros Angelorum exaltata, & sic non potest esse melior.

Respondeo, quodd humanitas Christi ex hoc quod est vnita Deo & Beatitudo ex hoc quod est fruitio Dei, & B. Virgo ex hoc quod est Mater Dei habent quandam dignitatem infinitam ex bono infinito quod est Deus, & ex hac parte non potest aliquid fieri melius eis, sicut non potest esse aliquid melius Deo. Sic S. Thomas 1. p. q. 25. art. 6. ista tria tamen finita & limitata sunt quantum ad essentiam & naturam eorum pertinet.

Dices, id quod est maximè vel valdè bonum non potest melius fieri, quia maximum nihil est maius, sed sicut dicit S. August. cap. 10. Enchirid. *Bona sunt singula quæ Deus fecit sed simul vniuersa valdè bona. quia ex omnibus consistit vniuersi admirabilis pulchritudo.* Ergo bonum vniuersi non potest melius fieri à Deo.

Respondeo, quodd vniuersum suppositis istis rebus, non potest esse melius propter decentissimum ordinem, his rebus à Deo datum in quo bonum vniuersi consistit, quorum si vnum aliquod esset melius, corrumpetur proportio ordinis, sicut si vna chorda plus æquo intenderetur, corrumpetur melodia cytharæ posset tamen Deus res alias facere vel alias addere istis, machinam, v.g. magis extendere, soli lucem addere, stellas novas creare, numerum Angelorum augere, &c.

Ratio principalis Catholicæ assertionis est, quia Bonitas quidditatiuæ quarūcumque partium vniuersi est finita, sed omni finito potest maius & melius ex cogitari. Deus autem plus potest facere quàm intellectus noster cogitare. Tum licet Deus sit maximum bonum, non est ad extra maximè diffusum, vnde sit optimum quicquid producit, ita vt non possit melius facere. Nam in productione creaturarum se liberè & non naturaliter diffundit, & ided non dat creaturis tantam bonitatem quantam potest, licet enim potentia se tota naturaliter agens producat effectum sibi adæquatum, & potentia diuina simplicissima sit & se tota agat, tamen id non est verum de potentia quæ liberè agit.

Dices, omnis potentia actiua potest se manifestare in effectū suo, sed potentia infinita non potest manifestari nisi in effectū infinito; ergo potentia diuina potest in actum infinitum.

Respondeo, quodd infinita Dei potentia manifestatur in effectū infinito in potentia, vbi Niise aduertit potentiam Dei habere triplicem infinitatem. Primam in durationis æternitate, secundam in vigoris immensitate, & tertiam in effectuum numerositate. Prima manifestatur in infinito secundum durationem quod est infinitum in potentia. Secunda in rerum creatione, vbi est maxima improportio inter terminum à quo & terminum ad quem. Tertia partim declaratur in actū, quia scilicet tot fecit, partim in potentia, quia scilicet potest plura facere, partim verò in negatione, quia

non tot, neque tanta fecit, aut faciet, quin semper possit plura & maiora facere, sicque Deus potest infinitas creare animas, hoc scilicet sensu quia nunquam tot in actū creabit, quin semper possit plures creare, sed nunquam possunt esse creatæ infinitæ actū.

Nota tamen Deum plura posse quàm homo vel Angelus intelligere possint, nam licet totum ens est in se intelligibile, & id solum quod non est non potest intelligi, tamen mens creata ob suam imbecillitatem sæpè fallitur in rebus intelligendis, & putat multa non posse existere, ac consequenter nec esse intelligibilia nec factibilia, quæ tamen fieri & existere possunt. Hinc Ioan. prima 3. *Maior est Deus corde nostro & nouit omnia.* Ephes. 3. *Potens est omnia facere superabundanter quàm petimus aut intelligimus.* S. August. lib. 2. de ciuit. cap. 5. 6. & 7. ostendit multa esse vera, quæ tamen homo intelligere nequit. Hilar. lib. 3. de Trinit. alique Sancti Patres idem dicunt. Ex si homo interdum potest ea facere quæ subtiliores non capiunt, & nisi facta viderent non crederent, fieri potuisse, qualia sunt quæ de Archimede narrat Plutarch. in vita Marcelli, quandò magis Deus multa poterit supra hominis captum.

Nota Omnipotentiam Dei esse potentiam actiuam propriè dictam, quæ habet pro termino adæquato & correlatiuo proprio Possibile, prout opponitur necessario ex se. Ratio autem cur Deus non potest facere impossibile simpliciter & per se, seu quod implicat contradictionem, est, quia Deus non potest facere contradictoria simul esse vera, hoc enim vt notauimus est esse nihil, sic enim falsificaretur primum principium in quo omnis doctrina radicatur.

Iam in questione de voluntatis diuinæ efficacia dixi, potentiam executiuam seu effectiuam creaturarum esse ipsammet essentiam Dei, quia sicut illa continet eminenter possibilia omnia ita est omnipotens ad producendum quicquid voluerit si accedat scientia vt dirigens, & voluntas vt eligens & applicans.

Scriptura aliquando vocat Deum omnipotentem, quia ex nihilo producit visibilia & inuisibilia, vel vt loquitur Apostolus Rom. 4. *Vocauit ea quæ non sunt tanquam ea quæ sunt.* Sapient. 2. *Ex nihilo nati sumus, & creauit orbem terra ex materia inuisa,* id est ex materia quæ prius non erat quando omnino non erat, & lib. 2. Machab. cap. 7. *Intelligat quia ex nihilo fecit illa Deus.* August. huic modo explicandi Omnipotentiam, perhibet suffragium in lib. de Symbolo. *Ideo Deus omnipotens est quia de nihilo fecit, non enim cum aliqua materie adiuuaret ex qua demonstraret artis suæ peritiā, sed ex nihilo vt dixi cuncta creauit. Hoc enim est esse omnipotentem vt non solum fabrica, sed etiam materies ab illo inueniatur esse.*

Ex quo perspicuum sit quàm alio modo Deus sit factor rerum & creaturas architectatus sit, ab eo qui in opificum nostrorum omniumque agentium naturalium effectiōe obseruatur, siquidem ab horum quolibet subiectum aliquod siue materia semper supponitur circa quam versetur vt ab architecto lapides cæmentum ligna, &c. à sartore pannus, ab igne carbones & ligna, si somnem deesse contigerit nulla sequetur actio, nec quicquam fiet ex nihilo, vt docet Aristot.

Aristot. 1. Physic. Deus autem in compositione vniuersi præstante materia nihil opus habuit cum sit omnipotens ut ratiocinatur supra S. Augustinus. Atque ut hanc omnipotentiam suam proderet debuit ex mero nihilo vniuersum aut saltem partes primarias constituere, quod enim modus hic producendi aliquid ad illam indicandam sit præsentissimus ex eo liquet quod sicut agentis cuiuslibet actio inter extrema duo veritatur, quæ in scholis vocantur terminus à quo & terminus ad quem, ita potentioris inter distantiora, (vnde ut quisque socio est fortior ita lapidem à loco vno in remotiorem proicit) & potentissimi inter distantissima. Deus autem est agens potentissimum cui velle sat est ad extrema quæque attingenda & vnienda, & extrema nulla magis distare possunt ab inuicem quam ens & non ens seu nihilum. Potens ergo est Deus enti quod nullo modo præfuit, dare ut sit, vel quod in idem redit, illud ex nihilo seu ex non ente creare.

Nota, sæpè assumi in Scriptura Verbum & dicere Dei tanquam speciale creationis instrumentum, sic cap. 1. Genes. ponitur *Dixit Deus fiat lux & facta est lux, fiat firmamentum & factum est.* ita Psal. 148. *Ipse dixit & facta sunt, ipse mandauit & creata sunt.* Ne autem crederis verbum hocce aliquid aliud à Deo ipso esse, pro nomine suo assumit verbum; hebraicum enim *hamar*, significans verbum seu vocem est vnum ex principalibus nominibus Deo attributis, idèd vult quod in sacra Scriptura ab ipsamet dictata oculus eius facies, os, manus, vocentur verbum aut vox Dei, ut cum Ezechielis 7. *Non miserebitur oculus meus super te.* Chaldeus dicit *Verbum meum*, Hieronym. 5. *Me ergo non timebitis & à facie mea non dolebitis.* Chaldeus habet à verbo. Esai 48. *Priora ex tunc annuntiaui & ex ore meo exierunt, & audita fecit ea.* Chald. *De verbo meo*, versu 13. *Sequitur, Manus mea fundauit terram, & dextera mea mensa est celos, ego vocabo eos & stabunt simul.* Chald. *verbum fundauit.* Verum equidem est verbum diuinum vocari *vocem*, *distinctionem*, & *verbum*; *vocem* seu *distinctionem*, quando manifestatum est per opera ad extra, *verbum* autem dum in intellectu diuino reconditum est; vox autem seu verbum dicitur, quia Deus per ipsum potentiam suam infinitam & gloriam manifestat, & idèd Scriptura dat Verbo productionem rerum & miracula omnia, quæ per Verbum eius patrata narrantur, voci enim eius obtemperant omnia, cæli, astra, elementa, mors, infernus, imò & ea quæ non sunt. Rom. 4. *Nam per verbum eius accipiunt esse*, rationabiliter autem Scriptura verbo Dei omnia tribuit, ut hoc modo loquendi insinuet hominibus quàm facile sit Deo creare ea quæ non sunt, cum vnum verbum ad hoc sufficiat. Ne autem credas Deum vsum fuisse vocem articulata, qui spiritus est, consequenter incorporeus; nam *vox*, seu *dixit*, quo facta sunt omnia, nihil aliud est, quàm ACTVS VOLUNTATIS DIVINÆ, qui cum est rei productiuius, vocatur *verbum*, *vox*; *distio*: Verbum ergo, voluntas, & vox Dei res vna & eadem sunt communis istis tribus nominibus, quæ nuncupatur *verbum*, in quantum est in intellectu diuino, *velle*, quia est actus voluntatis, & *vox* seu *distio*, cum

actu efficit quod vult. *Dei enim velle est facere*, ut ait Athanas. lib. 3. contra Arrianos.

Q V Æ S T I O I V.

An productio Creaturarum, tam in esse ideali, quàm reali, præsupponat necessariò productionem personarum.

Catholicæ expositio quam in hunc Articulum, *Patrem omnipotentem factorem*, attulimus, docentes creationem rerum pertinere indiuisim ad totam Sanctissimam Trinitatem, & de Patre appropriatiuè tantum prædicari, occasionem præbet huic dubio, pro quo.

Suppono res habere duplex esse, alterum ideale & cognitum in mente diuina, aliud reale extra intellectum diuinum in genere proprio, seu ut aliqui dicunt extra suas causas. Quæstio est de vtroque. Additur etiam illa particula *necessariò*, quia difficultas in præsentem est, an ista causalitas seu potentia cauandis res, necessariò sit in tribus personis, ita ut non possit vna sine alia causare, sed, necessariò Filius & Spiritus Sanctus sint rationes formales Patri, producendi creaturas, tam in esse ideali quam reali.

Quantum ad articulum de causalitate in esse reali, omnes Doctores affirmant supponi productionem Personarum; & totam causalitatem esse in tribus; Estque de fide definitum in pluribus Conciliis, & specialiter in Lateran. sub Innocent. III. & prius habetur in 6. Synodo in epistola Agathonis Papæ, estque Dionysij de nominibus diuinis. Augustin. 1. de Trinit. cap. 4. & 5. ex qua communi doctrina delumitur Axioma Theologicum. *Opera Trinitatis ad extra sunt indiuisa.* Ratio autem est, quia quicquid Deus operatur ad extra, operatur per suum intellectum & voluntatem, quæ sunt idem realiter, quod sua essentia; essentia autem est communis tribus; ergo & operatio & causalitas ad extra est quoque in tribus.

Tota difficultas est de modo, quo competat tribus, & hoc est quod vertitur in controuersiam. S. Thomas in 1. p. q. 45. art. 6. quærit verum creare sit proprium alicuius personæ, & concludit esse commune toti Trinitati seu tribus personis, non nisi ut essentialia attributa includunt scientiam seu cognitionem & voluntatem. Ratio eius est, creare conuenit Deo secundum suum esse, quod est eius essentia, at esse diuinum est commune tribus; ergo causalitas est in tribus; vnde creare non est proprium alicui personæ; maiorem probat, quia esse creaturarum est esse creatum, esse autem creatum producit ab increato.

Scotus impugnatur hanc rationem sic. Essentia ut essentia non est principium, nisi per modum naturæ; Deus autem hoc modo nihil agit ad extra; ergo hæc ratio est nulla; nam creatura esset necessaria in suo esse reali, quod est contradictorium.

Antequam respondeam ad principale. Sciendum est omnia esse causata ab vno principio; Deus enim est principium rerum in triplici genere causæ efficientis Exemplaris & finalis; Primum pater, quia quicquid est perfectionis simpliciter,

simpliciter, tribuendum est Deo, sed esse primum principium effectuum omnium dicit perfectionem simpliciter; unde Aristot. 2. metaph. dicit, quod id quod est ens simpliciter & verum simpliciter est causa omnis entis & veri, nam omne quod est per participationem causaliter dependet ab eo, quod est per essentiam.

Secundum patet; quia in Deo sunt idee, siue exemplares formae omnium causalium; non est autem intelligendum quod causa exemplaris sit vnum speciale genus causae ab efficiente; sic enim essent quinque genera causarum (numerando materiale,) sed est quidam modus specialis causae efficientis pertinet ad causam efficientem per rationem seu per intellectum & voluntatem, prout distinguitur contra agens à natura.

Tertium patet; quia Proverb. 16. dicitur, quod *Vniuersa propter semetipsum operatur est Dominus.* & probatur sic. Omne per se agens agit propter finem, alioquin ex actione agentis non magis sequeretur hoc quam illud, & prius agens agit propter priorem seu vltiorem finem; ergo primum agens agit propter vltimum finem; Sed nihil potest esse principaliter & vltimate finis primi agentis, nisi ipsum primum agens, cum non sit ordinabile ad aliud à se; ergo primum agens, quod est ipse Deus, est vltimus omnium finis, cum omnia producantur per actionem eius. Nec dicas contraria non posse esse ab vno principio; Contrariorum enim contrariae sunt causae, sed in mundo multa sunt contraria. Respondeo hoc esse verum de principio naturaliter agente, eodemque modo se habente; & tanquam praecisa & totali causa; Contraria autem possunt esse ab eodem agente per voluntatem secundum distinctas rationes, quae tamen non sunt oppositae in ipso, sicut ratio albedinis & nigredinis non habet contrarietatem in intellectu.

Resolutio prima. Causalitas perfecta quoad esse simpliciter seu reale in proprio genere est necessarium à tribus personis, quia supponit productionem personarum Filij & Spiritus S. quibus communicatur principium productuum creaturarum.

Rationes Scoti in 2. sentent. dist. 1. quest. 1. & quodlib. 8. art. 1.

Probatur primò; Quando aliquod principium est principium duarum productionum, quarum vna est necessaria, alia verò contingens prius est principium necessarium deinde contingens, sed sic est quod in diuinis est aliquid, quod est principium productuum productionis necessariae, & illud idem est principium productionis contingentis, nimirum intellectus & voluntas cum essentia diuina; ergo necessarium prius est productio necessaria quam contingens: At in productione necessaria, quae est ad intra, communicatur personae productae principium producendi productionem contingentem ad extra; ergo completa productione ad intra, per quam personae diuinae producuntur, haec habent principium proximum producendi creaturas: ergo in illo instanti, in quo intelligitur esse in Deo vnum principium productuum creaturarum, illud intelligitur esse communicatum personis diuinis, & ita tres personae necessario concurrunt, cum vna omnino sit fecunditas communicata tribus. Maior principalis probatur, quia effectus necessarius non potest presupponere contingentem;

sed bene è contrà: minor principalis est euidens.

Probatur secundò; Obiectum primum prius est praesens potentiae, quam secundarium sed sic est, quod essentia diuina est obiectum primum, creaturae verò secundarium; ergo prius intellectus diuinus habet essentiam praesentem, quam quodcumque obiectum secundarium, ut sunt creaturae: subsumit, sed sic est, quod intellectus diuinus in illo instanti quo habet essentiam praesentem, non solum intelligit intellectione essentiali siue actu operatiuo, sed etiam producit notitiam genitam, & dicit notitiam adequatam; ergo in illo instanti est productio Verbi diuini. Idem dicendum de voluntate; ergo prius naturaliter quam intellectus vel voluntas diuina habeant, vel respiciant aliquod aliud obiectum secundarium, habetur completa ratio productionis personarum diuinarum, & per consequens illae personae prius producuntur, quam aliquod aliud obiectum praesentetur, & multò magis priusquam aliquod aliud obiectum causetur ad extra in suo esse simpliciter, cum autem personae producuntur à Patre, illis communicatur tota perfectio quae est in Patre; ergo tota causalitas, & sic est in tribus.

Probatur tertio; Habitudo naturae ad suppositum est prior habitudine eiusdem naturae ad actum secundum; ergo natura diuina prius habet esse in illis personis quam sit principium productionis extrinsecæ: antecedens probatur; quia agere presupponit esse, habitudo autem naturae ad suppositum pertinet ad esse; insuper habitudo naturae ad suppositum est essentialis, & in quid; habitudo autem naturae ad agere non ita essentialis videtur; ergo prior est habitudo naturae ad supposita quam ad agere.

Nota autem istas rationes non probare simpliciter productionem contingentem presupponere productionem necessariam ad intra, alioquin si per impossibile esset vnica persona, non posset producere ad extra, quod tamen ex Scoto falsum est, ut monet art. 3. & ratio est, quia productio contingens non presupponit necessariam, quia dependeat ab illa; nam ab illa non dependet quantum est ex se, sed solum quia pendet à principio quo, quod est commune vtrique productioni, & intrinseca productio est illi principio intrinseco immediatior, & ideo prior quam extrinseca.

Concludunt ergo productionem externam praexigere internam ratione fundamenti communis, cui intrinseca est intimior non ratione conditionis & naturae ipsarum productionum simpliciter.

Predictam Resolutionem vberius declarat Doctor subtilis, explicando quænam sit ratio & fundamentum prioritatis productionis intrinsecæ ad extrinsecam, neque enim est, eo quod Verbum & Spiritus sint rationes formales proximè cteandi, vel quod aliquo modo compleant causalitatem Patris, quia eadem causalitas & æquè perfecta est in Patre, sicut in Verbo & Spiritu Sancto, sed vera ratio est, quia Pater producendo Filium, communicat ei naturam & totam perfectionem suam, & principium agendi ad extra, & Pater & Filius spirantes Spiritum Sanctum, eidem commu-

Quomodo de claudum in ha allegata ratione.

nicant naturam & omnem perfectionem suam & principium agendi ad extra, & consequenter antequam Deus Pater producat creaturas, iam principium illud quo eas producit est personis communicatum; ergo necessarîo tres causant & illa causalitas est in tribus; unde sicut Filius producit Spiritum Sanctum, quia habet eandem fecunditatem, quam habet Pater sibi in generatione communicatam, antequam spîret Spiritum Sanctum, ita tres personæ diuinæ habent causalitatem creaturarum, quia habent idem principium producendi creaturas, quod habet Pater antequam illas creet.

Confirmatur
ex Augusti.

Et hæc est sententia S. Augustini 5. de Trinit. cap. 14. ubi habet quod sicut Pater & Filius ad Spiritum Sanctum sunt vnum principium, sic omnes tres sunt vnum principium creaturæ ad ipsam producendum.

Henricus quodlibet. 6. quæst. 2. referente Scoti in 2. sentent. dist. 1. q. 1. habet alium modum dicendi, asseritque Verbum & Spiritum Sanctum esse rationes formales producendi creaturas, ita vt Pater sit principium quod, Verbum & Spiritus Sanctus sint principium quo, producendi creaturas, hanc suam positionem declarat sic. In omnibus tribus personis est eadem notitia essentialis, quia quicquid cognoscit Pater, idem cognoscit Filius & Spiritus Sanctus, sed tamen est differentia, quia illa notitia essentialis respectu creaturarum, quatenus est in Patre, est notitia simplex, quatenus est in Filio, est notitia dispositiua ad producendum creaturas. Similiter licet amor essentialis sit idem in Patre & Filio, tamen quatenus est in Patre & Filio est amor simplex, sed quatenus est in Spiritu Sancto, est amor affectatiuus, & quali impulsiuus ad opus: quod declarat exemplo: Nam artifex primò intuetur simpliciter formam operis; cognoscit enim prius opus esse faciendum; secundò, ordinat & disponit de faciendo & modo faciendi, prima dicitur notitia simplex, secunda dicitur notitia dispositiua quæ concipitur in priori. Similiter ex parte voluntatis quando offertur artifici forma operis faciendi, primò complacet sibi simpliciter in ea, secundò ex complacentia afficitur & inducitur ad productionem operis, & affectio hæc inducens ad opus, dicitur amor affectatiuus, qui oritur ex primo: Ita in diuinis secundum Henricum est imaginandum; notitiam, quæ est in Patre, esse quasi notitiam simplicem, non dispositiuam ad faciendum opus: sed notitiam quæ est in Filio, esse dispositiuam: idem dicendum de amore, quatenus enim est in Patre & Filio, est amor simplex absque inclinatione ad opus, sed quatenus est in Spiritu S. est amor affectatiuus, habens rationem impulsui & inclinati ad producendum creaturas: ex quo vterius deducit, neque notitiam simplicem, neque amorem simplicem, sufficere ad producendum opus, sed requiri etiam notitiam dispositiuam & amorem affectatiuum. Ex his autè duobus sequitur propositum, scilicet quod personæ productæ habeant rationem principij formalis, & quo, productionis ad extra; nam productio ad extra præsupponit productionem ad intra diuinarum personarum tanquam earum, quæ sint rationes formales ipsi Patri producendi crea-

turas, sine quibus personis actus essentialis notitiæ & amoris in diuinis non essent perfecti, & sufficientes ad producendum.

Hæc opinio (quam attuli quia plausibilis apparet pro publica donorum Spiritus Sancti explanatione in Concipne) probatur ab Henrico tribus rationibus. Prima; illud quod producit per cognitionem simplicis notitiæ & amorem simplicis complacentiæ, sicut per immediata principia producendi, producitur necessarîo & naturaliter, tam quoad esse, quam quoad modum essendi, sed nulla creatura producitur necessarîo & naturaliter à Deo; ergo Deus non producit creaturas per simplicem notitiam, & simplicem amorem; ergo per notitiam dispositiuam & amorem affectatiuum, sed ista notitia & iste amor sunt personæ Verbi & Spiritus Sancti; ergo Deus Pater producit creaturas per Verbum & Spiritum Sanctum, tanquam per rationes formales & principia formalia, quo, producendi creaturas: prima propositio primi argumenti probatur; quia Philosophi qui posuerunt in Deo solum illam notitiam & amorem simplicem, posuerunt etiam mundum necessarîo & naturaliter produci à Deo, reliquæ propositiones & consequentiæ sunt euidentiores.

Secunda, si Filius non esset ratio formalis Patri producendi creaturas, Pater haberet in se formaliter omnem rationem causandi creaturas etiam non producto Filio; at consequens est falsum; ergo consequentiæ: falsitas consequentis probatur, tum quia ordo originis creaturarum præsupponit ordinem originis personarum, tum quia S. August. 15. de Trinit. cap. 11. ait: *Creatura nulla esse potuit nisi per ipsum, per quod facta sunt omnia.*

Tertia probatur autoritate Apostoli. 1. Cor. 1. *Prædicamus Christum Dei virtutem & sapientiam.* At virtus habet rationem scientiæ practicæ; ergo Verbum est scientia practica Patris. Præterea Verbum dicitur potentia operatiua Patris, est etiam ars Patris, at hæc prædicata ei non competere, nisi haberet aliquam rationem propriam producendi respectu creaturarum; ergo Verbum est principium formale producendi creaturas. Idem dicendum de persona Spiritus Sancti.

Hæc eadem videtur esse opinio S. Thom. 1. p. q. 45. art. 6. nam in corpore articuli dicit, quod personæ diuinæ secundum rationem suæ processionis, habent causalitatem respectu creationis, & adducit exemplum; nam sicut artifex per Verbum in intellectu conceptum, & per amorem suæ voluntatis ad aliquid relatum operatur: ita Deus Pater operatus est creaturam per suum Verbum, quod est Filius, & suum amorem qui est Spiritus Sanctus; ex quo videtur velle personas diuinas concurrere ad productionem & creationem per sua propria; Tamen in responsione secunda ad secundum dicit personas non secundum propria, sed secundum appropriata, habere causalitatem in creatione; unde Capreol. Caiet. & communiter Thomistæ tenent S. Thomam non consentire cum Henrico, neque tenere personas diuinas secundum propria, esse principia formalia producendi creaturas, sed solum secundum appropriationem, quæ sententia est vera estque Scoti, qui Henricum sic impugnat: si Verbum

& Spiritus Sanctus essent rationes formales creandi Patri, sequeretur quodd Pater non crearet formaliter; consequens est falsum; ergo & antecedens. Probatur consequentia; illud dicitur formaliter agere aliquid, quod constituitur in esse actu per illud, quod est proxima ratio sibi agendi & cauſandi illud, v.g. homo formaliter intelligit, quia constituitur in esse actu per animam intellectiuam, quæ est principium proximum formale intelligendi, ex hoc deducitur è conuerso, illud non agere formaliter, quod non constituitur in esse actu per illud, quod est proxima ratio agendi, nimirum quod illud principium sit forma informans illius quod agit, vt est anima respectu hominis, vel, quod sit omnino idem supposito agenti, sed sic est, quod Pater non est formaliter in actu Verbo vel Spiritu Sancto, qui secundum Henricum sunt proxima ratio agendi & cauſandi; ergo Pater non cauſat nec producit formaliter & proximè ipsas creaturas Verbo & Spiritu Sancto, tanquam rationibus formalibus creandi.

Quodd si quis respondeat, omnes personas diuinas creare, quia omnes habent vnum Verbum in intellectu suo communi, licet Verbum illud dicatur à solo Patre; & omnes habent vnum amorem in voluntate communi, qui est Spiritus Sanctus.

Contra: verum est quidem; Pater habet Verbum, & Pater & Filius habent Spiritum Sanctum, sed non habent ea formaliter, sed vt correlatiua secundum S. August. 7. de Trinit. cap. 1. ibi enim asserit, quod *Pater non est sapiens sapientia genita*. Ergo Verbum non est ratio formalis Patri agendi; idem dicendum de Spiritu Sancto.

Tum ex opinione Henrici sequitur notitiam & amorem essentialem perfici per amorem & notitiam notionalem, quod est falsum; quia notionalia in diuinis non addunt perfectionem super essentialia; alioquin vna persona, cum non habeat omnia notionalia, non haberet omnem perfectionem. Præterea essent perfectiores omnes tres personæ simul, quàm vnazque seorsum, quod est contra Sanctos Patres, consequentia autem euidentis est, quia stante hac opinione, Pater non posset sine Filio & Spiritu Sancto producere creaturas, cum illis autem posset: denique Pater & notitia essentialis esset principium remotum, Verbum & Spiritus Sanctus principium proximum, hoc autem est contra illud principium fidei, quod statuit omnes personas esse consubstantiales, coæquales, & coomnipotentes, & opera ad extra esse indiuisa: stante enim prædicta opinione, opera ad extra essent diuisa, quia Pater vno modo, Filius alio modo concurreret ad creationem rerum,

Ad primam rationem Henrici, negatur volitionem simplicem & essentialem siue vt in tribus, esse necessariam siue agere necessariò ad extra, nam quicquid Deus vult ad extra, volitione communi vult liberè & contingenter, quia nihil extra se Deus necessariò vult, neque hæc: st ratio propter quam Philosophi posuerunt Deum agere necessariò, sed est quia viderunt motum cæli semper vniformem, idè putauerunt etiam Deum agere necessariò & ob alias causas, quas Philosophus adducit in 8. Phisic.

Ad secundam responderetur, productionem creaturarum præsupponere productionem personarum, non quia hæc sint rationes formales, sed quia hæc prima productio est necessariò, creaturarum autem est contingens, productio autem necessaria præcedit contingentem, & hoc idem voluit dicere S. Augustinus.

Ad tertiam, ex Paulo & similes SS. Patrum. Respondeo, eos intelligere Verbum esse sapientiam Patris, &c. non propriè sed appropriatè, & hoc modo intelligendi sunt aliqui Patres, qui dicunt Verbum æternum ministrasse Patri in creatione aut ministrum illius fuisse, vt loquitur Iustin. Clemens Alexand. vocans instrumentum Patris, Lactantius, consiliarium & manus Patris; possunt etiam exponi vt denotent in Patre authoritatem, & in Filio subauthoritatem quomodo sæpè S. Basiliius contra Arrianos loquitur, & similes authoritates interpretantur multi ex recentioribus.

Quoad secundum Articulum de esse ideali, est difficilis quæstio. An ideæ siue creaturæ in esse cognito præcedant in intellectu Patris productionem Verbi & spirationem Spiritus Sancti, vnde propter hoc est illa gravis difficultas, an Verbum producat ex creaturis cognitis, sed quia illa seorsum iam tractata est quæst. 25. idè ponitur hic.

Resolutio secunda. Productio creaturarum in esse intelligibili & etiam volibili præsupponit productionem personarum diuinarum, seu causalitas creaturarum, etiam quoad esse ideale & cognitum in mente diuina, est in tribus personis. Ratio est; quia est duplex ordo originis ad intra, scilicet & ad extra, & ordo originis ad intra prius completur quàm ordo originis ad extra incipiat, vt dixi in quæst. 13. Nam primus ordo originis est in secundo instanti naturæ in diuinis, secundus verò ordo originis est in tertio instanti naturæ, illa autem instantia naturæ distinguuntur per comparisonem obiecti ad intellectum & voluntatem diuinam, dum ergo intellectus & voluntas diuina comparantur ad obiectum primum, scilicet ad essentiam diuinam, habetur instans vnum naturæ, dum comparantur ad obiecta secundaria, scilicet ad creaturas, habetur aliud instans naturæ; in priori autem instanti naturæ dum intellectus & voluntas versantur circa essentiam nudam absque obiectis secundariis, quæ ex natura sua & ex se est obiectum, habetur productio ad intra personarum diuinarum, & beatitudo earundem; In secundo verò instanti naturæ habetur productio obiectorum secundariorum, quia illa non sunt obiecta ex se, sed sunt producta per intellectum & voluntatem in esse obiecti; ergo dum obiecta illa secundaria producuntur in esse ab intellectu diuino, producuntur à tribus personis quia in illo instanti, quo intellectus diuinus, qui est principium productiuum istorum obiectorum secundariorum producit hæc obiecta secundaria, est in tribus.

Hæc assertio, quodd tota causalitas etiam respectu creaturarum in esse intelligibili sit in tribus, probatur iisdem tribus rationibus, quibus probatum est eandem causalitatem inesse eisdem personis quoad esse reale creaturarum.

Prima; quia productio personarum est necessaria, creaturarum verò est contingens; sed posset

posset responderi, quod productio creaturarum in esse possibili est necessaria, quia est naturalis, non libera, ut est productio creaturarum futurarum, & quæ erant; Cæterum licet hoc verum sit, tamen productio personarum est magis necessaria: quia pertinet ad esse, & ad actum primum productio creaturarum in esse possibili ad operari & ad actum secundum, sed secunda & tertia ratio sunt efficacissimæ. Secunda, quia essentia nuda est primum obiectum, creaturæ quæcumque secundarium; prius autem est præsens intellectui obiectum primum, quàm secundarium, idem prius intellectus & voluntas producit personas & illis communicant intellectum & voluntatem; deinde tres personæ producit simul creaturas in esse possibili, & futuro. Tertia etiam ratio est efficacissima; quia essentialior est dependentia naturæ ad supposita, quàm ad actum secundum, per productionem ad intra natura divina determinatur ad supposita, & consequenter ad actum primum, deinde producit actum secundum; Creaturæ autem in utroque esse pertinent ad actum secundum; ergo præsupponunt productionem personarum divinarum, quibus cum idem principium productivum Patris communicetur, simul cum Patre producant ipsas creaturas in esse intelligibili & ideali tam naturali quàm libero.

Dices: Pater est prior Filio origine, & omnis operatio, quam habet Pater perfectionem dicentem habet eam ut prius origine Filio, sed huiusmodi sunt intelligere & velle, siue productio intellectus & volitionis; ergo intellectio creaturarum est prior productione personarum Filij & Spiritus Sancti.

Respondeo, quod si illæ duæ productiones comparantur secundum eandem rationem & secundum eundem ordinem, puta naturæ vel durationis, bona esset conclusio, sed quia variatur medium penes illos ordines naturæ & originis, ut patet, non valet.

QUÆRES, utrum aliquis modus vel ordo in causalitate seu in causando sit proprius Filio in divinis & Spiritui Sancto.

Respondet Scotus quodlib. 8. art. 2. utrique aliquo modo peculiari competere, is autem modus est, quod Filius creat, & aliud quodcumque ad extra agit subauthoritative, Pater autem authoritative, id de Spiritu Sancto dicendum est, scilicet subauthoritative agere, Filius ipse hoc declaravit Ioan. 5. dum negat se habere primam auctoritatem causando, *Filius, inquit, non potest à se facere quicquam.* Concedit autem sibi subauthoritatem cum subdit, *nisi quod videris Patrem facientem.* & infra ibidem, *Opera qua dedisti mihi Pater ut perficiam;* concedit etiam sibi causalitatem, cum inquit, *ego facio.*

Eodem modo dicendum est de Spiritu Sancto, ipse enim agit subauthoritative, Filius verò respectu Spiritus Sancti creat & agit authoritative; ratio utriusque est, quia Filius accipit à Patre principium agendi, & Spiritus Sanctus illud idem accipit à Patre & Filio, quod quidem principium est essentia cum intellectu & voluntate divina: Quod autem accipit principium agendi ab aliquo, ab illo habet agere, & virtute illius agit, non virtute

Carriere in Professionem Fidei.

distincta & veluti accepta à causa superiori, sed virtute eadem accepta, tamen ab illo per communicationem eiusdem virtutis & principij.

Hic modus causalitatis, quem usurpat S. Basiliius comprobatur luculenter positionem Scoti de signis originis, cum dicit Patrem agere in primo signo originis, Filium in secundo, Spiritum Sanctum in tertio, hæc enim signa explicant egregie hanc auctoritatem & subauthoritatem.

Adversus autem hæc signa originis in tertio instanti naturæ, pertinentia ad productionem creaturarum, afferuntur quædam instantia à Scoto; vide quæst. 13. de Trinit. hanc ut potius produco: si Pater prius ordine causalitatis (dicamus etiam originis) causat quàm Filius; ergo Filius non causat illud causatum, vel idem causatum bis producit: consequens est falsum: consequentia probatur, quia quod prius causatum est, non potest causari posterius, nisi idem bis causetur, quod est impossibile.

Respondetur autem cum eodem Scoto, quod ordo in causando potest considerari, vel in ordine ad producens, vel in ordine ad productum, primo modo est ordo causalitatis, auctoritas, & subauctoritas, & ordo originis, quia illa supposita ordine quodam habent principium causando. Secundo verò modo non est aliquis ordo, quia creatura non ponitur prius in esse per operationem Patris, & deinde sequitur actio Filij, & Spiritus Sancti, sed à tribus simul in eodem instanti naturæ, eadem actione & virtute accepta, tamen ordine prædicto ponitur in esse.

Ad argumentum verò cum dicitur, prius causatum non potest causari posterius, verum est referendo prius & posterius ad ipsum causatum; at referendo prius & posterius ad supposita causantia, non impedit quin illa possint habere principium & virtutem causando aliquo ordine, & tamen simul postea in eodem instanti producere eundem effectum. Dat Scotus aliam solutionem, vide.

Q U Æ S T I O V.

An si per impossibile esset unica persona in divinis, adhuc in illa esset causalitas perfecta respectu omnium causabilium.

Respondeo affirmativè: primò; quia Symbolum attribuens creationem soli Patri, etsi ob allegatas rationes viam sternit huic asserctioni, quam efficaci ratione stabilire non est difficile. Si causa comparatur ad duos effectus subordinatos, essentialior est dependentia utriusque effectus ad causam, quàm unius effectus ad alterum, & per consequens dato per impossibile quod primus effectus circumscriberetur ab illa causa, non propter hoc circumscriberetur secundus effectus: Sed sic est quod in divinis datur aliquid, quod est principium productivum ad intra & productionis ad extra, quæ sunt duæ productiones: distinctæ & subordinatæ, quia productio ad intra est prior et

V : quæ

quæ est ad extra est posterior; ergo essentialior est dependentia vtriusque productionis ad illud principium in diuinis, quam vnius productionis ad alteram; ergo per impossibile circumscripta prima productione, non per hoc circumscriberetur secunda, & per consequens dato quod in diuinis nulla esset productio ad intra, sed tantum adesset vnica persona, adhuc esset in ea perfecta causalitas respectu omnium causalibilium, sicut est modò in tribus: maior probatur, quia ratio, propter quam vnus effectus habet ordinem ad alium effectum est, quia ordinatè dependent & proueniunt à causa ipsa; ita quod non ideò dependent ab illa causa, quia dependeant ab inuicem, sed quia ordinatè à causa dependent, ideò etiam dependent ab inuicem; ergo si destrueretur ordo effectuum ab inuicem, non tamen propter hoc sequitur necessariò debere destrui ordinem vniuscuiusque effectus ad causam, quia propter minus impossibile non est concedendum maius impossibile, nec propter minus necessarium est negandum maius necessarium. Exemplo hæc maior declaratur; ponatur ignem habere istos duos effectus subordinatos, scilicet calefacere & ignire, qui scilicet sic se habeant, quod vterque effectus immediatè proueniat à causa, sed ordinatè tamen, ita quod primò igneat, secundò calefaciat, si maior est dependentia vtriusque effectus ad ignem quàm calefacere ad ignire, ablato ignire non tamen propter hoc auferretur calefacere, quia essentialius dependet calefacere ab igne quàm ab ignire; ideò ablato ignire & relicto igne, qui est causa, maneret quoque effectus ille calefacere. Maior ergo est vera. Minor verò probatur ex dictis suprà, in diuinis enim intellectus & voluntas sunt principium productionis ad intra, & ad extra, sed prius ad intra quàm ad extra; ergo circumscripta productione ad intra, non tamen propter hoc necessariò circumscribitur productio ad extra; ergo si per impossibile Pater non produceret ad intra, adhuc posset producere ad extra; circumscripta enim productione ad intra, adhuc habetur tota ratio principij productiui ad extra; & tantummodo negatur ille ordo productionis ad productionem, & sic dato per impossibile, quod in diuinis esset vnica persona absoluta, sicut posuerunt Philosophi, adhuc in illa esset tota causalitas producendi seu creandi res ad extra; vnde Philosophi concesserunt productionem ad extra, ait Scotus esse necessariam, nec tamen cognouerunt productionem intrinsecam; ergo signum est illos non existimasse productionem extrinsecam non posse inesse Deo, nisi prius adsit intrinseca.

QVÆSTIO VI.

An Deus possit facere Infinitum.

TRiplex statuitur infinitum, primum extensiuè, siue in quantitate continua, aut discreta, & de hoc infinito loquitur Aristot. 3. Physic. cap. 62. cum dicit: *Infinitum est cuius quantitatem accipientibus semper est aliquid extra sumere*; vnde hoc Infinitum est tantum in

potentia, accipiendo vnum post aliud, & sic consistit in successione quadam & non in actu completo. Potentia etiam ad infinita se extendens vt potentia materię ad infinitas formas, & potentia actiua alicuius agentis ad actus infinitos, dicitur infinita extensiuè.

Aliud dicitur Infinitum intensiuè, quod scilicet impropotionaliter excedit quodcumque finitum.

Aliud verò est Infinitum vtroque modo, vt potentia diuina, quæ est in se formaliter infinita, & ad infinitos effectus se extendit: his præmissis.

Resolutio: diuina potentia non potest producere aliquid actu infinitum intensiuè in creaturis, patet; quia omne creatum est limitatum, cum sit in determinato genere, sed omne quod sit à diuina potentia est creatum; ergo; Item à Deo nihil factum est perfectissimum; quia nihil ab eo factum habet formaliter omnem perfectionem simpliciter; non enim formaliter habet diuinam essentiam; ergo nihil præter Deum potest esse intensiuè infinitum.

Idem dicendum de magnitudine actu infinita extensiuè; nam vel illa constaret ex partibus finitis, vel infinitis; si primum; ergo illa magnitudo non esset infinita; nam ex finitis non potest constitui nisi finitum: si secundum; aut ergo ex partibus infinitis secundum magnitudinem, & sic sequitur quod aliquid erit maius infinito, cum oporteat totum esse maius sua parte, non potest autem esse aliquid maius infinito; aut ex partibus infinitis secundum multitudinem, & tunc si loquamur de partibus inexistentibus, non sequitur propter hoc magnitudinem infinitam esse, cum in qualibet magnitudine sint hoc modo partes infinitæ, notanter autem dictum est, actu infinitam, quia benè conceditur infinita in potentia, in quantum quælibet magnitudo est diuisibilis in infinitum, illa tamen diuisibilitas nunquam potest tota simul reduci ad actum completum.

Idem negatiuè resoluitur de multitudine actu infinita; patet; nam si hoc fieret, aut posset producere vterius aliquam vnitatem, & sic erit aliquid maius infinito, aut non, & sic Deus per talem productionem fiet impotens & exhausta erit eius potentia; Item omni multitudine producta, dabilis est maior, sed infinito nihil potest esse maius; ergo non potest esse multitudo actu infinita.

Potest tamen Deus producere finita in infinitum; patet; quia nunquam potest tot producere quin possit ampliora & plura in infinitum; illa tamen plura nunquam possunt esse in actu producta infinita. Sap. 11. *Omnia in pondere, numero & mensura disposuisti.*

Dices, maior potentia potest in actum maiorem, ergo infinita in infinitum.

Respondeo; antecedens esse verum de actu accepto pro actione agentis, sed non de actu pro re acta, nisi vbi agens & res acta vniuocantur.

Dices: potentia se tota agens producit effectum sibi adæquatum, sed potentia diuina, cum simplicissima sit, se tota agit; ergo producit effectum sibi adæquatum, & consequenter infinitum.

Respon

Respondeo, maiorem esse veram de potentia naturaliter agente, non de ea quæ liberè agit.

Instabis, Deus potest creare animas infinitas, cum non determinetur ad certum numerum.

Respondeo, infinitas fore in hoc sensu, quia nunquam tot creabit in actu, quin plures semper possit, & ita potest creare in infinitum, sed nunquam possunt esse creatæ infinitæ actu.

Dices: magnitudo est diuisibilis in infinitum, sic enim definitur continuum, quod est in infinitum diuisibile, ut patet in 3. Physic. sed contraria nata sunt fieri circa idem, cum ergo diuisioni opponatur additio, & diminutioni augmentum, videtur quod magnitudo possit crescere in infinitum; ergo potest dari magnitudo infinita.

Respondet S. Thomas, quod licet infinitum non sit contra rationem magnitudinis in communi; est tamen contra rationem cuiuslibet speciei, scilicet contra rationem magnitudinis bicubitæ, tricubitæ, circularis, triangularis, & similibus; non est autem possibile esse in genere, quod in nulla est specie; unde non est possibile esse aliquam magnitudinem infinitam, cum nulla species magnitudinis sit infinita.

Dices, motus & tempus habent quantitatem & continuitatem à magnitudine, super quam transit motus, ut dicitur in 4. Physic. sed non est contra rationem temporis & motus, quod sit infinita, cum vnumquodque indiuisibile signatum in tempore & motu circulari, sit principium & finis; ergo nec contra rationem magnitudinis erit, quod sit infinita.

Respondeo, quod motus & tempus non sunt secundum totum in actu, sed successiue: unde habent potentiam permixtam actui, sed magnitudo est tota in actu, & ideo infinitum quod conuenit quantitati, & se tenet ex parte materiæ, repugnat totalitati magnitudinis, non autem totalitati temporis, vel motus, esse enim in potentia conuenit materiæ; Bene ergo Sanctus Thomas ait, omne corpus esse finitum; nam superficiem habet, quæ est terminus corporis finiti, & similiter dicitur de superficie & linea; nihil ergo est infinitum secundum magnitudinem. Tum dato quod esset aliquod corpus infinitum secundum magnitudinem, ut potè ignis vel aer, non tamen esset infinitum secundum essentiam, quia essentia sua esset terminata ad aliquam speciem per formam, & ad aliquod indiuiduum per materiam; & cum ad substantialem formam consequantur accidentia, necesse est quod ad determinatam formam consequantur determinata accidentia, inter quæ est quantitas; unde omne corpus naturale habet determinatam quantitatem, & in maius & in minus; unde est impossibile aliquod corpus naturale esse infinitum. Hoc etiam patet ex motu; quia omne corpus naturale habet aliquem motum naturalem; corpus autem infinitum non posset habere aliquem motum naturalem; nec rectum, quia nihil mouetur naturaliter motu recto, nisi cum extra suum est locum, quod corpori infinito accidere non pos-

set, occuparet enim omnia loca, & sic indifferenter quilibet locus esset locus eius. Neque secundum motum circulaem, quia in circulari oportet quod vna pars corporis transferatur ad locum, in quo fuit alia pars, quod in corpore circulari, si ponatur infinitum, esse non posset, quia duæ lineæ protraherentur à centro, quanto longius protrahuntur ab eo, tanto longius distant ab inuicem, si ergo corpus esset infinitum, lineæ distarent ab inuicem in infinitum & sic vna nunquam posset peruenire ad locum alterius.



EXPLICATIO ILLIUS partis Symboli, *Creatorem.*

Q V Æ S T I O VII.

An Deus possit Creare.

Sicuti solius Dei est creare, virtus enim ad hoc requisita non competit creaturæ, hinc est quod vix exprimere nedum capere possumus energiam & essentiam creationis; definitur autem à Scoto in 2. disput. 1. productio de nihilo in effectu; vbi enim Genes. 1. dicitur, *In principio creauit Deus.* Glossa habet ex Beda in hunc locum, quod *Creare est aliquid ex nihilo facere.* vbi nota hanc particulam *de*; multas habere significationes; in hac tamen definitione significare solum ordinem, & quia duplex est ordo, scilicet naturæ & durationis; Scotus ait illud *de nihilo*, quandoque significare ordinem durationis, quandoque & naturæ, ita quod sensus est; creatio est productio alicuius de nihilo, non tanquam de materia vel aliquo alio modo, sed tanquam de priori ordine naturæ vel temporis. Ex hoc habetur duplicem esse creationem, alteram æternam, alteram temporalem. Creatio in qua non esse, siue nihil præcedit solum natura esse creaturæ, est creatio æterna. Creatio in qua non esse creaturæ seu nihil præcedit esse creaturæ duratione, est temporalis; nec dicas illud *de vel ex nihilo*, designare ut plurimum causam materialem & ad illam importare habitudinem, sicut cum dicimus quod statua sit ex lapide vel auro, sed nihil non potest esse materia entis nec aliquo modo causa eius; unde velis inferre quod creare non sit aliquid ex nihilo facere; dictum enim est designari tantum ordinem, sicut cum dicitur ex mane sit meridies, id est post mane. Probatur Deum posse creare. Deus immediatè potest causare aliquid; ergo potest creare: antecedens probatur; quia Deus est primum efficiens; est ergo necesse quod possit aliquid immediatè efficere, alioquin nil posset efficere, quia cum sit agens primum non potest agere mediante aliquo, quia tunc non esset primum efficiens; consequentia probatur; quoniam si Deus potest efficere aliquid immediatè, ergo illud non est ex se necesse esse, sed possibile, & transit de non esse ad esse; illud etiam efficiet de non subiecto, quia si illud efficeret ex al qua subiecta materia, illa etiam esset effecta à Deo; ergo istud quod ponitur immediatè effici à Deo, non efficereetur immediatè sed mediatè, & consequenter

consequenter non est primum efficiens, quia illud vel primum immediatè efficit. Secunda ratio: potentior & nobilior est causa quæ potens & sufficiens est ad totalem productionem rei nil præsupponendo; agens enim quo est perfectius minus præsupponit in agendo, Deus autem est causa potentissima, sed agere nullo præsupposito est creare, ergo Deus potest creare. D. Thomas ita ratiocinatur, non solum non est impossibile aliquid creati à Deo, sed necessarium est omnia esse creata à Deo, cum nil sit in vniuersitate entium non causatum ab ipso; quicumque enim facit aliquid ex aliquo, illud ex quo facit præsupponitur actioni eius, & non producit per ipsam actionem, sicut artifex operatur ex rebus naturalibus, ut ex ligno & ære quæ per artis actionem non causantur, sed causantur per actionem naturæ, sed & ipsa natura causat res naturales quantum ad formam, sed præsupponit materiam; si ergo Deus non ageret nisi ex aliquo præsupposito, sequeretur quod illud præsuppositum non esset causatum ab ipso. Nihil autem est in entibus aut potest esse quod non sit à Deo, qui est causa vniuersalis totius esse. Vnde necesse est dicere, quod Deus ex nihilo res in esse produxit.

Dices ex Aristotele 3. Physic. text. 5. communis est sensus Philosophorum ex nihilo nihil fieri, sed potentia Dei non se extendit ad contraria primorum principiorum, utpote quod Deus faciat quod totum non sit maius sua parte, vel quod affirmatio & negatio simul sint veræ; ergo nec ex nihilo creare.

Respondeo, quod Philosophi antiqui non considerant nisi emanationem effectuum particularium à causis particularibus, quas est necesse præsupponere aliquid in sua actione, & secundum hoc erat communis eorum opinio, ex nihilo nihil fieri; sed tamen hoc non habet locum in prima emanatione ab vniuersali rerum principio.

Instabis, infinitam distantiam non posse pertransiri; infinita autem est inter ens & nihil; ergo non potest ex nihilo quid fieri.

Respondeo, obiectionem procedere ex falsa imaginatione, ac si sit aliquid infinitum medium inter nihilum & ens; quod patet esse falsum; procedit autem hæc falsa imaginatio ex eo quod creatio significatur, ut quædam mutatio inter duos terminos existens.

Dices, res creabilis habet esse essentia æquequam habeat existentiam actualem; ergo creatio eius non est ex nihilo: probatur; nam primò res erat possibilis; at quod est omnino nihil non est possibile; necesse ergo est illud quod est possibile, habere aliquod esse super quod fundetur possibilitas ad esse.

Respondet Scotus ad Henricum, quod licet creaturæ non habeant esse essentia in mente diuina, eo modo quo exponit Henric. habent tamen esse cognitum & ideale, idè cum producantur in tempore in esse realis existentia, non transeunt de omnino non esse ad esse, sed de esse secundum quid ad esse realis existentia, & sic in hoc sensu possumus dicere, quod creatio temporalis est productio creaturæ ex nihilo, sed illud nihil non excludit esse ideale &

cognitum, sed solum esse simpliciter & reale ipsius creaturæ; vnde licet creatura in creatione temporali, præsupponat illud esse intelligibile seu cognitum, hoc non impedit quin creatio temporalis sit vera creatio, quia illud esse cognitum non est aliquod esse reale & simpliciter ipsius creaturæ, sed est esse secundum quid, quod secundum propriam entitatem realem nihil aliud est quàm essentia diuina, neque productio creaturæ in illo esse ideali est creatio, quia ut dixi, illud esse non est esse simpliciter creaturæ, sed secundum quid eius, realiter verò & simpliciter est esse Dei.

Instabis, si Deus crearet aliquid, vel hoc esset actione æterna vel noua, non æterna quia sic creatura esset æterna; non enim potest esse actio & quod nulla res sit acta, nec actione noua, quia nihil nouum potest esse in Deo, nec noua volitio.

Respondeo, quod Deus producit creaturam actione seu volitione æterna; nec tamen sequitur quod res facta sit æterna, quia licet actio illa, scilicet diuina volitio, sit æterna; non tamen est pro æterno sed pro certo nunc temporis; & si quæras quare Deus magis vult hoc producere in hoc instanti quàm in alio, respondeo non dari causam; cum voluntas Dei sit prima causa, & idè inter contingentes propositiones ista est prima & immediata; Deus voluit producere hoc in isto instanti; Deus ergo potest aliquid producere de nouo absque eo quod sit aliqua nouitas in eo, quia nouitas est ex parte producti tantum. Hinc S. August. de ciuit. Dei dicit, Deus potest ad nouum opus non nouum sed æternum adhibere consilium. Hoc autem non solum est verum in Deo, sed & in rebus creatis; sol enim existens idem absque omni mutatione, potest producere nouam & nouam illuminationem, si nouus & nouus aer eius radiis se se obiceret successiue, ecce quod tunc esset nouitas in producto absque vlla nouitate in producente & efficiente. Experimur in nobis quid simile, possumus enim decretum facere de actione particulari edenda, decem annis ab hinc cuius productio existet & fiet sine mutatione in nobis, nam cum firma persistet volitio, nec mutemur decretum si aliqua notetur mutatio non est in nobis, sed in re producta. Nota ergo quod id quod creatur non præfuit in esse simplici seu reali, sed tantum in esse secundum quid, scilicet in esse intelligibili & possibili & volito.

Q V A S T I O V I I I .

An Creatio sit aliquid absolutum in Creatura.

Collegium Conimbricense cum aliquibus Doctoribus tenent, Creationem esse quemdam influxum & formam absolutam, qua Deus produxit res in esse, asseruntque illam recipi in creatura, & esse idem realiter cum illa distinctum tamen formaliter; hocque sic probant: Actio transiens est in passio tanquam in subiecto, ex Aristotele 3. Physic. creatio est actio transiens; ergo est in passio. Ex hoc autem sequitur creationem non esse velle diuinum, quo

quo Deus tanquam principio producit res, neque relationem rationis eiusdem principij efficientis ad res productas, quia hæc duo sunt in Deo, sed sequitur esse influxum quendam & formam absolutam, qua tanquam actione Deus confert esse rebus creatis, & proinde sequitur rebus ipsis hanc inesse, atque ab ea Deum denominatione dici creatorem sicut ignis dicitur calefaciens à calefactione quatenus actio est, & insidet in aqua tanquam in subiecto, estque idem re cum calore, quo extrinseca denominatione dicitur calefaciens. Maior principalis est Aristotelis minor est Scriptura, Ioan. 1. *Omnia per ipsum facta sunt.* & Niceni, *Factorem cæli & terra.* quæ verba actionem transeuntem dicunt. Secundò, vel creatio est velle diuinum, vel relatio rationis Dei ad creaturas, vel influxus & qualitas absoluta, nõ primum quoniam principium actionis non est actio, neque est quid intrinsecum Deo, neque secundum, quia ridiculum videtur quoddam actio, qua Deus formaliter creat & producit, sit merum ens rationis; restat ergo ut sit influxus & qualitas absoluta. Tertiò, quoddam specialiter Creatio non sit relatio rationis in Deo, neque relatio in creatura ad Deum, ut vult Scot. quoniam vterque respectus tam Dei ad creaturam quam creaturæ ad Deum, sequitur creaturam productam; at creatio præcedit creaturam; ergo creatio non potest esse talis respectus. Præterea actio & passio sunt prædicamenta distincta à prædicamento relationis; ergo non sunt relationes, quia non facerent distinctum prædicamentum à relatione, quæ quartum constituit, neque completur per relationem, quia prædicamenta sunt impermixta, neque quid vnius prædicamenti completur in esse per aliquid alterius; actio ergo ipsa est quid absolutum, nil autem potest esse præter prædictum influxum. Præterea actio ex Scoto propriè sumpta, habet præsertim hanc conditionem ut sit productiua termini alicuius; tunc sic arguo. Relatio siue actiua sit, siue passiva, non est actiua nec productiua; ergo actio non est relatio propriè loquendo, & augetur difficultas, quia Scot. in 2. dist. 3. q. 6. asserit, actionem esse in passio non in agente; ergo actio non est relatio agentis ad passum, quia illa est in agente non in passio. Scotus & D. Thomas reiciunt hanc sententiam, D. Thomas q. 45. art. 3. concludit, creationem nil aliud esse quam relationem quandam ad creatorem ut ad principium: ratio eius; quia quoddam creatum non fit per motum vel per mutationem, quoddam enim fit, sit ex præexistenti aliquo, quod quidem contingit in productionibus particularibus aliquorum entium; hoc autem non potest contingere in productione totius esse à causa vniuersali omnium entium, quæ est Deus; vnde Deus creando producit res sine motu, subtracto verò motu ab actione & passione, nil remanet nisi relatio, vnde relinquitur quoddam creatio in creatura non sit nisi relatio quædam ad creatorem ut ad principium sui esse, sicut in passione quæ est cum motu, importatur relatio ad principium motus.

Scotus autem efficaciter improbat opinionem absoluti seu influxus; Si creatio, ait, est

influxus & forma absoluta; ergo ille influxus est prima creatura, & Deus producit mediata creaturâ alias creaturas quæ duo sunt absurda; consequens probatur; quia illa actio quæ est influxus est forma absoluta realis, quia ut dictum est, qua realiter creat; ergo habet proprium esse absolutum & reale; ergo est creatura; licet ergo sit idem realiter cum creatura creata, quia per se manere non potest, sed facit cum illa vnum ens reale, tamen formaliter & absolute esset ex se aliqua creatura, quia haberet proprium esse absolutum & reale, sicuti anima & corpus, licet sint idem in homine, quatenus faciunt vnum ens perfectum, tamen sunt verè entia realiter distincta & diuersæ creaturæ, ita ille influxus & creatura creata mediante illo essent duæ creaturæ realiter distinctæ, facientes tamen vnam creaturam completam; Est ergo dicendum creationem non esse absolutam aliquam formam, ex quo sequitur esse relationem, quia non datur medium, sed non est extrinsecus adueniens, quia illa constituit quartum prædicamentum; actio autem & passio constituunt duo prædicamenta; ergo est relatio extrinsecus adueniens, & est relatio agentis ad passum, & sic actio est in agente tanquam in subiecto, in potentia verò agentis tanquam in fundamento; sic passio est relatio passi ad agens, ita quoddam fundatur in passio tanquam in subiecto, in potentia verò passiva passi tanquam in fundamento.

Dices, quomodo fieri potest quoddam actio sit relatio, cum relatio non sit de genere actiuorum, ipsa tamen actio sit qua agens producit effectum in esse & agit in passum.

Respondet Scotus in 2. dist. 1. q. 2. non esse imaginandum agens agere in passum mediante actione tanquam aliqua forma actiua, quoniam agens absolutum immediate agit in passum, vnde ad absolutum in causa immediate sequitur absolutum in effectum, non ergo relatio aliqua in causa vel aliqua realitas vel quicquid aliud præter actum primum causæ est ratio ut causa agat & producat effectum suum; non ergo requiritur actio ut medium, quo causa agat, sed ipsa per se agit; & quia per se & per suum actum agit; idè dicitur agere & consurgit actio, quæ est ipsa relatio actualis agentis ad passum, & hoc tollitur omne dubium in hac materia; non ergo actio est principium quo agens agit, sed relatio qua agens dicitur agere vel agens; verum, quia in agente ad passum sunt multe relationes.

Est dubium quænam sit ea relatio quæ dicitur actio, & quæ relatio in passio quæ dicitur passio.

Respondet Scotus in 4. dist. 13. q. 1. in agente esse triplicem habitudinem; agentia enim creata sunt in duplici discrimine; quædam enim producant suum terminum totaliter, ut sit in generatione substantiali, cum enim homo generat hominem, producit totum hominem, aliquando verò agens creatum non producit totum terminum, sed solum secundum partem, ut sit in generationibus accidentalibus, ut cum aliquod agens producat albedinem vel calorem in aliquod subiectum vel quantitatem, & huiusmodi relatio qua agens in prima productione

productione respicit effectū, dicitur producentis ad productum. Ratio verò qua agens respicit productum in aliis productionibus, dicitur relatio inducentis ad inductum, vel educantis ad educum: ratio est, quia illæ formæ productæ in subiecto ab agente, vel educuntur è subiecto, vel extrinsecus in illum producantur, & ided dicuntur relationes educantis vel inducentis ad educum; Omnes autem hæ relationes respiciunt productum, vel formas productas vel educas, non autem passum.

Tandem præter has relationes insurgit alia relatio in agente, quæ directè tendit in passum, quæ dicitur relatio transmutatis ad transmutatum; Agens enim dum inducit formam in passum aliquo prædictorum modorum, transmutat passum de vno esse ad aliud esse; Relationes producentis & producti, educantis & educi sunt intrinsecus aduenientes, quia posito agente & positis illis formis sequitur relatio ex virtute extremorum. Sed relatio agentis ad passum, quæ est transmutantis ad transmutatum, est extrinsecus adueniens, quia positis extremis in esse non statim sequitur; nam posito igne & posito ligno, non statim confurgit relatio actualis combustiui & combustibilis, sed requiritur aliqua causa externa ea simul conuertens: hæc relatio agentis ad passum est actio propriè dicta, reliquæ relationes agentis ad productum pertinent ad quartum prædicamentum, & hoc est verum de actione propriè dicta, non de actione impropiè dicta, de qua nunc infra.

Ex dictis declarat Scotus, quid sit creatio, ac in primis ait actionem propriè dictam non competere Deo, neque ad intra neque ad extra; quod probat duabus rationibus; prima, quia ut est dictum, actio propriè dicta est relatio agentis ad passum, non quæcumque sed transmutantis ad transmutatum, ita quod actio respicit passum, quatenus est quoddam potentiale, ex quo vel in quod inducitur forma aliqua; quando ergo est totalis productio, non de aliquo passo seu potenciali, ibi deficit vera ratio actionis; quod etiam probatur ex Aristotele 5. Metaph. text. 17. ided hac ratione productio Filij à Patre in diuinis non potest dici propriè actio, quia Filius non producitur à Patre de essentia diuina, tanquam de aliquo subiecto potenciali; essentia enim diuina non habet rationem materiæ vel quasi materiæ, sed actus, & Filius est totaliter productus, hac eadem ratione creatio non est actio propriè dicta, quia non est productio alicuius de aliquo subiecto potenciali, quia in creatione nulum est subiectum, ex quo res creata educatur; ided Deus in hac operatione non respicit aliquod subiectum ut transmutabile ad aliquam formam. Secunda ratio; Actio ex dictis est respectus extrinsecus adueniens, cui etiam respondet passio, quæ est respectus extrinsecus adueniens, sed omnis respectus aduenit intrinsecus; relationes enim originis confurgunt in diuinis, positis terminis in esse, & hac ratione productiones diuinæ ad intra tam actiue quam passiue non sunt actio & passio propriè dicta; In creatione verò est distinguendum; alia enim est creatio actio, quæ est in Deo, alia est creatio passio, quæ est in creaturis: creatio passio est relatio intrinsecus adueniens, quia

impossibile est dari creaturam aliquam & ipsam non referri ad Deum creantem, & ided ex hac parte creatio passio non potest esse passio propriè dicta: Creatio actio autem est relatio rationis, quia relatio Dei ad creaturam est rationis tantum, & ided licet extrinsecus adueniat, tamen non est propriè actio; Relinquitur ergo quod creatio sit actio impropiè dicta, & per quandam correspondentiam & æquivalentiam ad actionem propriè dictam. Idem dicendum de creatione passione; est enim impropiè & per æquivalentiam tantum passio.

Ad rationes pro influxu, Respondeo, quod creatio sit actio transiens, accepta scilicet pro re acta sine pro connotato secundo non primo, scilicet pro forma producta ab agente; hæc enim recipitur in passo, non pro formali; nos autem loquimur de creatione actione pro formali, præterea neque creatio pro re acta est forma absoluta media ut volunt aduersarij, quia in creatione productum non mediat inter creans & rem creatam, sed est ipsa res creata, & ided ex hac autoritate Aristotelis non habetur quod actio creatio sit influxus absolutus medians inter Deum & creaturam ut ipsi volunt.

Ad secundam. Respondeo, creationem esse relationem rationis in Deo, & dico formam qua Deus creat non esse rationem, sed esse essentiam & voluntatem diuinam, creationem verò esse relationem rationis.

Ad tertiam concedo creationem pro formali esse ens rationis; ad rationem in contrarium, dico opinionem supponere falsum, quod scilicet Deus agat & creet mediata quadam forma absoluta; hoc enim est falsum; agit enim immediate per seipsum producendo creaturam, & omne agens creatum agit immediate in passum sibi proportionatum, ided talium est actionem pro formali esse productiuam, sed tamen denominatiue & pro connotato, scilicet pro agente esse productiuam termini.

Ad quartam. Respondeo, actionem & passionem esse prædicamentum distinctum & complecti relationem extrinsecus aduenientem, tamen in proposito dico creationem actionem non esse propriè actionem, quia est relatio rationis, quæ non pertinet ad aliquod prædicamentum reale, creatio verò passiva est relatio realis sed extrinsecus adueniens, & ided pertinet ad prædicamentum relationis propriè & propter hoc dixi creationem passiui non esse passionem propriè dictam sed impropiè.

Ex his ergo habetur, quod actio per se considerata, quatenus est vnum ex decem prædicamentis, non est quid absolutum, sed relatio, verum quia relatio est duplex, altera pertinens ad tertium prædicamentum, quæ à Scoto dicitur relatio intrinsecus adueniens, & alia est relatio extrinsecus adueniens, quæ complectitur sex vltima prædicamenta; Scotus disputat quænam relatio sit actio, & concludit quod est extrinsecus adueniens, & idem dicit de passione ei opposita, quod declarat in speciali discurrendo per omnes respectus qui sunt in agente & passo.

QVÆSTIO IX.

*An Creatio sit actio transiens
vel immanens.*

Multi eam faciunt transeuntem, per quam Deus confert esse rebus creatis, & cuius immediatum principium est volitio Dei practica, & probat ex Aristotele 9. Metaph. tex. 16. actio transiens, ait, habet terminum extra potentiam agentis. Immanens nequaquam, sed est perfectio manens in agente. At creatio actiua habet terminum extra ipsum Deum. Primo, omnis operatio immanens Dei est æterna in Deo, quia est ipsamet perfectio diuina, sed creatio competit Deo in tempore; ergo non est actio immanens. Secundo, quia quando Deus creat Angelum, aut animam rationalem, verè ac realiter aliquid agit; ergo per veram ac realem actionem. Tertiò, ait Becanus, tunc dicitur agens agere, quando influit in effectum; ergo ubi datur verus ac realis influxus Dei in creaturam, uti sit in creatione, ibi est actio transiens. Minor patet, quia ille influxus, qui confertur per creationem, est ille idem, qui continuatur per conseruationem, & subtrahitur per annihilationem; hic autem est realis; hinc sequitur ait Becan. sicut creatio actiua est realis influxus seu actiua emanatio aut dependentia creaturæ à creatore, quatenus a Deo proficiscitur, ita creationem passiuam esse illam eandem emanationem seu dependentiam, quatenus se tenet ex parte creaturæ, & sicut in illa fundatur relatio creatoris, ita in hac fundari relationem creaturæ.

Improbauimus supra hunc influxum. Alij faciunt creationem immanentem. Probatur: Actio transiens habet esse siue subiectatur in passio, seu debet recipi in aliquo subiecto; ac creatio actiua non subiectatur; quia in illo priori, in quo creatio præcedit creaturam, non datur vllum subiectum in quo recipiatur, & per hoc transiens ab immanente distinguitur, quòd ipsa recipitur in passio, immanens in agente. Secundo, sequeretur quòd Deus prius crearet illam actionem transeuntem, deinde creaturam, quòd est absurdum, quia Deus non vitetur aliquo medio in creando: consequens probatur, quia illa actio esset media inter Deum & creaturam.

Istæ opiniones procedunt ex falso intellectu actionis immanentis, & transeuntis; nam supponunt actionem esse formam absolutam actiuam & productiuam, quòd tamen est falsum.

Dicendum præterea ex Scoto, actionem propriè dictam non competere Deo, neque ad intra nec ad extra, quia actio propriè dicta est relatio agentis ad passum, non quæcumque, sed transmutantis ad transmutatum, ita quòd actio respiciat passum, quatenus est quoddam potentiale, ex quo vel in quod inducitur aliqua forma, quando ergo est totalis productio, non de aliquo passio seu potenciali, ibi deficit vera ratio actionis, quòd etiam probatur ex Aristotele 5. Metaph. tex. 17. unde ex eodem Scoti fundamento arguitur, quòd creatio non sit actio transiens nec immanens, cum non sit propriè actio; Potest tamen dici transiens, quia

Carriere in Professionem Fidei.

ut ait Scotus quodlib. 13. diuisio actionis in immanentem & transeuntem potest esse duplex, vel enim est diuisio vocis æquiuocæ in sua significata, vel est diuisio generis in suas species; si primo modo, actio immanens dicitur operatio & qualitas illa quæ perficit agentem ut intellectio & volitio; istæ enim sunt qualitates perfectientes potentiam operatiuam, & nil agunt extra agens, dicuntur tamen actiones propter illas duas conditiones quibus conueniunt cum actione propriè dicta; Actio verò transiens communiter loquendo, est forma producta in alio, ut calor in ligno. Sed secundum Scotum actio propriè dicta est relatio extrinsecus adueniens, scilicet agentis ad passum, & diuisio Aristotelis transeuntis & immanentis est diuisio actionis sumptæ æquiuocè; si verò diuisio fiat actionis propriè dictæ, quæ est genus in suas species, actio immanens est relatio agentis in seipsum, ut transmutatum aliqua forma in seipsum, transiens verò est relatio agentis ad passum, transmutatum aliqua forma inducta in passum distinctum ab agente.

Ad oppositum, creatio non est actio immanens primo modo, quia non est operatio perfectiens ipsum agens, sed ponit in Deo tantum relationem rationis intellectus creati, neque est actio immanens secundo modo, quia creatio non ponit relationem ad seipsum ut transmutatum aliqua forma inducta in seipsum, quia non est relatio realis, nec forma aliqua, per quam Deus transmutetur realiter, & hac eadem ratione non est actio transiens propriè dicta, quia non ponit relationem realem Dei ad creaturam, tanquam ad passum transmutatum forma inducta in seipsum. Tamen propriè & per quandam similitudinem potest dici actio transiens, quia creatio est relatio rationis in Deo, quatenus immediatè producit aliquid in esse extra se, & habet rationem productiui, quæ est conditio competens actioni ratione connotati, & producit aliquid extra agens, quæ est conditio actionis transeuntis.

Ex dictis patet solutio argumentorum; duo enim priora probant creationem esse actionem transeuntem, sed impropriè non propriè, non quia creatio sit forma absoluta recepta extra agens, ut falsò supponit, sed quia est relatio Dei agentis ad extra. Alia argumenta quæ probant creationem esse actionem immanentem, non concludunt. Ad primum negatur minor, ad probationem dico, quòd supponit falsum, scilicet actionem esse formam mediam per quam agens agit in passum, quòd refutaui, nam agens immediatè agit in passum, non mediante aliquo producto, & idèd primum agens immediatè producit suum terminum. Ad secundum. Respondet, quòd duplex est agens, aliud ex indigentia, ut est agens creatum; istius actio transiens est perfectio & complementum.

Aliud ex liberalitate & ex eminenti perfectione, huius actio transiens non est perfectio.

QVÆSTIO X.

An Creatio sit mutatio.

NOta ex Aristotele 6. Physic. text. 32. & 73. hanc sic definiti, mutatio est, qua aliquid potest se habere aliter nunc quam prius; ex qua definitione colligitur in mutatione proprie dicta semper adesse aliquod subiectum quod ab una forma mutatur in aliam, vel à privatione ad formam: hinc patet creationem non esse mutationem proprie dictam, quoniam creatio est productio totius creati, ita quod nullum subiectum præsupponit quod sit potentiale ad recipiendum aliquam formam; subiungit tamen Scotus, creationem aliquo modo improprio dici mutationem, supponendo scilicet ad mutationem sufficere quod potentiale informetur aliqua forma licet potentiale non præfuerit ad hoc.

Nota quod mutatio potest tripliciter accipi, vno modo generaliter pro quacumque noua acquisitione cuiuscumque esse, siue substantialis, siue accidentalis, siue sit ibi aliquod potentiale receptivum formæ, sicut in compositis, siue non, sicut in simplicibus, & hoc modo omnis productio cuiuscumque rei creatæ dicitur mutatio acquisitiva, & per oppositum, omnis deperditio cuiuscumque rei creatæ dicitur mutatio deperditiva.

Secundo, capitur specialiter pro noua actuatione alicuius potentialis, siue illud potentiale præcessit duratione, siue natura tantum, & sic in omni productione rei compositæ est mutatio. Tertio modo sumitur proprie pro noua actuatione alicuius potentialis, quod duratione præcessit talem actum, sicque mutatio solum reperitur ubi manet idem subiectum, quod variatur de forma in formam, siue forma sit substantialis siue accidentalis: & hoc modo intelligitur definitio Aristotelis, dic duplicem esse mutationem, scilicet ratione subiecti & ratione termini, creatio est mutatio ratione termini, esse enim nullum sit subiectum, producit tamen terminus.

QVÆSTIO XI.

Utrum Creatio distinguatur realiter à Creatura.

ET generaliter, utrum relatio creaturæ ad Deum distinguatur a creatura; Scotus vult esse idem realiter, licet non formaliter. Probat primum, illud quod proprie inest alicui, & sine quo illud esse non potest, sine contradictione est illi idem realiter, sed sic est, quod relatio dependentiæ ad Deum inest creaturæ, ita quod creatura non potest esse sine eo absque contradictione; ergo relatio creaturæ ad Deum est illi idem realiter: minor patet; quia impossibile est creaturam esse & non dependere à Deo: maior probatur, contradictio secundum esse dicta de aliquibus infert distinctionem realem illorum; ergo impossibilitas recipiendi prædicationem contradictoriorum secundum esse infert identitatem realem eorum

& hoc ubi non est dependentia essentialis, quæ requirit distinctionem manifestam: hæc probatio declaratur; quia ex eo quod mortuo Petro non moritur Ioannes; concludimus Petrum differre realiter à Ioanne; quia de Petro vera est ista prædicatio, Petrus non est, & de Ioanne vera est ista, Ioannes est; idem autem non potest esse simul & non esse, & consequenter elicitur Petrum non esse Ioannem, sed esse duo entia realiter distincta; ita quando aliqua duo sic se habent; quod cum affirmatur esse de vno, affirmatur quoque necessarîo de alio, ita quod implicat affirmari esse de vno non de altero concludimus illa duo esse vnum & idem realiter: Scotus tamen subiungit, dummodo non adsit essentialis dependentia vnius ab altero; tunc enim illud non potest esse sine altero, ut radius sine sole; sed tunc in his manifesta est distinctio realis, quia nihil producit seipsum: idcirco ex his licet vnum non possit esse sine alio; non tamen ob hoc sequitur illa esse idem; illa ergo maior est vniuersaliter vera. Consequentia verò argumenti valet; nam ex Arist. 1. poster. text. 99. si negatio est causa negationis, affirmatio est causa affirmationis, & è conuerso v. g. si debita primarum qualitatum temperies est causa sanitatis in corpore animalis, negatio quoque huius temperiei est causa negationis sanitatis; ad propositum, si affirmatio contradictionis circa esse de aliquibus, est causa non identitatis realis, negatio contradictionis siue impossibilitas contradictionis, erit causa identitatis realis eorumdem; ergo consequentia illa est evidens.

Secunda ratio principalis, relatio creaturæ ad Deum est dependentia essentialissima, vnaqueque enim creatura maximè dependet à Deo, sed relatio totius ad partes, ex quibus componitur, est eadem sibi, cum omnino non possit esse sine ea; ergo multò magis relatio eius aut cuiuscumque creaturæ ad Deum est eadem fundamento.

Secunda pars, scilicet non esse idem adæquatè sed formaliter distingui: probatur, quia absolutum non includit formaliter per se rationem relationis, nec relatio includit per se rationem absoluti, sed istæ rationes sunt omnino diuersæ; creatura autem est substantia; idcirco est quid absolutum, relatio illa est formaliter relatio; ergo formaliter distinguuntur.

Dices, quomodo potest fieri, quod entitas relationis sit entitas creaturæ, & creatura non sit relatiua, & maneat formalis distinctio inter illam.

Respondet Scotus, hoc provenire propter perfectionem continentis, quando enim aliqua plura vnitivè continentur in aliquo, continens semper est perfectius contento; continens enim continet contenta propter suam perfectionem, ut anima intellectiva continet vegetativam & sensitivam, quia est perfectior illis. Essentia divina continet relationes divinas propter suam perfectionem: in proposito Creatura est fundamentum relationis, quam continet per identitatem, & continet illam propter suam perfectionem; creatura ergo continens illam relationem, non trahitur ad esse relationis, sed potius ipsa creatura trahit relationem ad esse fundamenti, quia continentia sua

sua quasi præuenit ipsam accidentalitatem relationis, ne ipsa possit esse accidens, quia ipsa perfecte continetur in substantia; non est autem hoc mirum, quod relatio sit realiter idem cum absoluto, & tamen maneat formaliter distincta, quia relationes in diuinis sunt idem realiter cum essentia diuina, & tamen formaliter ab ea distinguuntur; transeunt ergo secundum identitatem, distinctæ manent secundum rationem formalem.

Obiiciunt Thomistæ contra conclusionem, Quodcumque accidens realiter distinguitur à substantia, relatio creaturæ ad Deum est accidentalis; ergo realiter distinguitur à creatura, quæ est substantia: minor patet: quia relatio ponitur quantum prædicamentum; ergo non est substantia, tum substantia existit per se, relatio in alio; ergo non est substantia. Confirmat Augustinus, de Trinit. cap. 5. *In creaturis quicquid non secundum substantiam dicitur, restat ut secundum accidens dicatur.* at relatio creaturæ ad Deum non secundum substantiam dicitur, quia dicitur ad aliud; ergo est accidentalis.

Respondeo, nego minorem; ad probationem respondeo relationem esse duplicem, alteram quæ est separabilis à subiecto, alteram quæ est in subiecto: relatio primo modo est de prædicamento relationis, estque accidens, non secundo modo. Ad secundam probationem respondeo, aliquid esse in alio contingit duobus modis: primo modo ut accidens in subiecto: alio modo ut contentum in continente per identitatem: relatio hæc dependentiæ creaturæ ad Deum est in creatura, non primo sed secundo modo; probatio currit de ea quæ est in alio ut in subiecto. Ad tertiam probationem respondet Scotus, accidens duobus modis capi: vno modo, pro eo quod adest & abest præter subiecti corruptionem: alio modo pro eo quod non est de definitione alicuius per se primo, sed est extraneum & mutabile non per se primo, sed ad mutationem fundamenti. August. intelligit esse accidens non primo sed secundo, & nos concedimus hoc secundo modo relationem dependentiæ esse accidens, seu summi pro extraneo, quia non est de definitione creaturæ; est etiam mutabilis & corruptibilis ad mutationem & corruptionem fundamenti, & hac ratione huiusmodi relationes posse dici accidentia concedimus.

Dices, prædicamenta sunt entia simpliciter diuersa; ergo nil vnius includit aliquid alterius, & consequenter relatio non potest esse realiter eadem rebus aliorum generum.

Respondeo, verum id secundum rationes formales, tamen res vnius prædicamenti potest per identitatem continere aliquid alterius: dico præterea relationem ut est communis omni creaturæ esse transcendens, illud enim transcendens est, quod conuenit enti antequam diuidatur in decem genera, qualis est relatio, quæ conuenit omni enti,

Dices, creatio est tantum in primo instanti sui esse, sed creatura manet etiam post illud; ergo distinguitur à creatura.

Respondeo, creatio non prout connotat nunc primo esse tantum in primo instanti, sed

Carriere in Professionem Fidei.

prout nominat relationem ad Deum semper manet cum re creata.

Q V A E S T I O XII.

De Conseruatione rerum, & an Creatio & Conseruatio sint idem?

Est de fide & ratione, quod creaturæ conseruantur à Deo in esse, Hebr. 1. *Portans omnia verbo virtutis sue.* August. 4. super Genes. 14. *Mundus nec ictu oculi stare poterit si Deus ei regimen subtraxerit.* & cap. 12. *Virtus Dei ab eis quæ creata sunt si cessaret aliquando, simul & illorum cessaret species omnisque natura concideret.* Ad euidentiam, nota ex D. Thoma 1. parte q. 104. quod aliquid conseruatur ab altero dupliciter: vno modo indirectè & per accidens, sicut ille dicitur conseruare, qui remouet corrumpens; puta, si aliquis custodiret puerum ne caderet in ignem, dicitur eum conseruare; & sic etiam Deus dicitur aliqua conseruare, sed non omnia, nam quædam sunt quæ non habent corrumpentia, quæ necesse sit remouere ad rei conseruationem: Alio modo dicitur aliquid rem conseruare per se directè, quando scilicet illud quod conseruatur dependet à conseruante, ut sine eo non possit esse, & hoc modo res creatæ omnes indigent conseruatione; dependet enim esse cuiuslibet creaturæ à Deo, ita quod nec ad momentum subsistere possent, sed in nihilum redigerentur nisi operatione diuinæ virtutis conseruarentur in esse, sicut dicit Gregor. lib. 15. Moral. cap. 18. & hoc sic perspicui potest: Omnis enim effectus dependet à sua causa secundum quod est causa eius, sed sciendum est, quod aliquid agens est causa sui effectus secundum fieri tantum, & non directè secundum esse eius, quod quidem conuenit & in artificialibus, & in rebus naturalibus, ædificator enim est causa domus quantum ad eius fieri, non autem directè quantum ad esse eius, clarum enim est quod esse domus consequitur formam eius, forma autem domus est compositio & ordo, quæ quidem forma consequitur naturalem virtutem quarundam rerum; nam si coquus coquit cibum adhibendo aliquam virtutem naturalem actiuam, scilicet ignis, ita ædificator facit domum adhibendo cæmentum, lapides & ligna, quæ susceptiua sunt talis compositionis & ordinis; unde esse domus dependet ex naturis harum rerum, sicut fieri domus dependet ex actione ædificatoris; & simili ratione considerandum in rebus naturalibus, quod si aliquid agens non est causa formæ in quantum huiusmodi non erit causa per se esse, quod consequitur ad talem formam, sed erit causa effectus secundum fieri tantum; manifestum est autem, quod si aliqua duo sunt eiusdem speciei, vnum non potest esse per se causa formæ alterius, in quantum est talis forma, quia sic esset causa formæ propriæ, cum sit eadem ratio vtriusque, sed potest esse causa huiusmodi formæ secundum quod est in materia, id est quod hæc materia requirat hanc formam, & hoc est esse causam secundum fieri, sicut cum homo generat hominem, & ignis ignem, & ideo quando-

cumque naturalis effectus est natus recipere impressionem agentis secundum eandem rationem, secundum quam est in agente, tunc fieri effectus dependet ab agente, non autem esse ipsius, sed aliquando effectus non est natus recipere impressionem agentis secundum quam est in agente, sicut patet in omnibus agentibus, quæ non agunt simile secundum speciem, sicut cœlestia corpora sunt causa generationis inferiorum corporum dissimilium secundum speciem; & tale agens potest esse causa formæ secundum rationem talis formæ & non solum secundum quod acquiritur in hac materia, & idè est causa, non solum fieri sed essendi, sicut igitur fieri rei non potest remanere cessante actione agentis, quod est causa effectus secundum fieri, ita nec esse rei potest remanere cessante actione agentis, quod est causa effectus non solum secundum fieri, sed etiam secundum esse; Et hæc est ratio quare aqua calefacta retinet calorem cessante actione ignis, non autem remanet aer illuminatus, nec ad momentum cessante actione solis, quia scilicet aquæ materia susceptiva est caloris secundum eandem rationem, qua est in igne; unde si perfecte reducatur ad formam ignis, retinebit calorem semper; si autem imperfectè participet aliquid de forma ignis secundum quandam inchoationem, calor non semper remanebit, sed ad tempus propter debilem participationem principij caloris; Aer autem nullo modo natus est recipere lumen secundum eandem rationem, secundum quam est in sole, ut scilicet recipiat formam solis, quæ est principium luminis, & idè quia non habet radicem in aère, statim cessat lumen cessante actione solis. Sic autem se habet omnis creatura ad Deum, sicut aer ad solem illuminantem; sicut enim sol est lucens per suam naturam, aer autem fit luminosus participando lumen à sole, non tamen participando naturam solis; ita solus Deus est ens per essentiam suam, quia sua essentia est suum esse; omnis autem creatura est ens participatiue non quod sua essentia sit eius esse; & idè August. lib. 8. sup. gen. cap. 12. dicit, *Quod sicut aer presente lumine fit lucidus, sic homo Deo sibi presente illuminatur, absente autem obtenebratur.*

Dices, Deus est potentior quolibet agente creato, sed aliquid potest communicare effectui suo, ut conseruetur etiam eius operatione cessante, sicut cessante actione ædificatoris remanet domus, & cessante actione ignis remanet aliquo tempore calefacta aqua; ergo multò magis Deus potest conferre creaturæ suæ quod conseruetur in esse, sua operatione cessante.

Respondeo, quod Deus non potest hoc communicare creaturæ, sicut non potest ei communicare quod non sit causa illius; in tantum enim creatura indiget conseruari à Deo in quantum effectus dependet à causa essendi; unde non est simile de agente, quod non est causa essendi sed fieri tantum.

Dices, nullum violentum potest contingere absque aliqua causa agente, sed tendere ad non esse est violentum & innaturale quilibet creaturæ, quia quilibet appetit esse;

ergo nulla creatura potest tendere ad non esse nisi aliquo agente ad corruptionem, sed sunt quedam ad quorum corruptionem nil agere potest sicut spirituales substantiæ & corpora cœlestia.

Respondeo, argumentum procedere de conseruatione quæ est per remotionem corruptentis, qua non indigent omnes creaturæ.

Instabis ergo, istæ subsistent & non poterunt non esse, nec tendere poterunt in non esse etiam Dei operatione cessante.

Respondeo, quod esse per se consequitur formam creaturæ supposito tamen influxu Dei, sicut lumen sequitur diaphanum aëris, supposito influxu solis; unde potentia ad non esse in spiritualibus creaturis & corporibus cœlestibus magis est in Deo, qui potest subtrahere suum influxum quam in forma vel materia talium creaturarum.

Dices, si Deus conseruat res in esse, hoc erit per aliquam actionem, per quamlibet autem actionem agentis si sit efficax, aliquid fit in effectu; ergo oportet quod per actionem Dei conseruantis aliquid fiat in creatura, sed hoc non videtur; non enim per huiusmodi actionem fit ipsum esse creaturæ; quia quod iam est non fit, neque iterum aliquid superadditum, quia vel non continuè Deus conseruaret creaturam in esse, vel continuè aliquid adderetur creaturæ, quod est inconueniens; non ergo creaturæ conseruantur in esse à Deo.

Respondet D. Thomas, quod conseruatio rerum non fit à Deo per aliquam nouam actionem, sed per continuationem actionis, quæ dat esse, quæ quidem actio est sine motu & tempore, sicut etiam conseruatio luminis in aère est per continuatum influxum à sole.

Nota autem, quod Deus non omnia conseruat immediatè sed quedam sic; alia verò mediantibus aliis; nam licet omnia immediatè primò creauerit, tamen in ipsa rerum creatione constituit ordinem, ut quedam ab aliis dependerent, per quas secundariò conseruarentur in esse; præsupposita tamen principali conseruatione, quæ est ab ipso, nam dupliciter rem aliquam conseruat in esse directè vel indirectè, indirectè per hoc quod remouet vel impedit actionem corruptentis, directè & per se, quia ab eo esse alterius dependet, sicut à causa effectus dependet.

QVÆSTIO XIII.

An Creatio et Conseruatio sint idem.

Dixi in creatura ad Deum esse relationem seu respectum dependentiæ sui esse, qui est idem realiter creaturæ, & est realis & omnino vnus; ad ipsum autem respectum duo alij comitantur non reales, siue non positiui, sed negatiui; quando enim res immediatè producit à Deo post non esse, præter respectum exurgentem in creatura ad Deum dantem esse, qui respectus est realis, consequitur alius respectus in eadem re producta, non ad Deum, sed

sed ad non esse eiusdem creaturæ immediatè præcedens, & hic non est realis, seu positivus; quia non est ad terminum positivum, & hic dicitur creatio; quando autem res eadem habet esse à Deo, sed non immediatè post non esse, sed post aliquod suum esse præexistens in eadem re est respectus dependentiæ ad Deum, ut ad causam efficientem, qui est realis, sed præter illum est & alius respectus, qui non est realis, scilicet esse rei creatæ ad esse præexistens; non enim hac secunda vice habet esse post non esse, sed mediatè, quia prius habet esse, & hic respectus dicitur conservatio, & non est respectus realis, quia est respectus eiusdem ad seipsum, licet pro alia differentia temporis; eiusdem autem ad seipsum non est respectus realis.

Respondeo ergo, si creatio & conservatio considerentur pro respectu reali dependentiæ creaturæ ad Deum, in res sunt vnum & idem, quia vnus est respectus realis, quo creatura creatur & conservatur in esse reali; Si verò creatio & conservatio considerentur pro formali, quatenus scilicet creatio importat respectum creaturæ esse ad non esse immediatè præcedens, sed mediatè, tunc reat distinguuntur, & vna potest esse sine alia, nam primus respectus potest esse sine alio, scilicet creatio sine conservatione; potest enim Deus dare esse alicui creaturæ, & statim facere desinere esse ut contingit in rebus instantaneis & habentibus tantum esse in nunc; Quod autem creatio & conservatio pro respectu reali dependentiæ esse creati ad Deum sint idem, probat Scotus, quia esse creaturæ tam in creatione quàm in conservatione semper est idem esse & ratione; esse etiam causæ scilicet volitionis Dei semper est idem re & ratione, ac ipsa dependentia est eadem: tunc autem sic arguitur, sed illud quod est idem re & ratione ad aliud quod est idem re & ratione non potest habere nisi unicam dependentiam essentialem; ergo creaturæ ad Deum est vnus respectus realis; probatur assumptum, quia nil potest dependere ab alio pluribus dependentiis essentialibus; vnaquæque enim istarum sufficiens est ad illud esse, quia idem esse per vnamquamque semper habetur; creati ergo & conservari non differunt per aliquod positivum absolutum; creati enim propriè dicitur nunc primò esse ab alio non de aliquo, conservari verò dicitur esse ab alio non de aliquo non nunc primò nulla præcedente interruptione essendi.

Q V Æ S T I O XIV.

An Deus possit aliquid redigere in nihilum.

Est de fide quòd Deus non de necessitate naturæ sed libere res in esse produxit & conservat, *Omnia quacunque voluit Dominus fecit.* Psalm. 113. August. c. 3. libri de doctr. Christi, *In quantum Deus est bonus, sumus.* D. Thomas, sicut potuit non communicare esse, & sic res non facere, ita postquam factæ sunt potest eis

non influere esse & sic ipsæ desinent esse, quod est redigere in nihilum.

Dices, si Deus redigeret in nihilum; ergo per aliquam actionem; hoc verò non potest esse, quia omnis actio terminatur ad aliquod ens, unde etiam corruptentis actio terminatur ad aliquid generatum, quia generatio vnius est corruptio alterius; ergo Deus non potest redigere in nihilum.

Respondet D. Thomas, quòd non esse non habet causam per se, quia nil potest esse causa, nisi in quantum ens; ens autem per se loquendo est causa essendi; sic igitur Deus non potest esse causa tendendi in non esse, sed hoc habet creatura in seipsa in quantum est de nihilo, sed per accidens Deus potest esse causa quòd res redigatur ad nihilum, subtrahendo scilicet suam actionem à rebus, vel dic quòd cum per voluntatem Deus faciat ut res habeant esse, per actum volitionis suæ desinent; non ergo est actio in Deo sed potius cessatio ab actione.

D. Thomas ex Eccl. 3. *Didici quòd omnia opera qua fecit Deus perseverant in æternum;* concludit nihil redigi in nihilum, nam res immateriales non habent potentiam ad non esse, & materiales remanent semper secundum materiam quæ incorruptibilis est uti subiectum generationis & corruptionis.

Q V Æ T T I O XV.

An Creatura possit creare.

Communiter dicitur quòd non: ita D. Thomas, Scotus & Augustinus qui 3. de Trinit. 8. ait quòd neque boni neque mali Angeli possunt esse creatores alicuius rei; multò minus ergo aliarum creaturæ.

Rationes D. Thomæ hæc sunt: Effectus vniuersaliores reducuntur ad causas vniuersaliores & priores, sed inter omnes effectus vniuersales vniuersalissimum est ipsum esse; ergo debet reduci ad causam vniuersalissimam, quæ est ipse Deus, & debet dici effectus proprius & solius ipsius Dei; At per creationem producit esse absolutè, non ut est hoc vel illud esse; ergo creatio est propria actio Dei. Scotus hanc rationem impugnat sic; ista ratio consistit in duabus propositionibus, quarum prima est, esse absolutè & simpliciter est proprius effectus Dei, altera esse simpliciter est proprius terminus siue effectus creationis. Prima autem propositio est falsa; nam esse non producit à solo Deo sed etiam ab agente creato; ergo falsum est esse esse effectum proprium & solius Dei; probatur assumptum; nam quodcumque agens creatum efficiens compositum, efficit quoque esse compositi; probatur; alioquin sequitur nullam creaturam habere aliquam actionem circa res productas ab ipsa creatura quòd est absurdum; omnis enim actio ad aliquod esse terminatur; confirmatur, quia ex Aristotele, generatio est ad esse; ergo creatura generans compositum, generat quoque & producit illud esse, vide Faustin. Secunda ratio D. Thomæ. Ad creationem requiritur virtus infinita, hæc soli Deo competit; minor probatur,

probatur, super distantiam infinitam non potest nihil virtus infinita, extrema creationis, scilicet nihil & ens distant in infinitum; ergo super illa non est nisi virtus infinita. Maior est evidens minor probatur, quia quacumque distantia finita cogitari potest distantia maior; at nulla maior distantia considerari potest, quàm inter ens & nihil; ergo ens & nihil distant in infinitum. Confirmatur, quia est commune dictum quod inter contradictoria est infinita distantia, ens & nihil sunt contradictoria; ergo, confirmatur; quia inter quacumque contradictoria est æqualis distantia; ergo tantum distant homo & non homo, sicut Deus & non Deus, sed Deus & non Deus distant in infinitum; ergo etiam homo & non homo distant in infinitum.

Ad intelligentiam huius rationis notandum, quoddam ad cognoscendum, an in aliqua actione requiratur virtus infinita, debemus obsequere non solum quid producit, sed etiam modum, quo aliquid producit; in creatione autem licet non possit iudicari requiri virtutem infinitam, si terminus spectetur, quia ille est quid finitum, tamen si modus illius actionis spectetur, videtur ad creationem requiri infinitam, modus autem est quod ex nihilo producit ens, quoddam autem hic modus indicet ad creationem requiri virtutem infinitam probat sic: non est aliqua proportio inter nullam potentiam & aliquam potentiam, sicut nulla est proportio inter non ens & ens; ergo nulla est proportio inter producentem aliquid ex nulla potentia ut est Deus, & virtutem producentem aliquid ex aliqua potentia ut est creatura, sed sic est quoddam in nihilo nulla est potentia ad actum, in ente verò quod subiicitur in aliis mutationibus est aliqua potentia ad actum, & inter potentiam existentem in ente ad actum & nullam potentiam est distantia infinita, quia si esset finita esset aliqua proportio inter illas; ergo similiter inter virtutem producentem aliquid ex nulla potentia, ut est potentia Dei, & virtutem producentem aliquid ex aliqua potentia est distantia infinita: distantia autem infinita requirit potentiam infinitam; ergo sola potentia infinita quæ est Dei, reducere potest nihil ad actum, quod est creare, ergo solus Deus potest creare.

Respondet Scotus falsum esse inter nihil & ens esse distantiam infinitam: ratio est; quia quando extrema sunt immediata, tanta est distantia illorum inter se, quantus est excelsus unius extremi, super aliud extremum, & eò magis, quia in proposito distantia est excelsus unius super alterum; At ens creatum non excedit nihil nisi tantum, quanta est entitas eius, unde quia ens infinitum habet gradus infinitos entitatis ita quoque excedit nihil in infinitum, quia verò ens creatum habet gradus essentielles finitos, excedit nihil per gradus finitos; falsum est ergo quoddam non possit cogitari maior distantia quàm inter non ens & ens, quia inter non ens & ens datur distantia maior & minor, & etiam infinita secundum quod gradus entis sunt plures vel pauciores.

Nota questionem disputari solere sub duplici titulo. Primus est: an creatura possit creare principaliter, Secundus: an possit instrumentaliter. Scotus utrumque negat, & qui-

dem de primo sic probat in 4. dist. 1. supponit primò triplicem esse creaturam, scilicet substantiam spirituales, substantiam materialem, & accidens, de omnibus probat: de primo quicquid efficit substantia spiritualis ut Angelus, efficit per intellectum & volitionem, sed intellectio & volitio eius sunt accidentia, accidens verò non potest creare substantiam; ergo substantia spiritualis non potest creare substantiam: hæc ratio pendet ex tribus propositionibus quas probat: prima quicquid operatur Angelus, operatur per intellectum & volitionem; probatur quia natura merè intellectualis nil producit, nisi intelligendo & volendo, seu per actum intellectus & volitionis, vel alterum vel utrumque non curo; unde etiam persona divina nil producit siue ad intra siue ad extra sine actu istarum potentiarum; natura enim divina, ut est prior intellectu & voluntate, non est principium producendi; quia tunc in divinis esset aliqua persona prior verbo, & sic essent quatuor personæ in divinis; ergo multò minus natura angelica, si etiam ponatur in Angelo virtus executiva, quæ sit tertia potentia ab intellectu & voluntate, hoc non impedit propositum; quia illa tertia potentia esset subordinata intellectui & voluntati à quibus dirigeretur & applicaretur ad producendum quod placeret Angelo: Secunda propositio probatur; intellectus angelicus potest intelligere intelligibilia quacumque, etiam si essent infinita & disparata, ita quoddam unum eorum non sit principium cognoscendi alterum, si ipsa possent poni in actu; at diversorum intelligibilium sunt diversæ intellectiones; ergo si intellectio Angeli esset sua substantia, quot sunt intellectiones, tot essent substantiæ Angeli; at substantia Angeli est unica, & insuper illa est invariabilis, intellectiones illæ sunt variabiles; ergo illæ intellectiones non possunt esse substantia Angeli. Maior probatur, quia positis intelligibilibus in esse, non esset repugnantia ex parte intellectus, quia posset omnia illa perfecte & distinctè cognoscere per plures actus, licet sit repugnantia, quoddam ea omnia unico actu intelligat.

Dicit aliquis quoddam intellectus Angelicus posset unico actu omnia illa intelligere, & sic in eo non esset alia & alia intellectio, sed unica, & consequenter potest esse eius substantia; Contra, quia illa intellectio esset infinita; nam eminenter contineret infinitas illas intellectiones extensivè, quæ posset esse de illis obiectis infinitis, eas autem non posset continere, nisi intellectio illa esset infinita; nulla autem intellectio Angeli potest esse infinita. Tertia propositio: Accidens non potest producere substantiam; probatur à Scoto, quia si esset productivum substantiæ, vel necessarid ad illam concurreret, esset vel principium quo illius, vel actus productivus illius, at neutrum est; ergo necessarid non concurrat non est principium quo; probatur primò, quia forma accidentalis in essendo pendet à subiecto; ergo & in operando; ergo non potest producere aliquid ex non subiecto, quia terminus productus ab eo esset absolutior à materia quàm forma producat, quoddam repugnat; quia absolutio à materia arguit perfectionem; terminus autem formalis actionis non potest esse perfectior principio.

principio formali agendi. Secundò, quia accidens est imperfectius substantia 7. Metaph. text. 2. nil autem est formale principium producendi aliquid perfectius seipso; etenim vel uniuocè producit, & tunc est æque perfectum producat & productum, vel æquiuocè, & tunc producat est perfectius, sed nunquam imperfectius potest producere perfectius se; neque accidens potest esse actus productiuus substantiæ, quia actus productiuus & actus formalis rei productæ sunt in eodem subiecto, calefactio v.g. quæ est actus, quo ignis producit calorem in ligno, est in ipso ligno, in quo est calor, qui est forma producta; Cum ergo aliquid ponitur ad extra, actus immanens agentis non potest esse productiuus, quia non recipitur in passio existente extra agentem, sed manet in agente; ad hoc ergo ut agens producat aliquid ad extra non requiritur necessariò actus immanens, qui sit productiuus; intellectio autem & volitio sunt actus immanentes agentis; ergo non necessariò requiruntur in agente ad producendum ad extra; habemus ergo quòd substantia creanda ab Angelo non necessariò pendet ab intellectu & volitione Angelis, & quòd accidens non necessariò mediat inter Angelum creatorem & rem creatam; ex prima autem propositione habemus, quòd quicquid operatur, efficitur mediante intellectu & volitione; Ex hoc autem sequitur quòd si Angelus creat substantiam, substantia necessariò pendet ab accidente, sed hoc est inconueniens, ut dictum est substantiam pendere ab accidente; ergo inconueniens est substantiam creari ab Angelo; secus est de Deo, qui per intellectum & volitionem suam producit res ad extra; illæ enim in Deo sunt sua substantia, & proinde per illas potest producere substantiam.

Durandus in 1. dist. 1. q. 4. quem sequitur Suarez in metaph. disp. 20. respondet pro parte affirmatiua quam tenet, quòd intelligere & velle in Angelo requiruntur, non tanquam actus productiuus, neque tanquam principia formalia, sed tanquam directiua & applicatiua virtutis operantis. Responso hæc ex falsa opinione reiecta in q. de processionibus diuinis; putat enim substantiam intellectualem non producere per potentias, sed per ipsam essentiam etiam in diuinis, tum ostenditur falsa ex prima propositione posita Scoti, tum cogitur Durand. admittere intellectum in Angelo necessariò prærequiri ad creationem substantiæ, tanquam aliquod directiuum & regulatiuum virtutis operantis; ex hoc autem necessariò sequitur substantiam creandam ab Angelo pendere necessariò ab accidente in sua causalitate, quòd inconueniens est, quia perfectius non dependet ab imperfectiori.

Secundo loco probat Scotus, quòd substantia materialis creata non potest creare, hac vnica ratione, & supponit, quòd omnis creatura siue substantia materialis agit per formam quam habet tunc, sic forma substantiæ materialis non potest producere aliquid ex nò subiecta materia, at creatio est productio ex non subiecta materia scilicet ex nihilo; ergo suppositum primum est clarum, quoniam omnis substantia agit per formam quam habet & per quam constituitur in esse; maior autem syllo-

gismi probatur: nullum efficiens potest producere terminum perfectiorem se; at si substantia materialis posset producere aliquid ex non subiecta materia, illud sic productum esset absolutius à materia ipso producente, & sic esset perfectius eo. præterea potest confirmari, quia modus agendi non est nobilior modo essendi, sed sic est quòd forma substantiæ materialis habet modum essendi in materia; ergo etiam habet modum operandi ex subiecta materia; modus enim operandi oritur ex modo essendi, & illum sequitur.

Quòd verò neque instrumentaliter probatur. Omne instrumentum (sustinendo quòd instrumentum proprie sit actiuum) agit vel dispositiue ad terminum principalis agentis, vel attingit actiue terminum principalis agentis, sed sic est quòd nulla creatura potest agere dispositiue ad terminum creationis; ergo nulla creatura potest creare instrumentaliter. Maior pater: minor probatur; quoad primam partem per rationes D. Thomæ, scilicet: quia quòd agit dispositiue producit terminum præuium termino principalis agentis; at esse est terminus creationis; ante esse autem nullus esse potest præuius effectus, quia ille esset esse, & sic ante esse esset esse, quòd repugnat. Secundò, quia dispositio semper recipitur in subiecto, ex quo vel in quo inducitur forma, sed sic est quòd creatio est productio ex nihilo, in qua nullum est subiectum ex quo educatur forma; ergo ad ipsam, nulla potest esse dispositio præuia, & consequenter nulla creatura potest agere dispositiue ad terminum creationis. Neque potest agere attingendo ipsum terminum creationis, quia instrumentum omne agit per aliquid sibi proprium, at nil proprium est in creatura per quòd possit attingere terminum creationis ut probatum est tam in substantia materiali quàm spiritali; ergo creatura non potest esse instrumentum Dei ad creandum; nam si instrumentum non concurreret ad effectum principalis agentis per aliquid sui, sequeretur id quòd ut instrumentum assumitur, non esse veram causam instrumentalem & sic quolibet respectu cuiuslibet assumere possemus.

Dices ex magistro sentent. in 4. dist. 5. non minor requiritur virtus ad efficiendam incarnationem quam ad creationem, sed creatura virtute Dei potest instrumentaliter attingere incarnationem efficienter; probatur, quia B. Virgo de facto videtur cooperata fuisse ad illam; maior est euident, quia opus incarnationis ita superat vires naturæ sicut creatio.

Respondeo, quòd nec B. Virgo aut alia creatura inservit pro instrumento Deo ad faciendam incarnationem; nam facere incarnationem est facere naturam humanam, vñiri hypostaticè Verbo, hoc solus effecit Deus, B. Virgo solum cooperata est ad generandum hominem, non ad efficiendam vnionem humanitatis ad Verbum.

Dices, Sacramenta efficiunt gratiam physice instrumentaliter ex Concilio & Patribus, sed effectio gratiæ est creatio; ergo creatura de facto creat.

Respondeo, quòd sacerdos sicut & sacramenta efficiunt transubstantiationem & gratiam instrumentaliter

strumentaliter quidem, non physicè, ut hic loquimur, sed ut aiunt moraliter, quia sunt dispositiones necessitantes Deum ad producendum gratiam ex pacto diuino.

Dices, creatura potest annihilare virtute diuina ergo & creare; antecedens probatur; quia in annihilatione præsupponitur subiectum in quo possit recipi actio creaturæ; ergo creatura potest annihilare, tum in consecratione Eucharistiæ Sacerdos annihilat instrumentaliter substantiam panis, quia illa totaliter definit esse; ergo potest creare, quod si dicas illa non est annihilation, quia terminatur ad corpus Christi. Contra, maius opus est quod ibi sit corpus Christi, quam quod sit annihilation; ergo sicut cooperatur ad hoc secundum difficilius, posset cooperari solum ad primum; & sic esset pura annihilation.

Respondet Scotus negando antecedens, solus enim Deus potest annihilare; ad probationem. Respondeo quod annihilare non est positivè agere, sed non agere, id est non conservare, & proinde licet præsupponatur subiectum annihilationi, non ob hoc sequitur creaturam posse annihilare; quia annihilare non est agere.

Dices, quæ est ratio propter quam non potest. Respondeo, quia sicut creatura requirit secum concausantem causam in fieri, id est principium potentiale, ita super illud non potest destruendo sicut nec producendo; non potest ergo illud destruere, & idem non potest annihilare: Quod si iterum dicas, cur creatura requirit secum principium potentiale in causando. Respondeo, quia non potest creare, illa enim sola actio est quæ non requirit secum causam potentialem in causando, cum ergo non possit creare, sed solum generare, quod tamen competit substantiæ materiali, non Angelis (habent enim solum motum localem) & agere aliis motibus, qui præsupponunt materiam siue subiectum ex quo formæ educuntur, sequitur neque posse illud subiectum destruere. Ad consecrationem, Respondeo, illam definitionem non esse annihilationem, & dato quod esset, non sit à creatura, sed à Deo physicè, à sacerdote instrumentaliter, moraliter; similiter præsentia corporis Christi sit à Deo physicè, moraliter instrumentaliter à sacerdote.

Dices, agens naturale potest de nouo producere materiam primam; nam de vino consecrato potest producere acetum; ergo tunc producit materiam primam; ergo illam creat.

Respondet in illo casu redire materiam primam actione diuina, non per actionem creaturæ.

Dices, nulla est manifesta contradictio. Respondeo, ostensam esse repugnantiam ex parte creaturæ, sequitur enim quod substantia materialis & substantia spiritualis creata non essent substantiæ, & creaturæ, eo modo quo sunt si possent creare; necesse enim esset quod substantia spiritualis haberet intellectum & volitionem, quæ non essent accidentia, sed substantia sicut est intellectio & volitio Dei, & tunc illa non esset creatura sed

Deus; substantia autem materialis non esset materialis, nam existens materialis non potest creare, ut probatum est; ergo repugnat quod creatura ut sic, creet.

Q V Æ S T I O X V I.

Verum Dei ad Creaturam sit aliqua relatio realis aterna vel temporalis.

Non erat omittenda hæc disceptatio, cuius resolutio multum facit ad dominium supremum Dei & vanitatem creaturæ cuiuscunque cognoscendam.

Communis itaque Theologorum est sententia; Dei ad creaturam nullam esse relationem realem, neque æternam, neque temporalem, sed solum rationis. Verum non omnes eodem id modo probant & declarant; certè efficacius id demonstrat Scotus ut ex comparatione utrorumvis intelliget Lector studiosus.

Henricus sic probat. Quod realiter refertur ad alterum, naturaliter est ordinatum ad illud, quod naturaliter est ordinatum ad aliquid, dependet ab illo, quod dependet ab aliquo, est mutabile, imperfectum, limitatum, &c. ergo à primo ad ultimum, quod refertur ad aliquid est mutabile; ergo si Deus referretur ad creaturam esset mutabilis, imperfectus, limitatus, &c. quæ sunt absurda; ergo Deus non refertur realiter ad creaturam.

Prima propositio probatur ab eo; quia albedo, quæ est ratio referendi realiter ad aliam albedinem (ut puta per similitudinem) est naturaliter ordinata ad illam aliam albedinem pro eo, quod aliquam perfectionem habet ista ab illa, in quantum in eis est natura perfectior simul quam in altera earum: Probatio aliarum propositionum non est necessaria.

Scotus hanc rationem confutat, quia quæ ponuntur connexa in hac ratione Henrici, non sunt connexa; nam prima propositio est falsa; scilicet, id quod refertur ad alterum, ab illo dependet, nam personæ diuinæ sunt maximè similes; & istæ relationes sunt reales ut infra diceretur in proprio quæsito, & tamen una non dependet ab altera; si etiam duo alba summè alba essent, ita quod non possent amplius intendi adhuc inter ea esset relatio realis similitudinis, & tamen unum non dependeret ab alio albo, quia amplius eius albedo non posset intendi, etiam si alteri coniungeretur; probatio autem adducta ab Henrico pro illa propositione nihil valet, quia licet natura specifica forsan sit perfectior in ambobus quam in altero, tamen hoc non facit ut unum ordinetur ad aliud, quia unum illorum nullam dicit perfectionem per hoc, quod ad alterum illorum ordinatur, siue natura sit perfectior in ambobus simul, quam in altero, siue non; neque sequitur ad inuicem ordinantur; ergo dependent ab inuicem.

Secundò principaliter arguit sic; omne agens agit in quantum est perfectum, quia non agit in quantum est actu, ut autem est actu, est omnino perfectum, subsumo sed refertur ad passum ut agens perfectum; ergo sic non dependet à passivo, ergo

Opinio Henrici.

Ratiocinatio Scoti.

Secundum de ratione Scoti.

ergo falsum est id quod refertur & ordinatur ad aliud ab illo dependere, & accipere aliquam perfectionem; Deus autem comparatur ad creaturas, ut agens perfectum; ergo non sequitur, quod à creaturis ex hac relatione debet aliquam perfectionem expectare.

Teretiò: tunc sequeretur relatiua mutuo ab inuicem dependere essentialiter, & ita erit dependentia circularis ab vno relatiuo ad alterum, quod est impossibile; quia in nullo essentiali ordine est circulus: consequentia probatur, quia si vnum simile pendet ab altero, alterum quoque pendeat ab illo; quia inuicem æquè referuntur.

S. Thomas verò 1. p. q. 13. art. 7. in corpore hanc adducit rationem pro conclusione probanda. Omnis relatio realis includit ordinem vnius ad alterum, at Dei ad creaturam nullus est ordo; ergo neque vlla relatio realis: maior est evidens: minor probatur; quia Deus est extra ordinem vniuersi, & ideo nullum ordinem realem habet ad creaturas.

Scotus hanc rationem impugnatur primò; quia petit principium; assumit enim quod probare debebat, scilicet Deum nullum ordinem habere ad creaturas; hoc enim falsum esse videtur, quia Deus est prior creatura multiplici primitate, ut patet, & consequenter creatura est posterior Deo, ubi autem est ordo prioris & posterioris realis, ibi est relatio realis; ergo S. Thomas dum pro medio assumit ad probandum, quod Deus non refertur realiter ad creaturam, quia non ordinatur ad illam; assumit id quod probandum erat, quia non esse ordinem inter Deum & creaturam realem & non esse relationem realem Dei ad creaturam, idem sunt.

Secundò: ratio peccat secundum fallaciam consequentis, quia non omnis relatio est ordo, licet omnis ordo sit quædam relatio; prima pars patet; quia relationes communes æquiparantæ non dicunt ordinem, sed solum disquiparantæ altera pars conceditur & est evidens de se, omnis enim ordo realis est ipsamet relatio realis, arguendo ergo à negatione ordinis ad negationem relationis, non valet consequentia, sicut non valeret, sortes non est lapis, ergo non est corpus, quia licet omnis lapis sit corpus, non tamen omne corpus est lapis.

Caietanus in comment. illius articuli respondet ad primam rationem nos laborare in æquivoco, ordo enim potest accipi duobus modis scilicet formaliter & fundamentaliter, ordo formaliter est relatio secundum Caietanum, non ordo fundamentaliter: ratio Scoti concludit de ordine formaliter, non de ordine fundamentaliter. S. Thomas verò loquitur de ordine fundamentaliter accepto, non de ordine formaliter; Ordo autem formaliter acceptus ex ipso Caietano est ordo sumptus ex causa relationis, ita quod illa dicatur esse eiusdem ordinis, quæ habent eandem causam referibilitatis, illa verò non sunt eiusdem ordinis, quæ non habent eandem referibilitatis causam: unde relatiua primi & secundi modi sunt eiusdem ordinis; non autem relatiua tertij modi, quia relatiua primi modi utrinque habent causam referibilitatis, scilicet identitatem specificam in quantitate, quæ est causa, super quam

fundantur & oriuntur relationes: relatiua verò secundi modi habent quasi identitatem specificam, quæ propria est perfectio vniuscuiusque, hinc est quod mutuo referuntur realiter ad inuicem: at relatiua tertij modi spectantia ad mensuram & mensuratum, non habent mutuam causam, sed solum in altero extremo est causa referibilitatis suæ, non in altero: unde scientia refertur ad scibile, non autem scibile ad scientiam; & sic non sunt eiusdem ordinis fundamentaliter. Ad propositum: Deus & creatura dicuntur esse diuersi ordinis fundamentaliter, quia non habent eandem causam referibilitatis; nam licet vnum extremum habeat causam referibilitatis ad alterum, scilicet creatura ad Deum, tamen in Deo nulla est causa referibilitatis ad creaturam. Quando ergo S. Thomas ait Dei ad creaturam non esse relationem realem; quia sunt diuersi ordinis, non accepit ordinem formaliter; quia sic peteret principium, ille enim est relatio realis, & concluderet ratio Scoti, sed accipit ordinem causaliter, siue fundamentaliter, & est ac si dicat Dei ad creaturam non est relatio realis, quia in Deo non est causa, ut consurgat in eo relatio ad creaturam, sicut in creatura est causa, ut in ea consurgat relatio ad Deum, ideo sunt diuersi ordinis.

Hæc defensio Caietani videtur inanis esse, quia etiam accipiendo ordinem fundamentaliter, est petitio principij, nam ex defensione hac Caietani sequitur, quod D. Thomas arguat sic; in Deo ad creaturam non est relatio realis, quia in Deo non est, ut Deus realiter referatur ad creaturam, at quis non videt hunc eum supponere, quod probare debebat; debebat enim probare in Deo non esse causam referibilitatis ad creaturam, quia hoc est illud, de quo est disputatio, & præsertim hoc probare debebat D. Thomas, quia patet inter Deum & creaturam esse ordinem; qui Deus est prior, & creatura est posterior, & ab illo dependet; ordo autem non dicit solum habitudinem posterioris ad prioris, sed videtur etiam dicere habitudinem prioris ad posterius; oportebat ergo probare hunc ordinem non esse relationem realem neque esse in eo causam, propter quam hic ordo, qui cernitur in Deo ad creaturam, sit relatio realis.

Ex hoc fundamento impugnatur responsio ad secundam rationem Scoti: quoniam licet inter relatiua æquiparantæ sit relatio, & consequenter in extremis sit causa motus relationis illius, tamen inter illa non est ordo; quia ordo est inter prius & posterius; appellare ergo causam relationis ordinem fundamentaliter, est valde abuti terminis, quoniam ubi est ordo causalitatis, ibi est quoque ordo formaliter, qui ab illo tanquam causa causatur, in relatiuis autem æquiparantæ non est ordo formalis; ergo neque etiam potest esse ordo fundamentalis licet adsit causa relationis; ergo falsum assumit Caietanus quod in omnibus relatiuis necessarium sit ordo fundamentalis, si enim adesset in omnibus ordo fundamentalis, in omnibus quoque esset ordo formalis, quia causa naturalis semper habet suum effectum, nisi impediatur, hic autem nullum est impedimentum, ut patet; relinquitur ergo ut argumentum illud D. Thom. non possit esse à causa ad effectum, ut

vult Caietanus, sed si debeat habere saltem aliquam speciem apparentiæ, debet accipere ordinem formaliter pro medio, & ex negatione illius inferre negationem relationis realis in Deo ad creaturam, & sic committit sophisma consequentis, ut patet ex Scoto.

Vel est dicendum stante expositione Caietani, quod S. Thomas accipiat unum terminum pro alio, qui sunt omnino diuersi, ordinis enim causa & relationis causa sunt omnino diuersæ, quia causa referibilitatis non est semper causa ordinis, licet causa ordinis includat causam referibilitatis; accipere ergo causam referibilitatis pro causa ordinis est maxima abusus terminorum.

Scotus in 1. dist. 3. q. 2. probat conclusionem negatiuam ratione efficacissima, quam amplectuntur Vasquez in 1. disp. 104. & multi alij, quæ deducitur ex perfecta simplicitate & necessitate Dei, quæ est hæc. Primò supponit, quod Deus est perfecte simplex, & perfecte necesse esse. Prima pars patet ex se, & probatur ex S. Augustino 11. de ciuit. cap. 10. ubi ait: *Deus simplex est, quia quod habet, hoc est.* Nihil ergo accidentale vel separabile reperitur, sed quicquid est in Deo est ipsemet Deus. Secunda pars patet, quia Deus est inuariabilis & immutabilis quomocumque res aliæ se se habeant extra Deum, siue illæ mutantur, siue non mutantur, siue sint siue non sint, quia Deus in nullo pendet ab alia re extra se.

Ex hoc fundamento deducitur hoc corollarium, quod in Deo nulla est entitas, neque realitas quæ necessariò requirat aliud extra Deum esse; probatur hoc sequi, quoniam si daretur talis realitas in Deo, quæ ad sui esse coexigeret aliam realitatem extra Deum esse, sequeretur in Deo esse aliquid quod non esset perfecte necesse esse, sed posset aliquando non esse, scilicet destructa illa realitate, quæ est extra Deum, quæ tamen destrui posset cum sit extra Deum, & consequenter posset non esse. Stante hoc fundamento sic arguitur a Scoto.

Omnis relatio realis necessariò ad sui esse coexigit suum terminum & correlatiuum; ergo si in Deo est relatio realis ad creaturam, necessariò ad sui esse requirit suum correlatiuum, ita quod destructa creatura, ipsa quoque destrueretur necessariò; at creatura omnis est corruptibilis, quia non est ex se necesse esse; ergo illa relatio realis in Deo posset corrumpi, & sic non esset ex se necesse esse, & consequenter si talis relatio daretur in Deo, esset aliqua realitas in Deo, quæ esset ipsemet Deus, & tamen esset corruptibilis; ergo Deus non esset perfecte necesse esse, neque immutabilis, quod est contra suppositum probatum.

Verum ad maiorem rationis huius declarationem arguit Scotus contra eam primò. Licet creatura in esse actuali sit corruptibilis, tamen in esse possibili videtur esse necessaria, & sic aliquid aliud à Deo est necesse esse. Probatur antecedens, quia aliquid est prius in esse possibili, quam fundet relationem ad potentiam actiuam Dei; ad impossibile enim non est potentia; relatio autem ad creaturam ut possibilem, & ut actiualem. At eadem, secundum Henricum; ergo videtur quod Dei ad creaturam possit esse relatio realis.

Secundò secundum Henricum, creaturæ in

quantum habent esse exemplatum in Deo, habent esse quidditarium necessarium; ergo creaturæ secundum illud possunt terminare relationem realem Dei ad seipsas.

Tertiò, tenendo positionem Philosophorum, qui asseruerunt aliquid aliud à Deo esse necesse esse formaliter, ut patet de alijs intelligentijs à prima, nihil valeret ista ratio, quia illæ sunt res creatæ & tamen sunt necesse esse; ergo in Deo ad illas posset esse relatio realis.

Quartò, si hæc ratio concluderet, sequeretur quod non solum in Deo non posset poni relatio realis ad creaturam, sed quod neque in creatura magis necessaria posset poni relatio ad creaturam generabilem & corruptibilem, ut in cælo ad res generabiles & corruptibiles, consequens est aperte falsum. Consequentia est euidens, quia tunc pari ratione cælum & aliæ res necessariae essent corruptibiles, quod tamen est falsum.

Ad istas rationes respondet Scotus, & ad primam & secundam respondet dupliciter. Primò; quod esse possibile creaturæ & similiter esse exemplatum non est aliquid esse simpliciter creaturæ, sed est tantum esse secundum quid, sicut nec esse hominem mortuum est esse hominis, idè non potest esse terminus relationis realis; relatio enim realis requirit extrema realia & in esse simpliciter non secundum quid. Idè si relatio aliqua ponatur ad illud, erit relatio etiam secundum quid, non realiter, nec simpliciter.

Alia responsio quæ est generalis ad supradictas quatuor instantias est hæc, quod secundum quancumque positionem Theologorum & Philosophorum, nihil extra Deum ponitur necessarium tanta necessitate quanta Deus est necessarius, quicquid enim aliud à Deo ponatur necessarium, ponitur habere dependentiam essentialem à Deo, ita quod si per impossibile non esset Deus, neque illa entia haberent esse; ergo non sunt necesse esse ex se sed per participationem, & sic in esse possibili & in esse illo quidditauo Henrici si daretur, & intelligentiæ illæ à prima secundum Philosophos non essent ex se necesse esse sed per participationem. Deus ergo est magis necesse esse, quam quodcumque creatum quod necesse esse ponatur, & consequenter illo alio distincto à Deo ablato non necessariò Deus mutaretur; ergo in Deo non potest poni aliqua realitas, quæ necessariò coexigat aliud creatum necesse esse, quia tunc Deus non esset perfecte necesse esse, & per hoc patet ad tres priores instantias.

Ad quartam respondetur non esse parèr rationem de cælo & quacumque alia creatura, quæ esset necesse esse, quoniam cælum & quacumque alia creatura non est perfecte simplex, ita quod non sit composita, nec componibilis cum aliqua alia re vel realitate quæ non sit necesse esse. Deus autem est perfectissimè simplex, ita quod non est compositus, nec componibilis cum aliqua alia re vel realitate, quæ non sit idem ipsi Deo realiter, & non sit necesse esse; Idè non est inconueniens, quod in cælo sit relatio realis ad creaturam, quæ relatio sit corruptibilis, quia est accidens in ipso cælo non essentia eius, cæli autem essentia manet incorruptibilis.

QVÆSTIO XVII.

An in Deo sit noua relatio ad Creaturam.

*Quod in Deo
non sit relatio
noua ad crea-
turam quo-
modo à Scoto
probat.*

Communiter negatur in Deo dari ex tem-
pore aliquam relationem realem, sed bene
affirmatur exurgere nouam relationem realem
in creatura ad Deum ipsum: unde cum dici-
mus, Deus est creator, creator non ponit in
Deo relationem realem, sed solum in creatura;
Scotus sic probat. Relationes tertij modi ex
Aristotele 5. Metaph. text. 20. non sunt mutue,
at relationes creaturæ ad Deum sunt tertij mo-
di; ergo non est necesse, quod licet relatio
inter Deum & creaturam sit realis ex parte
creaturæ, quod sit quoque realis ex parte Dei:
maior propositio à Scoto probatur multis ra-
tionibus, maximè tamen ex hoc fundamento;
quod non solum relatiua tertij modi, sed ge-
neraliter omnia relatiua terminantur non ad
correlatiuum, sed ad absolutum, idèd non est
necesse ad hoc ut aliquod relatiuum referatur
ad aliud, quod in illo alio sit relatio respon-
dens illi, quia potest terminari & de facto ter-
minari ad illud, ut est absolutum primò, &
deinde ad relationem in ipso existentem; ut fi-
lius non refertur primò ad Patrem, ut Pater
est, sed primò ad absolutum super quo funda-
tur Paternitas, secundariò ad absolutum, ut est
sub paternitate. Ad hoc maximè valet autori-
tas Aristotelis, qui in Prædicamentis cap. de
ad aliquid, declarans an relatiua sint simul na-
tura, ait hoc non verificari de omnibus, non
enim verificatur de scientia & scibili, sensu &
sensibili, quia posita quidem scientia, poni-
tur scibile, sed posito scibili non ponitur
scientia. Ecce quod ait ista esse relatiua, sunt
autem relatiua tertij modi, quia fundantur su-
per mentura & mensurabili, & tamen ait scien-
tiam referri ad scibile, non tamen scibile
referri ad scientiam, quia non sunt simul na-
tura: ergo necesse est quod relatio scientiæ ter-
minetur ad scibile, ut est absolutum non ut est
relatiuum. Minor probatur à Scoto, quia si in
creaturis dantur aliqua relatiua, quæ non ter-
minantur ad correlatiuum, sed ad absolutum,
hoc maximè tribuendum est Deo, qui maximè
habet rationem absoluti, nec aliquid est in
eo, propter quod necessitetur respicere crea-
turas. Quod si quis dicat: relatio creaturæ ad
Deum terminatur ad relationem rationis exi-
stentem in Deo ut dicunt Thomistæ. Contrà;
dato per impossibile quod nullus intellectus
creatus compararet Deum ad lapidem creatum
ab ipso, & quod Deus non esset intellectualis
naturæ, sicut plique Gentiles posuerunt solem
esse principium omnium rerum, & tamen Deus
produceret lapidem, tunc lapis referretur rea-
liter ad Deum, & tamen in Deo nulla esset re-
latio rationis; unde resolutè concludit Scotus
non esse necessarium ponere in Deo aliquam
relationem realem neque antiquam neque nou-
am, quæ sit terminus relationis creaturæ ad
Deum, quia relatio creaturæ ad Deum termi-
natur ad Deum ut est eius absolutum, & per
hoc patet ad questionem quo ad utramque par-
tem; subiungit tamen posse poni in Deo ali-

*Opinio Tho-
mistarum re-
creaturarum
impugnatur.*

*Opinio Scoti
resoluta.*

quam relationem rationis nouam ad creatu-
ram, (& eadem ratione nos possumus adiun-
gere posse poni in Deo quoque relationem ra-
tionis æternam ad creaturam, quia minùs re-
pugnat hæc quàm temporalis;) Sed relatio ra-
tionis potest esse duplex, vel enim est relatio
rationis facta per intellectum diuinum, vel per
intellectum creatum, non potest esse in Deo
relatio rationis facta per intellectum diuinum,
sed tantummodo per intellectum creatum. Pro-
bat primam partem; quia si in Deo esset ali-
qua relatio noua per intellectum diuinum, se-
queretur quod in Deo esset mutatio, conse-
quens est falsum; ergo & antecedens. Conse-
quentia probatur, non potest fieri transitus à
contradictorio in contradictorium sine aliqua
mutatione, sed si intellectus diuinus produce-
ret in essentia diuina aliquam relationem nou-
am in ordine ad creaturas, ut puta, quia in-
telligeret essentiam diuinam nunc creantem,
& prius non creantem, transiret à contradi-
ctorio in contradictorium ut patet; ergo hic
transitus proueniret ex aliqua mutatione facta;
tunc quæro in quo esset facta mutatio hæc,
non in essentia diuina, ut cognita; quia ipsa
est immutabilis, neque in obiecto considerato,
scilicet creatura, quia illa nondum esset, prius
enim quàm sit cognoscitur à Deo; ergo esset
in intellectu comparante illud obiectum, sci-
licet essentiam sub vna ratione ad creatu-
ram, sub qua prius illam non considerabat,
hæc noua comparatio non est nisi noua in-
tellectio eiusdem essentiae, siue nouum intel-
ligi eiusdem essentiae; noua autem intellectio
non potest esse, nisi sit mutatio in eodem in-
tellectu.

Cum ergo intellectus diuinus non sit muta-
bilis, quia est ipsemet Deus, sequitur, in es-
sentia diuina non posse esse relationem nouam
per actum diuini intellectus.

Ex hac ratione non solum probatur, in
Deo non posse esse relationem nouam per in-
tellectum diuinum, sed etiam habetur ratio,
propter quam intellectus diuinus comparat es-
sentiam suam ad omnia temporalia, & omnes
res creatas cognoscit per illam absque vlla no-
uitate in seipso, neque in essentia, hoc enim
non prouenit, (ut opinatur Henric. quia rela-
tio Dei ad creaturam aptitudinalis & actualis
sit eadem, siue creatui & creantis; unde cum
æternaliter Deus sit creatiuus, cum postea di-
citur creans, non volebat esse aliam relatio-
nem; sed nouam appellationem relatiuam)
quia obiecta sunt diuersa; aliud enim obie-
ctum intelligibile est res in esse possibili, aliud
in esse existentie; sed prouenit quia intellectus
diuinus quodcumque intelligit, per essentiam
suam intelligit in æternitate, licet non pro
æternitate, in æternitate enim vult creare ani-
mam Antichristi, non tamen vult eam creare
pro æternitate, sed pro tali tempore & intel-
lectus diuinus intelligit voluntatem diuinam
in æternitate posse creare animam Antichristi,
sed tamen non velle creare illam pro æterni-
tate, sed pro tali tempore; unde cum illud
tempus aduenit, ex actu creat animam Anti-
christi, illa creatio actualis non est per ali-
quam volitionem nouam, sed per volitionem
antiquam, neque illa est intellectio noua sed
antiqua.

*In Deo nō est
relatio realis
noua nec an-
tiqua, sed ra-
tionis æternam,
non intelle-
ctus diuini
sed creati.*

Ex hoc patet quomodo solvatur illud dubium. Si Deus non potest causare novam relationem in intellectu suo ad creaturam per actum intellectus sui, videtur quod non possit se intelligere de nouo createm, quod tamen est falsum; quia Deus potest intelligere omne intelligibile, quod autem Deus de nouo creet, est vnum intelligibile, & intelligitur à nobis; ergo à Deo quoque debet intelligi; ergo videtur quod in Deo possit esse nouus actus & noua relatio ad creaturam.

Respondeo, quod Deus cognoscit se createm de nouo A, & creaturam illam, quam de nouo creat, sed non cognoscit se createm de nouo A, per nouam cognitionem, siue per nouam intellectionem, sed per antiquam, quia ab æterno intellexit se createm A, non pro æterno, sed pro tali tempore; se ergo intelligit de nouo createm non noua intellectione, sed antiqua; Vnde concludit Scotus, quod in Deo nulla est relatio noua realis ad creaturas, quæ sit terminus relationis realis creaturæ ad Deum, est tamen aliqua relatio noua rationis non intellectus diuini, sed intellectus creati, istud vltimum est ex se euidens; sicut enim intellectus creatus potest comparare diuersa obiecta creata ad inuicem, & in eis formare diuersas relationes rationis, ita potest comparare essentiam diuinam ad creaturas & in illa formare diuersas relationes rationis.

*Epilogatio
opinionis Scoti,*

Scoti ergo opinio est hæc. In Deo nulla est relatio realis ad creaturam, neque æterna, neque temporalis, neque est vlla relatio noua rationis per operationem intellectus diuini, potest tamen esse relatio æterna per eundem intellectum diuinum. Adest autem in Deo relatio rationis noua per intellectum creatum, tamen ab illa non denominatur Deus relatiuè ad creaturam verè & realiter; sed quia est terminus realis, & verè secundum esse absolutum relationis realis creaturæ ad Deum: multa afferri possunt aduersaria huic doctrinæ ex quorum resolutione magis illustrabitur.

Dices, Deus ab æterno fuit realiter creati-
uus siue omnipotens & præscius; ergo ab æterno realiter referebatur ad causabile & ad præscita. Antecedens est de fide, quia præcognouit omnes creaturas & habuit potentiam causandi illas; consequentia est euidens; quia esse causatiuum & præcognoscentem sunt relatiua & ad aliquid. Confirmatur quia de facto in tempore Deus creauit & est creans mundum, & animas & est Dominus, & hoc nullo intellectu creato cogitante, vt patet; tum verbum realiter sine opere intellectus cogitantis est vnium humanitati; ergo in eo est relatio realis vnionis; alioquin sine vnione esset vnium, quod implicat; quia esset vnium & non vnium: item Spiritus Sanctus temporaliter est missus absque operatione intellectus nostri; ergo, &c.

Respondeo concessio antecedente, nego consequentiam. Ad probationem respondeo, quod esse causatiuum & præscium in Deo, non indicat esse aliquam relationem realem in Deo, sed solum Deum secundum suum esse absolutum esse terminum relationis aptitudinalis & actualis creaturæ ad Deum, vt explicatum est; vnde cum dicitur Verbum assumpsit hominem,

ergo realiter refertur ad hominem, Deus creat creaturam; ergo est creator realiter; Respondeo non sequi Verbum vel Deum esse relatiuum ad creaturam, sed solum esse realem & verum terminum relationis aptitudinalis vel actualis; quæ est in creatura vt expositum est.

Dices, quæcumque relatio consequitur extrema ex natura rei sine consideratione intellectus est relatio realis, sed aliqua relatio Dei ad creaturam consequitur sua extrema, scilicet Deum & creaturam ex natura rei sine consideratione intellectus; ergo: maior est Scoti & communiter concessa; minor quoque probatur, quia posito Deo & posito lapide & nulla posita consideratione intellectus, adhuc Deus est distinctus à lapide, & causa & Dominus eius.

Respondeo, maiorem esse veram de relationibus mutuis non de relationibus non mutuis, & idè negatur minor. Ad probationem cum dicitur Deus est causa realiter lapidis, respondeo illud esse causam, nihil aliud denotare, nisi quod Deus est verè terminus realis illius relationis causalitatis passiue, quæ est in creatura ad Deum, vt iam dictum est; Nec in istis non adesse authoritatem Ecclesiæ vel Sanctorum, vel rationem cogentem excludere relationem realem, imò contrarium elici cum Scriptura & Sanctis, imò & Philosophi dicant Deum esse verum Creatorem, Dominum, Redemptorem, Motorem, Principium; ista autem nomina sunt relatiua. Respondeo, rationem cogere ad omnis relationis realis exclusionem, quia tollit simplicitatem & necessitatem in Deo.

Dices, relationes fundatæ super quantitatem sunt relationes reales ex 5. Metaph. at inæqualitas & æqualitas fundantur super quantitatem; ergo sunt reales, subsumo; sed inter Deum & creaturam nullo cogitante intellectu insurgit inæqualitas, quia Deus non est æqualis creaturæ sed inæqualis.

Respondeo, quod relationes fundatæ super quantitatem creatam; siue molis siue virtutis sunt relationes reales & mutue, sed hoc non verificatur de relatione fundatæ super quantitatem infinitam & finitam, quia in quantitate infinita non potest esse realis habitudo ad finitam.

Quod si dicas, in diuinis personis æqualitas est relatiua realis; ergo etiam inæqualitas, quæ est inter Deum & creaturam.

Respondeo ex Scoto, non esse parem rationem; quia æqualitas in diuinis est ibi ex natura rei, & stat cum simplicitate & necessitate diuinarum personarum quæ referuntur, sed relatio æqualitatis Dei ad creaturam non stat cum simplicitate & necessitate diuinæ naturæ, idè licet illa relatio sit realis non tamen ista.

Dices, relationes secundi modi, quæ fundantur super actionem & passionem sunt reales ex 5. Metaph. tex. 20. at huiusmodi sunt in Deo ad creaturam; quia vnus est causa, & alius est effectus; ergo illæ relationes sunt reales.

Respondeo, primam propositionem non esse vniuersaliter veram, & in se absolute, sed tantummodo in iis agentibus, quæ non sunt

ex se necesse esse, nec sunt perfectè simplicia, sed composita vel componibilia, vt sunt creaturæ, in Deo autem, qui solus est necesse esse & simplicissimus, non est vera, quia esset mutabilis & non perfectè necesse esse.

Ratio propter quam relationes, quæ fundantur in actione & passione, sunt reales in creaturis, non in Deo hæc est; quia creaturæ sic se habent ad inuicem, quòd possunt esse partes totius mundi, & consequenter natæ sunt habere aliquem ordinem inter se, vel secundum eminentiam, vel secundum æqualitatem, vel secundum actionem & passionem; idè quando quantitas illa absoluta quæ est apta nata habere causalitatem respectu alterius, actu illam causat, insurgit relatio realis inter eas, quia vna habet habitudinem ad alteram in ratione actionis & passionis, & positis illis entitatibus in esse, insurgit relatio inter extrema virtute extremorum, cuius resultantis relationis actualis nulla alia ratio assignari potest, nisi quia hoc est hoc, aptitudinalis autem ratio resultantis est, quia sunt par-

tes vniuersi, quæ natæ sunt habere ordinem & habitudinem aliquam inter se.

Dices vltimò, relatio realis potest aduenire subiecto absque sui mutatione; nam Petrus albus redditur similis Paulo, qui nascitur albus absque sui mutatione; ergo nihil inconueniens est ponere in Deo relationem realem ad creaturam.

Respondeo, falsum esse antecedens, vt probatum est. Ad probationem dico in Petro fieri mutationem, non intrinsecam sed extrinsecam, licet enim non mutetur in se, mutatur tamen in ordine ad aliud, habet enim in se illud accidens similitudinis, quod prius non habebat, sicut homo qui mouetur de loco ad locum, non mutatur intrinsecè, sed habet solum accidentalem formam, quam prius non habebat. Omne ergo subiectum quod sit relatiuum, accipit relationem in se, quæ est accidens quoddam, & sic mutatur ab eo quod prius erat. In Deo autem nullum potest esse accidens neque forma aliqua respiciens creaturas.





DE CREATIONE MUNDI.

Explicatio illius Articuli, *Factorem Cœli & Terra,
visibilibus omnium.*



*Omnia per
totam Trini-
tatem facta.*

*Tota Anti-
quitas Deum
mundi aucto-
rem agnoscat.*

MNIVM Nationum consensus, Scripturae auctoritas, & ratio ipsa confirmant Deum Optimum Maximum mundi opificem atque authorem esse; hoc aperte declaravit Ioan. 1. qui Euangelium suum exorsus ab aternitate Verbi Divini, statim descendit ad temporis & mundi coetanei eius initia. Omnia, inquit, per ipsum facta sunt. Tribuens autem increata Sapientiae omnium rerum creatarum productionem, nequaquam habuit in mente Evangelista excludere Patrem aut Spiritum Sanctum ab opere creationis; Indivisa quippe sunt, ut iam notavi, opera Trinitatis; sicut enim in Deo unus est in tribus personis intellectus & una voluntas, ita & unica operatio, quae ex directione intellectus & voluntatis electione proficiscitur; Itaque Patri quoque creatio vel maxime tribuitur in Symbolo Apostolorum ac nostro, & eo quod in Sancto Missae Sacrificio recitatur. Accedit Paulus Apostolus 1. Corinthiorum 8. Nobis tamen, inquit, vnus Pater ex quo omnia. Sed & Spiritum Sanctum mundi Creatorem agnoscit Esaias cap. 4. cum recensita productione Caeli & Terra & aquarum, quibus omnia quae ex nihilo creata sunt comprehenduntur, sicut & initio Geneseos, sublit, Quis adiuvit Spiritum Domini, aut quis consiliarius eius fuit? Agnoscens videlicet & confitens Spiritum Domini rerum omnium opificem atque architectum. Rom. 11. Ex ipso & per ipsum & in ipso sunt omnia.

Quam veritatem non plane videtur Antiquitas ignorasse, cum legamus Orpheum Lebetrium mundum à tribus Diis fabrefactum mystico poemate decantasse; ceterosque olim Sapientes, Poetas, Philosophos, Theologos, Sybillas, mundi authorem Deum mille locis enunciaisse: quorum testimonia litteratis non sunt ignota. Aristoteles autem etsi per manus traditam de mundi productione veritatem vehementer labefactare conatus est, asserta, omnique studio probata, ut putavit eius aeternitate, Deum nihilominus mundi Conditorum videtur agnoscere, ipsumque ex natura necessitate producentem; scribit enim 12. Metaph. cap. 7. tex. 38. Esse quoddam principium mouens immobile, atque actu, omnique ratione necessarium. & addit ex tali principio, Caelum ipsum naturamque pendere.

Quamvis autem nonnulli ex antiquis illis Poëtis & Philosophis non pauca falsa miscuerint, accepta per manus veritati, tam ordinandi delectandique studio, quam illius occultanda, ipsum tamen narrationis fundamentum tam antiquum, tam late per omnes gentes sparsum atque fusum, quo Deus mundi author asseritur, non potuit non esse certissimum; nam opinio in quam omnes gentes consentiunt vix potest esse falsa, ut author est Aristot. lib. de diuin. per somn. cap. 1.

Hoc ratio quoque demonstrat; nam insita est omnium hominum mentibus illa

de Deo notio, illum ut omnium rerum perfectissimum credamus & omnium perfectionum quæ esse possunt abundantissimum: At nisi Deus esset causa rerum creatarum, una de illis maximis perfectionibus deesset, quas in rebus creatis agnoscimus: nimirum esse causam, quod excellentiam quandam secum inuehit, ut docti omnes indoctique consentiunt.

Quamuis autem veritas hæc sua se luce non manifestet & sapientum consensu firma stet, habemus certiores propheticum sermonem exaratum in membranæ Hebraicis. In principio creauit Deus cælum & terram. Psal. 45. Qui fecit cælum, terram, mare, & omnia quæ in eis sunt. & professionem Ecclesiæ, Factorem cæli & terræ, visibilibus omnium.

Multa hic se se offerunt dicenda de opere sex dierum, quod Deum nominat factorem cæli & terræ, sed quia Theologi huic perscrutando & exponendo certatim incumbunt, nec primariam hanc recens nati orbis faciem abscondit aut obscurat speculum vniuersale Bibliorum à nobis concinnatum in breui si sic superis videatur ut contendimus prelo committendum. Quæ spectant ad intelligentiam currentis articuli paucis perstringemus.

QVÆSTIO I.

Quare Deus mundum produxerit.

Res sunt de fine huius productionis sententiæ celebriores. Affirmat enim sapiens 1. Sapient. omnia fuisse à Deo creata ut essent; non autem ut ea mox pro potestate dissiparet ac perderet; nam ut ibidem ait: *Deus mortem non fecit, nec delectatur in perditione viuientium.* scite enim Chrysippus inquit M. Tullius lib. 2. de nat. Deorum. *Ut clypei causa inuoluerum vaginam autem gladij sic præter mundum cetera omnia aliorum causa esse generata.* Quæ sententia non ait mundum nullum ad extrinsecum finem puta laudem & gloriam conditoris sui esse productum. Voluit enim architectus, ut per creatarum rerum contemplationem, ad creatoris cognitionem, venerationem, atque amorem per quosdam quasi gradus ascenderemus. Sentit potius vniuersum esse quoddam Totum ex pluribus conflatum partibus, quarum singulæ sint propter actus & operationes suas, ut auris ad auditionem, oculus ad visionem, omnes autem propter perfectionem Totius. Sic rectè dicitur vniuersum esse propter semetipsum, cum non sit pars alicuius totius ad quod referatur.

Altera sententia. Mundum hunc hominis causâ conditum esse docet. Cum enim finis sit quid optimum, authore Philosopho lib. 2. Physic. nihil autem sit in hoc mundo spectabili melius homine, consequens est ut eum eius finem esse fateamur. Dici enim non potest propter spirituales illas mentes, licet sint homine præstantiores, esse creatum mundum, siue ut eius beneficium intelligant, siue ut conseruentur. Cum enim corpore vacent, neque victu neque vestitu egent ad conseruationem sui: sed neque ad intellectionem, siue quia in Deo ipso melius obiecta vident, quàm in creatis rebus: siue quia Angelis ingenitæ sunt species, quibus intelligunt, nec eas à rebus haurire coguntur. Aristoteles certe nostra causa omnia

parata esse facit 2. Physic. cap. 24. ideoque nos esse eorum quodammodo finem. Ex eademque sententia scribit plantas esse animalium causâ, & cetera animalia causâ hominum, denique naturam, quæ nihil frustra facit, omnia hominum gratiâ fecisse.

Nec dissentit Latinus Orator qui hominis causâ cetera omnia, ipsum autem hominem ad iustitiam natum esse contendit. Lactantius hunc ipsum locum ex instituto tractans longa disputatione & enumeratione rerum, quæ terra mari cæloque continentur confirmat Stoicorum sententiam, putantium omnia facta esse propter hominem. Quibus cum Academici obicerent multa pestifera & homini noxia quæ in rerum natura existunt; respondebant multa esse, quorum vtilitas latet, eamque temporis progressu patefieri. Quæ ille responsione repudiata causam refert in diuinam prouidentiam, quæ cum vni homini sapientiam inspirasset, proposuit etiam bona & mala, in quibus diuidicandis illa versaretur, eiusque ductu ut bonis frui, ita & mala cauere posset. Gregorius Nisænsis lib. de hominis opificio, pluribus docet omnia propter hominem esse condita; Quod cum Dauid Psalm. 5. cum Paulus ipse 1. Cor. 3. confirmat, *Omnia vestra sunt*, inquit, *siue mundus, siue vita, siue mors, siue præsentia, siue futura: omnia enim vestra sunt, vos autem Christi, Christus autem Dei.*

Quibus verbis commodè nos quasi manu ducit Apostolus ad verissimam illam certissimamque sententiam, quam sapiens Proverb. 16. apertè tradidit, *Vniuersa propter semetipsum operatus est Dominus.* Nimirum sicut ipse vult primum est principium rerum omnium, & ad eum relatæ causæ omnes principiæque in effectis numerandæ sunt: ita etiam vltimus finis, ad quem fines omnes referuntur & ineriorum rationem induunt. *Hunc mundum*, inquit Iustinus Martyr in Apolog. *non temerè conditum esse dicimus, sed generis hominum causâ, ipsum vero hominem ut esset Dei authoris sui.* quæ copiosius deducit Lactantius lib. de ira Dei cap. 14. eique consonat Epictetus.

Certe quod fuerit à principio consilium Dei

Dei ex effectis intelligendum est quibus tantò ante præiis ad agendum videatur inductus. Voluit nimirum sanctam electorum omnium societatem in cælo, quasi regiam quandam civitatem condere, cuius princeps esset ille idem, per quem facta sunt omnia, qui factus homo, Pater, etiam fieret futuri sæculi & omnium hominum, qui æternam beatitudinem consecuti diuinam potentiam, sapientiam, bonitatem in omnem æternitatem prædicabunt. Eam verò felicitatem quia mercedis nomine dare voluit, simul etiam voluit hunc mundum esse quasi decurrendi stadium, quasi armorum palæstram & militiam, quasi vineam diuturna vitæ huius contentione excolendam. Ad id meritum quia necessaria erat gratia, filium suum futuri sæculi Patrem, & præsentis reparatorem dedit, qui pro suæ dignitatis infinitate meritis locuples & gratiarum omnium thesauris, eas in omnes omnium sæculorum mortales, ut caput in membra, ut fons in riuos, ut radix in truncum ramosque diffunderet, sed quoniam non spiritali tantum, sed terrena quoque parte constamus, quarum ignobilior nobiliori famulatur, ad eamque ut ad proximum finem refertur, hanc immensam rerum corporearum sylvam produxit Deus quæ homini seruiat; eum nutriet, vestiatur, oblectetur & ad finem illum suum consequendum iuuat.

Q V Æ S T I O I I.

Quo tempore factor cæli, terre, visibiliumque, mundum produxerit.

DE tempore & quasi ætate mundi concertantibus Philosophis, silentium imponere videtur Moles, cum ait Genes. 1. *In principio creauit Deus cælum & terram.* Quamuis enim principij vocabulum rerum ordinem hoc loco significare videatur interprete Salomone Prouerbior. 8. *Initio viarum suarum antequam quidquam faceret à principio.* Principium tamen temporis recte quoque significat: ut intelligamus non solum nihil aliud creatum ante cælum & terram, non Angelos, non informem materiam: sed etiam creationem cæli & terræ non fuisse ab æterno, quod aliqui ingenij subtilitate confisi se demonstraturos confidebant, sed initium durationis habuisse, quandoquidem mox primus dies numeratur, & alij deinceps usque ad productionem Adami, ex quo anni mundi consequenter recensentur. Certè Concilium Lateran. cap. Firmiter, de Summa Trinit. & fide Catholica definit. *Deum initio temporis verumque simul de nihilo condidisse creaturam Angelicam & mundanam.*

In principio ergo rerum & temporum factus est mundus; ab æterno autem is fuit qui ut dicit Apostolus 1. Timoth. 6. *Solus habet immortalitatem & æternitatem.* Nam in æternitate mundi refutanda non est quod operam ponamus non necessariam, hoc solum quæram.

Q V Æ S T I O I I I.

An mundus potuerit esse ab æterno,

SCOTUS problematicus censetur, quia affirmatiuæ & negatiuæ partis soluit rationes, quas dicit non conuincentes, tamen cum S. Bonauentura, Henrico de Gandauo & aliis: sto in parte negatiua ductus sequentibus rationibus.

Prima, quia impossibile est illud quod habet esse post non esse habere æternum esse, sed mundus aut quæuis creatura habet necessarium esse post non esse; ergo. Minor patet, quia omne quod est totaliter productum ab agente differente per essentiam, habet esse post non esse, siue esse de nihilo, si enim est totaliter productum, nihil præsupponitur productioni eius, sed mundus est totaliter productus.

Secunda, de omni producto verum est dicere, quod aliquando producit, aut ergo semper producit, quamdiu est, aut aliquando producit, & aliquando non, si dicatur secundum, tunc in illo instanti, in quo producit, primo capit esse, quod autem primo capit esse, habet principium, si verò dicitur primum, sequitur quod semper est in fieri, quod est inconueniens dicere, sic enim idem esset aliquid creari & conseruari, quod est falsum, dicitur enim res creari, cum primo habet esse ex nihilo, conseruatio verò respicit esse præhabitu, item aliqua agentia producunt effectum, & tamen non conseruant ipsum; ergo ubi productio & conseruatio sunt ab eodem agente est aliqua distinctio inter produci & conseruari. Item si mundus fuisset ab æterno; ergo iam præcesserunt infiniti anni, & infinitæ solis reuolutiones; sed pro vna reuolutione solis sunt ad minus vndecim reuolutiones lunæ; ergo est dabile aliquid maius infinito, quod est impossibile. Tertio si Deus potest v. g. facere ab æterno solem; ergo etiam potuisset creare equum perfectum potentem generare ab æterno, & ab illo potuissent esse geniti equi omnes, qui sunt vel fuerunt usque ad hunc diem modò geniti. Quæro iam vel omnes illi equi fuissent finiti aut infiniti; si finiti; ergo totum tempus ab illo instanti usque ad hoc tempus esset finitum, & habeo intentum. Si infiniti; ergo positæ extremis potuissent media esse infinita, quod est absurdum contra rationem infiniti quod est carere extremis.

Quarto illud prius duratione inest alicui quod prius natura inest, sed creaturæ prius natura inest non esse quam esse, ergo etiam illi inest non esse prius tempore quam esse.

Quinto si creatura produceretur ab æterno sequeretur duæ contradictoriæ, quarum utraque esset vera & falsa, quod est impossibile: probatur consequentia; nam sequeretur veram esse istam propositionem, Deus creauit mundum, & istam Deus non creauit mundum, & utraque esset vera & falsa; probatur consequentia quoad primam partem; nam si mundus fuisset ab æterno, sine dubio hæc esset vera, Deus creauit mundum, quod verò propositio negatiua esset quoque vera, Deus non creauit mundum, probatur, siue de inesse est hæc, Deus

non

non creat mundum, quæ nunc est vera & nunquam incepit esse vera; ergo semper est vera; ergo de præterito illa semper est vera, illa autem de præterito est hæc, Deus non creauit mundum, ergo vtræque est vera. Hæc ratio, habet vim ex illa regula dialectica veritas propositionis de possibili, dignoscitur ex propositionibus de inesse, quando enim propositio de inesse est vera, vera quoque est propositio de possibili, sed quando propositio de inesse est falsa, falsa quoque est propositio de possibili. Quod verò ambæ sint falsæ, probatur; nam quod negatiua sit falsa patet, quia est contra fidem. Quod verò affirmatiua sit falsa, probatur; quoniam sua de inesse est hæc Deus creat, hæc autem nunc est falsa & nunquam incepit esse falsa; ergo semper est falsa & consequenter illa de præterito est falsa, quæ est illa, Deus creauit mundum, quia nunquam habuit de inesse veram, vide Faustinum in 2. quæst. 3. hanc adducit & soluit.

Dices 4. Apoc. *Tu creasti omnia & propter voluntatem tuam erant & creata sunt*, ergo res ante creationem erant & consequenter æternæ.

Respondeo, res fuisse in esse essentiae antequam haberent esse existentiae; quidditates autem rerum creabilium in illo esse essentiae, quod habent ab æterno non sunt entia rationis seu per intellectum tantum vel per actum rationis nostræ, cum rationis nostræ actus non præueniat omnem creationem; Quidditates verò illæ ante omnem creationem habeant verè esse essentiae.

Instabis, vel illa erant purè nihil vel aliquid.

Respondeo, ante suam creationem fuisse purum nihil secundum carentiam esse existentiae non tamen fuerunt omnino nihil secundum carentiam esse essentiae, quia essentiae creabilium ante omnem creationem sunt obiecta secundaria intellectus diuini, & omne obiectum præsupponit aliquid esse vt cognoscatur.

Nota esse essentiae est esse formale quidditatum & specificum cuiusque rei, sic animal rationale est quidditatum & essentiale hominis esse, tale esse est necessarium & differt ab esse existentiae quod est contingens, nec pertinet ad entis creati quidditatem, sed accidit enti seu naturæ vel essentiae & quidditati, vt modus eam contrahens & determinans ad esse singulare.

Dices ex S. August. 6. de Trinit. cap. 9. si dignis fuisset æternus splendor etiam ab eo diffusus fuisset æternus, & hoc exemplo vtitur contra Arium ad probandam coæternitatem Filij cum Patre, ergo sicut ibi inferitur ex perfecta causa naturaliter agente coæternitas effectus cum causa, ita hic de perfecta causa voluntariè agente potest inferri possibilitas coæternitatis effectus ad ipsam causam, quia causa naturalis & libera, non differunt nisi quia illa naturaliter hæc liberè agit.

Respondeo, quod ignis ibi potest considerari vt produciens & vt causans; primo modo valet consequentia, si ignis esset æternus & produceret ab æterno splendor esset coæternus, & in hoc sensu accepit August. quia Pater est pro-

Carriere in Professionem Fidei.

duciens & Filius est productus non causatus. Si verò secundo modo accipiatur, dato quod causa sit æterna, non tamen sequitur quod effectus sit coæternus, quia in causalitate cadit mutatio ex parte effectus, & transitus de non esse ad esse, quod fieri non potest sine tempore, vt dicit Henricus.

Instabis ex 10. ciuit. cap. 12. si pes ab æterno esset & fuisset in puluere, semper ei subesset vestigium, quod tamen vestigium factum esse à calcante nemo est qui dubitet, nec tamen esset prius illo, quamuis vnum factum esset ab alio.

Respondeo, quod posito pede ab æterno implicat quod vestigium fuerit causatum à pede sine principio durationis; nam vestigium non potest produci à pede nisi per motum localem hic autem necessariò fit in tempore. S. Augustinus loquebatur ibi secundum mentem aliquorum Philosophorum de quibus mentionem fecerat.

Dices, non potest demonstrari, nec per medium extrinsecum, nec per intrinsecum Deum non posse aliquid creare sine principio temporis, ergo asserendum est hoc esse possibile, non per extrinsecum, quia hæc est voluntas Dei, cuius ratio haberi non potest, quare magis vult hoc esse sine principio durationis quam cum principio. Neque per medium intrinsecum, quia illud est quidditas rei creatæ, hæc autem secundum rationem suæ speciei abstrahit, ab hic & nunc propter quod dicitur quod vniuersalia sunt vbique & semper vnde demonstrari non potest, quod homo aut cælum aut lapis non semper fuit; Ergo ex ipsa creatura non potest cognosci an eius existentia possit produci per hoc nunc & non pro illo.

Respondeo quod hæc ratio peccat per fallaciam consequentis, quia non valet. Oppositum huius non potest demonstrari, ergo est impossibile, sed deberet dici oppositum huius est impossibile & repugnat ex terminis; ergo hoc est possibile & non valeret consequentia, sed tunc negaretur illud esse impossibile. Exempli gratiâ; Oppositum huius asseritionis Deus potuit creare mundum ab æterno est istud, Deus non potuit creare mundum ab æterno, ergo si hæc est impossibilis Deus non potuit ab æterno hæc, quæ est eius opposita, Deus potuit creare ab æterno, est possibilis nec repugnat ex terminis, sed tunc negaretur illam, Deus non potuit creare ab æterno, non esse impossibilem neque repugnare ex terminis, quia si illud videretur impossibile alicui intellectui, ex terminis diceret hoc euenire, quia non comprehenderet terminos distinctè; vnde alteri comprehendenti non videretur impossibile.

Respondeo secundò, quod licet quidditas abstrahat ab hic & nunc & ab existentia, tamen potest contingere quod aliqua conditio existentiae repugnet illi quidditati, vt quidditati lapidis repugnat esse ex se & esse sempiternum, & ita tunc illa quidditas potest esse medium ad demonstrandum, quod existentia non potest sibi inesse ab æterno, sic dicit Henric. de quidditate creaturæ cui repugnet hæc conditio existentiae, quod sit æterna.

Instabis, est articulus fidei quodlibet aliud à Deo, factum esse ex tempore, manifestatus

B b

ex

ex Scriptura Genes. 1. Hebr. 11. & Ioan. 1. ergo nouitas mundi habetur per reuelationem, & non potest probari demonstratiuè. Et non expedit hoc probare neque propter fideles neque propter infideles; non primum, quia sic euacuaretur meritum fidei; non secundum, quia ipsi possent nos arguere quòd talia crederemus propter rationem, sicque tenerent nos esse sine fide, vel si hæ rationes viderentur illis sophisticæ nos deriderent, qui propter tales sophisticas rationes crederemus. Ergo si non debet probari mundum in tempore esse factum relinquitur vt probabile quòd potuerit esse ab æterno.

Respondeo, quòd si possumus adducere aliquas rationes probabiles vel necessarias pro creditis, non est periculosum illas proferre, imò meritorium est; vnde S. Augustinus & Anselmus crediderunt meritoriè huic operi incumbere.

Ad id quòd euacuaretur meritum fidei concedo, quòd fides & scientia demonstratiua propriè dicta non possunt manere simul, idèd superueniente demonstratione cessat fides. Sed ad propositum, si fieret aliqua demonstratio probans res necessariò produci in tempore cessaret fides in hoc articulo, remaneret tamen de aliis articulis qui naturaliter probari non possunt. Quòd ad infideles, Respondeo fore ipsis vtile, quia si non essent rationes demonstratiuæ quæ proferrentur essent tamen probabiles, & ostenderent articulum non esse impossibile. Adducere autem rationes sophisticas apud infideles esset malum, quia fides exponeretur contemptui & derisioni, sed nos existimamus proferre rationes veras quæ fidem roborent.

In istis, quicquid non repugnat limitationi creaturæ, non repugnat creaturæ, sed non magis repugnat limitationi creaturæ quantacumque duratio, quàm duratio per diem vnum, quia non est magis perfectum quòd durat per decem annos quàm quòd per vnum diem. Ergo esse ab æterno quòd importat durationem infinitam non repugnat ipsi creaturæ.

Respondeo, quòd sempiterna duratio ponit illimitationem repugnantem creaturæ, illa autem repugnantia illimitationis oritur ex natura creatæ quæ est quòd sit ab alio & ex non esse.

Dices multi Philosophi & Aristoteles concesserunt productionem ab æterno, & tamen illi erant petitiissimi & maximè circa cognitionem terminorum, ergo si includeretur aliqua contradictio, illam cognouissent, neque talem posuissent conclusionem.

Respondeo, quòd Philosophi multas contradictiones latentes admiserunt quas non cognouerunt, nam Aristoteles & alij posuerunt Deum agere necessariò, & tamen posuerunt contingentiam in rebus, hoc autem implicat, quia si prima causa causat necessariò, mouet necessariò causam sibi proximam & illa alteram, & sic omnes causæ secundæ agerent necessariò, quia secundum eos agunt motu à prima. Ergo non est mirum quòd posuerint contradictionem in hac assertionem, quòd creaturæ fuerint ab æterno.

Q V A E T T I O IV.

In qua anni parte mundus conditus est.

PRæcipua quæstio est de Vere & Autumno controuersia. Autumno enim Scriptura videtur fauere, quæ dum agit de mense egressionis ex Ægypto, quem vocat mensem nouarum frugum qui postea appellatus est Nisan. *Mensis iste, inquit, vobis principium mensium primum erit in mensibus anni.* Apparet nouam in eo loco fieri constitutionem de anno in Vere inchoando in memoriam accepti beneficii. Alium ergo mensem primum habuerunt Hebræi ad id usque tempus. Nam si is iam primus erat ab orbe condito, frustra statuebatur vt is primus esset in mensibus anni. Deinde Eua faceret arbores non floribus vt verno tempore ornatas esse, sed fructibus oneratas, cum ait Genes. 3. *De fructu lignorum quæ sunt in Paradiso vescimini.* Fauet etiam huic sententiæ Festum Tabernaculorum, quòd constat septimo mense fuisse celebratum, quòd Dominus in exitu anni celebrari iubet. Exod. 23. quando fruges omnes de agro collectæ sunt. At exitus vt in circulo, cohæret initio, idèoque Iudæi festum Tubarum quòd primo die Septembris celebrabatur, vocant caput siue principium anni: nec nisi ratione Festorum, Nisan primum mensium à Moses dici arbitrabantur: in cæteris negotiis publicis, priuatisque, annos à Tisri siue Septembris numerati, quibus præit Iosephus lib. 1. antiq. cap. 4.

Quibus priusquam respondeamus, videamus quæ pro Vere faciunt. Facit autem in primis quòd pro eo multo plures præstantiorisque sententiam dicunt, vt ij quoque fatentur qui initium mundi Autumno tribuunt. Probatio petitur ex Scriptura. *Germinet*, inquit cap. 1. *terra herbam viuentem, & lignum pomiferum faciens fructum.* quòd veri maximè conuenire nemo negare potest. Ex eoque loco Damascenus hanc sententiam probat lib. 1. de fide cap. 7. *Per solem*, inquit, *quatuor anni conversiones constituentur, quarum prima verna est, in qua Deus vos vniuersas condidit, idque ex eo constat quòd nunc quoque flores germinant.* Ex eodem quoque loco probat hanc sententiam Cyrillus Hierosolymitanus & Theodoretus in Exod.

Probatur quoque hæc sententia ex 12. Exod. quò ex loco prior quoque sententia probari quoque videbatur. Exod. 12. *Mensis iste vobis mensium, primus erit in mensibus anni.* In Hebræo textu vtrumque membrum caret verbo substantiuo. Septuaginta supplent tempus præsens est, quomodo legerunt Sancti Patres, qui ex hoc loco initium mundi verno tempore tribuunt, in quibus eminent S. Ambrosius lib. 2. Hexaem. cap. 4. S. Gregor. Nazianz. orat. 42. prout à Nicæa quoque explicatur, & plerisque Rabbiniis, quos vterque memorat. Eadem est Ruperti sententia lib. 4. in Gen. cap. 25. Neque est qui non facillè videat mundi origini & productioni rerum Ver potius quàm Autumnum conuenire; cum Ver ortui sit aptius; Autumnus interitui. Ver adolescentiæ respondeat, Autumnus senectuti; sed hæc ex responsione argumen

argumentorum illustriora fient atque certiora. Ille enim Exodi locus pro nobis facit, ut ex Ambrosio & Nazianzeno diximus. Nec textus Hebræus aut Græcus priori sententiæ fauet, Latinus autem qui ceteros illustrat nihil nobis nocet. Significatur enim cum mensem qui primus est ordine atque origine deinceps primum fore etiam dignitate propter Paschalem celebritatem, quæ ceteris festiuitatibus moderatur.

Nec Eva huic sententiæ negotium facessit. Nam primò dicimus aliquid illo anno præter futurum ordinem in fructuum acceleratione contigisse, ut Gregorio quoque de Valentia visum fuisse legimus 1. p. d. 5. q. 3. punct. 3. Et experientia constat aliquando tepida hyeme, aut calidiore vere flores ac fructus, messes ac vindemias vno aut altero etiam mense accelerari: quid mirum si illo anno cælum nouum & terra noua Domini benedictione consecrata, in vsum primorum parentum, fructus optimos quam citissimè & abundantissimè protulerit? Adde quod duæ tantum personæ nutriendæ erant & facile est præcoces aliquos fructus in arboribus reperire, qui plures etiam hebdomadas aliorum maturitatem anteuertant. Sed neque bestię tanto erant numero ut non facile reperire possent, unde viverent; cum aliqui neque ferant neque metant neque congregent in horrea, ut Matth. 6. dicitur, quibus tamen diuina prouidentia non Vere tantum, terræ ubique sponte germinante, sed inter medias etiam hyemis glacies ac pruinas, liberalissimè prouidet.

Puerile porro videtur illa primæ patentiæ verba, *De fructu lignorum quæ sunt in Paradiso vescimur.* in eam trahere sententiam, quasi illi omnium arborum fructibus in præsentia vterentur; cum illis tantum vellet permissum esse vsum omnium, sed temporibus suis ut ex antithesi veriti fructus patet, quem nullo vnquam tempore liceret attingere, quanquam Eva non ait se & coniugem suum de fructu omnium arborum comedere, nec erat eorum sapientiæ de omnibus eodem tempore velle comedere, sed statim à conditore temporibus, ut nos nunc quoque facimus.

Iam quòd Iudæi, alique populi Orientales annum ab Autumno inchoarunt, ipsaque Scriptura anni finem, initiumque in Autumno ponit Exod. 23. num propterea consequens est mundum conditum in Autumno? Aliam eius rei causam maximè idoneam proferre possumus. Nam suam illi commoditatem, vsusque populares sunt secuti. Cum enim proximi essent in agricultura & pecoribus Iudæi imprimis collectis sub id tempus distractisque frugibus, & collecta ex iis pecunia, commodè contractus annuos locationum, conductionum, emptionum, venditionum, aliosque id genus celebrabant. Id quoque Iudæis commodum fuit tam in anno Iubilæi quo agri ad pristinos Dominos, ex diuina lege reuertebantur: oportuit enim in collectione terminari, ut nouus possessor sementem in annum sequentem faceret. Sed nec annus sabbaticus nisi per sementem distribuebatur: vno enim à Septembri in alium Septembrem omittebatur. Nam quod pristinum ritum, quem memorat Iosephus quidam mundi exordium referant, malè referunt,

Curriere in Professionem Fidei

cum id Iosephus ad Ægyptiorum de quibus proximè ante loquebatur consuetudinem referat, quam Iudæi in Ægypto seruabant & deinceps retinuerunt in contractibus suis, quamuis in festorum ratione aliud anni principium Moses Dei iussu constitueret: hanc quæstionem cum illo Poëtæ Georgic. 2. notissimo Carmine claudimus quod ille ex prisca traditione panxit.

*Non alios prima crescentis origine mundi
Iluxisse dies, alsiuue habuisse senorem
Crediderim, ver illud erat, ver, magnus
agebat
Orbu & hybernus parcebat flatibus Euris,
&c.*

QVÆSTIO V.

Quomodo mundus à Deo productus fuerit.

AD hunc modum pleraque pertinent, quorum nonnulla ad opificem ipsum, alia ad opus eius referuntur. Quærit enim potest an liberè produceret, an verò ut malè putauit Aristoteles ex necessitate naturæ. Deinde an generatione physica an potius productione aliqua supernaturali: testis in instanti, an cum temporis successione, sed quibus illis quæstionibus omittis hoc loco, quatum prima ex dictis de voluntate diuina liberè ad extra agente sufficiens resoluitur, alia ex natura creationis & modo quo Scriptura Deum conditum fuisse refert, vno scilicet, dixit, quod interpretandum est theologicè vno velle prædicto satis declaratur. Tertiã dubitationem breuiter expendamus: quæ reipsa petit; An Deus mundum sex dierum intervallo produxerit, iuxta Mosaicam narrationem, an vnicò instanti cum Scriptura quoque dicat Eccles. 18. *Qui viuit in æternum creauit omnia simul.* Quin & Moses cap. 2. postea testatur eodem die non solum cælum & terram, sed omne virgultum agri, & omnem herbam regionis esse productam: præsertim cum ne Sol quidem esset adhuc qui tres primos dies efficeret: nec illa temporis mora & rerum distincta productio & ornatus, diuinæ omnipotentis satis conueniat.

Ita sentit Philo, Procopius Gazæus, & fortè S. Augustinus; qui sex dies ad cognitionem Angelicam refert, sed maximè Caietanus, qui in ea verba *Fiat lux*, existimat vno die creata esse omnia; imò in principio diei artificialis Deum creasse omnia. Et quamuis Moses sex dies enumeret, ut perueniat ad septimam Dominicæ quietis, secundum veritatem tamen, inquit, vnus tantum referendus erat dies, cum constet secundum diem non nisi repetitionem primi esse. Nec propterea finxit sex opera dierum, sed accommodauit sex dies sex perfectionibus vniuersi ordinatè se habentibus, ad significandum, quod res vniuersæ sunt à Deo dispositæ, ordinatæ & consequenter se habentes inter ipsas, quemadmodum sex dies naturales. Hæc ibi Caietanus quæ capitè quoque secundo inculcat.

Verum hæc sententiæ à Scriptura aliena est eique apertè vim facit: & communi sensui & interpretationi Sanctorum Patrum repugnat.

Ab x Si

Si enim momento creata sunt omnia, qualia communis sententia tradit post sex dies extitisse, sequitur non cælum ex aqua, neque hominem ex limo terræ, sed ex nihilo productum esse, quæ enim puncto temporis creata sunt, ex nihilo creata sunt. Deinde si hæc omnia simul producta sunt, quomodo ordinatè & non potius confusissimè à Mose digesta sunt. Nonne oportuit ante lucem corpora luminosa produci & ante illa corpora firmamentum in quo collocarentur. Quod si omnia simul cum luce producta sunt, fallum est tenebras fuisse super faciem abyssi, neque id de vilo instanti verum esse potuit. Neque item terram fuisse inanem & vacuam, fuit enim in eodem instanti ornata plantis, arboribus, animalibus, æquè ac post sextum diem, aliæque multa absurda admittenda sunt.

Respondetur
obiectioni ex
libro Eccles.

Audiendus potius Magnus Gregorius qui lib. 32. Moral. cap. 10. ait Deum dici vno die omnia condidisse, licet Moses sex dierum mutatione variante, cuncta distinctè creata describat, quod rerum substantia simul creata sit, species autem non simul formatae fuerint, verùm sex dierum progressu. Scriptura cum simul omnia creata dicit, non cogit nos ad instans mathematicum, sed licet illud *simul*, de certo spatio temporis, puta sex dierum interpretari, quibus simul id est continenter & sine vlla dierum interruptione produxit omnia. Quid etiam prohibet illud *simul* referre ad creationem propriè dictam quæ sit ex nihilo, quæ ante primum diem cælum, terra, & aqua creata sunt cum Angelis, quæ fuerunt quasi materia omnium producendorum, iuxta ea quæ ex Sancto Gregorio iam diximus. Denique illud *simul* rectè potest non ad temporis identitatem, sed ad communem comprehensionem refecti, ut cum dicitur simul insipiens & stultus peribunt, id est æquè utrique sunt morti obnoxij nullus excipitur. Cui expositioni fauet Græca vox *σύν*, communiter, æquè, pariter.

Nam quod Moses ait eodem die creatum non solum cælum & terram, sed omne quoque virgultum agri, facile est diem de tempore interpretari, ut cum ait Dominus exultasse Abrahamum, ut videret diem eius & Iudæos reprehenderet, quod non cognouerint diem visitationis suæ. Tres autem illi dies qui solis creationem præcesserint, per vicissitudinem lucis & tenebrarum facti sunt ab illa luce primigenia, sicut postea facti sunt à sole. Neque verò diuinæ potentiæ quidquam derogat ista dierum successio, sed fauet sapientiæ. Voluit enim mortales docere ut exemplo suo sex dies operarentur, & septimo recolendis diuinis beneficiis vacarent, quæ ratione Scriptura ipsa crebrè vitatur Exod. 20. & alibi passim, voluit quoque non solum potentiam in creando ex nihilo demonstrare, sed sapientiam etiam & libertatem, illa ipsa quæ creata fuerant ornando, & digerendo per partes, prout placuit eius sapientissimæ voluntati non desunt aliæ rationes apud interpretes.

* * *

Q V Æ S T I O V I.

Quo ordine mundus eiusque partes producta fuerint & primum de Cælo Empyreo.

DVo sunt genera rerum à Deo in hoc mundi exordio creatarum; quædam enim de nihilo, & per creationem præse sumptam extiterunt, cælum videlicet quod vocatur Empyreum, terra & aqua, cætera ex terra & aqua producta sunt postea. Priora illis Prophetæ verbis Genes. 1. comprehensa sunt. *In principio creauit Deus cælum & terram, terra autem erat inanis & vacua, & tenebre erant super faciem abyssi & Spiritus Dei ferebatur super aquas.* Cætera reliquo capite continentur.

Itaque Moles in principio narrationis suæ ponit ea quæ primum omnium creata sunt, quasi solum & fundamentum molitionis sex dierum, quibus nullum tempus assignat: quoniam intelligi voluit ea non in tempore & cum motu esse generata, sed puncto temporis & sine vlla successione fuisse creata. Dixi cælum Empyreum; quoniam cælum illud aspectabile & stellis aut Planetis vndique collucens, ex nihilo creatum non est.

Postquam igitur aduenit illud instans æternitatis, in quo placuit diuinæ bonitati res extra se producere, quibus se pro earum modo atque mensura communicaret, principium operum eius fuit cælum Empyreum, quæta atque immobilis Beatorum sedes, coruscans splendore mirabili, licet mortalibus oculis inconcessa. Empyreum cælum inæstimabilis pulchritudinis theatrum, in quo se se Deus Sanctis Angelis atque hominibus videndum præbet sicut est, eisque immensas diuitias gloriæ suæ exhibet possidendas. Conueniebat enim diuinam sapientiam de fine cogitantem rerum à se creatarum, etiam locum corporeum beatis corporibus debitum principio producere, infinita illa maiestate dignum & omnium electorum præstantissima ciuitate: & sicut à principio paratus est locus qui esset carcer demonum, ita rationi consentaneum fuit, parari locum destinatum gloriæ Beatorum omnium opinione magnificentiorum: ut de ipso etiam loco acciperetur illud Apostoli 1. Cor. 2. *Nec oculus vidit nec auris audiuit, &c.*

Hæc fuit antiquissima S. Clementis sententia in Recognitionum libro, in quo refertur disputatio S. Petri cum Simone Mago, & inter alia dicitur à Petro *Factum esse hoc visibile cælum quod aliquando resolnendum est propter præsentem vitam, ut esset ininteritio quadam & diuisio, ne quis forte indignus habitationem celestium & Dei ipsius sedem videret, quæ in solis qui mundo sunt corde videnda præparantur.* Nunc autem, id est agonis tempore, inuisibilia esse placuit ea, quæ vincensibus ad primum destinata sunt. Et iterum Simone asserente satius esse dicere, cælum in vniuerso mundo. *Non ita, inquit Petrus, sed vnum confiteri conuenit Deum qui verè est: cælos autem esse qui ab eo facti sunt, sicut & lex dicit: quoniam vnum cælum sit superius, quo continentur etiam visibilia* firma

firmamentum illud esse perpetuum & æternum cum iis qui habitant ibi: istud autem visibile in consummatione sæculi resoluendum esse, &c. Quæ ed probabiliora sunt quo similiora iis quæ à S. Petro in Epistola canonica scripta legimus, & nullis hæreticorum sectis patrocinantur, ne forte liceat ab iis corrupta fuisse suspicari.

Eadem est Philonis in libro de mundi opificio sententia, eadem Origenis, Ruperti Theodreti, atque Procopij. Sanctorum item Hilarij, Augustini, Damasceni, Anselmi, Brunonis, Bedæ, Diodori Tharsensis, Hieronymi, maximeque S. Basilij, qui circa hoc ipsum cælum paulò etiam quàm par sit liberalior videri potest: denique pro eodem cælo sententiam dicunt Alcuinus, Rabanus, Strabo, Magister sentent. S. Thomas cum omnibus Doctoribus Scholasticis, frustra contradicente Caetano, qui negat tertium cælum ad quod raptus fuit Paulus 2. Corinth. esse cælum Emphyreum quodd nullibi in Scriptura reperiatur, sed primum mobile. At reperiit in ipso aditu Geneseos communissima sententia est ut ex tot testimoniis Patrum patet. Eodemque modo tertium cælum D. Pauli, Basilij, Damasceni, & Theodoretus interpretantur & alij; cælum cæli Davidis Psalm. 113. ut in prædictis testimoniis reperies.

Q V A S T I O VII

De Aquæ & Terra Productione.

IN explicanda creatione mundi, Symbolum paucæ dicit ea fortè de causa, quod supposita Dei omnipotentia & facta mentione cæli & terræ ea simul subaudienda vellet, quæ illorum ambitu continentur, vel illis insunt quæ eodem velle seu verbo Dei condita nequaquam sit ambigendum, cum primum caput Geneseos explicite recenset in opere sex dierum quædamque facta suoque loco ordinata fuisse.

Quod si res sublunares, interpositis causis secundis, suum sortitas esse credere fas est citra lidei dispendium, adhuc tamen à Deo creatæ dici possunt & debent, quandoquidem Deus hanc ipsam materiam ex qua compositas esse experimur produxit immediatè ex nihilo. Tritum est autem partis vnius attributa ad totum extendi. Hinc Moses Deuteron. 32. filios Israël à Deo creatos fuisse profiteretur. *Nunquid ipse est Pater tuus qui possedit te & fecit & creavit te?* & Salomon Sapiens. 2. dicitur: *Ex nihilo facti sumus, &c. creavit orbem terra ex materia innisa.* Quanquam non ambigam creationis nomen, hominum productioni peculiariter attributum intuitu animæ rationalis qua constat ut patet præcipua, quæque à solo Deo infunditur & creator intra vterum maternum in corpore infantis, ubi primum opportuna organa & dispositiones nanciscitur. Vnde & Aristoteles lib. 3. de anima, illam non ex materia educi sed extrinsecus advenire docuit, à potiori autem parte sit denominatio, quicquid sit.

Certum est cælum Emphyreum de quo supra dictum est, terram & aquam ex nihilo per creationem præse sumptam producta esse.

Ea veritas antiquorum Scriptorum menti-

bus impressa fuit; qui cum chaos omnium rerum antiquissimum facerent, quippe quod erat.

Ante mare & terras, & quod tegit omnia cælum.

Primum appellarunt antiquum, *ἀρχαῖον*, id est primum omnium, vel primum in primis & antiquissimum. Nomine autem chaos terram & aqua permista intelligebant, quas Trismegistus in Epimandro modo naturam quandam humentem inexplicabiliter turbatam, modo terram & aquam inter se commistas; quæ coniunctæ potius erant, aqua terræ globum undique suo complexu cohibente.

Orpheus *χάος* vocat, id est limum, Hebræi quoque *Aphar*, id est limum, terram scilicet aqua confusam. Alij nomine chaos omnium elementorum confusionem intellexerunt, ut Poëtæ ex eodem Trismegisto; quæ nomine informis materiæ à plerisque antiquis, maxime Augustino lib. de Genesi contra Manich. appellata est secuto sapientem, qui ait Deum creasse orbem terrarum ex materia innisa, *ἐξ ἀμορφῆς ὄλης* informi.

Verum hæc de elementorum confusione sententia passim nunc improbat: imò iam olim à S. Basilio damnata est. Ipse autem cumque secutus Ambrosius hom. 2. in Exameron. ex Damasc. lib. 1. hom. 30. c. 6. & 7. de fide cap. 10. terram quæ à Septuaginta dicitur invisibilis & incomposita, vocatam dicunt invisibilem siue invisam, vel quia nondum creatus erat homo qui eam spectaret, vel quia in imo abyssi fundo demersa latebat, vel quia nondum lux producta erat sine qua nihil videri potest. Incompositam verò siue inordinatam vocant, quia carebat adhuc ornamentis plantarum. Illa porro sententia improbat ex eo quod violenta interpretatione, cælum, terram, abyssum & aquas ad informem materiam significandam trahit cum his verbis nihil minus aut ludæi, quos alloquebatur Moses intelligerent, aut nos ipsi intelligamus, nisi iam hac opinione occupati ac depravati. Præterquam quod productionem aquæ & terræ à Deo ex ista informi materia factam probare non potest.

Maneat ergo terræ nomine intelligendum esse quartum hoc elementum quod calcamus: quod Deus quasi centrum mundi rotundum planè ac solidum ex nihilo, sicut & cælum condidit, ab eoque immenso quodam spatio & undique equali discrete: quod spatium omne aquis pariter ex nihilo productis simul implevit, ut terra vndeque obruta planè delitesceret, donec iubente iux Deo semotis hinc & inde aquis die tertio emergeret, plantis conestita nitesceret, & mineralibus cæterisque mixtis, eius viscera farcirentur.

Quod ad creationem aquarum attinet, et si ea cum terra puncto temporis producta divinis intelligenda est; ne quis fortè æternam aquarum abyssum facere cogatur, eam nulla eius productio referatur; quærit Theodoret. cur Moses non docuerit nos Deum creasse aquas, & respondens: *Cum dixerit, inquit, terra autem erat invisibilis & incomposita, & tenebræ erant super abyssum; demonstrans cum terra creatas esse simul aquas.* Idque confirmatur ex Apocalyp. cap. 14. ubi de creatione præse sumpta rectè potest illud accipi. *Adorate eum*

Alia significatio & usus ipsius chaos.

Terra creata

Et Aquarum

qui fecit celum & terram, mare & fontes aquarum.

Nomen porro abyssi immensam quandam aquarum voraginem significat, utpote fundo carentem ut exigit vocabuli notatio. Sed audiamus Basilium lib. 2. de timore Dei cap. 2. *Erat invisibilis terra, quam ob causam quæso? quia circumfusa erat undique abyssu, quid abyssus significat? copiosam aquam ad cuius fundum non facile penetrari poterit deorsum versus. At templura corpora per tenuem & transparentem aquam scimus non raro videri. Quamobrem igitur pars terra nulla tunc per aquas visendam se offerebat: quia eatenus lumine carebat aer obtenubratusque adhuc erat, qui totam ambiebat aque naturam. Sic Basilius, quem mirum est aeris hoc loco meminisse, nam de aeris creatione nondum quidquam dictum sit nec dicatur deinceps: mox autem ex aquis educendus fuit, ut vapores, & venti, & nubes, & pisces, & volucres; ne sit opus eam ex ni-*

hilo productum existimare; cui ne locum quidem ullum sub celo Empyreo abyssus reliquebat. Quin etiam ignis celestisque orbis eundem ortum habuisse dicendum est.

Ad eam porro virtutem seminalem aquis impertiendam, ut fierent ad tam multas diversasque res producendas idoneæ, Spiritus Domini ferebatur super aquas, vel ut Hieronymus in traditionibus interpretatur. Eis incubabas sine confusibus in similitudinem volucris ova calore animantis. Ex quo intelligimus, non de spiritu mundi dici, ut nonnulli arbitrantur, sed de Spiritu Sancto, qui & ipse vivificator omnium a principio dicitur. Hæc Hieronymus. Quam expositionem ex Syro quodam referunt Basilii atque Ambrosii, pro qua Martinengus sex & triginta Patrum testimonia in sua magna glossa recitat: quibus recentiores meritis subscribunt. Ceteri autem unde ventum istum producant non intelligo, aut eorum primigenia luce faciant antiquiorem.

atque unde.



D E

CREATIONE HOMINIS. QUANTVM AD CORPVS.



ABSOLVTO propemodum opere creationis sexta die, & volucibus, piscibusque; (neque enim & cunctis animantibus, ut communiter censent SS. Patres impertita benedictione.) non utique verbo sed impressione naturalis facultatis, & inclinatione generandi sibi simile ad propagationem cuiuslibet speciei; deveniendum tandem erat ad tantæ molis caput, ad tot creaturarum rectorem, cui terra & orbis subicienda erant; ad hominem scilicet propter quem mundus creatus dicitur, cuius ipse horizon, nexus, perfectio; ac finis agnoscitur.

Moses ergo divino afflatus spiritu in hominis productione narranda notat Deum quasi tantisper hæsitasse & prius iniisse consilium de homine producendo. *Faciamus hominem ad imaginem & similitudinem nostram: & præsit piscibus maris, & volatilibus celi, & bestiis, universaque terra.* Duo tangit hic locus quæ plerique Sanctorum Patrum oscitanter expendunt; alterum quod spectat ad suscepti operis gloriam, alterum ad factoris maiestatem: Est enim hoc quasi consilium Dei & deliberatio quædam super opere præstantissimo perpetrando; qui tamen in cætera molitione rerum aut mole aut multitudine maximarum, omnium inquam celestium cum astris & luminaribus suis & omnium plantarum & animalium quæ celo, terra & aquis continentur, nudæ impressione contentus fuit. Id egregie ut cæteros

omittam notavit ante Origenem in Genes. Tertull. & ante Magnum Gregorium Magnus Basiliius hom. 10. *Nosse vis reipsum, inquit, vel hinc auspiciu sumis, de nullo enim opificiorum que eatenus condideras, vox ista in litteras transmissa est, & mox enumeratis reliquis; Non iam hic consisterat homo, & de fermando homine iniitur consilium. Erudire hinc homo, atque ediscere quætri, vultu tu æstimandum venias, &c.* Et S. Chrysost. hom. 8. *Vidisti sermone solo & præcepto omnem creaturam quinque diebus formari? vide hodie quanta verborum diversitas; non enim iam dicit, fiat homo, sed quid? faciamus hominem secundum imaginem nostram & secundum similitudinem. Quid hoc novi? quid rari? quisnam ille qui formandus? ad quem faciendum est opifici tanto consilio & circumspeditionis opus? Ne mireris dilecte, homo enim inter visibilia omnia dignitate præcellit, propter quem condita sunt hæc omnia celum, terra, mare, sol, luna, stella, reptilia, inmenta, brutaque animalia omnia. Et mox. *Figura verborum declarare voluit, quam excellentem honorem homini qui formabatur impendebat. Idem habet Gregor. Nyssen. D. tamen Augustinus hinc hominis nobilitatem peti non vult sed ex divina imagine & similitudine.**

Quod ad alterum attinet, notatur hic locus quasi illustre testimonium Sanctissimæ Trinitatis à Sanctis Patribus, Basilio præsertim, cuius etiam pauca verba subtexam. Et quidem dixit nunc faciamus, ut hoc insigni dicto agnoscam

In productis
ut hominis
Sancta Trinitas
manifeste
patet.

agnoscas Patrem & Filium & Spiritum Sanctum. At posterius, fecit Deus hominem, diuinam vt vnias maiestatem, sanè vt vnias, non eas quæ ~~immediatè~~ dicuntur: hoc est ipsas tres personas, sed quatenus id vnitatem concernit potentie, vt vniam in diuinis retinens gloriam & maiestatem, &c.

Proposuit quid facturum esset Deus Pater cum Filio suo magni consilij Angelo per quem facta sunt omnia, & Spiritu Sancto qui bonitatis suæ thesauros in hominem præ cæteris animantibus erat effusus. Nunc videamus quid fecerit, & intelligemus facta fuisse omni expectatione maiora. *Et creauit Deus*, inquit Moyses, *hominem, ad imaginem Dei creauit illum, masculum & feminam creauit eos.* Hæc summam de hominis productione qui cum visibili parte & inuisibili constet corpore scilicet & anima, antequam concludam expositionem rerum visibilium quibus corpus humanum comprehenditur, quod animam tempore antecedit non abs re erit.

Q V Æ S T I O Singularis.

An Corpus hominis conuenienter sit dispositum.

Suppono ex Scriptura Deum immediatè produxisse corpus hominis è limo terræ, vt Genes. 2. exprimitur, *Formauit Deus hominem de limo terræ.* quod Eccles. 17. repetitur, *Deus de terra creauit hominem.* Intellige ex parte corporis, quamuis autem quatuor elementa faciant eius compositionem, Scriptura in limo terram tantum & aquam agglutinantem commemorat, quia plus abundant secundum quantitatem in eo, & tacet ignem & aërem, quia in tota rerum productione de igne & aëre quæ sensu non percipiuntur à rudibus nihil dixerat, deprehendenda sensibili experimento & ex eorum prædominante virtute quæ aliquam mixtionis æqualitatem facit, vt notant Anatomici: his positis

Respondeo ad quæstionem, Corpus humanum in optima dispositione fuisse formatum,


non simpliciter, sed secundum quod congruit animæ rationali & eius functionibus, & si aliquis defectus notatur, is profectò sequitur ex necessitate materie, vnde licet corpus cælestis sit simpliciter nobilius terrestri, tamen quantum ad actus animæ rationalis est minus conueniens, nec curanda animalium tegumenta & arma, eorumque acutior sensus aut velocior motus; nam hæc homini non competeant qui rationem habet & manum, quæ lib. 3. de anima tex. 38. dicitur organum organorum.

Porro structuram corporis humani, præter Medicos & Chirurgos suppediabit S. Gregor. Nyssen. lib. de hominis opificio, & rursum orat. 2. in ea verba *Faciamus hominem*, nec est vt hic admirabilem symmetriam & partium inter se proportionem loquar, aut vt dignitatem & elegantiam faciei ex varietate partium prosequar, quæ mira pulchritudine sua diuinam sapientiam maximè commendat, vnum dixisse sat est, primos parentes Adamum & Euam præter omnia illa ornamenta quæ nunc quoque cernuntur in humanis corporibus pulchritudinis, roboris, staturæ, complexionis, optimæque dispositionis organorum, vt possent egregiè functionibus animi famulari, aliud etiam habuisse quod penè his omnibus præponderabat impassibilitatem videlicet atque immortalitatem, non quidem, vt ait August. ex conditione corporis animalis, sed ex multiplici beneficio conditoris. Nec omittendum est corpora eorum non infantilis ætatis è terra, sicut hodie ex maternis vteris educuntur, sed perfecta fuisse producta, virilis scilicet aptæ ad productionem sui similis in eadem specie, sicut in cæteris animalibus factum apparet, alioqui penè frustra dictum eis esset, *Crescite & multiplicamini.* Quis enim id infantulo dixerit, qui neque præceptum intelligere possit neque exequi. Pererius attenta proportionem longitudinis vitæ, quæ ad 930. annos producta est, iuuenilem ætatem eorum in qua conditi sunt, quasi quinquagesimi anni florentissimi facit. Vtrum autem Gigantea mole corporis fuerint non constat, grandis tamen statura concedenda est vt ab initio futuris decrementis corporum prouideretur.



D E C R E A T I O N E H O M I N I S, Q V A N T V M A D A N I M A M.

Explicatio illius Partis, *ET INVISIBILIVM.*

 *V*IC QUID sit de tempore Creationis Angelorum, qui nobilissimi sunt spiritus invisibiles, recensita iam visibili substantia hominis, ad animam eius rationalem adspirat expositio nostra. Cum autem in singularibus Professionis Catholicae partibus expendendis, hucusque aliqua quae rem tractandam illustrant merito premiserimus, multo potiori profecto iure hac eadem in tractatione de Anima rationali quae nobilior est pars creationis divinae, (utpote imaginem Creatoris preferens, & Fidei Catholicae vitaeque aeternae compos,) praestare debebimus. Agant Philosophi de anima ut voluerint. Afferat Theologus quod anima intellectiva est ultimum & supremum quod considerat Physicus: est enim anima media inter intelligentias & formas corporales. Sufficiet Catholico ea à nobis habere in quibus ipsi non licet dubitare: quare antequam quicquam disputetur de Anima, propono Canones seu propositiones quas Ecclesia determinavit, idque ut humiliter morem geram Summo Pontifici Leoni X. qui Concilio Lateran. 1513. celebrato imposuit sess. 8. Praeceptoribus Philosophiae, ut erroneas Philosophorum rationes in his quae contra fidem sunt, solvant pro viribus, ac veram & Christianam Philosophiam proponant.

P R O P O S I T I O N E S D E Fide tenendae circa Animam rationalem.

Prima propositio. Anima rationalis & intellectiva non est una numero in omnibus hominibus.
Error.

PRIMA PROPOSITIO. Anima rationalis & intellectiva non est una numero in omnibus hominibus, sed est & fuit & erit plurificata secundum individuum hominum pluralitatem, ita ut singulae sint in singulis.

Hæc est de fide determinata in illo Concilio Lateranensi 3. sectione octava. Oppositum habuit Averroes, qui unicum intellectum numero assistentem omnibus hominibus posuit: contra quam amentiam scripserunt multi viri docti, & inter hos praesertim Alber. in libello de unitate intellectus, ubi soluit triginta argumenta huius erroris, & totidem pro veritate ponit: scripsit etiam S. Thomas 2. contra gentes c. 73. & similiter Aegidius. & alij, & nos etiam infra d. putabimus.

Secunda propositio. In unoquoque homine una est

SECUNDA PROPOSITIO. In unoquoque homine una est anima, non plures. Aug. 10. super Genes. ad litteram c. 14. refert ex senten-

tia Manichæorum duas animas in homine, alteram sensitiuam, alteram intellectivam, & c. 12. refert idem, ex quodam nomine Didimo, quod idem habuit Philo Iudæus in opusculo inscripto, Quod deterius potiori insidietur.

Oppositum docet Augustinus de Ecclesiasticis domina. c. enim 15. inquit: Nec duas animas esse in homine: vnam animale, qua animetur corpus, & immista sit sanguini: alteram spirituale, quæ rationi ministret: sed dicimus vnam & eandem esse animam in homine, quæ corpus sua societate vivificet, & semetipsum sua ratione disponat. Hæc Augustinus. Idem dicit omnino libro de spiritu & anima, c. 9. & lib. de fide & symbolo, atque aliis locis, & Damascen. 2. de fide orthodoxa, c. 12. & est expressa huius determinatio, 8. synodo generali act. 10. can. 11. cuius verba sunt: Apparet quosdam id temporis in tantum impietatis venisse, ut duas in homine animas impudenter dogmatizent: quos omnes & similia sentientes, cum Vetus & novum Testamentum, & omnes Ecclesie Partes vnam animam rationalem in homine asseuerent, sancta & vniuersalis Synodus anathematizat: hæc sunt verba. Et quamvis aliquis effugere posset, asse-

anima & sensus plures.
Error.

cens,

rens, non intelligi canonem hunc de anima sensitiva, & rationali, sed intelligi de pluralitate animarum videntur ratione, quod aliqui Catholici (inter quos est Scotus & Paulus Venetus) tenent animam esse vegetatiuam & sensitiuam in homine distinctas à rationali, nec tamen videtur illos damnatos in illo canone: tamen hoc fateor, eam esse non ita tutam & certam canonis interpretationem, & restrictionem, cum in genere loquatur, & sanctorum aliorum testimonia glossam non pati, cum sint manifesta. Et præterea de Christi, Redemptoris nostri, anima sensitiva, quid de ea in morte actum esset, an mortua fuerit, an in sepulchro manserit, an cum anima rationali ad limbum descenderit, non facile responderi sine aliqua impietate poterit. Quare arbitror hanc sententiam esse periculosam & temerariam, de qua tamen postea plura suo loco dicemus.

Tertia propositio. Anima rationalis secundum se & suam substantiam est corporis forma, materiamque informat & cum ipsa vnum per se facit.

TERTIA PROPOSITIO. Anima rationalis secundum se, & suam substantiam, est corporis forma, materiamque informat & cum ipsa vnum per se facit.

Oppositum huius sensitui Plato, ut referunt Arist. 2. de anima text. 26. & 3. t. 1. & Them. 2. de anima c. 2. qui putauit animam assistere sicut nautam in nauis. Idem Philoponus 2. de anima, c. 1. in fine, & Gregor. Nisēn. 2. de anima, c. 5. vbi reprehendit Aristotelem tanquam sententem esse formam.

Probatur propositio.

Sed iam, post Gregorium, id est damnatum in Concilio Viennensi, scilicet vnde desumpta fuit Clementina, de summa Trinitate & Fide Catholica, c. vnico, & postea approbavit Leo X. idem in Concil. Later. sess. 8. vbi illam esse veram formam informantem secundum fidem statuitur.

Quarta propositio. Anima rationalis à solo Deo est creata.

QUARTA PROPOSITIO. Anima rationalis à solo Deo est creata. Scias ergo reliquas formas à Deo produci, mediis causis particularibus, at animam intellectiuam à solo Deo produci, atque idem creari.

Fuerunt in oppositum duo errores, prior Tertulliani, ut refert Augustinus, lib. de hæresib. Ad quod vult Deum, c. 86. qui putauit animas esse ex traduce, id est, animam vnius produci ab anima alterius, ut anima Filij ab anima Patris.

Secundus Error.

Posterior fuit aliorum, dicentium fuisse factas ab Angelis. Hunc errorem tenuerunt Hermias, Seleucus, & Galatæ, vnde orta fuit hæresis Messalianorum, ut dicitur 7. Histor. Tripar. c. 11.

Dubium aliquando an sit de fide.

At circa errorem Tertull. quem & habuit Appollinaris Alexandrinus, ut dicitur 5. Histor. Tripar. c. 44. fuit dubius Augustinus an secundum fidem esset tenendum, animam à solo Deo creari, nam in illo libro de hæresi. c. 81. inquit, non propter illud fuisse proclamatum hæreticum Tertullianum. Et in epistola de origine animæ ad Hieron. credit animas rationales non esse ex semine, sed à solo Deo creari: dubitat tamen an id sit fide tenendum, & respondet quibusdam locis Scripturæ, quibus videbat in fide probari.

Præterea Eucherius Episcopus Lugdun. posterior Aug. circiter centum annos, super illa verba Genesis, *Edificauit Dominus Deus coelam, &c.* dicit illud esse difficile determinatu, *Carriere in Professionem Fidei.*

quia nihil est à sanctis viris aut scripturarum auctoritate certò pronunciatum.

At S. Thom. 2. contra gentes, c. 86. dicit, illam opinionem Tertull. esse errorem & in qq. de potentia q. 3. art. 9. dicit. Diligenter consideranti apparebit id esse damnatum. Leo enim 1. epistola 9. dicit animas à nullo incorporari, nisi à solo Deo, ipsarum creatore. Vbi conuincitur etiam error posterior asserentium, ab Angelis esse factas, conuincitur etiam hoc ex illis verbi Symboli, *Factorem omnium, visibulum & inuisibulum.* Nam si anima rationalis est spiritalis, ut est, & iam dicemus, necesse est ut sit creata, & nulla naturali virtute producta, sed de hac re postea suo loco diligentius, nunc satis est fidei veritatem digito monstrasse.

Iam constat esse errorem & probatur propositio.

QUINTA PROPOSITIO. Anima rationalis est spiritus, nec est corpus, nec ex corporibus conflata. Hoc fuisse Platonis videtur, qui ut refert Arist. 1. de anima text. 26. dixit ex elementis esse compositam, idem dixerunt Cleanthes & Chrysippus, quos referunt Gregor. 2. de anima, c. 2. & Tertull. libro de anima, huius etiam erroris fuit Appollinaris, de quo supra.

Quinta propositio. Anima rationalis est spiritus, & non corpus, nec ex corporibus conflata.

Hoc tamen est aduersus scripturas. Lucæ 24. *In manus tuas commendo spiritum meum.* Ad Gal. 5. *Caro concupiscit aduersus spiritum.*

Probatur propositio.

Nec obstat 7. Synod. generalis, actio. 5. vbi citatur cuiusdam Patristestimonium dicentis, animas, & Angelos ex aëre, vel ignea materia esse conflatos: quod tamen Concilium non reprobauit. Nam id non definitur à Concilio, sed solum inter alia multa Patrum testimonia citatur ad probationem vsus imaginum: non enim ibi quidquam de hac materia tractabatur, sed solum de cultu imaginum. Ille autem Sanctus Pater erat opinionis Platonice, & disputans cum Iudæo, ex ea opinione, licet falsa, volebat defendere Angelorum imagines. Concilium autem citauit, non ut in eo approbaret illum, sed ut ostenderet illum Patrem in vsu imaginum rectè secum sensisse.

Respondetur obiecti.

At verò tam de Angelis, quam de anima, definita hæc iam veritas profectò videtur in Lateranensi Concilio 1. sub Innocentio III. vbi dicitur; Deus ab initio utramque de nihilo condidit creaturam corporalem, & spiritualement: Angelicam scilicet & mundanam. Deinde humanam quasi communem ex spiritu & corpore constitutam, hæc ibi, & habetur extra, de summa Trinitate & Fide Catholica, can. Firmiter credamus, id quod asseritur in ipsa definitione fidei, ut non facile quis ea verba possit effugere, ut nonnulli parum cautè putarunt.

SEXTA PROPOSITIO. Anima non est Dei substantia, nec ex Dei substantia.

Sexta propositio. Anima non est Dei substantia, nec ex Dei substantia.

Ireneus lib. 1. aduersus hæreses c. 24. refert, Carpocratem fuisse huius hæresis authorem, quod anima sit ex Dei substantia, quam receperunt hæretici, dicti Gnostici; & postea Manichæi, & idem sentire videtur Philo Iudæus libro allegato, cuius verba sunt: Quomodo credibile videtur tam exigua mentem humanam membranula cerebri, aut corde, haud amplis spatiis inclusam, tantam cœli, mundi que magnitudinem capere, nisi illius diuinæ, felicitque animæ portuncula esset indiuisibilis?

Aduersus hanc hæresim est concilium Bracar. c. 5. Si quis, inquit, animas, aut Angelos

C c credit

credit ex Dei substantia extitisse, sicut Manichæus, & Priscillianus dixerunt, anathema sit. Idem determinavit Leo I. Epistola 91. cap. 5.

Septima propositio. Anima esse creatam cum corpore.

SEPTIMA PROPOSITIO. Anima non fuit creata ante corpus, sed simul à Deo creatur, & corpori infunditur.

Oppositi erroris fuit Orig. lib. 1. Periarchon c. 7. credens animas fuisse ante corpora creatas. Cælius Rhodigi. lib. 10. cap. 16. id refert ex sententia Platonis, & Macrobi. Istius erroris meminit Hieron. epistola ad Pammachium. Damnatus est autem error hic à Leone Primo, epistola 71. contra errores Priscillianistarum.

Octava propositio. Anima rationalis manet in æternum.

OTTAVA PROPOSITIO. Anima rationalis non corrumpitur corrupto corpore, sed manet in æternum duratura.

Huius opposita fuit hæresis Saducæorum, quos impugnat Dominus, Matth. 22. & sunt plurima loca Scripturæ contra hunc errorem, ex quibus sufficiant duo, Matth. 22. *Nolite timere eos, qui occidunt corpus, animam autem occidere non possunt.* & Sap. 3. *Iustorum animæ in manu Dei sunt, visi sunt oculis insipientium mori: illi autem sunt in pace.* Et est definitum id in citato illo Lateranensi Concilio 3. sess. 8.

Nona propositio. Animas non migrare de corpore in aliud.

NONA PROPOSITIO. Animæ manentes post corpora, non subintrant alia corpora, nec transmigrant de vno in aliud.

Herodotus dicit transmigrationem animarum fuisse placitum Philosophorum Ægyptiorum, ac inde sumpsisse Græcos. Lactant. lib. 7. refert Pythagoram inter hos. Idem receperunt quidam hæretici dicti Albanenses, & Albigenles, contra quos est Athan. lib. 6. de beatitudine Filij Dei, ubi docet illud esse contra fidem.

Decima propositio.

DECIMA PROPOSITIO. Omnes rationes naturales, quæ contra animæ immortalitatem, & alias veritates Fidei à Philosophis factæ fuerunt, sunt sophisticæ, & vanæ, & solubiles. Nec enim Philosophia vera repugnat veritati diuinæ.

Hæc est contra aliquos, qui absque vlla consideratione dicunt, secundum Philosophiam esse animam mortalem, & in aliis huiusmodi hoc inepto & impio vtuntur loquendi modo quos damnat Concil. Lateranen. 3. allegatum sub Leone X. sess. 8. & determinat, quæ fidei repugnant, non esse secundum Philosophiam vera. Verum enim non contradicit vero. Est autem fides supra naturam, non autem contra ipsam: & iubet Concilium ea solui, & veritatem pro viribus, quantum fieri possit, persuadere, & docere. Hæc sunt, quæ maximè præ oculis sunt habenda, & tanquam certissima tenenda. Iam quæ sunt circa animam scitu potiora expendo.

QVÆSTIO I.

De existentia Animæ rationalis.

Hanc admittendam esse docet & conelamat omnium Philosophorum & Catholicorum consensus, quod probatur: tum quia homo de omnibus discurret, res abstractas à sensibus intelligit, scientias subtilissimas suæ mentis acumine addiscit, mira opera ex arte ef-

tingit, & arcana omnia naturæ quæ siue in cælo, siue in terra, siue in mari conclusa sunt, indefesso studio peruestigat. Hæc autem omnia cum non sint opera vitæ, aut sensus, sed rationis, animam quandam rationalem vegetatiua & sensitiua longè nobiliorem prodere; cæcus sit qui non videat. Confirmatur, quia exploratum est operationes illas esse longè præstantiores operationibus brutorum, in quibus tamen plerique nonnihil rationis agnoscunt.

Tum quia ibi est ratio ubi reperitur libertas, meritum & demeritum; at in homine reperitur libertas, itémque meritum & demeritum, ut fides docet & à nobis suo loco infra ostendetur; ergo hominem ratione adeoque animam rationali præditum esse dubitari non potest.

Neque contra hanc veritatem lumine naturæ & fidei constantem quicquam obijci potest quod sit alicuius momenti, si enim aliquid contra illam opponeretur; vel id esset destitutum ratione, vel secus; si ratione destitueretur frustra in animæ rationalis existentiam intorqueretur; si verò aliqua ratione munitum esset, eo ipso arguentem rationali animam præditum esse euinceret, adeoque talem animam existere ut contendimus.

QVÆSTIO II.

De essentia Animæ rationalis. Quid sit anima rationalis.

Hic humana sapientia tumentes fluctus suos confringit, nec vsquam sine fide Catholica ad animæ rationalis notitiam ascendet, quare non mirum si tot sunt sensus quot capita Philosophorum in assignanda definitione legitima animæ humanæ.

Plato nusquam magis homo & minus diuinus quàm in tractatu de anima, ipsam enim vel formam tantùm assistentem, tanquam nauclerum in naui, aut Aurigam in curru, & nullo modo corpus informantem, nec quæ rationem partis haberet constituentis aliquid vnum cum eo cuius est forma existimauit.

Epicurus Galenus & exinde aliqui hæretici uti Carpocrates & alij, purum accidens & temperamentum aggregatum scilicet ex quatuor primis qualitatibus dogmatizarunt, quod quàm erroneum sit patet; nam sic omne temperamentum seu harmonia quatuor qualitatum esset anima, & mixta inanimata quæ habent verum & proprium temperamentum dicenda essent animata.

Alij cum Zenone igneam fecerunt animam, alij æream, alij particulam diuinitatis eam crediderunt, ut de Manichæis & Priscillianistis refert S. Augustinus, quod & Philoni datur.

Dico primò, *Animam rationalem esse veram substantiam*: probatur manifestè, tum quia illud est substantia quo compositum substantiale constituitur, atqui homo qui est compositum substantiale constituitur essentialiter per animam rationalem: ergo hæc est vera substantia. tum quia quod per se subsistit est substantia, atqui anima rationalis per se subsistit, licet enim

enim non producatnr nisi in corpore, produ-
citur tamen per veram creationem adeoque
independenter à corpore: quo fit vt naturali-
ter extra corpus conseruari possit, quod nulli
accidenti competit.

Dico secundò, *Animam rationalem esse sub-
stantiam simplicem seu non compositam ex mate-
ria & forma.* Probatnr; tum quia anima ratio-
nalis est substantia spiritalis, vt infra probabi-
tur; at repugnat substantiam spiritualesse
compositam ex materia & forma, saltem cor-
poris; ponere autem in ea compositionem ali-
quam ex materia & forma spiritalibus videtur
voluntarium & sine fundamento.

Tum quia cùm anima rationalis recipiatur
in corpore tanquam vera illius forma, si ipsa
constaret ex materia & forma sequeretur homi-
nem constare duplici materia, altera ex parte
corporis, alia ex parte animæ: item esse in ani-
ma duas partes, quarum alia non informaret
corpus, sicque animum non esse formam nisi
quoad medietatem; sequeretur etiam formam
illam animæ constare ex materia & forma ob
paritatem rationis; ac proinde in quolibet
homine esse formas formarum infinitas, quæ
omnia ridicula sunt & à sensu communi
aliena.

Dices inde sequi animam esse purum
actum, quod soli Deo conuenire docet
Theologia.

Respondeo eam esse quidem actum purum
physicum, non tamen purum actum metaphy-
sicum; cùm constet natura & subsistentia, va-
riisq; includat imperfectiones à Deo alie-
nissimas.

Q V A S T I O I I I.

*Utrum Anima rationalis sit vera forma
corporis.*

EX Arist. 8. metaph. tex. 6. differentia sumi-
tur à forma rei, sed differentia constitui-
ua hominis est rationale quod dicitur de ho-
mine ratione intellectiui principij, ergo illud
est forma hominis, maior perspicua est, quia
res non constituitur in esse specifico per mate-
riam, nec per accidentia, sed per formam sub-
stantialem. Minor patet cùm homo constitui-
tur in esse hominis, & ab aliis entibus distin-
guatur per animam rationalem.

S. Thomas 1. p. q. 76. art. 1. sic ratiocinatur,
illud quo primo aliquid operatur est forma eius
cui operatio attribuitur. Sicut quo primò sa-
natur corpus est sanitas; & quo primò scit
anima est scientia. Vnde sanitas est forma cor-
poris & scientia animæ. Et huius ratio est, quia
nihil agit nisi secundum quod est actu; vnde
quo aliquid est actu eo agit, manifestum est
autem quod primum quo corpus viuit est ani-
ma. Et cùm vita manifestetur secundum diuer-
sas operationes in diuersis gradibus viuientium,
id quo primò operamur vnumquodque operum
horum vitæ est anima.

*Definitio ani-
ma rationalis.* Anima enim definitur primum principium
quo viuimus seu nutrimur, sentimus, loco
mouemur & intelligimus. Hoc ergo princi-
pium est in Professionem Fidei.

pium quo primò intelligimus, siue dicatur in-
tellectus siue anima rationalis est forma corpo-
ris. Si quis autem dicat animam intellectuam
non esse corporis formam, oportet quod inue-
niat modum quo ista actio quæ est intelligere
sit huius hominis actio, experitur enim vnus-
quisque seipsum esse qui intelligit.

Datur alia definitio animæ generatim sum-
ptæ. Actus primus substantialis corporis or-
ganici physici potentia vitam habentis: per
tò actus distinguitur à materia: per tò dicitur
actus id est perfectio seu forma, primus ab acti-
bus secundis qui sunt operationes: per tò substā-
tialis, ab accidentali actu: per tò corporis di-
stinguitur à substantiis purè spiritalibus &
completis: per tò organici seu heterogenei
constantis partibus dissimularibus distinguitur
ab inanimatis quæ sunt homogenea & simila-
ria: per tò potentia vitam habentis, innuitur
corpus organifatum esse in proxima aptitudi-
ne ad vitam, seu ad animam à qua vitam
habet.

Q V A R T U M an hæ definitiones sint essen-
tiales.

Respondeo essenziale dupliciter sumi, vel
pro eo quod quid est animæ seu pro ipsamet
essentia rei, vel pro prædicato essentiali & in-
trinseco animæ; Quare mihi videtur secundam
definitionem esse secundo tantum modo essen-
tialem, eo quod exponit proprietatem fluen-
tem ab essentia animæ, inclinationem scilicet
ad corpus; non est autem primo, quia nulla re-
latio est de intrinseca ratione, seu de essentia
absoluti; hæc autem definitio datur per rela-
tionem; nam esse actum corporis est referri ad
corpus velut ad passum; ergo non est definitio
secundum quod quid est in primo modo di-
cendi per se.

Ex definitione Animæ liquidò constat eam
non esse formam tantum assistentem, sed verè
informantem; nam ex forma assistente tantum
non fit vnum per se, vt patet in cælis habenti-
bus Angelos assistentes & motores, vel in na-
ui cui præest nauclerus gubernans, sed ex cor-
pore & anima rationali fit vnum per se, vt de-
claratum est in Concilio Viennensi sub Cle-
mente V. determinatum est sub anathemate in
contradictentes.

Adde quod in homine est triplex gradus vi-
tæ nempe vegetatiuæ, sensitiuæ & rationalis,
at illi gradus non oriuntur à materia sed à for-
ma, nec omnes oriri possunt ab anima vegeta-
tiua aut sensitiua, cùm ex non sint in homine,
& quamuis essent, nequeant conferre gradum
rationalitatis quo ornatus est: ergo id munus
tribuendum est animæ rationali quæ proinde
vera est forma hominis.

Dices, cùm anima hominis sit spiritalis,
non videtur inter illam & corpus tanta
esse proportio quanta requiritur inter mate-
riam & formam.

Respondeo negatiuè, quia etsi anima sit
rationalis, est tamen in se incompleta, adeo-
que non est inconueniens quod dicat intrinse-
cè ordinem ad corpus, vt cùm illo hominem
constituat; hoc enim non infert dependentiam
animæ à corpore, sed potius dependentiam cor-
poris ab anima, quatenus potest ab illa infor-
mari, & ad operationes vitales omnis generis

Ex Arist. lib.
de anima c.
1. text. 6. & 7.

ea informatione eleuari; quod magnam in anima perfectionem arguit.

Dices, si anima esset forma corporis, non posset nisi dependenter à corpore operari, at potest, quia intellectio & volitio sunt nobiliores animæ operationes quæ à corpore non pendent.

Respondeo primò, hoc argumento tacite concedi animam rationalem esse formam corporis quoad gradum vegetandi & sentiendi; cum eorum graduum operationes non nisi dependenter à corpore exerceantur.

Respondeo secundò, maiorem distinguendam esse, quia etsi intellectuum in genere abstrahat à corpore, anima tamen intellectiva quatenus est actualis forma corporis, ita est illi affixa ut nequeat elicere in hoc statu actus intellectus aut voluntatis nisi dependenter à sensibus corporis, ut intelligi potest ex vulgari illo axiomate Philosophorum, *Intelligentem deest speculari phantasmata*. Vnde planè sequitur animam rationalem etiam ut rationalem seu intellectivam esse formam corporis.

Q V Æ S T I O I V.

An Anima rationalis sit immaterialis.

Rationem dubitandi non leuem suggerit Moses loquens de productione animæ. *Et inspiravit in faciem eius spiraculum vite*, id est halitum quo vivere posset, qui spiritus seu halitus corporeus concipitur. Et Sapient. 2. *Spiritus diffundetur quasi mollis aer & transibit vita nostra tanquam vestigium nubes*: acquiescit & Esaias cap. 2. *Quiescite ab homine cuius spiritus in naribus eius est*, id est nolite timere hominem cuius vita in inspiratione & respiratione consistit, qui vitalem spiritum per nates haurit, qui si comprimatur protinus perit aëris inopia.

Tum, qui fieri potest quod anima rationalis sit forma informans, parsque essentialis alicuius entis corporei, nec tamen sit corporea. Addo cum etiam organa in corpore materialia exigat & dispositiones corporeas, seu ut introducatur seu ut in corpore conferretur.

Respondeo, Fidem Catholicam plures veritates naturales & hanc quod anima rationalis sit spiritualis nos edocuisse.

Probat ex Scriptura quæ animam hominis spiritum vocat, ut Lucæ 1. *Et exultavit spiritus meus in Deo salutari meo*. Ioan. 19. *Inclinato capite emisit spiritum*. 1. Cor. 2. *Quis enim hominum scit quæ sunt hominis nisi spiritum qui in ipso est*.

In his enim & aliis plerisque locis, nomen spiritus intelligitur propriè pro substantia spirituali incorporea, ut Patres & communiter Theologi sentiunt; esto interdum nomen illud vento & aliis rebus materialibus tribuitur. Vnde Christus Dominus moriens, *In manus tuas, inquit, commendo spiritum meum, moxque expiravit*. vel ut habet alius Evangelista, *Emisit spiritum*.

Probat secundò, ratione à posteriori du-

cta, puta ex operationibus spiritualibus quas ex perimur in nobis, quales sunt intellectiones & volitiones quæ nisi à principio spirituali esse non possunt: adde quod homo Deum clarè & absque nubilo visurus est in cælo, obiectum autem omnino spirituale non potest à potentia materiali propriè & distinctè percipi, nec Deum oculo corporeo intueri possumus, debet ergo facultas hæc esse spiritualis, quæ immaterialissimum Deum visura est & in æternum eo fruitura.

Cæterum metaphoricam hanc esse inspirationem quam Moyses commemorat non est dubitandum, eo quod Deus qui spiritus est ore ac membris careat, ut fusè docet S. Chrysost. hom. 13. in Genes. *Scriptura, inquit, loquendi modos infirmitati nostra attemperat, qui sensibilia cogitamus quibus assuevimus*. Et concludens. *Quid est, inquit, inspiravit spiraculum vite? voluit & imperavit, ut hoc corpus formatum haberet vitalem vim, quæ facta est in animali in animam viventem, hoc est efficaciter operantem, & suam artem membrorum motu ostendere valentem*.

Quamquam sic loquendo de creatione spiritus, non obscurè edocentur Physici animam hominis non educi de potentia materiæ ut cæteras, sed à solo Deo produci ut halitus à solo spirante proficiscitur; quod mirifice cum Aristotelis sententia congruit asserentis lib. 2. de gener. animal. cap. 3. animam extrinsecus advenire. *Restat igitur ut mens sola extrinsecus accedat, eaque sola divina sit*. Ferebatur porro hæc divina inspiratio in faciem; seu ut habet textus Hebræus, in nates quæ sunt respirationis organum, de qua agitur, sed ex parte intelligendum est totum, sicut Septuaginta qui vertunt *ἐν ὅλῳ*.

An memini inspirationis, ut intelligeremus eam non esse quandam divinæ substantiæ particulam, ne eo fortè Aristotelem trahas, sicut nec halitus de eius substantia est qui spirat aut respirat, sed de aëre infuso vel circumfuso, ut rectè disputant Chrysost. cit. & August. lib. 7. de gen. ad lit. cap. 2. cuius discursum præterire non licet. *Verum de anima, inquit, quam Deus inspiravit homini sufflando in eius faciem, nihil confirmo, nisi quia ex Deo sic est, ut non sit substantia Dei: & sic incorporea ut non sit corpus sed spiritus non de substantia Dei genitus, nec de substantia Dei procedens, sed factus à Deo; nec ita factus ut in eius naturam natura vlla corporis, vel irrationalis anima vertetur, ac per hoc de nihilo, & quod sit immortalis secundum quandam vitam modam, quem nullo modo potest amittere: secundum quandam vero mortalem, quo potest vel deterior vel melior fieri, &c.*

Ad difficultatem motam de exigentia organorum corporalium & viatione spiritus ad illa sufficit in præsentem Aristotelis consideratio, quod anima humana est forma quidem separata, sed tamen in materia, ita habet quæst. 75. art. 5. lib. 2. physic. quod si virgeas mouentis ad motum oportere esse aliquem contactum, qui non est nisi corporum, consequenter animam cum moueat corpus, non esse spiritum.

Respondeo duplicem esse contactum, quantitatis & virtutis, primo modo corpus non tangitur nisi à corpore, secundo modo corpus potest tangi à re incorporea quæ mouet corpus.

Dices

Magist. sem. in 2. dist. 17. hunc dicit esse sensum inspiravit, id est Deus fecit animam rationalem.

Dices illud est corporeum quod nequit subsistere sine cibis corporeis; atqui anima humana nequit subsistere sine cibis corporeis, ut patet, quia iis omnino deficientibus homo extinguitur; ergo est corporea.

Respondeo primò, simile argumentum posse contra arguentes retorqueri; illud est incorporeum quod pascitur cibis spiritualibus, atqui anima rationalis iis pascitur nempe studiis rerum humanarum & diuinarum; ergo est spiritualis.

Respondeo secundò minorem falsam esse; nam etsi deficientibus cibis anima nequeat subsistere in corpore, potest tamen subsistere & conseruari extra illud; quod aperto indicio est eam dum corpus informat per se cibis non indigere, sed dumtaxat cibos per se necessarios esse ad conseruationem corporis & per accedens ad conseruationem animæ in corpore.

Q V Æ S T I O V.

An anima sit tota in qualibet parte corporis.

Cum substantialis forma non solum sit perfectio & actus totius sed cuiuslibet partis, & anima rationalis vniatur corpori ut forma, necesse est quod substantialiter sit in toto & in qualibet parte corporis; quidam dicunt ipsam esse in corpore sicuti punctum mathematicum in cubo, quod in toto & qualibet eius parte reperitur.

D. Thomas q. 76. art. 8. ponit eam in qualibet parte secundum totalitatem perfectionis & essentiae non autem secundum totalitatem virtutis: quia non secundum quamlibet suam potentiam est in qualibet parte corporis.

S. August. lib. 6. de Trinit. cap. 6. dicit, quod anima in quocumque corpore & in toto est tota & in qualibet eius parte tota est; hoc euincitur ex spiritualitate eius quæ omnis extensionis & quantitatis expertem facit animam; unde cum entitatiue sit indiuisibilis, debet per sui præsentiam totum corpus actuare.

Dices, omnes potentiae animæ fundantur in ipsa essentia animæ; si ergo tota anima est in qualibet parte corporis, omnes potentiae animæ erunt in qualibet parte corporis & ita visus erit in aure & auditus in oculo, &c. quod est inconueniens.

Respondeo, animam esse actum corporis organici sicut proportionati & primi perfectibilis in toto quantum verò ad operationes secundum dispositionem organorum quorum vnum aptum est ad recipiendam actionem vnam animæ aliud ad aliam, requiritur ergo proportio ad cuiusque potentiae operationem, quare ex hoc defectu nusquam anima videt in aure aut audit in oculo.

Dices, si anima est in qualibet corporis parte, ergo quilibet viuet, quod tamen negari solet de quatuor humoribus, etsi quidam affirmant de sanguine, de lacte, semine, vnguibus.

Respondeo, omne quod est verè pars inte-

grans corporis organici seu organicum sit in se ut brachium seu homogenum ut caro, cuius quilibet pars est caro, informatur ab anima, & habet vitam vegetantem quam eminenter continet & facit anima rationalis. Quicquid autem in corpore animato nutritur, per intus susceptionem est verè pars corporis, & contra quicquid non nutritur vera nutritione, illud non est pars viuens nec viuens: ratio est quia omne viuens quamdiu viuit necesse est nutriri & nutriri non potest nisi per intus susceptionem alimenti nisi viuens. Ex duobus istis fundamentis pendet solutio difficultatum de lacte, semine, capillis, vnguibus, & quatuor humoribus, prima duo non viuant, non sunt enim partes viuens, sine enim eis potest esse æquè bene, sed sunt partes superflue alimenti & discontinuæ.

Si anima tota est in qualibet parte corporis, quilibet pars eius dependeret immediatè ab anima, nec vna pars esset principalior alia, quod est falsum.

Responduo, quod vna pars corporis dicitur esse principalior alia propter potentias diuersas quarum partes corporis sunt organa. Quæ enim est principalioris potentiae organum est principalior pars corporis: vel quæ etiam eidem potentiae principalius deseruit.

Q V Æ T T I O VI.

An anime rationales sigillatim creentur à Deo.

Est de fide animas rationales creari immediatè à Deo, positæ ab agente naturali dispositionibus requisitis in materia, creantur autem dum infunduntur & infunduntur dum creantur, quod colligitur ex creatione animæ primi hominis immediatè à Deo inspiratæ, seu ut exponit Magister sent. & Sancti Patres, creatæ ex nihilo. Secundò id apertè declarat Scriptura pluribus in locis, & natura animæ quæ est substantia incorporea subsistens & incorruptibilis hoc exigit. Tertio si non creatur, ergo cum semine per naturalem generationem traducetur, sicque corruptibilis & materialis erit contra principia fidei. Quarto post separationem à corpore, est independens ab eo, & proprias intellectiones & volitiones habet; ergo recipit esse per actionem independentem à corpore; ergo creatur. Quintò si anima esset ex traductione, aut esset ex carne, aut ex anima parentum: non ex carne quia tunc esset corporea: non ex anima quia vel esset ex tota vel ex parte: si ex tota iam Pater totam animam transfunderet in Filium, & sic vel ipse careret anima, vel eadem numero anima esset in duobus, si ex parte iam ea esset diuisibilis. D. August. quæst. 23. Veteris & noui Testamenti addit, si traducitur cum semine, ergo multæ animæ quotidie corrumpuntur, quia semen humanum facillimè ex causis naturalibus inutile redditur generationi.

Confirmatur, nam quod educitur è materia, ita illi connexum & alligatum est, ut nequeat nisi dependenter à materia existere vel operari: ac anima rationalis potest existere & operari

independentem à materia ut infra videbitur; ergo non producit dependenter ab illa, adeoque è nihilo creatur.

Dices ex Aristot. cuilibet potentie passivæ naturali respondere activam eiusdem ordinis, in corpore verò esse potentiam passivam naturalem ad recipiendam animam, & consequenter dari potentiam activam naturalem à qua producit, nempe parentes per virtutem feminalem.

Respondeo, illud axioma non esse univ ersaliter verum, ut ex eo patet, quod sunt multa animalia imperfecta, quæ causam materialem ordinis naturalis habent, non efficientem. Quare mirum non est quòd deficiat in homine, ob animæ excellentiam. Accedit quod etiam in homine potentie passivæ utcumque respondet activa, quatenus etsi homo non producat animam effectivè, tamen attingit ultimam dispositionem, qua posita Deus ut nature author producit animam, attingit etiam unionem corporis cum anima, sicque est vera causa efficiens compositi, seu hominis.

Dices, Deus septimo die requieuit ab opere suo, Genes. 1. ergo non creat animas posterorum, sed hæ à parentibus producantur.

Respondeo, Deum cessasse à novis speciebus producendis, licet interdum nova alicuius speciei individua producat.

Dices, si Deus creat animas, ergo cooperatur adulteris & fornicariis, quorum fetus animat, quod Deo indignum videtur.

Respondeo, Deum non cooperari deformitati peccati sed actioni naturali, cui uti causa univ ersalis concursus dare tenetur ex ordine suæ providentiæ; generationem ergo naturalem fraudare non debet, neque magis absurdum est ut adulterinis fetibus Deus animas infundat, quàm ut terra confoueat suo gremio furto sublata, atque immunda manu à sacrore proiecta semina, ut habent August. ep. 18. & Hieron. lib. 1. contra Rufin.

Q V A E S T I O VII.

Quandonam producat anima rationalis.

Plato quem secutus est Origenes, olim existimavit animas humanas longè ante corpora fuisse creatas, & in stellis fuisse collocatas, postea verò tædio rerum cælestium captas, in pœnam huius sceleris, coniectas in corpus velut in carcerem. Verum hic error communi consensu refellit ut à Sanctis Patribus, maxime à S. Leone qui epist. 93. cap. 10. expressè docet Catholicam fidem constanter atque veraciter prædicare animas hominum priusquam inspirantur corporibus non extitisse.

Potest etiam refelli ex Arist. 12. metaph. c. 3. ubi ponit illud discrimen inter causam efficientem & formalem, quòd efficiens præcedit suum effectum, formalis nequaquam. Constat autem animam rationalem esse causam hominis formalem, quare non debet præcedere ho-

minem. Ratio quoque idem evincit, nam cum anima rationalis sit ex se pars hominis, destinatur ex natura sua ad constituendum hominem simul cum corpore, adeoque non debet produci ante vel extra corpus, quia sic sine suo privaretur, & consequenter illius creatio esset inutilis.

Nec refert quod anima hominis possit extiterè, & aliquando extitura sit extra corpus: hoc enim habet per accidens, quatenus est forma corporis aliquando corrumpendi; quod verò corpus informet, id habet per se & ratione sui, adeoque cum sit immortalis, semper illud informaret, si nunquam corrumpeteretur: adeoque anima humana postulat non incipere esse nisi in corpore, esto postea sine illo futura sit. Ed vel maximè, quia status in corpore est connaturalis animæ humanæ, status verò extra corpus est illi præternaturalis; at quod naturale est debet prius rei competere, quam quod illi est præternaturale.

Superest autem difficultas de tempore, quo anima intellectiva in corpus infunditur; an scilicet statim à conceptione, an post dies aliquot. Hanc exactè examinaui in speculo Bibliorum in cap. 7. sapientiæ, adductis Medicorum variis sententiis. Vnum est certum animam infundi, cum primum corpus organis humano corpori congruentibus distinctum est.

Dubitatur verò quantum temporis requiratur ad eiusmodi partium delineationem perficiendam, de quo nihil certi affirmari existimo; cum ipsi Medici quorum maximè iudicio in hac difficultate standum est non concordent inter se quoad tempus quo corpus humanum ultimo dispositum est ad animam recipiendam.

Communis tamen eorum sententia hætenus viguit, qui putant corpus masculorum circa 40. diem à conceptione absolutum esse, feminatum verò utpotè imbecillioris caloris circa 60. confirmatur ex eo quod qui procuraverit abortum ante 40. diem homicida non reputatur, quia nondum natus est homo, tum hæc determinatio temporis habet fundamentum in Scriptura purificationis tempus puerperis assignante in Levit. iuxta hanc moram.

Q V A E S T I O VIII.

An tot sint animæ rationales realiter distinctæ quot sunt homines, & fuerunt, & futuri sunt.

Respondeo & dico, impossibile esse quod unus sit intellectus omnium hominum, ut somnauit Auerroës; probatur triplici ratione, quarum prima sumitur ex dictis quod anima sit vera hominis forma, hinc enim apertè sequitur intellectum hominis non esse formam assistentem sed informantem.

Secunda ratio est, quia vel quilibet homo habet intellectum sibi proprium, vel non; posterius dici non potest, quia cum quilibet homo sit animal non modo vivens & sentiens, sed etiam rationale independentem à quovis alio homine, necesse est in quolibet homine esse specialem intellectum sibi proprium, ut etiam

faceret

fatetur Auerroës. Prius ergo verum est, ex quo sequitur intellectum illum communem omnibus hominibus esse superfluum: sequela patet, quia non potest esse necessarius nisi ut homo intelligat, & constituatur rationalis; ad hoc autem necessarium non esse iam probatum est. Imò cum intellectus ille ponatur separatus ab omnibus hominibus tanquam quædam forma assistens non informans repugnat, quod homo per illum formaliter intelligat, sicut repugnat quod oculus videat per facultatem visivam in eo non receptam.

Tertia ratio est, quia non minus distinguuntur inter se duo homines, quàm duo equi, duo ignes, duo lapides, atqui isti equorum, ignium, lapidum binarii, habent duas formas numero distinctas, non autem formam quandam communem, ergo idem de binario hominum numero affirmandum, cum par sit ratio.

Confirmatur; nam duo numero homines, sicut duo numero equi, vel ignes, &c. habent corpora numero distincta, habent proprietates ab essentia manantes numero distinctas, habent intellectiones & appetitiones distinctas, imò & interdum contrarias. Ergo & singuli habent suas peculiares animas rationales & intellectus ab eorum intellectibus distinctos, idque determinatum est de fide.

Addo ex Philosopho 2. Physic. tex. 38. quod sicut se habent causæ universales ad universalia, ita se habent causæ particulares ad particularia; sed impossibile est quod una anima secundum speciem, sit diversorum animalium secundum speciem; ergo impossibile est quod anima intellectiva una numero sit diversorum secundum numerum.

Dices, cum discipulus accipit scientiam à præceptore, non potest dici quod eius scientia generet scientiam in discipulo, quia sic scientia esset forma activa sicut calor, quod patet esse falsum; videtur ergo quod eadem numero scientia quæ est in magistro communicetur discipulo; Quod esse non potest nisi sit unus intellectus utriusque, consequenter & omnium hominum.

Respondeo, quod scientia alia est in magistro & alia in discipulo, quomodo enim causetur scientia vel unus alium docere possit, variè exponitur. Auerroës in comment. 3. de anima, posuit unum intellectum possibilem esse omnium hominum, & ex hoc sequitur quod eadem species intelligibiles sint omnium hominum, & secundum hoc ponit, quod unus homo per doctrinam non causat scientiam in altero aliam ab ea quam ipse habet, sed communicat ei eandem quam ipse habet per hoc quod movet eum ad ordinandum phantasmata in anima sua, ad hoc quod sint disposita convenienter ad intelligibilem apprehensionem, quæ quidem opinio quantum ad hoc vera est, quod est eadem scientia in discipulo & magistro si consideretur identitas secundum unitatem rei scitæ, eadem enim rei veritas est quam cognoscit discipulus & magister. De cætero errat ponendo unum intellectum omnium hominum. Dicendum ergo quod docens causat scientiam in addiscente, reducendo ipsum de potentia ad actum, vel proponendo ei auxilia quibus manuducatur in cognitionem veritatis ignotæ, vel

confortando intellectum eius, quo possit ex principiis conclusiones educere, vide D. Thomam 1. parte q. 117. art. 1.

Dico secundò, tot ponendas animas quot homines. Ita communiter omnes Philosophi contra Pythagoram, Platonem, & alios, qui olim metempsychosim seu transmigrationem animarum admittebant, ita ut etsi crederent omnes homines eodem tempore existentes habere animas distinctas; putarent tamen quolibet homine mortuo illius animam transire in corpus alterius hominis nascentis, aut etiam in corpus alicuius bruti.

Probatur ex determinatione Ecclesiæ propositione prima.

Probatur secundò, quia etsi omnes homines in hac vita simul non existant, omnes tamen existent eodem tempore post resurrectionem, adeoque tunc saltem omnes & singuli habebunt animas proprias & distinctas. Ergo idem de iis in statu huius vitæ dicendum est, quia alias tunc de nouo innumeræ animæ creandæ essent; quod cum aliqua verisimilitudine etiam stando præcisè in lumine naturali affirmari nequit.

Probatur tertio; nam cum anima sit vera corporis forma, debet multiplicari iuxta numerum corporum, ut patet in omnibus aliis compositis substantialibus. Nec refert quod anima post mortem corporis sit superstes, non enim dicit ordinem formæ nisi ad proprium corpus, quare alteri uniri non debet, etsi fortè id non repugnet, maximè cum Deus æquè facile possit novam animam corpori recens producto infundere, quàm ante productam ei unire.

Cæterum quamvis transmigratio animarum inter homines utcumque toleranda esset, nulla tamen ratione sustineri potest transitus earum à corpore hominis ad corpus bruti, aut vice versa ob discrimen specificum quod inter hominem & brutum reperitur.

Q V Æ S T I O I X.

An in homine sint plures animæ.

Prenotandum ad quæstionis definitionem, animam rectè dividi in vegetantem, sentientem, & rationalem, quod probatur ex S. Thoma 1. parte q. 78. art. 1. nam cum animata in eo maximè distinguantur ab inanimatis, quod illa se intrinsecè perficiunt per propriam operationem, hæc verò nequaquam, quot modis vivens operando assurgit supra materiam, tot animarum genera constituenda sunt, quorum primus competit animæ vegetanti, quæ operatur non modo per facultates materiales, tota enim natura corporalis subiacet animæ, & comparatur ad ipsam sicut materia & instrumentum. At modi illi sunt tres dumtaxat. Est quædam operatio animæ quæ in tantum excedit naturam corpoream, quod neque etiam exercetur per organum corporale, & talis est operatio animæ rationalis. Est alia operatio animæ infra istam quæ quidem fit per organum corporale, videtur tamen ad agendum qualitatibus insensibilibus, nempe speciebus intentionalibus. Infima autem operationum

rationum animæ est quæ sit per organum corporeum & virtute corporeæ qualitatis, supergreditur tamen operationem naturæ corporeæ, quia motiones corporum sunt ab exteriori principio, huiusmodi autem operationes sunt à principio intrinseco: hoc enim commune est omnibus operationibus animæ. Omne enim animatum aliquo modo mouet seipsum. Et talis est operatio animæ vegetabilis.

QVÆRIS, quid sit anima vegetabilis & quæ eius facultates.

Respondeo, esse principium vitæ in corpore animato, id principium habet rationem generis, & intellige esse principium formale, id vitæ est differentia maximè propria discernens hanc animam ab aliis, tam formis inferioribus quàm superioribus animabus, intellige autem de vita naturali & materiali.

Huius animæ facultates sunt tres, nutritiua, augmentatiua, & generatiua.

QVÆRIS, quid sit anima sentiens.

Respondeo, esse principium sensus, appetitus, & motus in animali, principium, inquam, formale, quia anima est quo dixi sensus, ubi per sensum intellige cognoscituum puta externos, qui quinque sunt, visus, auditus, olfactus, gustus, & tactus, & internos sic dictos quia non inhaerent alicui organo potenti, nec immediatè mouentur ab obiecto externo, seu organum habent intus latens, & à specie mouetur sensibili mediante sensu externo expressa, non immediatè ab externo obiecto impressa.

Eorum experientia probatur in brutis, & in hominibus in quibus est imago absentium obiectorum, & iudicium quoddam discernens inter hæc & illa obiecta quorum neutrum externo sensui conuenire potest. Quatuor statuuntur, sensus communis, phantasia, æstimatediua & memoratiua.

Numerus hic colligitur ex 4. actibus facultatis cognoscitiuæ internæ quos experimur, potentias autem distinguere & manifestari, per actus non est dubium.

Iam ad quæstionem accedens dico, homo vegetat, sentit, ratiocinatur, idque essentialiter & non nisi per formas proprias. Eadem difficultas procedit in brutis, in quibus sensitiua recipitur post vegetatiuam. Ergo videtur plures esse vel in bruto vel in homine distinctas animas successiuè introductas, alioquin dicendum esset quod anima rationalis sit primum principium vegetandi & sentiendi in homine, & animam sensitiuam esse primum vegetandi in bruto: certum enim est ex Aristot. 2. de gener. animal. cap. 3. *Quod homo prius uiuit vita plantæ, post vita animalis, tandem vita hominis.* Loquitur autem de prioritate temporis, ut ex textu notum est; si ergo homo paulatim perficitur recipiendo plures animas; ergo plures inanimæ substantiales sunt in homine; nam ut dicit Aristoteles, ubi est propria operatio alicuius formæ, ibi est talis forma, sed in homine ultra intellectiorem sunt operationes aliarum animarum, ergo sunt & aliæ animæ; & in bruto est operatio vegetatiua, ergo & ipsa anima, tum operationes contrariæ non sunt ab vno principio, sed sensus & ratio sunt contraria. (*Caro enim concupiscit aduersus spiritum.*) ergo non potest esse ab vna anima, ut Philoponus arguit. Tum nihil idem potest esse principium

essentialis conuenientiz & essentialis distinctionis ob contradictionem, sed brutum essentialiter conuenit cum homine in sensitiuo, & ab eodem differt essentialiter in rationali, ergo sensitiuum & rationale in homine non sunt essentialiter & realiter idem; nam corruptibile & incorruptibile differunt genere, 1. metaph. cap. 9. tex. 26. ergo non possunt in vnam conuenire substantiam, sed rationalis anima est incorruptibilis, reliquæ corruptibiles & extensæ secundum materiam & ab ea eductæ, ergo non possunt esse vna substantia.

Addo supposita præcedentia animarum in formatione fatus. Illa realiter distinguuntur quæ possunt esse sine inuicem, sed vegetatiua est sine sentiente, & ista sine intellectiua in formatione fatus, ergo realiter distinguuntur. Dices perit vegetans ad aduentum sensitiuæ, & sensitiua ad rationalis infusionem. Contrà, primò hoc est gratis dictum, secundò quicquid corrumpitur à suo contrario corrumpitur, sed vegetans & sentiens non contrariantur, nec sunt impossibiles vel inter se vel cum rationali, à quo igitur corrumpuntur adueniente rationali? quicquid enim corrumpitur, debet ab aliquo impossibili secundum substantiam & qualitates, quale nullum hic datur, perire. Tum homo est formaliter vegetans & sentiens, sicut est formaliter ratiocinans, non autem tantum eminenter, ergo in homine est ratio formalis harum animarum, non ergo pereunt animæ materiales adueniente rationali cum ea præsentem denominent formaliter. Nec obstat huic sententiæ secunda propositio præfixa & determinatio Octauæ Synodi generalis, nam perculit tantum eos qui plures rationales ponunt cum Manichæis; at de vegetante & sentiente non loquitur, nec repugnat Scripturæ, nec contrarium efficaciter conuinci potest, imò non parui nominis authores tenuerunt, ut Franciscus Mayronis in 2. dist. 17. q. vnica, & nouissimè Rapinæus in nucleo Philosophiæ, & antiqui Philosophi, Zabarella lib. de fauilla hab. animæ cap. 8. & Auetroës & Galenus.

Omnia argumenta in contrarium fallunt, nam vel supponunt falsum, videlicet non posse plures formas subordinatas eandem materiam informare, vel procedunt ex non intellecto modo, quo possunt plures formæ subordinatæ, quales necessariò sunt in homine vegetans & sentiens, quæ cum corpore habent rationem vnius partis essentialis, simul esse cum anima & sub anima intellectiua, quasi sub forma totius; omnia argumenta quibus probatur necessitas formæ corporeitatis sub qualibet forma specifica, valent in proposito, & solutiones ad argumenta in oppositum etiam hic valent.

His non obstantibus; quia hæc opinio malè audit apud Doctores, quam aliqui cum Toletio uti erroneam aut valde periculosa reprobant.

Dico ad maiorem fidei consonantiam. In homine vno vnam esse animam eamque rationalem, quæ virtute continet vegetatiuam & sensitiuam, & potest omnia quæ alia faciunt præstare. Ita censent S. August. multis in locis, præsertim in lib. de Eccles. Dogmatib. cap. 15. contra Manichæos. *Nec duas animas esse in homine dicimus, vnam animalem qua animetur corpus & immixta sit sanguini, alteram spirituales qua rationem ministret, sed dicimus vnā*

officia forma
corporeitatis.

vnam esse & eandem animam in corpore, qua corpus sua societate viuificet & semetipsam suaratione disponat. Damascen. lib. 2. de fide cap. 2. S. Thom. lib. 2. contra Gentes cap. 58. & 1. p. q. 76. art. 3. & 4. Albertus tract. 2. cap. 1. & lib. de orig. animæ cap. 4. Scotus licet asseruerit in composito esse plures formas substantiales, specialiter formam corporeitatis, (quam materia habuit in initio suæ creationis per simplicem educationem Deo supplente vicem causæ efficientis; quæ inseparabilis est à materia & incorruptibilis, cum nulla forma sit ei opposita, quæ corporeitas distinguit & separat substantiam corpoream ab incorporea,) formam mixti, & animam, ita enim videtur se restringere, non tamen existimauit in animali esse plures animas realiter distinctas, sed voluit quod in homine esset sola anima intellectiua, quæ contineret vegetatiuam & sensitiuam, tanquam potentias; brutum quoque contineret vegetalem tanquam potentiam, & similiter facultates vegetabiles tanquam proprias facultates: has verò potentias continet vniuè & realiter, sed remanent distinctæ formaliter, sicuti color & qualitas vniuè continentur in albedine, & sunt distinctæ formaliter, & tamen albedo est vna forma simplex; ita vegetatiua & sensitiua continentur realiter in intellectiua & vniuè, sed formaliter distinctæ mapent: nihilominus intellectiua est forma simplex.

Quod hæc sit mens Scoti elicitur ex 4. sent. dist. 43. littera A, vbi apertè hoc dicit, & declaratum esse affirmat in 2. sent. dist. 1. q. 6. & dist. 16. & 1. sent. dist. 11. q. 3. art. 2. in quibus omnibus locis semper dicit vegetatiuam & sensitiuam esse eandem animam cum intellectiua, licet quando sunt in diuersis animatis sint animæ per se diuersæ.

Idem censet Aristot. qui lib. 2. de anima c. 3. text. 3. docet vegetatiuum esse in sensitiuo & hoc in intellectiuo, sicuti est figura inferior in superiori, vt triangulus in quadrangulo, & tetrangulum in pentagono; at triangulus non est in quadrato vt alia figura distincta ab ipso quadrato, sed est vnacum figura realiter cum ipso quadrato, ergo anima vegetatiua vt est in sensitiua non sunt duæ animæ distinctæ realiter, sed est vnica anima continens animam vegetalem, sicuti quadratus est vna figura tantum simul cum triangulo.

Probatur ratione Theologica, si tres sunt animæ in homine, sequeretur totidem esse ponendas in Christo, quod valde absurdum & periculosum est in fide: siquidem vt ait Athan. in Symbolo, *Sicut anima & caro vnus est homo, ita Deus & homo vnus est Christus.* quibus verbis non nisi vna anima admittitur ad hominis constitutionem, sicut vna tantum erat in Christo diuinitas; docent etiam Patres & Theologi communiter, Verbum assumpsisse corpus & animam rationalem nulla facta mentione animæ vegetantis aut sensitiuæ, quæ proinde sine periculo admitti non possunt in Christo. Confirmatur; quia in morte Christi, aut anima Christi sensitiua esset mortua aut non, si mortua; ergo mors non solum fuit separatio animæ à corpore, sed etiam alienus animæ corruptio, & ita *Sanctum ei u vidisset corruptionem*, & quod semel assumpsit dimisisset: quæ sunt erronea contra Sanctos Patres in Scripturam.

Carriere in Professionem Fidei.

Deinde aut eiusmodi anima (idem dic de vegetante) resurrexisset, ad quod reproductione & assumptione noua miraculosa opus erat, aut Christus à tempore resurrectionis non esset homo essentialiter perfectus & completus, quod etiam fictitium omnino est. Aut non fuit mortua, & tum aut mansit in sepulchro vnita corpori, & ita corpus adhuc esset viuens & sensitiuum; vegetatiua enim dat simpliciter esse animatum viuens & vegetans, quæ in physicis sunt synonyma, sicuti anima sentiens dat sensationes; Præterea sequeretur posse etiam separari sensitiuam animam sicut rationalem à corpore, & per se subsistere, & hinc etiam sequeretur non solum rationalem sed etiam sensitiuam esse immortales.

Probatur secundò, omnes actiones animæ in vno mutuo se impediunt, nam contemplatio impedit sensationem, imò ipsam nutritionem, & sensatio contemplationem, vt notum est; ergo ab vnica proueniunt anima, si enim essent plures formæ quæ operarentur, vtique vna non impediret necessariò motum alterius, & hæc ratione contentus Auicenna non vult alia mponere.

Tertiò, si in homine sunt tres animæ realiter distinctæ, ita quod generi cuiuslibet respondeat propria forma, sequitur quod in Francisco erunt tres animæ particulares realiter distinctæ, vna faciet Franciscum esse hoc viuens, alia esse hoc animal, & alia esse hunc hominem; consequentia est euident. Hinc arguo sic: omnis forma singularis realiter existens est alicuius speciei, sed hæc forma, per quam tu dicis Franciscum esse hoc animal, est singularis & realitè existens; ergo debet esse alicuius speciei; sed conclusio est falsa; ergo aliqua præmissarum; non maior; ergo minor; quæ est tua conclusio; sustines enim quod Franciscus sit animal per vnā formam singularem existentem in Francisco; totus hic discursus est bonus vt patet, maior conceditur ab omnibus, est enim impossibile, quod sit aliquod singulare existens in rerum natura & nullius sit speciei; quod etiam probatur, quia genus non prædicatur immediatè de pluribus differentibus numero, sed de pluribus differentibus specie, necesse est ergo, quod singulare sit sub specie, deinde sub genere, quod etiam patet ex dicto Aristot. quod secundæ substantiæ, vt genera & species, fundantur in primis substantiis; vnde Aristot. dicebat in prædicamentis, quod distinctis primis substantiis est impossibile aliquid eorum remanere, non ergo existere possunt genera & species absque indiuiduis, & sic est contradictio, quod detur singulare generis per se existens, & nullius sit speciei: potest quidem intellectus considerare singulare vnum generis, absque consideratione cuius speciei sit, sed illud non potest esse in rerum natura, nisi sit alicuius speciei. Vide theorema 71. Fauentini.

Ad primæ opinionis rationes. Respondeo, hominem vegetare, sentire, & ratiocinari interpolatè per eandem animam rationalem, quia potètiās habet vniuè vtriusque animæ vegetantis & sensitiuæ vniuè; licet autem dicatur non infundi embrioni rationalem ante 40. vel 60. à conceptu diem, & tamen ipsum nutrire & moueri & sentire. Respondeo ante rationalem non nutrirī & accrescere per veram intus susceptionem

ceptionem, ab embrione effectiue ortam, qualis ad vitam requiritur, sed tantum per iuxta positionem, actione seminis paulatim disponentis & in grandiore molem conformantis, ad eum ferè modum, quo apes fauos paulatim construunt, nouisque accessionibus tandem perficiunt; unde etsi foetus abortiuus dum pungitur se contrahit, id non est sufficiens indicium animæ sensitivæ, sicut neque in planta quam sensitivam vocant, quæ vel leuiter icta se contrahit, ut plerique testantur, neque enim eiusmodi planta dicitur sensitiva quod verè sentiat, sed quia motum illum constrictionis habet qui actiuam præfert similitudinem cum motu animalium.

Ad Arist. Respondeo, illum non dixisse embrionem prius esse plantam, sed viuere vita plantæ quæ pauca requirit organa, postea, exercere motum hinc sensum; ex hoc autem, ait Albert. non colligitur pluralitas animarum in vno, imò vnitas quantum ad substantiam.

Ad contradictionem sensus ad rationem. Respondeo, non inde diuersitatem animarum esse colligendam: nam contrarij actus non solum ab vna anima, sed etiam ab vna potentia procedere possunt. Ab intellectu enim assensus & dissensus contrarij proueniunt, à voluntate multi pariter contrarij actus.

Ex his ergo habes quodd anima rationalis primò infundatur corpori, quod prius habet formam mixti per quam habet esse extensum, nec enim anima rationalis, quæ spiritalis & indiuisibilis est, potest dare formaliter esse corporeum & extensum, sed illud esse confert quale ipsa habet, scilicet intellectuum per quod homo specificè differt à cæteris entibus naturalibus.

Q V Æ S T I O X.

An Potentie Animæ distinguantur ab illa & à se inuicem.

Respondet Scotus in 2. dist. 16. q. vnica, vel quæritur de istis præcisè, ut sunt potentie animæ, vel ut sunt totius compositi potentie: primo modo est illa pars animæ quæ est principium operandi: secundo modo est totum coniunctum ex illa parte animæ, & organo, non enim anima potest videre & audire per se, quia istæ formaliter sunt operationes totius coniuncti, & sic potentia visiva potest accipi pro hoc coniuncto includente essentialiter perfectionem illam animæ & aliam perfectionem corporis mixti sibi correspondentem, & sic visio est totius coniuncti primò: ita quod proximum receptiuum & ratio suscipiendi non est anima, vel aliquid quod præcisè est in anima, nec forma mixtionis in organo, sed forma totius compositi ex corpore mixto & anima, & talis perfectio est ratio proxima recipiendi sensationem, & in hoc differt intellectus à sensu, quia intellectiva primò est susceptiva intellectus (non enim est organica) non totum, sed sensitiva potentia non est primò receptiva sensationis, sed totum coniunctum. Considerando potentias quatenus sunt præcisè ipsius animæ & non totius coniuncti Scotus sustinet, quod non di-

stinguuntur ab anima, nec à se inuicem realiter, sed solum formaliter, contra D. Thomam & alios, aded quodd vegetatiua, sensitiva, & intellectus, ut sunt potentie & facultates præcisè ipsius animæ intellectivæ, non distinguuntur realiter, sed formaliter ab essentia animæ, & inter se; similiter potentie istæ generatiua, nutritiua, & augmentatiua, ut sunt potentie animæ vegetatiuæ: similiter visus, auditus, &c. ut sunt præcisè potentie animæ sensitivæ, solum formaliter ab ipsa anima & inter se distinguuntur. Vnicam assero rationem; Eadem sunt principia essendi & principia operandi, & ea forma quæ dat esse dat etiam operari: sed anima est principium essendi; ergo & operandi; at non est principium operandi nisi in ratione potentie; ergo potentie sunt idem realiter cum anima.

Formalis distinctio concipitur ex eo quodd quæ continentur in aliquo vnitiue, non sunt omnino idem; vnitiue enim connotat aliqualem distinctionem, qualem non possumus ponere in iis quæ sunt omnino idem: illa etiam sic vnita non manent distincta ea distinctione qua prius distinguebantur antequam vnitiue continerentur in illo sed remanent solum distincta formaliter & sunt idem realiter. Sicuti autem ens vnitiue continet rationem vnus, veri, & boni, & aliarum passionum, sic anima continet potentias istas vnitiue quamquam formaliter sunt distinctæ.

Q V Æ S T I O XI.

Quot & quanam sint facultates Animæ rationalis & quomodo distinguantur.

Tres communiter assignantur, cuius numeri hæc est sufficientia. Duo sunt animæ obiecta, verum & bonum, circa bonum operatur voluntas. Verum vel est præsens in se & in specie circa illud est intellectus; vel absens in se seu in re: præsens autem tantum in specie olim cognita & intellecta, circa illud est memoria.

Hæ tres facultates non distinguuntur realiter ab anima, nec enim diuinitus ab ipsa possunt separari, licet autem inter se sint quid vnum realiter & essentialiter, formaliter tamen tam ab anima quam inuicem distinguuntur; nam animæ & ipsius facultatum diuersi sunt conceptus, quorum vnus non includit alterum. Quæ desiderantur de operationibus harum facultatum videat Beneuolus Lector apud Philosophum à quo docebitur de modo intelligendi, &c.

Q V Æ S T I O XII.

An anima rationalis sit immortalis.

Omnes ferè Authores qui hanc expendant questionem, ab examine Aristotelis auspicantur

auspiciantur, quasi verò Philosophia Aristotelis sit vniuersa Philosophia; parum est curæ Ecclesiæ quid dicat Aristoteles, quia doctrinam suam non ex argumentationibus Philosophorum, sed ex reuelatione diuina & fide tenet, & propter hoc tot alias assertiones Aristotelis & aliorum Philosophorum reiicit & damnat, vt eleganter ostendit S. August. lib. 13. de Trinit. loquens de beatitudine hominis.

Conclusio affirmatiua cùm sit magni momenti, (rectudescit enim occultè secta Epicuræorum, quibus nulla est futuri sæculi cura,) probanda est rationibus, si non demonstratiuis saltem valdè cogentibus.

Probatur ergo ex Fide Catholica, secundum quam dubitare de veritate immortalitatis animæ rationalis nefas est. Eccles. 12. *Reuertetur puluis in terram suam, & spiritus redeat ad Deum qui dedit illum.* Matth. 10. Christus qui veritas ipsa est ait: *Nolite timere eos qui occidunt corpus, animam autem non possunt occidere.* Luc. 23. *Hodie mecum eris in paradiso.* Quæ & similia ostendunt manifestè mortuo corpore hominis animam illius manere superstitem: Deinde quod non pro aliquo tantum tempore, sed in æternum anima rationalis sit duratura, patet ex eadem Scriptura Sap. 5. *Iusti autem in perpetuum viuunt.* Ioan. 12. *Qui odit animam suam in hoc mundo, in vitam æternam custodit eam.* Matth. 25. *Ite maledicti in ignem æternum.* Ex quibus aliisque quibus scaret Codex Biblicus constat, animas piorum & impiorum duraturas in æternum, adeoque eatenus saltem esse immortales; vnde in Conc. Lateranen. vt propositione 8. præfixa constat, damnantur omnes asserentes animam intellectuam esse mortalem.

Probatur ex principiis naturæ, & quidem supposito quòd anima sit spiritualis, quod ratione naturali quodammodo cognosci potest, ex prædictis necessaria videtur illatio immortalitatis animæ rationalis. Nam quod corrumpitur à contrario corrumpitur, at substantiæ spirituali nihil est contrarium: vnde ergo poterit corrumpi! Confirmatur omnis forma quæ non habet totum esse dependens à materia, non potest corrumpi separata à materia: sed anima rationalis non habet totum suum esse pendens à materia; ergo non corrumpitur separata à materia. Maior probatur; aliqua enim forma potest corrumpi triplici via: primò à contrario, vt calor à frigidityte: & sic anima corrumpi nequit, non enim contrarium habet cùm sit substantia: secundò ad absentiam causæ efficientis, sic lumen destruitur extincta lucerna; nec sic corrumpi potest anima, non enim ab aliqua causâ naturali sic dependet, nisi à solo Deo, qui animam & omnia potest annihilare pro placito suo, sed id non facit: tertio ad subiecti corruptionem, vnde destructo subiecto destruantur ea quæ in ipso habebant esse; & hoc modo corrumpi non potest anima, quia non habet totum suum esse dependens à materia ipsa in qua est, idcirco materia indisposita & turbata, ita vt forma in ea non permaneat, non idè totum suum esse amittit, cùm non totum sit ab ea dependens.

Probatur minor illa, quòd non sit secundum totum suum esse pendens à materia, quia esse est propter operari, & operari est secundum esse,

Carriere in Professionem Fidei.

sed operari animæ non pendet à corpore, scilicet intelligere: ergo gradus illius esse secundum quod est intelligere, non est à corpore pendens nec separatione corrumpitur. Hoc autem probauit Arist. lib. 3. de anima, text. 6. & 7. statuens animam intellectuam esse non organicam, neque materialem secundum essentiam.

Alia ratio naturalis sumitur ex insatiabilitate animæ, & appetitus noster rationalis ostendit eius immortalitatem, quia videmus hominem quantocumque bono creato adepto minime satiari, sed semper plura & perfectiora optare, quod non contingit in brutis, illa enim adepto subiecto naturali conquiescunt; signum est ergo quòd animæ rationalis subiectum & finis vltimus est aliquid infinitum, at in hoc mortali corpore non potest consequi hoc obiectum infinitum, & tamen hæc consecutio non est ei impossibilis, quoniam voluntas non est impossibilium ex 3. Ethic. cap. 5. & tamen anima rationalis ardentè exoptat hoc obiectum infinitum; ergo necesse est post mortem dari alium statum, in quo suum appetitum satiare possit, ac in obiecto & bono infinito conquiescat. Adde infinitam capacitatem intellectus humani, qui quòd plura cognoscit, plura nosse cupit; obiectum eius est ens in communi, quod complectitur omne ens, & veritas in communi, sub qua cognoscit omne ens; vnde sequitur intellectum non posse satiari & quiescere quousque venerit ad aliquid, in quo est omne ens & eius veritas, quod quidem est Deus visus post hanc vitam: adiunge huic rationi naturalem appetitum insitum æternitatis, qui cùm non debeat esse frustrà, aliquando adimpleri debet.

Præterea suadetur immortalitas ex Religione, nec enim sola Christiana, quæ est vera religio sustinet & credit animam rationalem hominis esse immortalem, sed omnis & quæcumque religio Gentilium, siue fuerint Græci, siue Arabes vel alterius gentis, & his temporibus siue sint Mahumetani, siue Gentiles, & denique omnes nationes quæ religionem habent, tenent animam rationalem esse immortalem, ac ponunt præmia & pœnas illi post mortem, & licet discrepent in declarando statu animæ rationalis post mortem, ita vt ridicula affirmant, tamen hoc est in confesso apud omnes gentes, animam rationalem superstitem esse post mortem & immortalem seruari: hæc de causa colunt Deum siue Deos, iuxta eorum instituta propter futuram felicitatem, quod non esset adeo firmum & stabile, si mendacium esset & commentum hominum, quia figmentum hominum non potest esse idem apud omnes Gentes, & temporis spatio euanesceat.

Denique euincitur ex Prouidentia & iustitia Dei, quæ immortalitatem animæ supponunt, nam hac rescissa Deus esset impius & iniustus, quod apud omnes Gentes est nefas. Consequentia probatur; quoniam in hac vita non agitur cum hominibus secundum eorum merita, quin imò cernitur in rebus humanis magna quædam inequalitas & inordinatio, dum improbi magis prosperè viuunt quàm boni, dum illi plerumque ducunt in bonis dies suos, isti calamitate opprimuntur; nisi ergo in alia vita hæc inæqualitas & status reformetur, Dei iustitia & prouidentia malè audirent apud magis cordatos; ergo necesse est quod post mortem detur

D d 2

status,

status, in quo iustis & malis condigna præmia reddantur.

Dices ex Eccles. 3. *Homini & iumentorum similis est interitum & aqua conditio, sicut moritur homo ita & illa moriuntur.*

Respondeo ex communi Sanctorum Patrum, ibi agi de interitu quoad corpus non tamen quoad animam; idque euidenter confirmatur, tum ex eo quod cap. 21. eiusdem libri dicitur spiritum redire ad Deum cum corpus in puluerem soluitur; tum quia cap. 2. dicitur similem esse sapientis & stulti interitum, & statim additur non similiter illis in futurum euenire, quia unus pergit ad refrigerium & alter ad poenam. Tum vox hæc est impij & insipientis illa secum cogitantis quem introducit Salomon; ipse autem sapiens cum concludit, proprio sensu concludit. *Spiritus reuertatur ad Deum qui dedit illum.*

Instabis; principium respondet fini & contra, sed cuncta sunt ex nihilo; ergo & in nihilum redibunt; unde cecinit Gallus,

Quæta suos repetunt ortum, matrémque requirunt

Et redit ad nihilum quod fuit ante nihil.

Et hoc sibi persuadens Plinius lib. 7. cap. 55. unde mortalem credidit animam.

Respondeo, Aristotelem 3. physic. cap. de Infinito, tex. 60. habere quidem hanc propositionem, *Cuius est principium, eum est finis*, quam multi explicare conantur, uti laellus qui de genito quod habet contrarium, cuiusmodi non est anima, dictam exponit, quam tamen de genito sub hac contractione particulari dictam non video, quia loquebatur de genito absolute, quod habet esse post non esse; tum ex Aristot. forma est quod quid est rei, neque essentia rei compositæ; ergo implicat quod illa forma sit separabilis ab illa essentia, ita quod destruat essentia illius compositi & forma illa maneat; dicere autem animam rationalem non esse formam specificam hominis, est contra rationem. Unde patet Aristotelem ex his principiis declinasse ad mortalitatem intellectus.

Respondeo ergo, quod respectu Dei qui cuncta fecit ex nihilo; cuncta posse ab ipso redigi in nihilum, non tamen respectu causarum secundarum, quæ non produunt ex nihilo, sed ex aliquo, nec harum respectu finis respondebit principio, nisi in his quæ produuntur ab ipsis, sed anima rationalis habet esse immediatè à Deo, qui uti Angelis & cælis talem naturam dedit alienam à contrariis, ut cum sua mantenentia perpetua & immortalia essent.

Dices, nulla est res sine propria operatione, sed propria operatio animæ, quæ est intelligere cum phantasmate, non potest esse sine corpore, nihil enim ex Aristot. intelligit sine phantasmate lib. 1. de anima textu 12. ergo anima non potest remanere destructo corpore.

Respondeo, quod intelligere formaliter est actus immaterialis, & idè competit Deo & intelligentiis; non est ergo de intrinseca ratione intelligendi, quod pendeat à corpore, sed ex accidenti, scilicet quia anima est iuncta

corpori pro hoc statu, nec aliquod obiectum potest sibi presentari sine sensibus, quia nihil est in intellectu quin prius fuerit in sensu, & idè necesse est intelligentem phantasmata speculari pro hoc statu; Ex hoc autem non sequitur quod intellectus non possit intelligere sine corpore & sensu absolute loquendo, imò in hac vita anima aliquando intelligit recipiendo à Deo species intelligibiles & scientias infusas.

Dices, operationes hominis non habere vestigium durationis perpetuæ, quia in omnibus deficimus & lassamur, unde innuitur animam, quæ est earum principium, non esse perpetuam.

Respondeo, intellectionem debilitari propter modum qui est per corpus, sed non per se, neque verum est omnes debilitari cum corpore; nam iudicium potius augetur in senibus, & voluntatis actio, quæ vult vel non vult, non potest vel ab infirmitate aut violentia cogi. Alteratio organorum diminuit efficaciam operationis, nullo autem modo defectus animæ, nam ut dicit Arist. si senex idem haberet organum visus, videret ut iuuenis.

QVÆSTIO XIII.

An Anima sit eiusdem speciei & equalis perfectionis in omnibus hominibus.

Prior pars affirmationem communem habet, nam inter omnes homines est de facto conuenientia specifica, quæ profectò non esset posita diuersitate speciei, eo quod vnitatis & distinctio petitur à forma: Conuenientia autem perspicua est, & probatur; quia omnes descendunt ab Adamo per naturalem propagationem, quam negari non potest esse originem viuientis à viuente coniuncti in similitudinem naturæ specificæ. Tum quia in omnibus hominibus repertiuntur proprietates eiusdem naturæ specificæ; ut exemplo brutorum aliarumque rerum latè confirmari potest.

Unde non refert, quod plerique homines alij alijs valde dissimiles repertiuntur; illa enim dissimilitudo ex alijs causis oriri potest, ut ex eo manifestum est, quod bruta eiusdem speciei sunt interdum valde inter se dissimilia: sæpè etiam contingit homines ex iisdem proximis procreatos in multis discrepare. Imò idem homo tot subit successu temporis in corpore & anima mutationes, ut vix credas ipsummet esse, quem antea vidisti; quare cum nequeat idem à seipso differre specie, hinc euidenter colligitur totam illam diuersitatem, quæ inter homines contingit, non sufficere ad constituendam inter illos distinctionem specificam.

Posterior pars indiget elucidatione; non enim sermo hic est de æqualitate in quantitate, cum anima sit indiuisibilis, sed de æqualitate in perfectione; est autem duplex perfectio, vna accidentalis, quæ spectatur secundum ea quæ accidunt rei, & huiusmodi perfectio non inest omnibus æqualiter. Altera est perfectio substantialis

stantialis & intrinseca, secundum quam vna substantia vel vnum ens altero perfectius est secundum seipsum, & de hac est questio.

Conclusio. Animæ omnes intellectiue sunt in substantia sua æqualis perfectionis; nam si esset aliquis gradus in substantia animæ alicuius illa differret specie, quia ex Philosopho non est alia differentia specifica, quam hæc, quæ gradum perfectionis substantialis addit. Ex hoc enim probatur quod homo differt specie ab equo, quamuis enim vtrumque sit animal, tamen in substantia hominis est aliquid quod non est in equo. Eodem ergo modo erit in animabus, differentque sicut duo Angeli diuersæ speciei, hoc autem est falsum in Philosophia quod differant specie, & est error in fide; nam ita etiam homines essent diuersæ speciei, qui ex diuersæ speciei animabus constarent; sunt igitur animæ æqualis perfectionis substantialis.

Habetur pro conclusione expressa auctoritas Aristot. 3. metaph. cap. 3. text. 11. dubitans enim ibi quare species cum prædicetur in quid de multis puta individuis non dicatur genus? Respondet quod in genere est prius & posterius, id est vnum est altero perfectius eorum quæ sub ipso continentur: at in specie non est prius & posterius; sunt enim omnia individua æqualis perfectionis substantialis. Sic Aristot.

Secundò, si inæqualitas corporum arguere debet inæqualitatem animæ, eo quod corpus disponatur eo sine ut in illud infundatur anima: vel Deus perfectiorem creat propter corpus perfectius, vel facit corpus perfectius propter animam perfectiorem: non primum, quia illud esset ordinare causam ad instrumentum, & perfectius ad imperfectius; quod non decet. Nec est illud secundum, quia corpus præparat per causas secundas necessarias, concurritque cum ipsis ad modum ipsarum, at animas liberè & immediatè creat; non ergo ordinat quod liberum est in id quod est necessarium, esset enim liberum restringere.

Tum posterior dispositio corporis non probat nobiliorem animam infundendam, quia anima est tantum determinata ad corpus humanum, non autem ad hoc vel illud. Quod confirmatur; nam cum corpus eiusdem hominis longè aliter sit hoc tempore, quam alio dispositum, hinc euincitur animam rationalem non magis ex se determinatam esse ad has dispositiones quam ad alias longè diuersas. Eo vel maximè, quia cum innumeri sint partus monitrosi, dicendum esset quasdam animas ex natura sua postulare esse in corporibus præuè affectis & monitrosis, quod nimis absurdum est. Tum ex Philosopho, substantia non recipit magis & minus, quod exponitur ut species substantiæ non participetur à diuersis individuis secundum magis & minus, vel quod vnum & idem individuum non participet suam speciem quandoque magis quandoque minus.

Dices, videtur absurdum quod anima Christi non excedat substantialiter perfectionem animæ rustici; & in Articulo Parisiensis damnata est sententia eorum qui dicebant omnes animas ab origine esse æquales:

quoniam inde sequeretur animam Christi non esse perfectiorem anima Iudæ.

Respondeo certum esse animam Christi quantum ad substantiam, esse inferiorem Angelis; cur ergo pro absurdo habebitur, quod sit æqualis reliquis eiusdem speciei? imò si hoc esset non tanti facerem beneficium Incarnationis, cum Deus per omnia mihi non esset factus similis. Ad articulum Parisiensem solet responderi, illum aut alios non prætergredi sequanam Parisiorum flumen; dico tamen pro reuerentia Sorbonæ, non fuisse id definitum de anima Christi & Iudæ, sed in genere illa consequentia adducta est, quæ etsi fluat, stant tamen prærogatiue naturales & accidentales animæ Christi in gratia donisque supernaturalibus quæ naturam perficiunt.

Dices, si omnes animæ sunt æquales in sua substantia, sequeretur quod separatæ à corpore non possent inter se distingui, quia non habent per quid distinguantur, cum per omnia sint æquales.

Respondeo animas seipsis differre, individua enim est per seipsam, estque de se hæc non per quantitatem aut per materiam, ut ait Scot. in 2. sent. dist. 3. q. 7. quia prius natus est terminus creationis quam sit infusa corpori, consequenter prius naturaliter est hæc & singularis, sed vnde est singularis est individua & distincta à quocumque alio, ergo habet unitatem à seipsa & sic per seipsam est individua.

Q V Æ S T I O XIV.

An imago Dei sit in homine secundum Animam.

Oprimè S. Thomas 1. p. q. 93. art. 6. dicit quod cum in omnibus creaturis sit aliquis similitudo Dei, in sola creatura rationali inuenitur similitudo Dei per modum imaginis. In aliis autem creaturis per modum vestigi. Id autem, in quo creatura rationalis excedit alias, est intellectus siue mens, vnde relinquitur, quod nec in ipsa rationali inuenitur Dei imago, nisi secundum mentem. Hoc idem docent Ambrosius, Origenes, Augustinus, istius verba sunt lib. 6. de gen. ad litt. cap. 12. *Hæc excedit in homine, quia Deus ad imaginem suam hominem fecit propter hoc, quod dedit ei mentem intellectualem qua præstat pecoribus.* (ex quo etiam patet pecora ad Dei imaginem non pertinere,) vnde subdit: *Nam & pecora Deus fecit, sed non ad imaginem suam.* Eo denique pertinet illud Iaiæ 40. *Cui ergo similem fecistis Deum, aut quam imaginem ponetis ei?* Negat enim corporea & accidentia hoc titulo decorari posse. Sed questio est, quæ in re peculiariter hæc imago consistat.

Vniuersè dici potest, hominem esse ad imaginem Dei secundum omnem rationem; quapropter gradum intelligendi, ceteris animalibus antecellit: his quippe omnibus accedit ad Deum, qui naturam intelligentem habet, in qua similitudo hæc & imago consistit. Sed ea placet breuiter explicare sigillatim. Et primò quidem cernitur in domino quod datum

D d , est

est homini in ceteras animantes, idque satis intelligitur ex Domini verbis, qui cum dixisset, *Faciamus hominem ad imaginem & similitudinem nostram*. quasi explicans in qua ea sita esset, subiicit. Et *Presis piscibus maris & volatilibus celi, &c.* Idque ita intellexerunt S. Basil. eiusque frater Gregorius, & Chrysostomus, ex latinis S. Ambrosius & S. Augustinus. Secundò sita est hæc imago in similitudine diuinarum virtutum. Ita Nilssen. pluribus. Origen. Ambr. & Bernard. Tertio Ambros. in lib. de dignit. conditionis humanæ, eam ponit in modo existendi in rebus. *Qua imago*, inquit, *diligentius ex interioris hominis nobilitate consideranda est. Primo quidem, quia sicuti Deus unus semper ubique totus est, omnia viuificans, mouens & gubernans, sicuti Apostolus confirmat Act. 17. quia in eo viuimus, mouemur, & sumus: sic anima in suo corpore ubique tota viget, viuificans illud, mouens, & gubernans. Neque enim in maioribus corporis sui membris maior, in minoribus minor est, sed in minimis tota, & in maximis tota. Et hæc imago veritatis omnipotentis Dei quam anima habet in se.* Idem ferè habet Nyssen. quæst. de imagine & similitudine Dei, nimirum neque Deus neque animus hominis cum spiritus sint circumscribuntur loco. Quarto in arbitrij libertate, ita Nilssen. Damascen. atque Bernard. Quintò in eius incomprehensibilitate, qua in comparatione excurrit Nilssen. & Ambrosius. Sextò in vacatione materiæ & immortalitate, ita sentit August. & Cæsarientis apud Lippomanum. Septimò in cogitatione Dei, cui addi potest amor & cultus, nihil enim horum habet homo commune cum bestiis. Denique eadem imago in humana sapientia & prouidentia elucescit, qua finem agnoscit actionum suarum, & media idonea scienter eligit quod bestiarum minimè possunt, & si quid in eo genere rectè faciunt, instinctu potius aguntur alieno quàm proprio & suo: neque reuera sciunt quid faciant, aut qua de causa faciant.

Verùm hanc imaginem & similitudinem Dei in homine, non tantum secundum naturæ diuinæ unitatem, sed etiam Trinitatem personarum exprimendam esse significat creator, cum ait: *Faciamus hominem ad imaginem & similitudinem nostram*. Quæ verba Sancti Patres interpretantur & nominatim S. Augustinus lib. 12. de Trinit. cap. 6. magno studio atque consensu de SS. Trinitate, quod ei tam singularis numerus propter naturæ unitatem, quàm pluralis propter personarum pluralitatem æquè conueniunt. In quo autem imaginis huius ratio consistat, fusè disserit Nyssen. ex Methodio, & August. epist. 102.

Quibus breuitatis studio prætermisiss, ex communi Theologorum sententia dicimus, nulla re magis hominem Trinitatem diuinam in se referre, quàm cum intelligendo rem aliquam eiusdem rei verbum producit; ex verbo autem, quod est quid amabile & notitia procedit amor eiusdem. Sicut Deo Patre contemplante atque intelligente seipsum producit per eam intellectiōem Verbum, qui Filius est, veraque substantia Patria, inter quos, ut summè perfectos atque amabiles amor producit, qui est Spiritus Sanctus, eadem cum utroque substantia, sed distincta ab utraque

persona. Quæ similitudo esset expressior, si verbum nostrum atque amor non essent accidentia, sed subsisterent ipsa per se, sicut in diuinis: neque absurdum est Verbum in SS. Trinitate vocari Filium, & quidem iustiore titulo, quàm quisquam hominum filium à se genitum posset filium appellare, quippe qui eum non producit quæ rationis particeps est, aut vi aliqua atque operatione rationis, sed ut animal & ea vi quæ ei communis est cum brutis, quorum fetus Scriptura ipsa Matth. 21. post Zachar. 9. appellat, *ut pullum filium asine*. Sicut ergo quàm maximè propriè filius hominis diceretur is qui ab homine quatenus homo est ratione & intelligentia præditus, esset genitus. Ita maximè propriè Verbum Filius Dei appellari debet, quod à Patre ut intelligente, & per vim intelligendi productum est.

Sic interpretando imaginem in nobis attendetur primò in anima secundum eius actus, ut resoluit S. Thom. q. 93. art. 7. prout scilicet ex notitia quam habemus, Verbum formamus, & ex hoc in amorem prorumpimus, & secundariò secundum potentias. Quod si dicas imaginem semper manere in anima, non autem actus quia non semper est actu intelligens, ut patet in dormiente. Respondet quod etsi actus non semper maneat in seipso: manent tamen semper in suis principiis, scilicet potentiis & habitibus; unde August. 14. de Trinit. cap. 14. dicit: *Si secundum hoc facta est ad imaginem Dei anima rationalis, quod uti ratione atque intellectu ad intelligendum & conspiciendum Deum potest: ab initio quo esse cepit, fuit in ea Dei imago.* & cap. 11. dicit: *Quod non propterea est imago in mente, quia sui meminit, & diligit, & intelligit se: sed quia potest etiam meminisse, intelligere & amare Deum a quo facta est.* Cui S. Thomas inhærens dicit, animam esse ad imaginem Dei & SS. Trinitatis, secundum quod fertur vel nata est ferri in Deum notitia & amore; quod si arguas imaginem esse in anima secundum quod verbum in nobis procedit à dicente, & amor ab utroque quod inuenitur secundum quodcumque obiectum. Respondet quod ad rationem imaginis non solum oportet attendere quod aliquid procedat ab aliquo, sed etiam quid à quo procedat, scilicet quod Verbum Dei procedit à notitia de Deo. Quod si istas esse ex gratia quod Deum intelligamus, amemus, consequenter non fore secundum naturam, in nobis imaginem. Respondet esse & aliquam cognitionem & dilectionem naturalem, quia homo habet aptitudinem naturalem ad intelligendum & amandum Deum, quæ aptitudo consistit in ipsa natura mentis, quæ est communis omnibus hominibus, & sic semper manet imago in anima, siue hæc ita sit obsoleta et penè nulla sit, ut in his qui non habent usum rationis, siue sit obscura atque deformis, ut in peccatoribus, siue sit clara & pulchra ut in iustis.

Nota ex Cassiodor. in Psal. 4. *Signatum est super nos.* triplicem imaginem, scilicet Creationis, quæ est aptitudo ipsa naturalis ad intelligendum & amandum Deum; Recreationis quæ est per gratiam secundum quod actu vel habitu homo Deum cognoscit & amat, sed tamen imperfectè hæc in iustis est. Similitudinis, secundum quod homo Deum actu perfectè cognoscit

Filius in diuinis magis propriè est filius quàm quisquam hominum in humanis.

Imago Dei in homine potius secundum actum, quàm homo habet, intellectum & dilectionem Dei.

Triplex designatur imago, creationis, recreationis, similitudinis.

cognoscit & amat, & sic attenditur per similitudinem gloriæ quæ tantum est in beatis. Hæc expendisse & elucidasse ingratum non erit præconibus verbi diuini.

Restat ut subtilitatem Scoti audiamus. Is primò declarat quid sit imago in corporalibus, ex quibus translatum est nomen imaginis ad hominem in ordine ad Deum. Secundò, examinat quid sit illud in SS. Trinitate, respectu cuius homo dicitur eius imago. Tertiò, videt quid sit illud in homine, respectu cuius dicitur esse imago Dei.

*Differentia
repre-
sentationis &
imaginis.*

Quoad primum supposito discrimine inter vestigium & imaginem, quodd illud est representatio non totius sed partis & arguitur tantum; nam si pes esset scilicet ab animali & imprimeretur in pulvere non valeret inferre; ergo quod transiit hac est bos; vestigium ergo representat partem secundum se, totum autem solum arguitur. Imago verò representat immediatè & per se totum, id est non solum speciem, sed etiam indiuiduum in particulari, & illud ab aliis distinguit; nam imago Cæsaris ostendit illum esse hominem, & hunc hominem in particulari, scilicet Cæsarem.

Addendum est, quodd hæc representatio & similitudo totius non sufficit ad hoc, ut quid dicatur imago alicuius, quia ex August. q. 74. libri 83. quantumcumque duo vna sint similia, tamen vnum non dicitur imago alterius; requiritur ergo altera conditio, scilicet quodd imago sit imitativa & expressiva illius cuius est imago; unde statua Regis dicitur imago Regis, quia exprimit & imitatur Regem, siue dicit relationem imitationis ad Regem.

Quoad secundum, tria sunt in SS. Trinitate, Vnitæ essentia, Trinitas personarum, Ordo originis per quem est distinctio realis trium personarum: Creatura ergo quæ representabit nobis Trinitatem tanquam imago eius debet habere hæc tria, & rursus debet representare hæc tria per modum imitationis & expressionis, hæc enim conditio maximè requiritur ad rationem imaginis, talis enim creatura representabit totum Deum.

Quoad tertium, tria explicat Scotus, primò qui actus & potentia sunt in mente hominis, secundò in quibus illorum non consistat, tertiò in quibus illorum consistat imago.

Quantum ad primum punctum. Certissimum est in nobis esse actum intellectionis & volitionis, & istos duos actus esse aliquo modo in potestate nostra, hoc enim experimur cum obiecta sunt nobis præsentia, eximus in hos actus cum volumus: ex hoc deducitur in nobis necessariò esse principia actiua & productiua horum actuum, non potest autem idem sub eadem ratione formali esse principium istorum duorum actuum secundorum, quia isti actus secundi requirunt oppositam rationem principiandi in suis principiis, vnus enim necessariò, alter liberè producit, necesse est ergo actus primos, scilicet intellectum & voluntatem, qui sunt principia actuum secundorum habere aliquam distinctionem, quæ proportionaliter respondeat distinctioni actuum secundorum, quæ distinctio dicitur formalis, & ex natura rei.

Quantum ad secundum punctum. Imago Dei non est in primis actibus tantum seu po-

tentiis, neque in actibus secundis tantum probat Scotus hac duplici ratione.

Prima ratio, quia actus primi sunt tantum duo, scilicet intellectus & voluntas, similiter actus secundi sunt tantum duo, scilicet intellectus & volitio; ergo stando præcisè in actibus primis; vel præcisè in actibus secundis non habemus Trinitatem, sed dualitatem; ergo anima rationalis esset imago tantum dualitatis non Trinitatis.

Secunda ratio, quia licet in actibus primis seu potentiis sit consubstantialitas, quia intellectus & voluntas sunt idem substantialiter inter se, & cum essentia animæ, tamen inter illos non est distinctio realis quæ est inter rem & rem, neque est ordo originis, quia vnus non originatur ab alio, & idè non possunt representare Trinitatem diuinam ut requiritur. Similiter actus secundi licet habeant distinctionem formalem inter se, quia sunt res & res, & etiam habeant originem inter se aliquo modo, tamen non habent consubstantialitatem quia sunt accidentia.

Quantum ad tertium punctum, colligitur ex dictis asserendum esse imaginem Dei in homine consistere simul in actibus primis & secundis, quod declarat Scot. sic.

Anima habet in se perfectionem secundum quam est actus primus productiua respectu notitiæ & respectu amoris. Scilicet intellectum & voluntatem; habet etiam perfectionem secundum quam est receptiua notitiæ genitæ & productæ & amoris producti, quæ sunt ipsemet intellectus & voluntas; in illis enim recipitur notitia & amor: istæ reducuntur ad tres; nam intellectus & voluntas, quatenus sunt principium productiuium reducuntur ad vnā, intellectus autem quatenus est receptiua notitiæ est secunda, & voluntas quatenus est receptiua amoris est tertia. Istæ ergo perfectiones secundum has rationes diuersas denominantur. Prima secundum quam anima est productiua dicitur memoria. Secunda, quæ est receptiua notitiæ productæ dicitur intelligentia. Tertia, secundum quam recipit amorem dicitur voluntas. Anima ergo considerata secundum has tres perfectiones est vna substantialiter, quia illæ tres perfectiones, quatenus sunt sub illis actibus, sunt consubstantiales, quia intellectus producit notitiam, & voluntas ut producit amorem, & ipsemet intellectus ut recipiens notitiam genitam, & voluntas ut recipiens amorem sunt idem substantialiter; habent ergo consubstantialitatem ut sic. Quatenus verò notitia recepta in intellectu realiter distinguitur à memoria producente & originatur ab illa, & similiter quatenus distinguitur realiter ab amore spirato, & amor productus distinguitur realiter à memoria & à notitia habet realem distinctionem & originem, & ita representat Trinitatem diuinam ut conuenit, quia representat vnitatem essentiæ & substantiæ diuinæ tres personas realiter distinctas & Originem illarum inter se. Et est etiam imitativa siue expressiva illius, ut patet, quia isti actus & principia & origine nobis insunt, quasi ad modum quo sunt in diuinis, licet sit discrimen in perfectione & aliquo pacto in origine, ut nunc dicam; quod concludit non esse omninò imaginem perfectam, non tamen collit habere

*Ex Scoto
imago Dei
non est in po-
tentiis animæ,
nec in earum
operationibus
præcisè sed in
vniuersis si-
mul.*

*In quo propriè
consistat ima-
go Dei in ho-
mine.*

habere rationem essentialem imaginis. Sed hic sunt duo dubia.

Primum dubium est, quia memoria non complectitur voluntatem fecundam, sed solum intellectum & obiectum suum præsens, cum quo simul est productiua notitiæ. Voluntas ergo fecunda est alterum principium productiuum, & sic in anima sunt duo principia productiua.

Respondeo ex Scoto, quod memoria accipitur hic ut est perfecta, non est autem perfecta nisi ut habet utramque fecunditatem scilicet producendi notitiam & amorem. Vnde memoria prout in proposito accipitur, est perfectio animæ quæ est productiua notitiæ & amoris, & hæc repræsentat primam personam Trinitatis diuinæ, quæ à se habet utramque fecunditatem; & hoc modo intelligendus est S. August. lib. 9. de Trinit. cap. 41. ubi assignat imaginem in anima nostra penes memoriam, notitiam, & amorem, & lib. 10. cap. 10. ubi assignat penes memoriam, intelligentiam & voluntatem, & lib. 15. cap. 2. ait, memoriam secundo loco assignatam esse magis euidentem. In primo ergo loco per mentem intelligit actum primum perfectum habentem fecunditatem ad producendam notitiam genitam & amorem; alioquin mens non haberet perfectam rationem parentis, similiter secundo loco, cum ait imaginem consistere in memoria, intelligentia & voluntate, per memoriam intelligit actum primum habentem utramque fecunditatem, alioquin esset imperfecte parens. Et tunc patet in imagine nostra non esse quaternitatem, quia mens, siue memoria, quæ est parens, perfecte repræsentat Patrem; notitia genita Filium, amor siue voluntas Spiritum Sanctum.

Alterum dubium est, quia in hac imagine creata non videtur saluari ordo originis qui est in diuinis; nam in diuinis prima persona originat secundam, & dux tertiam; at in imagine creata prima pars imaginis scilicet memoria, producit notitiam; quæ repræsentat secundam personam SS. Trinitatis; sed postea nec memoria, nec notitia est causa amoris, quia amor producit à sola voluntate fecunda.

Respondet Scotus quoad hanc partem, imaginem creatam deficere à prothotypo seu exemplari, & ratio est, quia notitia creata est accidens non substantia sicut notitia genita in diuinis, idè illi non potest competere actus volendi & producendi, quia hic solum competit substantiæ viuenti, quia autem notitia genita in diuinis est substantia & eiusdem naturæ cum parente, idè potest habere eandem fecunditatem quam parens, & sicut dux personæ produciunt tertiam. In imagine tamen creata est aliquis ordo originis inter notitiam & amorem, quia amor semper præsupponit notitiam, licet præcedatur ab ea, quia voluntas nihil vult nisi præsupposita intellectione, voluntas enim non fertur nisi in præcognitum.

Sic ergo exponit Scotus, imaginem Dei in homine, quia habet consubstantialitatem, distinctionem & originem; August. addit haberi aliam cum homo contempletur Deum, quam ei negat dum temporalia meditatatur, verum est actum contemplationis Dei exprimere Deum,

sicque ratione actus qui est similitudo quædam obiecti, homo exprimit Deum in se. Morali-ter hoc dicitur. Vera autem imago naturalis est in homine, hoc tamen prænotandum fuit ad solutionem autoritatum S. Augustini sibi apparenter contradicentis. Quæstiones duas ultimas transtulit Typographus.

DE ANIMA SEPARATA.

QVÆSTIO XV.

An per separationem modum essendi posituum acquirat.

Respondeo negatiue, quia vel ille modus deberet aduenire animæ, ut per illū existeret independenter à corpore, vel ut subsisteret: neutrum dici potest, non primum quia illud est discrimen inter animam rationalem & formas materiales, quod hæc existant dependenter à corpore quod informant, illa verò nequaquam, cum producantur per creationem, sitque intrinsicè substantia spiritalis & immortalis. Nec secundum quia anima habet propriam subsistentiam partialem, quandiu est in corpore, quare & per illam extra corpus subsistit, neque opus est ut noua subsistentia ei adueniat.

Dices, anima rationalis dum est in corpore, habet modum vnionis cum illo, talis autem modi defectus in separatione supplendus est.

Respondeo hoc posterius gratis dici, quia cum anima non obstante vnione quam habet ad corpus existat independenter ab illo & subsistat, nequaquam requiritur ut vnio illa suppleatur in separatione ad hoc ut existat vel subsistat. Mutatio autem quæ in anima contingit dum separatur à corpore, non est ab vno modo positiuo ad alium positiuum, sed à modo vnionis ad priuationem illius; vnde cum anima reuinitur non amittit quendam modum positiuum quem in separatione acceperit, sed à priuatione vnionis transit ad ipsam vnionem positiuam.

Status separationis non est animæ simpliciter violentus, cum ex se & virtute propria uti substantia spiritalis & res existens, possit existere extra corpus: Est tamen secundum quid quia repugnat naturæ illius inclinationi, nam quatenus est forma corporis humani, habet naturalem vim informandi illud, & per varia organa eliciendi multipliciter actus; tam vegetatiuos quam sensitiuos, vnde priuatio eiusmodi officiorum est aliquo modo contra naturalem illius perfectionem & eatenus violenta.

QVÆRES, an separata appetat reuinionem appetitu innato vel elicitio.

Respondeo utroque eam appetere, innatus fertur in res possibiles, vel quoad substantiam vel quoad modum, etsi autem reuinio non sit naturaliter possibilis, quia alioqui resurrectio mortuorum naturaliter fieri posset, quod fidei repugnat, est tamen possibilis quoad substantiam, quia substantialiter non differt à priori vnione, quæ erat modè naturalis, sicque naturaliter potest eam appetere, cum autem sit natura

naturaliter impossibilis, quoad modum eatenus naturaliter non appetit.

Supposita tamen reuelatione qua animæ separatæ cognoscunt futuram resurrectionem, certum est animas iustorum appetere reuersionem actu elicitam, qui est actus elicitus voluntatis, præuia intellectus cognitione, probat hoc Apoc. cap. 6. Animas tamen damnatorum crediderim non appetere reuersionem, cum sciant augendas pœnas.

Q V Æ S T I O X V I.

De Loco Animæ separatæ.

Q V Æ R E S, an ipsa sit in loco & quomodo?

Respondeo, primum probari ex fide, quæ docet animas beatorum esse in cœlo, damnatorum in inferno, itémque animam Christi descendisse ad inferos. Et ex ratione, nam quicquid existit, alicubi hoc est in loco vel spatio existit.

Respondeo ad secundum, eam esse in loco per suam substantiam independentem à quacumque operatione, idque modo definito & incircumscripto. Prima pars probatur; quia prius est animam per suam substantiam existere quàm operari, atqui anima est in loco, eo ipso quòd existit; ergo est ibi independentem à quacumque operatione, imò quia est in loco ibi agit, vnde animæ beatorum essent realiter in cœlo, etsi nihil ibi agerent, valde etiam quoad locum distarent ab animabus damnatorum in inferno, etsi istæ nihil agerent aut paterentur.

Modus essendi in loco explicatur, is est vel indefinitus vel definitus, indefinitè illud dicitur esse in loco quod certo spatio ita definitum non est, vt extra illud non se extendat: definitè verò quod ad certum spatium determinatum est. Itaque patet animam, cum sit substantia finita, non posse habere præsentiam indefinitam & illimitatam, quod soli Deo vti infinito & immenso competit.

Præsentia autem definita vel est circumscripta vel incircumscripta, prior est qua totum est in toto loco, & pars in parte, qua ratione corpora existunt in loco: posterior autem qua totum est in toto spatio & totum in qualibet illius parte, qua ratione substantiæ spirituales & indiuisibiles cuiusmodi sunt Angeli & animæ rationales in loco existunt, quare in puncto totæ se contrahere possunt, nec repugnat plures esse naturaliter simul in eodem loco; ratio est, quia sola quantitas est causa cur corpora non possint mutuo se penetrare, & in eodem loco existere naturæ viribus: At animæ, cum sint spirituales, quantitate carent, ac proinde nihil impedit quin plures possint esse simul: Imò cum anima simul existat in eodem loco cum corpore quod informat, minùs repugnat quòd separata existat simul in eodem spatio cum alia anima. Et confirmatur ex eo quòd dæmon est realiter intra corpus arreptitij, adeoque in eodem loco cum anima illius.

Q V Æ S T I O X V I I.

De Motu Animæ separatæ, an localiter moueatur & quomodo?

Respondeo & dico vi propria naturali animam mouere seipsam localiter, nam cum sit substantia spiritualis in gradu vitæ perfectissimo nempe intellectuali constituta, & ad perfectionem Angelorum proximè accedens, ridiculum est existimare eam esse certo loco affixam vnde dimoueri propria vi nequeat. Confirmatur, nam illa corpus mouet & impellit de loco in locum, simulque seipsam mouet, ergo potest se mouere separata, imò faciliùs, impedimento molis corporeæ soluto.

Dices ergo cum vellet, posset à corpore exire.

Respondeo negando, quia est essentialiter forma corporis, quare sicut illud ingredi nequit nisi sub certis dispositionibus, quæ sunt necessariæ ad obeundas vitæ operationes, ita non potest ab eo discedere quamdiu eiusmodi dispositiones durant. Quia tamdiu durat vnio substantialis animæ cum corpore, quæ ab ipsa anima dissolui non potest, sed destructis dispositionibus perit, tuncque anima, quia non habet nisi coniunctionem localem cum corpore, ab eo propria sponte exire potest.

Ad modum motus. Respondeo moueri motu continuo, quia cum spatium sit continuum nulla est ratio cur anima non possit motu continuo & minimè interrupto illud decurrere. Ad eum modum quo Angelus è cœlo in terram descendens totum spatium interiectum fluxu successiuo & continuo pertransire dicunt Theologi.

Dices ex 4. Physic. quod mouetur motu continuo partim esse in termino à quo partim in termino ad quem, atqui anima cum partibus careat, non potest sic esse partim, ergo nec moueri motu continuo.

Respondeo, axioma illud non esse intelligendum necessariò de partibus mobilis, sed de partibus spatij per quod fit motus, quarum vna deseritur dum alia acquiritur.

Q V Æ R E S, an vim naturalem habeat mouendi res corporeas.

Respondeo affirmatiuè, cum enim possit in eo statu seipsam mouere, negari non potest quin possit simul aliquid corporeum mouere & impellere; ad eum modum quo Angeli localiter mouent corpora. Vnde etsi animarum apparitiones quæ à plerisque, vt Gregorio in 4. dialog. cap. 36. & 40. vel ad eruditionem hominum & terrorem aut ad suffragia expetenda, & Augustino in lib. de cura pro mort. c. 16. narrantur, sint tribuendæ peculiari dispensationi Dei, (nam animæ separatæ propriis locis deputatæ à conuersatione viuentium penitus segregantur) nil verat quin credamus eas ab ipsis animabus per vim naturalem executioni fuisse mandatas; ita vt corpora quædam ex aère aliâve materia effluerint, & in iis se hominibus visendas exhibuerint.

E c

Dices,

Dices, ea informans non potest mouere rem externam nisi per membra corporis, ut ex eo patet, quod si membrum aliquod motu destituatur, anima nihil per illud mouere potest, ergo separata nullam vim retinet mouendi res externas.

Respondeo non sequi, quia quamdiu est in corpore vnio intima quam cum illo habet impedit ne seipsam, vel alia possit mouere independentem à membris illius; sicut autem soluta à corpore seipsam mouere potest, ita & quædam alia, an autem substantiam spiritua-lem, Angelum, vel animam impellere possit, nescio; etsi talis impulsus tribuatur Angelis, nihil tamen obstat, maximè si non sit inuitè.

Nota potentiam motiuam animæ distingui ab intellectu & voluntate, quia aliud est intelligere & velle, aliud motum exequi quod fit per potentiam motiuam, per eam autem potest ex varia rerum mixtione & applicatione multos effectus naturales non tantum ordinarios sed etiam insolitos producere, cum rerum vires & proprietates longe perfectius cognoscat quàm in hoc statu.

QVÆSTIO XVIII.

De Cognitione Anima separata, an intelligat & quid?

Prin cipalis hæc est quæstio quam affirmati- uè resoluo, nam cum modus operandi vniuscuiusque rei sequatur modum essendi ipsius, necesse est animam separatam intelligere non per conuersionem ad phantasmata, quæ sunt in organis corporeis, sed per conuersionem ad species intelligibiles diuinitus infusas, nec tamen propter hoc cognitio vel potentia non est naturalis, quia ex instituto creatoris modus intelligendi per conuersionem ad species intelligibiles competit ei, & Deus est author non solum influentiz gratuiti luminis, sed etiam naturalis.

Dices, anima creatur eo fine ut corpus informet & in eo operetur; ergo corrupto corpore nulla est ratio cur anima intelligere & operari debeat.

Respondeo, hoc argumento æquè concludi animam corrumpi cum corpore, quia cum sit forma illius sicut sine eo operari ita nec existere debet: Quod si tamen existit ut fides docet, debet etiam habere vim operandi, cum esse sit propter operari, & quia est substantia- liter intellectiua, necesse est ut intellectionem actualem elicere possit.

QVÆRITUR, utrum anima separata perfectius res intelligat quàm coniuncta.

Respondeo affirmatiuè, quia modus intelligendi independentem à corpore est nobillior & eleuatio modo dependente à corpore, cum Deo & Angelis competat, deinde anima coniuncta non intelligit nisi per species acquisitas, separata verò & per acquisitas & per infusas, ac proinde nobiliori modo, tum quia intellectio fit in hoc statu cum multis defectibus ex coniunctione cum sensibus corporeis procedentibus qui in statu separationis non

habeat locum, tum quia species infusæ sunt nobiliores acquisitis, & efficacius iuuant intellectum ad cognitionem eliciendam.

Intelligit sine impedimento localis distantia, nam diuinum lumen ex influxu specierum æqualiter se habet ad propinquum & distans. Vnde distantia nullo modo impedit eius cognitionem, & probatur ex Luc. 16. *Diues eleuans oculos vidit Abraham à longè*. Distantia non impediuit eius notitiam, impediret equidem si anima separata cognosceret singularia abstrahendo à sensibus; requireretur enim quod vel sensibilia agerent in animam vel illa in sensibilia & quantum ad vtrumque requireretur distantia determinata; illa autem abstractio specierum à sensibilibus mediantibus sensibus & aliis potentiis sensitivis non remanet actu in anima separata.

Dices, sicut distat aliquid secundum locum ita secundum tempus, sed distantia temporis impedit cognitionem animæ separata, non enim nouit futura; ergo & distantia secundum locum impedit cognitionem.

Respondeo, quod futura quæ distant secundum tempus non sunt entia in actu, vnde in seipsis non sunt cognoscibilia, quia sicut deficit aliquid ab entitate, ita & à cognoscibilitate, sed ea quæ distant loco sunt entia in actu & secundum se cognoscibilia, vnde non est eadem ratio de distantia temporis & loci.

Intelligit autem ea omnia quæ in corpore nouerat, ut elicitur ex Luc. 16. de diuite qui recordabatur eorum, tum ex S. Thoma habitus scientiæ hic acquisitæ, secundum quod est in intellectu, remanet in anima separata, nec enim per accidens nec per se corrumpi potest; vnde Hieron. in epist. ad Paulinum, *Discamus, inquit, in terris quorum scientia nobis perseueret in cælis*. Nec obstat 1. Cor. 13. *Scientia destruitur*. nam Paulus non loquitur de scientia quantum ad habitum, sed quantum ad cognitionis actum, vnde dicit, *Nunc cognosco ex parte*. vel loquitur Paulus de cognitione fidei obscura, quæ adueniente Dei visione extinguatur sicut sol exorto tenebræ dissipantur. Nec obstat Eccl. 9. ubi dicitur, *Mortuos nil nosse*. Impij hoc dicunt ad voluptatem suadendam, quia nullus superest sensus in illa vita.

Intelligit seipsam per seipsam, non autem per speciem ab ea realiter distinctam: & ratio est, quia species requiruntur ad intellectum alicuius obiecti, quia illud non est per se sufficienter vnitum & proportionatum potentia intellectiua, atqui substantia animæ est sufficienter vnita & proportionata illius intellectui; ergo per illam potest se intelligere sine vlla specie intermedia, ita August. 9. de Trinit. cap. 3. vnde ex S. Thoma intelligit Angelos per modum suæ substantiæ.

Nec dicas animam esse essentialiter ignobiliorē Angelis, id enim non impedit quin cum iis conueniat in gradu communi substantiæ spiritualis & intellectualis, & societatem aliquam cum eorum ordinibus habeat, quare negari non potest quin naturaliter aliquam eorum cognitionem habeat. Maxime cum quicquid participat rationem entis à substantia intellectuali, cuiusmodi est anima, cognosci possit. Imò ad rectam & suauem dispositionem

tionem societatis; quam anima habet cum Angelis pertinet ut distinctè singulos quatales sunt cognoscat, & non solum confusè sub ratione generali intelligentiarum vel Angelorum.

Dubitatur autem de modo quo fit cognitio. Qua in re certius est animam non nolle Angelos per eorum substantiam, siue quia proprium est solius substantiæ infinitæ intellectui animæ vel Angeli illabi, cumque actuare; siue quia ad dignitatem animæ spectat posse Angelos cognoscere etiam si præsentem non sint, quod tamen non posset si eos non cognosceret nisi per eorum substantiam; unde concludendum animam separatam cognoscere Angelos per species à Deo infusas, quæ eorum naturam quoad rationem specificam & numericam distinctè repræsentant.

Intelligit Deum, quia cum Deus sit obiectum intelligibile; quælibet creatura intellectualis adeoque anima potest ipsum intelligere modo saltem imperfecto. Hanc autem cognitionem potest anima assequi per sui ipsius cognitionem vel aliarum rerum creaturarum: quia cum se intuitivè cognoscat, videt se esse creaturam essentialiter finitam, & dependentem à causa superiori, ex quo arguit Deum necessariò existere. Verum per dona gratiæ & gloriæ ad supernaturalem & intuitivam Dei visionem potest elevari, ut sit in fidelibus & beatis.

Non intelligit quæ hinc aguntur saltem secundum naturalem cognitionem; probatur ex Job 14. *Siue fuerint filij eius nobiles, siue ignobiles non intelliget.* Ratio est, ordinatio diuina & modus essendi qui est segregatio à viventibus & coniunctio conuersationi spiritualium substantiarum, quæ sunt à corpore separate: hanc rationem assignat Greg. 12. Moral. c. 23. dicens: *Mortui vitam in carne viventium post eos qualiter disponatur nesciunt, quia vita spiritus longè est à vita carnis: & sicut corporea & incorporea diuisa sunt genere, ita sunt distincta cognitione.* August. lib. de cura pro mor. c. 13. *Anima mortuorum rebus viventium non interfuit.* Addo tamen excipiendos beatos, quia animæ quæ intuitu claritatem Dei vident, nullo modo credendum est quòd sit foris aliquid quod ignorent.

Nota tamen eas plura viventium cognoscere vel per animas hinc ad eas accedentium, vel per Angelos seu Dæmones vel etiam spiritu Dei reuelante: sic August. cit. cap. 15. quod si mortui rebus nostris interdum interfint apparendo, loquendo, &c. est ex dispensatione diuina, vel id fit per Angelos; status ergo separatus à viventibus & ordinatio Dei causat in anima ignorantiam mundani status non distantia localis.

Q V Æ S T I O XIX.

De Locutione Animæ separata, & quomodo fiat?

Per spicuum est admittendam esse inter animas locutionem quandam, ex quòd sunt substantiæ intellectuales inter se habentes societatem; unde necesse est ut suos conceptus sibi mutuo manifestent.

Et fit per mutuam directionem propriorum conceptuum, ita ut quòd vna dirigat suum conceptum ad aliam velique ab ea intelligi, id sufficit ut ab illa percipiat. Non enim potest dici quòd vna anima alteram alloquatur, nisi vel signum aliquod siue corporeum siue spirituale sui conceptus producendo, vel ad eam suum conceptum dirigendo & consentiendo ut ab illa percipiat. At prior modus caret fundamento, tum quia nequit explicare quale sit eiusmodi signum, tum quia intelligi non potest quomodo tale signum sit institutum ad talem conceptum repræsentandum, eo vel maximè, quia non posuerunt signa conceptuum institui nisi ex consensu mutuo animarum inter se colloquentium, & consequenter debet admitti locutio quædam animarum ab iis signis independens.

Tum quia specialiter productio signorum externorum superat vires animarum, cum illæ nihil possint in rebus corporeis, nisi quoad motum localem; est etiam absurdum existimare animas quæ sunt spirituales non loqui nisi per signa materialia, quia sic non possent inter se colloqui si extra cælum vel in vacuo constituerentur, nec nisi simul ab omnibus adstantibus intelligerentur; quæ planè absurda sunt; ergo fatendum est per directionem conceptuum animas colloqui inter se.

Confirmatur, quia licet conceptus naturales earum non superent facultatem intelligendi aliarum, tamen non est congruum ut vna alterius conceptum percipiat ea inuita & minimè consentiente; quare Deus ex suauitate suæ prouidentiae denegat concursum necessarium ad percipiendos conceptus qui ad ipsas non diriguntur, posita verò ea directione concursus requisitus exhibet, sicque perficitur locutio.

Et modus iste eò libentiùs amplectendus est quòd facilè & sine vllò incommodo difficultatem satis intricatam resoluit, & aliunde iuxta illum potest fieri locutio ad quamcumque distantiam; potest etiam vna anima aliam alloqui, aliis, quæ præsentem adsunt, minimè audientibus.

Q V Æ S T I O XX.

Cur Deus fecit hominem ad imaginem & similitudinem suam.

Placuit Altissimo sui similitudine hominem cohonestare, ut innotescat quantum distet infinita Creatoris bonitas ab hominum malitia, quæ æquales in donis vel naturalibus vel gratuitis ex innata inuidia non patitur.

Secundò, sic Deus exaltauit hominem ut in pretio, honore & reuerentia esset apud omnes creaturas, sicque ab ipsis impensè seruiretur; id ex Gen. 9. colligo. *Terror vestest ac tremor sit super cuncta animalia terra.* Quod dictum fuit Noè & posteritati eius; unde liquet nec per peccatum amissum hoc hominis ex imaginis diuinæ impressione imperium quod nactus erat homo ab incunabulis; ut pro utroque

E c a l e x t u

Quomodo
animæ sunt
quæ hic
aguntur.

sexu exprimitur cap. 1. *Creavit Deus hominem ad imaginem suam masculinum & feminam, benedixitque illis, replete terram & subiicite eam & dominamini.*

Tertio voluit innuere se initurum cum homine singularem amicitiam & socialem familiaritatem, quæ ut plurimum fundatur in similitudine, unde similis similem quærere vulgò dicitur. Sicut enim Adamo formato Deus, *Adiutorium simile fecit quia in cunctis animalibus terra non inueniebatur adiutor similis eius & adduxit Eum ad ipsum ut adhaereret ei & essent duo in carne una.* Ita Deus nullam inter corporeas ad sui similitudinem animaduertens creaturam quam sua dignaretur familiaritate, hominem ad imaginem suam expressit, ut cum ipso & filiis eius delicia eius essent, iuxta Sapientis annotationem Proverb. 8.

Præterea cum non soleat artifex in quolibet opere suam effigiem ponere sed in aliquo excellenti. Ita Deus complacens sibi in homine opere suo principali, illud specialiter signavit, in illo volens agnosci. Licet enim in qualibet creatura majestas eius eluceat, in cælo, terra, elementis, tamen specialiter in homine. Et singulariter dicitur Dominus hominis, ut obliget illum sibi soli servire. Vnde Patres notant Scripturam in Genesi non vocare Deum *Dominum*, donec creavit hominem. Creauerat cælos; animalia in aëre, mari, terra, non tamen usurpauit titulum Domini donec specialiter narratur, *Formauit Deus hominem de limo terra.*

Denique sic æternitatis & particeps diuinitatis factus fuit, ut confideret se obtenturum à diuina clementia quicquid in nomine eius pro salute & gloria fideliter in dies esset petiturus.

Adde quod homo hanc habens cum Deo cognationem & cum Dei Filio, qui est eius imago, per seipsum facilius ascendit ad Deum, cum a sui cognitione & studio exire non debeat, ut Deum agnoscat. Quod si in sumptius cognitione reherat & hinc etiam proficit, cum intelligat quam incomprehensibilis sit factor eius.

QVÆRES, cur soli homini attribuitur imago Dei, cui Angelus conformior comprobatur.

Respondeo, imaginem & similitudinem Dei in Angelo & homine considerari posse, aut secundum dona naturalia, aut secundum gratiam seu supernaturalia, si spectetur præcisè secundum naturæ dona, Angelus sine dubio expressius Deum repræsentat quam homo, perfectio enim notitiæ seu intelligentiæ fundamentum est, ne dicam ipsamet essentia imaginis Dei; quæ excellit in Angelo, quia ab Ezechiele 28. *Signaculum similitudinis dicitur plenus sapientia & perfectus decore.* Ratione cuius homo inferior ipsi notatur; unde Regius Propheta Psalm. 8. *Atinusis cum paulo minus ab Angelis.*

Attamen ex aliis singularibus & sensibilibus motiuis, homo præ Angelo vocatur imago Dei, primò namque sicut Deus omnia eminenter continet, ita homo est quodammodo omnia, & in Euangelio vocatur a Christo Domino omnis creatura, habet enim esse cum elementis, vegetare cum plantis, sentire cum

animantibus, intelligere cum Angelis. Secundò sicuti Deus est omnium rerum finis, ita corporea quæque subiciuntur homini imò & ipsi Angeli, ut habemus ex Deuter. 4. *Cælum, Sol, Luna, astra, quæ creauit Dominus Deus in ministerium cunctis gentibus quæ sub cælo sunt.* Denique sicuti Deus ubique per immensitatem existit & præest per potentiam & regit per prouidentiam, ita anima rationalis regit, viuificat, mouet, fouet, actuat corpus humanum, uti tota in toto & tota in qualibet parte sine sui diuisione, diminutione, multiplicatione, aut contaminatione. His adde quod vnum humanæ naturæ indiuiduum Christus ut Deus est vera imago Patris æterni & ut homo est præ omnibus Angelis.

QVÆSTIO XXI.

De Iustitia Originali.

EXacta cognitio animæ intellectualis quæ in prima sui creatione & statu innocentie iustitiam originalem habuit à suo Creatore, exigit à me commemorationem felicitis illius conditionis, quæ supponi debet cum iuxta ordinem Professionis Fidei lapsum hominis & transfusionem peccati originalis cum suis accessoriiis exponemus.

Nota ergo, Iustitiam originalem non esse illam vnam quæ princeps est virtutum Cardinalium voluntati humanæ inhærens, nec illam qua remisso peccato iustificamur & Deo reconciliamur, & ad finem supernaturalem perficimur.

Donum istud dicitur Iustitia, quasi naturalis perfectio totius hominis omniumque facultatum eius, bonæque affectio omnium potentiarum animæ, & inter se & in ordine ad suos cuiusque actus, per quam Deus dicitur fecisse hominem rectum Ecclesi. 7.

Dicitur originalis, quòd eam ab origine habuisset homo, & quòd per eam transfundenda fuisset non quidem potestate seminis, aut vllius causæ naturalis, sed proximè à Deo, non aliter quam anima ipsa intellectiua. Hac non indiguit Angelus quia simplicis est naturæ, nec contrariis appetitibus concretus hæc simpliciter dicenda donum Dei, nec nisi cum gratia iustificante coniunctum, tamen naturale dici potest, quia propriè ad supernaturalia non perficiebat, & naturalem tantum integritatem præstabat & motus sensitiui appetitus rationi subiiciebat, ut nunquam aut contra aut præter mandatum eius concitarentur. Vnde August. 19. de ciuit. cap. 19. ait: *Ad omni appetitum ante peccatum in paradiso viciosi non erant, non enim contra rectam voluntatem ad aliquid mouebantur; unde esset necesse eos ratione tanquam franis regentibus continere, nam quod nunc ira mouentur, & ab eis qui iuste & pie viuunt, alius facilius alius difficilius cobibendo tamen & modificando refranantur, non est vtriusque sanitas ex natura sed langor & culpa.*

QVÆRES, quomodo voluntas rationalis cum naturaliter coniuncta sit appetitui sensitiui, non alligeretur eius delectationibus & ab illis se ipsam abstinere sine difficultate aut molestia.

Respondet

Respondet Scotus, quia voluntas maiori delectatione detinebatur circa obiectum suum, quam erat delectatio sensibilis, delectabilius enim erat illi suo fini ultimo & ad illum ordinantibus adhærere quam sensuum oblectamentis perfrui.

Quomodo autem à suo delectabili proprio abstinerebat sine tristitia & iucundè sequens deductum rationis?

Respondeo ad id opus fuisse singularibus Dei donis vel singulari Dei assistentia & cura ita regentis appetitum sensitivum.

Nunquid tunc passiones? Quidni? cum motus sint naturales eique adiumento & voluptati, caruisset tamen iis quæ malum spectant vel absens impendens ut timor, vel præsens ut tristitia & dolor, hæc enim poenam adiunctam habent quæ statui illi non competebat: Nec Obiicias Adamum non ignorasse se in peccatum labi posse & priuandum bonis. Respondeo, metus non est nisi impendentis mali & difficulter vitandi; Adæ verò nullum impendebat malum nisi peccaret, id autem faciliter vitare poterat. Hæc Dei assistentia lex dabat Adæ. Primum seruabat intellectum ne deciperetur circa singularia & futura contingentia. Secundum continebat voluntatem ne inordinatos eligeret actus, v. g. peccatum veniale ex suo genere ut verbum otiosum. Tertium, arcebat à phantasia omnia quæ eam confundere & perturbare potuissent, scilicet coercens potentiam demonis, ne visa obscena vel tristia ingereret. Quartum cohibebat appetitum sensitivum, ne ante iudicium rationis ad aliquid appetendum commoueretur etiam præsentem obiecto. Quintum, corpus seruabat ab omni noxa & molestia. Sextum, denique expleto præfinito tempore transfulisset in patriam, mutata animali & terrena vita in spiritualem & cælestem qualem nunc speramus.

Si quæras, ubi tanquam in subiecto inesser in-
stittia originalis.

Respondet Scotus in voluntate; D. Thomas in essentia animæ, Durandus in appetitu sensitivo quem rectificare debebat, Pererius in omnibus potentiis in quibus erant habitus per quos homo secundum statum naturæ rectus reddebatur; unde ex eo iustitia originalis non est vnicus habitus, sed omnium quibus homo sit rectus; unde dicendum quod in appetitu qui duplex est irascibilis & concupiscibilis erant virtutes morales, Temperantia scilicet & Fortitudo, quibus illi domantur & rationi subiiciuntur, & per habitus illos Iustitia perficiebat potentias & rectificabat; durum enim videtur quod vnus habitus tot tamque varias hominis facultates perficeret; & hæc est conclusio D. Thomæ 1. p. q. 95. art. 3. Cum in Adam tempore innocentie ratio fuerit Deo subiecta, & rationi inferiores vires, aliquantulum omnes virtutes habuit; hæc enim nil aliud sunt quam perfectiones quedam quibus ratio ordinatur in Deum, & inferiores vires disponuntur secundum regulam rationis unde rectitudo primi status exigebat ut homo aliquantulum omnes virtutes haberet, vel secundum habitum, supple vel secundum actum. Iustitia originalis est res diuersa à gratia gratum faciente, uti Scotus, S. Bonaventura, Tostat. & alij censent, quam dicunt Adamo in Iustitia

condito supperadditam, quod elicitur ex eo quod Eva cum comedit, verè perdidit gratiam, non tamen amisit iustitiam originale priusquam comederit vir eius, & signum habemus cum non erubuerit de sua nuditate, nec rebellionem carnis senserit nisi post esum Adæ. Tum post peccatum omnes iusti habent gratiam non non tamen iustitiam illam. Ratio distinctionem demonstrat, nam rectitudo naturalis quam vna tribuit est diuersa & minimè pendens à supernaturali & ordine quam dat gratia. Homo non perficitur supernaturaliter per iustitiam originale quia hæc est tantum donum naturæ ad complendam eius integritatem; ergo res sunt diuersæ.

Dico tamen quod in illo statu separari non poterant ex decreto Dei, quod consilio ex eo quod post peccatum orbatus est homo vtraque, nec enim decebat ut homo in tanta felicitate non esset amicus Dei.

Status innocentie septem rebus præcipue constabat quorum tria erant extra hominem, Paradisi habitatio qui erat locus in parte orientis, quod ex Philosopho 1. de cælo text. 15. est dextra, pars cæli nobilior, conuenienter à Deo institutus, ad quem Adam extra creatus translatus fuit, ut habitaret ibi toto tempore animalis vitæ & operaretur non laboriose sed iucundè propter experientiam virtutis naturæ. An verò Paradisus ille adhuc extet, variæ sunt sententie Patrum. Dico regionem illam extare, loci tamen delicias, arbores, fontes, & alia ornamenta Deo volente exoleuisse, ut mirum non sit certa eius vestigia aliqua nusquam gentium reperiri. Hunc aquæ diluuij euerterunt quæ 15. cubitis omnes montes operuerunt, ut Genes. 7. dicitur.

Arbor vitæ quæ corruptionem corporis inhibebat. Ad cuius intelligentiam, nota hominem in illo statu habuisse vitam animalem consequenter cibis ad restaurationem deperditi indigentem; nam ut ait Aristot. lib. 2. de anima text. 34. & 49. principium vitæ in istis inferioribus est anima vegetabilis cuius opera sunt alimento uti & augere & generare, & idè hæc opera competeabant homini. Vnde August. lib. 14. ciuit. c. 26. dicit, quod cibus aderat homini ne esuriret, potus ne sitiret, & lignum vitæ ne senectus eum dissolueret. Duo itaque remedia ad conseruationem vitæ habebat homo in primo statu contra duos defectus vitæ animalis. Primus enim defectus est deperditio humidi per actionem caloris naturalis qui est instrumentum animæ, & contra hunc defectum eius lignorum seu fructuum Paradisi subueniebat, uti nunc facit cibus ordinarius. Secundus defectus est, quia ut Philosophus dicit lib. 1. de gener. text. 34. illud quod generatur ex aliquo extraneo, adiunctum est quod prius erat, humido præexistenti imminuit virtutem activam speciei: sicut aqua adiuncta vino, primò quidem convertitur in saporem vini, sed secundum quod magis & magis additur diminuit fortitudinem vini, & tandem vinum fit aquosum; sic igitur videmus quod in principio virtus activa speciei est adeò fortis quod potest convertere de alimento non solum quod sufficit ad restaurationem deperditi, sed etiam quod sufficit ad augmentum. Postmodum verò quod aggeneratur non sufficit ad augmentum,

sed solum ad restaurationem perediti: Tandem verò in statu senectutis, nec ad hoc sufficit; unde sequitur decrementum & finaliter dissolutio corporis & contra hunc defectum subueniebatur homini per arborem vitæ, quæ non in æternum ob eius vim finitam conseruasset vitam, sed ad diuturnissimum tempus quo finito homo translatus fuisset ad vitam spiritualem, hoc autem in Scriptura dicitur æternum id est diuturnissimum.

Singularis cura Dei conseruandi hominem in tali statu ne læderetur in corpore, & anima, adde plenum dominium in creaturas inferiores, vtendo earum auxilio absque impedimento & Angelorum familiaritatem.

Quatuor erant in homine, Sapientia, Gracia, Iustitia originalis, Immortalitas quæ poterat non mori, & Impassibilitas secundum passiones quæ remouent hominem à naturali dispositione.

Sapientia seu omnium scientia patet ex impositione nominum omnibus animantibus, nomina autem debent naturis congruere rerum; tum ex eo quod in principio Deus creauit omnia in suo genere perfecta, tam secundum perfectiones specificas quàm indiuiduales, secundum magnitudinem, robur corporis & potentiam generandi, à fortiori in anima. Tum Adam erat caput omnium & posteros docere debebat, & si ignorans fuisset in absurdos errores prolabi potuisset, falsa pro veris & contra sumere quod ex Augustino libro 3. de arbitrio, cap. 12. *Non est natura hominis conditi sed pœna damnati.* Hoc notificat Scriptura loquens de primis parentibus Eccl. 17. *Disciplina intellectus Deus repleuit illos, creauit illis scientiam spiritus & sensu repleuit cor illorum.*

Infusa erat hæc scientia, nec tamen specie, differens à nostra, sicut nec ipse, etsi creatus immediate à Deo; sicut nec oculi quos Christus dedit cæco nato; habebat autem Adam in intellectu species intelligibiles omnium vniuersalium & specierum, & expressa phantasmata representantia cuiuslibet speciei indiuidua.

Ex hac autem generali rerum scientia detrahenda sunt tria genera rerum. Vnum eorum quæ vocantur futura contingentia, alterum eorum quæ secreta cordium & præsentium indiuiduorum cuiuslibet speciei respiciunt. Nec enim Adam sciebat omnia indiuidua piscium lapidum aut numerum arenæ, hæc enim non pertinent ad perfectionem intellectus, aut illius status.

Hinc apparet quomodo progressu temporis poterat proficere in scientia tripliciter, primò cognoscendo nouas rerum species, quæ subinde generata fuissent, vel ex putri materia vel ex diuersarum specierum admixtione. Deinde quantum ad cognitionem indiuiduorum cuiuslibet speciei; denique quantum ad modum sciendi; nam ab initio habuit tantum scientiam speculatinè & abstractinè, eandem postea sensuum iudicio & experimento acquisisset.

Hinc intellige Adamum præcessisse; Primò amplitudine scientiæ naturalis omnes mortales excepto Christo. Secundò præstantiori

modo sciendi, alij enim pleraque norunt probabiliter tantum ratione, vel non ex causis sed ab effectis, vel non ostensiuè demonstratione, Adam verò cuiusque rei naturam nouerat ex propriis causis. Tertiò firmitate atque immobilitate, non enim amitti potuisset, hodie verò deperditur quadrupliciter vel per diuturnam cessationem ab actu sciendi, sicut enim habitus acquiruntur exercitatione, ita cessatione deperduntur. Tunc quotidiana in rebus contemplandis exercitatio: perditur etiam scientia corruptione inferioris sensus quem vocamus phantasia, quæ vel morbo vel alio casu penitus corrumpi potest. Tunc vacuus Adam à quolibet defectu: amittitur scientia contrario ignorantie habitu quem quis induit fallaci ratione deceptus. Adz clarissima inerat scientia, Salomon Regibus Hebræorum aut hominibus, qui propria solertia habuerunt scientiam, præferendus, non Adz. Hæc pro eius naturali cognitione.

Status innocentie exigebat & supernaturalium cognitionem, cum creatus esset propter finem supernaturalem, tum hoc ad eius perfectionem erat necessarium; nouit ergo mysterium SS. Trinitatis altiori cognitione quàm nos nunc; nam non habebat vti nos, corpus aggrauans animam & sensum deprimens: essentiam tamen Dei non vidit nisi fortè in raptu ait D. Thomas q. 94. quando Deus immisit soporem in Adam, qui 2. 2. q. 21. ait, cum præscium fuisse incarnationis Christi secundum quod ordinabatur ad consummationem gloriæ; non autem vti ordinabatur ad liberandum genus humanum à peccato cuius non erat præscius. S. Gregor. hoc habet 4. dialog. cap. 1. *Assueuerat homo in Paradiso verbum Dei & Beatorum Angelorum spiritibus manditi à cordis & celsitudine visionis interesse unde exclusus quod viderat recolbat.* Hinc habet quod satis longo tempore fuerit in Paradiso vt verbum consuetudinis verificetur, tum primò experiri debebat Paradisi delicias. Pererius 8. assignat dies, tum Eva respondet serpenti de fructu lignorum velocimur. Quod indicat vnum plurius trium dierum, qui non sufficerent ad seriem historiæ quam deducit Moses.

Status innocentie requirebat gratiam sanctificantem infusam in creatione, vel post: probatur ex Scriptura Eccl. 7. *Deus fecit hominem rectum*: atqui non potuisset esse rectus sine gratia: quia passim in Scriptura rectitudo notat gratiam & sanctitatem. Iob. 1. Psal. 7. conuincit Ephes. 7. *Renouamini spiritu mentis vestre & induite nouum hominem qui secundum Deum creatus est in iustitia & sanctitate.* Probatur ex Concil. Trid. sess. 5. vbi anathema dicitur ei qui non confitetur primum hominem Adam, cum mandatum Dei in Paradiso fuisset transgressus, statim iustitiam & sanctitatem, in qua conuersus fuerat, amisisse. Quod si eam perdidit ergo prius habuit. Sequitur eiusdem Concilij definitio sess. 6 cap. 7. quod non solum sibi soli sed & propagini perdidit, hanc autem ille nobis perdere non potuisset, nisi eam in nos transfundendam accepisset.

D E C R E A T I O N E A N G E L O R V M.



AD plenam Creationis INVISIBILIVM expositionem, agendum restat de creatura purè spiritali & omninò inuisibili quæ in sacra Scriptura Angelus nominatur aut Demon, cuius existentiam, naturam & dotes apprimè nosse ad Catholicum maximè spectat, qui ruinas Ordinum eius implere debet. Agam itaque paulò latius ne scientia in me circa dogmata Ecclesiæ, aut zelus defendendæ fidei desideretur, hoc maximè tempore quo duo hominum genera Angelos oppugnant. Multi nugas putant quæ de spiritalibus dicuntur. Alij sic admittunt ut tamen Demones non à Deo sed à causa alia quapiam productos arbitrentur. Priores illos nusquam frequentiores quàm in Curijs forensibus versari video, ex quibus aliqua, si quem ad se deferri audiant, seu reum agi inita cum Demone societatis eiusque opera, mira multa facientem ne dicam præstigia, innoxium abire sinunt velut insontem, & qui fœdus cum illo nequiverit iungere, qui reipsa non existit, sed vanissima tantum superstitione esse creditur: magna planè infidelitas, Atheismi germana; nam cum hoc vno moueantur ad negandas substantias illas spirituales quod alienas à sensibus esse videant, quibus metiuntur omnia; nihil superest nisi ut diuinitatis quoque omnis æquè à sensu distantis fidem abiiciant. Quod ad posteriores, tamen si religione ac pietate aliqua impelli videantur, ferè tamen æquè impij ac irreligiosi, quia dum Deum exhorrent Diaboli conditorem dicere, ne ut Diabolus malus est, ita quis eos credat malitiam Deo ascribere: illum alia ex parte iure suo in creaturas omnes non sine immani sacrilegio spoliari; imò Deum omninò explodunt, dum ei qui maximè vnus est concreatorem adiungunt. Et ergo in hoc Angelico tractatu multa paucis complectar, expendo primò naturam Angelorum, secundò Distinctionem, Durationem, Locum, Motum, Cognitionem, Locutionem, Potestatem circa corporea, Custodiam, Peccatum Demonum & Penam.

Q U Æ S T I O I.

De existentia Angelorum, quando, vbi, an corporei & in gratia creati.

Angelos, hoc est substantias quasdam spirituales existere non modo fides Catholica, & vtriusque Testamenti innumera loca testantur, sed etiam ipsa ratio naturalis suggerit. Siquidem multi ex Philosophis Ethnici, licet nulla fidei luce illustrati, solo tamen rationis ductu id agnouerunt. Vnde Tertull. in Apolog. cap. 22. & S. Cyprian. lib. de idolorum vanitate, Socratem & Platonem ita existimasse asserunt: quod & S. August. 2. de ciuit. cap. 14. de Labcone & alijs Ethnicis testatur. Certè

Aristoteles lib. 8. Physic. & 12. Metaphysic. id ipsum argumentando colligit, præsertim ex orbium cælestium motu & agitatione, quorum conuersionibus ad perpetuitatem concitandis & gubernandis necessarium existimauit ab quas præesse substantias spirituales ab omni corporum concretionem abstractas & separatas.

Vnde mirum est Saducæos, ut Act. 13. refertur, in illam hæresim vel potius excitationem incidisse, ut neque Angelum neque spiritum esset crederent: præsertim cum aliunde quinque libros Moysis tanquam Canonicos reciperent; in quibus tamen tam crebra & manifesta sit Angelorum mentio.

Quæritur, cur Moses qui creationis seriem exactè descripsit non meminerit Angelorum.

Respondant aliqui prudenter tacuisse, ne populus Israëliticus ad idololatriam maximè propen-

Cur Moses
non meminit
creationis
Angelorum.

propensus diuinos eis deferret honores. Non placet. Nec enim à Mose primum edoctus est notitiam inuisibilis & incorporeæ huius creaturæ, quam familiarem fuisse Patriarchis Isaac, Iacobo, Abrahamo, non poterat ignorare. Alij dicunt ænigmaticè propositam hanc immaterialem substantiam sub nomine primigenæ lucis à qua creator orditus est opus creationis sub his verbis *Fiat lux*, non admitto; nam historica Mosis narratio excludit ænigmata & sensus allegoricos; germanam assero causam, rudi populo & obtuso ingenio, rerumque spiritualium incapaci historiam mundi dabat Moses, ne ergo obrueret mentem eius, miscendo inuisibilia cum corporeis quæ vix distinguere & secernere potuisset, ea tantum propoluit quæ sub sensum cadebant, vnde nec elementorum aeris & ignis quæ non apparent, quicquam dixit.

Porro naturalis & euidentis ratio existentie Angelorum dari non potest, cum tota ratio facti sit voluntas factoris, nec quicquam sit necesse esse præter Deum. Congruentia assertur ex complemento vniuersitatis creaturæ, quæ vel est corporalis sine spiritu, vt insensibilia necnon & bruta, vel mixta, vt homo, vel pura intelligentia, vt Angelus: præponderat tamen experientia in energumenis & arreptitiis hominibus, qui mira facientes, linguis variis loquentes, futura prædicentes, de profundioribus rerum humanarum & diuinarum mysteriis ipsi idiotæ loquentes, conuincit peruicaciores de admittenda spirituum existentia.

Cæterum nomen Angeli quod à Græco verbo ἀγγέλλον id est nunciare deriuatur, ex communi vsu tum Scripturæ tum Ecclesiæ significat illas creaturas spirituales: quæ idcirco tali nomine nuncupantur, quod sæpissimè à Deo mitti dicantur ad mandata diuina hominibus significanda, cum aliunde certum sit ex S. Gregorio non esse nomen naturæ sed officij. Nomen proprium non reperio in Scripturis sacris, quod si spiritum assumas, certè nomen illud commune est Deo & animæ rationali, & latius patet quàm vt ad Angelum determinetur. Rabbi Moses notat vocari interdum Deos seu Elohim, vnde loca vbi Deus dicitur Deus Deorum exponit, Deus Angelorum: verum genuina interpretatio est quod Deus sit solus Deus, solus Dominus, solus Rex, cum dicitur Rex Regum aut Dominus Dominantium.

Creatio eorum cum mundo corporeo assignatur à S. Thoma & aliis, quia ad vniuersi perfectionem spectant vti pars eius quæ à toto non separatur. Plerique tamen antiquorum Patrum longè ante mundum corporeum creatos esse censuerunt, ita Clemens lib. 8. constitut. Orig. hom. 14. in Isai. Basil. hom. 1. & 2. in Hexameron, Hilar. Hieron. Ambros. Augustinus verò in hac difficultate ambiguus fuit; nam illud Eccl. 15. *Sapientiam Dei præcedentem omnia quis inuestigauit? prior omnium creata est sapientia.* Interpretatur de natura Angelica quæ ante alia omnia creata fuerit, (nam diuina sapientia increata est.) Cassian. collatione 8. cap. 7. *Incongruum est, inquit, sentire Deum in seculis innumeris quæ ante rerum corporearum creationem præcesserunt ab omni prouidentia & dispensatione fuisse otiosum, neque habuisse in quos sua bonitatis exerceret beneficia.*

Quæ opinio quamuis plausibilis sit; verior tamen tutiorque sententia est & post definitionem Concilij Lateran. omnium Catholicorum communis, Angelos non ante sed simul cum mundo corporeo fuisse creatos. Nam Innocent. III. cum vniuersa Synodo rem ita definit. *Firmiter credimus & simpliciter confitemur quod unus est solus verus Deus, unum vniuersorum principium, Creator omnium inuisibilium & visibilium, spiritualium & corporalium, qui sua omnipotenti virtute simul ab initio temporis vtrâque de nihilo condidit creaturam, spiritualem & corporalem, Angelicam videlicet & mundanam, & deinde humanam, quasi communem ex spiritu & corpore constitutam.* Ita Pontifex qui cum definit ab initio temporis simul cum mundo corporeo creatos Angelos, eam vtique damnat sententiam quæ ante tempus & mundum corporeum cum quo tempus cæpit, conditos Angelos affirmat.

Idem exigit tam clara Mosis assertio dicentis, *In principio creauit Deus calum & terram.* id est ante alia, vt Prouerb. 8. videtur interpretari eadem Scriptura, *Antequam quicquam fieret à principio*, quod mox explicans & quasi intuens in hunc locum Mosis scribit, *Antequam terra fieret, & cum nondum essent abyssi*, quæ scilicet prima omnium creata sunt, deinde cum ex nihilo producti fuerint, de iis quæ ex nihilo & propria creatione sunt condita, est illa Eccl. vox cap. 16. *Qui vixit in æternum creauit omnia simul.* Adde quod Paul. Coloss. 1. *In qua condita sunt in calis Thronos & Dominationes alioque Angelos annumerat.*

Locus in quo conditi fuerunt statuitur communiter cælum Empyreum; nam decuit Angelos, ait S. I. hom. nobiliores vniuersi partes in supremo loco creari; quæ videtur mens Pauli Coloss. 1. *In ipso condita sunt vniuersa in calis & terra, visibilia & inuisibilia, sine Thronis sine Dominatione.* Tum certum est Angelos malos peccasse in cælo & inde eiectos fuisse, Apo. 12. *Factum est prælium magnum in cælo.* Hinc infertur ibidem creatos. Nec obstat ambitio Luciferi dicentis, *Ascendam in calum.* Isai. 14. nam cælum ibi metaphoricè innuit æqualitatem vel excellentiam diuinitatis, vt sequentia verba exprimunt: probat & ratione S. Thom. Angeli, inquit, creati sunt vt præsideant creaturæ corporeæ: conueniens ergo fuit vt in supremo loco corporali producerentur, huiusmodi est cælum Empyreum, cuius existentia agnoscitur communiter à SS. Patribus.

Quoad statum tria expendo, an omnino sint incorporei & in sua entitate omnino immateriales, S. August. 8. de ciuit. cap. 14. & is refert Platonicos exultimasse Angelos habere corpora valde subtilia naturaliter sibi vnita, ita etiam sentit Origen. lib. 2. Periarcon. cap. 2. & 3. Tertull. lib. de carne Christi, & aliqui alij veteres qui quidem non eiusdem rationis corpora tribuunt Angelis: nam aliis cælestia, aliis ignea, aliis aërea inesse censebant, & eorum sententia videtur confirmata in 2. Conc. Nicæno actione 5. cum enim ibi ageretur de cultu & adoratione imaginum lectus est liber Episcopi Thessalonic. in quo eum gentili quodam disputans contendebat Angelos pingi posse, eo quod essent corporei & hanc affirmabat esse communem Patrum sententiam. Eandem Patres Concilij

Angelus non
est nomen
proprium.

Concilij approbavit. Tum si non sunt corporei quomodo ab igne inferni corporeo, ut fertur, patiuntur? Quomodo pelluntur fumo iecoris. Tobie 6. Quomodo delectantur variis rebus corporeis, odoribus, nidoribus sacrificiorum, rebus venereis, teste August. lib. 21. de ciuit. cap. 6. Quomodo ligari possunt, ut 2. Pet. 2. & Iudæ canonica habetur. Tum in Scriptura dum apparent non sine corpore humano aut simili vili & contacti notantur.

Dico Angelos esse substantias incorporeas & spirituales omnino, ita Theologi.

Probatur ex Scriptura quæ vocat eos spiritus. Psal. 103. Matth. 8. & 10. Ephel. 6. Heb. 1. *Omnes sunt administratores spiritus.* Et quamuis nomen spiritus tribuatur etiam rebus corporeis, & vento & aëri, tamen quando tribuitur rei intelligenti solet significare rem incorpoream, ut Ioan. 4. *Spiritus est Deus.* Matth. 16. *Spiritus promptus est caro autem infirma.* Galat. 5. *Caro concupiscit aduersus spiritum.* Tum Apoc. 7. fit mentio septem spirituum qui in conspectu Throni Dei sunt.

Probatur ex Conc. Lateran. cap. Firmiter, ubi Deus dicitur condidisse triplicem naturam, vnam corporalem quæ est elementaris, alteram spirituales quæ est Angelica, tertiam mixtam ex corpore & spiritu quæ est humana. Probatur ex Patribus, S. Ignat. in epist. ad Trallianos vocat Angelos, *incorporeas naturas.* Nisæen. lib. 17. contra Euaom. *Incorporeas creaturas.* Nazianz. orat. 24. *Intelligibiles & incorporeas substantias.* Dionys. de nomin. diuin. *Incorporeales, intelligibiles, spiritualesque substantias omni materia carentes.* Damascen. lib. 2. de fide c. 3. *Substantias intelligentes materia atque corporis expertas.*

Probatur ratione, quia Angeli penetrant celos & corpora solidissima, & ex Euangelio constat integram legionem Dæmonum fuisse in vno homine: nec est verisimile corpora triginta millia posse esse in vno homine; quadrat & ratio S. Thomæ necesse est ad hoc quod vniuersum sit perfectum quod sit aliqua incorporea creatura, id enim quod præcipue in rebus creatis Deus intendit est bonum, quod consistit in assimilatione ad Deum, perfecta autem assimilatio effectus ad causam attenditur quando effectus imitatur causam secundum id per quod causa producit effectum, sicut calidum facit calidum, Deus autem producit creaturam per intellectum & voluntatem, vnde ad perfectionem vniuersi requiritur quod sint aliquæ creaturæ intellectuales. Intelligere autem non potest esse actus corporis nec alicuius virtutis corporeæ, quia omne corpus determinat ad hic & nunc.

Ad rationes in contrarium, Respondeo & primò dico multos Patres, & Ioannem Thesal. ita sensisse. Concil. tamen nihil approbasse nisi eius conclusionem quod Angeli pingui poterant, non tamen ob eius rationem quod essent corporei. August. idem sensit olim, sed lib. 1. & 2. retractationum retractat se, idem fecit Ambros. lib. 7. in 12. cap. Lucæ. Ad declarationem ex corporeis. Respondeo eos delectari obiectiue tantum, non quod tales passioness natæ excitari in corporibus, insint in eis formaliter, intellectualiter ergo possunt percipere illos odores, v. g. res venereas & spiri-

Carriere in Professionem Fidei.

uali affectu in illis se complacere, sed physice illas non recipiunt.

Ad cruciatum ex igne corporeo. Respondeo fieri virtute diuina, de fumo videtur eadem ratio, sed in tractatu de vita æterna enucleabitur. Ad alligationem. Respondeo intelligendam esse metaphoricè pro obligatione ad penam à qua solui nequeant. Apparitiones in corporibus assumptis scilicet & non propriis nullam faciunt difficultatem nec motio eorum.

Ex immaterialitate resultat Angelos esse immortales & incorruptibiles ab intrinseco positiue, sola enim materia ratione priuationis annexæ inclinatur ad corruptionem physicam, respectu autem diuinæ potentie annihilabiles sunt vti creabiles, nam sicut incipere potuerunt, ita & deficere per annihilationem tantum, quare nulla potentia creata potest eos corrumpere aut annihilare, respectu enim illius sunt simpliciter immortales; vnde Dionys. de nomin. diuin. dicit, quod *Substantia intellectualis vitam habent indeficientem, munda existens ab vniuersa corruptione, morte, materia & generatione;* absolute autem Deus solus, 1. Timoth. 6. habet immortalitatem.

Nota tamen Angelos etsi excludant materiam & formam posse dici esse compositos, scilicet ex esse & essentia, ex natura singulari & personalitate, ex natura specifica & differentia indiuiduante. Ex genere & differentia ex subiecto & accidente. Compositiones istæ non admittuntur indifferenter, primam & vltimam nemo impugnatur, quia solus Deus est actus purus & idem quod sua essentia & natura & esse non est accidens Deo, creaturæ id nequaquam competit quæ à non esse transit ad esse, estque variabilis: singulas non examino, hoc solum addo eas debere censerī aut reales aut formales vel rationis, si partes componentes reakter aut formaliter aut ratione inter se distinguantur.

Quo autem in statu creati fuerint Angeli, vtrum beatitudinis & gloriæ, an potius in gratia, an verò in puris quæ dicuntur naturalibus non satis clarè, vel in sacris litteris vel apud Sanctos Patres definitum reperias, & sane licuit sine temeritate alterutrum ex duobus scilicet de gratia aut puris naturalibus opinari, quando neutram in partem aliquid certo definitum est, est enim quæstio de facto, ut aiunt, quod debet diuina reuelatione innotescere. Scripturæ autem loca quæ pro alterutra sententia facere videntur varias expositiones patiuntur.

Communis tamen est Theologorum sententia in gratia creatos affirmat. S. Thom. sic ratiocinatur, in prima rerum productione omnia producta sunt secundum quasdam seminales rationes, ut dicit August. in lib. 8. de gen. ad litt. sicut arbores, animalia, & alia huiusmodi, constat autem quod gratia gratum faciens hoc modo comparatur ad beatitudinem sicut ratio seminalis in natura ad effectum naturalem, vnde Ioan. 3. *Gratia semen Dei nominatur,* ita ergo à principio indita est gratia Angelis; probatur ex Scriptura Ezech. 28. *Tu signaculum similitudinis perfectus decore,* &c. sub persona Regis Cyrii hoc dictum, SS. Patres de Lucifero interpretantur. Ioannis 18. *In veritate non nominato non stetit.* Per veritatem non nominatur

F F natu

naturam quam non amisit Angelus sed gratiam. August. lib. 1. ciuit. c. 9. simul in eis condens naturam & largiens gratiam.

Addo Deum voluisse vt mentes illarum nobilissimæ maximis naturæ donis & libertate arbitrij insignitæ ad gloriam quæ eorum est finis per meritum proprium peruenirent, quia excellentius est aliquid ex merito quàm ex munere obtinere, meritum enim virtutem merentis commendat, at donum donantis liberalitatem; gratia ergo eis conferenda erat vt per eam operantes & actus charitatis in Deum deponentes digni gloria efficerentur.

Hinc intellige pactum Dei intercessisse cum Angelis, vt eis ex merito gratiæ illius innixæ beatitudinem conferret tanquam coronam iustitiæ, hæc est sententia Methodij apud Epiphanium. *Spontaneam, inquit, etiam ipsis Angelis habere ad utraque voluntatem Deus constituit velut etiam in hominibus, vt aut obediens verbo essent cum ipso & acciperent beatitudinem, eaque fruerentur, aut non obediens indicarentur.* Eo igitur quasi contractu Deum inter & Angelos inito permitti sunt omnes sibi ipsæ, atque arbitrij sui libertati, æquali omnibus vitæ duratione attributa, vt ait Molina aliquæ Doctores, quo benè vsi aliqui ad finem vsque viæ, simul in gratia confirmati sunt & æternam beatitudinem consecuti; mali contra, gratia per peccatum amissa à Deo aucti damnati que sunt.

1. Dixi æqualem viæ durationem fuisse vt sic inter bonos & malos æqualitas iustitiæ seruata intelligatur, quanta autem fuerit etsi non est facile diuinare, satis tamen constat non fuisse diuturnam. Cum enim iam statuerimus eos non fuisse conditos ante mundum corporeum, & communis sit Patrum sententia prius peccasse malos, quàm Adam crearetur, certè paucorum admodum dierum viam illorum fuisse erit dicendum. In iis est Isidorus. *Prius, inquit, cecidisse de caelo Diabolus creditur, quàm homo conderetur: nam mox vt factus est in superbiam erupit, & precipitatus est de caelo.* Sic ille lib. 1. sent. cap. 10. sent. 7. Et Cyprian. ait Dominum ante hominis conditionem vidisse ruinam superbientis Diaboli. Diuus Chrysostomus refutans illam fabulam de Angelis, qui ex filiabus hominum genuerint gigantes qua ex causa è caelo deiectioni sunt; *Verum, inquit, Scriptura nos aliter docet, quod antequam formaretur primogenitus homo, à sua dignitate exciderunt, & Diabolus, & qui cum eo maiorem quàm debebat dignitatem ambiebant.* Et subdit, dic, oro, mihi, si non ante factum hominem excidit, quomodo in tanta dignitate manens inuidit homini, &c. fusè. Author etiam libri de mirabilibus Scripturæ apud August. tomo 3. lib. 1. cap. 12. *Absit hoc, inquit, vt sentiamus Angelum posse persuadere homini peccatum in terra, nisi prius ipse peccasset in caelo dicente Domino, Luc. 10. vidi Satbanam sicut fulgur de caelo cadentem; unde enim ipse potuisset inuidere felicitati humane, nisi prius amisisset beatitudinem propriam!* Vide in eandem sententiam Cassianum & Bedam.

De Natura Angelorum.

Ad naturam Angelorum incorpoream &

imaterialem subsequuntur hæc prædicata. Numerus, Ordinatio, Distinctio, Duratio, Locus, Motus localis, Intellectus & Cognitionis, Voluntas & Amor, Locutio, Virtus agendi extra se, Assumptio corporum. De quibus breuiter dicendum est.

Q V Æ S T I O I I.

De Numero & Ordinatione Angelorum.

Coniungo ista duo, quia Ordo constat ex Numero non quidem causato, vt quantitas discreta ex diuisione continui, sed ex distinctione formarum seu indiuiduatione substantiarum. Numerus itaque Angelorum soli factori cognitus est, nobis autem vt immensus, Danielis 7. indicatur, *Millia millium ministrabant ei, & decies centena millia assistebant ei.* Apoc. 5. *Millia millium.* Iob. 25. *Nunquid est numerus militum eius.* Vulgè dicitur in tanta multitudine vt omnem materialem multitudinem excedat, quod Dionysius 14. celestis hierarchiæ tradidit. *Multi, inquit, sunt beati exercitus supernarum mentium, infirmam & constrictam excedentes nostrorum materialium numerorum commensurationem.* Nota tamen numerum non esse infinitum, quia Sap. 11. *Deus omnia fecit in numero, pondere.* Numerus ille dupliciter distinguitur, in tres hierarchias scilicet, & in nouem speciales Ordines: de Hierarchiis non fit mentio in Scriptura, sed vnus pro omnibus sufficit magister in Ecclesia Dionys. Arcopagita Pauli discipulus Act. 17. Adde quod apud Hebræos traditione notæ erant Angelorum Hierarchiæ, scribit autem Dionys. quod Hierarchia est ordo, scientia & actio, seu vt docet S. Thomas, sacer principatus seu multitudo ordinata sub principe.

Primam Hierarchiam vocat supercelestem, secundam dicit celestem, tertiam nominat subcelestem, seu superiorem, mediam & inferiorem; aliter epiphaniam, iperphaniam & epophaniam. In qualibet hierarchia distinguuntur tres ordines diuersi, summus, medius & infimus, secundum varia Angelorum officia & actus, in multitudine enim quæ est sub quolibet principatu seu Hierarchia multitudo ordinata est nulloque modo confusa. Nec obest quod Hierarchia ipsa est ordo, vt velis inferre multiplicata definitione multiplicandum & definitum pro numero ordinum. Respondeo enim quod ordo dicitur dupliciter, vno modo ipsa ordinatio habens sub se diuersos gradus sicque Hierarchia dicitur ordo. Alio modo dicitur ordo gradus vnus, & sic dicuntur plures ordines vnius Hierarchiæ.

Hierarchia superior habet, Seraphim, Cherubim & Thronos.

Media habet, Dominationes, Virtutes, & Potestates.

Inferior habet, Principatus, Archangelos, & Angelos.

Nomina ista desumpta sunt in Scriptura. Seraphim, Isai. 6. Cherubim, Isai. 1. Thronorum, Coloss. 1. Dominationes, Virtutes, Potestates & Principatus ponuntur Ephes. 1.

ROMEN

nomen Archangeli in Canonica Iudæ. Angelorum passim.

Nec dicas Angelorum vocabulum esse nomen officij non naturæ, consequenter commune & nullius ordinis distinctiuum quod item dicendum de Virtutibus, Potestatibus.

Respondeo etenim quod Angelus nuntius dicitur, unde omnes cælestes spiritus Angeli nominantur in quantum sunt manifestatores diuinorum, sed superiores habent quandam excellentiam in hac manifestatione.

Ad hæc sufficiat doctrina Patrum. S. Ignatius epist. ad Trallianos, sic nominatim recenset ordines horum spirituum. Irenæus lib. 2. cap. 4. Clemens Alexand. ad caput prioris epistolæ Petri. Athanas. orat. 5. contra Arianos, & sermone de communi essentia personarum. Hilarius lib. 2. de Trinit. Ambros. lib. 1. de Spiritu Sancto, cap. 7. Hieronym. lib. 2. aduersus Iovinianum cap. 15. August. ad Orosium contra Piscillianos & Origenistas cap. 11. tomo 6. Certe, ait Apostolus, *sicut sedes sue Dominationes sue Principatus & Potestates. Et esse itaque itaque Sedes, Dominationes, Principatus & Potestates in cælestibus apparentibus firmissimè credo, & differre inter se aliquid indubitata fide teneo.* Porro quidnam illorum ordinum nomina significant, qualiave sint illorum Beatorum spirituum officia ac ministeria fuse explicant Dionys. citat. S. Gregor. homil. 34. in Euang. S. Antonin. 1. part. tit. 31. cap. 6. Certe *Deus Opt. Max.*, inquit, *in his Angelorum choris magnificentiam ac excellentiam perfectionum suarum clarè ostendit: amat siquidem in Seraphinis ut charitas: contemplatur in Cherubinis ut veritas: sedet in Thronis ut auctoritas: imperat in Dominationibus ut maiestas: regit in Principatibus, iacet in Virtutibus, corroborat in Potestatibus, reuelat in Archangelis, assistit in Angelis.* Vide S. Thomam q. 108. art. 6. Paulò aliter hæc officia expressi in Octaua Corporis Christi quam prædicaui Aquis Sextiis sub illo themate, *Ecce Panis Angelorum factus est cibus viatorum.*

QVÆRES, an isti Ordines remanebunt post iudicium.

Respondeo affirmatiuè, nam quod Iudic. 5. habetur, *Stella manentes in ordine & cursu suo.* exponi de Angelis refert S. Thomas qui hanc habet determinationem. Remanebunt Angelici Ordines post diem iudicij quoad graduum distinctionem: quoad executionem verò suorum officiorum, partim remanebunt secundum quod conuenit in vltima finis consecutione, cessabunt secundum quod eorum officia ordinantur ad perducendum aliquos in finem.

QVÆSTIO III.

Quomodo Angelorum nouem Ordines differant inter se.

QVÆRITUR an solo numero ut homines, an specie, an genere. Primum quæro an omnes sint eiusdem speciei.

Quidam tenent esse eiusdem speciei & distinguere tantum per officia, ut contingit inter *Carriere in Professionem Fidei.*

homines, quia, inquit, hoc deest vnionem illius ciuitatis ut omnes sint eiusdem speciei sicut homines, tum quia Dionysius & alij dicunt quod omnia quæ sunt in vnoquoque sunt & in omnibus, licet magis excedenter in vno quàm in alio, sic Bonauent. lib. 2. dist. 9. art. 1. q. 1. qui dicit aliam sententiam esse probabilem, quam tenet Albert. 1. part. tract. 2. q. 8. & alij: huic sententiæ consonat Scriptura quæ de Angelis quasi de vnica spirituum specie loquitur, uti Psal. 8. *Minuisti eum paulò minùs ab Angelis.* & 103. & Hebr. 1. Paulus conferens Christum cum Angelis, naturam humanam cum Angelica comparat & cap. 2. cum dicit, *Angelos nusquam apprehendit*, innuit potuisse assumere naturam eorum. Septem hæc in re sententias refert Maldonat.

S. Thomas q. 50. art. 4. propugnat, omnes Angelos differre specie & non esse plures numero differentes in vna, quia ponit principium distinctionis numeralis & constitutionis individui materiam signatam vel quantitatem, quæ non sunt in Angelo. Probatur, omnis distinctio numeralis substantialis est sumenda vel à materia vel à forma: At à forma non potest esse principium distinctionis numeralis, omnis enim distinctio quæ provenit à forma est specifica; ergo relinquitur distinctionem numeralem provenire à materia; cum ergo in Angelis non sit materia, sequitur in eis non esse distinctionem numeralem sed tantum specificam; sic ergo forma Gabrielis, v. g. continet in vnico individuo omnem perfectionem debitam & possibilem haberi ex sua specie, consequenter non possunt esse plures in eadem.

Scotus in 2. dist. 3. q. 7. tenet possibile plures Angelos esse in eadè specie; & probat sic: Omnis quidditas quantum est de se est communicabilis, sed natura Angelica est quidditas, ergo, &c. At nulla quidditas est communicabilis in idemitate numerali nisi sit infinita, ut Deitas, ergo quælibet alia est communicabilis cum distinctione numerali, omnia patent excepta propositione maiore quæ probatur: si quidditati repugnaret comunicabilitas, vel hoc proveniret ratione perfectionis vel ratione imperfectionis, non primum quia competit naturæ & quidditati diuinæ quæ est ipsamet perfectio, neque secundum, quoniam cæteræ quidditates creatæ ut homo, bos, leo, &c. communicabiles sunt, ergo omnis quidditas est communicabilis quantum est de se. Respondet Caietanus quod maior potest habere triplicem sensum sicut est triplex comunicabilitas: primus est quod sit comunicabilis pluribus cum sui distinctione, ut vniuersale est communicabile particularibus, vel sit comunicabilis cum sui idemitate numerali, ut essentia diuina, vel ut natura assumptibilis ad vnionem hypostaticam est comunicabilis supposito vel suppositis, sed hæc non est ad propositum, quocumque modo accipiat falsa est illa maior, nam si primo modo, est falsa, quia nec sic essentia Dei est comunicabilis. Si secundo quidditas creatæ non potest ita comunicari: neque est vera tertio modo, ergo quocumque modo accipiat illa maior est falsa.

Quod si Scotus dicat illam maiorem non accipi aliquo trium modorum determinatorum sed comunicabile ibi accipi in communi

non descendendo determinatè ad hunc vel illum modum communicabilitatis. Respondet totum argumentum concedi, non tamen exinde sequi, quod quidditas sit communicabilis, sicut vniuersale particularibus, sed sit fallacia consequētis à superiori ad inferius affirmatiuè. Et subinfert quod communicabilitas primo modo repugnat intelligentiis propter eorum perfectionem, secundo modo repugnat eis propter eorum imperfectionem, tertio modo illis competit propter eorum imperfectionem, est enim natura Angelica assumptibilis vt natura humana, sed hæc non facit ad rem.

Contra. Hoc argumentum Scoti est à toto, vt genus ad partes subiectiuas affirmatiuè, qui est locus topicus optimus & fundatur in illa maxima: quicquid competit generi siue prædicato, competit speciei siue subiecto vt v. g. omnis virtus est bona, iustitia est virtus, ergo iustitia est bona, ita accidit in proposito, nam communicabile in illa maiori accipitur in communi vt est indifferens ad illos tres modos. Vnde argumentum est reale, omnis quidditas est communicabilis: natura Angelica est quidditas, ergo est communicabilis, constat esse à toto vt genus ad species; nam quidditas est genus, & essentia Angelica est vna species illius: ergo prædicatum quod competit illi generi debet competere quoque suis speciebus.

Contra. Quod quidditas Angelica sit communicabilis cum sui diuisione, non deducitur ex loco eodem sed deducitur ex alio, qui dicitur à repugnantibus, vt arguendo sic, est lapis: ergo non est homo, vel est numerus par, ergo non est impar, & affirmatiuè non est impar, ergo est par, & non est animal rationale, ergo est irrationale, ita hic quidditas Angelica est communicabilis ex priori argumento, at non est communis cum sui idemitate, sequitur ergo est communicabilis cum sui diuisione, quia ista sunt opposita immediata, quicquid enim communicatur pluribus vel communicatur cum sui diuisione, vel cum sui idemitate, quod autem non sit cum sui idemitate, probatur, quia esset infinita.

Argumentum ergo est optimum. Esset fallacia consequētis si quis argueret sic; Bos est animal, ergo bos est homo, ex eo enim quod bos necessariò est animal, videtur sequi quod sit homo, sed non fit talis argumentatio in proposito, sed est à toto vt genus ad speciem.

Confirmatur autoritate D. Augustini in Enchirid. 28. vbi ait: quod quia tota natura humana ruerat per peccatum, idèd misertus illius Deus eam voluit reparare, non venit autem ad saluandam naturam Angelicam, quia tota non ruit. Ex his arguitur sic, ista totalitas & partialitas in Angelis non potest saluari nisi intelligat quod nulla species Angelica quantum ad omnia indiuidua perierat totaliter, & ita aliqui de quacumque specie corruerunt & aliqui perstiterunt, ergo in eadem specie non solum possunt esse plura indiuidua, sed de facto videntur esse plura.

Respondent Thomistæ, quòd natura humana & Angelica possunt considerari duobus modis, v. o modo secundum esse naturæ, & sic natura humana est vna, Angelica verò plures, alio modo secundum quod quælibet est in via ad patriam, & hoc modo Angelica natura

est vna, quia omnes Angeli habent liberum arbitrium flexibile irremediabiliter, semel enim flexum, reuerti amplius non potest. D. Augustinus ergo aspiciens ad hoc dixit totam naturam Angelicam non periisse.

Verum clarissimè patet August. loqui de natura Angelica quoad esse naturæ, non de ea sub modo accidentali, scilicet quatenus erat in via, inquit enim, *Placuit itaque vniuersalitatis creatori atque moderatori Deo vt quoniam non tota multitudo Angelorum perierat deferendo Deum, illa qua tota perierat, in perditione perpetua remaneret, &c.* Ecce inquit non tota multitudo Angelorum, ergo loquitur de Angelis vt plures sunt & plures numero, alioquin non esset proportio inter multitudinem hominum & Angelorum.

Præterea ratio D. Augustini esset contra eum, quia natura humana est vna species, Angeli qui perierant essent multæ species. Ergo si misertus est vnus speciei humanæ, multo magis debebat misereri multarum specierum Angelorum. Deinde ait Deum reparasse naturam humanam vt restauraret ruinam Angelorum, ergo loco vnus Angeli deperditi assumitur vnus homo. At vnus homo est vnus numero, ergo Angelus deperditus debuit esse vnus numero, alioquin si Angelus deperditus integraret vnā speciem, non æquè restaurata fuisset natura Angelica per appositionem hominis vnus numero loco deperditi Angeli.

Hanc sententiam Scoti omnes ferè Theologi sequuntur præter Thomistas.

Quantum ad modum explicandi dicendum est quod sicut genus diuiditur per differentias specificas ac per illas contrahitur ad species, & vnaquæque species contrahitur ad singularia per differentias indiuiduales, quæ sunt vltimæ realitates formæ specificæ. Ita quidditas Angelica contrahitur per vltimas realitates suas ad vnumquodque indiuiduum Angelicum, quæ realitates à nostris appellantur Hecceitates Angelicæ, & possunt dici materia: quia constituent Angelos in esse subiectibili non prædicabili vt explicatur in Philosophia.

Ad rationem S. Thomæ, Respondeo falsum esse illud fundamentum scilicet materiam vel materiam signatam vel quantitatem esse principium indiuiduationis: materia enim sola & per se considerata eadem manet in genito & corrupto; ergo non est causa diuersitatis singularis & numeralis, quia genitum & corruptum essent idem numero, ergo habet aliunde, neque vt est signata pro quantitate, quia quantitas est accidens posterius substantia, idèd non potest esse principium indiuiduationis substantiæ, idèd dicimus in proposito, principium indiuiduationis esse vltimam realitatem quidditatis illius per quam illa natura est contrahibilis ad vnitatem numeralem & indiuiduam proportionaliter ad principium indiuiduationis in substantia materiali. Quod si dicas ergo Angelos erit compositus, Concedo, est enim compositio metaphysica quæ competit Angelo.

Ad perfectionem Gabrielis, Respondeo duplicem esse perfectionem debitam & possibilem Angelo: Alteram specificam siue pertinentem ad speciem. Alteram numeralem siue indiuidualem, verum est Gabrielem habere in se omnem perfectionem sibi debitam & possibilem

bilem suæ speciei in quantum est species: At non ob hoc sequitur Angelum continere omnem perfectionem debitam speciei Angelicæ secundum latitudinem numeralem quia non continet, nisi proprium principium indiuiduationis: non autem principia indiuiduationis aliorum Angelorum, sicut Petrus continet omnem perfectionem debitam speciei secundum latitudinem numeralem, & principiorum indiuiduationis.

Est modo altera quæstio an de facto Angeli omnes sint eiusdem speciei, rationes in principio quæstionis concludunt omnes cuiuscunque Ordinis & Hierarchiæ esse eiusdem speciei & his assentior, Damascen. tamen lib. 2. de fide cap. 3. ita scribit: *At de essentia quidem an aequales inter se aut disparos sint haudquaquam compertum habemus, solus ille scit, qui eos creauit Deus, quia omnia perspecta & explorata habet.* Confirmat tamen positionem Athanasius lib. quæstionum apud Antiochum q. 4. vbi postquam interrogauit an Angeli essent eiusdem naturæ respondet, *Vna & eadem est essentia, sicut una est tantum essentia hominum*, vult ergo omnes esse eiusdem speciei & differre tantum numero sicut homines.

QVÆSTIO IV.

De Duratione existentia & operationum Angelorum.

DVratio est mensura esse & operationis cuiuslibet existentis & variatur ad diuersitatem rerum existentium: Res autem existentes, vel sunt immutabiles in esse, & in operari & earum mensura est Aternitas: quæ definitur, *Interminabilis vita tota simul perfecta possessio*: vel sunt mutabiles in esse & operari & mensurantur tempore, quod definitur 4. Physic. *Numerus motus secundum prius & posterius*, vel sunt immutabiles in esse & mutabiles in operari & æuo mensurantur, quod est mensura media inter aternitatem & tempus ex utroque participans, Aternitas igitur est mensura entis immutabilis simpliciter, id est tam in substantia quam in accidente, tam ab intrinseco quam ab extrinseco. Æuum est mensura rei immutabilis ab intrinseco seu in substantia, at mutabilis ab extrinseco, seu in accidente. Tempus est mensura rei mutabilis simpliciter, tam ab extrinseco, seu in accidente quam ab intrinseco seu operatione, & habet pro genere quantitatem continuam successiuam, loco autem differentiarum constitutiarum & propriarum quam ignorari dicunt multi, ponitur mensurabilitas seu posse mensurare motum, hinc ista definitio temporis, numerus seu mensura motus secundum prius & posterius datur per proprietatem.

Definitionem æui non assignaui, quia non constat inter Doctores quomodo se habeat esse seu existentia Angeli.

Omnes sciunt esse Angeli non esse mutationi subiectum, neque consistere in transmutatione, sciunt etiam ipsum per diuinam potentiam posse deficere, & idem omnes concedunt æuum esse mensuram esse non deficientis,

tamen potentis deficere, sed difficultas est, an habeat aliquam aliam differentiam ab aternitate præter hanc, quod potest deficere.

S. Bonauentura in cuius Conuentu & solemnifimo hæc scribere Lugduni mihi contingit, ait, habere hanc differentiam, quod esse Angeli est successiuum & habet prius & posterius tamen sine nouitate & veteratione, esse enim Angeli secundum Bonauent. ponitur continuè in esse à Deo, sed diuersis causationibus successiuis. Vnde licet sit idem esse absque vlla nouitate & veteratione quia in eo nulla sit mutatio, adest tamen diuersa successio, & prius & posterius, ratione istarum diuersarum causationum quæ fiunt in diuersis nunc sibi succedentibus, idem ab esse Dei differt, quod in esse Dei nulla est successio, differt verò à tempore quia in tempore est prius & posterius, sed cum veteratione & mutatione, in esse verò Angeli est prius & posterius sine veteratione & nouitate. Et consequenter cum æuum sequatur naturam æterni, sequitur quod æuum sit mensura esse successiuum sine mutatione vel nouitate ac veteratione: hanc suam sententiam declarat Bonauent. per exempla; videtur enim difficile quando possit esse successio cum prioritate & posterioritate in æuo absque vlla mutatione nouitate & veteratione; dicit ergo quod aliter egreditur riuius à fonte, aliter radius à Sole; riuius egreditur à fonte per emanationes successiuas nouæ aquæ, vnde semper noua aqua egreditur non eadem, sed radius egreditur à Sole per emanationes successiuas eiusdem radij, neque enim Sol semper aliquid nouum emittit emittendo radium, sed semel emissum successiuis causationibus continuat & hoc supposito quod Sol stet, quia si Sol mouetur radius mutatur, non respectu egressus à Sole sed respectu motus localis. Ita ad propositum esse æterni est veluti esse radij à Sole. Licet enim illud esse primò à Deo totum sit datum, tamen non habet totam continuitatem esse, vnde cum non sit actus purus indiget semper influentia Dei qua illud esse conseruetur in esse. Et idem est ibi successio & prius & posterius absque nouitate vel veteratione.

Probatur ex Augustino lib. 8. sup. Gen. ad litt. cap. 19. vbi vult quod sicut aer respectu Solis non est factus lucidus sed sit lucidus, alioquin absente Sole remaneret lucidus, ita se habet creatura respectu Dei; sed omne tale est in continua successione & fieri, ergo secus formaliter ponitur in esse à Deo successiuis factionibus & ita sicut continuè manet, ita continuè est creatio ipsius à Deo, & confirmatur, quia conseruatio non tantum est non destructio, sed est actio aliqua positiva Dei, sed non producit aliquid de nouo; ergo est continuatio prioris esse ergo hæc continuatio est successiuæ absque nouitate.

Secundò nisi in esse Angeli & in æuo ponatur prius & posterius & successio & diuersa nunc æui, sequitur quod Deus simul velle possit contradictoria, quod est absurdum, quia duo contradictoria non possunt verificari de aliquo, neque etiam respectu diuinæ voluntatis. Consequentia probatur; Deus potest velle in aternitate creare Angelum vnum & eundem annihilare; ergo voluit ipsum esse & non esse; ergo vult contradictoria; at est impossibile

quod velit contradictoria & tamen velle creare Angelum eundem & velle annihilare eundem potest; ergo necesse est quod hic reperiantur conditiones aliquæ propter quas hæc volitiones non sint contradictoriæ, istæ conditiones aliz esse non possunt nisi diuersa *nunc* in esse Angeli absque vilo respectu ad tempus, quia Deus pro vno *nunc* vult creare Angelum, pro alio *nunc* vult annihilare illum; ergo in æuo est successio & sunt plura *nunc*, licet sint absque nouitate & veteratione.

Tertio aut in actuali existentia Angeli est successio, & sic habetur propositum, aut non, & tunc essentia eius est simplex sicut esse Dei, & sic non differt ab eo fuisse & fore; ergo sicut Deus non potest facere Angelum non fuisse, ita nec fore, quod est inconueniens.

Quarto sequitur quod *nunc* æui est infinitum, consequens est absurdum, consequentia probatur, quia, si æuum non est successuum sed permanens; ergo *nunc* æui idem potest coexistere tempori infinito, quia Angelus potest durare per totum tempus infinitum quod est infinitum; illud autem *nunc* quod coexistit est formaliter infinitum: antecedens probatur; quia sicut si Angelus coexistet secundum se omni loco esset formaliter infinitus secundum locum, sic si *nunc* coexistat tempori infinito, erit infinitus formaliter in duratione.

Quinto potuit creari Angelus innocens & non peccator, deinde potuit peccare circumscripto omni tempore; ergo iste Angelus prius fuisset innocens deinde peccator; ergo in esse Angeli ac æuo eius est prius & posterius: adducitur August. 11. confessionum dicens, quod si *nunc* temporis staret semper & non fluere non esset tempus sed æternitas, & videtur loqui de vera æternitate exponendo illud Psalm. *Tu autem idem ipse es & anni tui non deficient.* Ergo dicendum est æuum esse successuum, alioquin non differret ab æternitate. Præterea S. Hieronym. ad Marcellam, *Solus Deus non nouit fuisse nec futurum esse.* Inde colligitur æuum differre ab æternitate quia est successuum, æternitas nequaquam.

Hæc opinio D. Bonauentura refutatur à D. Thoma & Scoto, quia ubi est successio ibi est prius & posterius, sed prius & posterius non sunt simul, quia adueniente posteriori recedit prius & consequenter prius veterascit, & posterius est nouum; neque potest dici quod successio & innouatio sit in mensura & non in mensurato, quoniam idem est prius & posterius in mensura, quia prius & posterius est in re, sicut in tempore propter prius & posterius in motu, ita quod si non esset aliud & aliud in motu, non esset prius & posterius in tempore, ut habetur 4. phisic. text. 99. ergo à simili si non esset aliud & aliud in æuiterno & Angelo non posset esse aliud & aliud siue prius & posterius in mensura Angeli; & confirmatur ex Aristotele 10. Metaph. text. 4. quia secundum eum mensura debet esse vnigena mensurato, & idem si mensura est diuisibilis etiam mensuratum erit diuisibile.

Scotus tenet opinionem D. Bonauent. probabilem, tamen ipsam confutat, prius probando quod nullam habemus necessitatem ponendi æuum successuum, secundo ostendendo quod æuum ipsum vel mora & duratio Angeli

non distinguitur ab Angelo, ex quo sequitur quod sicut esse Angeli non est successuum, neque æuum & mora eius est successua.

Quod ergo æuum non sit successuum probatur: dicit Bonauent. *Quod æuum est successuum & quod constat ex pluribus nunc sibi succedentibus, tamen esse Angeli est idem semper, quia infinities idem ponitur in esse per continuationem productionis antiquæ illiusmet esse primi.* Tunc sic arguit Scotus, aut *nunc* æui quod ponitur aliud & aliud est idem realiter existentie Angeli, aut non, si idem; ergo sicut existentia actualis Angeli manet eadem absque successione & absque prioritate & posterioritate, ita & *nunc* æui: si aliud; contra, ergo sicut ipsa existentia siue esse Angeli per se potest infinities poni in esse, ita videtur quod illud idem *nunc* cum sit absolutum (est enim pars entitatis absolute per D. Bonauent.) poterit poni infinities in esse, & ita potest conseruari idem *nunc* sicut conseruatur per se ipsa existentia; ergo nulla necessitas ponendi æuum esse quid successuum. Quod si quis dicat si illud *nunc* æui ponatur in esse frequenter ponitur necessarium in diuersis *nunc*. Contra, sicut existentia eadem per se conseruatur semper eadem licet infinities ponatur in esse, ita idem *nunc* poterit conseruari idem, licet infinities producat in esse, quia sicut illa est absolutum quoddam ita & istud *nunc* est absolutum quoddam; ergo non est maior ratio de vno quam de alio.

Præterea in Angelo non datur aliquid absolutum quod sit mensura moræ & existentie Angeli, quod sit realiter distinctum ab ipsamet existentia Angeli, sed existentia Angeli, siue eius esse non est successuum; ergo neque æuum est successuum; minor est clara, maior probatur; quia quodcumque sit illud æuum quod ponitur mensurare durationem & moram esse Angeli non potest esse absque actuali esse Angeli, nec esse Angeli sine eo; ergo sunt idem realiter, quia cum vnum non potest esse sine altero & non est posterius illo, nec simul natura cum illo, necesse est quod sit idem realiter cum illo; mensura autem illa si daretur esset posterior natura esse Angeli, non prior neque simul natura; ergo,

Ad rationes pro D. Bonauent. Respondet Scotus quod vtraque via saluat auctoritatem S. Augustini, quia sicut prima via dicit quod esse creaturæ pendet à Deo semper, eo, quia idem esse per multas causationes successuas ponitur semper in esse, licet respectu primæ causationis dicatur creatio, respectu subsequentiū dicatur conseruatio. Ita positio tenens æuum non esse successuum sed permanens, dicit quod idem esse creaturæ semper pendet à Deo non per diuersas actiones successuas sed per vnicam quæ semper manet, & dicitur creatio in quantum coexistit primo *nunc* temporis quo creatura illa transiit de non esse ad esse, & dicitur conseruatio in quantum coexistit cæteris partibus temporis subsequentiibus, non ponit autem distinctionem diuersarum actionum, quia non apparet distinctio nec ex esse creaturæ nec rei creatæ quantum ad terminum formalem. Obiicies per aliquam actionem, non habetur illud quod circumscripta illa actione adhuc poneretur in esse, sed esse quod habebit cras Angelus posset poni in esse circumscripta actione

actione qua ponitur in esse esse Angeli quod habet hodie; ergo esse quod habebit cras Angelus non ponitur in esse per actionem qua hodie Angelus habet esse; ergo non est vnica actio sed plures; maior patet, quia si circumscripta calefactione ignis, adhuc habetur calor, signum esset quod calor non poneretur in esse per calefactionem ignis.

Respondet Scotus quod maior est vera in sensu composito, falsa in sensu diuiso, id est hæc necessariò stant simul, quod si esse ponatur in esse aliqua actione, quod illa actio quoque sit, est enim impossibile quod aliquid habeat esse aliqua actione & quod illa actio non sit dum illud esse ponitur in esse; Tamen in sensu diuiso est falsa, id est non est necesse quod actio & illud esse pro quocumque tempore stent simul, quia illa actio potuit præterisse, & mansisse esse & potuit fuisse actionem, & non mansisse esse: Licet ergo coniunctum non possit stare quod sit creatio Angeli, & Angelus non sit, tamen diuissim potuit fuisse creationem & quod esse Angeli non sit & quod sit esse Angeli & creatio non sit, sed transierit; potest ergo fieri quod Deus hodie creet Angelum & tamen esse Angeli non permaneat, sed desinat esse, potest etiam fieri quod creet Angelum hodie & creatio desinat & maneat esse Angeli: Ita in proposito esse quod habebit cras Angelus potest poni in esse eadem actione qua producit esse quod habet hodie Angelus, licet actio illa dici hodiernæ crastina die desinat, quia potest manere esse per illam productum ipsa destructa, & sic non est necesse quod esse quod habet hodie producat per vnâ actionem & esse quod habebit cras per aliam actionem, sed idem esse quod habet hodie & habebit cras potest produci per eandem actionem vt per actionem hodiernam.

Ad secundum principale cum dicitur Deus potest velle creare Angelum & velle annihilare, ergo pro diuersis *nunc*.

Respondet quod si illa *nunc* considerentur in æuo Angeli nil aliud sunt nisi velle positivè illud *nunc* æui, & velle ipsum *nunc* non esse negativè, & idèd non sunt diuersa *nunc*, sed idem modo ponitur in esse modo destruitur, idèd in ipso æuo non sunt diuersa *nunc* sibi subsequenti, sed idem *nunc* ponitur in esse, & destruitur immediatè eo modo quo indiuisibilia habent esse & non esse; habent enim vnum *nunc* tantum in quo sunt, post quod immediatè non sunt, idèd ex parte illorum non est dare duo *nunc* in quorum vno sunt, in alio non sint, quia non dantur duo *nunc* immediatè se consequentia; illa ergo in vno *nunc* habent esse positivè & in tempore immediatè sequenti habent non esse. Quod si adhuc quæras respectu alicuius alterius mensuræ, istud velle positivum erit in vno *nunc* & velle negativum in alio *nunc*. Respondet quod Deus illud vellet esse pro æternitate & non vellet id esse pro æternitate; non tamen vellet illud esse pro tota præsentia æternitatis (nam æternitas eodem *nunc* indiuisibili coexistit omnibus partibus temporis) si verò comparatur ad tempus erit in diuersis *nunc*.

Ad tertiam, cum arguitur, si esse Angeli est simplex, ita quod in ipso sit idem futurum esse & fuisse, ita non potest facere Angelum non fore.

Respondet quod ex parte Angeli non est aliud ipsum fore, esse & fuisse, sed notant diuersam habitudinem coexistendi diuersis *nunc* temporis, idèd cum dicitur non potest facere non fuisse, ergo neque potest facere non fore; negatur consequentia, quia ex parte Angeli res significata per fuisse est eadem quæ nunc est, & idèd potest illam facere non fore, & sic Deus non vult contradictoria, quia illa non vult in æuo prout coexistit eidem *nunc* temporis, sed prout coexistit diuersis *nunc* temporis.

Ad quartam. Respondet quod sequeretur argumentum si æuum coexisteret infinitis partibus temporis sed non coexistit, quia non dantur simul, ergo non est formaliter infinitum, licet habeat vnde possit coexistere quantum est ex se, quod si quis dicat, illud infinitum est quod potest coexistere infinito licet actu non coexistat; negatur de infinito in successione cuiusmodi esset infinitas æui, valet autem de permanente.

Ad quintam. Respondet quod illud argumentum non arguit successionem in existentia Angeli, sed in actibus, verum enim est quod existentia Angeli esset prius sub innocentia, deinde sub culpa, & sic innocentia & culpa sibi succederent, quia sunt actus Angeli non tamen propter hoc sequitur quod esse existentia actualis Angeli sit successio, si etiam crearentur diuersi Angeli vnus post alium, illi sibi inuicem succederent, non tamen sequitur quod in existentia propria cuiuscumque Angeli esset successio, sed esset successio vnus æui ad aliud.

Ad authoritatem Augustini & similes. Respondet Scotus ex illis haberi tantum æuum differre ab æternitate, quia æternitas est independens in suo esse, æuum verò est dependens, at quod sit dependens alia & alia causalitate & dependentia non eadem semper, non habetur ex illis authoritatibus, propter dependentiam etiam vnica, ita saluatur creaturam quamlibet non esse æternam, sicut si ponatur pluribus & pluribus causalitatibus habere esse, quia per illam causalitatem potest poni eam coexistere vni parti temporis & non alteri, & sic potest dici fuisse & non fore, vt dicam de coexistentia operationum Angelorum cum tempore nostro. Differentia æui ab æternitate, quod æternitas est mensura rei permanentis à se neque deficientis neque potentis deficere per vllam potentiam: Æuum verò est mensura rei permanentis non à se sed à Deo, nō deficientis, nec potentis deficere secundum potentiam Dei ordinariam, sed tamen secundum absolutam: probat Scotus, quia Angeli & anima rationalis sunt incorruptibiles, quia non habent principium internum corruptivum; nec enim

habent materiam partem sui. Tamen sunt creaturæ quæ si non conseruarentur à Deo desinerent esse, quia non sunt ex se necesse esse sed ex Deo.

* * *

QVÆSTIO V.

DE LOCO ANGELORVM.

An sint in loco per substantiam? An requirant determinatum locum? An unus possit simul esse in pluribus locis? An plures possint esse in eodem loco?

PRAENOTANDUM est primò locum sumi dupliciter, primò pro materiali, sicque est vltima superficies corporis ambientis, & est quid absolutum & vera species quantitatis successiuæ, cuius genus est superficies: differentia verò est nobis ignota, sed ea est ad quam proximè sequitur respectus extrinsecus locati ad locatum. Dixi superficiem esse genus loci, non latitudinem illam, quæ est secunda species quantitatis continuæ permanentis, sed superficiem ambientem seu circumscribentem: dixi item locum esse successiuum, quia fieri potest motus continuus in loco. Secundò locus sumitur pro formali & sic est respectus extrinsecus adueniens constituens prædicamentum Vbi quod dicitur accidens reale respectuum secundum esse extrinsecus adueniens, cuius totum est referre locatum.

Notandum secundò, quod tripliciter contingit aliquid esse in loco primo præsentia- liter seu substantialiter tantum, secundo præsentia- liter & diffinitiuè, tertio modo præsentia- liter diffinitiuè & circumscriptiuè siue dimensionaliter & occupatiuè.

Dico Angelos vere esse in loco quocumque modo id fiat, & ita esse in vno loco vt simul alibi & multò minùs vbique esse dici non possint: id constat ex Scriptura Matt. 18. *Angeli eorum in calis semper vident faciem Patris mei.* Apoc. 12. de malis Angelis dicitur quòd *Locus eorum non est amplius inuentus in calo.* Ecclesia ad Completorij collectam dicit, *Angeli tui Sancti habuisti in ista habitatione qui nos in pace custodiant.*

Dices, esse in loco est mensurari loco & contineri ab eo ex 4. Physic. text. 179. sed Angelus nun potest mensurari neque contineri à loco.

Respondeo locationem illam esse corporum non spirituum, vnde S. Thomas dicit æquiuocè ad corpus conuenire Angelo esse in loco: Corpus enim est in loco per hoc quod applicatur loco secundum contactum dimensionum quantitatis quæ in Angelo non est, vnde non commensuratur loco nec habet situm in continuo; hoc enim conuenit corpori locato prout est quantum quantitate dimensionum, similiter etià non oportet propter hoc quod continetur à loco, nam substantia incorporea sua virtute contingens rem corpoream, continet ipsam & non continetur ab ea. Anima enim est in corpore vt continens & non vt contenta, similiter Angelus dicitur esse in loco corporeo non vt contentum, sed vt continens aliquo modo: hoc rectè explicat S. Damasc.

lib. 2. de fide ortho. cap. 3. his verbis: *Cum autem Angeli sint etiam intelligibiles in locis, sunt non corporum more circumscripti, non enim vt corporum secundum naturam figurantur, neque triplici dimensione constant: sed eo ipso sunt in loco, quòd intelligibiliter præsentia sint & agant, ubicumque esse iussi sunt; nec possint eodem momento simul hic esse & illuc.*

Angelus potest esse alicubi tribus modis, primò per operationem tantum, secundò per præsentiam substantialem tantum, tertio per vtrumque simul. Primum patet, quia Angelus vt substantia finita & limitata cum habeat certam sphaeram actionis potest in tota illa sphaera operari, etiam si tantum in parte istius sphaeræ sit substantialiter præsens: tunc autem in reliqua parte erit tantum per operationem. Secundum patet, quia multi Angeli sunt substantialiter præsentia in celo Empyreo, & tamen non necesse est vt ibi habeant operationem transeuntem. Tertium patet, quia Angelus potest simul operari, vbi est præsens.

Hinc habetur præsentiam substantialem Angeli esse aliquid reale cum sit fundamentum veræ relationis realis, nempe proximitatis & distantia, sed non potest pertinere ad aliud prædicamentum quam ad vbi.

QVÆRITUR, quænam sit ratio fundamentalis huius præsentia substantialis, & nota quòd non queritur quæ sit ratio formalis per quam formaliter Angeli substantia est in loco, quia ista est præsentia ad locum, sed queritur de ratione fundamentali siue de fundamento super quod fundatur ista præsentia, quæ est formalis ratio ipsi Angelo existendi in loco.

S. Thomas q. 52. art. 1. & 2. dicit, Angelum esse in loco præcisè per applicationem virtutis suæ quam vocat contactum quantitatis virtualis, vnde non habet situm in continuo nec commensuratur loco (vti corpus quod est in loco per contactum dimensionum quantitatis) nec continetur à loco sed potius ipsum continet: fundamentum, Thomistarum est quod quantitas sola sit ratio essendi in loco, at Angeli ea carent, ergo non sunt in loco: tum Angelus est insituabilis, ergo relinquitur tota præsentia ordinis & operationis, quia ex August. id facit ordo in spiritualibus, quod situs in corporalibus, ergo sicut approximat agentis ad passum in corporalibus attenditur secundum situm, ita in spiritualibus attenditur secundum ordinem, ergo Angeli sunt sibi præsentia solum præsentia ordinis: si verò compareretur Angelus ad corpus ista præsentia non potest esse situalis, sed reducitur ad præsentiam ordinis & operationis.

CONCLUSIO 1. Angeli substantia est in loco & idèd per præsentiam substantialem & essentiam Angelus est in loco. Ratio verò fundamentalis potentia essendi in loco diffinitiuè non fundatur immediate in substantia vt substantia, sed in ea vt limitata. Probat ex Scriptura citata. Probat ex Sanctis Patribus, ex Damasceno citato, ex Gregor. Nazianz. oratione de Angelis, *Vbiq; ait, insperè sumus omni ministerij promptitudinem tuum ob naturæ leuitatem.* Ecce quod D. Gregor. iudicat Angelos esse modo in hoc, modo in alio loco secundum substantiam celeriter, & quia obistere videbatur grauitas substantia, quæ non ita cito

cito moueri potest, hoc aufert dicendo, quod eorum uatura est leuissima; signum est ergo, quod secundum naturam & substantiam descendunt de loco ad locum, ergo secundum substantiam sunt presentes loco.

Gregor. Nissen. oratione de infantibus docet domicilium Angelorum esse cælum, reddit rationem, *Quia illa sedes natura illorum conuenit.* Hinc deduco quodd Angelus sunt in cælo secundum essentiam & substantiam, quia talis sedes est conueniens eorum naturæ. Idem passim habetur apud alios SS. Patres.

Probatur rationibus, prima suppono quodd Angelus habeat aliquam operationem in aliquod corpus: tunc, quæro, vel illa actio immediate prouenit ab illo Angelo in illud corpus, vel mediatè, si immediate: ergo illud corpus est præsens substantiæ Angeli immediate, & sic datur præsentia substantialis. Si mediatè quæro de illo medio, sicut prius & sic necessariò standum est ad aliquod corpus in quod sit Angelus immediate, vel quod sit iuxta substantiam Angeli; ergo datur præsentia substantialis Angeli ad corpus. Respondet Caietanus hoc argumentum concludere immediationem suppositi & indistantiam localem, concludit enim Angelum per seipsum & non mediante aliquo supposito agere in corpus indistans distantia locali & situati. Hæc responsio confirmat opinionem nostram, quoniam indistantia situati idem est quod præsentia situati, æquipollent enim ista esse indistans localiter, & esse præsens localiter. Ergo si Angelus immediate immediatione suppositi, id est per seipsum operatur in aliquod corpus indistans ab ipso supposito Angeli localiter, sequitur quod corpus illud sit præsens illi supposito Angeli substantialiter, quia illæ substantiæ sunt sibi præsentæ substantialiter inter quas non est distantia localis.

Secunda, virtus finita differt ab infinita, quia infinita potest agere in quantumcunque distans: virtus uero finita requirit determinatam distantiam ad hoc ut possit operari, sed determinata distantia est determinata approximatō & propinquitās substantiæ operantis ad corpus in quod operatur; ergo in omni virtute creata & finita requiritur prius præsentia debite approximationis substantialis, & deinde sequitur operatio, & consequenter substantia Angeli prius est præsens corpori in quod operatur, quam ipsa operetur in istud.

Tertia, eodem modo sacra Scriptura asserit Angelos esse in loco, quo animam Christi asserit fuisse in inferno, sed anima Christi fuit uerè secundum substantiam in inferno iuxta articulum Symboli *Descendit ad inferos*: ita quod substantia animæ Christi fuit uerè præsens & approximatā loco inferni; ergo Angeli quoque cum per sacram Scripturam dicuntur esse in aliquo loco, ibi sunt per præsentiam substantialem, & per præsentiam approximationis: maior probatur quia eadem phrasi & uerbis utitur Symbolum explicando descensum animæ Christi ad inferos quibus utitur Scriptura ad explicandum descensum Angeli ad aliquid agendum in terra. Dicit Symbolum, *Descendit ad inferos.* & Ioan. 5. *Angelus autem Domini descendebat secundum iter* Carriere in Professionem Fidei.

pau in Piscinam & mouebatur aqua. Ergo sicut in Symbolo per illud uerbum descendebat, significatur descensus animæ Christi secundum substantiam in infernum, ita quod per substantiam animæ Christi facta fuit proxima inferno à quo prius distabat. Ita dum Scriptura dicit Angelum descendere in Piscinam & mouere aquas, ille descensus debet intelligi secundum præsentiam approximationis substantialis.

Et confirmatur, quia eadem est ratio de anima rationali separata & de Angelo, quia uterque est substantia spiritualis sine quantitate, idè eodem modo quo competit uni esse in loco, competit & alteri.

Quarta, detur aqua inclusa in uase à qua Deus auferat quantitatem, hoc enim est possibile; Aqua esset in illo uase, & tamen non esset ibi quantitas; ergo quantitas non est ratio essendi in loco: at respondet Caietanus quod posito illo casu aqua illa nusquam esset, sed uas reperiretur aëre plenū aqua reddita indiuisibili & nusquam existente: sed contra vel aqua illa est annihilata vel corrupta: & hoc non quia per ablationem præcisè quantitatis substantia aquæ non mutatur, vel progressa est extra uniuersum si nullibi est quod est ridiculum. Ergo necesse est quod sit in eodem uase non circumscriptiuè, sed definitiuè. Hinc patet responsio ad primum D. Thomæ & conceditur quantitatem esse rationem essendi in loco circumscriptiuè, non definitiuè.

Ad secundum, Respondeo quod situs potest considerari duobus modis; uno modo propriè quatenus situs est coextensio locati ad locum, & hoc modo propriè competit corporibus & non substantiis spiritualibus. Alio modo impropriè quatenus est determinatio certi loci ad locatum, sicque competit Angelis & substantiis spiritualibus, & coincidit cum ordine, licet enim Angelus non sit in loco determinato extensiuè & coequali commensurationi ut corpus, habet tamen naturalem potentiam ad esse in tanto loco & tanto & non maiori vel minori, & nisi esset corporea aliqua substantia, ordo eorum ad inuicem quoad hoc distingueret illos: idè ad Augustinum respondetur, quod ordo duobus modis considerari potest, vel ut contradistinguitur à situ propriè dicto: vel ut contradistinguitur à situ impropriè dicto, ipse loquitur priuo modo, non secundo modo.

Dices pro sententia S. Thomæ, non uidetur quo alio modo dici possit aut intelligi Angelum esse in loco nisi contactu aliquo uirtutis, sicut corpora sunt in loco contactu quantitatis, sed contactus uirtutis nil aliud est quàm operatio; ergo per operationem constituitur in loco.

Respondeo ex hac ratione haberi ad summum operationem esse signum existentie Angeli in loco secundum substantiam, cum enim sit substantia finita & operetur in loco corporeo, necesse est quod sit illi approximatus secundum substantiam.

Dices, substantia Angeli secundum se est indifferens ad quemcunque locum: ergo ut sit in loco singulari necesse est ut determinetur

minetur per aliquid aliud distinctum à substantia sua, ratione cuius sit in loco.

Respondeo Angelum determinatum esse à voluntate propria ad locum particularem intra sphaeram suam.

Dices, si substantia Angeli esset per se in loco sequeretur eum fore tantum in loco indiuisibili, hoc autem est absurdum, quia Angelus ponitur in loco quanto & diuisibili, consequentia probatur quia est indiuisibilis.

Respondeo, quod etsi substantia Angeli sit indiuisibilis, non tamen obitare quin possit esse in loco diuisibili, ut patet de anima rationali existente in corpore humano. Ratio est, quia in substantia fundatur potentia neutra ad existendum in loco, nam ait Scot. q. 5. si queratur alia ratio propter quam Angelus necessarium sit in loco, nulla est in Angelo fundamentalis scilicet, (nec enim loquitur de formali ratione essendi in loco, quæ est præsentia substantialis, quæ est relatio præsentiae ad locum) quia Angelus non est in loco necessarium, quod probat, quia Deus potuisset creare Angelum absque eo quod crearet creaturam corporalem, tunc autem Angelus non fuisset in loco, quoniam nullum corpus extitisset, locus autem est ultimum seu superficies corporis continentis: Nihilominus in Angelo est potentia passiva essendi in loco, fundata in substantia eius, quatenus est natura limitata actualiter existens. Quantitas autem & latitudo loci pendet ex virtute substantiae, unde dicimus Deum esse ubique, Angelum verò in loco determinato indeterminatè, unde licet substantia Angeli sit indiuisibilis, non tamen est limitata ut punctum, idè ad libitum potest se facere in loco diuisibili, potest etiam esse in puncto.

CONCLUSIO 1. Angelus requirit determinatum locum. Primò quoad magnitudinem, nec potest esse in quantumcunque magno, quia est substantia finita & finitum spatium excedere non potest, solius enim Dei est esse immensum & ubique existere & operari. Durand. in 1. dist. 37. 2. part. q. 1. tenet Angelum esse præsentem secundum substantiam omnibus locis in quibus potest operari: fundamentum eius est quia Angelus est virtus finita. At omnis virtus finita debet esse prius præsens substantia & virtute rei quam vult mouere, quam actu moueat, ergo omnibus rebus quas mouere potest, (potest autem mouere omnes) prius est præsens quam operetur, ergo est in pluribus locis simul & consequenter est in quantumcunque magno loco. Ratio Durandi assumit falsum, scilicet esse necessarium quod substantia Angeli sit prius præsens rei quam operetur & moueat; Quia agens creatum potest agere in distans, sufficit enim quod passio sit coniunctum immediatione virtutis nec requiritur absolute immediatio suppositi, sol enim siue corpus cæleste agit hic inferius, producens sua forma substantiali mixtum animatum vel inanimatum, & tamen sol neque aliud corpus cæleste est præsens secundum substantiam his corporibus inferioribus; ergo agens creatum agit in distans. Angelus igitur poterit agere virtute sua ubi suppositaliter non erit.

Secundò Angelus habet determinatum locum quantum ad paruitatem, quia habet virtutem finitam, & quia locus non est actu diuisibilis usque in infinitum, licet quocumque minimo dato in potentia, alius minimus dari possit, locus enim ut est corpus naturale, (non ut est præcisè quid continuum) habet certos fines. Ratio conclusionis est, quia sequeretur Angelum esse infinitæ virtutis quod est falsum; consequentia verò probatur, quia posse applicare virtutem ad locum minorem loco sibi adæquato, exigit maiorem virtutem, quam applicare ad locum adæquatum; ergo si Angelus nedum habet virtutem ad existendum in loco sibi adæquato, sed habet virtutem ad existendum in loco minori qui sibi esset adæquatus, habet perfectiorem virtutem, quam si haberet virtutem ad existendum solum in loco sibi adæquato. Ergo quantumcunque locus est minor, tanto maior virtus requiritur ad essendum in illo loco. Ergo si locus sit minor in infinitum, requiritur virtus infinita ad essendum in illo.

Dices, Angelus potest esse in puncto, ex Scoto, at punctum est locus indiuisibilis, ergo ipso non datur minor.

Respondeo. Hæc conclusionis 1. pars est de loco minimo diuisibili, punctum autem est minimum sed indiuisibile. De illo ergo est alia questio, Scotus autem in hoc est problematicus, quia pro neutra parte est ratio necessaria, licet enim Angelus sit indiuisibilis, non tamen eius indiuisibilitas est limitata, ut punctum, si etiam ponatur in puncto nullum videtur sequi inconueniens, solum illud videtur sequi, quod non posset moueri super spatium continuum, sed hoc non sequitur, quia posset immediatè ex loco punctuali ferre se in continuum locum & sic moueri, continuum enim terminatur ad punctum, idè non est inconueniens quod ab illo puncto moueatur ad continuum. Qui tenent Angelum esse in loco per operationem transeuntem, nescio quomodo in puncto dicant Angelum, cum non possit operari in puncto.

CONCLUSIO 3. Angelus non potest naturaliter esse in pluribus locis adæquatis, ratio id ostendit, quia Angelus habet maximum spatium determinatum & finitum, secundum ultimum potentiae suæ, quia est ens limitatum, ergo si existat in illo non potest simul esse in alio, quia illud aliud huic additum faceret hoc maius, repugnat autem esse in maiori maximo, ponamus casum quod Angelus secundum ultimum suæ potentiae possit esse in loco vnius leucæ, sit tunc posset esse in duobus locis talibus seu duabus leucis, ille locus non esset ei adæquatus secundum ultimum virtutis suæ, implicat ergo.

Probat ex Damasceno cap. 33. & 36. *Cum Angeli, inquit, sunt in terra non sunt in celo nec è conuerso.* ex hoc colligitur quod de facto vnus Angelus non potest esse in pluribus locis.

Dices, Angelus non est minoris virtutis quam anima, hæc autem est in pluribus locis quia est tota in qualibet parte corporis ut patet experientia. Tum ubi Angelus operatur

ratur ibi est, sed aliquando operatur simul in pluribus locis vt patet de Angelo subuertente Sodomam.

Respondeo quod totum illud cui applicatur virtus Angeli reputatur vt locus eius, licet non sit continuum, nam est in potestate Angeli posse fundare plures relationes presentia- litatis ad plura corpora, intra latitudinem magnitudinis loci sibi adæquati.

De potentia verò Dei absoluta, Angelus esse potest in pluribus locis tam adæquatis quàm inadæquatis, continuis vel discontinuis, ita Scot. & probatur iisdem rationibus quibus in 4. dist. 16. q. 2. probatur idem corpus numero posse diuinitus esse in pluribus locis simul. Tum id non implicat, & si dicas quod ex hoc sequeretur Angelum distare à seipso cum locus distet à loco.

Respondeo quod non sequitur, quia quantum ad hoc Angelus est illimitatus illo modo respectu illorum locorum: sicut diceretur quod anima est illimitata respectu membrorum totius corporis, vnde cum anima sit in pede & in capite, quamuis distet pes à capite, tamen anima non distat à seipsa. Conclusio videtur esse de fide, quia corpus Christi in Eucharistia est in pluribus locis, est enim in pluribus hostiis consecratis & altaribus, licet non sit ibi modo naturali id est modo dimensiuo; est enim ibi quantum sed non sub modo quantitativo, quod est miraculum. Substantia ergo corporis est in pluribus locis: Cur ergo substantia Angeli diuinitus non poterit esse in pluribus locis discontinuis? Eadem enim videtur ratio de Corpore Christi & de substantia Angeli, quia licet Angelus sit in loco diffinitiuè, sic & hic in Eucharistia existit corpus Christi, & vtrumque est in loco sibi determinato.

Dices vnum vbi adæquat vnum corpus, siue vnam substantiam si sit diffinitiuè in loco, quia non potest esse in pluribus locis nisi diuidatur à seipso & multiplicetur, sicut enim vnus locus continet vnum corpus, ita plura loca continent diuersa corpora, non idem.

Respondeo quod hoc non sequitur quando illud est illimitatum ad illa plura. Exemplum, candelā illuminans aliquam aulam non determinata ad illuminandum tantum illam, & ideo non repugnat ei illuminare multas, quia virtus eius est illimitata & quoad hoc non est terminata ad aliquam vnam, tamen virtute propria non potest illas illuminare, quia non sunt sibi presentes. Vnde si Deus faceret plures aulas presentes illi candelæ, sicut est præsens illa vnica, profectò illas omnes illuminare posset. Ita Angelus virtute propria non potest esse in pluribus locis, tamen non est determinatus ad vnum locum absolute, vnde ei non repugnat quin per diuinam potentiam sit in pluribus locis.

CONCLUSIO 4. Duo vel plures Angeli possunt similesse in eodem loco vel intra idem corpus, Scriptura hoc innuere videtur quæ legionem vnam in vno obsesto fuisse refert, vnde Richard. 4. de Trinit. infert quod daemones non habent corpora. Confirmatur, quia non est verisimile nec videtur necessarium

Carriere in Professionem Fidei.

quod si Angelus mouens cælum sit in meridie & alius sit missus de cælo, ideoque debeat transire per illum locum in quo est Angelus mouens, Angelus ille missus non transeat per lineam rectam, vel alius cedat illi.

Probatum ratione non habent quantitatem cuius effectus est situs, id est vt latera corporis quæ sunt variæ superficies distent ad inuicem. Sublato hoc impedimento dum virtus diuina in corporibus suspendit effectum illum quantitatis seu distantiam laterum & occupationem loci corpora sunt simul & se penetrant. At Angeli carent quantitate vt incorporei, consequenter vnus non potest impedire alterum quin existat in eodem loco naturaliter.

S. Thomas dicit non ex sola impletionem loci non impediri plures Angelos simul existere, sed quia est impossibile quod duæ causæ completæ sint immediatæ vnus & eiusdem rei, vnde negat conclusionem, tenet enim Angelum esse in loco per operationem, sed hoc dato non concesso, ratio non concludit, quia plures Angeli possunt habere operationem in eodem loco vno.

Q V Æ S T I O V I.

DE MOTV ANGELORVM.

An possint moueri de loco ad locum motu continuo, vel discreto seu instantaneo? An non transeundo per medium & quomodo moueant?

Impossibile est ista enucleare quin præmittatur notitia physica rerum de quibus est questio, Aristot. definit motum, *Actus entis in potentia prout in potentia.* Huius autem sunt sex species, generatio, corruptio, augmentatio, diminutio, alteratio, & vbicatio. Omnis enim mutatio vel est de subiecto in subiectum, & hæc est triplex, scilicet in quantitate, in qualitate & in vbi; in quantitate duplex, scilicet augmentatio quæ est motus à minori quantitate ad maiorem quantitatem, diminutio quæ est motus à maiori quantitate ad minorem. In qualitate est alteratio, quæ est motus à qualitate in qualitatem, & in vbi vbicatio quæ est motus à loco in locum. Vel secundò mutatio est de non subiecto in subiectum, & est in substantia, vocaturque generatio, quæ est motus à priuatione formæ ad formam substantialem; vel tertio est à subiecto in non subiectum & est in substantia, & vocatur corruptio à positione scilicet formæ substantialis ad priuationem eiusdem, per has sex species, aliquid se habet aliter nunc quàm prius.

Motus proprie dictus à mutatione differt quod mutatio de instantaneis, motus de successiuis tantum mutationibus dicitur.

Vnitas numerica motus localis requirit vnitatem; primò mobilis, cum enim motus sit accidens, non potest esse in duobus distinctis subiectis, seu mobilibus, secundo terminus ad quem seu formæ quæ acquiratur, sicut enim generica & specifica vnitas motus pe-

G g 2 tunc

*Naturaliter
plures Angeli
sunt simul in
eodem loco.*

tetur à termino ad quem sic & numerica. Tertiò temporis, cum enim motus debeat esse continuus, quia continuitas petitur ex correspondentia ad continuitatem temporis, si accedat discontinuitas, variabitur vnitas numerica motus.

Oppositio necessaria est ad motum scilicet impossibilitatis simultaneæ terminorum motus, quorum vnus scilicet à quo, est descendendus, alius seu ad quem, est acquirendus potestque hoc oppositionis genus dici priuatiuum.

Termini isti debent esse diuisibiles alioquin instantaneè haberentur, quod enim est indiuisibile habetur in instanti, motus autem debet esse successiuus. Ex hoc patet diuisionem seu diuisibilitatem terminorum motus dicere distantiam aliquam pertranscundam per ipsum motum in acquisitione termini ad quem, quæ in quantitate vocatur distantia extensionis, in qualitate distantia intensiõis, in vbi, distantia intercapedinis locorum, quæ omnes distantia sunt successiuè pertranscundæ, & penes illas attenditur successio ad motus requisita.

Motus, quomodocumque sumatur, realiter distinguitur à tempore, nam potest esse sine eo saltem per diuinam potentiam, quæ potest mouere in instanti.

Notandum præterea, quòd motus localis respectu cuiuscumque mobilis potest duobus modis fieri, scilicet vel successiuè & continuatione: ita quod mobile transeat ab vno loco ad alium locum, successiuè transeundo partem & partem magnitudinis interceptæ inter terminum ad quem & terminum à quo: vel in instanti: ita quod immediatè ab vno vbi transeat ad aliud vbi, absque eo quòd in intermediis vbi actualiter sit: motus primi generis dicitur motus continuus, motus alter dicitur instantaneus, aut ex Scoto motus discretus seu discontinuus, siue factus in instanti. Ad propositum, si Angelus mouetur localiter, altero horum modorum duorum moueri debet.

Sciendum insuper quid sit motus localis quantum ad propriam essentiam, de qua Philosophia & Theologi serè omnes agunt: disputatur autem præsertim an ponat in mobili aliquam formam siue absolutam siue respectiuam intrinsecam, vel tantum ponat extrinsecam quam questionem alij tractant sub hoc titulo, vtrum motus sit ad formam intrinsecam vel ad extrinsecam & communiter tractatur de corpore, sed etiam locum videtur habere in Angelo cum localiter secundum substantiam mouetur.

Scotus in 4 dist. 12. q. 4. & dist. 13. q. 2. cum aliis tenet motum localem esse formam intrinsecam mobili non autem solum denominationem extrinsecam, vt censent plerique, rationes primæ sententiæ sunt. Prima, motus est in mobili, ergo motus realis debet esse realiter in mobili; ergo motus est forma inherens mobili, non autem tantum denominatio extrinseca: antecedens est Arist. 3. phys. tex. 10. cum ait, *Motum esse actum mobilis*. Secunda, mobile quod latet one mouetur (& hæc ratio comprehendit quoque Angelum, quia ipse per se mouetur, non autem in solo corpore assumpto vt dicunt aliqui) habet in se variatio-

nem aliquam realem, alioquin non diceretur per se moueri verè: hæc autem fieri non potest per solam denominationem extrinsecam tantum: sed requiritur aliqua intrinseca mutatio, ergo motus erit aliqua forma realiter inherens mobili. Tertia, dato quod motus fieret per vacuum diuina potentia, esset verus motus & tamen non esset in corpore ambiente, quia nullum adesset, ergo motus est in mobili, non in corpore ambiente.

Quæ autem sit hæc forma acquisita, aliqui dicunt esse in corporibus modum quandam, quem sortitur quantitas corporis: quatenus nunc huic, nunc illi parti spatij, siue veri siue fictitij respondet: in Angelis verò esse modum quandam suæ substantiæ, quatenus aliis & aliis partibus spatij respondet.

Alij dicunt, motum localem consistere in variatione relationis distantia ad polos fixos, alij in variatione relationis contenti ad superficiem continentem.

Scotus sustinet motum localem pro formali scilicet fluxum formæ esse relationem mobilis ad mouens, non tamen negaret etiam concomitanter esse relationem distantia ad polos fixos & relationem ad superficiem continentem; In Angelo ergo motus localis est relatio ipsius ad mouens in ordine ad locum, idem dicendum de corporibus. Est ergo motus localis forma intrinseca inherens mobili, nec obstat Arist. 5. Physic. *Ad relationem non est per se motus*. Intellige per se primò, non negat autem ad illam esse motum in ordine ad aliud siue secundariò.

Motus ergo in genere est relatio formæ motæ, species autem motus distinguuntur penes terminum ad quem mobile mouetur; ad quantitatem est augmentatio vel diminutio, &c. vt supra. Hæc autem relatio in motu locali est extrinsecus adueniens & reducitur ad passionem, licet alij motus sint intrinsecus aduenientes, & ratio est quia illa relatio vbi siue præsentia- litatis in passio ad mouens, non necessariò ponitur in eo positæ extremis in esse vt patet: vel dic motum localem esse relationem intrinsecus aduenientem sicut alij motus, si consideretur quatenus est habitudo mouentis non ad mobile sed ad formam inductam in mobili quæ est vbi, nam illud vbi non potest esse sine illo mouente, licet possit esse sine illo mobili, Sed in proposito non consideratur motus localis vt est respectus mouentis vel inducentis ad vbi, sed ad mobile, idèd motus localis vt sic, est respectus extrinsecus adueniens, & talem respectum inducit in mobile. His omnibus præsuppositis ponitur.

CONCLUSIO PRIMA. Angelus mouetur motu locali continuo consequenter & absolute mouetur; probatur primò ex Scriptura Lucæ 1. *Missus est Angelus Gabriel a Deo in ciuitatem Nazareth ad Virginem, &c.* Tobia 1. *Missus est Angelus Raphael vt curares eos.* Isai 6. *Volauit ad me vnus de Seraphin.*

Quod si dicatur à negantibus motum localem substantiis spiritualibus, has authoritates loqui de Angelis in assumptis corporibus. Contra, dato quòd hoc sit verum, vt reuera est de quibusdam, tamen ex hoc deducitur argumentum efficax: quia si tunc cum corpore mouebantur, videtur quod tunc fieret aliqua motio

motio passiva ipsorum Angelorum, alia formaliter à mutatione passiva ipsius corporis, quia non erat formaliter aliquid ipsius corporis.

Præterea Matthæi primo legitur missum fuisse Angelum ad Ioseph in somnis dubitantem de conceptu Saluatoris & habentur hæc verba: *Hæc autem eo cogitante, ecce Angelus Domini apparuit in somnis Ioseph, &c.* Hæc autem visio & apparitio, cum facta sit in somnis, non potuit esse missio Angeli in corpore assumpto. Ergo Angeli sine corpore assumpto etiam mittuntur secundum Scripturam. Superfluum esset recensere loca illius, in quibus dicitur Angelos siue bonos siue malos ire, venire, ingredi, exire, descendere, ascendere, descendere.

Probatur ex SS. Patribus Damascen. de orthod. fide cap. 33. & 26. ubi vult quod non sunt simul in celo & in terra & frequenter mittuntur in terram. Magist. sent. in 1. dist. 37. referente Bedæ autoritatem. Ambros. lib. de SS. Spiritu cap. 10. dicit eum non moueri quia est infinitus & ubique existit: At verò alios spiritus moueri de loco in locum quia sunt finiti & creati.

At respondent Durandus & alij negatiue opinionis, protanto dici Angelos moueri de loco ad locum, quia incipiunt efficere de nouo effectum aliquem in illo loco quem prius non efficiebant: non autem quia incipiant de nouo esse, vel ire ad aliquem locum in quo prius non essent, eo modo quo dicit Scriptura filium Dei descendisse de cælis & missum esse in mundum propter nouum effectum, quem fecit in terris & propter nouum modum apparendi in mundo.

Hæc responsio non satisfacit prædictis authoritatibus, quia explicitè loquuntur de missione & de motu locali, vt patet de Angelo missio ad Tobiam & ad Ioseph, & Ambrosius apertè ait, Seraphim de loco ad locum transit, non enim complet omnia, sed ipse repletur à Spiritu; loquuntur ergo SS. Patres de motu locali Angelorum, non ergo intelligendi sunt neque Scriptura ad modum missionis verbi in mundum aut S. Spiritus in Apostolos.

Probatur rationibus. Prima. Anima beata æquabitur Angelis in beatitudine ex promisso Christi Matth. 22. *Erunt sicut Angeli Dei.* At anima beata mouetur secundum locum, imò anima Christi mouebatur localiter, quia descendit ad inferos, sicut dicit articulus fidei, qui non intelligitur, quòd per operationem nouam anima Christi fuerit in inferno, sed quòd substantialiter ibi fuerit. Ergo Angelus mouetur de loco ad locum.

Secunda. Si Angeli non haberent potentiam actiuam mouendi se de loco ad locum essent maioris imperfectionis quàm alia entia minus perfecta, v.g. corpora quæ illam habent ad vbi propria, vti graua deorsum, leuia sursum; nunciij sunt Creatoris, administratorij sunt spiritus Heb. 1. pernitate naturæ, ait Damascen. pollent & gloriosa agilitate vigent; cur ergo denegabitur eis motus & facultas transeundi motu continuo de loco ad locum?

Quod autem moueri possit motu continuo sic probatur; inter duo vbi sunt infinita vbi media supple in potentia, corpus mouetur motu continuo, continuum autem habet infinita

puncta in potentia, tunc sic: at Angelus potest moueri per omnia illa vbi intermedia motu continuo, quia potest in quocumque vbi esse indiuisibiliter, siue transire per partem & partem absque aliqua mora in aliquo vbi, ergo motu continuo moueri potest.

Dices nullum indiuisibile moueri potest, sed Angelus est indiuisibilis, ergo Angelus moueri non potest localiter; maior probatur ex 6. Phys. tex. 7. & 32. hac ratione præsertim, quod mouetur partim est in termino à quo, & partim in termino ad quem, sed indiuisibile non potest esse partim in his duobus, quia non habet partes; maior probatur, minor enim patet, quia quando aliquid est totaliter in termino à quo non mouetur, quando est totaliter in termino ad quem iam est mutatum; ergo indiuisibile non potest moueri.

Respondeo primò, quòd licet Angelus sit indiuisibilis, tamen occupat locum diuisibilem: quia non potest esse in loco punctuali: sed potest esse in loco quanto, licet non possit esse in loco quantumcunque magno, & idèd sicut est in loco diuisibili, ita potest moueri continuè super illum locum, ac si non esset indiuisibilis.

Secundò dici potest, dato quòd Angelus semper esset in puncto, non tamen sequitur propter hoc, quod non possit moueri continuè: quia posset moueri per puncta illa sibi succedentia continuè, ita quòd in nullo illorum sit, nisi indiuisibiliter, & ita mouebitur continuè licet sit indiuisibilis: Assumptum probatur, quia sphaera super planum describit lineam, & tamen non tangit nisi in punctos; ergo punctum quod est indiuisibile mouetur continuè.

Motus continuus competit Angelo, si enim consideremus locum eius adæquatum seu virtuti eius proportionatum, & à quo in alium similem ferre potest, semper habet sphaeram similis actiuitatis seu occupationis virtualis, & cum mouetur acquirit successiue aliam & aliam, sicuti tuba quæ à milliario audiri potest, cum progreditur & locum nouum acquirit, etsi locum mutet, tamen eandem habet sphaeram & virtutem successiue, nam si 50. passus in recta linea progreditur, sicuti acquirit nouum vbi in quo audiatur, ita proportionaliter 50. amittit reerò in quibus non auditur amplius. Sic planè se habet virtus Angeli seu spatium actiuitatis eius, nam correspondet spatio occupato à corpore materiali & quantitatio, quòd corpus ratione molis suæ non potest moueri nisi successiue & continuè de vno vbi ad aliud, id est cum ordine anterioritatis & posterioritatis, quia equus v.g. qui directè progreditur, præfert caput & partes anteriores antequam posteriora eius locum mutant.

CONCLUSIO SECUNDA. Angelus potest moueri ab vno vbi ad aliud motu discreto seu discontinuo, quem Scotus vocat instantaneum, seu in instanti mutare locum, pro quo nota mutationem illam posse esse duplicem, alteram quæ includat totam realitatem motus, id est extrema & media, aliam præcisè includentem realitatem termini motus. Exemplum

quod aliquid moueatur ab A ad G potest intelligi duobus modis, vno modo quod simul habeat omnia vbi intermedia, veluti si successiue moueretur; alio modo, quod habeat precise vltimum vbi, sicuti haberet si illa mutatio esset vltimus terminus motus. Primo modo est impossibile quod Angelus sua virtute moueatur in instanti, sed necessario mouetur in tempore: Secundo autem modo non est inconueniens, & hoc modo Scoti argumenta facta contra sententiam S. Thomae negantis Angelum posse moueri in instanti procedunt. Primam partem probat Scotus hac ratione: quia tunc simul haberet plura vbi adaequata quod repugnat virtuti naturali Angeli: neque enim is potest naturaliter esse in pluribus locis adaequatis simul: si autem posset moueri ab extremo ad extremum distans & mediatum in instanti complectendo simul omnia vbi intermedia, esset simul in eodem instanti in pluribus locis sibi adaequatis, quod ei repugnat. Secunda pars assertionis huius probatur. Primo, quia quod terminus motus non statim inducatur, hoc est ex imperfectione agentis, quae imperfectio non est attribuenda Angelo. Secundo, quia aliqui motus fiunt in instanti ab aliquibus corporibus mouentibus vt illuminatio medij à Sole: ergo multò magis Angelus cum sit maioris virtutis & minor sit resistentia medij. Sed difficultas est an possit in instanti moueri ad vbi remotum, & videtur quod non, quia debet prius pertransire intermedia vbi, ille autem transitus necessariò importat successionem, tum Angelus potest simul deferere vnum locum & acquirere totum alium immediatè proximum; sed talis mutatio est instantanea, quia est tota simul; & confirmatur quia Angelus non habet partes; ergo potest se totum simul transferre de vno loco in alium locum proximum; ergo non eget tempore. Vide Faentinum in 2. sent. disp. 21. euentem D. Thomae hanc rationationem quod quicumque motus Angeli sit in duobus instantibus sibi immediatè sequentibus, duo autem nunc faciunt tempus, quia vbi prius & posterius ibi est tempus, vnde infert quod quocumque tempore & motu moueatur semper moueatur in tempore non in instanti vno, dicendum enim est quādo Angelus mouetur de loco ad locū in instanti, in vltimo instanti temporis in quo quiescit Angelus habere primum sui non esse in illo loco & simul esse in alio loco; nam sicut primum non esse tenebrarum & primum esse per illuminationem fiunt in eodem instanti, & sic mutatio sit in instanti, ita est dicendum de quiete Angeli & motu eius, nam per aliquod totum tempus potuit quiescere in aliquo vbi, & in vltimo instanti illius temporis poterit esse in alio loco, & sic primum non esse Angeli in illo loco, & primum esse in altero loco erunt in eodē instanti.

CONCLUSIO TERTIA. Angelus non potest naturali potentia transire de vno extremo in aliud quin trāseat per medium, si loquamur de motu continuo qui cōplectitur omnia vbi intermedia; hoc enim est ratio cōtinuitatis inter extrema, ratio est, quia praefixus est ordo à Deo creaturis vt transeūdo ab vno extremo ad aliud habeat omnia vbi intermedia vel ordine naturae vel durationis, nec valet obiectio Val-

quis 1. p. disp. 196. quod Angelus nō est in loco necessario ex ipsomet Scoto, sed habet tantum potentiam neutram seu non repugnantiam ad esse in loco, ergo sicut potest absolutè non esse in loco, ita potest non esse in loco medio & illo non pertransito extremum occupare: tum esto lex illa sit pro corporibus quae ordine durationis debent esse prius in medio quam ad extremum, non tamen concludit de Angelo, deberet ergo Scotus probare hunc ordinem corporibus praefixum Angelo quoque qui est ordinis superioris vt spiritualis substantia, esse datum.

Respondeo, Angelum esse in loco diffinitiuè & sic praesens est certo loco adaequato sicut corpus, differunt solum quia corpus circumscriptur à loco, non Angelus, idē cum Angelus relinquit praesentiam prioris loci non potest fieri praesens distantibus, nisi praesens prius fiat secundum substantiam locis intermediis, quia est in loco diffinitiuè & determinato indeterminatè: stante illa suppositione quod sit intra sphaeram rerum corporalium, participat legem & conditionem earum: quia necessariò semper est praesens alicui determinato loco. Ita censent Alensis 2. parte q. 31 memb. 2. Albert. in 1. dist. 37. art. 23. D. Bonauent. Richard. & alij 1. sent. dist. 37. De absoluta Dei potentia non negatur id possibile. Primo quia corpus Christi in caelo existens quotidie perducitur ad hostias consecratas, ait Becanus, & tamen non transit per medium. Secundo, quia est probabile corpora Beatorum posse transire ab extremo ad extremum sine medio, quod aliqui colligunt ex August. in lib. de cognitione verae vitae cap. 45. & alibi, vbi docet tam citò posse Beatorum transire hinc Romam, quā citò potest animus cogitatione id facere, at animus potest subitò id facere nihil cogitando de medio; ergo, &c.

Si verò loquamur de motu discreto & de extremis non distantibus sed immediatis, quae tamen habent medium quod sit aliquid extremorum, Angelus impertransito medio moueri potest ab vno ad aliud extremum, vnde potest ex linea vna facere se in aliam lineam sibi continuatam per punctum absque eo quod sit in puncto, probatur, quia hic non est motus continuus, vnde si transiret per illud punctum esset motus continuus, & diuisibilis, non diuisibilis & instantaneus; motus iste instantaneus non fit per lineam & locum continuum sed per saltum, vt ita dicam, & per locos discontinuos & discretos & est ab vno vbi ad aliud vbi.

CONCLUSIO QUARTA. Angelus potest mouere res alias à se, corpora scilicet & substantias spirituales. Primum probatur ex Scriptura Exod. 14. dicitur, *Angelus qui in columna nubis per mare rubrum Israelitas educebat, tonitrua & fulmina in Pharaonis exercitum eiaculasse & rotas currum subuertisse.* Daniel. 14. Angelus transtulit Prophetam Abacuc à Iudaea in Babylonem. Act. 8. Angelus transtulit S. Philippum à Gaza in Azotum. Probatur ratione, quia omnis creatura cognitione intellectuali praedita quae seipsam loco mouere potest, etiam alia suae potentiae motrici inferiora mouere potest, vt patet ex inductione; ergo idē dicendum de Angelo.

Secundum

Secundum, scilicet animam humanam vel Angelum inferiorem moueri posse ab Angelo superiori. Probatum ex Luc. 16. de anima Lazari in sinum Abraham delata, & Tobia 8. Raphael apprehendit demonem Asmodæum illumque alligasse dicitur in deserto superioris Ægypti, vinculo scilicet iussionis non exundi hinc.

QVOMODO MOVER? Respondent multi cum S. Thoma q. 15. de malo art. 1. & in opusc. 53. sola voluntate; nam, ut ipse docet, duæ tantum facultates sunt in Angelo, intellectus scilicet & voluntas quibus omnia operatur, sicque sola voluntate se & alia mouet.

Aduersantur alij teste Durando 1. sent. dist. 7. q. 5. à quibus stat Maldonat. in opuscul. de Ang. Primò quia anima rationalis quantum ad essentiam non minùs est immaterialis seu spiritalis, quàm Angelus; ipsa autem alias habet facultates præter intellectum & voluntatem. Nec enim sola voluntate corpus mouet quod informat.

Secundò, si corpora mouerent solo beneplacito & voluntate, cum voluntas non minùs agat in distans quàm in proxima, æquè agerent & mouerent corpora distantia quàm vicina, quod repugnat Scripturæ & experientia, ut quid enim Angelus accitus fuit è cælo ad transferendum Prophetam Abacuc in Babylonem? Daniel ultimo.

Tertiò, non conceditur Angelum posse quicquam mouere ad formam essentialem, id est aliquid viuens generare nisi per accidens applicando actiua naturalia passiuis, dato autem quodd sola voluntate moueret corpora, ea non tantum posset de loco in locum transferre, sed & ad essentialem formam transmutare, nec enim difficilius est vegetans aliquod, v. g. producere, quàm mouere de loco & transferre montes aut maxima corpora.

Quartò hoc concesso posset & homo aliqua saltem parua corpora sola voluntate mouere.

Quintò inanimata nequaquam capacia sunt iussionis, quia carent intellectu & notitia; præceptum autem moraliter tantum mouet, ex cognitione scilicet authoritatis & potentia in imperante. Inanimata ergo non possunt ad arbitrium solum Angeli moueri. 6. ex Scriptura constat Dei solius esse omnia ad nutum facere & vocare ea quæ non sunt tanquam ea quæ sunt, Roman. 4. id ergo non congruit Angelis; denique Patris reprobata fuit sententia eorum qui cælos sola voluntate assistentium intelligentiarum volui asserebant; vnde dicendum potentiam executiuam in Angelo distinguui saltem ex natura rei ab eius voluntate & volitione: quodd patet, quia executiua Angeli potest impediri ab Angelo maioris virtutis, non autem voluntas eius: detur enim quodd Angelus imbecillior velit cælum mouere ab ortu in occasum, & Angelus fortior contra nitatur, impedit executionem alterius, non volitionem: dicendum est etiam Angelum immediatè mouere cælum per potentiam executiuam, mediatè autem per suam voluntatem: patet ex distinctione allata, quia si impediretur executiua non mouerentur cæli; ergo immediatè cælos aliaque mouet Angelus per executiuam.

QVÆRES, An Angelus mouens cælum sit in determinata sui orbis parte.

Respondeo non esse necesse quodd sit supposititaliter præsens suo orbi; nam agens per voluntatem non debet necessarid adesse supposititaliter Angelus est tale agens. Item maioris est virtutis Angelus quàm lydera cælestia; hæc in maxima distantia in terram influunt, ut patet, ergo Angelus potest etiam non præsens supposititaliter, alioquin cum semper moueatur cælum, nunquam is esset in cælo Empyreæ, hoc est falsum: sufficit ergo Angelum vniri per velle suo orbi, ad hoc ut ipsum moueat, & dato quodd velit adesse substantialiter, potest seu in conuexo, seu in concauo, aut in qua voluerit parte esse, & inde mouere per voluntatem & executiuam potentiam orbem sibi commissum. Quodd autem cæli moueantur vniformiter id est in æquali tempore; nec fortius aut lentiùs maius spatium, v. g. tempore vnus horæ percurrunt; probatur ab experientia primi mobilis, ut ex horologiis solaribus deprehendi potest; causa autem huius vniformitatis est, quia Angelus vniformiter mouet non per impulsu discretu sed per volitionem continuatam; motus autem ille vniformis non impedit singulares orbium motus; vnus primi mobilis isque naturalis & localis statuitur in concauo Empyreæ verisimiliter immobiliter supra existentis, hic motus absoluitur in 24. horis, & est ab ortu ad occasum per meridiem, & ab occasu ad ortum per Septentrionem. Quodlibet aliud cælum inferius primo mobili; eietur duplici motu. Primus est raptus, scilicet ut inclusi in includente, animæ v. g. in corpore, hic non est propriè motus localis, cum non mutetur superficies. Alter est proprius & localis, quem à proprio habet Angelo, sic cristallinum ab occasu in ortum mouetur semel in 36. mille annis, firmamentum à Septentrione in Meridiem per Orientem ferè semel in 7000. annis: hunc vocant trepidationis motu, Saturnus ab occasu in ortum semel in 30. annis, Iupiter eadem viâ semel in 12. annis, Mars eodem pacto semel in 2. annis, Sol ab occasu in ortum semel in 365. diebus & 6. horis, quæ quarto quolibet anno bissextili diem integru faciunt. Venus & Mercurius eadem viâ & eodem tempore, Luna denique etiam ab occasu in ortum semel in 27. diebus & 8. horis. Hæc Beneuole Lector, non sunt de Professione fidei, non sunt autem extra, cum posita fide de Angelorum seu INVISIBILIVM existentia, non sit absque eorum potentia & actus, quantum licet ex Theologia vel aliunde nosse.

QVÆSTIO VII.

DE COGNITIONE Angelorum.

Quenam cognoscant? An seipsos? An Deum? An futura? An cordis secreta? An res supernaturales? An plura simul?

Hæc materia difficillima est, sed necessaria & pulchra, prolixius à Scholasticis tractata

tractata compendiosè & substantialiter hanc expendo.

Suppono primò intellectiōem Angeli esse accidens realiter distinctum ab eius substantia, ut docet Scot. in 1. sent. dist. 8. q. 2. & 2. sent. dist. 3. q. 8. D. Thom. q. 54. art. 1. quia ait impossibile est quòd actio Angeli vel cuiuscumque alterius creaturæ sit eius substantia; Actio enim est propriè actualitas virtutis, sicut esse est actualitas substantiæ vel essentiae; impossibile est autem, quòd aliquid, quod non est purus actus, sed aliquid habet de potentia admixtum, sit sua actualitas; quia actualitas repugnat potentialitati; solus autem Deus est actus purus; vnde in solo Deo sua substantia est suum esse & suum agere. Tum Angelus beatus potest carere visione beatifica aliisque intellectiōibus supernaturalibus, quæ proinde non sunt idem cum substantia Angeli, cumque istæ intellectiōes nobilissimæ sint superadditæ substantiæ, sintque accidentia, dici non potest quòd aliæ intellectiōes ordinis inferioris identificentur cum ipsa Angeli substantia. Adde quòd non magis identificatur intellectiō cum Angeli substantia, quàm eius volitio, hæc autem non identificatur, ut patet, quia aliàs Angeli mali essent naturaliter mali; neque dicas hinc tantum sequi aliquam volitionem non identificari cum substantia, nam si vna distinguitur ab essentia Angeli, cur non aliæ? sicque ratiocinandum de volitionibus. Item Deus potest impedire operationem Angeli suspendendo concursum suum omnibus creaturis ad actionem propriam necessariam absque eo quòd eum annihilaret, sicque Angelus in tali statu existeret & non operaretur, non cognosceret, nec posset mouere, aut quicquam operari; ergo natura distinguitur ab operatione.

Probatur ex S. Dionys. cap. 11. hierarch. cœlest. substantiæ hæc spirituales licet comparatiuè ad alias creaturas sint maxime simplices, distinctæ tamen esse possunt in substantia, virtute & operatione, quod & S. Anselm. docet lib. de conceptu Virginis, nec dicas quòd ex Philosopho lib. 2. de anima text. 37. viuere in viuentibus sit esse, & intelligere sit quoddam viuere textu 13. vnde inferas intelligere Angeli esse eius esse.

Respondeo enim quòd viuere aliquando sumitur pro ipso esse viuentis, quandoque verò per operationem vitæ, per quam demonstratur aliquid esse viuens. Hoc modo sumit Aristot. ibi enim distinguit diuersos gradus viuentium secundum diuersa opera vitæ, neque est vlla creatura, cuius actio sit eius esse; nam principia quæ ad diuersos gradus ordinantur proprios per se distinguuntur re ipsa inter se; At essentia & potentia creaturæ ordinantur per se ad diuersos actus, essentia determinatur ad vnum secundum genus & speciem, scilicet ad existentiam, potentia verò ad operationem externam vel internam, Angeli potentia ad intelligere & velle, quæ actiones de sui ratione feruntur in omne verum & omne bonum. Vnde sequitur in Angelo potentiam cognoscitiuam esse ab eius essentia seu substantia distinctam formaliter saltem & ab actionibus realiter.

Suppono secundò ex Scoto 2. sent. dist. 3.

q. 11. dari in Angelo intellectum agentem & possibilem etsi nobiliori modo quàm in homine. Intellectus agens est facultas animæ rationalis, dic & Angeli, quæ producit species & imagines quæ receptæ & abstractæ fuerunt ab obiectis materialibus; nam in obiectorum absentia format species intelligibiles, quæ vicariæ sunt obiecti, & ipsis mediantibus ad obiectorum notitiam solemus deuenire.

Intellectus possibilis est facultas spiritualis animæ, dic & Angeli receptiua specierum intelligibilium, & elicitiva intellectiōum. Postulat itaque intellectus iste ex se carere speciebus intelligibilibus, etsi fortè per accidens, eas infusus habeat. Ratio inducens Scotum ad hanc sententiam est, quia Angelus accipit cognitionem à rebus, seu vniuersalium seu singularium, vel saltem eam potest accipere, consequenter potest proficere, etsi de facto habeat species vniuersalium concreatas in intellectu suo, & idè non accipiat illas de facto à rebus, tamen si eas non haberet inditas in principio à suo creatore, posset accipere. Tum accipit cognitionem à rebus, quia accipit cognitionem singularium de nouo & rerum contingentium; nam singularia non possunt cognosci per species vniuersales, sed solum per proprias species; quia nulla species vniuersalis est ratio representatiua singularis sub ratione singularis, quod sic probatur; vnumquodque sicut se habet ad esse, sic ad cognosci, sed singulare addit aliquam entitatem supra vniuersale; ergo non potest adæquatè & secundum totam cognoscibilitatem suam cognosci per speciem vniuersalem, quomodo enim quidditatem singularium representaret, nisi illa singularia in se vel formaliter vel eminenter contineret; si formaliter, tunc actualiter esset illa omnia, si eminenter, esset perfectior hæc species vniuersalis rebus ipsis contentis, ut patet de essentia diuina respectu rerum creaturarum, sicque esset nobilior ipsamet substantia Angeli, & Angelus contineret in seipso creaturam seu accidens seipso nobilius.

Addo sententiæ Scoti Adamum & Christum præuentos fuisse & dotatos impressione generali omnium creaturarum vnita intellectui agenti; Quidni ergo Angelus habebit vtrumque intellectum, etsi rationes & imagines rerum habuerit concreatas? Scotus ergo non negat concreatas Angelo species rerum, ob quas Ezechielis 28. dicitur, *Tu Cherub signaculum similitudinis plenus sapientia & decore à die conditionis tue.* Sed dicit Angelos posse species vniuersales à rebus habere & singulares de facto intuitiua cognitione cognoscere; nam maioris perfectionis est in natura Angelica, quòd propriis viribus perfectionem quæ sibi possibilis est acquirat.

Dices, corpus non agit in spiritum, & si agit, ergo ex actione reali.

Respondeo esse duplicem actionem realem quæ sit per mutationem realem, & de hac concedo rem corpoream non posse naturaliter agere in spiritum; Alia verò est actio metaphorica & intentionalis, quæ est intelligibilis in intellectum, & de hac negatur corpus non agere in spiritum, id est in intellectum, quoniam omne ens materiale est intelligibile,

& de facto potest intelligi ab intellectu humano ; & proinde non est inconueniens intellectum Angeli abstrahere species intelligibiles à corporibus.

Dices , ergo Angelus non cognoscet distantia à se.

Respondeo non esse inconueniens Angelum non posse cognoscere cognitione intuitiua singularia quantumcunque distantia.

Dices, August. 2. sup. Genes. & 4. ait : *Quod res que sunt infra Angelum prius fuerunt in cognitione Angeli quam in proprio genere.* Ergo Angelus nunc non recipit earum notitiam.

Respondeo Augustinum intelligendum de cognitione vniuersali abstractiua vel de earum possibilitate ad existendum.

Dices, intellectus agens & patiens non distinguuntur nisi per comparisonem ad phantasmata , sed in Angelo nullum datur phantasma ; ergo nec intellectuum distinctio, nec consequenter receptio notitiæ à rebus.

Respondeo , non est necesse vt quod est modus inferiori sit etiam superiori. Tum anima separata intelligit sine phantasmatibus. S. Tho. 1. p. q. 54. 55. & 57. cenlet, quod Angelus nullam acquirit de nouo cognitionem de rebus nec vniuersalibus nec singularibus , sed quod habeat à principio cognitionem naturalem rerum totam quam habere potest , & quod intellectus eius sit semper in actu respectu eorum quæ naturaliter intelligit , & in hoc differt ab intellectu humano, qui quandoque est in actu, quandoque in potentia ; similiter obiecta naturalia intellectus Angelici non sunt prius in potentia intelligibilia , & deinde actu intellecta , quia obiectum illud naturale est quidditas immaterialis , id est species illæ vniuersales connaturales Angelis , & hac ratione negat in Angelo esse intellectum agentem & possibilem. Ratio enim ob quam agens ponitur est , vt faciat intelligibilia potentia , intelligibilia actu, ex Aristot. 3. de anima, Et ratio positionis intellectus possibilis est, quia intellectus noster quandoque est in potentia, quandoque in actu, at intellectus Angeli est semper in actu, & eius intelligibilia sunt semper actu intelligibilia.

Modus quo Angelus nouit singulare sic exponitur. Res omnes fluunt à Deo tā quoad quidditatem quā quoad principium indiuiduationis & quoad esse quod habent in propriis naturis subsistentes , & hæ omnes res fluunt à Deo in intellectum Angeli quoad cognosci. Sicut ergo Deus per suam essentiam , per quam omnia causat , est omnium similitudo , & per eam omnia nouit , non solum quantum ad naturas vniuersales , sed quantum ad singularitatem ; ita Angelus per species , quæ sunt exemplatæ ab essentia Dei cognoscit res non solum vniuersales , sed & singulares. His omnibus præsuppositis tam ex Scoti sententia quā ex mente D. Thomæ sit.

CONCLUSIO PRIMA. Angelus cognoscit seipsum per suam essentiam , non verò per vllam aliam speciem intelligibilem ; ita D. Thomas q. 56. art. 1. & Scot. in 2. dist. 3. q. 8. & 10.

Carriera in Professionem Fidei.

ratio est : Cognitio formatur in intellectu nostro vel per præsentiam obiecti , quod per sensum externum transit in intellectum mediante imagine quæ ibi efformatur , vel in absentia obiecti per speciem , quam imaginatio effingit ipsius obiecti , quæ idem repræsentat, quale erat cum proponebatur oculis. Itaque necessarium est ad intellectionem , vt res sit præsens intellectui , vel per se vel per speciem eius vicariam.

Quia autem res immaterialis & intelligibilis non indiget specie vt cognoscatur , modo præsens sit intellectui : Hinc dici potest Angelum semper seipsum intelligere , quia substantia eius est intimè præsens intellectui Angelico ; nec à sui cognitione abstinere posse sicut nec oculus non videre dum ei ponitur obiectum debitè approximatum ; sic ergo formatur argumentum , quando obiectum est per se intelligibile & per se intimè præsens intellectui , tunc intellectus non indiget specie quæ suppleat vicem obiecti , vt patet in visione beatifica , sed substantia Angeli est obiectum actu intelligibile , & est intimè præsens intellectui Angelico ; ergo intellectus Angeli non indiget specie intelligibili ad sui ipsius cognitionem intuitiuam.

Probatur ex S. Augustino lib. 9. de Trinit. cap. 9. vbi dicit : *Mentem dum seipsam intelligit ipsam solam esse parentem notitiæ suæ.* & lib. 2. sup. Genes. ad litt. cap. 8. *Angelus in sua confirmatione hoc est in illustratione veritatis cognouit seipsum.*

Dices , non videtur aliqua forma esse ratio producendi aliquid , nisi actu informet potentiam productiuam ; at essentia Angeli non informat intellectum nec ipsi inhæret , sed est ipse intellectus , qui nascitur ex ipsa substantia Angeli ; ergo substantia Angeli non potest esse principium producendi intellectionem.

Respondeo , essentiam Angeli & intellectum esse idem realiter , distinguique tantum formaliter ; idè non est necessaria præsentia obiecti per inhærentiam & informationem ; quia adest præsentia per identitatem realem : concurrunt ergo essentia præsentando se potentia & mouendo intellectum ad se intelligendum. Siquidem ex Scoto : Obiectum & intellectus sunt duæ causæ partiales intellectionis , & quando obiectum est intelligibile & est præsens intellectui , tunc causat intellectionem simul cum intellectu ; Quia autem hæc intellectio Angeli est sub ratione quæ præsens est in existentia actuali ; vocatur cognitio intuitiua ad differentiam abstractiuæ quæ fit per speciem.

Dices , si ex immaterialitate & præsentia ad intellectum sequitur cognitio ; ergo anima nostra intelliget se per suam substantiam.

Respondeo concedi de anima separata : coniuncta autem non potest , vt docet experientia , quia nemo clare & intuitiue cognoscit suam animam , sed solum abstractiue & imperfectè per effectus animæ , quos in se experitur ; & ratio luminatur ex subordinatione potentiarum animæ , quia in hoc statu nihil

Intellectus & obiectum vt duæ partiales causæ producunt intellectionem.

Duplex est intellectus : cognitio intuitiua quæ est rei præsens vt præsens, & abstractiua quæ est quidditatis, prout abstracta ab existentia actuali & singulari scilicet hic & nunc.

Cur anima immaterialis & intelligibilis existens in corpore non se per se intelligit.

Angelus cognoscit seipsum per suam essentiam nec desinit à sui ipsius notitia.

potest sine sensu interiori, & interior nihil sine exteriori. Hæc subordinatio & dependentia cessat in anima separata.

Nota cognitionem hanc Angelicam sui ipsius talem esse de facto; nam si de possibili agatur, certum est Angelum se posse cognoscere per aliquam sui speciem, cum non repugnet talem aliquam produci a Deo. Confirmatur, quia quilibet Angelus habet species infusas aliorum Angelorum, per quas eos nouit, sicut ergo Gabriel habet speciem Michaëlis, non repugnat quod & suipsum speciem habeat, & se per eam intelligat.

Angelus nūquam cessat a sua actuali cognitione.

Hinc probatur Angelum non posse cessare à sui cognitione actuali nam viuientia habent aliquam propriam operationem à qua nunquam cessant; Angelus autem non potest abstinere ab operatione vitali, adeoque debet aut se aut aliquid aliud necessarîo cognoscere, si velit, ait Scotus; Aliqui idem dicunt de omnibus rebus quas Angelus potest intelligere, quia habet species earum præsentis.

CONCLUSIO SECUNDA. Angeli ad res alias à se intelligendas indigent speciebus infusis; Tribus enim modis intelligi potest quod Angelus res creatas intelligat: nimirum aut per substantiam suam aut immediatè per ipsa obiecta intellecta, aut mediantibus quibusdam speciebus impressis earum. Primus modus non est probabilis, cum Angelus non omnia contineat virtualiter in sua substantia, quæ nouit & intelligit. Secundus refellitur, quia experienciâ constat res materiales non concurrere per se immediatè ad visionem corpoream, sed mediantibus speciebus; unde sequitur eas etiam per se non concurrere effectiue ad productionem cognitionis siue humanæ siue Angelicæ, cum hoc difficilius sit & maiorem depurationem exquirat.

Tum si Angeli paulatim & successiue species acquirerent, easque peterent ab obiectis; oporteret id fieri alterutro ex duobus modis, scilicet vel quod ipsi Angeli producerent eas ad præsentiam obiectorum, vel quod obiecta ipsa eas producerent & transmitterent ad potentiam intellectiuam Angelorum: At neutrum dici potest.

Non primum: quia antequam Angeli species illas in intellectu habeant, nullo modo res externas cognoscunt, nec possunt earum in se similitudines producere. Nec sufficit earum externa præsentia, quia hæc quoque præsentia ab ipsis cognosci non potest, nisi suppositis speciebus, quæ determinant intellectum eorum ad cognoscendum: Non enim hic par est ratio intellectus Angelici ac humani, siquidem homo cum sit corporeus facile moueri & affici potest ab obiectis corporeis præsentibus, quæ cum species suas diffundunt per medium usque ad sensus externos, mediantibus illis sensibus externis, nec non internis, mouent intellectum humanum ut à phantasmatis corporeis abstrahat species intellectuales: in Angelis autem cum sint omnino incorporei nihil tale fieri potest.

Neque etiam secundum dici potest: quia obiecta illa externa sunt ut plurimum materialia & corporea, quæ non nisi species materiales & sensibiles producere possunt; quæ proinde ad usum intellectus Angelici ineptæ

sunt, illique inherere nullatenus valent. Ergo cum Angeli species illas neque producere, neque ab obiectis recipere possint, sequitur ut illas à Deo in instanti suæ creationis acceperint.

Scotus tamen vult quod Angelus accipiat species à rebus. Ratio eius est, quia lumen Angelicum est fortius quàm lumen intellectus agentis in anima, sed istud abstrahit species intelligibiles à phantasmatis; ergo multo magis lumen intellectus Angelici poterit abstrahere species etiam à rebus sensibilibus; ergo nihil prohibet dicere quod Angelus intelligat per abstractionem specierum à rebus saltem per singularem de nouo & contingentium notitiam; Nam singularia non possunt cognosci per species vniuersales, sed solum per proprias species; Illæ autem non sunt omnes concreatæ in Angelis, quia possunt esse infinitæ; in Angelis autem infinitæ actu non possunt esse; Res verò contingentes cognosci solum possunt, quando sunt, quia antiquum sunt, possunt esse & non esse; idcirco sunt indeterminatæ neque possunt per aliquid representari: Tum Angeli proficiunt vel proficere possunt accipiendo cognitionem intuitiuam à rebus. Hæc est possibilis neque dicit imperfectionem; ergo non videtur neganda ipsis Angelis saltem de possibili dato & non expulso, quod illam non haberent de facto.

Probatur infusio specierum ex SS. Patribus Dionys. cap. 4. & 7. de diuin. nomin. ubi ait: *Angelos plenos esse formis & rationibus omnium rerum.* August. lib. 2. de gen. ad lit. cap. 8. ubi dicit: *Res omnes corporeas prius creatas fuisse in cognitione Angelorum quàm in se ipsis.* Hæc autem productio rerum in mente Angelica aliter intelligi non potest quàm secundum esse obiectiuum, per quasdam similitudines & species Angelis inditas ab initio & concreatas. Gregor. lib. 3. mor. cap. 24. & 25. Epiphani. hæresi 64. Ambros. lib. 1. de Paradiso cap. 2. & pluribus aliis, qui supra 28. Ezechielis dicunt Angelum ab initio plenum sapientia, quia species intelligibiles rerum omnium habuit.

Probatur ex consensu Theologorum, qui tenent Angelos cognoscere res creatas per species infusas, & maxime res vniuersales, loquendo de cognitione abstractiua, loquendo verò de intuitiua Scotus tenet quod Angelus accipit cognitionem à rebus, licet ergo Theologi discrepent inter se de qualitate illarum specierum, tamen conveniunt quod Angelus intelligat per species infusas, unde cum species sint in intellectu & indifferenter se habeant ad præsens & distans, consequenter Angelus cognoscit res tam à longè quàm à propinquo indifferenter, nec tamen motus Angelus ad loca, est frustra sed ad operandum in eis.

D. Thom. q. 55. art. 3. loquens de istis speciebus, dicit alias esse vniuersaliores & perfectiores in representando, alias minus vniuersales: rationem delumit à S. Dionys. cap. 12. cœlest. hierarch. *Angeli superiores participant scientiam magis in vniuersali quàm inferiores.* Vultque ita de facto esse, nam decuit ut infusio specierum fieret iuxta proportionem naturalis perfectionis Angelorum, ita ut quod vnus perfectior est alio, eò per species simpliciores

pliciores & vniuersaliores intelligat. Idque experimento notatur apud homines, alij enim acutiori pollent ingenio, quibus aliquid innotescit ad primam propositionem, & ex paucis multa capiunt; Alij autem indigere explanatione omnium, & discursus seu specierum multiplicatione; sic est in Angelis. Quod si arguas, quod cognoscitur in vniuersali imperfectius cognosci, eo quod in speciali proponitur consequenter Angelos inferiores habere inde scientiam minùs perfectam.

Respondet, quod cognoscere aliquid in vniuersali dicitur dupliciter, vno modo ex parte rei cognitæ, vt scilicet cognoscatur solum vniuersalis natura rei, & sic cognoscere aliquid in vniuersali est imperfectius; imperfectè enim cognosceret hominem, qui nosset solum de eo quod est animal. Alio modo ex parte mediij cognoscendi: & sic perfectius est cognoscere aliquid in vniuersali; perfectior enim est intellectus qui per vnum vniuersale medium potest singularia propria cognoscere, quàm qui non potest.

Scotus differt à D. Thoma; quia non vult vt per vnā speciem possit Angelus intelligere plures quidditates, sed necesse sit ponere distinctas pro differentia quidditatum, quoniam, inquit, vna non potest plures repræsentare; nam idem non potest assimilari pluribus diuersis inter se; ergo vna qualitas non potest esse similitudo, & species tam variarum naturarum; esset enim perfectionis infinitæ.

Differt etiam in eo quod ponit in Angelo cognitionem abstractiuam & intuitiuam. Ad hæc notandum species Angelis concreatas esse ex se veluti indifferentes ad repræsentandum rem vel abstractiuè vel intuitiuè, easque à rei præsentia obiectiuè determinari vt rem intuitiuè seu tanquam existentem & actu præsentem referant, aded vt licet obiectum existens non immitat nouas species aut aliter non concurrat effectiuè ad intellectionem, sit tamen conditio sine qua ipsius species non habent vim docendi intellectum in cognitionem illius intuitiuam.

Dicendum itaque est speciem alicuius quidditatis repræsentare Angelo rem vt est, si præsentem & actualement, Angeli habent cognitionem intuitiuam, sicuti is qui rosam habet præ manibus eam considerat: quando rosa perijt cognitio considerantis eam mutatur, nec est intuitiua, sed talis qualis est obiecta intellectui, rei scilicet quæ non amplius existit aut quæ futura est: dici enim nequit haberi cognitionem intuitiuam rei, quæ actu non existit, cum omnis potentia & facultas coercetur intra suos limites, nec feratur extra sphaeram sui obiecti, consequenter cum res quæ actu non est, non habeat existentiam actualement, non potest intuitiuè obijci intellectui Angelico, id est non potest figurari potentia Angelicæ per præsentiam realem & actualement.

Instabis, quomodo species Angelo infusa rei quæ crastantùm actualiter existet, est eadem hodie quæ cras? nunquid aliquid de nouo acquirit species cum actuali rei existentia? aut deperdit cum alteratione rei? hoc minimè credendum est: nam continua & perpetua modificatio facienda esset in illis speciebus,

Carriera in Professionem Fidei.

& Deus deberet eas semper mouere, alterare, & mutare, & quasi præfectus horologii rotas motus incessanter accelerare aut retardare. Satiùs ergo sit Deum indidisse speciem, quæ rem vt est repræsentat cum omnibus suis accidentibus. Hæc sufficiant de modo quo Angeli cognoscunt. Distinguo iam ea quæ norunt.

CONCLUSIO TERTIA. Angelus naturaliter cognoscit Deum, (intellige seclusa beatitudine, in qua per lumen gloriæ videt intuitiuè & indefinenter essentiam diuinam) abstractiuè ait Scotus eo scilicet modo quo naturaliter causa in effectu & prototypus in imagine cognoscitur: id facile probatur; nam ex Rom. 1. *Quod notum est Dei manifestum est illis*, supple *hominibus*. à fortiori Angelis qui potentiores sunt in cognoscendo: tum ex dictis cognoscit essentiam suam; ergo vt effectum & imaginem Dei, imò per quamlibet creaturam Deum clarè cognoscit quoad existentiam eius, vel quoad an est, sed non quoad quid est.

Triplex dicitur aliquid cognosci posse. Primò per suam essentiam siue præsentiam, sicut si lux videatur in oculo. Secundò per eius speciem ab eo acceptam, vt cum videtur lapis. Tertiò per eius similitudinem ab alio in quo resultat acceptam, vt cum homo videtur in speculo: primæ cognitioni assimilatur cognitio, quam beati habent videntes Deum per essentiam. Tertiæ ea, quam viatores habent de Deo per creaturas, in quibus relucet. Secundæ verd, cognitio quam Angeli naturaliter habent, videntes enim propriam substantiam, quæ est quædam imago Dei ipsis impressa, per illam assurgunt in cognitionem Dei.

INDIVIDUA omnia Angelorum cognoscit, de his enim habet inditas species. Probatur ex Scriptura Isai 6. *Seraphim clamabant alter ad alterum*. Daniel 10. Angelus custos Iudæorum dicit custodem Persarum sibi 21. diebus restitisse & Michaëlem Archangelum sibi in adiutorium venisse. Deinde nisi Angeli mutuo se cognoscerent, nulla inter eos societas, nullus ordo stare posset. Scotus vult quod & intuitiuè cognoscatur per præsentiam quando non distat vnus ab alio, quia quando obiectum est de se intelligibile & sufficienter præsens intellectui, tunc obiectum potest intelligi sine specie. Consentit Molina quæst. 56. art. 2.

FUTURA quæ à libero Dei vel hominis arbitrio pendent, seu contingenter futura non nouit Angelus naturaliter, saltem certò; Est de fide cum sacra Scriptura manifestè dicat eiusmodi futurorum cognitionem solius Dei propriam esse. Isai 41. *Annunciate nobis quæ futura sunt in futurum & sciemus quia Dixeritis*. 2. Petri 1. *Non humana voluntate allata est prophetia sed Spiritu Sancto inspirati locuti sunt Sancti Dei homines*.

Probatnr ex SS. Patribus Chrysost. hom. 18. in Ioan. *Certa prædictio futurorum immortalis dumtaxat Dei opus est*. Tertull. in apolog. c. 20. dicit: *Idoneum diuinitatis testimonium esse veritatem diuinationis*. Et passim SS. Patres ex eo probant fidei nostræ mysteria vera esse & à Deo testata; quia fuerunt ante prædicta: ita Iustin. in apolog. 2. ad Antonin. S. August. lib. de catechizandis rudibus cap. 26. & plures alij.

11h 2

Probatur

Probatum ratione; quia operationes ex libertate futuræ non possunt cognosci in suis causis, cum hæc sint indifferentes ad utramlibet: neque in seipsis, quia res quæ nondum existit intellectu attingere, eamque ut aliquando erit cognoscere, hoc proprium est intellectus infiniti & æterni, qui suo obtutu potest antevertere omnes temporum differentias. Tum si Angelus non potest liberas cogitationes alterius cognoscere, multò minùs libera Dei decreta circa res futuras; sic Paul. 1. Corinth. 2. ait: *Quæ sunt hominis nemo novit nisi spiritus hominis qui in ipso est, ita etiam quæ sunt Dei nemo novit nisi spiritus Dei.*

Dices, Angelus habet species concreatas futurorum contingentium, quare ergo non poterit ea cognoscere?

Respondeo, quia sunt obscuræ & non repræsentant Angelo ut hæc & nunc & pro tali tempore futura, sed tantum simpliciter & abstractè ut sunt possibilia, & hinc est quod dæmones fortuito tantum quædam prænuntiant, quæ potius divinant quàm sciunt. Et sæpè mentiti sunt vel locuti ambigüe, ut fraudem & ignorantiam occultarent; vel ut ait August. de gen. ad litt. nonnunquam à Sanctis Angelis ediscunt aliqua, iussu enim Dei revelantis, boni quæ vident in verbo ipsamet communicant malis: vel dæmones aliquando prænuntiant quæ ipsi permittente Deo facturi sunt; sic potuit Sathan futuram calamitatem beati Iob prænunciare, statim atque ipsi facultas eam infligendi à Deo concessa est. Quo prædictionis genere sæpè numero Gentiles delusi sunt, vel prænuntiant aliqua, quia per certas coniecturas ea cognoscebant: quod & homines aliquando faciunt; longè tamen perfectiùs dæmones, idque tum propter diuturnum usum & continuam rerum experientiam; tum propter acrimoniam & perspicacitatem ingenij, quæ circumstantias omnes ad cuiusvis statum pertinentes, naturales item dispositiones uniuscuiusque; ita ut quo quisque ingenio quibus moribus præditus sit, quæ in dolores eius & propensio naturalis perfectissimè cognoscunt. Scotus respondet futura contingentia non cognosci, quia conditiones contingentes non possunt repræsentari per species; idèd cognoscuntur ab Angelo intuitivè tantum, quando sunt actu, non quatenus sunt futura.

QUÆRES, cur Angeli potius præterita cognoscant quàm futura, cum illa non magis quàm ista existant, ac proinde species ipsis inditæ non magis videantur posse illa repræsentare, quàm ista.

Respondeo speciem intelligibilem Angeli modificari, & quasi determinari per actualem existentiam rei præsentis, ut possit deinceps illam etiam præteritam repræsentare, vel dico voluisse Deum species illas quas Angelis impressit eius esse conditionis, ut non possent res futuras merè contingentes, quamdiu futuræ sunt, repræsentare: sed tantum præsentis vel præteritis.

Dices, sicut aliquid dicitur secundum tempus, ita secundum locum; sed Angeli cognoscunt distantia secundum locum;

ergo & distantia secundum tempus futurum.

Respondeo quodd distantia secundum locum sunt in rerum natura, & participant aliquam speciem, cuius est similitudo in Angelo, quodd non est verum de futuris & idèd non est simile.

Instabis, præsens, præteritum, & futurum sunt differentia temporis, sed intellectus Angeli est supra tempus: parificatur enim intelligentia æternitati, id est ævo, ut dicitur in lib. de causis proposit. 2. ergo quantum ad intellectum Angeli temporis differentia sunt indifferentes, sicque indifferenter novit præteritum, præsens, & futurum.

Responso peti potest ex modificatione dicta specierum, licet autem intellectus Angeli sit supra tempus, quo corporales motus mensurantur: est tamen in intellectu Angeli tempus secundum successionem pro conceptione intelligibilem; nam ex August. de gen. ad litt. cap. 20. *Deus movet creaturam spirituales per tempus.* Et ita cum sit successio in intellectu Angeli, non omnia quæ aguntur per totum tempus, sunt ei præsentia.

COGITATIONES cordis humani vel Angeli, seu secreta, nò certò intelligi ab Angelo nisi de consensu eius qui voluntariè eas concepit, communis est Thomistarum opinio, quia quod proprium est Dei non convenit Angelo sed cognoscere cordis secreta & affectus voluntatis est Dei solius, ut notat Scriptura 2. Paralip. cap. 6. *Tu solus nosti corda filiorum hominum.* Ierem. 17. *Praevium est cor hominis & inscrutabile, quis cognoscat illud! Ego Dominus.* 3. Reg. cap. 8. *Solus Deus est scrutator cordium.* Psal. 138. *Intellexisti cogitationes meas de longe.* Act. 1. Rom. 8. Tum quia voluntas Angelica & humana soli Deo subiecta est, & ab eo solo dependet; ergo liberi actus voluntatis soli Deo debent esse noti. Adde quodd SS. Patres docent præcipuum testimonium divinitatis Christi fuisse, quodd cognoverit cogitationes Phariseorum, non modo futuras sed etiam præsentis. Hilar. in Psal. 139. *Cogitationes cordis nosse non nostrum est, sed eius de quo dictum est scrutans corda & reus Deus.* Chrysost. homil. 24. in Ioan. *Qua in corde hominum insunt, solus est Dei qui singulatim corda sinxit.* Cyrill. Alex. lib. 2. in Ioann. loquens de Nathanaële qui Christum Dei filium confessus est: *Non erat, inquit, solum Deum esse scrutatorem cordium, nec ulli alteri mentem hominis patere.* August. serm. 234. de tempore, loquens de Iob, *Colebat, inquit, Deum, faciebat elemosynas: & quo corde faciebat, nemo sciebat, nec diabolus sed solus Deus.* Hieronym. in Psal. 16. vers. 10. *Diabolus, inquit, nescit quid intrinsecus in anima cogitet homo, nisi per exteriora motus intelligat.* Assentiuntur Bonavent. Alensis. Richard. alique. D. Thomas requirit consensum, quia supponit haberi in Angelo species concreatas rerum naturalium, quo in genere est cogitatio, est enim ens naturale uti & substantia Angeli; consequenter est obiectum ex se intelligibile uti immateriale, & intellectus per speciem sufficienter est illuminatus. Sed ex defectu consensus, obiectum hoc dicit esse improporionatum, qui licet non augeat vim intelligendi facit obiectum proportionatum intellectui alterius. Et per dissensum occultat.

Scotus

Scotus in 2. dist. 9. q. 2. tenet, quodd naturaliter Angelus potest cognoscere secreta cordium, siue per ea intelligamus cogitationes mentis prout proueniunt à voluntate, siue affectiones & volitiones voluntatis; quocumque enim modo accipiantur sunt entia realia & consequenter intelligibilia per se. Idem dic de mysteriis gratiæ quæ posita sunt in esse, vt sunt Incarnatio, Virginitas Deiparæ, Corpus Christi in Sacramento, & alia; ratio est eadem, quia ex quo posita sunt in esse sunt entia intelligibilia naturaliter; hoc habet Scot. in 4. dist. 46. q. 4. ad 2. Vnde cum essentia Angeli sit maximè intima ipsi Angelo nec possit illam occultare intellectui alterius, neque cogitationes poterit abscondere.

At quid dicetur ad scripturam & Patres citatos? Respondent Maior. Gabriel, Bassolis, hæc solum concludere Deum de facto cognoscere secreta cordium, non autem de possibili & quoad vim naturalem Angeli, & dicunt quodd licet Angelus possit naturaliter nosse secreta cordium, tamen de facto impeditur à Deo ne illa cognoscat, nam etsi creatura habeat omnia requisita ad aliquid faciendum quantum est ex se, tamen non efficit illud quia requiritur aliquid extrinsecum ad effectum illum ponendum in esse, quod quidem quia deficit non potest operari: idè quia ad omnem operationem naturalem requiritur concursus vniuersalis Dei si aliquando illum negat, operatio non ponetur in esse. Est ergo secretum Angeli vel hominis non sit supra naturalem facultatem intelligendi cuiuslibet Angeli, Deus tamen ob suauem suæ prouidentię dispositionem non vult cum illo ad cognitionem concurrere, nisi quando homo vel Angelus consentit vt pateat. At inquires quare Deus negabit concursum suum generalem ad huiusmodi operationem naturalem, cum ad nullam aliam neget? continuum ne circa illam miraculum faciet? quomodo saluari poterit signum diuinitatis? quomodo mutua locutio & manifestatio Angelorum erit? Respondeo, ordinem talem à Deo stabilitum in hac parte saluare hæc omnia, maioraque inconuenientia resultare ex contraria opinione: retundi enim oportet facultatem naturalem Angeli habentis ex se omnia requisita ad intelligendum, quomodo enim intelligit essentiam ipsam & indiuiduum Angeli, & cogitationem aliquam eius non capit? nunquid vitrumque sub rerum naturalium genere continetur? Scio Caietanum discriminare entia, in naturalia, & supernaturalis ordinis illiusque ponere essentias rerum vt intellectum & voluntatem Angeli & substantiam eius, istius verò effectus liberos seu voluntates & cogitationes Angeli soli Deo suppositos & non Angelo, nisi cum conditione quodd exerens tales actus consentiat vt pateant, quia ex se sunt ordinis supernaturalis. Sed insto, quomodo quod est vnius generis mutatur per relationem rationis superuenientem consensus scilicet, ad aliud genus, cum esse essentiale sit absolutum & maneat semper idem ex se, nec possit fieri alterius generis nisi mutetur essentia eius.

EFFECTVS SUPERNATURALES non potest Angelus naturali virtute intueri, quia sunt ordinis superioris. Nota ergo mysteria

creata, (ne Trinitatem includas) esse duplicia, quædam sunt tantum supernaturalia in productione: vt visus cæco restitutus: natura humana per resurrectionem producta, vinum ex aqua factum in Cana Galileæ. Quædam sunt etiam supernaturalia in termino, vel quia res quæ sit est supernaturalis in sua entitate vt Incarnatio, gratia, habitus fidei, spei, charitatis, vel quia in re facta, est tantum modus quidam supernaturalis, vt existentia Corporis Christi in Eucharistia, & accidentium sine subiecto. Prima nouit vt naturalia in entitate, nouit enim Deum esse omnipotentem, nouit non inuolui contradictionem in effectu, videt mutationem factam, mortuum v. g. nunc viuere, &c. Illa autem quæ sunt supernaturalia in termino non potest Angelus naturali virtute clare & distinctè intueri, quia sunt superioris ordinis à lumine eius naturali, nam species naturales non repræsentant effectus supernaturales prout in se sunt. Tum dæmon virtute naturali posset videre in homine gratiam & habitus infusos, quodd est contra August. lib. 12. de gen. ad litt. cap. 17. vbi dicit dæmonem non tentaturum homines si in illis videret internam speciem virtutum; & adducit exemplum Iob cuius mirabilem patientiam si potuisset cernere, non fuisset eum aggressus, quia non voluisset ab eo superari.

Dices, substantia Angelica est perfectior donis supernaturalibus, gratia, fide, habitibus, quæ mera sunt accidentia non substantia, Angelus autem eam nouit, si potest nosse maius vt quid non minus?

Respondeo substantiam esse nobiliorem in genere entis, sed intra ordinem naturalium, accidentia præfata esse in ordine supernaturalium, sicque extra sphaeram cognitionis naturalis Angeli: diuersitas ordinis, & diuersitas rationis infirmant Axioma præfatum; homo enim ratiocinari potest, quod est maius, non tamen volare potest, quodd est minus. Hæc dicta sunt de Angelo in puris naturalibus.

Dices ex Scot. in 4. dist. 10. q. 8. & dist. 46. q. 4. mysteria postquam posita sunt in esse sunt entia naturaliter intelligibilia, & consequenter à quocumque intellectu proportionato possunt intelligi.

Respondent Thomistæ ea esse ex propria natura occulta & fundamentum occultationis esse, quia proueniunt ex principio libero seu à voluntate libera Dei, propter quod sunt supernaturalis ordinis, idque dicitur supponendo quod Angelus accipiat cognitionem à rebus, quodd si Angelus dicatur intelligere solum per species inditas quæ res & circumstantias earum necnon & finem ob quem factæ sunt repræsentent, dic species seu lumen naturale inditum non extendi ad notitiam mysteriorum, sed requiri species quæ sint altioris ordinis statui gratiæ connexas quæ dæmoni non dantur, qui de iis cognoscit tantum quantum Deo placet.

Respondebit Scotus, Angelum hæc omnia nosse, quia actiuo & passiuo naturaliter proportionatis & approximatis sequitur actio; omne autem ens in actu est intelligibile actualiter, estque etiam sufficienter præsens intel-

lectui Angeli qui vult ea intelligere. Vide Be-
can. q. 12. multa distinguendum in mysteriis.

PLURA SIMUL cognoscere potest Angelus,
sic censet Scotus 2. sent. dist. 3. q. 2. §. re-
spondeo primò, ibi enim aperte ait quòd plu-
res intellectiones distinctæ non possunt esse
simul in intellectu, vbi cum non neget abso-
lutè plures intellectiones posse esse simul in
eodem intellectu, sed plures distinctas, vi-
detur concedere posse inesse plures confusas
easque per modum plurium, quia vnaquæque
intellectio tendit in suum obiectum tanquam
in terminum à quo distinguitur.

Probatur, quia intellectus beati simul ha-
bet cognitionem essentia diuinæ & rerum in
essentia eadem, cognoscit etiam res in proprio
genere. Item Angelus cognoscit se per suam
essentiam & simul alias res representatas per
species sibi concreatas.

Præterea sensus plura simul cognoscit per
modum plurium, vt patet de sensu visus, qui
simul videt plures homines, plura animalia,
& alias res simul cum pluribus hominibus, &
istæ sunt diuersæ visiones, quia sunt de diuer-
sis obiectis distinctis & non ordinatis ad in-
nicem. Item tactus simul apprehendit plures
qualitates, vt dulce & calidum, & auditus
plures sonos qui tamen non sunt inter se ordi-
nati sed omnino distincti: At sensus est po-
tentia inferior & imperfectior quàm intelle-
ctus: ergo si illud competit sensui, multò ma-
gis competere potest intellectui.

Dices, si intellectus creatus potest plura
simul intelligere vt plura, nulla erit diffe-
rentia inter Deum & creaturam, quia etiam
Deus intelligit plura vt plura vnicò actu.

Respondeo, quòd multiplex est differentia.
Primò quia Deus omnia & infinita vnicò actu
intelligit, creatura non intelligit infinita sed
aliqua tantum. Secundò Deus omnia illa di-
stinctè videt, creatura vnum distinctè alia con-
fusè, & quo plura, magis confusè. Tertiò crea-
tura cognoscit hæc cum mutatione, Deus vni-
cò actu immutabili, præterita, præsentia & fu-
tura, necessaria & contingentia. Ad cæteras
obiectiones quæ probarent intellectum, non
posse habere plures intellectiones vel cogita-
tione simul. Respondetur quod concludunt de
cognitione distincta non de confusa, qualem
tantum admitto dum intellectus plura per
modum plurium cognoscit.

QVÆSTIO VIII.

DE LOCUTIONE Angelorum & Illuminatione.

*An discurrant, & quomodo offerunt
Deo preces nostras?*

LOqui nihil aliud est quàm manifestare al-
teri cogitationem suam, aut voluntatem,
seu conceptum mentis & effectum voluntatis.
Quod homines mutuo faciunt per vsum vocis
& loquelæ receptæ inter eos tanquam signum
certum & euident conceptus interni.

Certè Respublica Angelorum longè infe-
rior esset humana si nulla esset inter eos com-
municatio & commercium seu conuersatio,
quæ tantum haberi potest per communicatio-
nem conceptuum. Non leuis tamen est diffi-
cultas scire quomodo fiat hæc manifestatio
seu locutio quam dari inter eos constat ex Scri-
pturis. Isai 6. *Duo Seraphim clamabant alter ad
alterum.* Apoc. 7. *Clamauit vnus Angelum ad
alios quatuor Angelos.* Zachar. 2. *Angelum qui
loquebatur in me egrediebatur & alius ingredie-
diebatur.* Constat & ex his Pauli verbis, 1.
Cor. 13. *Si lingua hominum loquar & Angelo-
rum.* Quibus cum Angelorum linguæ ab hu-
manis distinguantur, significatur Angelos ali-
quo modo inter se loqui posse quo non pos-
sunt homines: qui proinde alius non est quam
spiritalis, quem Pauli locum exponens Theo-
phylactus in 1. ad Cor. 10. *Angelis,* inquit,
*lingua est intellectiva, vis nimirum illa qua sibi
mutuo diuinarum rerum intellectum ac diuina
cogitationes impertiunt.* & Damascen. lib. 2. de
fide cap. 3. *Non lingua,* inquit, *neque auribus
opus habent, verum circa sermonis adminicu-
lum cogitationes suas atque consilia inter se com-
municant.* Nobiscum agentes Angeli corpo-
reis vtuntur vocibus, per collisionem aëris in
assumptis corporibus voces humanas imitan-
do. At inter ipsos spiritus res tota spiritalis
est & sine corpore.

Nota circa locutionem istam vnum esse cer-
tum & aliud controuerti. Certum est ad locu-
tionem requiri, vt qui loquitur alteri dirigat
ad eum verbum: siquidem aliud est dicere
apud te & aliud loqui alteri, nam vt aliquis
apud se dicat, satis est si apud se verbum &
conceptum producat, vt verò alteri dicat ne-
cessè est vt conceptum suum ad eum dirigat,
cùmque ita exponat vt ab eo percipi velit: ali-
ter ficta & frustranea esset locutio, vt dum quis
alloquitur inanimata, imò licet qui dicit per-
cipiatur ab alio, potest asserere se non loqui
illi si ad eum verbum suum non ordinet.

Difficultas est in modo. Multi putant fieri
per solum consensum, non verò per aliquam
efficientiam. Nam eo ipso quod vnus Angelus
contentus est vt alter sciat cogitationes suas,
dicitur eas illi manifestare, nihil physicè effi-
ciendo circa illum.

Alij putant fieri per signa quædam spiri-
tualia quæ Angelus loquens imprimit in in-
tellectu audientis & quæ immediatè represen-
tant seipsa intellectui audientis, mediatè ve-
rò res significatas nempe cogitationes loquen-
tis non intuitiue, neque formaliter sed quasi
instrumentaliter ad eum modum quo voces
sensibiles representant conceptus.

Alij putant fieri per aliqua signa sensibilia
quæ Angelus loquens facit in aliquo corpore.
Alij denique per hoc quod Angelus loquens
producat propriam speciem suæ cognitionis
in intellectu alterius. Thomistæ dicunt Ange-
lum alteri loqui dirigendo & ordinando con-
ceptum suum ad illum per actum voluntatis id
est volendo vt alter Angelus conceptum illum
suum cognoscat: sicque locutionem Angeli
nihil aliud esse quàm conceptum illius liberè
ordinatum & directum ad alterum. Directio-
nem verò illam voluntariam & liberam esse
veluti linguam, seu conditionem sine qua
Angeli

Angeli vnus cogitatio seu conceptus alteri innoscere non potest. Intelligentia autem quæ ex illa ordinatione suboritur in intellectu Angeli audientis est ipsa auditio; volunt itaque Angelum loquentem nihil causare in audiente, sed tantum in seipso exprimere conceptum & postea ordinare ad alterum. Caietan. Capreol. Alensis & Bonauent. sunt istius opinionis quæ dicitur etiam D. Thomæ 1. p. q. 107. & quæst. 9. de veritate. Fundamentum huius conclusionis est. Quod facit sicut localis in corporibus, id facit ordo in spiritualibus; ergo sicut forma corporalis præsens subiecto disposito si sit sufficiens perficit non solum proprium subiectum, sed aliud. Ita forma spiritualis ordinata ad subiectum, si sit sufficiens non solum potest perficere proprium subiectum sed & alterum, forma autem intelligibilis talis est, ergo potest perficere intellectum Angeli loquentis & audientis. Caietanus confirmat sic; hæc ipso quod secretum cordis voluntate eius cuius est, ordinatur ad alterum, sola voluntatis illius ordinatione, est in numero eorum quæ ad alterum Angelum pertinent, sed quilibet Angelus potest intelligere omnia pertinentia ad se, ergo sola ordinatio seu voluntas alterius facit rem intelligibilem ab alio.

Contra. Omnis res in seipsa non mutata eodem modo comparatur cum illa nunc & antea, sed ex hac opinione, conceptus Angeli loquentis eodem modo se habet in se & in intellectu, tam Angeli loquentis quam aua audientis in locutione & ante locutionem; ergo si prius non audiebatur ab Angelo audiente, neque postea audietur. Similiter si Angelus prius non loquebatur, neque postea dicendus est loqui, quia nec in eius intellectu, neque in re vlla facta est mutatio; non potest autem transire ab vno contradictorio ad contradictorium nulla facta mutatione in extremis, si enim hæc vera est Petrus currit, deinde hæc alia Petrus non currit necessarium est quod in Petro facta fuerit aliqua mutatio.

Respondebis factam esse mutationem, quia aduenit nouus respectus, scilicet ordo conceptus ad intellectum audientis factus per voluntatem loquentis.

Contra. Ordo iste est respectus extrinsecus, qui nullam dicit mutationem in intellectu Angeli loquentis nec audientis, sed tantum dicit mutationem in voluntate. Ergo intellectus propter hunc respectum non potest fieri de non loquente loquens, requiritur enim mutatio in intellectu ad hoc vt transeat ad contradictorium.

Hinc soluitur Caietani exemplum, si enim nulla est facta mutatio circa rem ipsam seu secretum conceptum, ipse non potest fieri de numero eorum quæ pertinent ad intellectum alterius Angeli loquentis vel audientis: sic respondetur ad rationem de situ appropriato ad ordinem.

Tum hæc opinio non saluat locutionem veram, nam vera sit per actum intellectus non voluntatis, tum necessarium debet fieri cum causatione aliqua in audiente, quia auditio est passio, & passio non potest esse sine aliqua receptione in passio; Ergo locutio fit per aliquem effectum productum in recipiente.

Scotus in audib. quæst. 2. tenet quod lo-

cutio vnus Angeli ad alterum fit per productionem intellectionis & conceptus loquentis in intellectu audientis, vnde illa intellectionis quatenus exprimitur ab Angelo loquente & in alterius intellectu imprimitur species intuitiua representans actum interiorem est locutio, quatenus recipitur in intellectu audientis tunc passiuè dicitur auditio: probatur, nam si dicamus fieri per simplicem expressionem conceptus quem Angelus habet in seipso tanquam in libro aperto, sequitur quod vni loquens loquitur & alteri seu omnibus; nam ille conceptus patet æqualiter omnibus, ergo exprimens illum loquitur æqualiter omnibus. Secundò illuminatio est specialis locutio, vt in illuminatione dum Deus illuminat Angelum Deus in seipso nihil causat sed in intellectu Angeli illuminati; ergo idem fit in illuminationibus inferioribus & idem in locutione.

Hinc sequitur magnam esse differentiam inter nostram & Angelorum locutionem; quia quando ego alteri loquor, tunc alter non videt meum internum actum intuitiue & in se, sed solum in voce, tanquam in signo, ac proinde non certo scit hunc esse meum actum internum qui per vocem significatur, sed solum credit mihi dicenti. At quando Angelus loquitur Angelo, tunc alter alterius actum internum clare intuetur sicut est in se, & proinde non credit tantum sed certo & euidenter cognoscit.

Hinc vltius sequitur nos posse mentiri & decipere alios quando illis loquimur, quod Angeli non possunt facere; & ratio est quia quando ego loquor, tunc alter non videt meum conceptum internum vt in se est sed quatenus voce exprimitur, possum autem exprimere aliquem conceptum qui non est in intellectu meo, & sic decipiam alium; hoc Angelus facere non potest qui non imprimit alteri speciem intelligibilem nisi sui actus in eo existentis. Probatur præterea conclusio quando aliquid est in actu primo sufficienter respectu alicuius effectus potest causare illum effectum in receptiuo proportionato approximato; at talis est intellectus Angeli audientis, ergo loquens potest illum producere in intellectu audientis: Maior est clara, quia hæc est proportio actiui & passiuæ in communi, quod actiuum sufficiens agat in passum proportionatum & approximatum: Minor probatur quia Angelus habens obiectum præsens intellectui suo, in se, vel per speciem est sufficienter in actu primo ad producendam intellectionem de illo obiecto in quocumque receptiuo, nam habet omnia ad actum primum: Receptiuum autem est audiens qui est eiusdem rationis cum intellectu loquentis, nec distantia impedit, quia essentia cogniti seu loquentis est apta nata mouere & producere intellectionem de se in intellectu intuentis; ergo si in illo intuitiue cognito ponatur intelligibile natum gignere aliquam notitiam poterit actu gignere, hoc autem est intellectionis loquentis.

QVÆRES, Quid causetur in intellectu audientis.

Respondeo quod loquens potest causare actum tantum auditionis & non speciem intellectionis vel actum & speciem simul vel speciem

Locutio Angelica est impressio speciei actus interni loquentis in intellectu audientis, vnde patet Angelum loquentem mentiri non posse, quia sunt proprii mentis actus manifesti. At homo mentitur, quia vult quæ est tantum signum actus interni, vultus & audiens percipit tantum signum & mentem non videt.

ciem tantum. Primum fit si Angelus loquatur de obiecto noto audienti; nam cum iam habeat speciem de eo, dicendum est non causari nouam, ut quid enim in eodem intellectu essent duæ species de eodem obiecto? Secundum fit quando de re ignota audienti loquitur, & probatur, quia loquens est sufficienter in actu primo quoad utrumque, de specie patet, nam quælibet vel una species intelligibilis potest causare aliam sibi similem, sicut sensibilis aliam sensibilem in medio. De actu probatur, quia sicut species existens in loquente causat intellectionem ita & in audiente. Tertium scilicet solam speciem obiecti & non actum, scilicet quando inferior loquitur superiori circa intellectionem aliam occupato; nam cum inferior non possit superiorem à sua locutione impedire, nec suam intellectionem possit simul causare, (nam duæ locutiones non possunt simul esse in eodem) sequitur, quod si quid causetur erit tantum species obiecti, non actus, v.g. si quis loquitur alteri nimis occupato alibi, vel studio distracto, ita quoddam vocis sonum percipiat, sed tamen non distinctè, percipiet tantum speciem sensibilem non locutionem, ita eueniet in Angelo occupato cui inferior loqueretur.

Hæc omnia sunt de naturali Angelorum cognitione, nullo modo de beata, nam prætermittitur cognitione rerum quam habent in Verbo, quatuor adhuc modis Angelus potest intelligere naturaliter rem aliquam. Primo intuendo rem in seipsa. Secundo intuendo eam in intellectu Angeli eam cognoscentis. Tertio abstractiue per speciem concreatam vel acquisitam, & nulla istarum cognitionum dicitur auditio in ipso Angelo ista sic cognoscente, quia hæc non habetur per expressionem ab aliquo Angelo loquente, sed ex obiecto & intellectu Angeli, à quo omnis intellectio fit, causatur. Quarto ergo modo Angelus potest intelligere rem, ita quod intellectio fiat in eo per intellectum alium exprimentem & intellectus istius respectu actus nullam causalitatem habeat sed tantum sit passivus: illa cognitio sola est auditio, aliæ cognitiones sunt potius visiones causatæ ab obiectis.

QVÆRES, Vtrum Angelus possit loqui alteri quantumcunque distanti?

Aliqui cum D. Bonauent. restringunt facultatem Angeli loquentis & audientis intra actiuitatis sphaeram, ut v.g. in eadem ciuitate aut prouincia: sicut enim Deus est vbique propter suam immensitatem, ita Angelus potest esse in amplo loco propter suam perfectionem. Quoddam autem non possit loqui nec audiri extra, inde est quia ethi locutio Angelica sit operatio spiritalis, tamen est finita, tum in se, tum ratione virtutis à qua provenit; omnis autem virtus finita requirit distantiam proportionatam & determinatam, & consequenter non potest protendi in quantumcunque distantem Angelum, neque illa locutio potest esse quantumcunque protensa quia sic potest esse infinita. Ad hæc non respondeo, quia rationabilem hanc habeo sententiam, nam si substantia Angeli est in determinato loco, cur eius operatio prætergreditur limites determinatos?

D. Thomas & Scotus tenent distantiam lo-

calem nihil conferre vel prodesse ad locutionem Angelorum, ideo ita posse loqui Angelo propinquo quam distanti. Ratio D. Thomæ, quia spiritale abstrahit à loco & tempore quæ sunt corporalia, corporale autem nihil efficit in spiritale: sed ratio ista licet sit vera, non tamen declarat exactè quomodo ista distantia non impediat, cum nihil possit agere in distans nisi prius agat in medium. Vnde licet actio ista sit spiritalis, tamen videtur hæc lege & ipsa concludi, quod agens non potest agere in extremum distans nisi quoque agat in medium, & confirmatur ex 7. physic. text. 7. mouens & motum sunt simul & 2. de anima text. 74. vbi Aristot. ait; quod si daretur vacuum, nihil videretur, quia species visibilis non posset pertingere ad oculum; & istæ rationes videntur concludere etiam de actione spiritali, quia non est intelligibile quomodo vnum agens spirituale possit agere in passum spirituale, nisi sit illi proximum & coniunctum. Distantia ergo localis videtur posse impedire hanc rationem locutionis licet spiritalis.

Scotus in 2. dist. 9. q. 2. hanc assertit rationem pro sua assertionem. Ratio propter quam agens non potest agere in extremum nisi prius agat in medium, provenit ex duplici causa. Prima est, quia medium est eiusdem rationis cum termino; nam tunc actio prius recipitur naturaliter in medio, quam in extremo, quia medium est passum propinquius, quam extremum; quando autem sunt duo passa proportionata respectu alicuius agentis, & vnum est propinquius agenti quam alterum, actio prius recipitur in passo propinquiori quam in remoto, saltem prioritate naturæ. Exemplum, ut quando sol illuminat partes medij, prius enim natura, licet non tempore, illuminat partes sibi propinquiores, deinde remotiores.

Alia causa est, quia agens habet duas formas actiuas, quarum una est naturaliter prior aliâ & agens illud secundum formam priorem est natum agere in medium, & per secundam in extremum. Exemplum, ut quando sol generat mineram in visceribus terræ, vel vermem in terra; nam sol tunc prius naturaliter illuminat medium, deinde generat in terra vermem & in visceribus terræ mineram; prius enim naturaliter habet illuminare medium, deinde producere hos effectus in terra, quando autem neutra causa intercedit, scilicet quod nec medium est receptivum eiusdem actionis cum termino, neque agens habet aliam formam actiuam realiter vel virtualiter per quam sit natum agere in medium actione alterius rationis ab actione in terminum, tunc nullo modo actio in medium præcedit naturaliter actionem in terminum.

Ad propositum, medium quod intercedit inter Angelum loquentem alteri distanti, non est receptivum actionis eiusdem rationis cum actione quæ recipitur in Angelo audiente, quia illud est corporale, actio verò est spiritalis: intellectio enim & cognitio non fit medio corpore, neque nata est recipi in corpore, cum ex Aristot. intelligere sit actio incorporea & inorganica, neque Angelus loquens habeat aliam formam per quam possit operari aliqua operatione quæ sit præuia illi operationi quæ est locutio, quæ recipi debeat in medio, quia locutio

locutio immediatè provenit ab intellectu qui est essentialiter idem cum Angelo, neque habet Angelus aliam formam operativam nisi voluntatem quæ posterius operatur, quod si in eo admittatur executiva distincta à voluntate, hæc est posterior operatione emanante ab intellectu. Ergo ex his deducitur distantiam localem nihil impedire hanc locutionem.

Scotus affert exemplum, ponendo hoc impossibile, quod Deus non esset ubique per essentiam, esset tamen Deus omnipotens ita quod posset quodcumque creabile creare & in quovis loco ubi vellet, tunc essentia Dei non esset præsens visceribus terræ neque centro & tamen posset causare immediatè sine creare in visceribus vel centro terræ, & tamen operaretur in extremum distans à seipso, absque eo quod operaretur aliquid in medio eiusdem vel alterius rationis; ergo distantia localis non impediret hanc actionem. Ergo distantia localis non impedit eo quia agens in extremum necessarid prius agat in medium quàm in extremum.

Ad immediationem requisitam agentis ad passum.

Respondeo sufficere in spiritualibus præsentiam virtutis & potentia, qua substantia Angeli loquentis mediante intellectu, habet virtutem operandi & extendendi suam potentiam ad Angelum, quantumcunque distantem distantia locali. Ex quo apparet quod distantia & medium corporale se habet tanquam indistantia & non medium.

QVÆRES, An Angelus possit loqui uni & non alteri, & absque eo quod audiat ab alio.

Primum ex præcedentibus elicitur, nam naturale productivum intellectus est subiectum imperio voluntatis, idè pertinet ad voluntatem Angeli determinare ut agat in hunc intellectum & non in alium.

QVÆRES, Quot Angelos simul alloqui potest unus.

Respondeo quod cum Angelus proportionaliter se habeat in causando intellectiones in seipso & in intellectibus aliorum Angelorum, dicendum tot posse alloqui quot intellectiones in se causare potest, id est ex dictis unam tantum distinctam plures autem confusas, consequenter unum tantum distincte alloquetur, plures confuse & quanto minus illi habent rationem passi, tantò magis confuse audiunt.

Dices, homo plures simul alloquitur cur ergo non Angelus?

Respondeo quod vox quæ gignitur ab homine defertur per aërem ad aures audientium, & sic tot possunt audire quot sunt illi ad quos vox fertur; at intellectio non est res corporea quæ eadem ad plures intellectus deferri possit per aliquod medium, sed gignitur tantum per actualem actionem & impressionem factam ab Angelo in intellectu alterius Angeli & quia ut dictum est, Angelus non potest habere simul plures actiones, & illa intellectio est una numero, idè non potest Angelus illam simul & semel gignere in pluribus intellectibus sed in unico tantum, deinde aliam in alio, & sic deinceps.

Ad Secundum. Responderent Thomistæ cum solum audire, cui ordinatio (quæ voluntas) *Carriere in Professionem Fidei.*

taria est ex parte loquentis) facta est. Alij dicent cum tantum audire in cuius intellectu species est causata. Scoto attribuitur hæc responsio, sed si attentè legatur, cum teneat Angelum non posse occultare suam intellectiōnem aut volitionem, cui nec essentia sua non est occulta sed intuitivè nota, & productio in intellectu alterius sit actus intellectus & voluntatis quæ est actio & res per se intelligibilis quia est ens, necesse habet dicere unum Angelum non posse loqui alteri Angelo, quin alij audiant si velint, si aduertant & velint intelligere, licet si nollent non cogantur, quia pro sua voluntate possunt intelligere unum obiectum non aliud; unde loc. cit. q. 1. §. *ad questionem istam*, ait, quod locutio est expressio cognitionis & cogitationis Angeli, non quia illa cognitio & cogitatio non posset intelligi nisi exprimeretur, quia cum sit ens intelligibile posset intelligi, sed quia non intelligeretur illa cognitione, quæ est auditio & etiam frequenter, sine auditione prævia non esset visio illius cogitationis, quia Angelus non adverteret nec attenderet, aliis obiectis intentus, unde posset desinere, nec postea amplius illam videre posset, tamen si adverteret & vellet, posset sine locutione alterius illam intelligere.

Dices, hoc posito frustra est locutio, quia iam illud de quo vult loqui, est manifestum sine locutione.

Respondet Scotus supposita naturali manifestatione rei ante locutionem & auditionem, non tamen esse frustra illam locutionem in loquente & auditionem in audiente, quoniam auditio esset perfectio quædam liberaliter communicata Angelo audienti à loquente, declarat exemplo, quoniam inter homines locutio, præsertim inter sapientes ad hoc esse videtur ut liberaliter inter se communicent conceptus suos, tum facit ut actu intelligat.

Quod & confirmat ex eo quod Angeli loquuntur Deo, & tamen non possunt ei quicquam manifestare quod non præcognoverit. Sed dicet aliquis Angelus loquitur Deo & in eo nihil causare potest, ergo locutio non est causatio conceptus & intellectus in intellectu alterius Angeli ut vult Scotus. Responderetur Angelum quantum est ex se facere & efficere ut Deus si posset, illam intellectiōnem reciperet, at quia non est capax illius, idè in eo nihil causat, non sic est Angelus, sed est passivum proportionatum ad recipiendum intellectiōnem in seipso.

Ex his habes Scotum tenere quod Angelus alteri nequeat loqui, quin alius audiat si velit, locutio enim illa naturaliter est cognoscibilis ab Angelo, nec verum est quod ex imperio voluntatis suæ ordinatio & motus loquentis occultari possit cuius nec essentia ei latet; sicque cum Scoto censent Gabriel Biel. Maior Ocham, Vasquez, diversitatem ex principiis.

De Illuminatione.

LVmen secundum quod ad intellectum pertinet, nihil aliud est quàm manifestatio veritatis iuxta Ephes. 3. *Omne quod manifestatur lumen est.* Unde illuminare est tradere alteri

alteri manifestationem agnitæ veritatis secundum quem modum Paulus Ephes. 3. dicit: *Mihi omnium Sanctorum minimo data est gratia illuminare omnes qua sit dispensatio Sacramenti absconditi in Deo.*

Hæc propriè est locutio Angeli ad Angelum & ab ea differt sicut species à genere, omnis enim illuminatio est locutio non contra: differt verò à locutione, quia est locutio illa qua explicatur aliqua veritas quæ est perfectiua intellectus qualis est reuelatio rei visæ in verbo, vel secreti cuiusdam à sola Dei voluntate pendens quam audiens ignorabat, & hæc illuminatio non fit nisi per superiores ad inferiores Angelos, ex D. Th. q. 105. Damasc. lib. 2. c. 17. & 18. *Nam hæc est regula, ait Dion. de cæl. hier. diuinitas immobiliter firmata ut inferiora reducatur in Deum per superiora.* & ut scribit Greg. hom. 34. in Euang. *In illa celestipatria licet quadam data sint excellenter, nihil tamen possidetur singulariter nec opponas quod in Ecclesia interdum superiores illuminantur & docentur ab inferioribus, ut 1. Cor. 14. Potestis omnes per singulos prophetare ut omnes discant & exhortentur.* Nam hierarchia Ecclesiastica non perfectè consequitur similitudinem celestis. In cælesti tota ratio ordinis est ex propinquitate ad Deum, idè propinquiore sunt gradu superiores & scientia clariore; vnde est quod nunquam ij ab inferioribus illuminantur de facto, de potentia Dei absoluta posset quid inferiori reuelari de quo is superiorem illuminaret. Sed in Ecclesiastica interdum qui sunt Deo per sanctitatem propinquiore, sunt gradu infimi & scientia non eminentes, & quidam in vno etiam secundum scientiam eminent & in alio deficiunt, vnde superiores possunt doceri ab inferioribus. Instabis pro suppressione totali, Angeli eandem possident beatitudinem, de qua Ierem. 31. *Non docebit ultra vir proximum suum, omnes cognoscent me.*

Respondeo omnes beatos videre immediate essentiam Dei sed rationes diuinorum operum quæ in Deo cognoscuntur sicut in causa, omnes quidem Deus in seipso nouit quia se comprehendit, videntium verò Deum tanto vnusquisque in eo plures rationes cognoscit quanto perfectiùs eum videt, vnde superior Angelus de his illuminat inferiorem. Vnde Dionys. cap. 8. dicit, quod Angeli secundæ hierarchiæ purgantur & illuminantur & perficiuntur per Angelos primæ hierarchiæ.

Modus quo fit diuersimodè explicatur; multi volunt causari lumen in illuminato quo fit potens intelligere rem reuelatam. Alij dicunt deriuari ab illuminante radium spiritualem in illuminato per quem excitatur ad audiendum & quo mediante format in se similitudinem rei reuelatæ & per illam intelligit.

Scotus præsupposita differentia à communi locutione quod ista sit de veritatibus extraordinariis reuelatis, hanc addit quod Angelus illuminando alium non producit aliquid in seipso per illuminationem sed solum in intellectu illuminati: in locutione autem dicit Angelum producere in se locutionem, deinde causare illam in audiente: Adducit rationem quia Deus illuminando Angelum non causat aliquid in seipso; ergo de ratione illuminationis non est ut causans illam in aliquo prius producat aliquid in seipso, deinde in alio.

Illuminatio ergo fit sicut locutio vel causando speciem in illuminato de veritate perfectiua intellectus, vel solum actum illuminandi, non speciem de obiecto si illuminatio fiat de obiecto habitualiter noto quoad aliquam veritatem quam priùs ignorabat, ut quod Petrus est prædestinatus, potuit enim noscere Petrum sed ignorare an sit prædestinatus, per illuminationem cognoscit veritatem huius propositionis.

An intellectus Angelicus discurrat.

Ratiocinari seu discurrere est ab vna cognitione transire ad aliam, ita ut vna cognitio sit causa alterius, & veritas deducta sit posterius prioritate naturæ etsi non temporis hoc posito.

CONCLUSIO affirmatiua est ex Scoto q. 4. in prologo, & in 2. sent. dist. 7. q. unica; ratio est hæc. Quidditas subiecti virtualiter continet in se veritates quas potest facere notas intellectui passiuo à tali obiecto, & hoc in quocumque lumine sit vel naturali vel supernaturali, quia discursus non requirit successionem temporis sed prioritatem naturæ, sufficit enim quod hoc sit ex hoc, scilicet conclusio ex principio priori ordine naturæ, & ut sic sit causarium conclusionis, cum ergo hæc sint de essentia discursus, sequitur quod in quocumque intellectu erit veritas deducta ex aliquo principio saltem ordine naturæ in illo intellectu erit discursus. Ut quidditas linear virtualiter continet in se aliquas veritates, quia illæ sunt educibiles ex illa quidditate, & suam veritatem habent ex illa quidditate; ergo in quocumque intellectu sunt illæ veritates, erunt per discursum, quia sunt per principium.

Verum quia hoc pacto includit aliquam imperfectionem ex parte scientiæ & ex parte intellectus, idè Theologia in se & in intellectu diuino non est discursiua, sed Theologia in intellectu Angeli & Beatorum, quia est in eorum intellectu ratione prædicta, idè est discursiua, & sic in Angelis est discursus. In Deo non potest esse discursus, quia intellectus diuinus non sequitur res, sed res sequuntur intellectum diuinum, quia enim Deus intelligit, idè res producuntur, ita quod res dependent ab intellectu diuino non è conuerso; at in intellectu creato res se habet opposito modo; intellectus enim pendet à rebus, non res ab intellectu; vnde cum in rebus ipsis effectus pendeat à causa à parte rei; necesse est quod intellectus creatus seruet ordinem positum à Deo, scilicet ut cognoscat effectum ex sua causa, quia sic à parte rei ipsa res se habet. Adde quod intellectus diuinus est infinitus & vnico actu omnia intelligit, creatus est finitus, idè res diuersas diuersis actibus intelligit nec plura cognitione saltem distincta intelligere potest, licet de confusa concedatur. Hinc est quod anima Christi non poterat simul omnia vnico actu intueri in verbo sed diuersis actibus & habitualiter non actualiter, ut cum Scoto sustinent Thomistæ.

Probatur Conclusio ex Athanasio in lib. de essentia Patris, Filij, & Spiritus Sancti, ex Damasc. in primis institut. dialect. cap. 7. præferentibus Angelum animæ rationali in intelligentiæ ratione in hoc tantum quod subtilius & promptius

promptius ratiocinetur & intelligat. Isidorus lib. 1. de summo bono cap. 12. dixit quod demones multa cognoscunt per experientiam, sed experientia, seu experimentalis cognitio est discursiva, ex multis enim memoriis fit vnum experimentum & ex multis experimentis fit vnum vniuersale, vt dicitur in fine Poster. & in principio Metaphysicæ. Præterea conceditur Angelos multa cognoscere per coniecturam; at hic modus cognoscendi est verus discursus.

Addo quod Angelus in cognitione sua componit & diuidit & in eius intellectu potest esse veritas vel falsitas quæ ex Aristot. consistit in compositione & diuisione; ergo est discursus in Angelo. Totum fundamentum conclusionis est, quia intellectio creata sequitur res & pender à rebus, vnde cum res sint diuersæ in se & natæ sint diuersimodè cognosci, necesse est quod in intellectu creato sint diuersæ cognitiones & diuerso modo se habentes, & idèd alia est cognitio simplex rei alia est cognitio eiusdem per diuisionem & comparisonem; quia hoc includit comparisonem vnius rei simplici apprehensione apprehensæ ad aliam, & præsupponit eam non prioritate temporis & durationis, sed naturæ; similiter discursus est cognitio alterius rationis, quia præsupponit compositionem & diuisionem, vnde à pluribus diuisionibus & compositionibus ordinatis inter se debito modo infert cognitionem aliarum compositionum & diuisionum, in quibus est veritas vel falsitas.

Nota tamen communiter dici, quod Angelus propriè non discurret circa obiecta naturalia, horum enim propriam habet speciem concreatam quæ ipsi essentias rerum & proprietates representat in actu primo, quare vnico intuitu potest essentiam & proprietates percipere, adeoque sine discursu. Discursus ergo Angeli erit circa supernaturalia, quorum non habet species, v. g. an Petrus sit eras peccaturus necne, cum id euidenter non sciat, si affirmet eum peccaturum, hoc fiet cum aliqua conceptuum compositione, si autem neget, id fiet cum diuisione: Et sic de aliis.

Nota 2. vt proprium sit hominis ratiocinari & discurrere, non autem Angeli, satis esse quod Angeli quoad cognitionem rerum naturalium quarum concreatas habent species non discurrant, sed tanta vi polleant, vt vnico & simplici intuitu videant in obiecto quicquid in eo cognosci potest: Talis enim intelligendi modus longè superat naturalem facultatem hominis, qui tamen est Angelo connaturalis, hinc dicendum quod Angeli plerumque intelligunt sine compositione & diuisione; Et ratione istius modi cognoscendi Angelorum in naturalibus, nobis aduersariam S. Thomæ conclusionem q. 58. art. 3. exponam, *Quod Angelis quacumque cognoscunt, sine discursu apprehendunt.* Item & auctoritatem S. Dionys. 7. cap. de nom. diuin. *Quod Angeli non congregant diuinam cognitionem à sermonibus diuisis, neque ab aliquo communi ad ista specialia simul aguntur.* Item & probationem conclusionis adductam ex differentia inter cœlestia & terrena corpora, quod ista per mutationem & motum adipiscuntur suam vltimam perfectionem, illa verò statim ex ipsa sua natura eam habent, *Carriere in Professionem Fidei.*

vnde inferior intellectus hominis per quendam motum & discursum acquirit perfectionem in cognitione veritatis dum scilicet ex vno cognito in aliud cognitum procedit. Angelicus verò intellectus omnia in primo cognito nouit. De naturalium inquam cognitione concedo non de supernaturalium.

Quomodo Angeli & Beati offerunt Deo preces nostras.

Multis in locis Scripturæ vt Tobiz. 3. & 12. & alibi exprimitur Angelos necnon & Sanctos offerre Deo orationes, lachrymas, vota, affectus, & deuotiones piorum: quomodo autem hoc fiat elucidandum est. Nota Angelos nil offerre Deo quod ei sit ignotum, sicuti nec nos dum Deum oramus, offerunt tamen, quia Deo sic visum sit, eo quod maiorem à creaturis honorem sic percipiat, & eorum subordinatio declaret diuinæ maiestatis & bonitatis ostensionem, habet enim hoc diuinus ordo vt ex superiorum excellentia refundatur in inferiora sicut ex claritate Solis in aërem, vnde & de Christo dicitur Hebr. 7. *Accedens per semetipsum ad Deum ad interpellandum pro nobis.* Et idèd Hieron. 9. epist. 53. dicit contra Vigilantium negantem orationes mortuorum exaudiri. *Si Apostoli & Martyres adhuc viuentes pro aliis orant dum pro se solliciti esse debent, quanto magis post coronas & triumphos.*

QVÆRES, quomodo Angeli percipiunt preces nostras?

Respondeo, vel cognitione supernaturali quæ sit essentiam diuinam intuendo, aut reuolutionem quandam excipiendo, vel naturali cognitione quam per lumen & species ipsis à prima eorum conditione inditas existere censet D. Thomas 1. parte q. 57. & ista quidem naturali, eas tantum preces percipiunt quæ aliquo exteriori actu funduntur, non solis purisque agitationibus mentis & voluntatis continentur affectionibus, supernaturalis verò cognitio ad omne precum genus & modum refertur.

Quomodo cognitæ offerunt Preces?

Respondeo, non vt ipsas voces & phantasmatæ nostra propriè accipiant Deoque vel ibimet, vel in cœlis offerant, sed vt ea ipsa Deo significant, significant verò ei loquendo; Loquuntur autem ea lingua & ea ratione qua Isai. 6. clamant, *Sanctus, Sanctus, Sanctus.* & Zachariæ 1. *Domine exercituum usquequo tu non misereberis Ierusalem & urbium Iuda.* Porro lingua & ratio ista non alia quàm volutaria mentis ad Deum applicatio est, Angelos enim aliis loqui nil est aliud generatim, vt ait D. Thomas quam mentis conceptum alteri manifestare; ista autem locutio cum Deo non fit vt ei quidquam obscurum vel ignotum manifestetur, sed potius vt à Deo aliquid Angelis tribuatur, eo modo quo Doctore loquitur discipulus vt ab eo aliquid discat.

Dici etiam potest quod modus iste sit cum insigni quadam Angelorum diuinæ maiestati loquentium demissione & eximio erga illum cultu quem metaphoricè thuribulo & suffimentis depinxit. Ioan. Apoc. 5.

QVÆRES quomodo simul orationes offerre possint Beati quæ in diuersis & distitis locis factæ

factæ sunt, v. g. orationem Tobie & Saræ, cum ille Niniuem hæc Ecbatanam habitaret, nunquid in duobus locis tam distantibus, simul esse & quæ ibi aguntur audire potuit Angelus Raphaël. Græcus textus Tob. 3. exprimit idem tempus & latinus ait in illo tempore exauditas amborum preces, & subdit, *Missus est Raphaël ut escuraret quorum uno tempore orationes in conspectu Domini recitatae sunt.*

Respondeo, etsi Angelus absens sit à loco, potest tamen accuratissima qua pollet mentis acie, quæ illic aguntur pernoscere, modo signum aliquod exterius interiorum præcesserit, si agamus de cognitione naturali Angelorum, vel dicendum quod astiterit Tobie & Saram intellexerit, vel ab uno ad alium occurrere peruenit, vel dic quod Angelus speciebus suis naturalibus inditis ad usum cognoscendi naturalia ad quæ naturaliter referuntur preces nostræ, & alia, nouit. Aug. ser. 3. de Natiuit. *Quam dulce est, quando vota nostra Angeli ante conspectum diuinæ maiestatis obtulerint.* Nota Angelum offerre Deo cum propriis supplicationibus ex charitate quam in homines habet. Hic habetur fundamentum inuocationis Sanctorum.

QVÆSTIO IX.

DE POTESTATE Angelorum circa Corpora.

De Assumptione. Corporum An in eis exercere possint Actus vitales? An facere miracula? An immutare voluntatem hominis?

SANCTUS THOMAS 1. p. q. 110. agens de præsentia Angelorum super creaturam corporalem concludit, hanc gubernari & regi uti particularem ab Angelica, quæ immaterialis & vniuersalis est; nam omnis forma corporalis, ait, est indiuiduata per materiam, & determinata ad hunc & nunc, formæ autem immateriales sunt absolutæ & intelligibiles, & ideo sicut inferiores Angeli qui habent formas minus vniuersales reguntur per superiores, ita corporalia reguntur per Angelos.

Probatur ex Scriptura Apoc. 4. cap. 7. *Vidi, ait Ioannes, quatuor Angelos stantes super quatuor angulos terræ tenentes quatuor ventos terræ, ne flarent super terram, neque super mare.* cap. 14. *Exiit Angelus de templo qui habebat potestatem super ignem.* cap. 16. dicitur: *Septem Angelos habere septem phialas iræ Dei effundendas super terram, unde factum sit vulnus pessimum super homines.* Iob. 4. *Non est potestas qua comparetur ei.* Probatur ex SS. Patribus August. lib. 3. de Trinit. cap. 4. dicit quod *Omnia reguntur per spiritum vitæ rationalem.* & lib. 83. quæst. 79. *Vnaquæque res visibilis in hoc mundo habet Angelicam potestatem sibi præpositam.* Damasc. lib. 1. cap. 4. ait: *Diabolus erat ex iis Angelicis virtutibus, quæ præerant terrestri ordini.* Origen. in 22. Numer. *Cum vidisset, ait, asina Angelum, quod opus est mundo Angelis qui præ-*

sunt super bestias & præfunt animalium nationibus, & virgultorum & plantationum & ceterarum rerum incrementis. Gregor. 4. dialog. cap. 5. dicit, quod *In hoc mundo visibili nihil nisi per creaturam inuisibilem disponi potest.*

Probatur ratione petita ex ordine diuinæ providentiæ qui postulat ut inferiora gubernentur per superiora. Tum immediate mouent causas vniuersales orbis, scilicet cælos, ut supra dixi, quidni & regent inferiora? & D. Thom. art. 3. concludit naturam corpoream natam esse moueri à natura spiritali secundum locum: Vnde videmus quod anima mouet corpus primo & principaliter locali motu. Scotus rationem motricis facultatis Angelicæ hanc affert virtus actiua mouendi aliquod corpus localiter competit corporibus imperfectissimis, unde terra potest se mouere deorsum; ergo hæc virtus non debet negari Angelo respectu corporis. Tum Angelus habet in se formaliter vim motiuam, hæc autem vis qua se mouet est spiritalis & continet eminenter vim motiuam corporalem, & ideo per eandem suam vim potest mouere corpora.

Ex motu locali, (quem solum in potestate esse Angeli respectu materialium concedunt Doctores) fit ut possit inducere illas qualitates quæ ex motu locali corporum naturalium dependent ut ex motu duorum corporum generare calorem, duritiem, colorem, & huiusmodi, sic ex vno motu alium causat adhibendo scilicet agentia corporalia ad huiusmodi effectus producendos, sicut faber adhibet ignem ad emolliem ferri.

Hinc mediante motu locali possunt applicare actiua passiuæ, sicque mirabiles effectus producere.

Primo, possunt ignem ex suo elemento dimittere & applicare ad inflammandas domos ac templa, ut Iob. 1. constat, *Ignis Dei decidit à celo & calcinavit puerumque consumpsit.*

Secundo, possunt immittere vehementes & turbulentos ventos qui magna diruant ædificia, ut Iob. 1. vers. 19.

Tertio, possunt excitare tempestatem in mari vel commouendo aquas maris ab imo vel magnos ventos immittendo, similiter excitare motum terræ, agitando exhalationes visceribus eius inclusas.

Quarto, possunt in humano corpore efficere morbos, somnia cruciatu, si videlicet concurbent humores, si moueant & conforment spiritus animales, si distrahant & disungant compages & connexiones membrorum.

Quinto, possunt varios morbos sanare applicando naturales herbas & medicinas, quarum vim & naturam optimè perspectam habent.

Sexto, quicquid per occultas virtutes herbarum, lapidum, gemmarum, succorum, animalium, &c. fieri potest, hoc possunt præstare Angeli si virtutes illas ad agendum applicent.

Postremo, possunt quolibet corpora ex vno loco transferre in alium, ut de Christo in tria diuersa loca translati à dæmone, (ut exponunt Chrysost. & Gregor.) scribunt Euangelistæ, accedit experientia quæ quotidie fit in hominibus oblectis. Possunt res præsentibus subito à conspectu nostro subtrahere, absentes verò facere

facere presentes, mouere statuas vt videantur ambulare, mouere linguam, vt loqui videantur. Hæc & similia faciunt per motum localem qui ex Aristot. 8. Phys. tex. 54. primus motus dicitur & perfectior, non quod maiorem perfectionem afferat mobili quàm alij motus, quia hoc est falsum, sed quia conuenit rebus etiam perfectissimis & minori cum transmutatione coniunctus est quam alij motus.

Præterea possunt extra se producere qualitatem spiritualem, hoc sequitur ex locutionis eorum modo, per speciei productionem in intellectu audientis & ex sententia dicentium locutionem fieri per signa sensibilia quæ loquens imprimit audienti, & eorum qui putant vnum Angelum vi depellere alterum ex suo loco per impressam qualitatem, & ratio est, quia si agens corporeum potest producere qualitatem corpoream in subiecto corporeo, cur Angelus spiritualem in spirituali non poterit producere?

Notandum tamen non posse Angelum immediate per seipsum inducere substantialem aliquam formam in materiam; nam vt ait D. Thomas q. 110. art. 2. compositum fit per mutationem substantialem ab alio composito ex materia & forma, quia omne agens agit sibi simile; at Angelus cum non sit compositus ex materia & forma, non potest ex se immediate hoc facere, cum nec illud in virtute sua contineat. Quod si hoc posset hac ratione maxime concluderetur, quia est nobilior rebus corporalibus vel formis accidentalibus, at hæc ratio non valet, quia etiam anima rationalis est nobilior, & non potest producere accidentia in substantiis ad libitum. Ratio principalis est quia Angelus non potest agere nisi mediante intellectione & volitione quæ alterius est rationis ab accidentibus seu qualitatibus corporeis & materialibus, idè non potest Angelus eas producere. Et colligitur ex Hebr. 2. *Non enim Angelis Deus subiecit orbem terra.* Vnde D. Thomas benè concludit art. 2. materiam non obedire ad nutum Angelis.

Dices, anima rationalis potest producere qualitates materiales in corpore; sæpe enim corpus immutatur ad calorem, frigus, ægritudinem, &c. ex sola eius imaginatione & conceptione animi; ergo à fortiori Angelus hoc poterit, quia quicquid virtus inferior potest superior.

Respondeo, quod anima vnitur corpori vt forma, & sic non est mirum si formaliter transmutatur ex conceptione ipsius, præsertim cum motus sensitui appetitus qui fit cum quadam transmutatione corporali subdatur imperio rationis. Angelus autem non sic se habet ad corpora naturalia. Tum alteratio non fit immediate ab anima, sed mediante phantasia & appetitu sensitivo quæ sunt potentie materiales; Hæc autem non producantur ab anima per imperium aut voluntatem, sed naturaliter emanant ab anima informante corpus.

Ad superioritatem virtutis Respondeo, omnia definita esse intra suum genus, vnde si corpus transmutat materiam ad formam aliquam, cum ignis v.g. generat ignem, id est ex genere suo in quo agens est vniocum; Angelus

autem non est in genere corporalium & si potest plus, est modo excellentiori, idè mouet localiter, & eam tantum facere potest alterationem quam inducere potest motus localis, non autem potest ex se producere substantiam quæ tribus tantum modis producit per creationem, quam soli Deo competere ostendi supra, per solam substantialem vnionem formæ cum materia, aut per educationem de potentia materiæ quæ alterationem præsupponit quam facere nequit multò minùs vnire, quia talis vnio requirit dispositionem materiæ quam Angelus præstare non potest, alioquin posset resuscitare hominem, quod negant Theologi & dicunt esse signum diuinitatis.

ASSUMPTIO CORPORVM tribus modis fieri potest; Primò per informationem, & sic anima resumet corpus in resurrectione. Secundò per vnionem hypostaticam, & sic persona Verbi assumpsit corpus Christi. Tertiò, per vnionem accidentalem, & sic Angeli assumunt corpora in quibus apparent, quod constat ex Scriptura quam de reali assumptione & nullo modo imaginariâ exponunt SS. Patres, Aug. lib. 15. ciuit. cap. 23. & lib. 16. cap. 29. S. Thomas 1. p. q. 51. de apparitione Raphaëlis, qui Tobie & familie eius visus est, & alij de alijs visionibus quas legimus vti phycas & reales; si enim imaginariæ fuissent non omnibus vni-formiter apparuissent. Raphaël, v.g. à tota ciuitate agnoscatur, loquebatur, ambulabat, comedebat, hæc omnia veram assumptionem comprobant, quod autem per imaginationem videtur non potest exire terminos imaginationis illius qui talem habet visionem & in cuius phantasia Angelus præstigiū causaret, quod si dicas Angelos omnium eorum qui eos videbant phantasiis & oculis illusisse, & contigisse spectantibus vt Prophetis, qui secundum imaginationem tantum multa vidisse loquuntur; certè hanc fictionem excludit Scriptura & scopus apparitionum.

Ad hanc vnionem accidentalem, qualis est motoris interni ad mobile, v.g. aurigæ ad currum; tria requiruntur; primò vt Angeli substantialiter existant in corporibus assumptis; Secundò vt in illis existant sicut motor est in mobili; Tertiò vt vtantur iis tanquam instrumentis ad representandum eo modo quo fieri potest similitudinem sui, & ad obeundum operationes proprias Angeli non alterius. Ex defectu huius tertie conditionis non est assumptio propriè dicta, cum diabolus obsidet corpus energumenorum, aut quando assumpsit linguam asinæ Balaam ad loquendum, aut quando mouent cælos, non enim Angelus vnitur tanquam proprio suo corpori manifestatiuo.

Corpora quæ assumunt aliquando sunt recens defunctorum, aliquando tantum apparentia quæ non habent vera membra, sed solum externam speciem membrorum ex aëre condensato formata, seu ex nube quæ & figuram & colorem habet, condensatio non est ei difficilis, cum per motum localem fiat; quare applicando actiua passiuis effingit vt vult, modificando vapores, exhalationes, imitando corporis humani consistentiam, pulchritudinem, soliditatem, &c. vel alterius animalis conformationem.

Angelus non potest exercere in assumpto corpore opera visa vegetantis aut sensitiva, uti est nutrire, augeri, sentire, videre, audire, generare, &c.

OPERATIONES VITÆ non possunt Angeli exercere in corporibus alsūptis, quia illa non viuunt nec viuificari possunt ab Angelo, hoc enim effectiue facere simpliciter perfectionis est, vnde & Deo conuenit iuxta illud 1. Reg. 2. *Deum mortificat & viuificat.* Viuificare autem formaliter est pars alicuius naturæ & non habentis in se integram naturam speciei.

Nota actiones vitales esse in duplici differentia, aliæ sunt secundum substantiam & propriè vitales, quia pendunt à principio vitæ quod formaliter inest subiecto eas exercenti, sicque sola composita naturalia habent vitales & naturales actiones. Aliæ sunt tantum vitales quoad modum & impropriè quæ non supponunt principium essentialē viuens sed principium tantum externum vt motio & quæ per eum fieri possunt, has Angelus exercere potest, hinc progredi & loqui potest, nullo autē modo actiones vegetales aut sensitivas, quia hæ natæ sunt fieri ab anima in quantum est actus & perfectio corporis perfectè mixti & organici, quod non competit Angelo.

Dices, Angelus loquitur, comedit, sentit, videt, audit, quæ omnia sunt vitalia imò generat, teste Augustino lib. 15. ciuit. cap. 23. vnde incubi & succubi nomen habet, & sagæ fatentur se expertas congressum dæmonis & semen ab eo decisum in coitu suscepisse, imò concepisce & peperisse.

Respondeo, in actibus vegetatiuæ animæ esse aliquas operationes præcedentes illos, vt in nutritione est comestio, cibi scilicet diuisio, & motus ille maxillarum, deglutitio seu traiectio cibi ab ore in stomachum, & isti sunt motus locales ab Angelo deprompti, alij sunt actus propriè pertinentes ad nutritionem vt est conuersio alimenti in substantiam aliti, augere alium, producere semen, & huiusmodi, & istas operationes non potest facere Angelus; vnde cibi ille sumptus ab Angelo & traiectus in corpus non vertitur in corpus illud, sed per exhalationem vertitur & resoluitur in humores, vel elementa, potest tamen facere apparentem nutritionem & auetionem, quia potest facere aliquam iuxtapositionem aliorum elementorum, & ea miscere imperfectè inuicem & apponere corpori suo, & sic videbitur corpus illud augeri & nutrirī, licet re vera non nutriatur nec augeatur.

Ad sentire, negatur omnino Angelos per organa corporum sentire, quod est proprium animæ informantis; organa verò horum corporum non inutiliter formata sunt, nam vel idè corpus his compositum assumitur vt familiariter nobiscum conuersentur, vel vt per huiusmodi organa spirituales virtutes Angelorum designentur, sicut per oculum designatur eorum virtus cognoscitiua, & per alia membra aliæ eorum virtutes, vt docet Dionys. cap. vlt. hierarch. cœlest.

Quod si insites Angeli in corporibus audiunt & vident, quia habent cognitionem de rebus aliquibus particularibus, quæ non nisi per auditionem vel visionem cognosci possunt.

Respondeo non cognoscere ea per sensationem sed per intellectum, qui cum sit virtus

excellentiore percipere & intelligere valet sine sensibus omnia corporalia & sensibilia.

Ad generare. Respondeo cum D. Thomas q. 50. art. 3. primæ partis, hoc non absolute negandum esse, cum per succubationem possit suscipere semen ab homine, & citò per incubationem transferre illud in matricem alicuius mulieris; vnde ait Scotus, generatio videtur fieri posse si semen extrahatur non amiserit virtutem suam naturalem; vt quid enim semina ad aliquarum rerum generationem eis assumere conceditur, & hominis semen non poterit transferre. dicit tamen S. Thomas quod ille qui sic nascetur non erit filius dæmonis, sed eius à quo decisum est semen. Si tamen velis negare propositionem dic, quod generatio est decisio seminis elaborati & geniti ex propria virtute generantis, quod competit formæ informanti corpus perfectè mixtum & organitatum.

MIRACULA quæ propriè definiuntur opera præter ordinem totius naturæ, vt docet D. Thomas q. 110. art. 4. Angeli non possunt facere, nam in 79. Plal. dicitur, *Qui facit mirabilia magna solus* Et ratio est quia Deus solus Dominus est ordinis totius naturæ quæ ipse stabiluit, quicquid autem facit creatura propria virtute, hoc fit secundum ordinem naturæ creatæ, & sic non est miraculum. Tum argumentum efficaciam non habet, quod habet ad opposita; si ergo miracula vera possent fieri ab Angelo (siue bono siue malo) naturalia enim integra remanserunt in utroque, dæmon ea ordinat ad falsum persuadendum, vt Thessal. 2. dicitur de signis Antichristi; vt Christus Marci vltimo non dixisset fidem propagandam miraculis. *Domino cooperante & confirmante sequentibus signis*, quæ scilicet fecerunt Apostoli.

Angeli etiam sancti non possunt propria virtute miracula facere, hoc proprium est soli Deo.

Dices ex Gregor. hom. 34. in Euang. Virtutes vocantur illi Spiritus per quos signa & mirabilia frequentius fiunt.

Respondeo quod aliqui Angeli (adde & Sancti) dicuntur miracula facere, vel quia ad eorum desiderium Deus miracula facit, vel quia aliquod ministerium exhibent in miraculis quæ fiunt, sicut colligendo pulueres in resurrectione communi vel huiusmodi aliquid agendo.

Dices magos facere mira opedæmonis.

Respondeo multa credi miracula quæ verè talia non sunt, nisi quoad nos qui ignoramus virtutem naturæ creatæ, non sufficit autem ad rationem miraculi si aliquid fiat præter ordinem alicuius naturæ particularis, quia sic ait D. Thomas, cum aliquis proicit lapidem sursum faceret miraculum, cum hoc sit præter ordinem naturæ lapidis. Miraculum debet esse præter ordinem totius naturæ creatæ.

IMMUTARE voluntatem hominis directè & efficaciter, non possunt, hoc enim proprium esse solius Dei asserit D. Thomas iuxta illud Prouerb. 21. *Cor Regis in manu Domini quocumque volueris verter illud.* Aduertendum est voluntatem humanam immutari posse dupliciter. Vno modo ab interiori: & sic cum motus voluntatis non sit aliud, quam inclinatio

natio voluntatis in rem volitam, solius Dei est sic immutare voluntatem, qui dat naturæ intellectuali virtutem talis inclinationis. Alio modo mouetur voluntas ab exteriori. Et hoc in Angelo est vno modo tantum, scilicet à bono apprehenso per intellectum. Vnde secundum quod aliquis est causa quoddam aliquid apprehenditur vt bonum, secundum hoc mouet voluntatem ad appetendum, & sic solus Deus efficaciter potest mouere voluntatem. Angelus autem & homo per modum suadentis; nam bonum, quod est voluntatis obiectum, mouet voluntatem naturaliter, sicut appetibile mouet appetitum, vt ergo aliquis manifestat aliquod bonum, potest inclinare voluntatem.

Præterea mouetur voluntas ex passione existente circa appetitum sensitium, Angelus autem potest concitare passiones, iram accendere, concupiscentiam inflammare, sicque mouere voluntatem, imò cum mouere possit humores & spiritus corporales & phantasmata ipsis inhzrentia, sicque immutare sensum, vix resistet voluntas, potest tamen resistere, quia semper remanet libera ad consentiendum vel resistendum passioni, potest enim velle ex iudicio rationis aliquid non sequendo passionem appetitus sensitui.

Scotus dist. 11. notat Angelum posse aliquid in intellectum nostrum, in phantasiam & in sensus internos; nam docet hominem reuelando ignota: doctrina autem recipitur per intellectum. Docet autem non cauendo immediate species intelligibiles aut intellectiones, harum enim homo non est capax pro hoc statu, quia intellectus eius determinatus est ad intelligendum solum mediante phantasmatis & intellectu agente; idè non potest rapere aliquem ad intellectualem visionem cuiusmodi est Prophetia absque concursu imaginationis.

Potest & immutare sensus externos, vel obiciendo eis aliquod sensibile exterius vel intus humores concitando ad varias apparitiones: Nec dicas sensum naturaliter moueri à sensibili suo; vnde cum ordinem naturæ nequeat immutare, istud nequeat. Respondeo enim quoddam Angelus potest facere præter ordinem non totius creaturæ, sed alicuius partis, cum tali ordini non subdatur, & sic potest immutare sensum præter modum communem. Nunquid Gen. 19. Sodomitas percussit Æorasia vt ostium domus inuenire non possent, quod & 4. Reg. 6. legitur de Syris quos Eliseus duxit in Samariam.

QVÆRES, an Angelus possit inuisibilem facere aliquem.

Respondeo affirmatiuè, idque vel transformatione vel impediendo species visibiles, vel interponendo corpus subtile, nullatenus verbis aut artificiat, vt dicitur de annulo Gygis.

Ex immutatione sensuum dæmon multipliciter nocet hominibus, variòsque immittit morbos per se, vel per magos quibus vix opportunum habetur remedium.

QVÆRES, an liceat à dæmone petere remedium aduersus maleficia ipsorum. Experientia constat præsentissimum contra viperæ venenatum & lethalem morsum esse theriacam è vipera confectam; vti & contra iectum scopij oleum ex ipsomet confectum: tamen

Respondeo nequaquam licere mutuari opem diaboli, vetatur hoc expressè Leuit. 19. Deuter. 18. 1. Reg. 28. & in 26. Decret. quæst. 2. in cap. *Qui sine saluatore salutem vult habere.* Præterea Christiani in Baptismo abrenunciant diabolo & operibus eius, quoddam indignè ferens plurima infert ipsis damna vt occasionem inducat sanitatem aut opem querendi ab infectatore ipsomet, qui sic honores diuinos ex superbia quæ ascendit semper aucupatur: quare potius incurrenda est mors quàm declinare ad artem & opem dæmonis.

QVÆRES, an liceat vti remedio quod Magus offert.

Annuunt Petrus Aureolus in 4. sent. dist. 32. q. 2. Angelus in verbo Superstitio §. 13. quia inquit, licet ab usurario mutuari cum scnore, necnon & iuramentum suscipere ab infideli qui per falsos quos colit Deos iurat. Sic Isaac illud ab Abimelech suscepit Gen. 26. Iacob à Laban Genes. 31.

Verum perniciofa est hæc opinio & valdè differunt hæc exempla; nam qui cum scnore mutuatur, sine ipso & nihil sperans dare potest alteri ipseque mutuans mallet sic accipere, & qui per inanem iurat diuinitatem assumere potest nomen veri Dei in testimonium. At qui ab incantatore quærit opem, profectò non ignorat hanc à dæmone desumi. Tamen cum Maldonato aliisque Theologis puto licere maleficum requirere vt opus maleficum dissoluat & ligamen tollat, nec enim nouum requiritur perpetrari malum sed vt commissum extirpetur.

REMEDIA ECCLESIASTICA contra dæmones & maleficia.

Primum gratia gratis data eiiciendi dæmones. Matt. 7. multi dicent in illa die, *Domine in nomine tuo demonia eiecimus.* Marc. 3. *Dedit eis potestatem languores curare dæmones eiicere.* Matth. 9. *Vidimus hominem eiicientem demonia qui nos non sequitur.* Luc. 10. *Domine in nomine tuo demonia subiiciuntur nobis.* Si autem gratia Dei expellit dæmones à fortiori eorum maleficia dissoluat. Hæc autem gratia indifferenter datur bonis & malis, vti patet exemplo eorum qui Christum non sequebantur, eo tamen pollebant charismate. Interdum confertur ob eminentem aliquam hominis virtutem, sic S. Antonio collatam scribit Palladius in vita eius, S. Martino Episcopo Turonensi in Seno Sulpitio legimus. Idque ita frequenter in primitiua Ecclesia contingebat, vt renati fonte Baptismatis mox ea pollerent gratia vti & dono linguarum. Hacque de causa ordo Exorcistarum non erat in vsu, teste Clemente lib. 8. constitut. cap. 32. etsi alio in loco mentionem istius ordinis faciat: vnde habemus duo genera Exorcistarum, vnum ex singulari dono Dei, aliud ex officio ob ordinem: mentionem horum facit Cyprian. in secundo sæculo, lib. 4. cap. 7. necnon & Cornelius Papa apud Eusebium lib. 6. hist. cap. 33.

Secundum remedium contra dæmones & maleficos est ipse Exorcistarum Ecclesiasticus ordo celebris apud Iudæos Actor. 19. deinde apud Christianos vt videre est in Conc. Carthagin. IV. cap. 417. & Antiocheno cap. 10.

Tertium remedium est nomen Iesv, cuius virtute olim vel minimus Christianorum dæmones

mones eiiciebat hoc argumento. Iustinus in Triphone apologia 1. probat diuinitatem Iesu Christi & post eum multi, Tertull. lib. de coron. mil. cap. 30. & alibi Cyprian. epist. ad Demetrium, Lactan. lib. 2. cap. 6. Athan. in lib. de incarn. Verbi.

Quantum remedium est Signum Crucis quo etiam Christiani olim fugabant demones. Recitatio Symboli, Oratio, Ieiunium, presentia sola probi aut Sancti cuiusdam, ut notat Cassian. collat. 14. cap. 2. de Rustico, & Beda de Guideberto in vita eius cap. 15. presentissimum reputantur remedium, Solomenus lib. 6. cap. 20. narrat demones solo aduentu Religiosorum Macharij insulam Aegypti deseruisse; referuntur, & alia remedia quae apud Authores sacros memorantur, celeberrimum est presentatio reliquiae sacrae aut instrumenti Passionis Christi Saluatoris.

Q V A E S T I O X.

De Custodia bonorum Angelorum circa homines, & Impugnatione malorum.

Dogma fidei est, Angelos mitti & destinari ad custodiam hominum, non tantum in genere sed & in particulari, ita ut cuique homini suus adsit Angelus tutelar.

Probatur ex Scriptura Gen. 48. *Angelus qui eruit me de cunctis malis.* Tobiae 3. *Angelus Dei bonus comitatur es & bene disponis omnia.* Iudich 13. *Custodisti me Angelus Dei & hinc exeuntem & ibi commorantem & inde huc reuerentem.* Matth. 18. *Angeli eorum puerorum semper vident faciem Patris mei qui in caelis est.* Act. 12. *Angelus eius est.*

Probatur ex communi consensu totius Ecclesiae quae semper ita sensit. Quod colligitur ex Act. 2. ubi cum S. Petrus è carcere diuina virtute liberatus pulsaret ianuam domus in qua fideles congregati erant, cum miraculum factum ignorarent, unanimi consensu omnes dixerunt, *Angelus eius est.* Idem etiam colligi potest ex festo Sancti Angeli Custodis, quod à Summo Pontifice institutum summo omnium consensu ubique receptum est. SS. Patres mira dicunt de hac custodia. S. Basil. lib. 1. contra Eunomium. *Quod adsit, inquit, singulis credentibus Angelus tanquam Pedagogus & Pastor viam dirigens, nemo contradicet qui memor fuerit verborum Domini, ubi dicit ne contemnatis unum de pusillis istis, quia Angeli eorum semper vident faciem Patris mei.* Et Ps. 33. *Aderit Angelus Domini in circuitu timentium eum.* S. Hieron. in cap. 18. S. Matth. *Magna est dignitas animarum ut unaquaque ab ortu natiuitatis habeat in custodiam sui Angelum delegatum.* S. Thomas probat ex eo quod Psal. 90. dicitur, *Angelus meus mandauit de te ut custodias te in omnibus viis tuis.* Et dicit necessarium esse hominem custodiri ab Angelo & in operibus dirigi, cum contingat eum in ipsis errare multipliciter.

Probatur ratione, ratio & ordo diuinæ providenti hoc habet quod mobilia & variabilia per immobilia & inuariabilia mouentur & regulantur, sicut omnia corporalia per sub-

stantias spirituales & immobiles & corpora inferiora per superiora, imò nos ipsi regulamur circa conclusiones in quibus possumus diuersimodè opinari, per principia quae inuariabiliter tenemus; at patet quod homo in cognoscendo & operando multipliciter variat & deficit à vero bono, & ideo necessarium fuit ut sub tutela Angelorum regulandus poneretur. Custodia hæc arcet demones Iob. 12. Increpat peccatores, Iudic. 2. Docet & instruit, Danielis 9. Consolatur in afflictionibus, Iob. 5. addit animum & vires subministrat. 3. Regum 19. Offert preces. Tobiae 3. & 12. Apoc. 8. Denique animas Iustorum è corpore migrantes perducit ad Beatorum sedem. Lucæ 16. Vnde Bernard. serm. 13. in Psal. 90. explicans hæc verba: *Angelus meus mandauit de te: Quansam, inquit, debet tibi hoc verbum inferre reuerentiam, asserere deuotionem, conferre fiduciam, reuerentiam pro presentia, deuotionem pro beneuolentia, fiduciam pro custodia.* Porro S. Thom. quæst. 113. art. 5. docet hanc custodiam, cum commune sit beneficium, non à Baptismo licet sit beneficiorum diuinorum ianua homini ex eo quod Christianus est, sed à natiuitate incipere, non autem ante quia censetur infans, in vtero esse pars matris & velut fructus in arbore. Addo aliam Custodiæ rationem singulis rerum generibus atque speciebus singulares præfectos esse Angelos, multi cum S. August. lib. 83. quæst. 79. docent. Vnde Apocal. 14. vnus Angelus dicitur habere potestatem super ignem, & cap. 16. alius vocatur *Angelus aquarum*; neque id mirum est: si enim Deus ipse rerum omnium curam habere dignatur & in Scripturis dicitur etiam dare pulis coruorum & foenum iumentis ac vestire lilia agri, quidni etiam harum rerum custodiam Angelis commiserit? Vnde non sine ratione quidam Doctores existimant ita posse exponi Scripturas, ut dum alloquuntur creaturas rationis expertes ignem, aquam, fontes, volucres, bestias, atque ad laudandum & benedicendum Deum inuitant; verba illa referantur ad Angelos custodes, quos rogamus ut has creaturas sibi commissas ad Dei gloriam dirigant. Imò Regnis & Provinciis etiam infidelium singulares Angelos esse præpositos dicunt plerique Patres, Dionys. cap. 9. celest. hierarch. Hieron. in Danielis 10. Gregor. lib. 17. mor. cap. 8. Epiphani. hæres. 51. & confirmant ex 12. Danielis, ubi introducuntur quatuor Angeli, quorum vnus erat Princeps Persarum, alter Græcorum, tertius Gabriel Princeps Captiuorum in Perside, quartus Michael Princeps populi Dei. Ergo à maiori ad minus cuilibet hominum indiuiduo assignandus est director & custos excepto Christo impeccabili, qui potius Angelorum custos dici debeat; quod si dicas ob tentationis periculum dari. Respondeo, Christum vinci non potuisse sed tentatum, ut deuicto hoste redderet nos securiores, iuxta illud Ioan. 16. *Confidite, ego vici mundum.*

Dices ubi fortior custodia adest, infirmior superflua est: at homines custodiuntur à Deo, ut dicit Psal. 120. *Non dormitabis neque domiet qui custodis Israel* Ergo superfluit quoddam Angeli custodiant hominem.

Respon

Respondeo Deum immediatè custodire hominem per conseruationem primi esse quod ei dedit & per infusionem gratiæ & virtutis, quantum autem ad directionem actuum particularium, reliquit hominem in manu arbitrij sui, vt autem bona eligat & declinet à malo naturali & morali seu incommodis corporis & animæ instructionem Deus dat vt vniuersalis director, quam tamen influit mediantibus Angelis, non quidem ex necessitate sed secundum ordinem Prouidentie qui inferiora regit per superiora; adde quod cum dæmon à principio sit homicida & homini inuideat, dandus erat ei bonus Angelus ad custodiam, quæ vt docet Dionys. 6. & 9. cælest. hierarch. ad infimi ordinis Angelos spectat, qui etsi interdum deserant hominem loco & sinant eum affligi, non tamen derelinquunt eum quantum ad effectum custodiæ.

De Impugnatione Dæmonum.

Hominem impugnari & tentari à dæmone fides docet, & experientia probat: primum habetur ex Scriptura Gen. 3. vbi refertur primos parentes ad peccatum fuisse à serpente seu dæmone per serpentem loquente inductos, & epist. 1. Petri 5. *Adversarius uester diabolus tanquam leo rugiens circumit, quarens quem deuoret.* Ephes. 6. *Non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum.* 1. ad Thessal. 3. *Nefortè tentauerit vos is qui tentat.* Glossa interlin. habet; *Diabolus cuius officium est tentare.* Secundum nouit vnusquisque. Imò proprium diaboli est tentare, non vt hoc verbum dicit sumere experimentum de aliquo, vt sciatur aliquid circa ipsum, sed vt præterea quærat aliquem finem malum, vt subuertat, etsi enim non possit immutare directè humanam voluntatem, potest tamen inferiores hominis immutare sensus & vires, ex quibus etsi non cogatur voluntas, tamen inclinatur.

Deus, homo, diabolus aliquando dicuntur tentare, Deus qui nihil non nouit, vt faciat nosse, vt Deuteron. 1. 3. dicitur; *Tentat vos Dominus Deus uester vt palam sciat vtrum diligatis eum.* vel vt coronam augeat à merito vt de Abraham. Homo tentat quandoque vt sciatur tantum & propter hoc tentare Deum dicitur esse peccatum, quia homo quasi incertus experiri præsumit virtutem Dei. Diabolus autem semper tentat vt noceat in peccatum præcipitando, tentat explorando interiorem conditionem hominis (quam non plenè nouit) vt de vitio tentet ad quod magis eum iudicat pronum, tentat vt excidamus à virtute vt odium suum in hominem exfatiet, vt noceat tentatis & aliis malo eorum exemplo: sic hoc sæculo plures litteratos seduxit per hæreses vt alij per eos euertantur.

Duobus autem præsertim modis impugnatio hæc peragitur. Primo dæmone aliquid intra hominem; vel extra ipsum operante. Primo modo tentare potest vel commouendo spiritus vitales in quibus species sensibiles continentur, vt eas obliuiscendo potentiis cognoscituis, sicque imaginationem aliquam prauam efformando, vel commouendo humores

Carriere in Professionem Fidei.

& spiritus in organo corporeo appetitus sensitui, sicque indirectè voluntatem ad malum aliquod excitat. Secundo modo aliquid extra hominem operando tentare eum potest, cum aliquid verum vel apparens sensibus externis obicit, vnde peccati alicuius occasi o suggeratur ei.

Facit hoc dæmon, Deo non quidem volente, sed tamen permittente, illiusque peruersos conatus in electorum suorum bonum & coronam ordinante; & sicut homines impugnari permittit, sic & ipsis cum impugnantur gratiæ suæ auxilia subministrat; quibus, si velint, qualibet tentatione superiores euadant. Vnde Paul. 1. Cor. 10. *Non patietur vos tentari supra id quod potestis; sed faciet etiam cum tentatione pronentum, ut possitis sustinere.* & 2. Cor. 12. *Datus est mihi stimulus carnis mee Angelus Satana qui me colaphiset, propter quod ser Domini rogavi ut discederet à me; & dixit mihi sufficit tibi gratia mea.*

Nota ex D. Thoma q. 114 art. 3. Dæmonem non esse directè causam omnium peccatorum, cum non semper tentet, sufficit ad peccatum sola arbitrij libertas, satisque inclinatur carnis corruptio. Origenes enim dicit lib. 3. Periarch. cap. 2. *Etiamsi diabolus non esset, homines haberent appetitum ciborum & uenereorum & huiusmodi, circa que multa inordinatio contingit nisi per rationem talis appetitus refrænetur.* Potest tamen indirectè dici causa omnium peccatorum, quia instigauit primum hominem ad peccatum, ex quo in toto genere humano inducta est pronitas ad peccatum, vnde Ioan. 8. Peccatores dicuntur filij diaboli, vel vel quia ipsum primo peccantem imitantur.

QVÆSTIO XI.

De Peccato Dæmonum.

Suppono primò dari voluntatem in Angelo, in iis enim ea est quæ habeat inclinationem ad bonum vniuersaliter apprehensum, quatenus sunt creaturæ intellectuales, sed Angelus, &c. Ergo: probatur minor, nam quælibet res inclinatur ad bonum sed cum discrimine, quædam enim inclinantur per solam naturalem habitudinem sine cognitione vt plantæ, & talis inclinatio dicitur appetitus naturalis; Quædam verò inclinantur ad bonum cum aliqua cognitione, non quidem sic vt rationem ipsam boni in communi cognoscant, sed ita vt tantum cognoscant aliquod bonum particulare, sicut sensus qui cognoscit dulce & album, & inclinatio sequens hanc cognitionem dicitur appetitus sensituius. Alia denique inclinantur ad bonum cognoscendo ipsam rationem boni & hæc cognitio est propria intellectus, quam sequitur inclinatio in bonum vniuersale, quæ est voluntas. Datur & in Angelo liberum arbitrium, nam de ratione naturalis intellectualis est moueri & agere sine coactione ad differentiam rerum naturalium quæ semper eodem modo agunt. Hæc oporia patent & inferri debent, ex eo quod Angelus est expressior SS. Trinitatis imago, eamque representat memoria, intellectu & voluntate.

K k

Posita

Posita voluntate sequitur Angelum susceptibilem esse amoris & innati quo sui existentiam tanquam bonum perfectiorem sui amat. Omnia enim creata tendunt ad sui perfectionem. Et electiui quo alia à se libere potest vel sibi vel aliis appetere.

Suppono secundò Angelum non fuisse malum aut peccatorem in primo instanti suæ existentie, nam ut dicitur Gen. 1. *Vidit Deus cuncta quæ fecerat, & erant valde bona.* Inter ea autem erant etiam dæmones, ergo & illi aliquando fuerunt boni. Dionys. cap. 4. de nomin. diuin. docet quod dæmones non sunt naturaliter mali: licet autem Scotus dicat Angelum potuisse peccare in primo instanti, hoc vix crediderim; nam creatura libera agens per voluntatem non facit electionem, quin præcesserit actio intellectus eius, cum intellectus sit regula voluntatis, tum Angeli fuerunt creati in gratia iustificante, hæc autem & peccatum non possunt esse simul in eodem instanti. Sed de possibili non est quæstio circa quod variè contendunt Scholastici.

Suppono tertio, tam Angelos quam creaturam quamlibet rationalem, si in sua spectetur natura, posse peccare & cuiusque creaturæ hoc conuenit ut peccare non possit, hoc habere ex dono gratiæ non ex conditione naturæ; cuius ratio est, quia peccare nihil aliud est quam declinare à rectitudine actus quam debet habere, siue accipiat peccatum in naturalibus, siue in artificialibus, siue in moralibus: solum autem illum actum à rectitudine declinare non contingit cuius regula est virtus agentis; si enim manus artificis esset ipsa regula incisionis, nunquam posset artifex nisi recte lignum incidere, quia Rom. 4. *Vbi non est lex nec prauaricatio.* Sed si rectitudo incisionis sit ab alia regulâ, contingit incisionem esse rectam & non rectam; diuina autem voluntas sola est regula sui actus, quia non ordinatur ad superiorem finem; omnis autem voluntas creaturæ rectitudinem in suo actu non habet, nisi secundum quod regulatur à voluntate diuina, ad quam pertinet vltimus finis. In hoc ergo quo Angelus potest verti in hoc vel in illud, potentia peccandi cognoscitur; unde non mirum si ad actum eam reducerint & si Deus, ut dicitur Iob. 4. *In Angelis suis reperit prauitatem.* aut ut Christus ait Ioan. 6. *In veritate non stetit.* Ratio fundatur in his duobus principiis, quia Angelus habet liberum arbitrium & legem ab alio sibi præscriptam cui subiectum est liberum arbitrium, unde potest libere præstare vel omittere quod ei præscribit lex, ac proinde potest peccare. His positis.

SUPERBIA reputatur à Doctoribus primum peccatum Angeli, sic docent Magist. Alenf. S. Thom. Bonavent. Richard. Vasq. & alij.

Probatur ex Scriptura Isai 4. *Destrueta est ad inferos superbia tua, qui dicebas ascendam in celum, similis ero Altissimo.* Quem Prophetæ locum de Diaboli peccato intelligit. S. August. lib. 3. de doctr. christiana cap. 37. & S. Gregor. homil. 34. in Euang. S. Bernard. serm. 38. in Cant. Ezechielis 28. *Elenatum est cor tuum in decore tuo, dixisti in corde tuo: Deus ego sum.* Quæ verba SS. Patres exponunt de Lucifero.

Ambros. lib. de Paradiso cap. 2. Hieron. ibi & alij. Eccles. 10. *Initium omnis peccati superbia.* Psal. 37. *Superbia eorum qui te oderunt ascendit semper.*

Probatur ex SS. Patribus, Chrysost. hom. 3. de verbis Isaiæ, *Angelus per superbiam factus diabolus.* Ambros. epist. 84. *In lapsu diaboli & in hominis prauaricatione initium peccati fuit superbia.* August. lib. 14. ciuit. cap. 13. citans Eccles. 10. ait, *Mala voluntatis initium quid potuit esse nisi superbia?* & cap. 3. *Diabolus non est fornicator aut ebriosus neque aliquid huiusmodi. Est tamen superbus & inuidus.* & lib. 12. cap. 6. loquens de dæmonibus ait, *Ab illo qui summus est auersi, ad se conuersi sunt, & hoc vitium nihil aliud est quam superbia.* Basil. in variis locis.

Probatur ratione S. Thomæ. Peccatum aliquod potest esse in aliquo dupliciter, vel secundum reatum vel secundum affectum, secundum reatum quidem omnia peccata in dæmonibus esse contingit, quia dum homines ad omnia peccata inducunt, omnium peccatorum reatum incurrunt. Secundum affectum verò, illa solum peccata in Angelis malis esse possunt ad quæ contingit affici naturam spiritualement, seu ea affectare, quod constat non posse esse bona corporalia, quia cum corpore careant non habent conuenientiam neque consequenter delectationem circa illa, sola ergo bona spiritualia illis competunt: At circa spiritualia non potest quis peccare ea nimis amando, quia obiecta spiritualia secundum se quanto maiora sunt, tanto sunt meliora, & ita secundum se non possunt nimis amari: Potest ergo tantum peccare quis circa affectum horum, quatenus regulam superioris non seruat contemnens aut transgrediens. Atqui contemnere regulam superioris est peccatum superbiæ, scilicet nimis affectare propriam excellentiam. Vnde peccatum primum Angeli non potest esse aliud quam superbia & ex consequenti inuidia, nam postquam nimis appetiit suam excellentiam, & vidit Deum excellere ipsam, doluit, qui dolor est peccatum inuidiæ, quia est impeditum propriæ excellentiæ & proprii boni, excellentia enim in alio diminuit excellentiam singularem & propriam. Formatur alio modo hæc ratio. Septem sunt vitia capitalia, scilicet Superbia, Auidia, Luxuria, Gula, Ira, Inuidia, & Accidia, ex his Gula & Luxuria sunt merè corporalia, Auidia verò est media inter corporalia & spiritualia, ergo nullum horum esse potest, spiritualia sunt quatuor, Superbia, Ira, Inuidia & Accidia, sed non potuit esse Ira, Inuidia, Accidia, quia ista sunt circa nolle, non circa velle, quia includunt odium illius obiecti circa quod versantur, Odium autem non explicatur per actum velle, sed per actum nolle, sed necessariò fuit aliquod velle, ergo relinquitur quod primum peccatum fuerit superbia, quod est velle propriam excellentiam inordinatè.

QVÆRES, in quo posita fuerit Angelorum superbia, seu quodnam fuerit obiectum primi eorum peccati?

Respondeo varias esse in hac re sententias. Quidam existimant Angelos in sua naturali perfectione inordinatam habuisse complacem-

Auidia propriè est immoderatus appetitus rerum temporalium quæ pecunia estimari possunt.

Sed si dicatur appetitus cuiusvis boni creati, sic Auidia continetur in Superbia quæ est in dæmonibus.

Accidia est tristitia spiritualibus secundum radium de operibus quæ homo reddidit carnis ad spirituales actus propter corporalem laborem.

tiam

tiam & in illa tanquam in fine suo ultimo conquieuisse.

Alij dicunt illos inordinate appetiisse beatitudinem supernaturalem tanquam propriis viribus, & sine vilo diuinæ gratiæ auxilio consequendam.

Alij quod acceptā diuinitus reuelatione de hypostatica Verbi diuini vnione aliquando facienda cum natura humanā, hanc vnionem sibi ex Superbia expetierint, tanquam naturæ suæ magis conuenientem, & Christo Domino, adeoque toti generi humano inuiderint, vnde & rebellionem excitarint in cælo, ita Bernard. serm. 17. in Cant. Alensis 3. p. q. 2. membro 3. Catharinus in opusc. de gloria bon. Angel. & lapsu malorum. Viguerius de institut. Theologicis cap. 3. Jacob. Naclantus, Suarez tomo 1. disp. 15. fauet Paulus Hebr. 1. *Cum iterum introduxit primogenitum suum dixit adorans eum omnes Angeli.* ponderant Authores istud verbum, *iterum*, vnde trinuunt Deum Patrem olim proposuisse Angelis hoc mysterium & auertos fuisse, suffragatur Sap. 2. *Inuidia diaboli mors intravit in mundum.* Vnde Patres communiter docent dæmonem peccasse inuidia hominum. At non peccauit excellentiæ naturæ humanæ in se inuidiā; ergo dicendum est peccasse inuidia dignitatis quam consecutura erat vnione hypostatica ad verbum. Secunda pars probata remanet, quia si homini inuidit vnionem, illam sibi concupiuit, inuidemus enim bona alteri quæ nobis ipsis concupiscimus, & sequitur eum sibi inordinate concupiuisse & Christo inuidisse, quia si ordinate concupiuisset non peccasset. Annuit Ezechiel 28. *Elevatum est cor tuum, &c.* nam hinc sequitur Luciferum appetiuisse aliquam excellentiam maiorem illā quam habebat, vel in re vel in spe: hæc autem non potuit esse alia quā vnio hypostatica, quia beatitudinem naturalem iam habebat, & supernaturalis debebatur illi ratione gratiæ; ergo sola vnio hypostatica restabat. Ilai. 14. *In cælum conscendam.* hoc non potest intelligi de cælo materiali in quo iam erat Lucifer; ergo debet intelligi de ascensu ad esse diuinum per vnionem hypostaticam versu 14. *Similis ero Altissimo.* & Ezech. 28. *Dixisti in corde tuo Deus ego sum.* Hinc enim sequitur voluisse esse similem Deo, aut voluisse esse Deum, sed non voluit esse Deus per naturam, quod impossibile videbat; ergo per vnionem hypostaticam. Concludit appositè Christus Ioan. 8. *Vos ex Patre diabolo estis & desideria Patris vestri vultis perficere: ille homicida erat ab initio, &c.* Constat ex illo cap. Phariseos voluisse Christum interficere; si ergo in eo secuti sunt desiderium Luciferi, necesse est vt Lucifer voluerit Christum ab initio interficere: ergo primum Luciferi peccatum ortum est ex reuelatione Incarnationis Christi quam Lucifer sibi appetebat & Christo inuidebat. Cathedratica habetur hæc opinio, idè in gratiam Concionatorum hanc stabilire non omisi, licet in quæstionibus de facto nullam possimus habere certitudinem infallibilem nisi per reuelationem quæ nulla proponitur, nec certum est Incarnationem fuisse reuelatam Angelis, vt supponitur, aut Christum venturum si Adam non peccasset. Origen. & Tertull. de peccato

Carrere in Professionem Fidei.

carnali intellexerunt, quia Genes. 2. dicitur, *Videntur filij Dei filias hominum quod essent pulchre, &c.* dicuntque in eas exaruisse & gigantes procreasse; his assentiuntur Lactantius lib. 2. de diuin. institut. Euseb. lib. 5. de præparat. Euang. cap. 4. Erronea est opinio, Filij Dei erant filij Seth, Filiaz hominum, Cainæ.

Scotus sibi semper idem & subtilissimus alio modo theologizat & sustinet quod primum peccatum Luciferi fuerit luxuria non quidem carnalis, cum sit incorporeus, sed luxuria spiritualis quæ est inordinata dilectio sui.

Faurentinus ex Scoto 2. sent. dist. 6. q. 2. docet Angelam primò peccasse appetitu inordinato beatitudinis supernaturalis, quia appetit habere beatitudinem propriis viribus absque auxilio & gratia Dei, ita D. Thom. q. 63. art. 3. Richard. Alensis, Caiet. Ægidius, Durand. & Valq. disp. 235. cap. 1. tenet possibilem quamuis actualem neget. Qui modus est possibilis, quia Angelus habita apprehensione beatitudinis & modi eam consequendi, cum nimis & inordinate se diligeret amore amicitiae, potuit etiam appetere illam beatitudinem sibi inesse ex suis viribus volitione inefficaci, sicut tali volitione potest & æqualitas Dei, etsi nota vt impossibilis, desiderari, probabilis est iste modus, quia cum Angelus inordinate se diligeret, consequenter etiam factum est vt inordinate etiā sibi appetierit omne illud bonum quod in eius delectationem & complacentiam redundabat, habere autem illam beatitudinem ex propriis viribus auget magis delectationem. Ad hæc,

Nota primò quod in voluntate est duplex actus, scilicet nolle, & velle, & vterque est actus positius, nolle est actus quo voluntas fugit disconueniens & resilit ab obiecto disconueniente, vnde licet sit vox negatiua, non tamen actus est negatio, sed actus positius negans & fugiens: Velle verò est actus quo voluntas acceptat aliquod obiectum sibi conueniens: Velle iterum est duplex, scilicet velle amicitiae & velle concupiscentiæ, velle amicitiae appellatur à Scoto illud velle quod tendit in obiectum quod volo & concupisco illi cui volo bonum, & ita velle quo amo Petrum erit velle amicitiae, velle quo amo pecuniam quam desidero Petrum habere erit velle concupiscentiæ, primum velle dicitur amor amicitiae, secundum velle dicitur amor concupiscentiæ; inter hos actus datur ordo: quia velle præcedit nolle; quando enim aliquis habet nolle circa aliquod obiectum hoc euenit, quia prius vult aliquid cui illud repugnat, à nullo enim refugio nisi quia non potest stare cum aliquo quod accepto tanquam conueniens, velle etiam amicitiae præcedit velle concupiscentiæ, quia enim amo aliquem in se, ei concupisco bonum aliquod, vnde amor amicitiae est finis amoris concupiscentiæ.

Notandum est secundò, quod hic ordo inter istos actus seruatur tam in actibus ordinatis quā in actibus inordinatis. In actibus ordinatis habetur hic ordo prius volo obiectum cui volo bonum, secundò concupisco illi alia bona, tertio nolo alia obiecta quæ sunt disconuenientia illi obiecto. Ita in actibus inordinatis volo primo aliquod obiectum in se,

Dilectio naturalis de actibus voluntatis qui sunt velle nolle.

Amor amicitiae & amor concupiscentiæ ex Arist. 1. Ethic. c. 6. D. Tho. q. 60. art. 3. primum vocat amoris accidentium, nam obiectum amoris est bonum, bonum autem aliud est in substantia, vnde mens. Deus & huiusmodi dicuntur boni: aliud bonum est in quali vt virtus & in relatione vt vtile & alia huiusmodi, illud ergo quod amatur vel est substantia & propter se vt substantia & sic amatur propter se, vel est propter aliud non propter se vt accidens, scilicet vt scientia pulchritudo diuinitas & primum dicitur amor amicitiae, secundum amor concupiscentiæ.

deinde illi concupisco bona aliqua, tertio nolo obiecta illi disconuenientia.

Ex hoc sequitur tertium scilicet, quod prima bonitas in actibus ordinatis & prima malitia in actibus inordinatis necessario est circa primum velle quod est velle & amor amicitiae, nam si amo ordinate illud obiectum cui in se volo bonum, etiam ordinate concupisco bona illi, scilicet illa quae ei conueniunt & eo modo quo conueniunt, & nolo ea quae ei ordinate non conueniunt. Similiter si inordinate amo aliquod obiectum, etiam illi concupisco aliqua bona inordinate & nolo etiam impossibilia illi inordinate.

Ex his omnibus deducitur quod prima malitia in actibus voluntatis est in amore amicitiae, non autem in amore concupiscentiae neque in nolle. In praesenti disputatione est sermo de primo peccato Angeli quod necessario fuit in actu amoris amicitiae. Stante hoc fundamento Scotus arguit primum peccatum fuit immoderata concupiscentia sui, quia nemo potest appetere excellentiam suam immoderate (sicque peccare ex superbia) nisi amet se immoderate; ergo primum peccatum fuit amare se immoderate. Omne autem delectabile immoderate potest dici luxuria & actus in quo appetitus inordinate appetit aliquod obiectum delectabile potest dici actus luxuriae. Primum autem velle concupiscentiae fuit beatitudinis quod est delectabile.

Ex Scoto primum peccatum Angeli fuit amor sui qui luxuria est spiritualis.

Quae opinio maxime fundatur super auctoritate S. August. lib. 14. ciuit. cap. vlt. ubi ait quod duo amores fecerunt duas ciuitates, amor Dei usque ad contemptum sui fecit ciuitatem Dei, amor sui usque ad contemptum Dei fecit ciuitatem diaboli, ex quo elicitur quod radix omnis peccati diaboli fuit amor sui, sicut radix omnis boni est charitas & amor Dei, amor autem sui non est superbia proprie, sed potius videtur habere similitudinem luxuriae, idem videtur posse dici luxuria spiritualis.

Nota ad istud peccatum nimiae complacentiae quae ex propriis & sine dependentia appetit beatitudinem supernaturalem, sequutum esse peccatum praesumptionis & superbiae seu appetitus excellentiae, vnde Aug. lib. 11. de gen. ad litt. cap. 2. 3. ait: *Superbia tumidus & propriae potestatis delectatione corruptus, &c.* Quod autem inordinate appetierit beatitudinem Scotus ex Anselmo sic ratiocinatur. Primus actus concupiscentiae Angeli vel processit ex affectione iustitiae vel ex affectione commodi; non primum quia tunc non esset peccatum; ergo secundum: tunc sic arguit, ac maximum commodum maxime appetitur à voluntate non sequente regulam iustitiae. Ergo primum maximum commodum appetitur; sed beatitudo supernaturalis est maximum commodum; ergo illa appetitur ab Angelo non sequente regulam iustitiae. Maior pater, nam potentia appetitiua appetit delectabile conuenientissimum suae cognitionis vel delectationem in tali delectabili, igitur voluntas separata ab omni appetitu sensitivo, primo appetit illud quod est conuenientissimum intellectui cuius apprehensionem illa sequitur. Ac beatitudo supernaturalis includens obiectum actum & delectationem inde consequentem,

est obiectum conuenientissimum intellectui; ergo voluntas primo appetit inordinate beatitudinem. Inordinatio Angeli in appetendo beatitudinem quam ut viator sibi nouerat conuenientem fuit ex parte causae illam habendi volendo eam sine meritis sed ex propriis viribus naturalibus, non autem gratiose & auxiliodiuino, cum tamen Deus vellet eam haberi ex meritis.

Dices, beatitudo est ita per se appetibilis ut Angelus & homo sint ordinati ad eam appetendam & naturaliter ipsa ab omnibus de facto appetatur ut docet August. lib. 13. de Trinit. cap. 5. at appetitus naturalis semper est rectus quia est à Deo; ergo in appetendo beatitudinem non est peccatum, tum ex Anselmo de concordia cap. 26. voluntas commodum non velle nequit.

Respondebis non peccasse ex parte obiecti sed ex parte causae habendi.

Contra nullus intellectus errat circa prima principia; ergo nec voluntas circa finem ultimum. Antecedens est Arist. 2. metaph. tex. 1. consequentia probatur, quia Arist. 7. Ethic. & 2. Phyl. tex. 8. & 9. ait, *Sicut se habet principium in speculabilibus, ita finis in agibilibus.* At intellectus iudicat beatitudinem non posse haberi sine gratiae diuinae auxilio.

Respondeo non esse similitudinem inter intellectum & voluntatem quoad omnia, sed solum quoad hoc, quod sicut intellectus prius cognoscit principia, deinde conclusionem propter principia, sic voluntas prius vult finem deinde media propter illum finem. Quantum ad praesentem difficultatem sunt dissimilia: quia intellectus est potentia naturalis & naturaliter operatur, idem non potest non assentire principiis, & tantum assentire quantum veritas ipsa clarius & magis ostenditur: At voluntas est libera idem potest moderari non solum proprium appetitum sed potentiarum inferiorum, ne ille appetitus omnino dominetur in eliciendo actum: imò ne actus eliciatur absolute: quia potest auertere intellectum à cogitatione delectabilis obiecti illius circa quod ipsa inclinatur. Vnde boni Angeli qui sine dubio non minus intensius appetierunt beatitudinem ut proprium ipsorum commodum ex eadem propensione voluntatis non peccauerunt, quia in eliciendo actum regulabantur secundum affectionem iustitiae & secundum regulam superioris voluntatis, & sic iuste eliciebant actum. Mali inordinate appetierunt eo modo quo dixi. Voluntas dicitur habere duplicem affectionem sine propensione vnam in commodum, aliam in iustum; affectio commodi est propensio & inclinatio voluntatis ut est potentia naturalis, non quatenus est libera. Affectio iustitiae est illa propensio quam habet ad volendum iustum & aequum, haec affectio iustitiae est moderatrix affectionis commodi, vnde est quod voluntas ut est libera non tenetur velle omni modo beatitudinem quo voluntas ipsamet ut est appetitus naturalis ipsam vult; sed tenetur in eliciendo actum moderari appetitum & inclinationem naturalem.

Instabis vel Angelus cognouit se non posse beatitudinem consequi sine gratia, vel nouit:

si primum ergo errauit ex ignorantia, quod non potest dici, nam ignorantia est malum pœnæ quod sublequitur malum culpæ, si nouit non potuit hoc eligere cum impossibilium non sit electio ex Aristot. 3. Ethicor. cap. 5.

Duplex est
voluntas
et simplex.
Quia impossi-
bile est volun-
tatem simplicem
et illa An-
gelus potuit
appetere dei-
tatem non si-
militudine
aquiparantia
sed ut nulli
subesse, vel
quia a se ha-
bere beatitudi-
nem suam
concupiscit.

Respondet Scotus duplicem esse volitionem, conditionatam, & absolutam, seu volitionem efficacem, & simplicem quæ & complacentiæ vocatur exemplum, dantur duo infirmi vnus sperans sanitatem, alter desperans de ea, ambo volunt sanitatem sed differenter, nam primus vult eam quia sperat & ided imperat de mediis conducentibus ad sanitatem hæc volitio vocatur efficax. Secundus vult sanitatem quidem non tamen querit media ducentia ad illam, quia non sperat se illam consequi posse, hic actus volendi dicitur simplex siue volitio inefficax aut complacentiæ tantum. Prima volitio non est impossibile, sed solum secunda quæ sufficit ad meritum & demeritum, quia etsi sit de impossibili obiecto tamen potest illi consentire pleno consensu; vnde Scotus tenet quod Angelus appetere potuit æqualitatem Dei, potuit enim simplici volitione sibi concupiscere tantum bonum & tanto desiderio quanto concupisceret si esset sibi possibile. Ita hic de facto concupiuit sibi supernaturalem beatitudinem, ex propriis & sine Dei adiutorio, hocque voluntas ut libera elegit contra lumen intellectus, non enim necesse est ut omne peccatum voluntatis procedat ex defectu intellectus, quia potest procedere ex sola libertate eligentis. Porro supremus Angelus, qui Ezech. 28. Cherub dicitur, primò peccauit & fuit causa peccandi aliis, non quidem cogens, sed quasi quadam exhortatione inducens, ut ait D. Thomas, id docet Gregor. hom. 34. in Euangelia.

Confirmatur ex cap. 40. Iob, vbi vocatur *Initium visarum Domini*, non quia fuerit ante alios & primò creatus, cum omnes Angeli simul creati fuerint: sed quia ut explicant Hieronymus & Gregorius in illum locum, primus fuit dignitate & excellentia. Id etiam asserunt Augustinus 11. ciuit. cap. 15. Basilus lib. 4. contra Eunomium & alij. Maior tamen numerus persistit in bono ut colligitur ex Apocal. 13. vbi dicitur quod *Draco secum traxit teretiam dumtaxat stellarum partem*. Ex omnibus autem Angelorum ordinibus aut saltem ex pluribus aliqui peccauerunt; nam Ephes. 6. Paulus tribuit demonibus nomina quorundam Ordinum ut Principatum & Potestatum; vnde D. Thomas quæst. 63. art. 9. probabile habet aliquos ex quouis ordine peccasse sicut in quemlibet ordinem homines assumuntur in supplementum ruinæ eorum. In sacra autem pagina nomina quorundam ordinum ut Seraphim & Thronorum demonibus non attribuuntur: quia hæc nomina sumuntur ex ardore Charitatis & ab inhabitatione Dei, quæ non possunt esse cum peccato mortali. Attribuuntur eis nomina Cherubim, Potestatum & Principatum (imò primus de Seraphim qui cecidit vocatur Ezech. 28. Cherub) quia hæc nomina sumuntur à scientia & potentia quæ bonis malisque possunt esse communia.

QVÆRES, *Quanto tempore Angeli fuerint in via, seu quanta fuerit duratio temporis illius in quo potuerunt mereri aut demereri.*

Respondet primò non dubitandum esse quin aliqua mora intercesserit inter creationem Angelorum & ipsorum beatitudinem & damnationem: ita ut mora ista potuerit coexistere alicui parti nostri temporis. Quod colligi potest ex eo quod Angeli boni non potuerint simul esse beati & simul mereri, cum actiones meritorie secundum legem communem stare non possint simul cum visione beatifica; similiter Angeli reprobi prius peccauerint quàm fuerint damnati & colligitur ex Ezech. 28. vbi dicitur *in deliciis Paradisi fuisti*, & infra, *Perfectus in viis tuis à die conditionis tue, donec inuenta est iniquitas in te*. Et Ioan. 8. *In veritate non stetis*. Nec dicas eodem cap. haberi. *Ille homicida fuit ab initio*. & 1. Ioan. 3. *Ab initio diabolus peccat*. Respondet enim hic non agi de primo instanti quo creatus est diabolus sed de initio mundi, id est de illo tempore quo mundus per sex dies, ut dixi suo loco, à Deo creatus est. Tunc enim induxit diabolus hominem ad peccatum, ex quo mors animæ & corporis secuta est, & ided vocatur homicida. Ante autem quam tentationem iniret peccasse certum est.

Quidam distinguunt in illa duratione viæ Angelicæ tria instantia temporis. Primum in quo omnes tam electi quàm reprobi in gratis creati sunt. Secundum in quo boni operati sunt benè, & sic promeruerunt beatitudinem: mali è contra peccauerunt & sic damnationis reatum incurrerunt, celerrimè enim propter summam intelligendi sagacitatem & spiritualitatem suam exequentur & depromunt motus suos & effectus. Tertium denique in quo alij præmiati, alij verò detracti & mulctati fuerunt, ut Apoc. 12. *Neque locus inuentus est eorum amplius in calo*. & 2. Petri 2. *Deus Angelis peccantibus non pepercit, sed rudentibus inferni detractos in tartarum tradidit cruciandos*.

Via Angelorum ponitur trium instantium temporis.

QVÆSTIO XII.

De Pœna Demonum.

Certum est ex Scriptura Matth. 25. & Iude canonica, & Apoc. 20. & ex Conc. Lateran. sub Innocentio III. cap. 1. de fide Catholica diabolo paratam & inflictam esse pœnam æternam, idque iustissimè etsi peccatum illorum quasi momentaneum fuerit, quia ut ait Augustinus lib. 21. ciuit. cap. 12. *Ille dignus est æterno malo qui hoc in se peremissit bonum quod esse posset æternum*. quia ut dicit S. Thomas in supplemento q. 99. art. 1. pœna peccati taxatur secundum dignitatem eius in quem peccatur, vnde maiori pœna dignus esset qui percuteret alapa Principem aut Regem quàm si cuiumque alteri priuato hanc iniuriam inferret. Atqui siue diabolus siue homo mortaliter peccans; contra Deum infinitæ maiestatis & excellentiæ peccat eiusque honori summam (quantum in ipso est) infert iniuriam, dum in creatura per peccatum finem vltimum constituit;

tuit; ergo infinita pœna dignus est. Cùm autem creatura quæ in se finita est pœnam secundum intentionem acerbitalis infinitæ ferre non possit, pœna secundum durationem infinita illi infligenda est, quæ proinde iustè à Deo illi infligitur.

Quia ut ait S. Greg. lib. 4. dial. cap. 44. *Ad magnam iudicantis iustitiam pertinet ut nunquam careant supplicio, qui in hac vita nunquam voluerunt carere peccato.* Qui enim in peccatum mortale propria voluntate labitur se in eum statum iniustitiæ redigit, ex quo propriis viribus erui nusquam in æternum poterit, unde ex hoc ipso quod vult peccare, vult consequenter per totam æternitatem manere. Quare iustè à Deo peccator non solum ob actionem peccati sed præsertim ob voluntatem in peccato permanendi, quæ sicut dictum est in æternum protenditur pœna interminabili & æterna plectitur.

*Prima pœna
Angeli mali
obtenebratio
intellectus.*

PŒNA Dæmonum itaque triplex statuitur. In intellectu, in voluntate & tota substantia. Pœna eorum ex parte intellectus consistit in ablatione habituum & cognitionum supernaturalium, non autem in suppressione alicuius habitus aut speciei aut cognitionis naturalis: est communis DD. sententia, fundata in autoritate S. Dionysij cap. 4. de nom. diuin. ubi sic loquitur: *Et data ipsis Angelica bona nequaquam ipsa mutata esse dicimus, sed sunt integra & splendidissima, quamuis ipsi non videant, claudentes ipsorum boni inspectiuas virtutes.* Verba hæc important obtenebrationem aliquam, ut notat S. Augustinus in Enchirid. cap. 28 quæ tamen non est circa cognitionem veritatis quæ habetur per naturam, quæque distinguitur in speculatiuam naturalem & supernaturalem, prima circa naturalia nec ablata nec diminuta est, quia consequitur naturam Angeli quæ intellectualis est, & à qua propter simplicitatem nihil subtrahi potest, ut sic per subtractionem naturalium puniatur, sicut homo quandoque per abscissionem & extirpationem membri punitur. Cognitionis supernaturalis speculatiua non est totaliter ablata in dæmonibus sed valde diminuta, quia de secretis diuinis tantum reuelatur eis, ait S. Thomas, quantum oportet, vel mediantibus Angelis vel per aliqua temporalia effecta ut habet August. 9. ciuit. cap. 21. Non autem sicut in Sanctis Angelis quibus plura & clarius reuelantur in ipso Verbo.

Distingui præterea solet cognitio in practicam de rebus agendis circa res morales, siue sit ordinis naturalis, siue supernaturalis, & hæc detracta fuit dæmonibus ratione peccati.

Probatur ex Scriptura Ioann. 8. *Cum loquitur mendacium ex propriis loquitur.* Item in aliis locis in quibus vocantur *Spirituales nequitia Principes tenebrarum.* & Ezech. de Luciferis dicitur, *Perdidisti sapientiam in decore tuo.*

Probatur ex Sancto Augustino in Enchirid. cap. 28. ubi dicit ignorantiam rerum agendarum & concupiscentiam nociuarum esse mala hominibus & dæmonibus communia.

Probatur hac ratione: quia veritas & rectitudo iudicij practici desumitur ex recta

ordinatione affectus & voluntatis erga bonum morale, ut docet in Ethicis Arist. sed dæmones nullum habent nec habere possunt affectum erga vllum morale bonum. Ergo nec etiam vllum iudicium practicum verum & rectum.

PŒNA IN VOLUNTATE consistit in obstinatione in malo, hæc autem obstinatio consistit in duobus; Primò quòd non possint dolere de peccato. Secundò quòd non possint benè operari seu velle bonum saltem meritorium. Difficultas tamen levis non est in reddenda ratione veritatis istius asserti, quod primo stabilitur.

Est de fide voluntatem dæmonum ita esse obstinatam in malo ut nunquam possit flecti & conuerti in bonum saltem de potentia Dei ordinaria, quia de absoluta nulla est difficultas; nam certum est Deum posse gratiam suam elargiri dæmonibus ut ea conuertantur ad ipsum, ac eos suorum peccatorum pœniteat: nulla enim est adeò rebellis & in malo obstinata voluntas quam Deus sua misericordia emollire & ad se conuertere nequeat. Assertio ergo est de ordinaria potentia, quæ dicitur illa quæ conformis est in agendo regulis diuinæ sapientiæ, quæ in omnibus ordinauit certas regulas, & in hac materia speciales secundum quas decreuit beatificare vel punire ipsam creaturam. Quæ regulæ nobis innotescunt ex sacra Scriptura; secundum ergo has regulas est impossibile quòd Deus det gratiam Angelo malo per quam elicere possit actum bonum meritorium. Inter regulas reperitur ista principalis de statu viatorum & Beatorum & Damnatorum. Quamdiu creatura rationalis erit in via Deus dabit ei gratiam per quam possit operari bonum si voluerit & mereri sibi vitam æternam, sed finito statu præsentis vitæ & viæ decreuit gratiam damnatis denegare nec eos adiungere, ut possint amplius velle bonum.

Beatis decreuit assistere, ne eorum voluntas possit amplius velle malum: idèò stantibus his legibus est impossibile Deum damnatis dare gratiam per quam possint exire in actum meritorium.

Regulæ eliciuntur ex Matth. 25. *Ibunt hi in supplicium æternum iusti autem in vitam æternam.* Eccl. 11. *Ubicumque ceciderit lignum ibi erit in æternum.* Sensus est si creatura rationalis in ultimo instanti vitæ habuerit amorem creaturæ seu peccati, manebit in æternum in volitione inordinata & auersa à Deo, si verò decesserit in amore Dei in æternum diliget Deum & habebit actum bonum. Similes alij habentur Scripturæ textus ex quibus Sanctus Augustinus lib. 21. ciuit. cap. 23. concludit certum esse Deum nunquam daturum esse gratiam damnatis. Cyprian. in fine libri contra Demetrianum, *Quando isthinc excessum fuerit nullus iam pœnitentie locus, nullus satisfactionis effectus.* Sanctus Prosper lib. 3. de vita contempl. obleruat damnatos ex Matth. 22. *Mitti in tenebras ligatis manibus & pedibus.* eo quòd deinceps non possint bona vlla opera exercere. Ergo est impossibile de ordinaria potentia, Angelos malos velle benè: hinc Damasc. c. 18. ait, *Quod est Angelus casus hoc est hominibus mors.* Hinc

*Secunda pœna
obstinatio
in malo ex
carere potest
necessaria
ad velle boni
meritorium
& pœnitentiam
dum.*

*Potentia Dei
ordinaria
quid sit.*

Hinc constat quod vera ratio obstinationis damnatorum & inflexibilitatis voluntatis in illo statu sit carentia diuini auxilij & gratiæ. Ex decreto diuinæ voluntatis quæ de lege sua ordinaria decreuit completo statu viæ illos derelinquere.

Dices ista obstinatio in malo vel est à voluntate Angeli vel à Deo si primum poterit resiliere ab ea, nam sicut potuit istud malum velle ita & poterit se mouere in oppositum. Si ponatur esse à Deo, videtur sequi quod illa malitia quæ est in actibus illis ordinatis & peccatis, sit à Deo quod est falsum, quia tunc Deus esset causa peccati.

Respondeo illam obstinationem esse à voluntate creata positiuè à Deo autem negatiuè.

Prima pars probatur, quia actus dum est & conseruatur in esse, habet causam sui, illud ergo est causa conseruandi actus quod est causa effectiua illius: At Deus non potest esse causa effectiua mali, in quantum malum in prima sui causatione nimirum in prima sui electione, ergo neque à Deo potest esse continuatio & conseruatio eiusdem peccati, & sic sequitur quod actus ille in quantum peccatum, positiuè est à voluntate creata. Secunda pars probatur, quia sicut Deus gratificat illum cui disposuit dare gratiam, ita illum non gratificat quem dereliquit, hoc est respectu gratificationis eius habet nolle.

Vnde ad rationem contra primum membrum negat consequentiam: ratio est quia ad resiliendum, & remouendum se à peccato meritorie, requiritur principium supernaturale quod est gratia quam non potest Angelus malus habere ex se: Deus autem decreuit non ei amplius dare, quia via eius completa est. Hæc est germana opinio Scoti qui asserit Angelum non posse velle bonum meritorium, neque posse pœnitere, quia non habet gratiam, quæ requiritur ad eliciendum actum meritorium.

Dices Deus ordinauit auersionem Angelorum in malo semper manere, vnde Augustinus de fide ad Petrum cap. 3. vtiur his verbis: *Nec mala possent unquam voluntate carere, &c.* Hinc Bannes & alij immobilitatem in Angelo astruunt.

Respondeo Deum esse causam illius mali, negatiuè, non positiuè quoad malum vt malum, non verò quoad positium & illa voluntas non est immobilitas quædam causata in demonum voluntate, vel innata, sed est continuatio & conatus proprius Angeli destituti gratia Dei, & idè semper tendit in malum. Hinc vniuersaliter respondeo ad obdurationem quam in Angelis SS. Patres ponunt sic intelligendam, non quia immobiliter velint, vt docent Thomistæ, quodd est contra naturam voluntatis formaliter libere ex se, sed quia carent gratia ex qua carentia non possunt velle bonum, sed semper volunt malum.

Dices si solum decretum Dei non confertendi gratiam & derelictionis diuinæ est causa obstinationis demonum, viator qui si-

naliter non pœnitebit esset eodem modo obstinatus & impossibilitatem eandem haberet ad eliciendum bonum, quia huic etiam decreuit Deus non dare gratiam per quam pœniteat. Hoc tamen est absurdum.

Respondeo non esse parem rationem, quia non est lex vniuersalis Dei quodd tali peccatori non det gratiam, imò lex vniuersalis est in contrarium, scilicet quodd cuicumque viatori ad vltimum vsque instans viæ decreuit dare gratiam, vnde si alicui particulari de facto non dat, hoc est ex aliqua causa particulari, vt puta, quia ipse non vult gratiæ præuenienti & vocanti assentiri.

AD PLEAM quæstionis seu obstinationis Dæmonum intelligentiam, sciendum est Diuum Thomam 1. part. quæst. 64. assignare duas causas illius subordinatas; Prima est ratio status, quia sunt extra viam nec possunt vltius mereri & demereri, vnde peccatum est irremissibile & perpetuè manens quando reperitur in termino viæ. Secunda anterior & principalis causa à qua pendet ratio status eorum est, quia Angelus quicquid vult, vult immobiliter & inflexibiliter. Idè postquam elegit bonum vel malum, immobiliter vult illud bonum vel malum quod elegit, & ex hoc oritur obstinatio & confirmatio eius in malo, per quam malus non potest velle bonum, & oritur securitas in bonis, quia amplius non possunt velle malum. Rationes hæc afferuntur. Angelus apprehendit immobiliter, ergo vult, siue appetit immobiliter: Antecedens probatur, quia apprehendit sine discursu omnia, sicut nos apprehendimus prima principia sine discursu: Consequentia verò probatur, quia vniuersaliter virtus appetitiua proportionatur virtuti cognoscitiuæ sicut mobile suo motori, quodd in nobis declaratur, quia appetitus & volitiones singulares sequuntur apprehensiones siue cognitiones singulares, & volitiones vniuersales sequuntur apprehensionem vniuersalem. Confirmatur ex differentia liberi arbitrij hominis & Angeli, (in hoc, ait D. Thom.) quodd Angelicum est liberum ante electionem, non autem post, humanum ante & post.

S. Thom. tenet quodd Angelus immobiliter vult quodd vult.

Secunda ratio est Bannis, si obstinatio non proueniret ex immobilitate voluntatis Angelii, ergo illa esset vertibilis ad bonum sicuti humana, nec posset assignari ratio cur Deus non concesserit Angelo aliquod tempus ad veniam querendam per pœnitentiam sicut concessit primo homini. Consequens est falsum & contra sensum Theologorum: Consequentia verò probatur, quoniam suavis Dei dispositio postulat vt seipsum tam in puniendo quam in præmiando & gubernando accomoderet naturis, sed voluntas hominis & Angeli eundem haberent modum naturalem arbitrij flexibilem circa bonum & malum. Ergo etiam eundem modum seruare debuisset circa peccatum vnius & alterius.

Tertia, voluntas Angeli est multò perfectior humana & magis accedit ad diuinæ perfectionem: At præcipua perfectio voluntatis diuinæ est immutabilitas circa obiectum quodd liberè elegit. Ergo voluntas Angelica ex magna

magna perfectione sua est immutabilis in suis operationibus.

Adde quod voluntas quo perfectior & liberior est eo firmitus & immobilis se immergit obiecto volibili.

Sicut negat inflexibilitatem volendi in Angelo, & rationem oblationis eius in malo affectu prout ex caritate gratia quam Deus decrevit negare transiit ad statum via.

Scotus in 2. dist. 7. quæst. 1. impugnat hanc opinionem & distinguens bonum in bonum ex genere, bonum ex circumstantia siue virtuosum; & bonum meritorium siue gratuitum, dicit absolute dæmonem posse velle bonum quod de genere dicitur & de facto habere multas volitiones bonas in genere. Et loquendo de bono meritorio dicit esse in Angelo potentiam actiuam siue principium actiuum partiale, non autem totale volitionis meritorie, (supponit enim quod ad actum meritorium concurrunt voluntas & gratia tanquam duæ causæ partiales) & quod gratia quæ est causa magis principalis potest a solo Deo produci, non ab ipsa voluntate creata, utrumque constat; nam ex Dionysio voluntas eadem & integra remanet quam habebat ante peccatum; at cum non sit ipse causa gratiæ, idcirco non potest amouere omne impedimentum vsus suæ voluntatis & sui principij ad elicendum actum & effectum communem eorum. Exemplum datur; si quis habens visum esset in tenebris, licet tunc haberet principium actiuum partiale videndi, scilicet potentiam visiuam, quia tamen non haberet lumen quod est altera causa partialis concurrens ad actum visionis, non esset in potestate eius videre, quia non haberet totale principium producendi visionem. Ita hic non est in potestate Angeli velle meritorie: hac facta declaratione.

Impugnatur Diuus Thomas à Scoto primò sic Causa totalis non aliter causat nisi ipsa (secundum quod causa) aliter se habeat, sed sic est quod voluntas est causa sui actus & naturaliter prior eo, ergo non aliter causat nisi aliter se habeat secundum quod causa & deductis omnibus impedimentis, sed sic est quod voluntas per hoc quod habet actum secundum inhaerentem sibi, ipsa non aliter se habet in quantum est prior naturaliter actu; Ergo per nullum actum vel habitum superuenientem ipsi, etiam ut est separata à corpore habebit diuersum modum elicendi actum; ergo si prius eliciebat mobiliter, etiam posterius eliciet mobiliter non verò immobiliter. Assumptum probatur, quia dum est sub actu, aliter tantum se habet accidentaliter, non autem essentialiter siue secundum naturam absolutam voluntatis.

Confirmatur, quia constat dæmones mutasse electionem & iudicium quod prius habuerunt circa mortem Christi, prius enim *Diabolus misit in cor Iudæ ut traderet Christum Iudæis*. Ioann. 13. deinde procurauit per uxorem Pilati ut Christum non crucifigeret. Matthæi 27. Ergo Angelus non vult immobiliter quicquid vult.

Responsio ad D. Thomam elicetur ex ratione Scoti. Ad Bannes respondeo datum fuisse Angelis pœnitentiæ tempus, quia in eorum via fuerunt plures moriæ.

Ad tertiam respondeo perfectiorem esse Angelum non ex volendi immobilitate sed ex natura intellectuali.

Respondetur quod voluntas, ut prior omni suo actu & ut nuda non est causa omnis sui velle, sed est causa hoc modo tantum sui primi velle, affecta autem primo suo actu qui est amor finis vult cetera, & nuda nihil vult nisi finem quem primo vult; unde negatur propositio quod voluntas habens actum secundum non se habeat aliter substantialiter; dicitur enim transire in affectionis naturam, & sic quicquid deinceps vult velle ex illa affectione, hocque actu secundo Angelus obfirmatur in malo licet sit liber ad alios actus sub malo eligibiles.

Non satisfacit quia actus secundus superueniens voluntati est accedens, & proinde non mutat naturalem modum & essentialem ipsius voluntatis, unde sequitur quod si prius operabatur mobiliter operetur adhuc sic; patet consequentia, quia actus accidentaliter non variat substantiam rei cui aduenit; ergo neque modum operandi ipsius.

Ad confirmationem respondet Caietanus, Angelum velle immobiliter quia iudicium plenum & omnino determinatum sequitur, hic autem de Christo tradendo non præcellerat, idcirco mutauit. Sed hoc est diuinare mentem dæmonis.

Quæst. 6. An dæmon possit velle aliquod bonum morale.

Ante definitionem dubij sciendum est bonum morale esse triplex, ut docet Scot. dist. 7. bonum ex genere, bonum virtuosum seu ex circumstantia & bonum meritorium.

Bonum ex genere est actus elicited voluntatis transiens super obiectum conuenienti alii actui secundum dictamen rectæ rationis, & hæc bonitas est fundamentum omnis bonitatis moralis: cum enim actus non est circa obiectum conueniens illi secundum rectam rationem, non potest ex vlla circumstantia esse bonus, & idcirco nunquam erit bonus moraliter. At si sit circa obiectum debitum licet careat aliqua circumstantia propter quam non sit bonum morale virtuosum & perfectum, erit tamen bonus ex genere. Exemplum. Cum homo diligit proximum, vel Deum, vel se ipsum, recta enim ratio dicit ista obiecta esse diligenda. Huic opponitur malum ex genere, ut si quis odio habeat Deum, vel diligit blasphemiam Dei, isti actus versantur circa obiecta quæ secundum dictamen rectæ rationis non conueniunt illis actibus.

Bonum virtuosum siue morale ex circumstantia est actus elicited transiens super obiectum conueniens cum omnibus circumstantiis dictatis à ratione recta debere illi inesse iuxta illud Dionysij 4. de diuinis nominibus. *Bonum est ex causa integra*. Huic opponitur malum ex circumstantia, ut cum diligo proximum quia inferuit mihi in aliquo peccato.

Bonum meritorium seu gratuitum est actus elicited à voluntate habens duplicem bonitatem dictam scilicet ex genere & ex circumstantia, & amplius elicited à voluntate informata gratia & auxilio diuino, non autem solis viribus naturalibus ipsius voluntatis. Huic malum oppositum est actus carens triplici bonitate, ut odium Dei & similia.

Notan

Triplex est bonum morale.

Notandum est autem quod malitia potest esse in actu dupliciter, scilicet priuatiue & contrariè: priuatiue, ut cum actus elicitur circa debitum obiectum: sed circumstantia debita omittitur, non tamen opposita & repugnans adhibetur.

Dico dæmones posse operari aliquod opus moraliter bonum, probatur. Naturalia remanserunt integra, ergo remansit inclinatio naturalis ad bonum, ergo remansit in eis potentia ad volendum aliquid conforme illi inclinationi. Ergo possunt habere aliquem actum non malum moraliter. Gregor. de Arimino 2. sent. dist. 7. q. 1. negat bona naturalia remansisse integra, imò ait hoc dictum esse erroneum, & contra Magist. sentent. qui d. 7. q. 2. asserit Angelos malos habere liberum arbitrium, sed deprellum atque corruptum, quod surgere ad bonum non valet, & contra multa dicta Augustini de fide ad Petrum & 28. Enchirid. ubi ait quod *Post primum creatura rationalis malum, etiam nolentibus subintravit ignorantia rerum agendarum & concupiscentia noxiarum, ex quibus morborum non vbertatis sed indigentia tanquam fontibus omnis miseria naturae rationalis emanauit.* Et statim subinfert, *Verum haec omnia mala sunt hominum & Angelorum, pro sua malitia Dei iustitia damnatorum.* In Dionysij loco habentur postrema hæc verba, *Claudentes ipsorum boni inspectiuas virtutes.* Vnde vult dicere quod bona naturalia scilicet essentia, & naturales vires integra sunt quantum ad substantiam & eorum inclinationes ad bonum; vnde appetunt viuere, intelligere alia, & tamen cum hac integritate quo ad alia sunt debilitata & tenebrata. Thomistæ eodem modo respondent, dicunt enim naturalia quoad naturalia mansisse integra, non autem quoad moralia, quia tota bonitas moralis pendet ex debita volitione finis, hæc autem in dæmone est omnino deprauata, idè omnes actus eius sublequentes moraliter quoque sunt deprauati. Et si arguas quod dæmon habet vermem, siue synderesim id est remorsum conscientie de peccato commisso, sed remorsus est aliqua displicentia de peccato.

Hæc displicentia non est actus moraliter malus, quia est actus conformis inclinationi naturali, quæ est bona, potest autem præcisè sistere in hoc. Respondent non posse sistere quin apponat prauam circumstantiam, quia inordinata volitio finis ultimi est conuersa quasi in naturam, & sic semper in quacunque volitione etiam conformi inclinationi naturæ (ut potest esse nolle poenam in quantum est laxiua naturæ) semper apponit circumstantiam prauam finis, rationem dat Caietanus, quia omnes actus secundi sunt eius voluntati quoad exercitium subiecti, illa autem est deprauata & consequenter quos elicit deprauat. Scotus vrget potentiam Angeli ad bonum morale, & præten dit quod Angelus non facit necessariò opus malum moraliter, & quod posset quantum est ex viribus suis, facere opus absque appositione alienius circumstantiæ non bonæ, & hoc euincit remansio integra naturalium. Quod inferri posset ex Roman. 2. *Gentes quæ legem non habent naturaliter quæ legi sunt faciunt.* At Carriere in Professionem Fidei.

opera legis sunt bona moraliter completè, & Augustinus in libro de spiritu & littera capite 27. & 28. ait intelligi non solum de Gentibus conuersis ad fidem, ut exponunt multi, sed de Gentibus permanentibus in sua infidelitate & impietate, nec dicendum est eas facere ex gratia, quia dicitur *naturaliter*, quod opponitur actioni ex auxilio gratuito Dei quod non omnibus datur. At Angelus non magis est corruptus quam homo, ergo.

De Poena Daemonum, quantum ad Cruciatum.

Supposito quod peccatum nihil sit aliud Sex parte peccatoris quam voluntaria derelictio & contemptus Dei ut creaturæ adhæreat, poena quæ peccato annexa est duos habet ordines, primus Deum spectat quem peccator dereliquit, à quo pariter deseritur, sicque priuatur visione beatifica: priuatio hæc vocatur Poena damni; Secundus respicit creaturam quam peccator prætulit creatori, & idè iustum est ut creatura vindicet querelam Domini sui, & idololatriæ suæ poenam inferat; vnde est quod Ignis uti creatura actiuior & acrior assumitur à iusta Dei ira, & dolor inde causatus vocatur poena sensus, quia dolorosa & acutè sensibilis est. Apoc. 18. dicitur, *Quantum glorificauit se in deliciis fuit, tantum date ei tormentum & luctum.* Sed homo punitur duabus his poenis pro suo peccato à fortiori Angelus qui maximè se glorificauit & sibi complacuit. Quod autem de facto puniatur probatur ex Scriptura 2. Petri 2. *Dei peccantibus Angelis non pepercit; sed rudentibus inferni detractos in tartarum tradidit cruciandos.* Matth. 25. Apoc. 12. in canonica S. Iudæ, & Apoc. 10. *Diabolus dicitur missus in stagnum ignis.* ubi cum bestia & Pseudo-Propheta in æternum cruciandus est.

Quomodo autem ab igne quem esse corporeum non dubitatur, ex Gregor. 4. dial. 29. August. 21. ciuit. 10. & aliis, dæmones cruciuntur variè exponitur. Alij sic, in quantum ab illo detinentur, eique sunt diuina virtute alligati, vnde à S. Iuda in can. dicuntur *Vinculis æternis sub caligine reſernari.* Alij non tantum quia eo detinentur & alligantur, sed præterea ex eo quod illum tanquam quid sibi disconueniens & nociuum apprehendunt, dum se ab illo in æternum detinendos eorum cogitant, nec ab illa cogitatione desistere possunt. Alij arbitrantur ex illa detentione oriri in illis (Deo ita volente) tristitiam ac molestiam ei similem, quam hominis animus ex actuali corporis sui combustione experiretur. Alij docent ipsum ignem per qualitatem supernatoralem ipsi à Deo inditam realiter & physicè agere in dæmones, ipsique dolorem & cruciatum incurere.

Optimè Augustinus cit. non constat nobis quomodo cruciuntur, vnde post multa super hac questione subtilissimè disputata concludit: spiritus illos incorporeos poenæ corporalis ignis affici, veris quidem sed tamen miris & ineffabilibus modis.

Docet equidem S. Thom. art. 3. quæst. 64. dæmones esse doloris capaces & susceptibles: L I non

*Triples poena
dæmonum &
damnatorum.
damni, sensus
& loci.*

*Quomodo
ignis agit in
dæmones.*

*Gregor. de
Arim. negat
dæmonibus
Axioma ex
Dion. naturæ
hæc post peccatum
remansisse in Ange-
lis integra.*

*Scotus non
intendit dico-
re quod dæmo
faciat ali-
quod opus bo-
num moraliter,
sed quod
non necessa-
riò faciat
opus malum
moraliter.*

non quidem illius doloris qui est passio appetitus sensitui & percipitur organo corporeo; sed doloris parte spiritualis qui est quidam simplex actus voluntatis quo refugit & auersatur aliquid tanquam sibi contrarium & nocivum, (renisus ait D. Thom. voluntatis ad id quod est, vel quod non est, cum vellet esse.)

Ad Pœnam Dæmonum ponitur præterea locus, Infernus, & aer iste caliginosus vsque ad diem iudicii ad bonorum exercitium & impugnationem, patet ex Ephes. 2. & 6. ex 1. Petr. 5. August. lib. 3. de gen. ad litt. cap. 10. vbi dicit quod aer caliginosus est quasi carcer dæmonibus vsque ad diem iudicii. Locus autem etsi non sit pœnalis quasi afficiendo aut alterando naturam, afficit tamen voluntatem contristando dum apprehendit se esse in loco non conuenienti suæ naturæ aut voluntati. Portant autem secum ignem gehennæ quocumque vadant, vt glossat Beda in 3. Iacobi.

Adde pro grauissimo tormento præsentem semper Aeternitatem. Est enim de hîe dæmonum, hominûmque damnatorum tormenta in æternū duratura. Error fuit Origenis teste Nicephoro lib. 17. hist. Eccl. cap. 27. & 28. ea aliquando finem habitura, refellitur hic error ex Scriptura Matth. 25. vbi Christus Dominus refert hæc verba quæ in extremo iudicio aduersus reprobos prolaturus est, *Discedite à me maledicti in ignem æternum qui paratus est diabolo & Angelis eius.* Ex quibus verbis cum constet ignem illum esse æternum, sequitur illius pœnam fore quoque æternam, iuxta id

quod subiungit, *Ibunt hi in supplicium æternum.* 2. ad Thessalo. 1. de reprobis dicitur quoddam *Pœnas dabunt in interitu æternas.* & S. Iudas in canon. epist. dicit Angelos reprobos *vinculâ æternis sub caligine reſernari.* & Apoc. 20.

Probatur ex Concil. Lateranen. sub Innocent. III. cap. 1. de fide Cathol. vbi expresse definitum est reprobos & malos cum diabolo pœnam perpetuam subituros.

Probatur ex August. lib. de fide & operib. cap. 15. vbi de reproborum damnatione loquens ait, *Eris æterna eorum combustio, sicut & ignis æternus.* S. Ambros. lib. 7. in Luc. vbi hæc verba Isai 66. *Vermis eorum non morietur, & ignis eorum non extinguetur.* de æternis damnatorum suppliciis exponit.

QVÆRIS, qua ratione pœna æterna iustè infligatur pro peccato momentaneo.

Respondetur id iustissimè fieri tam respectu dæmonum quàm etiam reproborum hominum, quia, vt ait S. August. lib. 21. ciuit. cap. 12. *Ille dignus est æterno malo qui hoc in se peremissum bonum, quod esse posset æternum.* adde ex D. Thoma quoddam pœna taxatur secundum dignitatem eius in quem peccatur, Deus autem est infinitæ excellentiæ & maiestatis, & in eum peccarunt reprobi, vnde cum intensionem infinitam pœnarum sustinere nequeant, hæc compensatur duratione æterna. S. Greg. lib. 4. dial. cap. 44. addit, *Ad magnam iudicantis iniustitiam pertinet, vt nunquam careant supplicio qui in hac vita nunquam voluerunt carere peccato.*





D E

INCARNATIONE VERBI DIVINI.

E X P L I C A T I O

SECUNDÆ PARTIS SYMBOLI,

quæ ad mysterium Incarnationis
Verbi Divini spectat.



HACTENVS actum est de Deo ut in se est ab aeterno, Unus & Trinus, & ut ad extra est in tempore, Creator & Conseruator visibillum & inuisibillum. Iam Symbolum declarat Filium Dei esse Redemptorem hominis, ac proinde naturam eius assumpsisse. Cum igitur precipuus huius mysterij fructus ad nos ex eius cognitione & fide deriuetur; atque ut ipse hominum Saluator Patrem suum alloquens dixit Ioan. 17. Hæc est vita æterna ut cognoscant te Deum verum & quem misisti Iesum Christum. Ea de causa precipuas veritates in ipso inclusas accuratè digerere enitar, ut panis quem arctum promisit Deus, frangatur ad saturitatem fidelium & Verbum quod abbreviatum in carne fecit Dominus, dilatetur in solatium studiosorum. Sic Catholici scient non tantum quid de tanto mysterio tanquam certum credere debeant; sed etiam quibus terminis & loquendi modis sapientiam in illo absconditam aliis reuelare & conuenienter explicare possint, solerter distinguendo singulares Fidei articulos, qui tanquam à radice & trunco Incarnationis abundè pullulant. Hos ad septenarium numerum uti perfectionis indicem reuocaui. Summa mysterij exprimitur his verbis: QVI PROPTER NOS HOMINES ET PROPTER NOSTRAM SALVTEM DESCENDIT DE COELIS. ET INCARNATVS DE SPIRITV SANCTO, EX MARIA VIRGINE. ET HOMO FACTVS EST. Rami sunt hi: 1. Crucifixus, Passus. 2. Et sepultus est. 3. Et resurrexit. 4. Ascendit in calum. 5. Sedet ad dexteram Patris. 6. Et iterum venturus est cum gloria iudicare. 7. Cuius regni non erit finis. Summa mysterij, Gallicè, le fonds du Mystere, quæ Deum capit, vix ac ne vix quidem capitur ab intellectu creato: ipsamet unio Verbi mentes hominum dissoluit, & plures ingerit difficultates & quaestiones quas prædocente Ecclesia Verbi ipsius prædilecta Sponsa expendam sub titulo Incarnationis. Ceteros Articulos resultantés percurram & sub propriis Symboli terminis examinabo.



EXPLICATIO ARTICVLI

Incarnationis,

*Et in unum Dominum Iesum Christum
Filium Dei unigenitum.*

Hic tria sunt particule Fidei quot verba quæ implicitè continent quæcumque exprimentur sublequenter vique ad hæc, *Qui propter nos, &c.* expositionis causa sine dubio appositæ à Concilio Nicæno ad totalem Arianismi extirpationem, Apostoli itaque & Ecclesia Christum vocant *Dominum*, supremum scilicet, creaturis omnibus eminentissimum, qui proinde sit Deus: soli siquidem Deo sic eminere & superextolli conuenit; vnde & vnus dicitur Dominus, quia vnus siue vnicus est Deus non multiplex, vt dictum & probatum est in primo articulo.

Christus ergo credendus est Deus seu natura diuina præditus, quam veritatem multipliciter attestantur Sacre Scripturæ vt quæ Dei nomen nunc illi tribuunt Isaia 9. *Vocabitur Deus fortis.* Isaia. 35. *Deus ipse veniet & saluabit nos, tunc aperientur oculi cæcorum & auræ patebunt.* Ioan. 20. *Dominus meus & Deus.* 1. Ioan. 5. *Vi simus in vero Filio eius, his est verus Deus.* Rom. 9. *Ex quibus est Christus secundum carnem, qui est super omnia benedictus Deus in sæcula.*

Nunc eundem cum Patre faciunt, quem Deum esse nemo inficiatur, Ioan. 10. *Ego & Pater vnum sumus.* Ioan. 14. *Qui videt me videt & Patrem meum non credis, quia ego in Patre & Pater in me est?*

Nunc propriis Dei attributis præditum dicunt vt æternitate. Michea 5. *Egressus eius à diebus æternitatis eius.* Hebr. 13. *Christus heri, Christus hodie.* Et omnipotentia. Apoc. 1. *Dicit Dominus Deus, qui est, qui erat, & qui venturus est omnipotens.* Et omniscientia, Coloss. 2. *In quo sunt omnes thesauri sapientia & scientia Dei.* Ioan. 1. *Vidimus eum plenum gratia & veritatis.*

Nunc corporaliter hoc est reipsa & verè habitare in eo diuinitatem. Coloss. 2.

Nunc esse Dei Filium non vtique adoptiuum sed naturalem propter quod *Vnigenitus* dicitur Ioan. 1. *Et ex vtero genitus* Psal. 109. Quis autem nescit filium naturalem esse eiusdem cum Patre substantiæ, proindeque hominem si Pater sit homo, Deum autem si sit Deus.

Non est quod hic inferam sententias SS. Patrum, rescribendi enim essent eorum libri, cum pro ipsa Christi asserenda diuinitate ab ipsis Ecclesiæ incunabulis decertarint contra Paganos & Hæreticos, vnum ex millibus S. Augustinum profero, qui in homil. 32. habet aurea hæc verba: *Deus factus est homo vt in vno tibi esset quod videres & quod crederes.*

Rationis locum tenent ad conuincendam perniciatiam, miracula quæ fecit Christus vt verum Deum se ostenderet: haud dubiè cum miracula sint à Deo non potest non esse verum quod per illa confirmatur, nisi quod

absit, Deum velimus facere falsi stipulatorem ac testem, fecisse autem plura miracula perhibet Euangelium Ioannis specialiter commemorantis illa quæ singulare pondus & emphasim habent, ad probandam diuinitatem suam cap. 15. dicitur, *Si non venissem & non fecissem opera in eis quæ nemo alius facit peccatum non haberent.* scilicet infidelitatis in Christum.

Quod si dicas miracula attestata in Euangelio, nec quantum ad substantiam rei, nec quantum ad actionis substantiam non conuenire aut demonstrare diuinitatem in Christo; nam Moyses, Elias, elisæus ediderunt non minus spectanda, Apostoli etiam non rogati maxima fecerunt, imò vmbra Petri obuios quosque sanabat.

Dux tamen circumstantiæ singulares notantur in operibus Christi quæ pronuntiant de eius diuinitate quam manifestare sufficiebant, nisi malitia hominum specialiter Iudæorum praua voluntas & odium obstitisset.

Prima quod in nomine Christi, alij miracula patrabant: nec inuenitur quod vnquam vera facta sint in alio nomine quàm Dei & Christi, vnde necessariò inferitur eum esse Deum, cuius solius est miracula facere, vnde Marc. 16. dicebat, *In nomine meo demonia eiicient, &c.*

Notatu dignum est Christum diuinitatis suæ notas & testimonia proferte voluisse per miracula discipulorum suorum, imò vt Luc. 9. legitur per alienum de quo indignatus perhibetur Ioannes. *Preceptor vidimus quendam in nomine tuo eiicientem demonia & prohibuimus eum quia non sequitur se nobiscum.*

Secunda circumstantia hæc est, quod tunc Christus se Deum faciebat & operabatur ad probationem suæ propositionis; hinc veritas verborum suorum demonstratur, cum per miracula quæ Deus solus vt causa efficiens edere potest, confirmetur, quique mendacio & falsitati adstipulari, & testimonium dare non potest, cum sit ipsamet veritas. Duo ergo media hæc obtestantur diuinitatem Christi.

Quemadmodum autem hic idem Dominus ratione diuinæ naturæ dicitur Filius Dei vnigenitus; sic ratione humanitatis & temporalis suæ natiuitatis dicitur IESVS id est Saluator, quod nomen missum est de cælo & tanta veneratione dignificatum, vt ad eius auditum omne genu flectatur, & ad laudes & encomia concinnanda singularissimi sint SS. Patres, & quilibet Euangelij Expositores: vnum meminisse ad omnia innuenda sufficiat, Act. 4. *Non est aliud nomen sub cælo datum hominibus in quo oporteat nos saluos fieri.* Et idèd soli Saluatori nomen IESVS (secundum quod quid rei est, vt philosophicè loquar) impositum est.

Quod si quidam in veteri lege hoc prædecorati leguntur nomine, id ad prænuntiandum virtutem eius in personis singularibus præfiguratum factum esse non ambigitur: sic Iosue luccessor Moysi, cui cum prius Auses diceretur idem Moyses mutauit nomen quando ei commendauit populum introducendum in terram promissam, vt non per Mosem, sed per Iesum; id est non per legem, sed per gratiam populus Dei in cælum per terram illam significatus intraret, vt notat S. August. hom. 27. Sed & Ioseph Patriarcha dictus est Saluator mundi

mundi & typum gessit Christi, eo quod consilio & sapientia sua totius Ægypti salutem consuluisset frumentum reseruans & dispensans quo vita seruaretur Gen. 4.

Verum Ecclesia eundem Iesum solet appellare CHRISTVM, tum quia isto illam agnomento condecorauit S. Matth. 1. dicens: *Jacob genuit Ioseph virum Maria de quo natus est IESVS qui vocatur CHRISTVS.* Tum quia Christus, vel vt Hebræa voce vtat, Messias vnctum significat. Christi nomen, inquit S. August. serm. 42. de verbis Domini, à chrismate dictum est, *Chrisma* autem Græcè, Latine *Vnctio* nuncupatur. Habeo porro persuasissimum ipsum quoad humanitatem inunctum & exornatum non ab hominibus, neque enim aliquam ab iis potuit accipere perfectionem qui vt omnes perficeret venit. Ioan. 1. *De plenitudine eius omnes accipiunt.* Sed à Deo vt cantat illi regius Propheta Psal. 44. *Vniuste Deus tuus.* non materiali sed spiritali oleo, virtutibus scilicet, charismatibus, donisque spiritalibus omnis generis, quæ olei nomine apprimè significari docet analogia quam ad istud habent: nam sicut olei beneficio nitent corpora, suauiter fragrant, corroborantur, irriti redduntur conatus pugilum, inferiores sunt liquores cæteri; sic donis illis eximii nitescit animus, odor est vitæ in vitam, conualescit ad omne opus bonum, & luctando fit hostibus omnibus superior.

Filium Dei vnigenitum. Et ex Patre natum.

Hic exprimitur secunda SS. Trinitatis persona, quæ Dei Filius vnigenitus est & dicitur. Filius equidem quia procedit à Deo Patre vt similis ei secundum naturam, idque ex vi productionis suæ, sicut ergo in rebus creatis genitus dicitur generantis filius ob eiusmodi similitudinem, ita est cur etiam in diuinis filij nomen retineamus & agnoscamus. Ratio enim quam quæst. 26. de SS. Trinitate assignauit, ob quam Verbum in diuinis potius dicatur Filius, quàm Spiritus Sanctus, hæc est, quia hæc secundum modum suæ processionis, quæ est per intellectum, cuius est tendere ad perfectam assimilationem procedit in similitudinem naturæ, quod non conuenit formaliter Spiritui Sancto, vnde & nusquam reperitur vocatus natus aut filius aut genitus, sed procedens, spiratus Amor, Donum.

Mysterium penitus enucleo et si suo loco satis declaratum. Quomocumque explicetur hic articulus, certum est quod in diuinis sit aliqua generatio & Dei Verbum sit Dei Filius, ab eoque procedat per emanationem, quæ nuncupatur generatio, ac proinde Filij propria: clara quippe sunt Scripturæ testimonia. Isai. 66. *Ego qui alius generationem tribuo dicit Dominus sterilis ero?* Psal. 2. *Filius meus es tu, ego hodie genui te.* Psal. 109. *Ex vtero ante Luciferum genui te.* Sic autem res potest sufficienter explicari. Cum intellectus ipse creatus adeo potens sit, vt intelligendo aliquid producat eius verbum seu similitudinem expressam & imaginem; rursusque tam imaginatio quàm oculus creatus adeo sit efficax, vt

illa plurimas in appetitu sentiente possit excitare passiones, & fetui dum est in vtero rerum appetitum à matre notas imprimere; hic verò speculo non prius obiciatur, quàm in eo contemplans se se, alium quendam apparentem mox excitet sibi similem. Multò magis videri debet intellectus increatus seu diuinus; quo Deus Pater seipsum contemplatur, intellectio- nis suæ terminum quendam seu Verbum post se relinquere rei intellectæ seu Patris representatiuam, eidemque summè simile (quia similitudo tantò maior est, quantò intellectus seu intelligens est perfectior, hic autem est infinitè perfectus) ac proinde simile secundum essentiam ipsam diuinam subsistentem, quod fieri non potest nisi ipsum quoque diuinum Verbum sit persona quædam diuina eandem habens subsistentem essentiam.

Illum tandem Dei Filium affirmat fides esse VNICVM, quia sic illum vocat sacra Scriptura Ioan. 1. *Vidimus gloriam eius, gloriam quasi unigeniti à Patre.* & versu 18. *Vnigenitus qui est in sinu Patris.* Ad distinctionem scilicet electorum, qui non simpliciter Dei filij dicuntur & sunt, sed per adoptionem. Ephes. 1. *Prædestinavit nos in adoptionem filiorum per Iesum Christum;* ille autem filius naturalis, vnde S. August. serm. 51. de verbis Domini, *Filij sumus quos voluntate sua filios fecit, non ex natura sua filios genuit; genuit quidem & nos, sed quomodo dicimus adoptatos ab adoptante generatos beneficio non natura?* Ille dicitur vnigenitus, quia hoc est quod Pater. Nota tamen hanc secundam personam tria habere nomina. Primò dicitur Filius respectu Patris. Secundò dicitur Verbum, quia producit per intellectum. Tertiò Imago, quia vi suæ processionis est similis Patri producenti. Hæc autem nomina non sunt synonyma, quia Verbum includit duplicem relationem vnā realem alteram rationis.

Sed quid vetuit plures esse filios naturales? vide q. 25. 26. 27. Resp. Productio filij exhaurit totam cognitionem Patris. Exemplum; Solis actio lumen producentis vnica est & naturalis, in ea Sol vires omnes exerit, & producit quicquid est producibile, videlicet vnum quoddam lumen eiusmodi potentie respondens & adequatum; ita planè generationi diuinæ accidit, naturalis est ac necessaria, proindeque secundum potentiam totam Patris generantis. Idè vt est vnica ita vnica per illam filius generatur. Tum ex August. epist. 174 ad Paschasium, *Semper gignit Pater & semper nascitur Filius,* quia Filius gignitur in æternitate, quæ est indiuisibilis, immutabilis, infinita, coexistens omnibus partibus nostri temporis, cum autem non possimus explicare generationem Verbi diuini nisi per respectum ad nostrum tempus, coexistatque toti nostro, hinc dicimus Filium semper genitum esse & semper gigni, durat ergo semper actus, seu dictio Patris, vnde constat non posse esse duas dictiones seu generationes, & consequenter nec duos eius terminos seu filios, ergo necessaridè Filius Dei naturalis est vnica seu vnigenitus.

QVÆRES, vtum rectius dicatur Filium semper gigni, an semper genitum esse.

Nota Malum. mitem negare in Deo filium quia non habet uxorem, quasi videretur increatus & creatus dabamus eodem pedo metiri & interens non sit maximum discrimen, nunquid & Adam carnis Patre & Matre? & Eva: nunquid & apes? aliaque animantes propagari dicuntur sine coniunctione.

Respondeo ex 37. quæst. August. libri 83. rectius dici semper genitum esse, quàm semper gigni; nam licet semper duret actus gignendi, tamen semper etiam est perfectus & consummatus.

Ante omnia sæcula.

Quomodo autem & quanto iure diuinum hoc Verbū dicatur ex Patre natum *Ante omnia sæcula* plenè declarauimus in tr. de Trinit. & plenissimè exprimunt sacræ litteræ Mich. 5. *Egressus eius a diebus æternitatis eius.* Psal. 2. *Filius meus es tu, ego hodie genui te.* Hodie dixit propter æternitatem, cui nec heri præterit, nec cras imminet, sed omnia sunt præsentia. Hanc eandem fidem à S. August. didici apud quem legimus in lib. de 5. hæresib. cap. 6. *Pater nunquam non fuit, filius nunquam non filius, ambo æterni nec esse ceperunt, nec desierunt.* Eandem confirmat ratio manifesta, si sol ab æterno extitisset, lumen solis ab æterno fuisset, non alia de causâ, quàm quia sol necessariò & naturaliter producit lumen, sed Deus Pater necessariò ac naturaliter generat Filium; igitur cùm fuerit ab æterno, Filium consequenter ab æterno genuit. Nec mouet Arrianorum impugnatio hæc. Filius habet principium sui esse, quia est ab alio nempe à Patre. Ergo etiam habet principium suæ durationis: quia esse & duratio sunt idem in diuinis, quod autem habet principium suæ durationis non est æternum; ergo Filius non est æternus & ante omnia sæcula. Respondeo namque nomen principij dupliciter sumi. Primò pro principio producente, sic verum est Filium habere principium sui esse & durationis. Nam à Patre producente accepit esse & durationem, accepit tamen ab æterno. Secundò pro initio inchoante. Sic falsum est Filium habere principium sui esse & durationis; non enim assignari potest aliquod initium inchoans in quo cæperit Filius esse & durare, quasi antea non fuisset & durasset. Nam ab æterno fuit & durauit.

Instatur, vel Filius erat cùm gignebarur, vel non erat, si erat frustra genitus est, si non erat, ergo aliquando non fuit, ac proinde non est æternus seu ante omnia sæcula.

Respondeo cum S. Basilio lib. 2. contra Eunomium, Filium non fuisse antequam gigneretur, tamen fuisse cùm gigneretur, nec idcirco esse consequens vt frustra genitus esse videatur: frustra gigneretur, quòd esset antequam gigneretur, Filius autem non fuit antequam gigneretur, sed vt dixi, simul fuit & genitus est (nam similiter momentum temporis est cùm sit, & sit cùm est,) & sicut ab æterno genitus est, ita ab æterno fuit.

*Deum de Deo, Lumen de Lumine,
Deum verum de Deo vero.*

IN Concilio Nicæno vnanimi trecentorum decem & octo Patrum consensu conclamatur Dei Filius, Deus de Deo, lumen de lumine, Deus verus de Deo vero: *ὁμοῦς*, hoc est consubstantialis pronuntiatur, & omnium nomine, ab Osio Cordubensi Episcopo

Sedis Apostolicæ Legato concepta fidei formula quæ hæc verba supra dicta habet, promulgatur præsentem Constantino Imperatore aduersus Arrium blasphemantem & dicentem Filium Dei esse creaturam.

Deus de Deo itaque dicitur, quia est Dei Filius naturalis, vt suprâ demonstratum est, patetque ex illis verbis Psal. 109. *Ex utero ante luciferum genui te.* Ex utero id est ex intimis communicando tibi propriam meam essentiam; Filius autem naturalis est ab eo, & de eo à quo esse accepit, vnde fit vt Christus sit à Deo Patre seu de Deo Patre. In Toletano XI. in confessione fidei sic dicitur: *Filium de substantia Patris sine initio ante sæcula natum, non tamen factum esse confitemur.* Et in Symbolo Athanasij, *Deus est ex substantia Patris ante sæcula genitus, & homo est ex substantia matris in sæculo natus.* Et colligitur ex illo Ioan. 10. *Pater meus quod dedi mihi maius est omnibus.* Quod Concil. Lateran. cap. *Damnatus*, dicit intelligendum esse de substantia Patris quam Filius accepit à Patre per generationem. Et ratio est, quia vera generatio qua aliquid procedit vt Filius, debet esse de substantia generantis: sed Filius Dei est verus Filius respectu Patris: ergo eius generatio debet esse de substantia generantis. 1. quia Filius non generatur de nihilo alioquin esset creatura, & eius generatio esset vera creatio: neque generatur de aliena substantia, alioqui vel nõ esset Deus, vel essent plures Dij secundum substantiam distincti: ergo generatur de substantia Patris.

Non quidem ad eum modum quo homo generat filium communicando ei partem substantiæ suæ, sed potiùs communicando illi totam substantiam suam per generationem æternam, quia substantia Patris est omnino simplex ac indiuisibilis, vide quæst. 25. in qua notatur quod illa præpositio *de* denotat habitudinem principij & consubstantialitatem, ita vt sit sensus, Filius est Deus de Deo, id est originatur à Patre vt consubstantialis.

Addita sunt verba *Lumen de lumine*, ad exprimendum emanationis modum, qui est per intellectus & sapientiæ seu lucis rationem, Deus enim lumen dici potest & solet, quia vt habet Ioannes 1. *Tenebra in eo sunt nullæ*, id est ignorantia nulla, & quia videre ac scire nos facit quicquid videmus & scimus, & vt Euangelistæ verbis vtatur, *Illuminat omnem hominem venientem in hunc mundum.* Sic & interpretatur August. lib. 7. de Trinit. cap. 1. *Pater*, inquit, *ipsa sapientia est & ita Filius dicitur sapientia Patris, quomodo dicitur lumen Patris id est quemadmodum lumen de lumine, & utrumque vnum lumen sic intelligatur sapientia de sapientia, & utrumque vna sapientia lumen est; Christus virtus & sapientia Dei, quia de Patre virtute & sapientia etiam ipse virtus & sapientia est sicut lumen de Patre lumine.*

Addita præterea sunt verba, *Deum verum de Deo vero*, quia vt exponit Hilarius lib. 4. de Trinit. non adimitur Patri quod Deus vnus est, quia Deus Filius sit. Est enim Deus ex Deo, vnus ex vno.

Genitum non factum.

Hæc inferuntur ad explosionem impietatis Arianae, quæ Filium Dei creaturam esse volebat. Genitus autem satis intelligitur ex prænotatis cum ab æterno totam habeat essentiam Patris, non factus autem credendus est, quia fieri dicitur quod esse accepit siue ex aliqua præiacente materia siue ex nihilo, vnde S. August. lib. de Eccles. dogm. c. 1. *Spiritus Sanctus non est natus, inquit, quia non est Filius neque ingenuus, quia non est Pater, neque factus, quia non est ex nihilo.* Atqui Verbum non est ex aliqua præiacente materia, substantia siquidem Patris de qua est genitum, est potius principium formale quam materiale, vt docet D. Thom. quæst. 41. art. 1. ad 1. & 2. Ratio est, quia substantia diuina est actus purus & forma subsistens. Ergo potius habet rationem principij formalis, quam materialis in generatione Filij. Vnde etiam in Scripturis vocatur forma. Philippens. 2. *Cum in forma Dei esset non rapinam arbitratus est esse se aequalem Deo.* Vide August. lib. 3. contra Maximin. cap. 14. & 15. vide quæst. 25. in 3. obiect. SS. Patres nusquam ausi sunt nominare in diuinis materiam vel quasi materiam.

Ad hæc quicquid factum est, per ipsum factum est. Ioan. 1. non ergo ipsum est, ne si id dicatur, asseratur fuisse cum nondum erat, seipsoque prius ac posterius, & contra, non fuisse cum erat. Equidem cum de humana generatione agitur, non repugnat factum esse quod est genitum, sed hoc inde oritur quod ita generetur, vt fiat ex præiacente materia quoad corpus, vel ex nihilo quoad animam rationalem. Verbum autem æternum neutro modo esse suum à Patre accepit.

Consubstantialis Patri.

Consubstantialis Patri hoc loco dicitur seu vt habet Nicæna Synodus *ὁμοούσιος* qui est eiuidem numero substantiæ siue essentiæ cum Patre. Hoc autem conuenire Verbo seu Dei Filio sic probatur; hic Filius est Deus vt iam pridem patuit, & non alius à Patre, cum plures Deos repugnet esse, vt etiam demonstrauit suo loco; ergo eandem numero diuinitatem habet cum Patre, quia si haberet aliam, haud dubie cum Deus dicatur à diuinitate esset alius Deus à Patre. Audire præstat S. Hilarij testimonium in lib. de Synod. *Non est alter Deus in genere substantia, sed unus Deus per indifferentis substantia essentiam.* Et infra: vnā substantiam Patris & Filij dicendo non erat, ac vnā substantiam negando iam errat.

Rursus omnis filius similis est patri secundum naturam, & tanto similior quanto actio per quam producit est perfectior: sed actio Dei Patris summè perfecta est, ergo Verbum seu Filius qui per eam producit, est Patri summè similis, cum ergo summa similitudo sit quoad eandem numero naturam siue essentiam, concludendum est eandem numero esse Filij quæ est Patris. Quod si dicas hoc non esse simile, sed idem, negatur, quia idem significat suppositum, aliud autem est suppositum Patris, aliud Filij. propter aliam vnus hy-

postasim siue proprietatem quam sit alterius, esto eadem natura sit verisque communis.

Ex hoc vnum sequitur notatu dignissimum, omnes perfectiones Patris, vt sapientiam, potentiam, bonitatem esse in Filio, & contrà, & ita verum esse quod habetur Ioann. 17. *Mea omnia tua sunt, & tua mea sunt.* Ratio est, quia perfectiones omnes vtriusque identificantur cum essentia quam habet; cum ergo Pater communicet essentiam suam Filio, ex consequenti censetur attributa seu perfectiones suas illi transferre seu communicare, sed diuersa ratione, iuxta illud Concilij Florent. *Omnia quæ Patri sunt, ipse Pater vni genito Filio suo gignendo dedit prater esse Patrem.* Ista exceptio occasionem suggerit querendi. An Pater omnem realitatem ac entitatem suam communicet Filio, vnde omnimodè dicatur consubstantialis patri: ratio partis affirmatiuæ vltro se profert quia in Patre est vnica simplicissima res, seu entitas realis quæ diuidi non potest, vnde si quid communicat Filio, debet illam totam ei communicare.

Respondent aliqui Patrem communicare Filio omnem realitatem ac entitatem absolutam, non verò relatiuam, quia non communicat illi Paternitatem, sed sic respondendo reddit idem dubium; nam absolutum & relatiuum sunt in Deo res vna simplicissima.

Dicendum potius cum Becano cap. 4. q. 8. de persona Patris, in Patre esse rem seu entitatem realem vnica & simplicissimam quæ diuidi non potest. Cæterum cum res illa simplicissima habeat plures modos seu rationes reales virtute inter se distinctas, vt *Esse absolutum & esse respectiuum*, potest ei communicare rem illam quoad vnum modum & non quoad alium, vt v. g. quoad *esse absolutum*, non autem quoad *esse respectiuum*.

Dices, Pater habet realitatem qua distinguitur à Filio & illam non communicat ei. Ergo aliquam realitatem illi non communicat.

Respondeo etiam illam communicat, non quidem quoad *esse relatiuum*, sed quoad *esse absolutum*: seu quatenus illa realitas (quæ est Paternitas distincta realiter à Filio) est essentia quam Pater Filio communicat. Vbi nota hæc tria nomina distinguenda esse *Realitas Patris, Essentia, Paternitas*; nam essentia præcisè significat *esse absolutum*: Paternitas præcisè *esse relatiuum*: Realitas neutrum præcisè. Vnde hæc est falsa, Pater communicat Filio Paternitatem, quia sensus est communicat illi realitatem illam, quoad *esse Paternitatis*, quod est falsum. Hæc tamen vera est, *Pater communicat Filio essentiam.* Item hæc, *Pater communicat Filio omnem realitatem quam habet.* Et hæc etiam, *Pater communicat Filio realitatem quæ est Paternitas.* Licet non quatenus habet rationem Paternitatis.

Vide quæst. de distinctione Attributorum ab essentia diuina, inde enim intelliges essentiam Dei esse immensum pelagus totius esse, in quo omnes perfectiones & realitates identificantur non obstante propria formalitate. Manet ergo inconcussa Filij Dei Consubstantialitas à Conc. Nicæno promulgata, etsi vox hæc non habeatur in Scriptura nisi sub aliis terminis significata.

Per

Per quem omnia facta sunt.

Confoditur hoc vltimo impium & sacrilegum Actij dogma illud quo Dei Filium factum esse & esse accepisse cum prius non haberet perniciosè contendebat; verba Concilij sunt gladius similis illi quo B. Ioannes Euangelista truncauit & abiecit quilibet hæresim contra Filium Dei insurgentem cum dixit: *Omnia per ipsum facta sunt & sine ipso factum est nihil.* Eandem sententiam litteraliter intelligendam & credendam proponit Ecclesia, illam sufficere credidit Augustinus cum sic scribit in cap. illud primum Ioannis. *Exeat nunc nescio quis infidelis Arriani, & dicat, quia Verbum Dei factum est, quomodo potest fieri ut Verbum Dei factum sit quando Deus per Verbum fecit omnia.* Sed ad hoc respondebant Arriani (semper enim pertinacibus ac superbis acquiescere nescis aliquid occurrit quod obiectent) esto per Verbum facta dicantur omnia, nihilominus non dicit Euangelista ipsum fecisse omnia, & sic non apertè agnoscit illud rerum omnium conditorem.

Verum instabant Catholici idem esse hoc loco omnia per ipsum facta esse, & ab ipso: non solum quia in Scripturis præpositio *per* non semel pro à vel ab ponitur, vt Genes. 4. *Possedi hominem per Deum*, pro possedi & impetraui hominem à Deo, sed etiam quia plerique in locis interpretantur sese clarissimè & docent ab ipso quoque Filio creata & constituta fuisse omnia, vt Prouerb. 8. *Cum eo eram cuncta componens.* Hebr. 2. *Tu Domine in principio terram fundasti.* Quod enim de Filio ibi loquatur Apostolus declarant verba quæ præcedunt, *Ad Filium autem dicit.*

Erit fortè qui percontetur si à Filio verè creata sunt omnia non minùs quàm à Patre, cur apertè locutus non est Ioannes? cur non dixit, *Omnia ab ipso facta sunt.*

Respondeo id factum, quia particula *per* solet instrumentis accommodari. Etsi autem Dei Filius seu Verbum non sit instrumentum eius verum, catenus tamen habet cum eiusmodi instrumento similitudinem, quatenus sicut instrumentum vim suam totam acceptam fert alteri, causæ scilicet principali, sic Verbum Deo Patri à quo habet essentiam & omnipotentiam. Discrimen autem est quod eadem numero vis non sit instrumenti quæ causæ principalis, sicut nec eadem numero essentia, quo sit vt illud sit ista longè imperfectius & tempore, ac saltem natura posterius. In Verbo autem respectu Patris alia sit ratio. Commendat hanc responsum opinio S. Thomæ 1. p. q. 45. art. 6. asserentis quod personæ diuinæ habent causalitatem respectu creaturarum secundum rationem suæ processionis, quam expressè Henricus quodlib. 6. q. 1. docet vt quæst. 4. de omnipotentia retuli: sic autem Pater cui efficiencia creationis attribuitur esset principium quod, & Verbum principium quo, producendi creaturas per notitiam, vt ait dispositicam, & Spiritus Sanctus per amorem impulsuum ad opus. Quomodoque sic certum est ex Paulo 1. Cor. 1. *Christi Dei virtutem & sapientiam dicit.* Nullamque, vt habet August. 15. lib. de Trinit. cap. 1. *creaturas esse potuisse*

nisi per Verbum diuinum, per quod facta sunt omnia. Conuincit & ratio quia Deus est agens per intellectum & voluntatem quæ eadem sunt in ipso sicut in Patre; sicque abundè declaratur articulus *Per quem omnia facta sunt.* Omnia, inquam, quæ habent aliquam perfectionem & entia sunt realia siue substantiæ siue accidentia. Ad exclusionem hoc addendum fuit peccati necnon & mortis quæ non sunt entia realia. Peccatum enim in suo formali est priuatio rectitudinis debite inesse actioni. Mors similiter est priuatio vitæ quam proinde Dominus propriè non operatur, sed impropriè hoc sensu quod lacessitus demeritis hominum suspendat concursum illum sine quo vltius subsistere & prorogari non potest vita mortalis, sicut scriptum est Sap. 1. *Deus mortem non fecit impij autem manibus & verbis accerserunt eam.*

Qui propter nos homines & propter nostram salutem descendit de cælis.

Educis quæ præcipuè ad diuini huius verbi gloriam facere videbantur, iam de iis quæ hominum causa præstitit informamur, & primò recensetur Deum qui finis est rerum omnium, direxisse maximum opus ad hominum gloriam & salutem, *Qui propter nos descendit de cælis.* Vbi non possum satis mirari cur phrasia hæc inseratur in Concilio quæ Apostolis obuia non fuit, eo maximè quod prima fronte obscuret mentem Christiani de immanitate Verbi diuini (quæ ipsum substantialiter & præsentialiter vbique necessariò constituit) non dubitantis. *Cælum & terram*, ait Dominus Hierem. 23. *ego impleo.* & Dauid cantat ei Psal. 138. *Si ascendero in cælum tu illic es, si descendero in infernum ades.* Quomodo ergo motum localem inuicem quasi nimirum more grauium corporum verbum Dei sursum esse delierit, vt deorsum esse inciperet; nam cum Deus sit, omnem implet locum, & cum impleat, nec deserere aliquod spatium potuit, nec nouum adipisci.

Metaphorica ergo est locutio Deo attributa: nec secundum motum localem intelligendus est iste descensus, sed secundum exinanitionem quæ cum in forma Dei esset serui formam suscepit, sicut enim dicitur exinanitus, non ex eo quod plenitudinem suam amiserit, sed ex eo quod nostram paruitatem suscepit, ita dicitur descendisse de cælo, non quod cælum deseruerit, sed quia terrenam naturam assumpsit in vnitatem suæ personæ, emphatica est ista locutio præferens hunc sensum, quod in terris homo factus apparuit, idque sit quasi magnus à propria & connaturali maiestate descensus, quem eodem verbo exprimere dignatus est Verbum ipsum quod descendit, Ioan. 3. sic locutum perhibetur. *Nemo ascendit in cælum nisi qui de cælo descendit.* Conformiter locutus est Paulus instruens Ephesios 4. cap. *Qui descendit ipse est qui ascendit.* More ergo hominum dogmata Christiana proponuntur & verbis humanis subiicitur Deus qui propter homines factus est homo, imò ipse ascendere dicitur cum dicitur in cor ho-

minis

minis ascendere quando cor hominis, quod exquirat, se subicit & humiliat Deo.

Crescit emphasis in motiuo istius descensus propter nos homines & propter nostram salutem non fuit satis dicere, qui propter homines, sed inferitur pronomen *nos* hoc modo, *Qui propter nos homines*, ut magis collati in nos per hunc descensum beneficij exprimeretur magnitudo, quod quidem sit pronomini illius additione, quo longè indignissimos fuisse nos significatur in quos tantum conferretur beneficium. Solet quippe pronominum expressio contemptum indicare vilèmq; conditionem personarum de quibus agitur. Vnde cum apud Grammaticos prima & secunda persona ferè non exprimantur, exceptio tamen est cum obiectæ personæ temerarium autum vel vilem qualitatem significare volumus, ut apud Auth. ad Heren. lib. 4. *Tu istud ausus es dicere?* & apud Cicer. in Verrem, *Tu innocentior quam Metellus?*

Rursus cum dicere potuissent SS. Patres, *Qui propter electos homines*, simpliciter dixere *Qui propter nos homines*, ut indicent neminem excludi ab emolumentis & salute quæ ex fontibus Saluatoris profluunt, qui omnes omnino saluare vult, tametsi reipsa non saluentur omnes.

In fauorabilibus propositio indefinita æquiualeat vniuersali estque perinde dicere, *Descendit propter nos homines, & descendit propter nos omnes homines*. Sicut Ioann. 21. *Pasce oues meas, & Pasce omnes oues meas*. cum non sit maior ratio cur vnæ Petro commissæ dicantur quàm alijs Et Mat. 16. *Dabo tibi clauis regni cælorum, Dabo tibi omnes clauis regni cælorum*. Vnde si quis testator hæredi suo legaret equos aut boues quos habet in stabulo, procul dubio de equis aut bobus omnibus id dictum iudex interpretaretur.

Quod autem propter omnes descenderit locuples testis est diuina Scriptura 1. Timoth. 2. *Vult omnes saluos fieri & ad agnitionem veritatis venire*. 2. Cor. 5. *Vnus pro omnibus mortuus est, & dedit redemptionem semetipsum pro omnibus*. Præcipui roboris sunt verba illa pro impiis mortuus est, quid enim impiorum nomine intelligi magis possunt quàm reprobi; non ergo electos solum seu prædestinatos, sed omnes saluandi gratia venit & descendit de cælis. Scribit in eandem sentent. S. August. in lib. ad articulos falsè impositos art. 1. *Contra vulnus originalis peccati quo in Adam omnium hominum corrupta & mortificata est natura, & vnde omnium concupiscentiarum morbus inoleuit, verum & potens & singulare remedium est mors Filij Dei Domini nostri Iesu Christi*.

Addamus rationem; virtus & charitas Christi non minus latè patent quàm Adami lapsus & vitiositas, constat autem eiusmodi lapsum corrumpere fuisse omnibus, & extendisse se se ad omnes, ut Rom. 5. dicitur, *Per unum hominem peccatum in mundum intravit & per peccatum mors, & ita in omnes homines mors pertransiit in quo omnes peccauerunt*. Eandem vim habet ista alia ratiocinatio. Remissior non fuit Christi charitas quàm diaboli inuidia, sed tanta fuit diaboli inuidia ut conatus semper sit omnes perdere etiàm sanctissimos, ut propterea cibus eius appelletur *electus* Abac. 1. & *Carrjere in Professionem Fidei*.

Apostoli sibi dictum audierint Luca 2. *Satanas expetitis vos ut cribraret sicut triticum*. Ergo & tanta Christi charitas ut omnes voluerit sua morte reparare etiàm perditissimos. Id si affirmauerimus facillè rationem intelligemus cur soli toties comparatur, ut Psal. 18. *Non est qui se abscondat à calore eius*. Christus iustitiæ sol est, Sap. 5. & Malach. 4. cuius calor amor est à quo ideo nemo abscondere se dicitur, quia cum Christus pro omnibus mortuus sit & de cælo descenderit ad omnes extenditur.

At inquires, Christus per cuius descensum in terras & ascensum in crucem saluati sumus non dixit de sanguine suo *Qui pro omnibus*, sed *Qui pro vobis & pro multis effundetur*.

Respondeo non esse insolitum Scripturæ sacræ multos pro omnibus ponere, ut 1. Cor. 10. *Vnum corpus multi sumus*. Vnde mox sequitur, *Omnes qui de uno corpore & de uno calice participamus*. Rom. 8. *Primogenitus in multis fratribus*. Luc. 12. *multis passeribus pluris estis vos*. Matth. 20. *Multi enim sunt vocati*. Nempe quamuis multi non sint semper omnes, è contra tamen omnes sunt multi. Non item orauit pro mundo, sed pro electis solis quos ei dederat Pater loquendo de illa oratione speciali quam obrulit in dicto cap. 17. Verùm ex hoc præuè collegeris oratum aliàs non fuisse pro omnibus. Id si quis inferre velit ex eiusmodi capite, inferet simul eum non orasse pro omnibus electis, sed pro solis Apostolis quorum dumtaxat ibi sit sermo. Neque enim ad alios verba ista referuntur, *Cum essem cum eis ego seruabam eos in nomine tuo. Quos dedisti mihi ego custodiri & nemo ex eis perierit, nisi filius perditionis*. Et infra: *Sicut tu remisisti in mundum, ita & ego misi eos in mundum*. Scilicet ut indifferentes omnes catechiscent, instruant, baptisent, Christianos faciant, & ad vitam æternam, si voluerint obliuendo mandata, perducant.



Et Incarnatus est.



X verbis & tenore Symboli Nicanici circa magnum pietatis Sacramentum, id est Incarnationem Verbi diuini, ut loquitur Apostolus, ordinem expositionis desumere tencor, consequenter & ab ordinaria Scholasticorum Doctorem methode paululum declinare. Quatuor notari digna proponit Symbolum. 1. Et incarnatus est. 2. De Spiritu Sancto. 3. Ex Maria Virgine. 4. Et Homo factus est. His quatuor veluti basibus super imponam questionum proprias & singulares etsi fortè non singulas quæ agitari solent, nulla tamen ad fidem spectans omittetur.

De Nomine Incarnationis.

Mysterium hoc etsi communiter credatur, ineffabile tamen est, ut autem aliquo modo ingeratur intellectui humano tribus modis eandem rem diuerso modo significantibus nuncupatur. Primò Incarnatio, quia persona Verbi incarnata est iuxta illud Ioan. 1. *Verbum caro factum est*. Nomine autem carnis

M m

nōn

non ea sola humana natura pars significatur, quæ vocatur corpus; sed ipsa tota natura humana ex carne seu corpore organico & anima rationali constans: qua significatione frequenter in Scripturis sumptum reperitur Genes. 6. *Omnis caro corrupta est viam suam.* Luc. 3. *Videbit omnis caro salutare Dei.*

Secundò nuncupatur vnio hypostatica, quia humana Christi natura vnita est personæ seu hypostasi diuinæ Verbi Dei.

Tertio assumptio humanitatis ad personam Verbi, quia persona Verbi assumpsit humanam naturam ad suam subsistentiam seu personalitatem.

Apud SS. Patres reperiuntur aliæ nominationes apud Hilar. in prologo super Psalmos dicitur, *Diuini Verbi corporatio.* Gregor. Nissen. orat. catechet. cap. 11. *Contemperatio diuinitatis cum humanitate.* Damascen. lib. 1. de fide, *Inhumanatio, œconomia, &c.* Ab August. *Mixtura admirabilis.*

Vnus tamen communiter inualuit tria præfata præferre & præ aliis Incarnationem, quamuis autem hæc tria nomina eandem rem significant, vt dixi; differunt tamen aliquo modo inter se & quædam vni tribuuntur in terminis vt vocant, quæ aliis tribui non solent: ac primò si de Incarnatione agitur ea nihil aliud est quàm actio qua persona Verbi incarnata est, vel qua Filius Dei naturam humanam assumpsit ad suam hypostasim seu subsistentiam quæ actio solet vocari vnio seu vnio, seu actio vnitiva.

Q V Æ S T I O I.

Quid sit Incarnatio, seu Vnio hypostatica.

ARdua omninò & vincens hominum scientiam questio hæc est, multi multiplicant verba sua, cum Deus suum abbreviauit, vt videretur ab omni carne, nec tamen faciunt vt essentia Vnionis & mixturæ istius admirabilis, vt loquitur August. intelligatur. Vnum certum admittitur Incarnationem factam fuisse per vnionem naturæ humanæ cum diuina in ipsius Verbi persona.

Certum est præterea Incarnationem seu vnionem hypostaticam duplici modo sumi posse, primo pro actione qua Deus vnioit seu coniunxit humanam naturam cum hypostasi seu persona Verbi diuini, quo sensu vocari potest Vnitio, & hæc actio seu vnio est à tota SS. Trinitate, sicut omnes aliæ actiones ad extra, vt definitum est in Conc. Lateran. sub Innoc. III. cap. 1. & in Conc. Toletano 6. cap. 1. Secundò pro termino proximo & immediato illius actionis, nam cuiuslibet actioni reali est aliquis terminus realis ipsi respondens, vt patet in Philosophia.

Præcipuus difficultatis nodus est quid sit illud quod sit, ratione cuius efficiatur vnus Christus Deus & homo ex diuina & humana natura.

Vnum hic necessariò concedendum est, nihil reale poni de nouo in Verbo, vt dicatur vniri cum humanitate, quia cum sit Deus &

consequenter omnis mutationis expers nihil reale de nouo suscipere potest.

Quod controuertitur est, an aliquid ponatur de nouo reale in natura humana per quod dicatur realiter vniri Verbo. Recentiores vt Vasq. 3. parte disp. 18. cap. 3. & Suarez 3. part. disp. 8. sect. 2. & alij, asserunt terminum formalem productum per actionem Incarnationis à SS. Trinitate esse modum nouum essendi substantialem, qui non est omnino absolutus nec omninò relatiuus sed simul est substantialis & relatio, & iste modus, inquit communiter Authores, est per quem natura humana manet vnita formaliter cum persona Verbi, Vasquez subiungit hunc modum essendi substantialem non esse aliquid præuium quo natura præparetur vt sustentetur à Verbo sed esse actum personæ Verbi terminantis & sustentificantis naturam humanam.

Sed quæro quid sit ille modus, quo modo afficiat naturam, quid illi conferat. Dicent fortè conferre vt vnita sit Verbo. At quomodo per illum modum realem natura humana est & dicitur vnita Verbo, nisi ipsum etiam Verbum attingat & in eo recipiatur: non concipio vinculum quod in vno tantum extremo est, posse realiter ipsum cum alio extremo in quo non est coniungere, & non video quomodo vinculum dici possit.

Præterea si non attingat Verbum, non video cur potius Verbum dicatur vniri humanitati quàm Pater vel Spiritus Sanctus: supplet, inquit, Verbum vicem & absentiam propriæ personalitatis naturæ humanæ quod non faciunt Pater & Spiritus Sanctus. Insto & quæro, quid sit illud quod præstat Verbum circa humanitatem supplendo absentiam personalitatis? & quo genere causalitatis id faciat? Non enim in genere causæ materialis, quia Verbum non fuit subiectum humanitatis, nec in genere causæ formalis, quia Verbum non potest dici forma humanitatis: nec in genere causæ finalis & exemplaris tantum, vt constat inter omnes. Restat igitur vt si Verbum præstiterit aliquid circa humanitatem, illud fuerit in genere causæ efficientis, sed hoc opus hic labor est. Quomodo enim aliquid potest esse à Verbo in genere causæ efficientis quod non sit à tota SS. Trinitate? Deus enim operatur ad extra per voluntatem quæ vna est in tribus personis, consequenter effectus qui prodeunt à Deo sunt communes, vnde factum est Axioma opera Trinitatis ad extra sunt indiuisa.

At modus ille seu entitas creata producta in humanitate est opus ad extra. Ergo non soli Verbo attribuenda est vt causæ effectrici.

Responderi posset nihil esse in personis diuinis quod non sit actiuum, nihil quod non sit perfectissimum: perfectionis autem est agere, hoc supposito cum in qualibet persona duo inueniantur, licet non realiter sed formaliter tantum distincta, essentia scilicet diuina communis & personalitas. In Verbo possunt distingui essentia seu diuinitas & filiatio, sicut proportione seruata in substantia ens & substantialitas. Prius nempe essentia est aliquid commune toti Trinitati posterius personæ Verbi peculiare est.

Ad propositum igitur dicit magni nominis Sorbo

Incarnatio sumitur sæpè pro actione facta in ea quæ est à tota Trinitate & dicitur vnio, ordinatio tamen pro termino illius actionis qui communiter asseritur modus quidam substantialis seu cuiusdam creaturae.

*Singularis
sententia D.
Abra. de Ra-
com in Tract.
de Incarn. q.
3. qua Incar-
nationem po-
nit in influxu
Verbi ad su-
stentandam
humanitatem
distinctionem
sua propria
hypothesis.*

Sorbonista exinde Vaurenſis Epiſcopus, Incarnationem proprie conſiſtere in eo quod Verbum intimè præſens humanitati, per ſuam perſonalitatem præbeat illi peculiarem influxum ad eam ſine ſubiecto conſeruandam ratione cuius ſuppoſitum eius dicitur & ex eo & ipſa natura humana reſultat vnus Chriſtus. Rationes has affert, quia omnis alius modus qui ſit per vniionem aliquam realem eſt penitus inintelligibilis, quia vel ſimul recipitur in natura humana & Verbo, vt ipſa vniat, ſic inſert mutationem Verbo, vel eſt in ſola natura humana & non in Verbo, & ſic concipi non poteſt vt eius interuentu natura humana & Verbum vniantur. Tum à ſimili informatio animæ rationalis nihil eſt aliud (ex probabiliori ſententia) quàm eius præſentia ipſi corpori humano cum ſpeciali influxu quem adhibet circa ipſum corpus benè diſpoſitum ad eius operationes exercendas, qua recedente diſpoſitione nihil operatur: & idèd recedit & quo ex Dei diſpoſitione ire debet pergit, abſque vilo modo reali qui recipiatur tam in corpore quàm in anima. Ita Incarnatio ſeu vniio hypoſtatica nihil erit aliud quàm intima diuini Verbi præſentia in humanitate cum ſpeciali influxu quem præbebit ad eam extra ſuppoſitum proprium ſuſtentandam.

Quod ſi obijcias influxum omnem perſonalitatis diuinæ eſſe ſemper ab eſſentia communis, quia ipſa includitur eſſentialiter in perſona, ergo erit communis, conſequenter Verbum non poteſt ſupplere per peculiarem influxum abſentiam ſubſiſtentia in natura humana. Reſpondet quod licèt eſſentia includatur in perſonalitatibus, hæ tamen non deſinunt conſtituere & diſtinguere perſonas, illiſque eſſe proprias, Paternitatem Patri, Filiationem Filio, & Spiritationem paſſuam Spiritui Sancto, ſic influxum manantem à propria perſonalitate alicuius perſonæ dicit non deſinere eſſe illi peculiarem, licèt oriatur etiam ab eſſentia diuina quatenus incluſa in tali perſona.

Si attentioni opponas nouitatem quæ Patribus incognita & refragari videatur, qui nunquam meminerunt alicuius peculiaris influxus manantis à propria perſonalitate diuinarum perſonarum, imò ſtatuertunt opera ad extra eſſe indiuiſa & communia toti Trinitati. Reſpondet quod licèt hæc opinio non inueniatur apud SS. Patres, tamen contraria non eſt diffinita aut iſta condemnata, & ratio in auxilium imbecillitatis aduocanda & exercenda eſt, quæ vtrumque oſtendat, quomodo & quæ ratione ineffabilis Incarnatio peracta ſit, cum nullis modis aut exemplis concipi poſſit, nec mirum videri debet, cum multa in dies inueniantur quæ non fuerint prioribus ſæculis cognita.

Ad Axioma reſpondet intelligendum de operibus quæ hunc à Deo vt vnus eſt in tribus perſonis, & operans per eſſentiam communem quatenus communis eſt, vt in creatione, conſeruatione vniuerſi, &c. non autem ſiue affirmando ſiue negando intelligendum eſſe de operibus quæ manare poſſunt à perſonis per proprias proprietates & perſonalitates.

At ego quæram quomodo influxus iſte qui neceſſariò eſt qualitas quædam & accidens *Carriere in Profeſſionem Fidei.*

poteſt facere vniionem ſubſtantialem & conſtituere per eam vnum per ſe.

Pace tanti viri dixerim, non video quomodo diſtet hæc expoſitio Incarnationis ab errore illorum qui contendebant naturam diuinam & humanam vni in Chriſto, nihil aliud eſſe quàm communicari Attributa ſeu proprietates diuinitatis humanitati Chriſti, communicari autem non per ſe ſed per accidens, idque non fieri non per dona creata & inſula, nec ita vt illa diuina Attributa ſint proprietates naturales humanitatis. Sed quia diuinitas inhabitat tanquam in ſuo proprio corpore in Chriſti humanitate, & in ea lucret omni ſua majeſtate, potentia, ſapientia, &c. & in illa & per illam omnia operatur. Itaque talis ſit vniio qualis eſt inter agentem principalem & instrumentum; vnde ſequatur Chriſtum diſſerre ab aliis hominibus per energiam, quia Deus per Chriſtum omnia operatur. Non eſt hic quæſtio de donis ſiue influxu ſingulari, ſed de ſubſtantiali vniione diuinitatis & perſonalitatis Filij Dei cum humanitate Chriſti, præciſo quouis influxu qui conſequens ad vniionem concipitur.

Scotus in 3. ſent. diſt. 7. q. 2. & 4. ſent. diſt. 1. q. 2. rectius quàm quiuſ alius declarat hoc myſterium; tenet enim actionem Trinitatis nihil aliud de nouo producere per hanc vniionem in natura diuina, præter relationem dependentiæ huius ſpecialis naturæ humanæ ad perſonam Verbi, quæ dependentia dicitur peculiari nomine ſuſtentificatio, ſuſtentificatur enim natura humana ab hypoſtaſi Verbi, poſita enim hac ſuſtentificatione & dependentia reſultat vniitas hypoſtatica, ſuſtentari enim hypoſtaticè, nihil aliud in natura humana ponit vel dicit niſi relationem illam dependentiæ: Terminus ergo actionis Trinitatis, qui eſt paſſio illi reſpondens per quam natura humana eſt mutata & paſſa, eſt forma illa accidentalis, terminus autem totalis & adæquatus reſultans per hanc vniionem eſt Chriſtus. Vbi nota quod Chriſtus non eſt terminus formalis actionis Trinitatis, quia Chriſtus dicit Deum & hominem, Deus autem, & perſona Verbi non eſt facta: idèd non poteſt eſſe terminus actionis Trinitatis neceſſariò reſultans. Terminus ergo formalis actionis Trinitatis eſt, naturam humanam ſuſtentificari à Verbo, id eſt ſpeciali dependentia dependere ad perſonam Verbi ſiue recipere ſubſiſtentiam Verbi, quæ receptio ſubſiſtentia Verbi vt eſt in natura humana nihil aliud eſt quàm reſectio; nec cogimur dicere quod ſit quid ſubſtantiale creatum, quia hæc vniio non eſt ſubſtantialis per aliquam ſubſtantiam ſeu entitatem nouam creatam.

Caietanus vult terminum formalem productum per actionem Trinitatis, eſſe Filium Dei eſſe hominem. Quod ſi quæras quid ſit illud verbum eſſe hominem, certè nihil aliud eſt quàm perſonam Verbi ſuſtentificare & perſonate naturam humanam. In hac perſonatione non creatur de nouo aliquid in Verbo quia Deus eſt. Igitur eſt in natura creata ſeu in humanitate, iſtud autem eſt illa ſpecialis dependentia ſeu ſuſtentificatio à perſona Verbi, quæ recipitur in natura humana, & nihil aliud

M m 2 dicit

Nota non dari exemplum conueniens ad hoc myſterium explicandum. Quod communiter aſſertur de tribus perſonis, ex quibus vna ex trinitate comparatur ad reſectum reſectum reſectum

non facit facit,
nam vnio
vultu cum re
vestita est ad-
dum acciden-
saria, aliis
fuit non dari
non hominē
esse vestit sed
esse vestitum,
sic non dico-
rimus Deum
esse hominē,
sed humana-
tū quod in na-
tura, est er-
go illa vnio
debet esse sub-
stantialis, non
samen in na-
tura, ergo in
persona.

dicat quam relationem spiritualis dependen-
tiæ ad personam Verbi. Quod facit difficul-
tatem hic, est quia hæc vnio ex definitione Ec-
clesiæ est substantialis; opinio autem hæc fa-
cere videatur accidentalem; nam vinculum
huius vnionis naturæ ad Verbum videtur esse
illa relatio quæ tantum producit de nouo in
natura creata; at relatio est accidens.

D. Thomas 3. part. q. 2. art. 6. substantialem
esse dicit, quia facta est secundum hypostasim;
duplex enim est substantia ex Aristot. 5. Me-
taph. tex. 15. scilicet substantia pro essentia &
natura & substantia pro supposito siue hypo-
stasi; unde sufficit, inquit ad hoc, quod non
sit accidentalis vnio, quod sit facta secundum
hypostasim, licet non sit facta secundum na-
turam: idque dicitur iuxta decretum Synodi
I. Constant. can. 4.

Scotus itidem dicit vultque vnionem hanc
dici & verè esse substantialem: non quia fiat
in substantia creata absoluta, ita quod illa sit
vinculum vnionis, vt tenent Thomistæ. Sed
quia fit in substantia increata, scilicet in per-
sona Verbi quæ est maximè substantia increa-
ta, proinde modus iste essendi est substantia-
lis. Nec aliud querit Scotus vinculum quàm
ipsam substantiam personæ diuinæ. Quomo-
do autem hoc fieri potuerit? non potest ratio
humana inuestigare, sed hoc est ex potentia
diuina ad quam creaturæ sunt in potentia
obedientiali.

Dices, si terminus huius assumptionis est
aliquid relatiuum, sequitur quod Chri-
stus in quantum homo sit aliquid respecti-
uum, non aliqua substantia; consequens est
falsum & anathematizatum ab Alexand. III.
Papa in cap. *Cum Christus*, de hæreticis, se-
quela probatur, quia Christus in quantum
homo, est qui resultat in hac admirabili
assumptione.

Respondeo argumentum concludere contra
eum qui diceret hanc assumptionem seu vnio-
nem terminari ad relationem tanquam ad ter-
minum totalem adæquatum & vltimum, sed
hoc non dicunt Scotistæ, qui asserunt vltima-
tum terminum esse Christum siue personam
Verbi subsistentem in duabus naturis, rela-
tionem verò quæ prioritate naturæ præcedit
in natura creata, esse formalem terminum &
præcisum actionis Trinitatis.

Dices ex V. Synodo can. 4. expressè nega-
tur vnionem hanc factam esse secundum
relationem.

Respondeo quod hanc vnionem esse secun-
dum relationem potest intelligi duobus mo-
dis: vno modo quod fiat secundum relatio-
nem creatæ personæ ad personam diuinam,
quomodo dicebant Nestoriani ponentes in
Christo duas personas creatam & increatam,
& dicentes illas vniri secundum gratiam vel
secundum operationem, vel æqualitatem ho-
noris, vel auctoritatem, vel secundum quandam
habitudinem personæ creatæ ad diuinam per
vnitatem, v. g. affectus in quantum voluntas
illius hominis est semper conformis voluntati
Verbi Dei. Et hoc modo falsum & hæreticum
est hanc vnionem esse secundum relationem:

Secundo modo potest esse secundum relatio-
nem naturæ creatæ ad personam diuinam, quæ
est sustentati ad sustentans, & hæc est
Catholica positio, quia seruat naturas imper-
mixtas & vnitas in subsistentia vna quæ est
diuina, sicque ab alia declinat hæresi Eu-
tichetis & Dioscori qui confundeabant natu-
ras, & ex duabus vniam tertiam constitutam
esse dicebant.

Nota pro corrolario intelligentiæ, aliud
esse vnire humanitatem Verbo & producere
hanc specialem dependentiam naturæ huma-
næ ad Verbum, quæ est vnio siue vnire: &
aliud esse terminare hanc dependentiam natu-
ræ humanæ; nam primum est effectus totius
Trinitatis qui habetur per hanc actionem In-
carnationis & pertinet ad genus causæ effi-
cientis: Terminare verò hanc dependentiam
est actio propria personæ Verbi, quæ ad nul-
lum genus causæ reducitur.

Nota præterea quod nedum terminus for-
malis illius vnionis, scilicet illa dependentia
in natura humana, potest dici & est effectus
actionis Trinitatis: sed etiam terminus adæ-
quatus & totalis scilicet Christus siue persona
diuina, subsistens in natura humana potest dici
effectus Trinitatis; Probatur, quia quod in
tempore habet esse post non esse, est verè effe-
ctum & productum de nouo & creatum dici
potest, Christus autem est huiusmodi, quia
ante Incarnationem non erat & post eam est;
Tamen absolutè non est vera ista propositio,
Christus est effectus de nouo productus, pro-
pter easdem rationes quæ vetant dici creatu-
ram. Sed est explicanda excludendo personam,
& dicatur tantum vnionem naturæ ad Ver-
bum esse factam hoc modo, Christus vt est
persona diuina subsistens in natura humana
est factus, significatur enim sic, subiectum
vel personam non esse factam, sed vnionem
naturæ humanæ ad Verbum esse factam.

QUÆRIT, Quæ sit ratio in Verbo termi-
nandi naturam humanam?

Supposito ex fide solum Verbum Incarna-
tum esse, vt expressè definitum est in Conci-
liis Calcedon. act. 5. Constantin. II. cap. 5. Du-
bium est quomodo fieri potest vt tota Trinitas
efficiat hanc vnionem, & solum Verbum ter-
minet relationem dependentiæ & vnionis.

Respondeo ex eo quod ratio efficiendi est
vna & absoluta in Trinitate, nihil potest ope-
rari vna persona ad extra quin & alia ope-
retur. Sed ratio terminandi est quid relatiuum
non commune tribus personis.

Instabis, vnde ratio efficiendi communis est
& non ratio terminandi.

Respondeo hoc esse, quia in omni re prin-
cipium operandi est ipsa natura, vnde in Deo
est sua natura intellectualis & volitua cum
omnipotentia, quæ cum sit in tribus ratio effi-
ciendi sit communis. At ratio relatiua est sin-
gularis cuique personæ, cum per ipsam perso-
næ realiter inter se distinguantur, sicque Fi-
lius per ipsam à Patre & Spiritu Sancto sit
distinctus.

Filius ergo per suam propriam subsisten-
tiam & independentiam terminat dependen-
tiam naturæ humanæ, vnde vult vocatur hypo-
stasis; nam motus sumit denominationem
nem

nem à termino, vnio autem facta est in hypostati. Responſio est de fide, & habetur ex Toletan. Concilio VI. in confessione fidei, vbi sic habetur: *Quamuis tres persona cooperata fuerint Incarnationi, solus tamen Filius suscepit humanitatem in eo quod est proprium Filij, non quod commune est Trinitati.* Ratio est, quia si assumpsisset terminatiue per quid absolutum quod sit commune toti Trinitati, iam omnes personæ dicerentur assumpsisse seu incarnatæ esse, quod est falsum; in Scriptura enim solus filius dicitur incarnatus Ioan. 1. *Verbum caro factum est.* & 3. *Sic Deus dilexit mundum ut Filium suum unigenitum daret.*

Nota tamen quod licet Pater & Spiritus Sanctus propriè non sint vniti naturæ humanæ; eostamen existere in illa speciali modo propter identitatem cum natura diuina, quatenus si per impossibile non existerent ratione immanentis in ea, inciperent vnio vnionis in illa existere per concomitantiam, cum à Verbo separari non possint.

Dices essentia & relatio sunt idem realiter; ergo si proprietas personalis est terminus vnionis hypostaticæ etiam essentia erit.

Respondeo quod essentia & relationes in diuinis formaliter distinguuntur.

Dices reperiri apud SS. Patres quod natura diuina assumpsit humanam; vnde sequitur cum illa Patri & Spiritui Sancto communis sit, æquè dici posse Patrem aut Spiritum Sanctum incarnatum esse ac Filium.

Respondet D. Thomas 3. part. q. 3. art. 1. sensum esse personam Filij primariò & propriissime assumpsisse naturam humanam, & sic fuisse incarnatam; consequenter autem & secundariò diuinam naturam quæ cum ipsa Filij persona identificatur adeoque fuisse vnitam atque eatenus esse & dici posse incarnatam, porro locutio illa non debet vsurpari quin sensus proprius explicetur, vnde Damasc. qui ea vtitur dubitat an propria sit.

Dices vnio est ad subsistentiam, sed subsistentia est essentia.

Respondeo quatuor assignari subsistentias in diuinis; vnâ essentia & tres relatiuas; ad illam autem Filij propriam est vnio quæ terminat naturam humanam; eatenus autem dicitur illa terminare, quatenus facit eam subsistere supplendo vices subsistentiæ creatæ.

Nota autem quod terminare non sit agere & efficere; quia terminare hanc dependentiam nihil aliud ponit in supposito nisi relationem rationis, terminare enim est sustentificare non efficere.

QVÆSTIO II.

An Relatio nature humane ad Verbum sit mutua.

Negant D. Thomas & Scotus, nam realis est ex parte humanæ naturæ assumptæ, & rationis tantum est ex parte Verbi assumptis & terminantis: ratio est, quia si quid reale de

nouo Deus acquireret, mutationem incurreret, quod est impossibile. Vide quæst. 16. & 17. de Creatione. Tum aut hæc relatio esset accidens inherens aut aliquid per se subsistens, non accidens, quia sic potest accidere Verbo. Addo rationem D. Thomæ 1. part. q. 13. art. 7. cum Deus sit extra totum ordinem creaturæ & omnes creaturæ ordinentur ad ipsum, & non è conuerso, manifestum est quod creaturæ realiter referuntur ad ipsum Deum, sed in eo non est aliqua realis relatio ad creaturas, sed secundum rationem tantum in quantum creaturæ referuntur ad ipsum, & sic nihil prohibet nomina importantis relationem ad creaturam prædicari ex tempore de Deo, non propter aliquam ipsius mutationem sed creaturæ, sicut columna sit dextera animali nulla mutatione circa ipsam existente, sed animali translatò. Sic Deus dicitur Creator. Sicque Verbum dicitur humanatum.

Dices Verbum est realiter vnitum & non tantum ratione & confirmatur, eodem modo res se habet ad vnionem sicut se habet ad vnitum esse, sed realiter vnitur cum natura; ergo realem habet vnionem.

Respondeo duplicem esse vnionem quædam est formalis, alia terminatiua tantum, formalis est ea quæ inest alicui formaliter per vnionem per modum formæ. Terminatiua verò quæ non est formaliter in aliquo, sed solum in eo dicitur quatenus terminat, & hæc sufficit quod dicatur realiter vnitum non formali vnione sed terminante, quæ vnio dicit in Verbo relationem tantum rationis.

Dices Verbum non minus intrinsecè vnitum est humanitati quàm humanitas Verbo (quando enim duo vnita sunt non minus alterum est alteri vnitum quàm è contrariò) sicut quando duo corpora propinqua sunt, non est vnum alteri propinquius quàm alterum ipsi: At humanitas per intrinsecam vnionem creatam vnita est Verbo; ergo etiam Verbum vnitum est humanitati per intrinsecam vnionem.

Respondet Becanus maiorem distinguendo, nam vnio potest se habere dupliciter respectu humanitatis & Verbi; primò respectu vtriusque tanquam termini, secundò respectu vtriusque tanquam subiecti; primo modo verò est, quia vnio æquè immediatè & intrinsecè respicit vtrumque terminum, secundo modo est falsa, quia vnio intrinsecè est in humanitate vt in subiecto non autem in Verbo. Dices Verbum terminat per seipsum humanitatem: Concedo, sed hæc terminatio est tantum relatio rationis in Verbo.

Dices, hæc relatio realis in Verbo vel negatur ratione mutationis in eo, vel ratione acquisitionis nouæ perfectionis; non est autem neganda ratione primi; nam ex Aristot. 5. physie. ad relationem non est motus: Non ratione secundi; nam ex Scotò relatio non dicit perfectionem.

Respondeo quod ad relationem intrinsecam aduenientem non est motus, bene autem ad extrinsecas qualis est ista. Quod autem Scotus negat relationes in diuinis dicens per-

fectionem est quia hæ sunt sub ente non quanto, non negat autem in creatis cum sint sub ente quanto finito, *ad hæc*. Nota Relationes esse in triplici genere: Quædam fundantur super quantitatem ut duplum, quadruplum, &c. Quædam super actionem & passionem. Quædam super mensuram & mensuratum penes quantitatem virtutis. Omnes supradictæ sunt reales excepta ea quæ est penes quantitatem virtutis; est enim realis in vno extremo, & rationis in alio, & sic non est mutua; vide quæ dixi in quæst. An creatio sit aliquid absolutum in creatura.

Dices secundum relationem aliquid dicitur relatiue, puta secundum dominium Dominus, secundum unionem vnitus, sicut secundum albedinem albus, si ergo relatio domini non est secundum rem, sed solum secundum rationem, sequitur quod Deus non est realiter Dominus, nec etiam realiter vnitus humanitati, quod est falsum.

Respondet D. Thomas quod cum Deus ea ratione referatur ad creaturam, quia ipsa ad ipsum refertur cum relatio subiectionis & unionis sit in creatura, sequitur quod Deus non secundum rationem tantum, sed realiter sit Dominus, sicque & realiter vnitus: eo enim modo dicitur Dominus quo ei est subiecta creatura, vel vnitus quo creatura ei vnita.

QVÆSTIO III.

Utrum Personalitas addat aliquid positium supra naturam singularem in Persona creata.

Locus enucleandi quæstionem de ratione constitutiuâ Personæ erat in tractatu de SS. Trinitate; at satis perfunctorie hanc tetigi quæst. 3. De personis diuinis in genere; ne quid ergo desideretur. Suppono quod communiter admittunt SS. Patres & Concilia, Viam, essentiam, naturam & substantiam vnum & idem esse & significare; Hypostasim verò subsistentiam, personam & suppositum pro eodem accipi, vnde legimus in Conciliis, Calcedon. Alexandrino, Ephesino, poni in Deo vnâ essentiam, vnâ rem, vnâ substantiam, & tres hypostases, siue tres personas, siue tres subsistentias.

Remanet iam difficultas, quid sit persona siue quid significet, & quia cognitio vniuscuiusque rei pendet ex definitione eiusdem, affero illam quam Richard. 4. de Trinit. cap. 22. assignat. *Persona est incommunicabilis existentia intellectualis nature*. Subsistentia ergo addit supra existentiam duplicem incommunicabilitatem, scilicet *ut quod* & *ut quo*. Illud est incommunicabile *ut quod*, quod non communicatur pluribus inferioribus per sui identitatem, ita quod illa inferiora sint ipsum, ut animal communicatur boui & leoni, ita quod bos est animal & leo est animal; quod ergo non communicatur sic, dicitur incommunicabile *ut quod*. Incommunicabile *ut quo* est quod non communicatur ut forma, siue quod

nulli dat esse formale, declaratur ex opposito; Anima communicatur corpori *ut quo*, quia dat esse formale homini, & informat corpus, idè dicitur esse communicabilis *ut quo*, quod ergo non dat esse formale alicui dicitur incommunicabile *ut quo*. Ad propositum Persona est existentia incommunicabilis *ut quod* & *ut quo* nature intellectualis. Ex hac definitione colligit Scotus, Primò quod persona non dicit aliquid pertinens ad enerationis, quoniam vtrumque istorum, natura intellectualis, & existentia incommunicabilis, sunt ante omnem operationem intellectus in illa re quæ dicitur persona. Secundò colligit quod persona proprie & formaliter significat tantum duplicem incommunicabilitatem. Persona ergo formaliter est negatio duplicis communicabilitatis, scilicet *ut quod* & *ut quo*, non extra genus sed in genere, scilicet in natura intellectuali; nam in illis quæ assignantur in definitione hac, nihil videtur pertinere ad rationem formalem personæ nisi illa duplex incommunicabilitas; natura enim intellectualis, ut patet; non est de ratione intrinseca personæ, sed eius subiectum, quia existentia incommunicabilis solum dicitur persona, quatenus est in natura intellectuali, in aliis verò naturis substantialibus irrationabilibus dicitur suppositum, & in aliis naturis non substantialibus dicitur individuum. Existentia etiam competit aliis quàm illi entitati quæ persona dicitur, quia competit partibus, formis separatis, ut animæ rationali & nature communi, relinquatur ergo ut ratio formalis propria personæ consistat in illa duplici incommunicabilitate *ut quod* & *ut quo*. Persona ergo formaliter est negatio duplicis communicabilitatis.

Iam ad propositam quæstionem quæ sanè difficilis est & idè diligenter ponderanda, variz sunt opiniones.

Prima eorum qui dicunt personalitatem nihil addere supra naturam singularem: sed tantummodo naturam & personam distingui ratione & per operationem nostri intellectus, tribuitur Henrico de Gandauo quolib. 4. q. 3. Durando in 1. sent. dist. 34. q. 2. Fundamentum eorum est quod persona & suppositum nihil aliud est, quàm compositum ex hac forma & ex hac materia: & ultra hæc nihil aliud esse cogitari potest; hoc autem totum est idem quod natura hæc singularis; ergo persona & suppositum nihil addit reale supra naturam singularem, sed solum per modum nostrum considerandi.

Hæc opinio in via Aristotelis est vera, quoniam apud eum prima substantia est idem quod suppositum & quod persona, quia apud Aristot. omnis natura singularis substantialis & individua est incommunicabilis *ut quod* & *ut quo*, & est independens actualiter & aptitudinaliter ad suppositum alienum; & idè est personata.

Differentia inter personam & naturam singularem innotuit solum per fidem; quæ tenet Verbum assumpsisse naturam singularem non tamen personam, & propter hoc est Articulus fidei & admirabilis; quod probatur, quia si personalitas distingueretur à natura singulari, non ex parte rei, sed solum per nostrum modum intelligendi & ratione, sequeretur

Singularis differentia personæ, suppositi & individui.

retur hanc propositionem esse veram. Verbum assumpsit personam creatam quantum est ex parte rei, quæ tamen propositio est hæretica. Consequentia patet, quia si ex parte rei persona & natura singularis idem sunt; ergo Verbum assumendo naturam singularem, assumpsit quoque personam quantum est ex parte rei.

Secundum fidem ergo necesse est quod personalitas addat aliquid ex parte rei supra naturam singularem quia Verbum assumpsit naturam singularem creatam, non autem personalitatem. Fundamentum huius opinionis assumit falsum, scilicet quod compositum ex materia & forma: est enim compositum quædam tertia entitas per se subsistens, ita quod ultra naturam & compositum singulare adest subsistentia quæ est quidam modus essendi particularis, qui licet in via Aristotelis non distinguatur à composito singulari, tamen in Theologia cognitum est distingui.

Secunda opinio asserit constitutum personæ esse quid positivum; maior pars sic exponit, quod positivum istud supra naturam singularem sit realitas quædam intrinsecè constituens personam cui debetur hic modus nempe per se subsistere, qui modus essendi est subsistentia, ait Suarez: hæc autem opinio explicatur per tria dicta: Primum hanc realitatem esse quandam entitatem realiter distinctam ab essentia & existentia naturæ substantialis. Secundum illam realitatem positivam, facere personam siue suppositum esse primum subiectum actus essendi, & primum subiectum omnium operationum & proprietatum personalium, ut filiationis & operationis, ita quod si natura sine suo supposito poneretur, non esset subiectum actus essendi, nec esset subiectum filiationis neque aliarum operationum. Tertium quod illa realitas non facit compositionem cum natura singulari: sed est terminus eius tantum: Primum dictum communiter approbatur. Secundum probari videtur ex eo quod secundum omnes dicitur actiones esse suppositorum. Tertium probatur, quia terminare dependentiam hanc naturæ humanæ non pertinet ad aliquod genus causæ neque intrinsecum neque extrinsecum, & idè non potest esse actus: quia tunc Verbum supplendo dependentiam se haberet per modum actus & causæ formalis. Rationes quæ probant personalitatem esse quid positivum adducuntur pro obiectionibus ad sententiam Scoti. Scotus in 3. sent. dist. 1. q. 2. art. 3. asserit personalitatem addere quid reale intrinsecum ipsi naturæ singulari & illud esse negativum. Fundamentum principale est quod SS. Patres & Concilia Generalia, ut Nicænum primum, Ephesinum primum, Calcedonense primum, aperte decreverunt Christum esse perfectum Deum & perfectum hominem aduersus hæreticos, quorum alij negabant diuinitatem eius, alij humanitatem, alij confundeant & miscebant naturas ad inuicem: In definiendo autem Christum esse perfectum hominem, decreverunt esse perfectum hominem sicut unusquisque nostrum, dempto peccato, quod non est perfectionis sed imperfectionis: unde in Concilio Calcedon. act. 5. habentur hæc verba: *E docemur eundem scilicet Christum secundum humanitatem, in humanitate per omnia*

nobis similem absque peccato. Et in VI. Synodo act. 1. in epistola Agathonis Papæ instructoria ad Concilium habentur: *Docemus Iesum Christum consubstantialem esse Patri secundum Deitatem, & consubstantialem nobis secundum humanitatem, & per omnia nobis similem absque peccato, &c.* Quæ verba passim habentur apud SS. Patres, Cyrill. & alios, iuxta illud Pauli Hebr. 2. *Apprehendis semen Abrahe, unde debuit per omnia fratribus assimilari.* Ex quibus definitionibus habetur quod in Christo sit humanitas similis nostræ, excepto peccato; ergo asserere in humanitate nostra esse aliquam substantiam, illam scilicet realitatem positivam, quam secunda opinio de constitutivo personæ facit, est asserere Christi humanitatem non esse nostræ per omnia similem, excepto peccato, imò est dicere eam non esse similem in substantia.

Ratio efficax pro opinione Scoti, Persona est incommunicabilis existentia naturæ intellectualis, tunc sic arguitur, Persona, siue subsistentia duo dicit, existentiam & incommunicabilitatem. At existentia non est quid reale distinctum à natura singulari sed idem, persona autem est quid distinctum; ergo persona siue subsistentia ultra entitatem singularem non dicit nisi negationem communicabilitatis: Ergo personalitas formaliter est pura negatio duplicis communicabilitatis; ergo non est quid positivum. Quod si quis dicat, Persona est existentia quidem, sed non illa existentia naturæ singularis, sed alia existentia quæ propriè est incommunicabilis; existentia verò naturæ singularis est communicabilis. Contra: ergo in natura singulari personata erit duplex existentia, altera quæ existit communicabiliter, altera quæ existit incommunicabiliter; & ita eadem entitas singularis habebit duos modos essendi oppositos, scilicet modum essendi communicabilem alteri supposito, & modum essendi incommunicabilem quod implicat contradictionem.

Rursus sequeretur quod in eadem natura singulari personata reperiretur simul existentia & subsistentia, quod tamen secundum etiam Thomistas est falsum; quia adueniente existentia destruitur existentia, scilicet ut modus existendi specialis. Unde non dicimus Petrum simul habere existentiam & subsistentiam tanquam duos modos existendi distinctos, sed si habet subsistentiam non habet existentiam.

Est ergo dicendum quod existentia naturæ singularis sit subsistentia & personalitas dum ei additur illa duplex incommunicabilitas. Et consequenter personalitas consistit formaliter in duplici incommunicabilitate. Confirmatur & declaratur opinio Scoti exemplis SS. Patrum, quorum illa præcipue sunt de ferro ignito & de ramo inserto trunco. At ignis dum vnitur ferro non amittit aliquam entitatem positivam, sed solum duplicem negationem dependentiæ, quæ ubi prius nec actu, nec aptitudine dependebat ad alienum suppositum, per unionem & assumptionem à ferro nihil aliud amittit nisi negationem illius duplicis dependentiæ; erat enim independens actu & aptitudine, post unionem dependet actu ad alienum suppositum, & aptitudine ad proprium

prium. Vide Faentinum in 3. disputat. 2. cap. 2.

Alia ratio pro conclusione Scoti, si personalitas esset entitas positua & esset actus vltimus & complementum naturæ posituum, sequeretur quod humanitas Christi non esset perfecta, quia careret perfectissima & vltima actualitate.

Respondet Caietanus Christum carere illa entitate siue realitate positua personalitatis, sed negat propter hoc Christum esse imperfectum & non vniocè esse hominem cum aliis hominibus, quia licet quoad personalitatem non sit homo vniocè cum aliis, est tamen vniocè secundum rationem humanæ naturæ & hoc sufficit. Verum efficax est Scoti ratio; est enim de fide ex Symbolo Athanasij & ex SS. Patribus quod Christus est perfectus homo. Tunc autem sic; ille non est perfectus homo cui deest aliqua entitas substantialis positua pertinens ad hominem vel naturaliter consequens ad hominem & quam alij homines habent, sed ex Adversariis deest Christo aliqua entitas positua consequens naturam humanam quam alij homines habent: ergo Christus non est perfectus nec vniocè homo, quod ex eo maxime infertur, quia hæc entitas etsi pertinere dicatur ad personam non ad creaturam, est substantialis & non accidentalis; vnde si accidens quod est extrinsecum vt sanitas, vel dispositio intellectus perficit naturam, à fortiori entitas substantialis.

Addo pro coronide verba S. Dionysij 1. cap. de diuin. nomin. Ex nobis integrè verèque humanatum est Verbum; at si præter hæc datur alia entitas positua substantialis in homine particulari, scilicet personalitas, & istam tamen non assumpsit Verbum: ergo aliquid eorum deficit nec plenè assumpsit quæ plantauit in homine Deus cum eum psalmauit.

Dices, Persona in diuinis est entitas positua siue absoluta siue relatiua; constituitur enim persona diuina ex essentia & relatione; ergo persona quoque creata debet constitui per posituam entitatem. Consequentia probatur, tum quia persona creata est participatio personalitatis diuinæ, quia ex illa personalitate diuina, omnis persona diuina in cælo & in terra nominatur, tum quia naturæ diuinæ multò minus videtur posse addi aliquid posituum quàm naturæ humanæ, quia natura diuina est per se & essentialiter subsistens; natura autem humana nequaquam; attamen naturæ diuinæ additur relatio constituens personam: Ergo multò magis persona creata debet constitui per quid posituum.

Respondeo personam diuinam constitui in esse per aliquid posituum; sed nego consequentiam, scilicet quod hoc etiam verificari debeat de persona creata, quia non est vnioca persona in diuinis & in creatis: & hoc prouenit, quia persona diuina est omnino incommunicabilis, ita quod repugnat illi communicari, sed id quod dicitur persona creata est in potentia obedientiali ad Deum & potest communicari alteri, & idè non habet rationem perfectam personæ, & proinde non sequitur quod si persona diuina constituitur per quid posituum, etiam creata per posituum constituatur.

Ad id quod dicitur relationes addi essentia diuinæ in ratione actus, falsum est, pollulant enim in essentia quodam ineffabili modo, & essentia habet rationem actus non potentia, vt suo loco notauimus.

Notandum hic est quod persona diuina & creata differunt, quia personalitas creata dicit duplicem independentiam & incommunicabilitatem vt quo in illa natura, cui inest scilicet actuale & aptitudinale. Personalitas verò diuina dicit triplicem negationem communicabilitatis vt quo, scilicet actuale, aptitudinale & potentiale, & per hanc vltimam differt à personalitate creata, quia personalitas diuina dicit repugnantiam ad communicari alieno supposito; si autem personalitas creata haberet hanc repugnantiam, Deus non posset facere communicari naturam humanam singularem personæ Verbi.

At dices personalitas non assumitur sed natura. Respondeo hoc sic intelligi, quod personalitas creata inest naturæ creatæ; si ergo personalitas creata includeret incommunicabilitatem potentialem, naturæ quoque creatæ inesset hæc incommunicabilitas potentialis, & idè Deus non posset separare personalitatem creatam à natura singulari creatæ, sicut non potest facere quod Angelus communicetur albedini vel albedinem recipiat: quia naturæ Angeli formaliter repugnat albedo; incommunicabilitas verò actualis & aptitudinalis potest separari: & de facto vtramque separauit: quando persona Verbi personauit naturam humanam assumptam.

Dices, Concilia & SS. Patres affirmant personam Verbi supplere personalitatem creatam, & Verbum assumpsisse naturam non personam, & consumpsisse personalitatem: non dicunt consumpsisse; nihil ergo personalitas dicit quid posituum, addit Suarez, nisi personalitas dicat quid posituum non possumus rectè explicare locutiones Sanctorum & fiet sensus ridiculus; nam dum dicunt Verbum abstulisse personam esset sensus quod Verbum abstulit & consumpsit negationem vnionis, qui sensus est ridiculus.

Respondeo quod persona Verbi supplet modum essendi naturæ singularis: qui est cum illa negatione duplicis independentiæ: si enim natura creata relictæ singularis sibi relictæ esset existeret per se, id est non dependeret actu nec aptitudine ad alienum suppositum, & hoc ex seipsa haberet & non aliunde. Per assumptionem autem factum est vt natura creata habeat hoc idem esse cum duplici illa negatione, scilicet quod non dependet actu & aptitudine ad alienum suppositum; natura enim creata modo assumpta à Verbo est ita perfectè personata aliena persona, ac si esset personata propria persona; licet enim remaneat aptitudo ad proprium suppositum creatum, tamen illa aptitudo satiatur per dependentiam actuale ad Verbum, propter potentiam obedientialem inexistentem eidem naturæ. Idè habet eundem modum essendi, sed non est eius proprius & naturalis & creatus modus, sed est supernaturalis, & idè dicitur carere personalitate creata & loco eius habere increatam: Patet autem quod ille modus essendi est quid reale

ex

Persona diuina & creata differunt.

ex parte rei, licet non sit entitas positua distincta a natura creata, faciens cum illa compositionem, sed est modus realis per negationem in parte rei ibi fundatam respectus; Personalitas ergo quæ est modus ille essendi non est nihil, sed aliquid licet non sit posituum ut dictum est: Nam etsi personalitas de principali significato importet negationem, non importat tamen negationem præcisè; sed talem negationem id est dependentiæ & in tali natura siue subiecto, unde connotat posituum & ratione huius connotati non est præcisè nihil, sed aliquo modo aliquid, scilicet ille modus essendi qui est subsistere, sicut in rebus naturalibus priuatio, & sic ex principali significato significat negationem & carentiam: tamen non est præcisè nihil (est enim tertium principium rerum naturalium) quia connotat subiectum in quo est & potentiam in illo ad formam: proinde personalitas diuina non supplet nihil, supplendo personalitatem creatam, sed aliquid scilicet illum modum essendi.

Declaratur amplius. Natura humana in Christo nunc est incommunicabilis *ut quo & ut quod*, quia est personata, sed hanc incommunicabilitatem non habet ex se, quia caret personalitate propria creata, sed habet ex complemento Verbi, quia persona Verbi est facta quoque persona naturæ humanæ Christi. Unde in Christo est vnica persona & duæ naturæ, supplet ergo persona diuina hanc duplicem incommunicabilitatem naturæ creatæ, & sic unde debebat ei inesse hæc incommunicabilitas scilicet ex vi eius naturalis, non inest sed ex extrinseco scilicet à persona Verbi. Per hoc patet Verbum consumpsisse personalitatem creatam siue illum modum essendi cum illa duplici negatione creatum.

QVÆSTIO IV.

An persona Christi sit composita.

Contentiosè de hac re certant Authores, sed cum in ipsa re consentiant tantum de modo loquendi dissentiunt.

Scotus negat, quia in composito partes sunt minus perfectæ quam totum, & quælibet pars dicitur verè pars; at in Christo persona non est perfectior ipsâ naturâ diuinâ, nec diuina dici debet pars.

S. Thomas 3. parte q. 2. art. 4. facili distinctione respondet si persona Christi accipiat secundum se est simplex, quia ipsa est persona Verbi diuini: si verò ut subsistit in duabus naturis diuina & humana potest dici composita non quidem ex aliquibus, quia non componitur ex diuinitate & humanitate, sed cum aliquibus vel in aliquibus, quia in duabus illis naturis verè existit Concilia Patres admittunt compositionem. Synodus V. can. 4. *Si quis non confitetur unionem secundum compositionem.* Et infra, *Vnam subsistentiam compositam.* Et idem repetit can. 7.

Dionys. cap. 1. de nom. diuin. *In vna personarum suarum infirma nostra integrè verissimè que suscepis ad seipsam renocans atque astringens.* Carriere in Professionem Fidei

gens humilitatem nostram, ex qua ineffabiliter compositus est simplex Iesus.

Damascenus lib. 3. cap. 3. 4. & 5. In Domino Iesu Christo duas agnoscimus naturas vnâ autem hypostasim ex vtraque compositam. Faustinus respondet auctoritates istas nihil aliud intendere quàm personam dici compositam per vnionem duarum naturarum in quibus subsistit; idè enim compositam dixerunt contra hæreticos in Christo esse veram naturam diuinam & humanam, nec esse metaphoricam tantum vnionem, sed talem quod natura humana & persona diuina sint propriè vnum per se. Quod autem sint vnum per propriam compositionem hoc non decernitur.

Dices, persona Christi continet subsistentiam diuinam à qua habet esse hypostaticum & naturam humanam à qua habet esse hominem & constat ex istis, sicut homo constat ex corpore & anima iuxta dictum Athanasij; Quod sicut ex anima & corpore fit homo, ita ex diuinitate & humanitate fit vnus Christus. Sed illa in homine faciunt veram compositionem: Ergo in Christo.

Respondeo quòd in persona Christi non est compositio ex subsistentia diuina & natura humana. Similitudo autem in hoc tantum valet, quòd sicut in homine est verum corpus & vera anima, & ista duo faciunt vnum per se substantiale: ita diuina & humana natura in Christo verè & realiter sunt & faciunt vnum Christum per se, & maxime vnum & non vnum per accidens constans ex duabus personis ut volebat Nestorius, sed non sequitur quòd eodem modo se habeant in Christo natura diuina & humana, ut se habet anima & corpus in homine, id est quòd sicut anima est actus & corpus est potentia & idè faciunt vnum per se: ita natura diuina & humana se habeant altera ut potentia, quòd est de ratione propriæ compositionis qualis hæc non est, sed supernaturalis & ineffabilis.

QVÆSTIO V.

An euidenter lumine naturali Incarnatio possibilis demonstrari possit?

Cum ut Apostolorum Princeps edixit Cepist. 1. cap. 3. debeamus semper esse parati ad satisfactionem omni poscenti nos rationem de eâ qua in nobis est spe. Possintque variè occurrere occasiones in quibus necessitas aliqua, vel saltem utilitas audientium id à nobis exigere videatur: idcirco quod alij fusiùs nos hic breuiter ostendimus, quibus argumentis contra Ethnicos & Paganos hoc religionis Christianæ fundamentum demonstrari possit.

Nota autem possibilitatem alicuius mysteriorum dupliciter dici demonstrabilem. Primò euidenter posituè quando mediis quibusdam naturalibus ostendimus possibilem connexionem terminorum attributi cum subiecto, v.g. Dei cum homine, cum dicimus homo potest esse Deus. Secundò euidenter negatiuè quando mediis quibusdam non quidem naturalibus, eiusmodi possibilitatem ostendimus, nihil

tamen offendimus quòd illius impossibilitatem euincat, omniàque argumenta contra ipsam possibilitatem soluimus hoc posito.

RESOLVTIO 1. solo lumine naturali non potest demonstrari aut euidenter cognosci Incarnationem esse possibilem.

Probatur ex Scriptura Matth. 16. vbi cùm Petrus testatus esset fidem suam de hoc mysterio his verbis: *Tu es Christus Filius Dei viui.* Addidit statim Christus: *Caro & sanguis non reuelauit tibi.* Et ad Coloss. 2. vocatur *Sacramentum à seculis absconditum.*

Probatur ex SS. Patribus S. Cyrill. Alex. ad Reginas, vbi dicit hoc mysterium esse *Emigma sacratissimum summa potius admiratione suspiciendum, quàm humani iudicij trusina subiiciendum.* D. Damasc. lib. 3. de fide cap. 1. vocat *Novum nouorum & solum sub sole nouum.* S. August. epist. 3. ad Volusian. vbi de omnibus Christi mysteriis verba faciens sic loquitur: *Hic si ratio queritur non eris mirabile: si exemplum poscitur, non eris singulare: demum Deum aliquid facere quod nos facemur inuestigare non posse. In talibus rebus tota ratio facti est potentia facientis.* Probatur ratione, quia ad hoc cognoscendum aut demonstrandum tria cognitu necessaria sunt. Primò quod natura humana possit separari à propria subsistentia. Secundò quòd vniri possit subsistentiæ diuinæ, & per eam formaliter subsistere. Tertiò quod tres sint subsistentiæ diuinæ relatiuæ & quod vni earum substantialiter coniungi possit. At hæc tria non possunt cognosci solo lumine naturali;

Incarnatio nō potest naturaliter cognosci possibilis, nam tria præsupponuntur nota quæ naturaliter non possunt cognosci.

Ergo nec possibilitas Incarnationis prout facta est naturaliter cognosci potest. Primum lumine naturali euidenter nequit cognosci, quia sicut non possumus naturaliter certò nosse accidens posse existere in rerum natura, quin adhæreat subiecto, ita nec quod natura substantialiter careat propria subsistentia & alteri inhæreat. Non secundum, quia subsistentia est modus quidam naturæ substantialis; at experientia satis constat rem aliquam non posse modificari per alterius modum, quare ratio naturalis facillè iudicabit naturam aliquam substantialem non posse subsistere per alienam subsistentiam. Non tertium, quia vix ratio naturalis concipere potest Deum fieri in tempore hominem quin statim iudicet illum mutari. His adde mysterium SS. Trinitatis non cognosci naturaliter, vnde concludendum est solis naturæ viribus non posse deduci Incarnationem esse possibilem.

Dices Angelus solo lumine naturali penetrat naturam humanam & totam eius capacitatem; ergo solo ipso nouit eam separari posse à propria subsistentia & vniri cum diuina; qui enim penetrat naturam & capacitatem alicuius rei, is perfectè cognoscit quicquid in illa vel circa illam fieri potest.

Respondeo. Duplex est capacitas naturæ humanæ, altera naturalis, altera obedientialis. Angelus penetrat priorem solo lumine naturali, non tamen posteriorem, igitur solo lumine naturali nouit quicquid naturaliter in ea fieri potest: non tamen quicquid supernaturaliter. At separatio naturæ humanæ à propria subsistentia non potest fieri naturaliter nec secundum capacitatem naturalem; tum

licet nosset talem separationem esse possibilem, nō idèd cognosceret. Reliqua duo de quibus dictum est, nempe tres esse subsistentias relatiuas in diuinis & naturam humanam per vnā illarum posse formaliter subsistere.

Dices. Angelus naturaliter cognoscit Deum esse omnipotentem seu potentiam eius esse infinitam; ergo nouit Deum posse facere quicquid non implicat contradictionem: At Incarnatio non implicat, quia constat factam esse.

Respondeo. Angelus generatim & in confuso cognoscit naturaliter Deum esse omnipotentem & posse quicquid non implicat, quod & nos cognoscimus; at distinctè & in particulari non nouit naturaliter an hoc vel illud mysterium implicet, quia non penetrat omnipotentiam Dei & totam creaturæ capacitatem obedientialem.

RESOLVTIO 2. euidenter negatiuè demonstrari potest Incarnationem esse possibilem hoc singulari argumento; Illud recta ratione naturali & prudentum arbitrio possibile meritò iudicatur, quòd nullis argumentis contrariis potest sufficienter refelli, nec absurdum aut impossibile demonstrari; atqui Incarnatio Verbi diuini est eiusmodi; ergo meritò possibilis iudicari debet. Maior propositio constat ex eo quod natura ipsa docet viros prudentes nihil debere sine recta ratione affirmare aut negare; ergo nec aliquid impossibile asserere quando argumenta contraria probabiliter solui possunt. Minoris verò propositionis veritas constabit ex solutione argumentorum quæ in contrarium asserri possunt. Itaque,

Dices primò, infinita distantia est inter Verbum & humanitatem, & inter vniuersalia debet esse aliqua proportio; at finiti ad infinitum nulla est.

Respondeo illam distantiam non ob stare quo minus vniri possint modo inter hanc & illud sit sufficiens proportio ad constituendum compositum, est autem sufficiens proportio, quia humanitas est capax vt actu subsistat per infinitam subsistentiam, sicut est capax vt à Deo producat per infinitam potentiam; sicut ergo non sequitur humanitas Christi & omnipotentia Dei infinitè inter se distant; ergo per hanc creati non potest, sic etiam non sequitur humanitas Christi & subsistentia Verbi distant infinitè inter se; ergo illa per hanc subsistere non potest; ratio est, quia illa infinita distantia in eo tantum consistit quòd perfectio creaturæ distat infinitè à perfectione Dei, non autem in eo quod nulla sit proportio creatoris ad creaturam in genere causæ & effectus aut subsistentiæ diuinæ ad creaturam subsistentem in genere principij terminantis & rei terminatæ.

INSTABI, Actus purus & infinitus non est alicui componibilis cùm non possit habere rationem partis. Verbum est tale, ergo,

Respondeo quòd infinitum licet non sit componibile vt pars, est tamen vniuersale id est potens terminare dependentiam alterius ad ipsum. Et si dicatur quod infinito non potest fieri additio. Respondeo quòd infinitum non habet

habet in se quodcumque ens formaliter, licet virtualiter & eminenter habeat, & ita Verbum eo modo quo non habet naturam humanam illa potest addi sibi hoc est dependere ad ipsum.

*Mac. responso
pluribus etre-
ctum uisione
Dei latius
re possit.*

Instabis, requiri proportionem inter vniuersa seu determinatam habitudinem.

Respondeo non exigi geometricam proportionem secundum quam possit assignari quantitas distantie ipsius naturæ ab ipso Deo, qualis dicitur dupli ad dimidium, sed sufficere & exigi proportionem ordinis, qualis dicitur generaliter passui ad actum & è contra, quod patet exemplo, nam infinita distantia quæ est inter intellectum creatum & Deum non impedit quin intellectus feratur in Deum; habet enim proportionem habitudinis & relationis potentie ad suum obiectum.

Dices secundò, est indignum Deo æterno, immortalis, quod in tempore incipiat esse homo & pati, crucifigi cum sceleratis.

Respondeo in Christo Domino duas fuisse naturas, diuinam & humanam, & diuinam quidem omnis mutationis & passionis expertem omnino esse: non esse autem indignum Deo, imò eius charitate & misericordia dignissimum esse ut secundum humanam naturam quam assumpsit pati & mori voluerit, iis de causis quibus passum & mortuum fides Catholica docet.

Instabis Deum non posse incarnari quin mutetur, hoc enim posito aliter se habet quam antea; adde quod incarnare est agere, & incarnari est pati, sed Verbum Dei non patitur, ergo non incarnatur.

Respondeo Deum non mutari per Incarnationem, quia per illam non acquirit aut amittit ullam perfectionem intrinsecam; licet enim fiat homo tamen humanitas non sit intrinseca Deitati aut personæ, sed solùm illi vnitur sine vlla intrinseca Dei mutatione. Nec obstat modus hic loquendi, *Deus sit homo cum antea non esset*. Nam licet rectè colligatur inde mutationem aliquam factam esse, non tamen necesse est factam esse in Deo, mutatio illa se tenet tota ex parte naturæ assumptæ, non verò ex parte assumentis personæ quæ in isto naturæ humanæ accessu nullo modo immutatur cum natura humana neque ut aliquid essentialis aut accidentalis diuinæ illi personæ accesserit, nihilque reale in ipsam agere aut influere possit.

RESOLVTIO 3. peracta est Incarnatio & ea quæ de Christo proponuntur sunt fide dignissima.

Probatum primò ex miraculis quorum testis est vniuersus orbis, quæque extant non solum in Euangelis quibus fidem non adhibent Ethnicis, sed etiam in propriis ipsorum historiis, cuiusmodi fuit silentium falsorum Deorum oraculis Christo adueniente impositum, cuius sit mentio apud Plutarchum & alios; Item eclipsis illa stupenda quæ præter ordinem naturæ in morte Christi accidit, cuius meminit Plegon Chronologus Ethnicus, Adriani Imperatoris libertus lib. 1. 3. de temporibus, ut refert Origenes lib. 2. contra Celsum, & Eusebius in Chronico, illiusque etiam in archiuis Romanorum factam fuisse mentionem asserit

Carriere in Professionem Fidei.

Tertull. in apolog. aduersus Gentes. Iisdem miraculis addi possunt prodigia quæ nostro etiam tempore sunt ad inuocationem nominis Christi variis in locis circa ægrotos & debiles præsertimque circa energumenos. Quæ omnia, cum ipsius naturæ vires longè superent, à solo Deo fieri potuisse manifestum est: Atqui Deus non potest falsum approbare. Cum igitur hæc miracula ad Christi diuinitatem testandam eorumque omnium quæ de illo credimus veritatem facta sint, sequitur illa omnia esse verissima & fide dignissima. Secundum argumentum duci potest ex modo quo totius mundi ad Christi fidem facta est conuersio; hæc enim non est facta vi aut armis, nec per sapientes aut potentes sæculi, sed per duodecim piscatores Philosophiæ ac litterarum humaniorum imperitos, idque non blanditiis aut honoribus propalatis, imò potius suppliciis & carceribus, quin etiam suadendo relinquere amicos, parentes, consanguineos, calcare voluptates, colere humilitatem, castitatem, paupertatem, pati illatas iniurias, inimicis benefacere peccata omnia denotare, sicut & Plinius author Ethnicus testatur lib. 10. epist. 97. ad Traianum Imperatorem. Hoc enim reuera omnem industriam humanam prorsus exuperat, totiusque diuinæ potentie proprium est talibus mediis, tam arduis, imò tam contrariis & paradoxis, non vnâ solum ciuitatem aut Gentem sed totum mundum ad Christi fidem adduxisse, nec solos pauperes, sed etiam diuites, Reges, Imperatores; nec solos idios sed Philosophos & sapientes; idque tam breui tempore; neque tantum ad fidem Christi adduxisse, sed etiam ad martyrium pro ipso perferendum animasse. Vide septem motiua fidei quæ adduxi in tractatu de fide folio 10. Nec prætereunda sunt hic prædictiones de Incarnatione futura quas Sybillæ forminx Gentiles diuersis in locis terrarum ediderunt. Diodorus lib. 4. vocat eas Prophetissas plenas Deo, Plato nuncupat diuinas, Aristoteles diuinitus inspiratas, Varro Romæ antiquæ doctissimus meminit decem Sybillarum, inter quas Erythrea quam quidam dicunt Cumanam, quæ Romuli tempore aut ut alij volunt belli Troiani principalia redemptionis humanæ mysteria à Christo Iesu consummata prædixit, eius carmina demiratus est Cicero quæ acrostica notabantur hæc arte composita idiomate græco ut primæ eorum litteræ reddant hæc quinque verba, *Iesum Christum Filium Dei Saluatorem*. Sic Gentilibus per Sybillas pronuntiatum fuit decretum diuinum de carne humana assumenda ad redemptionem generis humani, sicque lumine naturali hoc demonstratur.

QVÆSTIO VI.

An eiusdem mysterij veritas demonstrari possit contra Iudeos.

Testimoniis ex solo Veteri Testamento agendum est hac in parte quod solum admittunt Iudæi, ut autem distinctius & melius procedatur duo demonstranda sunt. Primum est

Scriptura declarat Messiam venisse.

N n 2 Messiam

Verbum diuinum factum esse hominem et stantur miracula singulamenta quæ mandantur ipse non ambigit.

Messiam in lege promissum non esse purum hominem sed verum & naturalem Dei Filium, atque adeo verum Deum. Secundum est, Messiam illum iam venisse, & opus humanæ redemptionis peregerisse.

Quodd spectat ad primum duo ex innumeris seligo Scripturæ testimonia. Primum in Psalmo 109. quod Christus ipse ad diuinitatem suam probandam usurpauit, *Dixit Dominus Domino meo sede à dextris meis*. Etenim Dominus ille cui dicitur *Sede à dextris meis*, est ipse Messias promissus in lege, ut sentiunt & explicant ipsi Rabbinii Iudæorum quos refert & citat Galatinus lib. 3. de arcanis cap. 5. & lib. 8. cap. 24. Atqui idem ille Dominus est etiam verus Deus: aliàs nec deberet nec posset sedere ad dexteram Dei, quod est æqualitatis cum ipso Symbolum: nec etiam dici posset *ex utero*, id est ex substantia Dei, *ante luciferum*, id est ab æterno genitus: quod nulli puro homini conuenire potest.

Secundum testimonium petitur ex Isai. 9. *Parvulus natus est nobis & Filius datus est nobis & vocabitur nomen eius Deus fortis*. Quibus verbis quæ de Messia intelligunt Iudæi, ut notat idem Galatin. lib. 3. de arcan. cap. 18. & 19. eius diuinitas manifestissimè declaratur.

Quoad secundum attinet, scilicet Messiam venisse, congeruntur à Theologis multa loca Scripturæ ex quibus primum profertur prædictio Iacobi Patriarchæ, *Non auferetur sceptrum de Iuda nec dux de femore eius donec veniat qui mittendus est, & ipse erit expectatio Gentium*. Hoc est non deerunt Reges, Duces, Legislatores de tribu Iuda donec veniat Christus. Atqui iam pridem videmus nullos Reges, nullos Duces, nullos amplius Legislatores de tribu Iuda, imò nec de alia tribu inter Iudæos, sed omnes penitus defecisse, idque ab ipsa citè morte Christi quem crudeliter ipsi occiderunt, unde vagi & profugi facti sunt Iudæi & aliarum Gentium seruituti perpetuè mancipati sunt.

Constat præterea Christum Dominum natum esse circa illud tempus, quo regia potestas à Iudæis ablata est quo Herodes Rex alienigena sceptrum Iudaicum inuasit.

Nec valet quorundam perniciacia pro mittendo interpretantium non Messiam sed Saulem, quia tantum abest ut sceptrum fuerit ablatum à Iuda quin potius ab eius successore David accepit initium. Alij suspicantur Ieroboamum cum eo tempore diminutum fuerit regnum Iuda facta diuisione tribuum quæ refertur in lib. 3. Regum, sed malè, nam non fuit ablatum sceptrum nec Imperator destructus. Alij indignant Nabuchodonosorem sed falsò, quia licet Regem duxerit in captiuitatem & regnum Iudæorum in Hierusalem funditus destruxerit, tamen remanserunt & in Babylonia tempore captiuitatis, & post captiuitatem in Hierusalem, Reges & Duces, ut patet de Zorobabel qui in transmigratione Dux reduxit populum ad reedificandam ciuitatem Hierusalem. Adde quod neque Sauli, neque Ieroboam, neque Nabuchodonosori competere possunt verba quæ sequuntur, *Et erit expectatio Gentium*, cum eorum nullas expectatio Gentium dici queat. Per eum igitur intellexit Patriarcha Iacob Messiam ad cuius ad-

uentum auferetur sceptrum de Iuda, & quandam hoc factum est nisi in aduentu Christi? Quo igitur iure ipsi Iudæi ab eius occisione miseri sine loco sine fundo negant Christum verè fuisse Messiam? Coniungam huic testimonio illud Danielis cap. 9. quod patens est, ubi Angelus Gabriel prædicit Christum post Septuaginta hebdomadas esse venturum, & à Iudæis occidendum, & exinde ciuitatem Hierusalem euerendam & populum Iudæorum dissipandum & vastitatem eius ac desolationem duraturam vsque in sæculi finem, quæ omnia completa esse manifestum est. Hebdomades enim illæ intelliguntur non dierum, sed annorum: quod apud Iudæos consuetum fuisse colligitur ex Leuit. cap. 25. Illas autem fuisse completas eo tempore quo Christus occisus est, fusè probant Interpretes istius loci: vastitas autem & dissipatio patet ad oculum, quæ sine dubio cum à mille iam sexcentis & ultra annis duret, (præter morem Dei paternè Iudæos castigantis cum peccarunt) arguit eos nefandissimi sceleris, mortis scilicet Christi reos & sine spe ex tanta miseria resurgendi, nisi ad ipsum Christum conuertantur.

Addo præterea conuincentem hanc rationem Ille indubitanter est verus Messias in lege promissus, cui singularia de eo in Scripturis pronuntiata conueniunt priuatiuè cuilibet alteri. At Christo illa conueniunt. Conceptus eius de Virgine, Isai. 7. Natiuitas in Bethleem, Math. 2. Adoratio à Regibus, Psal. 71. Fuga in Ægyptum, Osee 11. Declaratio qualitatis eius diuinæ in Iordane, Psal. 83. Vita eius pauperima, Psal. 39. Miracula singularia, Psal. 106. Reprobatio eius à Iudæis, Psal. 127. Triumphalis ingressus in Hierusalem, Ibidem. Acclamatio puerorum, Psal. 80. Traditio à Iuda, Psal. 40. & Zachar. 11. Institutio Sacrificij, Psal. 109. Consilium Iudæorum, Herodis, Pilati aduersus eum, Psal. 2. Fuga discipulorum eius, Psal. 21. Accusatio falsorum testium, Psal. 37. Coronatio de spinis, Crucifixio, Psal. 22. Et potatio fellis & aceri, diuisio & sortitio vestimentorum eius, Sepultura, Ps. 87. Incorruptio, Psal. 85. Suscitatio, Psal. 3. Triumphus à ligno, Isai. 25. Ascensus mirabilis in cælum, Psal. 40. &c. Quis post hæc & alia quæ ad amissim profertur Scripturæ dubitabit an Christus sit Messias in quo tam conuenienter quadrant Prophetiæ.

Addant denique Iudæi ad fidem rei faciendam omnia fidei nostræ motiua, miracula quæ ab eius discipulis ad introducendum Christianismum patrata sunt, & constantiam tot Iudæorum Christianorum & Gentilium conuersorum in subeundo imò & querendo pro Christi confessione martyrio. Præsertim sit hoc argumentum ex seipsis desumptum. Aut iuste ò Iudæi crucifixistis Christum aut iniuste: si iuste ergo supplicium vobis à Deo iniuste infligitur, cum punitio supponat delictum & punitio tanta, quantam alias nusquam experti estis maximam offensam. Si iniuste crucifixistis eum, ergo verum erat quod de seipso assererat, nempe se esse Messiam & Filium Dei, quod & crediderunt posthac omnes Gentes. Nulla vobis ergo relinquitur ansa dubitandi quin Christus sit verè Messias & Filius Dei.

Falsè perueni-
entes Iudæi
defleunt
prophetiam
Iacobi ad
alium quàm
ad Messiam
cuius tempus
indigitas.

Dices, Messias debet esse Rex totius vniuersi, Psal. 81. *Et dominabitur à mari usque ad mare, &c.* Aduentus eius debet esse in gloria & maiestate. Psalm. 46. *Deum manifestè veniet, &c.*

Respondedo duo esse obseruanda in Scripturis. Primò multa de Messie regno, potestate & pace quam allaturus est dici quæ spiritualiter & non temporaliter & secundum mundi vsum accipienda sunt, vt innuit Zachar 9. *Ece Rex tuus venit tibi iustus & Saluator & ipse pauper ascendens super asinam.* Quare non leuiter allucinantur Iudæi qui carnaliter & ad litteram intelligunt vt probent Messiam nondum aduentasse.

Secundò duplicem esse distinguendum aduentum Christi. Vnum ad redimendos homines à captiuitate Dæmonis & à morte æterna liberandos. Alterum ad eos iudicandos de iis quæ in hac vita siue benè siue malè gesserint. Defectu autem huius distinctionis errandi animum sumunt Iudæi cum ea quæ de vltimo Christi aduentu prænuntiantur priori attribuant. Quare cum ea nondum impleta videant, hinc inferunt Messiam nondum venisse, cum inferendum tantum sit non venisse ad iudicandum. Sic Helias præmittendus dicitur Malach. ult. sed secundo aduentui.

Dices, Messias veniet tantum in nouissimis & vltimis mundi diebus ex Isai. Atqui Christus non venit in hoc vltimo tempore cum 17. sæcula penè iam effluant ab eius aduentu.

Respondedo negando minorem; nam totum tempus à primo aduentu Messie ad secundum dicitur nouum & vltimum: nouum respectu Legis veteris & naturalis; vltimum, quia lex Euangelica erit vltima & post illam nulla alia futura est: hoc modo communiter explicatur locus S. Ioannis, *Fili nouissima hora est.* Nouum scilicet & vltimum legis nouæ & vltimæ tempus.

Instabis nondum esse impletam prophetiam quæ Isai. 11. habetur vt scilicet *In aduentu eius virgulus & ursus pascantur simul & leo quasi bos comedat paleas, quæ omnia nondum visa sunt.*

Respondedo non esse ratum in Scriptura vt metaphorice intelligatur sensus ergo est populus Israëliticus & Gentilis congregati in Ecclesiam quæ omnes ad se venientes libenter excipit, velcentur Verbo Dei & Sacramentis. Leo vt bos comedet paleas, non erit discrimen inter Regem & rusticum in victu, quia iisdem pascantur Dei sermonibus & eidem mensæ Sacramentorum accumbent & contenti audire ab Ecclesia magna fidei mysteria, quasi paleis repleti triticum & medullam, id est interiores sensus & latentia arcana rimari non contendunt.

Dices in aduentu Messie summa pax debet esse in mdo iuxta illud Isai. 2. *Et conflabunt gladios suos in vomeres & non leuabitur contra gentem gladium.* At hoc visum non fuit. Negatur minor; notarunt enim non tantum sacri sed & profani Scriptores in natiuitate Christi pacem vbique viguisse sub Augusto Cæsare; vnde & Angeli cecinerunt, *Gloria in excelsis Deo & in terra pax hominibus bonæ vo-*

luntatis. Secundò potest distingui; maior admitteri debet de pace spiritali quam attulit vniuerso mundo, si eam voluerit acceptare: non de temporali quæ ex principum & hominum terrenorum voluntate & arbitrio oritur.

Q V Æ S T I O VII.

An conuenienter peracta sit Incarnatio?

CVI propria & recta voluntas est tota ratio facti, sat est fecisse vt rectè fecisse intelligatur, idèd cum Deus aliquid fecit bene fecit, & conuenienter cum sit ipsamet sapientia, habet tamen rationes conuenientes assignare ex quaduplici parte: ex parte Dei, ex parte naturæ assumptæ, ex parte Verbi & ex parte temporis.

Ex parte Dei patet, quia per Incarnationem demonstrauit potentiam, sapientiam & bonitatem, vt docet S. Damasc. lib. 3. de Incarn. Verbi. *Nouum nouorum & solum sub sole nouum per quod Deus apparuit infinita virtus bonitatis & sapientia.*

De potentia res est clara, quia in Incarnatione Deus ita vnitus est cum homine vt vocetur homo & homo dicatur Deus, vnde in Cantico B. Virginis, *Fecit potentiam, &c.*

Applicauerat Deus digitos in creatione mundi. *Videbo celos opera digitorum.* In iustificatione manum, *Nunc capit hac mutatio dextera Excelsi,* (inquit Propheta Regius) in hoc verò Incarnationis mysterio non digitos tantum aut manum sed totum brachium.

Sapientia patet, quoniam inuenit difficilimi pretij decentissimam solutionem, tum conuenientissimum erat vt per visibilia manifestarentur inuisibilia Dei, ad hoc enim totus mundus factus est, vt dicitur Rom. 1.

De bonitate rationem affert S. Dionysius schola DD. vnicuique rei conueniens est illud quod competit sibi secundum propriæ naturæ rationem. Atqui natura Dei est ipsamet essentia bonitatis ex Dionys. cap. 1. de diuin. nomin. Vnde quicquid pertinet ad rationem boni conueniens est Deo, ad rationem autem boni pertinet vt se aliis communicet, quare ad rationem summi boni pertinet quod modo summo se communicet, & id ad extra maximè fit per Incarnationem qua tanta creaturæ humanæ dignitas collata est, vt teste August. lib. de prædestin. SS. cap. 15. *Quo altius ascenderes non haberet.*

Ex parte verò naturæ humanæ quod potius assumpta fuerit quàm alia, congruentiæ multæ sunt; Prima, quia tota natura humana per peccatum primi parentis perierat, non autem tota natura Angelica per peccatum Luciferi.

Secunda, quia ex August. in Enchir. cap. 19. homo ex imbecillitate peccauit, Angeli verò ex malitia.

Tertia, quia homo suasionem Diaboli lapsus est, Diabolus verò nullo suadente, ex seipso motus alios submouit.

Quarta, quia Deus creauerat omnia propter hominem. Vnde ne frustra essent creata Deus perditum hominem debuit reparare.

Quinta, quia homines sola Adami voluntate

Conuenientia singularis omni ex parte quibus Verbum Dei assumptum humanitati.

tate peccauerunt non propria, singuli verò Angeli per propriam voluntatem.

Sexta, quia Angelorum ruina per homines potuit restaurari: quia homines sunt beatitudinis capaces sicut Angeli; At hominum ruina per nullam aliam creaturam poterat reparari, cum nulla alia creatura inferior, homine capax sit beatitudinis.

Ex parte Verbi præ Patre & Spiritu Sancto conuenientia aliquot habentur.

Prima est S. Damasc. lib. de Incarn. Verbi cap. 2. Conuenientius fuit ut qui ab æterno Filius fuerat, esset adhuc in tempore Filius quam vel Pater vel Spiritus Sanctus Filius in tempore dicerentur.

Secunda Filij est vindicare iniuriam Patris; At Pater per peccatum acceperat iniuriam, ergo per Filium debuit vindicari; quod factum est in Incarnatione.

Tertia congruebat per illud omnia restaurari per quod omnia facta erant; fuerat enim exemplar rerum omnium ex communi doctrina Theologorum: ergo per ipsum incarnatum conuenienter facta est restauratio.

Quarta peccauerat homo desiderio similitudinis Dei, *Eritis sicut dii*, dixerat primis parentibus serpens: ergo fuit congruum ut Filius, qui est propria similitudo & imago Patris, hoc peccatum deleret, & ob id incarnaretur.

Quinta, ab æterno Verbum fuerat medium inter Patrem & Spiritum Sanctum: ergo congruum fuit ut in tempore per suam Incarnationem mediator fieret Dei & hominum.

Ex parte denique temporis quod eo & non alio, scilicet vel in principio vel in fine mundi perfecta sit Incarnatio: Conuenientia manifestissima sunt: & primò quòd non debuerit fieri ab initio mundi, tum quia non ita agnouissent homines suam infirmitatem & Medici necessitatem; tum quia non fuissent satis dispositi ad recipiendum hoc mysterium: tum quia decebat dignitatem Verbi ut ipsum longior Prophetarum series præcederet: tum demum quia fides nostra solidior fieri debebat quam videmus tot Prophetarum oraculis respondere.

Pariter quòd differri non debuerit usque ad finem mundi eadem congruentia sunt. Prima ut plures fierent participes gratia Incarnationis. Secunda ut sicut manifestata fuerat bonitas Dei in hoc mysterio per fidem venturi Messia sic declararetur per fidem præteriti, ne forte tanta huius mysterij dilatione hominum vita & mores corrumperentur.

QVÆSTIO VIII.

Utum necessaria fuerit Verbi diuini Incarnatio?

Conclusio S. Thomæ dignissima est. Potuit Cinquit, Deus ex infinitate suæ diuinæ potentia alio quam Incarnationis opere humanum genus reparare; sed ut homo facilius & melius suam consequeretur salutem hoc necessarium fuit, ut Verbum eius caro fieret.

Certum ad hæc est, necessarium, variè sumi;

Primò absolutè quòd non esse, aut aliter se habere non potest, sicque solus Deus est absolutum necessarium. Secundò conditionatè quòd ex se potest non esse; posita tamen conditione necessarium est, ut hominem comedere, si vitam suam prorogare velit; Et hoc conditionatum necessarium rursus duplex est, alterum simpliciter quòd posita conditione necessariò ponitur, ut comedere ad vitæ conseruationem: alterum secundum quid & ad melius esse ut ad iter faciendum assumere equum vel currum.

Hoc posito titulus non est intelligendus de necessario absoluto, quia cum Incarnatio sit opus ad extra sine dubio liberum fuit & potuit non esse; unde Psal. 93. *Deus ultionum liberè egit.*

Certum est præterea neque etiam supposita conditione quòd Deus voluerit saluare homines necessariam fuisse; nam potuit Deus saluare gratis sine satisfactione pro peccatis.

Probatur ex Scriptura quæ tribuit charitati & misericordia diuinæ reparationem generis humani eo modo quo facta est. Ad Tit. 3. *Secundum misericordiam suam saluos nos fecit.* Ioann. 3. *Sic Deus dilexit mundum ut Filium suum unigenitum daret.* Beneficium autem ex charitate & misericordia collatum supponit in benefactore conferendi libertatem.

Probatur ex SS. Patribus, Athanas. serm. 4. contra Arianos. *Poterat sine vilo aduentu Christi solummodo loqui Deus & soluere maledictionem.* August. lib. 13. de Trinit. cap. 10. dicit, *Non alium modum possibilem Deo defuisse, cuius potestati cuncta equaliter subiacerent; sed sananda nostra miseria conuenientiore alium modum non fuisse.*

Quæstio igitur intelligenda est ex hypothesi, quòd Deus genus humanum non aliter reparare voluerit nisi per condignam pro peccato exhibitam sibi satisfactionem; an scilicet ea suppositione facta, necessarium fuerit personam diuinam incarnari, an verò aliquis purus homo id efficere potuisset.

RESOLVTIO ad reparationem per condignam & æquivalentem pro peccatis hominum satisfactionem absolutè ac simpliciter necessaria fuit personæ diuinæ Incarnatio.

Huius assertionis veritas pendet ex duobus principiis quæ hic probanda sunt.

Primum nullum purum hominem quibuscumque gratia donis ornatum potuisse condignam & æquivalentem satisfactionem Deo pro peccatis aliorum hominum exhibere.

Probatur primò ex Scriptura Psal. 48. *Frater non redimet, redimet homo non dabit Deo placationem suam & pretium redemptionis animæ suæ.* Quæ verba explicans S. Basil. in hunc locum ait: *Ne igitur fratrem quare in redemptionem, sed cum qui excedit nostram naturam: neque hominem nudum sed hominem Deum Iesum Christum qui solus placationem Deo dare potest pro omnibus nobiscum.*

Probatur secundò ex SS. Patribus, Leone Papa serm. 1. de Natiuit. ubi loquens de Christo ait: *Nisi esset Deus non afferret remedium, nisi esset homo non præberet exemplum.* S. August. in Enchir. cap. 108. *Neque pro ipsum liberaretur mediator Christus nisi esset Deus.* Et lib. 10. de Trinit. cap. 13. *Fieri debuit sic ut*

Diatolm

Diabolus iustitia hominis superaretur, quod factum est Christo satisfaciente pro nobis. Homo autem purus satisfacere non poterat pro toto genere humano: Deus autem satisfacere non debebat: unde oportebat Deum & hominem esse Iesum Christum. S. Fulgent. lib. de Incarn. cap. 4. Nullatenus humana natura ad auferendum peccatum mundi sufficiens atque idonea fieret, nisi unione Verbi Dei.

Peccatum mortale est ali-
quo modo in-
finitum, quia
obiectum infi-
nitum Deum
seduliter offen-
dit, idcirco homo
ex se non po-
test aequiva-
lenter satisfacere
Deo.

Probatum ratione quam affert D. Thomas q. 2. art. 2. ad 2. quia peccatum contra Deum commissum habet quandam infinitatem ex infinitate diuinæ maiestatis: at verò omnis satisfactio puri hominis non potest esse nisi finita, quamuis ex gratia Dei procedat, quælibet enim gratia creaturæ collata semper est finita, ipsi solum confert dignitatem finitam, unde nunquam æquivalentem satisfactionem de-
promet.

Confirmatur ex eo quod grauitas peccati delumitur ex dignitate & excellentia illius qui offenditur, quantitas verò satisfactionis ex dignitate personæ quæ satisfacit. At in omni peccato mortali is qui offenditur semper est infinitus nempe Deus, in satisfactione autem puri hominis is qui satisfacit semper est finitus; ergo impossibile est in eius satisfactione quantumuis magna repetiri posse æqualitatem cum offensa in Deum commissa.

QVÆRITUR, An Christus satisfecerit æquiualemter & ad rigorem iustitiæ.

Locus proprius huius quaestioni erat in tractatu de merito Christi, sed quia auctores aliqui hoc resoluunt ex consequentia dictorum; respondeo affirmatiuè.

Probatum ex Scriptura, Paulus Hebr. 10. conferens Sacerdotes legis antiquæ eorumque sacrificia cum Christo eiusque in Cruce sacrificio pro nobis oblato sic loquitur: *Et omnis quidem Sacerdos præsto est quotidie ministrans & easdem sæpè offerens hostias, quæ nunquam possunt auferre peccata: hic autem (Christus scilicet) unam pro peccatis offerens hostiam, una oblatione consummans in æternum sanctificatos.* Cap. 5. ad Rom. *Sed non sicut delictum ita & donum: si enim unius delicto multi mortui sunt, multò magis gratia Dei, & donum in gratia unius hominis Iesu Christi in plures abundauit.* Quibus verbis Apostolus Christi meritum ad saluandum præfert Adami merito ad perdendum. Cum igitur Adami peccatum tale fuerit, ut per illud iuste & condignè vniuersum genus humanum gratia priuatum sit & damnationis reatum incurreret; sequitur ex Pauli mente multò magis fuisse in Christi merito vim ac virtutem condignè redimendi ac reparandi genus humanum & æquiualemter pro eius reatu satisfaciendi.

Rom. 3. *Quem proposuit Deus propitiationem pro peccatis nostris ad ostensionem iustitiæ.* Hinc eruo ex iustitiæ Christum emisse à Deo propitiationem.

Probatum ex SS. Patribus. Agapito Papa epist. 5. ad Anthimum. *Validius, inquit, fuit libertatis donum quàm debitum seruutis.* S. Chrysost. hom. 10. in cap. 5. Rom. Vbi dicit Christum multò plura quàm debueramus solu-
isse pro nobis, tantòque plura quantò guttula-
lam exigua excedit pelagus immensum, pec-
catàque pro quibus satisfecit, fuisse Tanquam

scintillulam satisfactione quam exhibuit, tan-
quam supereffuso mari solutam & extinctam.

Probatum ratione, infinitum soluit pro infi-
nito: Christi satisfactio fuit simpliciter infiniti
valoris, ergo æquiualens & condigna; minor
probatum, tum ex infinita dignitate personæ
satisfacientis, tum ex valore infinito rei in sa-
tisfactionem oblata: Christus enim non
aliam hostiam obtulit quàm seipsum.

Dices Christus non satisfecit ut Deus sed
solum quatenus homo, & ut sic non fuit
infinitæ dignitatis.

Respondeo satisfecisse ut est hic homo, seu
ut Christus, seu homo Deus, seu per actiones
humanitatis in persona diuina iubilantis,
quæ ut sic erant infiniti valoris cum à persona
infinitè digna procederent.

Dices quodlibet peccatum est æquale cui-
libet operi Christi, quia verumque est
infinitum; ergo cum plura sint peccata quàm
opera Christi satisfactoria, non videntur
æqualia satisfactio & peccatum.

Respondeo negando antecedens, licet enim
opus satisfactorium Christi & peccatum di-
cantur infinita, diuersa tamen infinitate, quia
operis satisfactorij infinitas oritur a supposito
intrinseco & influente: peccatum verò est
tantum infinitum infinitate extrinseca, petita
ab obiecto extrinseco in quod terminatur,
magis autem influit suppositum quàm ob-
iectum.

Dices, quilibet actus Christi potest me-
reri quodlibet præmium possibile, quia
sumit meritum à dignitate personæ quæ ad-
quari potest cuiuslibet præmio possibili; ergo
omnibus actibus mereri potest plusquam præ-
mium possibile, nam plus est meriti in omni-
bus actibus quàm in vno: consequentia au-
tem est absurda, ergo & illud unde sequitur.

Respondeo plus esse meriti in pluribus
quàm in vno, extensiuè quidem sed non inten-
siuè, quia cum meritum sumatur ex dignitate
personæ quæ eminenter continet omnia &
quæ æque est tota in vna ac in omnibus actio-
nibus, nihil addi potest quo meritum augea-
tur intensiuè: Et hoc valde notandum est ali-
quid tantum crescere intensiuè, quando ei ali-
quid additur quod nec formaliter nec eminenter
continebat.

Dices iustitia debet esse inter diuersa, sed
Christus non erat à Deo diuersus quia
ipse erat Deus; ergo non potuit Deo ad
rigorem iustitiæ satisfacere.

Respondeo satisfactio non est eiusdem ad
seipsum secundum quid concedo, simpliciter
nego: Priori modo Christus est diuersus à
Verbo cui satisfacit, scilicet ratione humani-
tatis quæ concurrebat ad satisfactionem tan-
quam principium quo.

Instabis inter Patrem & Filium nulla est
iustitia ex 1. Ethic. cap. 6. ergo Christus non
potuit satisfacere Patri ex iustitia.

Respondeo distinguendo antecedens, quan-
do Filius non habet distinctam voluntatem à
Patre & est planè sub iure Patris concedo, sic
enim & apud homines inter Patrem & Filium
emancipatum

emancipatum datur iustitia. Christus autem qui satisfacere habebat aliam voluntatem à Patre nempe humanam, per quam satisfacere quoque Pater ex pacto inito acceptare tenebatur.

Dices satisfactio ex rigore iustitiæ debet fieri ex propriis & non debitis alio titulo. Atqui satisfactio Christi non fuit eiusmodi, quia eius actiones debebantur Patri multis nominibus, vnionis hypostaticæ, gratiæ acceptæ, & aliis.

Respondedo distinguendo maiorem, satisfactio rigorosa debet fieri ex propriis & indebitis, alio titulo iustitiæ, concedo, satisfactio enim tunc esset pro priori debito & non pro alio à quo ordinaretur: titulo verò gratitudinis, nego, quia quod alicui debeo ex gratitudine possum ei pro iusto debito ex iustitia reddere. Aliquis ex liberalitate donauit mihi centum aureos, ex iusto totidem ei debeo, sumam eos quos mihi liberaliter donauit & reddam ei pro solutione debiti. Ad minorem dicendum actiones Christi quibus satisfacerebat, fuisse quidem debitas titulo gratitudinis propter gratias acceptas non tamen iustitiæ, ac proinde potuisse offerri in iustam satisfactionem pro peccato.

Q V Æ S T I O IX.

An si Adam non peccasset Filius Dei factus fuisset homo?

Scotus in 3. dist. 7. q. 3. singularis est in affirmatione propositionis quam efficacissimis rationibus probat sine præiudicio (inquit ex speciali modestia) negatiuam partem propugnantium.

Probatur primò ex Scriptura Prouerb. 8. *Dominus possedit me in initio viarum suarum.* Vel vt Septuaginta Interpretes vertunt, *Dominus creauit me in initio viarum suarum, antequam quidquam faceret à principio.* Vbi Sapientia incarnata seu Christus secundum humanitatem de se loquitur, vt docet S. Ambrosius lib. 1. de fide cap. 7. & probat ex illa particula *Dominus*. Nam Christus secundum diuinitatem non potest Deum appellare Dominum suum sed Patrem: cum ergo ibi appellet eum Dominum, sequitur quod de se loquatur secundum humanitatem. Quod etiam docent alij SS. Patres: nam cum Arriani ex hoc loco conarentur probare Christum esse creaturam, respondebant SS. Patres locum illum intelligi debere de Christo secundum humanitatem. Ita S. Athanasius serm. 3. & 4. contra Arrianos, Cyrillus Alex. lib. 4. thesauri cap. 4. 6. & 8. S. Augustinus lib. 1. de Trinitate cap. 12. Si ergo Christus secundum humanitatem est initium viarum, id est operum Dei, cum id non possit intelligi de ordine temporis, sed de ordine diuinæ intentionis & prædestinationis: hinc sequitur Christum secundum humanitatem fuisse intentum ante omnes alias creaturas, atque aded ante præuisionem peccati Adæ.

Confirmari potest ex eo quod idem Christus Coloss. 1. vocatur *Primogenitus omnis*

creature; loquitur autem de Christo secundum humanitatem, vt exponunt ibi S. Hieronymus & S. Anselmus. vnde S. Cyrillus 10. Thess. cap. 4. dicit Christum vocari primogenitum quatenus homo est, vnigenitum verò quatenus Deus est. Et hoc modo intellexit hunc locum Concil. Ephesinum tomo 1. cap. 4. & 5. & tomo 4. in appendice vltima cap. 26. vbi Christus vt Deus vocatur vnigenitus, vt homo primogenitus.

Adde locum 1. Cor. 3. *Omnia vestra sunt, vos autem Christi, Christus autem Dei.* Quibus verbis Paulus dicere intendit, quod sicut omnes aliæ creature factæ sunt propter hominem: Consequenter ipse homo ante illas est intentus vt finis illorum: sic ipsi homines omnēque aliæ creature propter Christum Dominum factæ sunt, & ex consequenti Christus ipse prior ipsis à Deo est intentus. Quod autem litteralis sensus is sit patet: nam Paulus reprehenderat Corinthios qui gloriabantur in eis à quibus baptisati aut edocti fuerant, dicebant enim *Ego sum Cepha, ego Pauli, ego Appollo.* At inquit Apostolus, quod non debent gloriari in hominibus sed in Christo; nam ipsi non erant facti propter homines illos à quibus erant baptisati, sed illi baptizantes S. Paulus, Apollo, Petrus, vita eorum, mors, præsentia & futura omnia erant facta propter prædestinatos ipsos, cum ergo hic sit sensus, *Omnia vestra sunt*, sequitur quod deinde dicit, *Vos autem Christi*, intelligat prædestinatos factos esse propter Christum, tanquam propter finem: alioquin nulla esset continuatio textus, quod & Chrysostomus ibi sic exponit: Cum ergo Christus sit finis gratiæ & gloriæ omnium prædestinatorum, & rursus sit primus electus & prædestinatus de facto à Deo, sequitur esse impossibile quod ceteri prædestinati sint per se electi & prædestinati; Christus verò per accidens tantum, scilicet occasione peccati, quod per accidens ab Adam fuit perpetratum.

Probatur ex SS. Patribus Augustinus lib. 1. de nuptiis & concupisc. cap. 21. vbi dicit illud quod Ephes. 5. dicitur de matrimonio, *Sacramentum hoc magnum est, ego autem dico in Christo & in Ecclesia*, implendum fuisse in statu innocentie si homo perseuerasset in illo: vnde sequitur ex Augustino Christum incarnandum etiam non peccante Adamo. In eadem sententia sunt multi alij Sancti Patres, Cyrillus Alex. cap. 3. & 13. libri 5. Thesauri. Anselmus lib. 1. Cur Deus homo. Rupertus lib. 3. de gloria & honore Filij hominis, adiungo Franciscum Salesium in suo Theotimo lib. 2. cap. 4. Ex Scholasticis Alensem 3. parte q. 2. membro 13. Albertum 3. sent. dist. 10. q. 4.

Probatur rationibus: Prima, prædestinatio cuiuscumque ad gloriam præcedit naturaliter ex parte obiecti prædestinati, præscientiam peccati vel damnationis cuiuscumque; Ergo multò magis hoc est verum de prædestinatione animæ Christi quæ prædestinabatur ad summam gloriam. Subsumo; At anima Christi fuit prædestinata non solum ad gloriam sed ad vnionem hypostaticam Verbi: Ergo vnio & Incarnatio non est facta ex præuisione peccati Adæ. Antecedens probatum est in quest. 28. de Deo, vbi habetur Scoti conclusio electio

Scoti præ
ceteris Dilec
tibus exaltis
Dei beatitudi
nem quid
Incarnatio
est a se
prædestinatio
occasione pec
cati origina
sed ex diffi
sione & ge
neratione sum
ma boni.

electionem ad gloriam factam esse absoluta & efficaci Dei voluntate ante saluandorum praeiusta merita; estque sententia S. Thomae 1. parte q. 23. art. 5. ubi Sanctus Doctor dicit, quod cum praedestinatio includat actum voluntatis diuinæ, huius non sit assignare causam ex parte actus volendi, & nullum fuisse ita instantiae mentis qui diceret merita esse causam diuinæ praedestinationis ex parte actus praedestinantis. Consequentia verò probatur: Quia praedestinatio animæ Christi non est imperfectior praedestinationibus aliarum animarum, imò nobilior, quia ad summam gloriam praedestinitur. Vide impugnaciones ac diuersa responsa huic rationi data à diuersis disp. 20. libri 3. apud Fauentinum.

Secunda ratio quia sequeretur Incarnatione (si facta dicatur ob peccatum) esse bonum occasionatum, quod est absurdum; nam maximum bonum debet esse volitum propter se ipsum & non per accidens; patet autem illud quod non intenditur ab agente propter se, sed ratione alicuius quod contingenter habet esse, esse accidentaliter volitum & praedestinatum, sed ex contraria sententia Incarnatio est intentata à Deo occasione & ratione peccati; ergo non propter se Christus est praedestinatus; quod sanè repugnat Apostolo ad Coloss. 1. *Qui est, ait, imago Dei inuisibilis primogenitus omni creaturae, quoniam in ipso condita sunt vniuersa in caelis & in terra visibilia & inuisibilia, sine Throno &c. qui est principium &c.* Ex his verbis patet Christum ut homo est esse primum praedestinatorum, & ad ipsum ut ad finem esse ordinatam creationem omnium creaturarum, etiam Angelorum: Nec respondeas hæc exponenda de Christo ut est Deus; nam primogenitum prædicatur de Christo ut homo est: Coniungunt & sequentia verba: *Ipse est caput corporis Ecclesie qui est primogenitus ex mortuis.*

Tertia ratio: Sequeretur quod anima Christi gaudere deberet de lapsu Adæ & de peccato; Probatur consequentia, quia nisi fuisset peccatum ipsa non habuisset esse neque tantam gloriam: Nec valet responsio Caiet. & Medinæ qui dicunt, quod peccati præiussio non fuit sufficiens causa praedestinationis Christi, sed vltima peccatum præiussum adfuit misericordia Dei volentis computare illud peccatum suum, & per seipsum satisfacere, idcirco non oportet gaudere de lapsu alterius, sed de misericordia Dei qui peccatum alterius vertit in bonum: Non satisfacit: Concesso enim quod misericordia Dei fuerit causa Incarnationis & praedestinationis, non tamen propter hoc tollitur quod peccatum quoque fuerit causa eiusdem praedestinationis, & quod non fuerit causa primaria & per se, neque enim Deus misericordia motus fuisset ad praedestinandum humanam naturam Christi, nisi prius fuisset peccatum. Ergo primaria causa gaudij animæ Christi debet esse peccatum, quia illud fuit origo misericordiae in Deo & determinationis eliciendi ex illo bonum illud vniuersae naturae humanae ad Verbum & ad summam gloriam: Insuper erit ignobilior praedestinatione Adæ & aliorum, quia illæ tantummodo sunt factae propter bonitatem Dei nullo modo respiciendo

Carriere in Professione Fidei.

peccatum: Praedestinatio verò Christi est propter peccatum.

Quarta ratio: Qui ordinare vult, prius videtur velle id quod est fini propinquius; sed inter praedestinos Christus est fini propinquior; ergo inter praedestinos Christus fuit primò volitus & praedestinatus quam alij praedestinati; ergo fuit prius praedestinatus quam Adam; ergo non fuit praedestinatus in remedium peccati Adæ.

Adiungo pro corona rationum, mentem Ecclesiae Catholicae quæ in Symbolo & decreto Concilij Nicæni, Ephesini, Chalcedonensis, & aliorum distinxit illa verba: *Qui propter nos homines & propter nostram salutem descendit de caelis*: Non enim dicit venisse solum propter nostram salutem, sed ait prius propter nos; quasi dicat prius praedestinatum, ut esset caput Ecclesiae, primogenitus in multis fratribus, deinde etiam venisse ad redimendum nos.

Superest ut explicemus quomodo seu in quo signo Deus decreuerit Verbum Incarnari, ut constet si præcesserit præscientiam peccati originalis. Ad hoc autem intelligendum, Notandum quod licet in diuina mente non possint poni varia instantia temporis in quibus diuersas res cognoscat, tamen ponuntur varia signa, quæ signa an sint instantia naturæ vel tantum rationis fundata aliquo modo in re, declarauimus in quest. 14. de SS. Trinitate. Dantur ergo signa varia in mente diuina secundum omnium sententiam: Neque enim hæc signa secundo modo accepta negant Thomistæ aut alij recentiores: Scotus autem hæc ponit aperte in 1. sent. dist. 39. §. *visio de contingenti rerum*, & 3. sent. distinct. 19. in corpore questionis, §. *in ista questione igitur tria sunt videnda.*

Sed antequam hæc signa explicentur, Notanda est illa distinctio communis de duplici cognitione in intellectu diuino, scilicet de cognitione simplicis intelligentiæ, & de cognitione visionis: Istæ enim duæ cognitiones sic ordinatæ sunt quod primo loco est cognitio simplicis intelligentiæ, secundo est determinatio diuinæ voluntatis, tertio est cognitio visionis: Ratio est, quia Deus primò intuetur suam essentiam diuinam; intuendo autem eam non tantum beatus est in se, sed ex ea resultat cognitio omnium rerum possibilem & impossibilem, & ita virtute essentiae diuinæ intellectus diuinus videt omnes res quas producere potest; & tunc cognoscit se posse producere plures mundos, & naturas & indiuidua, & cum aliis conditionibus & circumstantiis & plura quam produxerit; & hæc est cognitio conditionata futurorum quam admittere debemus & admittit Scotus, includitur enim in illa cognitione possibilem: Hac habita cognitione voluntas eligit producere illa possiblem quæ sibi placent, (eligit autem illa quæ magis decent suam bonitatem, sapientiam & iustitiam) & ita elegit ab æterno producere res quæ actu sunt & futuræ sunt: Habita hac determinatione, sequitur ordo scientiæ visionis qui correspondet determinationi diuinæ voluntatis: Sicut ergo in determinatione diuinæ voluntatis sunt diuersa signa,

signa, sic etiam sunt diuersa signa cognitionis in visione.

Ordo ergo in determinatione diuinæ voluntatis sic est, habita simplici cognitione omnium rerum possibilium, diuina voluntas determinauit in primo signo hominem & Angelos quos creauit & etiam animam & naturam Christi: in hoc signo Deus vult ponere in mundo tres ordines naturæ, gratiæ, & vniionis hypostaticæ: sicque Christus est *Caput super omnes, Ecclesiam*, vt dicitur 1. Ephel.

In secundo signo prædestinauit quos voluit, & etiam humanam naturam Christi ad gloriam & ad vniionem hypostaticam Verbi.

In tertio signo (quia præuiderat cognitione simplici intelligentiæ illos casuros in Adam) voluit permittere casum & peccatum.

In quarto prouidit de remedio per passionem Christi determinando Verbum assumere carnem passibilem.

Ista signa desumuntur ex Scoto variis in locis, sed præsertim in 3. dist. 19. q. vnica. Sic prius vno prædeterminata quam prævideretur & prædeterminaretur Passio Christi vt medicina contra lapsum, sicut medicus vult prius sanitatem hominis quam ordinet de medicina ad sanandum.

In quarto ergo signo Christus prædestinatus fuit vt Redemptor: ita quod fuerunt duo decreta, primum quoad substantiam creationis naturæ humanæ Christi & substantiæ Incarnationis. Secundum quoad modum Incarnationis scilicet vt Redemptor.

Dices si Deus habuit aliud decretum de Incarnatione facienda ab illo quo peracta est delendi peccati gratia; ergo quando hoc secundum fecit; reuera mutauit primum; probatur consequentia, vi primi venisset Christus in carne impassibili, vi secundi venit effectiue in carne passibili, quæ aperta est mutatio. Tum res quoad suas circumstantias in eodem instanti & signo prædestinatur.

Respondeo negando esse vllam mutationem, sicut enim ex eo quod Deus fecerit decretum de danda gloria secundum substantiam, abstrahendo à modo dandi vel mercedis vel doni gratia, quando facit secundum, de danda illa per modum mercedis, non mutat primum, quia cum eo non pugnat, nec decretum dandi substantiam gloriæ, negat secundum de ea conferenda per modum mercedis, sed tantum abstrahit. Ita licet Deus primò habuerit decretum de Incarnatione, tantum secundum substantiam abstrahendo à modis, scilicet vel carnis passibilis, vel impassibilis, vel redemptoris vel glorificatoris, quando fecit secundum de ea peragenda in carne passibili nihil certè egit contra primum, quia aduersus ipsum non pugnat, nec primum decretum de Incarnatione negat secundum de ipso secundum modum carnis passibilis, sed tantum abstrahit.

Ad probationem huius consequentiæ, nego priorem partem antecedentis, nimirum vi primi decreti Deum venturum in carne impassibili, sicut enim in prædestinatione primum decretum de danda gloria, nec dicebat, per modum mercedis, nec per modum doni,

sed ab vtroque abstrahebat, & in quantum erat efficax obligabat Deum ad faciendum secundum quod erat de modo vel mercedis vel doni, antequam primùm mandaret executioni. Ita decretum de Incarnatione secundum substantiam non dicit aut per modum redemptoris aut per modum glorificatoris, aut in carne passibili aut impassibili, sed ab vtroque abstrahit, dicitque tantum substantiam Incarnationis, *Volo incarnari*, aut generalem modum, *Volo incarnari conuenientiori modo*, quicumque ille sit, quia tamen efficax erat obligabat Deum ad faciendum secundum decretum de modo conuenientiori, quod contingente peccato fuit in carne passibili & per modum redemptoris, si non contigisset peccatum, fuisset in carne impassibili per modum glorificatoris hoc exemplo illustrare lubet. Cogitetur homo qui faciat decretum apud se de danda mille aureorum summa conuenientiori modo qui poterit occurrere, occurrat postea modus conuenientior, liberatio alicuius Christiani à Turcarum manibus; post illud decretum statim faciat secundum; volo dare mille aureos liberando ipsum hominem à Turcarum seueritate; quod si hic modus non occurrisset non propterea desisset illam pecuniam erogare, sed alio modo & per aliud decretum, nempe vel ad ornatum alicuius templi vel alio quodam modo. Hic, primum decretum sit tantum de substantia rei, *volo dare mille aureos*, & de modo vniuersali, *volo dare conuenientiori modo*; secundum fuit de modo qui occurrit conuenientior, nempe ad liberandum Christianum de Turcarum captiuitate. Hoc primum decretum non mutauit secundum, sed determinauit ipsoque modo redemptionis Christiani à Turcis non existente, non desisset fieri largitio mille eiusmodi aureorum, sed alio modo nempe ad ædificationem vel ornatum templorum.

Sic in proposito dicendum, fecit Deus primum decretum de Incarnatione secundum substantiam, *volo incarnari*, & de modo generali, *volo incarnari modo conuenientiori*, contigit peccatum Adæ & homines duræ diræque Sathanæ seruituti addicti sunt, hic modus conuenientior, vt fieret Incarnatio ad liberandos homines ab illa seruitute, statim fuit secundum decretum, *Volo incarnari ad redimendos homines*, quod secundum decretum non mutauit primum sed determinauit.

Quod si modus peccati non occurrisset, non contingente peccato, non propterea desisset velle incarnari sed alio modo, quem pariter determinasset ad ornatum seu glorificationem hominum qui sunt viua diuinitatis templa, & id quidem sine vlla mutatione Dei aut suorum decretorum.

Habes inde quod circumstantiæ rei non includuntur in primo decreto cum primum decretum sit in primo signo; secundum autem decretum sit in quarto signo vt exposui, nec repugnat primum decretum esse sine secundo.

Dices illa quæ pendent ex sola Dei voluntate nobis dumtaxat innotescunt ex diuinis Scripturis, vt 1. Cor. 2. dicitur, *Quæ sunt Dei nemo nouit nisi spiritus Dei qui in ipso est, nobis*

Ista signa in diuinis ac-
tibus notanda
sunt ad solu-
tionem multa-
rum difficul-
tatum.

nobis autem notificauit per spiritum suum. Sed in SS. Scripturis vniue ratio Incarnationis dominicæ assignatur ex peccato primi parentis. Ergo si peccatum non fuisset, Verbum non fuisset incarnatum: minor constat ex Luc 19. Venit filius hominis querere & saluum facere quod perierat. Ioan. 3. Galat. 4. 1. ad Timoth. 1. Venit Iesus peccatores saluos facere.

Respondeo quodd ratio hæc S. Thomæ non videtur efficax, multa enim probabiliter tenentur quæ non habentur in Scripturis: satis est quodd contrarium in iis non reperiatur, vt patet, verissimum quidem est quodd habet Scriptura id firmissimè tenendum, vt tenemus de facto Christum venisse propter redemptionem hominum, quia id Scriptura habet. Quodd verò nec habet nec negat, sed relinquit ex rationibus colligendum, ideoque tanquam probabile statuendum, non tamen tanquam de fide, id cum Scoto ad bonitatis diuinæ commendationem tenemus.

Dices, Ecclesiam & SS. Patres vrgere Verbum esse absolutè incarnatum ad delendum peccatum, illa Sabbato Sancto canit: *O verè necessarium Ada peccatum.* Item dicit ad B. Virginem: *Peccatores non abhorreo sine quibus nunquam foret tanto digna filio.* Illi multa habent ad hoc. August. serm. 9. de verbis Apostoli, *Nulla causa fuit veniendi Christo Domino nisi peccatores saluos facere.* Ambros. lib. de incarn. cap. 6. *Qua erat causa Incarnationis, nisi vt caro qua peccauerat redimeretur?* Adde quodd nomina à Deo imposita demonstrant præcipuum officium vt patet in Abraham, Petro & in aliis, sed Christo impositum est nomen *I E S U S* ex eo quodd ipse esset saluum facturus populum suum, vt habetur Matth. 2. ergo istud est præcipuum officium Christi.

Respondeo quodd in Incarnatione considerari potest duplex ordo, scilicet intentionis, & executionis, & eo modo quo facta est: Deus enim primò intendit Verbum debere assumere carnem & esse caput Ecclesiæ, deinde decreuit modum. In executione autem fecit Verbum venire in carne passibili vt Redemptorem, & sic factus est Christus caput prædestinatorum. Authoritates adductæ explicant rationem Incarnationis quoad ordinem executionis, hoc enim erat necessarium hominibus vt ad amorem Dei inflammarentur. Nos autem loquimur de ordine intentionis. Dicimus præterea Scripturam non distinxisse substantiam Incarnationis à modo, quia hæc speculatio non erat multum necessaria, sed simul coniunxit substantiam & modum, & quia modus veniendi fuit vt redemptor semper dixit venisse vt redimeret & quodd nisi venisset ad redimendum, non venisset, quia non venisset vt Redemptor.

Q V Æ S T I O X.

An Verbum assumpsit omnes partes naturæ humanæ?

Certum est de fide Christum fuisse verum hominem consequenter compositum ex *Carriere in Professionem Fidei.*

anima rationali eiusdem cum cæteris speciei & corpore iisdem partibus carne, ossibus, humoribus, spiritibus constante, quo reliqua hominum corpora.

De corpore est de fide contra Manichæos & Cerdonianos, qui vt refert S. August. lib. de hæres. cap. 41. & 66. asseriebant Christum Dominum non habuisse verum & naturale corpus, sed phantasticum & appàrens.

Probat ex Scripturæ Conciliorum & Patrum iisdem authoritatibus quibus supra probatum est Christum veram naturam humanam assumpsisse, verumque Deum ac verum hominem esse. Nisi enim verum & naturale corpus assumpsisset, non posset dici verus homo, nec verè humanam naturam assumpsisset; vnde S. August. q. 14. ex 83. Si, inquit, *phantasticum fuit corpus Christi: fefellit Christum, & si fefellit veritas non est, est autem veritas Christus: non igitur phantasma fuit corpus Christi.* Concil. Calcedo act. 5. vnum & eundem Iesum Christum in duabus naturis cognoscendum nulla naturarum differentia sublata propter vnionem definiuit, necnon & alia Concilia Luc. 24. *Palpate & videte quia spiritus carnem & ossa non habet.*

Dices 1. Cor. 15. *Primum hominem de terra fuisse terrenum & secundum de calo caelestem.* At primus homo verè ex terra compactus erat; ergo & secundus ex materia cælesti.

Respondeo ex sensu Patrum Christum vocari hominem cælestem, siue quia cælestem vitam duxit cum esset beatus & plane impeccabilis, siue quia corpus illius per operationem cælestem fuit mirabiliter formatum in Virgine, Verboque vnitom.

De Anima rationali est etiam de fide.

Probat ex Scriptura quæ varios tribuit effectus Christo qui nequunt illi competere nisi ratione animæ humanæ, vt cum ipse dixit Ioan. 10. *Nunc anima mea turbata est.* & Matthæi 26. *Tristis est anima mea usque ad mortem:* & Ioan. 20. *Potestatem habeo ponendi animam meam & iterum sumendi eam.* Quibus in locis animam propriè accipi pro anima docet S. August. q. 80. & 83.

Probat ex Cone Ephesino cap. 13. vbi expressè asseritur *Dei filium carnem animatam anima rationali sibi copulasse.* Et in Symbolo Achanasij habetur, *Perfectus Deus perfectus homo ex anima rationali & humana carne subsistens.* 1. 3. 2. 3. 4. 5.

Probat ratione, nam ex fide constat Verbum esse hominem; at non est verus homo sine anima rationali; deinde Verbum assumpsit naturam humanam, vt oraret & mereretur & satisfaceret pro nobis; at hæc exigunt rationem & libertatem.

Huic veritati quæ est de fide, oppositus fuit error Appollinaris & Arrianorum, qui asseriebant Verbum diuinum assumpsisse carnem sine anima, ipsumque Verbum fuisse in Christo animæ loco, Appollinaris tribuebat solum animam sentientem contra ipsos insurgunt Patres & Concilia.

Dices, *Verbum caro factum est,* ibi nulla est animæ mentio: non dicitur autem factum caro eo quodd sit in carnem conuersum, sed

sed quia carnem assumpsit non videtur ergo assumpsisse animam.

Respondet ex D. Thoma q. 5. art. 3. caro ibi pro toto homine ponitur sicut ex Ilai. 40. *Videbit omnis caro salutare Dei.* Idem autem totus homo per carnem significatur, quia per carnem filius Dei visibilis apparuit, unde subditur *Et vidimus gloriam eius*, vel ex August. q. 80. ex 83. *In tota illa unitate susceptionis Verbum est principale extrema autem atque vltima caro, volens itaque Euangelista commendare pro nobis dilectionem humilitatis Dei Verbum & carnem nominauit omitens animam qua est Verbo inferior, carne prestantior, rationale etiam fuit ut nominaret carnem, qua propter hoc quod magis distat à Verbo minus assumptibilis videbatur.*

De assumptione sanguinis totius quod erat in corpore est etiam de fide.

Probatur ex Scriptura Hebr. 2. vbi Filius Dei dicitur, *Participasse carni & sanguini.* Sicut reliqui homines Ephes. 2. *In quo habemus redemptionem per sanguinem eius.* Et 1. Ioan. 1. *Sanguis Iesu Christi filij eius emundat nos ab omni peccato.*

Probatur ex Conc. Ephes. in epist. ad Nestor. ubi dicitur Verbum factum esse hominem assumptione carnis & sanguinis, & in Conc. Calcedo. I. vbi lecta & approbata est quædam epistola S. Cyrilli ad Acacium in qua ipse ait: *Verbum caro factum est, id est carnem & sanguinem assumpsit.*

Probatur tertio ex autoritate Clementis VI. in Extrauaganti *Vnigenitus* de poenitentiis & remissionibus, vbi affirmat modicam partem sanguinis Christi propter vnionem cum Verbo diuino suffecisse ad redemptionem totius generis humani.

Probatur quarto ratione, cum enim forma hominis sit quædam res naturalis requirit determinatam materiam, scilicet carnes, ossa, sanguinem, & si hoc non esset in Christo derogaret veritati eorum quæ ipse gessit in corpore, & veritati diuinæ, cum enim Filius Dei se ostenderit hominibus quasi corpus carneum aliis simile habentem, falsa fuisset demonstratio. Tum omne id quod ad veritatem naturæ humanæ pertinet fuit assumptum à Verbo. Atqui sanguis est de eius integritate, cum sine illo neque viuere neque operari possit homo, siue enim sanguis informetur ab anima rationali, ut plerique sentiunt, siue habeat formam distinctam, semper tamen est pars omnino necessaria.

Accedit ratio valde firma Verbum non minus per concomitantiam constituitur sub speciebus vini quàm sub speciebus panis: ergo non minus sanguis est assumptus hypostaticè à Verbo quàm caro. Consequentia patet, per consecrationem vini ponitur vi Verborum tantum sanguis Christi: ergo si per concomitantiam ponatur Verbum, sanguis sine dubio est ipsi Verbo vnitus hypostaticè.

Nota sanguinem ex communi Medicorum sententia sub ea forma sanguinis qua est in venis non mutari proximè & immediatè in carnem, neruos, ossa, aliàsque partes corporis, sed in quandam substantiam puriorem & delectatorem, quæ initio transmutationis dicitur *Ros*, in progressu *Cambium*, in fine *Gluten*,

quod propriè iam est substantia viua ipsius animalis, hæc omnia pertinent ad veritatem naturæ humanæ consequenter & vnita fuerunt.

Dices ex Damasc. *Quod Verbum semel assumpsit nunquam dimisit.* At certum est dimisisse sanguinem illum & alia quæ habentur in terris, v. g. præputium.

Respondet S. Thomas q. 54. art. 2. Christum resumpsisse totum sanguinem quem effuderat in passione, quia totus ille pertinebat ad veritatem naturæ humanæ, & eandem dicit esse rationem de omnibus partibus integritatem corporis concernentibus, vult autem sanguinem qui asseruatur in terra effluxisse miraculosè de quadam imagine Christi percussa, idque sentit ob integritatem resurrectionis absque diminutione quauis, cum Christus dixerit Matth. 10. de fidelibus, *Vestri capilli capitis omnes numerati sunt.* Et Luc. 21. *Capillum de capite vestro non peribit.*

Respondent alij pronuntiatum illud Damasceni debere intelligi de præcipuis humanitatis partibus quas nunquam dimisit Verbum ex integro, non de quibuscumque earum particulis, cum per continuam actionem caloris aliæ & aliæ substantiales partes à corpore Christi effluerint.

Dices ergo quotidie fiebat noua separatio à Verbo, cum v. g. resecabantur ungues, cum resoluebantur spiritus vitales & resecabantur capilli.

Respondet Becanus id non mirum, nam & quotidie fiebat noua vnio in nutritione cum partibus quæ addebantur.

QUÆRES, *Si adoranda qua asseruantur Christi Reliquie.*

Affirmant aliqui ob dictum Damasceni putantes remanere vnitas Verbo, nisi enim stet vnio non adorabuntur. Alij, ait Becan. rectius negant vnitas, quia eiusmodi sanguis vel partes non sunt amplius pars corporis Christi, nam eadem de causa partes materiæ quæ per continuam nutritionem resoluebantur ex corpore non amplius sunt vnitæ, quia non sunt amplius partes illius corporis.

Possunt tamen adorari propter præcedentem vnionem etiam si cessauerit. Ita Suarez disp. 47. & Vasquez, qui censent excrementa fuisse vnita quamdiu erant in vase, & delisse vnionem dum euacuarentur.

Potest etiam dici reliquias sanguinis esse vnitas; nec infestis idem vnitas fuisse, quia pertinebant ad integritatem naturæ humanæ in Christo quod iam non est.

Respondet siquidem nec in triduo mortis sanguinem fuisse de integritate hominis cum esset mortuus (imò nec totus erat de integritate cum Christus vivebat; nam poterat elici & euacuari qui tunc non fuisset de integritate. Est autem de fide quod sanguis effusus in Passione & separatus à corpore non fuerit separatus à Verbo. Quid autem prohibet Christum aliquas particulas non integrantes reliquisse in terra? ut tanquam in speculo & imagine homo obliuiosus videret in eis Passionem sui Redemptoris. Ad hoc quolibet die Veneris Sancto ebullire videtur circa meridiem sanguis qui mixtus cum

cum terra collectus (vti fertur sub patibulo Crucis à D. Maria Magdalena) religiose asseruatur in Prouincia.

QVÆSTIO XI.

Quo ordine partes naturæ humanæ unitæ fuerint Verbo?

Resolutio Catholica hæc est in assumptio. ne humanitatis nullam intercessisse temporis durationem, nec corpus aut animam Christi extitisse ante vnionem cum Verbo diuino, sed omnes humanæ naturæ partes eodem temporis momento quo esse inceperunt, simul à Verbo assumptas fuisse; nam & corpus Christi fuit formatum vnico instanti & anima simul creata & corpori infusa & tum vnita.

Probat ex Scriptura Luc. 1. *Quod ex te nascetur, Sanctum vocabitur Filius Dei.* Idem autem natus est qui conceptus Hebr. 1. *Et cum introduxit primogenitum in orbem terre dixit, & adorans eum omnes Angeli.* Adorandus autem erat, quia diuinitati vnitus & vnitus fuit dum & introductus.

Probat ex V. l. Conc. Constant. generali, vbi act. 11. lecta est Epistola Sophronij & act. 13. approbata, in qua hæc verba habentur: *In Incarnatione Verbi non fuit Deus copulatus carni prius animata aut prius prefacta, vel anima præexistens coniuncta, sed tunc his anima scilicet & carne ad subsistendum venientibus, quando ipsum Verbum & Deus naturaliter copulatus est, sed cum ipso Verbo existentiam habuerunt & nequaquam istius oculi hanc priorem habentia, sicut Paulus Samosatenus persreptit atque Nestorius: simul quippe caro, simul Dei Verbi caro; simul caro animata rationalis, simul Dei Verbi caro animata rationalis.* Et in V. Synodo generali apud Nicephorum lib. 17. hist. cap. 28. hic canon tertius legitur: *Si quis dixerit prius formatum corpus Christi in utero Sanctæ Virginis & deinceps vnitum ei Verbum esse, anathema sit.*

Probat ex SS. Patribus, Hieron. apolog. contra Rufin. lib. 2. Leone Papa epist. 11. ad Iulian. S. Fulgentio lib. de fide ad Petrum c. 18. Damasc. lib. 3. de fide cap. 11.

Probat ratione partes non fuerunt unitæ antequam subsisterent, vel per propriam subsistentiam, vel sustentatæ à Verbo diuino per specialem illius influxum; At non fuerunt subsistentes per subsistentiam propriam partes ipsæ, quia nulla ratio assignari potest, quare voluerit Deus permittere effluxum ipsum subsistentiæ in natura, v.g. in anima, quam esset statim ablaturus: ergo statim fuerunt sustentatæ per illum specialem diuini Verbi influxum, ergo & assumptæ, quia in hoc consistit ratio assumptionis & vnionis hypostaticæ.

Ratio conuincens hæc est, quia si aliquod temporis momento partes humanitatis Christi prius conceptæ fuissent ac postea in rerum naturam quam Verbo vnirentur, sequeretur B. Virgi nem non concepisse Deum, sed tantum hominem qui postea futurus erat Deus; nam conceptio & maternitas eius terminata fuisset

ad personalitatem humanam creatam; Hoc autem sapit hæresim Nestorij, & in Concilio Ephes. cap. 3. damnatum est.

QVÆRES, *Verum organizatio præcesserit vnionem?*

Ratio dubitandi est, quia Christi corpus generatum est ex sanguine, dico ego ex semine B. Virginis, sed corpus generatum est densius semine ex quo generatur; ergo minorem locum occupat & consequenter motus localis necessarid comitatur formationem corporis, is autem ex Philosopho non potest fieri in instanti. Secundò corpus organizatum erat alterius figuræ quàm materia ex qua generabatur: ergo occupauit alium locum, ergo illa formatio requirebat motum localem, ergo & durationem temporaneam. Tertiò natura assumpta cum producta fuerit ex sanguine, producta est per mutationem; ergo pars potentialis illius totius mutabatur ad formam eiusdē totius; ergo prius fuit sub priuatione opposita illi formæ, & hoc prius tempore, quia opposita priuatione non possunt simul tempore esse in eodem; ergo prius tempore erat corpus non animatum quàm animatum: adde quòd Hebr. ... *Christus debuit per omnia assimilari fratribus.* Corpora autem aliorum non formantur in instanti, sed ex sententia Medicorum quadraginta dies pro mare, octoginta pro femina ordinariè exiguntur, vt debita organizatio ad introductionem animæ rationalis requisita habeatur.

Nota ex Damasceno lib. 3. quatuor admiranda esse in Incarnatione. Primum materiæ quam sanguinem dicit, ego verò propriè semen, ad locum debitum seu matricem internam translatio. Secundum illius materiæ alteratio siue transformatio. Tertium animæ ad carnem vnio. Quartum assumptio totius naturæ à Verbo, cum quaeritur an tria præcesserint Incarnationem, quæstio potest esse vel de prioritate temporis vel naturæ.

Multa miracula notantur in Christi conceptione, quæ licet aliter quo modo naturalis sit, tamen est præter & supra ordinem naturæ.

Respondeo animationem non præcessisse tempore Incarnationem, quia tunc natura ista fuisset in se personata & non in Verbo & tunc B. Virgo non fuisset vera mater Dei, quia genuisset purum hominem cuius natura etsi postea vnita nihil ei conferebat, cum tota eius actio in generatione hominis terminata foret.

Organizatio autem siue dicatur inductio vltimæ formæ immediatè disponentis ad animationem, vt ponit Henricus, siue dicatur inductio ipsius animæ; secundum D. Thomam, siue etiam dicatur transmutatio præcedens istam vltimam inductionem formæ organicæ, non præcedit tempore animationem, quia etiam in nobis si talis organizatio præcederet tempore animationem, tunc homo nullo modo generaret hominem, cuius tota actio completa est prius tempore quàm sit homo.

Secundo modo sumpta organizatio, id est ipsamet animatio, non præcessit assumptionem, dato etiam quòd organizatio includat multas formas partiales substantiales, omnes tamen in instanti erant, quia nulla pars est prior tempore alia; pars enim quæ assumebatur à Verbo nunquam præfuit in proprio supposito, quod tamen contigisset si fuisset prior tempore.

Translatio autem materiæ ad locum conuenientem

nientem generationi diuinitus facta est in instanti ultimo expressi consensus Beatæ Virginis, mox enim tota Incarnatio miraculosè facta est & Virgo habuit in utero Verbum hominem factum. Occupatio ergo materiæ fuit minoris loci per diuinam potentiam, sicque soluenda est secunda instantia de figura. Quantum ad mutationem. Respondeo quòd mutatio propriè dicta est inter priuationem & formam, sicut patet in 5. physic. non autem inter negationem & formam. Quando ergo forma simul producitur cum susceptiuo, non est propriè mutatio ad illam formam, quia susceptiuum non fuit prius sub priuatione quàm sub forma, sed tantum est mutatio ad susceptiuum: Cum ergo anima intellectiua simul inducatur cum esse corporis, etiam in nobis propriè non est mutatio corporis ad animam, sed tantum ad esse corporis organici, & illius mutationis subiectum est materia quæ præfuit sub forma sanguinis.

Ad Paulum. Respondeo Christum assimilari debuisse per omnia in veritate corporis & animæ, sed non quantum ad modum formationis temporis.

QVÆRES, quomodo intelligatur commune illud S. Thomæ & Scoti dictum, *Corpus fuisse assumptum mediante anima.*

Respondeo non quod unio terminata sit immediatè ad animam, ad corpus verò mediante anima, nec quod anima sit vinculum uniens corpus ad Verbum, nec quia ex ea necessariò sit consecuta carnis assumptio, sed animam fuisse *medium quo*, ut ait Scot. & non *quod*. Vasquez id declarat, non debebat assumi corpus mortuum sed viuum informatum & ut pars naturæ hominis: hoc autem habet ab anima, ergo mediante anima, sensu scilicet præfato. Ita S. August. lib. de agone Christiano cap. 18. immortalis veritas per spiritum animam & per animam corpus suscipiens toto homine assumpto cum ab infirmitatibus suis liberauit.

Et in VI. Synodo generali act. 18. in edicto fidei Constantini Pogonari Imperatoris dicitur, *Verbum sibi compaginasse corpus & animam per spiritum ex sancta & immaculata Virgine; & carnem quoque mediante anima rationali.* Quod quidem edictum ab ipso Concilio & à Papa Leone II. approbatum fuit ut patet ex ipsius Leonis epistola ad dictam Synodum.

QVÆSTIO XII.

Verum unio hypostatica fuerit perfectissima unio?

AD cognoscendum perfectè naturam & essentiam unionis hypostaticæ quædam dubitationes sunt exponendæ; Prima an illa sit maxima in ratione unionis, ita ut illud quod resultat ex hac unione sit magis vnum quàm quodcumque aliud ens quod resultet ex quacumque alia unione.

D. Thomas q. 1. art. 9. tertiæ partis dicit, quod vno importat coniunctionem aliquorum in aliquo vno, potest ergo unio incarnationis dupliciter sumi, vno modo ex parte

eorum quæ coniunguntur, alio modo ex parte eius in quo coniunguntur, & ex hac parte ait hæc unio habet præminentiam inter alias; nam vntas personæ diuinæ in qua vniuntur duæ naturæ est maxima, non autem habet præminentiam ex parte eorum quæ coniunguntur.

Dices per unionem fit aliquid vnum, sed ex unione animæ & corporis fit aliquid vnum in nobis, ex unione autem diuinæ & humanæ naturæ fit aliquid vnum tantum in persona; ergo maior est unio animæ ad corpus quàm diuinitatis ad hominem, & sic unio hypostatica non importat maximam vnitatem.

Instat Durandus ex natura humanæ & personæ humanæ magis videtur fieri vnum quàm ex natura humana & personæ diuinæ, quia illa non sunt distincta nisi ut res & modus; at personæ Christi est composita ex rebus distinctis omnino, scilicet ex natura humana & personæ diuinæ; ergo magis est vnum personæ creata quàm personæ Christi, sicque datur unio creata maior.

Respondet D. Thomas quod vntas diuinæ personæ est maior vntas quàm sit vntas personæ & naturæ in nobis, idèoque unio incarnationis est maior. Scotus respondet quòd sic eadem, quia personalitas diuinæ gerit vicem creatæ, certum est autem quod personalis vntas est maxima omnium sicut vnum numero est magis vnum quàm vnum specie & genere quæ sunt vnum essentialiter & in natura, & quàm vnum per aggregationem vel per accidens: ita quæ sunt vnum in persona sunt magis vnum quàm si quacumque alia vntate creata vnum essent: adde quòd dum natura vnitur personæ ita perfectè vniuntur quod inter illa sit communicatio idiomatum, quod in nulla alia unione fit.

Durandus concludit hic non esse unionem sine distinctione, sed non concludit inter uniones cum distinctione unionem naturæ humanæ & personæ creatæ esse maiorem; in hoc autem est miraculum quod ista hypostatica sit inter realiter distincta vni est natura humana & personæ diuinæ, & tamen sit maxima unio scilicet in personalitate, quia est unio vera in persona, ita quod est vnica personæ duarum naturarum & personæ diuinæ personat naturam humanam, & tamen distinguitur realiter ab ea, imò est maior unio personæ increatæ ad naturam humanam quàm esset creatæ personæ ad naturam increatam, quia Deus est qui facit hanc unionem in cuius potestate est tota natura creata; idè eam vnire potest, prout vult; hinc Leo Papa serm. 17. *In tantam vnitatem Dei & hominis natura conuenit ut nec supplicio posuerit dirimi nec morte disungi.* Hinc ergo habes maiorem unionem quàm animæ & corporis.

Dices illa unio est maxima cuius extrema, ita vniuntur quòd vnum non potest separari ab alio salua consistentia illorum; at materia & forma sic se habent; quia neque materia potest separari à forma consistere, neque è conuerso; natura autem humana & Verbum possunt per se separatim consistere.

Respondet Facentin, maiorem esse falsam, quia

quia quoddam partes vnitz separate per se manere possint est accidentale vnioni; nam anima ratio alis ita perfecte vnitur sicut sensitiua bruto & tamen non minus perfecte vnitur suo corpori quàm anima bruti suo corpori extra quod non potest existere.

Instabis maxima vnio est quando vnā habet rationem actus aliud potentia qualis habetur inter materiam & formam.

Respondeo quoddam actus & potentia inseruiunt ad ostendendum inter materiam & formam esse proportionem ad fieri vnum absque distinctione, sed in natura creata & Verbo est proportio ad fieri vnum in persona propter potentiam obedientialem quæ est in creatura ad Deum.

QVÆSTIO XIII.

An vnio hæc in genere entis & doni sit maxima?

Avgust. 13. de Trinit. cap. 59. in rebus ait: *Per tempus ortis nulla maior est gratia quàm quod Deus fiat homo & homo Deus.* Et in lib. de prædestinat. Sanctorum cap. 15. vocat *Hanc gratiam excellentissimam tantāque naturæ subiectionem ut quo altius attolleretur non haberet.* Hinc habetur quod sit maius donum quàm vnio beatifica, fundamentum rationis est quod in hypostatica collata est naturæ creatæ ipsa Verbi persona quantum ad substantiam ipsam, ita quod ex duabus naturis facta est hypostasis vna quæ est maior vnio substantialis quæ possit dari seruata distinctione naturarum, quia illæ ab inuicem erant impermutabiles; in vnione verò beatifica Deus non vnitur substantialiter cum ipsa creatura, sed in ratione obiecti tantum, quæ vnio formaliter est accidentalis siue in accidente, nempe in ipsa visione & fruitione; vnde in creaturis vnio obiecti ad potentiam est minor vnio facta in substantia; confirmatur quia hæc vnio dicitur excellens in Scriptura ratione vnionis in substantia; vide enim hæc vnio naturam humanam esse deificatam siue factam idem cum substantia Dei; vnde Hebr. 1. *Tanto melior Angelis effectus quanto differentius præ illis nomen hereditauit.* Vbi Paulus vult quod homo Christus est superior Angelis, non tantum ratione donorum habitualium sed etiam ratione ipsius substantiæ, quia dicitur Filius Dei. Tum illa vnio est maius donum quod includit cætera dona; hypostatica autem licet non formaliter tamen concomitanter & de ordinaria Dei potentia includit vnionem beatificam, hæc autem non includit hypostaticam.

Dices per hypostaticam non datur nisi nouus modus essendi qui ex Scoto est carentia duplicis dependentiæ actualis, & insuper datur solum noua relatio in natura humana ad Verbum quæ est relatio dependentiæ & sustentificati ad sustentificans: at ista duo sunt quedam valde imperfecta, de relatione patet quod habet paruam perfectionem eaque indicatur ex suo fundamento vnde cum secundum Thomistas fundetur in illo nouo modo essendi

naturæ humanæ ad Verbum qui secundum eos est quid absolutum & fundamentum istius relationis, dignitas illius relationis pendet ex dignitate illius noui modi essendi; at modus ille est quid valde imperfectum; primo quia realiter est idem quod ipsa natura humana, & ita ex hac parte non excedit ordinem naturæ in entitate, imò videtur esse quid minus perfectum humanitate, quia est eius modus. Ex altera parte gratia & visio beata est res supernaturalis in entitate & substantia sua & in ea tota Trinitas donatur ipsi naturæ beatificæ, ergo videtur quoddam superet hypostaticam.

Respondeo quoddam etsi in incarnatione nil de nouo habeatur præter accidens seu relatio: nec fruitio quæ per visionem producitur, aliud est quàm accidens sed non attenditur magis & minus in perfectione horum donorum penes entitatem de nouo productam, sed penes modum quo Deus nobis per illa communicatur, vnde cum per relationem dependentiæ sustentificati ad sustentificans communicetur persona Dei creaturæ secundum substantiam siue in vnitate substantiæ quod non fit in vnione beata, sequitur hypostaticum donum esse maius dato etiam quoddam accidens productum per beatificam esset in entitate maius.

Instabis donum quod creaturæ rationali tantum, communicari potest est excellentius eo quoddam & irrationali potest dari at beata vnio soli rationali, hypostatica autem & irrationali.

Respondeo quoddam duplex est perfectio, altera pertinet ad actum primum, alia ad secundum. Maior est vera faciendo comparisonem inter dona quæ ad actum secundum pertinent; nam perfectiora sunt dona collata Angelis & hominibus ad exeundum in operationes suas quàm dona data irrationabilibus creaturis ad operandum, sicut operationes rationalium excedunt irrationalium in excellentia & perfectione, faciendo verò comparisonem inter dona pertinentia ad actum 1. falsum est quod dona collata creaturæ rationali sint excellentiora datis irrationabilibus, quia possunt esse æqualia & sunt in multis vt in esse substantiali; nam tam est substantia lapis quàm homo, & tam est per se subsistens indiuiduum lapidis quàm hominis, loquendo præcisè quoad esse substantiale subsistentiæ non includendo alias perfectiones. Donum vnionis hypostaticæ pertinet ad actum primum non ad secundum.

Dices gratia habitualis sanctificat formaliter animam, non autem hypostatica vnio.

Respondeo sanctificationem dupliciter sumi, primo pro rectitudine & perfectione in actibus liberis & studiosis, & sic hypostatica non sanctificat, quia talis sanctificatio pertinet ad actum secundum & oritur ex gratia habituali & aliis donis ad actum secundum pertinentibus. Alio modo sumitur pro collatione dignitatis & gratitudinis ipsius naturæ quoad actum primum apud Deum, & sic hypostatica sanctificat quia confert maximam dignitatem in natura assumpta.

Dices Eucharistia est maius donum, ex-tensiuè conceditur, quia Christus se totum

totum dat omnibus; vnde ea dicitur extensio Incarnationis, at intensiue est minus, quia in Incarnatione Verbum vnitur homini substantialiter & hypostaticè; in Eucharistia verò nobis vnitur tantum secundum præsentiam localem.

Instabis: Beata vnio est summum bonum & maius quod possit haberi.

Respondeo quodd hypostatica includit beatam dispositiue & secundum legem Dei ordinariam; ideo hæc vnio est maius bonum, quia includit bonitatem vtriusque vnionis, scilicet concomitanter; licet autem non includat intrinsecè gaudium, possitque separari, tamen de facto ad eam conuegitur & consequitur maius, quod creatura possit habere: Vnde cum magnitudo rei & doni non mensuretur ex eo quod de possibili fieri posset, sed ex eo quod de facto fit, & hypostatica habeat annexam summam beatitudinem dispositiue, ideo est summum bonum appetibile quantum est ex se.

QVÆRIT, An vnio duarum naturarum in Christo facta sit per gratiam.

D. Thomas q. 2. art. 10. mouet hanc questionem & concludit vnionem diuinæ naturæ & humanæ in Christo factam, non quidem secundum aliquam gratiam habitualem, sed gratuito dono Dei & voluntate, non ex aliquibus præcedentibus meritis; & supponit gratiam capi dupliciter; vno modo pro ipsa voluntate Dei dantis aliquid gratis; alio modo ipsum donum gratuitum dicitur gratia, indiget autem humana natura voluntate gratuita Dei ad hoc quod eleuetur in Deum, cum hoc sit supra facultatem suæ naturæ; eleuatur autem humana natura in Deum dupliciter; vno modo per operationem qua Sancti cognoscunt & amant Deum; alio modo per esse personale, qui modus est Christo singularis in quo humana natura assumpta est ad hoc quod sit in persona Filij Dei. Patet autem quod ad perfectionem operationis requiritur quodd potentia sit perfecta per habitum, sed quodd natura habeat esse in supposito suo non sit mediante habitu aut gratia que est in anima vt in subiecto.

Ratio Scoti: Quodd alicuius est, potest in se prius quàm quodd est per accidens: Sed personari conuenit naturaliter humanitati si sibi relinquatur; & in vnione hypostatica, Verbi personalitas supplet naturalem; Habitus autem gratiæ conuenit sibi per accidens: Ioan. 1. *Vidimus gloriam eius gloriam quasi unigeniti à Patre*: Vbi innuitur quodd ratio cur naturæ humanæ tanta gratia est data, hæc est, quia ipse homo Christus erat unigenitus Dei: Ergo prius erat natura subsistens in Verbo quàm gratia sibi data. Vnde ad auctoritates quæ dicunt vnionem hypostaticam factam esse mediante gratia est dicendum quodd gratia ibi non sumitur pro habitu creato, sed pro gratuita

condescensione voluntatis Dei, quæ quidem potest dici medium non formale sed effectiuum.



De Spiritu Sancto.

Se enucleantur verba Apostolorum, *Qui conceptus est de Spiritu Sancto*; vt intelligamus conceptum illum esse corporeum, & ad carnis humanæ assumptionem spectare. Considerandus itaque hic est ingressus Christi Domini in mundum, qui verè mirabilis est ex parte principij efficientis non minùs quàm in singulis circumstantiis: Quod enim habet S. August. super *Magnificat*, de natiuitate Christi, conuenientiùs dicitur de conceptione: *Hoc est mirabile, sed quia persona erat mirabilis non nisi mirabiliter nasci* (dico ego concipi) *debeuit*: Si ratio queritur ortus (dico conceptus) *non est mirabilis; si exemplum, non est singularis*; scilicet mirabile & supra hominis caput.

Docet ergo fides Catholica, conceptionem Christi attribuendam esse Spiritui sancto: Quod expressè declarauit Paranympus Luc. 1. *Spiritus sanctus superueniet in te & virtus Altissimi obumbrabit tibi*. Matth. 1. *Antequam conuenirent inuenta est in utero habens de Spiritu sancto*. Ratio autem singularis hæc est, quia opera bonitatis solent illi tribui, sicut opera omnipotentis Patri, & opera sapientis Filio; cum ergo Incarnatio sit opus summi amoris, bonitatis & pietatis, appropriatur Spiritui Sancto, qui amor est ex vi processionis suæ in diuinis; mutuum liquidem Patris & Filij amorem terminat; atque ita opus quodd summam præfert charitatem peculiariter effectus illius esse censetur, licet tota Trinitas indiuisè quodlibet opus temporale operetur, iuxta Theologicum axioma, *Opera Trinitatis ad extra sunt indiuisa*.

Singularis istius appropriationis congruentias tres habet S. Thomas. Prima est, quia congruit hoc causæ Incarnationis quæ consideratur ex parte Dei; Spiritus enim sanctus est amor Patris & Filij; hoc autem ex maximo Dei amore prouenit vt Filius Dei carnem sibi assumat in utero virginali: Vnde dicitur Ioan. 3. *Sic Deus dilexit mundum vt filium suum unigenitum daret*.

Secunda, quia hoc congruit causæ Incarnationis ex parte naturæ assumptæ; per hoc enim datur intelligi, quodd humana natura assumpta est à Filio Dei in unitatem personæ, non ex aliquibus meritis, sed ex sola gratia quæ Spiritui sancto attribuitur, secundum illud 1. Cor. 12. *Diuisiones gratiarum sunt, idem autem Spiritus*. Vnde August. dicit cap. 40. *Enchir.* *Iste modus quo est natus Christus de Spiritu sancto, insinuat nobis gratiam Dei, qua homo nullis præcedentibus meritis in ipso primo exordio natura sua quo esse capis Verbo Dei copularetur in tantam personæ unitatem vt idem ipse esset Filius Dei*.

Tertia, quia hoc congruit termino Incarnationis. Ad hoc enim terminata est Incarnatio, vt homo ille qui concipiebatur esset sanctus & Filius Dei; vtumque autem attribuitur Spiritui sancto: Nam per ipsum homines efficiuntur Filij Dei secundum illud Galat. 4. *Quoniam estis Filij Dei, missus Deus Spiritum filij sui*.

Christi conceptio dicitur de Spiritu S. appropriari quæ sit opus ad extra, id est quæ quia est opus bonitatis diuinæ.

suin e orda vestra clamantem verba Pater.

Ipse est etiam Spiritus sanctificationis ut dicitur Roman. 1. sicut ergo alij per Spiritum sanctum sanctificantur (spiritualiter ut sint Filij Dei adoptivi: ita Christus per Spiritum sanctum est in sanctitate conceptus ut esset Filius Dei naturalis.

QVÆRES, *quomodo Christus dicatur conceptus de Spiritu sancto.*

Respondet D. Thomas Filium Dei convenienter dici in Scripturis sanctis conceptum de Spiritu sancto, quia eius opere corpus formatum est, & æqualis in substantia conceptus est.

*Conceptio nō
soli attribuitur
corpori,
sed ipsi Chri-
sto ratione
corporis eius.*

Observandum tamen est quod conceptio non attribuitur soli corpori Christi, sed etiam ipsi Christo ratione, ipsius corporis. In Spiritu sancto autem notatur duplex habitudo respectu Christi, nam ad ipsum Filium Dei qui dicitur esse conceptus, habet habitudinem consubstantialitatis: Ad eius autem corpus habet habitudinem causæ efficientis. Hæc autem præpositio de veramque habitudinem designat sicut cum dicimus hominem aliquem esse de suo Patre, & ideo convenienter dicere possumus, *Christum esse conceptum de Spiritu sancto*, hoc modo quod efficientia Spiritus sancti referatur ad corpus assumptum, & consubstantialitas ad personam assumptam. Modum hunc loquendi habet Scriptura Matth. 1.

Dices, Principium actuum de quo aliquid concipitur se habet sicut semen in generatione, sed hoc dici nequit de Spiritu Sancto impietatem ut docet Hieronymus in expositione catholice. qui pro nefando scelere hoc habet.

Respondet D. Thom. Hieronymum dissentire ab aliquibus Doctoribus admittentibus Spiritum sanctum fuisse pro semine in conceptione Christi, sic Chrysost. 1. operis imperf. Damasc. lib. 3. cap. 2. *Obumbravit inquit super ipsam Dei sapientia & virtus*, velut divinum semen. Sed hoc de facili soluitur: quia secundum quod in semine intelligitur virtus activa Patres citati comparant semini Spiritum sanctum vel etiam Filium qui est virtus Altissimi, secundum autem quod in semine intelligitur substantia corporalis quæ in conceptione transmutatur, Hieronymus negat Spiritum sanctum fuisse pro semine.

Dices, nihil unum de duobus formatum nisi aliquo modo commixtis, sed corpus Christi formatum est de Virgine Maria, si ergo Christus dicatur incarnatus aut conceptus de Spiritu sancto, videtur præsupponi commixtio quædam Spiritus sancti & materis quæ Virgo ministravit quod falsum est. Ergo non de Spiritu sancto conceptus est.

Respondeo ex Augustino in Enchir. c. 39. Christum non dici conceptum aut natum de Spiritu sancto & de Maria Virgine eodem modo, nam de Maria conceptus est materialiter, de Spiritu sancto effectivè & ideo non habuit hic locum commixtio.

QVÆRES, *Utrum Spiritus sanctus dici debeat Pater Christi secundum carnem, eadem est questio ac si quætur utrum Christus possit dici Filius Spiritus sancti; neutrum autem Carriere in Professionem Fidei.*

tem affirmari posse constat, ex SS. Patribus, quos rationes ad hoc negandum convincunt, quod ut plenè intelligatur notandum primò quod tota ratio paternitatis in Patre non est productio filij ad esse, sed oportet, quodd convenient, in natura secundum quam fit productio, cum ergo Christus in naturam humanam secundum quam Spiritus sanctus ipsum produxisse dicitur (idque appropriativè tantum) non conveniat cum Spiritu sancto, patet quod non debeat dici Filius nec Spiritus sanctus eius pater.

Probatur ex August. in Enchir. c. 40. *Natum est Christus de Spiritu sancto non sicut Filius & de Maria Virgine, sicut Filius.*

Ex S. Bonavent. 3. sent. dist. 4. q. 2. ubi dicit reprobari istam propositionem *Christus est Filius Trinitatis*, licet humana natura eius sit facta à tota Trinitate ratione cuius factionis Deus dicitur Pater creaturarum iuxta illud Deuter. 32. *Nunquid non ipse est Pater tuus qui possedit te & fecit & creavit te*, quia appropinquat errori Artij qui posuit Christum esse puram creaturam. In hoc, igitur est differentia inter Christum & alios homines, quia Trinitas fecit simpliciter alios homines secundum omnem sui naturam, Christum vero secundum partem tantum. Probatur rationibus quia si Christus diceretur Filius Spiritus sancti ex eo quod eius conceptionem operatus est, Christus esset Filius sui ipsius; unde August. lib. 2. de Trin. *Iesus Trinitatis Filius dici non potest.*

Secundo, ista filiatio & paternitas aut recipiuntur ratione naturæ aut ratione suppositi Christi, Spiritus sanctus non dicitur Pater Christi ratione naturæ, nec ratione suppositi, ergo. Probatur minor, quia Pater & Filius debent habere eandem naturam, at eadem in utroque, *humana scilicet*, non habetur, ergo Spiritus sanctus non est Pater Christi ratione naturæ. Quod non sit Pater ratione suppositi quis ignorat catholicus, cum potius Spiritus sanctus sit à Filio ut liquet ex tractatu de Trinit.

Dices Spiritus sanctus perfectius operatus est conceptionem Christi quàm Maria; at hæc est vera mater Christi, ergo Spiritus sanctus eius Pater est. Respondet quodd non est simile, quia inter Christum & matrem est conformitas in natura secundum quam conceptus est ex tempore, non sic autem dici potest de Spiritu sancto, quia non omne principium agens aut produciens rem aliquam statim Patris nomen obtinet, sed requiritur quod de sua substantia producat & præterea in similitudinem naturæ. Hinc nec pictor nec operarius dicitur Pater picturæ aut operis sui, quia non de sua substantia sed de aliena materia produxit illud de auro v.g. argento vel terra, & dat illi aliud esse quam suum proprium. Sic Spiritus sanctus non formavit corpus Christi de substantia divina sed de purissimis sanguinibus Virginis reddiditque illud simile naturæ Virgini non sibi.

Dices, alij sancti dicuntur Filij Dei & specialiter Spiritus sancti aut saltem adoptivi, quia per gratiam formantur spiri-

equaliter ab ipso, ergo & Christus à fortiori dici debet Filius Dei adoptiuus aut Filius Spiritus sancti. Respondeo plus esse in Christo quàm in aliis, & cum aliquid dicitur de aliquo secundum perfectam rationem non debet dici secundum imperfectam: Christus autem est verus & naturalis Filius Dei ratione generationis æternæ secundum perfectam & propriissimam filiationis rationem ut notaui quæst. 16. de SS. Trinit. consequenter non debet dici Filius aut Trinitatis aut Spiritus sancti ratione creationis aut gratiæ, nec adoptiuus, nam ut dicit Hilarius lib. 7. de Trin. *Potestas dignitatis non perditur dum carnis humanitas adoptatur.* Tum ut notat Scotus adoptio supponit non esse genitum naturaliter ab adoptante nec habere ius ex generatione naturali in hereditatem, sed ex sola gratia, quod non potest dici de Christo, vnde Glossa in Epist. ad Philippen. *Christus in quantum homo assumpsit nomen Dei non per gratiam adoptionis sed per gratiam vniõis*, & Ambros. in 1. Roman. *Legi & relegi Scripturas & nunquam Christum Filium Dei adoptiuum inueni.*



EXPLICATIO ILLORVM Verborum:

Ex Maria Virgine.

QVÆSTIO I.

Virum Maria Virgo fuerit ante partum, in partu, & post partum.

Multa notantur miracula in conceptione Christi quæ Theologus expendit quodd autem ea sit ex Virgine occurrit primum illudque exprimit Symbolum Apostolicum & alia subsequencia, vnde in Nicæno specialem facit fidei Christianæ articulum quem more solito stabilimus.

Probatur itaque ex Scriptura Genes. 3. *Inimicitias ponam inter te & mulierem, semen mulieris, & semen tuum*, vbi Christus qui significatur vocatur semen mulieris hoc est Mariæ, non Patris quodd sola Spiritus sancti operatione & virtute ex purissimo Matris sanguine, sit eius corpus formatum Isa. 7. *Ecce Virgo concipiet & pariet Filium & vocabitur nomen eius Emanuel quod interpretatur nobiscum Deus*, quem locum pro asserenda Matris Dei Virginitate communiter SS. Patres virgines ac præ cæteris S. Basil. oratione in sanctam Christi Natiuit. S. Hieron. in illum locum Prophetæ, Luc. 1. *Quomodo fiet istud quoniam virum non cognosco*, in quibus S. August. lib. de sancta Virginitate & Patres ceteri vnanimiter agnoscunt votum contineri perpetuæ Virginitatis.

Probatur ex Symbolo Apostolorum vbi Christus dicitur conceptus de Spiritu sancto ex Maria Virgine: cuius Symboli Apostolici autoritate perpetuam Beatæ Mariæ Virginitatem astruit S. Ambr. Epist. 81. ad Siricium.

Probatur ex SS. Patribus, Leon. Papa Ser. 2.

de Natiuit. Domini. *Humano inquit, usu & consuetudine quod credimus carere; sed diuina potestate subnixum est quod Virgo conceperit Virgo pepererit & Virgo permanserit*, S. August. Epist. 3. ad Volusian. *Ipsa virtus diuina per inuisata Matris Virgine viscera membra infantis duxit quæ postea per clausa ostia membrum iuuenis introduxit.* Dionys. Ep. ad Caium. *Super hominem operabatur Christus ea quæ sunt hominis & hac monstrat Virgo supernaturaliter concipiens.*

Probatur rationibus, singularis Patris æterni dignitas qui filium suum mittebat in mundum conseruari debebat, cum enim Christus splendor sit gloriæ & imago Dei viuentis agnoscat, nequaquam Patrem habere debuit inter creaturas nec competebat ut homo mortalis titulum Patris, vni filij æterni participaret, cum prima SS. Trinitatis persona quæ Verbum de sua substantia dicendo, omnia sua ei simul contulerat.

Tum ex parte ipsius Verbi repugnabat aliquo modo ut qui corruptionem carnis purgare veniebat ipsam ipsemet in sui productione temporali experiretur. Purissima & immaculata est Natiuitas eius æterna è sinu Patris, generatio ergo eius temporalis æternæ congruere debebat, nequaquam ergo conueniens erat ut humano more & ex commixtione virili conciperetur in humanis Filius Dei; nec competebat ex semine humano Dei Filium nasci, ne si totus esset hominis Filius non esset & Dei Filius nihilque haberet amplius Salomone & Iona; erat iam Dei Filius ex Patris Dei semine id est Spiritus. Ut esset hominis filius caro erat ei sola ex hominis carne sumenda sine viri semine. Itaque sicut nondum natus ex Virgine Patrem Deum habere potuit sine homine matre, æquè cum de Virgine nasceretur potuit matrem habere hominem sine homine Patre.

Adde quod excellentissimo Filio debetur excellentissima mater hæc, quæ sui similem non habet, *gaudia matris habens cum Virginitatis honore*, Virginitatis inquam perfectissimæ. Fuit itaque hand dubiè Maria Virgo ante partum in partu & post partum, idque satis expressit porta illa apud Ezechielem 44. semper clausa, Virgo fuit ante partum, quia immaculata prorsus esse debuit quæ paritura erat Sanctum Sanctorum. Virgo fuit in partu ne pateretur integritatis damnum propter prolem, cuius gratia decebat potius ut benedictione repletur. Virgo fuit post partum, ne si postea gignendis liberis dedisset operam nimis ingrati se probaret aduersus primam illam prolem, quæ instar sibi esse debebat omnium.

Adde conuenientissimum fuisse ut mater Christi esset virgo propter ipsum finem incarnationis, quæ ad hoc fuit ut homines renascerentur in filios Dei non ex voluntate carnis, neque ex voluntate viri sed ex Deo id est ipsa Dei veritate. Cuius rei exemplare apponere debuit in ipsa conceptione Christi.

Vnde Aug. in lib. de S. Virginit. c. 6. *Oportebat*, inquit, *caput nostrum insigni miraculo secundum carnem nasci de Virgine quod significaret membra sua de Virgine Ecclesia secundum spiritum nascitura.*

Dices Christus dicitur Luc. 2. habuisse Patrem Ioseph, & matrem Mariam, ergo non est conceptus ex matre Virgine.

Resp. ibidem addi *ut putabatur*, idque ut notat Beda lib. 1. in Luc. cap. 8. *Non quod verè pater ei fuerit, sed quod ad famam Maria conseruandam Pater sit ab omnibus aestimatus*, quod locutio Scripturæ in genealogia Christi ostendit, nam non dicit genuit Ioseph ut de aliis dixit, sed *Ioseph virum Maria de qua natus est Iesus*.

Dices ex Paulo Galat. 4. *Misit Deus filium suum factum ex muliere*, sed communiter mulier à viro cognita aestimatur.

Resp. more Hebræorum mulierem pro femina ibi positam, vel sexum ibi tantum exprimi.

Dices probatur Matth. 1. quod Christus filius fuerit Abraham & David, per hoc quod Ioseph ex David descendit; Quæ quidem probatio nulla esset si Ioseph Pater Christi non fuisset. Ergo videtur quod Mater Christi cum conceperit ex semine Ioseph & ita amissa fuerit matris Virginitas.

Respondeo ex S. Hieron. super illud Matth. 1. *Christi generatio sic erat*, tom. 9. c. 11. Cum Ioseph non sit Pater Domini Saluatoris, ordo generationis eius usque ad Ioseph deducitur. Primò quidem, quia non est consuetudinis Scripturarum, ut mulierum in generationibus ordo texatur. Deinde ex una tribu fuit Ioseph & Maria, unde & ex lege eam accipere cogebatur ut propinquam. Et ut Aug. dicit in lib. de nuptiis & concupisc. fuit generationum series usque ad Ioseph perducenda, ne in illo coniugio, virili sexui utique potiori, fieret iniuria, cum veritati nihil periret, quia ex semine David & Ioseph erat & Maria.

Dices esse præter ordinem naturæ quod femina concipiat sine masculino.

Respondeo, Deum hunc naturalem statuisse ordinem sine præiudicio supremi sui dominij quo leges ordinaria prætergredi potest ad libitum, unde Angelus appositè respondit Beatissimæ Virgini propositionem de conceptione tam extraordinariâ admiranti. *Quomodo fiet istud? Ecce inquit concipies & paries quia non est impossibile apud Deum omne verbum*, id est omne factum, dum enim Deus leges posuit cælo & terræ non alligauit omnipotentiam suam legibus illis, uti Hieremias c. 31. expressè fatetur, & credendum proponit. *Domine Deus tu facisti cælum & terram & non est tibi difficile omne verbum*. Nec capto difficile videtur, quod Deus per omnipotentiam suppleuerit efficientiam principij æterni in hac conceptione, cum in multis generationibus quas Philosophi æquinocas vocant solem vi sua id facere quotidiana probet experientia; unde à fortiori Deum in generatione vniuersæ idem præstare posse concludat ratio ipsa humana, eo maxime quod deprehenderit aliqua animalia perfectæ sine commixtione sexuum generari, ut de vulturibus perhibetur & aliquibus aliis anim. libus in Africa, quod & de quibuidam aquatilibus scribit Aristoteles lib. 4. animalium cap. 11.

Carnere in Profectionem Fidei.

Dices Maria desponsata erat Iosepho qui vir seu maritus eius erat. Luc primo desponsatio autem ordinatur ad copulam carnalem. Ergo saltem voluntate Virgo consentit in copulam, quod Virginitati mentis derogat: hinc Cherintus arguetur Christum esse filium Iosephi.

Respondet S. Thom. 3. p. q. 29 art. 1. Virginitatem ex familiari instinctu Spiritus S. desponsari voluisse, quia confidebat de diuino auxilio quod nunquam ad copulam carnalem perueniret. Hoc tamen diuino commisit arbitrio, unde in nullo detrimentum passa est virginitas.

Instabis, vel vouit castitatem ante desponsationem, & sic non solum nubere, sed etiam velle nubere, damnabile est habentibus votum ut dicunt Hieron. in 1. ad Timoth. S. August. lib. de bono viduitatis c. 9. vel post; at tunc sui non erat iuris; ergo illicitè vouit, quia potestatem sui non habebat.

Respondeo non vouisse ante desponsationem eo maxime quia Deuter 1. dicitur: *Non erit apud te sterilis utrinque sexus*, nam tempore legis oportebat generationi vacare tam mulieres quam viros (quia secundum carnis originem cultus Dei propagabatur antequam ex illo populo Christus nasceretur,) postmodum vero accepto sponso secundum quod mores illius temporis exigebant, simul cum eo votum virginitatis Deo inspirante emisit antequam ab Angelo annuntiaretur, nam ut ait Aug. c. 4. de virginit. non diceret virum non cognosco, nisi prius se Virginem Deo vouisset, vouit autem quia ut habet S. Thom. 2. 2. q. 88. art. 6. perfectionis opera magis sunt laudabilia si ex voto celebrentur, Virginitas autem in matre Dei præcipuè debuit pollere & ideo conueniens fuit ut Virginitas eius ex voto esset Deo consecrata.

Dices esto, Maria conceperit Virgo, tamen corpus Christi cum possibile esset & eiusdem cum humanis naturæ, non potuit in natiuitate per clausa Virginitatis claustra transire, quia duo corpora non possunt esse simul saltem naturaliter, unde si post resurrectionem intrauit ad discipulos iannis clausis. Gregor. homil. 26. in Euang. *Hinc ostendit*, inquit, *Dominus corpus suum esse eiusdem naturæ & alterius gloriæ*, quod est referre penetrationem ad gloriam quâ tunc carebat Christi corpus; ergo nascendo aperuit matris vuluam, apertio autem Virginitatem excludit.

Respondeo, hunc fuisse Iouiniani errorem quem tamen præuenit Propheta dicens: *Ecce Virgo concipiet & pariet*, ut rectè animaduertit S. Aug. lib. 1. contra Iulian. cap. 2. intermerata ergo remansit Virgo in conceptu & partu, fas enim non erat ut per eius aduentum violaretur integritas qui venerat saluare corrupta; nec matris honorem nascendo diminueret debet qui parentes præceperat honorandos; miraculosè ergo hoc factum est ut dicit Dionys. epist. ad Caium, & non per dotem subtilitatis, quam assumptam quidam volunt in natiuitate: quod negat S. Thomas, qui doctes corporis gloriosi prouenire censet ex redundantiæ gloriæ animæ ad corpus: Christus

P p 2 autem

55. Patres
multum hanc
rationem cum
Christum na-
tum sit ex de-
sponsatione inter
quas haec nota-
da, ut ipse
nutritum ha-
beret & ne
Maria tan-
quam adul-
tera lapida-
retur à Iu-
dæis aut infan-
tes esset videri
D. Thom. q.
29.

Maria post
desponsationem
venerit cum Iosepho
Virginitatem
tamen ex inspi-
ratione Dei.

autem in statu viæ impediuit hanc redundantiam & permisit carni suæ agere & pati quæ propria ei erant.

Dices esto Maria sit Virgo in conceptu & partu, tamen post partum talis non permanfit, quia Matth. 1. dicitur *Antequam conuenirent Ioseph & Maria inuenta est in utero habens de Spiritu S.* Vnde sequitur quod postea conuenerint, quia nemo dicit de non pransuro antequam pranderent & ibidem subditur, *& non cognoscebat eam donec peperit filium suum primogenitum.* Hoc autem aduerbium *donec* consuevit significare tempus determinatum quo impleto fiat id quod vsque ad illud tempus non fiebat; verbum autem cognoscendi ibi refertur ad coitum vti & Genes. 4. dicitur: *Quod Adam cognouit uxorem suam.* Ergo post partum Maria cognita est à suo marito, consequenter quod non permanserit Virgo.

Respondet S. Hieron. in lib. contra Heluidium, quod hæc propositio *Ante* licet sæpè indicet consequentia, tamen sæpè ea tantum quæ prius cogitabantur ostendit, nec necesse est vt cogitata fiant, cum ideo aliud interuenierit, ne ea quæ cogitata sunt, fierent. Sicut si aliquis dicat, *Antequam in portu pranderem nauigari;* non intelligitur quod in portu prandeat postquam nauigauerit, sed quia cogitabatur in portu pransurus. Et similiter Euangelista dicit: *Antequam conuenirent inuenta est in utero habens de Spiritu sancto,* non quia postea conuenerint; sed dum viderentur conuenturi præuenit conceptio per Spiritum S. ex quo factum est vt ulterius non conuenerint.

Ad significationem *donec* respondet idem Hieron. in fine commentarij ad 1. Matthæi quod *vsque* vel *donec* in Scripturis potest dupliciter intelligi, quandoque enim designat certum tempus secundum illud Galat. 3. *Propter transgressionem lex posita est donec veniret semen cui promiserat.* Quandoque vero signat infinitum tempus secundum illud Psal. 113. *Oculi nostri ad Dominum Deum nostrum donec misereatur nostri:* Ex quo non est intelligendum quiddam post impetratam misericordiam oculi auertantur à Deo, & secundum hunc modum loquendi, significantur ea de quibus posset dubitari si scripta non fuissent, cætera verò nostræ intelligentiæ relinquuntur. Et secundum hoc Euangelista dicit matrem Dei non esse cognitam à viro vsque ad partum: vt multo magis intelligamus cognitam non fuisse post partum.

Dices Christus vocatur, Luc. 2. Primogenitus Mariæ huicque Ioan. 2. assignantur fratres; ij autem censentur ex eodem parente geniti. Ergo Maria habuit filios post Christum.

Respondet Heluidij hoc fuisse fundamentum ad oppugnandam virginitatem B. Virginis, sed erroneum ex ignorantia scripturarum, quarum mos est vt vocent primogenitum non tantum eum quem fratres sequuntur, sed eum qui primus natus sit. Alioquin si non esset primogenitus nisi quem fratres sequuntur, tandiu secundum legem sacerdoti-

bus non debentur primo genita quamdiu & alia non fuerint procreata. Quod patet esse falsum cum intra annum, post mensem primogenita redimi mandentur secundum legem Num. 18.

Ad fratres: *Post hæc descendit Capharnaum ipse & mater eius & fratres eius.* Ioan. 2. & Rom. 8. *Vt sit ipse primogenitus in multis fratribus.*

Respondet ex Hieron. contra Heluid. August. lib. 22. contra Faust. cap. 35. fratres Domini tantum appellatos fuisse in Euangelio propter aliquam consanguinitatem & propinquitatem sicut Abraham & Loth dicuntur fratres, cum tamen constet ex 2. cap. Genesis Loth fuisse tantum nepotem Abrahami.

Quænam verò sit illa propinquitatis difficile explicatur, aliqui enim dicunt Annam matrem B. Virginis defuncto Ioachim, Cleophæ nupsisse & ex eo peperisse Mariam Cleophæ, postea verò eodem Cleopha mortuo nupsisse adhuc alteri viro nomine Salome ex quo aliam adhuc filiam procreauit nempe Mariam Salome, quæ fuit mater Filiorum Zebedæi, Ioannis Euangelistæ & Iacobi maioris; in qua sententia duæ illæ Mariæ essent sorores B. Virginis & earum filij nepotes eius, qui propterea dicerentur fratres Domini.

Non video tamen quomodo hæc sententia stare possit, cum enim Anna fuerit sterilis vsque ad senilem ætatem & precibus obtinuerit beatam Mariam Matrem Christi, non est villo pacto credibile in ea ætate post mortem Ioachim ad secundas tertiasque transiisse nuptias. Alij ita explicant Cleopham fuisse fratrem Iosephi Sponsi B. Virginis, qui Cleophas genuit eam quæ dicitur Maria Cleophe ex qua habuit Simeonem, vnde qua ratione putatus est Ioseph esse pater Christi, eadem ratione Simeon & alij filij Cleophæ existimati sunt consobrini Domini, & ob id fuerunt appellati fratres eius. Vide Euseb. lib. 3. hist. c. 11. Hegesippum & alios.

Item mos fuit Scripturæ consobrinos vocare fratres vt certat Hieron. Non me lateat illos quos Euangelistæ *fratres Domini* vocant creditos esse à Græcis non paucis, filios Ioseph ex prima eius vxore susceptos referente id Pseudo-Euangelio quod Petri atque Iacobi nomine circumferebatur, aliisque eiusmodi Apocryphis scriptis vt notant Origen. & Hieron. At sexcentis Scripturæ exemplis constat consobrinos dici etiam fratres; denique illos qui in Euangelio dicuntur *fratres Domini* alterius prorsus quam Iosephi filios fuisse ex ipso Euangelio liquido probatur. Quod autem Ioseph nullum ante sanctissimam Virginem inierit coniugium, asserunt Hieron. Zecca, Heluid. August. serm. 14. in natiuit. Domini, Beda, Bernard. Anselm. Rupert. & ceteri omnes qui postea vixerunt Latini Orthodoxi Scriptores; adeo vt Petrus Damiani epist. 11. cap. 4. ad Nicol. PP. dicat magna fiducia, Ecclesiæ fidem in eo esse vt non modo Despara verum etiam putatiuus pater atque nutritius, Virgo habeatur. Et certè quomodo non homini Virgini Deus Virginem ex qua carnem suscepturus erat tradidisset? Si factus homo ex hoc mundo migraturus

migraturus ad Patrem eandem iam senescen-
tem nonnisi Virgini commendauit? Vnde
Ambr. in Luc. dicit: *Maluit Christus de ore
suo dubitari quam de Virginis pudore.*

Q V Æ S T I O I I.

Verum Beata Virgo verè fuerit mater Dei.

Catholicum est dogma Beatam Virginem
verè esse & dici matrem Dei, sic docet
Ecclesia quæ passim eam matrem Dei com-
pellat.

Probatur ex Scriptura. Luc. 1. *Repleta Spi-
ritu sancto Elizabeth exclamauit, benedicta
tu inter mulieres & vnde hoc mihi ut venias
mater Domini mei ad me?* Vbi indicatur di-
uina persona. Matth. 1. *Maria de qua natus
est Iesus qui vocatur Christus.* Galat. 4. *Filius
Dei factus ex muliere,* id est Maria. Luc. 1.
*Concipies in utero & paries filium, hic erit ma-
gnus & filius altissimi vocabitur.*

Probatur ex decreto 3. Concilij Ephesini à
ducentis Episcopis facto vt Theotocos dica-
tur: *Si quis non confitetur Deum esse veraciter
Emmanuel, & propterea Dei genitricem san-
ctam Virginem (peperit enim secundum car-
nem factum Dei Verbum, secundum quod scri-
ptum est Verbum caro factum est) anathema sit.*

Hoc autem Concilium Ephesi indictum
fuit ob Nestorij Episcopi Constantinopolita-
ni hæresim: is enim ob eloquentiam turgi-
dus & auræ popularis audius publicè docuit
Mariam non esse vocandam genitricem Dei
& hunc errorem suum ea qua maximè pol-
lebat autoritate firmavit, nec vnquam à
sancta Synodo dimoueri potuit à senten-
tia, licet rogatus à Cælestino Papa Cyril-
lo Alexandrino aliisque Episcopis. Quali
ergo hostile bellum aduersus Deiparam insti-
tuit nullum sanis consiliis locum reliquit.
Vnde à Synodo reiectus & anathemati tra-
ditus, Episcopaliq; dignitate est priuatus &
à Theodosio in exilium eiectus. Sed nec Pa-
trum censura nec Cælaris seueritas meliorem
eum effecit. Vnde in exilio vitam profugam
& plenam miseris agere est coactus ibique
est mortuus. Deus vero vindicans matris in-
iuriam immisit in eius blasphemam linguam
vermes, qui tanquam carnifices eam corrodere:
& si corpus nefandum nouæ impietatis orga-
num, è terra dehiscente non est absorptum,
certè anima ad inferos detrusa blasphemæ
meritis penas luit. decretum Ephesinum
confirmatum fuit à subsequentibus Concilijs
vsque ad Tridentinum.

Post hanc Concilij definitionem superna-
caneum esset SS. Patrum sententias proferre,
vnum pro omnibus Damascen. lib. 3. cap. 8.
audite, *Dei genitricem sanctam Virginem præ-
dicamus.*

Probatur rationibus 1. quia ipsa habuit
omnia quæ requiruntur ad veram matrem,
quia concepit & peperit iuxta illud Angeli
Luc. 1. *Ecce concipies & paries filium qui so-
lus altissimi vocabitur.*

D. Thomas sic concludit, cum eadem sit in

Christo diuinæ & humanæ naturæ quam à
matre accepit hypostasis, consequens est B.
Virginem Dei matrem verè dici imò contra-
rium asserere hæreticum esse.

Et subsequenter respondet Virginem rectè
dici matrem Dei, quia est mater illius qui à
primo instanti suæ conceptionis fuit Deus,
vnde sic vt propriè dicatur mater Dei, sufficit
quod eodem instanti quo anima vnita est cor-
pori per concursum maternum Virginis, eod-
em etiam instanti anima & corpus sint vnita
Verbo diuino, solum enim negari posset Vir-
ginem esse matrem Dei, si vel humanitas
prius fuisset subiecta conceptioni & natiui-
tati, quàm homo ille fuisset filius Dei, vel
humanitas non fuisset assumpta in vnitate
personæ seu hypostasis Dei, sicut ponebat
Nestorius. Et hanc dignitatem D. Thomas, 1.
part. qu. 15. art. 6. quodammodo infinitam as-
serit, quia affinitatem cum Deo & coniun-
ctionem consanguinitatēque cum persona
infinita continet, vnde & debita videtur ei
plenitudo gratiæ.

Scotus deuotissimus B. Virginis aliquid præ
ceteris habet in honorem maternitatis eius;
dicit ergo 3. sent. dist. 4. quæst. 1. quod B. Vir-
go quo ad substantialia conceptionis se ha-
buit sicut aliæ matres, eamque concurrisse
actiue in productione Christi hominis qui in
primo instanti est Deus, non enim homi-
nem purum genuit, sed Deum verum non nu-
dum sed incarnatum, ratio hæc conuincit.
Virgo est mater Iesu-Christi, sed Christus
est verus Deus, ergo Virgo genuit verum
Deum.

Dices non valet consequentia, genuit ho-
minem qui subsistit in diuinitate; ergo
Deum, nam tota actio Virginis terminata
fuit in humanitate, prius natura, quàm à Ver-
bo assumpta, & ex vi actionis Virginis non
secuta est assumptio, sed solum ex voluntate
& efficientia Dei.

Respondeo B. Virginem dici matrem Dei
eo quod in eodem instanti quo anima est vni-
ta simul & verbum est vnitum corpori & ani-
mæ. Sicut ergo Iudæi deicide dicuntur suo
interfecisse Deum, quia per actionem eorum
dissoluta est vnio animæ Christi cum corpore
eius: ita anima & caro Christi ex vi actionis
Virginis fuerunt inter se vnita, non tantum
ad componendam humanitatem, sed etiam
hunc hominem qui est Deus.

Dices, eadem est ratio ordinis naturæ quæ
temporis, sed si Virgo genuisset homi-
nem qui post tempus fuisset vnitus Verbo,
non esset mater Dei, nam prius concipimus
humanitatem genitam quàm vnitam Deo.
Ergo. Quod non esset mater patet, nam si
post resurrectionem fuisset vnitus, non di-
ceretur mater, ita nec post quodlibet tempus.

Respondeo, nego maiorem, quia in illo in-
stanti primo naturæ quo Virgo agebat effi-
cientiā maternā circa humanitatem, actio
eius non erat absolutè terminata, sed adhuc
tendebat ad posterius naturā quod erat vnio:
Quare cum in vnico instanti factum hoc sit,
verius dicitur mater Dei.

*Maternitas
Dei infinita
dignitas est
& ei debetur
plenitudo
Grat. ex S.
Thomas.*

Dices, Christus dicitur Deus secundum diuinam naturam, sed diuina natura non accepit initium essendi ex Virgine; ergo Virgo non est dicenda mater Dei.

Hæc sunt argumenta Nestorij quem Conc. Ephesinum condemnauit.

Respondet B. Virginem dici matrem Dei non quia sit mater diuinitatis, sed quia personæ habentis diuinitatem & humanitatem est mater secundum humanitatem. S. Cyrill. in epist. contra Nestorium affert exemplum, sicut hominis anima cum proprio corpore nascitur & tanquam vnum reputatur, & qui generat carnem dicitur & genitor animæ, quia generauit hominem, ita tale quid percipitur in generatione Christi, natum est Dei Verbum ab æterno ex Dei Patris substantia, quia verò carnem assumpsit, necessarium est confiteri quod natum est secundum carnem ex muliere.

Dices hoc nomen Deus prædicatur communiter de tribus personis; ergo dici potest quod Virgo sit mater Patris, Filij & Spiritus S.

Respondet, quod hoc nomen *Deus*, quamuis sit communiter personis, tamen supponit quandocumque pro sola persona *Patris*, quandocumque pro sola persona *Filij* vel *Spiritus sancti*, nomina enim essentialia solent appropriari personis vt docet D. Thom. 1. p. q. 39. art. 7. vnde 1. Cor. 1. Christus dicitur Dei virtus & sapientia. Cum autem dicitur B. Virgo est mater Dei, hoc nomen *Deus* supponit pro sola Filij personæ incarnata.

Dices generatio hæc miraculosa fuit ex Anselmo lib. de conceptu Virginali; ergo Virgo non est mater naturalis.

Generatio Christi miraculosa fuit & simul naturalis.

Respondet Scotus verum esse quantum ad modum reducendi potentiam naturalem actiuam Mariæ ad actum, quæ naturaliter non reducitur ad actum nisi à causa actiua determinata naturali, scilicet à vi actiua patris naturalis: fuit etiam miraculosa quantum ad modum producendi in illa generatione, quia vel fuit omnino subito, qualis non est processus naturalis in generatione hominis, vel si fuerit successiue, illi motus qui præcesserunt generationem istam, breui tempore expediti fuerunt quod est præter vsum naturæ.

Ex parte verò ipsius potentie actiue B. Virginis erat naturalis, quia potentia ista erat ei naturalis secundum quam erat naturaliter secunda, & potuisset concepisse à patre naturali. Et quo ad hoc potest dici mater naturalis Christi, licet propter modum exequendi non naturalem miraculose dicatur genuisse. Naturalis ergo mater dicitur & vera Christi hominis, quia fecit in ista generatione quicquid alie matres faciunt, imò plus, quia totam corporis materiam ministravit: habemus exemplum in prima quam terra fecit productione. Hæc ordinariè non germinat neque granum producit nisi prius excolatur, aratro proscindatur & seminetur, pluuiâ quoque cum solis calore fecundetur; tamen quando primo à sui creatione produxit, id fecit in instanti solo Dei mandato sine cultura aut seminatione, &c. Similiter vterus Virginis sine commercio humano, sola Dei virtute produxit hoc pretiosum granum corporis animati filij

Dei, vnde hoc præuidens Isaias 7. dixit *Ecce, Virgo concipiet & pariet.*

QVÆSTIO III.

Quomodo Beatissima Virgo fuerit vera mater Christi.

Difficultas hæc non facile resoluitur, certum siquidem est matrem debere concurrere actiue ad generationem corporis filij sui, corpus autem Christi formatum fuit à Spiritu sancto in instanti; creatura autem non potest Deo cooperari instantaneè.

S. Thomas 3. part. quæst. 32. artic. 3. ad 1. Respondet Christum conceptum de Maria Virgine materiam ministrante in similitudinem speciei, & idè dici matrem & Christum dici eius filium. Quod si obiciatur non sufficere ad rationem matris solam porrigere materiam, alioquin lignum diceretur esse mater lecti aut scamni. Respondet paternitatem, maternitatem & filiationem non competere in quacumque generatione, sed in sola generatione viuientium & idè si quædam inanimata ex aliqua materia fiant, non propter hoc consequitur in eis relatio maternitatis & filiationis, sed solum in generatione viuientium quæ propriè natiuitas dicitur. Vult ergo S. Thomas Virginem nihil actiue operatam esse in ipsa conceptione, sicut & asserit de aliis matribus, nam refert totam actiuitatem ad semen patris: concedit tamen aliquid operatam ante conceptionem præparando materiam vt esset apta conceptui. S. Bonauentura docet Virginem pro tanto dici concurrissè actiue quia ipsa subministrauit materiam in qua erat vis actiua, & idè poterat quantum erat ex se, actiue agere ad Christi formationem nisi præuenta fuisset à Spiritu sancto. Impugnat Scotus, nam Virgo tunc non esset mater Christi sicut ignis non dicitur verè comburere, ex eo solum quod vim habet, sed debet actu comburere: Sic Virgo vt sit mater debet actu agere.

Varro scribit collatam fuisse Virgini supernaturalem vim per quam potuit coagere Spiritui sancto in instanti. Reiiicit hoc Scotus, nam illa quoque vis est creata; ergo sicut vis actiua Virginis quæ est substantia ipsa vegetatiua non potest cooperari, ita nec istud accidens: tum hoc non est principium producendi substantiam; tum vis illa esset per accidens, sicut albedo in lapide; ergo Virgo non egisset per se in productione Christi: ceteræ autem matres concurrunt materiam ministrando & coagendo patri. Ergo Virgo non esset mater Christi.

Scotus distinct. 4. tenet matrem concurrere actiue in generatione, ita quod solus pater non habet rationem actiui, nec tota vis actiua & formatiua sit in semine patris, licet hæc videatur opinio Aristotelis in lib. de gener. animal. cap. 15. comparantis virtutem seminalem patris artificis, & materiam ministratam à matre ligno de quo artifex facit scamnum.

Ratio Scoti hæc est formas eiusdem speciei consequuntur

consequuntur potentia naturales eiusdem speciei, sed mas & foemina sunt eiusdem speciei, ergo formas eorum consequitur potentia eiusdem rationis. Vnde etiam S. Damascen. dicit lib. 3. de fide cap. 2. quod beata Virgo simul habuit virtutem susceptiuam & virtutem generatiuam, tum in 2. de anima dicitur quod omnes virtutes animae vegetabilis sunt virtutes actiuae, sed potentia generatiua tam in mare quam in foemina pertinet ad animam vegetabilem; ergo in utroque virtus haec actiue operatur ad conceptionem prolis.

Ad Philosophum autem dicendum est quod velit Patrem esse agens principaliter, mater autem minus principale quod per patrem reducatur ad actum formationis. Auicenn. & Galenus stant pro Scoto.

Dices, ergo foemina se sola generabit, nam habet materiam prolis, menstruum scilicet sanguinem vel semen, & virtutem formatiuam foetus in semine.

Respondeo negando consequentiam, nam semen matris est minus principale, ideo sine viro non potest generare, licet enim semina sint eiusdem speciei, differunt tamen differentiis materialibus & contrariis, ideo sunt alterius rationis vt docet Aristot. in Metaph. text. 21. dicit enim matrem & foeminam non differre specie, licet differant contrariis differentiis, quia illae differentiae non sunt ratione essentiae & formae, sed materiae; dicuntur autem differentiae materiales quia consequuntur compositum non ratione formae specificae aut essentiae sed ratione indiuidui & esse singularis quod est esse materiale: sicut enim esse album aut nigrum consequitur Petrum non secundum quod est homo, sed quod tale indiuiduum tali & tali complexionem formatum: ita esse masculinum vel foemininum conuenit Petro secundum quod est formatum ex semine magis vel minus decocto; est ergo differentia pertinet ad corpus & ad materiam, quatenus constituit hoc indiuiduum & ideo est differentia materialis.

Ex hoc habetur quod masculus differt a foemina non per magis & minus sed per differentiam substantialem materialem non specificam & ideo quantumcumque intendatur sperma mulieris nunquam tamen poterit supplere vices viri, quia sunt agentia alterius ordinis licet in eadem specie, quorum vnum vt pater est in proprio esse naturali principaliter, foemina vero minus principale.

Nec audiendae sunt foeminae quae dicunt se concepissem sine vlla decisione proprii seminis, hinc enim concluderetur totam actiuitatem esse in patre. Id profert Auerroës; sed fallum hoc est, nam si sperma viri solum est actiuum, non potest se solo formare foetum, deficiente enim passiuo & materia, ipsum agens non potest formare. Quod innuit Damasc. citatus dicit enim quod Spiritus sanctus superuenit Virgini purgans ipsam & virtutem susceptiuam Verbi Dei tribuens, simul autem & generatiuam. Cum autem a se seu a natura haberet virtutem generatiuam passiuam sicut & quilibet foemina; ergo dedit ei virtutem actiuam, sicque B. Virgo actiue egit in conceptione Christi.

Q V A E S T I O I V.

An B. Virgo potuerit coagere Spiritui sancto in instanti.

Pauca dixere Euangelistae de Maria Virgine, satis fuit Matthaeo concludere genealogiam Christi his verbis *de qua*, scilicet Maria, *natus est Iesus*, quia non potest aliud commendari dignitas eius, cum enim pura creatura dicitur mater Iesu qui est Deus seu mater Dei, hoc est abbreviare in illo nomine, quicquid habet gratia ipsa excellentiae & donorum. Inconculsa ergo stabilienda est ista Virginis Deiparae maternitas, & dissoluenda omnes difficultates, vt eam plane capiant fideles & ex inde; *Beatae dicant Mariam omnes generationes*. Ardua sese offert quaestio quomodo Virgo potuerit coagere principio actiuo conceptionis quod vidimus fuisse Spiritum sanctum.

Notandum quod ad corporis humani formationem concurrunt quatuor motus. Primus est motus localis quo materia, seu sanguis vel semen mulieris transfertur ad locum generationis seu internam matricis capacitatem. Secundus est figuratio corporis generandi ex tali materia quae fit cum motu locali, nam materia distribuitur in diuersas figuras & membra. Tertius est condensatio corporis illius corrumpendi siue illius materiae sic figuratae ex qua formari & generari debet corpus humanum. Haec condensatio fit cum motu locali, dum enim condensatur locus minorem occupat; in fine autem huius condensationis fit perfecta organizatio seu corpus organicum quo facto solet introduci forma rationalis quae hominem constituit. Praefati motus depolcunt ordinariè in filiis hominum quadraginta dierum spatium. Subsequitur postea augmentatio sed haec est post informationem seu animationem, & in hac non est difficultas, quod beata Virgo se habuerit vt aliae matres. Quaestio est an tres dicti motus in instanti consummati fuerint? D. Thomas quaest. 3. art. 1. concedit quod ipsa formatio corporis, in qua principaliter ratio conceptionis consistit, fuit in instanti; negat tamen adductionem materiae in locum generationis, & augmentum corporis quo perducitur ad quantitatem perfectam fuisse in instanti, quia includunt motum localem, quem negat fieri posse in instanti.

Conclusio Catholica in ultimo instanti expressionis consensus B. Virginis fuit in eius utero Verbum homo, consequenter conceptum diuina virtute fuit corpus in instanti, perfectèque formatum & organizatum & simul animatum; vnde dicendum est quod congregatio materiae, figuratio & condensatio instantaneae fuerunt. Virtus autem actiua Virginis concurrisse actiue dicitur, quia virtus vegetalis transactis dispositionibus agit in instanti, v. gr. alimentum in carnem vertens. In proposito autem virtus Spiritus sancti suppleuit omnes dispositiones praeuias conceptui, & virtus vegetalis naturalis B. Virginis potuit

potuit concurrere in instanti, nam obumbratio seu virtus altissimi eleuauit potius actiuitatem naturalem quam abolerit aut diminuerit.

Prima pars conclusionis scilicet instantanea corporis formatio, animatio & deificatio seu assumptio à Verbo.

Probat ex Scriptura vbi Virgo dicitur mater Dei, quod non foret si vel vnico instanti concepisset corpus subsistens sine Verbo.

Probat ex SS. Patrib. Gregor. lib. 18. moral. cap. 36. *Angelo nuntiante, & Spiritu sancto adueniente mox Verbum in utero, mox intra vterum Verbum caro.* Aug. lib. de fide ad Petrum cap. 18. *Firmissimè tene & nullatenus dubites carnem Christi non fuisse conceptam in utero Virginis priusquam susciperetur à Verbo.* Damasceno lib. 3. de fid. cap. 2. *Simul caro, simul Dei Verbi caro, simul caro animata anima rationali & intellectuali.*

Probat ratione tantò enim citius aliquod agens potest disponere malitiam quantò maioris est virtutis: vnde agens infinitæ virtutis potest in instanti materiam disponere ad debitam formam. Hic autem Spiritus sanctus agnoscitur principium actiuum vt declaratum est supra. Tum non erat conueniens vt persona filij Dei assumeret corpus nisi formatum, si autem ante formationem perfectam aliquod tempus conceptionis præcessisset, non posset tota conceptio attribui filio Dei, quæ non attribuitur ei nisi ratione assumptionis. Et idèd in primo instanti quo materia peruenit ad locum generationis, fuit perfectè formatum corpus Christi & assumptum. Et per hoc dicitur ipse filius Dei conceptus, quod aliter dici non posset.

Scotus loc. cit. dicit quod congregatio matris seu seminis virginalis figuratio & organizatio corporis Christi instantaneæ fuerunt, quia Deus non est alligatus ordini naturali seu mediis ordinatis agenti naturali, vultque non intercessisse motum localem: nec habet pro inconuenienti quod Deus possit adducere corpus ab vno vbi, in aliud, non transiendo per media in tempore, sed solùm habendo illa ordine naturæ, & idèd Deus potuit sanguinem aut semen Virginis congregare in vterum, & facere quod esset corpus organicum non transiendo per media naturalia in tempore aliquo: cogimur enim dicere hanc conceptionem esse miraculosam & à Spiritu sancto.

Quomodo autem B. Virgo concurreret actiue ad vltimam formam corporis, figurationem, condensationem, organizationem factas in instanti, sunt varij modi.

Hæc est secunda pars conclusionis, Suarez 4. parte tom. 2. disput. 11. sect. 1. dicit quod Virgo non potuit efficere vi naturali congregationem seminis per potentiam vegetatiuam, nec quicquam facere ad formationem proles istius includentis mutationem instantaneam, & quia censet Virginem fuisse veram matrem, dicit in tantum concurrisse, quia materiam ministravit eamque suo calore fuit, & sufficit, ait, quod Deus Virginis facultates vt instrumenta eleuauerit.

Contra arguo. Cæteræ matres actiue concurrunt; ergo & B. Virgo, sed hæc non potest

per se coagere in instanti; ergo nec calefacere aut fouere. Tum si ex sola materia ministrata dicitur mater; Terra diceretur mater mineræ. Tum si instantaneitas repugnat creaturæ; ergo nec per eleuationem fieri potest, nam quod implicat, fieri nullatenus potest. Tum si B. Virgo non egit actiue vt aliæ matres, non est vera mater.

Scotus docet B. V. se habuisse actiue licet conceptio facta sit in instanti & probat sic. Si non vel est ex hoc quod V. non habuit causalitatem minus principalem quam habent aliæ matres respectu termini inducti vel quia licet habuerit non potuit eam exercere in instanti, vel quia si potuit ea agere, præuenta fuit à Spiritu S. vt maiori virtute quæ totum fecerit, sed nulla harum causarum intercessit; ergo B. V. actiue se habuit. Maior patet ex sufficienti diuisione terminorum. Minor probatur, nam B. V. quo ad substantialia se habuit sicut aliæ matres, hæc autem concurrunt actiue, & necessarium est ita fieri.

Secunda causa excluditur sic, quando aliqua virtus actiua non habet terminum adæquatum potest simul agere in alium terminum non sibi adæquatum & in plures non adæquatos, modo contineantur in primo & adæquato. Sed figuratio, condensatio & organizatio seorsim non sunt termini adæquati virtutis actiue matris, sed tantum totum corpus fœtus: ergo vis naturalis matris potest simul & semel in omnes hos terminos, si enim non esset totum compositum nunquam mater posset attingere formationem fœtus. Maior probatur, ratio propter quam vna virtus non potest in plures terminos simul, est quia vnus est ei adæquatus & idèd non potest extra suam virtutem.

Dices vnusquisque horum terminorum, vt figuratio, est adæquatus virtuti B. Virginis non absolute, sed pro tali & tali tempore, & idèd dum vnum potest, alium attingere nequit.

Respondeo non esse paritatem, quia isti termini si naturaliter producuntur, non possunt produci nisi per media naturalia determinata, sed ista media non dant vim aliquam virtuti actiue, potius dant impedimentum, idèdque dantur media ad hoc auferendum, quo ablato, forma prima agit & operatur in instanti; vnde si virtus actiua posset esse in termino, absque eo quod esset in illis mediis, haberet eandem vim actiuam quam habet transiendo per media.

Iam, virtus actiua matris non potest simul inducere figurationem, organizationem, quia necessariò debet transire per media determinata.

Ponamus quod Deus auferat hæc media, & virtutem actiuam sibi relinquat certum est quod omnes terminos inducere poterit, nam ablatum est impedimentum.

In proposito Spiritus sanctus virtute sua supplet has dispositiones. Ergo vis actiua generationis poterit formas istas, quæ prioritatem tantum naturæ deposcunt, attingere; ergo B. Virg. potuit actiue concurrere in instanti.

De Spiritu sancto præueniente non est controuersia,

controversia, nam liberè agit & idèd vnus tantum actionem patris, v.g. supplere potest & non matris. Tum obumbratio eleuauit potius quàm abstulerit actiuitatem naturalem foeminae, & hoc est nouum quod creauit Dominus super terram, ait Hieremias 31. *Famula circumdabit virum.*

Dices ex Scot. dist. 18. ratio seminalis non est principium agendi in generatione; nam tunc non manet, corrumpitur enim semen in corpus generandum, quod autem corrumpitur non est, quod non est non potest agere, actio autem seminalis est in actione proxima; At hic cum conceptio fiat in instanti nulla fuit alteratio. Ergo vis seminalis Beatæ Virginis nullam habuit actionem.

Respondeo quod mulier agit in instanti generationis, quia immediatè est præsens & idèd corrupto etiam semine, vis eius ipsa agit in terminum producendum, quod patet ex eo quod extra matricem non fieret generatio, posito etiam corpore illo ita alterato. Tum formatio vsque ad partum sequitur conditiones matricis.

Dices ergo mater erit agens principalior. Resp. esse patrem, quia excitat & dat perfectius semen, vel dic semina manere in instanti generationis & post generationem resolui, idèdque semen agere.

Dices, si B. V. concurrat actiue in formatione corporis Christi, illud formatum erit secundum rationem seminalem, at August. cap. 10. super Genes. scribit, Christum non descendisse à parentibus secundum rationem seminalem.

Respondeo, effectum illum solum produci secundum rationem seminalem, ad cuius productionem vis actiua creata concurrat vt totalis causa, non sic autem fuit hic, licet enim Maria per vim naturalem egerit, non tamen totalis causa conceptionis Christi fuit naturalis, cum principalior fuerit Spiritus Sanctus.

Becanus improbat sententiam Scoti, vultque B. Virginem non esse dicendam matrem Dei, ex eo quod concurreat actiue ad vnionem humanitatis cum Verbo: Primo, inquit, quia incertum est eam sic concurrisse; secundò, quia ille concursus, si concedatur, erit instrumentalis tantum, ac proinde non sufficeret vt Virgo diceretur mater Dei, nam concursus matris debet esse per modum generantis, non autem per modum instrumenti. Docet ergo far esse quod in eodem instanti quo anima Christi est vnita corpori per concursum maternum, simul tota humanitas vnita sit Verbo per efficientiam diuinam, & affert exemplum de Iudæis, qui verè dicuntur interfecisse Deum, eo quod per actionem suam dissoluerunt vnionem animæ Christi cum eius corpore, & eodem instanti tota humanitas vt sic separata est à Verbo. Sed nego incertum esse B. Virginem concurrisse actiue, cum ex Ambros. in lib. de Incarn. cap. 6. *Multa in hoc mysterio & secundum naturam & ultra naturam inueniantur.* Primum autem secundum naturam est Conceptio & actio naturalis foeminae; vnde Angelus dixit Virgini, concipies in vtero; tum Deus non destruit naturam, sed supplet quod ipsa non potest. Habes ergo quod Scotus præcarriero in Professionem Fidei.

cæteris Doctoribus maternitatem diuinam B. Virginis ex eius naturali cooperatione stabilizat, sicque veram & naturalem matrem Christi agnoscat, non obstante miraculosa & supernaturali actione Spiritus sancti. Vide cætera miracula istius conceptus apud Positiuos, v.g. quod in eodem instanti Christus, ratione & sapientia pollet in vtero, & plenus fuit gratia & gloria quam nunc in dextera Patris habet, non ergo hic quæras peccatum originale, conceptus enim est de Spiritu sancto & Virginem matrem habet.

Hic non omittendum Incarnationem seu Conceptionem filij Dei, annuntiatam fuisse B. Virgini per Angelum Gabrielem, vt dicitur Luc. 10. vt ostenderetur esse quoddam spirituale matrimonium inter Filium Dei & humanam naturam, & idèd per annuntiationem requiritur consensus B. Virginis loco totius humanæ naturæ. Tum B. Virgo prius instrui debebat de mysterio, & voluntaria sui obsequij munera offerre, committendo se absolute diuinæ voluntati, quam corpore conciperet, vt ergo consensum suum expressit his verbis, *Ecco ancilla, &c.* statim formatus est in vtero eius Christus, sicut ergo post illa verba, *Hoc est corpus meum*, ponitur Christus statim sub speciebus sacramentalibus: ita post illa verba, *Fiat mihi, &c.* positus fuit Christus & formatus in vtero Hinc SS. Patres verba illa vocant *Responsum leuitæ.*

Hæc verò Incarnatio seu Conceptio Filij Dei facta est octauo Kalendas Aprilis feria sexta, vt tradit Ecclesia; vnde Rupertus de diu. officiis cap. 19. Eadem, inquit, die qua Deus veterem Adam formauit de limo terræ, nouum sibi reformare cœpit de Virginis carne, similiter & feria sexta redempturus mortis passionem.

De hora verò nihil certi habetur, Sapient. tamen cap. 18. insinuat media nox, *Dum nox in suo cursu medium iter perageret omnipotens sermo tuus à regalibus sedibus venit.* Hoc enim magis propriè dicitur de Incarnatione quàm de Natiuitate, & sic nouem habentur integri menses percursum in vtero matris quod ad perfectionem Conceptionis spectare videtur.

De loco, certum est fuisse in Nazareth, vbi domicilium erat B. Annæ in quo natam B. Virginem scribit Suarez in 3. part. quod post Christi Ascensionem ab Apostolis & Christianis fuit consecratum in templum. Eadem domus ministerio Angelorum primò in Illyricum postea in Italiam translata est, & Laureana Ecclesia appellatur, summa in religione habitataque modo, & à Principibus Christianis affecta pretiosissimis donis.

Q V A E S T I O V.

De Partu Virginis, seu de Natiuitate Christi.

NON erat prætermittenda hæc quæstio quæ est de conceptu mysterij Incarnationis; nam Concilium Nicænum in Symbolo dicit, *Incarnatus est*, vbi Apostoli dicunt, *natus ex Maria Virgine* Natiuitatem istam circumstant multa dignissima scitu præter illa quæ Positiui notant de modo, loco & tempore.

Quæres, An Christo sit attribuenda aliqua natiuitas temporalis.

Magister sententiarum admittit, Christum dici posse bis natum & duas habuisse natiuitates, idem concludit S. Thomas q. 35. art. 2. Cum dux, inquit, in Christo fuerint naturæ, necesse est duas illi attribuire natiuitates, vnam æternam qua æternaliter à Patre processit, aliam temporalem, qua temporaliter à matre natus est.

Probatur ex Scriptura, Matth. 1. De qua natus est Iesus. Matth. 17. pro generatione æterna, Hic est filius meus in quo mihi bene complacuit. Psal. 109. Ex viro ante luciferum genui te. Item verba Symboli vtramque probant æternam, dum primam personam SS. Trinitatis vocant Patrem, & temporalem, dum Apostoli dicunt, Natus ex Maria Virgine.

Probatur ex SS. Patribus, August. in lib. de fide ad Petrum, Pater Deus de sua natura genuit Filium Deum sibi coequalem & coæternum. Idem quoque unigenitus Deus secundo natus est, ex patre semel, ex matre semel. Natus est enim de Patre Dei Verbum; natus est de Matre Verbum caro factum, vnus ergo atque idem Dei Filius natus est ante secula, & natus in seculo, & vtraque natiuitas vnus est Filius Dei diuina scilicet & humana. Damasc. lib. 3. cap. 7. Duas Christi natiuitates veneramus, vnam ex Patre ante secula, qua est super causam & rationem & tempus & naturam; & vnam qua in ultimis temporibus propter nos & secundum nos & super nos, propter nos, quia propter nostram salutem, secundum nos, quia natus est homo ex muliere in tempore Conceptionis, scilicet nouem menses. Super nos, quia non ex semine, sed ex Spiritu sancto & sancta Virgine supra legem Conceptionis. Ex his manifestè apparet duas esse Christi natiuitates, eundemque bis natum fore. Probatur ratione, natura comparatur ad natiuitatem sicut terminus ad motum, sed motus diuersificatur secundum diuersitatem terminorum, ut patet in 3. Physic. In Christo autem duplex est natura videlicet æterna & temporalis, quarum primam accepit à Patre ab æterno. Aliam à matre in tempore; ergo dux sunt in Christo natiuitates, æterna scilicet & temporalis.

Dices, Natiuitas propriè conuenit personæ, vnde Damasc. lib. 3. cap. 6. Cognoscimus, inquit, quod nasci non est natura, sed hypostasis. Sed in Christo est vna tantum persona; Ergo inest ei vnica natiuitas.

Respondeo, quod natiuitas potest attribui alicui dupliciter, vno modo sicut subiecto: alio modo sicut termino: sicut subiecto quidem attribuitur ei quod nascitur, hoc autem propriè est hypostasis non natura. Cum enim nasci sit quoddam generari, sicut generatur aliquid ad hoc quod sit, ita nascitur aliquid ad hoc quod quod sit. Esse autem propriè est rei subsistentis; nam forma quæ non subsistit, dicitur esse solum, quia eâ aliquid est. Persona autem vel hypostasis significatur per modum subsistentis; Natura autè significatur per modum formæ qua aliquid subsistit, & idè natiuitas tanquam subiecto nascenti propriè attribuitur personæ, non naturæ, sed sicut termino natiuitas attribuitur naturæ, terminus enim generationis & cuiuslibet natiuitatis est forma, na-

tura autem per modum formæ significatur, unde natiuitas dicitur esse via in naturam, terminatur enim naturæ intentio ad formam seu naturam speciei. Personæ ergo vnice Christi vti termino plures transmutationes possibile est inesse, & has necesse est secundum terminos variari. Quod tamen nō dico quasi æterna natiuitas sit inmutatio aut motus, sed quia significatur per modum transmutationis aut motus.

Dices, nasci est quasi quidam motus quod prius non existens accipit esse, sed Christus ab æterno fuit. Ergo non potuit temporaliter nasci.

Resp. ex August. in lib. contra Felician cap. 12. natum esse filium Dei de matre secundum hominem, eo pacto quo cum corpore nasci docetur animus, non quia vtriusque sit vna substantia, sed quia ex vtroque sit vna persona. Non tamen ob hoc dicimus incepisse Dei Filium, ne temporale credat aliquis diuinitatem, nec ab æterno Filij Dei nouerimus esse carnē.

Dices, illa propositio non est admittenda Christus est bis natus, quia natiuitas æterna semper durat, & bis dicit interruptionem, tamen posita duplici natiuitate est necessaria. Ergo.

Resp. ex S. Bonauent. in 3. dist. 8. q. 1. de natiuitate temporalis. Propositionem illam esse admittendam, quia est Augustini cit. & Damasc. hancque habet Scriptura Psal. 61. Semel locutus est Deus, Glossa vertit, Semel genuit, & semel natus est Christus ex matre, & constat illud semel & istud non esse vnum, sicut nec temporale est æternum; si ergo semel & semel faciunt bis, Christus est bis natus. Item actio geminata geminat passionem, ergo si alia est generatio qua pater & alia qua mater genuit, ergo alia & alia vice genitus est Christus à patre & matre, ergo est pluries natus. Ad inconueniens allegatum, Dico aduerbium bis non dicere actus interruptionem, nisi in illis actibus qui sine ea numerari non possunt, sicut v. g. est legere vel morari Lugduni vel aliquid tale. In his autem actibus qui sine interruptione numerari possunt non habet veritatem, sicut cœlum dicitur bis reuolutum, & tamen motus eius non dicitur esse discontinuatus vel interruptus, numeratio enim reuolutionum non venit ex motus discontinuatione, sed secundum circulationis completionem, & secundum illam completionem circulationis est numeratio dierum & temporum, & talis numeratio importatur per aduerbium. Et quoniam generatio Christi ex Patre & matre modum habet vnum numerandi, idè sanè concedi potest Christum bis natum esse.

D. Thomas breuiter respondet, sicut dicitur bis currere qui currit duobus temporibus: ita potest dici bis nasci qui semel nascitur in æternitate & semel in tempore, quia æternitas & tempus magis differunt quàm duo tempora, cum tamen vtrumque designet mensuram durationis.

Sed instabitur nunc temporis & nunc æternitatis non ponunt in numero, cum vnum claudatur in altero, ergo cum Filius Dei genitus sit à patre in nunc æternitatis, & à matre in nunc temporis, non potest dici bis natus Resp. Æternitatem & tempus esse diuerfas mensuras per essentiam & productionem quæ tempore mensuratur esse aliam productionem

productione quæ mensuratur æternitate & posteriorem illa & idè illæ duæ productiones possunt dici etiam duæ mensuræ, nec valet quod vnâ clauditur in alia, hoc enim non est per continentiam quæ tollat numerum, sicut continetur pars in toto, sed per quandam præsumptionem quæ quidem relinquit ordinem siue distinctionem.

Q V Æ S T I O V I.

Utrum sint in Christo filiationes duæ.

DVæ sunt hic sententiæ Doctorum quidam attendentes ad subiectum filiationis quod est persona vel hypostasis filij, ponunt vnicam filiationem sicut vnica est persona. S. Bonau. hanc assertit rationem. D. Thomæ doctrinæ contentientem. Cum filiatio sit relatio habet comparationem ad tria. Ad subiectum in quo est, & ad terminum ad quem est, & ad principium à quo est, numerus autem relationis secundum differentiam formalem siue specificam, causatur à principio à quo est, sicut paternitas & dominium sunt duæ relationes in aliquo homine, quæ numerantur non ratione eius in quo sunt principaliter. Sed ratione eius à quo sunt, quia possunt esse duæ relationes in homine respectu eiusdem. Plurificatio autem relationis secundum numerum non venit principaliter ratione eius à quo est, nec ratione ad quem, sed ratione subiecti eius in quo & quoniam proprietates subiecti numerari habet ratione suppositi, & subiectum filiationis est ipsa persona, non natura nisi ratione personæ, hinc est quod cum in Christo non sint plures personæ, non possunt esse plures filiationes.

Secutus in 3. distinct. 8. tenet filiationem quæ Christus refertur ad matrem esse relationem realem in eo, consequenter in eo esse duas. De æterna nullum est dubium, quia realiter est filius æternus Patris, de temporali sic probat: filiatio est habitudo producti naturaliter similis producenti in natura intellectuali vel sensitua. Hinc vermis ex homine generatus non est filius, nam non est producenti similis, nec planta filius est plantæ, nam filiatio est in natura intellectuali vel sensitua. Habitudo ibi est pro genere, reliqua verò pro differentia. Prima est producti quæ subiectum filiationis denotat & per quam distinguitur à paternitate; hinc habetur quod filiatio respicit naturam non suppositum, illud enim pro tanto respicit, quia oritur ex generatione passiva, generatio autem competit naturæ. Sed in Christo & eodem supposito est duplex generatio ex supra dictis ergo & duplex filiatio, ratio autem oritur ex diuersitate terminorum & fundamentorum, nam eadem relatio non est ad duos terminos, tunc enim bis relatio diceretur quod est contra Aristot. 3. metaph. cap. ad aliquid.

Quod autem hæc temporalis relatio sit realis patet, quia consequitur extrema ex natura extremorum sine operatione intellectus, nam posita matre generante & supposito habente

Carriera in Professionem Fidei.

naturam per generationem sequitur ex natura extremorum relatio maternitatis in matre & in supposito relatio filiationis. Item si Maria genuisset purum hominem, ille fuisset filius relatione reali, sed Christus vt homo non minus realiter accepit naturam à matre quàm purus homo accepisset; ergo non minus est realiter filius.

Respondet D. Thom. quod natiuitas temporalis causaret in Christo filiationem realem si esset ibi subiectum capax illius. Suppositum autem æternum non potest esse susceptivum relationis temporalis ob sui excellentiam. Nec dici potest quod susceptivum sit filiationis temporalis ratione naturæ humanæ sicut etiam & temporalis natiuitatis: quia oportet naturam humanam aliquammodo esse subiectam filiationi sicut est aliquammodo subiecta natiuitati: cum enim Æthiops dicitur albus ratione dentis, oportet quod dens Æthiopis sit albedinis subiectum. Natura autem humana nullo modo potest esse subiectum filiationis, quia hæc relatio directè respicit personam.

Contra. Huic supposito non repugnat fundamentum & causa ad quæ necessario hæc relatio consequitur, conceditur enim quod sit bis genitum & naturam humanam vnitam sibi habeat.

Tum in hoc supposito non possent esse alie relationes reales temporales vt æqualitas, similitudo & quæ naturam suam consequuntur.

Tum B. Virgo non esset mater realis Christi, quia filiatio & maternitas, se mutuo respiciant, & conceditur quod Christus sit filius naturalis Mariæ vt innuit definitio filiationis.

Dices filiatio per se est suppositi non naturæ, sed hoc est diuinum, persona autem diuina cum sit Deus non est capax nouæ relationis realis temporalis aut antiquæ. Ergo cum in tempore Verbum sit caro & ex Virgine nascitur non acquirit filiationem realem sicut nec cum creat, redimit, iustificat, &c. Maior probatur ratione denominationis non enim humanitas dicitur filia, aut dici potest; ergo naturæ non competit talis relatio, si enim competere posset naturæ vel saltem inhereret supposito ratione naturæ, posset eam denominare, & ita natura humana diceretur filia, quod tamen est falsum.

Respondeo suppositum esse subiectum quod denominationis, naturam verò subiectum quod & hoc non obest, verum enim est quod ceteræ relationes vt æqualitas, similitudo, &c. insunt supposito mediante natura, & Christo eo modo mediante natura humana per quam cum communicatione idiomatum proprietates creatæ insunt Verbo.

Ad primam confirmationem. Resp. Quod natura humana non dicitur filia, quia ex se sola non est adequatum subiectum filiationis, sicuti neque suppositum sed hoc totum verè & propriè dicitur filius & filiationis est subiectum: fundamentum istius doctrinæ patet ex definitione filiationis quæ dicitur habitudo producti naturaliter similis producenti in natura, quoniam verò nec natura sola, nec pars vt pes, caput, per se solum est adequatè

Christus est filius naturalis Mariæ, nā est conformis in natura ei ex qua natus est.

Qq 2 simile,

simile, idem filiationem non potest denominare naturam aut partem, nec suppositum solum & nudum sed adæquatum subiectum est natura cum supposito.

Dices Christus non accepit hoc suppositum ex Virgine; ergo Virgo non erit mater.

Respondeo hoc premere eos qui docent personalitatem dicere quid posituum, sed nos dicimus quod Christus accepit à Virgine omne posituum quod alij filij accipiunt, ergo habuit veram filiationem,

Ad secundam instantiam. Resp. Quod si suppositum diuinum per se & nude sumatur, verum est quod non est capax nouæ relationis nec filiationis realis: Sed si sumatur vt subsistens in natura humana creata tunc est relationis realis & filiationis capax sicut & similitudinis. Hæ enim relationes non hærent per se primò & immediatè supposito, sed mediante natura humana quæ est fundamentum proximum harum relationum temporalium.

Dices, ratio cur negatur Christum esse filium adoptiuum est quia persona diuina non est capax relationis realis adoptionis; ergo relatio filiationis est propria suppositi, si enim fundetur in natura, capax eius est natura humana.

Respondeo hanc non esse rationem, sed quia adoptio præsupponit extraneitatem in adoptato. Christus autem nunquam fuit extra hæreditatem cælestem, idem non potest dici adoptiuus.

Dices relatio in diuinis v. gr. filiationis nullo modo est in natura nec eam denotat, sed tantum est in persona quia est proprietas personalis; Ergo filiationem in humana est proprietas personalis.

Resp. nego paritatem, nam filiationem diuinam est per se subsistens & constituit personam in esse personæ, ideoque in natura recipi non potest: sed filiationes humanæ adueniunt personis constitutis in esse & per naturas ad illas personas consequuntur vt dictum est.

Dices. Filiationem constituit filium; ergo vbi sunt duæ filiationes ibi sunt duo filij, sed Christus non est duo filij; ergo non habet duas filiationes.

Respondeo negando consequentiam, quia concreta non plurificantur nisi plurificentur tam forma quàm supposita; hic autem non plurificantur supposita. Sic enim in Christo ponuntur duæ voluntates, nec tamen dicimus quod Christus sit duo volentes sed vnus volens.

QVÆSTIO VII.

De modo, loco & tempore partus
B. Virginis.

EX communi Patrum sententia partus B. Virginis fuit cum summa puritate & sine sordibus ordinariis puerperij, nec non li-

ne dolore matris, imò cum summo cordis gaudio peperit Maria.

Probatur primum, ex Scriptura. Esai. 7. *Ecce Virgo concipiet & pariet*, nec defunt figuræ quæ tanto miraculo fidem præstruere datæ sunt, singularis est ad hoc præmonstrandum rubus ardens quem vidit Moyses qui in medio ignis ardentis virorem retinuit nec in cineres est effusus, vnde visionem magnam vocat Moyses, alias lege apud positiuos. Aliqui SS. Patrum existimant partum hunc absque vllis secundinis fuisse quod asserere videtur canon. 79. editus à Patribus congregatis in Trullo vbi dicitur: *Absque vllis secundinis ex Virgine partum esse consentientes vs qui sine semine constitutus sit idque toti gregi annuntiantes eos qui propter ignorantiam aliquid faciunt quod non decet correctionis subiciamus.* Notat tamen Suarez in 2. part. de Incarn. tom. 2. aliquos loco verborum illorum, *absque secundinis legere absque dolore*, & sic definitio non est certa, sufficit quod dicatur cum omni puritate Virgo peperisse, licet modus perfectè non intelligatur vt mirabilis & insuetus.

Luc. 3. dicitur: *Et peperit filium suum primogenitum & pannis eum involuit & reclinavit eum in præsepio.* Vbi significatur nullam actionem aut cooperationem alicuius personæ intercessisse.

Et D. Cyprian. serm. de natiuit. dicit: *Maria genitrix, & obsterrix nullus dolor, nulla natura contumelia in puerperio.* Similiter loquitur Hieron. contra Heluidium, & alij Patres.

Huius felicissimi partus modum descriptum legimus in reuelationibus S. Brigittæ. *Virgo genuflexa adorabat in stabulo Bethlechem, ad Orientem, manibus & oculis in calum quasi in quadam extasi cum dulcedine rapta, cumque pro partu edendo sudasset preces, illico in momento, in istu oculi filium ante se vidit editum, sentiens quasi dimidiam cordis sui exiisse, ex quo prodibat splendor eximius & propè eum pellis secundina mundissima & inuoluta. Eius carnes etiam ab omni sorde puræ, auditisque est suauissimus Angelorum cantus, & statim iunctis manibus & inclinato capite adorauit summa humilitate pannisque involuit.*

Hinc est quod germinasse dicitur sicut liliū aut sicut sol suum radium, Christus enim inde vocatus est oriens: *Ecce vir oriens nomen eius*, ita vt sicut ob generationem æternam ex Patre quæ fuit purissima vocatur: *Candor lucis æternæ.* Sic ob similem puritatem in generatione ex matre vocatur splendor oriens: *Donec egrediatur vt splendor iustus eius*, inquit Propheta, ipsa Virgo aptissimè comparatur syderi, inquit Bernard. *Quia sicut sine sui corruptione sydus emittit radium ita sine sui latione Virgo parturit filium: nec syderi radius minuit suam claritatem, nec Virgini filius suam integritatem.* Imò hic si benè consideremus reperiemus quod stella aut radius producat solem de quo ipse Bern. canit, *Angelus consilij natus est de Virgine: sol de stella.*

Probatur secundum, quod natiuitas Christi fuerit sine matris dolore, eodem cit. Scripturæ loco: *Ecce Virgo concipiet & pariet.*

Probatur ex SS. Patrib. Aug. serm. de natiuit. *Nec in conceptione*, inquit alloquens Virginem matrem, *inuenta es sine pudore, nec in partu*

partu inuenta es cum dolore. Damasc. lib. 4. de fide, *quam, scilicet conceptionem, voluptas non anteinit nec dolor in partu est secutus.*

Probatur ratione: dolor parientis caulatur ex apertione & distentione meatuum per quos proles egreditur. Christus autem egressus est clauso utero matris & sic nulla ibi fuit violentia, unde Virgo non modo non est experta dolorem, sed lummam sensit iucunditatem ex hoc quod Deus natus est in mundum secundum illud, *Isai. 35. Germinans germinabit sicut, lilium & exultabit iacobunda & laudans.*

Dices sicut mors hominum subsecuta est ex peccato Adæ, ita & dolor partus; sed Christus subire voluit mortem; ergo paritacione partus eius debuit esse cum dolore.

Respondeo quod dolor partus consequitur in muliere commixtionem virilem & voluptuosam seminis decisionem, unde Genes. 3. Postquam dictum est, *in dolore paries, subditur, & sub viri potestate eris.* Sed sicut dicit August. in serm. de assumpt. excipitur ab hac sententia Virgo mater Dei quæ sine peccati collusionem ex admixtione virili Christum suscepit, unde sine dolore genuit & sine integritatis violatione. Christus autem suscepit mortem spontanea voluntate ut pro nobis satisfaceret. Dolor autem matris in partu non pertinebat ad Christum aut ad generis humani redemptionem, ideoque non oportuit ut Virgo pareret cum dolore.

Alia datur ratio, nullas prægnantis passæ est B. V. incommoditates non tædium non cibi fastidium, non appetitus inordinatos, non mutationem coloris non grauamen, aut aliam corporis ærumnam prægnantibus ex iustitia diuina assignatam, ut quid ergo pareret in dolore?

Hæc omnia non fuissent in statu innocentie, nam speciali Dei providentia utrum mulier gestasset sine tædio & incommodo & peperisset sine dolore iuxta Augustinum 14. ciuit. cap. 26. quod rectè colligit ex eo quod post peccatum dictum fuit quia *multiplicabo ærumnas & conceptum tuos in dolore paries*, dignum namque fuit ut quæ alienum fructum carpere præsumperat cum delectatione, puniretur in proprio fructu graui dolore.

Ab hac maledictione exempta fuit Maria, à dolore parturientium aliena, sola inter mulieres in hac benedicta quod

Gaudia matris habet cum Virginitatis honestate.

& certè si sublata causa tollitur effectus ubi nullum est originale peccatum, cur reperientur proprii effectus?

Addo lummam intercessisse gaudium loco tristitiæ, nam S. Antonin. part. 5. cap. 17. censet cum multis aliis tunc Virginem eleuatam fuisse in raptu ad essentia diuinæ visionem in qua perfectè cognouit arcanum hoc mysterium Incarnationis filij Dei, *fortè, inquit, in ipso conceptu vel partu datum est Virgini ut videret ad horam mysterium hoc ut in patria sicut Paulus vidit Deum in raptu.* Probabiliter hoc dicitur quia si S. August. & Thomas id asserunt concessum Moyli & Paulo, idem Virgini non videtur negandum. Quare tunc cor Vir-

ginis summo fuisse perfusum gaudiò non est dubitandum, unde non mirum si sedula dicitur in Euangelio erga recens natum Iesum quem sine obstetrice suis manibus inuoluit pannis & in præsepio reclinauit. Et hæc pro modo natiuitatis Christi sine satis.

Quantum ad locum non sine mysterio electus fuit Bethlehem.

Primò quia Christus voluit nasci ex David iuxta promissum Scripturæ, ideo elegit ipsum locum natiuitatis David, ut iam promissio ei facta ostenderetur impleta; quod insinuat Euangelista dicens: *Eo quod esset de domo & familia David,*

Secundò quia Bethlehem erat exigua & humilis ciuitas ut notauit Michæas 5. *Et tu Bethlehem Ephrata paruulus es in millibus Iuda, &c.* eam ergo elegit ut gloriam hominum repudiaret, qui ex hoc gloriantur quod nobili loco nati sint.

Tertiò elegit Bethlehem quæ interpretatur domus panis, ipse est enim panis ille vitæ qui descendit de cælo: alio quoque nomine vocatur Ephrata, hoc est fructifera, quia non sicut aliæ ciuitates aut regiones frumentum, vinum, oleum, &c. profert, sed & germinauit frumentum electorum, panem Angelorum vitæ fructum.

Christus ibi natus est in stabulo & reclinaus in præsepio. Quid fuerit illud stabulum explicans Hieronymus dicit fuisse speluncam in rupe excisam à parte orientali locum Pastoribus notum, commune quasi receptaculo in ad quod sæpè diuerterent. Imò illuc pauperes & peregrini confugere solebant. Ibi ergo fuit præsepè non luteum ut dicit Chrysostomus, sed ligneum quod adhuc Romæ est in capella à Sixto V. PP. ex ordine Minorum assumpto fundata in templo S. Mariæ maioris, vidi ego cum singulari deuotione anno Domini 1618. in die natalis Domini.

Quantum ad tempus natiuitatis, non sine mysterio itidem electum credas, nam alij nascuntur subditi necessitati temporis, at conditor omnium temporum elegit sibi tempus quo nasceretur sicut & locum & matrem & cum sit sapientia tempus istud optimè ordinauit.

Primò ergo natus est tempore quo describebatur vniuersus orbis, qui scilicet Romanis erat subiectus, nam teste Suetonio Augustus non imperabat Gothis, Armenis & Indis & aliquando totus orbis dicitur maior pars eius. Fiebat autem hæc descriptio ut numerus constaret hominū Romanis subiectorum, sic David iussit per Ioab populum suum numerari & quia ex superbia id faciebat glorians in numero subiectorum sibi, punitus fuit à Deo: fiebat etiam ad colligendum censum, singuli enim soluebant aliquid. Unde videntur Iudæi soluisse dimidium siclum sicut solebant ex lege Exod. 20.

Ob hanc descriptionem quilibet debebat ire in suam ciuitatem, hoc est in illam quæ erat caput familiæ, & quia Bethlehem erat caput familiæ Davidis illuc ascendit Ioseph cum Mariâ. Hoc ergo tempus specialiter ordinatum fuit à Deo, ut significaretur illum venire in carnem qui electos adscriberet in æternitate. Unde non solum voluit tunc describi & numerari

merari populū Israël (quod sapius iussum est à Deo, vt ostenderet se illorum curam suscepisse) sed & alias nationes, quibus tamen id non præcipiebat, quia ad ipsum vix videbantur pertinere, iuxta illud Amos 3. *Vos tantum cognoui ex omnibus nationibus terra.* Veniens ergo vt omnium miseretur & ex omnibus gentibus, nationibus, linguis significans electos suos se congregare, voluit vt describeretur vniuersus orbis, vnde non sine mysterio dicitur ab Euangelista descriptio hæc prima facta, vniuersalis scilicet: impletum ergo est tunc illud Psalm. 86. *Memor ero Raab & Babylonis,* &c.

Secundò natus est tempore pacis vniuersalis, fuit enim tunc clausum sani templum quod erat signum pacis sicut & apertum bellum significabat; pacis ergo tempore natus est pacem afferens externam & internam & æternam.

Tertio natus est mense Decembri quo tempore dies crescere incipiunt die Dominico conceptus enim est die veneris eodem die quo Adam creatus est, hinc fit post nouem menses natum, die dominico natum esse.

Mediam noctem elegit vt mediis tenebris lux noua veniens eas disperderet, vnde Telephorus Papa ordinauit celebrari primam Missam circa mediam noctem, & solent idèd tunc multe religiones matutinas horas persolvere.

Q V Æ S T I O VIII.

De immaculata Conceptione Beatissimæ Virginis.

Nondum ex tenore symboli innotuit nobis maiestas Redemptoris hominum quæ ex sequentibus verbis **ET HOMO FACTVS EST**, petenda est; cum autem matris ad filium & filij ad matrem sit necessaria & ætissima relatio (vt norunt Philosophi & Theologi,) antequam de Christo filio plenè dicamus quæ fides & symbolum tradunt, proponenda est singularissima Deiparæ Virginis sanctitas quam non parum facit & exaltat immunitas à peccato originali: ne autem extra præfixos mihi exeam limites, & quæ problematica censentur cum determinationibus fidei miscellanæ proferat digestum nostrum, præmoneo lectorem quæstionem de Conceptione privilegiata B. V. hic pertractari iuxta præscriptum Bullæ Sixti I V. in extrauagante (*grane nimis*) quam renouauit Concil. Trident. sess. 5. neutram damnando sententiam sed solum disputando quænam probabilior & pietati dignitatique matris Dei magis sit consentanea, scio enim nihil adhuc ab Ecclesia super hac re definitum fuisse nec proinde censendum esse hæreticum qui oppositum teneat, insolentiz tamen & irreuerentiz crimen incurrant qui hodie singulare hoc privilegium negare præsumunt, nam sententia Scoti exemptionem Virginis ab hæreditaria labe propugnans adèd vera acceptatur vt Paulus V. oppositum asserere in concionibus, lectionibus aut aliis actibus publicis auctoritate Apostolica prohibuit, quam prohibitionem

Gregorius XV. eius successor etiam ad priuata colloquia & scripta extendit. Ad hæc

Nota 1. quod non quæritur hic an B. V. immunis fuerit à peccato antequam nascetur, quia hoc supponitur certum secundum omnem viam, nam qui tenent eam conceptam in peccato originali etiam dicunt statim sanctificatam fuisse, vnde sequitur quod quando nata est munda esset à peccato originis. Hanc veritatem probant euidenter omnia testimonia infra citanda pro immaculata Conceptione, si enim eius conceptio fuit immaculata, seu sine macula certè sancta fuit & ita sine sanctitate non est ex vtero S. Annæ matris egressa. Hoc breuiter declaro, cum B. V. fuerit omnium purarum creaturarum omnium consensu perfectissima & ad perfectissimam dignitatem destinata, nempe ad dignitatem matris Dei, sine dubio nulla perfectio nullum privilegium quod alicui puræ creaturæ concessum est, potuit ipsi denegari: At id D. Joanni Baptistæ, & Hieremiæ & quibusdam aliis privilegium concessum est, vt exirent sancti & iusti ex vtero matris. De Ioanne Baptista patet Lucæ primo: *Exultauit infans in utero,* de Hierem. *Antequam exires de vulua sanctificauit te.* cap. 1. Ergo B. Virgini hoc privilegium denegare nefas est, quoddammodo matris vtero sancta & immaculata prodierit.

Supponitur etiam tanquam certum quod per huiusmodi sanctificationem in vtero concecata sit B. V. vt nunquam actualiter ne quidem venialiter peccaret, quod expresso articulo concludit S. Thom. 3. p. q. 27. art. 4. estque communis totius Ecclesiæ sensus vt habetur in Conc. Trident. sess. 6. cap. 13. cui veritati suffragatur S. August. in lib. de natura & gra. cap. 36. vbi hæc habet: *De sancta Virgine Maria propter honorem Christi nullam prorsus cum de peccatis agitur habere volo quæstionem. Iude enim scimus, quod ei plus gratia collatum fuerit ad vincendum omni ex parte peccatum quod concipere ac parere meruit eam quem constat nullum habuisse peccatum.* Idem asserit S. Bern. ep. 174. *Decuit Reginam Virginem singularis privilegio sanctitatis absque omni peccato ducere vitam.*

Ratio hoc demonstrat quia illos quos Deus ad aliquid elegit, ita præparat & disponit vt ad id ad quod eliguntur inueniantur idonei, secundum illud 2. Corinth. 3. *Idoneos nos fecit ministris noui testamenti.* Beata autem V. fuit electa diuinitus vt esset mater Dei, & idèd non est dubitandum quin Deus per suam gratiam etiam ad hoc idoneam reddidit per singularissimam innocentiam secundum quod Angelus ad eam dicit: *Inuenisti gratiam apud Deum ecce concipies.* Non fuisset autem idonea mater si peccasset aliquando, nam Sap. 1. habetur quod in malenolam animam non introibit Sapientia nec habitabit in corpore subdito peccatis, à fortiori nec filius Dei spiritualiter & corporaliter non habitasset specialissimo modo in Virgine si vel minima peccati labe maculatam eam reperisset.

Nota 2. quod conceptio alicuius potest dici tripliciter, primo modo dicitur virilis seminis susceptio in muliere & eius cum semine mulieris commixtio 2. modo dicitur corporis formatio 3. modo dicitur ipsius animæ infusio

Conceptio hic sumitur pro anima in corpore formati infusione.

& hoc modo in proposito loquimur de Conceptione, tunc enim aliquis incipit esse filius Adæ & Euxæ & non ante. Tunc ergo & non ante incurritur peccatum originale, unde hoc modo sumitur Conceptio quando dicimus Virginis Conceptionem fuisse immaculatam. Non enim intendit Ecclesia celebrare festum Conceptionis acceptæ pro seminum Annæ & Ioachim commixtione, tunc enim nondum erat Maria & idè nedum erat sanctificata.

Quare cum apponitur quod in conceptu fuerit libido, nihil importat, nam hæc reperitur duntaxat in decisione seminis, non autem in Conceptione, quæ est coniunctio naturalium, scilicet animæ & corporis, patet, nam res irrationalis non est subiectum peccati. Peccatum ergo ponitur in conceptu naturalium, vel quia, vt tenent aliqui, anima inficitur corpori infecto infusa, vel quia datur anima nuda & priuata dono iustitiæ originalis, quam vti filia Adæ habere debebat.

Nota terrib, quod non disputatur hic an B. Virgo ex vi suæ Conceptionis, id est secundum suum esse naturale, sit immunis a peccato originali; quia certum est quod ipsa fuit filia naturalis Adæ, & consequenter ex vi suæ Conceptionis subiecta erat peccato originali, quocumq; ex supradictis modis contrahatur, B. Virgo enim vt filia naturalis Adæ, habebat debitum habendi iustitiam originalem, illa tamen cogebatur catere si propriis relictis fuisset viribus.

Queritur ergo, *An de facto ex gratia fuerit immanis per præseruationem, ita quod in illo instanti in quo peccatum contrahere debebat, præuenta fuerit a Spiritu Sancti gratia.*

Negarunt Scholastici qui fuerunt ante Scotum, Albertus, S. Thomas, S. Bernard. S. Bonauent. S. Bernardin. S. Anton. de Padua, Richardus, Durandus, Paludan.

Conclusio Scoti & Ordinis Minoritani affirmat B. Virginem verè fuisse præuentam à gratia & præseruatam à peccato originali, & in eam sententiam fertur hodie vniuersalis Ecclesiæ consensus; specialiter celeberrima facultas Theologica Sorbonæ, quæ ad lauream doctorem neminem admittit quin prius solemni inramento professus fuerit eam defendere.

Vt autem plana fiat hæc sententia & oppositæ falsitas detegatur, Præmittendum est quo pacto contrahitur peccatum originale ab Adæ posteris, & quomodo ab Adamo facta sit illa originalis culpæ ad posteritatem transfusio, sic enim intelligitur facile, an B. Virgo habuerit simul cum aliis hominibus debitum illud contrahendi peccatum originale, & an si debuit contrahere potuerit ab eo per privilegium præseruari, vt autem id clariùs proponatur, subiicio oculis exemplum quo talis transfusio peccati ab Adamo ad posteros sine negotio percipitur.

Cognandus est Rex aliquis qui ex pacto sine ob re prælarè gestas, siue ex liberalitate alicui subdito suo constituerit certam aliquam possessionem sibi & posteris suis possidendam, ea conditione & lege, quod persisteret temper in officio, nec ab ipso Regis mandato ne latum vinguem recederet: alias posses-

sionem illam esse retrahendam, nec fore vltra, nec à se, nec à suis posteris possidendam. Si autem contingerit subditum illum, accepta possessione & dono Regis, ipsius Regis mandatum violare, priuatur non ipse tantum, sed tota eius posteritas huiusmodi possessione, quia nec pro se, nec pro posteris suis illam alia lege acceperat, quam ipsius Regis mandata fideliter exequendo.

Hoc exemplum sic ad propositum meum accommodo: Rex Deus est, subditus Adam, posterius nos sumus, possessio, originalis iustitia, hanc possessionem tradiderat Deus Rex subdito suo Adamo sibi & posteris possidendam, sed ealege & conditione quod non comederet de fructu vetitæ arboris: hæc enim est prohibitio quæ habetur Genes. 3. *De omni fructu comeditis, de fructu autem arboris scientia boni & mali non comeditis.* Prohibitio quæ non alia ratione facta erat à Deo, nisi vt serui sui experiretur obedientiam, vt benè declarat S. August. lib. 8. de Gen. ad litteram *Si bona est arbor, inquit, quare non tango, & si mala est, quid facit in paradiso? Prorsus idè est in paradiso, quia bona est, sed nolo tangas, quia obedientem te volo, non contradicentem seruum: bona est arbor, sed nolo tangas, quia ego Dominus sum, & tu seruus es.* Et infra: *Non cur Deum precipiat est inquirendum, sed cum præceperis obediendum.* Factum est autem vt Adam contra legem illam Dei comederit fructum illum vetitæ arboris, idè priuatus est, & cum eo omnes posterius eius illa felicissima possessione iustitiæ originalis, quia nec ipsi nec posteris debebatur, quam ex pacto illo conditionato Dei, cuius conditio per peccatum ablata est. Hoc pacto dicitur peccatum originale contrahi, quia cum omnes continerentur in promissione Adamo facta de seruanda originali iustitia, vbi peccando amisit illam primus parens, amiserunt & posterius, nascunturque hac iustitia destituti: quod est contrahere peccatum originale. Hoc posito.

Asseritur quod Beatissima Virgo verè præuenta fuerit gratiâ in ipso conceptionis instanti, ita vt nunquam peccatum originale contraxerit. Hæc propositio licet non fuerit antiquitus ita communis, quia pauca legimus antiquos Doctores de hoc privilegio Virginis dixisse, quod mirum videri non debet, quia in grauioribus fidei mysteriis explicandis & defendendis erant plurimum occupati, & præterea Spiritus sanctus paulatim suam Ecclesiam docet, multaque agitata fuerunt nouis sæculis quæ prioribus, aut nullo pacto, aut non ita ex præfesso tractabantur.

Probatur ergo immaculata Conceptio, ex Scriptura Genes. 3. *Ponam inimicitias, inquit Deus diabolo, inter te & mulierem, semen mulieris & seminem tuum, & ipsa conteret caput tuum:* Vbi per caput serpentis ordinariè intelligitur ipse dæmon, vel potius peccatum originale, quod fuit caput omniū peccatorum in omnes dimanans. Ipsa ergo mulier, nempe Virgo sancta, dicitur conterere caput serpentis, seu dæmonem, vel originale peccatum, quia nunquam per peccatum subiecta fuit dæmoni, nec originale contraxit, sic textum illum interpretantur Doctores Catholici. Lucæ 3. Saluatio Angelica, *Aue gratia plena Dominus*

Dominus tecum, certum aliquod priuilegium innuit quod aliis nunquam concessum est. At si sanctificata tantum fuisset, & gratia ornata in utero post Conceptionem, & non in ipso Conceptionis instanti, nullum esset ei concessum particulare priuilegium, quia ex dictis id conuenit Hieremie & Ioanni Baptiste, ergo debuit esse plena gratia ab instanti Conceptionis, & sic esse immunis à peccato, ut rectè inferit S. August. serm. 11 in Natali Dom. Quibus verbis, inquit, Angelus ostendit ex integro iram primæ sententiæ exclusam & plenam benedictionis gratiam restitutam.

Cantic 4. *Tota pulchra es amica mea, & macula non est in te*: quæ verba, licet à nonnullis explicentur de Ecclesia, non quidem ut adæquatè pro omnibus sumitur, quia comprehendit etiam iniustos & peccatores, sed principalioribus partibus, nempe iustis: nihilominus longè melius exponuntur ab aliis de B. Virgine, quæ sola dici possit absolutè, *Tota pulchra es & sine macula*, quia nulla unquam peccati vel originalis labe contaminata es. Audiatur (super iis verbis D. Ambrosius: *Pulchritudinem quam potest maiorem existimare decore eius, quæ amatur à Rege, probatur à Iudice, dedicatur Domino, consecratur Deo, semper sponsa, semper innupta, ut nec amor finem habeat, nec damnum pudor; pulchritudo illa interior est, non exterior quæ non marcescit neque defluit.*

Cantic 1. *Sicut lilium inter spinas, sic amica mea inter filias Aduersariorum*, hæc est prima Officij Minoritani de Conceptione Antiphona, cuius duas interpretationes afferre lubet. Prior est quod B. Virgo inter ceteras mulieres fuerit idem quod lilium est inter spinas, spinæ non punguntur, sed pungunt, lilium nec punitur, nec punitur: alie Virgines fuerunt ut spinæ, quia cum non pungerentur nec læderentur, ipsæ pungebant & lædebant eos qui attentius eas inspicere præsumebant. B. Virgo nec pungebatur nec pungebat, id est à nemine lædebatur, neminemque lædebat, licet enim eximia pulchritudine esset decorata, nunquam tamen fuit ulli concupiscentiæ stimulus, sed potius omnes Spiritu sancto operante ad continentiam prouocabat. Altera expositio quæ magis facit ad nostrum propositum: lilium etsi nascatur inter spinas, spina tamen non pungitur, sic B. Virgo, licet nata sit ex parentibus spinis peccati originalis confixis, ipsa tamen velut cœleste lilium nunquam spinis illis confossa est. Cant. 7. *Quam pulchri sunt gressus tui in calceamentis filia principis*. Accedunt alie figuræ Veteris Testamenti, quæ accommodantur ad illustrandam immaculatam hanc Conceptionem.

Probatur ex SS. Patribus, inter quos Andreas Apostolus refertur dixisse Proconsuli Aegæ, (ut referunt Presbyteri Achaïæ testes passionis eius,) *Quomodo de terra immaculata factus fuerat homo primus, necessarium fuit ut de immaculata Virgine natus Christus vitam quam omnes perdiderant repararet.*

Augustinus in serm. de Natiu. Virg. *Magnifica illum (ô Virgo Beata) qui te ab omni peccato super omnes homines præseruauit. Quis enim dicere poterit, natus sum sine peccato, aut mundus sum ab omni iniquitate dicere audebit?*

nisi illa Virgo prudentissima templum Dei excelsi, &c.

Anselmus, *O Benedicta super mulierem, quæ Angelos vincit puritate & sanctos superat pietate.*

Probatur ex vniuersali Ecclesiæ consensu, dum enim permittit tanta celebritate celebrari festum Conceptionis, sanè videtur sentire, saltem pie & probabiliter eam fuisse immaculatam & sine peccato. Nec latifaciet qui dixerit hoc festum celebrari, non quod sancta & immaculata fuerit Conceptio, sed quia magnum exitit Dei beneficium: nam sicuti S. Bernard. in epistol. 174 & D. Thomas colligunt, Natiuitatem Virginis sanctam esse & immaculatam, quia Ecclesia celebrat festum ipsius Natiuitatis, sic ex eo quod celebret festum Conceptionis rectè deducimus eam esse priuilegiatam & immaculatam. D. Thomas q. 27. ad 3. respondet Ecclesiam Romanam tolerare consuetudinem aliquarum Ecclesiarum illud festum celebrantium, quia quo tempore sanctificata fuerit B. Virgo ignoratur, vultque festum sanctificationis eius potius agi quam Conceptionis in die Conceptionis ipsius.

Quæstio hic est de intentione Fidelium, interrogentur ipsi & sincerè respondebunt tota deuotione ferri in celebrationem Conceptionis, & illius momenti quo Deus Optimus Maximus gratia sua præconit naturam & à peccato præseruauit in quod aliàs incorrisset.

Probatur rationibus, prima petitur à ratione peccati originalis, quod reddit personam odiosam Deo, seruam diaboli, pollutam, maledictam, eternæ gehennæ ream. Hinc sic formatur argumentum, filius non potest sine indecentia pro aliquo tempore relinquere matrem suam seruam diaboli, &c. quando potest eam ab omnibus istis præseruare: ergo cum constet Verbum diuinum potuisse præseruare Beatam Virginem quam in matrem elegerat ab istis omnibus, in ipsa Conceptione eius non potuit sine indecentia id erga eam non præstare. Confirmatur, propter indecentiam admittitur communiter ipsam Virginem immunem fuisse ab omni peccato mortali & etiam veniali, quia erat futura mater Dei: ergo propter eandem indecentiam peccatum originale, quod non minus inficit quam mortale, magisque quam veniale, ab ipsa remoueri debuit, præsertim cum id fuerit in potestate Dei.

Confirmatur secundò, corruptio quæ oritur ex peccato originali, maior est quam corruptio carnis, defectus pariendi in dolore, &c. Si enim data optio fuisset Virgini, an vellet ab instanti Conceptionis accepisse gratiam præseruantem à peccato, quam immunitatem à corruptione carnis & à dolore pariendi, certè prius magis elegisset quam posterius: imò, inquit Corduba lib. 1 Theolog. quæst. 49 eligere potius debuisset concipi in gratia sine peccato quam esse mater: ergo si de posteriori Deus dispensauit cum B. Virgine, quia futura erat mater Dei, verisimile est dispensasse & de priori seu de peccato originis. Atqui verè dispensauit de posteriori, scilicet corruptione carnis & dolore pariendi, ut omnes Catholici agnoscunt: ergo etiam de contractione peccati originis.

Ratio Scoti principalis innititur excellentiæ Christi in quantum est Redemptor, Reconciliator, & Mediator, & opponitur rationi S. Thomæ, qua dicit art. 2. inconueniens esse quod Christus non sit Saluator omnium, supponit enim quod B. Virgo si præseruata fuisset, non indiguisset redemptione. Scotus è contra ostendit quod negare immunitatem est derogare Christo, vt est perfectus Redemptor. Sic perfectissimus Redemptor & Mediator, habet perfectissimum actum mediandi respectu alicuius personæ pro qua mediat, sed Christus est perfectissimus Mediator, & non habuit excellentiorem gradum mediandi respectu alicuius personæ, quàm respectu Mariæ, ergo respectu eius habuit perfectissimum gradum mediandi. Sed hoc non esset nisi meruisset eam præseruari à peccato originali, quod probat, quia Redemptoris excellentia cognoscitur per comparisonem ad tria, scilicet ad Deum cui reconciliat, vnde ille est perfectissimus Redemptor, qui aliquem Deo perfectissimè reconciliat. Secundò per comparisonem ad pœnam & malum à quo liberat, liberare autem ab omni est perfectio suprema. Tertiò per comparisonem ad obligationem personæ quam reconciliat, vnde quanto magis persona reconciliata obligatur Redemptori, tanto Redemptor est perfectior.

Quo ad primum modum ratio hæc est. Primò supponit quod duplex est modus redimendi aliquem à peccato, primus est subleuare à peccato & culpa contracta & perpetrata. Alter est præseruare ne in peccatum incidat, atque incurrat, vnde primus dicitur subleuatiuus, alter præseruatiuus. Secundò supponit quod secundus modus redimendi, scilicet præseruare à peccato, est excellentior priore, quod declarat exemplo: Ponatur casus, ait Scotus, quod aliquis offendat Regem, ita vt mereatur ipse cum omnibus filiis suis exheredari, atque Rex statuerit, nunquam dimittere offensam illam nisi ab aliquo innocente offeratur sibi aliquod obsequiū magis gratum quàm peccatum fuerit offensiuum. Tunc si aliquis innocens accedat & offerat ipsi Regi hoc obsequiū postquam filij nati sunt, verè redimit eos ab offensa & exheredatione, & facit quod amplius non exheredentur, sicque subleuat eos ab offensa Regis, eamque placat: tamen iste non est perfectè redemptor & reconciliator, quia non fecit quod isti aliquando non fuerint exheredati, & quod non fuerint iniuri & iniuriam Regis. Verum si sit alius innocens ita gratus Regi qui offerat illi obsequiū ita gratum, quod placeat Regi, ita vt Rex sit placatus antequam filius criminosi illius patris sit natus, & proinde cum nascitur non nascatur in ira Regis, neque in exheredatione, sed plenum ius habeat in hæreditate, & acceptus sit Regi, nulli dubium est quod iste perfectiori & excellentiori modo redimit quàm prior. Maius enim est remittere offensam antequam eam incurrat, quàm postquam incurrit subleuare ab ea. Ergo hic modus redimendi præseruatiuus est subleuatiuo excellentior. Hic autem modus est possibilis in proposito, quia peccatum & offensa, quam homines incurrunt per peccatum originis, non est ex culpa propria

Carriere in Professionem Fidei.

personali sed ex aliena, scilicet ex actuali Adæ peccato contracta, & ideo inconueniens non est vt dimittatur antequam actu illam quis incurrat.

Medina 3 p. q. 27. art. 2. affert exemplum non dissimile; si quis antequam generetur proles ex ancilla captiua largiretur pecuniam hero ancillæ pro redemptione proles generandæ, talis diceretur redemisse prolem illam, sicque declaratur quomodo quis sit redemptor præseruatiuus. Quod autem talis redemptor detur & non solum subleuatiuus testantur SS. Patres. Dionys. de nom. diu. cap. 8. circa finem. *Itaque, ait, redemptionem eam Theologi appellant, quatenus ea qua verè sunt in nihilum recidere non patiuntur.* & quatenus si quid in errorem lapsum sit, & ab ordine deflexerit, diminutionemque bonorum suorum senserit, id etiam à detrimento, ab imbecillitate, à priuatione redimit, id quod deest supplens. S. August. in Psalm. 85. circa illud *Eruiisti animam meam ab inferno inferiori.* vbi ait, *Duplicem esse redimendi modum, vnum erigendo lapsum, alterum praueniendo iamiam lapsurum.* Non poterat autem Christus præuenire lapsum Virginis, nisi offerendo meritum futurum passionis, & sic meruit illam præseruari. His suppositis sic arguitur.

Ille est perfectissimus Mediator & Redemptor, qui nedum est subleuatiuus, sed etiam est præseruatiuus, & qui tantum subleuatiuus est, non est perfectissimus Redemptor. Sed sic est quod Christus est perfectissimus mediator. Ergo non solum fuit subleuatiuus, sed etiam respectu aliquorum debuit esse præseruatiuus. At hoc est beneficium maximum, ergo creaturæ maximè gratæ debuit conferre; hæc sine dubio fuit B. Virgo, igitur hæc sic redempta fuit.

Secunda ratio ex eodem medio, scilicet ex excellentia Redemptoris per comparisonem ad malum & pœnam à quibus homines liberauit. Ille est perfectissimus mediator & redemptor, qui meretur amissionem omnis pœnæ ab eo pro quo meretur & quem reconciliat, hæc maior est clara, si enim sunt duo redemptores, quorum vnus auferat totam pœnam ab eo quem reconciliat, alius verò partem pœnæ. nulli dubium est quod primus redemptor est perfectior quàm secundus, sed sic est quod Christus fuit redemptor naturæ humanæ, ergo si fuit perfectissimus, debuit remouere omnem pœnam ab ipsa natura humana, saltem in aliquo homine & individuo illius naturæ, hoc autem non decuit aliud esse quàm Virginem.

Subsumo, sed peccatum originale est maxima pœna, & est maior pœna quàm sit carentia visionis diuinæ, quia, vt habet Scotus in 2. dist. 36. in peccato non solum est carentia boni commodi, & hæc est pœna subsequens seu concomitans, sed etiam boni iusti siue iustitiæ, quod quidem bonum iustitiæ est magis conueniens ipsi voluntati, quàm bonum commodi: fruitio autem diuinæ visioni pertinet ad bonum commodi. Si ergo Christus non meruisset alicui ablationem peccati originalis, non fuisset perfectissimus redemptor, quia non abstulisset omnem pœnam peccati originalis. Siquidem ipsum peccatum originale

R r - non

non abstulisset, quod maxima pœna est in ipso
homo i. e.

Confirmatur hæc ratio, si alicui offendenti Regem, propter quam ostensionem incurrit exheredationem, offensio illa esset maxima pœna, ita quod non solum incurritet amissionem honorum, sed etiam incurreret pœnam offensæ, quæ esset alia pœna distincta, si quis reconciliaret illum Regi quoad recuperationem hereditatis, & non quoad ablationem esse offensi, non perfecte reconciliaret, quia adhuc maneret illa pœna quæ est offensio Regi, siue quæ est inimicus Regi.

Confirmatur adhuc, quia supponitur quod Christus immediatus & principalis videatur fuisse redemptor, quoad peccatum originale quam actuale, quia ratio & necessitas incarnationis assignatur communiter ex peccato originis. Tum supponitur quod Christus respectu Mariæ fuit perfectissimus mediator respectu peccati actualis, unde eam præseruare meruit ab omni peccato actuali; ergo multo magis debuit eam præseruare ab originali, propter quod principalis venit, quodque Ioann. 1. dicitur specialiter peccatum. *Eccis agnus Dei, ecce qui tollit peccatum mundi.*

Tertia ratio per comparisonem personæ reconciliatæ est hæc. Ille est perfectissimus reconciliator cui persona reconciliata est summè obligata, sed sic est quod si B. Virgo non fuisset præseruata per Christum à peccato originali, ipsa non fuisset illi summè obligata; ergo non fuisset perfectissimus mediator. Maior est euidens, minor probatur, quia unusquisque magis obligatus est redemptori qui præseruauit à peccato & conseruauit illum in innocentia, quam illi qui permisit ipsum incurtere in peccatum & postea illum subleuauit. Ergo si B. Virgo cecidit in peccatum originale, non est ita obligata Christo, quam fuisset si conseruasset immunem à peccato originali & immaculatam. Ergo Christus non fuisset perfectissimus redemptor & mediator, quia nulla persona fuisset illi perfectissime obligata.

Tertia ratio principali: quando effectus habet necessariam connexionem cum causa, sublato effectu necesse est ut & causa tollatur: sed inordinatio appetitus, motus concupiscentiæ, inclinatio ad malum, necessitas pariendi cum dolore, redactio in puluerem, sunt effectus connexti cum peccato originis ex doctrina S. August. libro de Assumptione. Ergo ubi tales effectus non fuerunt, nec fuit peccatum originale: sed huiusmodi effectus non fuerunt in Beata Virgine; ergo nec peccatum originale. Assumptionem fuscè probat August. loco citato tamen quæ affert, mihi videntur magis conuenire in sanctitatem Conceptionis. Si dicimus, inquit, eam mortis vinculo teneri, resplutam in communem puritatem, vermem & puluerem, deliberandum est si tanta sanctitati conuenit, & tanta aula Dei prerogatiua. Deliberemus & nos an magis conueniat corruptio animæ, quæ sit per peccatum originale sanctitati Virgini & tanto Dei habitaculo, &c.

Non desunt alæ virgines rationes apud Positiuos, vnā insinuat Christus Matth. 17. non parui momenti. Ideò censetur B. Virgo contraxisse peccatum originale, quia illud est quoddam debitum naturaliter in posteros ab

Adamo descendens, sed hoc non impedit quominus ea præseruata fuerit ne illud contraheret; nam Christus dixit, *Tributum non exigi à filiis*, multo minus exigendum videtur à matre: proindeque hoc tributum, nempe priuatio iustitiæ originalis & peccatum originis quod à posteris Adæ propter eius peccatum exigebatur, potuit non exigi, imò probabilissimum est non fuisse requisitum à B. Matre Dei. Placet coronidem singulari hac ratione facere, filius debet exhibere matri omnem honorem possibilem, sed possibile est B. Virginem esse sine peccato originali, ergo sic factum est: Probatur minor, Anima pro eodem instanti creationis suæ est susceptiua culpæ, ergo & gratiæ, sed anima habens gratiam non habet peccatum originale, ergo potuit præseruari ab illo. Ergo sic factum est, cum ex Anselmo B. Virgo dicatur Benedicta inter mulieres, quæ Angelos vincit puritate, ij autem in gratia Dei creati sunt, ut dictum est.

Modus defendendi actualem immunitatem B. Virginis à peccato originali diuersimodè proponitur, Quidam negant dici debere præseruatam, non quod illud aliquando contraxerit, sed è contrariò, quia illud nunquam debuit contrahere, vel ut solitis in schola vtar terminis, nunquam habuit debitum illud contrahendi. Impropiè enim, inquit, præuenta & præseruata dicitur ab eo peccato quod nunquam debuit contrahere: gratia enim præuentionis & præseruationis à casu, supponit eum cui datur, alioquin casurum & malum illud perperurum.

Authores istius sententiæ sic explicant eam: sicuti Rex potuit dare possessionem suo subdito, ita & hoc pacto sibi & posteris possidendam sub conditione, ut illa non seruata, Aliquis ex posteris, propter specialem aliquam rationem, non desineret illa frui: sic inquit, credendum est fecisse Deum respectu B. Virginis: dederat Adamo pro se & posteritate sua iustitiam originalem possidendam ab omnibus, si ipse non peccaret, retrahendam ab omnibus si peccaret, excepta tamen B. Virgine, quam propter præuisa merita Christi, cuius debebat esse mater, noluit huic astringere conditioni, ut peccante Adamo perderet iustitiam, sed simpliciter voluit illam gratiâ & iustitiâ originali ornari. Et secundum hunc modum, nec B. Virgo contraxit peccatum originale, nec habuit debitum contrahendi.

Confirmatur hæc sententia. Prædestinatio Christi & matris eius antecessit præuisionem peccati originalis, ut probatur, ergo credendum est in illo fuisse specialiter ipsi matri ordinatam gratiam, nec ipsam matrem fuisse comprehensam in conditione facta Adamo de seruanda iustitiâ originali.

Confirmatur præterea, si Deus non exemit B. Virginem ab illa lege & conditione Adamo imposita, vel quia non potuit, vel quia noluit, prius dici non potest, quia sicut Deus ex plena libertate iniit pactum cum Adamo, ratione cuius posteritas perdidit eum eo iustitiam originalem, potuissetque, non obstante præuicatione Adamo, non priuare posteros tali hereditate: sic potuit ex eadem libertate eximere specialiter B. Virginem ab hac lege, & deuenire ut ab obedientia Adamo non penderet

penderet in acceptanda gratia & iustitia originali.

Posterius item dici non potest, quod cum Deus hoc potuerit, noluerit tamen, quia hoc magis testatur affectum in matrem, nec impedit quo minus eius quoque redemptor extiterit: quod fortasse posset incommodum videri: quemadmodum enim si aliquis cui venditur mulier aliqua in seruam, in ipso contractu aliquem ex eius filiis ab hac seruitutis lege exciperet, tum vere censeretur redimere: sic cum Deus ubi in seruum sua culpa vendebatur Adam, excepit B. Virginem propter merita Christi, verè Christus censendus est Redemptor eius.

Probabilior & Scripturæ magis consentanea est Scoti allata opinio. Quod verè B. Virgo habuit debitum contrahendi peccatum originale & peccatit in Adamo, sed effectiue non peccauerit, quia præuenta fuit à gratia.

Probatur: tam latè patet peccatum originis, quam redemptio Christi: Ergo cum Christus vniuersim omnes redemerit homines & ipsam quoque B. Virginem, vt patet ex dictis, omnes, & ipsa etiam B. Virgo, saltem debuerunt esse obnoxij illi peccato originali & peccasse in Adamo: hæc consequentia patet, probatur antecedens ex cap. 3. Rom. 1. *Omnes peccauerunt & egent gratia Christi.* quod saltem intelligitur de peccato in radice, & in ipso Adamo, ex quo secutum sit debitum illud contrahendi. Item ex 1. Cor. 15. *Sicut in Adam omnes moriuntur, ita & in Christo omnes viuificantur.* Ibi in eadem linea peccatum Adæ & redemptio per Christum constituuntur. Et 2. Corinth. 5. *Si vnus pro omnibus mortuus est, ergo omnes mortui sunt.* Itaque tam latè patet peccatum Adami quàm redemptio Christi, ac proinde vt per Christum redempta est B. Virgo, sic debuit in Adamo peccare & habuisse debitum contrahendi illud peccatum.

Confirmatur hæc ratio, si per illam exemptionem à pacto vniuersali quod inuit Deus cum Adamo, B. Virgo fuerit exempta ab omni debito contrahendi peccatum, semper Virgo fuisset immunis à peccato, licet Christus, pati, laborare, & mori noluisse: Ergo non fuit redempta per labores, passionem & mortem Christi: ergo nullo pacto, quia nullus alius fuit redemptionis modus.

Confirmatur rursus eodem exemplo quo ista sententia confirmari videtur: si cum mulier venditur in seruam, excipitur aliquis eius filius in ipso contractu, is qui postea venit ad matrem ex seruitute redimendam, non redemit filium singulari illo privilegio exemptum, quia ex suppositione non est seruituti addictus: ergo si cum Adam venditus est in seruum, excepta sit in ipso contractu B. Virgo, Christus veniens ad redimendum Adamum à seruitute peccati non redemit Virginem, quia serua ex suppositione non fuit.

Nec sanè contra hanc rationem in Scriptura fundatam & confirmationes eius, robur aliquod habere possunt ea quæ ex discursu allato afferuntur. Ratio enim vniuersalis qua explicatur hæc sententia, est quidem congruentia quædam ostendens potuisse Deum eximere à lege vniuersali & debito contrahendi peccatum originale B. Virginem. Sed quod ita factum sit non habetur, aut ex Scriptura aut

Carriere in Professionem Fidei.

ex Ecclesiæ autoritate. Cum è contrario nos afferamus testimonia Scripturæ, quæ hanc exemptionem à debito peccati manifestè impugnant. Ad primam confirmationem eodem ferè modo respondendum est, concessioque antecedenti neganda est consequentia: licet enim prædestinatio Christi sit facta ante præuisionem peccati, & consequenter destinata sit mater quæ foret sancta, non tamen sequitur destinaram fuisse matrem, quæ ita foret sancta vt nunquam fuisset obnoxia peccato, sed satis erat quod nunquam esset sub peccato, maximè cum aduersus eam piam vt vocant coniecturam, quæ nec Scripturæ nec Ecclesiæ autoritate fulcitur, militent suprà citata eiusdem Scripturæ testimonia.

Ad alteram confirmationem dicendum est, potuisse quidem Deum ita eximere B. Virginem ab illo vniuersali pacto vt non comprehenderetur sub eo, sicque propter Adami peccatum non foret obnoxia peccato, tamen ex Scriptura locis citatis constare eam non fuisse Dei voluntatem, sed Deum voluisse eam quoque redimere, sed nobiliori modo, vt esset mater sua, quod intelligi non posset, si non habuisset saltem debitum contrahendi peccatum. Quod autem dicitur specialiter hunc modum redemptionis, non comprehendendo sub pacto vniuersali, magis testari affectum Dei erga matrem suam, id iure negamus. Imò verò ostendit suum amorem erga matrem Christus Dominus, cum voluit mori non vt liberaretur à peccato contratto, sed vt præseruaretur ne illud contraheret. *Nemo enim, inquit Christus, maiorem charitatem habet, quàm vt ponat animam quis pro amicis suis.* Quod denique dicunt in hoc casu æquè Christum dici redemptorem Virginis, ac si fuisset obnoxia peccato, ex dictis refutatum est, & eodem exemplo de muliere vendita cuius filius eximitur contrarium ostendimus.

Restat ergo quod immunitas B. Virginis sit à præuisione gratiam instanti Conceptionis, quia scilicet in primo instanti creationis illius animæ quo vnita fuit carni, & quo B. Virgo fuit homo & filia Adæ, & in quo contrahere debebat peccatum originale, Deus infudit illi tantam gratiam quantam infundit aliis in Baptismo vel Circumcisione, gratia autem æquiualeat iustitiæ originali, quoad facere hominem gratum Deo, sicque anima B. Virginis nunquam fuit sub peccato originali. Obiectionibus eorum qui conceptam dicunt Beatam Virginem in peccato originali, restat satisfaciendum.

Dices, immunitas ab omni planè peccato est Christo peculiaris, Luc. 1. *Quod enim nascetur ex te sanctum, vocabitur filius Dei.* Et Hebr. 7. *Talis enim decebat vt nobis esset Pontifex, sanctus, innocens, impolutus, segregatus à peccatoribus.* Ergo hoc non debuit conuenire Beatæ Virgini. Ergo saltem contraxit peccatum originis.

Respondeo, Christum esse absolutè sanctum per naturam & ex vi Conceptionis suæ, quæ fuit de Spiritu sancto. Beata autem Virgo immunis est à peccato per gratiam & privilegium, non autem per naturam quæ obligabat eam ad peccatum originale. Confirmatur ista

R. 2

respon

responsio, si enim ex eo quod Christus dicitur peculiariter sanctus, hoc est sanctitate iure naturæ sibi debita, nullus alio suo modo diceretur sanctus, ita etiam ex eo quod Deus dicatur non tantum peculiariter, sed quasi cum omnium exclusione bonus. Luc. 8. *Non est bonus nisi solus Deus.* Itemque pius, Apoc. 13. *Quis non timebit te Domine, & magnificabit nomen tuum: quia solus pius es.* Atqui non obstantibus illis loquutionibus Scripturæ, rectè intelligimus creaturas esse bonas & pias suo modo, scilicet per participationem, non autem per essentiam, quod soli Deo proprium est, ergo non obstantibus illis citatis Scripturæ sacre locis, quæ dicunt peculiariter Christum esse sanctum & immunem à peccato, intelligimus sine negotio Virginem omnino sanctam & immunem à peccato etiam originis, videlicet per gratiam & speciale privilegium quo præuenta est ne illud contraheret ipso momento quo illud contrahere debebat.

Dices, varia loca Scripturæ, vt Galat. 3. *Concludere omnia sub peccato.* Rom. 5. *Omnes in Adam peccauerunt.* Ephes. 2. *Erant omnes filij ira.*

Respondeo, ea esse intelligenda de lege ordinaria, non autem de eo quod per gratiam singularem & privilegium contingit, quo modo præuentam dicimus B. Virginem. Vel dicam peccasse in Adamo, hoc est amisisse iustitiam quam ab eo sumere debebat, at aliunde scilicet gratiam habuit iustitiæ æquivalentem in eo quod est sanctum & Deo acceptum facere. Vel dic Scripturam intelligendam de genere humano, non autem de singulis ipsius generis vt Christo & Mariæ. Vel dic vniuersales has loquutiones non excludere exceptionem aliquam singularem & privilegium B. Virginis. Patet hoc ex ipsamet Scriptura: Nam loca de peccato actuali omnes inuoluentia non minus vniuersalia sunt quam illa quæ spectant ad originale supra citata, vt 1 Paralip. 6. *Non est homo qui non peccet.* Iacobi 3. *In multis offendimus omnes.* Iob 14. *Nemo mundus à sorde.* Item hæc æquè latè patent, *In dolore paria, In puluerem reuerteris.* Et tamen in his ex consensu Patrum non includitur B. Virgo. Sic dico in locis quæ de peccato originis agunt.

Dices, Christus pro omnibus mortuus dicitur & omnium redemptor habetur, ergo B. Virgo aliquando mortua est in peccato, ergo saltem in originali. Antecedens est Pauli 1. Cor. 5. *Si unus pro omnibus mortuus est, ergo omnes mortui sunt, & pro omnibus mortuus est Christus.* Et 10. ad Timoth. 2. *Dedit semetipsum redemptionem pro omnibus.* Ergo B. Virgo debuit aliquando esse sub iugo peccati.

Respondeo ex dictis, redemptam singulari modo per præuentionem, & præseruationem.

Instabis, ex effectibus cognoscitur causa; ergo ex effectibus peccati originalis in aliquo, arguere licet inesse ei peccatum originale, atqui præcipuus effectus est mors, necnon & vitæ pœnitantes, alioquin iniuste eas subiisset B. Virgo.

Respondeo maiorem esse veram si sit effectus per se procedens à tali causa, non autem si tantum per accidens. Mors autem, &c. sunt

effectus peccati per accidens; homo enim per se & natura sua creatus est mortalis, & in statu primo conseruabatur in vita solum per aliqua dona iustitiæ originalis.

Quod ergo mors & alia fuerint in B. Virgine, non idè est quia habuerit peccatum originale, sed quod tantum acceperit à Deo gratiam iustificantem præseruantem à peccato, non autem illa specialia dona, quæ non erant requisita ad dignitatem matris Dei, imò fortè non conueniebant, ne à filio qui pati & mori voluit discreparet.

Dices, stante decreto diuinæ voluntatis, quod B. Virgo peccauerit in Adam non potest præseruari à peccato; At decretum Dei est quod peccauerit in Adam, alioquin sequeretur quod ex vi suæ Conceptionis & quantum est de se non esset subiecta peccato originali: Ergo concepta est in eo. Maior probatur, quia repugnat dicere quod B. Virgo sit subiecta decreto diuino ordinanti vt ipsa peccet cum cæteris in Adam, & quod postea non peccet, neque contrahat peccatum originale.

Respondeo quod B. Virgo, stante decreto, quod omnes peccent in Adam, peccauit quidem, tamen postea per privilegium fuit ab actuali casu præseruata, neque hæc lex particularis repugnat illi vniuersali, nam Deus semper habet ius dispensationis.

Instabis propter peccatum Adæ Virgo non habuit iustitiam originalem, ergo habuit peccatum originale. Probat, quia illud nihil aliud est quam carentia iustitiæ originalis, loquendo de illo pro formali.

Respondeo quod licet Beata Virgo caruerit ex demerito Adæ iustitia originali, tamen in primo creationis suæ seu animationis instanti habuit gratiam, vnde non fuit debitor eius iustitiæ, quia merito Christi peccatum præuenientis data est ei gratia, quæ æqualebat illi iustitiæ quantum ad acceptationem diuinam, imò excedebat.

Dices B. Virgo non potuit præseruari, et ergo concepta in peccato. Probat, Virgo prius fuit filia naturalis Adæ, quia prius fuit persona quam habuerit gratiam; at in illo priori tenebatur ad iustitiam originalem, quia erat filia Adæ, & illam non habebat, ergo in illo priori contraxit.

Respondet Scotus, quod B. Virgo prius naturaliter fuit filia Adæ quàm fuerit sub gratia, quia subiectum præcedit prioritate nature quodcumque accidens, cuiusmodi est gratia in ipsa Virgine: sed cum dicitur in illo priori fuit sub peccato, quia in illo priori tenebatur ad iustitiam originalem, quia filia naturalis Adæ & non habuit illam, ergo contraxit peccatum.

Respondeo quod non valet consequentia, quia licet ordine nature debuisset prius inesse peccatum quàm gratia, tamen de facto sic non euenit, quia subiectum fuit extinctus impeditum ne reciperet peccatum, & eius loco introducta fuit gratia. Exemplum. Materia prioritate nature præcedit priuationem & formam, priuatio deinde præcedit naturam ipsam formam, sed illud esse prius natura non intelligitur

ligitur sic quod aliquando materia sit, & non sit sub priuatione vel forma, & licet priuatio sit prior natura, forma; non tamen sequitur quod aliquando materia sit sine forma, & tantum sub priuatione, sed sic intelligitur quod secundum propriam rationem & quantum est de se priuatio deberet prius inesse materię quàm formę, tamen si agens extrinsecum impediatur, forma inesse poterit in eo instanti quo priuatio debebat inesse. Ita in anima B. Virginis carentia iustitię originalis præcedit naturaliter ipsam gratiam, non tamen sequitur quod de facto aliquando fuerit sub carentia illa sine gratia, quia ab agente extrinseco præuenta est, ut in eo instanti in quo debebat esse sub carentia iustitię originalis esset subgratia.

Instabis carentia gratię inest prius naturaliter ab intrinseco. Collatio gratię est ab extrinseco: ergo est prior illa.

Respondet esse equidem priorem sequendo ordinem nature; At si agens sit potius antecedere illum ordinem, ut in proposito, nulla est impossibilitas, quia in eodem instanti quo inesset priuatio, potest inducere gratiam & habitum.

Instabis in illo primo instanti B. Virgo non potest intelligi verè non iusta, ergo in eo instanti intelligitur sub priuatione & carentia iustitię originalis.

Respondet falsum esse antecedens, quoniam falsum est illam intelligi verè esse non iustam, quia sic illam intelligere esset intelligere sub opposito modo quo ipsa est, sed tantum vera est ista propositio B. Virgo in primo instanti nature non intelligitur iusta. Exemplum. Petrus abstrahendo hominem ab animali intelligit hominem non esse animal; Et, Petrus abstrahendo hominem ab animali, non intelligit hominem esse animal, quia secunda propositio est vera, prima autem est falsa; in secunda enim significatur abstractio hominis ab animali in qua non est mendacium, sed in prima significatur negatio illius prædicari esse animal ab homine, quod est falsum. Ita in proposito ista est vera, B. Virgo non potest intelligi in primo instanti iusta, sed ista est falsa. B. Virgo potest intelligi in primo instanti non iusta, quia in prima propositione abstrahitur Virgo à iustitia, sed in secunda affirmatur iniustitia siue non iustitia de Beata Virgine, idè differunt hæc duæ propositiones.

Dices, Pius V. abstulit proprium officium Conceptionis.

Respondet, Paulum V. anno 1609. & 19. Ianuarij concessisse ut in omnibus Sabbatis festo nouem lectionum non impeditis Fratres Minores possint facere Officium Immaculatę Conceptionis sub ritu semiduplicis, quod obseruatur in toto ordine. Pius autem V. non abstulit quoddam in eo Officio aliquid falsi contingeretur, sed quia voluit omnia reuocare ad antiquum morem, & idè expunxit ex Calendario Beati Annę & Beati Rochi. Hodie solemniter celebratur hoc festum ab Ecclesiā vniuersali.

Q V Æ S T I O IX.

An fomes Peccati extinctus fuerit in Beata Virgine.

Hoc quaerit S. Thomas art. 31. quæstionis 27. diuersalque refert sententias.

Nota, fomes peccati nihil est aliud quàm inclinatio inordinata appetitus sensibilis ad bona sensibilia, etiam ratione non consentiente, seu ut loquitur S. Thomas, inordinata concupiscentia sensibilis appetitus, habitualis tamen, quia actualis concupiscentia est motus peccati. Dicitur autem concupiscentia sensualitatis esse inordinata, in quantum repugnat rationi, quod quidem fit in quantum inclinatur ad malum, vel difficultatem facit ad bonum: & idè ad ipsam rationem fomitis pertinet quod inclinet ad malum, vel difficultatem faciat in bono.

Hæc inclinatio seu concupiscentia inordinata est principium peccatorum actualium, seu mortalium, seu venialium, & quamuis sit effectus peccati originalis, quia in statu iustitię originalis non fuisset, sed ut mens Deo, sic appetitus menti perfectam habuisset subordinationem, tamen sublato peccato non tollitur communiter, ut constat ex renatis & baptizatis, quia adæquatè non restituitur iustitia originalis secundum omnia dona quę in eius statu erant, sufficit quod redit gratiā sanctificans quę amissa fuerat per peccatum.

Fomes iste potest considerari duobus modis, vel in actu primo, vel in actu secundo; in actu primo est ipsa habitualis propensio ad appetendum aliquid sensibile rationi contrarium ante ipsam deliberationem & consultationem rectę rationis: in actu verò secundo est ipsamet appetitio boni sensibilis, vel motus aliquis indeliberatus præueniens rationem & consensum liberum voluntatis. His præfatis vnum certum est, scilicet

Fomitem peccati in actu secundo nunquam fuisse in Virgine, seu eam nunquam actum aliquem inordinatum circa obiectum sensibile rectę rationi repugnans eliciuissè, qui ipsius rectę rationis iudicium præueniret, & antecederet consensum liberum voluntatis; ita Hugo Victor. lib. 2. de Emanuele cap. 29. ubi Virgini accommodat hæc verba Psal. 45. *Auferens bella usque ad finem terra, quod plena fuerit pacis, & nullum interius experta sit bellum, quale experiuntur qui aguntur fomite peccati, ut de seipso testatur Paul. Rom. 7. Video aliam legem in membris meis repugnantem legi mentis meę, & captiuantem me in lege, peccati quæ est in membris meis.*

Probat ex Scriptura Cant. 4. *Tota pulchra es & macula non est in te.* Fomes autem pertinet ad maculam, ait S. Thomas, saltem carnis; ergo in B. Virgine fomes non fuit. Luc. 1. *Aue gratia plena Dominus tecum.*

Probat ex SS. Patribus, Dionys. 6. Hierarch. Eccl. *Aliam verò purgationem operatus est in ea Spiritus sanctus mediante Conceptione Christi, quæ fuit opus Spiritus sancti.* Vnde infert S. Thom. quod tunc omnino purgata sit B. Virgo à fomite. Damasc. lib. 4. orthod. fid. cap. 15.

Superuenit in eam Spiritus sanctus, purgans eam ante conceptionem filij, quod non potest intelligi nisi de purgatione à fomite, nam peccatum non fecit.

Probatum ratione, cum enim peccatum semper auertat à Deo, siue omnino, si sit mortale, siue aliquo modo, si sit veniale, certe non decuit ut ipsa Virgo vlllo vel leui inficeretur peccato, quæ Deum ipsum in utero gerere & lacte suo nutrire debebat.

Dices, sicut pœna originalis peccati est fomes qui consistit in inferiorum virium rebellionem ad rationem, ita etiam pœna peccati originalis est mors & cæteræ pœnalitates corporales; sed B. Virgo his subiecta fuit, ergo & fomiti.

Respondeo quod mors & pœnalitates huiusmodi non inclinant ad peccatum de se, unde etiam Christus licet has assumpsit; fomitem tamen non assumpsit, unde etiam in B. Virgine (ut filio conformaretur de cuius plenitudine gratiam accipiebat) primò quidem fuit ligatus fomes, non autem data exemptio à pœnalitatibus & morte.

Instabis, *Virtus in infirmitate perficitur*, ait Paulus 2. ad Corinth 12. & loquitur ibi de infirmitate fomitis, secundum quam patiebatur stimulum carnis, sed nihil quod pertinet ad perfectionem virtutis fuit subtrahendum B. Virgini, ergo fomes non fuit ei subtrahendus vel extinguendus.

Respondet S. Thomas, quod infirmitas carnis ad fomitem pertinens est quidem in sanctis viris occasio perfectæ virtutis: non tamen causa sine qua perfectio haberi non possit; sufficit autem in B. Virgine ponere perfectam virtutem ex abundantia gratiæ, nec oportet in ea ponere omnem occasionem perfectionis. Et hinc Sanctus Thomas concludit. Quod remansit fomes in B. Virgine post sanctificationem secundum essentiam, ligatus tamen quoad exercitium siue operationem vsque ad filij Dei conceptionem, in qua fuit totaliter sublatus, quia gratia sanctificationis in ea habuit vim iustitiæ originalis.

Dixerim tamen libenter, quoddà conceptione eius extinctus seu sublatus fuerit in B. Virgine fomes quoad actum primum, ad quid enim principium illud, cuius nullus actus erat futurus? ad quid primus actus fomitis, cum esset Deus omnem actum secundum eius impediturus? Hoc sanè innuit Hieronymus exponens in sermone de Assumptione id Luc. 1. *Aus gratia plena. Bene gratia plena, quia cæteris per partes præstatur, Maria vero se tota simul infudit plenitudo gratiæ* Hinc inferitur quod Beata Virgo ex singulari priuilegio & plenitudine gratiæ fuerit impeccabilis.

Hæc sufficiant ad expositionem verborum Symboli, *Natus ex Maria Virgine.*



DE CHRISTO.

Expositio Verborum *ET HOMO FACTVS EST.*



DE Incarnatione hætenus satis luculenter egi, nunc de Verbo incarnato aut homine Deo, seu de ipso Christo restat tractandum. Ut ergo plenè intelligamus Propositionem Niceni Concilij, Et homo factus est, explicabo proprietates Humanitati competentes. Primò, considerando naturales, cum corporis tum animæ. Secundò, scrutando supernaturales. Tertiò, eas explicando quæ toti attribuantur Christo. Quia autem Propositio Symboli, Filius Dei Homo factus est, stat pro fundamento disquisitionum sequentium, & hæc supponit communicationem Idiomatum, ideo preponenda est doctrina Catholica de consequentibus Unionem, & tradendus est modus quo de ineffabili Incarnationis mysterio loquendum est.

QVÆSTIO I.

An in Christo admittenda sit aliqua communicatio Idiomatum.

Cum per unionem hypostaticam, (ut ex ante dictis constat) duæ sint naturæ in persona Verbi unitæ, & in illa subsistentes, diuina scilicet quæ ipsius Verbi propria est, & humana quam assumpsit: hinc oritur duplex communicatio respectu illius diuinæ personæ. Vna ipsarum duarum naturarum. Altera proprietatum seu attributorum cuiusque naturæ. Græci vocant *κοινωνίαν τῶν ἰδιωμάτων*. Prior in eo consistit quod duæ naturæ prædicentur in concreto de persona Verbi; Posterior quod etiam attributa vtriusque naturæ seu proprietates earum similiter prædicentur in concreto de persona Verbi. Iuxta priorem rectè dicimus, (Filius Dei est Deus) vel (Filius Dei est homo) iuxta posteriorem (Filius Dei est æternus, infinitus, impassibilis,) vel (Filius Dei est temporalis, finitus, passibilis.) Quod sic intelligendum est, æternus secundum diuinitatem, temporalis secundum humanitatem, & sic de aliis. Hæc obseruatione supposita.

Conclusio Catholica est, admittendam esse verè & propriè aliquam idiomatum seu proprietatum communicationem in Christo.

Probatur in primis ex iis Scripturæ locis in quibus ea Christo Domino tribuuntur, quæ naturæ tum diuinæ tum humanæ propria sunt, ut Ioan 3. *Nemo ascendit in cælum nisi qui descendit de cælo filius hominis qui est in cælo.* Luc. 1. *Quod nascetur ex te sanctum vocabitur filius Dei.* Ioan 8. *Antequam Abraham fieret ego sum.*

Probatur secundò ex Concilio Ephesino in anathematismis S. Cyrilli Alexandrini Patriarchæ, Coelestini Papæ personam gerentis, in quibus dampnantur Nestoriani, qui communicationem idiomatum negabant; asseritur-

que Christum secundum veritatem esse & dici verum Deum & verum hominem.

Si quis non confiteatur carni secundum substantiam unitum Dei Patri Verbum, vnumque esse Christum cum propria carne, eundem scilicet Deum simul & hominem, anathema sit.

Probatur 3. ex SS. Patrib. Leone Papa epist. ad Palestinos. *Non interest, inquit, ex qua substantia Christus nominatur, cum inseparabiliter manente unitate persona idem sit, & totus hominis filius propter carnem & totus Dei filius propter unam cum Patre deitatem.* Et Sanctus Damascenus lib. 3. de fide cap. 3. *Verbum, inquit, ea quæ humanitati conueniunt sibi vendicat, ac vicissim carni ea quæ sua sunt, impartit; communicationis videlicet ratione, ob mutuum partium inter se communicationem ac personalem unionem.* Et cap. 6. *Deus suscepit ea quæ sunt carnis idiomata, id est proprietates: dum Deus passibilis nominatur, & Deus gloria crucifixus est.*

Probatur quartò ratione, quæ sunt eadem vni tertio prædicari possunt de se inuicem in eodem tertio, sed diuina & humana natura in Christo sunt idem in persona vna, seu unica est vtriusque naturæ persona; ergo quæ conueniunt filio hominis, possunt prædicari de filio Dei, & è conuerso, ut expressè conclusionem art. 4. q. 16. habet S. Thomas qui hæc habet, ratio inquit hu us est, quia cum sit eadem hypostasis vtriusque naturæ, eadem hypostasis supponitur nomine vtriusque naturæ, siue ergo dicatur homo siue Deus, supponitur hypostasis diuinæ & humanæ naturæ, & ideo de homine possunt dici ea quæ sunt diuinæ naturæ tanquam de hypostasi diuinæ naturæ, & de Deo possunt dici ea quæ sunt humanæ naturæ tanquam de hypostasi humanæ naturæ.

Dices, impossibile est opposita de eodem prædicari, sed ea quæ sunt humanæ naturæ sunt contraria his quæ sunt propria Dei, Deus enim est increatus, immutabilis, æternus, homo

homo autem creatus, mutabilis, temporalis; ergo quæ sunt humanæ naturæ non possunt dici de Deo.

Respondeo maiorem esse veram secundum idem, sed secundum diuersa prædicati nihil prohibet, & hoc modo diuersa prædicantur de Christo secundum diuersas quas habet naturas: sicque Ioan. 10. Christus ipse dixit, *Ego & Pater unum sumus*, scilicet secundum naturam diuinam, & cap. 13. dixit, *Pater maior me est*, scilicet ut homo ego sum.

Q V Æ S T I O I I.

De Regulis in hac communicatione Idiomatum enuncianda seruandis.

Modus formandi Catholicas propositiones in hoc mysterio, pendet ex duobus principiis certissimis & de fide, quibus quando accommodare nouerimus propositiones, manifestum fiet, in quibus possit rectè fieri communicatio idiomatum & in quibus nequaquam.

Primum principium est remansisse in Christo duas naturas integras perfectas, scilicet diuinam & humanam non permixtas neque confusas ut in pluribus Conciliis definitum est, præsertim Ephesino.

Secundum principium est, quod Christus est verus Deus, & verus homo in vnitæte personæ, ita quod in vna & eadem persona est diuinitas & humanitas, & hæc persona est diuina non humana, sed gerit vicem personæ creatæ, ut in Concilio Ephesino & aliis vniuersalibus definitum est.

Ex his duobus principiis, eliciuntur duæ Regulæ generales.

Prima. Propositiones in quibus significatur naturam diuinam esse humanam, vel humanam esse diuinam sunt falsæ, quia diuinitas non inest humanitati nec humanitas diuinitati, sed naturæ sunt impermixtæ. *Natura non prædicatur in abstracto de altera.*

Secunda. Propositiones quæ significant Christum ipsum siue personam Christi esse verum Deum & verum hominem, sunt veræ, quia reuera persona illa quæ est Christus, est simul Deus & simul homo, & consequenter habet omnes proprietates Dei & hominis; & ideo quia ista est vera, *Christus est verus Deus*. Istæ quoque sunt veræ, *Christus est omnipotens*, *Christus iustificat*, *Christus spirat Spiritum sanctum*, *Christus prædestinat*, & omnia prædicata quæ competunt Deo verè & propriè, competunt quoque Christo: Similiter quia ista est vera, *Christus est verè & propriè homo*. Et istæ quoque sunt veræ, *Christus famem passus est*, *mortuus est*, & cætera prædicata quæ verè competunt homini, competunt quoque Christo, quia Christus est verus homo. Rursus quæ competunt supposito creato non competunt Christo, quia in Christo non est persona creata, sed diuina tantum & hac ratione Christus non potest dici creatura, *Nomina quæ ponuntur pro supposito Verbi seu pro persona Christi, possunt in concreto prædicari.*

Ratio huius Regulæ est, quia cum nomina in concreto significant id quod habet formam

per ipsa significatam; sensus illarum propositionum erit, Verbum diuinum habere naturam diuinam aut humanam; vel proprietates diuinas ratione naturæ diuinæ, aut humanas ratione humanæ: quod quidem supposita veritate Incarnationis ipsius Verbi verissimum est. Vnde quocumque nomine vocetur Christus, siue dicatur Verbum, siue filius Dei, siue filius hominis (ut seipsum persæpè vocat in Euangelio) siue quocumque alio vocabulo designetur, dummodo per illud persona ipsius Christi seu suppositum Verbi diuini significetur: verè & propriè de illo natura diuina & humana, & vtriusque proprietates in concreto prædicari poterunt; v.g. demonstrato Christo verum erit dicere: *Hic est etiam Dominus*. erit etiam verum dicere: *Hic passus est pro nobis & peccata nostra perculit in corpore suo super lignum.*

Tertia Regula: Nomina pertinentia ad Christi personam, vel quæ pro ea ponuntur non possunt prædicari in abstracto de deitate, dicendo v.g. Verbum diuinum est humanitas: ac multo minus eius proprietates. Neque etiam vlla nomina vnius naturæ possunt in abstracto prædicari de nominibus alterius naturæ, dicendo, v.g. diuinitas est humanitas, aut diuinitas est mortua, ita S. Thomas art. 5.

Ratio huius est; quia significaretur tunc identitas personæ, cum natura humana aut eius proprietatibus, aut identitas ipsius diuinitatis cum humanitate, quod esset prorsus à veritate alienum.

Possunt tamen nomina diuinæ naturæ propria prædicari etiam in abstracto de nominibus positis pro ipsa Verbi diuini persona, vnde Paul. 1. Cor. 1. vocat Christum, *Dei virtutem & Dei sapientiam.*

Ratio huius differentię est, quia proprietates diuinæ identificantur cum ipsa Verbi persona, vnde fit ut de illa etiam in abstracto prædicari possint quod de humanæ naturæ proprietatibus dici non debet.

Quarta Regula: Nulla humanæ naturæ proprietas, etiam in concreto potest de Christi persona prædicari cum reduplicatione Deitatis: neque proprietas vlla naturæ diuinæ cum reduplicatione humanitatis, v.g. dici non debet, quod Christus, quatenus Deus passus aut mortuus fuit: & contra quod quatenus homo, sit omnipotens, æternus, &c.

Ratio est, quia sequeretur inde quod per vniõnem hypostaticam confusæ essent in Christo naturæ aut illarum proprietates, quod est contra mysterij veritatem, ut supra demonstratum est. Vnde quando in aliqua propositione affirmatur aut negatur aliquid de Christo cum reduplicatione alicuius naturæ, videndum est an hoc ei conueniat secundum naturam illam: aliàs falsa esset propositio.

Quinta Regula: nullum prædicatum quod formaliter includit personam humanam aut excludit diuinam debet attribui Christo: v.g. dici non debet quod Christus est purus homo, quod est aliud à Deo.

Ratio est, quia hæc & similes propositiones significant, vel Christi personam non esse diuinam, vel duas esse in illo personas, quod prorsus à veritate alienum est.

Plures occurrunt hic difficultates in formandis

mandis Propositionibus. Aduertendum semper est pro quo supponat subiectum & prædicatum: nam v.g. termini isti Deus, Iesus, Christus, licet significant eandem personam, non tamen eodem modo, siquidem persona Verbi tripliciter spectari potest, primò quatenus est præcisè persona Verbi seu persona diuinæ naturæ, secundò quatenus est persona humanæ naturæ, tertio quatenus est persona vtriusque. Primo modo significatur nomine Dei, secundo nomine Iesu, tertio nomine Christi. Vide Becanum tract. de Incarn. cap. 7. Quamuis autem traditæ Regulæ certissimæ sint, nihilominus ut in modis loquendi de mysterio Incarnationis nihil excidat quod vel minimum ab illius veritate discordet, aliqua hic adhuc obseruanda supersunt.

Nota primò, cauendos esse certos loquendi modos, quibus quamuis ad rigorem secundum supradictas regulas vel licitum sit, quia tamen ab aliquibus hæreticis usurpati sunt ad aliquos errores contra veritatem mysterij huius inuehendos, vel quia ipsis erroribus aliquo pacto fauere videntur, idè ab illis abstinere tutius est, vnde S. Thom. art. 8. rectè dicit, *Quod nequidem nomina debemus habere communia cum hæreticis, ne eorum errores sanare videamur.*

Hanc ob causam, quamuis hæc propositiones (Christus est creatura) vel (Christus incepit esse) in aliquo sensu veræ sint, & ita usurpatæ reperiantur à quibusdam Sanctis Patribus; quia tamen Arriani illis vsi sunt, ut ipsius Filij Dei impugnarent diuinitatem, tutius est vel absolute ab illis abstinere, ut monet ibidem S. Doctor, vel non nisi cum reduplicatione ipsius naturæ humanæ iis uti.

Ob eandem rationem hæc alia propositio, Christus est Dei seruus, communiter usurpari non debet: quia scilicet tum Arriani, tum etiam Nestoriani hoc loquendi modo utebantur; illi ut Christum Deum esse negarent; isti ut personam in eo humanam assererent. Vnde in Concil. Ephesino in epist. ad Nestorium, hic loquendi modus reiectus est, sicut & in epist. Adriani primi ad Episcopos Gallicæ & Hispaniæ: & in Concil. Francofordiensi aduersus Elipandum Archiepiscopum Toletanum, qui hac formula loquendi abutebatur. Eadem ratione Christus Filius Dei adoptiuus dici non debet, ut obseruat S. Thom. q. 2. art. 4. Si quidem nomine filij adoptiuus connotatur seu significatur ille qui est extraneus, ac proinde ille qui non est Filius Dei naturalis. Vnde S. Hilarius lib. 3. de Trinit. Hic est verus & proprius filius origine non adoptione, veritate, non nuncupatione.

Nota 2. quoties de hoc mysterio ad populum verba facienda sunt, abstinendum esse ab omnibus iis loquendi modis qui licet sint veri, possent tamen aliquo pacto esse piarum aurium offensusi: omnia enim quæ dicuntur ad ædificationem audientium dici debere monet Apostolus 1 Cor. 14. Vnde quoties de Christo Dominoloquendum est, videndum ne aliquid excidat, quod vel reuerentiæ ipsi debitæ, vel huius mysterij veritati quocumque modo repugnare videatur: v.g. quamuis propositiones illæ quibus diceretur Christus minus sapiens quàm Pater, aut Angelis inferior, veræ

Curriere in Professionem Fidei.

sint, si de illo præcisè secundum humanam naturam intelligantur, cum & ipse Christus eo sensu de se dixit Patrem maiorem se esse; & Apostolus dicat eum modico quam Angeli minoratum: quia tamen hæc & similes propositiones in animis audientium aliquam posunt ingenere cogitationem, huius mysterij veritati aut reuerentiæ Christo debitæ parum consentaneam, idè ab illis abstinendum est.

Nota 3. tutius esse abstinere ab omnibus loquendi modis minus apertis, de quibus aliqua inter ipsos Theologos controuersia est, quam ad ingenij vel doctrinæ ostentationem iis uti aut eos, præsertim coram laicis propugnare velle. Talis est propositio (Christus est homo diuinus) quæ licet aliquo sensu possit sustineri, cum etiam Verbum ipsum dicatur diuinum, nihilominus cum aliquam difficultatem hæc denominatio pariat, videaturque significare hominem illum de quo prædicatur non esse Deum, sed accidentalem tantum habere cum Deo coniunctionem; idcirco melius est ab illa abstinere. Vnde & S. Damasc. lib. 3. de fide cap. 12. ob eandem rationem negat Christum dici debere hominem Deifetum.

Talis est etiam Propositio illa (Homo factus est Deus) quæ licet aliquo sensu possit esse vera, nimirum si per illam intelligatur factum esse ut homo sit Deus, in sensu tamen proprio & genuino falsa est, ut docet S. Thomas art. 7. significat enim hominem prius extitisse, postea factum esse Deum, quod prorsus est à veritate alienum.

Præterea obseruandum est SS. Patres, non semper secundum rigorem logicum, sed interdum oratorio more de hoc mysterio locutos fuisse, proindeque à regulis præfatis aliquando recessisse, & nomina abstracta pro concretis, & concreta pro abstractis quandoque usurpasse. Vnde apud illos propositiones quædam reperiuntur, quæ non tam secundum propriam verborum significationem accipiendæ sunt, quàm secundum sensum ab illis intentum, qui semper verus & orthodoxus fuit.

Quare cum v. g. legitur apud quosdam carnem Christi fuisse deificatam, sensus est quod cum homo carne constans verè sit Deus, eius caro etiam verè est caro Dei, & eo sensu dici potest caro deificata. Cum item dicunt filium Dei assumpsisse hominem, sensus illorum est filium Dei humanam naturam non verò humanam personam assumpsisse. Et sic dicendum est de quibusdam aliis propositionibus.

QVÆRES, An hac Propositio Deus factus est homo non solum sit vera, sed etiam propria. Negat D. Bonauent. in 3 dist. 7. art. 1. q. 2. ratio eius est, quia si esset propria significaret Deum mutatum esse, sicuti hæc, Petrus factus est calidus, significat Petrum mutatum esse: At Deus non est mutabilis; ergo propriè non est factus homo.

Respondeo oppositum esse probabilius, quia Deus nunc propriè est homo, cum antea non esset; ergo propriè factus est homo: nec tamen idè mutatus est, quia licet intercesserit aliqua mutatio, non tamen facta est in Deo, sed in homine per vnionem: simile est si dicam, Petrus mihi factus est dexter aut sinister; hoc enim fieri potest, non quidem sine mutatione, sed tamen sine mutatione in Petro

S s facta

SS. Patres interdum more oratorio locuti sunt de mysterio Incarnationis.

facta per solam mutationem in me factam.

QVÆRES, *An saltem per communicationem Idiomatum dici possit Deum mutatum esse, quando factus est homo.* Ratio dubij est, quia illa mutatio facta est in humanitate, ergo potest ei attribui per communicationem. Confirmatur à simili, quia ambulario, comestio, passio, & aliz mutationes humanitatis Christi, verè prædicantur de Deo per communicationem; ergo etiam mutatio illa per quam humanitas unita est Verbo.

Respondeo non esse simile, quia prædicata humana quæ prædicantur de Deo per communicationem idiomatum, supponunt vnionem hypostaticam; hæc autem mutatio de qua agimus præcedit vnionem, est enim actio per quam fit vnio.

Dices ergo Deus non potest dici genitus ex Virgine per communicationem idiomatum, quia generatio prius facta est in humanitate quàm humanitas fuerit unita Verbo.

Respondeo non sequi, quia generatio substantialis non denominat subiectum quod est humanitas, sed terminum qui est ipsum suppositum; secundò, quia generatio hæc nihil aliud est quàm vnio formæ cum materia, modo naturali facta: hæc autem ordine naturæ supponit vnionem singularum partium ad Verbum.

Nota vltimò, excipi à Regula de Communicatione proprietatum, illa quæ exprimunt vnionem naturæ cum persona, vel quæ cum ipsa cointelliguntur: Ratio huius est, quia illa communicatio fit per vnionem, & ita eam præsupponit; ideo non tenet in his quæ vel vnionem præcedunt, vel cum ipsa cointelliguntur.

QVÆSTIO III.

De Proprietatibus naturalibus Corporis Christi.

Articulus iste, *Et Homo factus est*, debet enucleari iuxta convenientiam ad ordinariam filiorum hominum formationem, quorum natura præstruit corpus tanquam domicilium animæ rationalis futurum: etsi ergo in vno & eodem instanti virtus Altissimi formauerit Christum totum in utero matris, hunc à notioribus, & à corporis eius proprietatibus, hominem contemplabimur. Multa de Corpore Christi tractantur quæ facillè intelliguntur, bona temperies, forma, valetudo, eximia pulchritudo, & similia; sed peculiariter agitur de quibusdam defectibus an fuerint in Corpore Christi, vt lassitudo, fames, sitis, dolor, infirmitas, mortalitas, &c. Quæstionem 14. 3. partis instituit D. Thomas de hac re, multaque habent Scholastici scitu dignissima quæ vt explicentur.

Nota corporales defectus esse in duplici differentia. Alij enim communes sunt omnibus hominibus, & totam naturam consequuntur; vt sunt mors, fames, sitis, passibilitas, &c. Alij verò ex causis quibusdam particularibus proveniunt, suntque tantum in aliquibus hominibus: vt sunt lepra, febris, deformitas in

membris, vitium imbecillitas, & alia id genus. Hac distinctione supposita.

Resolutio prima Catholica est, Dei filium assumendo corpus humanum, omnes simul etiam assumpsisse defectus illos corporis qui sunt communes toti naturæ humanæ: atque ita assumpsisse corpus passibile & obnoxium fami, siti, æstui, frigori, dolori, morti, & similibus, atque re ipsa perpeßum fuisse hæc omnia.

Probatur ex Scriptura, Isai 53. *Verè linguas nostros ipse tulit, & dolores nostros ipse portavit: vulneratus est propter iniquitates nostras.* vbi hæc particula *Verè*, notanda est Luc. 22. *Oportebat Christum pati.* Hebr. 2. & 12.

Probatur ex variis Conciliis, Ephesino anathematismo, 2. Calcedon. art. 5. Lateran. sub Martino I. consult. 5. istam veritatem definiuntibus.

Probatur ex SS. Patribus, Cyrill Hyerofol. catechesi 13. *Passus est, inquit, Iesus pro hominibus verè: non enim apparentia est crux, neque opinio redemptio, non imaginaria mors, & fabulatoria salus: verè crucifixus est; & non confundimur, neque negamus, sed potius in eo gloriamur.* Hanc veritatem tanquam de fide certam profitentur communiter Doctores Ecclesiæ, S. Ambros. lib. 2. de fide, cap. 4. S. August. epist. 146. S. Damascen. lib. 3. de fide, cap. 28. & reliqui omnes. Huic veritati oppositus fuit olim error Seuerianorum, qui vt refert Nicephorus lib. 17. cap. 19. asseriebant corpus Christi non fuisse verè & propriè passibile, & cum sensu doloris vulnerabile: quem errorem secuti sunt Armenij quidam, vt refert Euthymius in sua panoplia parte 2. titulo 10.

Probatur ratione, hoc enim conueniens fuit vt corpus assumptum subiaceret humanis infirmitatibus & defectibus; ergo ita factum Antecedens probatur. Primo, quia ad hoc filius Dei venit in mundum, vt pro peccato humani generis satisfaceret; vnus autem pro peccato alterius satisfacit, dum pœnam pro peccato alterius debitam, in se suscipit: huiusmodi autem defectus corporales, scilicet mors, fames, sitis, & huiusmodi, sunt pœna peccati, in mundum introducti per Adam, secundum illud Rom. 5. *Per unum hominem peccatum intrauit in mundum & per peccatum mors.* Vnde conueniens fuit quantum ad finem Incarnationis quoddam huiusmodi pœnalitates in nostra natura susciperet vice nostra. Secundò, conueniens fuit propter Incarnationis fidem adstruendam, prout huiusmodi corporalibus defectibus subiaceret: si sine his defectibus filius Dei humanam naturam assumpsisset, videretur non fuisse verus homo, nec veram carnem habuisse, sed phantasticam, vt Manichæi posuerunt. Et ideo, vt dicitur Philippen. 2. *Exinanivit semetipsum formam serui accipiens, in similitudinem hominum factus, & habitu inuentus vt homo.* Vnde & B. Thomas per aspectum vulnerum reuocatus est ad fidem. Ioan. 20. *Dominus meus & Deus meus.* Tertio conueniens fuit propter exemplum patientiæ quod nobis exhibet, passionem & defectus humanos fortiter tolerando; vnde Hebr. 12. *Sustinuit à peccatoribus aduersus semetipsum contradictionem, vt non fatigemini, animis vestris desistantes.*

Dices,

Dices, Anima Christi videbat Deum & sic erat beata, sed ex beatitudine animæ glorificatur corpus; dicit enim August. in epist. 56. ad Dionicorum. Tam potenti natura Deus fecit animam, ut ex eius plenissima beatitudine redundet etiam in inferiorem naturam, quod est corpus, non beatitudo, quæ fruētis & intelligentis est propria, sed plenitudo sanitatis, id est incorruptionis vigor; ergo corpus Christi fuit incorruptibile & absque omni defectu.

Respondeo, quodd secundum naturalem habitudinem quæ est inter animam & corpus, ex gloria animæ redundat gloria ad corpus. Sed hæc naturalis habitudo in Christo subiacebat voluntati diuinitatis ipsius: ex qua factum est quod beatitudo remaneret in anima, & non deriuaretur ad corpus, sed caro pateretur quæ conueniunt naturæ passibili, secundum illud quod Damasc. lib. 3. cap. 15. dicit, quodd beneplacito diuinæ voluntatis permittebatur carni pati & operari quæ propria. Ne autem de hac veritate ambigerent Apostoli, Christus transfiguratus est ante tres ipsorum, ut Matth. 17. habetur, & eis gloriam suæ claritatis ostendit, dum *resplendens facies eius sicut Sol.* imò & totum corpus; ubi Chrysost. hom. 57. hæc habet, *Volens Iesus monstrare quid est illa gloria, in qua postea venturus est, eu in præsentis vita reuelauit, sicut possibile erat eos discere, ut neque in Domini morte iam doleant.*

Resolutio secunda, Filius Dei non assumpsit defectus illos corporales qui ex causis particularibus consequuntur; v.g. deformitatem, morbos, ij enim non sunt naturales, nec sequuntur naturam corporis, sed eam priuant perfectionibus naturaliter sibi debitis, ita Doctores Catholici cum S. Thoma q. 14 art. 4.

Ratio est, quia ij non consequuntur communiter totam naturam propter peccatum primi parentis, sed causantur in aliquibus hominibus, ex quibusdam causis particularibus & ex eorum culpa, puta ex inordinato victu, quandoque autem ex defectu virtutis formatricis quæ est in parentibus, quorum neutrum conuenit Christo, quia & caro eius de Spiritu sancto concepta est, qui est infinitæ sapientiæ & virtutis, & errare non potest aut deficere, & ipse Christus nihil inordinatum in regimine vitæ suæ exerceuit.

Imò opera quæ miraculose à Deo facta sunt semper fuerunt perfectissima; proindeque corpus illud perfectissimum, pulcherrimum, optimo temperamento præditum, & omnibus partibus suis absolutum fuisse non est ambigendum, cum id prædixerit David Psalm. 44. *Speciosus forma præ filiis hominum.* Et id ipsum testentur non solum Scriptores sacri sed & prophani.

Adde quod corpus Christi futurum erat beatitudinis corporis nostri obiectum.

QVÆRES, Quomodo causetur dolor?

Respondeo quodd in rerum natura, ut docet Scotus, reperiuntur diuersa entia absoluta quæ sic se habent, quodd à prima rerum institutione aliud perficere nata sunt; quædam verò perfici, unde quando coniunguntur, oritur delectatio in perfectibili, quæ delectatio propriè est quædam qualitas inducta a perfectiuo; dicitur tamen passio, quia non est in *Carniere in Professionem Fidei.*

potestate passui in præsentia agentis, quin illam recipiat. Tum interum natura sic se aliqua habent, quodd vnum natum est aliud corrumpere, & aliud natum est corrumpi ab alio, quando ista approxinantur oritur dolor vel tristitia, quæ etiam est qualitas inducta, non relatio; eo modo quo intellectio & volitio sunt qualitates, non relationes, & ista competunt ipsis secundum naturam suam absolutam, non secundum aliquas relationes, sed relationes postea superueniunt huiusmodi absolutis & denominant illa, v.g. calidum secundum naturam suam absolutam natum est perficere, v.g. manum, & manus perfici, ex naturali proprietate exurgit in calido ista relatio actiui & in manu relatio passui; actio enim & passio sunt relationes.

Ad Propositum datur aliquod absolutum, quodd natum est perficere aliud absolutum, ut aliquod visibile est perfectiū potentie visive, ut puta albedo, aliud verò visibile est eiusdem potentie corruptiuum, ponamus nigredinem: in albedine insurgit relatio quædam quæ dicitur conuenientia ad potentiam visiuam; in nigredine alia quædam quæ dicitur disconuenientia, unde relationes ipsæ non sunt propriè principia delectantia vel tristantia, siue causantia, sed causa earum productiua sunt naturæ absolutæ rerum illarum: relationes verò conuenientie & disconuenientie sunt quidd superueniens, sicut etiam relationes actiui & passui non sunt causæ actiue effectuum, sed circumscribunt nobis absoluta producentia illos effectus super quæ ipsæ fundantur.

Hinc Dolor & Tristitia cum sint qualitates, ipsæque diuersæ debent habere subiecta, ipsæque diuersa: subiectum doloris est appetitus sensitivus; nam quilibet sensus habet propriam virtutem cognoscitiuam & etiam appetitiuam, ergo hic est subiectum delectationis & doloris; ratio est, quia inclinatur ad perfici ab obiecto & illud appetit, propter hoc autem virtus eius cognoscitiua illud apprehendit. Quando ergo subiectum coniungitur suo perfectibili, sequitur quodd coniungatur appetitui, & consequenter quodd producat in illo qualitatem illam quæ illi perfectibili conuenit, quæ est delectatio, & quando obiectum disconueniens approximat potestati refugienti, inducit in eam qualitatem & formam illam quæ illi refugienti displicet.

Delectatio & dolor reperiuntur in appetitu sensitivo tanquam in subiecto, & sic dolor, cum sit offensio animæ ex carne inest appetitui sensitivo & tactui; Tactus enim est fundamentum vitæ & aliorum sensuum, idè obiecta conuenientia tactui, quia existunt in carne delectationem afferunt, quæ verò disconueniunt faciunt propriè dolorem.

In aliis verò sensibus non est propriè dolor, nisi quatenus in tactu fundantur, sed potius tristitia, unde displicentia quæ habetur de displicentibus visibilibus vel audibilibus, dicitur potius tristitia quàm dolor. Tristitiæ verò subiectum est principahiter intellectus, unde in anima separata est tristitia non dolor; nam ex August. lib. 14. de ciuit. cap. 5. *Tristitia est de his quæ nobis volentibus accidunt.* unde dicebamus supra differre quodd dolor est qui

oritur ex carne, & primò inest parti sensitivæ. Tristitia verò non est ex carne, nec primò inest parti sensitivæ, sed intellectui, non potest autem inesse intellectui ut virtus cognoscitiva, sed appetitiva quæ est voluntas, unde quando voluntas appetit obiectum & illud approximatur, hinc oritur gaudium: quando non vult & approximatur, tristatur.

Differt autem voluntas à virtute sensitiva, quia hæc habet determinata convenientia obiecta, nec potest non inclinare eam, vel vnicum habet obiectum, seu obiecta disconvenientia, nec possunt non esse illi disconvenientia: At voluntas habet quidem vnum obiectum sibi conveniens, sed ut libera non habet sibi determinatum, sed ipsa sibi eligit. Primum est natura, secundum ad electionem quod vult, aliquando licet naturaliter sibi disconveniat, vel sit indifferens: Et cum non habet illud tristatur. Quandoque nolle etiam illudmet obiectum, non quod contrarium sit, sed solum ex electione, & si adveniat tristatur, & causat illam qualitatem quæ dicitur Tristitia.

Quod autem sit qualitas probatur, non est velle aut nolle aut aliquis actus volens, in beatis enim est velle & nolle, tritari tamen nequeunt. Tristitia verò est quid sequens ad velle & nolle, & in appetitu derelictum; ergo est passio & qualitas.

Ad causandum autem tristitiam, sufficit quodd obiectum disconveniens naturaliter sit, licet sit volitum liberè, quodd enim naturaliter est disconveniens ut miseria, non potest esse naturaliter volitum, licet possit esse liberè volitum, illud tamen velle liberè non affert delectationem aut tollit tristitiam.

Dices, vitia sunt contra naturam, delectatur vitiosus in iis.

Respondeo, duplex est inclinatio, una ad commodum, alia ad iustitiam; prima est naturalior, sequitur enim immediatius naturam, secunda enim consequitur velle liberè, magis quam naturaliter velle. Cum ergo prima inclinatio sit ad commodum, magis appetitur & oppositum refugitur, secunda enim licet sit naturalis, movet tamen, ut liberè homo agit.

QUÆRES, An obiectum quod appetitui sensitivo disconvenit, disconveniat etiam voluntati.

Respondeo affirmatiuè, propter colligantiam & nexum voluntatis cum eo, unde in virgine violenter corrupta, quia est delectatio in sensu, est & in voluntate; tamen quia actus non est liberè volitus nullum est peccatum. Qui tamen diceret voluntatem non delectari, aut tritari ex nexu cum sensu, diceret violenter corruptam delectari sensu, non voluntate, quia obiectum non est liberè volitum.

Hinc habes tres modos tristandi. Primus quando obiectum simpliciter est disconveniens secundum inclinationem naturalem. Secundus quando disconvenit seu displicet voluntati, quia disconvenit sensui, & hoc propter colligantiam. Tertius quando aliquid, licet non sit naturaliter disconveniens voluntati, disconvenit tamen ei ut libera est, quia

illud nolle & tamen evenit. Hic autem modus potest in duos diuidi; voluntas enim habet duos velle, absolutum & conditionatum: primum enuntiat per volo aut nolo; secundum per vellem, nollem si possem, ut mercator proiciens merces in mare.

Dolor in Christo causatur ab obiecto disconuenienti tactui ut suprà dictum est: Cum autem tactus sequatur bonam dispositionem corporis; corpus verò in Christo fuerit optimè complexionatum, obiectum autem crucis, flagella, clavi, spinæ, maxime disconveniebant utpote solutius continui, hinc plus doluit cæteris paribus, ut Thren. 1. asseritur, *Videte si est dolor sicut meus*. Tristitia, quam S. Thomas vocat dolorem interiore, habet pro obiecto singulariter carètiā seu priuationem gloriæ, vel peccatum proprium, sed Christus semper fuit beatus & impecabilis, quia autem volebat peccatum in aliis, tristatus est. Tristabatur etiam de passione uti de obiecto naturaliter disconuenienti secundum utramque portionē, quia tristitia quæ evenit de obiecto naturaliter disconuenienti, competit primò voluntati secundum superiorem portionem. Portio enim superior ut natura, volebat bonum in ordine ad æternum & sic in ordine ad obiectum. Oppositum fuit nolitum tanquam contra affectum commodi non contra iustitiam: differt autem à tristitia portionis inferioris, quia inferior volebat ei bonum in ordine ad se & commodum potentie sensitivæ non referendo in Deum.

In Christo ergo patiente fuit verus dolor, qui causatur ex corporali nocuo, & dolor interior seu tristitia, quæ causatur ex apprehensione alicuius nocuenti.

Nota postremò, humanam naturam dupliciter spectari posse; primò secundum se, & sic defectus corporis sunt illi connaturales; secundò quatenus condita est cum iustitia originali, & sic defectus corporis sunt pænæ peccati Adæ; unde quotquot in eo peccarunt, contrahunt hos defectus per modum pænæ, unde Christus non est assimilatus quantum ad causam, etsi ad finem redemptionis assumpsit eorum qualitatem; dicitur enim Hebr. 2. *In eo in quo ipse passus est & tentatus potens est ei qui tentatur auxiliari*.

Q U Æ S T I O I V.

De facultatibus naturalibus Anime Rationalis Christi, Intellectu & Voluntate.

Certum est ex supradictis, & primum fidei Christianæ dogma in dispensatione Incarnationis recensetur, quodd filius Dei integram assumpsit naturam humanam, consequenter & non tantum carnem visibilem, secundum quam Ioan. 1. dicitur, *Verbum caro factum est*. (stante in hac propositione parte prototo per synecdochem,) sed & simul animam rationalem per quam caro hominis dicitur caro humana, unde Damascen. lib. 3. de fid. cap. 2. dicit, *Simul caro & Dei Verbi animata caro, rationalis & intellectiva*, Quodd ex-

prelæ

preſe habet ſymbolum Athanaſij: *Perſectus Deus, perfectus homo, ex anima rationali & humana carne ſubſiſtens*. Hinc euincitur neceſſariò quod intellectum creatum & voluntatem creatam Chriſtus habuerit, intellectus enim eſt potentia intellectiua eſſentialis animæ rationali: Vnde ſequitur falſum & erroneum eſſe id quod Apollinaris fautores dicebant, teſſe Epiphaniò hæreſi 77. & D. Thoma q. 18. quod Verbum Dei aſſumpſiſſet corpus humanum ſine anima: qui cùm Euangelij teſtimoniis conuicti, animam aſſumpſiſſe fateantur, illam tamen mente ac intellectu priuatam fuiſſe aiebant, eiſque defectum à Verbo diuino ſuppletum fuiſſe. Eiſdem planè erroris aſſectæ exiſtimandi ſunt Euythes Neſtorius, Sergius, Pirrhus, Cyrus & alij qui vnā tantum voluntatem, hancque diuinā admitterebant, Monotheliſtæ inde dicti; nam cùm voluntas ſit in ratione, vt Ariſtot. dicit in 3. de Anima, textu 42. ſequēbatur quod excluſo intellectu non eſſet voluntas humana: & ita in Chriſto non eſſet niſi vna voluntas.

Reſolutio eſt de fide, quod Chriſtus habuerit animam humanā præditā intellectu & voluntate.

Probat ex Scriptura in iis locis in quibus aſſeritur Chriſtum Dominum veram animam habuiſſe, & iis quibus verus homo nominatur, Ioan. 10. *Animam meam pono pro omnibus meis*. 12. *Nunc anima mea turbata eſt*. 1. Ioan. 3. *Ille animam ſuam pro nobis poſuit*. Matth. 26. *Tristiſt eſt anima mea uſque ad mortem*. Quibus in locis animam propriè accipi pro anima humana docet S. Auguſt. lib. 83. quæſt. q. 80.

Probat ex Concilio Epheliſino cap. 13. *Non dicimus quod Dei natura conuerſa vel immutata, falſa ſit caro, nec quod intotum hominem qui eſt ex anima & corpore, transformata ſit, ſed magis quod carnem animatam anima rationali ſubcopulauerit*. Idem dicunt ſymbola quæque.

Probat ratione demonſtratiua, quæ tam de intellectu quàm de voluntate concludit. Omnis natura intellectualis prædita eſt intellectu & voluntate, vt ex Tractatu de Anima & de Angelis conſtat: At in Chriſto præter naturam intellectualem diuinā, datur natura intellectualis humana & creata, vt patet ex ſuperioribus: ergo in eo præter intellectum diuinum & diuinā voluntatem datur aliquis intellectus creatus, & aliqua voluntas creata.

Adde quod intellectus ad veritatem naturæ humanæ abſolutè pertineat, nec anima humana perfectæ eſſe poſſit ſine intelligenti facultate, neque poſſibile ſit vt diuinitas in Chriſto ſuppleat rationem alicuius partis vel facultatis; cùm ompis pars ſit ens imperfectum & incompletum comparatione totius.

Q V A E S T I O V.

De Perfectionibus Intellectus Chriſti, ſcilicet ſcientiis.

Æ Què certum eſt in Chriſto duplicem ſcilicet ſcientiam ſeu cognitionem diuinā

& humanā, quā certum eſt in eo fuiſſe duplicem naturā intellectualem diuinā & humanā.

De diuina nulla eſt quæſtio; nam pluſquam hæreticus eſſet, qui ſcientiam diuinā à diuino intellectu vellet remouere, ſed tantum de humana, *An præter diuinā in anima Chriſti fuerit.*

Quam quæſtionem proponit S. Thomas 3. p. q. 9. art. 1. & ſolidè diſſoluit ac probat. Propter tria, inquit, neceſſaria ſunt ſcientia creata in anima Chriſti. Primò propter perfectionem intellectus, qui eſt tanquam tabula raſa niſi ſcientiis exornetur: Secundò propter finem illius intellectus nimirum intellectionem, ſeu cognitionem, nam vt notat Scotus, quilibet res eſt propter ſuam operationem, atqui propria operatio animæ prædite intellectu eſt actualis cognitio ſeu intellectio; ergo Chriſtus habuit cognitionem naturalem, aliàs fruſtra conceſſus eſſet ei intellectus humanus. Confirmatur, tum quia nulli creaturæ intellectuali denegatur cognitio proportionata ſuo intellectui: Ergo neque Chriſto vt homini, tum quia Chriſtus vt homo eliciebat actus voluntatis liberos, ij autem ſupponebant actus proportionatos ex parte intellectus. Tertio propter cōnaturalitatem alicuius cognitionis, ſcilicet intelligentiæ aut notitiæ primorū principiorū, quæ eſt à natura inſeparabilis. Certum eſt autem quod Chriſtus à principio ſuæ conceptionis habuit actum perfectæ cognitionis uſumque rationis, vt exponitur illud Hierem. *Nonum creauit Dominus ſuper terram, mulier circumdabit virum*. id eſt Chriſtum non ætate ſed ſapientia virum in vtero, & hoc quia Chriſtus accepit tantum miſerias ad officium Redemptionis ſpectantes. At talis non eſt ignorantia.

Tum in ſexta Synodo damnata eſt in quæſt. 5. & 6. poſitio negantium in Chriſto eſſe duas ſcientias vel duas ſapientias. Generalis ratio conuincit in Chriſto ſcientiam humanā. Perfectiſſima fuit anima rationalis Chriſti & eius intellectus, hoc enim decebat dignitatem verbi quod ei vniendum erat: Ergo non debuit carere ſcientiis creatis quibus aliorum hominum intellectus maximè perficiuntur.

Dices Chriſtus per ſcientiam diuinā cognoscebat omnia: Ergo omnis alia cognitio ſeu ſcientia fuit ipſi inutilis.

Reſpondeo diſtinguendo antecedens, cognoscebat omnia Chriſtus per ſcientiam diuinā operatione diuinā & increata quæ eſt ipſa Dei eſſentia: Dei enim intelligere eſt ſua ſubſtantia vt probat Ariſt. 12. metaph. text. 39. Vnde hic actus non potuit eſſe animæ humanæ Chriſti cùm ſit alterius naturæ, ſi ergo non fuiſſet in Chriſto aliqua alia ſcientia præter diuinā nihil cognouiſſet, & ita fuiſſet fruſtra allumpta, cùm omnis res ſit propter operationem. Sicque ſcientia humana requiritur vt Chriſtus ſciat, cognitione creata & humana quæ ſcire debet vt homo, eſſi enim vnica ſit in Chriſto perſona, tamen duplex eſt operatio, ſcientia autem conuenit perſonæ ratione naturæ quæ duplex eſt.

Q V Æ S T I O VI.

De Scientia beata Christi in quantum homo.

TRiplex in Christo ut homo agnoscitur scientia. Beata, Infusa, & Acquisita; ita censent Doctores, D. Thom. Scot. Richard. Bonau. Durand. &c.

Probatut prima scientia, ex locis Scripturæ. Ioan. 8. *Scio enim, scilicet Deum, & sermonem eius seruo.* Ioan. 12. *Qui mihi ministrat me sequatur, & ubi ego sum illic sit & minister meus.* ubi promittit beatitudinem qua iam præditus erat, & cap. 17. *Volo ut ubi ego sum, & illic sint mecum ut videant claritatem tuam.* Quibus verbis orat Patrem, postulatque ut eiusdem gloriæ qua tunc fruebatur, discipulos suos participes reddat; alia autem gloria intelligi non potest, nisi ea quæ in visione claræ diuinæ essentiz consistit: quam proinde tunc Christus habuit, concludit apertè Ioan. 1. dum Verbum incarnatum dicitur fuisse *Plenum gratiæ & veritatis.* Si enim Christus habuit plenitudinem veritatis seu scientiæ sicut & gratiæ, sequitur, quod sicut in gratia super omnes Angelos beatos in hac vita excelluit, sic etiam in cognitione & scientia; non excelluisset autem si visionem beatificam non habuisset.

Probatut ex SS. Patribus, Damascen. oratione de Transfigur. ubi dicit illam Christi Transfigurationem fuisse *quandam manifestationem gloriæ*, quæ in eius anima erat. Hieronym. in Matth. 17. *Qualis futurus est tempore iudicii, talis Apostoli apparuit.* Beda in Marc. 9. *Pia promissione factum est ut contemplatione semper manenti gaudij ad breue tempus delibata, foris aduersa tolerarent.* Ilidor. lib. 3. de summo bono dicit, quod Trinitas sibi soli nota est & homini assumpto. August. lib. 1. de Trinitate quod conuenit Filio Dei per naturam, conuenit filio hominis per gratiam, sed nosse essentiam Dei eamque comprehendere competit Verbo per naturam. Ergo, &c.

Probatut ratione: Christus ut homo fuit author salutis ac beatitudinis aliorum, sicut Heb. 2. dicitur. Ergo cum causa continere debeat effectus sui perfectionem, Christus illam beatitudinem in se habere debuit. Secundò debebat annuntiare mysteria cæli: ergo ea cognoscere & non tantum audita referre. Tertio Christus fuit ab initio filius naturalis Patris: ergo debuit frui hæreditate quæ potissimum consistit in scientia & cognitione Dei: nec enim Patris obitus expectandus fuit. Adde quod perfectissima erat vniō inter diuinitatem & humanitatem, ita ut Deus dicatur & verè sit homo, & homo ipse sit Deus secundum veritatem Incarnationis: congruebat ergo ut à primo eius momento humanitas clare cognosceret obiectum illud infinitum essentiz diuinæ cui substantialiter erat vnita.

Dices, Lucas cap. 22. scribit contrarium, *Nonne, inquit, oportuit Christum pati & ita intrare in gloriam suam.* Et Ioan. cap. 7. *Nondum erat spiritus datus, quia nondum glorificatus erat Christus.* Et 17. *Nunc clarifica me Pater.*

Respondeo hæc intelligi de gloria integra & perfecta, quæ præter gloriam animæ includit gloriam corporis, quam Christus non habuit nisi Post resurrectionem: Vel intellige de sessione ad dexteram Patris.

QUÆRES, Quid per scientiam beatam cognouerit Christus in statu viæ.

Respondeo vidisse diuinam essentiam clariùs & perfectiùs quàm quælibet alia creatura videre possit; atque adeò scientiâ illa cæteris omnibus beatis, siue Angelis siue hominibus longè præcelluisse; non tamen diuinam essentiam comprehendisse, nec comprehendere potuisse.

Prima huius Assertionis pars constat ex eo quod dicit Apostolus Ephes. 1. Christum à Deo Patre constitutum ad dexteram in cælestibus supra omnem Principatum, &c. & omne nomen quod nominatur non solum in hoc seculo, sed etiam in futuro. Et Coloss. 1. ubi sit ipse in omnibus tenens principatum, quia in ipso placuit omnem plenitudinem habitare. Ratio est, quia ipse est filius Dei naturalis, reliqui sunt adoptiui: ergo illi data est perfectior hæreditas, hinc Hebr. 1. dicitur, *Tanto melior Angelis effectus quanto differentius præ illis nomen hæreditatis.*

Dices, quisquis rem aliquam intelligit aliter quàm illa est, fallitur, ergo non potest quicquam intelligi nisi quomodo est, & consequenter non potest intellectus animæ Christi videre creaturas in Verbo perfectiùs quàm alia anima aut Angelus.

Respondeo Antecedens esse verum quando aliquis intelligit rem aliquam aliter esse quàm sit, non autem si intelligat aliter, id est sub alio modo intelligendi quàm sit modus obiecti, potest enim obiectum infinitum intelligi per intellectionem finitam; vnde Scotus vult obiectum essentiz diuinæ videri ab intellectu creato sub ratione infinitatis; nam nihil nisi sub ratione infinita formaliter, potest quietare intellectum, ita quod si infinitas videretur tantum concomitanter, non plus quietaret potentiam intellectuam obiectum infinitum quàm aliud, sic enim sibi accideret infinitas ut comparatur ad potentiam intelligentem.

Dices; si essentia vel Verbum videtur sub ratione infiniti, ergo comprehenditur.

Respondeo negando, quia solus ille intellectus comprehendit aliquod intelligibile, cuius est tanta perfectio in intellectualitate, quanta est perfectio obiecti in intelligibilitate, ita quod neutrum est excedens respectu alterius: nullus autem intellectus creatus potest tantam intellectualitatem habere, neque in actu primo neque in actu secundo quanta est intelligibilitas Dei ut obiecti, imò est excessus in infinitum, imò cognoscens vnam effectum in Verbo non comprehendit illum, nec Verbum ut est causa eius: Ergo quoscumque effectus nouerit in Verbo non comprehendit illud ut est causa eorum, nec ipsos effectus comprehendet. Secunda pars ex eo constat, quod vniuersim SS. Patres asserunt nullum intellectum creatum posse essentiam diuinam comprehendere, hac potissimum ratione data quod Deus sit infinitis modis cognoscibilis, proin

Ratio germana cur Deus non potest comprehendi ab intellectu creato.

proindeque infinitam in potentia virtutem exigit, qua perfectè, omnimodè seu comprehensivè cognoscatur. Sed anima Christi tametsi assumpta à Verbo semper in se est creatura, ergo ut agit ex se per scientiam beatam distinctam à scientia Verbi, se vera non potest comprehendere diuinam essentiam. Audiatur Augustinus q. 24. libri 83. Quòd se comprehendit, finitum est sibi, sed essentia diuina non est finita in comparatione ad animam Christi cum in infinitum eam excedat; ergo anima Christi non comprehendit Verbum siue diuinam essentiam.

QVÆRIS, An Christus per beatam scientiam nouerit omnia in Verbo.

Resolutio supponit communem Theologorum scientiæ Dei distinctionem, visionis scilicet & simplicis intelligentiæ, illa habet pro obiecto omnia existentia actu & futura, vnde visionis dicitur, illa refertur ad possibilis seu ea quæ eminenter sunt in Deo, quæ Deus ipse per scientiam simplicis intelligentiæ nouit.

Dicendum ergo Christum Dominum per illam scientiam beatam cognouisse omnia quæcumque actu sunt, fuerunt vel futura sunt, ac proinde omnes Angelos & singulos homines, ac singulas cuiusque actiones, cogitationes, volitiones cum omnibus circumstantiis, necnon & quæcumque sunt in potentia creaturæ, ita S. Thomas q. 10. art. 2.

Quod probat ex eo quod vnusquisque beatus in essentia diuinâ clarè visâ cognoscat omnia quæ ad ipsum spectant: ad Christum autem & ad dignitatem eius quodammodò spectant omnia, in quantum omnia sunt ei subiecta & præterea, quia in quantum homo constitutus est à Deo omnium iudex; est autem iudicis proprium ea cognoscere de quibus debet ferre iudicium. Suffragatur Scriptura Ioan. 2. *Ipsa enim sciebat quid esset in homine.* Quod etsi possit intelligi de scientia eius diuinâ, nihil verat exponi de scientia quam anima Christi habet in Verbo. Luc. 10. *Si in Tyro & Sidone facta essent virtutes quæ in te facta sunt iam diu in cilicio & cinere paenitentiam egissent.*

Dices, si Christus vidit totale obiectum scientiæ visionis Dei, ergo vidit infinitas cogitationes Angelorum & hominum; ergo se vera vidit infinita. Negat Caietanus consequentiam, vultque Christum videre tantum omnia præterita, præsentia & futura, scientiæ visionis Dei obiecta substantialia & accidentia permanentia, non tamen obiecta accidentalitè fluentia, ut sunt cogitationes hominum & Angelorum.

Nihilominus puto utramque consequentiam admittendam & quidem sine incommodo, licet enim illæ cogitationes secundum propriam durationem non sint actu, imò nec vnquam omnes sint futuræ actu, quia ad vltimum deueniri non potest, omnes tamen verè & realiter coexistunt æternitati diuinæ, quæ licet indiuisibilis, in hac tamq̃ indiuisibilitate est quidquid esset si per infinitos annos successivè duraret, & ita non est cur in æternitate non videantur ab anima Christi, cum sit Iudex & Rex, non tantum hominum & Angelorum, sed eorum omnium quæ ad ipsos spectant, & ab ipsis proficiuntur, cuiusmodi sunt illæ cogitationes,

Dices, Marc. 13. *De die autem illa nemo scit, neque filius hominis nisi Pater.*

Respondeo Christum multa sciuisse tanquam iudex, quæ tamen nesciebat tanquam præceptor Apostolorum: sic sciebat ut iudex diem iudicii, non tamen ut aliis reuelaret, sicut Confessarius qui scit aliquid sub sigillo potest dicere se nescire: nam hoc non scit cum potestate reuelandi aliis, non scit ut homo sed ut minister Dei. Ita exponunt Orig. Chrysost. Hieronym. August. Gregor. Beda, eodem sensu intelligitur id Ioan. 15. *Omnia quæcumque audiu a Patre meo nota feci vobis.* Vbi Christus loquitur non de omnibus simpliciter quæ audierat, sed de omnibus quæ debebat illis reuelare tanquam magister & præceptor, vnde cap. 16. ait: *Adhuc habeo multa vobis dicere, sed non potestis portare modo.* Atque & Eunomius intellexerunt hunc textum de scientia Verbi, quòd ponebant minus Patre quantum ad scientiam, sed errauerunt, quia per Verbum Dei omnia facta sunt, & inter ea ipsa etiam tempora, nihil autem ab ipso factum est quod ab eo ignoretur; dicitur ergo diem iudicii nescire, quia non facit scire: interrogatus enim Actor. 1. noluit reuelare, sicut è contrariò Genes. 22. *Nunc cognoui quod timeas Deum,* id est, nunc cognoscere te feci. Tum ex his, *nisi Pater,* datur intelligi quod filius cognoscit etiam ut homo: quia ut Chrysostomus argumentatur homil. 30 in Matth. Si Christo homini datum est ut sciat qualiter oporteat iudicare, quod maius est, multò magis datū est ei scire tempus iudicii quod est minus.

Scotus in 3. dist. 14. q. 1. ex honorabilitate & reuerentia animæ Christi, quam dignificare debemus quantum possumus, cum sit caput omnium hominum & Angelorum, & iudex, docet animam Christi videre in Verbo omnia habitualiter quæ sunt de obiecto scientiæ Dei, visionis vel ipsiusmet simplicis intelligentiæ, non tamen omnia videre simul in actu secundo, seu de facto, sed hæc vel illa pro arbitratu suo, vel prout Deus voluerit reuelare; Idque sic exponit quod intellectus Christi per actum quo videt Verbum, omnia relucens in Verbo seu essentia Dei sunt sibi præsentia in actu primo, & per hoc habitualiter cognita: nam generaliter loquendo illud dicitur habitualiter notum, cuius est actus primus sufficienter ostensiuus.

Quòd autem non videat omnia simul actualiter, probat, quia attentio circa plura obiecta est minus perfecta; ergo non constat potentiam finitam videre perfecta attentione infinita simul. Præterea si actualiter videret infinita, eius perfectio excederet in infinitum perfectionem alterius animæ beatæ.

Licet ergo Verbum ut voluntariè ostendens omnia, sit Christi animæ voluntariè præsens, ipsa tamen non potest omnia simul recipere, sed sigillatim quodlibet, & ita potest videre quodlibet de numero infinitorum. Quod si arguas quemlibet beatum sic posse omnia nosse, responderet quod Verbum est cuiuslibet beato speculum repræsentans determinata obiecta, ultra quæ non potest velle ordinatè alia videre, sed anima Christi est speculum repræsentans omnia, & ideo ipsa potest ordinatè velle videre omnia.

Dices,

Dices, hinc sequi visionem beatam variari, & consequenter Christum mox magis mox minus esse beatum; nam talis visio aut unica est aut diuersa, non primum, quia à diuersis obiectis visio est diuersa; non diuersa, quia tunc beatitudo esset discontinuata, quod absurdum est.

Respondeo specificationem beatitudinis desumi ab obiecto primo, quod est essentia Dei quæ semper videtur: secundò dico creaturas non videri per vim visionis essentia, sed per reuelationem, nec inconueniens est ponere plures actus, cum vnus eliciatur, is quo intellectus creatus Deum intelligit: alter verò infundatur cuius tantum receptiuus est intellectus.

QVÆRES, An anima Christi potuerit formaliter intelligere per actualem cognitionem increatam Verbi.

Affirmavit Hugo Victor. in lib. de sapientia animæ Christi, dicens animam eius esse sapientem per scientiam increatam quæ ipsi substantialiter sit communicata per vnionem, vnde infert animam Christi omnia scire quæ Deus scit non tamen esse ita sapientem & scientem sicuti Deus, quia hoc interest quòd Deus habeat illam sapientiam ex se & ex natura sua, anima Christi per gratiam, vnde vltius sit vt Deus non tantum sapiat per increatam sapientiam, sed sit ipsa sapientia increata, quod non est anima Christi: Probatur hoc primò, quia non implicat contradictionem, 2. quia essentia diuina tam verè ac formaliter est actus intelligendi quàm verè & formaliter est obiectum intelligibile: ergo sicut per seipsam potest esse obiectum respectu intellectus creati, ita etiam per seipsam potest esse actus intelligendi. Tertio, quia anima Christi subsistere potuit & sanctificari per vnionem cum Verbo, ergo etiam potuit intelligere; nam si persona Verbi potest per seipsam supplere actum subsistendi, cur non actum intelligendi?

Resolutio est negatiua, ita S. Thomas q. 9. ad primum, & scholastici in 3. & colligitur ex epistola Agatonis Papæ in sexta Synodo, vbi probat in Christo non posse esse vnā operationem vtriusque naturæ, quia impossibile est propriam operationem fieri alterius. Idem docet Ambros. lib. de fide cap. 4. Damasc. lib. 3. cap. 13. S. Leo epistola 10. ad Flavian. Ratio duplex est, quia intellectio est actus vitalis respectu intelligentis (vel en m est ipsa substantialis vita intelligentis per modum actionis significata vt in Deo, vel est vera actio vitaliter procedens ab intelligente, vt in nobis; ergo est impossibile animam Christi intelligere per intellectionem increatam, quia increata intellectio non est actio vitalis respectu animæ intelligentis, cum nec sit substantialis vita animæ, nec actio vitalis pendens ab anima.

Alterà, quia falsum est sapientiam Dei increatam, quæ est communis tribus personis substantialiter & immediate, esse communicatam animæ Christi. Sola substantia Verbi communicata est ei immediate.

Hinc patet responsio ad primum: nam implicat sapientiam increatam esse immediate & substantialiter communicatam animæ Christi & animam eius intelligere formaliter per eam.

Ad secundum negatur consequentia, quia non est simile de obiecto intelligibili & intellectione, ista enim debet esse actio vitalis ipsius intelligentis, & non est necesse vt obiectum intelligibile sit aliquid vitale respectu intelligentis: Itaque anima Christi potest intelligere obiectum creatum, non tamen potest intelligere per intellectionem increatam.

Ad tertium, negatur consequentia propter eandem rationem, non enim est necesse vt substantia, aut sanctificatio sit vitalis respectu animæ intelligentis; vnde D. Thomas rectè dicit quod actus quo Christus nouit omnia operatione increata, quæ est ipsamet Dei essentia, non potest esse animæ Christi, cum ipsa sit alterius naturæ à Verbo ipso seu essentia Dei, si enim in anima Christi non fuisset alia scientia præter diuinam, nihil sciisset & ita frustra fuisset assumpta, cum omnis res sit propter suam naturalem operationem.

QVÆSTIO VII.

De scientia indita vel infusa animæ Christi.

Cum decuerit animam Christi Verbo Dei vnitam, omnino perfectam esse, per hoc quod omnis eius potentialitas sit reducta ad actum, Doctores agnoscunt in Christo scientiam infusam, quæ habetur per species infusas.

Probatur primò ex Scriptura, Ioan. 7. *Mirabantur Iudei quomodo hic litteras scit cum non didiceris.* Coloss. 2. *In quo, Christo scilicet, sunt omnes thesauri sapientia & scientia absconditi.* Hebr. 10. *Ideo ingrediens in mundum dixit, hostiam & oblationem nolui, tunc dixi, ecce ego venio.* Vbi Paulus docet Christum in primo ingressu in mundum siue in instanti conceptionis cognouisse Deum non placari humano generi per mosaica sacrificia, sed per cruentam ipsius mortem & ipsum hanc Dei voluntatem acceptasse, ac se in spontaneum sacrificium obtulisse. Ilai 11. *Requiesces super eum spiritus Domini, spiritus sapientia & intellectus, spiritus consilij & fortitudinis, spiritus scientia & pietatis* sub quibus comprehenduntur omnia cognoscibilia: nam ad sapientiam pertinet cognitio omnium diuinorum; ad intellectum autem cognitio omnium immaterialium: ad scientiam autem pertinet cognitio omnium conclusionum: ad consilium autem cognitio omnium agibilium.

Probatur ex SS. Patribus, Dionys. cap. 7. *cæl. hierarch. Supremi Angeli ad ipsum Iesum quæstionem faciunt, diuinique illum operis & pro nobis assumpta carnis scientiam discunt, & eos ipse Iesus sine medio docet.* Inde concluditur quod per infusam scientiam doceat Angelos. August. super Genl. 4. dicit, quòd simul stant cognitio in Verbo & cognitio in proprio genere; idque Scotus & S. Bonauentura referunt ad statuendam hanc in Christo scientiam. Damascenus lib. 3. de fide cap. 22. *Qui proficere dicunt Christum sapientia & gratia, et aditamentum sensus suscipientem non generantur vnionem quæ est secundum hypostasin, quòd relative dictum est ad infusam (quæ omnia nouerat*

nouerat nec poterat addi eius cognitioni: nam quantum ad experimentalem scientiam, certum est quod *Iesus*, ut Luc. 2. habetur, *proficiebat sapientia & aetate apud Deum & homines*. Non proficiebat autem quantum ad infusam ab instanti Conceptionis.

Probatur ratione; Prima, nisi Christus habuisset scientiam infusam, caruisset aliquā perfectione qua beati Angeli sunt præditi: illi siquidem, ut docet S. August. lib. 11. ciuit. cap. 7. duplicem habent cognitionem de rebus, vnā quam vocant matutinam, id est, beatificam, alteram vespertinam, id est infusam & per proprias species: Ergo idem est de Christo dicendum.

Secunda, perfectio intellectus debet habere species rerum, cum ad eas sit in potentia: ergo decuit ut intellectus Christi nunquam illis caruerit; ergo congruum fuit ut eas ab instanti conceptionis habuerit, non quidem per acquisitionem ut patet: ergo per infusionem, quod est habere scientiam infusam. Sciti ratio in 3. distinct. 14. q. 3. hæc est, cum res supernaturales possint cognosci clarè & intuituè extra Verbum, non est negandum, quin eo modo cognoscerentur à Christo, cum hoc ad maiorem illius perfectionem conducat: At non per scientiam beatam, quia per hanc non cognoscuntur nisi in Verbo, nec per fidem, quia hæc non competebat Christo, & per eam res non cognoscuntur nisi obscure, nec per scientiam naturalem siue acquisitam, siue per accidentem infusam, quia hæc terminantur ad objecta naturalia: ergo per scientiam intrinsecè supernaturalem & infusam.

Dices, ad quid ista scientia infusa, cum supponatur beatifica, qua Christus omnia nouerat?

Respondeo fuisse ut non vno tantum modo cognosceret res, sed duplici: primò in Verbo per scientiam beatorum: secundò in proprio genere & per propriam speciem secundum scientiam infusam: quod autem necessaria fuerit, probatur faciliè in sententia eorum qui docent creaturas non videri in Deo vi visionis beatificæ, posito enim quod per beatam videret essentiam Dei, infundi debuit altera qua nosset mysteria creata & multa alia.

QUÆRES, Quid pro eius statueretur obiecto? seu quid Christus per eam nouerit?

Respondeo Christum sciuisse per hanc scientiam infusam, primò res omnes supernaturales creatas, (cum non sit potior ratio de vna quàm de altera,) v. g. ea quæ pertinent ad naturalem scientiam Angelorum, occultas cordium cogitationes; futura contingentia, ordinem naturæ, seu connexionem causarum naturalium, & earum effectus futuros, vel qui ordinariè fiunt, ex concursu causarum ut sunt eclipses Lunæ, defectus Solis, meteora. Quidquid etiam spectat ad salutem prædestinatorum & regimen Ecclesiæ: idque constat ex Scriptura. Ioan. 3. multa de oeconomia salutis aperit Nicodemo, *Quod scimus loquimur, & quod videmus testamur*. Ioan. 8. *Qua audiui ab eo*, Patre scilicet, *hec loquor in mundo*. Ratio id etiam innuit, quia ratione Officij Mediatoris & Iudicis & Capituli Angelorum & hominum debuit ea *Carriero in Professionem Fidei.*

scire quæ ex eo dependent, tum nulla est ratio cur scientia infusa Christo fuerit minor quàm Angelorum, spectata dignitate Verbi quod cum anima eius erat hypostaticè vnitum. De cogitationibus hominum non est dubium, cum Matth. 12. dicatur, & Luc. 6. *ipse sciebat cogitationes eorum*. D. Thomas q. 11. art. 1. docet, quod Christus per hanc scientiam necessariò omnia cognouerit, excepta diuina essentia, quam per beatificam tantum nouit, scilicet quidditati, quia quoad quæstionem, an Trinitas sit, non est dubium quod vel per reuelationem aut abstractiuè sciuit; nam mysteria fidei quæ plenè sciebat, dicunt immediatè & intrinsecè ordinem ad Deum ut trinum, consequenter per illa trinum & vnum Deum nouit; vnde potuit concludere verum ac infallibile esse quod Deus sit trinus, aliàs ut viator non potuisset rogare patrem suum, nec consequenter amare, quod valdè absurdum est, cum nos per fidem habeamus notitiam Trinitatis. Tum nouit assensum quem Christiani præbent rebus fidei, ex illo autem sic ratiocinari poterat Christus quidquid assensus fidei obscure repræsentat, necessariò verum esse debet, sed ille repræsentat obscure quidem, Deum esse Trinum, ergo hoc necessariò debet esse verum? Hæc conclusio euidenter infertur ex præmissis: Ergo qui infert conclusionem hanc nouit euidenter Trinitatem esse. Hinc excludenda videtur fides ab ipso Christo, quia euidenter & sine obscuritate nouit mysteria eius, & singulariter mysterium Incarnationis, ut sumitur pro ipsa vnione, nam creata est, licet ergo per hanc scientiam infusam non cognouerit quidditati Verbum, sat est quod ipsum esse plenè nouerit, ut vnionem eius cum sua natura humana hypostasi propria destituta plenè caperet.

QUÆRES, An in cognitione rerum huius scientia, conuersio ad phantasmata seu simulachra quadam materialia exigebatur?

Respondeo Christum vltimò fuisse hac scientia infusa sine conuersione ad phantasmata, quia species erant per se infusæ, quæ à rebus non erant acceptæ, imò eis non potuit uti cum dependentia à phantasia; nam species illæ natura sua independentes erant ab ea, consequenter non indigebant eius concursu. Tum antequam fuissent illa phantasmata in phantasia, Christus per hanc scientiam cognoscebat res, nempe ab initio in quo perfectum creditur habuisse rationis vltim.

Negandum tamen non est de rebus materialibus quarum Christus habebat phantasmata, potuisse ipsum cognoscere sese ad illa conuertendo, sed non fuit necessarium, nec de rebus immaterialibus id vnquam contigisse, sed eas semper absolutè & prout in se sunt apprehendisse.

Dices, Anima Christi est eiusdem naturæ cum animabus nostris; alioquin ipse non esset eiusdem speciei nobiscum contra Articulum, *Et homo factus est*, & multa loca Scripturæ, ut Philippen. 2. Sed Anima nostra non potest intelligere nisi conuertendo se ad phantasmata: Ergo neque anima Christi.

Respondeo quod licet anima Christi fuerit eiusdem naturæ cum nostris, habuit tamen *T e aliquem*

aliquem statum quem animæ nostræ non habent nunc effectiue, sed solum in spe, scilicet statum comprehensoris. Christus enim fuit simul viator & comprehensor, conditiones viatoris habuit maxime ex parte corporis in quantum fuit passibile: comprehensoris autem maxime ex parte animæ intellectiue: Est autem hæc conditio animæ comprehensoris, ut nullo modo subdatur suo corpori, aut ab eo dependeat, sed totaliter ei dominetur, idcirco licet in via debet conuerti ad phantasmata ut obligata corpori, ut ab eo dependens, tamen post resurrectionem poterit intelligere absque conuersione ad phantasmata, idque in via datum est animæ Christi uti comprehensoris.

Nota scientiam Christi infusam includere, præter species inditas obiectorum, habitum luminis infusi quo intellectus Christi iuuatur ad usum illarum specierum, & sit intrinsecè potens ad obiecta intelligenda; ita D. Thom. Suarez, disp. 29. Ratio est, quia intellectus humanus per solam vim naturalem non est sufficiens intelligere obiecta supernaturalia, occultas cogitationes & futura contingentia; ergo debet iuari per aliquod lumen supernaturale seu habitum; illa enim duo requiri ad intellectionem in quauis scientia seu cognitione supernaturali patet.

An autem istud lumen sit distinctum à lumine gloriæ, crediderim, quia lumen gloriæ respicit essentiam diuinam tanquam obiectum suum adæquatum, & ad eam solam intuitiue videndam ordinatur ex natura sua. Tum Christus non poterat à scientia beata cessare, poterat autem cessare uti viator & liber in actibus humanis, ab actu scientiæ infusæ.

Potuit autem & sine interruptione uti scientia infusa, & esse in actuali exercitio eius si voluisset, quia ut ait D. Thom. q. 11. art. 5. non poterat impediri per visionem beatificam, nec per phantasmata aut infirmitatem corporis, cum infusa scientia non dependeat à sensibus corporeis.

An autem actualiter ea semper usus sit, & an omnia, vel aliqua tantum obiecta considerauerit, & si aliqua, quomodo se ad actum considerandi reliqua reduxerit nihil certi habetur. Vide Suarez disput. 28. placet tamen conclusio art. 5. D. Thomæ, quod ista scientia Christi fuerit in genere habitus, quia vniuersalem facit scientiæ nostræ, ea ergo uti potuit quando voluit; nam hic modus connaturalis est animæ humanæ, ut quandoque sit intelligens actu quandoque in potentia, medium autem inter puram potentiam & actum completum est habitus: lat enim fuit Christo esse semper in actu scientia beata, quæ ipsi ut comprehensori competeat. Hic habitus multiplex statuitur secundum varia scibilium genera, dic si velis, distinctas scibilium species: vnam enim plurium obiectorum representatiuam dari vix crediderim, ad diuersitatem istam referri potest quod Zachar. 3. de Christo legitur, *Super lapidem vnam sunt septem oculi*. D. Thom. per oculum scientiam, vel habitum, vel speciem si velis, intelligit; numerusque determinatus pro indeterminato hic stat.

Quæres, An Christus per hanc scientiam cognouerit res sine discursu.

D. Thomas docet aliquam scientiam posse

esse discursiuam vel collatiuam dupliciter, vno modo quantum ad scientiæ acquisitionem, sicut accidit in nobis qui procedimus ad cognoscendum vnum per aliud, sicut effectus per causas, vel è conuerso, sicque negat scientiam Christi discursiuam fuisse, nam indita ei fuit & non acquisita per rationis investigationem. Alio modo quantum ad usum: sicut interdum scientes concludunt effectus ex causis, non ut de nouo addiscant, sed volentes uti scientia quam habent, sicque poterat Christus vnum ex alio concludere, ut Matth. 17. cum quæsiuisset à Petro, *A quibus Rega terra acciperent tributum*, ac respondisset, *ab alienis*, concludit, *ergo liberi sunt filij*.

Sootus distinguit cognitionem in abstractiuam & intuitiuam, vtriusque admittit inditas Christo species quæ representarent animæ eius quidditates rerum vniuersalium aut singularium. Hoc autem concessio non stat discursus verus qui consistit in cognitione vnius, & ex eo cognito postea aliud inferre. Ratio est, quia lumen aut species inditæ intellectui Christi, non minus efficaces & vniuersales erant quàm species Angelicæ; scientia enim eius se habuit per modum comprehensorum ut sunt Angeli: ergo non minus Christus per illam scientiam poterat cognoscere effectum in causa & causam in effectu sine discursu quàm Angelus, qui ut habet Dionys. cap. 7. de diu. nom. non discursit; adde dictum Damasceni lib. 3. de fide cap. 14. *In Christo non dicimus consilium*, seu consultatio quæ est cum dubitatione, *neque electionem*, quæ essentialiter includit consilium. Nec obest exemplum D. Thomæ, quod & de Angelis potissimè malis proponi potest, qui visis quibusdam Christi operibus credebant statim esse Deum, aliis inspectis intelligebant hominem. Hoc enim non arguit proprium discursum, quia non ex vi prioris cognitionis & responsionis Petri cognoscebat conclusionem, sed in ipsa cognitione responsionis.

Ad summum inferri potest Christum cognouisse vnum ante aliud & alterum postea quod conuenit etiam Angelis & non est discursus: non verò vnum ex alio, quod ad discursum pertinere dixi.

QVÆSTIO VIII.

De scientia animæ Christi acquisita.

Hanc extitisse in Christo comprobatur satis conuenientia animæ & corporis, & conuersione eius cum hominibus, ordine tamen solito hanc demonstro.

Probatum primò ex Scriptura, Isai 7. *Antequam scias puer vocare patrem & matrem*, quod tanquam de Christo prædictum Patres omnes interpretantur. Luc. 2. *Prosciebat puer etate & sapientia coram Deo & hominibus*. Et Hebr. 5. *Cum esset filius Dei didicit ex iis quæ passus est obedientiam*.

Probatum ex SS. Patribus, Agatonè Papa Epistola ad Constantin. Imp. & Conc. sextum. duas lesu Christi naturas prædicamus, diuinam scilicet & humanam. Et vnamquamque eius naturam

naturam proprietate naturalem habere cōfitemur, & duas naturales operationes, hoc specialiter intimauit Pontifex, vt doceret voluntate duplicem esse in Christo, & humanā suas proprias habere operationes. Id autem non minus concludit de operatione propria intellectus eius humani, qui proficit per actiones sensuum externorum. Ambros. lib. de Incarn. cap. 7. dicit, *Quod Christus proficiebat secundum sapientiam humanam.* Certum est autem quod illa acquiritur lumine intellectus agentis.

Probatur ratione S. Thomæ art. 4. nihil eorum quæ per se competunt nostre naturæ defuit humanitati à Verbo diuino assumptæ. Atqui naturæ humanæ per se competit in ipsâ rationali animâ intellectus agens sicut & patiens seu possibilis, vt diximus in tract. de anima. Ergo Christus assumpsit animam intellectu tum possibili tum agente præditam. Atqui frustra Christus assumpsisset intellectum agentem, nisi per ipsum aliquid operatus fuisset: operatio autem propria intellectus agentis est species à phantasmatis abstrahere, & sic cognitionem & scientiam per illas species sic abstractas comparare, quæ scientia dicitur acquisita. Vnde sequitur scientiam illam acquisitam fuisse in Christo, quæ & experimentalis dicitur, quando res quæ experiebatur cognoscebat, siue scientiam rerum per proprias causas, siue alios habitus, sapientiam, prudentiam, & artem: Nam hæc omnes cognitiones sub nomine scientiæ acquisite intelliguntur.

Potest enim scientia acquisita sit duplex, vna quæ acquiritur proprio Marte & inuentione, & vocatur experimentalis; alia quæ comparatur disciplina & docentis ope; primi generis stabilita scientia dubitari solet, an & secundi admittenda; id est, an verè Christus ab alio homine vel Angelo didicerit?

Respondeo non esse dicendum quod propriè & simpliciter Christus didicerit ab aliquo: quia iam antea omnia sciebat per scientiam infusam: aliquo tamen modo potuisse discere ab Angelo vel homine, seu nouo modo, quatenus ex ore eorum hauriebat species per quas, noua illa scientia, scilicet acquisita, cognoscebat res per infusam iam notas. Nec hoc magis incommodum est quàm didicisse ex aliis occurrentiis rerum, ex quibus nata est scientia experimentalis, sicque quod habet Luc. 2. explicabitur literaliter, & non tantum vt dicit S. Thomas, quod Christus proficeret sapientia, quia per ætatem, maiorem scientiam demonstrabat opera plura, & maiora faciendo successu temporis, perfectio & semper æquali in Christo, remanente habitu scientiæ naturalis. Si enim profectus non fuit realis, cur exprimit Lucas coram Deo qui apparentias non considerat.

Dices, Christus ex iis quæ expertus est imperfectum scientiæ habitum comparasse dicendum est, sicque non omnia imò pauca sciuisse inferetur.

Respondent quidam, Angelos attulisse ad Christum species, aut ei applicasse obiecta sensibilia omnis generis vt rerum omnium naturas haberet perspectas. Alij dicunt ex iis re-

Carriere in Professionem Fidei.

bus quas expertus erat deuenisse in omnium notitiam; visa, v.g. vna aue, aut aliquo vegetabili, cognouisse mox cuiuslibet speciei proprietates ex singulari quo pollebat acumine ingenij.

Respondeo ex D. Thoma art. 2. ad secundum, quod scientia hæc in Christo semper perfecta fuit secundum tempus, licet non fuerit perfecta simpliciter & secundum naturam, & ideo potuit habere augmentum.

Dices? contra conclusionem, Intellectus Christi erat consignatus infusis rerum omnium speciebus: ergo alia extra & phantasmatis per actionem intellectus agentis inutiliter ponuntur.

Respondeo negando consequentiam, acquisite enim inseruebant Christo, vt res cognosceret modo proprio & connaturali naturæ humanæ: sicut per infusas cognoscebat connaturaliter naturæ Angelicæ, & per beatam connaturaliter diuinæ: vt enim scientia beata connaturalis est Deo, & infusa Angelo, sic acquisita seu scientia rationalis quæ includit discursum & illationem à notis ad ignota, connaturalis est homini pro hoc statu.

Q V Æ S T I O IX.

De Voluntate humana Christi.

Supponimus in Christo Domino fuisse non solum diuinam, sed etiam humanam voluntatem: siue nomen voluntatis sumatur pro facultate volendi, siue pro ipso actu volendi. Est de fide.

Probatur ex Scriptura, Matth. 26. *Non sicut ego volo, sed sicut tu.* Luc. 22. *Non mea sed tua fiat voluntas.* Ioan. 5. *Non quero voluntatem meam, sed eius qui misit me.* Quæ testimonia, licet intelligi possint de appetitu sensitivo, de voluntate tamen rationali non repugnante diuinæ voluntati aut rationi sed obiecto, seu morti optimè explicari possunt.

Probatur ex definitione Concil. VI. generalisatione 4. & 8. & ex Epistola Agatonis Papæ ibidem lecta & recepta. *Iuxta*, inquit, *quod olim Propheta de Christo, & ipse nos erudit, & Sanctorum Patrum nobis tradidit symbolum, duas naturales voluntates in eo, & duas naturales operationes predicamus.* Et ex Concil. Lateranensi sub Martino I. consultatione 5. Ambrosio lib. 2. de fide ad Gratianum Imperatorem super illud Luc. 22. *Sicut suscepit voluntatem meam, suscepit tristitiam meam.* Et lib. 10. *Voluntatem suam ad hominem retulit. Patris ad diuinitatem: voluntas enim hominis est temporalis, voluntas diuinitatis aterna.*

Probatur ipsamet ratione quam attuli supra de intellectu; nam constat quod in Christo Domino fuit integra natura humana & perfecta. Ad perfectionem autem & integritatem humanæ naturæ pertinet voluntas, quæ est naturalis eius potentia sicut & intellectus. Vnde necesse est dicere quod filius Dei humanam voluntatem assumpserit cum humana natura. Per assumptionem autem humanæ naturæ nullam diminutionem passus est filius Dei in

his quæ pertinent ad naturam diuinam, cui competit voluntatem habere, ut in tractatu de Deo ostensum est. Vnde necesse est dicere, quod in Christo sint duæ voluntates, vna scilicet diuina, & alia humana.

Dices, voluntas facit volentem: Ergo vbi plures voluntates, ibi sunt & plures volentes. Sed Christus est vnus volens; ergo in eo vnica voluntas.

Respondeo concreta non numerari, vel plurificari, plurificatis abstractis, nisi tam forma quam suppositum plurificentur. & quia ibi est vnum suppositum, ideo est vnum volens.

Dices, voluntas est primum mouens & imperans in vnoquoque volente: sed in Christo primum mouens & imperans fuit voluntas diuina: quia omnia humana in Christo mouebantur secundum voluntatem diuinam. Ergo videtur quod in Christo non fuerit nisi vna voluntas, scilicet diuina.

Respondet Sanctus Thomas, quod quicquid fuit in humana natura Christi, mouebatur nunc voluntatis diuinæ, non tamen sequitur quod in eo non fuerit motus proprius naturæ humanæ, quia etiam aliorum Sanctorum præ voluntates mouentur secundum voluntatem Dei, qui ut Philipp. 2. dicitur, *Operatur in eis velle & perficere*. Proprium enim Dei est, voluntatem mouere ipsam in volente causando, & obiectiue interius efficaciter illam inclinando; nam cum velle nihil sit aliud quam inclinatio quædam in obiectum voluntatis, quod est bonum vniuersale, & solus Deus sit ipsum, efficacius sine dubio mouebit quam quodlibet particulare seu creatum bonum. Sic & Deus vti primum intelligens & primum ens mouet intellectum creatum.

Dices, instrumentum non mouetur propria voluntate sed mouentis, sed natura humana in Christo fuit ut instrumentum diuinitatis eius. Ergo mouebatur voluntate diuina non autem humana.

Respond. o proprium esse instrumenti, quod a principali moueatur agente, diuersimode tamen secundum proprietatem naturæ eius: inanimatum ut malleus aut ferra, mouetur ab artifice per motum corporalem. Animatum autem anima rationali, mouetur per voluntatem eius, sicut per imperium Domini mouetur seruus ad aliquid agendum, qui quidem seruus est sicut instrumentum animatum. Sic ergo natura humana in Christo fuit diuinitatis instrumentum, ut moueretur per propriam voluntatem, æquæ dominam suorum actuum sicut voluntates aliorum hominum, nam Verbum ex vniione hypostatica, nullam specialem causalitatem habet super actum, voluntatis creatæ in Christo, quàm non habeat tota Trinitas; ideo voluntas creata non priuatur dominio sui actus, plus propter vniionem, quàm si non esset vnita Verbo.

QUÆRES, An fuerit in Christo aliqua voluntas sensualitatis præter rationis voluntatem.

Respondeo quod sicut filius Dei assumpsit naturam humanam cum omnibus quæ pertinent ad perfectionem seu integritatem eius: In humana autem natura includitur etiam natura animalis, sicut in specie includitur genus. Oportet quod filius Dei assumpserit ea quæ sunt de natura animalis, inter quæ est appetitus sensitivus, qui sensualitas dicitur, quæ in quantum nata est, obedire rationi dicitur, quandoque rationale per participationem, ut patet per Aristot. 1. Ethic. cap. vii. & quia voluntas est in ratione, hinc sensualitas potest dici quod sit voluntas per participationem.

Dices, in lib. 3 de Anima text. 42. Voluntas est in ratione, in sensitivo autem appetitu est irascibilis & concupiscibilis: sed sensualitas significat appetitum sensitivum. Ergo non fuit in Christo voluntas sensualitatis.

Respondeo verum esse quod voluntas essentialiter dicta, est tantum in parte intellectiua, sed voluntas participatiue dicta potest esse in parte sensitiva in quantum obedit rationi.

Nota quod voluntas est appetitus quidam rationalis, omnis autem appetitus non est nisi boni, cuius ratio est, quia appetitus nihil aliud est quàm quædam inclinatio appetentis in aliquid, nihil autem inclinatur nisi in aliquid simile & conueniens: Cum ergo omnis res in quantum est ens & substantia sit quoddam bonum, necesse est ut omnis inclinatio sit in bonum; & inde est quod Philosophus 1. Ethic. dicit, quod *Bonum est quod omnia appetunt*; sed considerandum est, quod cum inclinatio consequatur aliquam formam, Appetitus naturalis consequitur formam in natura existentem, Sensitivus autem vel etiam intellectivus seu rationalis qui dicitur voluntas, sequitur formam apprehensam; intellectus enim mouet voluntatem. si non quoad exercitium actus, certe quoad specificationem, voluntas verò mouet omnes potentias quoad exercitium actus: sicut igitur id in quod tendit appetitus naturalis est bonum existens in re, ita id in quod tendit appetitus animalis, vel voluntarius est bonum apprehensum.

Ad hoc igitur quod voluntas in aliquid tendat, non requiritur quod sit bonum in rei veritate, sed quod apprehendatur in ratione boni; & ideo Aristot. 1. physic. text. 31. dicit, quod finis est bonum verum vel apparens. Cum ergo id quod apprehenditur sub ratione boni & conuenientis, moueat voluntatem per modum obiecti, certe dicendum est quod sensualitas potuit mouere voluntatem Christi; Obiectum autem appetitus naturalis, imò & sensualitatis est commodum; sed quia rationi sensus natus est obedire, ideo Christus rationi & voluntati diuinæ conformabat appetitum istum.

QUÆRES, An in Christo fuerint duæ voluntates humane quantum ad rationem.

Sanctus Thomas quæst. 18. artic. 3. concludit voluntatem, ut est potentia animæ vnitam esse in Christo, si essentialiter

ter & non participatiue sumatur : si autem est questio de voluntate sumpta pro actu, seu quæ est actus, sic distinguitur in homine & in Christo voluntas, quæ est vt natura, quam Damascenus thelism vocat seu simplicem voluntatem, & voluntas, quæ est vt ratio seu voluntas rationalis, & bulism dicit, seu conciliatiuam. Et sic oportet ponere in Christo ex parte rationis duas voluntates, id est duas species actuum voluntatis. Voluntas enim est & finis & eorum quæ sunt ad finem, & alio modo fertur in vtrumque : nam in finem fertur simpliciter & absolute sicut in id quod est secundum se bonum, in id autem quod est ad finem, fertur cum quadam comparatione secundum quod habet bonitatem in ordine ad aliud. Hæc diuersitas actus non diuersificat potentiam, quia vterque actus attenditur ad vnam communem rationem obiecti quod est bonum. Vnde ergo admittitur in Christo humana voluntas essentialiter dicta, voluntas autem participatiue quæ est actus distinguitur in eam quæ est vt natura, & in eam quæ est vt ratio, quæ dicitur bulism.

QVÆRES, Vtrum Portio superior sit distincta ab inferiori.

Ratio superior
& inferior nō
sunt dua po-
tentia distin-
ctæ.

Respondet questum istud spectare magis ad intellectum qui mouet per modum obiecti voluntatem, quam ad ipsammet. Dico ex Scoto & Sancto Thoma, quod ratio superior & inferior non sunt, nec possunt esse duæ potentia animæ, idē Augustinus lib. 11. de Trinitate cap. 13. scribit : *Animam in portione superiore & inferiore non nisi secundum officia geminamus.* dicit autem lib. 12. cap. 7. quod ratio superior est quæ intendit æternis conspiciendis aut consulendis, conspiciendis quidem secundum quod ea in se ipsis speculatur, consulendis verò secundum quod in eis accipit regulas agendorum. Ratio verò inferior dicitur ab Augustino quæ intendit temporalibus rebus : hæc autem duo æternum & temporale sic se habent, quod vnum potest accipi vt medium ad cognoscendum alterum; nam secundum viam inuentionis per res temporales deuenimus in cognitionem æternorum, vt ait Paulus Romanorum 1. *Inuisibilia Dei per ea quæ facta sunt intellecta conspiciuntur* : Secundum verò viam iudicii per æterna cognita iudicamus de temporalibus, & per rationes æternorum temporalia disponimus, & sensualitatem ipsam quæ definitur appetitus rerum ad corpus pertinentium, seu appetitus consequens apprehensionem sensuum, cohibemus ne præualeat contra rationem

& dictamen primæ
regulæ seu
Dei.

Definitio sensu-
ualitatis.

Q V Æ S T I O X.

An voluntas humana Christi libera fuerit in operando.

Gravissima est hæc questio cuius resolutio maxime facit ad stabilienda merita Christi, cum vna conditio actus meritorij statuatur quod sit liber, quia meritum est actus voluntatis vel elicitus vel imperatus.

Nota vulgatam diuisionem libertatis duplicis, à coactione & à necessitate : libertas naturalis hominis, de qua hic est questio consistere in eo dicitur, vt positus omnibus ad agendum prærequisitis homo semper maneat indifferens ad agendum vel non agendum : consequenter dicendum est, cum Christus Dominus naturam humanam omnibus suis facultatibus instructam assumpserit, proindeque voluntatem eiusdem conditionis cum cæteris hominibus, illius libertatem naturalem in eo sitam fuisse, quod ab omni non solum coactione, sed etiam necessitate fuerit exemptus; potueritque pro libito agere vel non agere, hoc vel illud agere. Quod tamen intelligendum est respectu actionum bonarum : libertas enim illa quæ in nobis est ad faciendum malum repudiato bono, in Christo non fuit propter impeccabilitatem eius, quod tamen non obstat quin verè & perfectè liber fuerit. Vt enim dicit Sanctus Thomas quest. 88 in 2.2. art. 4. velle malum non est libertas, nec pars libertatis, & non posse peccare non diminuit libertatem.

Probatur ergo voluntatem humanam Christi liberam fuisse, primò ex Scriptura, Isai 7. Propheta prædicit de Christo, *quod sciet reprobare malum & eligere bonum.* Atqui electio est actus propriæ libertatis, vt docet Sanctus Thomas 3. parte q. 18 art. 4. vbi hunc locum Isaiæ ad probationem huius veritatis adhibet. Item cap. 53. eiusdem Prophetæ dicitur de Christo quod *Oblatus est quia ipse voluit.* Et Ioann. 10. *Nemo tollit animam meam à me, sed ego pono eam à meipso, & potestatem habeo ponendi eam, & potestatem habeo iterum sumendi eam.*

Probatur ex Sanctis Patribus, Augustinus lib. 4. de Trinitate, cap. 14. *Qui potuit mori si vellent, procul dubio, quia voluit mortuum est.* Et tract. 110. in Ioannem. *Quis ita decreuit, quod & voluerit, sicut Christus mortuus est quando voluit? Quis ita vestem deponit quando voluit, sicut Iesus mortuus est quando voluit? quis ita cum voluerit obit, sicut cum voluerit obiit.*

Probatur ex Concilio generali V I. & Lateranensi, allegatis in superiori questione, quod enim propriæ operationes naturæ humanæ admittuntur in Christo, consequenter & modus naturalis eas eliciendi comprobatur.

Probatur rationibus, liberum arbitrium est singularis perfectio animæ humanæ : at in

T c 3 Christo

Christo non minus fuit perfecta natura humana quàm in nobis, sicut ergo nos habemus liberum arbitrium, ita & Christus. Tum Christus Dominus præsertim per obedientiam suam perfecit opus nostræ Redemptionis. Rom. 5. ubi Apostolus dicit per Christi obedientiam homines esse iustificatos; Atqui perfecta obedientia non potest esse sine voluntatis libertate, iuxta quod dicit S. August. epist. 146. *Nul- lam posse sine libero arbitrio esse obedientiam.* Unde sequitur Christi voluntatem fuisse perfectè liberam.

Addo tertio, libertas à necessitate necessaria est ad meritum, ut patet ex eo quòd Beati nihil amplius in patria mereantur, quòd non sint amplius à necessitate liberi: Sed Christus verè meruit, ut constet & infra explicabitur, ergo perfecta libertas fuit in Christo.

Dices, voluntas eius erat beata & confirmata in gratia; ergo non poterat non velle bonum.

Respondet Scotus dist. 18. quòd voluntati humanæ Christi ex fruitione & beatitudine ablata fuit libertas peccandi, quia fuit perfectissime unita Deo secundum affectionem iustitiæ, licet non secundum affectionem commodi. Ex affectione ergo iustitiæ fuit ei ablata libertas peccandi, quæ libertas non est libertas sed servitus, ut ait August. lib. de prædest. SS. cap. 15. ubi loquens de Christo habet hæc verba: *An ideo non in illo erat libera voluntas & non tantò magis erat quantò magis peccato servire non poterat?* Et alibi sæpè habet, quòd non idèd beati in patria non sunt dicendi non liberi & carere libero arbitrio, quia peccare non possunt, imò sunt magis liberi, quia non coguntur servire peccato. Tum Deus maxime habet liberum arbitrium, & tamen non potest peccare; imò dico libertatem arbitrij non requirere facultatem peccandi, quia libertas arbitrij est perfectio quæ tam in Deo & in homine, At peccare est deficere à perfectione, ergo libertas peccandi non pertinet ad perfectionem sed ad imperfectionem. Beatitudo ergo non aufert libertatem à voluntate animæ Christi nisi à peccato, ut etiam docet D. Thom. q. 18. art. 4. Cum enim obiicitur. Liberum arbitrium se habet ad utrumque, sed voluntas Christi determinata erat ad bonum. Respondet determinatam fuisse ad bonum, & tamen remansisse liberam quoad hoc vel illud bonum, ita quod potest hoc eligere & aliud relinquere. Intuper habuit libertatem quoad exercitium actus, circa illud bonum quod eligebat, quia poterat non eligere.

Instabis, Christus habuit speciale præceptum de morte subeunda pro hominibus, ut testantur verba eius Petro data Ioan. 18. *Calicem quem dedit mihi Pater non vis ut bibam illum?* Ergo non potuit non acceptare mortem, alioquin Patri non obediisset: ergo non liberè, sed necessariò mortem acceptavit; ergo hic actus non fuit liber. Quod tamen est falsum, tum quia in illo nobis maxime meruit, in iis autem quæ eveniunt necessariò non meremur neque demeremur, tum quia Scriptura dicit actum illum fuisse liberum. *Oblatus est quia ipse voluit; nemo tollit animam meam sed ego pono eam.* Eadem difficultas currit de præceptis

naturalibus & divinis, ad quæ Christus tenebatur sicut & alij homines; in his enim non videtur fuisse liber, quia ex necessitate suæ impeccabilitatis tenebatur ad observationem eorum.

Respondet Suarez, quòd stante præcepto de morte subeunda à Christo & observandis præceptis naturalibus, erat infallibile voluntatem Christi effecturam quòd præceptum erat; Et asserit fuisse impossibile suppositionem illam præcepti simul componi cum negatione talis actus. Negat tamen sequi ex hoc voluntatem illam Christi necessariò efficere vel efficisse talem actum; adducit rationem, quia ad hoc, ut tollatur libertas ex suppositione aliqua, non satis est ut suppositio præcedat voluntatis consensum, sed est necesse quod illa suppositio, vel id quòd per illam ponitur in esse, determinet aliquo efficaci & veluti physico modo ipsam voluntatem, quia nisi determinet hoc modo, non mutat connaturalem modum operandi voluntatis, qui cum sit liber semper operatur liberè.

In proposito autem præceptum istud est quid extrinsecum, neque determinat physice ipsam voluntatem, licet hoc posito infallibiliter obedientia sequatur, quia Deus illam voluntatem ita potest regere & excitare ut exequatur illud præceptum infallibiliter & liberè consentiat.

Communiter respondetur, Christum fuisse liberum ad hunc vel illum actum voluntatis eliciendum, sed tamen in communi fuisse determinatum ad observanda præcepta affirmativa & negativa, quamvis autem liber non fuerit ad hoc ratione suæ impeccabilitatis, liber tamen fuit ad illud observandum in specie & in individuo, ex tali ardore & intentione charitatis, vel ex motivo talis virtutis, v. g. religionis, obedientiæ, patientiæ, fortitudinis, & similibus.

Dices, ex hac doctrina sequitur Christum non fuisse operatum liberè circa præcepta, sub ea ratione qua sunt præcepta, sed sub alia ratione qua non erant præcepta, v. g. non liberè acceptasse mortem quæ erat in præcepto, sed liberè acceptasse propter hoc vel illud motuum quod non erat in præcepto, ac proinde Christum non meruisse obediendo, v. g. moriendo sed efficiendo opera bona, seu observando præcepta naturalia & moralia, eo modo quo non erant necessaria sub præcepto observandi ea ex tali vel tali motivo.

Respondet Becan. actum illum quo Christus acceptavit mortem, v. g. fuisse omninò liberum, tum quia præc. sit ex libero motivo, quia per alium poterat acceptare.

Ex hac doctrina sequitur, quòd si Christo fuisset impositum præceptum non tantum faciendi rem aliquam, sed etiam faciendi illam ex tali motivo, & per talem actum individuum, & in tali loco ac tempore, & cum omnibus aliis circumstantiis, futurum fuisse ut non operaretur liberè ac proinde nec meritorie. At consequens est absurdum, primò, quia nullom opas virtutis infusæ potest esse sine merito, quando operans est in statu merendi; secundo nec est ceterum quòd Christo non fuerit impositum præceptum operandi cum

cum omnibus circumstantiis cum quibus de facto operatus est.

Respondet Iesuita concedendo consequentiam, quod dato tali casu non operaretur liberè: Consequens autem non dicit absurdum, quia celi opus virtutis infusæ sit meritorium quando liberum est, non tamen quando non est liberum: patet in actu charitatis erga Deum qui in nobis meritorius est propter libertatem, qui in Christo non fuit meritorius propter oppositam necessitatem.

Scotistæ accuratius respondent, docentes ex quolibetali 16. duplicem esse libertatem, alia quæ stat cum necessitate & excludit contingentiam, alia quæ stat cum contingentia & excludit necessitatem. Multi putant idem esse liberè euenire & contingentem euenire, quod tamen falsum est, (accipiendo hos terminos in rigore,) nam Beati in patria liberè fruuntur Deo, & tamen non contingentem sed necessariò fruuntur.

Est ergo dicendum quodd duplex est status, scilicet Viatorum & Comprehenſorum. In statu viatorum est simul libertas & contingentia, idèò homines in hoc statu viæ quicquid volunt, non solum liberè id est non coactè volunt, sed liberè & contingentem, ita quod omninò possunt ponere in esse, & non ponere in esse actum peccati vel meriti. Sed pro alio statu quoad actum fruitionis, & actum bonum volunt illum quidem liberè, quia non coactè, sed tamen non volunt illum contingentem sed necessariò & infallibiliter: idèò in illis quoad illos actus non est contingentia, & illa necessitas pendet ab extrinſeco, scilicet à Deo, qui non permittit voluntatem illorum declinare ab illo actu bono ad malum.

Ad propositum voluntas animæ Christi erat beata, & perfecte coniuncta Deo quoad affectionem iustitiæ, id est confirmata in bono, idèò non poterat non exequi præcepta Dei, & sic necessariò illa exequabatur, tamen hæc necessitas non tollebat eius libertatem, sicut neque necessitas fruendi Deo, tollit libertatem à Beatis, quia voluntas illa semper retinet suum modum connaturalem agendi, qui est ut liberè feratur in obiectum, & ex pleno dominio eliciat actum suum.

At in actibus voluntatis nostræ in statu viæ est libertas, simul & contingentia, ita quod voluntas, non solum liberè id est non coactè eliciat actum meriti, v. g. liberè exequatur præceptum, sed etiam contingentem omninò, ita quod potest non elicere actum meriti; ratio autem est, quia non est confirmata in bono, nec coniuncta ultimo fini perfecte secundum affectionem iustitiæ.

In aliis verò actibus bonis qui non erant de præcepto, erat in Christo libertas utraque libertate, ita quod contingentem illos ponebat in esse, & poterat ponere & non ponere.

Dices, ergo alio modo meruit Christus quam nos.

Respondet verum esse, quia hoc requirebat excellentia mediatoris, nam decebat quod mediator non esset subditus peccato, quia venerat destruere peccatum: sufficit quod posset pati, & quod esset liber naturaliter & intrinſecè, & quod proinde ex pleno dominio pos-

set velle actus illos pœnales quibus merebatur.

Dices, quare ergo Beati in patria non merentur actibus suis sicut Christus.

Respondet Scotus, posset Deus acceptare actiones illorum pro merito, sed non decet, quia coniuncti sunt ultimo fini & quoad affectum iustitiæ & commodi, sed anima Christi licet esset coniuncta summo bono quoad affectum iustitiæ, quia erat confirmata in bono, non tamen erat coniuncta quoad commodum, quia multa patiebatur: idèò ratio exigebat quod actiones eius acceptarentur pro meritoriis, non autem actiones beatorum.

Scripturæ autoritates superius adductæ probant fuisse in Christo libertatem à coactione, quæ est vera libertas quoad actus præceptorum, quos ipse transgredi non poterat, quia erat impeccabilis. Non autem probant contingentiam stante præcepto, quia ex præcepto & ex impeccabilitate tollitur contingentia & fit determinatio ad alteram partem, quo verò ad alios actus bonos concludunt, & libertatem à coactione & contingentiam, quia Christus poterat ex illis eligere quos volebat, licet ex multis semper elegerit meliores.

Dices, voluntas Christi regebatur à Verbo, alioquin potuisset velle aliquid contrarium ipsi, quod est absurdum, quia tunc potuisset peccare, quod est impium: ille autem cuius voluntas subditur alterius imperio non est liber. Ergo videtur quod Christus non erat liber quoad voluntatem humanam.

Respondet Scotus quod verbum ex illa vnione nullam causalitatem specialem habuit super actum voluntatis humanæ in Christo quem non habeat tota Trinitas, idèò voluntas creata in Christo non priuatur dominio in suos actus, plus propter vnionem quam si non vniretur, idèò voluntas Christi se semper habebat sicut ceteræ voluntates creatæ quoad esse suum naturale. Quod autem voluntas humana subdatur diuinæ, non idèò amittit dominium sui actus; hoc enim voluntati creatæ conueniens est, primum enim dominium omnium est in Deo, vnde nec in Christo est ista prima libertas & dominium, sicut nec in quacunque voluntate creatæ; est tamen libertas quanta potest esse in creatura.

QVÆRES, An voluntas creata Christi semper fuerit conformis diuinæ.

S. Thomas statuit duplicem voluntatem humanam in Christo, scilicet voluntatem sensualitatis seu appetitus sensitivi, quæ participatiuè dicitur voluntas, & voluntas rationis siue consideretur per modum naturæ siue per modum rationis. Constat autem experientia communi quodd voluntas sensualitatis refugit naturaliter dolores & corporis lationem, similiter etiam voluntas aut natura repudiat ea quæ sunt contraria naturæ, & quæ sunt secundum se mala, puta mortem & alia huiusmodi; sed hæc tamen quandoque voluntas per modum rationis eligere potest ex ordine ad finem, sicut etiam in aliquo puro homine sensualitas eius, & etiam voluntas absolute considerata refugit vitionem, quam tamen voluntas se. ungum

secundum rationem eligit propter finem sanitatis. Voluntas autem Dei erat ut Christus passionem & mortem pateretur, non quod illa essent à Deo volita secundum se, sed ex ordine ad finem salutis humanæ, unde patet quod Christus secundum voluntatem sensualitatis cuius motus non excedit commodum corporale, nec se extendit usque ad voluntatem Dei, imò & secundum voluntatem rationis quæ consideratur per modum nature, aliud poterat velle quam Deus. Sed secundum voluntatem quæ est per modum rationis, semper idem volebat quod Deus. Quod patet ex hoc ipso quod dicit: *Non sicut ego volo, sed sicut tu.* Volebat enim secundum voluntatem rationis divinam impleri voluntatem, quamvis aliud se velle dicat secundum aliam simplicius voluntatem. Aique subtiliter magis quam solidè dicunt nullam fuisse contrarietatem nec voluntatis humanæ rationalis cum divina, nec appetitus etiam sensitivi, vel cum rationali vel divina voluntate, hæcque verba: *Si fieri potest, transeat a me calix iste*, fuisse dicta ex repugnantia appetitus non cum voluntate vel rationali, vel divina, sed cum obiecto, nimirum morte, quæ erat malum naturale appetitus sensitivi, & sic illud: *Non mea sed tua fiat voluntas*, non esse accipiendum de oppositione voluntatis ad voluntatem, sed de oppositione repugnantie ad obiectum, cum voluntate tamen iubeundi illud ex divina voluntate, quod declarari potest exemplo mercatoris, qui cum non possit saluus remanere nisi proiciat merces in mare, voluntarie iniicit, cum aliqua tamen repugnantia, non cum ratione quæ dicat proiciendas esse merces, sed cum obiecto, scilicet protectione.

Ita magnus mercator Christus videns non posse homines à mari peccati emergere nisi proiceret vitam suam, voluit absolute, non tamen sine repugnantia, cum obiecto scilicet protectione ut malà naturaliter, non autem cum rationali voluntate, aut divina. Quare dicendum simpliciter est voluntatem creatam Christi semper fuisse conformem Divinæ, nec villo pacto repugnantem.

Dices, ex supradictis in prima Responsione admittitur quædam voluntatum contrarietas. Ex secunda, repugnantia ad obiectum, v. g. ad mortem, & ex utraque consideratione orta est agonia Christi in horto, hæc autem importat compugnationem animi in contraria tendentis; ergo Christi voluntas non plenè conformis fuit cum voluntate divina, antequam satisfaciatur huic objectioni.

Nota primò in voluntate esse actus efficaces & inefficaces. Efficax is est, qui est principium operandi & movet ad executionem. Inefficax qui non est principium operandi, sed consistit in complacencia boni vel displicencia mali; prior actus est absolutus, posterior licet in se quoque sit absolutus, aliquando tamen habet annexam conditionem, prior actus explicatur per verbum: *Volo hoc facere vel omittere.* Posterior hac voce hoc bonum mihi placet, & vellem facere, si non esset impedimentum, item hoc malum mihi displicet, & vellem evitare, si honestè possem, uterque actus fuit in voluntate Christi, efficax quidem

quo voluit facere opera virtutum: obedire Patri, mortem suscipere. Inefficax quo displicuit ei mors ut malum nature: his positis;

Respondeo, voluntas Christi semper fuit conformis Deo, quia contrarietas est tantum inter voluntates efficaces, non autem inter unam efficacem & alteram inefficacem, licet ergo admittatur ex prima responsione noluisse mortem efficaciter quod per *nollem* exponitur, tamen voluit efficaciter obedire Patri, consequenter & mortem voluit.

Nota secundò, conformitatem ad alterius voluntatem posse esse materialem vel formalem, illa est quando ambo volunt eandem rem: ista quando non solum eandem rem volunt, sed etiam propter eandem rationem seu causam. Materialiter Christus semper fuit conformis Deo. Hoc expressè testatur ipse Ioann. 10. *Cibus meus est ut faciam voluntatem eius qui misit me.* Hebr. 9. *Eccè venio ut faciam Deum voluntatem tuam*: ratio sumitur ex duplici capite, primò, quia Christus sciebat voluntatem Dei præcipientis; secundò, quia erat impeccabilis, ergo quicquid Deus volebat illum velle hoc volebat efficaciter & absolute.

Quantum ad agoniam Christi. Respondet S. Thomas quod hæc non fuit quantum ad partem rationalem, ut importet concertationem voluntatum ex diversitate rationum procedentem puta cum aliquis secundum quod ratio considerat unum, vult hoc, & secundum quod considerat aliud vult contrarium; hoc enim contingit propter debilitatem rationis quæ non potest diiudicare quid sit simpliciter melius (quod in Christo non fuit) quia per rationem suam iudicabat, simpliciter esse melius quod per suam passionem impleretur voluntas Dei circa salutem generis humani: fuit tamen in agonia quantum ad partem sensitivam, secundum quod ipsa importat timorem infortunij imminentis, ex Damascen. lib. 3. cap. 18. & beneplacito voluntatis divinæ humane Christi voluntas motibus istis apprehensionis movebatur, ut Damascen. docet lib. 2. cap. 15.

QUÆRES, An Christi voluntas semper impleta fuerit.

Respondeo affirmatiuè, respectu eorum quæ per se efficere potuit, & eorum quæ absolute voluit; nam sic quicquid voluit, potuit; non enim conveniret sapientiæ eius, ut aliquid vellet per se facere quod suæ virtuti non subiaceret. Hinc August. q. 77. libri de quæst. vet. & novi testamenti scribit: *Impossibile est ut Salvatoris voluntas non impleatur, nec potest velle quod se fieri non debere.*

Respectu autem eorum quæ voluit fieri divina virtute, profectò cum eius voluntas humana divinæ esset conformis, voluit quod Deus volebat, & Deus voluit quod petebat ut opera miraculosa.

Respectu eorum quæ per alios facienda erant, contrarium accidit videtur; nam Matth. 9. & Marc. 7. *Cæci illuminati comminatus est Iesu, videte ne quis sciat; illi autem exeuntes diffamaverunt illum per totam terram.* Sed ut docet Gregorius 19. mor. cap. 18. hoc mysticè fecit: *Per hoc*, inquit, *quod Dominus præcepit tacere virtutes suas, servus suus se sequentibus exemplum dedit, ut ipsi virtutes suas occultare*

rare desiderant, & tamen ut alij eorum exemplo proficiant prodantur inuiti. Sic ergo præceptum illud designabat voluntatem ipsius qui humanam gloriam refugiebat, secundum illud Ioan. 8. *Ego gloriam meam non quero*. Volebat tamen absolute (præsertim secundum voluntatem diuinam) ut publicaretur miraculum factum propter aliorum vtilitatem.

Q V Æ S T I O XI.

De Perfectionibus datis voluntati seu de Gratia Christi.

EX tractatu de Gratia constat eam esse in voluntate, tanquam in proprio subiecto (saltem multi sic censent) idcirco de ea tanquam propria & peculiari voluntate hic agimus: eam in Christo fuisse nemo ausit dubitare; clarius enim est Scripturæ sacræ, Patrum, & rationis testimonium, quam ut vllum dubitationi locum relinquat.

Nomine gratiæ hic intelligitur gratia habitualis, quæ solet infundi à Deo pro sanctificatione hominis, id est, ut sanctus, iustus, & Deo gratus sit. Cum autem certum sit Christum Dominum, non solum secundum diuinitatem, sed etiam secundum humanitatem, fuisse Deo gratum & dilectum, (quod & testimonio cœtus missio, tum in eius Baptismo tum in Transfiguratione declaratum est,) ac proinde iustum & sanctum, ut sæpè in scripturis vocatur. Quæstio est, per quid humanitas eius fuerit formaliter sanctificata.

Resolutio communis Theologorum agnoscit gratiam habituales in Christi anima, imò & eius plenitudinem, infusam à primo conceptionis instanti.

Probat ex Scriptura, I. in 11. vbi de Christo dicitur, *Requiesce super eum spiritus Domini*. Quo loco per spiritum Domini gratiam habituales sanctificantem intelligi docet S. Thomas q. 7. art. 1. Ioan. 1. *Vidimus eum quasi unigenitum à Patre plenum gratia & veritate*. Probat ex cap. 10. Actuum, vbi S. Petrus dicit Christum fuisse vinctum, *Vos scitis quomodo unxit eum Deus spiritu sancto & virtute*. Quo loco per vnctionem S. August. lib. 15. de Trin. cap. 16. intelligit sanctificationem. Luc. 1. *Quod ex te nascetur sanctum*.

Probat ex SS. Patribus Athanasio serm. 2. contra Arrianos, vbi de Christo sic loquitur: *Quia ipse ut homo gratiam accepit: inde etiam factum est, ut nos etiam acceperimus*. Magistro sent. *Sciendum est Christum hominem ab ipsa conceptione gratia plenitudinem recepisse: cui spiritus datus est non ad mensuram, & in quo plenitudo diuinitatis corporaliter habitat*. Ita vero habitat, ait S. Augustinus ad Dardanum, *quod omni gratia plenus est*.

Probat ratione prima, ducitur ex verbis Pauli Roman. 8. *Quos præsciuit, prædestinavit conformes fieri imagini filij sui*. Vbi enim est conformitas sanctitati, ibi eadem forma sanctificans debet reperiri: vnde sequitur quod inter Christum & alios iustos conformitas illa secundum mentem Apostoli reperiri debeat: sicut iusti per gratiam habituales san-

Carriero in Professionem Fidei.

ctificantur, sic etiam Christus per eandem dici debeat sanctificatus.

Secunda, fuit plenus illa gratia, quæ ex eo tanquam fonte in nos effluit, & per quam sanctificamur. Atqui gratiam habituales nos ab illo accipimus & per illam sanctificamur, ut suppono ex tractatu de iustificatione. Ergo Christus fuit præditus, imò plenus gratia illa habituali sanctificante.

Tertia, in Christo omnimoda perfectio est admittenda, sed gratia iustificans est maxima perfectio, imò semen est gloriæ, cur ergo denegabitur Christo maxime cum aliis hominibus concedatur. Quanto enim, addit S. Thomas, aliquod receptiuum est propinquius causæ influenti, tanto magis participat de influenti ipsius; influxus autem gratiæ est à Deo secundum illud Psal. 83. *Gratiam & gloriam dabit Dominus*. Et idcirco maxime fuit conueniens ut anima Christi reciperet influxum diuinæ gratiæ ad plenitudinem, ut ex officio Mediatoris largiretur eam prædestinatis.

Dices, Christus sufficienter erat iustificatus per gratiam vnionis: Ergo alia inutilis erat ad hunc saltem effectum.

Respondeo negando consequentiam: sicut enim ex eo quod viderit res omnes per scientiam beatam non fuit inutilis scientia infusa: sic licet fuerit sanctificatus per gratiam vnionis, tamen valde congrua ei fuit gratia creata iustificans, imò ei debebatur propter dignitatem vnionis, tantum abest ut eius causa abesse deberet.

Dices, Gratia ad hoc datur homini, ut per eam bene operetur, & ad hoc ut vitam æternam consequatur, iuxta 1. Cor. 14. *Abundantius laboravi, non ego autem, sed gratia Dei mecum*, Et Roman. 6. *Gratia Dei vita æterna*. Sed ex hoc solo quod Christus erat filius Dei, aderat ei facultas bene operandi, & debebatur hæreditas gloriæ; non ergo secundum humanitatem indigebat alia gratia quam vnionis.

Respondeo non obstante vnione, remanere distinctionem naturarum cum vnitate personæ, vnde operatio humana ad sui perfectionem indigebat gratia habituali: similiter uti creatura debebat attingere Deum actu fruitionis creato, nam anima eius non est capax increati illius actus cognitionis & amoris Dei, quo verbum cognoscit & amat Deum, & fruitur hæreditate æterna.

Dices, ergo Christus erit filius adoptiuus.

Respondeo ut gratia hoc faciat, requiritur ut persona recipiens sit extranea, Christus autem est eiusdem naturæ cum Deo quantum ad personam.

Dices, instrumentum non indiget habitu ad proprias operationes, quia is fundatur in principali agente: sed humana natura in Christo fuit sicut instrumentum diuinitatis, ex Damascen. lib. 3. cap. 15. ergo non debuit esse in Christo aliqua gratia habitualis.

Respondeo instrumentum inanimatum propriè

proprie non agere, sed agi, at animatum ita agitur quod etiam agit, & ideo ad conuenientiam actionis debuit habere gratiam habituales.

*Vnio in Christo non causa-
bat gratiam
habituales,
sed tota Tri-
nitas.*

Nota gratiam habituales in Christo non resultare, aut effectiue produci ab vnione hypostatica, sed immediatè à Deo conferri, quia omnis vis actiua in Deo est absoluta & communis tribus personis. Vnio autem est tantum actualis & formalis coniunctio humanitatis cum Verbo, hæc autem ex natura sua non est actiua; imò nec Verbi substantia quæ est relatiua non habet per se vim agendi.

QVÆRES, *An in Christo fuerit gratia actualis excitans, præueniens, adiuuans.*

Respondeo quod non, quia præueniens & adiuuans sunt auxilia quæ Deus elargitur homini viatori, ad hoc vt possit resistere à peccato, conuerti ad Deum & proficere in bono; At Christus non fuit purus viator, & præsertim quoad affectionem iustitiæ, quia ab instanti conceptionis fuit confirmatus in bono & beatus, consequenter ratione luminis gloriæ & amoris beatifici sufficienter illustratus, & excitatus erat ad agenda quæcumque necessaria erant in ordine ad finem supernaturalem, tum erat impeccabilis.

Dices, cum actus supernaturales excedant vires animæ Christi, necessarius erat concursus supernaturalis, ergo & gratia adiuuans.

Respondeo, necessarium generalem concursum supernaturalem satis fuisse, & specialem distinctum ab influxu collato per habitum supernaturalem infusum ab instanti conceptionis non fuisse necessarium.

QVÆRES, *An gratia habitualis Christi augeri potuerit.*

Supposito quod gratia vnionis fuerit infinita ex parte personæ Verbi, vt docet S. Thom. q. 7. art. 12. Gratis enim concessum est humanæ naturæ vniri filio Dei personaliter qui est persona infinita,

Respondeo ex Scoto, quod Deus dedit Christo summam gratiam creabilem de lege ordinaria, qua maiorem nullam producere decreuit ab æterno. Laudandus est Minorita iste subtilis ex pietate & reuerentia in Redemptorem; ait enim in commendando Christum malo excedere in laude sibi debita quàm deficere: confirmat hanc responsionem auctoritate S. Augustini lib. 3. de lib. arbitr. vbi ait: *Quicquid tibi vera ratione melius occurrit, hoc scias Deum magis fecisse quàm non fecisse*: at simpliciter est melius secundum rectam rationem summam gratiam alicui esse collatam quàm non esse concessam, quia in hoc manifestatur summa misericordia Dei in dando summum bonum gratiæ sine meritis, & hoc maximè congruebat humanitati Christi; Ergo probabile est factum fuisse, quia Christus est filius naturalis & hæres omnium; & hoc Ioannes innuere videtur asserendo eum plenum gratiæ. Id etiam præterea constat ex eo quod gratia non augetur in statu viæ secundum legem Dei ordinariam, nisi per merita: atqui Christus nihil sibi meruit, quoad animam & perfectiones sibi inexistentes. Vnde S.

Gregorius Nazianz. epist. 1. ad Cledonium, sic loquitur: *Si quis Christum ex operibus perfectum esse dixerit, anathema sit.* Nec his obstat quod Lucæ 2. dicitur, puerum Iesum profecisse gratiâ & sapientiâ apud Deum & homines, vt enim docet S. Thomas art. 12. particulis istis (*gratiâ & sapientiâ*) non intelliguntur habitus qui fuerint augmentati, sed ipsa opera sapientiæ & gratiæ; sensusque est Christum pro ætatis suæ progressu perfectiora opera gratiæ & sapientiæ exercuisse, vt se verum hominem demonstraret in his quæ sunt ad Deum, & in his quæ sunt ad homines, adde quod visitatum est Scripturæ nuncupare opera virtutum, ipso nomine virtutum.

QVÆRES, *Quomodo intelligatur illa summa gratia, An infinita.*

Responder Scotus in 3. dist. 13. q. 1. & 2. summum dupliciter dici posse positiue scilicet & negatiue. Positiue, quod excedit omne aliud, ita quod qui summus est per excedentiam, vnus & solus sit & nullus æquiparatur ei. Sic autem negat Christum habuisse summam gratiam, quia Deus de potentia absoluta potuisset aliam naturam illi æqualem assumere, & æqualem gratiam ei dare. Sic terminus iste usurpatur s. Topicorum. Negatiue summum potest accipi quod ab alio non potest excedi. Sicque Scotus dicit Christum habuisse summam gratiam de facto, & sic dicuntur in Topicis genera generalissima quædam summa, quia non habent superueniens genus. Rationem positionis istius iam attuli. Tota difficultas est, vtum summa gratia negatiue sit creabilis, ita quod intendi neque augeri possit.

Scotus putat hoc esse possibile: Thomistæ negant, & dicunt eam augeri posse in infinitum, ita vt quouis gradu supremo dato in intentione, adhuc intensior & superior dari possit. Scotus probat.

Primò, demus casum quod Deus crearet tantam gratiam quantam potest, illa gratia non erit infinita, quia talis non est dabilis actu. Ergo erit suprema, neque enim potest augeri vel pertransiri, quia Deus iam creauit quantam potest; ergo illam augere non potest.

Secundò, Charitas est participatio Dei & participatio determinata, ideo est necesse vt secundum aliquem gradum determinatum capiat partem infinitæ perfectionis Dei, participare enim infinitum est capere determinatam partem illius: Ergo cum gratia sit participatio Dei, habet necessariò determinatum gradum; ergo non est augmentabilis, in infinitum. Confirmatur, quia alioqui calor & quæcumque forma creata, cum participet Deum, posset esse infinita.

Tertid, probatur ex parte agentis, quia cum Deus sit agens infinitum, quicquid creat educit ex nihilo, quod autem sit de nihilo non potest esse infinitum: Ergo cum gratia & ceteræ formæ creentur, ex nihilo non potest esse infinita, seu habet determinatum gradum.

Quartò, ex parte capacitatis ipsius recipientis. Nulla capacitas finiti est ad formam infinitam; Et cum dicitur quod dilatatur capacitas per charitatem receptam, hoc est falsum, quia quando duæ causæ concurrunt ad constituendum terminum, posterior non dat prior aliud

aliquid pertinens ad propriam causalitatem ut materia est prior origine forma ad constitutionem compositi, ideo forma non dat materię aliquid pertinens ad propriam causalitatem materię, ita neque auget capacitatem materię, neque eius potentialitatem. Ergo ad propositum, cum charitas sit forma posterior quàm anima non potest augere capacitatem animę, aut aliquid ei præbere ad huiusmodi capacitatem. Gratia ergo Christi fuit finita sed summa.

Dices, omni finito potest fieri additio, sed gratia Christi fuit finita, ergo, &c.

Respondet Scotus, si summa sit non potest intendi.

Respondet S. Thomas q. 7. art. 2. Si loquimur de quantitativis mathematicis, cuiuslibet finitę quantitati potest fieri additio, quia ex parte quantitativis finitę, non est aliquid quod repugnet additioni. Si verò loquamur de quantitate naturali, sic potest esse repugnantia ex parte formę cui debetur determinata quantitas, sicut & alia accidentia determinatam habent. Unde Arist. lib. 2. de anima text. 41. dicit, quod omnium natura contingentium est terminus & ratio magnitudinis & augmenti. Et inde est quod quantitati totius celi non potest fieri additio, multo magis in ipsis formis consideratur aliquis terminus ultra quem non progrediuntur. Et propter hoc ait S. Thomas, non oportet quod gratia Christi possit fieri additio, quāvis sit finita secundum sui essentiam; nam Sap. 11. *Omnia in pondere, numero, & mensura disposuisti.*

Dices, effectus infinitus demonstrat virtutem infinitam, quæ non potest fundari nisi in essentia infinita, sed effectus gratiæ Christi est infinitus, extendit se enim ad salutem totius generis humani, ut dicitur 1. Ioan. 2. Ipse est propitiatio pro peccatis nostris & totius mundi. Ergo gratia Christi est infinita.

Respondet Scotus habere talem effectum, quia in genere gratiæ est summa: dic si velis, gratiam habitualemente Christi considerari vel ut ens est, & sic necesse est ut sit finita, cum & anima in qua recipitur sit creatura habens finitam capacitatem, vel secundum propriam rationem gratiæ, & sic aliquo modo potest dici infinita, quia scilicet habet quicquid pertinere potest ad rationem gratiæ, & non est data Christo secundum mensuram, eo quod ei collata est sicut, vniuersali cuidam principio gratificationis in natura humana, ut Ephes. 1. dicitur. Hinc distingui solet triplex plenitudo gratiæ, abundantia in Sanctis, Privilegij in B. Virgine & superabundantia in Christo, secundum quam intelligitur tantum participasse gratiæ, ut ex ipso in omnes alios dilueret, datur exemplum de fonte, fluuiio & riuulo, purior & abundantior est aqua in fonte quàm in fluuiio & riuulis.

QUÆRES, An Christus potuerit peccare, & unde non.

De fide est quod de facto nullum fuerit peccatum in Christo, hoc habet expressè Scriptura Luc. 1. *Quod nascitur ex te sanctum vocabitur filius Dei.* Ioan. 8. *Qui ex vobis accipere in Professionem Fidei,*

quis me de peccato? 1. Pet. 2. *Qui peccatum non fecit nec inuentus est dolus in ore eius.*

Probatur ex Concilio Ephesino cap. 10. qui dicit, quod pro se obtulisset semetipsum Christus oblationem & non potius pro nobis solis (non enim eguit oblatione, qui peccatum omnino nesciuit) anathema sit, Chalcedonense act. 5.

Probatur ratione, quia Christus suscepit humanam naturam, ut pro ea satisfaceret; ergo impedimenta satisfactionis, ipsum scilicet peccatum, à se remouere debuit; nam ut Eccles. 34. *Dona iniquorum non probat Altissimus.*

Dices, ex Rom. 5. *Omnes peccauerunt in Adam.* quia scilicet in eo fuerunt originaliter, sed & sic Christus in eo fuit; ergo peccauit in eo.

Respondeo ex S. August. lib. 10. de Gen. ad litt. cap. 19. Non eodem omni modo Christum in Adam fuisse & in aliis Patribus quo nos ibi fuimus. Nos enim fuimus in Adam secundum seminalem rationem, & secundum corpulentam substantiam: quia scilicet, ut ipse dicit, cum sit in semine & visibilis corpulentia & inuisibilis ratio, utrumque currit ex Adam, sed Christus visibilem carnis substantiam de carne Virginis sumpsit: ratio verò conceptionis eius non à semine virili, sed longe aliter; actiue enim fuit non ab Adam sed à Spiritu sancto, sicut ipse Adam materialiter tantum fuit ex limo terrę, actiue autem à Deo. Et propter hoc Christus non peccauit in Adam, in quo fuit solum secundum materiam. Aliud ergo est nasci de stirpe vel semine, aliud secundum rationem seminalem seu generationem libidinosa.

Certatur, An Christus per aliquam potentiam potuerit peccare?

Supponitur duplex potentia ordinata & absoluta, de prima nulla est difficultas, cum peccatum stare nequeat cum plenitudine gratiæ. Queritur ergo an ut homo de absoluta potuerit. Quotquot tenent ex vi vnionis præcisè, esse sanctum dicere habent, inde & im-peccabilitatem sumpsisse, sic censent Suarez in 3. part. q. 18. lect. 1. Petrus à S. Ioseph, Vasquez in 3. part. disp. 41. cap. 3. ratio eorum est, quia eo ipso quo Verbum assumpsit naturam humanam facta est gratissima, eiusque actiones infiniti valoris & digna quolibet dono supernaturali.

Tum certum est homines sanctificari per aliquam participationem diuinitatis quæ est sanctitas per essentiam, at nulla potest esse participatio maior quàm per substantialem vnionem cum persona diuina; Ergo per hanc potest quis maxime sanctificari: Christus autem ut homo est vnitus diuinitati, ergo per hanc sanctificatus. Confirmatur. Si gratia habitualis quæ accidentaliter tantum coniungitur animæ eam sanctam facit; à fortiori nexus substantialis cum diuinitate hoc efficit.

Adde & hanc rationem quæ etsi non conuincat proteruum, inducat tamen bene naturam ad credendum. Non potuit peccare Christus nisi peccatum redundaret in ipsum Verbi suppositum: ergo absolute non potuit peccare.

Probatur antecedens. Quando aliquis potest propellere a se vel ab aliqua sui parte substantialiter vnita, aliquod malum & deformem, si non propellat certè culpabiliter delinquit, & peccat secun- dum eam partem qua potuisset illud propellere: atqui peccatum est maximum malum & maxime deformem, quòd posset Verbum propellere ab humanitate sibi substantialiter vnita: ergo se vera peccati argueretur Verbum si Christus peccaret.

Authores isti asserunt pro conclusione sua Sancti Petri Act. 10. textum, vbi dicit Christum fuisse vinctum Spiritu sancto, quo loco, vt supra notauimus, Augustinus intelligit sanctificationem, quales dicat Christum idem fuisse sanctum, quia ipse diuinitate vnctus & sanctificatus fuit.

Probant etiam ex Synodo VI. Generali Act. 17. vbi dicitur voluntatem Christi idem nihil contrarium Deo velle, quia Deificata est, id est sanctificata per diuinitatem cui vnita est.

Probant & ex Sanctis Patribus, Gregor. Nazianzen. orat. 36. vbi dicit Christum vt hominem esse diuinitate ipsa vinctum, id est sanctificatum: nec illam vinctionem fieri per aliquam operationem, vt in aliis qui sanctificantur, sed totius diuinitatis vngentis presentia. Et Sanctus Damascenus lib. 3. de fide cap. 3. vbi sic loquitur: *ipse Christus seipsum unxit, vngens vt Deus: vnctus autem vt homo, vnctio autem humanitati est diuinitas*. Item ex Athanasio & Anselmo.

Quod si funditus stabienda est hæc sententia, asserto commune dictum Thomista- rum. Si Christus peccaret stante vnione, sequeretur quod Deus posset peccare & peccaret: consequens est impossibile, ergo & Antecedens. Consequentia probatur, quia actiones sunt suppositorum in genere cause efficientis, & efficientis, & cause formalis quod per nullam potentiam potest suppleri, sed suppositum. Cuncti est diuinus; ergo actiones factæ per humanitatem debent illi tribui, consequenter Deus peccaret formaliter & subiectiue. Confirmatur, quia ceteræ actiones humane tribuuntur supposito diuino, hæc enim de causa sunt infinite meritorum. Tum ex vi vnionis hic gratissimus est Deo, illeque debetur gratia & gloria, ergo est impossibile vt sit Deo inuitas quod tamen esset possibile si peccare posset. Hoc verò est contradictorium, imò impium, nam si posset peccare posset damnari, quia per peccatum quilibet damnatur qui damnatur.

Scotus in 3. dist. 12. quæst. vnica, habet hanc conclusionem: Christus non potuit peccare, & rationem adducit, quoniam in primo instanti vnionis ad Verbum fuit beatus, & beatitudo abiecit ab anima omnem possibilitatem ad peccandum, quæ potest auferri per beatitudinem; nam beatitudo Christi ipsum quoad naturam humanam ita perfecte coniunxit cum Deo secundum affectum iustitiæ, (licet non secundum affectum commodi vt posset mereri,) sicut facit alios beatos, imò magis, quia habuit plenitudinem gratiæ & gloriæ. Hoc est fundamentum impeccabilitatis Christi secundum Scotum.

Subiungit autem, quòd illi qui asserunt naturam Verbo hypostaticè vnitam ex vi vnionis esse beatam & frui, habent dicere quòd Christus fuit impeccabilis ex vi vnionis, scilicet quia ex vi vnionis esset beatus.

Improbauit autem hanc opinionem dist. 2. q. 1. vbi probauit possibile esse aliquam naturam aptam frui, vniri Verbo & non frui, neque esse beatam, quia alia est vnio hypostatica & alia vnio beatifica.

Ex hoc ergo fundamento dicitur secundum Scotum, non esse impossibile de potentia Dei absoluta, naturam humanam esse hypostaticè vnitam Verbo, & tamen non frui & non esse beatam.

Ad hoc autem sequitur etiam non esse impossibile de absoluta Dei potentia Christum peccare potuisse, quia beatitudo est causa impeccabilitatis: nam beatitudo coniungit perfectissimè vltimo fini seu summo bono beatum quoad affectum iustitiæ & commodi, & idem beatus non potest declinare à iustitia, ablata enim causa auferitur effectus, ergo ablata beatitudine tollitur impeccabilitas: iste autem casus est possibilis, quia ex vi vnionis Christus non est beatus, consequenter nec impeccabilis; vnde infert Scotus, quòd de potentia absoluta, stante vnione hypostatica præcisè, posset peccare, quia non implicat ipsum habere hanc vnionem & non esse impeccabilem. Sed solum est impossibile de potentia ordinaria, quia congruit vt vnioni adiungatur impeccabilitas, ferrum enim existens in igne de lege ordinaria igitur, potest tamen de potentia absoluta ignis non ignire ferrum, sicut in fornace Babylonis non vixit tres pueros. Adde quod stante vnione liberum arbitrium est veritabile ad vtrumlibet.

Faustinus tenet hanc Scoti opinionem verissimam esse, quia est de fide quòd in Christo sint duæ naturæ, & habeant operationes proprias & distinctas facta incarnatione, quia illæ naturæ non sunt permixtæ; vnde sic format argumentum.

Natura humana in Christo post vnionem remansit integra cum suis proprietatibus, sed proprietates naturæ humanæ intrinsecæ est, quòd sit finita in entitate, & quòd sit subdita Deo creatori, idque competit naturæ humanæ non vt corrupta, sed vt integra est, vnde Adæ & Angelis comperebat in statu innocentie. Quod etiam definitum est in Conciliis dum dicunt quòd Christus vt Deus est æqualis Patri, vt homo minor est & voluntatem Patris facit.

Ex hoc subsumo, sed posse peccare est posse deficere à superiori regula scilicet diuina, istud autem posse deficere oritur ex finitate naturæ creatæ. Ergo posse deficere à voluntate Dei necessariò intrinsecè consequebatur naturam humanam Christi etiam vt est vnita Verbo, ergo naturæ humanæ Christi inerat possibilitas peccandi ab intrinseco.

Ex hoc sequitur quòd impeccabilitas naturæ humanæ Christi non inest illi intrinsecè. Confirmatur, quia solus Deus est intrinsecè impeccabilis, quia est infinitus & nō habet superiore regulā sed sua diuina voluntas est prima regula, & idem implicat Deum posse peccare:

scilicet

relinquitur ergo quod impeccabilitas naturæ humanæ Christi, ut vnita est Verbo, inest ei ab extrinseco, uti reuera est.

Tunc sic argumentor. Quicquid inest naturæ illi humanæ vnitz, inest ei extrinsecè ex beneplacito & ex liberalitate Dei, sed quicquid Deus liberaliter confert creaturæ, potest de potentia absoluta non conferre, ergo de absoluta potest auferre siue non conferre impeccabilitatem.

Adde certum esse vnionem non esse rationem formalem impeccabilitatis naturæ humanæ Christi, sed diuinam directionem & auxilij Dei protectionem; nam diuina voluntas erat ea quæ dirigebat humanam Christi quæ illi omnino subiiciebatur, voluntas verò humana Christi moderata à voluntate diuina regebat carnem, ut ex SS. Patribus, & Damasc. 3. de fide cap. 18. affirmat Suarez 3. part. disp. 34 lect. 1. Tunc sic argumentor. Sed illud auxilium diuinum, illa directio diuinæ voluntatis est quid distinctum ab vnione hypostatica, est enim quid posterius illa & liberè proueniebat à voluntate diuina, siquidem omnis actio diuinæ voluntatis ad extra est contingens. Ergo non implicat Deum auferre hanc protectionem, auxilium & directionem, & ita sequitur potuisse tolli impeccabilitatem, ergo de potentia absoluta illa natura ex vi vnionis non erat impeccabilis.

Respondetis quod obligabatur diuina voluntas ad regendam humanam non ex aliqua lege, quia Deus nulli legi subiectus est, sed ex natura propria ipsius voluntatis diuinæ, quæ per se recta est, nec deuiare potest ab eo quod honestum est, sicut etiam Deus non potest mentiri, quia de natura intrinsecæ Dei est quod sit veritas, voluntas autem naturæ humanæ Christi facta est per vnionem voluntas Dei, idè non potest permittere ipsam peccare, & non eam dirigere, quia respectu voluntatis creatæ Christi habet peculiarem gubernationem eius rectitudinis & honestatis.

Hæc responsio concludit quidem ratione potentie ordinariæ & ratione congruentiæ, cum enim Deus decreuerit vnire sibi naturam creatam, debebat quoque illam regere & gubernare, ita quod non posset peccare. Et de facto sic se habuit, sed de potentia absoluta responsio nō valet, quia hoc facere non implicat.

Dicere quod malum sit dimittere illam naturam sine speciali directione, & Deus teneatur facere bonum qualis est illa directio.

Hoc impugno. Quia in rebus ad extra illud est bonum & honestum quod est volitum à voluntate diuina, sed voluntas diuina potuit non velle hanc directionem: Ergo directio tunc non esset quid bonum. Maior est euidens, Minor probatur, quia voluntas diuina in his quæ sunt ad extra se habet merè contingenter & liberè, quia quicquid vult posset non velle, ergo potuisset quoque non velle naturam humanam sibi vnitam hæc speciali directione dirigere & gubernare.

Præterea illa Propositio, Deus tenetur facere bonum & honestum, potest habere duplicem sensum. Primus. Quod detur aliqua regula boni & honesti supra voluntatem diuinam cui teneatur voluntas diuina conformari,

& hic est falsus, quia diuina voluntas nihil habet supra se, sed ipsa ex sua infinitate & perfectione est prima regula, & ipsa est summè bona, & quicquid vult est bonum. Alius sensus est, quod Deus tenetur facere bonum, id est stare promissis suis, siue ordinationibus & legibus quas præfixit, & hic sensus est verus, quia Deus est immutabilis & inuariabilis, & in hoc sensu dicimus quod Deus tenetur facere iustum & bonum, ut puta Deus tenetur iustificare suscipientem Sacramenta, nec ponentem obiectionem, tenetur dare gloriam merentibus, sed hic sensus pertinet ad legem ordinariam, & potentiam non ad absolutam de qua loquimur, quia sicut hoc ordinauit potuit aliud ordinasse & hoc esset bonum, quia quod hoc vel illud sit bonum innotescit per solam voluntatem diuinam, quia illud dicimus bonum quod Deus ordinauit, illud verò malum quod Deus prohibuit. Potuisset ergo ordinare non dirigere voluntatem creatam vnitam sibi hypostaticè, & tunc illam non gubernare non esset malum.

Præterea aliud est Deum teneri facere bonum, id est non facere malum; & aliud est Deum teneri facere bonum & honestum, id est conferre beneficia & gratiam: primum est verum, non autem secundum, alioquin Deus teneretur saluare omnes homines; nam bonum & vtile id esset illis. Ita dirigere voluntatem creatam esset bonum non primo modo sed secundo, idè ad illum non tenetur nisi ex congruentia & conuenientia non ex necessitate inuitabili. Nos autem non loquimur in hoc sensu, sed de necessitate implicante contradictionem.

Adde quod Sanctus Thomas quæst. 15. reddens rationem cur Christus non assumpsit peccatum, non dicit quod hoc fuerit impossibile, sed quia suscepit tantum defectus nostros, ut pro nobis satisfaceret, ad hoc autem peccatum non conducebat; & quæstione 7. reddens rationem cur gratiam necessariò ponere debemus in Christo, dicit esse vnionem cuius naturæ assumptæ maxime conuenit participare de influxu gratiæ, cuius causa influens est Deus, conuenientia autem se tenet ex parte ordinariæ potentie, non dicit D. Thomas impossibile fuisse animam illam vnitam non habere gratiam.

Pro coronide huius sententiæ, appono conuincentem rationem istam. Vi vnionis hypostaticæ præcisè non habet voluntas humana ut sit sapientior vel potentior ad operandum, sed per gratiam & dona Dei sine quibus potuisset assumi; ergo peccare potuisset in eo casu possibili, quod assumeretur sine gratia habituali. Nec dicas non peccaturam ex directione & vigilantia Verbi impediens peccatum, quia hæc cum sit opus ad extra, commune est toti Trinitati, & nullo modo pertinens ad terminationem quam facit persona Verbi, est opus liberum Dei, consequenter potest si voluerit non poni hæc specialis directio.

Ad rationes oppositæ sententiæ, quod vnio magis coniungit Deo quàm gratia, consequenter magis sanctificat. Respondet quod effectus vnionis hypostaticæ præcisè non est

sanctificatio, sed vnitas personæ in duabus naturis. Effectus autem formalis gratiæ habitualis est facere sanctum. Vnde Concil. Trident. sess. 6. ait, formalem causam iustificationis esse inhaerentem iustitiam, nec importat quoddam sanctitas illa sit accidentalis & per participationem quandam, hoc enim solum conuenit creaturæ.

Ad enunciationem peccati de persona Verbi quæ sequeretur.

Respondeo quoddam eodem modo quo potest enunciari de Christo, potuit peccare, eodem modo potest enunciari de persona Verbi, & consequenter de Deo, vt supponit pro persona Verbi, quia actiones sunt suppositorum. Sed iam dictum est quod ista Propositio, *Christus potuit peccare*, sic prolata simpliciter est falsa, & ideo neque sequitur istam esse veram, Verbum vel Deus potest peccare; sed quia ista est vera, Christus vt homo de potentia Dei absoluta posset peccare. Ad illam sequitur ista, Verbum vt in humanitate subsistit, de potentia absoluta non est impeccabile, sed potest peccare potentia remota. Hæc autem Propositio sic conditionata non offendit pias aures Theologorum, & hoc modo eam sustinet Scotus in 3. dist. 2. sicut nec offendit quoddam Verbum dicatur mori per communicationem idiomatum, non enim minus repugnat mors vitæ diuinæ, quàm peccatum diuinæ bonitati, Deus enim vti essentialiter est ipsa bonitas, sic essentialiter est ipsa vita.

Adde quoddam multi tenent Deum posse assumere damnatum & diabolum. Ita Gabriel, Marsilius, Almaynus, Medina 3. part. q. 4. ad quoddam certè sequitur quoddam Deus diceretur diabolus, sicut quia assumpsit naturam humanam dicitur homo.

Nec obstat responsio Medinæ, quoddam tunc diceretur Angelus, non diabolus, quia non assumpsisset peccatum diaboli, quæ responsio non saluat suam conclusionem; nam tunc non assumpsisset diabolum, quia is includit peccatum, si ergo Verbum assumpsisset diabolum, vt est Angelus sine peccato, falsum esset dicere quoddam Verbum assumpsisset diabolum, & idem dicendum est de damnato. Hæc ergo sic declarata Propositio non offendit pias aures, sed declarat distinctionem naturarum in Christo quam fides Catholica obligat saluare in mysterio Incarnationis.

Ad dictum quod actiones sunt suppositorum.

Respondeo hanc propositionem esse veram, scilicet vt vltimatè denominatorum, quoniam vt habet Scotus in 4. dist. 12. q. 3. ad 2. Actio immediatè prouenit à forma & primò denominat formam; secundò compositum quod habet esse per illam; tertio suppositum, quia actiones non possunt prouenire à forma, neque à composito vt sunt vniuersalia, quia in rerum natura non dantur vniuersalia per se existentia, sed existunt in singularibus, ideo non potest forma in vniuersali agere, sed tantum vt est in supposito, ideo vera est ista propositio. Actiones sunt suppositi, vt vltimatè denominari, non tanquam agentis & per se producentis ipsam actionem.

Ita in proposito actio illa peccati produce-

retur ab anima humana Christi tanquam ab agente, sed denominaret vltimatè suppositum ipsum Verbi, quia subsistit in illo; Hoc autem non dicit repugnantiam, dicit quidem repugnantiam peccatum prouenire à Deo tanquam ab agente, & à forma producente & tanquam à primo denominato: hoc autem non dicimus, neque sequitur ex propositione facta cum declarationibus & conditionibus quas adiunxi, sicque falsum est fundamentum eorum qui dicunt, actiones esse suppositorum tanquam agentium & elicientium.

Instabis, si denominatiue tantum sunt suppositorum, ergo Verbum erit homo denominatiue, quoddam est falsum.

Respondeo, consequentiam non valere, quia Verbum est formaliter homo, quia subsistit in natura humana sicut Petrus, sed actiones humanæ non insunt formaliter Verbo, sed naturæ humanæ, & per ipsam Verbo vt supposito, & sic competunt Verbo denominatiue.

Ad gratiæ, gloriæ, dilectionis & complacentiæ debita ex vi vnionis.

Respondeo hoc esse verum de potentia ordinaria, nequaquam de absoluta.

Instabis, erit ergo gratus & inuissus.

Respondeo, quoddam esse gratum in hoc sensu est diuinam voluntatem se complacere, & gratia est condescensio voluntatis diuinæ; Odium verò est non condescensio diuinæ voluntatis, & ita vna gratia est condescensio ad vnionem hypostaticam, altera gratia est vnio beatifica eiusdem naturæ assumptæ, quæ gratiæ & vniones sunt diuerse, & hoc modo potest esse gratus per condescensionem diuinæ voluntatis ad vnionem hypostaticam, & inuissus, id est non habere condescensionem ad impeccabilitatem.

Ad Sanctorum authoritates. Respondeo, eas intelligendas de eo quoddam factum est per incarnationem, non autem de eo quoddam sequi potest de potentia Dei absoluta.

Q V A E S T I O XII.

De proprietatibus Anima, tam ad intellectum quàm ad voluntatem pertinentibus.

Hic per proprietates ad intellectum & voluntatem pertinentes, non eas tantum intelligimus, quæ non minus intellectui quàm voluntati conuenire possunt secundum propriam rationem; sed eas etiam quæ in suo genere sunt indifferentes ad vtramque facultatem, vt gratiæ gratis datæ, dona Spiritus sancti quorum alia pertinent ad intellectum, alia ad voluntatem. De omnibus ordine agendum vt accuratè exponamus quomodo Filius Dei factus sit homo.

De virtutibus, An fuerint in Anima Christi.

Virtutes aut sunt naturalis ordinis, vt sunt Continentia, Temperantia, Iusticia, Prudentia:

dentia : aut supematutalis ordinis , vt Fides , Spes , Charitas.

Resolutio est affirmatiua ; virtutes omnes , quæ nullam secum includunt imperfectionem beatitudini & statui Christi repugnantem fuisse in eo , D. Thomas id concludit ob plenitudinem gratiæ eius ; nam , inquit , sicut gratia respicit essentiam animæ , ita virtus respicit animæ potentias , vnde infert , quod sicut facultates seu potentie fluunt ab essentia animæ , ita virtutes à gratia vt faciliunt & perficiant operationes potentiarum.

Exceptio facta excludit Fidem & Spem , quæ non consentiunt statui beatitudinis , cuius perfecte particeps fuit Christus à conceptione sua , consequenter vidit quod fides credit , & possedit quod spes nondum tenet si de primario spei obiecto est questio ; nam de secundo quod respicit gloriam corporis & immortalitatem eius , certum est eum eliciisse actum spei , textus Pauli Rom 8. *Quod vides quis quid sperat ?* utrumque probat , Isai autem text. 11. *Fides cinctorum* , intelligitur de fidelitate in promissis.

Pœnitentia vt supponit peccatum non fuit in Christo ; At vt virtus ista sumitur pro detestatione peccati à quocumque sit commissum , & includit voluntatem satisfaciendi pro eo , & offensam diuinam compenſandi , tunc certum est Christum habuisse talem virtutem ; potuit enim detestari peccatum variis modis ; primo , quatenus est contra diuinam bonitatem ; secundo , quatenus est contra cultum Deo debitum ; tertio , quatenus est contra iustitiam diuinam : primo modo per charitatem , secundo per religionem , tertio per iustitiam.

Temporantia vt stricte sumitur pro virtute quæ cohibet appetitum à voluptatibus , non fuit in Christo , cum nulla vnquam fuerit in appetitu eius inordinatio.

Continentia , qua quis aspernatur voluptates , sed cum difficultate , non fuit in Christo , quia non habebat formam , nec expertus est ullam difficultatem aut motum carnis contra rationem.

Liberalitas & Magnificentia , si proprij earum actus spectentur , qui propriè non sunt externi sed interni , nimirum affectus dandi & magnificè dandi , si materia suppetere , admittuntur in Christo , celi enim actus externos earum ob pauperiem non exercuerit in largitione terrenorum ; dedit tamen sanitatem , remissionem peccatorum , & vitam suam profudit , quod si vt ait Seneca lib. 1. de beneficiis. *Donum non ex re , sed ex animo dantis commendatur. Quis digne dona & animum Christi æstimabit ?*

QVÆRES , *An in Christo fuerint gratia gratis data ?*

Novem annumerari solent Gratiæ gratis datæ , nempe sermo sapientiæ , sermo scientiæ , fides , gratia sanitarum , operatio virtutum , Prophetia , Discretio spirituum , Genera linguarum , Interpretatio sermonum. 1. Cor. 12. paulò diversè recensentur. Eas autem reperiri in Christo clarum est ; nam vt habet August. in epistola 57. ad Dardanum. *Sicut in capite sunt omnes sensus , ita & in Christo fuerant omnia gratia.* Ipse autem erat caput omnium in-

fluens charismata & gratias istas ; ergo debuit eas possidere. Tum Christus fuit doctor exquisitissimus totius generis humani ; ergo debuit habere perfectiones quæ ad ipsum Doctoris officium pertinent. At tales sunt gratiæ gratis datæ , quæ vt docet S. Thomas , ordinantur ad fidei & spiritualis doctrinæ manifestationem , aliàs Doctoris scientia esset inutilis , iuxta Eccl. 20. *Sapientia abscondita & thesaurus inuisus quæ visitas in viris quo.*

Notandum hic gratias has non fuisse in Christo transcurrentes & per modum actus & motionis , sed permanentes fuisse & per modum habitus , quia cum volebat iis utebatur ad libitum , v.g. prophetisabat & operabatur miracula , in quo distinguebatur ab aliis quibus istæ gratiæ concessæ sunt , cum enim iis ad libitum uti non possent , nec possent prophetisare quando vellent , sed quando movebantur à Spiritu sancto , sanè in iis erant tantum per modum transcurrentis , Prophetia autem dicitur fuisse in eo in quantum hæc est cognitio eorum quæ longè distant à sensibus hominum & ordinaria viatorum cognitione , sicque non requirit ex se obscuritatem aut claritatem. Propheta dicitur procul sans vel procul videns , sicque viatori competit , talem autem se Christus nuncupavit Ioan. 4.

QVÆRES , *An in Christo fuerint dona Spiritus sancti.*

Communiter statuuntur septem , vnde Glossa in illud Isai. 4. *Apprehendent septem mulieres virum unum* , id est septem dona Spiritus sancti , Christum (scilicet vt hominem , nam vt Deus dabat ipse) vt habetur Plal 57. Sufficiencia autem horum assignatur sic ex Isai cap. 11. *Requiescet super eum Spiritus Domini. Spiritus sapientiæ & intellectus , spiritus consilij & fortitudinis , spiritus scientiæ & pietatis , & replebit eum spiritus timoris Domini.* Ex quo loco Theologi colligunt septem esse , quorum quatuor pertineant ad intellectum , vt sapientia , scientia , consilium & intellectus , tres ad voluntatem , timor , pietas , & fortitudo. Non tamen certum est , quomodo & quo sensu fuerint hæc dona in Christo ; hoc enim pendet ex illa questione , An dona Spiritus sancti distinguantur à virtutibus Theologicis & Moralibus , quod affirmant S. Thomas 1. 2. q. 68. S. Bonavent. Richard. qui asserunt hoc esse discrimen , quod virtutes perficiant hominem vt aptus sit moveri & duci à recta ratione : Dona vero vt faciliè & promptè moveatur à Spiritu sancto. Vnde D. Thomas notat ea in Scriptura non tradi sub nomine doni , sed magis sub spirituum nomine , eo quod sunt in nobis ab inspiratione diuina : inspiratio autem significat quandam motionem ab interiori. Est enim considerandum quod in homine est duplex principium mouens ; vnum quidem interius quod est ratio , aliud autem exterius quod est Deus , qui vt ex Philippens. 2. habetur , *Operatur in nobis velle & perficere.* Patet autem quod omne quod mouetur necesse est proportionatum esse motori , virtutes humanæ perficiunt hominem secundum quod natus est moveri per rationem in his quæ interius vel exterius agit : oportet ergo inesse homini altiores perfectiones secundum quas sit dispositus

ad hoc quod diuinitus moueatur, & istæ perfectiones vocantur dona, non solum quia infunduntur à Deo, sed quia secundum ea homo disponitur vt efficiatur promptè mobilis ab inspiratione diuina, sicut dicitur Isai. cap. 50. *Dominus aperuit mihi aurem, ego autem non contradico, retrorsum non abii.*

Scotus verò in 3. dist. 34. & alij asserunt non esse habitus distinctos à virtutibus, sed esse peculiare operationes virtutum, ratio eius plausibilis mihi est. Illi habitus tantum ponendi sunt in viatore, quibus perficitur circa omne obiectum quantum perfici potest in via, hi sunt septem virtutes in genere (non curando de scientiis speculatiuis acquisitis.) Ergo præter scientias speculatiuas acquisitas nullus erit habitus in viatore ponendus alius simpliciter à virtutibus. Maior probatur. Obiectum circa quod perfici potest viator, non potest esse nisi Deus vel creatura, sed circa Deum perficitur sufficienter tribus virtutibus theologicis. Probatur, viator non debet habere alios actus circa Deum quam ipsum intelligere & hoc facit fides, diligere & hoc præstat Charitas eum amans vt est in se, & appetere eum vt sibi bonum & fruendum & hoc dat spes. Circa omne aliud bonum à Deo vt circa obiectum sufficienter perficitur viator, habitibus intellectualibus & appetitiuis: sed isti habitus perficientes intellectum sunt virtutes intellectuales sufficienter perficientes viatorem & ad considerandum & ad syllogizandum practicè. Habitus etiam appetitiui sunt virtutes appetitiuæ, quæ sufficienter perficiunt viatorem ad appetendum vel ad diligendum, siue in ordine ad se, siue in ordine ad aliud, hæ autem sunt virtutes morales, quarum præstantissima est iustitia, vt dicit Arist. 5. Ethic. cap. 1. quia propinquior est rationi consistens in voluntate ordinans hominem non solum in seipso, sed etiam ad alterum. Igitur homo perfectus tribus virtutibus theologicis & virtutibus intellectualibus & moralibus perficitur quantum potest competere viatori. Ergo non videtur aliqua necessitas ponendi aliquos alios habitus ab istis.

Adde quod si dona Spiritus sancti supernaturaliter infunduntur vt homo facillimè à Spiritu sancto moueatur ad heroicas seu præstantissimas quasdam virtutum actiones, vbi est plenitudo gratiæ habitualis, isti habitus videntur superflui, cum facillimè & perfectissimè Christus moueretur à Spiritu sancto, vt Luc. 4. exprimitur, *Iesus autem plenus Spiritu sancto regressus est à Iordane, & agebatur à spiritu in desertum.*

Quicquid sit quæcumque dare potest Deus homini ad perficiendum hoc totum Christo elargitus est, siue dona siue habitus speciales vocentur. De omnibus ergo donis conuenit apud Doctores, difficultas est de Timore; nam is dicitur versari circa malum culpæ, vel pænæ propter admissam culpam, Christus autem non potuit peccare.

Sed facili distinctione tollitur. Duplex est timor filialis seu reuerentialis, & seruilis & anxius vt plurimum, filialis charitatem accendit, isque est quem S. August. lib. 14. ciuit. cap. 9. vocat timorem castum, quo quis pec-

catum horret, *Non sollicitudine necessitatis, sed tranquillitate charitatis*, vt explicat ipse. In Christo fuit timor Dei non proat respicit malum separationis à Deo per culpam, aut malum punitionis pro culpa: sed is est seruilis, sed secundum quod respicit ipsam diuinæ maiestatis eminentiam: prout scilicet anima Christi mouebatur in Deum affectu quodam singularis reuerentiæ; hunc enim affectum reuerentiæ ad Deum, Christus vt homo habuit præ ceteris plenior, ideoque illi i. dicitur, *Replebit eum spiritus timoris Domini.* Vnde Hebr. 5. dicitur, *quod in omnibus exauditus est pro sua reuerentia.* Timor reuerentialis ponitur in Beatis & Angelis, vt canit Ecclesia in præfatione Missæ. *Adorant dominationem, tremunt Potestatem.* Non quod timeant malum culpæ quod accidere nequit, posito statu quem possident, sed quia absolute possibile esset extra illas circumstantias, & timeant potestatem eius qui propter malum culpæ infligit malum pænæ. Sic exponit Vacerensis Episcopus.

Q V Æ S T I O XIII.

De defectibus animæ quos assumpsit Christus.

DE quatuor præsertim potest esse difficultas: scilicet de peccato, de fomite peccati, de ignorantia, & de passionibus seu motibus appetitus inferioris.

Prima de ignorantia, expedita est cum ex dictis constet non potuisse peccare saltem de potentia Dei ordinaria, quod si Psalm. 2. Christus inducitur dicere, *Longè à salute sua esse verba delictorum suorum.* Patres hoc dictum agnoscunt in persona membrorum suorum, id est omnium hominum. Ita Leo Papa ser. 16. & 17. de passione. Damasc. lib. 4. de fide c. 19. Certum siquidem est ex lib. 3. de doctr. Christiana Christum & Ecclesiam æstimari moraliter vnā personam. Vnde multa dicuntur de ipso in nostra quæ ipsi non conueniunt, Ambrosius ramen Hieronymus & Augustinus in Psalm. exponunt id de peccatis suis ex acceptatione, eo quod pro illis sponsores se præstitisset, diuinæque iustitiæ satisfacere ad iugum deberet.

Secunda de Fomite expeditur negando fuisse vilo modo in Christo.

Probatur ex Scriptura Matth. 1. *Quod in eo natum est de Spiritu sancto est.* Is autem excludit peccatum & inclinationem ad ipsum.

Probatur ex eo quod fomes peccati prouenit ex peccato originali, quod nec fuit nec esse potuit in Christo concepto de Spiritu sancto, sublata enim causâ tollitur effectus. Præterea eadem rationes quæ probant in Christo peccatum esse non potuisse, probant etiam nec fomitem inesse potuisse: cum idem prorsus sit habere in se fomitem peccati, ac habere in se inordinatam inclinationem ad peccatum ac proinde esse peccabilem.

Iam in q. 9. de Incarn. quædam de fomite dixi, ne autem desideretur aliquid ad plenam eius intelligentiam.

Nota

explicatio
fomitis pecca-
ti.

Nota quod per iusticiam originale[m] omnes inferiores animæ vires pertinentes ad sensibilem appetitum, quæ naturaliter sunt obediens rationi, erant de facto subditæ rationi, & ipsa ratio seu anima Deo, cum autem per peccatum subtraheretur iusticia, omnes vires animæ remanserunt quod in modo destitutæ, proprio ordine quo naturaliter ordinantur ad virtutem, Deus enim fecerat hominem rectum id est ad virtutem inclinatum: ipsa autem destitutio dicitur vulneratio.

Quatuor vul-
nera natura
ex peccato ori-
ginali.

In quantum ergo ratio destituitur à suo ordine ad verum est vulnus ignorantie, ubi ignorantia non ponitur pro carentia scientiæ, sed pro difficultate ad eam acquirendam.

In quantum voluntas destituitur ab ordine ad bonum est vulnus malitiæ, prout notat pronitatem ad malum.

In quantum vis irascibilis destituitur suo ordine ad arduum est vulnus infirmitatis quæ notat debilitatem ad agendum.

In quantum verò vis concupiscibilis destituitur suo ordine ad delectabile moderatum est vulnus concupiscentiæ, quæ notat pronitatem seu inclinationem ad immoderate concupiscendum id quod est sensui delectabile & specialiter voluptatem carnis: Et quia inclinatio ad bonum virtutis impeditur in unoquoque per peccatum actuale; idcirco ista quatuor vulnera non solum ex peccato originali, sed ex aliis peccatis sunt consequentia, in quantum scilicet per peccatum hebetatur ratio præcipue in agendis, & voluntas induratur ad malum, & maior difficultas bene agendi accrescit, & concupiscentia magis exardescit.

Nec dicendum quod concupiscentia sit naturalis, cum sit actus virtutis concupiscibilis, consequenter non debet poni vulnus naturæ.

Respondeo siquidem concupiscentiam esse in tantum naturalem homini in quantum subditur rationi, quod si excedat limites hoc est contra naturam hominis in quantum homo, & idcirco pronitas ad immoderatum actum concupiscentiæ dicitur vulnus naturæ.

In Christo autem qui de Spiritu sancto conceptus est, & in quo virtus fuit cum summa gratia, non potuit esse fomes, quia sola virtus moralis quæ est in parte rationali animæ eam facit esse subiectam rationi, & tanto magis quanto perfectior fuerit virtus, sicut Temperantia concupiscibilem moderatur, & Fortitudo & Mansuetudo irascibilem.

Nota præterea quod fomes peccati potest spectari vel in actu primo, qui est impletus appetitus seu naturalis inclinatio, quatenus est maximè disposita ad actum secundum, qui dicitur fomes in actu secundo, id est actualis quædam motio appetitus sensitivi ad objecta sensibilia turpia & rationi contraria, rationem ipsam præueniens & ad peccatum inuitans. Hinc patet. Appetitum sensitivum latius patere quam fomitem in actu primo; nam appetitus fertur in omnia objecta sensibilia, siue turpia & illicita sint siue non: fomes verò tantum fertur in turpia & illicita.

Secundò patet tria requiri ad fomitem in actu secundo, seu ad fomitis actualem motionem, primò ut feratur in sensibile turpe & illicitum, secundò ut rationem præueniat,

Carriere in Professionem Fidei.

tertiò ut ad peccatum trahat & alliciat. Ex quibus bene colligitur fomitem in actu secundo, id est actualem motionem rationem præuenientem & ad peccatum allicientem non fuisse in Christo. Ita S. August. lib. contra duas epistolas Pelagianorum, ubi ait proprium fuisse Christo non sentire repugnantiam carnis & concupiscentiæ, proprium inquam ratione conceptionis suæ. Et lib. 2. de pec. meritis & remiss. ubi dicit in Christo non fuisse illam pugnam carnis & spiritus, de qua conqueritur Apostolus Roman. 7. *Video aliam legem in membris meis.* Et Galat. 5. *Caro concupiscit adversus spiritum & spiritus adversus carnem.* Idem probatur ex V. Synodo generali, ubi cap. 12. damnatur ut impiissimus, Theodorus quidam Mopsuestenus, qui Christum dicebat passionibus animæ & carnis concupiscentiis molestatum, & per virtutis exercitium incontaminatum constitutum. Idem colligitur ex Ioan. 11. *Iesum infrenavit spiritum & tenuit semetipsum.* Patet hinc motum illumurbationis fuisse ex electione. Unde Chrysost. hom. 62 & August. tractatu 49. in Iohannem, colligunt omnes similes actus in Christo fuisse ex electione.

Probatur ratione, quia persona Verbi ita gubernabat humanitatem. Christi, ut nihil pateretur in ea fieri quod indecens & rationi contrarium esset, ac fomes in actu secundo seu motus concupiscentiæ est indecens & rectæ rationi contrarius. Rom. 7. altera est ratio quod appetitus moveatur præter vel contra consensum voluntatis est defectus naturæ humanæ, qui contrahitur ex peccato originali quo caruit Christus.

Dices Christus in omnibus voluit tentari absque peccato: Ergo à mundo, diabolo, & carne seu fomite & motu concupiscentiæ, quia fomes seu motus concupiscentiæ non est peccatum nisi sit voluntarius.

Respondet D. Thomas q. 41. art. 1. duplicem esse tentationem, alteram a diabolo per solam suggestionem exteriorem, alteram à carne per delectationem & concupiscentiam, priorem quæ est ab hoste dicit posse esse sine peccato, non autem secundam, ratione delectationis. Unde August. 19. civit. cap. 4. ait nonnullum peccatum est, cum caro concupiscit adversus spiritum.

Non placet hæc doctrina, anxiat enim conscientiam, tum certum est esse aliquos motus concupiscentiæ purè naturales & involuntarios qui primò primi vocantur, in quibus nulla est culpa.

Respondeo ergo Christum non fuisse tentatum per huiusmodi motus, quia hi culpabiles sunt quando sunt voluntarii, tales autem esse possunt dupliciter: primò antecedenter si quis spontè eos admittat cum cauere possit, secundò consequenter ut si quis eis consensum præbeat postquam itrepserunt, primo modo fuissent voluntarii in Christo, quia eos cauere poterat propter directionem quam habebat à persona Verbi, si ergo non cauisset, sed spontè admisisset, fuissent culpabiles; Neque necesse fuit ut per eos nobis daret exemplum patientiæ & victoriæ, tum quia hoc exemplum

*Carnis & spiritus
pugna
non fuit in
Christo nec
membrorum
lex.*

fuisse occultum, tum quia sat multa alia exempla nota dedit.

Dices, Paulus per huiusmodi motus dedit nobis exemplum patientiæ & victoriæ; 2. Cor. 12. *Datus est mihi stimulus carnis mee qui me colaphiset propter quod ser dominum rogans ut discederet a me.* Ergo etiam Christus potuit hoc pati ad exemplum.

Respondeo hoc exemplum etiam fuisse occultum, nisi ipse Paulus propalasset, deinde magna est differentia inter Paulum & Christum, quia stimulus carnis erat Paulo inuoluntarius, ut ex oratione eius pro liberatione patet: At Christo fuisse voluntarius, quia poterat cauere & non admittere. Secundò Paulus illum passus est ne reuelationum magnitudo eum extolleret, & ut virtus ostenderetur perfecti in infirmitate, neutra autem ratio habet locum in Christo.

Nota quæ dicta sunt de fomite in appetitu sensitivo possunt etiam applicari ad fomitem in intellectu & voluntate; nam fomes generatim sumptus, seu quod idem est concupiscentia generatim sumpta pertinet ad tres illas potentias, sensitiuum appetitum, intellectum & voluntatem, & quidem in actu primo significat ipsas potentias, quatenus natura sua pronæ sunt ad actus indeliberatos, rationi repugnantes & ad peccatum inclinantes: Quo pacto appetitus sensitivus ex se pronus est ad prauos motus carnis: Intellectus ad errorem & deceptionem, voluntas ad motus odij, superbiæ, inuidiæ: In actu autem secundo significat ipsos prauos motus & indeliberatos, quibus prædictæ potentie mouentur ad illicita.

Tertia de ignorantia leuissima est difficultas, ex dictis de scientia Christi penitus exhausta; nam ut rectè ait S. Thomas q. 15. *Ignorantia non tollitur per ignorantiam, Christus autem venit ut ignorantiam nostram auferret: venit enim illuminare his qui in tenebris & in umbra mortis sedent.* Et sicut plenitudo gratiæ & virtutis excludit fomitem peccati: ita scientiæ plenitudo excludit ignorantiam ei oppositam.

Dices, illud fuit in Christo quod sibi competit secundum naturam humanam, licet ei non competat secundum diuinam, sicut passio & mors, sed ignorantia comperit Christo secundum humanam naturam: dicit enim Damascen. lib. 3. cap. 21. quoddam ignorantem & seruilem assumpsit naturam; vnde Isai. 8. habetur, *Antequam sciat puer vocare patrem & matrem auferetur fortitudo Damasci.* Puer autem ille est Christus.

Respondeo ex D. Thoma, quod natura assumpta potest dupliciter considerari, vno modo secundum rationem suæ speciei, sicque Damascenus eam considerat, ut liquet ex sequentibus; alio modo secundum id quod habet ex vniione hypostatica, hæc plenitudinem scientiæ ei confert, excepta experientia quam in dies acquirebat, de qua Isaias loquitur.

Quarta de Passionibus seu affectibus animi diligenter examinanda restat, multa quidem prælibaui quæst. 3. ex occasione dolorum quos Christus passus est in corpore. hic agendum est de passionibus seu affectibus animi qui passionibus vocari solent.

Resolutio Catholica ponit in Christo animam passibilem, id est natam moueri affectibus illis qui passionibus dicuntur, ita S. Thom. 3. parte q. 15. art. 4.

Nota animam constitutam in corpore pati dupliciter, vno modo passione corporali, alio modo passione animali: primà, per læsionem corporis, cum enim anima sit forma corporis, consequens est quod vnum sit esse animæ & corporis, & idè corpore perturbato per aliquam corpoream passionem, necesse est quod anima per accidens perturbetur, scilicet quantum ad esse quod habet in corpore. Quia igitur corpus Christi fuit passibile & mortale, (ut suprâ habitum est) necesse fuit, ut etiam eius anima passibilis esset hoc modo. Passione autem animali pati dicitur anima secundum operationem quæ vel est propria animæ, vel principaliter est animæ quàm corporis. Et quamuis etiam secundum intelligere & sentire dicatur hoc modo anima aliquid pati, tamen propriissime dicuntur passionibus animæ, affectionibus appetitus sensitivi, quæ in Christo fuerunt, sicut & cætera quæ ad naturam hominis pertinent: longè tamen diuersæ fuerunt in Christo ab illis quæ in nobis solent oriri. In illo siquidem, ut dicit S. Augustinus 14. ciuit. cap. 8. fuerunt ordinatissimæ.

Quocirca S. Thomas cit. triplex discrimen assignat inter passionibus Christi & nostras.

Primum ex parte principij: quia in Christo sequebantur semper rationis deliberationem, in nobis sæpè illam anteuertunt.

Secundum ex parte obiecti: quia Christi passionibus habuerunt semper obiectum rectè rationi consentaneum; nostræ verò læpissime feruntur in obiectum ipsi rationi repugnans.

Tertium denique ex parte effectus: in Christo enim ratio nullo modo ab eius passionibus impedita est; in nobis verò passionibus rationem ipsam vel impediunt, vel etiam aliquando obruunt.

Quibus de causis visum est aliquibus Sanctis Patribus huiusmodi motus & affectus in Christo, non passionibus sed propassionibus dici debere.

Probatum resolutio, primò ex Scriptura, (prætermittis corporalibus passionibus, de quibus q. 3. actum est,) Matth. 26. *Tristis est anima mea.* Marc. 14. *Capit Iesus pauere & tædere.* Matth. 8. *Audiens Iesu (scilicet verba Centurionis,) miratus est.* Ioan. 2. *Fecit flagellum & eiecit e mentes & vendentes.* Et de eo dicitur esse impletum quod in Psal. 68. legitur, *Zelus domus tuæ comedit me.* De cæteris quærantur textus spectrales.

Probatum ex Sanctis Patribus, August. 14. ciuit. 9. *Homo motus certa dispensationis gratia ita cum voluit Christus suscepit animo humano, ut cum voluit factus est homo.* Hieronym. in 26. Matth. *Dominus noster ut veritatem assumpti hominis probaret, verè quidem contristatus est: sed ne passio in animo illius dominaretur, per propassionem dicitur quod cepit contristari & mæsus esse ut passio perfectè intelligatur, quando animo id est rationi dominatur, propassio autem quando est inchoata in appetitu sensitivo, sed vltimus non se extendit.* Ambros. lib. 2. de fide ad Gratian. c. 2. *Et homo tristitiam habuit: suscepit enim*

Anima in corpore patitur dupliciter.

Triplex discrimen inter passionibus Christi & nostras.

enim tristitiam meam: confidenter tristitiam nemo qui crucem prädico.

Probatur ratione, in Christo fuit verus appetitus sensitivus, cum sit de perfectione & integritate naturæ humanæ, & valde conferat ad meritum satisfactionis, ut Christus per ipsum passus sit, quamvis actus eius in Christo fuerint subiecti rationi & non præuenientes, sicut in nobis; ergo & affectus seu passionibus quas Græci pathos, Latini affectiones vocant; hæ autem magis sunt in parte appetitiva quam in apprehensiva. Vide D. Thom. 1. 2. quæst. 22.

Adde quod passionibus animæ, ut sunt quidam motus irrationalis seu sensitivi appetitus irascibilis, scilicet & concupiscibilis, non sunt bonæ vel malæ moraliter, sed puræ naturales secundum se spectatæ, ut autem subiacent imperio rationis & voluntatis, sic vel bonæ vel malæ dicuntur. Vnde August. 14. civit. cap. 7. *Mala sunt ista si malus est amor, bona si bonus.* Et cap. 9. *Rectus amor omnes istas affectiones rectas habet: metuit enim peccare, cupiunt perseverare, dolent in peccato, gaudent in operibus bonis.* Christus autem ut dixi continebat sub imperio rationis omnes istos affectus. Ergo non est inconueniens quod in Christo admittantur, cum sit homo.

Quæres, Quam actus appetitus sensitivi faciat in Christo.

Posito in Christo vero appetitu sensitivo qui est de perfectione naturæ humanæ, quamvis eius actus in Christo fuerint rationi subiecti & non præuenientes, cum ipse non solum gratia sed gloria plenissime cumulatus esset ratione, quantum poterat ita regere actus eius ut nunquam contra eius imperium, atque adeo nunquam contra rectam rationem exurgerent.

Respondeo in primis, fuisse amorem naturæ ex bono sensibili, quia nullam dixit imperfectionem, imò & poterit repetiri in beatis, qui & parentes & bona ipsa corporis diligunt, de Christo autem legitur quod Lazarum amaret. Ioan. 11. *Domine quem annis infirmatur.*

Desiderium quod est appetitus honestus quo optatur bonum sensibile absens qui quemadmodum potuit esse & fuit in Christo. Luc. 22. *Desiderio desideravi hoc Pascha manducare vobiscum.* Quia in via poterat optare bona futura corporis sui, aut servorum, pari iure dicam.

Fugam mali sensibilis in ipso repertam esse cum par sit ratio ac de desiderio.

Delectationem sensibilem de bono sensibili, cum ex illo naturaliter exurgat & aliunde non afferat imperfectionem.

Spem quæ est tendentia in bonum arduum nemo excludit à Christo, cum vidit se non aliter assecuturum gloriam corporis quam per passionem & mortem.

Audaciam in Christo notatam fuisse, quæ est aggressio inconcussa & constans periculorum, tot vitæ & honoris pericula quæ ingressus est, abundè testantur.

Tristitiam quæ est dolor ex apprehensione mali alicuius imminentis verè fuisse in Christo, cum apprehenderit mortem, iniurias, tormenta, tanquam mala gravissima sibi immin-

Carriere in Projektionem fides

nentia, ipsemet declaravit Marc. 14. *Tristis est anima mea usque ad mortem, eodem autem iure*

Timorem fuisse in eo non dubito, quia id eodem textu declaratur. *Capis panem & cadere.* Distinguit tamen S. Thomas timorem aut summi pro apprehensione mali futuri quod vitari possit, & certò venturum non sit, quo pacto non fuit in Christo, qui sciebat mala apprehensa mortem & passionem sibi certò euentura: aut pro apprehensione mali futuri quod refugit appetitus, & hoc pacto ait extitisse ex apprehensione mortis futuræ, quam omnino auerlabatur appetitus.

Quæres, An isti duo affectus tristitia & timor non tantum fuerint in appetitu sensitivo, sed etiam in rationali seu voluntate. Ratio querendi est, quod pars illa superior fuerit plenissime beata, ac proinde ibi voluptas & securitas summa, quomodo ergo stant tristitia & timor?

Respondent Damascenus lib. 67. de fide cap. 18. Athanasius lib. de Incarnat. Verbi, timorem & tristitiam locum habuisse etiam in voluntate rationali, ratio est, quia idem obiectum quod causat in appetitu sensitivo, causat etiam in appetitu rationali propter naturalem unionem voluntatis cum appetitu in eadem anima, nisi aliunde impediatur: at nulla est ratio cur impediatur ille timor voluntatis, cum & ostendat veritatem naturæ humanæ, & conferat ad meritum satisfactionis.

Nec est vlla repugnantia quod respectu diversorum obiectorum sint distincti actus securitatis & timoris, voluptatis & tristitiæ: ut reuera fuerint in Christo: securus fuit de beatitudine, timuit mortem futuram, delectatus est de visione Dei, tristatus est de ipsa morte futura. Imò addiderim de eodem obiecto & de morte simul in Christi voluntate potuisse esse tristitiam & delectationem, prout sub diversis rationibus apparebat: sic enim & de morte lætabatur ut erat remedium peccati, & de ea tristabatur ut erat malum naturæ; quod nullo modo absurdum est.

Itam in Christo admittit D. Thomas aliqua ratione, uti scilicet est effectus tristitiæ cum appetitu repellendi iniuriam sibi vel aliis illatam. Vindicta autem appetitus potest esse aliquando eum peccato, quando scilicet queritur contra ordinem rectæ rationis. De hac explicandus Iacobi 1. locus. *Ira viri iustitiam Dei non operatur.* Aliquando sine peccato, ut Psal. 4. *Iraeimini & nolite peccare.* Quando nimirum non queritur nisi zelo iustitiæ, & tunc vocatur Zelus qui propriè fuit in Christo. *Cum fecit flagellum & eiecit de templo mercatores.* Nec dicendum quod zelus turbat oculum mentis; hoc enim in nobis contingit sæpius: at in Christo appetitus & ratio quod sui erat muneris exquebantur.

Admirationem in Christo prædicat Matth. 8. ratione scilicet scientiæ experimentalis, per quam novum aliquid poterat cognoscere vno tempore quod alio non cognoscebat, certum autem est quod per scientiam divinam aut infusam nihil poterat admirari, quia nihil novum ei occurrebat, quod ad admirationem requiri certum est.

XI = Qv

Contrarij affectus fuerint in Christo de eodem obiecto ut tristitia & gaudium sub diversa ratione.

Vide D. Tho. 1. 2. q. 26.

Actus appetitus sensitivi in Christo, nec præueniebant rationem, nec contra eam insurgent.

QVÆSTIO XIV.

De Merito Christi.

SVpposito ex fide & determinatione sextæ Synodi Act. 17. quod *In Christo duas naturales operationes indinise, inconvertibiliter, inconfuse, inseparabiliter glorificamus, hoc est divinam operationem & humanam operationem.* Nam ut habet S. Thomas utraque natura propriam formam & virtutem per quam operatur habet.

QVÆRITVR, *An & qua ratione actiones humane Christi fuerint meritorie.* Quod resolui nequit nisi meriti conditiones statuuntur.

Conditiones
meriti sta-
tuuntur
quinque.

Quinque ponuntur à Doctoribus. Prima ut actio sit libera. Secunda ut sit honesta seu bona moraliter. Tertia ut sit hominis iusti & Deo grati. Quarta ut sit viatoris seu exerceatur in statu viæ. Quinta denique ut intercedat pactum vel promissio de retribuendo premio pro tali actione.

Hinc sequitur Christum (si meruit) meruisse per illas actiones quibus hæ conditiones conueniunt, non autem per eas quibus non conueniunt.

Non ergo meruit per visionem beatificam, neque per actum charitatis erga Deum qui oritur ex visione beatifica, neque per actum gaudij beatifici propter defectum primæ, quartæ & quintæ conditionis, nam illæ actiones non erant liberæ, sed necessariæ, nec erant actiones viatoris sed comprehensoris, neque promissa fuit illis merces aut retributio.

Per reliquas potuit mereri ut per actum obedientiæ, patientiæ, dilectionis proximi, orationis, mortis, & similibus virtutum, seu per actus voluntatis humanæ, siue elicitos, siue imperatos: neque enim actus exteriores aliter meritorij esse possunt, quam prout imperantur à voluntate: quæ ut est radix libertatis ita & meriti.

Conclusio Catholica. *Actiones humane Christi fuerunt meritorie.*

Actiones hu-
mane Christi
fuerunt me-
ritorie.

Probatur ex scriptura in qua dicitur redemptionem nostram ac peccatorum nostrorum remissionem ex Christi sanguine, hoc est ex passionis eius ac mortis merito procedere. Coloss. 1. *In quo habemus redemptionem & remissionem peccatorum.* Apoc. 5. *Redemisti nos Deus in sanguine tuo.* Philipp. 2. *Factus obediens usque ad mortem, propter quod & Deum exaltavit illum.*

Probatur ex Concil. Trident. sess. 6. cap. 7. ubi dicitur, *Nostra iustificationis causam meritoriam esse Dominum nostrum Iesum Christum, qui cum esset inimici propter nimiam charitatem suam qua dilexit nos sua sanctissima passione, in ligno crucis nobis iustificationem meruit, & pro nobis Deo Patri satisfecit.*

Probatur ratione, omnis perfectio & nobilitas possibilis est Christo attribuenda, sed nobilius est habere aliquid per meritum quam sine merito, seu habere per se quam per aliud, semper enim causa quæ est per se, potior est ea quæ est per aliud, ex Arist. 8. phys. text. 9. Hoc autem quis dicitur habere per seipsum,

cuius est sibi aliquo modo causa. Prima autem causa omnium bonorum nostrorum per auctoritatem est Deus, & per hunc modum nulla creatura habet aliquid boni per seipsum, secundum illud 1. Cor. 4. *Quid habes quod non accepisti:* potest tamen secundario aliquis sibi esse causa alicuius boni habendi in quantum scilicet in hoc ipso cooperatur Deo, & sic ille qui habet aliquid per meritum proprium, habet quodammodo illud per seipsum, unde nobilius habetur id quod habetur per meritum, quam id quod habetur sine merito.

Tum omnes conditiones ad meritum requisitæ reperiuntur in actionibus Christi, ergo fuerunt meritorie.

Liberæ fuerunt, ut probavi supra.

Honestæ & bonæ, quod ipse Christus declarauit Ioann. 8. *Ego que placita sunt ei facio semper.*

Fuerunt à personâ Deo grata, quod ipse Deus in Baptismo & Transfiguratione Christi testatus est.

Fuerunt factæ in statu viæ, cum Christus fuerit simul viator & comprehensor.

Intercessit pactum ex parte Dei Patris, iuxta illud Isai. 53. *Si posueris pro peccato animam suam, videbis semen longanum & voluntas Domini in manu eius dirigetur.*

Difficultas aliqua fieri potest in explicacione status viatoris Christi, hac occasione expono quomodo Angelis & nobis conueniat.

Nota Angelos censeri à multis puros viatores ex eo, quia antequam essent beati per fidem ambulabant, seu tendebant ad vltimom finem qui est beatitudo. Nunc quia beati sunt esse puros comprehensores.

Nos etiam in hac vita mortali puros viatores esse, quia in carne passibili ambulamus per fidem, vel quia nec corporis nec animæ beatitudinem consecuti sumus, sed ad utramque tendimus.

Christum in hac vita mortali non fuisse pium viatorem, sed simul viatorem & comprehensorem.

Viatores quidem dupliciter, primò ratione carnis, quæ nondum gloriosa erat, sed passibilis & mortalis, secundò ratione animæ, quæ etiam ex parte erat passibilis & obnoxia dolori, tristitiæ, timori, & similibus defectibus.

Comprehensorem ratione eiusdem animæ quæ Deum clarè videbat, ita S. Thom. q. 15. art. 10. Durand. Richard.

Scotus idem dicit in aliis terminis, docet enim beatos esse in termino, quia coniuncti sunt Deo, tam secundum affectum iustitiæ quam affectum commodi, eo quod habent summum commodum, nec possunt aliquid velle quod sit eis incommodum. Christus tamen secundum aliquid fuit viator & passibilis, ideoque potuit multa velle contra affectum commodi, & sic mereri ieiunando, orando, &c. vel exercendo talia exterius, vel volendo ea interiorius propter Deum, quia quantum ad illos actus fuit viator, non enim includuntur radicaliter in sua beatitudine. Comprehensor autem dicitur, quia Deum clarè vidit, eique à primo instanti coniunctus fuit ab vnione totali quæ ex parte animæ est secundum affectum iustitiæ, ideoque potuit velle pati & passus est, sicque viator

Dupliciter dicitur iustus fuisse viatorem.

viator dicitur, quia ad illum affectum commodi per passionem suam viam sibi faciebat.

Quæres, Quo tempore Christus capere mereri, & quo complauerit meritum.

Christus meruit ab instanti sua conceptione.

Respondet cum S. Thoma q. 34. art. 3. Scot. & aliis, meruisse à primo suæ conceptionis instanti Psal. 39. *In capite libri scriptum est de me, ut facerem voluntatem tuam, ego volui.* Quæ verba licet possint intelligi de decreto æterno & præcepto dato Christo à Patre. D. Paulus tamen Hebr. 10. applicat ad Christum nondum ingredientem, quasi dixerit, *In capite libri, statim initio mei, ingressus in mundum voluisti me facere voluntatem tuam: ego pariter volui.* En meritum in illo actu voluntatis Christi, cum idem Paulus eodem loco concludat nos per eam sanctificatos fuisse. *In qua voluntate sanctificati sumus per oblationem corporis Christi semel.* Instans autem quo ingressus est Christus in mundum fuit instans conceptionis, ut exponunt Anselm. D. Thom. & alij, iuxta id Ioann. 16. *Exiui à Patre & veni in mundum,* nempe per incarnationem.

Probatum Allectio rationibus; prima, Christus ab instanti conceptus præditus fuit scientia infusa, vique perfectio rationis, atque virtutibus tam supernaturalibus quam moralibus, quare mereri potuit, neque est vlla ratio cur non eliceret aliquem actum meritorium, cum dici nequeat cum fuisse otiosum quoad prædicta. Tum hoc non implicat quod potuerit mereri; ergo dicendum est meruisse, cum hoc sit perfectius quam oppositum: probatur antecedens, quia licet in primo instanti per visionem beatam vidit Deum clare, & ex illa visione habuit actum amoris beatifici, sic potuit vel per eandem visionem, vel per distinctam revelationem cognoscere voluntatem Dei patris ut offerret se morti, ergo potuit acceptare illam voluntatem & se offerre morti, nam posita sufficienti cognitione & iudicio in intellectu, non indiget voluntas successione temporis ad eligendum, sed eo instanti quo intellectus iudicat aliquid faciendum potest voluntas liberè consentire. Ratio hæc est Scoti quam sic proponit. Omne habens actum primum perfectum & obiectum præsens in ratione obiecti, si non impeditur & actus eius non sit successivus, sed permanens potest agere pro quocumque instanti, quia non plura requiruntur ad actum, sed hæc omnia fuerunt in Christo in primo instanti: Ergo meruit ex tunc.

Dices, omnibus istis positis adhuc requiritur ad meritum deliberatio & electio, electio autem præsupponit syllogismum prædicum & discursum, discursus autem moram.

Respondet quod nobis ad merendum requiritur discursus, cuius ratio est nostra ignorantia, oportet enim quod inquiramus quid sit agendum antequam concludamus: Christus autem habuit à principio omnem cognitionem, adeo potuit sine syllogisatione eligere.

Dices, ad meritum requiritur libertas, at in primo instanti voluntas non potest liberè operari, ergo nec mereri. Minor patet, quia voluntas non potest liberè operari nisi sit indifferens ad operandum & non operandum,

hæc autem indifferentia respicit tempus futurum.

Respondet Becanus hoc non esse necessarium, quia voluntas eodem instanti quo indifferens est potest operari si velit.

Dices, actio naturalis prior est liberà, ut patet in divinis; At voluntas Christi in primo instanti habuit actionem naturalem seu necessariam, scilicet amorem beatificum; Ergo libera actio debuit postea sequi in secundo instanti.

Respondet Vasquez maiorem veram esse vel de prioritate rationis, vel de prioritate naturæ, non tamen de prioritate temporis.

Instabis, omne quod est quando est necesse est esse; ergo si Christus meruit in primo instanti, tunc pro illo instanti actus ille erat necessarius; sed nullum necessarium est meritorium: Ergo, &c.

Respondet actum in primo instanti fuisse contingentem, contingens enim nunquam formaliter est contingens nisi quando est. Cum autem dicitur, omne quod est quando est necesse est esse. Propositio est vera secundum compositionem & non secundum divisionem.

Instabis duæ mutationes, quarum terminus unus præcedit terminum alterius, non sunt simul duratione, sed creatio voluntatis in esse primo, & motio voluntatis ad proprium actum, sunt duæ tales mutationes; ergo non potuit voluntas simul esse & operari.

Respondet maiorem esse veram, si terminus præcedat terminum duratione, si autem inter mutationes est tantum ordo naturæ, & talis est etiam inter terminos.

Complementum meriti Christi fuit in morte, ita ut post mortem nihil ultra meruerit.

Christus non meruit ultra mortem.

Probatum ex Scriptura Ioan. 9. *Me oportet operari opera eius qui misit me, donec dici est, veniet nox quando nemo potest operari.* Vbi Patres communiter per noctem intelligunt mortem post quam nemo mereri potest. Ita Cyril. Aug. Beda.

Rationes accedunt, prima & generalis, quia status vitæ & vitæ ad merendum datus est, ita ut ultra non sit locus merito, ut exprimit Scriptura variis in locis Eccles. 9. *Quodcumque potest manus tua instanter operari, quia nec opus, nec ratio, nec sapientia est apud inferos, quo tu properas.* Quæ locum Hieronymus interpretatur de bono opere meritorio, cum ibi de inferno loquatur Scriptura, quo & Purgatorium continetur, in quo bona quidem opera fecerunt, sed non meritoria. Et 14. *Ante obitum operari iustitiam.* Et infra. *Ne verarum usque ad mortem iustificari.* Paulus hoc idem confirmat 1. Cor. 5. *Vnumquemque nostrum oportet comparere ante tribunal Christi, ut unusquisque referat prout gessit in corpore suo, siue bona siue mala.* Nota particulam *In corpore*, quæ denotat tempus vitæ. Et ad Galat. 6. *Dum tempus habemus operemur bonum.* Adiungo aliam rationem. Christus per passionem suam in cruce consummavit sua merita quibus obtinuit redemptionem nostram, ut ipsemet fassus est cum dixit: *Consummatum est.* Quod & Heb. 2. affirmat Paul. *Decebat cum qui multos filios in gloriam adduxerat authorem salutis eorum per passionem consuminari.*

Non meruit autem formaliter per ipsam mortem, ut est separatio animæ à corpore, quia

Vulnus lateris non fuit ex se meritorium, sed ut prout illud acceptum sit.

tunc non erat homo nec viator, quare cum dicitur nos per mortem redemisse, intellige per tormenta causantia mortem. Ac multò minus meruit per apertionem lateris, nisi dicator vi præcedentis voluntatis qua acceptauit hoc vulnus infligendum post mortem meruisse.

Nec refert quod Patres dicant cum Augustino 4 de Trin. cap. 3. Vna mors nostri Saluatoris (scilicet corporalis) duabus mortibus nostris (id est animæ & corporis) saluti fuit: Nam respondeo, quòd duobus modis loqui possumus de morte Christi, vel ut est in fieri, vel ut est in facto esse, dicitur autem esse in fieri, quando aliquis per aliquam passionem, vel violentam vel naturalem tendit in mortem, & hoc modo idem est loqui de morte & de passione eius: Et ita secundum hunc modum mors est causa salutis nostræ. Sed in facto esse mors Christi consideratur, secundum, quod iam facta est separatio corporis & animæ. Hoc autem modo Christus nec meruit, nec salutem mundi operatus est, nisi audiat S. Thomas qui q. 50. art. 6. dicit operatam esse mortem Christi ad salutem per modum non meriti sed efficientiæ, in quantum scilicet nec per mortem separata fuit diuinitas à carne Christi, & idèd quicquid contigit circa carnem Christi etiam animâ separatâ, fuit nobis salutiferum virtute diuinitatis unitæ; vnde etsi corporale non sit ex se causa spiritualis, qualis est nostra salus, corpus tamen Christi viuum & mortuum assumptum est à diuinitate, ut instrumentum sibi unitum ad salutem humani generis.

Nec etiam refert quòd Patres docent Sacramenta effluxisse ex latere Christi post mortem, vnde velis inferre Christum meruisse ex illo vulnere illam sanctificandi virtutem quæ est in Sacramentis. Patres enim solum dicunt, per aquam & sanguinem quæ fluxerunt ex latere Christi post mortem, significati duo Sacramenta vel mysteria. Quænam verò ea sint non conueniunt.

Quidam intelligunt Baptismum & Eucharistiam, sic Chrylостom. August. Damascen. Theophil.

Alij duo Baptismata aquæ & sanguinis, ut Tertull. Hieronym. Rufin.

Alij Baptismum aquæ & pretium redemptionis nostræ, sic Ambros. Leo, Beda.

Omne meritum Christi respectum est ad suam mortem.

Nota quod quauis Christus quacumque actione sua nobis verè & de facto meruerit omnia & singula bona gratiæ, nihilominus non meruisse nisi respectu ad mortem crucis, ita ut singula eius merita per mortem compleri & consummari deberent: non sanè quod aliter fieri non possit, cum vel minima Christi actio propter infinitam diuini suppositi dignitatem, per se ad redimendos mille mundos sufficeret: sed quia ab æterno definitum fuerat, ut redemptio nostra non aliter compleretur quàm per Christi passionem & mortem. Vnde Isai. cap. 53. de illo prædixerat, Si posueris pro peccato animam suam, videbis semen longæum. Et ipse Christus sæpè in Euangelio de passione sua tanquam de re prædefinita diuinitus ad generis humani redemptionem locutus est, ut Marci 8. *Cæpit docere eos, quoniam oportet filium hominis pati multa & occidi.*

Et Ioan. 12. de passione ac morte sua loquens, (ut explicat Augustin. tractatu 31. in Ioan.) *Nisi granum frumenti cadens in terram mortuum fuerit ipsum solum manet, si autem mortuum fuerit multum fructum affert.*

QVÆRES, Quid sibi meruerit Christus?

Respondeo gloriam corporis & nominis sui exaltationem, ita S. Thomas q. 19. & q. 53. & habetur ex Scriptura Philippens. 2. *Humiliavit semetipsum factus obediens usque ad mortem propter quod & Deus exaltauit illum.* Heb. 2. *Vidimus Iesum propter passionem mortis gloria & honore coronatum.* Propter ibi significat causam meritoriam, hanc exaltationem & gloriam petierat à Patre Ioan. 12. *Pater clarifica nomen tuum.* Nempe in me, itque promiserat. *Et clarificauit & iterum clarificabo.* Clarificauit te hætenus voce de cælo data, hic est filius meus dilectus, tum variis signis & miraculis, *Et iterum clarificabo*, post mortem ut omnes euidenter agnoscant te verum esse Dei filium, quam promissionem exegit postea Ioan. 17. *Pater venit hora clarifica filium tuum, ut filius tuus clarificet te.* Quasi dicat nunc tempus venit quo maximè indigeo clarificatione tua, quia mors probrosa imminet, & nisi clarificaueris me, & certis signis declaraueris me filium tuum, omnes pro scelesto & impio sint habituri. Itaque clarifica filium tuum, quod factum est sole obscurato, terra tremuit, quando aperta sunt monumenta, quando resurrexit, quando ascendit in cælum, quando vilus à B. Stephano ad dexteram Dei Patris.

Christus meruit sibi gloriam corporis & nominis exaltationis.

Dices, Charitas Christi commendatur quod *Pro inimicis mortuus est.* Rom. 5. Hoc autem friget si etiam pro se mortuus esset.

Respondeo negando quod frigeat, quia etsi Christus aliquid meruerit pro se, hoc non derogat charitati eius erga nos, imò eam commendat, quia potuisset ab instanti conceptionis habere gloriam corporis & nominis exaltationem, sed in gratiam nostri elegit pati & humiliari. Quod autem per proprium meritum acquisierit sibi gloriam qua propter nos tamdiu caruerat, hoc etiam factum est ex charitate nostri, scilicet ut nos etiam in ipso tanquam in nostro capite essemus gloriosi & exaltati.

Dices, Scriptura testatur eum totum nobis addictum Isai. 9. *Puer natus est nobis.* Ioan. 17. *Pro eis sanctifico meipsum.*

Respondeo verum hoc esse, Scriptura tamen non negat pro se etiam fuisse sollicitum, imò Ioan. 17. hoc exprimit. *Pater venit hora clarifica filium.*

Non meruit sibi suam Incarnationem seu vnionem hypostaticam; nam ea fuit principium omnium suorum meritorum, quod non cadit sub meritum. Tum Anima vel humanitas Christi non fuit in rerum natura ante vnionem, consequenter nullum ante fecit opus quo posset mereri, dato etiam quod anima vel humanitas antecellerit ordine naturæ vnionem, ratio est, quia vel meruisset per bona opera naturæ vel gratiæ, nò primum, quia opera naturæ non sufficiunt ad meritum vnionis hypostaticæ

Non meruit sibi vnionem hypostaticam, quia ipsa est principium et totum meritum.

hypostaticæ, quæ est supra naturam; Nec secundum, quia gratia Christi fuit posterior vnione, vt docet S. Thomas q. 6. & 7. & ratio est, quia humanitas, Christi prius natura habuit subsistentiam quam accidentia; ergo prius natura fuit vnio subsistentiæ Verbi quam gratiæ habituali, & consequenter prius habuit vnionem quam ex gratia habituali operaretur. Confirmatur, quia omnes operationes accidentales ordinantur ad perfectionem suppositi; ergo necessarium est vt constitutio suppositi præcedat ordine naturæ omnes operationes accidentales. Imò nec potuit mereri, quia idem non potest esse causa & effectus respectu eiusdem; sed vnio est causa meriti in Christo, ergo non potest esse effectus seu præmium eiusdem meriti.

Respondent aliqui cum Suarez, vnionem hypostaticam dupliciter spectari posse, Primò quatenus est in intentione seu prædestinatione Dei, & sic est principium seu causa meriti, non autem præmium seu effectus. Secundò quatenus est in executione seu quatenus re ipsa existit in humanitate, & sic posse esse præmium dicunt seu effectum, non tamen principium seu causam. Probant à simili, quia æterna gloria, quatenus est in intentione est principium meriti, quatenus est in executione non est principium sed effectus seu præmium, iuxta hanc distinctionem explicant sic Axioma Patrum; Principium meriti ea ratione qua est principium, non cadit sub merito, tamen alia ratione qua non est principium, potest cadere sub merito.

Hæc responsio non placet; primò, quia repugnat Patribus & Conciliis; nam arguantur sic: Principium meriti non cadit sub merito, sed prima gratia, quatenus est in executione, est principium meriti; ergo prima gratia, quatenus est in executione, non cadit sub merito.

Minor propositio, iuxta mentem Patrum & Conciliorum verissima est. At iuxta distinctionem allatam esset falsa: sic enim dicendum esset. Prima gratia quatenus est in prædestinatione, est principium meriti, quod hætenus nemo dixit. Deinde falsum est vnionem hypostaticam, quatenus est in executione, non esse principium meriti, imò eatenus & non aliter est principium meriti.

Quod ostendo, primò, quia Christus non potuit mereri nisi de facto esset sanctus & Deo gratus; At de facto non fuit sanctus & Deo gratus nisi per vnionem hypostaticam, non quatenus erat in prædestinatione, sed quatenus erat in executione.

Secundò, quia actiones Christi per quas meruit, non acceperunt infinitum valorem merendi ab vnione, quatenus fuit ab æterno in intentione Dei, sed quatenus existerat in humanitate Christi.

Nec est simile de gloria; primò, quia ipsa est principium meriti, quatenus est in intentione hominis, non quatenus est in prædestinatione Dei. Secundò non est principium meriti per modum efficientis sicut vnio, sed per modum causæ finalis; est enim vltimus finis ad quem homo tendit per merita bonorum operum, itaque ex amore seu intentione glo-

riæ mouetur seu impellitur homo in hac vita ad opera pia quibus gloriam mereri possit quam nondum habet. At vnio hypostatica non fuit finis ex cuius amore & intentione mouebatur Christus ad opera pia quibus eam mereretur, cum iam eam possideret, sed potius tenuit se ex parte causæ efficientis, erat enim quasi quædam substantialis sanctitas, quæ tribuebat humanitati valorem in operando seu merendo vt posset redemptionem nostram operari.

Dices, si princeps daret alicui militi arma propter vsum belli futurum dependentem ab illis armis, iam à nunc illa essent principium meriti & simul darentur propter meritum: Ergo idem dici potest de Christo; nam Deus potuisset illi dare vnionem hypostaticam propter meritum futurum dependens ab vnione. Sic ratiocinatur Suarez.

Respondeo non esse simile. Primò, quia princeps non dat militi arma propter vsum belli futurum dependentem à tollis armis, sed propter industriam & alia opera quæ à milite dependent, multa enim fieri possunt à militari quæ nullo modo dependent ab illis armis: At in Christo nullum fuit opus meritum independentem ab vnione à principio meriti, ac proinde non potuit esse præmium alicuius meriti in Christo.

Secundò, quia arma non sunt principium meriti in milite, sicut vnio est principium meriti in Christo, nam vnio sanctificat & dignificat humanitatem Christi vt possit mereri apud Deum, & actiones Christi accipiunt infinitam vim merendi ab humanitate per vnionem sanctificatam & dignificatam. At arma non sanctificant nec dignificant militem vt possit mereri, sed tantum sunt instrumenta quibus vtitur miles ad operandum, miles autem est aptus & idoneus ad merendum per propriam industriam, prudentiam, fortitudinem, aliasque dotes quas habet.

Itaque arma militis non debent conferri cum vnione hypostatica, sed cum instrumentis quibus vltus est Christus in actionibus suis meritoriis, cuiusmodi sunt lingua, manus, pedes, clauis, flagella, crux.

QUÆRES, An saltem potuerit mereri continuationem illius vnionis, seu extensionem eius ad omnes partes quas per nutritionem acquirebat.

Respondeo, Christum non meruisse conseruationem, quia quod ex natura rei debitum est non cadit sub merito, sed conseruatio perpetua est debita ex natura rei vnioni, sicut etiam visioni beatificæ & animæ rationali; ergo sicut conseruatio animæ rationalis & visionis beatæ non cadit sub merito: ita nec conseruatio vnionis.

Respondeo ad extensionem vnionis ad novas partes materiæ quæ per nutritionem paulatim acquirebantur, non meruisse, quia extensio illa seu partialis vnio sequitur ex vi primæ vnionis & ei debita est ex natura rei; nam prima vnio qua Deus factus est homo, requirit vt omnes partes naturæ humanæ subsistant subsistentia verbi: Ergo requirit vt omnes vnitæ sint Verbo. Quod si vnio humanitatis cum Verbo addit aliquid super vniones partiales,

Christus fuit Deo gratus & sanctus per vnionem hypostaticam, & ab illa actiones eius valorem acceperunt.

les, Christus meruit illam vnionem sicut meruit Resurrectionem, quæ non poterat fieri sine tali vnione. Si autem nihil addit supra pattiales vniones, non fuit opus villo merito.

QVÆRES, Quid meruerit Christus?

Suarez tomo 2. disp. 42. sect. 1. affert multos qui censent meruisse eis gratiam & gloriam quæ datæ sunt eis ex præuis Christi meritis. Non est de fide, sed probabiliter habetur ex Scriptura Ephel. 1. *Ipsam deum caput super omnem Ecclesiam, quæ est corpus ipsum & plenitudo eius, qui omnia in omnibus adimpletur.* Quod fere idem repetit Coloss. 1. *Et ipse est caput corporis Ecclesie, qui est principium primogenitus ex mortuis, ut sit in omnibus primatum tenens, quia in ipso complacuit omni plenitudinem inhabitare.* Ibi Christus non ut Deus sed ut homo suscitans videlicet ex mortuis, & primogenitus ex mortuis est principium & caput super omnem Ecclesiam, & veridicius Ecclesie, quæ se habet ad Christum sicut corpus reliquum ad caput. Et Coloss. 2. *Qui est caput omnis principatus & potestatis.* Eadem inuinitur ratio de Angelis aliorum ordinum, unde sequitur quod si caput est Angelorum, omnia dona supernaturalia ab ipso in omnes beatorum illorum spirituum Hierarchias deriuari.

Est non sit de fide, est tamen probabile Christum meruisse Angelis gratiam & gloriam quæ eis ex præuisione meritorum eius derivant.

Probatur ex SS. Patribus, August. serm. 40. de tempore, qui est secundus post Octauam Epiphaniæ. *Totum hoc, scilicet qui ab Abel in finem sæculi iusti viuunt, Corpus Christi, singuli autem membra Christi, adiungitur verò ista Ecclesia, quæ nunc peregrina est, illi cælesti Ecclesia, ubi Angelos eius habemus, & sit una Ecclesia ciuitas Regni magni.* S. Thom. 3. part. q. 8. art. 4. *Manifestum est quod ad vnum finem qui est gloria diuinæ fruitionis, ordinantur & homines & Angeli; unde corpus mysticum non solum consistit ex hominibus, sed etiam ex Angelis, totius autem huius multitudinis Christus est caput, utpote plenissime habens gratiam & gloriam.* S. Bernard. serm. 21. in Cant. ubi dicitur *Quod ille (Christus scilicet) qui hominem lapsum erexit, Angelo statim ne laberetur, dedit, sic illum ex captiuitate eruens, sicut hunc à captiuitate descendens: & hac ratione fuit utriusque redemptor soluens illum & seruans istum.*

Probatur ratione; Christus est caput, ergo omnibus membris influit. Secundò, Angeli mali peccauerunt (ut multi tenent) ex occasione reuelatæ incarnationis, quia scilicet non voluerunt acceptare & obedire Christo qui ipsis reuelabatur. Ergo boni qui acceptauerunt meruerunt gratiam; ergo acceperunt illam per merita Christi. Tertiò, Angeli viatores habuerunt fidem Christi, ergo per illam sanctificati sunt. Antecedens est S. Thomæ, sequela probatur, quia idem Christus per fidem reuelatus fuit ut in eum crederemus tanquam in authorem gratiæ, ergo acceperunt gratiam ex illius meritis.

Adde quod ex Gregor. lib. 1. Reg. cap. 2. *Christus, inquit, est causa exemplaris omnium prædestinatorum, & eius prædestinatio est prima.* Unde inferitur, quod gratiæ concessæ eis sint ex meritis Christi concessæ.

Dices, Caput & membra sunt vnus nature, sed Christus secundum quod homo

non est conformis in natura Angelis, sed solum cum hominibus. Unde *Nec Angelos apprehendit* Hebr. 2. Ergo nec caput influens eis.

Respondeo quod influentia Christi super homines, principaliter quidem est quantum ad animas, secundum quas homines conueniunt cum Angelis in natura generis, licet non in natura speciei, & ratione huius conformitatis Christus potest dici caput Angelorum, licet deficiat conformitas quantum ad corpus, ex virtute autem spiritualis nature, scilicet diuinæ, potest non solum in homines, sed in Angelos quos submisit ei Deus.

QVÆRES, Quid Christus meruerit hominibus?

Respondeo Christum Dominum meruisse hominibus salutem æternam, & quæcumque ad eam dicunt ordinem, ut electionem, seu prædestinationem, gratias actuales, remissionem peccatorum, & ipsam animæ sanctitatem.

Christus meruit bonorum prædestinationem & sanctitatem.

Probatur ex Scriptura 1. Timoth. 4. *Saluator est omnium hominum & maxime fidelium.* Et 1. Ioann. 2. *Ipse est propitiatio pro peccatis nostris, non pro vestris tantum, sed etiam pro totius mundi.* 1. Ioan. 1. *Sanguis Iesu Christi emundat nos ab omni peccato.* Et vniuersim probatur Ephel. 1. *Deus benedixit nos omni benedictione spiritali in cælestibus in Christo.* Ioan. 3. *Exaltari oportet filium hominis ut omnes qui credis in eum non pereant, sed habeant vitam æternam.*

Et de electione seu prædestinatione, quod ipsam pro nobis meruerit Ephel. 1. *Elegi nos in ipso ante mundi constitutionem, & qui prædestinavit nos in adoptionem filiorum per Iesum.*

Probatur ex communi omnium Patrum consensu, qui nihil aliud profitentur & scribunt, quam omnem gratiam à Christo in nobis esse, quod & nouissime declarauit Concil. Trident. sess. 6. cap. 5. *Iustificacionis exordium in adultis à Deo per Iesum Christum gratia sumendum esse: hoc est ab eius vocatione, quæ nullis eorum existentibus meritis vocantur.* Et sess. 14. cap. 8. dicitur *Omnem sufficientiam nostram ad satisfaciendum esse à Christo, nos in illo satisfacere & facere fructus dignos penitentia, qui ex illo vim habent.*

Probatur ratione, & primò de electione; nam eius merita prius fuerunt præuisa quam peccatum originale, specialiter ex sententia Minorum qui cum Scoto dicunt Christum fore venturum, etsi Adam non peccasset. Nec dicas non potuisse præuidi ante peccatum; nam eius merita pendent ex passione, non fuit autem præuisus ut passibilis nisi post peccatum præuitum.

Respondeo enim merita principaliter consistere in illa sui oblatione ad omnia Patris mandata: hanc autem habuit in primo instanti post suam conceptionem, hæc autem voluntas præuidi potuit ante peccatum, quam tunc habuisset etsi venisset ut glorificator, sique meritorum præuisio est ante peccatum præuisum.

Dices, est vnicus actus in quo omnes homines fuerunt electi cum Christo: Ergo Christus non potest esse causa aliorum.

Respondeo distinctionem peti ab obiectis, Christus verò est causa exemplaris omnium prædestinatorum. Rom. 8. *Quos præsciuit & prædestinavit, voluit conformes fieri imaginis filij*

filius sui, ut sit ipse primogenitus in multis fratribus.

Instabis, electio per Scotum est gratuita; ergo non ex Christi meritis.

Electio non est gratuita respectu Christi sed nostri.

Respondeo non esse gratuitam in executione, quia per opera bona datur: nec in electione respectu Christi, sed nostri esse; gratis enim merita Christi applicantur nobis & cui vult Deus applicat, & sic ex liberalitate prædestinat. Scriptura hoc exprimit 1. Timoth. 1. *Vocavit nos vocatione sua sancta, non secundum opera nostra, sed secundum propositum suum & gratiam que data est in Christo.* Quod explicatur per meritum Christi.

Hoc concessio reliqua consequentia electionem ut gratia iustificans, remissio peccatorum, vita æterna conferri sequitur ex merito Christi. Inferitur ex redemptione perfecta quam fecit, & colligitur ex S. Thoma q. 7. art. 9. ubi dicit Christo datam esse gratiam tanquam principio cuiusdam universali, cuius virtus se extendat ad omnes gratiarum effectus & operationes, & q. 8. art. 3. docet actum credendi in peccatoribus esse ex meritis Christi. Hoc innuit Scriptura Hebr. 1. 2. aspicientes in authorem fidei & consummatorem Iesum. Concil. Trid. sess. 6. cit. idem declarat, dum omnes gratias actuales quæ peccatorum remissionem antecedunt, & per quas ad illam disponimur definit esse à Christo, & dum cap. 16. exprimit, *Christum tanquam caput in membra, & tanquam vitem in palmites in ipsos iustificatos iugiter influere, quæ virtus bona illorum opera semper antecedit, & comitatur, & subsequitur.* Iuxta id quod Christus ipse Ioan. 15. declaravit. *Ego sum vitis & vos palmites: qui manet in me & ego in eo hic fert fructum multum; quia sine me nihil potestis facere.* Quæ verba exponens August. tract. 81. in Ioan. dicit. *Ne quisquam putaret saltem parvum aliquem fructum posse a semetipso palmitem ferre: cum dixisset, hic fert fructum multum, non ait, quia sine me parum potestis facere, sed nihil potestis facere, siue ergo parum siue multum, siue illo fieri non potest, siue quo nihil fieri potest.*

Accedit ratio convincens; nam omnia pendunt ex electione, quæ ex eodem August. lib. de bono persec. cap. 14. definitur: *Præscientia & preparatio beneficiorum Dei, quibus certissime liberantur quicumque liberantur,*

Dices contra electionem per Christum: *Nemo venit ad me, Ioan. 16. nisi Pater traxerit eum.* Id est, nemo potest esse meritorum meorum particeps, quem Pater non vocaverit & elegerit.

Respondeo, Pater neminem vocat aut trahit nisi propter merita Christi: nam hoc ipso quod voluit Christum pro nobis mori, voluit etiam omnia media salutis nostræ pendere à morte & meritis Christi, iuxta id Rom. 8. *Qui proprio filio suo non pepercit, sed pro nobis omnibus tradidit eum, quomodo non etiam cum ea omnia nobis donavit.*

Auxilia quædam dantur ex providentia naturali, alia ex supernaturali.

Dices, auxilia communia quæ dantur adultis omnibus, non dantur ex Christi merito, sed ex sola Dei benignitate, quia id exigit ordo Providentiæ.

Respondeo auxilia communia sunt duplicis generis, quædam ordinis naturæ, quæ *Carriere in Professionem Fidei.*

dantur homini ratione creationis per Providentiam naturalem: quædam ordinis gratiæ quæ dantur homini ratione Redemptionis per Providentiam supernaturalem. Hæc pendunt ex Christi merito; non alia.

Dices, auxilia gratiæ quæ nunc dantur infidelibus, non dantur ex merito Christi, quia non sunt eius membra. Ergo Christus non est caput eorum; ergo in illos non influit per sua merita.

Respondeo, Christus non solum influit in fideles qui sunt ipsius membra, sed etiam in infideles ut fiant eius membra, sicut calor naturalis in corpore humano non solum agit in membra corporis ea conservando & vegetando, sed etiam in cibum & potum ea convertendo & transmutando, ut fiant partes membrorum corporis.

Quæres, An & quomodo merita Christi hominibus applicantur.

Notandum est primò, meritum Christi & eius applicationem distingui inter se, ut rectè observat Lambertus ad quæst. 19. disp. 6. art. ult. sicut pretium depositum ad emendam domum sufficiens, & eius emptio seu illius pretij solutio. Meritum enim Christi se habet ut pretium sufficiens ad homines redimendos: applicatio verò ut illius pretij solutio.

Notandum secundò, applicationem meritum Christi duplici modo posse considerari, actiue scilicet & passivè: seu prout se tenet ex parte ipsius Christi; in quantum ipse per aliquos actus suæ voluntatis merita sua ordinavit & applicavit ad procurandam salutem hominum: vel prout se tenet ex parte hominum, quatenus merita Christi de facto ipsis communicantur, & eorum effectus ab ipsis recipi percipiuntur. His prænotatis.

Resolutio Catholica: Christi Domini merita non tantum ex se sufficientia & condigna fuerunt ad totius generis humani redemptionem, sed ab ipso ad hunc finem fuerunt Deo Patri oblata: sicque Christus verè pro omnibus hominibus redimendis mortuus est ac ipsis verè, quantum ex se fuit merita passionis & mortis suæ applicavit.

Christus verè pro omnibus hominibus mortuus est, & ipsi quantum ex se est applicant sua merita.

Probatur ex Scriptura 1. ad Timoth. 2. *Vnus mediator Dei & hominum homo Christus Iesus, qui dedit semetipsum redemptionem pro omnibus.* Et cap. 4. *Speramus in Deum vivum qui est Salvator omnium hominum, maxime fidelium.* 2. Corinth. 5. *Christus pro omnibus mortuus est.* Ephel. 5. *Christus dilexit nos & tradidit semetipsum pro nobis oblationem & hostiam Deo.* 1. Ioan. 2. *Si quis peccaverit advocatum habemus apud Patrem Iesum Christum iustum, & ipse est propitiatio pro peccatis nostris, non pro nostris tantum, sed etiam pro totius mundi.*

Probatur ex Concil. Arlat. in quo approbata est epistola Fausti adhuc Catholicum nomen proficientis, ubi anathema profertur in eum qui dixerit quod Christus non sit mortuus pro omnibus.

Ex Concil. Trid. sess. 6. cap. 3. ubi Concilium expressis verbis dicit, Christum pro omnibus mortuum, quamvis non omnes beneficium mortis eius accipiant.

Ex decisione Innocentij X. anno 1653. quæ uti falsa, temeraria & scandalosa damnata est propositio facta per Iansenistas, quod semipelagianum

gianum esset dicere, Christum pro omnibus omnino hominibus mortuum esse, aut sanguinem fudisse; & intellecta eo sensu, (ut Christus pro salute duntaxat prædestinatorum mortuus sit,) damnata est, ut impia, blasphema, contumeliosa, diuinæ pietati derogans & hæretica.

Probatur ex SS. Patribus Basil. in Psalm. 48. *Inuentum est unum pro omnibus simul hominibus dignum pretium, nempe sanctus & omni pretio superior sanguis Domini nostri Iesu Christi, quem pro nobis omnibus effudit.* S. Gregor. Nazianz. orat. 2. in Pascha, vocat Christi Domini passionem & mortem, *Non exigua cuiusdam partis orbis terrarum, sed totius mundi expiationem nunquam intermorituram.* S. Chrylost. hom. 7. in 1. Timoth. explicans hæc Pauli verba, (*Qui dedit redemptionem pro omnibus.*) *Quid ergo, inquit, & pro gentilibus? ita est, Christus etiam pro gentilibus mortuus est. Et quo pacto, inquit? illi non crediderunt, quia noluerunt: quod erat partium ipsius impletum est.* S. Cyrill. lib. 4. in Ioan. explicans illa verba: *Caro mea est pro mundi vita.* S. Ambros. in Psalm. 118. Hieronym. epist. 83. ad Oceanum: *Mentitur, inquit, Ioannes Baptista, digito Christum & voce demonstrans ac dicens: Ecce Agnus Dei, ecce qui tollis peccatum mundi; si sunt adhuc in seculo, quorum peccata Christus non tulerit.* August. in Psalm. 95. S. Leo Papa serm. 1. de Natiuit. Bernard. in Psalm. *Qui habitat. Sicut possunt omnia dicere Christo: Creator meus es tu: sic possunt omnes homines eidem dicere: Redemptor meus es tu.*

Obseruandum est autem in iis Scripturæ & SS. Patrum testimoniis duo præsertim dici. Primum est, Christum semetipsum dedisse, tradidisse, obtulisse; &c. quæ verba significant actum voluntatis, quo Christus quantum ex ipso fuit, passionis ac mortis suæ merita applicauit. Secundum est, hanc traditionem & oblationem, factam fuisse pro omnibus hominibus, pro peccatis totius mundi; quod nihil aliud significat, quam Christum Dominum meritum suorum valorem, quantum in ipso fuit applicasse, non solum prædestinatis, sed generatim omnibus omnino hominibus, siue prædestinatis, siue reprobis sine vlla exceptione.

Probatur ratione, pro iis omnibus mortuus est Christus, qui per Adami peccatum perierunt & mortui sunt; Atqui omnes homines per Adæ peccatum mortui sunt; ergo pro omnibus hominibus mortuus est. Minor certa est. Maior probatur, ex eo quod dicit Apostolus 2. Cor. *Si unus pro omnibus mortuus est, ergo omnes mortui sunt.* Vbi infert omnes per Adæ peccatum mortuos esse ac periisse, quia Christus pro omnibus mortuus est. Quo etiam argumento vtitur, S. August. lib. 6. contra Iulianum cap. 1. ubi probat omnes etiam paruulos per peccatum originale mortuos esse, ex eo quod Christus pro omnibus mortuus est. Quod argumentum nullum foret, si existerent pro quibus non esset mortuus.

Neque dicas S. Augustinum & alios SS. Patres, catenâ solum velle Christum pro omnibus mortuum esse, quatenus passionis & mortis eius meritum ad omnes redimendos sufficiens fuit.

Respondetur primò, quod manifestè patet hanc explicationem nullo modo congruere cum verbis SS. Patrum suprâ relatis. Secundò, quod si hoc esset, inde consequens foret, quod etiam

pro dæmonibus mortuus esset, quodque dæmonum atque hominum saluator dici posset & deberet, cum ad dæmones saluandos meritum eius sufficiens fuerit; quod non solum à mente S. Augustini & aliorum SS. Patrum, sed etiam à veritate Catholica prorsus alienum est.

QVÆRES, Quomodo applicentur merita Christi, an equaliter omnibus.

Respondeo applicari quando aliquod donum gratiæ datur nobis ex eius meritis, siue detur in Sacramento siue extra ipsum; dati ergo donum aliquod quod procedat vel subsequatur iustificationem est applicari nobis Christi merita.

QVÆRES, Quomodo fieri poterit ut omnia gratiæ beneficia Patribus antiquis collata processerint ex applicatione meritum Christi, cum nulla adhuc essent Christi merita.

Respondeo, illa concessa fuisse propter merita non quidem adhuc existentia, sed futura, & intuitu applicationis per Christum ipsum faciendæ. Nihil enim repugnat ut aliqua res nondum existens, sed tantum futura, sit causa motiua & excitans ad aliquid faciendum.

Dic si velis, merita Christi, & alia omnia quæcumque futura in tempore, esse in nunc æternitatis æqualiter præsentia Deo, ac proinde Deum intuitu illorum æque operari potuisse in distributione donorum suorum, ac si de facto iam extitissent.

An equaliter.

Respondeo, Christum Dominum non tantum generaliter applicasse sua merita omnibus, sed etiam in particulari cuilibet illorum ut specialia dona secundum exigentiam status sui obtineret, constat ex his verbis Christi Matth. 18. *Non est voluntas ante Patrem vestrum, ut pereat vnus ex his pusillis.* Et Ephes. 4. *Vnicuique nostrum data est gratia secundum mensuram donationis Christi.*

Quod autem non æqualiter, patet ex Scriptura Matth. 25. *Vni dedit quinque talenta, alii duo, alii vnum.* Et 1. Cor. 7. *Vnicuique prout primum donum habet ex Deo, vnus quidem sic, alius verò sic.* Hæc autem diuersitas & inæqualitas gratiarum ab ipsius voluntate Christi procedit, qui diuidit singulis prout vult. In qua gratiarum diuisione tamen nihil aliud facit, quam quod diuinæ Patris voluntati gratum & acceptum esse cognoscit.

Certum tamen est, non omnes meritum Christi fructum ac mortis beneficium recipere, ut definitum est in Concil. Trident. sess. 6. cap. 3. quare plurimi Iudæorum olim fuisse qui & exterius per Euangelij prædicationem & interius per gratiæ motionem ad veritatem amplectendam excitati illam repulerunt, de quibus conueritur Deus, ut testatur Paulus Rom. 10. his verbis per Isaiam cap. 65. olim prænuntiatis. *Tota die expandi manus meas ad populum non credentem & contradicentem.* Quibus exprobrabat idem Apostolus Act. 13. *Vobis oportebat primum loqui verbum Dei: sed quoniam repellitis illud, &c.*

Certum est etiam plurimos homines gratiam Dei in vacuum recipere, ut ait Apostolus 1. Cor. 6. id est variis inspirationibus & motionibus Spiritus sancti præueniri & excitari, quibus tamen consentire nolunt. Atqui Christus passionis suæ merita Deo Patri pro illis omnibus obtulit, & ex virtute illius oblationis processerunt sine dubio gratiæ

Ex iustitia applicationis quam facit Christus, data fuerunt antiquis gratia.

Merita Christi inæqualiter applicantur.

gratiz illæ quibus præuenti & excitati sunt, cum nulla gratia nisi ex meritis Christi hominibus conferatur. Quia tamen illas ex voluntatis prauitate, abiecerunt; ideo nullus ad eos ex eius morte fructus derivatus est, non defectu applicationis ex parte ipsius Christi, sed defectu consensus & cooperationis ex parte illorum.

QVÆRES, *An meritum Christi sit infinitum?*

Omnium Catholicorum consensu meritum Christi ponitur copiosum & superabundans ad redemptionem generis humani, cui quinque notabilia meruit, primo scilicet peccati remissionem, secundo gratiz infusionem, tertio pœnæ æternæ & temporalis dimissionem, quarto diabolicæ potestatis concupationem, & quinto ianuæ celestis apertionem.

An autem actus Christi, meritorij fuerint ex se & in suis intrinsecis circumstantiis seu formaliter infiniti controuertitur, & negatur à Scotistis, quia meritum in sua ratione formali constituitur à voluntate creata informata gratia, & valor cuiusque actionis fundatur in entitate ipsius actionis, & singulæ Christi actiones fuerunt in sua entitate finitæ; ergo valor & meritum finita sunt. Quod si dicas valorem peti à personalitate Verbi. Id negant, quia, inquit, Verbi persona non eliciebat actus meritorios in Christo: nec ipse ut Deus orabat, patiebatur aut merebatur, nec sanguis eius potest dici diuinus nisi per communicationem, negantque actiones esse suppositorum; nam anima separata intelligit & accidentia extra subiectum in Eucharistia agunt; Afferuntque voluntatem illam primam Christi qua in puncto Conceptionis obtulit se Deo Patri fuisse acceptatam pro infinito valore, & per hanc nos redemisse: Nam passio est tantum executio oblationis illius, vel demonstratio amoris & obedientiz.

Conclusio hodie communis. Actiones Christi fuerunt infiniti valoris ad merendum.

Annuit Scriptura Ephes. 5. *tradidit semetipsum pro nobis, oblationem & hostiam Deo in odorem suauitatis.* Et loca quæ plenam satisfactionem pro peccato quod pro infinita reputatur offensa pronuntiant, concludunt ad propositum Psal. 68. *Quæ non rapui, tunc exolebam.* Non autem exoluit qui perfecte non satisfacit 1. Petr. 1. *Non corruptibilibus auro vel argento redempti estis, sed pretioso sanguine quasi agni immaculati Christi.* Rom. 5. *Sed non sicut delictum ita & donum: si enim unius delicto multi mortui sunt, multo magis gratia Dei, & donum in gratia unius hominis Iesu Christi in plures abundauit.*

Probatur ex autoritate Clementis VI. Papæ in extrauagante quæ incipit, *Vnigenitus de pœnitentiis & remissionibus*, ubi dicit, *Christum Dominum acquisiuisse Ecclesie thesaurum infinitum, constantem suis meritis & operibus satisfactoris, &c. Et non esse aliquatenus formidandum de consumptione seu imminutione huius thesauri propter infinita eius merita.*

Ex Agapito Papa epist. ad Anchimum, ubi comparationem faciens inter Christum & Adamum dicit: *Validius fuisse donum libertatis quam debitum seruitutis.* Ex Chrysost. hom. 10. in cap. 5. epistolæ ad Rom. ubi dicit Christum pro reatu primi parentis ac totius generis humani satisfecisse, quemadmodum si quis aliquem decem obolos debentem, & ob id carceri cum vxore & liberis detentam, ab illo carcere libe-

Carriere in Professionem Fidei.

ret, non tantum soluendo decem illos obolos, sed & innumera auri talenta largiendo: unde paulò post subdit Christum multò plura quam debeamus soluisse pro nobis; tantòque plura quanto guttulam exiguum pelagus immensum excedit, peccatàque pro quibus satisfecit, fuisse tanquàm scintillulam, satisfactione quam exhibuit tanquam super effuso mari solutam & extinctam. Ex Anselmo lib. 2. cur Deus homo cap. 14. *Minima læsio Christi fuit maior quam peccata omnium hominum.* Unde non fuit necessarium ipsum mori propter peccatum, quia sufficiebat minima læsio eius ad redimendum, infert Scotellus.

Probatur hac ratione, quia Christi satisfactio fuit simpliciter valoris infiniti, unde æquivalens & condigna fuit. Probatur prima propositio. Actiones communiter dicuntur esse suppositorum, sed suppositum hic est diuinum infinite dignitatis; Licet autem valor & meritum ut præcisè fundatur in entitate rei, non sit infinite dignitatis, utpotè elicitus à natura humana, tamen operans est Christus ipse constans ex natura diuina & humana simul, consequens digna sit operatio ex dignitate personæ satisfaciens. Sic multi Patres & Scholastici tenent, uti Vasquez disput. 5. cap. 5. Suarez post S. Thomam, Bonauent. Paludan. Capreolum, Ferrariensem, & alios. Addo conuincentem rationem. Plus influit operans in actionem quam obiectum propter quod vel contra quod sit actio, sed actio peccati Adæ & peccatoris dicitur obiectiue infinita, quia respicit Deum, à fortiori actio Christi satisfactoria dici debet infinita, utpotè procedens à persona diuina, & toti Trinitati oblata in satisfactionem; tum Christus non solum actiones suas, sed seipsum obtulit hostiam pro peccato. D. Thomas q. 48. art. 2. hæc habet: dignitas vitæ quam Christus posuit pro satisfactione pensanda est ex magnitudine charitatis ex qua patiebatur, & ex dignitate vitæ quæ erat vita Dei & hominis. Hinc qui tenent valorem & meritum non oriri ex sola entitate & morali bonitate ipsius actionis, sed etiam ex circumstantiis, & maxime ex operantis dignitate dicunt humanitatem Christi fuisse sanctificatam & quasi deificatam, & ideo vocant actiones Christi Theandricas seu Dei viriles, consequenter affirmant meritum Christi fuisse infinitum, ut notat Suarez disput. 4. sect. 4.

Dices, Christus non satisfecit ut Deus; sed quatenus homo; atqui ut homo non fuit infinite dignitatis; ergo nec potuit transfundere infinitum valorem in actiones suas satisfactorias.

Respondeo, Christum satisfecisse in quantum fuit homo Deus, id est, in quantum eius humanitas in persona diuina subsistebat, seu per actiones humanitatis in persona diuina subsistentis: quæ actiones ut sic erant infiniti valoris, cum à persona infinite digna procederent.

Dices, si actiones Christi habuerunt infinitum valorem ex infinita dignitate operantis, ergo infinite placuerunt Deo; ergo non minus illi placuerunt quam sua essentia & bonitas, quod est absurdum.

Respondeo non sequi, quia Christi actiones placuerunt Deo infinite, non ratione sui præcisè,

Y y 2

sed

Si peccatum Adæ reputatur infinitum ab obiecto, à fortiori satisfactio Christi est infinita.

Christus quinque notabilissima merita homini.

Meritum constituitur à voluntate creata gratia.

Actiones Christi fuerunt infiniti valoris.

sed ratione operantis, seu propter respectum ad infinitam dignitatem personæ Verbi vel diuinitatis; At essentia & bonitas diuina placent infinite Deo ratione propriæ essentia.

Dices, ex eo quod visio beatifica respicit Deum infinitum, non censetur esse infiniti valoris ac dignitatis; ergo etiam ex eo quod actiones Christi respiciunt personam aut diuinitatem infinitam, non possunt habere valorem infinitum.

Respondeo esse disparitatem; nam visio respicit Deum infinitum per modum obiecti; At Christi actiones respiciunt personam Verbi, seu humanitatem deificatam per modum operantis; dignitas autem operantis pluris confert ad dignitatem actionis quàm dignitas obiecti: quod sic ostendo; primò ex modo loquendi, quia actiones Christi quatenus procedunt ab operante solent dici diuinæ; Actio quæ elicitur ab Angelo dicitur angelica. Secundò ex re ipsa, quia obiectum infinitum non terminat actionem creatam infinite, sed finitè tantum. At operans infinitæ dignitatis afficit infinito modo operationem quam producit, & ideo hæc censetur habere infinitam dignitatem.

Dices, Christus orauit pro remissione peccatorum nobis à Patre impetranda; ergo non satisfecit ad æqualitatem; si enim se tali modo satisfecisse cognouisset, frustra pro ipsa remissione Patrem orasset.

Respondeo Christum orasse, non ut precibus suis suppleret aliquid quod satisfactioni suæ deesset: sed quia ex ordinatione diuinâ, vna ex actionibus quibus Christus nos à peccatis redimere, & pro illis satisfacere iustitiæ diuinæ debebat, erat oratio, quod & prædixit Isaias cap. 53.

Dices, si Christi meritum est infinitum & supra exigentiam peccatorum, quid opus est merito nostro?

Respondeo, ideo opus est merito nostro, (quod tamen in merito Christi fundatur) quia Deus ita vult, & natura rei hoc exigat, non enim possumus gloriam consequi nisi simus iusti & Deo grati, non possumus autem esse grati sine gratia iustificante, hanc autem non possumus conseruare sine obseruantia mandatorum Dei, hæc autem obseruantia in homine iusto est meritoria.

Ex his habes quod meritum Christi fuerit infinitum ratione personæ conferentis dignitatem actionibus Christi; consequenter quod de condigno Christus satisfecerit, *An autem ex rigore iustitiæ*, pendet hoc ex questione, *An inter Christum & Deum sit iustitia & contra*, si iustitia strictè sumatur, requirit diuersitatem personarum & ut ambæ sint sui iuris & potestatis, ex cuius secundæ conditionis non est iustitia inter patrem & filium minorem, aut inter seruum & dominum, ut docet Arist. lib. 3. Ethic. cap. 6. unde inferitur quod in Deo non est iustitia respectu Christi secundum humanitatem; primò, quia in Deo non est iustitiæ obligatio respectu eius, licet enim Christus obtulerit Deo sufficientem, imò superabundantem satisfactionem pro humano genere, tamen Deus non fuit obligatus ex iustitia acceptare illam satisfactionem, sed solum ex charitate vel gratuita promissione. Secundò;

quia Christus secundum humanitatem non est perfectè alter à Deo, non enim est sui iuris & potestatis, sed tota humanitas est sub iure, potestate & dominio Dei, multò magis quàm filius aut seruus est sub potestate patris aut domini, si ergo ex hoc capite non potest esse iustitia inter patrem & filium, dominum & seruum, multò minus inter Deum & Christum secundum humanitatem.

Si autem iustitia sumatur latius prout solet accipi à Scriptura, sic potest esse in Deo; nam sic sumpta non requirit obligationem vnus personæ ad alteram quæ sit sui iuris, sed solum ut inter duas seruetur æqualitas rerum quam iustitia efficit. Hoc sensu Deus dicitur iudex, quia benè operantibus reddit æqualem seu integram mercedem, iuxta illud Timoth. 4. *In reliquo reposita est mihi corona iustitiæ quam reddet Dominus iustus iudex.* ubi Deus vocatur iustus, quia dat iustam seu æqualem mercedem, & ipsa merces vocatur corona iustitiæ, quia est æqualis labori pro quo datur. Sic etiam distingui debet rigor iustitiæ latè & strictè; primo modo inter Deum & Christum est iustitia, & quia ad æqualitatem Christus Deo satisfecit, dicitur quod ex rigore satisfecit.

Q V Æ S T I O X V.

De quibusdam Officiis Christi.

QUæ de Christo exposuimus respiciunt eum ut singularem personam, nunc de publicis eius aliquibus officiis agendum est, cuiusmodi sunt hæc:

- Esse Caput Ecclesiæ:
- Esse Mediatorem, Sacerdotem:
- Legislatorem.
- Quomodo Subiectus Deo.
- Quomodo Rex.
- Quomodo factor miraculorum.

De Christo Capite.

SANCTUS Thomas 3. parte q. 8. art. 6. asserit, Christi proprium esse quod sit caput Ecclesiæ. Hoc autem intelligendum est analogice sicut Ecclesia dicitur corpus. Analogia autem ad caput hæc est. Tria sunt quæ propriè capiti competunt. Primò, quod sit prior & altior pars. Secundò, quod sit pars perfectior. Tertiò, quod influat in alia membra dupliciter, vno modo, quodam intrinseco influxu, prout scilicet virtus motiua & sensitiua deriuatur à capite ad cetera membra. Alio modo secundum quandam exteriorem gubernationem, prout scilicet secundum visum & alios sensus qui in capite radicanter dirigitur homo in exterioribus actibus.

Christus est prima pars ratione Gratia, quia nulla aliis concessa est, nisi per respectum ad ipsius gratiam. Rom. 8. *Quos præscius hos & prædestinavit conformes fieri imagini filij eius.*

Est pars perfectior in gratia Ioan. 1. *Veni in eum plenum gratia & veritas.*

Est pars influens in omnia membra Ecclesiæ, Ioan. 1. *De plenitudine eius nos omnes accepimus, & gratiam pro gratia.* Coloss. 1. *Et ipse est caput corporis Ecclesiæ qui est principium, quia in ipso complacuit omnem plenitudinem inhabitare.*

Interior

Meritum hominum exiguntur ad gloriam, quia id Deus exigit.

Capiti competit tria, quod sit altior pars corporis, quod perficitur, quod influat in alia, sicut Christus est caput Ecclesiæ qua Angelus & homines comprehendit.

Interior influxus gratiæ non est ab aliquo nisi à solo Christo : cuius humanitas ex hoc quod est vnita diuinitati, habet virtutem iustificandi, sed influxus in membra Ecclesiæ quantum ad exteriorem gubernationem Ecclesiæ potest alijs conuenire, hocque modo Amos dicit: *Optimatus capita populorum.* Et 1. Reg. 16. *Cum esses paruulus in oculis tuis, caput in tribubus Israel factus es.* Differenter tamen sunt à Christo: Primò quidem quantum ad hoc quod Christus est caput omnium eorum qui ad Ecclesiam pertinent, secundum omnem locum & tempus & statum: alij autem homines dicuntur capita specialibus in locis, vt Episcopi in suis Dioccesibus, vel pro aliquo tempore, vt Papa est caput totius Ecclesiæ tempore sui Pontificatus, & pro determinato statu existendi, scilicet prout sunt in statu viatoris. Alio modo, quia Christus est caput Ecclesiæ propria virtute & auctoritate, ceteri verò dicuntur capita in quantum vicem gerunt Christi, iuxta illud 2. Cor. 2. *Quod donauit, in persona Christi donauit.* Et cap. 5. *Pro Christo legatione fungimur, tanquam Deo exhortantur per nos.*

Ecclesiæ nomine hic Angelos & omnes homines intelligo, nam omnes potuerunt pro aliquo tempore participare influxum Christi.

Angeli quidem, quia vt supra notauimus, Christus meruit illis gratiam & gloriam, aut saltem Deus utrumque dedit ex præuisione meritorum Christi. Paul. Ephes. 1. hoc insinuat: *Proposuit instaurare omnia in Christo, quæ in calis & quæ in terra sunt.* vbi per ea, quæ in calis, Angelos, sicut per ea, quæ in terra, homines intelligi non est dubium. Ostenditur ex Apoc. 1. nam exponens ibi Ioannes certamen Michaelis & bonorum Angelorum cum dracone & Angelis suis, ait bonos Angelos vicisse propter sanguinem Agni.

Hominum quinque gradus colliguntur, qui possunt dici membra Christi, quorumque caput Christus est. Primus Beatorum, qui participant influxum gloriæ. Secundus Iustorum, qui recipiunt influxum gratiæ. Tertius Fidelium, qui recipiunt fidem & sunt in potentia ad recipiendam gratiam & gloriam. Quartus eorum qui nondum habent fidem, sed habituri sunt, vt pueri, qui aliquando nascentur & baptizabuntur. Quintus eorum qui fidem non habent, nec vnquam sunt habituri, vt pueri in vteris matris morituri, & qui adhuc sunt in vteris matris, & pagani, qui de fide nihil vnquam intelligent, quia per Christum non fiat quo minus fidem & gratias recipiant.

QVÆRES, An Gratia capitis Christi sit distincta à gratia vnionis & gratia habituali, seu an sit in Christo aliqua tertia gratia per quam tanquam caput insinat in omnia membra Ecclesiæ.

Respondeo, gratiam vnionis & habitualement duobus modis considerari. Primò respectu Christi, cum ipsum perficiunt. Secundò respectu aliorum, vt ex illa Christi perfectione perficiuntur, sicut calor potest considerari, vel respectu ignis quem perficit, vel respectu ligni quod ab igne calore perfecto perficitur. Primo modo, gratia vnionis & habitualis dicuntur competere Christo vt particulari homini. Posteriori verò, seu quo ex iure perficiuntur homines per iustificationem à Christo acceptam, & dicuntur ipsi vt

capiti Ecclesiæ conuenire: vnde principale principium huius dignitatis Capitis erit gratia vnionis, quia ab eo pendet valor infinitus operum Christi, quibus suis membris promeruit gratiam & gloriam: minus verò principale est gratia habitualis per quam eius actiones reddebantur supernaturales connaturaliter, & hoc speciali titulo gratissimæ Deo, vt operaretur & mereretur, quia præcisè ex vi vnionis non operabatur, sed ab ea valorem accipiebat in suis operibus.

Nota quod licet solius Christi proprium sit esse caput totius Ecclesiæ, quatenus est fons & origo gratiarum omnium, hoc tamen non obstat quominus alia sint ipsi subordinata Ecclesiæ capita. Sic sub Christo Papa gubernat totam visibiliter Ecclesiam, in illamque insinuat, docendo, præcipiendo, leges ferendo, varia gratiarum dona conferendo, imò & vnusquisque Episcopus in Ecclesia sua quandam habere capitis dignitatem verè dici potest.

Neque id absurdum videri potest, quod in corpore mystico plura sint capita sub vno primario & præcipuo capite; sicut nec absurdum est sub vno summo pastore plures esse & dici in Ecclesia pastores, 1. Petri cap. 5. Et præter fundamentum primum & præcipuum quod est Christus, alia esse & dici eiusdem Ecclesiæ fundamenta, Apoc. 21.

De Christo Mediatore.

DVo explicanda sunt. Primò, An Christus sit Mediator inter Deum & homines. Secundò, secundum quam naturam sit Mediator.

Nota, is propriè dicitur Mediator, qui inter personas dissidentes intercedit vt eas inter se conciliet: Hoc fieri potest tribus modis. Primo, discernendo & iudicando causam vtriusque partis, quo pacto Arbitri possunt dici mediatores. Secundo, orando & supplicando vni parti pro altera. Tertio, soluendo & satisfaciendo vni pro altera.

Resolutio prima, solus Christus dicitur Mediator Dei & hominum hoc ultimo modo, quia scilicet solus ipse satisfecit pro nobis, & suo sanguine nos ei reconciliauit, iuxta id 1. Timoth. 2. *Vnus enim Deus, vnus & Mediator Dei & hominum homo Christus Iesus, qui dedit redemptionem semetipsum pro omnibus.* Nihilominus præter Christum possunt esse alij Mediatores alio sensu: quo pacto Moyses agnoscitur Hebræorum referendo pacta & condiciones vtriusque partis & orando pro eis, Deuter. 5. *Ego sequer & medius sum inter Dominum & vos in tempore illo.* Item Sancti in celo possunt esse mediatores orando pro nobis, idemque conuenire potest hominibus viatoribus.

Resolutio secunda. Christus secundum humanitatem est mediator, non autem secundum diuinitatem.

Probat ex Scriptura cit. quæ exprimit hominem qui redemit nos.

Probat ex August. lib. 9. ciu. cap. 15. *Non ob hoc Mediator est Christus, quia est Verbum: maxime quippe immortale & maxime beatum Verbum longè est à mortalibus miseris: sed mediator est secundum quod homo.* Item lib. 2. de peccato origin. cap. 28. & serm. 11. de verbis Apostoli, & confirmatur ratione, quia Paulus distinguit Mediatorem à Deo cum ait: *Vnus Deus*

Vide D. Tho. 1. 2. 2. art. 5. an Christi proprium sit esse redemptionem, quod affirmat ex Galat. 3. & ex solutione quæ fecit per vtrâ quam Deus ad hoc accepit, qui & redemptor dicitur in quantum eius erat Christi vita.

Deus, vnus Mediator Dei & hominum homo Christus. Tum in Mediatore duo considerantur, ratio medij, & officium coniungendi, neutrum conuenit Deo; probatur, de ratione medij est quod distet ab utroque extremorum, coniungit autem Mediator, per hoc quod ea quæ vnus sunt deferat ad alterum, Christus vt Deus non differt à Patre & Spiritu sancto in natura & potestate dominij, nec etiam duæ hæ personæ aliquid habent quod non sit filij, vt ita possit quod est Patris vel Spiritus sancti, quasi quod est aliorum ad illos deferre. Sed vtrumque conuenit ei in quantum est homo, quia sic distat & à Deo in natura, & ab hominibus dignitate & gratiæ & gloriæ. In quantum etiam est homo, conuenit ei homines coniungere, Dei præcepta & dona Dei hominibus exhibendo & pro hominibus satisfaciendo & interpellando.

Dices ex Nouatoribus, qui docent esse secundum vtramque naturam, volūntque Apostolum facere distinctionem, non ratione naturæ sed personæ, vt per *vnus Deus* intelligatur Pater à quo Filius distinguitur personaliter. Si per vnum Deum intelligitur Trinitas, & ab ea distingueretur mediator, iam necessariò daretur quaternitas, quod est absurdum.

Respondeo Augustinum docere contrarium, nam serm. 1. in Psal. 29. explicans verba Apostoli disertè docet *vnus Deum*, significare Trinitatem, & Christum esse Mediatorem inter Trinitatem & homines peccatores. *Inter illam Trinitatem & hominum infirmitatem Mediator factus est homo non iniquus sed infirmus.* Idem docent Chrysost. Theodor. Beda, Anselm. in locum Pauli: & ratio est, quia non solus Pater fuit offensus per peccata nostra, sed etiam Filius & Spiritus sanctus: Ergo omnes tres personæ, quatenus sunt vnus Deus, debebant placari à Mediatore.

Nec inde sequitur quaternitas personarum in Deo, quia vna eadēque persona, quæ est Filius, est etiam mediatoris, quæ quidem persona ratione diuinitatis fuit offensa, ratione autem humanitatis fecit mediatoris officium. Duo ergo spectari debent in Mediatore. Primò, Persona Verbi, quæ mediatoris exercuit officium. Secundò, humanitas per quam hoc exercuit.

Dices, Christus dicitur Mediator in quantum nos reconciliauit Deo, quod quidem fecit auferendo peccatum quod à Deo nos separabat; sed auferre peccatum conuenit Christo, non in quantum est homo sed vt Deus. Ergo, &c.

Respondeo, quod licet authoritatiuè & remittendo conueniat Christo vt Deus auferre peccatum, tamen satisfacere pro peccato hominis conuenit ei vt homo est, & secundum hoc dicitur Dei & hominum mediator.

De Christi Sacerdotio.

Proprium Sacerdotis officium est, esse Mediatorem inter Deum & populum, in quantum scilicet diuina populo tradit, vnde dicitur Sacerdos quasi sacra dans aut docens, iuxta id Malach. 2. *Legem requirent ex ore eius & in quantum offert Deo preces populi, & pro peccatis eius aequaliter satisfaci.* Vnde Hebr. 5. Om-

nis Pontifex ex hominibus assumptus, pro hominibus constituitur in his quæ sunt ad Deum, vt offerat dona & sacrificia pro peccatis. Hoc autem maximè conuenit Christo, nam per ipsum collata sunt nobis dona diuina. 2. Petri 1. *Ipsè etiam reconciliauit Deo genus humanum.* Coloss. 1. *Ipsè obtulit sacrificium, fuitque sacerdos & hostia:* Ephes. 5. *Christus dilexit nos, & tradidit semetipsum pro nobis oblationem & hostiam Deo in odorem suauitatis.* Paul. Hebr. 3. vocat Iesum, *Pontificem & Apostolum confessionis nostræ.* Et cap. 5. vocat eum ex Psal. 109. *Sacerdotem secundum ordinem Melchisedech.*

Probatur ex Conc. Ephes. cap. 10.

Sacerdotium autem eius fuit altioris & perfectioris rationis quam vllum aliud, siue naturæ, siue legis, siue Euangelij. Primò, propter dignitatem personæ offerentis. Secundò, propter ampliorem potestatem. Tertiò, propter nobiliorem finem, qui erat totius generis humani redemptio.

Dicitur Sacerdos secundum ordinem Melchisedech, propter repræsentationem quæ in his consistit.

Primò, quia Melchisedech idem est quod Rex iustitiæ. Secundò, is fuit Rex Salem, id est Rex pacis. Christus autem est pax nostra. Eph. 2. & Coloss. 1. Tertiò, Melchisedech introducit Hebr. 7. sine patre, sine matre, sine genealogia; neque numerum dierum, neque vitæ finem habens; non quod ista non habuisset, sed quia ista non leguntur in Scriptura de eo, & per hoc, vt dicit Paulus, assimilatur ei, nam secundum diuinitatem non habet matrem, nec secundum humanitatem habet patrem, neque principium dierum secundum diuinitatem, neque finem vitæ quoad sacerdotium; vnde Psal. 2. dicitur: *Tu es Sacerdos in æternum.* Cum enim obtulit, eius intentio, fuit adipisci fidelibus non bona transitoria, sed æterna, quare dicitur, *Pontifex futurorum bonorum.* Dicitur Melchisedech sine genealogia, Christi autem generatio vtrique incomprehensibilis est, vt dixit Iudas 3. *Generationem eius quis enarrabit?* Melchisedech obtulit panem & vinum; Christus suam carnem & sanguinem sub speciebus panis & vini.

Sacerdos fuit secundum humanitatem, nullatenus secundum diuinitatem, quia vt Deus non habet superiorem cui possit offerre sacrificium, ipsèque sacerdos & hostia.

Dices, quomodo Christus fuit Sacerdos & seipsum sacrificauit, ita vt & hostia simul fuerit, sacerdotis siquidem est hostiam occidere, quod Christus non fecit.

Respondeo, mactationem hostiæ, vt est actio quedam physica, non necessariò debere esse à Sacerdote, sed sufficere quod moraliter censeatur assumi, & Deo in sacrificium offerri ab ipso Sacerdote: quo pacto seipsum Christus obtulit Patri hostiam pro peccato, quia benè vtens malitia eorum qui ipsum interficiebant, seipsum piè & religiosè Patri offerebat ad delenda peccata, vt ipsemet dicit Ioan. 17. *Pro eis ego sanctifico meipsum.* id est, in hostiam & sacrificium offero, vt exponunt SS. Cyrillus, Chrysostomus, Thomas.

Dices, pari modo omnes Martyres dicuntur Sacerdotes, & censebuntur seipsos hostias obtulisse,

obtulisse, quia sponte & voluntarie martyrium subierunt.

Respondeo, longè disparem esse rationem Christi mortem suscipientis & martyrum, hi enim etsi sponte martyrium paterentur, non habebant tamen potestatem resistendi tyrannis eos morte afficientibus, nec vitam suam in mediis cruciatibus tueri poterant; Christus verò Dominus & sponte voluit mori pro peccatis, & ita sponte, ut cum posset crucifixores suos prostermere, sicut sola voce fecerat satellites in hortu, cum item vitam suam posset in mediis tormentis conservare, noluit tamen impedire conatum Iudeorum, aut vitam suam liberare, sed voluit eam Patri salutis humanæ pretium offerre; unde de seipso confidenter dicit, Ioan. 10. *Ego pono animam meam, nemo tollit eam à me, sed ego pono eam à meipso.*

Adde quod Christus fuit à Patre constitutus, qui vitam suam traderet pro redemptione mundi, quod affirmari non potest de Martyribus: propterea Christus dicitur verè seipsum obtulisse in hostiam & sacrificium, non item Martyres.

Quod autem Christus fuerit simul Sacerdos & hostia eodem modo explicandum est, quatenus scilicet ut homo seipsum voluntarie obtulit in sacrificium pro peccatis, ut Ephes. 5. dicitur: *Christus dilexit nos, & tradidit semetipsum pro nobis oblationem & hostiam Deo in odorem suavitatis.*

Dices, si Christus dicitur Sacerdos, quia obtulit se occidendum in Cruce, quare non dicitur Sacerdos secundum ordinem Aaron, in quo effundebatur sanguis victimarum?

Respondeo primò, quia esse Sacerdotem secundum ordinem Aaron, dicitur de iis qui erant de eadem tribu cum eo, & iisdem ceremoniis consecratis, quod non potest esse de Christo. Secundò, quia non tantum dicitur Christus Sacerdos, sed Sacerdos in æternum, quod non potuit dici secundum ordinem Aaron, qui gerebat tantum figuram cruenti Sacrificij Crucis, quod erat semel peragendum: benè tamen dicitur secundum ordinem Melchisedech modo supradictò.

Dices, ex Hebr. 4. *Habemus Pontificem magnum qui penetravit Cælos.* Quod puro homini non convenit, sed homini Deo; ergo secundum veramque naturam est Sacerdos.

Respondeo duo in Christo distingui, virtutem penetrandi, & penetrationem ipsam. Prima est à Christo uti Deo, sed penetratio convenit ei ut homini, quia est moveri de loco, Deus autem est immensus & immobilis.

Dices, quæ leguntur in Veteri Testamento fuerunt figuræ Christi, ex Coloss. 1. *Quæ sunt umbra futurorum.* Sed Christus non duxit originem carnis ex legis Sacerdotibus; dicitur enim Hebr. 7. *Manifestum est quod ex Iuda ortus sit Dominus noster, in qua tribu nihil de sacerdotibus locutus est Moyses.*

Respondeo ex Damascen. lib. 3. fid. cap. 26. *Quod in omnibus est simile utique, idem erit & non exemplum:* quia igitur Sacerdotium Veteris Testamenti, erat figura Sacerdotij Christi, noluit ipse nasci de stirpe figuralium Sacerdotum, ut ostenderetur non esse idem Sacerdotium, sed differre sicut verum à figurali.

Notandum est hîc Christum non fuisse Sacerdotem successionem aut vncione olei, sed ex vncione Verbi, quia humanitas illius fuit delibuta divinitatis oleo.

Cæterum per potestatem excellentiæ Christus potuit non solum offerre sacrificium, sed etiam instituere Ecclesiam, & Sacramenta necessaria ad salutem, leges condere pro bono animarum, varias gratias conferre, Vicarios instituere ad regendam spiritualiter Ecclesiam modis præscriptis ab ipso, unde non tantum Sacerdotis, sed etiam Legislatoris munus obiit, ut in Concil. Trident. sess. 6. can. 25. definitum est.

De Christo Legislatore.

Hoc docet Scriptura de Christo Isai. 53. *Dominus Index noster, Dominus Legis noster, Dominus Rex noster, ipse salvabit nos.* Et ipse Ioan. 14. ait: *Mandata mea servate.* Et 15. *Si præcepta mea servaveritis, manebitis in dilectione mea.* Item Matth. 28. *Docete eos servare omnia quaecumque mandavi vobis.* Paulus Hebr. 2. confert Christum & Moysen inter ipsos & ait: *Si transgressores legis data à Moysè puniuntur, multo magis puniendos transgressores legis lata à Christo.*

Præcepta legis à Christo lata sunt in triplici differentia, moralia, Sacramentalia & Fidei. De Moralibus constat Matth. 5. 6. 7. ubi prohibet diuortium & libellum repudij, ac decernit vinculum matrimonij non dissolvi. De Sacramentalibus patet ex Ioan. 3. *Nisi quis renatus fuerit ex aqua & Spiritu sancto, non potest introire in regnum Dei.* Ioan. 6. *Nisi manducaveritis carnem filij hominis.* De præcepto fidei Marc. 16. *Qui crediderit & baptizatus fuerit.* Ioan. 8. *Si non credideritis quia ego sum, moriemini in peccato vestro.*

Hoc tamen interest inter triplicia illa præcepta, quod Sacramentalia verè ac propriè instituta sunt à Christo: reliqua non tam instituta quam aucta vel explicata.

Et quidem moralia cum essent iuris naturalis non egebant institutore, sed explicatione. Præceptum autem fidei aliquo modo auctum est; nam Christi Nativitas, Passio, Mors, & reliqua mysteria quæ à Iudeis implicite & obscure credebantur, iam distinctè & expresse creduntur à Christianis.

QUÆRES, *An ita Christus fuerit Legislator ut ipse nullis legibus subiectus fuerit?*

Respondeo duplicem esse legem, divinam scilicet, quæ est ratio in Deo gubernationis rerum, ut docet S. Thom. 1. 2. q. 91. cuius lex naturalis quæ est in cordibus hominum, secundum quam discernunt bonum & malum est participatio, & est lex positiva, eaque vel vetus vel novæ posterior humana est, vel Ecclesiastica, vel politica, seu civilis.

Hac præmissa distinctione.

Respondeo primò, Christum nulli legi humanæ, seu Ecclesiasticæ, seu politicæ fuisse subiectum. Ratio est, quia fuit supremus Legislator, & supremus Rex omnis creaturæ, quapropter cum superior nullis sui inferioris legibus subiacere possit, Christus nullis potuit esse subiectus legibus: unde quod soluerit tributum Cæsari, id non fecit ex obligatione, sed sponte ad evitandum scandalum, ut observant SS. Patres.

Respondeo

Triplex genus
præceptorum
à Christo la-
torum.

Christus non
fuit nasci ex
sacerdotali
tribu, ut ostē-
deret suū sa-
cerdotium non
esse eiusdem
generis cum
patri.

Respondeo secundò, neque fuisse subiectum legi positivæ diuinæ veteri vel novæ.

De Veteri patet, quia cùm esset promulgata iis qui via ordinata descenderant ex Adamo, eos tantùm poterat obligare, non Christum, qui modo extraordinario genitus est.

De lege Nova idem patet, cùm enim eam condiderit, supra ipsam fuit, & proinde eidem subiacere non potuit.

Respondeo tertio, quod extra omnem controuersiam est, Christum ut hominem subditum fuisse legi diuinæ æternæ & naturali, imò & peculiari præcepto quod accepit à Patre de subeunda morte: talis enim lex habet auctoritatem suam à Deo, cui non est dubium Christum hominem fuisse subiectum.

QVÆRES hic, *An Christus possit dici Patri suo subiectus.*

Christus ut homo subiectus est tribus personis diuinis.

Respondeo distinguendo naturas quæ constituunt ipsum: secundum diuinam cerè est nullo modo esse subiectum, quia ipsi omnino æqualis est, ut declaratum est in tractatu de Trinitate. Secundum verò humanitatem, non tantùm Patri, sed & sibi, ipsique Spiritui sancto, atque adeò toti Trinitati subiectus est, ut observauit S. Thomas 3. p. q. 20. Primò titulo naturæ, quia natura sua est inferior diuina, estque aliqua tantùm participatio diuinæ. Ioan. 14. *Pater maior me est.* Et Matth. 19. *Quid me voca bonum? nemo bonus nisi solus Deus.* Vbi Hieronymus dicit: *Qui magistrum vocauerat bonum, & non Deum vel Dei filium confessus fuerat, dicit hominem quamuis sanctum in comparatione Dei non esse bonum.* Per quod dedit intelligere quod ipse secundum humanam naturam non pertingebat ad gradum bonitatis diuinæ. Secundò, titulo dispositionis, quia ipsa subiacet dispositioni diuinæ, sicut omnes alie creaturæ. Tertio, titulo obedientiæ, quia parer mandatis Patris seu Trinitatis. Ioan. 8. *Quæ placita sunt ei facio semper.* Prima subiectio vocatur inæqualitatis. Secunda seruitutis. Tertia obedientiæ, quæ proprium nomen subiectionis sibi vendicat.

Nota, non esse dicendum simpliciter, Christus est subiectus Patri, ne id sapiat Arianismum, qui filium etiam secundum diuinitatem minorem faciebant; vnde absolute propositionem hanc, *Pater maior me est*, sumebant, sed exprimendum est Christum ut homo est subditus, seu seruus Dei, sui ipsius & Spiritus sancti.

Resolutio affirmatiua est, & probatur ex Scriptura Isai. 53. *Ecce intelliget seruus meus exaltabitur, &c.* Et cap. 55. *Iustificabit ipse seruus meus multos.* Prouerb. 8. *Dominus possedit me initio viarum suarum.* Quæ locum S. Athanasii interpretatur de Sapientia incarnata, quæ vocat Deum Dominum, vtrique se seruum eius agnoscens ratione humanitatis; nam Dominus & seruus sunt correlata: eodem modo ipse Christus Ioan. 20. *Ascendo ad Deum & Dominum meum.* Hinc seruus clarè deducitur Philipp. 2. *Formam serui accipiens.*

Probatur ex SS Patribus, Hieron. & Athan. adductis, quibus addo Augustinum epist. 18. vbi posita distinctione de duplici natura Christi, concludit opposita de ipso dici posse. *Modò, inquit, pauper, modo diues, modo æqualis, modo dominus, modo seruus.* Nec omittendus est Cyrillus lib. 12. thesauri cap. 15. *Serui Dei nos sumus secundum naturam, ipse Dominus secundum na-*

turam, quia Deus, sed seruus factus est, quia verè homo.

Probatur ratione, vbi est dominus ibi est seruus, quia correlata sunt, quorum vnum non potest esse sine alio, sed Deus est Dominus Christi secundum humanitatem. Ergo. Minor, præterquam quod probata est ex Scriptura, confirmatur hac ratione, Deus est dominus omnis creaturæ: habet enim dominium in eam, ipsa que ex naturæ suæ conditione ei subiacet, ut ad nutum ipsius dirigatur, fiatque quicquid ei placuerit, sed Christus ut homo, seu humanitas Christi est creatura, ut omnes ex fide agnoscunt, ergo ut homo Christus est seruus Dei. Vasquez disput. 80. 3. part. cap. 11. videtur negare minorem argumenti, & distinguere maiorem probationis; Deus est Dominus omnis creaturæ, si hæc creaturæ non communicet in bonis cum creatore admittit: si communicet negat: requirens ad fundamentum seruitutis, non tantùm quod sit creatura; & essentialiter à Deo dependens, sed quod non habeat communionem in bonis cum Deo. Ad minorem dicit, humanitatem Christi esse quidem creaturam, sed tamen ratione vnionis hypostaticæ communicare in bonis cum Deo, idque triplici modo, ut habet cap. 8. primò, quia diuinitate plena est reddita, sede maiestatis digna, vocaturque domina, vnde & adoratur eodem cultu latræ sicut diuinitas, & Psal. 48. vocatur Regina: *Adstitit Regina à dextris tuis in vestitu deaurato.* Quare negat conclusionem, seu Christum ut hominem posse dici seruum.

Hoc Vasquij fundamentum, de non communicando in bonis cum domino ad rationem seruitutis gratis singitur; nam Philosophi & Theologi censent sufficere dependentiam à dominio & iure alterius.

Tum aut vult Vasquez quod seruus non debeat communicare in omni bono cum domino, si enim hoc esset communicaret in eius dominio & iure, & sic esset dominus & non seruus, aut quod in nullis bonis communicet, si istud dicat, Sancti & beati non erunt serui Dei, quia communicant in eius gratia & gloria, & potissimum B. Virgo, quæ facta est mater & sponsa Dei, Regina cæli; hæc acen se humilem dicit ancillam: *Ecce ancilla Domini.* Et post conceptum Christum: *Reflexit humilitatem ancillæ.* Paulus se vocat seruum in Epistolis plurim.

Quod si velit seruum non debere communicare in omni bono fateor: sed nego humanitatem Christi communicasse vi vnionis in omnibus bonis Dei: non enim propterea reddita est purus actus, immensa, æterna, infinita, boni per essentiam, omnipotens, suprema domina quæ sunt bona propria diuinitatis.

Nota, duplicem posse intelligi seruitutem, vnâ naturalem, quæ sequitur conditionem creaturæ, eò ipso quo creatura est, & constituit in eo quod Dei dominio subiecta sit: ut si rationalis sit, debeat ipsum Deum colere, & eius mandatis parere, hanc Christo ut homini tribuimus: Altera est seruitus captiuitatis legalis & pœnalis, ut cùm in bello capti serui efficiuntur, & hanc negamus fuisse in Christo, qui ut nullum vnquam bellum gessit contra Deum, sic nunquam in captiuitatem reductus est, & seruus propterea effectus. Prior seruitus non pugnat cum filiatione naturali, sed tantùm posterior de qua

sunt

Christi humanitas non communicat ex vi vnionis in omnibus bonis Dei.

sunt intelligenda, tum Scripturæ, tum Patrum testimonia.

Dices, Elipandus Archiepiscopus Toleranensis fuit condemnatus à Conc. Francoford. & Adriano Papa, eo quod diceret Christi humanitatem per unionem hypost. non exuisse vilem & servilem conditionem humanitatis. *Cur non veremini*, ait Papa, *queruli obrectatores illum servum nuncupare.*

Respondeo, ex declaratione erroris Elipandi. Ille dicebat Christum ut hominem, ita esse servum Dei, ut nullo pacto esset filius naturalis, siue quod reuera Nestorianus esset, credens in Christo duplicem personam sicut duplicem naturam, ita ut secundum personam creatam, esset simpliciter servus & non dominus: secundum verò divinam filius non servus: siue quod voluerit pœnalem in ea fuisse servitutem excludentem ius ad bonorum Dei participationem, nam ex peccato, siue quod contraxerit, siue cui obnoxius fuerit: unde & gravior reprehenditur Elipandus ab Adriano, quod dixerit potius Christum servum quàm filium adoptivum, utique quia loquebatur de servitute pœnali orta ex captivitate peccati.

Non ergo damnatur servitus naturalis consistens cum filiatione naturali, & cum Christus dicitur servus Dei, servitus hæc non est pœnalis, ut dixi.

De Christi Regia Potestate.

Christi regnum duplex cogitari potest, vel spirituale, vel temporale, de utroque non est dubium, quin ut Deus illud habuerit, non minus quàm Pater & Spiritus sanctus; Deus enim dicitur: *Rex Regum per quem Reges regnant.* Ut homo certum est quod fuerit Rex spiritualis, seu Monarcha totius Ecclesiæ, in qua circa omnia spiritualia summam authoritatem exercere potuerit, ita ut suo arbitratu instituere, præcipere, immutare quæcumque ad Ecclesiæ Hierarchiam eiusque statum spiritualem pertinent licitum ei fuerit.

Hæc veritas est fidei attestata Scripturæ locis, quæ vocant eum Caput, Pontificem, Sacerdotem; nam hæc tria pro eodem accipiuntur, siueque fuit prædictum fore, *Itai. 9. Factus est principatus super humerum eius.* *Psal. 2. Ego autem constitutus sum Rex ab eo super Sion montem sanctum eius.* Item ex sequentibus: *Dabo tibi Gentes hereditatem tuam & possessionem tuam & possessionem tuam terminos terra.* quia nimirum Ecclesiæ toto orbe diffundenda erat.

Hæc potestate usus est Christus, cum veterem legem abrogavit, cum condidit novam, cum Sacramenta instituit, cum peccata remisit, cum missionem dedit Apostolis, quos iam Sacerdotes & Episcopos ordinaverat, & eadem usus est in iudiciis, quando segregabit bonos à malis, & dabit unicuique secundum opera sua.

Si agatur de regia potestate temporali, seu dominio in omnes res temporales, certum est Christum ut hominem illud non habuisse in hac vita, saltem tale quod ipse solus esset quarumcumque rerum temporalium dominus, ita ut nullus præter ipsum cuiuscumque rei dominus aut proprietarius esset. Cum nec ipse Deus tale dominium sibi vindicare voluerit, sed revento

Carriere in Professionem Fidei.

quodam absoluto & supremo in res omnes dominio, proprietatem illarum hominibus benignè concessit; ita ut dependenter ab illo supremo dominio verè sint, ac dicantur proprietarii & domini rerum suarum.

Vnde refellitur quorundam error, qui asserunt omnes principes ac dominos terræ à Christi Domini Conceptione fuisse dominis suis priuatos, quod evidenter falsum coniungitur ex ipsius Christi testimonio, *Matth. 22. Reddite quæ sunt Cæsari Cæsari.* Tum ex praxi Ecclesiæ quæ sic de eo canit: *Non eripis mortalia, qui regna dat celestia.* Et nunquam Christus, tale ius supremum aut regnum temporale sibi attribuit, sed id regibus terræ administrandum, non titulo vicariorum suorum, sed legitimorum dominorum, & iure gentium regendum reliquit; quid expressius quæritur quàm verba Christi ad Pilatum: *Regnum meum non est de hoc mundo.* *Ioan. 18. id est, non est terrenum seu temporale, sed celeste & spirituale.* *Bellarm. lib. 5. de Pontifice, cap. 4. docet Christum nullo titulo habuisse regnum temporale, successionis, electionis, belli, donationis, quæ enim citantur loca Scripturæ de spirituali regno sunt exponenda, saltem pro tempore quo inter mortales Christus vixit, alioquin Papa, uti Christi Vicarius vniuersalè hoc dominium sibi vindicaret, et si respondeant aliqui non sequi quod ei competeret; nam nec totam suam spiritualement potestatem concessit ei Christus.*

Christus non fuit rex temporalis.

His non obstantibus Doctores non pauci, Antonin. Turrecremata, Panormitan. Ostiensis, Nauarrus, & alij apud Valentiam quæst. 22. tenent, Christum habuisse ex donatione Patris, potestatem super omnem terram, ita ut posset quoscumque Reges & Principes priuare suis regnis & dominis si voluisset, (et si voluntariè illius vsu seipsū Christus abdicaret, ac paupertatem perfectissimam amplexus fuerit, ut ipse dixit *Mat. 8. Vulpes foveas habent, & volucres cæli nidos, filius autem hominis non habet ubi caput reclinat.*) Ratio eorum est, quia Christi Domini in quantum hominis dignitas & excellentia tanta est ratione unionis hypostaticæ, ut absurdum sit restringere authoritatem suam ad statum spiritualem, cum nullus honoris, prærogatiuæ aut potestatis titulus esse possit qui non illi merito deberetur, quod & *Mat. 18. affirmari dicunt: Data est mihi omnis potestas in cælo & in terra.* Consentit Bernard lib. 3. de consid. ad Eugenium: *Hic est, inquit, de quo Prophetia ait, (& erit omnis terra possessio eius,) Christus hic est, qui possessionem sibi vendicat, & iure creationis, & merito redemptionis, & dono Patris: cui enim alteri dictum est: Postula à me & dabo tibi gentes?*

De Potestate Christi ad Miracula.

Divus Thomas q. 13. quærit, utrum Anima Christi habuerit omnipotentiam respectu immutationis creaturarum, & negat eam potuisse creaturas immutare præter consuetum naturæ ordinem, nisi quatenus fuit instrumentum diuinitatis, hæc enim omnipotentia ad hoc, est solius Dei, qui ut *Hebr. 1. dicitur: Portat omnia verbo virtutis suæ, & potest annihilare.*

Certum est tamen ex fide Christum magna & evidentiā fecisse miracula, commutauit enim aquam in vinum, panes multiplicauit, cæcos illuminauit, in mari tismo pede ambulauit, sanitarum morbidis

morbidis restituit, vitam mortuis reddidit, tor-
que & tanta fecit, ut ipsemet dixerit Iudæis: Si
verbum meum non creditis, saltem operibus credite:
ipsa enim testimonium perhibent de me.

QVÆRES, An moraliter tantum, vel physica
virtute hac effeceris?

*Christi anima
fuit instru-
mentum mo-
rale & non
physicum ad
miracula, id
est, petens à
Deo fieri quod
infallibiliter
obtinere ex
pacto.*

Respondes, communiter dicti cum D. Thoma,
animam Christi fuisse tantum instrumentum
morale miraculorum, illaque nullo pacto physicè
& realiter attingisse, sed Verbum vel voluntatem
Christi diuinam ex pacto affuisse; quæ opera illa
perficeret ad nutum vel requisitionem voluntatis
creatæ Christi. Ratio D. Thomæ hæc est, in In-
carnatione ita facta est unio in persona, quod ta-
men remansit distinctio naturarum utraque re-
tinente id quod sibi est proprium: potentia au-
tem actiua cuiuslibet rei sequitur formam ipsius
quæ est principium agendi, & nullo modo præ-
tergreditur ordinem naturæ; esto ergo Anima
Christi secundum propriam naturam & virtutem
sue naturalem, siue gratuitam potentiam habue-
rit ad illos effectus qui sunt animæ convenientes,
puta ad gubernandum corpus & ad disponen-
dum actus humanos, & etiam ad illuminandum
per gratiæ & scientiæ plenitudinem omnes crea-
turas rationales ab eius perfectione deficientes;
non tamen potuit attingere operationes quæ sunt
præter & super ordinem naturæ, tam respectu
proprii corporis quàm aliorum, quia naturalia soli
authori naturæ subduntur, & solus Deus mira-
culorum sit author, ut docet S. August. lib. 3. de
Trinit. cap. 2.

Hæc opinio mihi non probatur; primò, quia
prope nullam differentiam ponit inter amicos
Dei qui passim ad miracula exaudiebantur, &
Christum quem Paulus vocat sapientiam & vir-
tutem Dei. Quod si afferatur pactum à quo
Deus resiliere non poterat; ideoque Christus se
semper exauditum dicit; & Sancti quoque ex-
audiebantur ex promisso Christi: Si quid peti-
eritis patrem in nomine meo dabit vobis. Tum
Christus multa fecit miracula non impetratorie,
sed imperando. Matth. 8. Imperauit ventis. Et
Infra: Volo mundare. Et Ioan. 11. Lazare veni
foras. Luc. 4. Stans super illam imperauit febris.
Tum multas curationes miraculosas solo tactu
perfecisse legitur, imò virtus de illo exibat ad so-
lum contactum huiusmodi vestimenti eius. Luc. 5.
Virtus de illo exibat, & omnis turba querebat
eum tangere. Et cap. 6. Ego inquit, sensi virtutem
de me exisse. Docet ergo Scriptura, plus ibi esse
quàm moralem causam.

Plures Theologi arbitrantur, Christi humani-
tatem fuisse illorum miraculorum causam instru-
mentalem; non tantum moralem, sed etiam phy-
sicam & effectiuam, id est Christum Dominum,
quatenus hominem, non solum orando, & per
modum causæ moralis & meritorie, sed etiam
physicè, simul cum diuina virtute miracula illa
esse operatum.

Probatur ex SS. Patribus, Cyrill. lib. de recta
fide ad reginas titulo (quod Christus sit vita), di-

cit Christi corpus fuisse viuificum, id est vitam
aliis tribuens. Damasc. lib. 3. de fide cap. 5. dicit:
Christi corpus fuisse instrumentum, ac veluti or-
ganum diuinitatis ad operationes diuinas efficien-
das, Hilar. cap. 9. in Matth. Potestas, inquit, intra
corpus Christi manens, rebus ipsis caducis efficien-
tiam addebat sanitatis.

Probatur ratione, nulla potest esse contradi-
ctio cur humanitas Christi physicè per suas actio-
nes eleuatas attingeret productionem operum
miraculorum, cum ut ipse testatur Matth. ult.
data sit ei omnis potestas in cælo & in terra. An-
gelus ex vi propria multa facit, quæ miraculosa
reputantur, nec interest quod ea faciat applicando
actiua naturalia passiuæ, quæ perfectè nouit ani-
ma Christi per scientiam infusam naturæ; inti-
ma nouit, cur ergo ea administrare nequibit?
Natura ipsa lapidibus, herbis, animantibus, sin-
gulares & admirabiles implantauit virtutes, quo-
tidiana testatur experientia; imò si Historicis cre-
damus, temperamentum speciale corporis huma-
ni multum confert ad aliquorum morborum ex
alieno corpore propulsionem. Pyrrhus Epirota-
rum Rex, dolores latetum sanabat solo contactu
& applicatione sinistri sui pedis, odoriferus quasi
ballamum prædicatur sudor Alexandri Magni.
Certè quod unio personalis naturæ humanæ
Christi ad Verbum, & constitutio naturalis cor-
poris eius aliquam ipsi ad miracula indiderit vir-
tutem facile crediderit, qui ad hæc Luc. 6. Verba
attendet, virtus de illo exibat & sanabat omnes.
Nec est quod obiiciatur naturam eodem modo
se habentem idem semper facere; vnde inferatur
indifferenter communicandam hanc esse virtu-
tem physicam Christi, omnibus ad eum acce-
dentibus.

Respondes siquidem nihil magis esse in po-
testate nostra, quàm quod vel donò vel iure na-
turæ possidemus. Omnia quacumque voluit Do-
minus fecit in terra, virtusque eius ab illo non
exibat nisi prius voluisset. Consentit S. Thom. pio
huius scilicet dum art. 2. q. 13. dicit: Si loquamur
de anima Christi secundum quod est instru-
mentum Verbi sibi vniti, sic habuit instrumen-
talem virtutem ad omnes immutationes miracu-
losas faciendas, ordinabiles ad Incarnationis fi-
nem: qui est instaurare siue quæ in cælis, siue
quæ in terris sunt. Et gratia seu virtus miracu-
lorum ita data est ei, ut non solum ipse miracula
faceret, sed ut etiam hanc gratiam in alios trans-
funderet; vnde Matth. 10. dicitur: Quod con-
uocatis duo decim Discipulis, dedis eis potesta-
tem spirituum immundorum, ut eicerent eos, &
curarent omnem languorem & omnem infirmita-
tem. Et Marci ult. Signa autem eos qui credide-
runt hæc sequentur: In nomine meo eiciunt da-
monia, linguis loquentur nouis, serpentes tollent,
&c.

De Christo Incarnato qui est omnia fidelibus,
nunquam satis, sufficiant tamen Prænotata, ad
plenam verborum Symboli enucleationem: Et
Homo factus est.

*Non repugnat
quod & phy-
sicè ipsa na-
tura attri-
bitur huma-
næ.*

EXPOSITIO ARTICVLI IV.

*Crucifixus etiam pro nobis sub Pontio Pilato, Passus
& sepultus est.*



POST QVAM Dei Verbum æternum factum est temporaliter homo pro homine, mox incipit opus Redemptionis eius, & quia Non fit remissio sine sanguinis effusione. Hebr. 9. Postquam impleti sunt dies octo, factum est ut circumcideretur puer. Luc. 2. Quoniam fideiussor hominum existens, æterno Patri satisfactorum pro illis promiserat, mox sanguine suo quod cum Patre conuenerat ratum facere incipit & differens reliquam satisfactionem ad mortis sue tempus, quando clauis affixus è Cruce pendens ad exhibitionem Chirographi quicquid in eo fuerat ad stipulatus exoluit. Hoc recolit Symbolum, instituens Articulum de Passione & Morte Redemptoris, cui procul dubio quasi præcipuo fundamento tota Christiana fides & Religio innititur, quo inconcussò, stabilito & credito, omnia rectè constituta sunt; nam si quid humana menti difficultatem ingerit, certè mysterium Crucis omnium difficillimum reputatur, vixque percipi potest salutem humanam & virtutem Euangelij à ligno quod maledictum reputabatur pendere; unde Paulus crucifixum vocat 1. Cor. 1. Scandalum Iudæis, Gentilibus autem stulticiam. Sed credentibus, Dei virtutem & Dei sapientiam. Explico ergo quid passus sit Christus, & à serie verborum Symboli Nicæni non recedo.

QVÆSTIO I.

An Christus pati debuerit in Cruce.

Qvanquam necessarium non fuerit Christum pati, aliqua coactionis necessitate, vel ex parte Dei qui ipsum pati definiuerat, nec ipsius qui voluntariè passus est: necessarium tamen & expediens fuit, ut sibi & nobis vitam promeretur æternam, pro nobis satisfaciens, & ut omnem in hoc impleret Scripturam, ita S. Thomas q. 46. art. 1. Itaque necessarium fuit ex parte finis, qui quidem tripliciter intelligi potest. Primò, ex parte Dei, cuius distinctionem circa passionem & genus mortis præfigurata & prænuntiata in Scripturis oportebat impleri, & hoc est quod Luc. 22. dicitur: *Filius hominis secundum quod definitum est vadit.* Et Luc. vlt. *Necesse est impleri quæ scripta sunt de me.* Et sic oportebat Christum pati. Secundò, ex parte nostra, qui per eius passionem liberati sumus, iuxta illud Ioan. 3. *Oportet exaltari filium hominis, ut omnis qui credit in eum non pereat, sed habeat vitam æternam.* Terriò, ex parte ipsius Christi, qui per humilitatem passionis meruit exaltationem gloriæ, & ad hoc Luc. vlt. habetur: *Nonne oportuit Christum pati & ita intrare in gloriam suam.*

Resolutio Catholica est quòd Christus debuerit cruci affigi.

Probat ex Scriptura, Ioan. 3. *Sicut Moyses exaltatus serpentem in deserto: sic oportet exaltari Filium hominis.* Probat etiam in Professionem Fidei.

tari filium hominis, ut omnis qui credit in eum non pereat. Philipp. 2. Factus obediens usque ad mortem, mortem autem crucis. Ioan. 12. Ego si exaltatus fuero à terra omnia traham ad me ipsum. Quod Sancti Patres de crucifixione exponunt.

Probat ex SS. Patribus, Chrysost. hom. de cruce. In excelsò ligno & non sub recto passus est ut & etiam ipsum aeris natura mundetur, sed & ipsa terra simile beneficium sentiebat decurrentis de latere sanguinis stillatione mundata. August. in lib. de gratia vet. & noui Testam. epist. 120. c. 26. *Non frustra tale genus mortis elegit, ut latitudinis, & altitudinis, & longitudinis & profunditatis, de quibus loquitur Apostolus. Eph. 3. magister fieret.* Hilar. Can. 31. in Matth. *Idè calix transire non potest nisi illum bibas, quia reparari nisi ex eius passione non possumus.* Athanas. in 5. Paralip. *Miseratus est ipse Deus, inquit, remedium ad tollendum errorem intulit Crucem, videlicet proferens diuina notitia instrumentum omni natura potentum, &c.* Leo serm. 8. *Exaltatum Iesum ad se traxisse omnia, non solum nostra substantia passione, sed etiam totius mundi commutatione monstratum est, pendente enim in patibulo Creatore vniuersa creatura congemuit, & Crucis clauos omnia simul elementa senserunt.* Hieronymus comment. in Psalmi 149. versum. *Elevatio manuum, &c.* ait: *Poniente quasi in vespere Dominum, elevans manus suas obtulit se ipsum in sacrificium, & delicta sunt peccata nostra.* Hymnus Ecclesiæ rationem singularem superni ministrat. Ipse lignum tunc notavit, damna ligni

Christus pati
debuit pro
mundi redem-
ptione.

ut solueret, hoc opus nostra salutis, ordo depoposcera-
rat. quasi dicat forma hęc moriendi in ligno
Crucis contentanea valde fuit ad satisfaciendum
pro peccato primi parentis, qui ex ligno vetito
fructum sumens mortem induxit. August. lib. 13.
de Trinit. cap. 10. *Sanctę nostrę miserie conue-*
nientior modus alius non fuit quam per Christi
passionem.

Probatum ratione. Primò, quia convenientis-
simum fuit Christum pati mortem Crucis pro-
pter exemplum virtutis, dicit enim August. q. 25.
& 83. Sapientia Dei hominem ad exemplum
quo recte viuimus suscepit: Pertinet autem
ad vitam rectam ea quę non sunt metuenda non
metuere; sunt tamen homines non pauci, qui
quamuis mortem ipsam non timeant, genus ta-
men mortis perhorrescunt. Christus autem ad
vtrumque nos communire voluit, eligendo cru-
delissimum & ignominiosissimum genus mortis:
Crux siquidem duo hęc habet, unde uti crude-
lis inferebatur criminosis & perditissimis homi-
nibus, & hac de causa solus adduxit cruci Regem
Hai, Gabaonitz filios Saul, Glaucus Medicus hoc
supplicio penas dedit de perempto Ephestione
intimo Regis Alexandri: seruale supplicium
nuncupabatur, ut notat Herodot. lib. 2. de ple-
beis & facinorosis destinatum. Unde Philo-
latronum pernam vocat: Apuleius lignum infame
& detestabile: Seneca infelix & abominandum:
Cicero orat. pro Rabinio, tam horrendum &
ignominiosum habet Crucis supplicium, ut no-
men ipsum Crucis velit abesse, non modo à
corpore ciuium Romanorum, sed etiam à co-
gnitione, oculis & auribus eorum quod nec
nominetur.

Ad cruciatum siquidem Peruersorum intro-
ductum est hoc supplicium, ut notat Quintilian.
& ad terrorem incutiendum. Causa autem hęc
fuit, ut scribit Tacitus lib. 6. Reorum corpora
proiciebantur in publicum locum Gemonia di-
ctum ab ultimis eorum ibidem editis gemitibus,
vbi nudata patebant omnium oculis, donec à
vermibus corrosa & putrefacta aerem inficerent,
tunc autem vncinis ferreis detracta demergeban-
tur in Tyberim. Milites eorum custodię addi-
cti, ad arcendos parentes de ipsa terrę & sepul-
turę darent, fœtorem tam diuturnum non fe-
rentes, proposuerunt: enatui, convenientius esse
huiusmodi infames sceleratos cruci affigere, ut
se spectaculo essent omnibus & præda vulturi-
bus & coruis. Hinc inductus apud Romanos
vltus crucifigendi sceleratos, & exinde ignomi-
niosum & execrandum habitum est tale suppli-
cium, quod Plinius Canum vocat, quia apud
Romanos annuatim crucifigebatur canis in de-
testationem fœcundię canum, qui in Gallos Ca-
pitoliū inuadentes non allatrarent.

Secundò, quia hoc genus mortis maximè
conueniens erat satisfactioni pro peccato primi
parentis, quod fuit ligni vetiti seu fructus eius
vsurpatio, & ideo conueniens fuit quod Chri-
stus ad satisfaciendum pro illo peccato patere-
tur seipsum ligno affigi, quasi restituens quod
Adam sustulerat, iuxta illud Psal. 64. *Quę non*
rapui tuę exsoluebam.

Tertiò, Crucem elegit Christus, quia in ea
maiores dolorem sustinuit omnibus doloribus
quos pati possunt homines in hac vita, ut docet
Sanctus Thomas q. 46. art. 6. non modo pro-
pter passionis acerbiteriam & generalitatem, ve-

rum etiam propter Christi patientis delicatissi-
mam constitutionem, hoc deplorat in persona
Christi Ieremias Threnor. 1. *O vos omnes qui*
transitis per viam, attendite & videte si est dolor
sicut dolor meus.

Ad hęc nota, certum esse ut dixi, fuisse in
Christo verum & sensibilem dolorem qui causa-
tur ex corporali nocuo, fuisse & dolorem inte-
riorem qui dicitur tristitia, quę causatur ex ap-
prehensione nocuenti, vterque autem dolor in
Christo fuit maximus inter dolores præceterę vitę.

Primò quidem propter causas ordinarias læsio-
nem scilicet corporalem, quę acerbiteriam habuit
tum propter generalitatem passionis, quia mors
confixorum in cruce est acerbissima, qui confi-
guntur in partibus nervosis & maximè sensibili-
bus, scilicet in manibus & pedibus, & ipsum pon-
dus corporis pendenti continue auget dolorem;
& cum hoc etiam est doloris diuturnitas, quia
non statim moriuntur, sicut hi qui gladio inter-
ficiuntur.

Doloris autem interioris causa fuit. Primò
quidem omnia peccata generis humani pro quib-
us satisfaciebat patiēdo, unde ea quasi sibi
ascribit, dicens in Psal. 21. *Verba delictorum meo-*
rum. Secundò, specialiter calus Iudeorum &
aliorum in morte eius delinquentium, & præci-
puè discipulorum qui scandalum passi sunt in
Christi passione. Tertiò, etiam amissio vitę cor-
poralis, quę naturaliter est horribilis humanę
naturę.

Secundo, potest magnitudo doloris eius con-
siderari ex percipibilitate patientis, & secundum
corpus, nam & secundum corpus erat optimè
complexionatus, cum corpus eius fuerit forma-
tum miraculosè operatione Spiritus sancti: sicut
& alia quę per miracula facta sunt, fuerunt aliis
poriora, (ut Chrysost. dicit hom. 22. in Ioann. de
vino in quod Christus aquam conuertit in nu-
ptiis) & ideo in eo maxime viguit sensus tactus
ex cuius perceptione sequitur dolor. Anima
etiam secundum vires interiores efficacissime ap-
prehendit omnes causas tristitię.

Tertiò, magnitudo doloris Christi patientis
potest considerari ex doloris & tristitię puritate:
Nam in aliis patientibus mitigatur tristitia mæ-
rior, & etiam dolor extremus ex aliqua confide-
ratione rationis, per quandam deriuationem seu
redundantiam à superioribus viribus ad inferio-
res: Quod in Christo patiente non fuit, quia
vnicuique virium permisit agere quod sibi est
propriū ait Damasc. lib. 3. de fid. cap. 15.

Quartò, consideratur dolor Christi ex hoc
quod passio illa & dolor fuerunt voluntariè as-
sumpta à Christo propter finem liberationis ho-
minum à peccato, & ideo tantam quantitatem
doloris assumpsit, quę esset proportionata ma-
gnitudini fructus qui inde lequebatur.

Ex his omnibus causis apparet quod dolor
Christi fuit maximus.

Dices, innocentiam patientis diminueret do-
lorem Passionis, Christus verò passus est
innocenter. Hierem. 11. *Ego autem quasi agnus*
mansuetus qui portatur ad videriendum.

Respondet S. Thomas, minueret quantum ad
numerus, quia cum reus patitur, dolet non
solum de pœna, sed & de culpa, innocens ve-
rò tantum de pœna. Qui tamen dolor in eo au-
getur ex innocentia in quantum apprehendit
nocuentum

*Christus
subiit crucem
ad exemplum
voluntaria cu-
iusque sine do-
loris sine igno-
rentia.*

*Duplex dolor
in Christo
interior & ex-
terior.*

*Dolor Christi
maximus
fuit multarum
causis.*

nocumentum illatum ut magis inlebitum. Vnde etiam & alij magis sunt reprehensibiles, si ei non compatiuntur secundum illud Iai 57. *Iustum perire, & non est qui recogitet corde.*

Dices, dolor augetur secundum gravitatem & diuturnitatem, sed quidam Martyres sustinuerunt grauiiores & diuturniores passionem, sicut patet de Laurentio qui affatus est in craticula, & de Vincentio pluribusque alijs qui lacerati sunt ferreis vngulis.

Respondeo, quod ista ratio procedit ex vno tantum modo praedictorum, scilicet ex latione corporali quae est causa doloris sensibilis: sed ex alijs causis multo magis dolor Christi patientis augetur, ut dictum est.

Quartam adiungo rationem, cur Christus debebat esse crucifixus. Ipse notatur Caput Epilogus & Scopus Scripturarum. *Finis legis Christi.* Rom. 10. & Psal. 39. *In capite libri scriptum est de me ut facerem voluntatem tuam, Deus meus voluit.* Oportebat ergo quae de eius passione & cruce praenuntiata erant adimpleri ut ex consummatione omnium in eius persona, constaret ipsum solum esse Messium à Deo promissum, nec alium esse expectandum, uti faciunt obsecrati Iudaei, qui Christo proprias notas Messiae appoluerunt, cum falsos in eum testes produxerunt, & morti Crucis adegerunt. Singulae enim passionem & tormenta, v.g. sputa, flagella, spinæ, crux, clauis, lancea, fel, acerum, blasphemiae, impropriae, demonstratiue ostendunt Christum, seu Iesum Nazarenum esse Filium Dei datum in redemptionem; vnde D. August. cap. 23. *Clauis & lancea clamant.* Quod si quispiam interroget quid clamant? D. Bernard. respondet: *Clamant clauis, clamant vulnus quod in Christo sit Deus reconcilians sibi mundum.* Sigillatim siquidem haec omnia euentura Christo praedixerunt Prophetae & praemonstrarunt figurae, nam ut egie obseruauit Tertull. lib. 3. contra Marcionem. *Quanto Sacramentum Crucis creditur difficilius, & scandalo magis expositum, tanto magis oportuit per varias adumbrari figuras, ut sic credibilius redderetur & difficultas intellectus gratiam Dei quaereret.*

Figurae & Prophetae Crucis, passim habet. Lege apud Doctores & Scripturæ sacrae interpretes. Circumstantias autem Passionis & Crucifixionis pie meditantur & exactè describunt Contemplatiui non pauci, & inter illos homilarius Carthagen. Pintus de Christo crucifixus, & nouissimè Mercantius, qui sex habet lectiones de quinque mysterijs dolorosis, scilicet de agonia Christi in horto, de crudeli flagellatione, de acerbissima coronatione, de ignominiosa baiulatione Crucis, de dolorosissima crucifixione, & de lamentabili morte, & transfubetatione lateris Christi, nec desunt vulgares libri de Passione Christi, tam ad instruendum intellectum quam ad inflammandum affectum erga eum qui crucifixus est pro nobis.

Ultimam affero rationem quintam numero, ut quinque plagis Crucifixi adstipuletur, hancque ex amasio Crucis Paulo ad Galatas 3. de prom. *Christus, inquit, nos redemit de maledicto legis factus pro nobis maledictum.* Debebat ergo affigi ligno quod erat ex lege maledictum. Nota, quod lex transgressores suos quoslibet supponebat maledictioni. *Maledictus qui non permanserit in omnibus quae sunt legis Domini.*

Deuter. 28. Cum igitur omnes filij Adæ legem vel ex toto vel ex parte violassent, profecto maledictioni subiacebant, à qua Christus per mortem suam redemit, in qua maledictus est pro nobis.

At inquires, quomodo maledictus cum non peccauerit, & lex in peccatores tantum seruat? Verum equidem est Christum nullo modo subjacuisse legis maledicto, cum in vita argui aut conuinci nequiuisset de peccato; At quod in eum non potuit viuente, Lex, id in eius morte expleuit, maledictum eum faciens per lignum Crucis, de quo 21. Deuter. agens edixit, *Maledictus qui pendet in ligno.*

Post Paulum audiamus Ecclesiam in praefatione de Cruce, acclamantem Christo, quod constituerit in Cruce salutem generis humani, *Ut qui in ligno vincebat, in ligno quoque vinceret.*

At inquires, nunquid Christus poterat facilius modo de hoste generis humani seu demone, homicida ab initio, triumphare, & à morte aeterna homines eripere?

Respondeo, quis dubitat? decreuit tamen ipsum potius ex iustitia vincere quam ex potentia. Quia demon defector erat iustitiae seu legis Dei, *In veritate non stetit,* & dominationis seu potentiae audax erat, *Ascendam.*

In hoc autem plerique hominum obsecrati demonem imitantur, dum officia & dignitates, potentia & autoritate perspicuas ambiunt posthabita aequitate & iustitia. Vincendus ergo erat demon per virtutem quam maximè oderat, iustitiam scilicet, ut inde intelligerent homines ipsum esse supplantandum & debellandum per opera iustitiae & virtutis, nullatenus autem per vanitatem & potentiae splendorem: sic enim omnibus datur, & penes omnes est demonem vincere, cum omnes pie & iuste viuere possint per gratiam Dei, pauci autem autoritate & potentia praefulgeant; Christus ergo ex iustitia demonem aggressus est & vicit, non quod dampnanda sit aut explodenda potentia, sed quia obseruandus est ordo in quo iustitia potentiam ex instituto Dei praecedat.

Dices, conuenientissimum esse quod ille qui violententer & iniuste detinet aliquid, spoliatur per superioris potentiam; vnde Iai. 52. dicitur: *Gratis venundati estis & gratis sine argento redimemini.* Sed diabolus nullum habebat ius in hominem quæ per fraudem decepit, & per violentiam seruituti subiectum detinebat: Ergo per solam potentiam Dei aut Christi spoliandus erat, non per infamiam & tolerantiam Crucis.

Respondeo, quod licet diabolus iniuste hominem inuaserit, tamen homo propter peccatum iuste derelictus erat sub seruitute diaboli; idè conueniens fuit ut per iustitiam homo liberaretur à seruitute diaboli, & per humilitatem passionis, non autem per solam potentiam Deitatis. Hinc August. 13. de Trinit. cap. 10. *Sananda nostra miseria conuenientior modus alius non fuit quam per Christi passionem.*

Ad hæc nota, quod tantò aliquis magis conuenientior est ad assequendum finem, quanto per ipsum plura concurrunt quæ sunt expedientia fini, per hoc autem quod homo per Christi passionem est liberatus, multa concurrunt ad salutem hominis pertinentia præter liberationem à peccato.

Christus est
Scopus Scri-
pturarum.

Mysterium
Crucis
propagatum
fuit, ut
omni credi pos-
set.

Demon est ab
hominibus
vincendus per
iustitiam virtutis
quæ maxime
odit.

Primo, per hoc cognoscit homo quantum Deus diligat hominem, & per hoc prouocatur ad eum diligendum, in quo perfectio salutis humana constituitur. Vnde Paul. dicit Rom. 5. *Commendat Deus charitatem suam in nobis, quoniam cum inimici essemus Christus pro nobis mortuus est.*

Secundo, quia per hoc Deus dedit nobis exemplum Obedientiae, Humilitatis, Constantiae, Iustitiae & ceterarum virtutum in passione Christi ostensarum, quae sunt necessariae ad salutem humanam; vnde 1. Petri 2. dicitur: *Christus passus est pro nobis, vobis relinquens exemplum ut sequamini vestigia eius.*

Tertio, quia Christus per passionem suam non solum liberauit hominem à peccato, sed etiam gratiam iustificantiem & beatitudinis gloriam ei promittentem.

Quarto, quia per hoc est homini inducta maior necessitas, se immuniem à peccato conservandi qui se sanguine Christi redemptum à peccato cogitat. iuxta illud 1. Cor. 6. *Impij estis pretio magno, glorificate & portate Deum in corpore vestro.*

Quinto, quia hoc ad maiorem dignitatem hominis cessat, ut sicut homo victus fuerat & deceptus à diabolo, ita etiam homo esset qui diabolum vinceret; & sicut homo mortem meruit, ita homo moriendo mortem superaret; vnde 1. Cor. 15. *Deo gratias qui dedit nobis victoriam per Dominum nostrum Iesum Christum.*

QVARES, *Quanam sit hac iniustitia qua profugant daemones.*

Respondeo, iustitia & sanctitas Christi, quomodo id factum expono, cum nihil dignum morte Christus egisset, occidit eum Satan, & ideo iustum est ut debitores quos tenebat liberi dimittantur, in eum credentes qui ex charitate mortem iniustam admisit, ut satisfaceret Deo pro peccatis alienis, vnde dicitur: *Solus inter mortuos liber*, quia sine villo debito occisus est.

Dicit, Deus Pater tradidit Christum morti, Mat. 23. *Propter Ierusalem populum meum percuti eum.* Quod autem Deus facit non est iniustum, sed ipsa aequitas; Ergo mors Christi iusta est, non ergo occidit eum Satan aut persecutores.

Respondeo, quod eadem actio diuersimodè iudicatur, vel in bono vel in malo, secundum quod ex diuersa ratione procedit; Pater enim tradidit Christum, & ipse semetipsum tradidit ex charitate, ideo actio sancta & iusta est, Satan autem, Iudas, Iudaei, Pilatus, ex malo motiuo Satan ex odio in Deum quem Christus praedicabat, Iudas ex cupiditate, Iudaei ex inuidia & odio, Pilatus ex timore mundano quo timuit Caesarem.

Pater autem secundum tria dicitur tradidisse Christum passioni, vno quidem modo, secundum quod aeterna sua voluntate praeordinavit passionem Christi ad humani generis liberationem, iuxta id quod habetur Iud. 33. *Posuit Dominus in eo iniquitates omnium nostrum.* Et iterum: *Dominus propter nos voluit contere eum in infirmitate.* Secundo, in quantum in ipsam Christo voluntatem patiendi pro nobis intendendo charitatem; vnde ibidem sequitur: *Obdormit est, quia ipse voluit.* Tertio, in quantum non protegit eum à passione, sed exposuit persecutoribus; vnde Math. 27. pendens in cruce dicebat: *Deus meus*

ut quid dereliquisti me. Quia scilicet potestati persequentium exposuit eum, exponit August.

Instabis, Christum dicere Ioan. 10. Animam eius à nemine tolli, sed ipsum ponere illam, & consequenter Christum à seipso occisum; vnde August. 4. de Trinit. ait: *Spiritus Christi non deseruit carnem inuitus, sed quia voluit quando voluit & quomodo voluit.*

Responder S. Thom. Christum à persecutoribus occisum, Luc. 18. *Postquam flagellauerint occident eum.* Nam ipsi directè eum occiderunt, quia sufficientem causam mortis ei intulerunt cum intentione occidendi.

Christus autem indirectè dici potest causa suae mortis, quia non impediuit eum posset, poterat enim primo reprimere aduersarios, ut eum vel non vellent, vel non possent interficere. Secundo, quia spiritus eius habebat potestatem conservandi naturam carnis suae, ne à quocumque laqueo infesto opprimeretur, quod quidem habebat anima Christi, quia coniuncta erat hypostaticè Verbo Dei. Quod autem id non praestiterit, sed nocumentum illatum admiserit, cui succumbere voluerit, dicitur animam seu vitam suam posuisse & voluntariè passus.

Scotus in hoc dissentit à D. Thoma; sustinet enim animam Christi non habuisse potestatem praeservandi corpus à morte, fundamentum eius est, quia gloria non redundabat in corpus ex speciali miraculo, ut scilicet pati posset; vnde factò illo miraculo non redundantiae corpus eius erat necessariò corruptibile, quia ex prima institutione corporis humani, habetur quod aliqua actiua nata sunt dominari aliquibus passivis: Ergo per actiuum aliquod approximatum passiuo, potest induci aliqua dispositio vel qualitas impossibilis animationi animae, & ita potuit priuari per mortem: Actiua autem haec dominantia fuerunt instrumenta passionis, clauis, spinæ, lancea, &c.

Confirmatur, quia anima non habet dominium super corpus quoad omnem potentiam & maximè vegetantem, quae est irrationalis, quia quamuis sit in potestate sua exhibere eis materiam in quam agant, tamen non est in potestate eius modus quo materia illa agat in potentiam, & modus quo potentia agat in materiam, ita quod possit facere quod potentia illa non debilitetur, &c. Neque etiam dominatur appetitui sensitivo, ut possit facere quod non doleat, ergo non potuit facere quin corpus pateretur. Si tamen anima Christi sibi dimissa fuisset, nec impedita fuisset per illud retentionis miraculum, gloria eius redundasset in corpus, sicque potuisset praeservare à passione & morte; posito autem illo miraculo, non potuit facere quin corpus esset passibile & pateretur, licet esset vnitum Verbo.

QVARES, *An Christus habuerit necessitatem ex natura sua moriendi.*

Consentiunt Theologi in affirmationem, quia corpus Christi naturali necessitate consequente materiam ex qua fuit compositum, subditum fuisse morti, ceterisque corporalibus defectibus; probatur, quia ex beneplacito diuinæ voluntatis declarato Rom. 8. *Misit Deus filium suum in similitudinem carnis peccati, permittetur carni Christi agere & pati quae propria.* Haec ratio supponit continuationem miraculi quo beatitudo non redundabat in corpus Christi. Necessitas autem horum defectuum causatur ex propriis

*Quomodo
Christum de
carne causa
sua morti.*

priis carnis, quia scilicet constabat ex contrariis & erat corpus animale.

Sub Pontio Pilato.

QVÆRES, Cur fiat mentio pontij Pilati?

Respondeo, id tam ab Apostolis quàm à Conciliis expressum, ut tantæ rei & tam necessariæ cognitio exploratio omnibus esse possit.

Sub Pontio Pilato, id est, eo tempore quo Pilatus provinciam Iudæorum pro Romanis administrabat. Dicitur autem *Sub Pilato*, quia ipse fuit Iudex à quo morti traditus est.

Formulam damnationis nec sacra volumina tradunt, nec una est omnium Auctorum sententia. Hanc ex Annalibus antiquis Iudæorum cap. 8. acceptam, & Hierosolymis inuentam, quam Christianus Andronicus in descriptione Hierus. maximè approbat, referre non grauabor.

Nos Pontius Pilatus sacri Romani Imperij Præfatus, adiudicamus Christum ventum mortuū, eo quod volueris regnum Iudæorum usurpare, ut multipliciter comprobatur est testimonio Pontificum maiorum Civitatis Hierusalem: & quia contra decretum Principum fecisti, volens se facere regem, propterea iudico te, & sentio primo, elevari in Cruce extra civitatem Hierusalem, in loco qui dicitur Golgotha, id est Calvaria, donec completè morieris, per quam mortem Respublica Iudæorum salva fiet. Similiter tecum duos latrones crucifigi, coniectos in sceleribus suis, qui sunt Dismas & Gismas, à dextris & sinistris, tu verò tanquam Rex, in medio ipsorum in Cruce residens. Lata est sententia in Hierosolymis in loco qui dicitur Lithostrotos, Parasæue Paschæ, hora quasi sexta. Pilato sedente pro tribunali, ut ait S. Ioan. cap. 19. Latino idiomate, secundum loquendi usum Romanorum eam pronuntiantem.

Id autem incidit in annum Christi trigésimum-tertium, & amplius tribus mensibus, anno 17. ab obitu Augusti, 34. ætatis Tiberij, & 18. imperij sui, ut scribit S. Ignatius, qui Christum ipsum vidit in carne epist. ad Trallianos: ita & fides Ecclesiæ Catholicæ ex Baronio, mensis Martio, ut communiter creditur, die quam Iudæi sextam Sabbathi dicebant, Gentiles verò diem Veneris, Latini feriam sextam dicere solent. Hora autem erat tertia, cum accepit Christus sententiam à Pilato, sexta Cruci affixus est, nona verò expiravit, & ante solis occasum sepultus est, ait Ignatius.

Addo nomen Pilati crucifixo adiungi in Symbolo maioris certitudinis gratia, nam etiam nova quæ circumferuntur, eò certiora existimantur, quod plures afferuntur & exprimuntur circumstantiæ rerum quæ factæ dicuntur vel contigisse.

Atque ut hac mentione Iudicis declaretur comprobata exitu illa Salvatoris prædictio. *Tradent eum Gentibus ad illudendum, & flagellandum, & crucifigendum.* Matth. 20.

Porro Pilatum in ipsas etiam leges Romanas graviter deliquisse tradendo Christum crucifigendum, nec ablutione manuum facinus expiasset, vel ex eo facile demonstratur, quod quantumlibet Iudæi in suo ipsorum Concilio de nece Christi æquam tulissent sententiam, (quam fuisse iniquissimam certum est) nihilominus eius sententiæ executio ad decem saltem dies propaganda fuisset ex Senatusconsulto Tiberiano, an-

no 6. Tiberij Imperatoris, id est ante duodecim annos promulgato.

Quænam verò causa fuit, ut idem Pilatus Christum à Iudæis ut blasphemum (utpote qui se filium Dei faceret) damnatum in Crucem adigendum statueret? Nam si eorum lege res ageretur, lapidationi erat subiiciendus; si iure Romanorum, famosis latronibus eiusmodi supplicium debebatur. T. enim littera quod Crucis figuram exprimat, notari consuevisse fures, apud Lucianum testatum habetur dial. Iud. vocal. Et apud ipsos Iudæos Crucis pœnam homicidarum fuisse Philo de special. leg. tradit. Sed divinâ quadam dispensatione factum est, ut supplicium quod Barrabæ duplici ex causa debebatur, tum ut latroni, tum ut homicidæ, converteretur in Christum, cuius nulla esset mortis causa; ut filius Dei pro redemptione totius humani generis crucem subiret, quæ tam apud Iudæos, quàm etiam Gentiles, insigne salutis esset, signandos namque esse signo Thau, qui liberandi essent ab ira Dei Ezechielii Prophetæ fuit divinitus demonstratum, cap. 9. & apud Ægyptios istud ipsum Crucis signum in sacris eorum litteris significasse vitam, Ruffinus 1. hist. cap. 29. Socrates lib. 5. cap. 17. & alij testantur.

QVÆRES, Cur addita hac vox PASSVS.

Respondeo, quod crucifixio satis complectebatur & connotabat passionem, hancque acerbissimam ex causis allegatis. Passus autem dicitur ne quis indolentiam in tormentis & crucifixione illa per miraculum vel incantationem locum habuisse suspiceretur, verè potius dolores nostros portavit, & doloris sensum expertus est tanto maiorem, quanto perfectius apprehendere mala poterat, & quoad carnem exquisitoris erat temperamenti.

Passus est autem Christus in corpore, nam captus, angustatus, irrisus, flagellatus, spinea corona coronatus, variis iniuriarum & cruciatuum generibus affectus; denique crudelissima & ignominiosissima crucis morte peremptus.

Passus in anima quoad inferiorem eius partem attinet, quamvis enim personæ divinæ coniuncta fuerit humana natura, tamen utraque suas habebat proprias & connaturales operationes & motus. Nec summum gaudium in anima humana de visione Dei impediatur tristitia quæ ab obiecto naturaliter disconueniente causatur. Nam ut ex S. Thoma notavi virtute divinitatis & dispensatione divina, factum est ut beatitudo contineretur in anima & gaudium beatificum, quoderat in voluntate non diffunderetur in appetitum sensitivum, ne scilicet dolorem & tristitiam in illo appetitu impediret. Quare maximè sentiebat dolorem provenientem ex læsione corporis, quia erat delicatissimæ complexionis & maximè tristabatur ex apprehensione obiectorum naturaliter sibi disconuenientium.

QVÆRES, An Christus sit passus secundum totam animam?

Respondeo, Litteratores multum pati in depromenda resolutione huius difficultatis, quam ingeniosè prætermittunt positivi Doctores; nam primò anima rationalis ut spiritualis est simplicissima & impartibilis, quomodo ergo stat responsio communis quod passus sit secundum partem tantum inferiorem animæ.

Secundò, si Christus intimè & secundum totam essentiam animæ suæ fruebatur summo gaudio

*Pilatus per
causam in leges
Romanas
Christum ad-
dicens Crucis*

*Rectè Symbo-
lum exprimit
quod Christus
sit passus.*

*Christus mor-
tuum est ætate
sua 33 anno
& 3. mensibus.*

*Vix capiam
quomodo
Christus pas-
sus sit secun-
dum totam
animam.*

dio ex visione beatifica, quomodo illud non excludit summam tristitiam & passionem? aut summus dolor non abrogat aut impedit delectationem fruitionis? Nec satisfactio responsio Damasceni lib. 3. cap. 15. quod diuinitas Christi permittit carni agere & pati quæ propria, pati ratione cum proprium esset animæ Christi in quantum erat beata quod frueretur, passio eius fruitionem non impediebat; nam si proprietates innatas perstaret utrique, quomodo summè gaudebit qui afflictus est in summo? in delectatione siue gaudio cor dilatatur, in tristitia verò constringitur hocque proprium est, quomodo simul stabit utrumque. Tum sicut se habet gloriosum & non gloriosum ad corpus, ita dolor & gaudium ad animam, sed impossibile est corpus esse gloriosum & non gloriosum. Ergo, & quod in anima sit simul dolor & gaudium quæ sunt contraria: distinctio autem contrariorum est quod mutuo se expellunt; unde cum definitum non possit esse sine definitione, impossibile & intelligibile quod in eodem subiecto simul sint.

Tristitiam summam testatur ipse Christus in horto Getsemani Matth. 26. hancque agnouerunt SS. Patres, ut colligo ex Ambrosio in cap. 21. Lucæ. *Dole Domine & verè dolo.* Et Hieronimus 53. hoc futurum prædixerat. *Verè languores ipse tulit & dolores nostros ipse portauit.* Et Psal. 87. dicitur ex persona Christi. *Repleta est malis anima mea.* Vbi glossat Augustinus non vitiis sed doloribus. Nec quidquam expressius legitur apud Marcum 14. *Tristis est anima mea usque ad mortem.* Græcè legitur, tristitia undique oblectus est animus meus. liceat mihi addere, & ita oblectus ut *Factus sit sudor eius sicut gutta sanguinis decurrentis super terram.* Luc. 12. Causas summæ huius tristitiæ exquirendas & expendendas relinquimus interpretibus, sat hæret intellectus noster in perquisitione subiecti inhaesionis huius tristitiæ consortis extremi comprehensoris gaudij.

Definitio Tristitiæ.

Tristitia quæ dicitur fieri sine læsione carnis ex sola apprehensione mentis.

Respondetur itaque Christum passum fuisse secundum totam animam, quia tota essentia animæ rationalis coniungitur corpori, existens tota in toto & tota in qualibet parte corporis; læso ergo corpore per noticiam applicationem, anima quæ fundamentaliter est sensitiva non minus quam sit intellectiva, patiebatur secundum sui partes seu potentias inferiores. Et hinc dolor. Quantum autem ad Tristitiam quæ est animi disensus ab his quæ nobis nolentibus accidunt. Unde ex apprehensione interiori est, & sæpè fit sine carnis læsione, quia fit per imaginationem intellectus, verè fuit in Christo, tam in parte superiori quam in inferiori.

Ad huius euidentiā est notandum, quod voluntas potest accipi dupliciter, scilicet pro voluntate deliberatiua, & pro voluntate naturali coniuncta appetitui sensitivo. si accipitur pro deliberatiua, sic non fuit ibi tristitia, quia hæc est de nolito, sed illa passio non erat nolita à voluntate deliberatiua Christi, imò erat volita, quia cum esset recta, conformabatur legi Dei quæ dictabat illam esse volendam; ergo ut sic non fuit ibi tristitia.

Si autem accipiat voluntas pro voluntate naturali fuit tristitia secundum portionem superiorem & inferiorem, quia tristitia est de nolito; voluntas autem naturalis non potest velle quod est disconueniens & destructiuum sue naturæ.

Vnde sicut proiciens merces suas in mari,

simpliciter non vult, quia proponitur ut iactura, & consequenter ut malum, quia præterea proponitur sibi ut necessarium ad vitandum periculum si vult. Ita est in proposito; nam obiciebatur passio ut disconueniens & sic voluntas naturalis nolebat, sed postea proponebatur ut necessaria pro redemptione generis humani, & sic voluntas deliberatiua volebat. Distinctio hæc voluntatis stat in hoc quod voluntas considerari potest, ut respicit bonum absolute & conueniens naturæ, sicque dicitur naturalis, vel ut sequitur iudicium rationis, & sic dicitur voluntas deliberatiua. Hæc facilius denodaret qui distinctionem realem trium animarum vegetantis, sensitivæ, & rationalis admitteret in homine, quod non esse contra fidem docuerunt non pauci, ut notauimus in quæst. 9. de Anima.

Dices, non emollicur scrupulus de diuisione spiritus & animæ partitione.

Respondetur, quod totum dicitur respectu partium? Partes autem animæ dicuntur potentie eius. Sic ergo dicitur anima tota pati, in quantum patitur secundum essentiam suam, vel in quantum patitur secundum omnes suas potentias.

Quomodo ar-
tebantur
partes anima
& ipsa pati
dicantur.

Sed considerandum est quod aliqua potentia animæ potest pati dupliciter, vno modo passione propria, quæ quidem est secundum quod patitur à suo obiecto, sicut si visus patitur à superabundanti visibili. Alio modo patitur potentia, passione subiecti super quod fundatur, sicut visus patitur patiente sensu, tactus in oculo super quem fundatur visus, puta cum oculus pungitur aut distemperatur per calorem.

Si intelligamus totam animam ratione suæ essentia, sic patet totam animam Christi passam esse; nam tota essentia coniungitur corpori, & est tota in toto, & ideo corpore patiente & disposito ad separationem, ab eo tota anima patiebatur.

Si verò intelligamus totam animam secundum potentias eius, sic loquendo de passionibus propriis potentiarum, patiebatur quidem secundum omnes vires inferiores, quia in singulis viribus inferioribus animæ aliquid inueniebatur quod erat causa doloris.

Quomodo
gaudium in
summo esset
in Christo
cum dolore &
tristitia.

Sed secundum hoc superior ratio non patiebatur in Christo ex parte sui obiecti, scilicet Dei, qui non erat animæ Christi causa doloris, sed delectationis & gaudij. Secundum autem illum modum passionis quo potentia aliqua dicitur pati ex parte sui subiecti, sic omnes potentie animæ Christi patiebantur; omnes enim potentie animæ radicanter in essentia eius ad quæ pertinet passio, passio corpore cuius est actus.

Ad difficultatem de naturali incompatibilitate gaudij & tristitiæ,

Responderi potest, posse contraria stare in subiecto eodem per absolutam Dei potentiam, fuisseque continuum miraculum in Christo, quod gloria partis superioris non redundaret in inferiorem.

Dic, si velis, dolorem & gaudium in anima Christi non esse contraria, quia non insunt eodem modo, & non sunt de eodem obiecto; nam gaudium est de obiecto beatifico & æterno, dolor autem de obiecto temporali.

Vnde non valet comparatio corporis gloriosi & non gloriosi, ad gaudium & dolorem in anima; nam gloriosum & non gloriosum respectu eiusdem

eiusem corporis sunt contradictoria. Dolor autem & gaudium in proposito non sunt contradictoria, nec etiam contraria, tum quia non insunt eodem modo, tum quia non sunt de eodem obiecto.

Dilatatio autem cordis non est ad propositum, quia respicit gaudium corporale, hic autem agitur de gaudio spirituali in portione superiori.

Dilectus, Tristitia si sit vehemens, non solum impedit delectationem summam, sed quancumque, & è conuerso, ex Aristot. lib. 7. Ethic. cap. vii. & lib. 10. cap. 5. Dolor autem passionis Christi fuit maximus, & similiter delectatio fruitionis est maxima. Non ergo tota anima simul patiebatur & fruebatur.

Respondeo, Aristotelem verum dicere ratione redundantem, quæ sit naturaliter ab una potentia animæ in aliam, sed hæc non fuit in Christo dum erat viator, à superiori parte in inferiorem, nec ab anima in corpus, idque fuit continuum miraculum (interruptum ad horam in Transfiguratione.) Dicendum ergo quod si accipiamus totam animam ratione potentiarum eius, tota non fruebatur, quia fruitio non potest esse actus cuiuslibet partis seu potentie animæ.

PASSVS, cum tot circumstantiis crucifixionem concomitantibus, ut symbolum Nicænum non expresseit mortem quæ satis intelligitur, secuta ex crucifixione immani, & acerbissimis doloribus quos in transfixione clauorum sustinuit exangue corpus Christi.

Præcipuas memorari & hic referte vrget sensus Christiani, & consensus religionis Professionis meæ, necnon & susceptum Expositoris officium, ut Lectores Catholici Symboli articulum, *Crucifixum, passum*, recitantes, hoc mecum sentiant in seipsis quod in Christo Iesu crucifixo.

Cum ergo Pilati sententia dimissus esset Barabbas, traditus est Iesus Iudæis ad crucifigendum: mox Redemptor noster exutus est chlamyde & propriis indutus vestimentis, ubi notandum non potuisse spoliari vestimento purpureo & proprio indui, absque noua vlcera renouatione ob sanguinem congelatum vesti adhærentem. Indutus ergo & ad collum iniecto fune quo ducebatur, & comitante illum integra cohorte cum ingenti Iudæorum caterua manibus plaudente, & victoriam suam, concrepante, præco ante illum valenter clamare cœpit, ut mortis illius causam euulgans cunctis innotesceret. Imponitur humeris eius patibulum, ad penam pariter & illusionem portandum, cumque præ magnitudine ponderis succumberet oneri quod per ciuitatem baiulauit, in egressu occurrit eis Simon de Cyrene ciuitate Lybiæ veniens de villâ; ipsi autem non pia Christi commiseratione permoti, sed præ timore ne deficeret in via, quia non semel ceciderat, & sic Crucis mortem euaderet, quam ut ignominiosissimam & crudelissimam ei inferre ardebant, compulerunt Simonem ut grauem Crucis sarcinam portaret, (solus ait Hieronym. Euthym. & alij.) Iesu præeunte, hocque Lucas aperte dicit 23. *Apprehenderunt Simonem & imposuerunt illi crucem portare post Iesum.* Consors fuit is postea Pauli cum venit in Hispaniam, ibique factus Episcopus. Hieronymus notat Simonem promeritum hanc bonam sortem crucem *Carriere in Professionem Fidei.*

Christi ferendi, meritis filiorum suorum Alexandri & Rufi, qui iam Discipuli erant; Rufus Auenione fuit Episcopus. Caiet. & Spondan. opinantur Simonem portasse ex parte posteriori, ut cernitur ex picturis, non autem solus, ne videretur ipse crucifigendus, at alia non deerant cruciani signa. Sic igitur perductus Christus in montem Golgotha seu Caluariæ; exiit ad milites, qui in quatuor diuiserunt sibi partes eius vestes, & miserunt sortem super tunicam, quod quæ inconfutis esset non facile scissuram pareretur, quin tota retexeretur. Sic spoliatum & omnino nudum fuisse crucifixum, plerique recentiores à ferocia militum & ab usu Romanorum quem refert August. 16. ciuit. cap. 2. & lib. 12. contra Faustum, necnon à præuis figuris sic expressius adimpletis constanter arguunt. At contrarium docuit Beata Virgo sic loquens B. *Christus fuit crucifixus ut loqueretur* lib. 1. reuelar. cap. 10. stante filio meo, sic natus erat nudo corpore, vnus tunc occurrens abductor.

apporauit sibi velamen, quo ipse exultans intime velabat verenda sua. Confirmatur, nam Aquisgrani summa veneratione colitur linteum asseruatum, quo Christus è Cruce suspensus coopertus fuit, quod septimo quoque anno fidelibus deuotionis causa ostenditur, extra quod tempus, teste Leone Reginæ Bohemæ fratre, in suo Itinerario, Cæsari diadematis suscipiendi gratia eo venienti detegitur. Idem mihi persuadet ratio, quia verendorum nuditas post Adæ lapsum indecentiam quandam præfert honestati repugnantem; nulla ergo ratione admitti debes in Christo totius pudicitie & honestatis speculo, qui illam facile vitare potuisset. Vnde si vt refert S. Gregor. Turonen. lib. 1. de gloria Martyr. c. 23. Quidam Sacerdos diuinitus monitus fuit, ut nudam imaginem Christi crucifixi in templo existentem linteis vestiret, ne nuditas aspiceretur: quanto maiori cura diuinam prouidentiam nuditati ipsius Christi occurrere credemus, ne ab omnibus conspecta, illuderetur ab inimicis, & grauare ab amicis & grauibz personis conspiceretur. Accedit ad hoc non contemnenda coniectura: nam in sacra Syndone qua sepultus fuit impensis Iosephi ab Arimathia, apparent manifesta signa linteoli pudorem cooperientis.

Porro cum de modo crucifigendi Dominum nihil clare & perspicue tradat Scriptura: num Cruci in altum erectæ affixus fuerit, an adhuc in terra jacenti difficile admodum est certo definire, vtra istarum opinionum vera sit; nam quod Ioannis 3. dicitur, oportere exaltari filium hominis, non magis vnâ quàm aliam stabilis opinionem. Quamuis ergo crucifigere jacenti Cruci longè sit facilius & expeditius, tamen S. Brigitt. lib. 7. cap. 15. sic habet:

Crux eius à Iudæis figebatur & firmabatur Christus fuit fortiter in foramine petra montis cum lignis confixus, cum malleo validissime circumquaque, ut crux solidius staret, ne caderet. Cum igitur Crux ita solide firmata esset, ibidem statim adaptabantur sabula lignea in circuitu stipitis Crucis, per modum graduum vsque ad locum ubi pedes eius crucifigi debebant, ut possent per illos gradus tabularum ascendere, tam ipse quàm crucifixo- res & super sabulas illas aptiori modo stare ad crucifigendum eum. Ita Gregor. Nazianz. Bonauent. Toletan. &c. & mox ab ascensu arreptam eius manum dexteram prius affigere tentarunt, quoniam ex parte cordis erat ut citius & magis

doleret. Itaque dextræ manus volam ea parte quæ crassior erat, tanta acrimonia confixerunt, ut clauus qui pollicis crassitudinem æquabat & tantæ erat longitudinis, ut ultra Crucis stipitem non parum protenderetur, partem carnis intra foramen taperet, ut non tam affixam quam ferrum natam crederes: pari postea immanitate ad sinistram processerunt, quæ cum longius distaret à foramine propter nervos contractiores redditos, ideò aliis sicut instrumentis contendunt ut funibus hinc indeligerent, alij dextram manum vinculis retinerent, ne discerperetur, alij vero sinistram trahebant, donec loco perforato & parato accommodari posset. Cum autem ex confixione manuum corpus valde traheretur, factum est ut pedes non possent attingere ad locum designatum clavorum, quare immanes ministri funem per humeros circumducen-tes validè corpus alligarunt, ut pedes & crura quoad possent extenderent, ita tamen ut manus iam confixæ non dirumperentur, implētumque est illud Psalm. 21. *Dirumerunt omnia ossa mea.*

Acerbitatem doloris quam Christus in hac clauifixe manu & pedum sustinuit quis concipere potest? Extremam fuisse ex eo probat S. Thomas 3. parte, qu. 46. artic. 6. quod in locis nervosis facta fuerit: hic enim dolor ad id vehementer esse solet, ut multis spasmus causaverit, aliis membrorum stuporem & mentis alienationem immiserit. An autem pedes vno vel duobus terebrati seu confossi fuerint clavis non exprimit Evangelium, unde multi ex usu recepto pingendi vno confixos putant. Ego inclinor in sententiam quæ geminos in manibus & pedibus admittit, ita ut quatuor clavis pependit à ligno nostra salus; hoc expressè refert S. Brigitta lib. 1. cap. 10. & lib. 4. cap. 70. quod confirmant antiquæ imagines Crucifixi quæ habentur Romæ, una apud S. Petrum, alia apud S. Ioannem Lateranensem, & statua Crucifixi per Nicodemum facta quæ colitur in civitate Luca, & altera Lovanii in Ecclesia S. Michaelis, ætandem alia Hispaniæ in Ecclesia Burgensi. Adde quod quatuor erant crucifixores, ut notat Tolet. Cardinalis, quorum quilibet fixit suum clavum, tum difficillimum fuisset duos pedes stantis vno clavo configere. Nec parum facit ad hoc indicandum, quod duo Latrones cum eo crucifixi quatuor clavis confossi fuerunt, etsi soleant depingi funibus ligati. Vnde anno salutis 326. Helena, Constantini Imperatoris mater, post singularem perquisitionem decusso terræ aggerè, tres Cruces inveniens, non potuit veram Christi citra miraculum discernere; nam quatuor foraminibus pervix omnes erant; unde infertur quatuor clavis crucifixionem factam.

Passus tot & tanta quantum ad animam & corpus: clavis confossus, spinis caput terebrantibus redimitus, despectus, ludibrio habitus, nonissimus omnium reputatus, & quod omnium insupportabilius habet, à Patre absque omni prorsus in inferiore parte animæ solamine eam demulcente derelictus; unde quasi querulus clamavit voce magna: *Deus meus, Deus meus, ut quid dereliquisti me?* quod sanè non exprimit sine vrgentissima causa, cum alios internos dolores ob alias causas eum affligentes reticuerit. Arbitror causam huius sine dubio fuisse, ne quispiam falsò putaret inter acerbissima illa tormen-

ta fuisse à Deo magnis solatiis & spiritualibus voluptatibus recreatum, ita ut vel non sentiret dolores, vel saltem acrimonia eorum celesti dulcedine sibi propinata minueretur, ut sæpè contigit antiquis Patribus, qui in eo sperantes ab eo misericorditer liberati sunt. Vnde de Ioseph dicitur Sap. 10. *Descenditque eum ex in foveam, & in vinculis non dereliquit eum.* Et David de se testatur Psalm. 26. *Abcondit me in tabernaculo suo, in die malorum protegit me.* Vnde in Psalm. 21. ex quo Christus Dominus sumptit illa verba: *Deus meus, Deus meus, ut quid dereliquisti me?* subdit regius Vates: *In te speraverunt, & liberaasti eos.* Et postea subiungit: *Ego autem sum vermis, & non homo:* id est, ita me derelinquis ac despicias, ac si essem abiectissimus vermis, cum tamen in me nulla proprii peccati causa ob quam derelinqui merear inveniri possit. Id enim sibi vult interrogatio illa, *Ut quid dereliquisti me?* non enim ignorantiam aut impatientiam indicat, (absit hoc) sed ostendit nullam ex parte Christi illius derelictionis esse causam, sed omnimodam esse illam quam tradidit Isai. 53. *Posuit Dominus in eo iniquitatem omnium nostrum.* Vel dic, quod Christus Dominus petiit ut homo rationem à Deo cur conscius innotentis & iustitiae suæ dereliqueret eum sub opinione blasphemi & maledicti, ut Deus ad querelam istam saltem miraculis, (vix ex diverso genere fecit,) responderet docens adstantes, eum non derelictum ut peccatorem, sed ut iustum, qui ad tempus & in momento, siue in modico, ut ait Isai. cap. 43. *Ob magnum aliquem fructum à Deo derelinquitur.* Abominanda est hic & execranda blasphemia horrida Calvini qui ait: Christum non in carne solum penasuisse peccatis nostris debitas, sed etiam in anima, nec quomodocumque in anima, sed ita ut temperet veri alicuius damnari locum, eandemque penas quas ille sustinuerit, excepto quod in alio quovis damnato sint perpetuæ, in Christo autem fuerint ad breve tempus, ut habetur in Catechismo parvo eiusdem Calvini, & constat satis ex lib. 2. Instit. cap. 16. Vnde necessario inferendum est Christum inuisum fuisse Deo & desperasse: hæc enim sunt de conditione damnati, & plus & minus, longius & brevius non mutant speciem. Scio quod refugiens hanc ipsam blasphemiam, excusare illam voluerit scribens ad cap. 17. Matth. *Christum desperasse secundum carnem tantum, id est, secundum appetitum sensitivum: non secundum spiritum.* Sed hæc distinctio non est ad rem, tum quia dicit illam verè sustulisse penas damnatorum, inter quas ponitur perfecta salutis desperatio, tum quia in Christo nulla fuit inordinatio, ut agnoscit cap. lib. 2. Instit. cap. 15. Fuisset autem maxima si adeo discordassent inter se caro & spiritus, ut illa quidem omnem spem abiiceret, iste retineret. Simpliciter itaque Christum desperasse asseruit, & asserendo vomuit pestiferam blasphemiam, ad quam debellandam sufficere possent verba quæ paulò post Christus protulit: *Pater in manus tuas commendo spiritum meum.* Quomodo Deum adhuc Patrem vocasset, si absorptus fuisset desperationis fluctibus? Item de aliis dici potest: *Pater dimitte illi.* Neque enim qui desperatione agitur, tentat aliquid ab eo petere, apud quem locum nullum credit esse misericordie.

Expositio verborum, ut quid dereliquisti me?

Calvini blasphemiam, quod Christus desperaverit in Cruce.

Authentic opinio quod quatuor clavis confossus sit Christus.

Passus hanc in cruce vniuersalem carentiam omnis gaudij & consolationis in portione inferiori animæ, quam vocat derelictionem, & per tres horas exhaustis omnino viribus, circa horam nonam, *Exclamans Iesum voce magna, inclinato capite emisit spiritum.*

Et hæc sunt præcipue circumstantiæ quæ Articulum Symboli *Passus*, declarant.

QVÆRES, Quid nobis Christi Passio & mors consulerit?

S. Thomas 3. p. q. 49. quinque singulares effectus passionis & mortis Christi recenset. Liberationem hominis à peccato: à pœna peccati; à potestate diaboli; reconciliationem hominis ad Deum; & apertionem ianuarum cœli.

Primum, expressè docet Scriptura Apoc. 1. *Dilexit nos & lauit nos a peccatis nostris in sanguine suo.*

Secundum, Isaias cap. 53. exprimit, *Verè languores nostros ipse tulit, & dolores nostros ipse portauit.*

Tertium, Apostolus declarat Rom. 5. *Reconciliati sumus Deo per mortem filij eius.*

Quartum refert Ioan. 12. *Nunc princeps huius mundi eicietur foras.*

Quintum Apostolus ostendit Hebr. 10. *Habemus fiduciam in introitu Sanctorum, scilicet cœlestium in sanguine Christi.* Totum dicit Augustinus vna periodo in lib. 4. de Trin. cap. 3. *Vna mors nostri Saluatoris (scilicet corporalis) duobus mortibus nostris, id est animæ & corporis salutis fuit.*

Quinque autem modis hæc omnia habemus à morte Christi & salutem nostram virtute diuinitatis Christus ipse causat, non autem ipsa mors quæ præcisè est priuatio vitæ.

Primò, per modum meriti: quia Christus quatenus caput omnium hominum, per illam nobis vt membris suis de condigno meruit ipsam æternam salutem, & omnia etiam media ad illam consequendam, aut necessaria aut vtilia.

Secundò, per modum satisfactionis pro totius mundi peccatis, quæ quidem satisfactio à Christo Domino in passione ac morte Deo Patri pro nobis exhibitæ non solum sufficiens, sed etiam superabundans fuit, non tantum propter dignitatem personæ satisfaciens aut rei oblatæ, sed præterea propter nimiam charitatem ex qua patiebatur, & atrocitatem tormentorum quæ patiebatur: vt enim vidimus passus est in omnibus, in quibus pati potuit, & ab omnibus à quibus pati potuit.

Tertiò, per modum sacrificij: Christi enim passio & mors fuit verum, proprium & verè propriatorium sacrificium, vt vocatur à Conc. Trident. sess. 22. cap. 2. quod quidem ex quacunque parte consideretur infiniti valoris fuit.

Quartò per modum redemptionis: passio siquidem & mors Christi fuit quædam solutio per quam homines à seruitute, tum peccati tum demonis redempti sunt, sicut captiui ac serui pretio redimi solent. Vnde Petrus epist. 1. cap. 1. *Non corruptibilibus auro vel argento redempti estis de vana vestra conuersatione, sed pretioso sanguine quasi agni immaculati Christi.* Et hinc verè ac propriè Christus Dominus hominum redemptor dicitur.

Quintò denique & vltimò, per modum efficientiæ: hoc est quod passio & mors Christi facit in Professionem Fidei.

lutem nostram, ac media omnia ad illam operata est per modum causæ efficientis instrumentalis. Cum enim humanitas Christi Domini fuerit instrumentum diuinitatis, vt dictum est, idè ex consequenti omnes actiones & passionis Christi instrumentaliter operatæ sunt ad salutem humanam in virtute diuinitatis, & secundum hoc passio & mors Christi dicitur causare efficienter salutem humanam.

Notandum autem inter istos quinque modos hanc esse differentiam: quod passio & mors Christi in quantum comparatur ad eius diuinitatem, agit per modum efficientiæ, vt verò refertur ad voluntatem humanam, agit per modum meriti, vt autem consideratur in ipsa carne Christi, agit per modum satisfactionis, redemptionis & sacrificij.

Dices contra primum effectum. Corporale non agit in spirituale, sed passio Christi est corporalis, peccatum autem est spirituale cum sit in anima; ergo videtur quod per passionem non sumus liberati à peccato.

Respondeo, in physicis hoc esse verum, non in moralibus quæ dependent ab acceptante.

Instabis, posita causâ sufficienti ad effectum inducendum nihil requiritur aliud: requiruntur autem alia ad remissionem peccatorum, scilicet Baptismus & Pœnitentia. Ergo mors Christi non sufficit ad remissionem peccatorum.

Respondeo, quod passio seu mors præcessit vt causâ quædam vniuersalis remissionis, necesse est autem quod applicetur ad singularem remissionem, hoc autem fit per Sacramenta quæ vim habent ex passione seu morte Christi.

Dices contra secundum. Pœna peccati est mors, Rom. 6. & ipsa damnatio, sed adhuc morimur & damnamur, imò hæc pœna inungitur.

Respondeo, mortem transisse in conditionem naturæ quam gratia Christi supponit, sicut autem plenitudo data est Christo in anima cum passibilitate & mortalitate carnis, ita & hæredibus eius ait Paul. *Si tamen compatimur vel conformemur* Rom. 8. Vnde & aliquam ad imitationem pœnam, satisfactoriam subire debemus; passio autem Christi non impedit damnationem, quia in damnatis non rectè applicatur.

Dices contra tertium. Diabolus potestatem suam exercet in homines, tentando & corporaliter vexando, sed hæc adhuc in hominibus operatur. Ergo

Respondeo, hoc quidem adhuc posse Deo permittente, sed tamen præparatum est remedium ex passione, quo impugnationibus homo resistat, licet autem diabolo resistere posset per fidem in Christum venturum, tamen descensum in infernum nemo antè euadebat, à quo si velit iam præseruatur, eo maxime quod mors Christi nos Deo reconciliauit, & Christianos liberos fecit, quod si demon certis personis, temporibus & locis, iuxta occultam iudiciorum Dei rationem nocet, semper tamen passio Christi stat pro remedio.

Dices contra quartum. Passio Christi impleta est per peccata crucifigentium, ergo

AA 2 2 est

Quomodo effectibus salutariis mortis Christi fruamur.

Cur Deus permittit adhuc homines quos Christus à potestate diaboli redemit vexari.

est magis causa indignationis quàm reconciliationis Dei.

Respondeo, maiorem fuisse charitatem patientis quàm iniquitatem occisorum; ideo efficacior fuit ad reconciliandum totum genus quàm ad iram prouocandam, & licet Deus non oderit quod est in homine ex natura, vt Sap. 11. dicitur, tamen hominem odit quantum ad culpam quam committit, vt Sap. 14. habetur; vnde opus fuit reconciliatione per passionem, quæ est recompensatio acceptabilioris boni.

Dices contra quintum. *Seminanti iustitiam est merces fidelis.* Prouerb. 11. quæ est introitus paradisi; ergo Sancti Patres, qui fide operati sunt, regnum essent consecuti sine Christi passione; tum Ascensio dicenda est potius aperiisse cælum.

Respondeo, Sanctos equidem meruisse per opera in fide, vt Hebr. 11. dicitur; sed nemo præter Christum sufficiebat ad remouendum impedimentum quod erat per reatum totius naturæ humanæ, quod remotum est Deo reconciliato per Passionem & per Ascensionem inducta possessio; vnde Micheæ 2. pandens iter dicitur.

QVÆRES, An in morte facta sit separatio diuinitatis à corpore aut anima Christi?

Respondeo quod non, estque de fide. Probatur Scriptura, ex eo quod in Symbolo dicitur de filio Dei, quod fuerit *Crucifixus, mortuus, sepultus*, quod eius corpori mortuo tantum conuenit: item quod descendit ad inferos, quod solam eius animam spectat: quæ vera non essent nisi ratione vnionis hypostaticæ, per quam vtraque pars diuinitati semper cõiuncta remansit. 1. Pet. 3. *Christus semel mortuus est vt nos offerret Deo, mortificatus quidem carne, viuificatus autem spiritu.*

Probatur ex Sanctis Patribus. Damascenus lib. 3. cap. 27. *Et si Christus mortuus est vt homo, & sancta eius anima ab incontaminato diuisa est corpore, diuinitas tamen ab vtrisque inseparabilis permansit, ab animo dico & corpore.* August. in serm. de fide, & ipso Damasceno. *Anathema sit qui dicit Verbum deposuisse quod semel assumpsit.* August. *Verbum ex quo suscepit hominem, id est, carnem & animam nunquam deposuit animam vt ea esset à Verbo separata, sed caro animam posuit quando expirauit, qua redeunte surrexit; mors ergo ad tempus carnem & animam separauit, sed neutrum à verbo Dei.* Ambros. lib. 3. de Spiritu sancto. *Generalis est ista fides, quod Christus est Dei filius, & natus ex Virgine, quem quasi gigantem describit Propheta, eo quod bis formis, gemineque naturæ vnus sit, confors diuinitatis & corporis; idem ergo patiebatur & non patiebatur, moriebatur & non moriebatur, sepeliebatur & non sepeliebatur, resurgebat & non resurgebat. Resurgebat secundum carnem, qua mortua erat, non secundum Verbum quod apud Deum semper manebat.*

Deus dona sua nunquam reuocat sine demerito.

Probatur ratione, quia nec Deum decebat, nec animæ illi congruebat, nec nobis expediebat: Non primum, quia quod Deus dat per gratiam, nunquam reuocat absque culpa & demerito. Vnde Rom. 11. dicitur, quod sine penitentia sunt dona Dei & vocatio, gratia autem vnionis est ex sui ratione magis permanens, quia ordinatur ad vnionem personalem; gratia autem adoptionis ad quandam vnionem affectualem, ista autem nunquam perditur sine culpa, quæ nulla fuit in Christo.

Non secundum, quia anima illa erat innocentissima & Dei amantissima, nec poterat separari nisi contra voluntatem suam.

Non tertium, quia data separatione ab vtrouis satisfactio & reconciliatio, vt notat S. Bonauent. in 3. dist. 21. non poterat fieri ex defectu valoris.

Dices, in morte diuiduntur quæ in natiuitate coniunguntur, sed diuinitas iuncta est ipsi animæ seu humanitati in conceptu, qui prima dicitur natiuitas, ergo separata fuit in morte.

Respondeo, duplicem in Incarnatione norari vnionem, naturalem scilicet & supernaturalem: prima est animæ ad corpus, & illa diuisa est, non autem quæ erat supernaturalis Verbi, scilicet ad partes constituentes hominem.

Dices, vnio facit communicationem idiomatum, sed in morte idiomata Dei non communicantur animæ ad Deitatem; ergo in morte non mansit vnio.

Respondeo, vnionem facere quod idiomata communicentur, non partibus rei vnibilis, sed magis ipsi rei naturæ quæ nominat totam naturam, vt in supposito, vnde idiomata Dei non communicantur ipsi animæ, sed ipsi homini, & & quoniam anima vnitur ipsi Verbo, vt pars humanæ naturæ, ideo non oportet ipsi idiomata communicari.

Dices, maior est viuificatiua virtus Dei quàm animæ, sed corpus mori non poterat nisi per separationem animæ; ergo multò minus nisi separata diuinitate, quæ est vita ipsa.

Respondeo, animam per sui præsentiam necessario viuificare formaliter, diuinitas autem non potest viuificare formaliter, sicut nec esse corporis forma; viuificat tantum effectiue, & ideo non est necesse quod manente vnione diuinitatis ad carnem, caro sit viua, quia Deus non agit ex necessitate sed voluntate.

QVÆRES, An Christus in triduo mortis fuerit Homo?

Respondet S. Thomas hæreticum esse asserere quod Christus in triduo fuerit homo, nam est articulus fidei quod verè sit mortuus; pertinet autem ad veritatem mortis hominis vel animalis, quod per mortem desinat esse homo vel animal, mors enim animalis prouenit ex separatione animæ quæ complet rationem animalis.

Probatur ex Scripturæ locis, quæ Christum verè mortuum fuisse asserunt, & ex epistola Synodali Cyrilli quam refert S. Thomas 3. p. q. 50. art. 4. *Si quis non confitetur Dei Verbum passum carne, & crucifixum carne, & quod mortem gustauit carne, anathema sit.*

Probatur ex SS. Patribus, August. lib. 13. de Trinit. *Non totus homo sed pars melior est anima, nec totus homo corpus, sed inferior pars hominis, sed cum est vtrumque coniunctum simul habet hominis nomen.*

Damascen. lib. 3. cap. 49. *Plures hypostases homines sunt, omnes autem eandem recipiunt rationem naturæ, omnes enim ex anima & corpore sunt compositi.* Ex his verbis habetur, omnes homines ideo habere eandem rationem, essentiam & naturam, quia qualibet hypostasis componitur ex anima & corpore.

Probatur

In Incarnatione est vnio duplex naturæ & supernaturalis, prima est animæ ad corpus, hæc in morte dissoluta est, non autem Verbi ad vtrumque.

Probatum ratione S. Thomæ. Remoto superiori remouetur inferius, sed viuens seu animatum est superius ad animal & ad hominem: nam animal est substantia animata, sensibilis. Ergo à quocumque remouetur corpus animatum, remouetur ab eodem homo.

Ratio Scoti hæc est, humanitas vel homo dicitur entitatem absolutam ultra entitatem partium, & est illa entitas quæ resultat ex partibus unitis, aliàs generatio & corruptio non terminarentur ad entitates absolutas. Sed Christus in triduo non habuit istam entitatem unitam, quia in triduo non habuit partes hominis unitas. Ergo non fuit tunc homo loquendo simpliciter & absolute; potest tamen dici quod fuit homo mortuus.

Nota Magistrum sentent. Hugonem Victor. & alios, admisisse quod Christus in triduo fuerit homo, erroneè quidem sed non contra fidem, quia mortem quidem intercessisse fatebantur: sed ex principio in Philosophia erroneo, dicebant ex separatione animæ à corpore non destituisse esse hominem. Magister in 3. distinct. 12. quia tenuit unionem animæ ad corpus non esse de ratione hominis. Vnde si dicatur, si Christus animam tantum vel carnem assumpsisset, non fuisset verus homo, sed propter vtriusque assumptionem fuit verus homo: sic ergo ubi carnem & animam sibi unitam non habebat, verus ibi non erat homo, sed mortis tempore nunquam illa duo unita habebat, nec in sepulchro, nec in inferno nec alibi: ergo nunquam erat homo. Respondet, quod Christus equidem verus homo non fuisset, si carnem & animam non assumpsisset, sed tamen ex quo assumpsit neutrum deposuit, sed cum utroque eandem unionem indefinenter tenuit, quam assumendo contraxit. Ideo non incongruè ubicumque animæ, vel carni, vel vtriusque unitus est, ibi homo esse dicitur, quia ibi humanatus est, ergo & in sepulchro erat homo, & in inferno erat homo, quia utrobique humanatus erat Christus; & vnā eandemque cum anima & carne, licet separatis, habebat unionem. Tum

Dices, Christus in triduo fuit Christus, sed Christus est homo: ergo Christus tunc fuit homo: consequentia probatur, quia si in triduo non fuit homo, ergo non fuit Christus, quod est oppositum antecedentis concessi; datur enim quod Christus fuit Christus in triduo, sed Christus est homo: ergo Christus fuit homo in triduo.

Respondet ex Scoto, negando Christum fuisse Christum in triduo, quia Christus dicitur duo, scilicet Deus & hominem; at in triduo non erat homo; ergo neque erat Christus. Vnde

Nota, quando subiectum habet duplicem conceptum, oportet rationem illius obiecti esse veram in se, & non includere repugnantiam ad hoc quod propositio sit vera, alioquin hæc propositio esset vera, *Maius Deo est*, quia esse est de intellectu subiecti, sed quia hoc subiectum *Maius Deo*, includit repugnantiam, idè non est verum de aliquo, nec aliquid de ipso: Cum igitur hoc nomen Christus, significet suppositum existens in duabus naturis, & in triduo non existeret in natura humana, idè hæc propositio, Christus in triduo est homo, est falsa.

Instabis, ergo resurgens, denuò fieret homo,

& ita bis factus esset homo, quod si hoc admitatur, sequitur Deum bis incarnatum, quod est falsum, quia semel Verbum caro factum est.

Respondet Medius ex Athanasio, resurgentem Christum denuò factum esse hominem, & ratio est, quia humanitas erat corrupta per mortem, vnde non erat amplius homo, quando autem anima est unita carni, denuò homo factus est.

Dici potest quod Christus denuò factus sit homo in resurrectione.

Dices, omnis sacerdos est homo, sed Christus in triduo fuit sacerdos, alioquin textus Plal. 109. *In æternum*, non esset verus.

Respondet S. Bonauent. sempiternum dici sacerdotum, non quia semper fuit in actu sacerdos, sed quia sacerdotio illi nullum successit.

Respondet S. Thomas, conuenire homini esse sacerdotem ratione animæ, in qua est caracter ordinis qui per mortem non deperditur.

Dices ex Arist. 9. Ethic. cap. 4. vnusquisque homo est suus intellectus; vnde post mortem animam Petri alloquentes dicimus, S. Petre ora, &c. Sed post mortem filius Dei non fuit separatus ab anima intellectuali; ergo in triduo fuit homo.

Respondet, hominem dici suum esse intellectum, non quia intellectus sit totus homo, sed quia est eius principalior pars, in quo virtualiter consistit tota dispositio hominis, sicut si dicatur quod rector sit tota ciuitas, quia in eo est tota dispositio ciuitatis.

QUÆRES, An fuerit idem numero corpus Christi viuens & mortui.

Respondet affirmatiuè, non quidem autem idem totaliter, quia vita est aliquid de essentia corporis viuens, est enim prædicatum essentiale. Ratio autem affirmationis est singularis soli Christo, quia idem numero suppositum manet diuinum, scilicet, & in aliis idemitas secundum materiam sola manet. Conuincit Athan. in epist. ad Epictetum. *Circumciso corpore, & manducante, & laborante, & in ligno affixo erat impassibile & incorporeum Dei Verbum, hoc erat in sepulchro positum.* Sed viuum fuit affixum, & mortuum fuit sepultum; ergo hoc idem quod fuit viuum, fuit & mortuum.

Dices, mors est corruptio, sed quod substantialiter corrumpitur non est amplius, quia corruptio est mutatio de esse in non esse: Ergo non mansit idem corpus mortuum Christi.

Respondet, quod corruptio & mors non competit Christo ratione suppositi, secundum quod attenditur unitas, sed ratione nature secundum quam inuenitur differentia mortis & vite.

QUÆRES, An ob mortem Carnis mors attribuenda sit persona Verbi.

Respondent Patres affirmatiuè, Ambros. *Tantum fuit peccatum nostrum, ut saluari non possemus nisi vnigenitus Dei filius moreretur pro nobis debitoribus mortis.* Bonauent. *Carnem nascentem & conceptam filius Dei dicitur conceptum & natum.* Ergo pari ratione carne mortuam verè dicitur mortuus, non secundum diuinam naturam, sed humanam, non per essentiam aut inhererentiam, sed per communicationem idiomatum.

Christus in triduo non fuit verus homo, potest tamen dici quod fuerit homo mortuus.

Dices, non admittitur hæc propositio; Filius Dei est creatura, hoc autem non magis repugnat, ergo ei qui est vita non potest congruere mors.

Respondeo, idiomata non communicant ubi talis est repugnantia quæ non tollitur mediante conuenientia. Sic autem non est hic: Mors enim dat præintelligere humanitatem, quæ sine repugnantia potest dici persona Christi, unde filius dicitur mortuus, quia fuit homo, in quo fuit passio mortis.

Et sepultus est.

Quod Christum sepultum fuisse confitemur, hoc quidem non constituitur veluti pars articuli, quod nouam aliquam difficultatem habeat; nam si mortuum Christum credimus, facile etiam nobis persuaderi potest eum sepultum esse. Verum hoc additum est. Primò, ut minus dubitare liceat de morte, cum maximum argumentum sit mortis eius, cuius corpus sepultum scimus; unde & Marci 15. legitur, quod Pilatus antequam concederet Christum sepeliri, diligenti inquisitione nouit eum esse mortuum. *Pilatus autem mirabatur si iam obisset & accersito Centurione, interrogauit eum si iam mortuus esset, & cum cognouisset, donauit corpus Iosepho, qui deponens eum inuoluit sindone & posuit eum in monumento.*

Modus depositionis Christi de Cruce.

Depositionis modus traditur à S. Gregor. Nazianz. & Nono, authoribus Græcis, eo modo quo representari solet, & consonat reuelatio S. Brigitt. lib. 2. *Hi duo Nicodemus & Ioseph, qui filium meum deponebant de Cruce, tres scalas applicabant, una protendebatur ad pedes, secunda subtus ascendas & ad brachia, tertia ad medietatem corporis, sic extructi sunt clauis, &c.*

Atque in hoc non parum splendet honor huius funeris, cum hucusque inauditum fuerit, viros perquam illustres ac dignitate præcellentes damnati patibulum ad corpus eius deponendum ascendere. At Ioseph & Nicodemus maiestatem pendentis considerantes, non dubitarunt hunc honorem corpori Christi deferre, propriisque manibus illud de Cruce deponere, & è brachiis Crucis ad brachia Virginis transferre, ut tradit S. Gregor. & depositum vixerunt, eo modo qui principibus deferri solitus erat, non ad præseruandum corpus eius à putredine, sed ut qui cum ignominia mortuus fuerat, cum honore sepeliretur ab eis.

Secundò, quia per hoc quod Christus de sepulchro resurrexit, datur spes resurgendi per ipsum, his qui sunt in sepulchro, secundum illud Ioan. 5. *Omnes qui in monumentis sunt, audient vocem filij Dei & uiuent.*

Tertiò, ait S. Thomas, ad exemplum eorum qui per mortem Christi spiritualiter moriuntur peccatis, qui scilicet absconduntur à conturbatione hominum. Vnde Coloss. 3. *Mortui estis & vita vestra abscondita est cum Christo in Deo.* Vnde & baptisari, qui per mortem Christi moriuntur peccatis, quasi consepeliuntur Christo per immersionem, iuxta Rom. 6. *Consépulti sumus cum Christo per Baptismum.*

Sepulturæ modus honorificus fuit ex conditura *Mirra & aloës quasi libras centum.* Ioan. 19. qua sine dubio Nicodemus perfudit & sepulchrum; ex sindone mundâ qua Ioseph ab

Arimathia inuoluit corpus: ex ipso sepulchro quod nouum & excisum in horto memoratur, non sine mysterio, in quo sicut dicit August. 4. de Trinit. cap. 6. jacuit à vespere sepulturæ vsque ad diluculum Resurrectionis 36. horis, id est, nocte tota cum die tota, & nocte tota in quo non fuit incineratum seu corruptum, ne mors eius potius necessitati quàm voluntati adscriberetur; sicque prædixerat Propheta Psal. 15. *Non dabis sanctum tuum videre corruptionem.* Quod S. Petrus Act. 2. & Paul. 13. de Christi corpore mortuo exponunt, & Damascen. in lib. 3. cap. 13. de resolutione in elementa intelligit: *Gloriam sepulchri norunt omnes gentes.* Hancque prophetat Isai. 55. *Eris sepulchrum eius gloriosum.* Est enim locus summæ deuotionis, ex quo Hospitalarij S. Ioannis, seu nobilissimus Ordo Equitum Melitæ propagatus dicitur, cuius custodiam singularis prouidentia Dei commisit Ordini S. Francisci; qui nomine totius Ecclesiæ Romanæ, ibi die & nocte laudes decantat Crucifixi, inter hostes infensissimos fidei Turcas.

Ex coopto honorificum est sepulchrum quod alienum est; nam ut notat August. serm. 2. in vig. Pasch. *In eo ponitur, quia pro aliorum salute moriebatur, & quod nouum est.* Nam fingi non potest aliam resurrexisse cæteris corporibus remanentibus, imò & quod excisum sit in petra, ne ait Hieron. *Si ex multis lapidibus adificatum fuisset, suffossis fundamentis ablatus furto diceretur.* Vnde & saxum magnum quod appositum fuit, ostendit quod non absque auxilio plurimorum sepulchrum potuisset referari.

Acutè omninò Origen. homil. 35. in Matth. scribit nihil fortuito scriptum circa sepulturam Christi, quod Ioseph inuoluit corpus sindone munda, & posuit in monumento nouo, & quod aduoluit lapidem magnum, quia omnia quæ sunt circa corpus Iesu, inunda sunt, & noua, & valdè magna.

Ex munditie sindonis infertur puritas requisita ad communicandum Eucharistiam, & singularis decencia in rebus sacris, & hinc mos Ecclesiæ inualuit, ut Sacrificium altaris non in serico nec in panno tincto, sed in lino terreno celebretur, sicut corpus Domini in sindone mundâ est sepultum, sicque non solum à Syluestro Papa, sed ab Eusebio prædecessore ordinatum fuit, ut constat ex cap. Consulto de Consecratione, distinct. 1.

Occasione istius sanctæ Sindonis hætenus conseruatæ, aliqua dicere de sepulchro, & sudariis, seu lintheaminibus quibus obuolutum fuit cadauer Christi, non ingratum erit Lectori beneuolo, siquidem omnia illa passionis atque sepulchri Christi instrumenta, ipsaque loca ubi hæc facta sunt tantæ rei digna memoria, remanserunt consecrata velut quædam trophæa victoriæ, eadèmq; facta toti orbi conspicua atque proficua, è quibus velut è perennibus fontibus quibusdam fluenta gratiarum atque miracula erumpere solent.

Beda in cap. 27. Matth. refert quod sepulchrum hoc domuncula erat in horto, centum & octo pedibus à monte Caluariz distante, & petra erat tantæ altitudinis, ut vix posset homo manu extenta culmen attingere, ostium paruum habebat ab Oriente, in parte verò eius Aquilonem spectante erat locus dominici Corporis, de eadem petra excisus longitudinis sex pedum, altitudo verò atque

Descriptio sepulchri Christi & lintheaminum.

atque eminentior reliquo pavimento tribus palmis, quasi sarcophagus quidam patulus; ostium verò tam erat parvum, ut ingredi volentem oporteret caput inclinare; ideoque venientibus discipulis, dicitur à Ioanne quod inclinauerunt se: color verò monumenti ac loculi rubicundo & albo dicitur esse permixtus.

Linteamina plura fuisse nulli dubium est, cum expresse hoc dicant Luc. 24. & Ioan. 20. *Petrus cum se inclinasset, vidit linteamina posita, & sudarium quod fuerat positum super caput eius; non cum linteaminibus positum, sed separatim involutum in unum locum.* Istud repertum est tempore Mahumæ Saracenorum Principis anno Christi 678. ut scribit Beda cap. 5. libri de locis sanctis. Litigabant, ait, Iudæi cum Christianis de sudario illo ob grandem quæ eius possessoribus accidere consueverat diuitiarum aucionem. Mahumias Christum iudicem precatu iniecit illud in ignem; unde veloci rapto effugiens & summo in aëre diuissimè quasi ludendo volueritans ad ultimum cunctis utrimque intuentibus sese leuiter in cuiusdam Christiani sinum deposuit.

Porro ex isto diuersum existimatur illud sudarium quod à Berenice quæ & Veronica dicebatur, Christi faciei sudore aspersa & sanguine admotum retinuit & habet effigiem plenè representatam: solet hoc exponi populo videndum in templo S. Petri Romæ in maiori hebdomada vixque sine commotione animi & effusione lachrymarum contemplari potest.

Anno Domini 439. Eudoxia Theodosij Imperatoris vxor è Hierosolymis rediens Constantinopolim multas attulit sacras reliquias quas ab vrbis Episcopo Iutrenale dono habuit, inter quas annotatur Sudarium quod magna cum veneratione asseruatur in Ecclesia Vefontina, Theodosius enim correspondens Prædecessoris Hononij auunculi sui deuotioni erga hanc imperialem ciuitatem, sacrum hoc pignus misit Vefontione, cui Archiepiscopus Celidonius, multique Episcopi miraculosè moniti & adunati processerunt obuiam, multaque tunc patrata fuisse miracula testantur vetera Ecclesiæ illius manuscripta.

Sacra Syndon quæ Iosephi ab Arimathia specialiter dicitur, quæ in sepulchro posita fuit veluti operimentum & stratum, longitudinis palmorum duodecim, & latitudinis trium, quæ in se habet integram imaginem anteriorem & po-

steriorem domini jacentis in sepulchro, & viuas notas vulnorum corpori Christi impressorum representat, asseruatur summo honore in Ecclesia Taurinensi. Singulari miraculo sacrosancta hæc syndon ad manus Serenissimæ domus Sabaudicæ peruenit anno 1457. postquam diu permansisset in potestate Christianorum Regum Hierosolymorum. Miraculum autem sic contigit.

Venerat sacrum hoc pignus ad manus cuiusdam Margaritæ Carna, quæ contux erat Hectoris de Lusignano Ioanni Regi Cypri Conflagineci. Hæc defuncto marito fugiens Turcæ tyrannidem qui expugnatat imperium Orientis, venit in Galliam; cum appulisset Camberium, mulus sacrosanctum hoc funale deferens ab vrbe, nunquam egredi potuit. Omnibus ergo percontatis, non potuit res referri quàm ad miraculum, unde præsumptum fuit Deum velle pretiosum hunc thesaurum ducibus Christianis tradere. Quare ipsa consignauit sydonem illam inter manus Ludouici Ducis Sabaudicæ; & Annæ de Lusignano Ducissæ, quæ ei affinitatè iuncta erat: Deo sic disponente ut pignus tam sanctum semper foret in protectione Principum Catholicorum, nec subesset potestati inimicorum fidei.

Anno autem 1578. Carolus Bpiromeus Cardinalis celebri peregrinatione ad illud linteum visendum pedes venit Taurinum, quæ est Ducalis ciuitas Pedemontij. Philibertus Emanuël Dux deportati è Camberio curauit in gratiam Illustrissimi Cardinalis, & Taurini publicè sacra hæc syndon exhibita fuit in Theatro ad hoc erecto duobus Cardinalibus, totidem Archiepiscopis & sex Episcopis, eam explicatam reuerenter toti populo exhibentibus.

Exinde solet annuatim exhiberi in platea Ducali die 4. Maij. quam ipsi sacram addixit Iulij II. Papæ Bulla; confluunt vndeque populi ex deuotione, quæ vberes ciet lachrymas & pietatis affectus ad tam venerabile & augustum obiectum, ut ego ipse expertus sum anno 1642. cum è Pinarolij Conuentu, vbi tunc Guardianus & Commissarius generalis eram, Taurinum ad indictam tanti Theauri exhibitionem me contulisset, vnum specialiter notare mihi fuit curæ. An scilicet ex ea colligi posset omnimoda nuditas in Cruce: linteoli pudorem cooperientis signa manifesta notau; unde confirmatur quod suprà dixi.

*Quomodo
tradita sancta
Syndon
quæ Taurini
colitur.*

Descendit ad Inferos.



VERITAS hac singularem in professione fidei sibi vindicaret articulum, si Nicenum & Constantinopolitanum Symbolum de illa non tacerent, quorum tamen silentium exquisitam generauit controuersiam, apud homines rerum nouarum cupidos, qui communem ac velut per manus traditam à maioribus, imò ab Apostolis expressam fidem aspernantes, aut saltem dubitando eleuantes cogunt expositores, ut in hanc tractandam questionem diligentius incumbant, siquidem non modo manifesti Catholicae Communionis hostes, sed eadem etiam nobiscum tessera sociati plures coaceruant difficultates, quas digerere & enucleare institui nostri est, quamobrem de hac controuersia, sic agam, ut quoniam ex auctoritate potius quam conclusa ratione disceptari eam oportet, satis videatur mihi esse testimonia sacrarum Litterarum, & responsa SS. Patrum proferre.

Q V A E S T I O I.

An descensus Christi ad Inferos constet ex Scriptura.

Fateor equidem Christi ad inferos descensum in antiquis plerisque Symbolis Graecis ac Latinis expressum non fuisse, uti in duobus praefatis Constantinopolitan. maximè quòd in Ecclesia publicè cantari solet. Verùm in aliis per antiquis positus fuit, ut in eo quo Aquileiensis vñsa est Ecclesia, quodque Rufinus exposuit, vbi & Lectorè admonet, *Neque in Ecclesia Romana symbolo illud additū haberi, descendit ad inferos, neque in Orientis Ecclesiis haberi hunc sermonē.* Sed quamuis hoc in Symbolis cōplurium Ecclesiarum declaratum non fuerit in illis, ipsis tamen vulgò & communi fide receptum fuisse arguunt, qui vbique terrarum & in iisdem Ecclesiis floruerunt, aut iis etiam praefuerunt innumeri Patres, quorum aliquot audiemus qui de adiis à Christo inferis consentaneum hodiernae fidei testimonium tulerunt.

Scripturae loca quibus descensus Christi ad inferos apertè significari videtur hae sunt. Primus est Act. 2. ilque geminus, nam & Psalmi decimi quinti verba ibi citantur ab Apostolo Petro, quae sic habent: *Quoniam non derelinquet animam meam in inferno: nec dabis sanctum tuum videre corruptionem.* Et Petrus enarrans illa verba: *Providens, inquit, locus est de resurrectione Christi, quia neque derelictus est in inferno, neque caro eius vidit corruptionem.* Alter locus est primae epistolae Petri cap. 4. vbi Christus legitur: *In spiritu veniens predicasse spiritibus qui erant in carcere.*

Ut à priore ordiar, utrobique tam in Psalmo quam in Actis *Inferni*, vox diuerfas in notiones interpretando trahitur, quarum maximè trita & celebris est ista ut sit idem ac *sepulchrum*, quod Hebraei קבר vocant. Notum est quantam in ea voce licentiam vsurpat sibi Theodorus Beza, qui in Latina sua versione ausus est locum illum

sic exponere: *Non derelinquo cadauer meum in sepulchro*, quasi & קבר, quod est *funus*, id est anima pro corpore vel cadauere sumatur, & קבר, ut iam dixi pro sepulchro; nisi ac conuiciis exceptus est interpret iste etiam suorum quibus nouitas ista displicuit, hoc vnum ad comprimendam illam flagitiosam temeritatem, non praeterferim, quamuis id quod impetare studet vltro concessum à nobis fuerit, tam Hebraea quam Graeca nomina vtriusque contextus sic ut illi commodum est, accipi possit ut *Nephesch*, & *Funus*. cadauer interdum significant; *Scheol* item & אד, sepulchrum, negare tamen minimè poterunt Nouatores eadem vocabula, plerumque ac saepius nativam & vsitatam retinere potestatem, imò hoc ipsum Beza, ceterique quibus commentum istud placuit ingenuè fassi sunt. Reliquum ergo erit ut id statuatur, vtris tandem auscultandum sit paucis illis & recentionibus, nec valdè idoneis auctoribus, an veteribus omnibus Graecis ac Latinis quos & summa doctrinae copia: & par aut maior etiam vitae sanctitas, & omnium saeculorum approbatione constituta deinceps auctoritas commendat. De horum multitudine testium ager quaestio subsequens.

Quod ad nomina illa pertinet primùm asserimus non pari linguae vtriusque proprietatem, ut eiusmodi significatio locum illic habeat vox קבר, licet pro funere mortui hominis & pollinctura nonnunquam posita legatur, adeoque pro mortuo homine, non tamen pro corpore ipso vel cadauere sumitur, quod rectè Genebrardus obseruat ad Psalmum secundum.

De altero nomine *scheol*, quem Graeci *אδλω* vocant, acrior & paulò iustior est contentio. Hebraeorum Doctores aliqui sepulchri notionem illi subiecere; Veteres autem ferè pro infernis sedibus ac gehennae loco magis vsurpati crediderunt. Huius rei testes adhibebo duos, quos magistri citant ad psalmum nonum: cuius insignis est locus, nec mysterio vacuus ut illis videtur. *Conuertantur, ait Propheta, peccatores in infernum.* obseruant vocabulum *scheol*, duabus stipatum esse litteris ח, & נ, quarum singula vim habet

habet propositionis ad vel in proinde, satis esse potuit alterutra, ut ita scriberetur *לְהַלֵּךְ* vel *לְהַלֵּךְ* quorum igitur geminata est ibi propositio! R. Selomoh ad illum locum. R. Aba filij Zabdi sententiam refert his verbis:

Dixit R. Aba filius Zabdi ad gradum inferiorem Orci, & quare scriptum est: *Convertentur?* Quoniam cum egressi fuerint de gehenna, & steterint in iudicio ac damnati fuerint revertentur ad gradum inferiorem gehenna.

Idem habet & liber qui inscribitur *Derefeh*, hoc est *allegorica expositio*, quem erat ad eundem Psalmum R. David: *In libro*, inquit, *expositionis allegorice vox inferni pro gehenna sumi dicitur. Car autem dixit in gehennam? Nonne littera he ubique ponitur in fine dictionis, idem valet ac lamed eiusdem initio? Sed hoc perinde est ac si diceret in gradum infimum inferni.* Græci interpretes *ἀδύ*, solent vertere quæ dictio neutiquam *sepulcrum* significat sed inferorum locum.

Quin Theodori Bezzæ opinionem & interpretationem refellit Calvinus, & ineptam iudicat quòd verisimile non sit *Rem minime difficilem verbis expeditum*, & clare demonstratam obsecutione; deinde verborum complexu indicari magis quam declarari in Symbolo, ubi postquam dictum est, *Et sepultus est*; statim subiungitur, *Descendisse ad inferos*, quæ locutio cum antecedentis explicatio sit, ea debet esse clarior, & tamen esset obsecutior, tum superflua foret ista battologia in compendio fidei minime toleranda.

At idem Calvinus cum *inferos* ille significari putet, lubinde nefariam ac detestandam suam hæresim expromit, & *inferorum* nomine pœnas ipsas designari putat, quas cum damnatis communes tunc sustinuisse Christum asserit lib. 2. Instit. cap. 16. § 8. & 9. & in Catechismo paruo, in ptycopanichia.

Calvin lib. 2. Instit. cap. 16 § 8. & 9. & in Catechismo paruo, in ptycopanichia, & in harmon. Evang. ad cap. 27. Matth. docet, Christum descendisse ad infernum; quia damnatorum pœnas sustinuit; ut autem id facilius intelligatur.

Nota apud Calvinum, nullum esse locum subterraneum pro impiis, nec Purgatorium, nec Limbum Patrum, hæc enim omnia dicit esse pueriles fabulas; in lib. autem 3. Instit. cap. ult. & in ptyco. docet, pœnas damnatorum nihil aliud esse quam terrorem & anxietatem conscientie cogitantis Deum esse sibi infernum & iratum. Itaque Christum descendisse ad inferos est, quia apprehendit Deum tanquam sibi iratum & infernum propter nos, & ex metu propriæ salutis amittendæ incredibilem animi anxietatem passus est, qualem pateretur qui sciret se in æternum periturum. Vnde etiam verba desperationis protulisse affirmat: *Diros in anima cruciatus damnati ac periti hominis pertulit.* ait lib. 2. Instit. cap. 19. §. 10. & §. 11. dicit: *Eum non fuisse securum de salute; Christus ergo cum lachrymis & clamore valido, orans à metu suo exauditus, non ut à morte sit immunis, sed ne absorbeatur vi peccator, quia illic personam nostram gerebat, & certè nulla fingi potest magis formidabilis abyssus quam sentire se à Deo derelictum & alienatum, & cum innocenter non exaudiri, perinde ac si in tuam perniciem ipse conspirasset.* Et infra: *Ita cum diaboli potestate cum mortis horrore, cum inferorum doloribus*

Carriere in Professionem Fidei.

manum conferendo factum est, ut referret de illa victoriam. Et §. 12. *Hic nebulones quidam licet indocti, malitia, magis tamē impulsu quam inscitia clamant me atrocem facere Christo iniuriam, quia minime consentaneum fuit, cum de anime salute timere.* Item in harmonia explicans 27. Matth. dicit: *Christum non quidem desperasse, sed tamen emisisse vocem desperationis cum dixit: Deus meus, Deus meus, ut quid dereliquisti me.*

Nota secundum Calvinum. Christum cœpisse versari in inferno ex illa hora qua cœpit contristari & orare in horto, deinde profundius descendisse quando clamavit: *Deus, Deus meus*, profundissime, quando coram Dei tribunali comparuit, tanquam reus mortis æternæ, & seuerissimum sustinuit irati Dei iudicium, & quamvis non aperte dicat quamdiu fuerit in inferno, innuit vique ad resurrectionem.

Nota denique, Calvinum tribuere huic pœnæ infernali totam ferè redemptionem nostram, ita ut sine hoc descensu ad inferos mors in Cruce non fuerit futura ullius pretij; sic scribit § 10. *Nihil altum erat si corpora tantum morte defuncti fuisset Christus, sed opera simul pretium erat ut divina visionis severitatem sentiret; vnde oportuit eum cum inferorum copiam æternaque mortis horrore, quasi confectis manibus luctari.* Similia repetit in 27. Matth.

Propositio Catholica iam probata est de reali descensu ad inferos, sed cum in his tertia inferioribus locis quatuor distingui soleant ex SS. Patribus, S. Thoma, q. 82. & aliis; dubium est quæ inniserit præsentialiter anima Christi. Primus locus est ille in quo animæ damnatorum cum daemonibus torquentur ob peccatum mortale non expiatum, & centrum terræ creditur. Secundus altero superior, est locus ignis Purgatorii, in quo animæ quæ plenè non satisfecerunt in vita mortali, puniuntur ad tempus. Tertius est Limbus puerorum, cum solo peccato originali ex hac vita decedentium. Quartus est Limbus SS. Patrum, in quo ante Christi adventum Sanctorum animæ recipiebantur, ibique absque ullo doloris sensu beatâ redemptionis spe sustentati placidâ quiete fruebantur, qui locus passim in Scriptura vocatur Abraham sinus. Hac observatione præmissa (cui adiungo quod hæc quatuor loca inferni vocantur,) quia sunt in inferiori loco seu centro terræ.

QVÆRES, An quatuor loca inniserit?

Respondeo, de Limbo Patrum nullum esse dubium, cum ex Zach 9. constet. *Tu quoque in sanguine testamenti eduisti vinulos de lacu in quo non erat aqua.* Et Coloss. 2. vnde Osee 13. dictum est. *Ero mors tua o mors, morsus tuus inferne; quia per resurrectionem meam vitam dabo immortalem.* Et Plal. 23. *Attollite portas*, id est ex August. Principes inferni auferte potestatem vestram, quæ vique nunc homines detinebatis in inferno, & sic in nomine Iesu omne flectatur genu, non solum cælestium, sed etiam inferorum, ut Philippen. 2. dicitur.

De Purgatorio non dubito, cum Scripturæ littera hoc innuit Eccles. 24. *Penetrabo omnes inferos partes terra, & inspiciam omnes dormientes, & illuminabo omnes sperantes in Domino.* Vnde verisimile est Christum aliquos ex speciali liberalitate tunc liberasse ex Purgatorio, ut dicit S. Thomas, scilicet animas quæ tunc tales fuerunt,

fuerunt, quales sunt quæ nunc liberantur, quod meo iudicio est nihil dicere, quo ad liberalitatem spectet melius sentire videtur de ipsa S. Bonau. Gabriel & alij, qui censent omnes tunc liberatas, tum quia dicitur, *Illuminabo omnes sperantes*, tum quia talis clementia decebat triumphalem Redemptoris descensum, cum soleant Principes in suis triumphis pœnas reis condonare & carceres aperire. Hinc de Christo Isaias dicit 49. *Dedit te, &c. ut diceretis his qui vincti sunt: Exite, & his qui in tenebris: Reuelamini*. Quod S. Anselmus in Elucidario refert ad hanc plenam Purgatorij euacuationem.

De Limbo Puerorum nihil dicit Scriptura, nam effectus passionis Christi attribuitur fidei, Rom. 3. & gratiæ Rom. 6. neutrum autem hi habuerunt.

De Inferno Damnatorum communiter negatur descensus: non erratur autem si affirmetur cum hac expositione, quod per descensum suum Christus nullum liberauerit, cum damnati non sint de numero Electorum, sed potius eorum confusione & terrorem auxerit. Sic tenere multi S. Patres, Fulgent. lib. 3. ad Trasimundum cap. 30. Cyrill. Hieros. catech. 4. Ambros. in lib. de myst. Patch. Euseb. Emulenus in orat. de Pasc. Cyrill. lib. 12. in Ioan. cap. 36. & post illos Belarmin. qui omnes dicunt Christum descendisse ad inferiores partes terræ, ut viuorum & mortuorum dominaretur, & caperet possessionem totius regni sui; at etiam ad regnum eius pertinerent damnati.

QVÆRES, An fuerit pœna Christo esse in inferno qualitercumque sumpto?

Respondet Bonauent. Christi animam in inferno fuisse in loco pœnæ, sed sine pœna. Caietanus in cap. 2. Act. dicit dolores mortis durasse in Christo usque ad resurrectionem, ratione pœnalitatis quas mors relinquit, quæ sunt præcipue tres. Prima, quod anima maneat separata, quæ melius se haberet coniuncta. Secunda, quod maneat in loco sibi non conuenienti. Tertia, quod corpus maneat in sepulchro, & hoc dicit significari iis verbis Petri, *solutis doloribus mortis*.

Respondeo, hæc in Christo non facere pœnam, fuit enim in inferno liber & liberator, in sepulchro sine corruptione. Dolores autem mortis propriè ij sunt, qui præcedunt & comitantur, non qui sequuntur, esto fatear fuisse beneficium Christo, quod citò reuinita fuerit eius anima corpori.

QVÆRES, Quid animabus iustis contulerit descendens Christus?

Respondeo, dedisse primò beatitudinem essentialem, quod colligitur ex dono facto latroni, *Hodie mecum eris in paradiso*, hoc est in loco, ubi mecum & cum aliis eris beatus; quod verbum, inquit Origen. hom. 15. in Genes. non solum latroni: sed etiam omnibus iustis qui in inferno erant dictum fuit, ut concludunt Scholastici in 2. sent. dist. 22. & certum est animas Sanctorum post passionem Christi statim ad visionem Dei admitti.

Secundò illucescente tertiâ die, animas inde secum eduxit Zach. 9. Denique quadragesimâ post resurrectionem die, eas in cælum secum inuexit Psal. 67. *Ascendens in altum captiuam duxit captiuitatem*. Hinc colligit S. Thomas animam Christi fuisse in inferno, quamdiu iacuit cor-

pus in sepulchro, hoc enim requirebatur spatium ad veritatem mortis suæ comprobendam.

Dices pro instantia Caluini. *Correctio pacis nostra super eum*. Itai. 53. Ergo Christus debuit luere omnes pœnas quas nostra peccata merebantur, quatum vna erat gehennæ, ergo ut & animam redimat hanc sustinuit.

Respondeo, si argumentum concluderet, deberet Christus in æternum manere in inferno quod merebatur peccator, & plures sustineret, ut ergo Caluin. cogitur admittere vnâ pœnam temporalem Christi satisfacere potuisse pro multis æternis: ita nos dicimus mortem eius corporalem satisfecisse pro animarum omnium morte, pretium enim solutum à Christo non debet ex multitudine, vel diuturnitate, vel qualitate pœnarum, sed ex dignitate personæ patientis pensari, & ex charitate quæ patiebatur. Nec sequitur redemptorem tantum esse corporum, tum quia animo & corpore passus est, & qualibet pœna est infiniti pretij.

Instabis, timuit Christus in horto, quod ad mortem non est referendum, sic enim infirmior multis hominibus dicendus esset; tum sudor sanguineus indicat timuisse periculum animæ.

Respondent variè SS. Patres, Ambros. & Chrysost. naturali affectu habuit horrorem mortis, Hieronym. tristem dicit propter populum illa nocte peccaturum, &c. Quod autem non apprehenderit Deum sibi infensum, patet ex decursu passionis, & ex eo quod tam audacter respondit Caiphæ, *Amodo videbitis filium hominis venientem in nubibus celi*. & Pilato. *Regnum meum non est de hoc mundo*. Adde quod si per pœnas inferni toleratas redempti essemus, hoc commemorare & celebrare deberet Ecclesia alioquin ingratißima; nihil autem tale fieri aut factum legimus.

Tum falsum est Caluini fundamentum, quod esse in inferno nihil sit aliud quàm timere Deum iratum, estque hæresis damnata in Origene, teste Hieronymo in epistola ad Auitum, hoc dicere; nam inde sequeretur multos hic viuentes iam esse in inferno, & esse damnatos, quod repugnat statui huius vitæ. Quot enim sunt in hac vita qui certò sibi persuadent Deum sibi iratum? quot qui de salute sua æterna desperare incipiunt? Num igitur ij omnes iam apud inferos degunt? Quid hoc est quàm inferos ipsos negare? & atheismo viam munire? Tum si Christus emisit verba desperationis, certè videtur grauissimè peccasse, quomodo autem per peccatum nos à peccato redimere potuit.

QVÆSTIO II.

An Græci & Latini Patres conueniant circa Descensum.

Conceptus mentis voce & scripto expromitur, quare ne amplius de consensu SS. Patrum in hoc fidei dogma dubitemus, profecto non pauca eorum testimonia Græcorum (nam ab illis auspiciari conuenit,) subinde & Latinorum, & primò audiendus est Iustinus Martyr.

Hic in dialogo cum Tryphone Iudæo, inter alia Scripturæ loca de Christo quæ ab Iudæis abra-

Multi SS. Patres tenent quod Christus ad singula loca inferni gloriose descendit.

abrafā queritur, vnum recenset Ieremie Prophe-
ta, in quo descensus ille manifestè declaratur:
Quin etiam ex eiusdem Ieremie similiter dictus,
inquit, *destruncarunt istud: Memor fuit Domi-*
nus Deus ex Israele mortuorum qui dormierunt
in terra aggeris & descendit ad ipsos ut euange-
lizaret eis salutare suum. Cuius auctoritas loci ad
hoc saltem valet, ut hanc Iustini sententiam fuisse
constet Christum Dominum post mortem ad
infernus venisse, ibidemque mortuis prædicasse,
quod & Petrus Apostolus confirmat, dilectissi-
mè autem sententiam suam exprimit lib. 5. cap.
31. *Cum Dominus in medio umbrae mortis abie-*
rit, ubi anime mortuorum erant, post deinde cor-
poraliter resurrexit.

Clementis Alexandr. in Stromateo sexto, Chri-
stum allerit non alia de causa descendisse ad in-
feros nisi ut Euangelium predicaret. Cuius disci-
pulus

Origenes hom. 15. in Genes. ait: Dei filium
pro salute mundi usque ad inferna descendisse,
& inde Protoplastum reuocasse. Et homil. 6. in
Exod. Sed & nos omnes, inquit, puto quod ali-
quando terra denotatos in inferni penetralibus
retinebat, & propterea Dominus noster descen-
dit non solum usque ad terras, sed usque ad in-
feriora terra.

Athanasius in lib. de Aduentu Christi scribit,
huius corpus locatum fuisse in sepulchro, ani-
mam apud inferos, nec ab utraque diuulsam esse
diuinitatem; atque hic pertinere vult locum il-
lum Davidis Psal. 15. *Non derelinques animam*
meam in inferno. Et subdit: *Ex inferis quidem*
animam è sepulchro corpus exhibens ut in morte
destrueret mortem per exhibitionem animæ, in
sepulchro verò corruptelam extinguere in corpo-
ris sepultura: ex inferis & sepulchro immortalit-
atem & corruptionem ostendens.

Cyrillus catechesi 4. & 14. & huius ad inferos
descensionis figuram in Iona explicat.

Basil. in Psal. 48. ad hæc verba: *Verumtamen*
redimet Deus animam meam de manu inferi,
significari putat hic prophetico afflatu descensum
ad inferos Christi, quo sua cum cæteris anima
liberanda sit.

Epiphanius in hæresi vicesima quæ est Hero-
dianorum apertè ac citra ambiguitatem id expli-
cat, ita scribens: *In cruce suspenditur, sepelitur,*
ad inferos cum diuinitate sua animæque descen-
dit, captivam ducit captivitatem.

Chrysost. hom. 2. in Mat. Cogita apud te quan-
tum sis audire, quemadmodum è cælis ac throni
regis exurgens, in terram & in inferos ipsos exi-
it Deus & in acie stetit. Et alibi latius.

Latinorum Patrum non minor nec infrequen-
tior est autoritas de eadem Christi descensione
qui ad fidei regulam illam ipsam pertinere pu-
tant. Ex iis Tertullianus lib. de anima cap. 4. scri-
bit: *Siquidem Christo in corde terra triduum*
mortis legimus expunctum, id est in recessu in-
terno & interno & in ipsa terra aperto & intra
ipsam clauso & inferioribus adhuc abyssis super-
structo. Quod si Christus Deus, quia & homo

mortuus secundum Scripturas, & sepultus secun-
easdem, huic quoque legi satisfecit forma huma-
na mortis apud inferos functus. Nec ante ascen-
dit in sublimia cælorum quam descendit in ter-
rarum inferiora, ut illic Patriarchas & Prophe-
tas compotes sui faceret.


Hilarius lib. 3. de fide cap. 3. enarrans verba illa
Psal. 87. *Æstimatus sum cum descendentibus in*
lacum. Hæc ad rem nostram spectantia posuit.
Liber igitur est qui mortis vincula nesciuit, non
captus ab inferis, sed qui operatus sit in inferis:
sine adiutorio est quod neque per nuntium, neque
per legatum, sed ipse per se Dominus saluum fe-
cit populum suum. Item ad Psal. 118. ad illa ver-
ba: *Prope es in Domine.* Alio Psalms 138. alla-
to loco ubi ita scriptum est, *Quo ibo à Spiritu*
sano? hæc adnotat: *Siquidem hæc per os Prophetæ*
locutus est Dei filius, in persona hominis locutus,
qui per Incarnationem descendit in terras, per re-
surrectionem ascendit in cælum; per corporis
mortem penetravit infernum ut solueret alligator.

Ambrosius in cap. 14. epist. ad Rom. ad hæc
verba: *In hoc enim Christus mortuus est, &c.* Illud
adnotat, propter quod & occidi se passus est ab
inimicis, ut descendens ad inferos, quia inno-
cens erat occisus reum faceret peccatum, ut quod
tenebat apud inferos amitteret.

Augustinus hanc veritatem ex professo disce-
pauit in epist. 3. sic Euodius Episcopum in-
struit: *Dominum carne mortificatum venisse in*
infernum satis constat; neque enim contradici
potest vel prophetia quæ dicit: quoniam non de-
relinques animam meam in inferno: Quod ne
aliter quisquam sapere auderet in Actibus Apo-
stolorum idem Petrus exponit, &c. Quis ergo
nisi infidelis negauerit fuisse apud inferos Chri-
stum? quamobrem teneamus firmissime quod fides
habet fundatissimam auctoritatem firmatam; quia
Christus mortuus est secundum Scripturas, & cæ-
tera quæ de illo testatissima veritate conscripta
sunt. In quibus etiam hoc est quod apud inferos
fuit solutus eorum doloribus, quibus enim erat im-
possibile ceneri: à quibus etiam rectè intelligitur
soluisse & liberasse quos voluit, corpusque quod
in cruce reliqueras posuim in sepulchro recepisse.
in lib. 12. de gen. ad lit. cap. 33. in Psalms 87.
& alibi.

Hieronymus in epist. 151. ad Algasiam ait
verba Iohannis Bapt. *Tu es qui venturus es, hunc*
habere sentium: Scio quod ipse sis qui tollere ve-
nisti peccata mundi, sed quis ad inferos descen-
surus sum, etiam hoc interrogo utrum & illic ipse
descendas, an impium sit hoc de filio Dei credere,
aliudque missum sis? hoc autem desidero scire,
ut qui te in terris hominibus nuntiasti, etiam infe-
ris nuntiem si forte venturus es. Cuius sciscita-
tionem Dominus intelligens operibus magis quam
sermone respondet & Iohanni præcipit nuntiari
videre cecos mortuos surgere. Illam ergo de se
Iohannis opinionem quod ad descensum illum at-
tinet factis & miraculis confirmare voluit. Idem
docet Leo Papa in epist. 93. ad Turibium, Gre-
gor. lib. 12. Moral. cap. 7.

EXPLICATIO ARTICVLI V.

Et resurrexit tertia die secundum Scripturas.

QUAE ad sacrosancti & ineffabilis mysterij Incarnationis rationem, & utilitates ex ea in totum genus humanum copiosè diffusas pertinent, bucusque quantum pro instituto nostro fieri accurate potuit exposuimus. Nunc coronas & gloriam illius qui exiuit vincens ut vinceret proponit Symbolum, & Christi redemptoris singularissimum de morte quæ de omnibus triumphabat, triumphum iubet fides Christiana corde & ore fidelium celebrari, quis enim non occinat letabundus Christo è mortuis rediuuo! & captiuam ab inferis ducenti captiuitatem? Quis Dauidi de incircumciso Goliath truncato non applaudat! Quis post lugubres tenebras Solem nescientem amplius occasum non adspiciat! quis de speranda in Christo resurgente mortalium omnium resurrectione non gloriatur! Quis lubentissimè fidem hanc de membrorum ex capite reparationem non credat! quæ etsi tertia ab interitu die ipsis non detur, ut salua sint principi sua priuilegia, saltem pro tempore opportuno non desit, ne quis autem modica fidei dubitet, & in aquis vniuersæ mortalitatis fluctuet Articulum istum de Christi resurrectione funditus expendo.

QVÆSTIO VNICA.

*De veritate Resurrectionis Christi,
& circumstantijs eius.*

Fides Catholica docet Christum Dominum tertiâ post mortem die surrexisse à mortuis, animamque eius proprio corpori iterum fuisse unitam. Resurrectio enim hic sumitur pro restitutione vitæ corporalis, cuius per separationem animæ à corpore mors est priuatio.

Huius articuli fidem cum S. August. admiraretur ita scripsit, *Non magnum est credere quod mortuus est Christus, hoc & Pagani & Iudæi & omnes iniqui credunt, hoc & omnes credunt. Fides Christianorum resurrectio Christi est, hoc pro magno habemus, quia credimus cum resurrexisse.*

*Resurrectio
Christi est
fundamentum
fidei Catholi-
cæ, idèd Chri-
stus maximè
hoc solidauit.*

Resurrectio Christi perfectè fundamentum est Christianismi, & vnus ex præcipuis articulis fidei, Si enim Christus non resurrexisset inanis est fides Catholica, vana est prædicatio nostra; Christus ut hoc fundamentum radicet in corde fidelium quadraginta diebus eam omnibus modis testari voluit, & discipulos ipsamet tertia die euntes in Emmaus docuit eam ex Prophetis, Moise & Psalmis, nec difficile fuit ipsis rediuuum Magistrum aspicientibus Scripturas admittere & intelligere, quarum expositionem sensu extenso comprobabant. At qui non viderunt Christum mortis triumphatorem non sine contradictione intellectum suum sub fide tam noui mysterij captiuarunt. Directè enim pugnat hæc cum receptissimo illo Sadducæorum, Philosophorūque principio à priuatione ad habitum non

datur regressus, vnde subfannarunt Paulum Athenis hanc prædicantem & asserentem, & pro insano eum habuerunt, *Seminator verborum nonorum & demoniorum annuntiator*, dicitur Act. 17. *Insanis Paule, ait Festus, multa littera ad insaniam te conuerterunt*, Act. 26. Verùm quamuis axiomatis illius doctrina sit comperta, certum tamen est in causis naturalibus dumtaxat locum habere. Si autem diuinam omnipotentiam inspicimus nullo firmo fundamento potest inniti, nam Deus omnia meretur suo beneplacito cui omnia subsunt, vnde Tertullian. de resurrect. Si quæres modum resurrectionis interroga te, & fidem rei inuenies: cogita quid fueris antequam esses, qui ergo fueras nihil antequam esses, idem nihil factus cum esse desieris, cur non possis esse rursus de nihilo eiusdem authoris voluntate qui te voluit esse ex nihilo, quid tibi noui eueniet qui non eras factus, cum iterum non eris factus! Redde rationem si poteris, & tunc requirere quâ fiet. Si Deus per potentiam infinitam potuit facere quæ non erant, quare ipsamet potentia reparare nequibit eadem cum destructa erunt, tibi perit corpus tuum, nequaquam autem Deo perit cum omnino maneat, subiectum omnipotentis suæ. Christus Sadducæos arguit Matth. 22. falsamque eorum de resurrectione negatiuam sententiam comprobauit, dicens: *Nunquam legistis quia dictum est à Deo Exod. 3. Ego sum Deus Abraham, Deus Isaac, & Deus Iacob non est Deus mortuorum, sed viuorum; quo testimonio vsus est Dominus, non quia catægis esset efficacius (multa enim clariora asserere potuisset, ut illud Iob 19. Credo quod redemptor meus viuus, & in nouissimo die de terra surrecturus, &c. Illud Dauidis Psal. 48. Nunquid qui dormit non adiciet ut resurgat!*

*Quod Deus
dicatur Deus
Abraham,
Isaac, Iacob,
ut resurrectio
probatæ est
argumentum
ad hominem
ex positum
Sadducæorum
admissionem
libros Moysi.*

&

& 138 Tu cognovisti sessionem meam & resurrectionem meam. Sed quia Sadducei libris Moyfi plenam adhibebant fidem, atque adeo vt argumentum vergeret ex irrefragabilis Scripturæ testimonio ab eis admisso delumptum fuit, ne daretur negationi locus.

Perspicuum igitur est, veritatem resurrectionis difficillimè ab hominibus admitti; atque adeo Christus suam testimoniis signisque in genere suo sufficientibus ostendit: & Mir. ult. Exprobravit incredulitatem discipulorum, quia his qui viderant eum resurrexisse a mortuis non crediderunt. Habuit illa figuras suas & vaticinia in vet. testam. Ionam constat post triduum in litus eiectum de ventre Ceti. A Samfone item vallato ab hostibus & intempesta nocte somnum exequiente valvas Gazæ sublatas in humeros. His haud dubiè velut figuris aliqua in Evangelio respondit veritas. Omnia siquidem contingebant illis in figuris. 1. Cor. 10. Nihil autem respondere potuit præter Christi à mortuis resurrectionem, quam si admittamus, ad amissim quadrant omnia. Terramque ingentissimo Ceto similima est, mortales omnes suis absorbens visceribus, de quibus quasi de ventre in litus mundi post triduum eiectus est Christus, cum resurrexit & factus est redivivus. Idem quasi alter Samson Iudaica erat septus custodia, & post modicum à morte (spatium quæ somno similis corpus eius in sepulchro detinebat) requeavit sese ad vitæ vigiliam, nec parum confudit satellites qui custodiam illam in se susceperant. Migraturus ex hac vita Iacob Patriarcha, nullo iure potuit Iudam filium suum accumbenti leoni comparare & ad prædum ascendenti, atque à somno excitando nisi ratione Christi, qui è tribu Iuda oriundus per obitum in sepulchro accubuit, interim quo ad animam infernum subiens pinguis simam inde prædam, Sanctorum videlicet animas eripuit, & à seipso excitari & vitæ restitui potuit.

Probatum hic articulus ex Scripturis Psal. 3. Ego dormivi & exurrexi & soporatus sum, quoniam Dominus suscepit me. Michai 7. Ne latearis inimica mea super me quia cecidi, consurgam cum sedero in tenebris Dominus lux mea est, &c. Ibi Dominus ad mortem vel Synagogam loquitur. Olee 6. Post duos dies vivificabit nos, & in die tertia suscitabit nos. Luc. ult. Oportebat Christum pati & resurgere à mortuis. Probant argumenta, quæ Christus induxit veram illam fuisse resurrectionem & gloriosam, vno modo ex parte corporis, circa quod tria ostendit. Primo quidem quod esset corpus verum & solidum, non corpus phantasticum vel rarum, sicut est aer, & hoc demonstravit ipsum palpandum, præbendo Luc. ult. Palpare & videre, quia spiritum carnem & ossa non habet, sicut me videtis habere. Secundò, ostendit quod esset corpus humanum, ostendendo eis veram effigiem quam oculis intuerentur. Tertiò ostendit eis quod esset idem numero corpus, quod prius habuerat ostendendo eis vulnerum cicatrices; unde dixit: Videte manus meas & pedes meos, quia ego ipse sum. Alio modo ostendit eis veritatem suæ resurrectionis ex parte animæ rursus unitæ corpori. Et hoc ostendit per opera triplicis vitæ. Primò quidem per opus vitæ nutritivæ, in hoc quod cum discipulis manducavit & bibit. Secundò per opera vitæ sensitivæ, in hoc quod discipulis ad interrogata respondebat, & præsentem salutabat

in quo ostendebat se audire & videre. Tertiò per opera vitæ intellectivæ, in hoc quod eis loquebatur, & de Scripturis diserebat, & ne quid deesset ad manifestationem integram, ostendit etiam se habere divinam naturam, per miraculum quod fecit in piscibus capiendis, & ulterius per hoc quod eis videntibus ascendit in cælum: quia vt dicitur Ioan. 3. Nemo ascendit in cælum nisi qui descendit de cælo filius hominis qui est in cælo. Gloriam etiam suæ resurrectionis ostendit discipulis, per hoc quod ad eos ianuis clausis intrauit.

Probatum ex SS. Patribus, Athanas. in lib. de Incarn. Verbi, vbi dicit, Christum providisse vt in nomine suo demonia ab abreptitiorum corporibus abscedere iuberetur, non abscissura profectò si non resurrexisset. Neque enim tam sunt misericulosa, vt eius nomen timeant & invocationem, si mortuus est & non resurrexit. Hieronym. epist. ad Hedibiam quest. 6. Neque enim existimare debemus Angelum, idcirco vniuerso vt aperiret Domino resurgenti, vt lapidem, revolveret, sed postquam Dominus resurrexit, indicasse quid factum est, & sepulchrum vacuum revoluzione lapidis ostendisse. Gregor. hom. 26. in Euang. palpandam carnem Dominus præbuit quam ianuis clausis introduxit: vt esse post resurrectionem ostenderet corpus suum, & eiusdem naturæ & alterius gloriæ. August. in dial. ad Orotium. Clarificata carne Dominus resurrexit, sed noluit in ea clarificatione discipulis apparere, quia non possent oculis suis talem claritatem prospicere, &c.

Probatum ratione, necessitas resurrectionis Christi: si Christus non resurrexisset, periclitabatur mendacio quicquid fecerat & docuerat, præsertim quia se resurrecturum non semel affirmaverat, mox namque impostor videri potuisset, nulla in posterum fide dignus & obsequantia, qui populi fefelleret expectationem, qui eundem non portantis veris, sed præstigiis in sui admirationem rapuisset, qui ob id nihil habuisset præ illudoribus cæteris post vitæ finem, sed perpetua iacuilset oppressus morte. Oculos huc conuertebat Apostolus cum diceret 1. Cor. 15. Si Christus non surrexit, inanis, &c.

Secundò necessaria fuit vt Dei iustitia ostenderetur, a quo maxime decebat eum extolli, qui vt illi obtemperaret depressus, atque omni ignominia affectus erat, Philippen. 2. Tertiò, vt spes nostra subleuaretur atque sustentaretur, quia dum videmus Christum caput nostrum resurgere, nobis vt membris eius maxima inditur spes & fiducia, imò & securitas resurgendi. Quartò ad informationem vitæ fidelium, secundum illud Rom. 6. Quomodo Christus surrexit à mortuis per gloriam Patris, ita & nos in novitate vitæ ambulemus. Quintò ad complementum nostræ salutis; Christus enim morte sua nos à peccatis liberauit; resurgens verò præcipua nobis bona restituit, quæ peccando amiseramus. Hæc in expositione Articuli de generali resurrectione carnis recensentur.

Nota, Christum Dominum non aliena sed propria suâ virtute à mortuis surrexisse, iuxta quod ipse dixerat Ioan. 10. Potestatem habeo ponendi animam meam & potestatem habeo iterum sumendi eam. Quod ei soli proprium fuit & singulare ad differentiam aliorum qui à mortuis excitati sunt; unde 1. Cor. 15. vocatur primitiæ dormientium

Si Christum non resurrexisset, habuisset pro impostore.

Et apud necessitatem resurrectionis ostenditur Dei.

Resurrectionem suam probat Christus ex merito actionum corporis & animæ.

mientium, vbi Glossa interim habet, quia prius tempore & dignitate surrexit, magis placet respondere, quia primus resurgendo peruenit ad vitam immortalem, & liber fuit à necessitate moriendi.

Resurrexit tertia die.

Comprobato sit superque ipso fundamentali resurrectionis Christi articulo, aliqua in quibus circa ipsum habere potest animus declaro.

QVÆRES primò, *Cur tertia die præcisè Christus resurrexit?*

Respondeo primò, quia sic ipse prædixerat Matth. 20. *Tradent eum Gentibus ad crucifigendum, & tertia die resurget.*

*Quomodo
Christus
dicitur fuisse
in sepulchro
tres dies &
noctes.*

Nota autem tres dies & noctes hic per Synecdochem intelligendos, sed tamen est adhuc difficultas de noctibus, quia Christus sola nocte Sabbathi & Dominicæ videtur fuisse in sepulchro; ergo non tribus noctibus, ne quidem per partes: sed respondeo hos dies & noctes computari à media nocte in aliam, vti & nos in festis computamus dies, & sic Christus parte diei & noctis Veneris fuit in sepulchro, item nocte & die Sabbathi; denique parte noctis Dominicæ, & parte diei siue diluculi quando resurrexit, hoc autem modo computabant Romani imperantes Iudæis dies & noctes, teste Macrobio.

Dices, dies incipit ab ortu Solis, qui sua præsentia diem causat, sed ante ortum Solis Christus resurrexit; dicitur enim Ioan. 20. quòd *Vna Sabbathi Maria Magdalene venit manè, cum adhuc tenebrae essent ad monumentum, & tamen Christus iam resurrexerat, quia sequitur, & viderunt lapidem sublatum à monumento:* non ergo resurrexit tertia die: Ad hoc facit observatio Iansenij, qui Marci 16. notat haberi in Græco, *Cum surrexisset autem Iesus manè primà Sabbathi, apparuit primò Maria Magdal.* ita ut vox *manè* non sit coniungenda cum resurrectione, sed cum apparitione, vnde, inquit, surgens noctu manè apparuit.

Respondeo ad hoc haberi in vulgatâ, *Surgens autem Iesus manè*, nec obstat observatio Iansenij, tum quia Concil. Trident. vulgatam Bibliorum editionem anteponit Græcæ, Syriacæ, & Chaldaee versioni: tum quia etsi Græcam versionem admittamus adhuc phrasis illa, *Cum surrexisset*, idem prorsus significat; vox enim *manè*, circumstantiam temporis denotat, quo Christus resurrexit, quam Evangelista contendebat exponere.

Quod si quis dicat, Dominicæ diei manè inchoari post transactam mediam Sabbathi noctem, sicque voce illa *manè* cum resurrectione conjunctâ Christum à mortuis noctu surrexisse verissimè dici, atque adeò manè acceptum strictè, posse noctem etiam significare: tamen iuxta consuetum loquendi modum & morem planum est manè contra noctem distinguere & tenebras excludere: & iuxta hanc acceptionem permulti Patres exponunt, qui penè omnes Christum in aurora surrexisse scribunt.

*Quomodo
Ioan. cum
Marco compo-
nendus in ex-
primenda ho-
ra resurre-
ctionis.*

Nec obstat quod Ioannes dicat Marias venisse ad monumentum, cum adhuc tenebrae essent; Marcus enim testatur ortu iam Sole aduentasse. Dicendum enim ne inuicem pugnantes facia-

mus Evangelistas, quod duplex terminus in hoc aduentu est considerandus a quo, & ad quem, à quo, quidem cum scilicet è domo civitatis discesserunt, & hoc noctu accidisse cum adhuc tenebrae essent. Alter ad quem, quo scilicet venerunt ad sepulchrum, idque fuisse illucescente die ortu iam Sole. Vel dicamus intelligenda esse Evangelistarum verba, cum sol horizonem contenderat, ut placet Dionysio Alexand. & aliis. Vel cum ascendisset, iam & horizonem illustrasset, nondum autem illuminasset aerem, quod verius videtur Augustino, Euthym. & Theoph. Quamvis certius sit nos hac in re nihil stabilire posse tanquam certum, ut docuit Hieronym. in epist. ad Hedib. dicens: *Surrexit Christus quæ hora voluit, quæ nulli hominum cognita est.*

Supposita autem vulgari sententia, quod circa diluculum contingerit resurrectio, ut habet S. Thomas. Respondeo, ad objectionem dici surrexisse tertia die, loquendo de die naturali, quia is incipit à media nocte; quòd si loquamur de die artificiali, qui causatur ex præsentia Solis, potest dici etiam quòd tertia die surrexerit, quia in diluculo Sol incipiebat aerem illustrare.

Dices, Marcum scripsisse Sap. 8. *Oportet filium hominis occidi, & post tres dies resurgere.*

Respondeo, tres alios Evangelistas expressisse tertiâ ipsâ die, vnde liquet Marcum visitato loquendi more, quod faciendum esset tertiâ die, id post tres dies nimirum inchoatos agendum dixisse, sic Isidor. Pelusiota epist. 114.

QVÆRES secundò, *Quæ mysteria includat hæc tertiæ diei circumstantia?*

Respondeo nonnulla expiiri à S. Patribus, August. 4. de Trin. cap. 5. ait per diem integrum & noctes duas commoratus est Christus in sepulchro, ut sua morte, quæ ut ait ipse, fuit lux propter iustitiam duas nostras mortes, corporis scilicet & animæ destrueret. S. Thomas sic ratiocinatur q. 52. art. 2. Cum resurrectio Christi necessaria sit ad instructionem fidei nostræ, est autem fides nostra ipsaque necessariò habenda de divinitate & humanitate Redemptoris, non enim sufficit alterum sine altero credere; ideo ad hoc quod confirmaretur fides de veritate divinitatis eius, oportuit quòd citò resurgeret, nec differretur eius resurrectio usque ad finem mundi: Et nos qui membra eius sumus, non conformamur in hoc capiti nostro, conformamur enim in natura, sed non in virtute, excellentior est enim virtus capitis quam membrorum. Ad hoc autem quod fides de humanitatis & mortis eius veritate confirmaretur, oportuit moram esse inter mortem & resurrectionem: si enim statim post mortem surrexisset, videri posset quòd eius mors vera non fuisset, & per consequens nec vera resurrectio, ad veritatem autem mortis manifestandum sufficiebat, quòd usque ad tertiam diem differretur eius resurrectio, quia non contingit quin infra hoc tempus in homine qui mortuus videtur, cum vivat appareant aliqua indicia vitæ.

Noluit verò usque ad finem sæculi differre resurrectionem, tum quia status immortalitatis debebatur ipsi ob dignitatem suam, tum quia sic voluit declarare divinitatem, & veritatem resurrectionis confirmare, quia posset obici corpus non idem sed aliud surrexisse, si tamdiu distulisset.

Christus ter-
tia die resur-
xit, ut ter-
tium tempus
futuri saeculi
anchoret.

distulisset. Addit S. Thomas, tertia die resurrexisset, ut significaretur quod per resurrectionem Christi tertium tempus incipiebat: nam primum fuit ante legem, secundum sub lege, tertium sub gratia. Incepit etiam in Christi resurrectione tertius status Sanctorum; nam primus fuit sub figuris legis; secundus sub veritate fidei; tertius erit in eternitate gloriae quam Christus intrauit resurgendo. Di. i potest Christum tertia die resurrexisse, ut ternario numero qui in personis diuinis habetur obsequium praestaret: sic enim perfectio ternarii commendatur.

Porro in resurrectionis Dominicae memoriam ac gratiarum actionem, ipsa dies qua haec accidit, Dominica est appellata, non ab aliis quam ab ipsis Apostolis; nam & Ioannes eandem diem sic dictam meminit Apoc. 1. Ignatius epistola ad Magnesianos, & alij temporibus Apostolorum proximi: eandemque celebrandam statuerunt, non anniuersario reuoluto tantum mentium orbe, sed cuiuslibet hebdomadis prima die recurrente. Ne autem post praetata de Christi in sepulchro detentione, ambigatur quae praecise fuerit dies resurrectionis, quam Ecclesia Catholica Dominicam vocat, Matthaeus cap. 28. testatur aperte fuisse primam Sabbathi, ubi per Sabbathum potest intelligi tota hebdomada, ita ut prima Sabbathi idem sit quod prima dies hebdomadae, quae est Dominica; nam Sabbathum erat septimus dies; potest etiam significare proprium diem Sabbathi, & tunc prima Sabbathi, id est prima dies post Sabbathum: Hebraei enim à Sabbatho tanquam solemniori ceteros dies appellabant prima Sabbathi, secunda Sabbathi, tertia Sabbathi.

Sic verò appellatur, quia hac die Christus resurrexit, vel ut in ea diuinis Dei & Domini cultibus seruamus. August. Psal. 23. inscriptionem quae in prima Sabbathi inscribitur de Christi resurrectionis die exponit & interpretatur, sermoneque 21. de temporibus haec habet: *Dominicum diem Apostoli & Apostolici viri religiosa solennitate habendum sanxerunt*; pluresque dici huius enumerat excellentias. *Ipsa est primus diu saeculi, in ipso formata sunt elementa mundi, in ipso creati sunt Angeli, in ipso Christus resurrexit, in ipso Spiritus sanctus de caelis super Apostolos descendit, manna in eremo primo die de caelo datum est.* Et sermone 137. de tempore exponens verba illa: *Hec dies quam fecit Dominus*, post multa elogia sic concludit: *Quomodo Maria Virgo mater Domini inter omnes mulieres principatum tenet, ita & inter ceteras dies haec omnium dierum mater est, rem nonam dico, sed qua Scriptura testimonio comprobatur.*

Quaeres tertio, *Qua hora surrexerit?*

Respondet S. Thomas circa diluculum illucescente iam die, ad significandum quod per suam resurrectionem nos ad lucem gloriae induceret: sicut mortuus est die iam aduersperascente & recedente in tenebras, ad ostendendum quod per suam mortem destrueret poenas culpae & poenae. Marcus hanc indigitat sententiam: *Surgens Iesus mane prima Sabbathi apparuit primò Magdalena.* sed non conuincit, quia aliqui illud mane iungunt cum verbo *apparuit*, non verò cum voce *surgens*. David Psal. 56. idem innuit, *Exurge psalterium & cythara exurgam diluculo.* Vbi August. excitat Christus psalterium suum & cytharam, & exurrexit diluculo. Idem docet

Eusebius Emis. lucam Iacob in aurora Christo resurgenti accommodans serm. de resurre. & facere videtur Ecclesia, dum canit *Aurora lucis rutilat.*

Multi tamen SS. Patres dixerunt surrexisse post mediam noctem circa primum galli cantum, ut dicit Euthymius, & afferunt figuram Samsonis, qui media nocte non solum exiit, sed etiam portas tulit, ut typus Christi qui media nocte liber de inferno egressus est, & claustra inferni destruxit. Vnde Athanas. dicit: *Media nocte excitaberis & hymnis celebrabis Dominum, et enim hora surrexit à mortuis.* Adde ex Ruperto, quod Christus media nocte natus sit; Resurrectio autem sit secunda natiuitas, de qua dicitur: *Ego hodie genui te.* Media quoque nocte, inquit Rupert. dicitur venturus adiudicium, media nocte clamabit tuba, & tunc resurgemus.

Raban. in 15. Marci, Gregor. hom. de pasche, Chrysost. serm. de pasche. Ayguanus in Psal. 138. & Mercant. censent solem ipso resurrectionis die praueuisse solitam oriendi legem tribus horis, eo quod tribus horis obscuratus sit in passione. Sic Ayguan. exponit: *Nox sicut dies illuminabitur, sicut tenebrae cum ita & lumen eius.* Prauidens, inquit Psaltes tempus Passionis & Resurrectionis, quod scilicet lux diei per tres horas obscuraretur, dicit quod Christus volens compensare lumen amissum in Passione, illuminauit noctem in resurrectione sua per tres horas, ita quod sol ordinarium naturae cursum tribus horis praueuerit: sic conciliantur duae illae opiniones; nam si sol tribus horis prius ortus est, certe post mediam noctem crepusculum factum est.

Nota autem, quod licet ipsa per se Christi resurrectio magnum sit portentum, aliud tamen cum eo concurrentis vna spectandum esse & credendum, illam scilicet penetrationem dimensionum, quae interuenit quando ex inaperto seu clauso & inuiolato sepulchro se se foras extulit, Quod enim resurgendo & extra, seu foris se se constituendo, nec ipsum violauerit, nec sigillum appositum sed clausum penetravit, eatenus docet S. Matth. cap. 28. quatenus scribit non ab ipso Domino resurgente reuolutum lapidem, sed ab Angelo, & quidem postquam iam resurrexerat; unde ait mulieribus: *Non est hic surrexit sicut dixit.* Et certe non alio pertinere potest diuina illa providentia qua factum ut eiusmodi lapidi publicum sigillum apponeretur, nisi ut illo inuiolato foras erupisse doceretur, utque sic erumpendo probaret se omnipotentem aduersum quem obex nullus praeualeret.

Penetratio
corporum de-
claratur facta
in resurrectione.

Caluinistae nihil tale volunt credere, cum quia id dissentit in Scriptura non legunt, videlicet corpus resurgentis Christi & aduolutum lapidem in eodem simul fuisse loco, tum ne id annuentes fieri posse, cogantur fateri, contingere posse vicissim, ut vnum arque idem simul sit in multis per diuinam potentiam, arque ita minus habeant; unde Eucharistiae nostrae oppugnent Sacramentum. Sed quod ad consilium nihil admittendi nisi quod in Scripturis expressè continetur, (esto ex his clarissime inferatur & rationi sit in primis consentaneum, & communiter in Ecclesia receptum, sicut inferatur, & est illud de quo agimus,) hominem prodiit nimis fastidiosum, & secum ipso pugnantem. Infra enim cum de Traditionibus sermo erit, non pauca profertur quae coguntur admittere, esto nullo modo

De his non
conueniunt in
assignando
puncto resur-
rectionis
Christi.

in scripturis locum habeant. Adde quod hic conuelliur proprietates corporis gloriosi quod penetrat qualibet dimensiones, ut aperte notat de Christo Ioan. 20. cum ipsum ad discipulos in cenaculo congregatos ingressum ianuis clausis scribit; quare Hieron. epist. ad Hedibiam quaest. 6. Neque enim, ait, existimare debemus Angelum, ideoque venisse ut aperiret Domino resurgenti & reuolueret lapidem, sed postquam Dominus resurrexit, indicasse quid factum est, & sepulchrum vacuum reuolutione lapidis ostendisse.

QVÆRES quartò, *Cur Christum resurrectionem suam cum fieret non manifestauit?*

Respondeo, quod licet Resurrectionis claritas sit primum humilitatis Passionis omnibus manifestata: tanquam poena publica peccati publici, pro quo ex charitate Christus satisfecit; illa tamen vni facta per gloriam Patris, ex Rom. 6. in corpore glorioso (quod non est lege communi notum mortalibus) non est immediate manifestata cum fieret, sed quibusdam tantum testibus à Deo præordinatis, idque cum facta fuit. Nam certum est primam apparitionem factam fuisse Mariæ Magdalene Marc. ult. illa autem non vidit eum resurgere, sed cum eum quaereret in sepulchro audiuit ab Angelo: *Surrexit non est hic*; unde liquet neminem vidisse eum resurgere, sicque debuit fieri, nam quæ ad statum gloriæ pertinent excedunt cognitionem communem hominum, ut docet Isaias 64. *Oculus non vidit Deum absque te, quæ præparasti expectantibus te*. Debit autem primò annuntiari resurrectio per Angelos testibus præordinatis, & ab his derianda erat in populum cognitio eius, quæ scilicet datur primò, ut mulier quæ primò nuntium mortis ad hominem detulit, primò etiam vitam resurgentis Christi in gloria nuntiaret.

QVÆRES quintò, *Quando facta sunt apparitiones Christi rediui?*

Respondeo, vix ordinem illarum nutari posse, cui exprimendo insudarunt Patres. Nota ergo sexies Christum apparuisse in die resurrectionis, & Euangelistas non integrè castreferre, sed vnum hanc, alterum aliam, quod attentè legendum est ne contradictio insurgat.

Euangelista non referunt integrè apparitiones Christi. Prima apparitio supponitur facta Virgini matri. Hoc poscebat dignitas & meritum tantæ matris, imò & eius incomparabilis afflictio, quæ animam eius tanquam gladius pertransierat iuxta vaticinium Simeonis; hanc tacet Scriptura, quia sat petua est rationi & obseruantie tanti filij condigna, licet autem Marc. dicat Christum apparuisse primò Mariæ Magdalene, dico illum loqui de illis de quibus dubitari poterat, & de illis qui de resurrectione dubitabant, ideoque ad monumentum perrexerant. Rupert. addit electam primò Magdalenam testem resurrectionis, quia mater in propria causa, quæ & filij est, secundum leges non numeratur inter testes.

In significationem huius primæ visitationis, in Romana Ecclesia Papa in die Paschæ, ad sanctam Mariam Maiorem primam facit stationem, & tota Ecclesia in commemorationem gaudij eius decantat ei hoc tempore: *Regina cali letare, alleluia*. quem hymnum ab Angelo usurpatum edoctus fuit D. Gregorius, cum in grauissima peste Romæ B. Virginis imaginem, quæ asseritur à S. Luca depicta, solemniter cum processione per urbem circumferret, Angeli audiri sunt

de caelo canere, *Regina cali letare, &c.* cui cum Cleio adiunxit Gregorius: *Ora pro nobis Deum alleluia*. Luèque sedata est, & aëtis serenitas refulsit; unde & visus est Angelus super castrum, quod ex tunc vocatur S. Angeli gladium euaginarum cruentum recondere.

Sed & eodem tempore postmodum apparuisse Iacobo Apostolo, cognomento iusto, qui frater Christi dictus est, quod idem iurasset se non comesturum ab illa hora quæ in vltimâ cenâ biberat calicem Domini, donec videret eum resurrexisse, & panem ei ad manducandum protulisse, ex Euangelio S. Matthæi, quo Nazaræi videntur, tradit Hieron. in lib. de Scriptor. Eccles. in Iacobo cap. 2.

Pro consensu autem Euangelistarum, iussu bit videre speculi nostri membrum septimum, in quo cum citatione Euangelistæ mysteria recensentur suo ordine, secundum ergo ea quæ apud Euangel. leguntur, constat quod primò apparuit Mariæ Magdalene, ut testatur Marcus, idque in ipso monumento, & in hortulani specie, ut notat Ioannes, quam quidem apparitionem fuisse distinctam ab ea quam scribit Matthæus cap. 28. eidem Magdalene factam cum aliis mulieribus, quæ *Tenuerunt pedes Iesu & adorauerunt eum*, non est dubitandum, & ex eadem liquet illas iam secundò ad sepulchrum rediisse.

Ad elucidationem rerum gestarum in monumento, sciendum est fuisse in parte occidentali Caluarie montis, speluncam peramplam in petra excisam in modum vestibuli, quæ aliam intrus contineret specum, & rursus intra istam in parte Aquilonari excisum fuisse sepulchrum Domini, longitudinis septem pedum, altius pauimento trium palmorum eminens, introitumque habens à latere meridiano. Quod ergo Ioannes de seipso dicit primum venisse ad monumentum, sed non introisse, sed cum se inclinasset vidisse linteamina, sic accipe ipsum in speluncam primam ingressum ad secundam peruenisse, sed non introisse verum ex ostio illius, ex quo reuolutus erat lapis obfignatus inspersisse, & sepulchrum Domini deorsum positum, inclinando se intuitum esse.

Rei series hæc est, exacto Sabbatho Maria Magdalene, Maria Iacobi, & Maria Salome, cum Ioanna vxore Procuratoris Herodis, & Susanna, valdè manè, & cum adhuc tenebræ essent exierunt, cum aromatibus destinatis ad vñctionem corporis Christi, è ciuitate, orto autem, sole aduentarunt ad sepulchrum; introeuntes autem in primam speluncam, viso reuoluto lapide qui appositus fuerat ostio secundæ specus conlitteratæ, obstupuerunt, ex eo maximè quod super reuolutum lapidem viderunt sedentem Angelum, qui dixit eis Christum resurrexisse, introierunt, suadente Angelo, secundam specum in qua erat sepulchrum, & ingressæ, ait Luc. *Non inueniunt corpus Iesu, sed duo Angeli steterunt circa illas in veste fulgenti, qui dixerunt, surrexit; & citò euntes*, ait Matthæus, *dicite discipulis eius*. Audientes ergo hoc à Magdalena, quæ sola narrasse dicitur, Petrus & Ioannes primi occurrentes venerunt ad monumentum, & post ipsos gradu festino redierunt mulieres ad sepulchrum, discipulis & mulieribus inquisitione sua completa abeuntibus è sepulchro ad Hierusalem. Magdalena, ait Ioannes, non discessit sed

Sancti sepulchri descriptio

Hymnus Regina cali, ab Angelis inditus.

sed foris plorat, iterumque ingreditur secundam speciem, & prospexit in ipsum monumentum, apparereque ei duo Angeli sedentes, unus ad caput, alius ad locum ubi pedes Iesu fuerant, qui dicunt ei cur ploret. Christus interim in specie hortulani, & stans vocat eam Maria, agnoscit eam Magdalena, procumbit ad pedes & prohibetur tangere, *Noli me tangere, nondum enim ascendi ad Patrem*: hæc dicens Christus, tetigit eam in fronte duobus digitis, quorum vestigia videntur hodie in capite eius, asseruato apud S. Maximum in Provincia, quod est totum vndique vique ad os denudatum, excepta ea parte frontis quam tetigit; ibi enim pellis ad instar Æthiopide, seu cadaveris antiqui clare apparet, & in pelle duæ fossæ duarum ext. emitatum digitorum, quarum altera est multo evidentior & profundior altera, & sub pelle caro ad aëdinem declinans. Iubetur ite ad fratres seu Apostolos, & dicere eis: *Ascendo ad Patrem*. Allequitur alias mulieres, & ibi iterum videt Christum & tangit; narrat enim Matth. quod Christus occurrit illis dicens: *Auete: Illa autem acceperunt & tenuerunt pedes eius & adorauerunt*. Sic

Tertia facta est apparitio mulieribus cum Magdalena.

Quarta apparitio fuit facta Petro.

Ipsa primum inter viros vidit magistrum redituum, quamvis quo loco & quando id fuerit Evangelistæ non significant: Lucas quidem introducit duos ab Emmaus dicentes: *Quod surrexit Dominus verè & apparuit Simoni*. Forte hoc ab ipso colloquente in via Christo didicerant. Ostenditur spelunca propè Ierusalem, in qua Petrus peccatum fleuit, & ibi ei Christus apparuisse putatur; fuit verò specialis ratio apparendi Petro, sicut & specialiter Angelus apud Marcum dixit: *Dicite discipulis eius & Petro*. Rationem dat Gregorius, quia indignum se iudicauit Apostolatu, cum ter negauit Magistrum, & si Angelus non exprimeret eum nominatim, venire inter Apostolos non auderet: vocatur ergo ex nomine ne deliraret ex negatione, & specialiter inuisitur, quia erat caput Ecclesiæ, & cetera. *Visus est Cepha & post hoc undecim*, ait Paulus, 1. Cor. 15.

Quinta apparitio, eadem sua resurrectionis die Dominica facta est duobus discipulis cunctis in Emmau.

His Christus apparuit in forma Peregrini, sed postquam amoris flammis in eorum cordibus exorauit, & per Scripturarum oracula mentes eorum illuminauit, apertius se manifestauit in fractione panis qua facta euauit, & oculis mentis eorum aperti sunt.

Sexta apparitio facta fuit Apostolis undecim.

Cum duo hi discipuli eadem horâ Emmaunte regressi Hierosolymam, se Dominum vidisse Apostolis nuntiarent; qui congregati erant in cenaculo illo, ubi lauerat pedes eorum, ubi Eucharistiam instituerat, & ob metum Iudeorum erant in terrore, necnon in errore ob perditam de resurrectione fidem, hique vicissim certiores eisdem redderent apparuisse Dominum Petro, dum de his inter se loquerentur, accessit Iesus in medio eorum, ac dubitantes tactu corporis sui firmavit. Narrat hæc pluribus Lucas.

Eandem verò esse istam manifestationem cum illa quam Ioannes accidisse ait, cum fores essent clausæ, satis colligitur ex vtriusque collatione;

Carriere in Professionem Iudei.

absens autem erat Thomas. Confirmat Iesus Apostolos attonitos; Primò per auditum, cum dixit: *Pax vobis ego sum*. Secundò per visum, ostendens eis manus & latus. Tertiò per gustum, manducans cum eis piscem allum, & fauim melilis. Quarto per tactum, se contrectandum exhibens. Quintò per olfactum; nam Ioan. 20. refert: *Insufflasse in eos & dixisse, accipite Spiritum sanctum, quorum remiseritis peccata aut retinueritis, remittuntur aut retinentur*. Sextò apertiendo illis sensum virtute diuina, ad intelligendas Scripturas. Hieronym. lib. de scriptorib. Eccl. testatur Ignatium interfuisse & Christum vidisse.

Quòd verò Thomam vnum ex Apostolis, non tunc cum aliis fuisse refert Ioannes, collatam tamen missionis & gratiæ à Christo æquè factum esse participem nemo dubitauerit, ut monet Cyrillus, qui recogitet quòd olim sub Moise factum legitur Numer. 11. in Hildad & Medad, qui licet cum Septuaginta Senioribus de Israël præsentibus non essent, quando Deus diuisit eis spiritum Moisi, seu eos imbuit spiritu prophetandi; hi enim duo remanserunt in castris, nec conuenerant ad ostium tabernaculi fœderis cum aliis, tamen super eos abientes requieuit spiritus Moysis, adeò ut in castris prophetarent, quia semel scripto fuerant inter alios recensiti.

Idem ergo dicemus de Thoma, qui etiam absens hunc spiritum accepit, & Apostolus, siue Vicarius Christi, Orbis Doctor cum aliis hic fuit institutus. Illis enim verbis: *Sicut misit me Pater, ita & ego mitto vos*. Docent SS Patres Apostolos accepisse officium & auctoritatem, omnem scilicet potestatem Ecclesiasticam, & consequenter eos hinc verbis creatos esse Episcopos. Per hæc ergo verba Christus perfecit in Apostolis sacerdotalem ordinem & potestatem; nam licet creati fuerint Sacerdotes in illis verbis: *Hoc facite in meam commemorationem*. Tamen tunc acceperunt tantum potestatem conseruandi. Hic verò accipiunt potestatem simul remittendi peccata; sunt enim hæc potestates disparatæ & diuidi possunt; sicut in ordinatione Sacerdotum alia & alia forma istæ potestates scorsim etiam nunc dantur.

Hinc effluxit in posteros auctoritas & officij dignitas in vniuersos, qui Apostolis legitimam ordinationem successuri erant vique ad consummationem sæculi, ut abundè docent omnes Orthodoxi Patres, tam Græci quàm Latini, nullusque est qui id negare possit, nisi qui vna cum Apostolis & discipulis Ecclesiam funditus peritisse ausus sit, non minus insanè quàm impiè affirmare. Vide ergo quàm proficua fuerit Collegio Apostolico & toti Orbi. hæc sexta apparitio Christi ipsa die Paschatis in sero facta.

Septima fuit post die octo, rursus clauso ostio ingressus est Christus cenaculum, datoque solito pacis symbolo, palandum se præbuit Thomæ.

Octaua quando quatuor Apostoli & tribus discipulis, quorum vnus erat Nathanael, piscantibus in mari Galilee dicto Tiberiade.

Transierant discipuli in Galileam, iussu Angelorum primi nuntij resurrectionis, non quidem confestim in illum montem, quem, ut ait Matthæus, constituerat eis Iesus: Nam cum Pauli testimonio constet illuc conuenisse plusquam quingentos fratres, non facile fuit tot per Iudæam & Galileam dispersos fideles admonere ut ad certam diem omnes vno loco sisterentur.

C C c

Sed

Interfuit &
genui Christi
hodie natiuitas
in fronte B.
Magdalena.
cuius corpus
affuerunt in
Provincia.

Thomas absens eandem sortitur potestatem quàm ceteri Apostoli.

Ordo sacerdotalis completus fuit in Apostolis, dum post resurrectionem acceperunt potestatem remittendi peccata.

Sed ex iis quæ scribit Ioannes colligi potest, Petrum ac ceteros quos recenset Apostolos, Thomam, Iacobum & Ioannem in Galilæam ad propria remeasse, donec omnes credentes colligerentur in vnum; tuncque ipsis piscantibus apparuit Christus, mane in littore incognitus, iussit rete in dexteram mitti, vnde ob piscium mox captorum ratem extrahere nequibant. Ioannes docet Petrum de Christi præsentia, is nudus se misit in mare; inuitat omnes Christus ad prandium, quo facto Petrum ter interrogat de amore, & duabus vicibus agnos suos pascendos, tertia autem oves suas ei concedidit. Rem gestam exactè describit Ioannes, postquam præcedenti 20. cap. finem imposuisse videretur Evangelicæ descriptioni: vt appareat hæc eo consilio addidisse, quod ea videret à cæteris prætermittenda, magnique esset ponderis nobilissimam Christi actionem, qua Petro totius vniuersalis Ecclesiæ contulit præfecturam declarare. Hoc in suo speciali Articulo de Primatu exponemus.

Nona apparitio fuit in monte Galilæe plusquam quinquaginta fratribus.

Hæc refertur à Paulo 1. Cor. 15. Quod autem idem addit, apparuisse post hæc Dominum Iacobo, nulla penitus eadem de re apud Euangelistas habetur mentio, quam verò ex Evangelio Nazæeorum superius dixi Iacobo factam, illa contigisse putatur prima die resurrectionis Domini.

Decima fuit in monte assignato Galilæe undecim Apostolis, Thabor iste creditur ab omnibus.

In hac sua manifestatione, præter alia dona quæ Christus suæ Ecclesiæ liberaliter contulit, duo superaddidisse videtur, vnum à Marco positum, *de operatione miraculorum*, quæ communis omnibus in ipsum credentibus esse posset; alterum à Luca, *de diuinarum scripturarum intelligentia*, Apostolis tantum peculiariter data. Quæ quidem dona, eò quod non nisi in Ecclesia Catholica reperiri, nec ab vllis qui foris sunt usurpari possint, meritò dotes Ecclesiæ sunt à Patribus appellata, licet non singulis fidelibus miraculorum gratia, nec cunctis Episcopis Apostolorum successoribus intelligentia scripturarum, vel semper & vbique, ac in omnibus sit concessa. In hac manifestatione declarat: *Datam sibi omnem potestatem in celo & in terra.* Matth. 28. *negotium euangelizandi & baptizandi, in nomine Patris, & Filij, & Spiritus sancti*, iniungit, suamque præsentiam attuturam dicit.

Hanc apparitionem aliqui cum Spondano vltimam existimant; at Paulus 1. Cor. 15. post istam narrat Christum manifestasse se Iacobo, deinde Apostolis omnibus, vnde:

Vndecima & vltima apparitio fuit, cum à Hierusalem, ubi iusserat expectari, eduxit eos in Bethaniam, & à monte Oliueti ascendis in caelum.

Nota sæpius fortè Christum apparuisse discipulis quàm specificet Euangelium; nam in Actis dicitur: *Per dies 40. apparens eis, & loquens de regno Dei.* Elegerat 40. circiter horas vt mortem suam certam faceret, sed 40. dies consumpsit vt resurrectionis suæ fidem, quia creditu erat difficilior, stabiliret; per hos tamen continuè cum discipulis non est conuersatus, ne occasio esset existimandi eum ad idem genus vitæ mortalis rediisse, ait S. Thom. Voluit enim paulatim disuadere discipulos ab aspectu corporis quos breuè

erat relicturus, inquit Iustin. Adde fuisse id conueniens ad charitatis augmentum. Et hic modus accommodatus est statui huius vitæ, in quo homines non possunt continuè frui rebus diuinis. Cum autem discipulos visitaret, instruebat de regno Dei, non tantum cælesti, sed & de Ecclesia, quæ sic vocari solet in Scripturis, & sine dubio professionem hanc fidei Catholicæ quam digemus exponerebat articulationem. Hicque solum habetur Traditionum fundamentum, elicitur enim non omnia scripta esse quæ Christus Ecclesiæ proposuit; nam quæ his 40. diebus proposuit, non extant.

Quæres sextò, Vbinam Christus hisce 40. diebus versatus sit?

Respondeo eum egisse cum Helia & Enoch in paradiso, siue in illo primigenio, de quo Gen. 2. fit mentio siue quo simili, cum quia hic locus & societas decebat corpus gloriosum Christi, tum quia id merebantur Helias qui ei adstiterat, & testimonium dederat in Transfiguratione, & Enoch, cuius translatio rememoratur beatitudinem completam per tot sæcula: qui enim viui remanent in ternis, nec ad cælum sicut ceteri omnes sancti transferuntur, vt plenè fruuntur Deo, saltem videre debebant rediuiam Christi humanitatem in terris agentem, eaque gloriosa frui debebant, & ab ea accipere legationem qua fungentur in fine mundi contra Antichristum, à quo occidendi dicuntur. Ita Iustin. in quest. ad orthodoxos q. 75. Irenæus lib. 5. cap. 5. Bonau. in meditationib. cap. 9. Nicephor. lib. 1. hist. cap. 31.

Quæres septimò, An corpus Christi resurrexerit gloriosum, cum in apparitionibus probatum sit palpabile, visibile, comedens, & cum cicatricibus, quæ omnia gloria repugnare videntur, nec integrum sit, cum de sanguine eius remanserit in terra?

Respondeo ad primum, verum equidem esse secundum Philosophiam, palpabile esse corruptibile, quia corpus aliquod dicitur esse palpabile, non solum ratione resistentiæ, sed ratione suæ spissitudinis: ad rarum autem & spissum sequuntur graue & leue, calidum & frigidum, & alia huiusmodi contraria, quæ sunt principia corruptionis corporum elementarum, vnde & corpus quod est palpabile humano tactu, est naturaliter corruptibile, si autem sit aliquod corpus resistens tactui, quod non sit dispositum secundum prædictas qualitates quæ sunt propria objecta tactus humani, sicut est corpus cæleste, tale corpus non potest dici palpabile. Corpus autem Christi post resurrectionem verè fuit compositum ex elementis, habens in se tangibiles qualitates, secundum quod requirit natura corporis humani, & ideo naturaliter erat palpabile: Et si nihil aliud habuisset supra naturam corporis humani, fuisset etiam corruptibile, habuit autem aliquid aliud quod reddidit ipsum incorruptibile. Hoc explicabitur cum de dotibus agemus. Nunc

dico ex Scoto causam impassibilitatis in corpore glorioso esse voluntatem diuinam non coagentem causæ secundæ corruptiue. August. epist. ad Dioscor. vult esse gloriam animæ redundantem in corpus.

Ad Visibilitatem.

Respondeo, Corpus Christi fulgidum quidem esse, vt de gloriosis Mathæi 13. dicitur: *Ergebunt iusti sicut sol in regno Patris.* Et concedo

Vbi Christus sit conuersatus in 40. diebus.

Scoto assignat causam impassibilitatis in corpore glorioso, negationem corruptiue causæ primæ corruptionis.

cedo fulgida videri secundum rationem lucis, non secundum rationem coloris, sed quia fulgor seu claritas corporis gloriosi est secundum colorem naturalem corpori humano, quia omne quod recipitur in aliquo, recipitur in eo secundum modum recipientis, sicut vitrum diuersimodè coloratum recipit splendorem ex illustratione solis secundum modum sui coloris: sicut autem in potestate corporis gloriosi est, ut corpus eius videatur vel non videatur, ita in potestate eius est quod claritas eius videatur vel non videatur, vnde potest in suo colore sine aliqua claritate videri, & hoc modo Christus apparuit.

Ad Comestitionem.

Christus hic manducavit cum Apostolis post resurrectionem.

Respondeo, Christum equidem manducasse in cornaculo cum vndecim Apostolis partem piscis alii & fauam mellis. Luc. 24. idque ipso die paschalis serò, & circa diem Ascensionis suæ prandisse cum Petro & sociis in litore maris. Ioan. 21. idque fecisse non indigentia alimentis, quo corpus nutriendum esset, cum non amplius sit animale sed spirituale, ut dicitur 1. Cor. 15. Sed eâ qua poterat potestate, ut sic naturam corporis rediuiui astrueret; vnde Beda cap. 97 super Luc. dicit: *Aliter absorbet aquam terra sitiens, aliter solis radius calens, illa indigentia, isto potentia.*

Ad Cicatrices.

Cicatrice apertas asseruit in corpore.

Respondeo, conuenienter illas seruasse, non ex impotentia curandi, ut ait Beda, qui porci suscitavit, qui querulit costam de Adam, & carnem potuit pro ea supplere, sed ut perpetuum victoriæ suæ circumferat triumphum, & dubios in fide, ait S. Thom. firmaret, quod Thomæ profuit ad maiorem nostram fidem, illæ enim sunt quasi tot ora aperta veniam & misericordiam inclamantia; vnde & amorem nostrum excitant dum testantur illud, *In manibus meis descripsi te.* Quamvis autem in apertura vulnerum sit quædam solutio continuitatis, totum hoc tamen compensatur per maiorem decorem gloriæ, ut corpus non sit minus integrum, sed magis perfectum; est enim in illis locis quidam specialis decor; vnde August. epist. ad Consentium dicit, quod semper remanent sint illæ cicatrices in corpore Christi. Sic & Gregor. lib. 14. mor. cap. 33. Per speciale autem miraculum hæc foramina non inpediunt, quominus nervi & arteriæ optimè sint dispositæ ad omnes actiones & motus vitales. Propter hæc vulnera quæ sunt signa mortis exanclatæ. Ioan. Apoc. 5. dicit se vidisse *Agnem in medio Seniorum tanquam occisum stantem*, nimirum quia licet Christus sit gloriosus & viuens in sæcula sæculorum, stat tamen etiam in cælo tanquam occisus ob cicatrices & mortis signa quæ adhuc retinet, sicque firmatur sententia de perpetua vulnerum in corpore Christi conseruatione.

Ad integritatem corporis quod diminutum videtur si quid eius remansit in terra.

Respondeo primò, D. Thomam 3. part. q. 54. art. 2. sustinere Christi resurrectionem esse perfectam, & corpus eius esse omni ex parte gloriosum & integrum, & consequenter nullam in terris particulam effusi sanguinis remansisse, sed omnia quæ de integritate corporis fuerant reassumpta fuisse, non enim maior est ratio vnus guttæ quàm alterius. Ratio stat in hoc, quia resurrectio corporum erit integra & non diminuta; vnde & Dominus Matth. 10. promittit fidelibus suis:

Carriera in Professionem Fidei.

Vestri capilli capitis omnes numerati sunt. & Luc. 21. Capillus de capite vestro non peribit. à fortiori hoc erit de Christo, qui est exemplar omnium resurgentium. Vnde si aliqua particula sanguinis non fuisset reassumpta, resurrectio eius non fuisset perfecta, dicere autem quod totus sanguis & aliæ partes corporis non fuerint de integritate naturæ humanæ, est contra physicos; asserere autem quod post resurrectionem substantialiter immutatum sit, est contra Gregor. qui hom. 26. in Euang. illud dicit esse eiudem naturæ, & alterius gloriæ, imò est contra Paul. Rom. 6. *Christus resurgens ex mortuis iam non moritur.* Idem is omnino supponitur qui fuerat.

S. Thom. dicit non dari in terris quicquid de sanguine Christi, sed resurrectionem dicere.

Confirmatur auth. S. Athan. in lib. de passione Christi imaginis quæ contigit Berithy, vbi Iudæi imaginem quandam Saluatoris blasphemis & iniuriis affecerunt, & tandem lancea latus eius percusserunt, ex quo continuo exiit sanguis, quem Iudæi in amphora recipientes & conspergentes, eo agrotos suos sanabant. Refertur in Synodo secunda Nicæna actione 4. ait ibi Athan. Episcopum illius ciuitatis misisse ex eo quædam valcula vitrea plena ad diuersas orbis Ecclesias: vnde dici potest quod sanguis qui modo habetur in plerisque Ecclesiis, non esse pretiotum illum sanguinem qui effluxit de corpore Christi, sed effluxum miraculosè ab hac imagine, vel alia simili, qualis est quæ refertur à Baronio anno Christi 446. furata Constantinopoli è domo cuiusdam Christiani à Iudæo, qui cultro punxit illam in vultu, ex quo continuo emanauit copiosus sanguis, qua re perterritus Iudæus, eandem in propinquum puteum proiecit; cum verò manè facto venissent ex more, qui ex eodem puteo publico haurirent aquam, sanguinem pro aqua haurientes, re vulgarâ, exhaustoque puteo, inuenta est imago, continuum sanguinem emittens, vique dum detectus ab vxore Iudæus, rem confessus est, ac cum vxore baptizatus.

Idem ferè habetur ex Gregor. Turon lib. 6. de gloria Martyrum, cap. 22. accidisse de imagine Christi per Iudæum extracta ab Ecclesia, & vulnerata telo, quæ copiosum emisit sanguinem. Sanguis ille variè dispersus, vel ad cultum stabilendum imaginum, vel ad commendationem miraculi pro Christi sanguine habitus esse potuit à plerisque.

Adde pro opinione S. Thomæ, sanguis Christi fuit vnitus Verbo, uti habetur ex decreto Clementis VI. ergo particule illius sanguinis essent vnitæ, iuxta Theol. axioma, ex Damasceno, *Quod semel assumpsit nunquam dimisit.* At hoc est falsum, quia tunc vnio hypostatica non esset vna nec integra, sed plures & imperfectæ. Quod si dixeris illas particulas quæ dimissæ & in terris relictæ sunt, non esse amplius vnitas Verbo, quia non sunt amplius partes humanitatis Christi; non enim sunt amplius coniungendæ corpori eius, sicut ungues, capilli, & aliæ partes quæ refecabantur, vel ex quæ resolebantur ex corpore, dimittebantur à Verbo, nec amplius manebant vnitæ.

Et si ad definitionem Clementis respondeas, eam esse intelligendam de sanguine Christi in triduo, qui erat resumendus ut pars corporis; non de his partibus quæ dimissæ fuerunt in resurrectione. Dicam ego inconueniens videri sanguinem vnitum dimitti, cum totus sanguis quem

habuit in horto vsque ad lateris vulnus, fuerit de temperamento & veritate corporis, & fuerit pretium redemptionis, quare debuit perpetuò seruari in corpore Christi. Denique in cœna Christus contectauit totum illum sanguinem quem habuit in corpore: ergo eundem totum nos consecramus, & sic idem etiam seruatur in corpore glorioso.

Instabis, doceri Traditione quòd alicubi habeatur de sanguine Christi specialiter in ciuitate S. Maximinenti in Prouincia, vbi religiosè asseruatur vas cristallinum plenum terrâ rubei & nigricantis coloris, quod Magdalena impleuerat sub cruce sanguine Christi irrigatâ, quæ in die Parasceue lecta passione sub meridiem moueri, sanguisque ebullire notatur; vnde magnus vndeque ad annuum spectaculum populi conuersus ibidem fieri solet.

Si experientiam visibilem proferas de sanguine qui adhæret spinis, clauis, lanceæ, sindoni sacre Taurinensi, quæ omnia supra dicta ego ipse diuersis in locis vidi. Respondebunt Thomistæ, non haberi ibi substantiam sanguinis, sed solum colorem de sanguine relictum, siue in terra collecta, siue in instrumentis passionis.

Si communem Fidelium deuotionem & reuerentiam proponas, quæ latreutico cultu adorant has reliquias. Respondebitur id fieri vel relatione ad sanguinem, cuius hæ non tantum imago, sed & veræ partes quondam creduntur fuisse, vel dicetur id fieri propter præcedentem vniõnem ad Verbum, vel quia effusæ fuerunt in pretium redemptionis humanæ.

Hanc S. Thomæ sententiam negatiuam secutus est Turretius in cap. inuitas. de consecr. dist. 2. qui ait oppositum esse errorem. Suarez autem putat eam esse probabiliorẽ, licet fateatur non esse inconueniens aliquam particulam haberi in terris.

Author assensit in qui admittunt reliquias sanguinis haberi in terris, quæ tamen non esse diuinitati vniõnem tenet, quia non sunt partes humanitatis.

Affirmant moderni Doctores, quibus assentior, Christum dimisisse aliquas sanguinis particulas quæ amplius non sunt vnitæ, quia non sunt amplius partes humanitatis, nec amplius ei coniungendæ, uti vngues, capilli, & aliæ partes quæ resoluebantur à corpore, v.g. sudor, spatum, dimittebantur à Verbo, neque amplius illi vnitæ erant.

Rationes hæ sunt, Pius II. in Bulla quadam ad Abbatem S. Maris Xantonienfis diocesis, edita anno 1461. ait, non repugnare veritati fidei Redemptorem nostrum reliquisse de proprio suo sanguine aliquam partem in terra ad memoriam sui. Ex hac definitione Papæ videtur decisum esse aliquam partem sanguinis remansisse, idemque sensisse videntur multi prædecessores eius. Leo enim III. legitur Mantuam perrexisse circa annum 810. ad videndum sanguinem Christi ibi asseruatum. Testantur Panuin-Platina, Carolus magnus idem iam fecerat, motus miraculis quæ tunc diuulgabantur, de quibus Pontificem consuluisse non est ambigendum. Nicephor. lib. 1. hist. cap. 30. scribit, B. Virginem & B. Ioannem vidisse & optimè considerasse Christi passionem, & quo pacto latus eius fuerit lancea percussum, atque eos sanguinem & aquam à latere ipsius quasi adhuc viuientis profluentem religiosè simul & honorificè in vasculo posuisse: scio equidem R. Patrem Chartagenam docere in homiliis suis, reassumptum fuisse à Christo resurgente tanquam partem, inquit, sanctissimæ humanitatis

integrale & notabilis quantitatis. At Traditio aliquid telidum admittit, & maxime illud quod asseruatur in Prouincia à Magdalena collectum. Nec potest negari quin pluribus in locis asseruentur reliquæ passionis tinctæ colore sanguinis. Quòd si cum Thomistis dixeris, id non esse verum sanguinem, sed relictum illic à sanguine colorem, certè incides in scyllam cupiens vitare charibdim, hoc enim bonæ Philosophiæ consentaneum non est; nam cum color sit accidens, non potest de vno in aliud subiectum migrare, consequenter est ibidem substantia sanguinis quæ illius coloris erat subiectum.

Ad principalem instantiam in contrarium ex Theologorum axiomate allato.

Respondeo cum Scoto in 3. dist. 16. quem sequuntur recentiores. Vasquez 3. part. disp. 36. sect. ult. Suarez 3. part. disp. 47. sect. 3. Axioma illud esse intelligendum de partibus principalibus humanitatis: vnde dicendum quòd particule illæ non sunt amplius vnitæ Verbo, quia ut supra dixi, non sunt amplius partes humanitatis Christi, non enim sunt amplius iungendæ; sic alijs vngues & capilli, qui rescebantur à Christo, spatum, sudor dimittebantur à Verbo, neque illi amplius manebant vnitæ. Adde in his tota ratio facti est voluntas facientis; dicere enim cum Caietano, Syluestro, Medina in 3. q. 52. duplicem fuisse sanguinem, scilicet nutritiualementem, & pertinentem ad veritatem naturæ humanæ; Reliquias autem istas esse de nutritiuali, non autem de secundo, & quòd primus nunquam fuerit vnitus Verbo, quia non est de veritate naturæ humanæ, sicque saluare Axioma, & Clementis VI. decreto satisfacere determinantis sanguinem Christi semper vnitum fuisse Verbo. Hoc inquam dicere est falsitate velle tueri veritatem. Primò, quia non datur iste sanguis duplex in animali, sed omnis est nutritiualementis, ex Aristotele 2. de partib. animal. cap. 3. vbi ait: *Sanguinem animalibus sanguineis esse vltimum alimentum.* Et lib. 3. cap. 5. docet, sanguinem per venas detipari in totum corpus, eadem causa qua aqua ducitur per sulcos & riuiolos ad plantas, nimirum ut sit alimentum corpori, sicut aqua oleibus & plantis. Vide Medicos idem docentes. Secundum dictum est quoque falsum, nempe quòd hic sanguis nutritiualementis non fuerit vnitus Verbo, & licet Medina faciat de hac re magnam quæstionem, tamen breuiter dico quòd reuerà sanguis non informatur ab anima rationali, neque formaliter viuit, licet sit in potentia propinqua, ut conuertatur in carnem, ut Scot. docet in 4. dist. 8. q. 1. & patet ex se, quia sanguis & alij tres humores, pituita, bilis atra, & flaua, sunt alimentum de potentia propinqua conuertibile in substantiam aliti, ergo formaliter non viuunt, nec informantur anima & forma corporis viuientis, quia nondum sunt pars eius.

Dices, sanguis nutritur, crescitque velut capilli, & vngues, ergo informatur & viuit.

Respondeo, sanguinem & alios humores non verè nutriti; nutritio enim, ut docet Arist. lib. 1. de gener. text. 34. & accretio fit secundum speciem siue formam, non autem secundum materiam, sed augeri per appositionem noui cibi, sicut pili, nec vngues nutriuntur, nec propriè augentur, sed per appositionem noui humoris excresecunt, sicut ignis ex appposito combustibili augetur;

Damasconi dictum, intelligendum est de principalibus partibus qua resumpta fuerunt.

An sanguis viuat & verè nutriatur.

augetur; quod patet, quia pili & ungues non augentur secundum omnem dimensionem, quæ est præcipua conditio Accretionis ex Arist.

Instabis, Sanguis ex Arist. 3. de partib. cap. 5. aliquando fluit cum dolore; At si pars non esset, non causaret dolorem vel tristitiam.

Respondeo experientiam esse in contrarium, dato autem casu dico aliunde euenire, amisso autem sanguine moritur animal, quia is est principale alimentum, amisso autem nutrimento perit animal, quia ex Arist. rationum animal viuit dum nutritur.

Ad S. Thomæ inductionem de sanguine miraculoso ex imagine.

Respondeo, quod etsi ex eo asportatum quid fuerit in diuersas Ecclesias, hoc non impedit quin etiam haberi possit aliqua particula ex sanguine Christi. Habemus enim præter allegata, Venetiis in Ecclesia Fratrum Minorum guttam sanguinis inclusam in ampulla vitrea cum balsamo, quæ est ita rubicunda ac si modo fluere de latere Christi, vti creditur fluxisse.

Iuxta tenorem huius doctrinæ fatebor non esse inconueniens, neque à veritate alienum credere particulam illam quæ in circumcisione ablata est Christo, nunc adhuc reperiri, quam S. Bonauent. asserit asseruari Romæ in Basilica Lateranen. Innocentius quoque III. in lib. de mysteriis missæ refert hanc particulam delatam fuisse ab Angelo ad Carolum magnum, quam ille Aquisgrani in templo collocauit, quæ postea sub Carolo Caluo inde Romam ad Lateran. Ecclesiam translata fuit, & posita ad Sancta Sanctorum, seu capellam quæ propter reliquiarum multitudinem ipsamque singulariter imaginem Christi quam ipse efformarat in gratiam Abagari Regis Edessæ (quàmque anno 1618. in die natalis accuratissimè vidi) sic nuncupatur.

In reuelationibus S. Birgittæ legimus, B. Virginem reuelasse ei particulam illam usque ad mortem à se diligenter conseruatam, illamque instante morte dedisse B. Ioanni Euangelistæ, quæ in hunc usque diem Laterani asseruatur. Nec inde inferre debemus Christum resurrexisse mutilum, & cum non tota integritate corporis, ipsa enim duobus modis declarari potest. Primus est ex doctrina Gabrielis in supplemento in 4. vbi

ait præputium esse nunc animatum in Christo peculiari miraculo, & in Ecclesia Lateranensi anima & vita carens manere ad deuotionem fidelium. Suarez aliter responderet. Secundus modus & planior ad integritatē resurrectionis Christi tuendam sumit pro fundamento doctrinam S. Augustini in lib. 22. ciuit. cap. 14. quam Ansel. tenet in cap. 4. Epistolæ ad Ephesios, ait ergo August. ad veritatem resurrectionis eiusdem corporis, non esse necessarium vt omnes eius partes habeant eandem quam antea materiam, siquidem variatio huius vel alterius particulæ corpus & eius præcipuas partes non variat aut mutat quoad substantiam, hac igitur doctrina munitus dico illam in Christo particulam fuisse integrè restitutam, non quidem eandem numero quæ fuit abiecta in Circumcisione, quandoquidem hæc in Lateranensi asseruatur Ecclesia, sed aliam quæ eius defectum suppleat, sicut etiam necessariò faciendum erat aliquod supplementum, licet eademmet quæ illi ablata erat restitueretur; nam cum habere non posset totam illam quantitatem quam nutritione & augmento postea recepisset si Christo non fuisset ablata, necessariò totus ille defectus per aliam materiam erat supplendus.

Quærens vltimò, An resurrectio Christi sit causa resurrectionis corporum & animarum?

Respondeo, voluntatem Dei esse causam resurrectionis nostræ, Resurrectionem verò Christi esse causam secundariam & quasi instrumentalem; Deus enim ex iustitia, vtiur humanitate Christi quæ meruit carnis resurrectionem imò & spiritalem animarum id est iustificationem; vnde Rom. 4. dicitur, quod Christus resurrexit propter iustificationem nostram. Quod si non omnes resurgunt ad præmium vel ad gratiam est, quia resurrectio animarum pertinet ad meritum (non enim moritur anima nisi respectu culpæ & non quantum ad substantiam quæ incorruptibilis est.) Resurrectio autem corporum ordinatur ad pœnam vel ad præmium, quæ sunt iudicantis effectus. Ad Christum autem non pertinet iustificare omnes, sed iudicare, & ideo omnes resuscitat secundum corpus, sed non omnes secundum animam. Hoc elucidabitur ex pro-
fesso in Articulo de Carnis resurrectione infra.

Causa efficiens resurrectionis est voluntas diuina, meritoria autem & instrumentalis est resurrectio Christi.

Præputium Christi habetur in terra

EXPOSITIO ARTICVLI VI.

Et ascendit in Cælum. Sedet ad dexteram Dei Patris.

DE Christo IESV illud etiam Christianos oportet credere, cum perfecto & absoluto redemptionis nostræ mysterio, & comprobata per 40. dies resurrectione sua in multis, ut vidimus, argumentis, ascendisse ut homo est in Cælum corpore & anima; nam ut Deus est, nunquam ab eo absuit qui diuinitatis suæ immensitate omnia complet. Porro in huius articuli explicatione illud in primis obseruandum est. Cetera omnia fidei mysteria quæ de Christo sunt, ad Ascensionem tanquam ad finem referris, & in ea omnem perfectionem seu consummationem contineri: unde Marcus in ea terminat Euangelium suum, concludens sic caput 16. & ultimum. Et Dominus IESVS postquam locutus est eis, assumptus est in Cælum, & sedet à dextris Dei. Non terminantur tamen in his verbis nostræ piæ & curiosæ interrogationes, quibus profecto ansam dat Ecclesia, quæ in Rogationibus festo Ascensionis præfixis vocat Incarnationem, Baptismum, Ieiunium, & Resurrectionem sanctam: Ascensionem autem nuncupat admirabilem. An fortè non sat Angelis & hominibus admiranda Incarnatio, quæ à Propheta cum generatione Verbi æterna comparatur? Unde apud Doctores dictū eius, Generationem eius quis enarrabit? litteraliter de vtraque exponi solet. Res forsitan prodigiosa non est, vite authorem in ligno Crucis emori! Portentum non est inauditum hominem propria virtute resurgere! Cur ergo Ascensio sola decantatur admirabilis? Ego sanè id effectum fuisse crediderim, ut doceremur gloriam Christi meditari quæque sursum sunt sapere, ubi caput nostrum Christus est attendere; quare tanti mysterij mirabilia singulari discussione percurro, si qua possim viam Aquilæ in cælo quam Salomon penitus ignorauit gratiæ diuinæ radius designare.

QVÆSTIO VNICA.

De Loco, Tempore, Modo, Termino, & Fructu Ascensionis.

QUæ Doctor Angelicus sex articulis considerat breuiter expedio, supposito quòd congruum fuit Christum ascendere super omnes Cælos, ut ipse dicit Ioan. 20. *Ascendo ad Patrem meum & Patrem vestrum.* Nam locus proportionatus esse debet locato, Christus autem per resurrectionem vitam immortalem & incorruptibilem inchoauit. Locus autem in quo nos habitamus est locus generationis & corruptionis, & locus cælestis est locus incorruptionis, ideòque ei conueniens, licet nihil ex mutatione loci nihil accreuerit, quantum ad ea quæ sunt de essentia gloriæ, siue secundum corpus siue secundum animam, solam acquisiuit loci decentiam debitam corpori glorioso.

LOCVS ex quo ascendit mons fuit Oliueti, iuxta Hierusalem, *Sabbathi habens iter*, ait Luc. Act. 1. hoc est tantum distans à ciuitate, quantum itineris Iudæis licebat facere sabbatho:

illud autem erat mille passuum, ait Beda. Elegit verò Christus hunc montem, quia ibi voluit triumphum gloriæ ascendendo inchoare, ubi exortus fuerat passionis suæ humiliatione. Mons iste sanctus & inclytus vocatur, & Zachar. 14. designatus videtur, cum ait: *Stabunt pedes eius in die illa supra montem Oliuæ, qui est contra Ierusalem ad Orientem.* Præterea in hoc monte Christus sæpè pernoctauit & orauit, Luc. 21. 22. 23. æquè ac Dauid fugiens Abiſalonem 3. Reg. 15. & congruum erat ut in conspectu impij & Iudæicæ Ierusalem, quæ cum depresserat & occiderat gloriosus appareret: itaque abolito Iudaismo Christianismus sanciret & illustraret. Mons enim Oliueti tantæ altitudinis est, ut ex eo omnes penè plateæ Ierusalem, quin & mare mortuum, conspiciantur.

Ceterum singularia monumenta suæ ad cælos Ascensionis Dominus non modo suis Apostolis, sed posteris quoque spectanda reliquit. Primum, *Sacrorum suorum pedum impressa vestigia*, monti huic pretioso, quæ nulla ratione tot sæculis deleri potuerunt, ibique etiam nunc inter medios, licet Turcas vituntur, cum tamen peregrini deuotionis causâ eradant, ut terræ à Christi pedibus, quasi sacratæ particulas, quasi reliquias

*Vestigia Christi
si ascendens
extans Iudæis.*

reliquias secum auferant ; ita S. Hieron. in locis Heb. Sulpit. lib. 2. hist. sacræ. Beda, & recentiores Geographi & peregrini terræ sanctæ ; vnde contiguum admittendum est miraculum , quo eadem vestigia etalâ pristinum statum continuo recipiant. Porro hæc Christi vestigia conuersa sunt ad Occidentem ; & versus Catholicam ex gentibus Romanam spectant Ecclesiam , ad quam ipse eius caput tanquam geminos & illustres oculos S. Petrum suum in terris Vicarium, & S. Paulum Doctorem Gentium missurus erat, ita Andrichomius & alij in descriptione Ierusalem. De illo loco verificatur illud Psal. 13. *Adorabimus in loco ubi steterunt pedes eiu.* Addit Beda, festiuitatem Ascensionis singulis annis diuinis prodigiis ibidem fuisse decoratam ; missa enim peracta (cum Christianis locus subisset) validi flaminis procella deluper conuenire consueuerat, & omnes qui in Ecclesia erant in terram prosternere : tota ea nocte ibi lucernæ ardebant, vt non illustrari tantum sed & ardere mons & supposita loca viderentur.

Secundum miraculum, locus ille à quo Christus ascendit nunquam serégi aut marmori paui-ri, ornarique est passus, semper excussis solo respiciente quæ manus humana adornandi studio tentabat apponere, vt testatur S. Paulin. epist. 1. ad Seuerum.

Tertium eodem in loco postea templum rotundum & magnificum in honorem Ascensionis est erectum à S. Helena matre Constantini Imperatoris, quod in se includebat Christi vestigia, cuius rectum ea parte quæ Christi corpus ascendit, nunquam contegi & concamerari potuit, sed transitus eius è terra ad cælum vsque manet apertus, vt Romæ videmus in Pantheo, ita Hieron. & Beda cit.

TEMPVS. Certum est Christum ascendisse feria quinta siue die Iouis; si enim à Paschate numeres dies 40. incidet in diem Iouis : Christus autem quadragesimo die à resurrectione sua ascendit. Porro quo mense quorouque eius die Christus ascenderit, non constat inter Doctores, quia variant in consignando die Passionis Christi & Paschate ; multi enim opinantur Christum passum esse & mortuum in Aprili, alij die 2. & 3. alij 16. Plures in Martio, alij die 7. alij 23. alij 20. Communior sententia est August. 18. ciuit. cap. vlt. Tertull. lib. contra Iudeos cap. 8. Chrysost. serm. de nat. Ioan. Bapt. S. Thomæ in cap. 2. Ioan. S. Antonini, Platina, Vuardi, & Suarez 3. p. disp. 40. serm. 5. Christum passum esse & mortuum die 25. Martij, sicut eodem die incarnatus est, ac consequenter resurrexisse 27. Martij, ascendisse in cælum quinta Maij misisse Spiritum sanctum 15. Maij. Idem disertè affirmat Lucius Dexter Præfectus Prætorio in Chronico, quod ipse dedicat S. Hieronymo vt vicissim eidem ipse dedicauit suum de scriptoribus Eccles. quod Chronicon à Baronio & alijs multis studiosè quaesitum, tandem post Baronij mortem nuper repertum & editum est. Fauet Martyrologium Romanum, quod 25. Martij consignat diem obitus sancti Lætonis Dilmæ : hic enim cum Christo crucifixus est eodem die & loco.

HORA, circa meridiem. Hoc indicat Lucas in Actis dum dicit, quod Christus antequam ascenderet comedit cum discipulis, & Marcus dicit, *apparuisse undecim recumbentibus.* Non est autem verissimile recubuisse multò ante me-

ridiem. Vnde teste Suarez in 3. part. aliquibus in locis est consuetudo horâ diei 12. vsque ad primam publicæ solémniq; orationi vacare in memoriam Ascensionis Dominicæ. Quocirca August. tractans illud Psal. 54. *Vespere & manè, & meridiè narrabo & annuntiabo, & exaudies vocem meam.* Vespere, inquit, Dominus in Cruce, manè in Resurrectione, meridiè in Ascensione : enarrabo vespere patientiam morientis, manè annuntiabo vitam Resurrectionis, orabo ut exaudias meridiè sedens ad dexteram Patris. Sicut ergo Sol meridiano tempore Cæli culmen conscendit : ita Sol iustitiæ Christus meridiano tempore supremam Cælorum ascendit altitudinem vt nemo abscondat se à calore eius, sed lucis & gratiæ suæ radios quoquo versum diffundat. Item licet post meridiem olim eiectus est Adam è paradiso, ita statim à meridiè ingressus est secundus Adam Paradisum cælestem, viamque filius Adæ aperuit.

Nota, finito prandio, quod factum est Hierosolymæ in cænaculo Sionis, Christus eduxit Apostolos in montem Oliueti, in quo itinere & in congregandis alijs discipulis aliquid temporis insumptum est.

Cuius hæc domus & cænaculum fuerit non constat. Baron. censet fuisse domum Mariæ matris Ioannis, qui cognominatus est Marcus, cuius meminere Lucas, 24. 12. & Paul. Coloſs. 4. fuitque Colobrinus Barnabæ, quod Petrus è carcere liberatus se contulit, vbi & cæteros discipulos ad preces collectos reperit. Idem testatur Alexander Monachus in vita S. Barnabæ apud Metaphrast. & Surium 11. Iunij. In illo cænaculo, inquit, Dominus Pascha fecit, in illo apparuit Thomas Apostolo, illic postquam in cælum assumptus est, discipuli cum reliquis fratribus 120. in quibus erat Barnabas & Marcus ex monte Oliuarum conuenerunt : illic Spiritus sanctus in lingua ignea ad discipulos descendit in die Pentecostes, illic collocata nunc est magna & sanctissima Sion Ecclesiarum omnium maxima. Meminit eiusdem Ecclesiæ in Sion Hieron. epist. 27. & Beda de locis sanctis cap. 3. Hinc liquet cænaculum hoc quod erat superior pars domus fuisse in monte Sion, iuxta arcem David, ibi ter mille Iudæi prima Petri concione baptizati sunt. Iacobus primus vrbis creatus Episcopus, Diaconi 7. sunt ordinati, quorum primus erat Stephanus; ibidem celebratum est Concilium Apostolorum, & Symbolum Catholicæ fidei editum. Eodem loco S. Helena templum extruxit, postea in eodem loco adificatum fuit monasterium Franciscanorum. Turcæ ex eorum monasterio Palatium sibi fecerunt, locumque hunc in tanta veneratione habent, vt non nisi discalceati eum intrent. Hæc narrat Andrichom. in descript. Ierusalem num. 6.

Cæterum in educatione Apostolorum & cænaculo, aliorumque congregatu qui 120. supputantur à Luca, speciale animaduertit miraculum. Apostoli propter metum Iudeorum reclusi erant. Nunc per mediam urbem stupefactis & attonitis Iudeis progrediuntur, certè diuina vi cohibentur, videntes vt credere est eum quem mortuum credebant & viderant in Cruce occisum.

Crediderim ego Christum ex itinere diuertisse in adjacentem Bethaniam, vt ait Luc. 24. verso, & adduxisse Martham, Magdalenam, Lazarum ad

Quanta fuit in cænaculo facta & cuius illa domus erat.

Certum est ex calculo Christum ascendisse in Cælum die Iouis, licet dubitetur de mense & eius die.

ad Ascensionis suæ spectaculum, ita Suarez, quæ omnia facile significant horam exactam à prandio, antequam Christus perueniret in montem Oliueti, ubi post colloquia suauissima & confirmationem in fide, vale matri & omnibus dixit, suaque stigmata osculanda exhibuit.

MODVS. *Elevatus est*, non subito raptus vt Elias & Enoch, non furtim sublatus, sed videntibus illis elevatus est, à se scilicet, suæque virtute per dotem agilitatis, idque sensim & pedetentim, vt diutius pasceret oculos intuituum discipulorum; hoc enim exprimit Luc. 24. *Et factum est dum benediceret illis recessit ab eis & ferebatur in cælum.* Ex quibus verbis liquet primum Christum eleuasse manus, tum vt Deum oraret & inuocaret ad benedicendum Apostolis, tum vt eleuando & deprimendo, vel certe transuersim collocando manus, vti fecit Iacob Genes. 48. signum Crucis efformaret, vti docet Gretserus lib. 3. de Cruce cap. 16. Vnde inoleuit in Ecclesia consuetudo, vt tam in publicis & sacris officiis quam in priuatis benedictionibus Prælatorum, Sacerdotum vel Sanctorum, aut parentum, is qui benedicit, signum crucis efformet super eum quem benedicit, quam esse Traditionem Apostolorum testatur S. Basil. lib. de Spiritu sancto cap. 37.

Nubes suscepit eum. Aliqui censent nullam interuenisse, sed splendorem quem Christi corpus ex se sparsit cum cælo appropinquaret. Sic Caiet. & Medina 3. part. q. 58. art. 4. Verum aliud est splendor, aliud nubes, ille clarus & subtilis, hæc obscura & densa. Adde nubes hæc velauit Christum, ne eum amplius viderent discipuli; fuit ergo vera nubes, hæc enim in rebus diuinis maiestatem diuinam indicare solet. *Tormentum eius in columna nubis.* inquit sapientia. Gloria Domini sæpè apparuit in nube; vnde & in Transfiguratione nubes adfuit, hæc à Deo adducta & producta vt corpus Christi tegeret, simulque maiestatem ascendentis ostenderet, ita Suarez & innuitur Psal. 103. *Qui ponis nubem ascensum tuum.* Vnde & Sancti, *Rapientur in nubibus obuiam Christo in aëre.* 1. Thessal. 4. Porro nubem hanc Christus secum non duxit in cælum, sed suo loco reliquit in aëre.

Nota, Christus sensim ascendit eò vsque quo pertingere poterat Apostolorum visus: deinde subduxit eum nubes: ac mox illico instar fulguris per dotem agilitatis librauit se in cælum Empyreum, non quasi transeundo ab extremo in extremum sine medio, vt censet Tost. Paradox. 5. cap. 13. Sed successiue singulos cælos miraculose transiendo, vt tanquam supremum omnium Dominus, omnium possessorem acciperet, & quodammodo sua præsentia sanctificaret, iuxta illud Ephes. 4. *vt implet omnia.* Vbi aduerte vim dotis agilitatis Christi per eam, enim subito in icu oculi instar fulguris se librauit ex aëre in culmen cæli Empyreï, quod spatium ingens est & quasi immensum. Astronomi docent terram distare à concavo firmamenti octoginta millionibus milliariis: spissitudinem verò firmamenti esse eandem, scilicet octoginta millionum: quanta ergo debet esse distantia spissitudo & magnitudo cæli decimi, & si qui alij sint superiores & maxime cæli Empyreï: lidem docent stellam quamlibet in æquinoctiali positam; singulis horis conficere 42. milliones milliariis: Lapidem molarem si è cælo cade-

ret firmamenti casurum per nonaginta annos antequam terram attingeret: per quatuor millia annorum vix te peruenturum ad conuexum firmamenti, etiam si quotidie recta ascendens conficeres centum milliaria. Vide Cornel. in opere quartæ dici. Hæc omnia Christus pene in momento transiit, facitque vt animæ sanctæ post mortem eadem quali in momento transmittant.

Nec præmittendum est Christum ascendisse & cælos penetrasse, absque vilo proprii corporis vel cælestium detrimento. Neque enim illud gloriosum cum esset, damnum aliquod pati potuit, sed neque illa cum suapte natura sint incorruptibilia quoad internum principium, & a Deo ratum fuerit à principio creationis illa illa in æternum conseruare, sicut scriptum est Psal. 148. *Statuit ea in æternum & in sæculum sæculi.* Quod si damnum ab illis abfuit, nulla ergo intercessit cælorum fractio, nulla continui dissolutionis, atque ita Christi corpus penetrauit cælestia, vti iam fecerat resurgens ex sepulchro.

QVÆRES, *An Christus nudus ascenderit?*

Respondet Tostatus, nullas post resurrectionem induisse vestes, sed nudum semper & solo splendore gloriæ suæ vestitum apparuisse discipulis, ac consequenter nudum ascendisse sola nube & luce circumdatum; ratio eius est, quia aliqui non potuissent ostendere Thomæ vulnus lateris, & exhibere tangendum, vestes enim exclusissent manum Thomæ. Dico tales assumpsisse, vt illæ non tegerent quinque vulnera, nec vestirent, aut si tegerent, facile reuolui possent in vulnere locis. Moueor ad hoc, quia apparuit Magdalenz vt hortulanus, & duobus discipulis vt peregrinus; habebat ergo conformem habitum; ergo pariter vestitus ascendit in cælum, cum verò nubes suscepit eum, vestem dimisit quam miraculose efformabat cum appareret mortalibus, alioquin sat superque dote claritatis indutus, vti Psal. 102. dicitur: *Amictus lumine sicut vestimento.* Quare Beati in cælis non veste sed gloria vestiuntur. Imò crediderim Christum in veste communi & vilitate apparuisse, vt idem videretur qui resurrexerat; nam gloriam suam Apostolis penè abicondebat, eamque tenuiter tantum ostendit, vt cum his familiariter agere, videri, & tangi posset.

Ad modum Ascensionis pertinet comitatus Angelorum, cuius triumpho supponitur occurrit, & animarum quas eductas de limbo secum in cælum euehebant, vt prædixerant Michæas 2. *Ascendit pandens iter ante eos.* David Psal. 67. *Ascendens Christus in altum captiuam duxit captiuitatem.*

QVÆRES hic an ij qui Matth. 27. leguntur ad vitam reuocati cum Christo resurgente, vt essent resurrectionis testes apud nonnullos Iudæos, corporaliter eleuati fuerint in Ascensione? An verò illi tunc excitati & testimonio illo dato iterum mortui fuerint cum aliis postea excitandi, vt Lazarus & alij nonnulli, Matth. sic habet: *Monumenta aperta sunt, & multa corpora Sanctorum qui dormierant surrexerunt, & exiunt de monumentis post eum resurrectionem venerunt in sanctam civitatem & apparuerunt multis.* Quod nota dictum per anticipationem, sic vt monumenta eorum aperta fuerint in motu terræ, cum Christus penderet è Cruce: ipsa verò surrexerint, cum prior Christus resurrexerit.

Respondeo ad quæsitum non dari definitionem

Christus in suo ascensu formauit signum Crucis, benedicens Apostolum hinc inoleuit benedicere cum eodem signo.

Christus ap- parens & ascendens efformabat signum crucis vt discipuli cognoscerent, hinc postea dimisit.

Quanta sit intercapdo cæli à terra. Lapis si caderet à firmamento 90. anni transigeretur antequam attingeret superficiem terra.

nem ab Ecclesia, an corporaliter ascenderint. D. Thomas 3. part. q. 57. art. 6. animas tantum traductas dicit. Quidam tenent & corpora eorum deducta; nam cum illa surrexerint, ut testes resurrectionis Christi & redemptionis per ipsum factæ, ac liberationis animarum & corporum à dæmonis & mortis potestate, sicut non oportuit eos resurgere ante Christum, qui *primities resurgentium*, utpotè non amplius mortui dicitur, ita nec eorum corpora iterum in cinerem mortis redigi, quia non videretur sufficienter probata resurrectio ad immortalitatem, illis iterum vita priuatis corporibus. Christus ergo resurgens, videtur eos immortalitate etiam corporis vestitos vexisse secum ad triumphum traditurus eos Deo Patri, velut primitias regni quod sanguine suo acquisierat. Hinc Bern. serm. 58. in Cant. *Is ergo flos apparuit, sed non solus nam & multa corpora surrexerunt, quæ velut quidam lucidissimi flores apparuerunt in terra nostra, venerunt in sanctam civitatem, & apparuerunt multis.* Forte & hinc Paulus adhuc existens in terra dicit Ephes. 2. *Conresuscitauit & confedere nos fecit in celestibus.* Licet hoc dicere possit ex spe ita certa confedendi cum Christo ac si reuerà possessionem illius accepisset, vel quia dum caput nostrum Christus coronatur & ascendit, sic membra ascendere dicuntur; totus enim homo coronatus dicitur, cum caput eius coronatum est; tamen hoc & verè dici potest, si Christo ascendente, ascenderint & Sancti in corporibus gloriosis. Miror tamen quod Euangelistæ, qui apprimè descripserunt Ascensum, nullam omninò faciant mentionem de corporibus Sanctorum si interfuerint. Tum vulgariter datur privilegium B. Mariæ quod sit corpore assumpta in cælum.

TERMINVS. *Ascensus istius corporalis est vertex omnium cælorum*, ita quod humanitas Christi fuerit supra omnes cælos eleuata, iuxta quod Paul. Ephes. 1. dixit, quod Deus Pater *Constituit illum in celestibus ad dexteram suam, supra omnem Principatum, & Potestatem, & Virtutem, & Dominationem, & omne nomen quod nominatur non solum in hoc seculo, sed etiam in futuro; & omnia subiecit sub pedibus eius.* Ephes. 4. *Ascendens in altum.* Glossa dicit interl. *Loco & dignitate.* Hoc autem debetur corpori, non ex principiis suæ naturæ, sed ratione animæ beatæ, ex qua recipit gloriam & dignitatem, & sicut motus gloriosi corporis sursum non est ei violentus, ita nec quies est violenta; unde nihil prohibet eam sempiternam esse ipsi, & in perpetuum remanere quò ascendit.

Cæterum quomodo & quo situ, & in qua cæli parte sit corpus Christi Domini, superuacaneum est querere, ait August. lib. de fide & symb. cap. 6. tantummodo in cælo esse credendum est. Non enim est fragilitatis nostræ cælorum secretis discutere, sed est nostræ fidei de dominici corporis dignitate sublimia & honesta sapera.

FRVCTVS. *Profruit Christi Ascensio ad fidem, spei, & charitatis augmentum.* Primò, quantum ad fidem subtracta Christi præsentia creuit fides in discipulis, erant enim eo præsentem modicæ, postea inuincibilis. Christus ipse, quo magis distauit ab Ecclesia, quasi Sol à Luna copiosius lumen gratiæ in eam effudit, Ascensio confirmavit omnia mysteria, ut exprimitur in Pl. 2. *Carriere in Professionem Fidei.*

Secundò quantum ad spem, dum enim humanam nostram naturam Christus collocat in cælo, dat nobis spem illuc perueniendi, ut Ephes. 2. notauit. Unde August. *Ebi portio mea regnat, ibi me regnare credo, ubi caro mea glorificatur, ibi gloriosum me agnosco.* Confirmatur ex eo quod ascenderit ut causam agat hominis & ostensione vulnerum placabilem ei faciat.

Tertiò quantum ad charitatis incrementum, ipse enim Christus in cælo existens, illuc desideria & corda trahit; nam ubi thesaurus noster est aspirat cor, ita ut cum Paulo multi optauerint dissolui & esse cum Christo. Unde Bernardus serm. de Ascens. *Sequamur fratres agnum quocumque ierit, sequamur patientem, sequamur & resurgentem, sequamur multò labentium & ascendentem, leuantes corda ad illam in qua regnat gloriam Dei Patris.*

Ascensio Christi fertur esse causa nostræ salutis, tum ex parte nostra, ait S. Thomas, quatenus per eius Ascensionem mens nostra in ipsum mouetur, tum ex parte sua, quatenus nobis viam in cælum preparauit. Ioan. 14. dixit: *Vado parare vobis locum.* Ascendit enim Dominus ut in cælorum sede, quasi Deus & Dominus constitutus, exinde diuina dona mitteret hominibus, iuxta illud Ephes. 4. *Ascendit super omnes celos, ut adimpleret omnia*, donis suis, ait Interlin. Hinc est quod Ioann. 16. dixit Christus: *Expedis vobis ut ego vadam.* Nec dicas nihil eum meruisse per ascensum; nam est in ascensu causa nostræ salutis, non per modum meriti quod est passionis suæ, sed efficientiæ.

Sedet ad dexteram Dei Patris.

Hoc exprimitur Marci 16. & à Beato Stephano Act. 7. à Paulo Hebr. 12. quod prædixerat David Psal. 109. *Dixit Dominus Domino meo, sede à dextris meis.* Sedere autem hoc loco non situm & figuram corporis significat, sed eam regis summæque potestatis ac gloriæ quam à patre accepit, firmam & stabilem possessionem declarat. Quam gloriam & præeminentiam ita constat propriam & singularem Domini esse, ut cuius alij creaturæ naturæ conuenire non possit. *Ad quem enim Angelorum dixit aliquando, sede à dextris meis.* inquit Paulus Hebr. 1.

Nota ergo figuratam esse istam locutionem, ut obseruat Sanctus Thomas quæst. 58. qui per eam intelligit statum gloriæ Christi, in quantum æternaliter incorruptibilis manet in gloria Patris, vel etiam regiam ac iudiciariam omnium potestatem quam ab eo suscipit. Sicut & nomine dexteræ Patris non significatur pars illa corporis humani quæ appellatur dextera, (cùm enim Deus sit purissimus spiritus, nihil in eo corporeum cogitari fas est:) sed ipsius diuina beatitudo & gloria, quæ dexteræ nomine quandoque in Scripturis designatur, ut Psal. 15. *Delectationis in dextera tua usque in finem:* vel potius supremæ potestatis eius participatio. Et sic Christus dicitur sedere ad dexteram Patris. Primò in quantum Dei filius ipsi Patri consubstantialis, ac proinde paternæ omnipotentis & gloriæ confors. Secundò, in quantum homo ad eiusdem gloriæ ac potestatis consortium & participatiuam

Figurata locutione dicitur Christus sedere ad dexteram Dei.

icipationem ratione vnionis hypostaticæ admiffus, & iudex omnium & Rex constitutus est, sicque nulli Angelo vel homini potest hoc conuenire. Sic & loquitur Augustinus in Apocal. *Raptus est, inquit, filius Dei ab humanitate ad diuinitatem in transfiguratione, à passibilitate ad immortalitatem in resurrectione, à minoritate ad Patris aequalitatem in Ascensione, quia quantum fuit descensus à sinu Patris ad patibulum crucis, tantus fuit ascensus à patibulo crucis ad dexteram Patris.* Et rursus lib. de agone cap. 26. *Nec eos audiamus qui negant ad dexteram Patris sedere filium: Dicunt enim, nunquid Deus Pater habet laeu dextrum aut sinistrum sicut corpora? Nec nos hoc de Deo sentimus, nullâ enim formâ corporis Deus definitur neque includitur, sed dextera Patris est beatitudo perpetua quæ Sanctis datur, sicut sinistra eius rectissimè dicitur miseria perpetua quæ impiis datur.*

Dices, Christus vt Deus, æqualis est Patri & Spiritui sancto: Ergo si vt Deus habet dexteram, pari ratione, & Spiritus sanctus sedebit ad dexteram Patris & Filij, & ipse Pater ad dexteram Filij & Spiritus sancti, quod nusquam inuenitur.

Respondeo, quod nullo modo potest dici Patrem sedere ad dexteram Filij vel Spiritus sancti, quia ab eis non procedit, sed Spiritus propriè potest dici sedere ad dexteram Patris & Filij, hoc sensu, quod cum Patre & Filio habeat gloriam diuinitatis, licet secundum quandam appropriationem dextera attribuaturs Filio, cui appropriatur æqualitas, sicut dicit Augustinus lib. 1. de doctr. Christ. c. 5. Quod in Patre est vnitas, in Filio æqualitas, in Spiritu S. vnitas, æqualitatisque connexio.



EXPOSITIO ARTICVLI VII.

*Et iterum venturus est cum gloria iudicare vivos
& mortuos.*



IN Tractatu de Fide folio 23. premisi distinctionem duodecim Articulorum Symboli, quorum sex ad Deum vel ratione personarum eius, aut propriorum effectuum spectant: alij autem sex ad Christum eius, quorum ultimus est iste qui ad finale iudicium refertur: meritissemè quidem ab Apostolis appositus ut unum ex precipuis Christiane fidei dogmatibus, ad urgendos bonos mores prae aliis efficax, ut si quorum animi in providentia & iustitia Dei nutarent huius doctrina ratione confirmarentur. Quis enim si vel mediocri sit ingenio, solerter non ponat in rebus suis modum, non attendat sibi, non declinet serio à malo, & faciat bonum, cui certò persuasum sit, aliquando vocandum ad calculos quicquid loquitur & agit, nec id solum, sed negotium sibi fore cum Iudice, qui neque pretio corrumpitur, nec circumvenitur inscitia, nec precibus aut lamentis flectitur, nec alicuius vultum reueretur? Qui denique omnipotens est, & ratum habet retribuere unicuique secundum vias suas: bonis quidem aeterna gaudia, per quae omnes retrò calamitates ac labores oblivioni tradentur, malis contrà nunquam exitura supplicia, quae nullam relinquent praeteritarum delectationum memoriam, nisi quae vehementer excruciet; unde divina littera, & quotquot sunt Sancti Patres extremum iudicium nobis representant terribile & dignum, cuius memoria nos continuo metu & sollicitudine afficiat, etiam iustos seu eos qui longius in virtutibus progressi & excitati sunt in mandatis Dei. Ne quid ergo vacillet in posterum mens humana in isto Symboli Articulo, iudiciariam Christi potestatem, eiusque dependentias consultis Doëtoribus Orthodoxis expendo.

QVÆSTIO I.

An iudiciaria potestas Christo competat eiusque executio.

TRia sunt Christi Domini insignia officia & munera ad illustrandam & decorandam Ecclesiam suam Redemptionis, Patrociniij & Iudicij. Cùm autem superioribus articulis ab eo redemptum de morte sua genus humanum, & Ascensione etiam in cœlum causam nostram & patrociniū in perpetuum susceptum declarasset Symbolum posthæc exercendum iudicium docet, unde firma fide credendum est, nec ullatenus dubitandum tempus fore, cùm iterum ad nos Christus descendet in gloria & maiestate, ut summus actuum nostrorum censor & testis iudicaturus orbem in aequitate, & cuilibet digno factis redditurus.

Probatur ex Scriptura Matth. 16. Filius hominis venturus est in gloria Patris sui, & tunc reddet unicuique secundum opera sua. Et cap. 25. Congregabuntur ante eum omnes gentes, &c. Roman. 2. Secundum duritiam tuam, & impavidi Carriere in Professionem Fidei.

tens cor thesaurizat tibi iram in die ire & revelationis iusti iudicij Dei, qui reddet unicuique secundum vias suas. Et 1. Thessal. 4. Ipse Dominus iniussu & in voce Archægeli, & in tuba Dei descendet de cœlo. Et Act. 10. Hic est qui constitutus est à Deo Iudex vivorum & mortuorum. Act. 17. Annuntiat hominibus ut omnes ubique poenitentiam agant, eo quod statuit diem in quo iudicaturus est orbem in aequitate.

Probatur ex SS. Patribus, August. lib. de fide & symbol. cap. 8. Credimus etiam Christum inde venturum convenientissimo tempore, & iudicaturum vivos & mortuos, siue istis nominibus iusti & peccatores significentur, siue quos ante mortem nostram in terris inventum est appellati sunt vivi, mortui verò qui in eius adventu resurrexerunt sunt. Et tract. 10. in Ioan. Veniet in forma humana, hanc videbunt impij, videbunt & ad dexteram positi, videbunt & ad sinistram separati, sicut scriptum est, videbunt in quem pupugerunt. Hieron. super 21. Matth. Quoties diem illum considero, toto corpore contremisco, siue enim comedo, siue bibo, siue aliquid aliud facio, semper videtur illa tuba terribilis sonare in auribus meis: surgite mortui, venite ad iudicium. Gregor. super illud Matth. 24. In nubibus

coeli. In maiestate visuri sunt quem in humilitate videre noluerunt, ut tanto districtius virtutem sentiant, qui cervicem cordis ad eius presentiam non inclinant. Chrysost. in 1. ad Cor. 15. Verè vox magna vox tuba terribilis, cui omnia obediunt elementa, qua petras scindit, inferos aperit, portas arcas frangit, vincula mortis dirumpit, & de profundo abyssi animas liberatas corporibus suis assignat. Hac autem omnia citius consumit in opere quam jagitta transiit in aëre dicente Apostolo: In momento in iudicio oculi. Sed quis Patrum non agit de iudicio & Christo Iudice?

Christus ut homo, iudicium potestatem exerceat.

Ad hæc, antequam ulterius progrediar, moneo hic agi de Christo ut homo est; nam Ioan. 5. dicitur: Potestatem dedit ei iudicium facere, quia filius hominis est. Quod explicat Augustinus tract. 19 in Ioan. Non quod ei conveniat propter conditionem naturæ humanæ, quia sic omnes homines huiusmodi potestatem habere, sed hoc pertinet ad gratiam capitis quam Christus in natura humana accepit. Competit autem Christo secundum humanam naturam iudicari potestas propter tria. Primo quidem propter convenientiam & affinitatem ipsius ad hominem, sicut enim Deus per causas medias tanquam propinquiores effectibus operatur, ita iudicat per hominem Christum homines, ut sit suavius iudicium hominibus. Vnde Hebr. 4. dicitur: Non habemus Pontificem qui non possit compati infirmitatibus nostris tentatum per omnia pro similitudine absque peccato, &c. Secundo, quia in finali iudicio, ut August. dicit tract. 23. in Ioan. erit resurrectio mortuorum corporum quæ suscitavit Deus per filium hominis, sicut per eundem Christum suscitavit animas in quantum est filius Dei. Tercio, quia rectum erat, ut August. dicit in serm. 64. de verbis Domini, ut iudicandi viderent iudicem, iudicandi autem erant boni & mali: restabat ut in iudicio forma servi bonis & malis ostenderetur: forma Dei solis bonis servaretur.

Probatum rationibus: eiusdem videtur esse iudicare cuius fuit iudicari pro redimendis hominibus. Vnde Philipp. 2. Propter quod & Deus exaltavit illum, &c. Secundo, Christus est sapientia genita, & veritas à Patre procedens ipsum perfectè repræsentans; ergo illi soli convenit iudicaria potestas, esto autem illa sit communis toti Trinitati, tamen per appropriationem quandam attribuitur Filio, quia ipsa ratio iudicii est lex sapientiæ vel veritatis secundum quam iudicatur.

Dices, iudicium attribuitur Filio, ut dicit August. in lib. de vera relig. in quantum est ipsa lex primæ veritatis, sed hoc convenit Christo in quantum est Deus: ergo potestas iudicaria non convenit Christo ut homo est, sed secundum quod Deus est.

Respondet S. Thomas, iudicium pertinere ad veritatem sicut ad regulam iudicii, pertinet autem ad hominem qui est veritate imbutus, secundum quod est unum quodammodo cum veritate, quasi quædam lex & iustitia animata, quod verum est in Christo, qui ex unione hypostatica plenus est in anima gratiæ & veritatis, & secundum hoc ad animam Christi pertinet omnia iudicare, quæ ex resplendentia divinitatis novit occulta cordium, quæ in die iudicii, ut dicitur Rom. 2. iudicabit.

Dices, iudicariæ potestatis est præmiare sicut & punire, at præmium, quod est beatitudo & visio Dei, à solo Deo datur.

Respondeo, solius Dei esse beatas animas facere participatione sui, sed adducere homines ad beatitudinem convenit Christo in quantum est caput & auctor salutis eorum, ut Hebr. 2. habetur: Qui multos filios in gloriam adduxerat, &c.

Ad solutionem plurium dic, quod Christus quatenus Deus, habet hanc potestatem ex se: quatenus homo non ex se, sed autoritate sibi divinitus delegatâ.

Q V Æ S T I O I I.

An duplex sit futurum iudicium à Christo, Priuatum & Vniuersale.

Certum est ex Scriptura & Patribus, necnon & ex definitione Ecclesiæ, in morte cuiusque iudicium faciendum esse, & post generalem resurrectionem dari vniuersale, & utrumque pertinere ad iudiciariam Christi potestatem. Primum statuitur & declaratur modus illius.

Eccles. 11. Facile est coram Deo in die obitus retribuere unicuique iuxta vias suas, & in fine hominis deudatio operum illius. Hebr. 9. Statutum est hominibus semel mori, & post hoc iudicium.

Probatum ex SS. Patribus, August. lib. de anima, ubi hanc veritatem asserit. Hieron. in cap. 2. Ioël, ubi per diem Domini diem iudicii intelligendum esse dicit, siue diem exitus vniuersi cuiusque de corpore: Quod enim, inquit, in die iudicii futurum est omnibus, hoc in singulis in die mortis impletur. Chrysost. hom. 14. in Matth. Omnes, inquit, anime, cum hinc emigraverint, variis peccatorum catenis implicite, ad terribile illud tribunal ducuntur. Gregor. hom. 32. Presentis temporis ita agenda est lætitia, ut nunquam amaritudo sequentis iudicii recedat à memoria. August. hom. 12. De aduentu sponsi, clamor in media nocte fit, quia sic dies iudicii subrepat, ut prænideri non valeat quando venit. Hilar. can. 27. in Matth. Paratos nos esse convenit: quia diei ignoratio intentam sollicitudinem suspensæ expectationis exagitat. Hoc de iudicio priuato dictum est, quia singulis diebus & horis accidit.

Probatum ratione: nam hæresis est dicere, Animas Sanctorum non præmiari in cælo, aut damnatorum non puniri in inferno, usque in diem vniuersalis iudicii, convincit hunc errorem Paul. 2. Cor. 5. Audemus & bonam voluntatem habemus, magis peregrinari à corpore, & presentem esse ad Dominum, quod est iam non ambulare per fidem, sed per speciem. Hoc autem est videre Deum per essentiam in quo consistit vita æterna, ut Ioan. 17. dicitur. Vnde patet animas à corporibus separatas esse in vita æterna. Idem ex eodem loco colligit Lyran. & patet ex promissione Christi facta Dilamæ. Hodie mecum eris in paradiso. Et ex punitione epulonis, Crucior in hac flamma. Non me latet Ioannem XXI. Papam sensisse, animas non visuras Deum nisi post resurrectionem, unde acerrimè reprehendit

Duplex est iudicium hominibus subeundum, priuatum & vniuersale.

Falsè dicitur Ioan. XXI. Papam, sensisse animas non visuras Deum nisi post resurrectionem.

reprehenditur à Guillelmo Ocham in opere 93. dierum & ab Adriano in quæst. de continuat. sed Ioannes Villanus, qui tunc vivebat 1334. scribit lib. 1. lib. 1. cap. 19. Papam pridie ante obitum revocasse sententiam suam, & declarasse se nunquam prætendisse quæstionem definire, sed ex tenu priuato dabitur. Rem absolute definiuit Ecclesia cum Benedicto XII. successore Ioannis, & Eugenius IV. in Concil. Florentino, pro dogmate fidei sanctiuit, animas post mortem sine mora recipi in cælum, si sint omnino expiatae, vel detrudi in infernum, si peccato mortali obstrictæ ex hac vita decesserint.

Atqui dici non debet hoc ita fieri sine speciali iudicij diuini decreto. Ergo datur iudicium priuatum & speciale in instanti separationis animæ. Quod verò iudicium illud particulare æquè ac vltimum generale, à Christo Domino quatenus homine exerceatur, constat ex eo quod Ioan. 5. dicitur: *Pater non iudicat quemquam, sed omne iudicium dedi Filio, ut omnes honorificent Filium.* Et Rom. 14. *In hoc Christus mortuus est & reuixit, ut uiuorum & mortuorum dominetur.*

Hinc dicendum ad eandem quoque iudiciariam Christi potestatem pertinere alia omnia iudicia quæ erga homines, etiam dum in hac vita mortali degunt, diuinitus exercentur: erga bonos quidem, cum pro eorum meritis & recto gratiarum usu gratiæ ipsæ augentur, & copiosiora auxilia subministrantur: erga malos verò, cum pro eorum demeritis abundantiora gratiæ auxilia ipsis subtrahuntur, permittunturque excecari & indurari. Quod enim hæc non tantum æterno ac supremo Dei iudicio, sed etiam Christi Domini, quatenus homo est, imperio peragantur, constat ex eo quod Act. 10. retulimus, non solum mortuorum, sed etiam uiuorum, iudex à Deo sit constitutus, ideoque ipse dixit Matth. ult. *Data est mihi omnis potestas in cælo & in terra.*

Porro ad iudicium hoc particulare subeundum, non est necesse animas realiter in cælum deferri, aut Christum ad illas è cælo delabi: sed sufficit quod illæ in ipso mortis instanti intellectualiter eleuentur ad audiendam seu intelligendam sententiam iudicis, quæ sit per intellectualem locutionem vel illuminationem, per quam cognoscit quælibet anima sese iudicari, & pro ratione eorum quæ in vita gessit, & boni vel mali status in quo decessit, vel saluari, vel damnari, imperio & autoritate non solum Dei, sed etiam hominis Christi. Et sic intelligendi sunt Patres aliqui dicentes Christum venire in morte vniuscuiusque, vel animam quamlibet præsentari ad tribunal Iudicis. Non enim hoc fit per localem præsentiam, sed secundum efficaciam, per quam fit ut anima statim suum agnoscat statum & imperium Iudicis, & ex vi illius statim constituarur per instantaneam loci mutationem in loco illo meritis suis assignato.

Sic etiam intelligendum est quod dicit Innocentius Papa, omnem animam priusquam egrediatur à corpore, videte Christum crucifixum, quod adducit Ioannis textum 19. *Videbunt in quem transfixerunt.* Et Paul. 1. Timoth. 6. *Serua mandatum sine macula usque in aduentum Domini nostri Iesu Christi,* siue usque ad diem mortis; sic etiam dicitur: *Vigilate, quia nescitis qua hora filius hominis veniet.* In illo ergo pun-

cto intelligit anima imperium Iudicis, & in eodem rapitur in cælum, vel descendit in infernum damnata, vel in purgatorio purganda constituitur; non iudicatur autem ante illud punctum & instans mortis, quia nondum finitum est meritum, nec expectatur instans post mortem, quia in instanti mortis, si pura est anima, capax est visionis Dei.

Hinc ergo intellige quomodo à momento pendet æternitas, vel beata vel misera. Intellige quoque quomodo formidabile sit illud momentum ad quod anima suspensa fremit in agone, nesciens quam vitam momento isto sit initura. Conscientia eam pungit, & corpus ad corruptionem sese disponit, & ipsa horret brevi momento, vel inferorum vel paradisi hospes constituenda, vnde & viri sanctissimi, & singulariter S. Elzearius tunc trepidauerunt. Hilarion, Arsenius, Agaton. ô hora! ô momentum! quam longam trahis catenam, & cumulum miserationum, vel quam amplam felicitatem parisi, & cumulum gaudiorum. Quam sæpe versari debes in mentibus hominum!

Christus verò hoc iudicium particulare aliquando exercet, modo quodam visibili & forma iudicij hominibus accommodata ad terrorem, ut legitur in speculo exemplorum.

QVÆSTIO III.

De iudicio vniuersali.

Non ignorandum primò quid propriè sit iudicium; hoc enim variè apud Authores sumi solet. Scotus dicit iudicium largè posse accipi pro quacumque notitia certa, & hoc modo dicimus, quod omnis potentia apprehensiva, siue sensitiva est iudicativa de suo obiecto. Alio modo dicitur iudicium certa apprehensio intellectus quæcumque, & hæc diffinitiva cognitio de aliquo potest dici iudicium de quidditate eius. Alio modo magis propriè dicitur notitia alicuius complexi, siue illud sit principium, siue conclusio, siue sit speculatiuum, siue practicum. Alio modo magis strictè dicitur sententia efficax de vero complexo agibili in particulari penes aliquem iuxta merita, vel demerita sua reddendo ei præmium vel poenam: dicitur autem iudicium sententia determinata, quia non est iudicium propriè indifferens ad vtramque partem, dicitur sententia efficax, in quo, includitur quod pertinet ad habentem potestatem, & includit determinatum dictamen rationis practicæ, & connotat voluntatem efficacem & determinatam ad faciendum secundum tale dictamen.

Sic iudicium propriè sumptum, diuiditur in approbatiuum & condemnatiuum, subdiuiditur adhuc in præmiariuum pro bono merito, & in liberatiuum à malo si iudicatus est innocens.

Nota secundò, quod aliquis iudicare dicitur multipliciter. Primò, principaliter & autoritate suprema. Secundò, autoritate subdelegata, sicut facit iudex subditus principali iudici. Tertiò, assistenter, sicut assistentes iudici in eminentia & honore in loco iudicij. Quarto, approbatiue, sicut omnes audientes sententiam & eam approbantes. Hæc præmittenda fuerunt ad multorum solutionem.

*Varia iudicij
usurpatio, hic
capitur pro
sententia ap-
probatiua, vel
condemnati-
ua hominis.*

*Iudicium par-
ticulare si-
per impressio-
nem facies
intelligibilis,
qua anima
in puncto se-
parationis à
corpore inuol-
lunt statim
saluati aut
damnationis.*

VN VERSALE IUDICIUM futurum esse conuincitur ex propriis verbis Articuli, qui literaliter de isto agit, nec desunt alia Scripturæ expressa loca. Matth. 12i *Viri Niniuite surgent in iudicio cum generatione ista, & condemnabunt eam.* Ioan. 5. *Procedent qui bona egerunt in resurrectionem vite, qui vero mala in resurrectionem iudicii.* Matth. 25. & totus Psal. 109. & alia loca plurima.

Probat ex SS. Patribus iam allatis, addo Gregor. hom. 15. *In extremo die Iudicii cum aperitis celum, ministrantibus Angelis, consedentibus Apostolis, in sede maiestatis sue Christus apparebit, omnes hunc electi pariter & reprobi videbunt, ut & iusti de munere retributionis sine fine gaudeant, & iniusti de ultione supplicij in perpetuum gemant.* Anselm. de similitudinibus mundi.

Rationes iudicij vniuersalis exi-gentes.

Probat rationibus, prima ex parte hominis sumitur, quia licet homo ex parte iustitiæ diuinæ in iudicio particulari secundum animam sententiam damnationis aut salutis acceperit, non tamen secundum corpus præmium aut pœnam accepit, sed illud reuertitur in terram. Integer tunc homo iudicabitur, & corpus quod socium fuit pœnitentiæ vel peccati, erit & gloriæ vel pœnæ. Secunda ex parte Christi, quia in primo aduentu est ab hominibus reprobatus in illa ciuitate Orbis celeberrima ab omnibus statibus, Regibus, Sacerdotibus, populo, militibus, Iudeis, Gentilibus, & nunc quoque non agnoscitur ab infidelibus, non recipitur Messias à iuis, blasphematur à Christianis, repudiatur eius diuinitas ab hæreticis. Tunc autem coram cælo, mundo, Inferno, cognoscetur ab omnibus, ab his qui Cælum incolunt, qui Infernum, qui Purgatorium, qui Limbum, qui Mundum. Tunc flectetur omne genu, & Pater implebit promissionem suam, de qua apud Iob. *Causa tua sicut impij iudicata est, causam, iudiciumque recipies.* De qua etiam agit totus Psal. 109. *Iudicabit in nationibus impij obis ruinæ.*

Tertia ex parte Prouidentię & Iustitię diuinę; de quibus malè quidam sentire videntur, eo quod permittit opprimi innocentes, affligi bonos, honorari malos, & impios prosperare, ita vt viri sancti velut dubitantes visi sint querelam quandam formate contra Deum. Vnde dicunt cum Dauide, Hieremia, Abacuc, Iobo, *Ergo sine causa iustificasti cor meum, ipsi peccatores obtinuerunt diuitias.* Constituit ergo diem in quo nobis manifesta erit hæc ratio Prouidentię, ad hoc ordinata vt glorificetur Deus, & omnes intelligant ad maiorem Iustorum gloriam cedere, & ad confusionem impiorum modum illum quo erga eos se gessit Deus. Videbunt tunc quomodo *Vniuersa via Domini iudicij & veritas.* Afferet procul dubio hæc dies finem scandalo huic infirmorum, quando illuminante Domino abscondita tenebrarum & manifestante consilia cordium innotescet palam, malos inter mala plurima, pauca & exigua fecisse bona saltem moralia exiguo digna & compensanda præmio cuiusmodi est temporale: bonos similiter sic in bona multa & magna incubuisse, vt tamen iis per fragilitatem exigua quædam admiscuerint mala exiguo castiganda verbere, cuiusmodi est quod caducam vitam istam non superat.

Accedit etiam quod cum piorum fama sæpè

ledatur, impij verò innocentiz laude commendentur, diuinæ iustitię ratio postulat, vt pij ereptam iniuria apud homines existimationem in publico vniuersorum hominum conuentu & iudicio recuperent.

Adde quod cum vel ipsis hominibus mortuis, interdum superstites sint filij parentum imitatores, & reliqui adhuc sint liberi, discipuli exemplorum imitatores, actionum amatores ac propugnatores, quibus rebus ipsorum mortuorum præmia & pœnas augeri necesse est, cum hæc vel utilitas vel calamitas ad plurimos pertinens non prius habitura sit finem, quam extremus mundo veniat dies, æquum erat de vniuersa hac rectè aut perperam factorum dictorumque ratione perfectam quæstionem haberi, quod fieri non poterat nisi facto communi omnium hominum iudicio.

Tum congruit hoc finale iudicium ex parte mundi, quia sicut res exeunt à primo efficiente, ita reducuntur in finem proprium per eundemmet. Sed præter spirituales exitus rerum à Deo per creationem & gubernationem, qua operatione Christus dicit Ioan. 5. *Pater meus usque modo operatur & ego operor.* Congruum est dari vnā finalem rerum reductionem in suum finem, & consequenter oportet ponere vnā sententiam generalem diffinitiuam, sicque malos à bonis separari.

Dices, *Non iudicat Deus bis in idipsum.* Nahum 1. Sed nunc Deus iudicat de singulis hominum operibus, cum post mortem vnicuique pœnas vel præmia pro meritis tribuit: & dum etiam quosdam in hac vita pro bonis vel malis operibus præmiat vel punit: ergo videtur quod non sit aliud futurum iudicium.

Respondet quod quilibet homo & est singularis quædam persona, & est pars totius generis humani, vnde & duplex ei iudicium debetur. Vnum singulare quod de eo fiet post mortem quando recipiet iuxta ea quæ gessit, quamuis non totaliter, quia non quoad corpus, sed quoad animam tantum. Aliud iudicium debet esse de eo secundum quod est partotius generis humani, sicut aliquis dicitur iudicari secundum humanam iusticiam, etiam quando iudicium datur de communitate cuius ipse est pars. Tum in priuato iudicio non plenè præcessit iudicij effectus, quia boni & mali post iudicium amplius habebunt. Nec dicas determinatam esse à priuato cuiusque sortem & cuique sibi notam. Respondet siquidem non esse omnibus generaliter manifestam. Non ergo bis in idipsum iudicat Deus, sed completur primum, ad corpus extenditur & in numero vniuersali augetur pœna vel præmium, vt qui simul conuixerant, simul iudicentur finaliter, & ex impleto numero vniuersali crescat effectus iudicij, quia quanto cum pluribus ardebunt reprobi, tanto magis ardebunt, & è contra magis gaudebunt electi.

Homo dupliciter considerandus, vt persona singularis, & vt pars generis, hinc duplex ei datur iudicium.

De Loco, Tempore, & Modo Iudicij vniuersalis.

LOCVS, ex communi SS. Patrum sententia, & S. Thom. q. 88. assignatur Vallis Iosaphat, quæ media est inter Ierusalem & montem Oliueti. Fundatur in Scriptura Ioël 3. *Congregabo omnes gentes in valle Iosaphat, ibi disceptabo cum*

cum eis. Et Act. 1. dicitur: *Quemadmodum vidisti cum ascendente in celum, ita veniet. Sed ipse ascendit in celum de monte Oliueti, qui huic Valli præeminet, ergo & circa illa loca ad iudicandum veniet, idque ait S. Thomas, ut idem esse ostendatur qui descendit & qui ascendit.*

QVÆRES, Quomodo vallis hac capiet tantam multitudinem?

In iudicio generali reprobi erunt in terra, vallis, & circumquaque, & ibi sursum in aëre.

Respondeo solos reprobos in terra, non solum illum locum, sed & Oliueti montem & circumstantia loca occupaturos. Iudex non descendet usque ad vallem, sed ad locum aeris supra vallem, ut sit eminentiori loco ob maiestatem, quod etiam congruit agilitati corporis gloriosi. Sic Beati erunt à terra eleuati, & Angeli ipsi, ut indicat Paul. 1. Thessal. 4. *Deinde nos qui vivimus, qui relinquimur, simul rapiemur cum illis in nubibus obuiam Christo in aëre.* Et quia Iudex collocabit sedem suam supra vallem: vallis dicitur locus iudicii, etsi omnes fortè non capiant.

An non aptè hic sedes iudicis? poterit enim eis ex hoc loco ob oculos ponere loca præcipua ubi operatus est redemptionem ad eorum confusionem, saltem mentaliter improperebit eis opera illa redemptionis.

TEMPVS, est ignotum Angelis & hominibus viatoribus, & Beatiss, hoc vnum tantum scitur quod sit futurum in consummatione sæculi.

Probat ex Scriptura Marci 13. *De die illo vel hora nemo scit, neque Angeli in celo, neque filius nisi Pater.* Act. 1. Interrogantibus Apostolis ascensurum Dominum de tempore restitutionis responsum fuit: *Non est vestrum nosse tempora vel momenta quæ Pater posuit in dispositione sua.* Dicitur autem filius nescire, ait S. Tho. in quantum ipse Doctor noster à quo reuelantur omnia Ecclesiæ, nos non facit scire, potest & adduci textus 1. Thessal. 5. *Dies Domini sicut fur in nocte ita veniet.* Aduentus enim furis in nocte est omnino incertus. Apoc. 6. Beati introducantur clamare, *Usquequo Domine sanctus & verax non iudicas & vindicas sanguinem nostrum?* in quibus dictum est, *Adhuc modicum tempus donec impleatur numerus fratrum.* Et licet textus iste in varia Sanctorum trahatur desideria & petitio ista diuersimodè exponatur, indirectè tamen & eminus orant accelerari diem extremi iudicii, in illo enim faciendæ est plena hæc vindicta, non quasi decretum de hoc fixum & statutum mutari & accelerari desiderent; hoc enim fieri nequit, sed quod abstrahant ab hoc decreto, illudque quasi præueniant; Deus enim ob Sanctorum orationes decreuit ut finis mundi & dies iudicii citius adueniat & acceleretur, cum alias illum diutius differre potuisset, & de facto distulisset, nisi hæc Sanctorum preces ab eo præuiliæ & acceptatæ fuissent.

Doctrina nobilis quomodo se habent orationes Sanctorum circa decreta Dei.

Pari modo ob preces Danielis & Prophetarum dicuntur abbreviatæ 70. hebdomades aduentus Messie, Danielis 9. versu 20 iuncto cum versu 24. Hæ ergo preces se habent antecessenter ad Dei decretum, non consequenter. Eodem modo se habent preces Sanctorum ad Dei prædestinationem puta electionem huius vel illius ad salutem & gloriam. Et licet daremus Beatos nosse numerum Prædestinatorum, & quot assumentur ad reparandas ruinas Angelicas, ut videtur docere Augustinus in Enchiridion. cap. 62. nesciunt

tamen quanto tempore sit implendus: fortè tamen ex privilegio id reuelatum est B. Virgini.

Quod verò aliquando SS. Patres sic loquantur de iudicio quasi appropinquante, piè interpretandum est; videntes enim graua mala quibus orbis feriebatur, illa velut iudicii prænuntia existimabant, & idè peccatoribus timorem incutere cupiebant, poterantque verè dicere semper iudicium magis ac magis appropinquare. Loquebantur etiam more Scripture considerantes hoc vitæ tempus, quasi breuem moram Aternitati comparatam, sic dicimus hominem breui moriturum dum decrepitu est. Ita mundus senescit, propè interitum est, minatur occasum tot habens millia annorum: hinc & 1. Cor. 10. dicitur: *Nos sumus, in quos finis sæculorum deuenerunt: filioli nouissima hora est.* Et maximè, quia videmus aliqua signa ex parte impleri, prædicari Euangelium in vniuerso orbe, Gentem surgere contra Gentem, pestilentias, terræ motus, venire in nomine Christi tot Pseudo-prophetas, idque impleri quod 1. Tim. 4. dicitur: *Spiritus manifestè dicit quod in nouissimis temporibus discedens quidam à fide attendentes spiritibus erroris & doctrina demoniorum, &c.* Testis est Germania, Gallia, Anglia, Belgium. Videmus denique abundare iniquitatem, maledictum, mendacium, falsum testimonium, ob quæ omnia moneri & conuelli possunt acriter peccatores.

Nihilominus quia & hæc omnia præcedentibus sæculis ex parte fuerunt, idè de hac re loquendum cum discretionem, hortantes quemlibet ut se huic iudicio præparet, clamantes cum Apostolo Ephel. 5. *Fratres videte quomodo caute ambuletis tempus redemptionis, quia dies mali sunt.* Sed non cum assertionem certà de re nobis ignorat, nec cum curiosa investigatione rei nobis occultæ, sed soli Deo cognitæ, & illis solis quibus voluerit reuelare.

In Lateran. Concilio II. sub Leone X. statuitur scilicet 1. ne prædicatores in Scriptura exponenda, quicquam dissensionum interpretationi Doctorum quos approbat Ecclesia adiciant. Tempus quoque præfixum futurorum malorum, vel Antichristi aduentum, aut certum diem iudicii prædicare, vel asserere nequaquam præsumant, cum veritas dicat: *Non est vestrum nosse tempora.* Vide quæ scripsimus de Antichristo; ibi autecessura iudicia & signa notantur.

MODVS, plures inuoluit quæstiones, quarum multæ suum hic locum non habent, sed spo-
stant ad Articulum de Carnis resurrectione, quæ ad vocem tubæ facta, *Omnes homines, nequie excepto, comparebunt in iudicio.*

Probat ex Scriptura, Matth. 25. hinc dicuntur *Congregandi electi à quatuor ventis, à summis calorum usque ad terminos eorum.* Similiter de reprobis dicitur Apoc. 20. *Atare dedit mortuos suos, & mors & infernus mortuos qui in ipsis erant.* Et Apoc. 1. *Ecce venit cum nubibus & videbit eum omnis oculus.* Act. 10. Christus dicitur *Constitutus iudex vivorum & mortuorum.* Sub hac autem differentia omnes comprehenduntur. 2. Cor. 5. *Omnes nos manifestari oportet ante tribunal Christi, ut reserat unusquisque propria corporis prout gessit, sive bonum sive malum.* Quod si Psal. 1. legitur, *Non resurgent impij in iudicio.* Intellige ex Gregor. lib. 26. mor. cap. 20. ut sint in consilio iustorum vel in gloria, resurgent

Concil. Lateran. verat assignari tempus iudicii & interpretationis Scripturæ sacra, dissuasit SS. Patribus.

resurgent tamen ut compareant ad maiestatem iudicis intuentiam, ait S. Thom. q. 89. art. 5. Pueri etiam qui ante aetatem perfectam decesserunt.

Probatur ex SS. Patribus, August. lib. 20. ciu. cap. 5. ubi ait, Tribum Leui, quæ 13. est, et si non exprimitur Matth. 19. iudicandam tamen, & per 12. Tribus omnes Gentes significari, quia per Christum in sortem 12. Tribuum sunt vocatæ. Idem omnes asserunt.

Probatur ratione, quia potestas iudiciaria collata est Christo homini in præmium humilitatis quam exhibuit in passione; ipse autem effudit in ea sanguinem pro omnibus quantum ad sufficientiam, licet non in omnibus habuerit efficaciam propter impedimentum in aliquibus inuentum; & ideo congruum est ut omnes homines congregentur in iudicio, ad videndum eius exaltationem in natura humana, penes quam constitutus est Iudex omnium.

Angeli in iudicio non iudicabunt.

Angeli ipsi boni cum Christo venient, non ut Iudices, quia assessores iudicis debent esse conformes in natura ipsi Iudici Christo homini, sed ut sint testes, ait Gloss. in Matth. 25. humanorum actuum, sub quorum custodia homines bene vel male egerunt. Nec comparebunt boni aut mali Angeli ut iudicandi, cum in bonis nihil mali, & in demonibus nihil boni discerniendum inueniri possit, & Ioan. 16. dicatur: *Princeps huius mundi iam iudicatus est.*

Si verò loquamur de iudicio retributionis, sic ait D. Thom. distinguenda est duplex retributio: una respondens propriis meritis Angelorum, hæc autem post instantem creationis facta legitur, & Deus non iudicat bis in idipsum: alia quæ respondet meritis bonis vel malis procuratis per Angelos, & hæc retributio fiet in iudicio, quia boni Angeli amplius gaudium habebunt de salute eorum quos ad meritum induxerunt, & mali amplius torquebuntur, multiplicata reproborum ruina; qui per eos ad mala sunt incitati; unde directe loquendo, iudicium indirecte respiciet Angelos in quantum fuere commixti actibus hominum.

Dici potest Angelos congregandos ad iudicium ut iustitia Dei nota sit omnibus; demones autem, ut 2. Petri 2. dicitur, reseruari in iudicium cruciandos, quia in perpetuum tunc detrudentur in inferni carcerem, ut iam non sit eis liberum egredi extra, quia hoc eis non concedebatur, nisi secundum quod ex Dei providentia ad hominum vitam exercendam ordinabantur.

Dices 1. Cor. 6. *Nescitis quoniam Angelos iudicabimus.* Ergo tunc discussorio iudicio iudicabuntur.

Respondeo, Paulum exponendum de iudicio comparisonis, quia quidam homines Angelis superiores inueniuntur.

QUÆRES, an quislibet cognoscat sigillatim quæ fecit in vita.

Si diuinum menti induta quislibet recordabitur omnium quæ gesserit, & noscet omnia omnium facta, idque unico actu.

Responder August. lib. 20. Ciu. c. 14. quod quædam vis diuina aderit quæ cuncta opera reuocabuntur in memoriam. S. Thom. quæst. 87. supplementi art. 1. sic ratiocinatur: sicut se habet humanum iudicium ad testimonium exterius ita diuinum ad testimonium conscientie, ut ex 1. Reg. 16. patet homo videt ea quæ parent, Deum autem intuetur cor. sed non posset esse humanum iudicium de aliquo nisi testes de omni-

bus de quibus iudicandum est deponerent: ergo oportet (cum iudicium Dei sit perfectissimum) quod conscientia teneat omnia opera iudicanda, ut 1. Cor. 5. exprimitur. Vis hæc diuina rememorans vocatur liber, Apoc. 20. *Libri aperti sunt*, id est, singulorum conscientiarum.

Dices, hinc beatos dolorem experturos de peccatis commissis; quia Charitas quæ tunc in eis perfecta erit solet esse causa dolendi.

Respondeo, incapaces factos esse doloris & beatitudine Apoc. 21. *Fugiet ab eis dolor & gemitus*: Imò potius gaudebunt de misericordia quæ relaxauit illa, è contrario augebitur dolor in reprobis ex recordatione bonorum quæ perditæ sunt, summum enim infortunij genus est fuisse felicem.

QUÆRES, An quislibet leget omnia quæ sunt in alterius conscientia.

Respondeo affirmatiuè Deo causante actum cognitionis operum, in intellectu cuiuslibet, unde super illud 1. Cor. 4. *Illuminabit abscondita tenebrarum.* Gloss. interl. habet gesta & cogitata bona & mala tunc aperta erunt omnibus & nota. Suffragatur ratio, quia oportet iustitiam diuinam apparere omnibus in vltimo iudicio unde necesse est ut cuiuslibet sua & aliorum præmiatio vel condemnatio sit manifesta, & per consequens omnium merita, vel demerita ex quibus æquitas sententiæ cognoscitur.

Licet autem ad hæc omnia simul intelligenda non sufficiat virtus intellectus creati, nec ex se res alienæ subiaceant omnium notitiæ tamen hoc potest efficere virtus diuina, ita ut sit miraculum tam ex parte ostensionis & manifestationis, quam ex parte intellectus creati, vel elicientis intellectionem, vel recipientis causatam à Deo.

QUÆRES, An omnia videbuntur unico actu.

Respondeo eum Augustino 20. Ciu. cap. 14. inconueniens esse quod legatur liber aliquis materialis in quo notata sint singulorum facta, quæ enim esset illius magnitudo! & quantum tempus ad hunc legendum requireretur! si successiue sigillatim cuncta proponerentur, unde resultat quod unusquisque videat, seu intelligat omnia simul.

Quod autem Beati possint hoc in instanti nosse non est difficultas, quia videbunt omnia in Verbo, sicuti est de damnatis, quorum intellectus non est eleuatus, ut possint Deum videre, & in ipso alia omnia.

Dicunt aliqui quod mali videbunt omnia simul in genere peccata sua & hoc sufficere ad accusationem illam quæ debet esse in iudicio vel ad absolutionem, non autem videbunt omnia simul descendendo ad singula: ratio luminis ex natura intellectus finiti, unde Aristot. 2. Topica cap. 4. in declaratione loci 33. docet, quod non contingit intelligere plura simul. Tum intellectus Angelorum & beatorum quantum ad cognitionem naturalem quæ cognoscunt res per species innatas non cognoscunt tali cognitione plura simul, ergo nec damnati poterunt plura simul intelligere. Sap. 5. dicitur, quod considerabunt sigillatim sua peccata & ea plangent. *Quid nobis profuit superbia?* Sic de aliis peccatis, non ergo videbunt omnia unico mentis intuitu.

Respondeo ego, non esse hic quæstionem de

de cognitione naturali intellectus, & Patres cum August. cit. velle quod omnia vnico mentis actu enumerabuntur, quod autem cognoscitur in genere non enumeratur, tum diuersa sunt genera actuum. Quare si vt iam dixi, actus infunditur à Deo intellectui creato, habens in se omnium distinctionem circumstantiarum, in instanti & vnico mentis actu, tam beatus quam damnatus poterit ita omnia nosse, nec video repugnantiam, quia quæcumque non repugnant formaliter & possunt successiue recipi in aliquo, possunt per potentiam absolutam recipi simul: At diuersæ intellectiones possunt naturaliter recipi in intellectu: ergo absolute simul. Vel dicam Suppletore S. Thomæ, quod singula considerabunt, non in instanti, sed breuissimo tempore, diuina virtute ad hoc iuuante, & hoc est quod dicit August. *Quod mira celeritate cernentur.* Nec id est impossibile, quia in quolibet paruo tempore sunt infinita instantia in potentia. Annuat Gloss. interl. nam super illud Iob 8. *Induetur confusio.* dicit, viso iudice, mala omnia sua intelligent, sed iudicem subito videbunt, ergo pariter mala commissa, & eadem ratione omnia aliena.

Sic dicendum, *Quod iudicium non in instanti, sed in breuissimo explebitur tempore.*

QVÆRIS, *An iudicium fiat per locutionem vocalem?*

Respondet, probabilius esse totum hoc iudicium, & quoad discussionem, & quoad accusationem malorum, & commendationem bonorum, & quoad sententiam iudicis perfectum iri mentaliter, si enim vocaliter singulorum opera narrentur, inestimabilis ad hoc temporis mora exigeretur, vt notat Augustinus, qui probabile habet Marthæ dicta cap. 23. mentaliter esse exponenda. Nec obstat quod Christus iudicabit secundum formam hominis, in qua corporaliter videbitur ab omnibus in nube, virtute diuinâ (& non ab euaporationibus terræ, quæ ex aqua & terra fieri solent, quæ iam cessarunt,) formatâ eleuatus & cognoscetur iudex; hoc enim fieri potest subito, sed locutio quæ tempore mensuratur requireret immensam temporis longitudinem, si iudicium vocali locutione perageretur.

Dices ex Gregor. 26. mor. c. 20. Mag. sent. dist. 47. saltem verba iudicis audient qui eius fidem verbo tenuerunt: hoc autem non potest intelligi de verbo interiori, quia sic omnes audient verba iudicis, quia virtute diuina bonis

& malis omnia omnibus nota erunt facta aliena, & sententia iudicis.

Respondet, diuinam hanc virtutem dici in Euangelio locutionem; saluatur tamen opinio D. Gregor. quia ij qui fidem habuerunt, quam ex verbis Dei conceperunt, ex ipsis verbis iudicabuntur, vnde modo quodam speciali dicent aliquid his qui Christiani fuerunt, quod non intinabitur infidelibus.

At inquires, si Christus in forma gloriosa conspiciatur, mali gaudebunt de hac visione quæ est singularis retributio bonorum.

Respondet, quod sicut gloria amici est delectabilis, ita gloria & potestas eius qui odio habetur, contristat maximè; vnde supplicium erit reprobis, quod Isai 26. notat, *Videant & confundantur & ignis*, id est inuidia hostes tuos deuoret.

Instabis, oculus non glorificatus non est proportionatus claritati corporis gloriosi; ergo reprobi non videbunt Christum gloriosum.

Respondet, corpus gloriosum habere in potestate sua, vt demonstret se vel non demonstret oculo non glorioso, & ideo Christus poterit ab omnibus videri.

Sententia Bonorum, *Venite Benedicti percipite regnum*, cor hominis dilatat in gaudio, Sed reprobatio malorum, *Discedite maledicti in ignem æternum*, cor dissoluit; quapropter hoc exclamare libet, ô discessio! ô maledictio! ô ignis! ô æternitas formidanda! Quid primum miter! Quid primum lugeam! Quid magis amplificem! An separationem à Deo quæ priuationem gloriæ habet, & pœna damni vocatur omnium grauissima, estque principalis damnatio? An ignem crudelissimum, qui pœnam sensus inexplicabilem facit? An malorum omnium nunquam finiendam Æternitatem? Memorare ergo amantissime Lector istud nouissimum. *Inde venturus est Christus iudicare, &c.*

Cuius regni non erit finis.

Nequaquam in illo actu iudiciali de quo superius, sita est tota Christi hominis gloria, tota pars laboribus, tota operibus bonis amplificata; nequaquam tali celebrato iudicio humanitas quam assumpsit considerare desinet ad dexteram Patris, aut regia dignitate sua spoliabitur, ac summo illo iure quod in res omnes obtinet, sed iuxta Angeli Gabrielis vaticinium: *Regnabit in domo Iacob in æternum, & regni eius non erit finis.* Hoc declarabitur in articulo de vita æterna.

EXPLICATIO TERTIÆ PARTIS

Symboli, quæ ad Spiritum Sanctum pertinet,
& facit Articulum Octauum,

Et in Spiritum Sanctum:



Ordinatè procedit Symbolum in proponendis fidei dogmatibus, quæ ad unum verum Deum, huncque trinum in personis manifestandum terminantur: quare expressâ iam per distinctos articulos notione eorum quæ ad primam & secundam personam, Patrem scilicet & Filium spectant: nunc docet credere in tertiam, quam Spiritum sanctum nominat: (per singularem scilicet appropriationem,) etsi enim Patris & Filij persona utraque spiritus sit, & sancta: imò Angeli & anima beata sic nuncupari possint: tamen quia Christus hanc tertiam personam sic expressit, (ut referunt Evangelistæ Matth. 28. Docete omnes gentes, baptizantes eos in nomine Patris, & Filij, & Spiritus sancti. Luc. 1. Spiritus sanctus superueniet in te. Marc. 1. Ille vos baptizabit Spiritu sancto. Ioan. 3. Nisi quis renatus fuerit ex aqua & Spiritu sancto. Act. 1. Accipietis virtutem Spiritus sancti in vos, & eritis mihi testes.) Ecclesia Catholica alio non utitur nomine, nec aliud habet quo exprimere possit illam communicationem Patris & Filij per modum amoris, quæ spiratio solet dici, quare persona illa per spirationem producta, Spiritus sanctus dicitur: Dicit verò Cyprianus, Spiritum sanctum nomen accepisse à vento quem trahimus & afflamus, ut respiratio, aspiratio, suspiratio, inspiratio, expiratio, à Spiritu sancto, & causam habeat & materiam & prouentum; quòd agrè admittam, cum ante omnem flatum sic dictus habeatur: Quando ferebatur super aquas. Germanè dixerim Spiritum sanctum vocari, quia ipse uti terminus æternarum productionum ad intra declarat spiritualia & sancta in Deo omnia esse, suumque germanum & caracteristicum effectum ad extra esse creaturæ sanctificationem. Pauca hic exponenda restant de sanctissima ista persona, cum in Tractatu de SS. Trinitate examinata sint quæ in scholis discutiuntur. Hoc unum enucleandum habeo, quod in Symbolo exprimitur, quòd sit Dominus, &c.

Q V Æ S T I O I.

*Cur Spiritus sanctus sit tertia Persona
in Diuinitate.*

Suppositâ & suprâ in Tract. de SS. Trinit. declaratâ summâ æqualitate personatum diuinorum, consequenter quòd Spiritus sanctus verus sit Deus, ut 1. Cor. 16. scribit Paul. Nescitis quia corpora vestra templum sunt Spiritus sancti. Vnde infertur Spiritum S. esse Deum; nam templum & sacrificium sunt relata, & solus Deus sacrificium sibi proprium habet. Et Aq. 5. cum B. Petrus Ananiam mentitum esse dixisset Spiritui sancto, adiecit: Non mentiris hominibus, sed Deo.

Vnde S. August. tract. 74. in Ioan. Hic est utique in Trinitate Spiritus sanctus, quem Patri consubstantialem & coæternum fides Catholica confitetur.

Prænotata etiam singulari doctrina de ordine originis & naturæ in diuinis acuatè explicato, ordinè productionis Spiritus sancti exponendo, perennique habere locum in diuinis ex ipsa Scriptura, SS. Patribus, & ratione ostendo.

Probatur ex Scriptura, 1. Ioan. 5. Tres sunt qui testimonium dant in calo, Pater, Verbum, & Spiritus: & hi tres unum sunt. Matth. 28. supra cit. 1. Cor. Nemo potest dicere Dominum Iesum nisi in Spiritu sancto. Qui textus clarissimè indicant vnitatem substantiæ & diuinitatis in Spiritu sancto, & ordinem eius in diuinitate, id est supponere productionem Filij. Eundem ordinem, diuinitatem & æqualitatem

Q. 14. de
SS. Trinit. de-
clarata est
perennitas na-
tura & origi-
nis in diuinis,
fol. 2. 3.

scilicet declarat ille Ecclesie versus: *Gloria Patri, & Filio, & Spiritui sancto*, qui ut notat Baroni-
 nius, ortum habet ab Apostolis, & additur post
 quemlibet Psalmum, ut mentem recolligamus,
 & non nisi Trinitatis gloriam in tota psalmodia
 attendere moneamur, tribuendo æqualem glo-
 riam tribus personis, memores quod Pater sit
 à se, Filius à Patre, Spiritus sanctus ab utroque,
 consequenter tertia persona in diuinis: Pater uti
 sol æternus, Filius æterni huius solis radius, &
 Spiritus sanctus ardor solis & radij huius.

Probatur ex SS. Patribus, Hilar. lib. 1. de
 Trinitate hæc habet: *Conserua hanc oro, fidei mea
 religionem, ut semper obsecram Patrem, scilicet
 te, & Filium tuum tecum adorem, & Spi-
 ritum sanctum tuum, qui est per unigenitum
 tuum promeretur*. Athanas. in suo symbolo, ut re-
 fert S. Thom. 1. part. q. 42. art. 3. *Ubique est
 pluralitas sine ordine, ibi est confusio, sed in per-
 sonis diuinis non est confusio, sed ordo originis,
 absque prioritate tamen qui ordo vocatur ab
 August. orat. de 3. hæresibus, ordo naturæ, Non
 quo alter sit prius altero, sed quo alter est ex
 altero*. Ambrosio lib. 2. de fide, ad Gratian. ubi
 explicans trisagium ex Isai. cap. 6. *Quid sibi
 vult, inquit, sub uno nomine trina sanctitatis
 repetitio, &c. Non dixit semel, ne filium se-
 questraret, non bis, ne Spiritum sanctum præ-
 teriret, non quater ne creaturas adingeret*. Vbi-
 que vides Spiritum sanctum tertio loco recen-
 seri, quod infert tertiam esse personam.

Probatur ratione: Spiritus sanctus in Scriptu-
 ris vocatur amor & charitas, quæ notum est
 spectare ad voluntatem: ergo ipse præsupponit
 actionem intellectus, & consequenter pro-
 ductionem Filij à Patre, seu prima persona;
 ergo ipse est tertia. Veritatem hanc probat plu-
 ralitas personarum; Processiones earum, &
 natura ipsa processionis, quæ distinctionem rea-
 lem supponit, nam origo & processio realis
 vnus ab altero exigit necessariò duos respectus:
 quorum vnus sit procedentis ad principium à
 quo procedit, alter, ipsius principij ad id quod
 ab illo procedit.

Relationes autem in diuinis distingui inter se
 realiter, constat ex Concilio Toletano vndeci-
 mo in confessione fidei, ubi dicitur in relatio-
 ne cerni numerum personarum; hoc est, idè
 tres personas in diuinis realiter inter se distingui,
 quia inter ipsas relationes aliquæ reales inue-
 niuntur: vnde infertur etiam relationes ipsas
 realiter inter se distingui, cum quicquid realiter
 distinguit vnum ab alio, debeat esse realiter di-
 stinctum à reali distinctiuo illius.

Q V A E S T I O I I.

*Quomodo producat Spiritus sanctus,
 & quo sensu vocetur Amor, vide
 Tractatum de SS. Trinitate.*

AD vberiore cognitionem eorum quæ
 supradicta sunt de processione Spiritus
 sancti, de qua agere hic proprius est locus,

Nota, in hoc conveniunt Philosophi, quod
 cognitio præcedat amorem; vnde Axioma, *Vo-
 luntas non fertur in incognitum*. Cognitio enim
 præcedit amorem, uti aurora diem, & sicuti

Carriera in Professionem Fidei.

res cognoscitur, ita & diligitur, qualis siquidem
 est cognitio, talis est & amor, defectus aut per-
 fectio notitiæ refluit & redundat in amorem rei
 cognitiæ; radix enim amoris est notitia, vnde si
 sit error aut mendacium in notitia, erit & in
 amore subsequente; at si vera & perfecta sit co-
 gnitio, verus & perfectus erit amor, quanto-
 que limpidior & comprehensius erit notitia,
 tantò & excellentior erit amor.

Pater ergo æternus intelligit funditus &
 comprehendit abyssum naturæ suæ diuinæ, &
 sicuti cognitione & intellectu suo totum nouit,
 producit & totum quod essentialiter suum to-
 tum est, id est conceptum seu Verbum, ita sibi
 æquale & commensuratum quod vtriusque con-
 cipientis & conceptus vna est numero natura,
 sicuti ergo essentia Verbi seu conceptus est es-
 demmet essentia & natura, inde est quod non
 tantum verus est iste conceptus seu Verbum, sed
 ipsamet veritas essentialiter & naturaliter, cum
 ipsamet producentis naturam habeat.

Quia autem Amor assimilatur notitiæ quæ
 hic & infinita & substantialis est amor, qui à co-
 gnoscente & cognitione procedit, substantialis
 pariter & infinitus est. Datur autem vnicum es-
 sentialiter & substantialiter infinitum quod
 Deus est, & inde resultat amorem illum cognos-
 centis & cogniti, seu Patris & Filij Deum
 esse, Deum inquam vnum in essentia cum Pa-
 tre & Filio, personaliter tamen distinctum à
 Patre & Filio.

Præterea sicuti naturale est Patri Filium pro-
 ducere, ipsūque amare uti infinitè bonum, ita
 naturale est Filio gigni à Patre, ipsūque amare
 uti infinitè amabilem. In actu autem amoris tria
 concurrunt, Amans, Amatum, & Amor è duo-
 bus resultans: Pater est Amans, Filius Amatum,
 Spiritus sanctus est amor, qui æqualis esse de-
 bet Amanti & Amato, consequenter consub-
 stantialis, coæternus, & coinfinitus est vtrique:
 aliàs enim non esset eis æqualis, consequenter
 imperfectus esset, quod impium est dicere. Amor
 autem iste substantialis & subsistens in seipso
 nuncupatur suppositum, seu persona, hæcque
 dicitur Spiritus sanctus.

Notandum autem hoc nomen *Amor*, in di-
 uinis duplici modo sumi posse, primò essentia-
 liter, pro illo amore essentiali & absoluto com-
 muni tribus personis, quo tres personæ diuinæ
 diligunt. Secundò notionaliter, idque vel acti-
 uè, scilicet pro amore notionali productiuo quo
 Pater & Filius producunt Spiritum sanctum, vel
 passiue pro amore notionali producto, & tunc
 est nomen personale solius Spiritus sancti pro-
 prium, sicque dicitur, quia cum duæ personæ
 diligunt se arctissimo perfectissimoque amore,
 eius impulsu reciproca sit inter eas communi-
 catio, vnde communiter dicitur eas viuere vno
 spiritu, quia in eundem hæ conspirant finem,
 eandemque rem diligunt; perfecta siquidem
 dilectio nihil aliud est quam duarum volunta-
 tum connexio. Ideoque persona diuina quæ à
 Patre & Filio procedit per modum amoris voca-
 tur Spiritus S. nam sicuti in nobis spiritus est vin-
 culum animæ & corporis, sic spiritus ille diui-
 nus, (quanquam excellentiori inextinguibili mo-
 do,) nexus est & vinculum Patris & Filij: vo-
 catur sanctus, non tantum ob productionis suæ
 sanctitatem, sed etiam ob temporalem sanctita-
 tem quam quotidie operatur in nobis.

*Amor in
 diuinis su-
 micur vel
 essentialiter,
 scilicet tribus
 personis, vel
 notionaliter,
 scilicet vel
 actiuè, vel
 passiue.*

In Spiritu Sancto terminantur productiones dignæ, quia in ea duæ tantum potentie productiue agnoscuntur, intellectus, scilicet & voluntas: Prima earum fit per viam intellectus, secunda per voluntatem, non quod tamen ista posterior sit aut imperfectior prima, nec enim datur successio in diuinis, ubi omnia sunt æqualiter æterna & infinita perfecta, sed origine tantum subsequitur.

QVÆSTIO III.

Cur Spiritus Sanctus dicatur Dominus & Viuificans.

Concilium Constantinopol. expressit hæc verba ad insinuandam summam istius personæ cum aliis duabus æqualitatem & consubstantialitatem, sic proscripserunt hæresis Macedonij & eius assecutorum, qui (vt refert Sozomenus, lib. 4. cap. 26.) assererent Spiritum Sanctum non esse Deum, sed aliquam substantiam spiritualem superiorem omnibus Angelis creatam à Patre per Filium, qui error fuit etiam Arrij, qui sicut Filium, ita etiam Spiritum Sanctum creaturam dicebat, teste Sancto Epiphanio hæresi 69. Licet enim Symbolum Apostolicum proponat credendum æquè in Spiritum Sanctum, sicut in Patrem & in Filium, vnde vniuersalis Ecclesia profitetur consubstantialitatem personarum. Hæc ad suppressas hæreticorum blasphemias declaranda fuit expresse pleno istius personæ dominio quod in res creatas vt Deus habet, sic nō potest putari aliquid minus esse Patre & Filio cum æquè ac illis assignatur præcipuum ius, quod Deus habet in viuentia & creaturas omnes, videlicet conferendi iis esse seu vitam, & cum voluerit auferendi. Ob id namque offertur soli Deo vero sacrificium in quo creatura immutatur, vt ea ratione ipsum vnum profiteamur esse authorem vitæ & necis.

Dominium in creaturas Deus habet ex creatione per quam liberè eis dedit esse, quas & liberè potest annihilare, Deus autem est causa rerum seu creator per intellectum suum & voluntatem sicut artifex rerum artificiarum. Vnde & Deus Pater operatus est creaturam per suum Verbum quod est Filius, & per suum Amorem qui est Spiritus Sanctus, sicque æqualiter concurrunt tres personæ, eisque æqualiter dominium rerum conuenit, quare Scriptura non omisit mentionem facere in creatione mundi Spiritus Sancti. Terra, ait, erat inani & vacua, vel vt alij legunt inutilis & incompressa, & tenebræ erant super faciem abyssi, sed postea adjicitur. Spiritus Domini ferebatur super aquas, hinc dicit. Psalmista Verbo Domini calis firmati sunt & spiritu oris eius omnis virtus eorum.

Dices, Symbolum attribueret soli Patri creationem.

Respondeo, quod licet natura diuina sit communis tribus personis, conuenit tamen eis ordine quodam in quantum Filius eam accipit à Patre, & Spiritus Sanctus ab utroque, ita etiam virtus creandi licet sit communis tribus Personis & dominium, inde exurgens, ordinetamen quodam eis conuenit. Nam Filius habet eam à

Patre, & Spiritus Sanctus ab utroque, vnde creatorem esse attribuitur Patri vt ei qui non habet virtutem creandi ab alio.

VIVIFICANS dicitur, scilicet per appropriationem, licet enim attributa sint tribus communia, vt pote essentialia, consequenter ex hoc *Viuificans*, aliqua tamen personis appropriantur, vt notauimus in questione de appropriatione. Patri, verbi gratia, attribuitur & appropriatur potentia quæ maximè manifestatur in creatione, & ideo datur ei *Creatorem esse*. Filio, sapientia per quam agens per intellectum operatur, & ideo dicitur de Filio, *Per quem omnia facta sunt*. Spiritui Sancto autem appropriatur bonitas ad quam pertinet gubernatio deducens res in debitos fines, & viuificatio, nam in interiori quodam motu vita consistit. Primum autem mouens est finis & bonitas.

Licet autem quilibet effectus Dei procedat ex quolibet attributorum, tamen reducitur vnusquisque effectus ad illud attributum cum quo habet convenientiam secundum propriam rationem: sicut ordinatio rerum ad sapientiam, & justificatio impij ad misericordiam & bonitatem se superabundanter diffundentem, Creatio verò quæ est productio ipsius substantiæ rei reducit ad potentiam. In Canone 7. Conc. primi Constantinop. sub Damaso Papa dicitur, *Credimus in Spiritum Sanctum, & Viuificatorem, ex Patre procedentem cum Patre & Filio adorandum & conglorificandum, qui locutus est per Prophetas.*

Ratio singularis huius viuificationis attributæ hæc est, quia Spiritus Sanctus ex vi processionis suæ est donum quod viuificat, regit ac illuminat Ecclesiam, nihil enim æterna vita dignum efficere possumus sine numinis eius afflatu: ipse ergo Spiritus Sanctus confert Ecclesiæ omnem perfectionem, ornatum, fortitudinem & sanctificationem; vnde August. serm. 185. de tempore missum dicit, *Vt quæ Saluator inchoarat virtus Spiritus Sancti consummet, & quod ille acquisierat, iste custodiat, quos ille redemit, iste sanctificet.* Redemptionis ergo & iustificationis consummationem Spiritui Sancto assignat, ita vt Spiritus Sanctus qui est Trinitatis complementum, idem etiam sit per quod omnia perficiantur, ubi animaduerte Augustinum vocare Spiritum Sanctum Vicarium, id est successorum Christi.

Sed & rectè Spiritus Sanctus dicitur viuificare Ecclesiam, quia iuxta August. spiritus idem in ea efficit quod anima in corpore: *Omnia membra vegetat, per oculos videt, per aures audit, per linguam loquitur, per manus operatur, per pedes ambulat, omnibus simul adest membris, vt viuam vitam dat omnibus, officium singulis.* Ita August. Hoc etiam facit Spiritus S. in Ecclesia quæ est corpus vnum, & fideles membra. Licet ergo Ecclesia haberet membra ante Spiritus Sancti aduentum, videbantur tamen mortua & sine operatione, sed ubi venit, omnia actum suum habuerunt, & Apostoli magno cum seruire munus proprium obierunt prædicando, miracula edendo, populos ad fidem Christianam conuertendo.

Viuificatio: signatur Spiritui S. quia refertur ad bonitatem appropriatam ipso, licet sit communis tribus personis.

Dominium in creaturas æqualiter competit tribus.

QVÆSTIO IV.

Qui à Patre Filioque procedit.

Veritas hæc stabilita est in Tractatu de Trinitate, addendum tamen est aliquid ob tenorem Symboli quem elucidamus.

Probatur ergo ex Scriptura Ioan. 16. *Ille me clarificabit, quia de meo accipiet & annuntiabit vobis. Omnia quaecunque habet Pater, mea sunt, propterea dixi de meo accipiet & annuntiabit vobis.* Peto, quid potest esse illud Filij de quo accepturus est Spiritus S. præter diuinam essentiam, vna cum scientia & perfectionibus aliis ei adjunctis; Est sanè illud commune Patri & Filio, vnde ait. *Omnia quaecunque habet Pater, mea sunt.* Sola autem hæc essentia vtrique est communis, illam igitur à Filio quoque accipit, quod nihil est aliud quàm procedere. Dices nego consequentiam istam, *illam igitur à Filio quoque accepit Spiritus S.* Etsi enim allata Christi verba probent Spiritum S. accipere de eo quod est Filij non tamen probant accipere à Filio, nec proinde ab illo procedere.

Insto contra, nam inter alia quæ Patris sunt & non repugnant Filio ponitur spirandi principium cum ergo dicat Filius sua esse omnia quæ sunt Patris, vtrique illi quoque conuenit esse Spiritus Sancti principium, atque hoc sibi vult ratio quam affert Christus dicens. *Omnia quæ habet Pater mea sunt, propterea dixi, &c.* Ad hæc Sp. S. ab illo accipit essentiam à quo scientiam, quia ob summam simplicitatem essentia & scientia in diuinis non differunt, sed à Filio quoque accipit scientiam, Ioan. 14. *Suggeret vobis omnia quaecunque dixero vobis,* seu quæ communicabo illi, vt dicat vobis, ergo & essentiam. Iam verò quomodo à Filio essentiam accipit, si non ab illo procedit, Probatur item ex locis quæ Spiritum S. mitti à Filio dicunt. Ioan. 16. *Si autem abiero mittam eum ad vos,* & cap. 15. *Cum venerit Paracletus, quem ego mittam vobis à Patre.* Atqui missio in diuinis personis denotat processionem, vt explicant S. Patres Gregor. hom. 26. in Evang. *Missio, inquit, Spiritus S. est eius processio de Patre & Filio.* Hilari. lib. 8. de Trin. *Spiritus S. mittitur à Filio, quia ab illo esse accepit.* Ambros. lib. 2. de Sp. S. Aug. tract. 99. in Ioan. cap. 12. exponit verba, *de meo accipiet, de eius processione.*

Tria Concilia Ephes. Chalc. & Florentinæ hanc processionem Spirit. S. à Patre, & Filio Græci consensu vtriusque definiunt.

Probatur ex Conc. Ephes. in quo lecta & recepta fuit Epist. S. Cyrilli ad Nestorium, tom. 1. cap. 12. in ea autem manifestè dicitur Spiritum Sanctum à Patre & Filio procedere, In Concil. Calced. act. 5. eadem Epistola confirmatur. Ac denique in Conc. Florentino sess. 7. & 24. eadem Veritas simpliciter & absolute definita fuit consentientibus simul Latinis & Græcis: tametsi postea Græci ab hac fide defecerint.

Probatur ex SS. PP. vt Basil. lib. 3. contra Eutonomi, S. Chrysostom. hom. 4. de Symbolo, Greg. Nyssen. Epistola ad Ablaucum, & pluribus aliis qui vnanimes id docent, & quorum doctrina fusa in præfatio Conc. Florent. declaratur. Idemque expressè habet Symbolum Athanasij.

Probatur ratione, Pater prius a parte generat Filium in primo instanti nature quàm spirer, cum prior sit actus intellectus, quàm voluntatis; ergo in illo priori Filius habet sibi communica-

tam potentiam actiuam spirandi; ergo simul cum Patre spirat, cum spirare sit naturale ac necessarium, nec dicas Patrem sufficienter spirare, vnde excludas spirationem Filij. Respondeo, si quidem Patrem & Filium sufficienter spirare non duabus spirationibus, sed vnica tantum & vnico principio, scilicet voluntate scæcunda vna numero in Patre & Filio. Vide suo loco dicta.

Dicunt Græci Scripturam significare Spiritum Sanctum procedere tantum à Patre, Ioan. 15. *Cum veneris Paraclitus, quem ego mittam vobis Spiritum veritatis qui à Patre procedit.* Ibi non dicit à se procedere.

Respondeo hic potius significari contrarium. In diuinis enim persona non mittitur, nisi illa quæ procedit à qua mittitur. Cum ergo Christus dicit se missurum Spiritum Sanctum, significat etiam quod à se procedat.

Mitti autem dicitur persona diuina dum aliqui incipit esse nouo modo, quo ibi prius non erat: Sic Filius missus est in mundum dum nouo modo per humanitatem cæpit esse in mundo, sic & Spiritus Sanctus dicitur mitti cum alioqui sit vbique, quia cæpit esse cum Apostolis per nouam gratiam efficacem. Ita & in aliis fidelibus.

Instabis, cur Christus non dicit quem mittam à me, aut qui à Patre Filioque procedit.

Respondeo, quia Filius habet à Patre essentiam diuinam & consequenter à Patre habet vim spirandi & mittendi, idè dicit quem mittam à Patre, sicut Gen. 19. *Pluit Dominus à Domino,* id est, Filius à Patre. Et Christus loquens, vt homo reuerentiæ causa sæpè sua omnia refert ad Patrem, satis verò significat à se procedere dum de Spiritu Sancto dicit. *Ille me clarificabit, quia de meo accipiet & annuntiabit vobis.* Hoc est sicut à me habet per productionem essentiam, ita & scientiam omnem.

Anno Christi 593. in Concilio Toletano 3. in quo damnata est hæresis Ariana, & quicumque non crederet Spiritum Sanctum à Patre & Filio procedere, eisque coæternum & consubstantialem esse.

Anno 633. in Concilio Toletano 4. quod generale dictum est Episcoporum 70. Pars enim Narbonensis tunc parebat Regibus Hispaniarum. Primo loco edita est à Patribus Fidei Catholice professio in qua inter alia Spiritum S. à Patre Filioque procedere ex doctrina antiquorum professi sunt.

Anno 679. in Anglicana Synodo expressè assertitur processio Spiritus Sancti, à Patre Filioque, hoc refert Beda, lib. 4. cap. 17.

Anno 680. coacta est Synodus Romæ sub Agatone PP. generalis dicta 125. Episcoporum aduersus Monothelitas, in ea nullus est sancitus Canon, quia non ob aliud conuocata fuit quam ad fidem Catholicam confirmandam & legationem Constantinopolim decernendam ad Synodum OEcumenicam. Cæterum in Synodi Epistol. ab Episcopis subscripta dum in confessione fidei assertur Spiritus Sanctus à Patre Filioque procedere malam manum Græcorum nomen Filij abrafisse conquestus est in Concilio Florentino Iulianus S. R. E. Cardinalis, idque longè antea aduerterat Emanuel Caleca Græcus author in commentariis aduersus Græcorum errores conscriptis.

Anno 787. Concilium VII. Oecumenicum Nicæ Bythinæ celebratum sub Adriano Papa, sancta est in 7. sessione Catholice fidei definitio, facta confirmatio reliquarum sex Synodorum vniuersalium: deinde Catholicum Symbolum recitatum cum hac de Spiritu sancto professione, qui à Patre Filioque procedit; & cultus sacramentorum imaginum contra impugnantes stabilitus.

Tempore Pipini organum musicum in Gallias inventum.

Quæstio autem de processione Spiritus sancti, agitata iam fuerat inter Græcos & Latinos, in Synodo Gentiliaca prope Parisios celebrata, annuente Pipino Rege Franciæ: nobilem siquidem legationem Copronymus Imperator Iconoclastarum anresignatus adornauerat ad Regem, cui inter alia misit organum musicum, (hocque primum visum in Galliis,) eumque plurimam in Constantinum Copronymum, eiusque sectatores, quorum plurimi ad illam Synodum conuenerant, obicerent occidentales, ac præsertim ea quæ ad sacramentorum imaginum cultum spectarent, Græci contra Latinis vitio verbebant, quod adiecissent ad Symbolum, *Filioque*.

Constantinop. Conc. non expressit à Filio, quia nondum quæstio hac proponebatur.

Vide ergo antiquam doctrinam de Spiritu sancti processione & pertinacem Græcorum errorem: Licet autem Constantinop. Concil. sub Damaso Papa celebratum proximè post Nicænum anno scilicet 381. ediderit Symbolum in nullo diuersum ab eo quod nunc canitur in Ecclesia, nisi quod tantum dixerit Spiritum S. à Patre procedentem, suppressa persona Filij: id non fauet Græcis, quia nondum ventilabatur quæstio de processione, definita postmodum in Conciliis allegatis. Vide infra in Artic. Traditionum. Concil. Florentinum sub Eugenio IV. celebratum 1439. exactè disputat cum Græcis, An ritè facta fuerit à Latinis ea additio in Symbolo *Filioque*? definitum est veritatis declarandæ gratia, & imminente tunc necessitate licitè ac rationabiliter appositam hanc vocem, *Filioque*.

QVÆSTIO V.

An Spiritus sanctus procedat à Patre & Filio, tanquam ab vno principio?

ELucidata est hæc difficultas in quæst. 34. de SS. Trinit. & conclusio affirmatiua tanquam veritas Catholica amplectenda est, vt habetur in Conc. generali Lugdunensi cap. vlt. de summa Trinit. & fide Catholica: & in Conc. Florentino sess. vltimâ in litteris vniõis dicitur Spiritum S. à Patre & Filio, tanquam vno principio & vnica spiratione procedere.

Probatur secundo ex August. lib. 5. de Trinit. cap. 14. vbi sic loquitur: *Sicut Pater & Filius & Spiritus S. sunt vnus Creator & vnus Dominus: ita Pater & Filius sunt vnicum Spiritus S. non duo principia.* Hilarius lib. 4. de Trin. & Ansel. lib. de Spiritu S. process. cap. 10. loquuntur eodem modo.

Probatur tertio ratione: siquidem in diuinis omnia sunt vnum vbi non obstat oppositio relatiua; Atqui inter Patrem & Filium, quatenus spirant, nulla est eiusmodi relatiua oppositio, vt per se patet: Ergo

Obseruandum est, quod quamuis rectè dici possit Spiritum S. procedere à duobus vim spirandi habentibus, ac proinde esse duos spirantes, quia scilicet procedit à duabus distinctis personis, non tamen dici possit esse duos spiratores. Ratio huius discriminis est quod adiectiua nomina plurali numero effectui poliunt, quoties sunt diuersa supposita, quamuis non sint diuersæ formæ: substantiua verò multiplicari non debent, nisi & forma quam significant multiplicetur. Itaque rectè dicimus duos habentes vim spirandi, vel duos spirantes adiectiue, quia sunt duæ personæ, sed non dicimus duo principia, nec duos spiratores substantiue, quia vnica est forma & vna virtus per quam spirant.

Nomina adiectiua pluraliter prædicari possunt in diuinis quod sunt diuersa supposita.

Dices, S. Hilarius lib. 1. de Trin. vocare Patrem & Filium authores Spiritus sancti, proindeque eodem modo posse dici spiratores.

Respondeo apud SS. Patres quibuldam in locis, sensum potius illorum attendi debere quam verba. Quamuis enim nonnunquam nomina substantiua pro adiectiuis usurpent ad hoc mysterium explicandum, nihilominus illa substantiua modo adiectiuo intelligi debent, vt de S. Hilario docet S. Thomas quæst. 36. art. 4. ad 7.

QVÆSTIO VI.

De Missione Spiritus sancti.

Certum est ex Scripturis, secundam & tertiam personam SS. Trinitatis mitti: de Filio constat Matth. 15. *Non sum missus nisi ad oues quæ, &c.* Et Ioan. 6. *Misit me viuens Pater,* De Spiritu S. Ioan. 14. *Spiritus S. quem mittet in nomine meo.* Et 15. *Cum venerit Paraclitus quem ego mittam vobis.*

Pater non dicitur mitti, quia missio importat processionem à mittente, Pater autem à nullo est. Vide quæ digessi quæst. 40. de SS. Trinitate. D. Thom. 1. part. quæst. 43. docet duo in ratione missionis importari, quorum vnum est respectus rationis, seu habitudo missi ad principium à quo mittitur: aliud est habitudo & respectus rationis missi ad terminum ad quem mittitur. Est autem habitudo missi ad eum à quo mittitur quædam ab ipso processio, idque vel per imperium, vt cum seruus à domino mittitur, vel per consilium, vt si Rex dicatur mitti à Consiliariis ad incundum bellum, vel secundum originem, vt cum flos emittitur ab arbore. Habitudo verò missi ad terminum ad quem mittitur, est vt aliquo modo ibi esse incipiat, quia nempe ibi antea omnino non erat; vel incipiat ibi aliquo modo esse quò prius non erat.

Cum autem nouus ille modus, quo diuina persona missa dicitur vbi antea non erat, sit secundum aliquam operationem ad extra, qua aliquid efficit in creatura: nihil autem in creatura operetur nisi per entitatem suæ naturæ quam accepit à persona mittente seu producente, hinc fit vt habeat ab ipsa quod aliquid efficiat in creatura. Et sic, cum nouo modo incipit esse vbi non erat, iure ac merito illuc à persona producente mitti censetur.

Intellige autem, quod quamuis omnes personæ diuinæ dici possint venire ad nos, iuxta illud Ioan. 14. *Ad eum venimus & mansionem*

Missio in diuinis est nouus modus operationis ad extra.

sionem apud eum faciemus. Non tamen omnes aut quolibet illarum mitti potest, quia missio est annexa indissolubiliter processioni. Et licet effectus quem persona missa operari dicitur procedat communiter à tota Trinitate, assignatur tamen personæ missæ, quia producit ad demonstrandam specialiter hanc vel illam personam, vel quia tali personæ appropriatur attributum diuinum (et si commune tribus,) v.g. bonitas Spiritui S. cui competit iustificare & dare gratiam.

QVÆRES, *Ad quænam effectus diuina persona mitti dicatur?*

Respondetur mitti primariò & præcipuè ad conferendam gratiam sanctificantem, unde quando scriptura loquitur de missione alicuius personæ diuinæ illum effectum communiter adiungit, vt Ioan. 5. *Ego veni ut vitam habeant, & abundantius habeant.* Et Rom. 5. *Charitas Dei diffusa est in cordibus nostris per Spiritum sanctum, qui datus est nobis.* Secundariò verò ad omnes alios effectus quos persona diuina missa potest variè & multipliciter in creatura operari, quo fit vt missio diuinæ personæ esse possit vel inuisibilis, cum sit solum per productionem gratiæ, siue gratum facientis, siue gratis datæ; vel visibilis cum aliquid præterea exterius in creatura operatur.

Obseruat autem S. Tho. art. 3. nunquam mitti personam diuinam, quin simul etiam mittatur inuisibiliter secundum aliquod gratiæ donum.

Spiritus sanctus in nouo Testamento visibiliter missus est quater. Primò in Baptismo Christi sub specie columbæ, quia columba est puritatis symbolum, quam Spiritus S. operatur in nobis, & significabat puritatem quam Christus attulit, & impertitus est aquis ad animas sanctificandas.

Secundò, in specie nubes lucidæ: hæc in Scriptura est symbolum maiestatis diuinæ.

Tertiò, sub specie flatus, quando Apostoli acceperunt potestatem remittendi peccata.

Quartò, in specie ignis in Pentecoste, quia instar ignis mentes purificat, illuminat, accendit, & ad res celestes eleuat.

Nota, quòd olim Patribus ante Euangelium factæ fuere apparitiones visibiles personarum diuinarum, quæ missiones visibiles non dicuntur, quia non fuerunt factæ ad designandam inhabitationem diuinæ personæ per gratiam in illis, sed ad aliquid tantum manifestandum, ita S. August.

Nota, dari quidem Spiritum S. omnibus iustis, sed tamen non dici mitti ad quempiam, nisi quando proficit in aliquem nouum actum vel statum gratiæ, vt puta cum aliquis proficit in gratia miraculorum aut prophetiæ, vel in hoc quòd ex seruire charitatis exponit se martyrio, aut abrenunciat his quæ possidet aut aggregatur opus arduum, ita D. Tho. q. 43. art. 6. ad 2. Ratio ob quam magis dicitur Spiritum S. dari iustis est, quoniam iustificatio est proprium opus amoris qui appropriatur Spiritui sancto.

Apparitiones Spiritus S. fuit in Pentecoste, voluit enim tunc visibili signo se quasi visibilem exhibere & visibiliter Apostolis illabi. Vnde August. serm. 185. de temp. *Adfuit in hac die fidelibus suis, non iam per gratiam visitationis & operationis, sed per ipsam presentiam maiestatis.* Id est re ipsa & phylicè ipsa per-

sona Spiritus S. cum gratia & donis per symbola assumpta representatis data est eis, consequenter Pater & Filius; anima siquidem iusti est templum ac thronus Dei, ac proinde propriè & intimè in ea est præsens Deus, quàm est in rebus creatis per essentiã, præsentia & potentia imò si per impossibile Deus nõ esset in anima per essentiã præsentia & potentia reciperet; inciperet ibi esse realiter per gratiam & iusticiam, inquit Suarez lib. 1. de Deo trino & vno, vbi & hoc addit, amicitia exigit præsentiam amici: iustitia autem & charitas est amicitia Dei plena: ergo Deus animæ sanctæ, quasi amico suo est præsens, in eaque habitat quasi in templo suo, vt anima cum præsentem colat & amet.

Spiritus S. præter visibilem apparitionem Apostolis exhibitam (quæ erat cum gratia sanctificante, inuisibili,) gratias gratis datas & dona sua ipsis plenè dedit. Horum præcipuos & maximos effectus septem enumerat Ilias cap. 11. Spiritum videlicet sapientiæ, intellectus, consilij, fortitudinis, scientiæ, pietatis, & timoris Domini. quæ vt 1. Ioan. 3 dicitur: *Faciunt vt diuina natura participes effecti filij Dei nominemur & simus.* Quod plenum suum effectum habuit in Apostolis, vt institutoribus Christianismi. Non ergo mirum si *Repleti Spiritu S. ceperunt loqui variis linguis*, quas ad donum sapientiæ referre non est difficile, cum sapientis sit pro tempore & loco aptum profert sermonem. Vide apud Interpretes expositionem linguarum ignearum in quibus apparuit Spiritus S. Vnum hic notasse sat mihi, Apostolos donum linguarum accepisse, quòd sic non fuit vt vna, scilicet Syrohebræa loquentes vt patria, loquentes à variis variarum linguarum Gentibus fuerint intellecti, (quòd tamen sæpius accidisse non negarim,) cui sententiæ fauet quod Act. 2. cap. vers. 11. dicitur: *Audimus eos loquentes nostris linguis.* Et Cyprian. serm. de Spiritu S. Dionys. Chart. S. Arator. Oecumen. tenuerunt, idemque accidisse B. Vincentio Ferrerio Valentinianno, qui materna seu hispana lingua concionans, intelligebatur à Flandris, Italis, Gallis, Anglis, & Aniciensibus, vt à doctissimis & probatissimis viris, veratissimis in historia temporum audiui Anicij, dum Quadragesimam ibi in Ecclesia Cathedrali obire. Sed quòd Apostoli & fideles singuli, quos textus 120. supputat, vicissim & successiue variis linguis ex infuso habitu pro tempore opportuno ad actum reducto loquerentur; alioqui enim non tam loquentium quàm audientium fuisset miraculum. Deus autem hoc dono linguarum ornare voluit & glorificare Apostolos, vt rectè notat Nazianz. orat. 44. sicque promiserat ipsis Christus Marc. cap. 16. *Linguis loquentur nouis.*

Adde, quòd multis miraculis fuisset opus si ipsi vnà lingua loquentes, variis à Gentibus in variis linguis fuissent auditi, debuisset enim sigillarim vox & lingua cuiusque à Deo in aëre formari, & sic ad aures eius deferri. Sin autem ipsos variis linguis ad libitum locutos dicamus, vnum dumtaxat fuit miraculum, scilicet infusio linguarum facta Apostolis. Deus autem & natura non solent opera & miracula sine necessitate multiplicare. Frustra enim fit per plura quòd fieri potest per pauciora. Sic censent Cyrill. catech. 17. Aug. tract. 93. in Ioan. Ambr. in Psal. 118. S. Leo ser. 1. de Pent. Greg. hom. 30 in Euang. & alij.

Septem sunt dona Spiritus sancti.

Spiritus S. missus est quater in nouo testamento.

Præterea

Præterea non omittendum est donum linguarum complecti tria. Primò, ipsam cognitionem vocum variarum. Secundò, significationem earumdem. Tertiò, habitationem potentiarum motuarum & organorum, ad voces diuersorum idiomatum rectè & promptè formandas, per quam habitationem habebant habitualement facultatem debitè componendi, coordinandi, & pronunciandi voces & sententias cuiusque lingue; hæc enim habituatō alia est in lingua hispanica, alia in germanica, alia in gallica. Et in hoc propriè consistit habitus siue donum linguarum.

In quo consistat donum linguarum.

Ad hæc indita fuit cum dono linguarum Apostolis perfecta sapientia & cognitio rerum fidei ac sublimium mysteriorum ad quæ prædicandum destinabantur, idque significabatur per linguas, tum quia lingua & voces sunt symbola rerum & veritatum eis significatarum. Si enim Spiritus S. dedit eis accessorium instrumentum, ergo multò magis dedit ipsum principale, quod est motor & fontalis doctrinæ & prædicationis; hoc autem est clara fides & contemplatio veritatis salutatis ad hominum salutem necessariæ, vel conuenientis, inquit S. Bernardin. serm. 1. in Pent.

Insuper acceperunt Apostoli prudentiam supernaturalem, qua prouidè & prudenter omnes suos actus & sermones per tot difficultates, pericula rerum & personarum diuersitates componerent, & dirigerent ad suam aliorumque salutem. Denique acceperunt audaciam & zelum, cæterasque virtutes & dotes ad tantum munus

necessarias, easque in actu perfectò & heroico. Cui enim Sol ille diuinus fulget, huic facile cunctare fulgent. Et ad hoc missus erat Spiritus S.

*Qui cum Patre & Filio simul adoratur
& conglorificatur. Qui locutus
per Prophetas.*

Additamentum istud est Concilij Constantinop. ad maiorem diuinitatis istius tertie personæ, & consubstantialitatis expressionem; quidni enim affirmetur Spiritus S. pari studio & adoratione colendus, cum verus sit Deus, ut iam vidimus, nec Patre inferior, nec Filio, ut dicit Athan. in Symb. *Aqualis Pater, aqualis Filius, aqualis Spiritus sanctus.* Vide quæst. de æqualit. personarum. Dicitur Spiritus S. locutus per Prophetas, ut distinguatur ab illis spiritibus erroris qui loquuti sunt per ora Pseudoprophetarum: ipse siquidem est spiritus veritatis & lingua Ecclesiæ. Vnde dictum est de Apostolis: *Spiritus Patri vestri loquitur in vobis.* Lingua exprimit extetius, conceptum seu verbum interius, & ad hoc significandum descendisse legitur super Apostolos in linguis igneis, ut qui idem ipse est & non mutatur, ostenderet se à principio infudisse cordi, ori, calamo sacrorum Scriptorum, nec de cætero defuturum Ecclesiæ in suggestionem nouarum revelationum. *Hæc siquidem operatur unus & idem spiritus*, de quo scriptum est, *Spiritu sancto inspirati sunt sancti Dei homines.*



EXPLICATIO ARTICVLI IX.

Et Vnam, Sanctam, Catholicam & Apostolicam Ecclesiam.

Christianam Religionem veram esse, & ad consequendam beatitudinem absolute necessariam, satis probant & euincunt quæ in Tractatu de fide digessimus. Hanc autem specialiter consistere in confessione existentie veri Dei & mysterij Incarnationis (quod omnimodam creatoris providentiam erga hominem commendat) docet Apostolus Hebr. 11. Accedentem ad Deum oportet credere, quia ipse est & inquirentibus se remunerator sit. Et si quis à resolutione supra motorum questionum nondum plenè capit, ei ob oculos ponit S. Athanasius in symbolo suo per modum doctrinae tradito: Fides inquit Catholica hæc est ut vnum Deum in Trinitate & Trinitatem in vnitatem veneremur. Sed necessarium est ad salutem ut Incarnationem Domini nostri Iesu Christi qui vult saluus esse fideliter credat. At hæc credere & Christianam Religionem priuatim in animo tenere non sufficit, sed palam & publicè eam profiteri oportet, & idipsum dicere quod credit & dicit fidelium omnium congregatio, quæ Ecclesia appellatur, in qua Christi doctrina pura & integra habetur. Unde quicumque quantumvis Christiani nomen professi eius communionem non habent (suntque Hæretici vel Schismatici) nullo modo saluari possunt, quia extra Ecclesiam non est salus. Hinc Symbolum singularem fidei Christianæ articulum facit de existentia huius Ecclesiæ, quam ut omnes ad oculum & ad manum habeant propriis designat notionibus, quibus ab adulterina quavis facile discernatur. Credo vnam sanctam Catholicam & Apostolicam Ecclesiam.

Vbi nota mutationem formæ loquendi. Primo dixit Credo in Deum. Credo in Filium eius unicum, qui incarnatus est: iam docemur credere Ecclesiam, quia scilicet etsi de eius existentia mihi planè constet, tamen eo affectu quo Deus, minimè colitur, nec coli debet, qui affectus per præpositionem in hoc loco connotatur. Hinc illud S. Augustini serm. 13. de tempore. Credimus Sanctam Ecclesiam Catholicam: sciendum est quod Ecclesiam credere non tamen in eam credere debemus, quia Ecclesia non est Deus sed domus Dei.

Huius itaque articuli sensus est credo dari seu extare in terris vnam Christi Ecclesiam seu populum unum Christo velut capiti ac regi suo subiectum, ac consecratum, simulque profiteor & volo eidem Ecclesiæ ob reuerentiam Christi à quo perennem influxum accipit, & ob mandatum quod super hoc dedit, adherere & obsequi tanquam matri optimæ, quæ me in illo per baptismum genuit & educandum suscepit quousque occurram in virum perfectum. Quæ ergo ad perfectam Catholici nec non & Theologi institutionem sciri debent de Ecclesiâ, proferet ab elucubrationibus nostris Articulus iste. CREDO ECCLESIAM.

QVÆSTIO I.

De diuersa acceptione Ecclesie & nominibus eius.

*Ecclesia dicitur
cuius caput vo-
catur, quia
supponit Dei
vocationem
unde Chri-
stiani dicun-
tur vocati.*

Ecclēsia est nomen multitudinis & cœtus collecti & consistentis deductum à verbo Græco ἐκκλησία quod est euoco, itaque Ecclesia est euocatio seu cœtus vocatorum, dicitur autem Dei populus, cœtus vocatorum, quia nemo ad hunc populum se adiungit per se & proprio suo instinctu, sed omnes quotquot veniunt à Dei vocatione præueniuntur. Est enim vocatio primum Dei beneficium quod Sancti recipiunt. Quos vocauit, inquit, Paulus Rom. 8. hos iustificauit, quos iustificauit hos & glorificauit, & Act. 2. Quoscumque auocauerit Dominus Deus noster. Hinc Paulus toties vocat Christianos vocatos.

Ecclesiæ nomen tria notanda habet: Primum posse cum aliquo adjuncto in bonam & malam partem accipi. Psal. 25. dicitur, Ecclesia malignantium. Et Psal. 88. dicitur Ecclesia Sanctorum. Positum autem absolute intelligitur Ecclesia Dei, excepto vno loco Act. 19. vbi de Ethnico populo Ephesino dicitur, Erat Ecclesia confusa. Secundò notandum est ex Augustino in Psalm. 81. Deum fletis in Synagoga deorum, tamen eadem sit Ecclesia Veteris & Noui Testamenti; quoad essentiam cœtus scilicet vocatorum, tamen quia status Noui Testamenti est longè excellentior, idè etiam distincta esse nomina, nam populus Veteris Testamenti propriè dicitur synagoga, id est congregatio. Populus noui nusquam sic dicitur, sed semper Ecclesia, id est euocatio, nam congregari commune est hominibus & bestiis, euocari autem proprium est hominum. Hoc et nomen est, ait Augustinus, quia pecudum more, quibus magis conuenit congregari terrena & caduca tantum spectaret ludæus: Christianus verò populus dicitur Ecclesia quia terrenis & mortalibus rebus contemptis cœlestia & æterna tantum consecratur, nec refert, quod populus veteris Testamenti passim vocetur Ecclesia, nam tam synagoga quam Ecclesia apud Hebræos dicitur à congregando קהל quod vertimus synagoga à קהל congregare similiter, id est, Ecclesia Dei dicitur à קהל congregari, ita sunt duo nomina, sed idem prorsus significant. Tertiò notandū sicut ciuitas nunc significat cœtum hominum, nunc locum in quo ille cœtus habitat ita Ecclesia in Scriptura nunc locum vbi congregatur, vt Iudith 6. Populus intra Ecclesiam orauerunt, nunc cœtum fidelium; vt Rom. 16. Salutant vos Ecclesia Asia.

*Ecclesia latè
sumpta cōstat
ex Angelis &
hominibus.*

Ecclesia vt significat multitudinem collectam comprehendit in sua latissima significatione Angelos beatos & homines ab Adam, quotquot sunt participes alicuius gratiæ Christi ratione cuius Christus est eorum caput. Ita communiter DD. aiunt ex Angelis & hominibus componi vnā Ecclesiam quæ subdiuiditur in triumpphantem in cœlis, militantem in terris & patientem in flammis purgatoriis. Non disputo hic quorum & quonam modo Christus sit caput; decilum hoc habes in quæstione 14. de merito

Christi, in quæstio quid meruerit Angelis & hominibus. Mihi sufficit dicere quorumcumque caput Christus est eos omnes esse membra componentia Ecclesiam, quæ dicitur corpus Christi quo modo comprehenduntur Angeli. Nam horum quoque Christum caput esse satis clarè docet Apostolus Ephes. & Coloss. primo, ibi citatis, vtrouque enim Christus non vt Deus, sed vt homo suscitans, videlicet à mortuis & primogenitus ex mortuis, est principium & caput supra omnem Ecclesiam, & verò ipsius Ecclesiæ quæ se habet ad Christum, sicut corpus reliquum ad caput, deinde est supra omnem principatum, & omne nomen seu personam excellentem, siue huius siue alterius vitæ, sen in omnibus primatum tenet, habens omnia sub pedibus suis.

*Christus est
caput Ange-
lorum & Ec-
clesia.*

Præterea Ecclesia est corpus eius & plenitudo, quia ille habens in se inhabitantem omnem plenitudinem gratiæ & gloriæ, ipsam communicat reliquis Ecclesiæ membris, & in eis sortitur plenitudinem suæ communicationis.

*Quare Eccle-
sia est corpus
& plenitudo
Christi.*

Quemadmodum anima habens in se eminenter vim sentiendi, videndi, audiendi, vegetandi, omnes vires suas exeret, seu vitam, cuius ea est principium, tam vegetantem quam sentientem plenè & perfectè habet in sensibus, oculis, auribus, aliisque sui corporis partibus & membris; quam ob causam Philolophi membra, aut facultates organicas animæ etiam spiritualis seu rationalis partes eiusdem potentiales appellant; quia non tantum ea participant vitam quæ tota residet in anima sicut in fonte & principio, sed etiam quia complent vim animæ viuificam, quæ licet sit in homine cæco vel surdo tota substantialiter, nequaquam tamen consequitur totam suam perfectionem & plenitudinem virtutis operatricis, cum vim visuam in illo cæco, aut audituam in surdo non diffundat nec exerceat. Id placuit dicere, vt intelligatur quomodo Ecclesia dicitur plenitudo Christi, & ipse dicitur omnia in omnibus impleri, id est secundum omnia gratiæ dona impleri omnibus membris & perfecti.

Ecclesia, strictius sumpta prout scilicet exprimitur in symbolo, est Congregatio omnium Christi fidem & doctrinam profitentium, quæ sub vno & summo post Christum Capite & Pastore, in terris gubernatur, vel Est Cœtus hominum eiusdem Christianæ fidei professione, eorundem Sacramentorum communionem colligatus, sub regimine legitimorum Pastorum, ac proinde vnus in terris Christi Vicarij Pontificis Romani; vel ex Cardinale Petronio, Societas eorum quos Deus vocauit ad salutem per professionem veræ fidei, sinceram administrationem Sacramentorum & adhaerentiam legitimis Pastoribus.

*Definitio Ec-
clesia.*

Ecclesiæ nomen est conuenientia & vnionis nomen ex Chrysostomo, homilia prima in prima Corinthiorum, & Augustino in Psal. 101. Deus est vnus, Ecclesia est vnitas, nihil respondet uni nisi vnitas, quod Paulus primodocuit 1. Cor. 1. Id ipsum dicatur omnes & non sint in vobis schismata.

Hinc est quod Scriptura proponit hanc vnitatem per varia nomina, quæ tribuit Ecclesiæ quæ sunt hanc dicere Corpus, Domum, Ciuitatem, Nauim, Sponsam, & Regnum Christi. Ecclesia vocatur corpus, Rom. 12. Sicut

enim in uno corpore multa membra habemus, omnia autem membra non eundem altum habent: ita multi unum corpus sumus in Christo, singuli autem alter alterius membra. Vbi obseruandum est ex præcedente periodo donum quo sumus membra Christi vocari à Paulo fidem, quia nimirum ea est initium vitæ Christianæ. Obseruandum præterea nos omnes esse vnum corpus in Christo, cuius nimirum spiritu viuificamur & cui tanquam capiti vitam influenti coniungimur; Et nos eodem singulos esse inuicem membra, seu inter nos quandam colligationem & ordinem habere, quod clarius exprimitur 1. Corinth. 12. & Ephes. 4. Describere membra singula caput influens Christus. Oculi Prælati, labia Prædicatores, dentes Pastores, &c.

Ecclesia vocatur Domus Dei à sancto Petro, 1. cap. 2. & Paulo Ephes. 2. vbi vterque ait, ad Christum lapidem viuum nos tanquam lapides viuos superædificari domum spiritualem.

Vocatur Ciuitas, Psalm. 121. Hierusalem que edificatur ut Ciuitas, cuius fundamenta in montibus sanctis posita, ait, Psalm. 86.

Vocatur Navis, quæ ex tabulis multis compactis constituitur. Ita Patres explicantes, quod Christus Dominus de nauis Petri turbas docuisse dicitur, Luc. 5. & quod ait S. Petrus 1. cap. 3. Quod in Arca Noë pauci salui facti sunt per aquam, ait, Similis forma esse, quod baptisma saluos facias, scilicet in Ecclesia. Huius similitudinis analogiam, lege apud Hieronymum in dialogo aduersus Lucif. Ambros. serm. 11. & Epiphani. hær. 67.

Vocatur Sponsa Christi, Ephes. 5. Hanc similitudinem pluribus persequitur Paulus, quo loco obseruabis vnâquamque animam Christianam appellari Sponsam Christi & ipsam quoque Ecclesiam in genere, seu totam dici sponsam, ita ut singuli Christiani dicantur filij per Ecclesiam Christo geniti; quo casu Ecclesia sumitur propriè pro Pastoribus & Superioribus in quibus Ecclesia Spiritus Sancti donis prædita habeat vim conferendi Sacramenta, per quæ fiunt & generantur Christiani, nutriuntur & in perfectione spirituali accrescunt.

Eadem vero & Sponsa & Virgo, & verò soror Christi dicitur, soror, quia gratiæ eiusdem particeps est, cuius plenitudinem Christus habet primogenitus in multis fratribus. Dicitur autem Virgo & Sponsa, quia non ex sanguinibus, nec ex carnis vilo concubitu, sed Spiritus Sancti energia parit liberos. Ita S. Augustinus, sermone 40. de tempore, ait, Christum, ut caput est, sponsam esse, sponsam vero Ecclesiam dici secundum quod est corpus & eleganter sanctus Ambrosius, lib. 1. de virginitate. Sancta Ecclesia immaculato coitu, fecunda parit, virgo est castitate, mater prole.

Vocatur Ecclesia Regnum Christi, & tunc habet leges suas, diuersosque gradus & ordines, Duces & Principes, Consiliarios, Milites, Comitias, Status, Exercitus, propugnacula Turres, Armamentarium. Vide Mercantium, pag. 179. Matth. 13. vbi vocatur Regnum Cælorum, Marc. 1. Regnum Dei dicitur, & Ioan. 18. ait Christus, Regnum suum non esse de hoc mundo, Quod est enim, inquit Augustinus, tractatu 115. in Ioannem. eius regnum nisi credentes in eum, quibus dicit, de mundo non estis, sicut & ego non sum de mundo. Quamuis eos vo-

lis esse in mundo. Vocatur Vinea, Matth. 20. ab ipso Christo, qui se vitem suosque fideles, palmites vocat Ioan. 15.

Vocatur Area Domini, in qua grana cum paleis inueniuntur Matth. 3. Permundabit Aream suam & congregabit triticum suum, paleas autem comburet igni inextinguibili. Augustin. tractat. 6. in Ioannem, tomo 9. sic habet. Nos facemur in Ecclesia, Catholica, & bonos & malos esse; sed tanquam grana & paleas. Aliquando qui baptisatur à grano palea est, & qui baptisatur à palea grauum est.

Vocatur Rete, in quo omnia piscium genera continentur. Iterum simile est regnum Cælorum sagma missa in mare, & ex omni genere piscium congreganti quam cum impleta esset educantes elegerunt bonos. Matth. 13.

Vocatur Conuiuium, ad quod multi vocati horum vero indigni non pauci reperiuntur, Matt. 22. Egredi serui regis congregauerunt omnes quos inuenerunt malos & bonos. Vidit ibi hominem non vestitum veste nuptiali.

Vocatur Catus Virginum, in quo quinque fatuæ reperiuntur, Matth. 25.

Vocatur Magna Domus, in qua plura vasa habentur, alia in honorem, & alia in contumeliam, 1. Timoth. 2.

Ex his Scripturæ comparationibus, & Sanctorum Patrum interpretationibus, luculenter constat veritas definitionis Ecclesiæ, quam attuli quod sit societas, non simpliciter iustorum aut prædestinatorum, quos solus Deus nouit; sed eorum, qui eandem profitentur fidem sub Christi Vicario, seu sub legitimis Pastoribus.

Q V Æ S T I O II.

De Ecclesiæ existentia.

Existere aliquam Dei Christique Ecclesiam super terram qualem diximus, Cæterum, scilicet Catholicorum, seu fidelium Christianorum tam clarè docet Scriptura sacra, ut etiam quænam illa sit indigiter, dum inuolabiles eius notas aperit, & profert quæ nos in eius notitiam deducant, ut infra exponam.

Nunc aliquot saltem de multis huius argumenti locis proferamus, ut in dubium nemo deinceps audeat illius existentiam renocare.

Apostoli verba sunt Galat. 7. Persequeretur Ecclesiam Dei, nemo persequitur quod non est. 1. Timoth. 3. Scias quomodo te oporteat in domo Dei conuersari, quæ est Ecclesia Dei viui. Nemo à sapiente docetur modum rectè se gerendi in domo quæ non est, sed fingitur. Christus autem ipse super hanc petram, inquit, Matth. 16. edificabo Ecclesiam meam. Absit ut in rerum numero non esse credamus, quod se fabricaturum tantus promissit Architectus.

Probatur ex Sanctis Patribus August. serm. 13. de temp. Credimus sanctam Ecclesiam Catholicam, sciendum est quod Ecclesiam credere, &c. legi possunt ea quæ serm. 131. scripsit Hieron. aduersus Lucifer. Arca Noë Ecclesia typus fuit, ut in illa omnium generum animalia, ita & in hac vniuersarum gentium & hominum mores sunt: ut ibi pardus & lupo, lupus & agni: ita & hic iusti & peccatores. Habuit Arca iustos suos

suos habet Ecclesia plures mansiones. Mira dicunt singuli de laudibus Ecclesiarum, hæcque supponunt existentiam eius, Probatum ratione. Dominum quemlibet præsertim optimū, augustissimum, potentissimum, ac sapientissimum subditi decent à quibus colatur, quos vicissim dirigat, beatos faciat & tucatur. At tam Deus, quam Christus est eiusmodi Dominus, non ergo dubium esse potest quin caverit providentia diuina, ne ei deesset in terris eiusmodi populus à quo ut par est coleretur. Neque enim cautum esse sufficit, ne in cælis desideretur qui eum colant. Ad terras insuper extendere se debet ista providentia, ut sit & intelligatur esse omnibus absoluta numeris. Haud dubie nisi aliqua esset Dei Ecclesia super terram, quadantenus esset Dei conditio quam diaboli deterior: huic siquidem obsequium sub cælo præstat turba plurima, & non pauca in dies capit incrementa, vnde & in Evangelio vocatur Princeps huius mundi. Ad hæc nonne meritò inter absurda computabimus si subditis careat, qui subditos assignat mortalibus? *Per me*, inquit Proverb. 8. *Reges regnant.* & Rom. 13. legimus, *Non est potestas nisi à Deo*, & Psalm. 46. *Subiecit populos nobis & gentes sub pedibus nostris.* Hanc Christi religionem & Ecclesiam non est necesse alio modo probare, quam ipso experimur sensu, cum per totum orbem diffusa comprobetur & agnoscatur etiam ab inimicis eius.

QUESTIO III.

De Visibilitate Ecclesie Christiane.

Visibilitas Ecclesie, quæ in terris degit, probatur supponendo quod per Ecclesiam Christi intelligitur congregatio nonnullorum hominum, qui eius doctrinam sequi se & tenere profitentur; At quænam esset cum Christus vivebat, tam constabat, quàm modo constat quinam sunt Palatini, quæ Ludouici XIV. Regis Gallorum Curia, quæ esset Platonis Academia, quæ schola Stoica, quæ Aristotelis, quinam eos adibant ut explorarent ac probarent, quinam verò discipuli erant; Nec tantum Christo viuentem, sed etiam eo mortuo, & post eius in cælos Ascensionem, Iudæi ipsi, licet infideles, nouerant Ecclesiam Christi quam persequabantur. Nota erat Ecclesia quæ Romæ erat, quæ Corinthi, & qui à sancto Petro aut Paulo missi deferebant litteras ad Ecclesias illas, seu partes vnius Christi Ecclesie generalis, non fide sed clarè sciebant, quibus litteras dare quosque adire oportebat. Prudens erat sanctus Paulus cum Rom. 1. aiebat desiderare se videre dilectos Dei vocatos sanctos qui erant Romæ, & cap. 16. multos Christianos nominat, qui verè Romanam Ecclesiam, eamque Christi veram componebant, eumque salutare & saluari Ecclesias Christi aiebat de personis, & de earum cœtu visibili loquebatur, fuit itaque aliquando visibilis Christi Ecclesia, & semper fuit & adhuc est & quicumque eam querit, vultque cognoscere, debet querere, & quæritam reperire congregationem hominum in hac vita viuentium, cuius Pastores & caput sit aliquis homo visibilis: sic posita thesi.

Probatum visibilitas ex Scriptura, Matth. 18. *Dic Ecclesia*, inquit Christus, *Si autem Ecclesiam non audierit, sit tibi sicut Ethnicus & publicanus.* Sic autem hic ratiocinor; Ecclesia cui dicere & loqui iubeor mihi nota esse debet, imò & fratri peccanti, eam enim iste audire debet. Præterea ut eum tanquam Ethnicum habeam, scire me oportet, quod ille Ecclesiam non audierit: quæ omnia postulant, ut Ecclesia ipsiusque autoritas posita sit in quibusdam personis quæ adiri possint & audiri, & ita, ut sciatur an præstetur obedientia; ac proinde ut ipsa inter homines, sit constituta visibilis. Si enim Ecclesia vera dicitur esse in iis qui veram fidem habent, quomodo seligam fideles illos ab hypocritis & fidem dissimulantibus, nonne aduersarius quem accusabo iure dicet se nescire an illi intus sint fideles & consequenter Ecclesie Pastores, atque hoc pacto poterit se ab illorum iurisdictione eximere; & ita negabit se non audire Ecclesiam, licet nec hos nec illos audiat, quomodo adiri possunt à litigantibus Iudices de quorum legitima potestate inter eos non constat. Quid porro in Republica bene ordinata visibilis & clarius, & ut ita dicam magis quibuslibet obuium quam tribunal ad quod referendæ sunt omnes controversiæ, quæ inter ciues oriuntur? Act. 20. Paulus ait, *Attendite vobis & vniuerso gregi, in quo vos Spiritus Sanctus posuit Episcopos regere Ecclesiam Dei quam acquisiuit sanguine suo.* Quomodo, aio, gregem regent Episcopi, nisi eum qui sit cognoscant distinguantque ab aliis quibus regendis præpositi non sunt.

Quod si Episcopi suum gregem & subditos cognoscere debent, isti quoque subditi debent veros suos Episcopos cognoscere & discernere ab aliis qui cum se Pastores simulent verè tamen sunt lupi rapaces.

Nec verò fuerunt tantum aliquando Episcopi & Pastores, sed semper perseverant, nam Ephel. 4. *Christus dedit quosdam Apostolos, Prophetas, Euangelistas, Pastores, Doctores ad consummationem sanctorum in opus ministerii, in adificationem corporis Christi.* Quare, quamdiu ædificatur Ecclesia & numerus sanctorum consummatur, seu completur (quod ad finem vsque mundi sit) tandiu pro operando ministerio, seu ut sint Christi ministri, debent esse Doctores, & Pastores, qui eiusmodi esse non possunt, nisi visibiles. Primæ Timoth. 3. *Hæc tibi scribo, ut scias, quomodo oporteat te conuersari in Ecclesia Dei.*

Probatum ex Sanctis Patribus. Origen. homilia 1. in Matth. *Ecclesia*, inquit, *plena est fulgore ab Oriente ad Occidentem*, & Cyprian. lib. de vnitatem Ecclesie Dei *Ecclesia*, inquit, *Domini luce perfusa radios suos per orbem terrarum spargit.* Chrysostom. homil. 4. in 6. Itax *Facile est*, inquit, *solem extinguere quam Ecclesiam obscurari.* Augustinus tractat. 1. in Epistolam Ioannis. *Nunquid digno ostendimus Ecclesiam fratres mei! nonne aperta est, & tractat. 2. Quid amplius dicturus sum quam cecos, qui tam magnum montem non vident! Qui contra lucernam in candelabro positam oculos claudunt?*

Probatum ratione, illa Ecclesia necessariò visibilis est, in qua Episcopi & Pastores debent suas oves pascere rebus visibilibus, ut est doctrina

Ortina, correctio, sacramenta, & vicissim ubi oues debent agnoscere pastores suos, at hæc omnia fiunt in Ecclesia, minor patet ex Matth. 18. & Act. 20. Hebr. 13. *Obedite præpositis vestris, ipsi enim perquirunt quasi rationem reddituri de animabus vestris.* Tum illa Ecclesia necessariò visibilis est, ex qua indicuntur & celebrantur Concilia, dirimuntur controversiæ, sancuntur Canones spectantes ad fidem & religionem. Hæc omnia fiunt in vera Christi Ecclesia, Apostoli enim indixerunt Concilium Hierosolimitanum, in quo, &c. *Visum est Spiritui sancto & nobis nihil ultra imponere vobis onera.* Act. 15. Et post tempora Apostolorum celebrata sunt Concilia generalia Nicænum, Constantinopolitanum, Ephesinum, Chalcedonense, quæ ab omnibus legitima admittuntur.

Probatur etiam ex ipsa ratione Ecclesiæ quæ est societas quædam non Angelorum, neque animarum, non autem dici potest societas hominum nisi in externis & visibilibus signis consistat, nam non est societas nisi se agnoscant ij qui dicuntur socij, non autem se possunt homines agnoscere, nisi societatis vincula sint externa & visibilia. Si autem membra sunt visibilia ipsum corpus haud dubiè non est inuisibile, nam congregatio seu Ecclesia est composita ex Christianis quatenus sunt visibiles quos ut tales visibilibus signis accedunt ad ipsam & fiunt Christiani, ut Baptismo, Sacramentorum participatione, quæ sunt signa visibilia; nam corde creditur ad iustitiam ore, autem fit confessio ad salutem. Rom. 10. & illustre est illud Aug. lib. 19. contra Faustum, cap. 11. testimonium. *In nullum, ait, nomen religionis, seu verum seu falsum coagulari homines possunt, nisi aliquo signaculorum vel Sacramentorum visibilibus consortio colligentur.*

Dices, cum Lutero in libro de abroganda Missa priuata, part. 1. *Quis Ecclesiam nobis monstrabit? cum sit oculatam Spiritui & solum credatur? Sicut dicitur Credo Ecclesiam sanctam,* quod autem creditur non videtur, seu non est visibile, unde & Brentius, in confessione Vvitemberg. dicit, *Vide quod Papista faciat Ecclesiam visibilem & sensibus corporeis perspectam, delendus ergo erit illo articulus Symboli Apostolici. Credo Ecclesiam sanctam Catholicam, & erit sic reponendus. Video & sentio Ecclesiam Catholicam.*

Respondeo primo in Symbolo non ponitur Credo Ecclesiam, sed *Credo Ecclesiam sanctam*, Porro sanctitatem Ecclesiæ sine dubio inuisibilem esse scimus. Ex expositione Symboli apud Sanctum Cyprianum, (quæ est Rufini Aquileiensis) habetur quod creditur una Ecclesia sancta, id est, quod non sunt plures Ecclesiæ, sed unica in qua haberi potest sanctitas, una Fides, vnum verum & legitimum Baptisma, quæ est sine vlla macula aut ruga perfidiæ, quia quam doctrinam suis tradit, vera est & doctrina fidei à Deo reuelata, nec illa quidquam, doctrinæ veræ, contrarium, aut bonis moribus dissonum, docet; quodque extra Ecclesiam nulli salus possit contingere creditur, quodque ea debuit incipere ab urbe Ierusalem post Christi Ascensionem, inde per Apostolos & discipulos Christi accepto ibidem

Spiritu Sancto in totum orbem propaganda: ita ut de fide sit & locus, unde inceptura erat diffundi, & locus ad quem peruentura totus orbis & personæ per quas id futurum erat & doctrina quam illæ tradituræ erant. Hæc omnia tradita sunt à Christo, Luc. 24. *Dixit eis quoniam sic oportebat Christum pati, & resurgere & predicari in nomine eius penitentiam, & remissionem peccatorum in omnes gentes incipientibus ab Ierolyma, vos autem testes estis horum.* Hinc Augustinus, libro de vnitæte Ecclesiæ, cap. 7. colligit eam solam esse veram Ecclesiam Christi, quæ cepit à Ierusalem ciuitate Iudææ.

Eadem fides de Ecclesia habenda habetur quoque in Actibus Apostolorum, cap. 1. ubi Christus Apostolos allocutus. *Accipietis, ait, virtutem superuenientis Spiritus sancti in vos & eritis mihi testes in Ierusalem & in omni Iudæa & Samaria & usque ad vltimum terra.*

Est etiam de fide credendum, quod Ecclesia Christi vera, usque ad finem mundi duratura sit & assistentiam Domini habitura, Matth. 16. idque promittitur de Ecclesia fundanda in Petro cui quoque promittitur Luc. 22. quod eius fides non deficiet. Hæc est sanctitas quæ creditur de Ecclesia.

Sed multa de Ecclesia videntur à nobis, videmus enim eum hominum cætum, qui est Ecclesia, quem procul dubio illum esse qui Romanæ Ecclesiæ Pontifici communicat non ambigitur, nam constat hunc succedere Petro, cuius predicationis initia progressus & finis nota sunt per Historias, & monumenta certissimæ videntur Majores nostri Apostolos primum Ierololimæ predicantes fidem Christi, fundantes Ecclesias, seu cætus Christianorum variis locis, videntur Petrum Romæ commorantem & ei ibidem substitutos subinde varios Episcopos, videmus nos in Ecclesia Romana doceri eandem doctrinam quæ primo docebatur (quod constat ex Conciliis) videmus tandem Romanam Ecclesiam ad finem usque orbis dilatari, omniæque quæ Christus de sua prædixit, ei conuenire, ita ut si quæ congregationes Christianas se iactantes à Romana diuise sunt, nec cum ea communionem habent, eas signa illa deficere sit manifestum. Lutherani enim non

Omnia signa prædicta à Christo videmus in Ecclesia Romana.

Sed alia & cetera, videmus non habens illa signa.

Certè hæreticus est qui negat existere nunc veram Christi Ecclesiam, aut eam esse Romanam, etsi enim expressè non fuerit reuelatum, quod Rom. sit vera Ecclesia. Notæ tamen veræ Ecclesiæ reuelatæ sunt, & sensu constat huic soli eas conuenire.

Fuerat olim reuelatum quod Christus nasceretur in Betleem & reliquæ eius circumstantiæ signaque fuerunt reuelata, quæ postea personæ illi qui Iesus Nazarenus dicebatur conuenientes, efficiebant ut ipse, & non alius credendus esset & habendus pro Christo, unde ipsemet

Ioannis 5. ait, *Scrutamini Scripturas & illa sunt quae testimonium perhibent de me.* Nec tamen ex sunt testatæ quod qui tali Cæsaris Augusti anno erat ex Maria nasciturus Iesus appellatus, futurus esset Messias, sed dede runt ea signa quæ in eo deprehensa testimonium perhibebant quod ipse esset Christus. *Sicque Christus & credebatur & videbatur.* Nos credimus Anti-Christum futurum & Eliam, & tamen quando ipsi existent manifestum erit intelligentibus, quod illi veri Elias & Anti-Christus erant.

Dices, vnum & idem non potest videri & credi, nam sic esset evidens & inevidens, quod est contradictorium; ergo Ecclesia non potest videri & credi, credere enim definitur à Paulo, *argumentum non apparentium.*

Respondeo, non esse visibile quod credimus ex ea parte qua cadit sub fidem, potest tamen esse visibile ex alia parte quæ non cadit sub fidem.

Probatur exemplis: Apostoli videbant in Christo humanitatem & credebant diuinitatem, in Baptismo videmus aquam-externam & abluionem, & credimus internam vim regenerandi in Christo & abluendi peccata. In Codice Bibliorum videmus chartam, scripturam, & codicem ipsum, credimus verbum Dei esse, quod in ipso continetur: ita de Ecclesia aliquid in ea videtur & aliquid in ea creditur. Cæterus hominum qui Ecclesia dicitur videtur, tangitur, auditur, &c. Sed quod ille cæterus sit vera Ecclesia, non videmus, sed credimus. Vera enim Ecclesia est quæ profiteretur fidem Christi. Quis autem euidenter scit nostram fidem esse Christi?

Quod ut melius intelligatur, Notandum est omnem sententiam de fide, nasci vel ex duabus propositionibus de fide, & tunc tota conclusio est inevidens; vel ex vna de fide, & altera euidenti, & tunc conclusio est partim inevidens, & partim evidens. Talis est ista conclusio: Isti homines qui nunc profitentur fidem sub Romano Pontifice sunt Ecclesia Christi, nam oritur ex hoc syllogismo: Ecclesia Christi est cæterus hominum profitentium fidem Christi sub regimine legitimorum Pastorum: sed isti, qui subsunt hodie Romano Pontifici, sunt talis cæterus, igitur sunt Ecclesia Christi. In quo syllogismo maior est de fide & proinde inevidens, minor est evidens, quia quod in ea ponitur cadit sub sensum. Infertur ergo conclusio partim evidens, & partim inevidens.

Quomodo mihi constet quæ sit vera doctrina Christi & Apostolica.

Denique pro hac, de credenda, simulque videnda Ecclesia questione soluenda inter Catholicos, sic ratiocinor. Omnes in hoc consentimus, quod credenda & tenenda est doctrina quam à Christo acceptam prædicarunt Apostoli, ut autem ego amplectari illam scire debeo & certus esse quænam sit illa doctrina cum præsertim evidens sit & in confesso multas hæcenus doctrinas oppositas, & sibi inuicem contrarias, propositas esse à diuersis, tanquam veras & germanas Christi doctrinas, & prædixerint Christus & Apostoli futuros esse Pseudo-Apostolos Pseudo-Propetas, & Doctores falsos doctrinarum peregrinarum extiturasque hæreses, à quibus nos ut cauere ipsi sedulo admonuerunt.

Iam ergo queritur quomodo ego veram Christi doctrinam discernere queam à falsa: non disputo an traditiones sint amplectendæ, an sola Scriptura; nam de ipsis scripturis, earum textu, lectione, versione, sensu & interpretatione eadem est quæstio, quæ de Christi doctrina. Si quis responder Spiritum Sanctum mihi indicaturum & interius me edoctorum, quid tenere me oporteat. Is facile refellitur, nam nemo Catholicus nisi se velit decipere experitur se ita interius edoceri à Spiritu Sancto, ut hunc esse librum canonicum non alium, ita esse legendum, & interpretandum clarè, euidenter & certò sciat.

Sanè qui hæretici ad istam internam illuminationem confugiunt, seipsos manifesti mendacij aut falsitatis redarguunt, sapius enim Sacra Biblia emendarunt & varias interpretationes addiderunt; quod esset impium sacrilegium, si cum primum textum legebant, Spiritu Sancto intus ita docente ita legebant. Adde quod Christus promittit Spiritum veritatis, non singulis Christianis, sed congregationi, nam Christus ait, *Quod ille spiritus veritatis manebit in æternum cum illis & apud illos quibus eum promittit.* Nisi quis dicat qui semel Spiritum Sanctum apud se habet, eum non posse sua culpa amittere, quod est euidenter falsum. Nulla enim sic esset defectio à fide.

Taceo quod Christus loquitur de illis qui iam in se credunt, suntque sui discipuli: Arqui sermo est de eo, qui nondum Christianus est, sed adhuc Catechumenus querit veram fidem & doctrinam Christi.

Quid agat iste prudenter, nisi sibi persuaदेat Deum prouidisse quandam Ecclesiam, hominumque cæterorum congregationem apud quam seruetur illa doctrina Christi & Apostolica, ita ut in omnibus de fide quæstionibus eam audire oporteat, primæque hominis Christiani ab Ethnico differentia sit; quod Christianus Ecclesiam Christi audit, & qui incipit esse Christianus, seu est Catechumenus is se Ecclesie Doctoribus docendum tradit. At enim is dubitabit adhuc, quæ sit vera Christi Ecclesia? Aio vero eum ita ratiocinaturum.

Ego non audio Christum ipsum, nec ipsos Apostolos, sed eos tantum qui se ab illis traditam doctrinam tenere & audire aiunt; debeo ergo ita me gerere in hoc negotio ac me gererem, si quod regis diploma & edictum quererem, aut veram eius intelligentiam. Crederem in primis, mihi que persuaderem à rege institutum esse in ea, in qua versaret Prouincia, Senatui aliquem suorum decretorum custodem & interpretem: atque adeò quererem, quibus signis Senatus ille esset dignoscendus, & illa signa edoctus vellem videre, & clarè intelligere, an hic Prouincie istius Senatus esset eiusmodi: quo compesto mihi esset facile intelligere, an ab eo Senatu missus esset ille præco & ab eo haberet authoritatem, qui edictum regium proponeret.

Ita ergo cum doctrina Christi querenda me gererem, ut in primis & ante omnia vellem scire, quæ sit Ecclesia Christi; ad id quererem signa, quæ certè talia sunt, tamque clara in omnibus Veteris & Noui Testamenti Scripturis, ut quiuvis, ea facile colligere possit. Ea vero signa quo in cæteru, & congregatione Christianorum

Christianorum clarè & euidenter deprehendo, non dubitabo quin ea Christi Ecclesia sit.

Et verò mihi omninò persuadebo Deum pro sua erga homines sui cultus & religionis studiosos, salutisque suæ cupidos providentia & cura paterna quæ in negotio isto de religione tanquam principium supponenda est, effecisse ut nihil facilius inueniri possit quàm vera sua Ecclesia cum ea sit domus sua, *Columna & firmamentum veritatis*, & de ea prius constare debeat quam de reliquis religionis doctrinæque Christianæ capitibus.

Quæ cum ita sint, hanc de Ecclesiæ visibilitate quæstionem testimonio sancti Augustini superaddito, quod Psalm. 149. habetur, corrobore, *Ecclesia Sanctorum illa est, quam præsignauit Deus antequam videretur, & exhibuit ut videretur Ecclesia Sanctorum, erat antea in codicibus, modo in gentibus: Ecclesia Sanctorum antea tantummodo legebatur, nunc & legitur & videtur, quando solum legebatur credebatur, modo videtur & contradicitur.*

Dices Ecclesia est congregatio Sanctorum, qui verè credunt & obediunt & saluandi sunt, proinde ut docet Calvinus, institut. lib. 3. cap. 2. §. 8. 9. 10. 11. Solis prædestinati constans. At ij soli Deo noti sunt, nam 1. Timoth. 2. *Nouit Dominus qui sunt tui.* Ergo Ecclesia est inuisibilis.

Respondeo, tot hic inuolui quæstiones & errores quot notantur propositiones, nec me latet Confessionistas Augustinos, & post ipsos Calvinum duplicem facere Ecclesiam, veram quæ constet ex solis fidelibus electis, idèque soli Deo notis ad quam peccatores non pertineant, nisi nomine, aliam verò externam in qua sint boni & mali, quæ nomine tantum est Ecclesia, & hanc volunt esse congregationem hominum conuenientium in doctrina fidei & usu Sacramentorum, & in hac bonos & malos inueniri.

Constans autem est Catholicæ Ecclesiæ resolutio, quod vna tantum sit Ecclesia, quæ est cætus hominum eiusdem professionis Christianæ doctrinæ, vñsque Sacramentorum eorundem sub legitimorum Pastorum regimine, in qua Ecclesia etsi inueniantur omnes virtutes, tamen ut aliquis possit dici pars Ecclesiæ requiritur præcisè externa fidei professio, & Sacramentorum communio, quæ sensu ipso percipitur. Ecclesia enim est cætus hominum, ita visibilis & palpabilis, ut est populus Italiæ, aut Regnum Galliarum.

Nota tamen ex sancto Augustino in breuiculus collationis, collat. 3. Ecclesiam esse corpus viuum in quo est anima & corpus, & quidem anima sunt interna dona Spiritus Sancti Fides, Spes, Charitas, &c. Corpus sunt externa professio fidei & communicatio Sacramentorum.

Ex quo fit ut quidam sint de anima & corpore Ecclesiæ & proinde vniti Christo capiti interius & exterius, & tales sunt perfectissimè de Ecclesia; sunt enim quasi membra viua in corpore, quamuis etiam inter istos aliqui magis, aliqui minus vitam participant. Quidam sint de corpore & non de anima, ut qui nullam habent internam virtutem, & tamen spe, aut timore aliquo temporali fidem profitentur,

& in Sacramentis communicant sub regimine Pastorum, & tales sunt etiam membra, sed ignobilia Ecclesiæ & veluti capilli, aut vngues aut humores cacòchymi in corpore humano. Attamen omnia membra visibilia habes. Accuratius expendetur hæc difficultas in Notis Ecclesiæ.

Vnum monere hic non ab re est, similitudines non conuenire in omnibus, proinde multa loca Scripturæ afferri quæ non conuincunt.

QVÆSTIO IV.

An Ecclesia visibilis possit deficere.

Non appono in quæstione istud adiectiuum quasi credenda sit duplex Ecclesia; sed notetur locus subterfugio iis qui cū Caluino contendunt Ecclesiam visibilem errare & deficere posse, & loca quæ contrarium sonant exponenda esse de Ecclesia inuisibili.

Posito ergo quod per Ecclesiam intelligimus non vnum aut alterum hominem Christianum, sed multitudinem congregatam, in qua sint Prælati & subditi.

Probatum non posse deficere, primò, ex Scripturis, vbi apertè nominatur Ecclesia. Matth. 16. *Super hanc petram edificabo Ecclesiam meam, & porta inferi non preualebunt aduersus eam, Cui similis est ille 1. Timoth. 3. Vt scias, quomodo te oporteat conuersari in domo Dei, quæ est Ecclesia Dei vini, Columna & Firmamentum veritatis.* In vtroque loco agitur de Ecclesia visibili.

Secundò, ex locis, vbi aperta est promissio sine nomine Ecclesiæ. Matth. ult. *Eccæ Ego vobiscum sum usque ad consummationem sæculi.* Quæ verba ad Ecclesiam visibilem dicta sunt, nimirum ad Apostolos & discipulos cæteros, quos Dominus in die Ascensionis suæ allocutus est: & cum illi non essent permansuri in corpore usque ad consummationem mundi, necesse est dicere hanc promissionem pertinere ad successores, itaque hunc locum de Ecclesiæ perpetua duratione intelligunt, Leo I. in Epistola secunda ad Pulcheriam, & Leo II. in Epistola ad Constantinum.

Præterea Ephes. 4. *Et ipse dedit quosdam quidem Apostolos, alios Prophetas, alios Evangelistas, alios Pastores & Doctores ad consummationem Sanctorum, in opus ministerij, in ædificationem corporis Christi, donec occurramus omnes in unitatē fidei & agnitionis filij Dei in virū perfectū & mensurā ætatis plenitudinis Christi.* Vbi Apostolus docet māsura in Ecclesia ista ministeria Pastorum & Doctorum, ad continuam ædificationem corporis Christi, & proinde visibilem Ecclesiam usque ad diem iudicii, nam quando sola esset in mundo Ecclesia inuisibilis, non inuenirentur ista ministeria quæ non possunt exerceri nisi se Pastores, & oues agnoscant.

Addo hoc Isaia 61. quod caput intelligi de Ecclesia noui Testam. docuit Christus Luc. 4. cū in Synagoga Nazareth citauit & exposuit de aduentu suo initium huius capitis: *Spiritus Domini super*

super me, &c. sic habetur *Et fœdus perpetuum feriam eis, & scietur in Gentibus semen eorum, & germen eorum in medio populorum: omnes qui viderint eos cognoscent illos, quia isti sunt semen cui benedixit Dominus.* Profecto tam perspicuus est hic locus, ut expositione non egeat, quomodo anim inuisibilis erit ille cœtus de quo dicitur. *Omnes qui viderint eos cognoscent illos,* quomodo autem deficient si fœdus perpetuitatem importat?

Posiunt & afferri scripturæ quæ de regno Christi perpetuo loquuntur, ut Psalm. 88. *Daniel 2. In diebus autem regnorum illorum suscitabis Deum cœli regnum quod in æternum non dissipabitur: & Regnum eius alteri populo non tradetur, &c.* Et Luc. 1. *Regni eius non erit finis.* Ista loca non possunt intelligi nisi de vera & visibili Ecclesia Christi nunquam interitura. Probat ex SS. Patribus August. qui in Psalm. 101. concione 2. disputans contra Donatistas qui totam Ecclesiam visibilem periisse dicebant, & in solis quibusdam iustis in Africa remanuisse. Sed, inquit, illa Ecclesia qua suis omnium Gentium iam non est, perit, hoc dicunt qui in illa non sunt, & impudentem vocem, illa non est, quia tu in illa non es. Vides tu ideo non sis, nam illa erit, etsi tu non sis. Et infra introducit Ecclesiam loquentem. *Quandiu ero in isto sæculo annuntia tibi propter illos qui dicunt, finis & iam non est, apostataui & perii de omnibus Gentibus: & annuntiaui nec vacua fuit vox ista, quis annuntiaui tibi nisi ipsa via? Quando annuntiaui? Ecce ego vobiscum sum usque ad consummationem sæculi.* Similia habet in lib. de unitate Ecclesiæ capite 13. & 20.

Neque responderi potest Augustinum loqui de Ecclesia inuisibili: nam illam non perisse nec perituram Donatistæ admitterant & ad se trahebant illud. *Ego vobiscum sum usque ad consummationem sæculi.* Ut August. refert loco cit. in Psalm. 101. Bernard. serm. 79. in Cant. in illud: *Tenui eum nec dimittam donec introducam illum in domum matris meæ.* Ista est, inquit, & tunc & deinceps non desinet genus Christianum, nec fides de terra, nec charitas de Ecclesia, venerunt flumina, flauerunt venti, & impegerrunt in eam & non cecidit eo quod fundata esset super petram, petra autem erat Christus. Itaque nec verbositate Philosophorum, nec cavillationibus hæreticorum, nec gladiis persecutorum potuit ista aut poterit aliquando separari à charitate Dei, &c. Nec possunt hæc intelligi de Ecclesia inuisibili: nam illam non persequuntur gladii tyrannorum nec verbositas Philosophorum, nec cavillationes hæreticorum. Itaque visibilis Ecclesia non deficiet.

Vincentium Lyrinensem adiungo, qui in suo commonitorio tanquam errorem gravissimum reprehendit Nestorij sententiam qui dicebat totam Ecclesiam errasse in mysterio Incarnationi, eo quod cæcos doctores sequuta esset.

Probat ratione (si prius noraveris deflectionem hanc esse errorem totius Ecclesiæ in dogmate fidei) nec enim disputandum est an pars aliqua Ecclesiæ deficere à fide seu errare possit, unde enim hæreses, apostasie, errores, scandala, sectæ, & Antiecclesiæ nisi ex deflectione à vera Christi Ecclesia, nimis certum

est aliquos Christianos errasse.

Erravit *Arius* negans Christi divinitatem seu Verbi consubstantialitatem.

Erravit *Macedonius* negans Spiritus Sancti divinitatem.

Erravit *Nestorius* duas in Christo personas confingens.

Errarunt *Eutyches* & *Diolcorus* unam in Christo naturam asserentes.

Errarunt *Pelagiani* negantes peccatum originale & necessitatem gratiæ.

Errarunt *Donatistæ*, qui in una substantia divinitatis Filium minorem Patre & Spiritum Sanctum minorem filio dogmatizabant, & Baptismum Catholicorum (quos hæreticos reputabant) irritum omnino & nullum faciebant, unde quando ad eos transibant rebaptisabantur.

Errarunt & defecerunt plures alij ad hæc usque tempora, qui omnes propter suos errores damnati & ut membra putrida abicissi sunt.

At vera Ecclesia Christi nec deficere nec errare potest: Hocque probō: Unus ex Articulis Symboli est quod detur Ecclesia visibilis Sancta & Catholica. At hi articuli sunt veri & nunquam falsi. Ergo semper verum est dari Ecclesiam visibilem, quæ Sancta & Catholica sit: Ergo falsum est quod post primos quingentos annos defecerit, unde post nulla fuerit Ecclesia Christi visibilis: nam si ita esset, non licuisset tunc dicere: Credo Sanctam Ecclesiam Catholicam, sanctitas autem eius propriè consistit in dogmatum professione.

Secundò nemo salvari potest extra Ecclesiam visibilem: At semper saluantur aliqui: Ergo semper durat Ecclesia visibilis, falsum ergo est eam non extitisse multis sæculis, dicendum enim esset periisse omnes maiores nostros.

Nec respondeas solam Ecclesiam inuisibilem extitisse, nam & tunc salus occlusa fuisset cum in Ecclesiam non daretur ingressus, qui ad salutem est necessarius estque externus & visibilis per baptismi susceptionem & quemadmodum qui tempore Noë habebant aditum ad Arcam necessariò peribant, sic & tunc periissent qui Ecclesiam non essent ingressi, non poterant autem ingredi eam quam ignorabant.

Denique vel homines illi occulti qui Ecclesiam inuisibilem constituunt profitentur palam fidem suam & abstinere ab idolorum cultu, vel non? si profitentur ergo, non est Ecclesia inuisibilis, sed maxime visibilis sicut erat tempore Martyrum, si non profitentur, ergo nulla est Ecclesia, nam non est Ecclesia vera in qua nulli sunt boni & qui salvantur: non autem sunt boni, nec salvantur qui non confitentur fidem, sed eà in corde retentà exterius profitentur perfidiam & idololatriam cum Rom. 10. dicatur. *Corde creditur ad iustitiam, ore autem fit confessio ad salutem* & Math. 10. *Omnis qui negaverit me coram hominibus negabo eum coram Patre meo.* Ergo implicat contradictionem Ecclesiam esse, & carere omnino forma visibili nisi ponatur extra mundum ubi nunquam sit necessarium fidem confiteri.

Tum si inuisibilis Ecclesia univèrsè non potest errare, ut aiunt. Novatores, sed sola visibilis, Prædestinati quos aiunt esse in Ecclesia inuisibili & eam constituere, sunt etiam in visibili

(duas

Defectio Ecclesiæ est error ipsius totius in dogmate fidei.

Sanctitas Ecclesiæ consistit propriè in dogmatum professione.

(duas enim fingunt Ecclesias) ergo si tota visibilis errare & deficere potest à fide, consequenter omnes prædestinati errare possunt, aut hi non possunt, nec tota Ecclesia visibilis. Quod autem omnes prædestinati sint in Ecclesia visibili nemo negabit, quia nullus saluatur extra Ecclesiam. At prædestinati omnes saluantur, ergo nullus prædestinatus est extra Ecclesiam visibilem.

Concludo hæc vltima plausibili ratione Ecclesia gubernatur à Christo vt capite & sponso ex Ephes. 5. *Vir est caput mulieris sicut Christus est caput Ecclesia.* Ergo si Ecclesia erraret in dogmatibus fidei vel morum, error tribueretur Christo, nam sicut vir tenetur remonere ab vxore omnem errorem, ita Christus ab Ecclesia & profecto imminens esset subuersionis periculū, si erraret in necessariis ad salutē, & iniquum esset præceptū audiendi Ecclesiā Matt. 18. & assentiendi ei quæ res incertas & interdū falsas proponeret, imposita autē est omnibus obligatio assentiendi Ecclesiæ, quia per assistentiam Dei nihil extra veritatem & Verbum Dei docebit.

Dices multa loca probant defectionem Synagogæ, quæ erat in Ecclesia visibilis illius temporis, ergo à pari hodierna poterit deficere.

Respondeo non probari totam defecisset: hoc autē dato non cōcesso non valet consequentia ob speciale indefectibilitatis datum priuilegiū Matt. 16. & supra. Tum Synagoga nō erat Ecclesia vniuersalis sed particularis.

Instabis prædictam istam Ecclesiam cessaturam Daniel 9. *Deficiet sacrificium & hostia* & Luc. 18. *Filius hominis cum veneris putas inueniet fidem!*

Respondeo Daniele intellegendum de euerfione Hierusalem & cessatione sacrificij Iudæorum, sic exponunt Chrysost. Theoph. Hieron. in 24. Matth. August. Clemens Alex. estque communis opinio Hebræorum. Et hanc solutionem coguntur admittere hæretici nam ipsi dicunt nunc esse tempora Antichristi & fuisse iam à multis sæculis, & tamen non cessauit hostia & sacrificium, ergo debent intelligere hunc locū nō de tempore Antichristi sed de euerfione Hierosolymæ, quod sane ex Euangelio colligitur, quod enim Matth. 24. ait *cum videritis quæ dicta à Daniele.* Lucas 21. exposuit de subuersione.

At illud Lucæ Resp. cum Theophylacto loqui Dominum de fide absolutē, & velle dicere paucos futuros fideles tempore Antichristi, non tamen nullos nec tam paucos, vt non faciant Ecclesiam.

Dices, visam olim & notatam defectionē generalē teste Hieron. in dialog. contra Luciferianos. *Ingenuit, inquit, totus orbis & se Arrianū esse admiratum est.* Item Basil. ep. 69. & 70. Bern. serm. 35. in Cantica ita deplorat vitia Prælatorum omnium sui temporis vt satis ostendant omnes declinasse in viam suam, & nullam fuisse visibilem Ecclesiam.

Respondeo in verbis Hieron. duas notari visibiliter figuras, vnā intellectionis seu exaggerationis vocans orbem, partē orbis, cum Arriana hæresis vix extra orientem ognosce-

Cariere in Professionem Fidei.

tur vt eam ob causam August. eam orientalem alicubi appellarit. Alterā abusionis cum ait *Arrianum se miratum est*, vocat enim Arrianos improprie, eos qui in Synodo Ariminensi per ignorantiam significationis vocis Græcæ *homoious* & decepti astutia Arrianorum Episcoporum specialiter Valentis, & Ursacii omiserunt nomen consubstantialis quod Nicæna Synodus ad discernēdos Catholicos seu orthodoxos ab Arrianis vsa fuerat, ij profecto non fuerunt hæretici, nec errantes nisi materialiter, quemadmodū si quis nostrum blasphemam sententiam proferret lingua extranea putans esse piā aliquā precationem, non proprie blasphemus dici posset. Quocirca iidē Episcopi vt admoniti sunt & fallaciam agnouerunt, continuo etiam errorem correxerunt, & cum lachrymis poenitentiam egerunt & se dolis Arminensibus, irriteritos Corpus Domini, & quicquid in Ecclesia sanctū est, contestabantur nihilque mali in sua fide suspicatos. Hæc scitu digna ne immerito ex eo S. Hieron. dicto colligatur ferē totum orbem Arriana lue imbutum fuisse.

Ad Basil. dico eum deplorare in illis epistolis non vitia Catholicorum, sed miseriam Ecclesiæ propter infestationem hæreticorum, quæ enim affert contra Episcopos feriunt Arrianos non Catholicos.

Bernar. vero reprehendit vitia morum non doctrinæ. Vide Bellarm. lib. 3. de Ecclesia militante cap. 16.

Quod arguitur, Pastores Ecclesiæ omnes simul errare posse, conuenientius refutatur in Articulo de Conciliis in quibus Ecclesia censetur representari.

Nota multa apud Hieronymum, & alios haberi quæ prima facie Romanam Ecclesiā, tangunt, sed ex cōcessione Iouiniano exprobranti facta loquitur, v.g. meretrix ego sum vt tu dicis, sed esto, tamen mater tua sum.

Denique, *Ecclesia est columna & firmamentum veritatis* 1. Timoth. 3. Vnde cum errare nequeat propter Spiritus sancti assistentiam, educitur quod quicumque credit quod Ecclesia credit, non errat. Hanc regulam tenuit August. & ex ea sola definiuit hos articulos.

Orandum esse pro mortuis lib. de cura pro mort. cap. 2.

Paruos esse baptizandos epistol. 28. ad Hieronym.

Paruulis prodesse fidem eorum à quibus ad baptismum proferantur lib. 3. de lib. arb. cap. 33.

Hæreticos non esse rebaptizandos lib. 1. contra Cresconium c. 33.

Hæreticis & Schismaticis spem salutis non esse præcisam si resipiscant lib. 28. contra Faust. cap. 1.

Inde deducimus non errare eos qui propugnant & credunt.

Purgatorium, Sacrificium Missæ, Inuocationem Sanctorum, & similia quæ consensu totius Ecclesiæ, ante Lutheri & Caluini ortum approbata sunt.

Inde videre est securitatem Catholicorū, in rebus fidei & morum, si Ecclesia vniuersalis errare nequit. Hæc autem Romanam esse ipsi aduersarij dissimulare non possunt, qui

G G g veram

Arriana ha-
resi omni
alia magis
durauit quā
Conc. Arim.
per dolorem in-
ducere
saragabat.

ss. Patres
caute legendi
quādo aliqua
ex suppositio-
ne aduersa-
riorum conce-
dunt.

veram Christi Ecclesiam hancque vnicam primis à Christi morte quingentis annis factentur, & defectionem eius auspicantur à Bonifacio III. qui creatus fuit Papa anno salutis 606. temporibus Mauritij vel potius Phocæ, qui Mauritium Imperatorem Dominum suum occidit, contententes primatum & titulum capitis Ecclesiæ & Episcoporum indultum Papæ seu Pontifici Romano, à Phocæ Imperatore. Quæ quàm falsa sint constat ex prioribus sæculis in quibus sancti Patres primatum in Romano Pontifice agnoscunt. Sed hæc suum in Professione quam enucleamus habent Articulum.

Inde apparet confusio, & incertitudo Novatorum, ex quorum opinione rota Ecclesia errare potest, unde infertur, & ipsorum cœtū errare posse, consequenter nullā conscientiz habere securitatem, & tranquillitatem. Vel enim sequuntur Ecclesiam suam, vel ab ea dissentiant, si sequuntur nihil certi habent cum errare possit, si ab ea dissentiant magis fluctuant, & perplexi sunt, quia si tota Ecclesia errare potest, multo magis singuli eorum.

Nec valet dicere quod sequuntur scripturam. Nam primò Romana ut esset vera sequebatur scripturam, tamen ex ipsorum opinione defecit, quidni quod ei contigit, suæ non adueniat? Tum unde constat ipsos scripturam sequi quos in perpetua dissensione notamus, & mutare sententiam pro arbitrio aut Principum quibus subsunt beneplacitis. Quod si scripturæ adhærendum est, & securi omnino sumus, ipsa enim dicit Ecclesiā esse columnam, & firmamentum veritatis, &c.

QVÆSTIO V.

Deiis qui sunt extra Ecclesiam.

DE HÆRETICIS.

IN tractatu de fide, titulo de necessitate introducendæ fidei Christianæ ostendi fidem esse necessariam ut ad cognitionem Dei deueniamus, qui est hominis finis supernaturalis, consequenter necessariam esse ad salutem, nec sufficere nescio quam probitatem morum qualem in suis libris tradunt Philosophi, sed oportere præterea hominem in Christum mediatorem Dei & hominum credere. Nunc addo ut homo saluetur non esse satis si in Christum suo ut ita dicam more credet, eumque colat: sed ei necesse est versari in Ecclesia, seu cœtu, & congregatione religiosâ, quam Christus in terris viuens instituit, & ex Apostollis discipulisque primum collectam postea variis nationibus, populisque per fidem, sacramentorumque communionem adiunctis auxit, & per orbem terrarum diffudit: eiusmodi sunt Christiani qui vulgo Catholici appellantur.

Sed ne de hoc nomine sit adhuc disceptatio, quia illud plerique ab Ecclesia extorres, sibi usurpare volunt, abstinere ab eo, & tantummodo dico, si quis Christianus est aut dicitur, quia baptismo Christi cōsecratus in eū se credere ait, & eius cultum, & religionē profitetur, & si alia Christianitatis munera retinet, sed non cōtinetur in eo cœtu, qui dicitur

Christi Ecclesia, vnâque est, non plures, nec eius est pars, sicut ciuis Roman. est pars ciuitatis Romanæ, cum inquā saluari non posse, dico, & quia ut reliquos (si qui Christianitatem professi ab Ecclesia alieni sunt) taceam: Hæreticus, & Schismaticus, extra Ecclesiam Christi vnâ, & veram esse dicitur, idcirco contendo neminem hæreticū aut Schismaticum saluari posse quod ut demonstrarem explico. *Quis hæreticus censendus est?*

Respondeo esse professorem Christianitatis, qui in eo potissimum deficit, quod verâ Christi Ecclesiam non audiat, nec sequatur; scio sectas, & hæreses tum inter philosophos tum inter Iudæos extitisse: sed hic tantummodò nobis est sermo de hæresibus Christianorum, qui omnes Christum tanquam fidei authorem agnouerunt, & eius se doctrinam tenere professi sunt. Ita passim SS. Patres hæreticos aiunt esse lupos illos qui sub pellibus ouium latent, id est, sub externa specie Christiani nominis, & inter ceteros S. Basil. epist. 74. & Tertul. lib. de præscript. c. 2.

Quod autem hæretici, in eo sint hæretici, quod Ecclesiā non audiant, constabit facile, si obserues, ex Stapleron. contr. 4. lib. 8. c. 24. ut aliquis sit infidelis non esse opus, ut aliquid à Deo reuelatum arbitratus, illud verū esse, aut neget, aut dubitet: hoc enim ut minimum rarissimum est, & in eo casu is Deum veracem esse negaret; sed infidelis est qui negat aliquid esse reuelatū à Deo, quia non admittit regulā quia reuelationes diuinas posset, & deberet agnoscere, & duro corde respuit motiū credibilitatis. Certū est autem Apostolos, & quæ iis successit Ecclesia in suis præpositis esse eos à quibus reuelationes diuinas petere debemus, ita ut eas tantum ad communem Ecclesiæ fidem (ne priuatis reuelationibus loquar) pertinentes reuelationes, & siue scriptam siue traditione sola, & memoria acceptam Christi Apostolorumque doctrinam admittere oporteat, quas Ecclesia Christi columna, & firmamentum veritatis tradit, is autem est hæreticus, qui Ecclesiæ veræ fidem abrogat, nec eam, sed vel suam, vel alicuius alterius sensum sequitur, quare

Hæreticus propriè est, qui Ecclesiam fidei dogmata tradentem audire detrectat, eiusque authoritatem negat, ita S. Thom. 2. 2. q. 20. artic. 1. qui definit hæresim esse infidelitatis speciem ad eos pertinentem, qui fidē Christi professi sunt, sed eius dogmata corrumpunt. Sanè non aliunde quàm ex ore Ecclesiæ auditur doctrina fidei, non enim Christus mihi loquitur proximè, sed per Ecclesiam: ita qui Apostolorum tempore hæretici fuerunt, idcirco fuerunt hæretici, qui fidem seu doctrinam Christi veram, germanamque eius intelligentiam, & interpretationē ab Apostolis accipere neglexerant, sed quā ipsi electione sua, & voluntate probabant sequuti sunt.

Communiter hæresis definitur *voluntarius error intellectus cum pertinacia contra aliquam fidei veritatem*; ita Casuista. Dicitur error intellectus, quia sicut actus fidei est actus seu assensus, ita hæresis quæ est cōtraria fidei est error ipsius intellectus. Ex quo fit ut si quis proferat propositionē hæreticā absque assensu intellectus, nō dicatur hæretic. nec subiaceat

excom

Necessarium est ad salutem esse in Ecclesia.

Hæresis est infidelitas.

excommunicationi latæ contra hæreticos. Ita Azorius & alij.

Dicitur cum pertinacia, quia si quis errat circa res fidei etiam culpabiliter non ob id dicitur hæreticus, si non habeat pertinaciam quæ non est attendenda penes durationem temporis, aut obfirmatam pertinaciam in errore, sed ex cognitione & animaduersione definitionis Ecclesiæ contraria illi errori, unde ille dicitur hæreticus, qui aliquid sentit contra fidem, sciens contrarium teneri ab Ecclesia Catholica, quamvis non perseveret in tali errore.

Ob id etiam est hæreticus, qui aliquid sentit contra fidem, sed ita affectus est, ut contrarium sensurus sit si argumentis conuincatur, aut si res illi proponatur à viro docto; nam iste recedit à definitione Ecclesiæ, sciens contrarium ab illa teneri. Ita Valquez prima secundæ, disp. 126. & alij.

Secundò, eum qui positivè dubitat in rebus fidei esse hæreticum, ut si dubitet aliquam rem fidei esse incertam & dubiam. Ratio est, quia voluntariè errat contra fidei veritatem, iudicando incerta & dubia, quæ certa sunt & vera, ita ferè omnes Doctores.

Hinc habet eum non esse hæreticum, qui ex ignorantia crassa errat circa res fidei, sed ita affectus est, ut paratus sit corrigi, seu obedire Ecclesiæ cognito errore, seu cognita rei veritate, seu definitione Ecclesiæ. Ratio est, quia aliud est errare, aliud est esse hæreticum, omnis quidem hæreticus est errans, sed non contra, ratio & essentia hæreseos non est in errore, sed in pertinacia & renisu voluntatis, quæ resistit mori, seu potius regulæ fidei, nec verò alteri quam quæ in autoritate Ecclesiæ consistit.

Qui autem errat circa res fidei ex ignorantia crassa, sed est paratus obedire & corrigi cognito errore non dicitur habere voluntarium errorem cum pertinacia, licet plerique admittant errorem illum esse voluntarium in causa, & culpabilem simulque habere malitiam, quæ reducitur ad hæresim, sicut alia peccata omnia ex ignorantia culpabili reducuntur ad eam speciem ad quam pertinent si facta fuissent scienter, quod ego non admitto, cum non videam hic pertinaciam contra definitionem Ecclesiæ.

Quod sola contumacia faciat Hæreticum, ita est evidens, & praxi observatum, ut nemo quantumvis errans in doctrina fidei unquam habitus sit hæreticus quamdiu Ecclesiam, cuiusque Prælatos paratus fuit audire, nec unquam ullus hæreseos author prius est ab Ecclesia damnatus, quam cum ab ea admonitus animo obfirmato & rebeli resistere noluit, ita cum Ario, Nestorio, aliisque Hæresiarchis actum est.

Et sanctus Hieronymus, epistola 57. ad Damasum Pontificem dubitans, an tres hypostases in Deo dicendæ sint, eum obtestatur, ut epistolis suis, siue dicendarum, siue tacendarum hypostaseon sibi det autoritatem & profiteatur se hac una Ecclesiæ Romanæ fide omnem erroris aut hæreseos suspensionem facilè declinare. Et sanctus Augustinus, epistola 162. Qui inquit, sententiam suam quamvis falsam atque peruersam, nulla pertinaci animositate defendunt, præsertim quam non audacia presumptionis sua pepererunt, sed à seductis, atque in errorem lapsis parentibus acceperunt, quærun-

autem eam sollicitudine veritatem corrigi parati cum inuenerint, nequaquam sunt inter hæreticos computandi. Idem docet, lib. 18. ciu. cap. 51.

Hæreticum autem esse extra Ecclesiam constat ex Scriptura. 1. Timoth. 1. *Quidam circa fidem naufragauerunt, ex quibus est Hymeneus & Alexander, quos tradidi satana, ut discant non blasphemare.* quo loco per metaphoram naufragij intelligit hæreticos fracta vna parte naui Ecclesiæ ex ea in mare decidisse, quod etiam significatur illa parabola Domini de reti, quod præ multitudine scindebatur, Luc. 5. Præterea ad Titum 3. *Hæreticum hominem post unam, aut alteram correptionem denota, sciens, quia subuersus est, qui eiusmodi est,* certè si intra Ecclesiam esset non daretur præceptum Episcopo, qui debet curare suas oues, ut hæreticum vitaret. Item 1. Ioan. 1. Ex nobis exierunt sed non erant ex nobis.

Probat ex Sanctis Patribus, Irenæus, lib. 3. cap. 3. dicit Polycarpum multos hæreticos ad Ecclesiam conuertisse, ex quo sequitur eos antea fuisse de Ecclesia. Cyprianus epistola ad Iubaianum, dicit hæreticos cum sint extra Ecclesiam, tamen vendicare sibi Ecclesiæ autoritatem more simiarum, quæ cum homines non sint, tamen homines videri volunt. Hieronymus in dialogo contra Luciferianos. *Sic ubi audieris eos qui dicuntur Christi, non à Domino Iesu Christo, sed à quoquam alio nuncupari, ut puta Marcionistas, Valentinianos, &c. Scito non Ecclesiam Christi, sed Anti-Christi esse synagogam.* Augustinus, libro de unitate Ecclesiæ, cap. 4. *Qui non credunt Christum in carne venisse de Maria Virgine ex semine David, aut in corpore ipso resurrexisse, in quo crucifixus & sepultus est, non vique sunt in Ecclesia.*

Probat ratione, quia Ecclesia est multitudo vnita, est enim corpus vnum, & ista vnio præcipuè in professione vnus fidei, & earumdem legum ac rituum obseruatione consistit sub legitimis Pastoribus, nulla ergo data conjunctione eius cum corpore perfectio, is non est de corpore.

Dices Ecclesia iudicare & punire potest hæreticos, ergo sunt intus, nam *Quid mihi est,* inquit Paul. 1. Corinth. 5. *de iis qui foris sunt.* Tum ij retinent characterem Baptismi, & Sacerdotij, igitur sunt Christiani & Sacerdotes.

Respondeo, hæreticos licet non sint de Ecclesia, tamen debere esse, & ideo ad eam pertinere, ut oues ad ouile unde fugerunt: sicut ergo Pastor potest ouem, quæ extra errat, iterum cogere ad ouile, & rex cogere ad castra desertorem militiæ, aut etiam punire morte, Sic Ecclesia iudicat de iis, qui intus sunt, vel esse deberent. Paulus verò loquitur de iis qui ita foris sunt, ut nunquam fuerint intus.

Ad characteres illos indelebiles, certum est eos retineri extra Ecclesiam, is non sufficit ad constituendum aliquem in Ecclesia, alioquin in inferno esset Ecclesia. Character propriè non vnit hominem cum capite, sed est signum potestatis & vnionis cuiusdam, & ideo in inferno illo signo cognoscentur, quæ fuerunt membra Christi. Quod autem non vniant patet, nam

non vnit exterius cum sit res inuisibilis, nec interiorius cum non sit actus nec habitus operatiuus, vnde sanctus Thomas, primam vnionem internam ponit in fide.

De Schismaticis.

Schisma non respicit dogmata, sed personam à quo dicitur Schismaticus

Q Vicumque hæreticus est, is simul est Schismaticus. At non quilibet Schismaticus est hæreticus, quamquam apud Sanctos Patres vtrumque confundi video. Schismaticus in articulis fidei, doctrinæque orthodoxa non errans, resistit Superioribus Ecclesiæ, & negat eos esse suos & legitimos Superiores. Schisma scindit id quod erat vnum in partes, vt patet ex ipso nomine, nam *scisere*, scindere est *cuspis*, scissura. Pelagius Papa, in 24. quæst. 1. & can. schisma, ait, *Schisma dici, quia facit scissuram in Ecclesia, & eam qua est Catholica deferens, & ab ea se diuidens partialem Ecclesiam vult constituere: non enim qui Schismatici sunt diuersa sentiendi iudicium, id est dogmatum dissensio, sed quedam delata crimina contra Sedem Apostolicam credentes pessima diuisit opinio.* Eandem doctrinam prius tradiderat Sanctus Hieronymus & Ambrosius, ille in cap. 3, ad Titum, vbi ait, inter hæresim & Schisma hoc interelle, quod hæresis peruersum dogma habet, Schisma propter Episcopalem dissensionem ab Ecclesia pariter separat. Sanctus verò Ambrosius in oratione de obitu Satyri fratris de Lucifero Calaritano, ejusque sectatoribus schismaticis, sic ait, *Nam etsi fidem erga Deum tenerent, tamen erga Dei Ecclesiam non tenerent, cuius patiebantur velut quosdam artum diuidi & membra lacerari.*

Nota tamen, quod licet Schismatici & hæretici differant, vix vllus est schismaticus qui in suo schismate defendendo non fiat hæreticus, quia aut veram Ecclesiam, aut eam esse audiendam negat, aut aliquem alium errorem fæx pertinaciæ adjungit. Id patuit in Nouatianis & Donatistis, vt videre est apud Spondanum, anno Christi 254. Et postea notatum fuit in Catharis & Donatistis, Donatistæ non negabant dari aliquam Christi Ecclesiam, imò eam esse aliquam agnoscebant, sed Donatistæ contendebant, quotquot communicabant cum Cæciliand, (qui electus erat Episcopus Charaginensis, & accusabatur traditionis librorum sacrorum ab eis) delisse esse Episcopos, aut membra Ecclesiæ, Cathari negabant Sanctum Cornelium esse legitimum Pontificem, quia cum lapsis in persecutione Decij Imperatoris, communionem habere dicebant.

Licet autem vtrique postea in defendendo Schismate facti fuerint hæretici, & non tantum schismatici remanserint, videntur tamen primum fuisse solummodo schismatici.

Schismaticus non est de Ecclesia, quidquid dicat Alphonsus à Castro, lib. 2. de iusta hæreticor. punitione cap. 24.

Probat ex Scriptura quæ vocat Ecclesiam. *Vnum omnia*, Ioan. 10. *vnum corpus*. Rom. 12. *Vnam sponsam, vnam amicam, vnam columbam*. Cant. 6. Schisma autem scindit quod erat vnum in partes, vt dixi, pars autem scissa à corpore non est amplius pars eius corporis. Quod si contendas partem scissam ab Ecclesia esse etiam Ecclesiam quandam, multas facies

Ecclesias, quod est contra Scripturam & Symbolum.

Probat ex Sanctis Patribus, Pelagio Papa qui in decretis probat ex professo schismaticos non esse de Ecclesia. Accedit etiam testimonium Ecclesiæ vniuersalis quæ in Parasceue orat pro hæreticis & schismaticis, vt eos Deus ad Ecclesiam Catholicam reuocare dignetur; quod certè non faceret si eos in Ecclesia esse crederet. Ireneo libro 4. cap. 62. qui facta mentione hæreticorum & schismaticorum dicit de viro spirituali, quod *indicabit omnes eos qui sunt extra veritatem, id est, extra Ecclesiam.* Cypriano libro 4. epistola 9. ad Florentinum Papian. *Ecclesia, inquit, est plebs Sacerdoti adunata, & Pastori suo grex adharens, vnde scire debes Episcopum in Ecclesia esse, & Ecclesiam in Episcopo, & si qui cum Episcopo non sint, in Ecclesia non esse.* Hieronymus in cap. 1. Amos. *Schismatici, inquit, separans quidem multitudinem deceptam, ab Ecclesia Dei, tamen hoc non faciunt crudelitate qua hæretici.* Et in cap. 3. ad Titum, inter hæresim, &c. Vbi nota illud, pariter Augustinus libro de fide & Symbolo. *Hæretici falsa de Deo sentiendo ipsam fidem violant. Schismatici autem dissensionibus iniquis à fraterna charitate dissiliunt, quamuis ea credant quæ credimus. Quapropter nec hæreticis pertinet, nec schismaticis.* Fulgentio de fide ad Petrum, cap. 38. *Firmissimè tene, & nullatenus dubites, non solum Paganos, sed etiam Iudeos, Hæreticos & Schismaticos, qui extra Ecclesiam Catholicam presentem finiunt vitam in ignem æternum ituros. Idem habent alij.*

Probat ratione, nam de ratione Ecclesiæ est, vt sit vna vnione membrorum inter se, & cum suo capite, hanc autem vnionem schismaticus tollit, dum se à communione capitis, & aliorum membrorum separat.

Quod autem vnitas essentialis Ecclesiæ consistat in illa coniunctione membrorum inter se, & cum capite, probatur, nam multiplex vnitas inuenitur in Ecclesia.

Prima est vnitas ratione eiusdem principij, id est, Dei vocantis, Ioan. 6. nemo venit ad me, &c.

Secunda vnitas ratione eiusdem vltimi finis, quod significatum est in illo vno denario omnibus operantibus promisso Matth. 20.

Tertia est ratione eorundem mediorum, id est, fidei, Sacramentorum, legum; iuxta illud Ephes. 4. *vna fides vnum Baptisma.*

Quarta est ratione eiusdem Spiritus Sancti, à quo tanquam externo, & separato Rectore vniuersa Ecclesia gubernatur 1. Cor. 12. *Diuisiones gratiarum sunt, idem aut spiritus.*

Quinta est ratione eiusdem capitis, tanquam interni, & coniuncti Rectoris, omnis enim Ecclesia eidem Christo, & eius Vicario tanquam capiti patet Ephes. 1. *Ipsam dedisti caput super omnem Ecclesiam, & Ioan. vltimo Siman Petre pasc oves meas.*

Sexta est ratione connexionis membrorum inter se, & præcipuè cum capite vt est principale membrum Rom. 12. *Vnum corpus sumus, alter alterius membra.*

Iam verò inter has virtutes illæ quæ propriè faciunt Ecclesiam vnā sunt duæ vltimæ; nam per

per primā Ecclesia non tam est vna quā ex vno. Per secundam non tam est vna quā ad vnum. Per tertiam non tam est vna quā per vnum. Per quartā non tam est vna quā sub vno. Per quintam, & sextam propriē est vna, id est, vnum corpus, vnus populus, vna societas.

Schisma autem opponitur his vnitatibus postremis, tunc enim est Schisma quando vnum membrum non vult amplius esse membrum illius corporis nec sub illo capite: quare tollit vnitatem essentialē atque Ecclesiā ipsam. Schismaticus igitur non est de Ecclesia.

Dices Ecclesia est congregatio Catholicorum, vt Nicolaus Papa, definiuit dist. 10. At Schismatici sunt Catholici; igitur sunt de Eccl.

Respondeo 1. Schmaticos etsi Catholicam fidem habeant, non tamen propriē dici Catholicos nisi eam fidem in Ecclesia Catholica profiteantur, vt patet ea August. & Optato citatis locis. Secundō dico non esse plenam definitionem Nicolai Papæ, neque enim voluisse definire Ecclesiam, sed tantum excludere hæreticos ad Ecclesiam.

INSTABIS, Schismatici etsi nolint subesse Pontifici, tamen volunt subesse Christo summo capiti, & licet nolint communicare huic Ecclesie quæ est in terris, tamen volunt communicare Ecclesie quæ est in cælis, quæ est melior pars Ecclesie, non igitur tollunt vnitatem Ecclesie nec sunt absolutē extra Ecclesiam. Confirmatur, nam si quis non veller esse sub Episcopo suo particulari, & tamen veller esse sub Papa, & communicare cum Ecclesia vniuersali, is non posset dici esse extra Ecclesiam.

Respondeo, neminem posse, etiam si velit, subesse Christo & communicare cum Ecclesia cœlesti, qui non subest Pontifici, & non communicat cum Ecclesia militante; Christus enim ait Luc. 10. qui vos audit me audit, & præterea vt Christus est summum caput quoad influxum interiorem, ipse enim influit in sua membra sensum, & morum, id est, fidem, & charitatem. Ita Papa in Ecclesia militante est summum caput quoad influxum exteriorem doctrinæ fidei, & Sacramentorum. Ecclesia quoque vnita est, imò potius vna cum militante, & proinde nemo potest separari ab vna quin separatur ab alia.

Ad Confirm. Resp. eum qui separat se ab Ecclesia, & Episcopo particulari necessariō separari ab Ecclesia & Episc. vniuersali, nisi fortē idē se aliquis separat ab Ecclesia, & Episcopo particulari, quod illa Ecclesia, & Episcopus ille hæretici aut Schismatici sint. Rectē enim Cyprian. lib. 4. epist. 9. frustra, inquit, sibi blandiuntur ij qui pacem cum Sacerdotibus Dei non habentes obrepunt, & latenter apud quosdam communicare se credunt, cum Ecclesia quæ Catholica vna est, scissa non sit neque diuisa, sed sit vtique connexa & coherentium sibi inuicem Sacerdotum glutino copulata.

Idem in 1. b. de vnit. Eccl. *Schismatis macula nec per sanguinem martyrum deletur*, quod August. expressius habet, Schmaticos eiusdem peccati reos faciens, cuius conuincuntur Iudæi, crucifixoress Christi, & epistol. 52. ad Donatistas: *Quisquis ab hac Ecclesia Catholica fuerit separatus, quantumlibet laudabiliter se vivere existimet, hoc solo scelere quod à*

Christi vnitatem diiunctus est, non habebit vitam, sed ira Dei manet super eum.

De excommunicatis.

Proscriptio istorum præsupponit notitiam censuræ, quæ vocari solet excommunicatio, quam à nomine, & essentia deduco.

Excommunicatio significat extra communionem, eo quod per illam separatur homo à communione fidelium, à participatione præsertim Eucharistiæ, quæ per antonomasiam communicatio vocatur.

Excommunicatio alio nomine solet appellari *Anathema*, quod ab excommunicatione differt solum ratione cuiusdam solemnitatis, cum qua consuevit fieri ab Episcopo: nomen anathema desumptum est ab *ana* quod est sursum, & *thesis* quod est positio, sumpta similitudine ab antiquis, qui capta in bello appendebant separata, & seiuncta à cæteris.

Excommunicatio est censura Ecclesiastica qua homo baptisatus priuatur aliquibus bonis communibus, videlicet consortio fidelium, participatione Sacramentorum, & communibus Ecclesie suffragiis. Dicitur censura loco generis, quia omnis excommunicatio est censura, dicitur qua baptisatus priuatur bonis communibus, hoc ponitur loco differentie, & vt ostendatur subiectum istius censuræ; infidelis enim nondum baptisatus non est subiectum excommunicationis, cum non sit subditus Ecclesie.

Quod in Ecclesia non sint,

Probat ex scriptura Matth. 18. *Si Ecclesiam non audierit sit tibi sicut Ethnicus, & Publicanus*, vbi Dominus de excommunicatis loquitur secundum omnium expositionem. At Ethnicus non sunt de Ecclesia 1. Cor. 5. *Cur non magis luctum habuistis vt tollatur de medio vestri qui hoc opus fecit! Et infra, nescitis quia modicum fermentum totam massam corrumpit. Item, auferite malum ex vobismetipsis*, &c.

Quibus omnibus verbis describit Apostolus quid sit excommunicari, iubet enim excommunicari eum qui uxorem patris sui habuerat.

Probat ex SS. Patribus, August. qui lib. de vnitatem Ecclesie cap. ult. dicit excommunicari esse visibiliter præcidi à corpore Ecclesie, & lib. de corrept. & gratia cap. 15. dicit per excommunicationem separari ab ouibus sanis morbidam ne per plures serpent dira contagia, citatur enim ex Augustino hæc sententia 11. qu. 3. canon. omnis. *Omnis Christianus qui à Sacerdotibus excommunicatur Satana traditur. Quomodo? quia scilicet extra Ecclesiam diabolus est, sicut in Ecclesia Christus*, cui subscribit Anselmus qui in cap. 5. primæ ad Corinth. dicit tradere hominem Satanæ esse per excommunicationem meum de Ecclesia pellere. Hilarius in illud Matth. 18. *Sit tibi sicut Ethnicus, & Publicanus*, dicit sic Deum egisse cum populo Israël, vt Christus monet agendum: Primo enim corripuit populum inter se, & ipsum solum, quando apparuit illis cum maiestate in monte Sinai. Secundo adhibuit secum duos testes, id est, legem, & Prophetas. Tertio dixit Ecclesie, id est, misit Christum summum præfulem Ecclesie qui Iudæos obiurgaret. Vltimo cum illi non audirent Præfulem Ecclesie;

Nemo potest velle subesse Christo. & non communicare cum Ecclesia.

Definitio excommunicationis.

neglexit eos ac deseruit ut Ethnicos, & Publicanos.

Quibus verbis ostendit fieri sicut Ethnicum, & Publicanum (quod fit per excommunicationem) esse eiici de populo Dei, & non amplius à Deo gubernari speciali illà providentià quā gubernatur Ecclesia.

Chrysostomus, & Theophylact. in hunc locum exponunt eiici de Ecclesia, quod hic dicitur fieri sicut Ethnicum, & Publicanum. Hieronym. in cap. 3. ad Titum ait alios peccatores per Episcoporum excommunicationem propelli extra Ecclesiam, quo per seipsos sponte eunt hæretici, & Schismatici.

Probatur ratione Primo per excommunicationem priuantur homines omni commercio spirituali, quod habent homines Ecclesiæ inter se ut docet Tertull. in Apologet. cap. 39. igitur non sunt amplius in cœtu Ecclesiæ. Quid enim est ciuem aliquem priuari ciuitate nisi priuari omni commercio quod est inter homines illius ciuitatis? Secundo excommunicatio eum locum habet in Ecclesia quem pœna mortis habebat in Testamento veteri, & quem habet in temporalibus Rebus publicis: at per mortem separantur homines planè à tota Republica August. quæst. 39 in Deuter. *Hoc*, inquit, *nunc agit in Ecclesia excommunicatio, quod agebat tunc interfectio*, ubi confert quod dicebatur Deut. 24. *Auferes malum de medio tui*, cum eo quod dicit Apostolus 1. Cor. 15. *Auferte malum ex vobis ipsis*. Tercio nulla est pœna grauior quam Ecclesia infligere possit excommunicatione, ut docet August. lib. de corrept. & gratia cap. 15. ergo per excommunicationem eiicitur homo de Ecclesia, nam grauius est proiici de Ecclesia quàm quælibet pœna quæ de manentibus in Ecclesia sumitur. Quarto excommunicatio non potest ferri nisi in contumaces, & incorrigibiles, ut docet August. lib. de vera religione cap. 6. Et idem etiam omnes Theologi deducunt ex illo Matth. 18. si Ecclesiam non audierit, &c. Igitur excommunicatio est eiectio de Ecclesia, si enim esset pœna aliqua infra eiectiōem, ferretur etiam quandoque in homicidas, adulteros, & facinorosos alios, licet non contumaces. Adde quod cum absoluantur excommunicati, dicitur. *Restitue te unitati Ecclesiæ & membrorum participationi*. Quod perspicuum est signum excommunicatum separatū fuisse ab Ecclesiæ unitate.

Dices, potest homo excommunicatus retinere Baptisimum, fidei professionem & subiectionem Prælati legitimis, atque adq̃d esse amicus Dei, si nimirum sit iniuste excommunicatus. Potest etiam iuste excommunicatus agere pœnitentiam & habere illa tria antequam absoluat; igitur in Ecclesia erit, etiam manens excommunicatus.

Respondeo, talem esse in Ecclesia animo, siue desiderio, quod sufficit illi ad salutem, non tamen esse corpore, siue externa communicatione, quæ propriè facit hominem esse de Ecclesia ista visibili, quæ est in terris, Augustinus libro de vera religione, cap. 6. *Sapè etiam finit diuina prouidentia expelli de congregatione Christiana etiam bonos viros quam contumeliam, vel iniuriam suam cum patientissimè pro*

Ecclesiæ pace tulerint, neque vllas nouitates, vel schismatis vel hæresis moliri fuerint, debebunt homines, quàm vero affectu & quantà sinceritate charitatis Deo seruendum sit. Hos coronat in occulto Pater in occulto videns.

Dices excommunicatio est medicina quædam spiritualis instituta in vtilitatem eorum qui excommunicantur, vnde Paulus 2. ad Thessal. ult. ait. *Quod si quis non obedit verbo nostro per Epistolam, hunc notate, & ne commisceamini cum illo ut confundatur, & nolite quasi inimicum existimare, sed corripite ut fratrem.*

Respondeo, excommunicatio etiam si abscondat hominem ab Ecclesia, tamen non aufert potentiam, ut non possit iterum inseri in Ecclesiam is qui præcitus est si pœnitentiam agere velit. Idcirco Ecclesia per excommunicationem separat quosdam à suo corpore, sed in vtilitatem eorum, quia cupit eos illa confusione humiliari & humiliatos iterum iterum in corpus suum recipere.

Instabis ex Augustino, libro contra Donatistas post collationem, cap. 20. Neque enim ait à populo Dei separamus, quod vel degradando vel excommunicando ad humiliorem pœnitendo locum redigimus.

Respondeo, suspicor locum esse corruptum, & sic legendum esse, neque enim à populo Dei non separamus, nam statim sequitur: *Et ubi hoc facere pacis & tranquillitatis Ecclesiæ gratia non permittimur, non tamen ideo Ecclesiam negligimus, sed toleramus quæ volumus, ut perueniamus quo volumus, videntes cautela præcepti Domini, ne cum voluerimus ante tempus colligere Zizania simul eradicemus, & triticum.* Quod si locus hic non sit corruptus, responderi potest per populum Dei hoc loco non intelligi solam Ecclesiam militantem, sed absolutè numerum omnium saluandorum siue sint in Ecclesia siue esse possint. Non enim per excommunicationem intendunt Pastores separare homines à numero saluandorum, sed potius ea correptione iuuare eorum salutem.

Excommunicationis censura Ecclesiastica omnium grauissima, & maximè pertimescenda est, quare non facile ferenda, etiam si prætextus pietatis vrgeat: idque non sine causa hic annotare plures me vellicant rationes, quas modestiæ ergo taceo. Nam ut scripsit S. Bern. serm. 199. in Cant. *Facillimè zelo tuo spiritus erroris illudet si scientiam negligas.* Quod prius docuerat S. Gregor. 1. Mor cap. 15. *Valde*, inquit, *inutilis est pietas quæ scientia discretionis caret*: Vnde S. Thomas in 2. 2. qu. 60. ait, *Semper quidem zelus absque scientia minus efficax minusque utilis inuenitur, plerumque autem & valde perniciosus sentitur.*

Catholici omnes habent ius in Sacramenta Ecclesiæ, & ut Filij Dei persistunt, panis filiorum qui est corpus Iesus Christi minimè potest eis denegari. Peccatum solum eos hoc destituit iure hocque ipsimet agnoscere debent vel legitimè conuicti vel confessi ad hoc ut rescindi possint secundum regulas disciplinæ exterioris Ecclesiæ, & à participatione factorum mysteriorum arceri:

Nos ait S. August. hom. 50. cap. 4. *à communione prohibere quemquam non possumus quam*

Excommuni-
in Ecclesia
habet locum
mortis ciuili.

quamvis hac prohibitio nondum sit mortalis sed medicinalis: nisi aut sponte confessum aut in aliquo sine seculari, sine Ecclesiastico iudicio nominatum atque conuictum. Quis enim utrumque sibi audeat assumere ut cuiquam ipse sit accusator & iudex!

S. Leo hanc omnibus Episcopis tradidit regulam epistol. 89. ad Episcop. Viennen. Nulli Christianorum facile denegetur communicatio, nec ad indignantis fiat hoc arbitrium Sacerdotis, quod in magni reatus ultionem inuitus, & dolens quodammodo debet inferre animus vindicantis.

Martinus V. Papa, decreto quod postea Concil. Basileense sess. 20. nec non Lateran. sub Leone X. sess. 11. renouatum fuit edixit quomodo vitandi sint excommunicati.

Adeuitandum scandalum, & multa pericula que conscientis timoratis contingere possent.

Christi fidelibus tenore presentium misericorditer indulgemus quod nemo deinceps à communione alienius, Sacramentorum administratione vel receptione, aut aliis quibuscumque diuinis iure, & extra pretextu cuiuscumque censura Ecclesiastica à iure vel homine generaliter promulgata teneatur abstinere vel aliquem vitare, nisi sententia, vel censura huiusmodi fuerit illata contra personam, collegium, vniuersitatem, Ecclesiam communiter vel locum certum à iudice publicata, vel denunciata; specialiter, & expressa.

Statutum hoc referens Cardin. Toletus lib. 1. instruct. Sacerd. cap. 10. subnectit. Doctoribus istis adhasit communis usus. Fideles enim tam Roma quam alibi non vicant conuersationem cum excommunicatis etiam notoriis nisi nominatim excommunicati sint, nisi fuerint percussores clericorum.





DE ECCLESIAE NOTIS.

Credo unam Ecclesiam.



QUAE à parentibus religiosis didici infixæ cordi hærebunt tanquam aculei, ut sapientiam (iuxta Sapientis dictamen) facilius ediscam. Docuit me prima Controuersiarum lectio doctissimi Panigrolæ Franciscani, hoc unum maximè satagendum, omnique studio curandum, ut Ecclesiam Christi dignoscamus, cuius unius iudicio ex diuinâ assistentiâ infallibili, terminantur omnes temporum controuersia. Hinc est, quod notas & proprietates eius sedulò requirere, & accuratè inuestigare, ne dicam feliciter repertas, Symboloque Nicæno insertas declarare mei esse officij intelligo: Parum enim mihi foret Ecclesiam extare in terris, hancque visibilem esse credere, & demonstrasse, nisi illam quasi singularis Præcursor Lectoribus meis indigitem & ostendam, hancque saltem oculis mentis uidendam, & à quolibet adulterina discernenda perspicuè demonstrarem ex innatis, aut à Spiritu sancto impressis ei caracteribus, & inseparabilibus notis.

Hæreticorum nota hæc proponitur. Sincera verbi Dei prædicatio sincerus usus Sacramentorum.

NOuatores conati sunt ex genio suo notas aliquas Ecclesiæ proferre, sed viri cordati, & sapientes deprehenderunt, quàm primùm eas esse meras præstigias impiorum hominum in circuitu ambulandum, ad illudendum mortalibus factas & comparatas. Tales voco illas septem, quas proponit Lutherus in libro de Concil. & Eccles. quas Confessio Augustana art. 6. & Calvin lib. 4. Instit. cap. 1. §. 9. 10. 11. reducunt ad duas, scilicet Prædicationem sinceram verbi Dei, & sincerum usum Sacramentorum: ubi primò notandum occurrit cauisse hos omnes, ne vllam notam reciperent earum, quæ in Symbolo Constantinopolitano exprimuntur, *unam Catholicam, Apostolicam*; cum tamen omnia vetera Concilia per eas notas, maximè per Apostolicam se discerni vellent ab omnibus scētis. Has itaque Calvinianas insufficientes & futes esse demonstro.

Primò, quia cum de Fide & Ecclesia agitur, clamat sæpe Calvinus cum gregalibus suis, nihil recipiendum quod scriptum non sit. Ex nullo autem Scripturæ loco potest ostendere quas proponit veras esse notas Ecclesiæ, proprio ergo testimonio conuincitur falsas retulisse, & quæ admitti non debeant.

Secundò, quia notam seu signum cum deducere nos debeat in ignotæ, seu arcana rei notitiam, utique ea notius esse oportet, alioquin non est signum: Sed sincera verbi Dei prædicatio, & recta Sacramentorum administratio ignotiores sunt, quàm sit vera, seu Dei Ecclesia, non ergo huius notæ seu signa dici possunt. Maior propositio in confesso est apud omnes, vnde apud Dialecticos pro magno absurdo habetur obscurum probare per obscurius, & conclusionem deducere ex præmissis, quæ non sint ipsæ cui-

dentiores. Probatur minor, quia nobis constare non potest de sincera diuini Verbi prædicatione, nisi prius nobis constet de infallibilitate interpretis, cum ergo eiusmodi interpretes sit sola ipsa Dei Ecclesia, ut pote cuius unius infallibilitati testimonium perhibet Apostolus 1. Timot. 3. vocans eam, *Columnam & Firmamentum veritatis*, sit à primo ad vltimum, ut certi esse non possimus de sincera illa prædicatione, nisi prius constet nobis de vera, seu Dei Ecclesia, quæ verbum illud interpretetur & exponat, & sic talis Ecclesia signum potius est sinceræ prædicationis quàm contra.

Tertiò, sincera Verbi Dei prædicatio supponit Dei Verbum, sed Dei Verbum, ut innotescat nobis tale supponit Ecclesiam Dei: Ergo sincera Verbi Dei prædicatio supponit Ecclesiam, tantum abest ut legitima sit nota Ecclesiæ. Maior propositio extra controuersiam est. Probatur minor, quia seposito Ecclesiæ iudicio ac declaratione, liquidò sciri non potest quod sit Dei Verbum (nouo præsertim testamento comprehensum) illud namque ab Ecclesia sola accepimus; vnde S. August. contra Epistolam fundamenti cap. 5. *Euangelio non crederem*, inquit, *nisi me Ecclesia commoueret auctoritas*. Non quod faciat ipsa Dei Verbum, sed tamen custos eius fidissima est, illud ostendit, & legitimè interpretatur & discernit ab apocryphis.

Quartò, Ecclesiæ notas oportet esse clarissimas, & exploratissimas, sed semoto iudicio Ecclesiæ veræ quam inquirimus, duæ illæ à Caluino posita, sunt obscuræ, intricatissimæ, & minimè exploratæ. Nam quod ad Verbum Dei, per se vbique fere obscurissimum est, ut nemo nescit, & priuatus homo, qui illud prædicat, & sensum illi

assignat

assignat obnoxius est allucinationi, proindeque non potest non esse obscurum & dubium, utrum prædicatio & assignatio illa verbo congruat. Multæ præterea eius partes in controuersia sunt, Iudæi namque totum testamentum nouum supprimunt, Lutherus librum Iob, & Iacobi Epistolam, Caluin. libros Machabæorum expungit; ergo & controuersum erit, sincerane sit illius prædicatio, quandoquidem ad hanc sinceritatem pertinet, ut sit annunciatio legitima diuini verbi. Item Dei verbum prolixissimum, est etiam illud quod communi consensione recipitur, cum ergo ad falsam prædicationem sufficiat in vna eius sententia errare, oportebit totius eiusdem verbi interpretatione audire & ita, quidē ut verā ubique proferri certo constet ei, qui veram inuestigat Ecclesiam. Hoc autem quando fiet vel factum est? Si de germano sensu quatuor illorum verborum aliis clarissimum, *hoc est Corpus meum*, valde est anxius, ob contrarias diuersorum Authorum sententias, quisquis immobiliter non adhæret antiquæ fidei, quid fiet si scripturæ totius germanam quærat intelligentiam?

Quod ad Sacramenta de illorum numero, deque recta ratione ea conficiendi & administrandi grauissima est hodie altercatio, quæ non nisi longissimo labore & spatio potest componi, debet tamen prius, si hæc ratio nota sit veræ Ecclesiæ, quia huic aggregare sese omnium interest.

Quintò, sicut vna eademque quouis tempore est Dei Ecclesia, ita easdem notas sibi vendicat cuius temporis accommodatas. At multo tempore fuit Ecclesia sine verbo Dei scripto (de quo vno hic sermo est) videlicet ab orbe condito vsque ad Moysen, hoc est 1513. annis. Nec adhuc Moyses totum verbum Testamenti veteris scripto edidit, sed dumtaxat Pentateuchum, cui decursu temporis libri alij ab Authoribus aliis canonicis editi acceperunt. Et post illos in Testamentum nouum, cui nequaquam factum est initium, statim atque iacta sunt fundamenta Ecclesiæ Christianæ, sed aliquot annis post, quibus interim labentibus, in promptu esse debuerunt legitimæ notæ Ecclesiæ per quas dignosceretur.

Sextò, ineptæ sunt notæ illæ, quas litigantes omnes trahere possunt in prætenti sui iuris patrocinium: huiusmodi autem sunt duæ illæ de quibus nunc agimus. Nul- lum mihi cætum dabis eorum qui Christiani dici volunt, quantumuis spurium, qui de illis non gloriatur, veluti sibi propriis, vrget quilibet verbum Dei, eiusque prædicationem, simulque iactat sibi vni patefactam rationem veram administrandi Sacramenta, atque ita concludet penes se solum veram esse Dei Ecclesiam. Quid faciet hic homo fluctuans & mente dubius! ad quem potius inclinabit, cum idem sit prætextus omnium, & nequeat nisi magno quodam vrens orio quia iure id faciat, quis sine iure discernere?

Septimò, inepta censetur nota in qua principium petitur, seu quæ est illud ipsum quod quæritur vel ei æquipollet in tem-

Carriera in Professionem Fidei.

pestiua inquam & inepta iudicatur ipsius etiam Caluini sententia, à quo eiusmodi principiorum petitio, non semel reprobat-ur, ut lib. 7. Inst. cap. 7. & in admonit. 1. ad Vvestphalum. Atqui esse Ecclesiam veram, & esse Ecclesiam, in qua sincerè Dei verbum annuncietur se mutuo consequuntur. Cum ergo quærenti, quæ sit vniuersa Ecclesia, respondet Caluinus, eam esse in qua traditur & proponitur verbum Dei verum, non secus facit, quam si responderet veram esse, quæ vera est, atque ita in circuitu ambulat, & lectoris patientiā abutitur, exultat interim tanquam victor Olympicus, qui Ecclesiam nostram prostrauerit, cum tamen ærem dumtaxat sine noxa verborarit.

Octauò, Ecclesia Corinthiorum erat vera Ecclesia, & tamen Apostolus in Epist. 1. ad eos scribit, perperam ab eis tractari præcipuum Sacramentorum, eoque nomine reprehendit illos. Non ergo dici potest rectus vsus Sacramentorum legitima nota Ecclesiæ.

Postremò, tam est iudicis ritè administrare iustitiam, quàm Ecclesiæ ritè administrare Sacramenta, sed non sequitur, ille non rectè administrat iustitiam, ergo non est iudex verus ac legitimus, ergo nec valet, iste non rectè administrat Sacramenta, ergo non est vera Ecclesia.

Ex his patet ineptas esse notas eiusmodi, quæ hoc etiam nomine suspectæ videri debent, quòd nouæ sint, & excogitatæ ab Hæresiarchis recentibus, & inauditæ superioribus sæculis: neque enim iis vsi leguntur sancti Patres cōtra Hæreticos sibi coetaneos, sed aliis de quibus infra.

Sunt autem excogitatæ, quia obscuræ, atque intricatæ visæ sunt, & longissimam disputationem inuoluunt, quæ vix vnquam finiri potest cum pertinacibus, quamdiu autem non finietur perget seducta plebs adherere corrupto cœtui cui se adiunxit velut Ecclesiæ veræ, & quæ saltē secūddum notas eiusmodi, conuicta non videbitur manifestæ falsitatis.

Ne quis autem me suspicetur sic eas refutasse, quod ab illis quicquam nostræ metuum Ecclesiæ & non potius quod reuera insulsæ ac illegitimæ sint demonstro obiter Ecclesiam hanc nostram, seu Romanam secundum illas ipsas veram esse Ecclesiam. In ea ritè validèque administrari Sacramentum Baptismi patet, tum quia nec Caluinus, nec sequaces eius ab ea deficientes rebaptizari se curarunt, aut curant, sed contenti sunt omnes Baptismo in ea suscepto velut legitimo, tum quia id fatetur ipse lib. 4. inst. cap. 2. idque factum scribit diuinā prouidentia, ut illius quæ vera est Ecclesiæ fundamenta manerent. Iam vero si Baptismus, ergo & Eucharistiæ Sacramentum in eadem ritè administratur, ea Dei Verbum sincerè dispensatur. Nam cum ista non minus quam Baptismus ad Ecclesiæ fundamentum, Dei- que pactum pertineant, scribātque in admonit. 1. ad Vvestph. in eodem gradu locanda sunt Sacramenta quo verbum, imo vltro concedat Eucharistiam Baptismo antecellere, & vtroque verbum Dei, debuit omnino

*Notæ induc-
tæ à Nouatori-
bus nouæ sunt
& incognitæ
Patribus, ea-
que ambigunt
& obscuræ.*

G G g † diuina

*Ecclesia est
vna & eadē
quouis tem-
pore easdem
notas sibi
vendicat.*

diuina illa prouidentia æquè ac Baptismum, quin etiam magis illa conseruare Ecclesiæ suæ & pacti illius gratia, & quia debuit, haud dubiè conseruauit, ait enim Isai. 5. *Quid ultra debui facere vinea mea & non feci?* Si conseruauit, vera ergo Christi Ecclesia est Romana à qua segregare sese nefas omnino fuit.

Explosis ergo his ineptis falsisque notis veras & germanas teneor substituere, vt veram Christi Ecclesiam nostram Romanam designem, eidemque me summo iure adhærescere omnibus ita lecturis notum faciam.

Vt autem hoc plene faciam præmittendæ sunt qualitates germanæ notarum: in quibus tota vis consequentiæ stat. Sciendum tamen non dari notas, quæ veritatis euidentiæ simpliciter & absolutè faciant, quia alioquin nulli inuenirentur qui id negarent, sicuti nemo inuenitur qui neget sententias quas Mathematici demonstrant. Sed tamen efficiunt euidentiæ credibilitatis, iuxta illud Psalm. 92. *Testimonia tua credibilia facta sunt nimis*: Apud eos autem qui admittunt Scripturas diuinas, & Historias, ac Patrum vterum scripta, faciunt etiam euidentiæ veritatis; Tametsi enim articulo- rum fidei veritas non potest nobis esse euidens absolutè, tamen potest esse euidens ex hypothesi, id est supposita veritate Scripturarum. Quod enim à Scriptura euidenter deducitur, est euidenter verum suppositis Scripturis, earumque vero sensu, de quo vt plurimum est controuersia.

Porro hæ notæ à variis variè numerantur & nominantur: Ego quas celebrat Ecclesia & decantat in Missa, propono & expono *Vnam Sanctam, Catholicam, & Apostolicam*, quas in Romanam refundi ostendam.

QVÆSTIO I.

De Vnitate, Nota prima vera Ecclesiæ.

PRima ergo est vnitas insinuada ore Spiritus sancti. Probatur Cant. 6. *Vna est columba mea, vna est perfecta*: Vnde etiam in libri illius decursu vnus tantum sponsæ fit mentio: Declarata item verbis Christi Domini Ioannis 10. de Ecclesia sua loquentis, per totum mundum diffusa: *Habeo alias oues, quæ non sunt ex hoc ouili*. Et infra: *Fiet vnum ouile, & vnus pastor*. Et Ioan. 17. *Rogo Pater pro eis, qui crediderunt sunt per verbum æternum in me, vt omnes vnum sint sicut tu Pater in me, & ego in te, vt & ipsi in nobis vnam sint*. Oratio Christi hæc est, quæ haud dubiè ab initio nascentis Ecclesiæ suum fortita est effectum, legimus enim quod multitudinis credentium cor vnum erat, & anima vna, Eph. 4. *Solliciti seruare vnitatem Spiritus in vinculo pacis, vnum corpus, & vnus spiritus, sicut vocati estis in vna spe vocationis vestræ, vnus Dominus, vna Fides, vnum Baptisma*. Et Matth. 16. *Super hanc petram*

adificabo Ecclesiam meam, vbi in singulari dicit Ecclesiam.

Licet ergo Scriptura quandoque nominet plures Ecclesias, sicut in Apocalyp. 1. *Mitte septem Ecclesias quæ sunt in Asia*, & Paul. salutet Ecclesiam, quæ est Corinthi. Non tamen propter hoc plures sunt Ecclesiæ, licet plures sint fidelium Congregationes, quia omnes ad vnam vniuersalem congregationem referuntur; suntque tantum diuersa membra eiusdem corporis, diuersi rami eiusdem radices, plures filij eiusdem matris foecundæ, plures riuus eiusdem fluij aut fontis, plures radij eiusdem Solis per vniuersum orbem lumen suum spargentis.

Probat ex sanctis Patribus, Cyprian. epistol. ad Pupp. *Ecclesia Catholica quæ est vna, scissa non est, neque diuisa, sed connexa, & coherentium sibi inuicem Sacerdotum glorio copulata*. August. lib. 1. de Symb. cap. 5. *Credimus Ecclesiam Catholicam ipsa est Ecclesia sancta, Ecclesia vna, Ecclesia vera*. Quæ contra Schismaticos attuli hanc stabiliunt vnitatem, in cuius assertionem ita conspirant sententiæ omnium aduersariorum, vt ampliore Patrum probatione, & testimonio nihil sit opus, cum præsertim sciamus ex antiquis temporum monumentis, & relatu Basilij Patres maluisse quauis tormenta pati; quàm vnicam Fidei syllabam commutare: idem scripsit Epiphani. vt notat Hieron. Apolog. contra Ruffin. lib. 3. ob vnum, aut duo verba plures hæreses extra Ecclesiam eiecitas fuisse.

Perpendamus quæso, quid circa Arcam Noë prouidente Domino sit obseruatum: Ea vnica erat, & cum manifestum fuerit Ecclesiæ Symbolum inter æstuosas mundi procellas fluctuantis, nec tamen vnquam subsidentis, ostendit Ecclesiam non multiplicem esse, sed vnicam? Expendamus & titulos quibus insigniri Deus voluit quatenus ei præest, videbit tendere omnes in confirmationem vnitatis de qua est sermo: Rex appellatur, & ipsa regnum. Matth. 13. 18. & 21. Caput dicitur, & ipsa corpus. Ephes. 1. & 5. Coloss. 1. Sponsus virque nominatur. Matth. 9. Apoc. 18. & 21. Ipsa autem sponsa & vxor. Cant. 3. Apoc. 21. vbi legimus sic, *Veni ostendam tibi sponfam uxorem agni*.

Probat ratione, Deo vni, vel Christo Regi nihil conuenientius respondet quàm vnitas religionis, sed hæc facit Ecclesiam: Ergo Ecclesia est vna maior & euidens, cum Deus sit vnus principiumque cuiusvis vnitatis & ipsamet vnitas, indeque est quod non multiplicem, sed vnicam salutis viam assignauit hominibus quos adunauit in eodem spiritu Christi, seu vno spiritu fidei, & ad hanc stabiliendam adunationem dicitur, Ioan. 11. *Iesus mortuus erat pro gente, & non tantum pro gente, sed vt filios Dei qui erant dispersi congregaret in vnum*. Minor per se patet, Ecclesia enim est domus Dei, seu schola religionis vera.

Tum si Deus seu Christus est Rex vnicus vt constat, ergo vnum habet regnum: Si caput est, ergo vnicum ei subesse debet corpus seu vnica Ecclesia, quæ corpus eius toties nuncupatur; nec insec Catholicos admittere

Nota Ecclesia
non faciunt
euidentiæ,
sed tantum
credibilitatē.

Omnis singu-
laris Eccle-
sia reformatur
vnam vni-
uersalem.

admittere duo capita vno in corpore, vnde & pariter inferantur duo dari corpora sub Christo, seu plures Ecclesias admitti posse, in quibus vera exerceatur religio.

Resp. etenim Christum & Papam de quo est quæstio, non esse moraliter capita duo, sed vnicum (sicut in regno Egypti v. g. Pharaon & Ioseph Patriarcha, & in iudicio Actor, eiusque procurator) quandoquidem illi subest, illum repræsentat, & ab eo pendet in omnibus. Adde, si Christus sponsus, ergo & vnâ habet sponsam Ecclesiam, idque maximè constat ex doctrina eius, Ioan. 10. *Alia oues habeo, quæ non sunt ex hoc ouili, & illas oportet me adducere, & vocem meam audient, & fiet vnum ouile, & vnus pastor.*

Restat demonstrare in quo sita sit vnitatis huius ratio. Respondeo itaque.

V N A M esse, & dici per relationem membrorum ad vnum caput visibile ab invisibili constitutum, id est ad Petrum, seu Pontificem Romanum à Christo (*qui constitutus est Caput super omnem Ecclesiam*, tam scilicet Angelorum, quam hominum, tam triumphantem, quam militantem, à quo omnis gratiæ influxus, in nos tanquam in membraderiuat) in persona Petri corpori mystico Ecclesiæ fidelium successorem datum. Caput visibile in terris est Petrus Vicarius Christi, istius autem est hodie Alexander VII. successor Petri.

Ratio & essentia vnitatis Ecclesiæ.

Sicut ergo Regnum dicitur vnum ab vno Rege, Exercitus vnus ab vno Imperatore seu Duce, familia vna ab vno Patre, Corpus vnum à colligatione membrorum sub vno capite: Sic Ecclesia vna dicitur, quæ ut dixi vocatur in scripturis Regnum, exercitus, corpus, &c. De hac vnitatem dixit Dominus per Ezechielem, *Faciam eos in gentem vnâ, & Rex vnus erit omnibus imperans, Pastor erit vnus omnium eorum.* Vna ergo Ecclesia est quæ dum subest multis Pastoribus, vni primo Pastori vices Christi gerenti subiectis, ipsi primo Vicario Christi subiecta est, ac proinde ipsi Christo.

Et sic ex vnitatem obedientiæ ad vnum caput vnitatem Ecclesiæ consurgit, *Neque enim aliunde hereses oborta sunt*, ait Cyprian. lib. 1. epist. 3. ad Cornelium, *Aut nata sunt Schismata, quam inde, quod Sacerdoti Deo non obtemperatur, nec vnus in Ecclesia ad tempus Sacerdos & ad tempus index vice Christi cogitatur.* Et lib. de vnitatem Eccles. sub principio, *Hoc eo fit, id est oriuntur hereses dum ad veritatis originem non rediunt, nec caput querunt, nec Magistri celestis doctrina seruantur.*

V N A M dici præterea ob consensionem in eandem Fidem, Spem, & Charitatem. Fidei quidem & doctrinæ, quia vna est doctrina ipsius Ecclesiæ in his quæ concernunt fidem, vna vox, vna lingua iuxta id quod dicit August. in Psalm. 74. *Qui volunt vnâ linguam veniant ad Ecclesiam, quia & in diuersitate linguarum carnis, vna est lingua in fide cordis.* Et Irenæus lib. 1. cap. 3. *Licet loquela dissimiles sint in mundo, sed tamen est vnitas traditionis, neque quæ in Germania sunt fundatæ Ecclesiæ aliter credunt, aut aliter tradunt, neque quæ in Iberia sunt, aut quæ Cel-*

sis, neque quæ in Oriente, neque hæc quæ in Egypto, neque hæc quæ in Lydia, neque hæc quæ in medio mundi sunt constituta. Sed sicut Sol creatura Dei in vniuerso mundo vnus & idem est, sic & lumen & predicator veritatis vbique lucet. Si hanc vis perfectiùs videre, & experiri vnitatem, consule generalia Ecclesiæ Concilia, vbi ex omnibus nationibus aliqui conuenerunt, & inuenies consensum firmitum in fidei dogmatibus.

V N A M esse ratione eiusdem spei, iuxta id Ephes. 4. *Obsecro vos, ut dignè ambuletis in vna spe vocationis vestræ.* Eandem enim salutem, gloriam, & æternitatem speramus, per eadem merita Saluatoris Iesu Christi, & per opera nostra meritoria ab eadem fide procedentia.

V N A M, ratione eiusdem Charitatis, per quam Ecclesia vna est vnitatem voluntatis, iuxta votum Christi, Ioan. 17. supra. Et hæc vnitatem eluxit maxime in Ecclesiæ incunabulis, quando multitudinis credentiæ erat cor vnus, & anima vna, Eph. 4. Hæc est vnitatem Spiritus, quam sollicitè seruare nos admonet Apostolus, quæ non solum consistit in vnitatem Fidei, & Spei, sed in vnitatem voluntatis, & vnione Charitatis.

V N A ergo est Ecclesia Dei omnibus præfatis vnitatibus, quas requiri ad veram Ecclesiam discernendam à quacunque congregatione quæ has non habet, ita certum est, ut ea de causâ in Symbolo Constantinopolitano dicatur *Vnam esse Ecclesiam.*

Porro: Ex hac nota, *Clarissimum est Ecclesiam Romanam solam esse veram Dei Ecclesiam*, non enim ita in cælo Sol conspicitur, sicut in ea multiplex allegata vnionis ratio.

Per Ecclesiam Romanam intelligendus est Episcopus Romanus, & Senatus eiusdem, seu Collegium Presbyterorum, & Clericorum Romanorum, ita ut eadem sit censenda Ecclesia Romana quocumque in loco sit, cum erit Romanus Episcopus & Clerus ei coniunctus; Romanus siquidem Episcopus Romanam Ecclesiam tanquam plebem suam, & gregem suum tanquam Pastor proprius pascit ac gubernat, quemadmodum Aptensis suam illam plebem.

Et quia primus Romanæ vrbis, ac plebis Pastor & Episcopus fuit S. Petrus Apostolorum Princeps, idcirco Romanus Pontifex est S. Petri successor, & eandem Cathedram tenet ratione præcisi Episcopatus. Sed præterea Petrus erat Vicarius Christi in terris, & curam totius Christianitatis habebat, ideo dictus est Episcopus orbis, & in hoc etiam succedit ei Romanus Pontifex, & ab eius fide Ecclesia vniuersalis & Catholica quæ ei adhæret, nuncupatur Ecclesia Romana, & hoc sensu Notas Ecclesiæ examinemus.

Ecclesia Romana vna est, quia vnum est illi caput Christus Dominus, non quod vniuersum non præficiatur ei Romanus Pontifex, sed quod non præsit ei, nisi ut Christi Vicarius, atque ita moraliter non constituat diuisum ab illo caput, nec cum eo comparatus rationem habere possit capitis, cum illi subsit, caput autem verum nulli subest,

*Papa præst
Ecclesiæ uni-
uersali tan-
quam Christi
Vicarius, un-
de diuersum
caput morali-
ter non consti-
tuit.*

& cum in membra influat inferiora, nihilominus influxum ab iis nullum accipit. Atque ut allatum ibi exemplum retineamus, si quis de regno Ægypti sub Pharaone percontatus fuisset vnicum ne haberet caput, an multiplex, vnicum quinis puto respondisset, & tamen præter Pharaonem Ioseph ei toti præfectus fuisse legitur ab ipso Pharaone sic cum alloquente, Gen. 41. *Ad cui oris imperium cunctus populus obediet:* Et rursus, *Ecce constitui te super vniuersam terram Ægypti.* Verum cum Pharaonis gereret vicem, nec propriè caput erat, nec ab eo diuersum. Idem de familia iudicium supra quam totam constituitur passim à vero Patre familias œconomus aliquis prudens à quo gubernetur. Idem de exercitu, qui non raro ab vno Duce regi subalterno totus regitur, ut quondam à Bellisario sub Iustiniano Imperatore, nec tamen idcirco vnus esse definit etiam ratione capitis. Quid autem est Ecclesia, quàm Dei regnum, quàm familia, quàm *castrorum acies ordinata?*

Dices, disparem esse rationem, ideo namque Reges vnum sibi substituunt, quia ope indigent, nec per se possunt omnia: Christus autem ut suam totam regat Ecclesiam nullius plane mortalis indiget adminiculo.

Respondeo, non semper ab impotentia propria moueri Reges ad vnum aliquem sibi surrogandum, cum ipse etiam Pharaon à quo toti Ægypto Ioseph præfectum fuisse diximus hoc regnum magna cum laude multis iam annis administrasset.

Deinde hic non disputatur quanam surrogandi causa interueniat, nec interuenire debeat, mihi sufficit, Vicarij generalis institutionem non derogare honori Principis, vel vnitati eius, regnive aduersari. Etsi autem ad Ecclesiam per se regendam Christo virtus simpliciter non desit, nec industria, rectè nihilominus aliam ob causam vni voluit Nauarchæ vices suas committere, atque ita fieri planè consultum fuit, nempe ut connaturaliter homines regerentur similes à similibus. Nam & sic Marc. ult. ut hoc modo disponderet omnia suauius, *Misit discipulos in mundum vniuersum*, qui fidem prædicarent omni creaturæ, cum tamen infundere illam cuius per se posset. Fuit præterea Schismatis præscindenda occasio, præcisa autem est, eo ipso quo voluit ut inter omnes Ecclesiæ Rectores vnus Primas teneret cui subessent reliqui. Et tales quidem fuerunt in lege veteri Moyses, Aaron, Eleazaras, &c. In Euangelica autem Petrus, cui indefinitè dictum est, Ioan. 20. *Pasce oves meas, pasce agnos meos*, & Petri successores.

VNA est Romana Ecclesia vnitare fidei, & miro Doctorem & Scriptorem inter se consensu, licet diuersi & in locis, temporibus, ac linguis diuersis scripserint & scribant. Quod pro re planè diuina D. August. obseruat lib. 18. ciuit. cap. 41. Nec Doctores tantum, sed omnes Catholici toto orbe dispersi in rebus fidei in eandem consen-

sionem conveniunt, & idem planè sentiunt, nec possunt aliter sentire, cum omnes captiuent intellectum, & sensum suum subiiciant sensui vnus & eiusdem summi Pastoris in cathedra Petri, cum concilio aliorum Pastorum Ecclesiam dirigentis, & à quavis sententia illi contraria aut dissona dicto citius recedant ubi primum aduersariam esse audiunt, esto prius illam propugnauerint ut veram, & rationi consentaneam, ita sit ex consequenti, ut omnes idem sapiant inter se & dicant.

Frustra proinde Calvin. lib. 4. Inst. cap. 13. plures apud nos esse sectas & instituta arguit, Thomistarum, Scotistarum, & similia, Benediclinorum, Dominicanorum, Franciscanorum, &c.

Res ipsa de se loquitur nihil in iis militare contra fidem, sed eam tueri & propagare. Scholæ siquidem diuersæ in suas libere abeunt sententias in iis, quæ non sunt de fide, quippe nihil horum in quibus non conveniunt definiuit Ecclesia esse de fide, quandiu autem non constat esse, liberum cuique relinquitur in suo sensu abundare, ut loquitur Paul. Rom. 14. dummodo prudenter id faciat, paratus scilicet superuenienti decreto iudicium proprium caputque submittere: Quod quidem semper in controuersis illis suis S. Thomæ, & Scoti sequaces faciunt, ut videre est in quibuslibet eorum euulgatis operibus, quæ maiusculo caretere ordinariè hæc proferunt, *Omnia sanctæ Romanæ Ecclesiæ correctioni submitto & censore*, ne quid dicam de præiudicio illorum à Censoribus stabilis examine, & præfixa in limine Librorum approbatione.

Porro instituta illa, & Ordines varij Religiosorum, eorumque diuersa nomina militant strenuissimè pro fide tuenda & propaganda, ut experientia constat, & omnes diuersimodè hunc attingunt scopum orando, studendo, catechizando, verbum Dei disseminando, populos instruendo, pericula quæque intrepidè obeundo, Hæreticos conuincendo, &c. Nomina autem eorum diuersa non arguunt diuersam fidem, sed ab institutore seuerioris disciplinæ, consiliorum euangelicorum sectatore, desumpta sunt ut notum est.

VNA est Ecclesia Romana vnione Charitatis & Spei, viget enim in ea communicatio eorum, quæ verè sunt bona, & iubentur esse communia ut orationes, Iacob. 5. *Orate pro inuicem: Gratia à Deo accepta*, 1. Pet. 4. *Vnusquisque sicut accepit gratiam in alterutrum illam administrans, sicut boni dispensatores multiformis gratia Dei.* Bona etiam temporalia magnificè à pluribus erogantur in dotandis Xenodochiis, in fundandis Monasteriis, in subleuandis Inopibus, in erigendis Templis, in Dei Opt. Max. seruitio stabilendo. Patent hæc omnia. Quæ vnitatem pluribus modis declarant Ecclesiæ Catholicorum.

Quæ omnimoda vnitatis, quàm aliena sit ab omnibus Sectis, & specialiter ab iis, quæ Schisma fecerunt, aut hæresim profitentur nemo non videt, nec enim orta vel aliqua est,

*Proregis seu
Vicarij insti-
tutio non de-
rogat honori
Principis.*

est, quin subito diuisa sit in plures, notauit Irenæus lib. 1. cap. 21. de hæresi Simonis primi Hæresiarchar. Aug. lib. 1. de Baptis. cap. 6. de hæresi Donatist. quam suo tempore in multa fructa concisam fuisse scribit, & nostro tempore constat Lutheranos vix dum natos, aut Caluinistas dinidi cœpisse in tot sectas, & ramos vt quotidie nouis inter ipsos suboriantur dissensiones & schismata in rebus principalioribus, & præcipuis Fidei dogmatibus: vnde vnus alium pro hæretico habet, & diuersa sortiuntur nomina sub eodem hæresiarcha, sub Luthero numerantur Anabaptistæ, Zuingliani, Confessionistæ rigidi, & molles. Caluinistæ non audent Lutherum execrari, & tamen in rebus grauissimis ab eo dissentiant, vt patet ex libris Caluini, Beza de cœna Domini. Notat Bellarmin. nunc numerari fere centum diuersissimas sectas ab vno Luthero prodeuntes, idque fieri magna Dei prouidentia certum est, nam hæreses hoc modo seipsas consumunt: vnde Isai. 19. dicitur: *Concurrere faciam Aegyptios aduersus Aegyptios.* Et Hilar. lib. 7. de Trinit. *Bellum hæreticorum, inquit, est pax Ecclesia.* Et quod peius est apud Hæreticos nulla vnionis inter ipsos stabiliendæ, componendarumque discrepantiarum regula inueniri, aut stabiliri potest. Nullum habent, nullum agnoscunt, nec agnoscere volunt communem iudicem, quide controuerso scripturæ sensu depromat diffinitiuum iudicium à quo discedere non liceat, qui rursus inter varias de rebus agendis opiniones quid facto sit opus, pro sua autoritate determinet.

Quisque enim se præponit aliis, & quisque vult esse iudex aliorum, & inde fit vt ordinariè quælibet noua hæresis statim pariat alias & alias, donec per multas diuisiones consumatur, ita vt miraculum videatur si aliqua hæresis diutius duret. Lutherani ipsi à Luthero desciscunt, Caluinistæ nec ipsum Caluinum admittunt, de quo sic Beza in epist. 4. loquitur. *Quis eo adigendum quemquam putauit, vt in locorum scripturæ interpretatione à Caluini sententia non discederet?* Quin potius abundat quilibet, & abundare permittitur in sensu suo in articulis grauioribus: Scripturam pro arbitrio interpretantur. Qua superba præsumptio fit, vt intelligentiam quæ sibi occurrit à Spiritu sancto intentam, ac mordicus retinendam quilibet sibi persuaheat. Hinc Notam etuo, quod extra Dei Romanam Ecclesiam nulla sit Ecclesia, non enim, ait Paul. Cor. 14. Est dissensionis Deus, sed pacis.

QVÆSTIO II.

De Sanctitate, Nota singulari vera Ecclesiæ.

ALtera Ecclesiæ veræ Nota est sanctitas, vt exprimit Symbolum Constantinopolitanum, quam primò indicauerat Paulus 1. Cor. 3. cum ait: *Templum Dei sanctum est, quod estis vos.* Neque enim Tem-

plum Dei collectum ex Corinthiis, ceterisque fidelibus aliud dici potest quàm Ecclesia, cum ea nihil aliud sit quam cœtus, siue collectio fidelium. Quid autem importet sanctitatis nomen præponendum est nostro probationis signo, neque enim sanctam profiteamur Ecclesiam; prout eam sanctitatem interpretari sunt Cathari. Donatistæ, Vilitæ, Anabaptistæ, quasi nullus qui sit peccato mortali contaminatus Ecclesiæ membrum sit, quem errorem confutauit August. de vnit. Eccl. cap. 16. & epist. 171. ad Honoratum Episc. & 30. ad Bonifacium, & merito, nam vt ait eà 50. Epistola: *Ecclesia est arca dominica, quam habere oportet vsque ad tempus ventilationis, & frumentum in horrea recondendum, & paleam igne consumendam.* Eundem errorem reiciunt Parabolæ de reti, de conuiuio nuptiali, de decem virginibus, & de ouili, quibus Christus Ecclesiam suam designauit ad exprimendam commixtionem bonorum & malorum in eodem Ecclesiæ militantis corpore. Præterea Matth. 18. *Si peccaueris inter fratres tuos, si te non audieris, dic Ecclesiæ:* hic non potest negari, quin sermo sit de vera Ecclesia, nam Christus loquitur de sua, & in hac constat inueniri peccatores & tales peccatores, qui sæpe non emendentur per correctionem fraternam, nec etiam testibus adhibitis, & tamen manent in Ecclesia, donec ab ipsa Ecclesia per sententiam Prælati eiiciantur. Item Matth. 23. Dominus præcipit de malis, *vt faciamus quod dicunt, non quod faciunt.* Ac ne quis putet in ea, non nisi leues quosdam peccatores inueniri, plurimos eo nequitie peruenire significat, vt scandala dici mereantur suo tempore colligenda ab Angelis, & mittenda in caminum ignis, & scribit Apostolus 1. Cor. 5. *Omnino auditur inter vos fornicatio, & talis fornicatio qualis nec inter gentes.* August. lib. 3. doct. Christi cap. 31. explicans illud Cantic. *Nigra sum, sed formosa sicut tabernacula Cedar, sicut pelles Salomonis:* non esse dictum nigra fui, seu formosa sum, sed nigra sum & formosa, quia ipsa vna & eadem Ecclesia nunc est nigra sicut tabernacula Cedar propter peccatores quos in se habet, & simul est formosa sicut pelles Salomonis, id est, sicut tentoria regis propter bonos quos in se habet.

Sanctitas Ecclesiæ quantum ex variis Doctoribus colligere potui, complectitur quatuor capita.

Primum est eius doctrinæ veritas, quæ duplex est speculatiua, & practica, illa fidei doctrina est, ista morum; vnde vt hanc sanctitatis partem Ecclesia habeat, necesse est primò, vt nihil fidei diuinæ, aut veritatis vlli etiam naturali contrarium doceat: nec enim audiendi sunt, qui autumant aliquid in fidei diuinæ principis verum esse, quod in Philosophiæ naturalis principis falsum sit; alioquin enim alterutra earum fides diuina, aut ratio naturalis, seu Philosophia esset falsa, & cum Deus vtriusque author sit, is quoque falsitatis author esset, quod dicere est impium. Quamobrem vt doctrinæ veritatem Ecclesia habeat, nihil falsum

Sanctitas Ecclesiæ consistit in doctrina sancta & moribus sanctis & stabilitate vitæ æque.

aut à ratione dissonum docere eam oportet. 2. Necesse est vt doctrina eius de moribus vera sit, seu rationi tam diuinæ quam humanæ rectæ consona, nihilque malum aut prauum leges illius & præcepta iubeant, sed lex eius sit immaculata conuertens animas ad Deum finem verum & mores bene conformans; sicut in doctrina speculatiua testimonium eius fidele sapientiam præstans paruulis, seu credentibus discipulis.

Secundum eius sanctitatis caput est vis eius sanctificatiua, ita vt cultores suos & discipulos suos sanctos facere possit per suam doctrinam, Sacramenta, institutiones & ritus, nihilque inutile superfluum, supersticiosum aut vanum contineat, & habeat omnia media quibus sanctitas primum haberi, habita conseruari, & deperdita recuperari potest: Sic enim sancta Ecclesia dici potest, quia sanctitatis est causa, sicut frigus pigrum, Sol calidus dici solet.

Tertium caput est sanctitas formalis, seu afficiens intrinsecè partes & membra Ecclesiæ, quemadmodum corpus sanum dicitur, cuius membris, aut omnibus, aut certè præcipuis inest sanctitas: Nec enim homo æger aut infirmus dici solet, si vulnus aliquod leuissimum in cute, aut in aliqua parte minus præcipuâ habet. Quia tamen ista sanctitas videri non potest, nec ab hominibus agnosci in singulis qui sunt de Ecclesia, vnum nemo nescit professionem fieri sanctitatis in ea, & pro diuersitate temporum Ecclesiam innumerabiles produxisse sanctos in quouis statu, seu Clericali, seu Læico. Hos habet historia, & vt dicitur vita Sanctorum, hos colit Ecclesia, & annua decernit ei festa ad gloriam Dei, & stimulum imitationis reliquis fidelibus.

Quartum sanctitatis Ecclesiæ caput est eius duratio & stabilis firmitas, sanctum enim non raro dicitur, quod inuiolabile, firmum, constans & stabile perseverat. Sic explicata sanctitatis notione, quam esse singularem dotem & proprietatem veræ Ecclesiæ nemo ambigit, cum in Symbolis Christianis, Apostolico, Nicæno, Constanti-nop. credatur Ecclesia sancta, hancque sanctitatem se:pturæ passim asserant, Psal. 92. *Domum tuam decet sanctitudo Domine.* Ps. 45. *Sanctificauit tabernaculum suum Altissimus.* Et Psalm. 1. introducitur Christus laudans sanctitatem eius. *Ego autem constitutus sum Rex ab eo super Sion montem sanctum eius.* Apostolus nihil magis commemorat in exordio Epistolarum suarum, vocat *Sanctas Ecclesias* quibus dirigit Epistolas. Et Ephes. 5. *Christus dilexit Ecclesiam, & seipsum tradidit pro ea, mundans eam lauacro aqua in verbo vite, vt sit sancta & immaculata;* propterea vidit Iouanes Apoc. 21. *ciuitatem sanctam nouam descendentem de celo.* Hac inquam explicata sanctitatis notione impressa à Deo ipso veræ suæ & Christi Ecclesiæ habeo probandum.

Quod soli Ecclesiæ Romanæ hæc plenarij sanctitas conueniat: Sancta est Romana Ecclesia sanctitate doctrinæ & morum.

Probatur ex Scriptura: *Tu es Petrus, &*

super hanc petram edificabo Ecclesiam meam. Matth. 16. & Luc. 22. *Rogavi pro te Petre, vt non deficiat fides tua, & in aliquando conuersus, confirma fratres tuos:* loca hæc spectant ad cathedram Petri, cum Episcopus sit caput suæ Diœcesis, nec sit dubium Romanum Pontificem esse successorem Petri, vt in Articulo suo probabimus infra.

Probatur ex sanctis Patribus in locis quibus indefectibilitati eius testimonium perhibent: hæc enim huic propositioni suffragari nemo non videt.

Basilium profero, qui eodem tenore fidem & ritus Ecclesiæ Romanæ sanctos demonstrat, lib. de Spiritu sancto, cap. 27. *Dogmata quæ in Ecclesia seruantur ac predicantur, partim ex conscripta doctrina habemus, partim ex Apostolorum traditione ad nos delata mysterio recepimus: quæ utraque eandem ad pietatem vim habent, & nemo eis contradicit, qui vel modicam saltem Ecclesiasticorum iurum experientiam habet.*

Hieronym. lib. 3. Apolog. contra Ruffin. *Scito Romanam fidem Apostolica voce laudatam eiusmodi prestigium non recipere, etiamsi Angelus aliter annunciet, quam semel prædicatum est Pauli auctoritate munitum.*

Cypriano lib. 1. epist. 3. *Nauigare audent ad Petri cathedram & Ecclesiam principalem, &c. nec cogitare eos esse Romanos, ad quos perfidia non potest habere accessum.*

Gregor. Nazian. in carmine de vita suæ: *Verus Roma ab antiquis temporibus habet rectam fidem & semper eam retinet, sicut decet urbem quæ toti orbi præsidet, semper de Deo integram fidem habere.*

Lucius Papa Martyr aspersit hanc veritatem suo sanguine, epistol. 1. ad Episc. Gall. Hispan. *Ecclesia Romana Apostolica est, & mater Ecclesiarum omnium, quæ à tramite Apostolica traditionis nunquam errasse probatur, nec hæreticis nouitatibus deprauata succubuit.*

Bernard. epist. 190. ad Innocent. *Oportet ad vestrum referri Apostolorum pericula quæque & scandala regni Dei, præsertim quæ de fide contingunt, dignum quippe arbitror ibi potissimum resarciri damna fidei, ubi non possit fides sentire defectum, cui enim alteri sedi dictum est aliquando: Ego pro te rogavi, vt non deficiat fides tua. Quæ hanc sedem demonstrant Apostolicam, quod pro quarta veræ Ecclesiæ nota probandum est infra, sanctitatem eius quoque confirmant.*

Probatur rationibus: Harum non immeritò primam adduco, quod caput eius absolute dicitur sanctitas (abstractum pro concreto maioris reuerentiæ & assertionis gratia), licet autem Romani Imperatores ambierint, & vendicarint sibi titulum sanctitatis, vt sibi maius reuerentiæ pondus conciliarent, hoc totum reuera fuit fastus, & vsurpata gratis magni nominis vmbra, quam deposuit Gratianus Imperator, nolens vocari Pontifex maximus, confessus ingenuè incongruum esse vsurpare nomen soli successori Petri Apostoli debitum. Licet etiam aliquando Episcopi quilibet sanctitatis titulo honestarentur, quod passim fecit Augustinus ad eos scribens: hodie ipsum sanctitatis

Abstractum nomen vsurpatum pro concreto ad maiorem reuerentiam, hinc Papa vocatur sanctitas pro sancto.

sanctitatis nomen soli Pontifici Romano permissum, quem compellere nefas, nisi hoc præmisso titulo *Vestra Sanctitas*. Quem ipse sibi non arrogavit, sed hæreditario iure habet, à vicariis Christi, ut scribit Chrysost. in Psalm. 38. & probat latè Troilus Maluetius lib. de canonizatione Sanctorum dub. 1. num. 16. Alij ius illud aliunde augurantur, Ennodius in Apolog. à Petri primi Romani Episcopi sanctimonia. Ille, inquit, de S. Petro perennem meritorum dotem cum hereditate innocentia misit ad posteros: quod illi concessum est pro ætæ luce, ad illos pervenit quos per conversationis splendor illuminat, quis enim sanctum dubitet, quem apex tanta dignitatis attollit? In quo si desint bona acquisita per meritum; sufficiunt, quæ à loci decessore præstantur. Alij ab officio, quod totum circa res sanctas versatur; alij à pluribus, & propemodum centum Romanis Pontificibus inter Sanctos annumeratis.

Mihi magis arridet hunc sanctitatis titulum depromi ab innata proprietate Sedis Romanæ, seu cathedræ Petri, super quam legitimè & canonicè electus sedens mox sanctus in fide efficitur, ne dicam & moribus: ita indubitanter accidere testantur B. Symmachus Papa in decretis, & S. Ennodius, & potest illustrari ex subita animi mutatione in Felice ac Vigilio, ex quo fuere veri Pontifices. Hæc autem sanctitas Capitis Ecclesiæ diffundi necesse est in singulas partes eius, omnesque singulares Ecclesiæ, quæ communionem cum Romana habent.

Probat peremptoriè sanctitas hæc ex vigilantia aduersariorum eius, nolo enim aliud huiusce propositionis firmamentum, quàm quoddam singulis fere sæculis ab ortu suo, Christi que Domini Ascensione extiterunt gravissimi eius hostes & aduersarii, qui multa dogmata falsa, aut crimina ei calumniosè affixerant, sed iis clarissimè dilutis, & omni eorum suspitione depulsa victrix stetit: quotiesque se Ecclesiæ reformatores prædicarunt Hæretici, aliud nihil egerunt, quàm quod aliquorum pravorum Christianorum vitia notarunt, & ad summum occasionem dederunt Ecclesiæ antistitibus sua decreta renouandi.

Legatur Concilium Tridentinum, & alia quædam præcedentia, in quibus Cleri reformatio, & alia decreta ferunt ad sanctitatem in quouis statu, vel introducendam, vel reparandam in membris Ecclesiæ.

Quod si aliquibus minus placent Ecclesiæ ritus, ut minus gravitati morum splendide, magnificæque quam ipsi animo fingunt minimè consentanei, nimisque abiecti, humiles, superbis Philosophorum, de virtute sententiis indigni, ipsi viderint, an non vitiatus sit suus animus, & attendant ad humilitatem, obedientiam, modestiam, pietatem, rerum humanarum contemptum, castimoniam & alia religionis, religiosæque sanctitatis vera insignia & officia. Ad hoc non desunt Apologia.

SANCTA est Ecclesia Romana, tertia sanctitatis formalis notione, nec unquam sic desinit esse sancta.

Ad hoc habet Sacramenta & sacrificium, quibus quivis homo cuiuslibet conditionis, & status sanctificari potest. Id patet ex virtute Sacramentorum Ecclesiæ sanctificatiua qua gaudet Ecclesia, quæ Sacramenta sunt tot & talia, ut pro quolibet sanctificando suppetant. Baptismus regenerat, & Christianos sanctificat. Confirmatio contra tentationes corroborat. Eucharistia sanctitatem auget, & confirmat, seu nutrit. Pœnitentia lapsos reparat: Homines diuino cultui consecrati, status sui propriam sanctitatem in Ordinum Sacramentis sibi suppeditatam reperiunt. Coniugatis Matrimonium amoris mutui, & continentie coniugalis sanctitudinem confert, & contra mortis horrorem, tentationesque ex morborum vi oriri solitas armat, & munit Extrema-
Unctio.

Quàm autem aptè & religiosè illa omnia celebret Ecclesia Romana ex eius ritibus constat, nihil de eius sacrificij augustissimi sanctitate dico, nihil de multiplici virtutum omnium exercitio & disciplina.

Addo tantummodo in iis fere omnes hæreticos deficere cum nonnulli aliqua eorum Sacramentorum reiiciant, sicut Lutherani & Calvinistæ omnia, exceptis Baptismo & Eucharistia, alij in eorum celebritate ritus & ceremonias negligant: vixque unquam extiterit hæresis quocumque de fidel articulo, aut etiam Schisma in quibus Sacramentorum usus non obsoleuerit. Testes sunt Græci, quibus Matrimonium non habetur, aut certe non tractatur ut Sacramentum, cum eius dissolutionem permittant, rarus aut pene nullus Pœnitentiæ usus, ut alios eorumdem defectus omittam.

Est igitur Ecclesia Romana sancta, seu suorum sanctificatiua & collatiua Spiritus sancti quoslibet homines sanctificantis.

Sanctitas hæc non maculatur ab impietate ministrorum, nec ab eorum sanctitate pendet. Huius rei rationem reddere suscepi, ut præueniam scandalum, quod inde patiuntur non pauci. Eam autem mihi breuiter suggerit Optat. Milevit. lib. 2. contra Parmen. Ecclesia, inquit, una est, cuius sanctitas de Sacramentis colligitur, non de superbia personarum. August. lib. 5. de Bapt. Ecclesia, inquit, malos tolerans habet exemplum Domini in Iuda traditore, hunc inter bonos ferebat, hunc & misit predicare: malus servus predicabat, sed Christus erat in fide; quia qui iudici credebant non curabant de præcone. Quod sic explico.

Sanctitas Ecclesiæ vel effectiua intelligitur, vel etiam formalis; si effectiua, ea posita est in ministrature verbi & Sacramentorum: At utriusque sanctificationis ministri possunt esse, ut omnibus constat: Cum igitur Pastores Ecclesiæ sint tantum ministri Christi, & sit ipse qui sanctificat ad hanc sanctificationem nihil confert sanctitas seu iustitia ministri, sed tantum vis prædicandi & Sacramenta conferendi virtus, quæ diuersa est à iustitia & probitate. Certè ut aliquis Euangelium prædicet & doceat satis est si illud scit, at potest scire & non velle,

Ecclesia est suorum sanctificationis per collationem gratia.

velle, nec amare, nec qui virtutis præclara documenta tradit, necesse est esse studiosum & probum, sed solummodo doctum & scientem. Et ut minister Christi conferat validè Sacramenta, & per ea sanctitatem ritè suscipientibus, satis est si habet potestatem ordinis, aut etiam iurisdictionis; sed hæc trita sunt, & rudioribus facilia intellectui. Eleganter sane August. lib. 6. de Bapt. contra Donat. cap. 1. ait, *in arundine sterili, atque arida alligatam solere unam pendere, quæ arundo non fecundatur tunc suo, sed fructu generatur alieno.*

Et quia ministri Ecclesiæ, seu Christi solum ministerium habent in conferendis Sacramentis, idcirco nemo Baptismum, aut Sacramentum aliud, suum sed solummodo Christi dicere debet, longèque minus quàm Euangelium suum aut doctrinam suam, licet propriè nec istud utrumque suum dicere debeat qui illud administrat, & à Christo acceptum aliis tradit. Animaduerto appositè ut Christus non ipse baptizaret, sed eius discipuli, nec Apostoli ut plurimum sicut de seipso testatur Paul. 1. Cor. 10.

Apostoli non solebant baptizare.

Sanctitas autem formalis si examinatur, & de ea sit sermo, dico eam haberi posse, & Ecclesiam esse sanctam in se, licet mali sint ipsi Rectores & Pastores, quia si isti quamvis mali possunt ad aliorum sanctificationem ministerium suum & operam conferre, non obstante eorum malitia alij possunt esse non solummodo sancti, sed etiam per Ecclesiam, seu eius ministros sanctificari. Nec dicas si cum malis communionem & consortium habent, malis quoque eorum operibus communicare, & ideo Paulum 1. Cor. 5. iubere, *Auferite malum ex vobis ipsis, quia modicum fermentum totam massam corrumpit.*

Notabile dictum S. Augustini quod consortium malorum non contrahiunt bonos.

Respondet enī optimè S. August. lib. 2. contra Parm. cap. 2. *Quisquis vel quod potest arguendo corrigit, vel quod corrigere non potest saluo pacis vinculo excludit, vel quod saluo pacis vinculo excludere non potest, equitate improbat, firmitate supportat, hic est pacificus & ab isto maledicto immunis, quod scriptura dicit vobis his qui dicunt quod nequam est bonum.*

SANCTA est Ecclesia Romana sanctitate formali, eaque illustri in pluribus membris eius. Primo quidem, quia tot Catholicos habet utriusque sexus amantissimos puritatis, ut eos non capiat numerus, namque ut complures sæculares præteream incedentes cum Zacharia, & Elizabetha coniuge in omnibus iustificationibus Domini sine querela, & habentes ab omnibus luculentum solidæ pietatis testimonium nemo facile omnes recenseat, qui ne inquinarentur mundi vitiis, quæ veræ sordes sunt, ad religionis portum sese transtulerunt, & per obedientiæ votum spontaneæ, item paupertatis & castitatis amputarunt radices tres præcipuas peccatorum omnium, hoc est propriam voluntatem, & tum habendi cupiditatem, tum fruendi voluptatibus, unde & coniugio ipsi renuntiarunt, quodd licet eius legitimè initi consummatio sit ex

felicitas, & possit fieri cum merito velut actus virtutis, hoc est iustitiæ, sæpe tamen ob interuenientem intemperantiam in peccatum degenerat; unde Apoc. 14. *Qui in virginitate non persistunt, sed uxurantur, coinquinari dicuntur cum mulieribus.*

Quot Ordines Religiosorum videmus, qui quidem perfectionis studium prostantur, sed singuli aliquam sanctitatis partem sibi excolendam singulariter assumunt, alij magnam vitæ austeritatem, alij ciborum abstinentiam, alij contemplationem, alij silentium, ut quemadmodum in vno corpore multa membra sunt, & singula habent officia sua & facultates vitales sibi ab una eademque anima comunicatas, ex quibus omnibus resultat una totalis perfectio vitæ, seu ut ita loquar vitalis integritas & plenitudo: ita Ecclesia sit quidem vnum corpus, vno eodem Spiritu sancto viuificatum, non omnia tamen eius membra idem officium habent, sed suum singula & vitæ spiritualis dona sibi ab illo Spiritu viuificante inspirata & concessa: ut in illis omnibus Ecclesia sanctitatis suæ, & eius officiorum omnium, munerumque plenitudinem possideat; legatur S. Paulus 1. Cor. 12. ubi ait: *Diuisiones gratiarum, ministrarionum, & operationum esse cum sit idem Spiritus, Dominus & Deus, qui operatur omnia in omnibus,* subditque omnia Ecclesiæ membra vnum esse corpus.

Quot Martyres habet Ecclesia Romana, qui pro fide eius, sæcularibus potestatibus resisterunt, unde martyrio affecti sunt, quod verum, sanctumque fuisse, testatur Deus frequentibus, quæ interueniunt miraculis, ut quod B. Stanislai Cracouiensis Episcopi corpus ab impio Rege Boleslao in partes concisum Aquilæ à feris defenderint, quod partes illæ suis locis dispositæ subito perfectè coaluerint, &c. denique ubi Sanctos inuenies, nisi in Ecclesia Romana, in qua est Sanctorum, & sanctitatis communio.

SANCTA est Romana Ecclesia illa sanctitatis notione, quæ firmitatem & stabilitatem nunquam euertendam dicit. Christus ipse Matth. 16. iecit eius fundamenta: *Tues Petrus, & super hanc petram adificabo Ecclesiam meam, & porta inferi non praualebunt aduersus eam.* Inconcussam etiam clamant Ecclesiam illam verba Gabrielis Archangeli, Luc. 1. *Dabit ei Dominus sedem David patris eius, & regnabit in domo Iacob in æternum.* Hocque satis conspicuum est cum ea intemerata permanserit hætenus, & inuidia durauerit contra innumeros infidelium impetus, quod ei soli ita proprium est, ut nulli alteri sectæ, aut hæresi id contigerit. Hæc vero duratio perpetua Ecclesiæ promissa est à Christo Domino, id enim præter hæc duo citata loca significat illud, Ecce vobiscum sum usque ad consummationem sæculi.

Probâtque ratio hanc firmitatem, nam ubi est veritas, ibi est firmitas & constantia, deinde cum à Deo tanquam ab authore suo & principio pendeat, & ad eum tanquam finem tendat, inde consequens sit, ut stabilitatem & constantiam habeat, ad cuius

Ordines religiosi aliquam sanctitatem singulari ratione excolunt præter generalem virtutis perfectionem.

Veritas est firmitatis causa.

assertionis confirmationem congruit obseruatio S. Hilarij lib. 7. de Trinit. & Clementis Alex. lib. 6. Strom. humanas doctrinas cum prohibentur, aut mundi fauoris & gratiæ aura non promouentur, aut non fouentur deficere: solam vero Ecclesiam miris modis exagitatam contra inferni impetus inuictam stare, imo persecutione ipsa promoueri & propagari.

Duo restant diluenda pro sanctitate Ecclesiæ Romanæ illibate vendicanda: nam ne illibata refulgeat aduersarij eius, qui iniquo animo audiunt, eam vocari sanctam, omnem mouent lapidem, vt inuictis ei maculis eam aliquali modo valeant opacare. In eam sic arietant.

Dices, illa Ecclesia non est sancta, cuius caput visibilem infectum est Arrianismo, quod de Liberio & Felice Romanis Pontificibus testatum faciunt ipsi Romanenses, & Hieronymus in Chronico; ne quid de multis aliis peius producamus, vt de Ioanne 22. qui negauit immortalitatem animæ rationalis, vnde funditus pessumdatur omnis Religio.

Et cuius membra vitiis infecta putent. At in Ecclesia Romana sætet vitiorum omnium colluies, vt ipsi etiam sancti Patres dolent in Præfulum etiam crimina declamantes; ergo frustra nomen sanctitatis affingitur illi Ecclesiæ, quam tot hominum nequam scelera deturparunt.

Respondeo ad primum, examinandam esse historiam temporis, vt solida habeatur rei cognitio, hic autem vnum habeo dicere, quod Felix vocatur in Martyrologio Sanctus & Martyr, vnde ruit accusatio de hæresi, & 35. Patres. Ambros. lib. 3. de virginib. Epiphani. hæresi 75. Basil. epist. 74. ad Episc. Occiden. vocant Liberium electum anno 352. beatæ memoriæ. Si cui autem hæc non sufficiant plura videat infra in articulo de Pontifice Romano, qui apologeticus erit omnium.

Respondeo ad secundum, Ecclesiam non ideo dici sanctam, quod in ea existentes sancti sint omnes, sed quia nulla plane sanctitas emicat, nec refulgere potest, quam in membris sanctæ Romanæ Ecclesiæ, & quæ tantum à promulgato Euangelio cælites assumuntur.

Respondeo 2. quod malorum communio non contaminat sanctitatem Ecclesiæ; hæc quidem est vetus Schismaticorum querela, & vt plurimum eorum ab Ecclesia separationis prætextus: hæc est quoque hæreticorum contra Ecclesiam accusatio, infidelium offensio & scandalum, quod dum in Ecclesia malos plerisque nec ignobiles modo, sed etiam principes, ipsosque Antistites dum vident, negant eam posse sanctam dici, cum ea non sit aliud quam corpus ex illis membris compositum, nec sanctitatem (saltem visibilem de qua hic potissimum sermo est) aliam quam in Christianis ex quibus constat, habere posse videatur.

Ratio responsionis istius est, quia sanctitas Ecclesiæ, si de Pastoribus & Præfectis agitur non pendet à sanctitate ministrorum, *Cuius in Professionem Fidei.*

vt notauimus. Si autem malos quosuis in Ecclesia scandalum inferentes attendimus, inde potius Ecclesiæ confirmandæ, quam labefactandæ argumentum à quouis prudente viro petendum esse dico, nam ea haud dubiè Ecclesia sancta est, quæ in tanta, quæ exprobratur, corruptela, seruat institutorum suorum, ceremoniarum, rituum, sanctitatem incolumem & illibatam, oportet enim manutentionem quandam diuinam ibi latere cum hominum authoritas, exemplum & vitiositas quantum de se est eam in deliquium & ruinam in cassum impellat, profecto subodoranda est quædam singularis erga eius conseruationem prouidentia; adde quod hæc est fors Ecclesiæ, vt malos immixtos bonis semper habeat, vel ad bonorum exercitium, vel ad experimentum efficacitæ, mediorum Ecclesiæ & gratiæ Dei ad conuersionem malorum.

Sic ergo elucet sanctitas, quæ pro nota Ecclesiæ Dei, seu Romanæ assignata est à Conciliis.

QUESTIO III.

De vniuersalitate, tertia Nota vera Ecclesiæ, à qua dicitur Catholica.

EX plurimis & singularibus Notis à pluribus & singularibus Doctoribus Ecclesiæ assignatis (quas tamen Symbolum ad quatuor reducere credimus) vna cæque indubia Ecclesiæ veræ tessera est vniuersalitas seu Catholica: quid autem hoc sit, & quæ vera eius sit ratio, expendo. Magnam olim controuersiam excitarunt in Africa Donatistæ pro nomine seu titulo isto, quem sibi arrogabant, contradicentibus & oppugnantibus Catholicis. Illi perperam interpretantes: Catholicum nomen negabant deriuari ab vniuersalitate gentium, sed ex plenitudine Sacramentorum, seu ex integritate doctrinæ & fidei. Hæc eorum erat Thesis, vnde S. August. epist. 48. ad Vincentium Donatistam instat: *Credis, inquit, subtile quid proferre, cum nomen Catholicum interpretaris, non à communionem totius orbis, sed ab obseruatione omnium præceptorum Dei & Sacramentorum.* Sæpius ventilata fuit hæc quæstio, ait Optat. Mileuit. contra Parmen. lib. 1. & ita pertinaciter, vt integros quadraginta dies certatum fuerit pro Ethymo. Catholici, tandemque decretum ab Episcopis Eunomio & Olympio, qui pro decernenda possessione huius qualitatæ ex vtraque parte Catholicorum & Donatistarum, Episcoporum Affricanorum commissi erant, decretum illam Ecclesiam Catholicam iure censeret & dici, quæ vbique gentium agnoscebatur.

Sicque declaratum, Catholici rationem non desumi ex plenitudine doctrinæ. Nec ibi quiescit ardor rixæ, concertatur iterum Carthagine, ventilatur eadem causa, vt refert S. Aug. breni. coll. lib. 3. interueniat authoritas Imperatoris, necesse est datis ad

G G g †† hoc

Suspensa est obsecro contra Papam ex historia nisi prius probetur sinceritas historiæ.

Magna dissensio pro declaratione nominis Catholici.

hoc ultimatè resoluendum commissariis, qui auditis partibus ius dicentes, Catholici titulum assignarunt perpetuo debitum iis qui erant de Christi ubique sparsa Ecclesia, vnde August. Psalm. 57. *Imperatores contra omnes hæreticos leges sanxerunt, illos autem tales dicunt, qui alieni sunt ab eorum communione, inter quos estis vos.* Verum enim vero, etsi non sit scrupulosius de nominum significationibus disceptandum, cum res per ea significata intelligitur, quia tamen rerum nomina sunt signa & notæ, veram eorum significationem nemini sapienti negligendam esse quiuis concedet, alioquin confunderentur omnia, & in breui societas hominum obrueretur. Catholicum habemus à Græco καθ' ὅλον quod vniuersale sonat, seu vnum versus multa: quemadmodum autem homo, aut nomen eiusmodi καθ' ὅλε, seu vniuersaliter prædicari dicitur. Quod sub vna & eadem significatione sumptum non tantum de multis, sed etiam de omnibus hominibus dicitur; & vniuersale significet quandam totalitatem, & hæc aliquam vnitatem habeat, non enim totum intelligitur, nisi sit aliquo modo vnum; inde fit vt Catholica Ecclesia concipi debeat vna, quæ complectitur seu continet multa & verò omnia.

Vera vniuersalitati Ecclesiæ ratio.

Ratio ergo vera Catholicæ Ecclesiæ, seu vniuersalitas eam constituens Catholicam est locorum vniuersalitas, ita vt Ecclesia Catholica verè & propriè sit ea, quæ à Ierosolymorum vrbe incipiens non stetit in sola Iudæa, aut in sola Asia, aut orientali Orbis vniuersi parte, sed per Apostolos eorumque Discipulos propagata est eadem & diffusa in quamlibet mundi partem, & in qualibet Prouincia non vnam tantum familiam, aut genus aliquod, sed quamlibet nationem complectitur, & in dies crescit, dilataturque in eas regiones quæ deteguntur, seu ad quas patet aditus. Prædicantibus ibi Euangelium Christi Ecclesiæ institutæ filiis à successore Petri missis & ordinatis.

Quod ita vera Ecclesia Christi debeat esse Catholica. Probatur ex Scriptura, Psalm. 2. *Postula à me & dabo tibi gentes hereditatem tuam, & possessionem tuam terminos terræ.* Psalm. 79. *Plantasti radices eius, & impleuit terram.* Et Psalm. 18. scriptum est de Apostolis, *In omnem terram exiuit sonus eorum, & in fines orbis terræ verba eorum.* Isai. 2. *Erit in nouissimis diebus praparus mons domus Domini, &c. Quia de Sion exibit lex, & verbum Domini de Ierusalem, &c.*

Matth. vlt. *Euñtes ergo docete omnes gentes baptizantes eos in nomine Patris, & Filij, & Spiritus sancti, docentes eos seruare omnia quacumque mandauimus vobis.* Marci vlt. & Luc. vlt. *Oportebat sic, &c. & prædicari penitentiam & remissionem peccatorum in omnes gentes incipientibus ab Ierolyma.* Et Act. 1. *Non video posse manifestioribus signis demonstrari Ecclesiam, quam notato loco in quo ea incipere, & vnde in reliquas mundi partes nulla prorsus excepta extendi, seu peruenire debebat.*

Quare ea est vera & Catholica Ecclesia, quæ incepit & nata est in vrbe Ierolyma,

& ex ea diffusa est, suam nihilominus vnitatem fidei & communionis perfectam retinuit modòque retinet.

Probatur ex sanctis Patribus in lib. de vnit. Eccl. cap. 2. *Quæstio inter nos versatur vbi sit Ecclesia, verum apud nos, an apud illos, Doministas intelligit, quæ vique vna est, quam maiores nostri Catholicam nominarunt, vt est ipso nomine ostenderent, quia per totum est, secundum enim totum καθ' ὅλον Græcè dicitur, postea quærens vbi sit ista Ecclesia Catholica ait eam in sacra Scriptura inquirendam esse cap. 3. Si Ecclesia canonicarum scripturarum diuinis & certissimis testimoniis in omnibus gentibus designata est, quicquid attulerint, & vndecumque recitauerint qui dicunt: Ecce hic Christus, ecce illic, audiamus potius si eius ones sumus vocem Pastoris nostri dicentes, nolite credere, illa quippe singula in multis gentibus, vbi ista est non inueniuntur, hæc autem quæ ubique est etiam, vbi ille sunt inueniuntur.*

August. tract. 118. in Ioan. *Quadrupartita vestis Domini nostri Iesu Christi quadrartitam figurauit eius Ecclesiam, toto scilicet, qui quatuor partibus constat orbe diffusam, & omnibus eiusdem partibus equaliter, id est concorditer diffusam, propter quod alibi dicit missurum se Angelos suos vt colligant electos eius à quatuor ventis, quod quid est nisi quatuor partibus mundi Oriente, Occidente, Aquilone & Meridie.*

Hieron. aduersus Lucifer. *Gratulor interim, tibi, & Christo Deo meo gratias ago, quia animo bono à falsitatis ardore ad totius orbis te saporem conculisti: & ostendit postea euacuatam esse crucem Christi, si Ecclesiam per totum orbem diffusam non habet Christus; & cap. 24. in Matth. in hæc verba: Sicut fulgur exit ab Oriente, inquit, nolite exire, nolite credere, quod filius hominis vel in deserto gentium sit, vel in penetrabilibus hæreticorum, sed quod ab Oriente vsque in Occidentem fides eius in Catholicis Ecclesiis fulgeat: Et postea, Stultum est enim in paruo loco vel abscondito quærere, qui totius mundi lumen sit. S. Papias Barcinonensi in epist. ad Simpronian. quæ est de nomine Catholico. Certè non est, inquit, ab homine mutuarum, quod per secula tanta non cecidit. Catholicum istud, nec Marcionem, nec Apellem, nec Montanum sonat, nec hæreticos sumit auctores. Et infra, Christianus mihi nomen est, Catholicus cognomen: illud me nuncupat, istud ostendit. Cyrillo catechesi 18. Si inuis in aliquam urbem, non petas vbi sit Ecclesia vel domus Dei, nam Hæretici dicunt se habere domum Dei & Ecclesiam, sed petas vbi sit Catholica Ecclesia, id enim nomen proprium est huic sanctæ Ecclesiæ matris omnium nostrum, quasi dicas si hoc petas, nullus Hæreticus suam Ecclesiam ostendet.*

Hoc idem scripsit Aug. contra Epist. fundamenti Manichæorum cap. 4. Irenæo lib. 1. cap. 20. *Habens & vocabula à principe impiissima sententia Simone dicti Simoniani.* Idem dicit Iustinus in Tryphone.

Optato Mileuit. lib. 19. refert Episcopos Eunomium & Olympium à Constantino Imp. missos Carthaginem fuisse per quadraginta dies vt pronuntiarent vbi esset Catholica

Catholica, tandem nouissima sententia eorum talis legitur, ut dicerent illam esse Catholicam, qua esset in toto orbe terrarum; sic communicauerunt clero Cecilianus Donatista, & uenerunt.

Probatur ratione. Iustum est, ut cum aliorum Regum eo ipso quo supremi non sunt, ditio circumscribat, exempli gratia regnum Salomonis à Dan usque Bersabée, Darius solis Parthis & Babylonis imperauit. Pharaos solis Aegyptiis, Nabuchodonosor ab India ultra Aethiopiara non regnauerit, Alexander Macedo nunquam totam Asiam tenuerit, Britannia Oceano concludatur, Gallia eodem Oceano, Pyrenæis & Mediterraneo.

Christus magnus Dominus, & Rex magnus super omnes Reges regnum in terris habeat, quod cætera omnia vincat amplitudine, & non iam occupet orbis angulum sed orbem totum, ac saltem in præcipuis quibusque eius partibus specimen edat sui principatus, & fiat quod scribit Tertull. in lib. contra Iud. cap. 7. *Cum Romani tot legionibus suum imperium nominant tamen trans istas gentes (Medos) porrigere vires regni sui non possunt. Christi autem regnum & nomen ubique porrigitur, ubique creditur, ab omnibus gentibus colitur, ubique regnat & adoratur.*

Ad hæc obseruo 1. ex S. Aug. lib. de vn. Eccl. cap. 10. Ecclesiam in Apostolis, primisque Christianis locutam fuisse linguis omnibus, ut præsignaretur, quod ea esset itura in omnes linguas, & ut nunquam esset verum dicere, quod Christi Ecclesia esset, & non complecteretur vniuersitatem linguarum: quod docet idem Aug. serm. 2. de Pentecost.

Obseruo 2. Ecclesiam Christi statim in suis initiis per varias mundi nationes dispersam, meritam fuisse iure optimo nomen Catholicæ; nam ut ex Act. 2. constat, *Erant in Hierusalem habitantes Iudæi viri religiosi ex omni natione qua sub cælo est*, ac licet videatur esse hyperbole, ex enumeratione tamen earum postea facta constat, quod quam plurimæ fuerint, ex Africa, Asia & Europa. Erant enim Aegyptij ex partibus Lybiæ, Parthi, Medi, Cappadoces, Phryges, Arabes, Romani quorum aliquos conuersos portasse Euangelium in suas regiones colligitur satis euidenter, ni fallor, cum dicantur fuisse viri religiosi, & consequenter apti ad recipiendum Euangelium; & de iisdem dicat S. Lucas eos compunctos corde ad tria millia primo illo die baptizatos fuisse, & auctum fuisse quotidie numerum eorum qui salui fiebant.

Obseruo 3. Ecclesiam Christi semper fuisse Catholicam, quia à quo tempore existit, semper vniuersum hunc mundum tenet, seu in nationes omnes se porrigit excrecens, ita ut etiam nunc cum huius orbis seu partis mundi hominibus aliæ, atque aliæ nationes de nouo innotescunt, in eas deferatur Euangelium, & in eis fides Christi & Ecclesia sedem recipiat; sintque Christiani Catholici non tantum qui ex hinc commigrant, sed qui per Prædicatores

Euangelij in illis nationibus conuertuntur. Hoc constat huius nostri sæculi experientia, & ex historiis retro actorum sæculorum, in quibus vix vllum reperitur, in quo fides Christi & Ecclesia Catholica in nouam aliquam prouinciam aut regionem non fuerit introducta, estque multorum sanctorum Patrum sententia, tunc mundum hunc finiendum & futurum iudicium, cum per totum orbem publicatum fuerit Euangelium; sic explicant verba Christi Matth. ult. *Prædicabitur hoc Euangelium in vniuerso orbe, in testimonium omnibus gentibus, & tunc veniet consummatio.*

Dices, quomodo Ecclesia Christi sic ut explicatum est Catholica est dicenda, cum ab ortu suo non occupauerit totum orbem terræ, nec vero nunc possideat?

Respondeo, quia quasi in perpetua propagatione suique dominij diffusionem viget, & quemadmodum Sol diebus quoque singulis totum mundum illustrare dicitur, ut habetur Eccl. 42. *Sol illuminans per omnia respicit*: licet nec totum Mathematicè loquendo illustret, sintque ultra alterum tropicum partes quas mensibus aliquot non lustrat, nec vero quem quotidiano cursu orbem perlustrat, totum simul sed successiue per partes illuminet: ita Ecclesia dicitur totum terrarum orbem fidei lumine illustrare & possidere.

Ecclesia Romana sola Catholica.

Multas sibi soli proprias notas habet Ecclesia Romana, ut quoddam est vna; sancta, Petri sedes, &c. Sed nulla eius nota est illustrior, quam quia Catholica, & per mundum vniuersum diffusa est. Hæc enim nota facile probari, & nullo fere negotio cognosci potest, cum in aliis reperiendis & agnoscendis plus studij & solertiae requiri videatur: ut enim taceam, quæ ad eius sanctitatem pertinent, cum potissimum ea non ita sit sancta ut multos Prælatos, Religiosos, Sacerdotes, & innumeros Laicos prauis moribus imbutos cum maximo scandalo non habeat, nec desint qui sanctitatis prætextu se ab Ecclesia Romana separent, quam Babylonem magnam matrem fornicationum vanitatis & superbæ, ipsique Christo penitus aduersantem dicere non erubescunt.

Quod sit hæc nostra Apostolica antiqua, & eadem perseverans à Christi Domini tempore, vix sciri potest nisi diligenter euoluantur Scripturæ, & antiquorum Patrum monimenta, ut hoc modo constet nos non aliam quam eorum doctrinam fidei tenere & profiteri. Ut autem sciamus, quæ Ecclesia seu Christianorum congregatio Catholica sit, non est opus præteriti temporis memoriam repetere, sed tantum attendere huius ætatis statum, & considerare quam latius sese diffundit, quæ in omnibus regionibus mundi celebratur, & ut verbo dicam quænam communiter, & ab orthodoxis, & ab hæreticis, aut etiam à Christiani nominis hostibus Catholicæ

*Ecclesia laeta est omni-
bus linguis in
principio.*

*Ecclesia fuit
semper Ca-
tholica.*

Ecclesiæ nomen retinet & conseruat.

Ita enim hætenus Dei prouidentia procuratum est, vt quoniam pro salute hominum nihil ita notum ac euidentius esse debebat, quam vera Ecclesia, in qua sola est vera salus, nonobstantibus innumeris hæresibus, quæ vera est Ecclesia Catholica semper sit vocata, nec alio nomine possit intelligi; vnde Aug. contra Epistolam fundamenti cap. 4. *Tenet me in Ecclesia ipsam Catholica nomen, quod non sine causa inter tam multas hæreses sic ista Ecclesia obrinnit, vt cum omnes hæretici Catholicos se dici velint; quare tamen peregrino alicui vbi ad Catholicam conueniatur nullus hæreticorum vel basilicam suam, vel domum audeat ostendere.* Hæc etiam nomenclatura viget hodie consentientibus etiam sectariis omnibus, qui vtrò fideles Romanæ Ecclesiæ nuncupant Catholicos, sibi verò speciales affingunt titulos, vt in Gallia hæretici non affirmant se profiteri fidem Ecclesiæ Catholicæ, sed Religionis reformatæ, & dici volunt, Réformati & non Catholici. In Germania dicunt se Protestantes, nolentes participare Catholicorum nomen, sicut & à re sunt penitus alieni. Eo maxime flocci faciētes, vt in angusto & angulo positas. Eo argumēto sugillabat Hæreticos sui temporis, Optat. Mileu. lib. 2. contra Parmen. ita subannans eos: *Cum manifestum sit, & ipsa luce clarius nos cum tot innumerabilibus populis esse, & tot nobiscum prouincias: iam videris vos in parte vnius aut alterius regionis esse positos, & ab Ecclesia vestris erroribus separatos, frustra vobis solus hoc nomen Ecclesia cum suis dotibus vendicare.*

Nulla sane machina validior ad hæreses euerendas, quam titulus iste *Catholica Ecclesia*, nam in formula fidei edita in Concilio Nicæno, Ecclesia dicitur Catholica, vt meminit Athanasius epist. ad Iouinian. Imperat. hæcque talis creditur, & declaratur in quibuslibet Conciliis & veræ fidei professione. Quod hæc autem sola sit Romana, probatur ex Scriptura Rom. 1. *Fides vestra annuntiatur in vniuerso mundo.*

Ad Romanam Ecclesiam necesse est conuenire omnem Ecclesiam ob potentiorē principalitatem.

Probat ex sanctis Patribus, atque in primis ex antiquissimo S. Irenæo lib. 3. adu. Hæc. cap. 3. de Romana Ecclesia sic ait: *Ad hanc obesse propter potentiorē principalitatem necesse est conuenire omnem Ecclesiam, hoc est eos qui sunt undique fideles, in qua semper ab his qui sunt undique conseruata est ea, quæ est ab Apostolis traditio.* In quibus verbis considero Ecclesiæ Romanæ tribui potentiorē principalitatem, quia cum sint aliæ quoque principales & Metropolitanæ Ecclesiæ, Romana tamen sola habet principalitatem potentiorē, seu vt clarius dicatur sola Romana est principalissima, & inter alias prima. Et præterea considero ob hanc principalitatem, omnem aliam Ecclesiam debere conuenire, id est habere communionem cum ea, vnum cum ea caput & Pastorem agnoscere, & quotquot in mundo fideles seu Christiani sunt debere esse Romanos, seu Pontifici Romano subditos, non enim nisi in obedientia & subiectione intelligi potest ista Ecclesiarum conuentio & vnio.

Cypriano lib. 4. epist. 8. Romanam Ecclesiam in qua sedebat Cornelius Ecclesiæ Catholicæ radicem & matrem appellat; addit se effecisse, *Vt se, inquit ad Cornelium, vniuersa collega nostri & communicationem tuam, id est Catholica Ecclesia vnitatem pariter & charitatem probarent firmiter, ac tenerent.* Quare S. Cypriano idem est Papæ Romani communicationem tenere, ac Catholica Ecclesiæ vnitatem, id est non esse Schismaticum.

Optat. Mileuit. lib. 2. adu. Parm. quærens quamnam Ecclesia Catholica sit, ait, *negari non posse, quin in vrbe Roma Petrus sit collata cathedra Episcopalis, in qua vna cathedra vnitatis ab omnibus seruaretur.* Vnde postea se suamque Mileuitanam Ecclesiam esse Catholicam probat, quia *Siricius qui hodie in cathedra Petri sedet, noster est socius, cum quo nobis totius orbis commercio formatarum in vna communionis societate concordat.*

S. Hieron. in Apolog. aduersus Ruffin. ad Pammachium, si fidem suam vocat Ruffinus, qua Romana pollet Ecclesia, seu Romanam dixerit, fatetur eum esse Catholicum, quasi hoc vnicum cum Ecclesia Romana concordia argumentum ad Catholicum se probandum sit satis, & epist. 57. alloquens Damasum Papam: *Ego, inquit, nullum primum nisi Christum sequens beatitudini tuæ, id est, cathedra Petri communionem confocior: Super illam petram edificatam Ecclesiam scio, quicunque extra hanc domum Agnum comederit profanus est.* Et epist. 58. inter varias sectas & factiones versatus in Syria vt se Catholicum probet, *Ego, inquit, clamito, si quis cathedra Petri iungitur, meus est, &c.* In eo etiam argumento insignis est historia Hieronymi, qui vt deprehendit dubiam esse vocem hypostasis, consuluit Damasum, vt ille ex sede Petri dictaret quomodo esset illa vox vsurpanda.

Ioannes Patriarcha Constant. epist. ad Hormisdam Papam hæc scribit, quæ in tomo 2. Concil. referuntur: *Promittimus non recitare in sacris mysteriis nomina eorum, qui abiecerunt communionem cum Sede Apostolica, id est, qui in omnibus non conueniunt cum Sede Apostolica.*

Apud plerosque veterum Patrum idem est Ecclesia Romana, quod Ecclesia Catholica, & esse Romanum idem est quod Catholicum. Ita habetur ex eo quod Theodosius Imperator epist. ad Acacium Beroënsē, quæ habetur tomo 5. Concilij Ephesini, cap. 10. Romanam religionem nominat eam, quæ passim vocatur Catholica. Apud Ennodium quoque in rebus gestis sancti Epiphaniij Ticinensis, cum agit de legatione viri sancti pro Recimere ad Anthemium Romanum recurrit cum Catholico.

August. lib. 1. in Iulian. Catholicam S. Ambrosij fidem ex Pelagio collaudans, *Hic est, inquit, Mediolanensis Ambrosius, quem magister tuus Pelagius tanta laudamur predicatione vt diceret in libris eius præcipuè fidem lucere Romanam.* Fidem Romanam disertè vocat Catholicam. Eodem modo quidam impij S. Eligium per contemptum vocabant Romanum, significantes eius Catholicam fidem, vt habent eius Acta lib. 2.

cap. 20.

Essē Romanum & esse Catholicum idem sonat apud sanctos Patres.

cap. 20. Et Arriani apud Victorem Vticensem lib. 1. de persecut. Vuandal. Romanum vocabant, quem passim Catholicum dicimus. Quod æquè cernere est apud Gregor. Turon. lib. 1. de gloria Martyr. cap. 28. & 30. ac 79. legendus in hac re Baronius anno Christi 45. sed & audiendus S. Leo in natali SS. Petri & Pauli. Illi sunt o Roma, qui te ad hanc gloriam euexerunt, ut gens sancta populus electus ciuitas sacerdotalis & regia, per sacram B. Petri sedem caput orbis effecta latius præluderes religionē diuinā, quā dominatione terrena.

Eadem cecinit metro B. Prosper,

*Sedes Roma Petri qua pastoralis honoris
Facta caput mundi quicquid non possidet
armis*

Religionē tenet.

Ait Leo Romanam fuisse effectam caput mundi ratione Sedis Apostolicæ, & ei totum orbem fuisse subditum pace Christiana, sicque summus & sanctus ille Papa sua autoritate probat intentum meum, scilicet solam Romanam Ecclesiam porrigi ad omnia loca quæ pertinent ad hereditatem Christi. At illa hereditas tantum patet, quantum orbis ipse iuxta præscij Pfaltis Psalm. 2. sententiam, *Dabo tibi gentes hereditatem tuam, & possessionem tuam terminos terræ.*

Probatur ratione: soli Romani Pontifices congregauere approbata Concilia generalia, ad quæ conuenerunt Episcopi Orientales & Occidentales, qui vnanimis conspirant in vnitatem eiusdem fidei, & damnarunt alias Sectas disseminantes dogmata contraria decretis Ecclesiæ Romanæ.

Primum generale celebratum est Nicææ, sub Syluestro Papa anno Christi 327. & trium annorum spatio confectum, ad quod trecenti decem & octo Episcopi suo hoc numero testantes, quam latè pateret Ecclesia, quamuis hæcenus Imperatores Ethnici in eam multo Christianorum effuso sanguine defæuissent.

Secundum generale celebratum est Constantinopoli anno 383. 56. annis à Nicæno, conuocarat quidem Romam Damasus Papa omnes Episcopus, sed eò conuenire tantum Episcopi Occidentales, & permissum Orientalibus coire Constantinopolim.

Tertia Synodus Oecumenica habita est Ephesi Cælestino I. moderante Ecclesiam.

Quartum Concilium generale fuit Chalcedonenſe Leone I. Pontifice maximo, iuxta eandem formam alia 14. Concilia generalia congregata sunt à Summis Pontificibus, ad quorum nuntium dumtaxat coierunt Episcopi toto orbe dispersi nemine reclamante. Concors omnium sententia Episcoporum in his quæ fidem spectant luce meridianā clariùs probat Ecclesiam esse Catholicam seu vniuersalem, cum eandem planè fidem profiteantur omnes orbis Episcopi, qui ut obediunt Summo Pontifici satis superque clamant, Ecclesiam Catholicam esse Romanam, quæ ut caput Ecclesiarum influit in omnes alias Ecclesias, ut isto Canone liquet quem perpende.

Quis nescias, aut non aduertas id quod à

Principe Apostolorum Petro Romana Ecclesia traditum est, ac nunc vsque custoditur ab omnibus debere seruari? nec superinduci aut introduci aliquid, quod aut auctoritatem non habeat, aut aliunde accipere videatur exemplum: præsertim cum sit manifestum in omnem Italiam, Galliam, Hispaniam, Africam, atque Siciliam, Insulasque interiacentes nullum instituisse Ecclesias, nisi eos quos venerabilis Apostolus Petrus, aut eius Successores constituerunt Sacerdotes: aut legant si in istis prouinciis alias Apostolorum inuenitur, aut legitur docuisse. Quod si non legunt, quia nusquam inuenitur, oportet eos hoc sequi, quod Ecclesia Romana custodit, à qua principium eos accepisse non est dubium: ne dum peregrinis sermonibus student, caput institutionum videantur omittere.

Ita plane series historiarum aperit alias omnes Ecclesias consuluisse Sedem Apostolicam in re graui, & semper expectatum Petri aut Successorum eius iudicium antequam quispiam auderet aliquid in re dubia definire. Quippe in Actis Apostolorum quæstio orta de obseruatione legis Mosai-cæ delata est ad Petrum qui eam soluit, affirmando legem Moysis quoad ritus & caeremonias esse prorsus antiquatam. Rursus orbe toto agitato à multis, qui Pascha volebant celebrari Luna decima quarta, etiamsi non caderet in diem Dominicum non fuit coërcitus ille æstus donec Victor Papa ei imponeret modum, cui contradicentes eo solo nomine habiti sunt Hæretici, ut ait Eusebius, & hos Epiphanius dicit vocatos fuisse Quarta decimanos, quia procaciter inuita Ecclesia celebrabant Pascha quarta decima Luna.

Dum Nouatiani virus suum spargere auspicati sunt, res delata ad Concilium congruam anathematis sententiam accepit in Concilio Romano, ut notat Eusebius, qui adiecit eundem Cornelium & Stephanum Pontifices damnasse errorem rebaptizantium hæreticos. Acta Concilij Nicæni testantur Legatos Syluestri Papæ damnasse Arium, fuerunt autem tres Legati, scilicet Vitus, Vincentius, & Osius.

Ex Theodoroto liquet litteris Damasi Papæ fuisse conuocatum Concilium primum Constantinopolitanum contra Macedonium, Euagrio auctore. S. Cyrillus vices gessit Cælestini I. Papæ in Concilio Ephesino, vbi damnata fuit impietas Nestorij. Eadem autoritate in Concilio Chalcedonenſi Eutyches reiectus est à Paschasio & Lucentio legatis Leonis Papæ, ut acta huius Concilij testatum faciunt. Ex Augustino Innocentius & Zozimus Pontifices reprobarunt impia dogmata Pelagij. Acta Synodi sextæ ferunt monothelitas censuram passos audito anathemate à Legatis Papæ, qui etiam in septima Synodo Iconoclastas condemnarunt. Berengarij error castigatus fuit à Leone I X. in Concilio Vercellensi, & Nicolao II. in Concilio Romano. Innocentius II. explosit Bernardo suadente, deliria Petri Abailardi. Eodem Bernardo referente scimus Gilbertum Porretanum habuisse censorem erroris sui Papam Eugenium

*Autoritas
Papa in deci-
sione emergen-
tium in Ecclesia
quæst. com-
probatur.*

nium III. in Concilio Rhemenſi Ioachimi Abbatis opinio exploſa fuit ab Innocentio III. in Concilio Lateranenſi. Beguardonum & Beguinorum hæreſis iſta fuit fulmine Clementis V. Papæ in Concilio Vienneſi, vt in Concil. Conſtantiensi percuffi ſunt Ioannes Vviclephus, & Ioannes Hus à Martino V. Nonne & in Concil. Florentino Eugenius IV. expunxit errorem Græcorum, ſicut in Concilio Tridentino Legati Pij IV. dogmata Lutheri & Caluini condemnarunt.

Ex præſatis historiis Eccleſia Romana ſola eſt Catholica naſta principatum aliarum Eccleſiarum ex Chriſti Domini institutione, & non ex indulgentia Phocæ Imperatoris, à quo primo dicunt Hæretici Romanum Pontificem obtinuiſſe, vt diceretur omnium Episcoporum caput. Ita mentiuntur Centuriatores Magdeburgenſes, quos ſummæ impudentiæ arguit Iuſtinianus Imperator, qui centum annis ſuperior fuit Phoca. Sic ille in epiſtola reſcripta Ioanni Papæ, *Reddentes honorem Apoſtolica Sedî, & vestræ Sanctitati, quod ſemper nobis in voto, & fuit, & eſt, & vt decet patrem honorantes vestræ beatitudinem, omnia quæ ad Eccleſiarum ſtatum pertinent ſeſtinauiſſimus ad notiſſiam deferre vestræ Sanctitatis, quæ eſt caput omnium Eccleſiarum.* Nec cauſari poſſunt Nouatores irrepreſſibile mendum, cum Codex ipſe etiam Geneuæ præſum paſſus eodem textu pungat Hæreticos, qui ibidem videre poſſunt reſponſionem Papæ, cui & illo æuo in more poſitum erat vocare Romanam Sedem omnium Eccleſiarum caput. *Inter claras ſapientia ac manſuetudinis vestræ laudes Chriſtianifſime Principum, &c. deductis cuncta ad vnitatem Sedis Apoſtolicæ, ad cuius auctorem, hoc eſt Apoſtolorum primum Domino loquente præceptum eſt: Paſce oues meas. Quam eſſe omnium vere Eccleſiarum caput & Patrum Regula, & Principum ſtatuta declarant, & pietatis vestræ reuerendiſſimi teſtantur aſſatus,*

Multæ ſeſe offerunt rationes, quæ Eccleſiam Romanam ſolam Catholicam conuincunt, pondere maximo non vacant alata.

Dices, Romana Eccleſia nou eſt vniuerſalis ſeu Catholica, quia nomen accipit ab vrbe Roma, cum Eccleſia vniuerſalis debeat nomenclaturam ſuam accipere ab orbe toto, vt vox ipſa Catholica præfert. Præterea Romanæ Eccleſiæ etiam Papiſtæ nominantur. Ergo ſectam ſingularem conſtituunt diſcretam ab illa Eccleſia Catholica, de qua eſt quæſtio.

Reſpondeo ad ad primum, inſtantiam Catholicam Eccleſiam dici Romanam à potiori Sede Vicarij Chriſti, qui eſt caput viſibile vices gerens inuiſibilis capitis Eccleſiæ Chriſti, ita vt vox illa Romam ſonans idem ſignificet, ac Eccleſiam Catholicam eam eſſe quam Chriſtus commendauit Petro, cuius partes agunt Pontifices degentes Romæ, vt in propria ſibi Sede. Ea notione prioribus etiam ſæculis vſi ſunt Patres, vt diſcernerent veram Eccleſiam à

graſſantibus Hæreticorum ſectis, vt ſupra notauimus. Ita vt dicere ſe Eccleſiæ Romanæ diſcipulum, perinde ſit ac dicere ſe eſſe Catholicum & ſinceræ fidei aſſertorem. Inde maximè Ambroſius probat fratrem ſuum Satyrum impenſè fuiſſe Catholicum, quia ſædus & communionem inibat tantum cum Præſulibus Romanæ Eccleſiæ, habuit enim fidem Luciferi Episcopi Calaritani ſuſpectam, qui nomen ſanctitatis ſibi in gratiam fidei conciliauerat, eo ſolo reſpectu, quod ab Eccleſia Romana deſeciſſet.

Dicitur itaque Romana Eccleſia, non quoniam Roma initium dederit Eccleſiæ, ſed quia Eccleſia Romam ad fidem conuerſam fecit præcipuam ſibi Sedem, ex qua reſonant oracula in omnes mundi plagas. Forte vt Imperatores olim adſciuerent ſibi cognomina à Prouincijs ſuæ ditioni ſubiugatis, inde dicti Africanæ, Aſiatici, Vuandali, Gothi, ita & Eccleſia Roma ſibi ſubiugata, & in ea orbe toto dicta eſt Romana, quaſi Catholica, quia Roma fines ſui Imperij porrexerat vſque ad Garamantas & Indos.

Quod verò attinet ad titulum Papiſtarum & Pontificiorum, ſomma eſt Hæreticorum huius æui, quo arbitrati ſunt inuiſiſſe nobis maculâ inſignem. Tamen non cunctamur affici nominibus illis, nec detrectamus falſò creditâ iniuriâ. Nam Papiſta deducitur à Papa, qualis fuit etiam Petrus & Chriſtus ipſe, vt notum eſt. Adde quod Chryſoſt. hom. 33. in Acta Apoſt. ait, non eſſe inconueniens Eccleſiam denominari ab iis qui eam gubernant nomine Chriſti, modo non denominetur ab aliquo particulari ſicut Hæretici faciunt. In eo ſenſu dicta eſt Eccleſia Apoſtolica, quia ſubiit Apoſtolorum moderamen ſeu gubernacula, nullius tamen Apoſtoli nomen induit, imo fuere damnata iſtæ voces ſingulares in Eccleſiam inducentes, *Ego ſum Cepha, ego ſum Pauli, ego ſum Apollo*, nimirum Eccleſia Catholica fideles ſuos tantum à Chriſto voluit nomenclaturam accipere, & non ab aliquo homine ſingulari, ita Athan. ſerm. contra Arianos, *Nunquam Eccleſia ab Episcopis ſuis, ſed à Domino, in quem editum fuit nomen accepit.* Certe à beatis Apoſtolis præceptoribus noſtris appellationes adepti non ſumus, ſed à Chriſto Chriſtiani ſumus & nuncupamur: illi vero qui aliunde originem fidei ſue deducunt merito auctorum ſuorum nomina præſe ferunt. Quapropter cum à Chriſto omnes Chriſtiani eſſemus & diceremur; exploſus eſt Marcion inuentor hæreſeos, reliqui autem, qui remanſerunt titulum Chriſtiani retinuerunt: qui vero Marcionem ſequuti ſunt, non iam inde Chriſtiani, ſed Marcioniſtæ appellati ſunt. Ita quoque Valentinus, Baſilides, Manicheus, & ceteri ſectatoribus ſuis nomina imperierunt.

Quare vera Eccleſia dicatur Romana.

Hæretici denominantur à ſuis duſtoribus, & ſe in notum producant.

QVÆSTIO IV.

De Apostolicitate Quarta Nota vera Ecclesiæ.

Consentiunt omnes veram Christi Ecclesiam Apostolicam esse, idque assignant ei pro propria notâ quâ ab omnibus sectis seu conuenticulis hæreticorum discernatur, habetur in Concil. Constant. 1. in cuius Symbolo exprimitur. *Una Sancta Catholica & Apostolica Ecclesia.* Sed & ita antea fuisse à Nicæno appellatam reperio in Theodoretolib. 1. hist. cap. 9. & 12. vbi habetur expositio fidei Nicænz. Eodem modo loquuti sunt Patres in subsequenti Concilio Ephesino, Constantinop. Secundo Constantiensi, & Sexto generali. Hanc quoque notam agnouerunt Irenæus lib. 3. cap. 3. Tertull. lib. de præscrip. cap. 20. Cyprian. libro 2. Epist. 10. ad Cornelium vocat unitatem à Domino & per Apostolos successoribus traditam. Tam singularis & insignis est hæc nota ut ipsam solam sufficientem pro demonstratione Ecclesiæ Christi non dubitem affirmare ut pote quæ cæteras superiores & alias quas non parui nominis Doctores asserunt eminenter contineat & formaliter causet, & à cuius defectione, aliarum fiat & incurratur amissio, ut inductione cordatus quilibet inferre potest videndum ergo est qualis esse debeat Ecclesia ut censeatur Apostolica.

Nonnulli appellant Ecclesiam Apostolicam eam quæ ab Apostolis fundata per continuationem & quasi hæreditariam Episcoporum successionem ad nos vsque peruenit; eandem quam ab Apostolis primum accepit puram & sinceram retinens doctrinam. Primum quidem quia Christus dixit Petro super hanc petram ædificabo Ecclesiam meam Matth. 16. & Paulus dixit ad Ephesios 2. *Iam non estis hospites & aduenas sed estis ciues Sanctorum, & domestici Dei superædificati super fundamentum Apostolorum & Prophetarum* & Ioan. Apoc. 21. cum Apostolos vocat fundamenta ciuitatis Dei. Secundum autem quia ut habet Ephes. 4. *unum Dominum, una fides, unum Baptisma.*

Quamobrem duæ conditiones secundum illos exiguntur pro Ecclesia Apostolica constituenda vereque existimanda. Prior est ut suam originem ab aliquo Apostolo accipiat, nec nisi per Apostolos aut Apostolicos viros incœperit esse. Posterior vero ut doctrinam Apostolicam habeat.

Ego vero non sine consensu doctorum, arbitror doctrinam, fidem, traditionemque Apostolicam, ab Ecclesia Apostolica esse distinguendam; siquidem ut communiter docent antiqui Patres & nominatim Tertull. lib. de præscrip. cum de doctrina aut traditione aliqua disceptatur, queritur an sit Apostolica; nam, quam Christus docuit, eam didicerunt Apostoli & docuerunt & iis Ecclesiis quas fundarunt traditam reliquerunt. Aiunt autem iidem Patres eam doctrinam querendam esse in Ecclesiis Apostolicis; supposuerunt igitur agnoscere Ecclesias Apostolicas antequam constet an earum doctrinâ sit Apostolica.

Vnde infero independentem à doctrina disputandum iudicandumque esse de Ecclesia an sit Apostolica.

At queritur signum infallibile quo possim certo iudicare an Ecclesia sit Apostolica? quo posito querendum iterum videtur, An quælibet Ecclesia Apostolica sit ita infallibilis, ut quæcumque ipso eo tempore quo perseuerat Apostolica doctrinam tenet, hanc esse Apostolicam & consequenter Christi Domini veram & propriam fateri necesse sit.

Nota cum queritur An Ecclesia sit Apostolica, posse sermonem esse, vel de totali Ecclesia, vel de particularibus, licet enim vnica in toto mundo sit Ecclesia Catholica & vera, ea tamen componitur ex multis partialibus, cuiusmodi sunt eæ omnes Ecclesiæ quæ suos Episcopos habent; ita ut tot sint Ecclesiæ partiales quot sunt Episcopi qui singuli cum habeant rationem capitis & Pastoris, non nisi corporum singulorum & gregum sunt capita & Pastores. Ex his tamen omnibus partialibus conficitur vna totalis Ecclesia, vnum Christi corpus, ouile, grex & plebs capiti vni, Pastori sacerdoti & Episcopo supremo ac vniuersali coherens & adunata. Hic supremus Episcopus non tantum Christianæ plebis sed etiam sacerdotum ipsorum & Episcoporum Pastor & Episcopus totius Ecclesiæ est Romanus Pontifex, seu Ecclesiæ in ciuitate Romana fundatæ proprius sacerdos & pastor: quod non impedit quo minus sint multæ aliæ Ecclesiæ ei tanquam præcipuæ subordinatæ.

Querenti ergo quomodo aliqua particularis Ecclesia dignoscenda est Apostolica.

Respondeo duo ad id requiri primo ut ab aliquo Apostolo originem suam vel immediatè vel mediatè acceperit. Secundo ut nunquam successio fuerit interrupta sed semper ea perseuerauerit ab origine sua legitima. Quamobrem si quando interrupta est Ecclesiæ alicuius successio legitima, ut postea traditio habeatur & per eam Ecclesia censeatur Apostolica, necesse est ut iterum ab aliqua sede seu Ecclesia Apostolica originem nouam ducat & alterum principium accipiat seu Episcopum nam fundare Ecclesiam seu restituere est plebi alicui seu Christianorum multitudini præficere Episcopum qui vi suæ ordinationis plenam in se Christianitatis formam habet; quia non tantummodo Christianus est, sed etiam Christianos gignere potest, & perficere per collationem omnium Sacramentorum & nominatim ordinum sacrorum, quorum nonnullos & saltem vnum presbyteratus ordinem solus conferre potest, vnde si qua est Christianorum congregatio sine Episcopo, ea perfecta non est, quia saltem se propagare & propagatione perpetuam se conservare non potest, nec enim Eucharistiæ particeps esse potest nisi habeat sacerdotes, quos solus Episcopus consecrat & ordinare potest. Ideoque S. Cyprian. lib. 4. Epist. 9. ait. *Ecclesiam esse plebem sacerdoti adunatam & pastori suo gregem adhaerentem, & Episcopum in Ecclesia esse & Ecclesiam in Episcopo*, quo significatur Episcopum esse partem Ecclesiæ, cuius est caput, vnde in eo differt à Christo qui licet dicatur & sit caput Ecclesiæ, non est tamen pars eius, quia pars includit aliquam dependentiam ab eo

Quid est fundare Ecclesiam seu instituere.

toto

toto cuius est pars; nec prius ordinatur Episcopus quam sit aliqua congregatio quæ accepto Episcopo tanquam capite iam sit Ecclesia, domus & familia Christi. Quemadmodum vnus homo non dicitur constituere domum nisi habeat coniugem cum qua possit gignere filios & formare familiam, quæ eo moriente nihilominus non pereat quia substitui potest alius pater familias sicut igitur vir est in familia & domo, ita Episcopus dicitur à S. Cypriano esse in Ecclesia. Enimvero ipsa Ecclesia est etiam in Episcopo sicut in eo qui habet plenitudinem potestatis & secunditatis qua familiam propaget: & Episcopus omnium donorum & charismatum quibus à Christo Ecclesia tanquam dote sua ditatur plenitudinem habet.

Ecclesia sic instituta cum viduatur suo pastore & Episcopo aut moriente aut ob hæresim vel schisma exauctorato & separato non perit quia in Ecclesia illa vidua manet adhuc Clerus, manetque adhuc aliquis ordo sacer, quo procurante & agente alius Pater seu Episcopus qui alteri succedat substitui potest. Bene notat Bagotius Ecclesiam esse familiam cuius Pater est Episcopus, Clerus mater, reliqui filij: nec enim sine Clero coniuncto cum Episcopo constituitur Ecclesia. His prælibatis, Certum est nonnullas dari in orbe Ecclesias Apostolicas immediatè ab Apostolis (qui à Christo potestatem fundandi vbique terrarum æqualiter sortiti erant) constitutas: at in præcipuis interruptam fuisse successionem quam diximus esse de Apostolicitatis ratione, non est dubium.

Fides comprobanda est ad illam quæ Apostoli docuerunt matricibus Ecclesiis.

Quare si de Apostolorum imò Christi doctrina est quæstio, ea nisi per easdem Ecclesias quasi matrices aliarum ante defectionem, seu nisi per Apostolicam quam auribus aut scripto susceperant fidem examinanda est. Hi ergo qui per non interruptam successionem descendunt ab illis Ecclesiis & cum eis communionem doctrinæ habent Apostolici cæteris sunt censendi, & sic Catholica Ecclesia quæ, ut liquet, communicat cum primis illis originalibus Ecclesiis Apostolici seministradicibus Apostolica comprobatur, quod quàm indubitatum sic declarat confessio ingenua nouatorum, qui successionem & puritatem Apostolicæ fidei agnoscunt illibatè conseruatam in Ecclesia Romana primis quingentis annis.

Esto autem membra seu partes nobiliores Ecclesiæ totalis defecisse ab Apostolica fide concedendum sit, & in ipsis Pastores in lupos commutari fuerint, & de Apostolicis Apostata facti sint, non ideo euauit aut perit Apostolicitas, seu successio legitima Episcoporum, & primæ fidei seu doctrinæ Christi germana traditio. Perstitit sedes Apostolica, Romana Ecclesia non succubuit insultibus non defecit fides Petri iuxta oraculum Christi, qui pro eo ut capite suæ Ecclesiæ & substituto fundamento efficaciter orauit.

Verum enimverò Ecclesia est corpus visibile ut probauit, habetque caput visibile, in eo cuiusque sede seu Ecclesia est per se primo Apostolicitas & in aliis secundo, & in quantum dependent & communicant cum ista Ecclesia seu singulari sede Petri, & in hac habetur successio non interrupta Pastorum & indefecti-

bilitas fidei successio negari non potest ab ipsa met petuacità, nam 244. summos Pontifices ab Innocentio X^o hodierno Romano Pontifice sursum ascendendo ad Petrum vsque proferimus, ex quibus posteriores prioribus defunctis absque interruptione vlla notabili suffecti sunt. Nec habere hic locum potest vana illa sectariorum causatio, qui cum successionem hanc personalem summorum Pontificum negare se minimè posse videant, excipiunt parum esse personas succedere, si succedendo non retineant Apostoli Petri doctrinam cuius locum tenent. Hoc totum verum damus, sed enim inde arguimus retentam simul fuisse doctrinam Apostolicam, quod continuo alij aliis in eadem cathedra seu docendi officio successerint. Illorum sane successio carnalis non fuit qualis genealogia est secularium, sed spiritalis & qui successerunt ideo diuina providentia sunt surrogati ut spiritali prædecessorum munere fungerentur, & eandem quam illi fidem sequerentur, inculcarent, ac defenderent. Ita fit ut eo ipso quo alij aliis successerunt, probentur eiusdem fuisse cum illis religionis & fidei, cum nullus hætenus conuinci potuerit sententiam aliquam in materia fidei inuexisse antiquorum sententiæ aduersariam, & Christus pro B. Petro orauerit ut nunquam fides eius deficeret: in nullis autem magis quàm in eius successoribus videri potest conseruata, vnde S. Aug. lib. de vtilit. credendi cap. 7. & Epistola 165. tomo 2. & alibi S. Athanas. Hieron. & ante illos Tertull. in lib. de præscript. Irenæus lib. 3. cap. 3. Optat. Mileuit. lib. 1. contra Parmenian. & alij Patres disputantes aduersus hæreticos & eandem Romanam fidem veram esse demonstrantes satis habuerunt si obicerent illis successionem personalem, quasi nihil esset dubium, sed plane consequens, cum ea coniungi alteram. Vicissim Hæretici illi veteres ista hodiernorum exceptione nunquam vsi sunt, cum tamen æquè esset in promptu, videlicet, quia illi viderunt intempestiuam prorsus esse ac ridiculam. Deinde esto successio personalis non sit per se necessarium doctrinæ veræ argumentum, est tamen necessaria ut probari possit eius continuïtas, quandoquidem doctrina accidens est, & sine subiecto nec esse potest nec continuari; quare dum illam in Ecclesia nostra esse ostendimus, simul demonstramus talem esse Ecclesiam nostram, qualem oportet ut per eam eiusmodi doctrina transmitti possit ad posteros, ac proinde ut vera sit Ecclesia ipsaque Apostolica.

Romanam Ecclesiam particularem per se primo Apostolicam esse ostenditur.

A Nequam ordine probationis assumpto in Resolutionibus operis nostri, propositionem hanc ob oculos proponam, quædam prænotanda sunt.

Primum licet multas Ecclesias Apostoli fundauerint, nullam tamen eos in illis Apostolatus sui plenitudinis successionem nisi Sanctum Petrum in vna Romana Ecclesia reliquisse, quia reliqui Apostoli erant tantum delegati

244. Summi Pontifices habentur à Petro ad hodiernum regnant.

legati tanquam extraordinarii & à Christo missi cum plenissima pro instituendis Ecclesiis potestate: solus autem Petrus summus Pastor Ecclesiæ ordinarius constitutus est, solusque in plenitudine Apostolatus seu potestatis Apostolicæ successores habuit, eosque in vna Romana Ecclesia, non vero in aliis, quas per se, vel discipulos suos fundauit, quia ut iam notauimus vna Ecclesia Catholica, & vniuersalis est, vnumque caput supremum eam habere oportet.

In quo possumus
est Apostolica
Romana.

Secundum in eo maximè sitam esse potestatem, seu auctoritatem, & Apostolatam Ecclesiæ Romanæ, quod hæc per se primò est doctrinæ, & traditionis Apostolicæ fidelissima perpetuaque custos tam infallibilis quàm erat ipse Petrus aut omnes Apostoli, qui à Christo edocti suggerente ipso Spiritu Sancto tanquam mundi doctores, & magistri omnem fidei doctrinam veritatemque habebant, & ut eam acceperant suis discipulis sincere fideliterque tradebant.

Deinde potest nouas Ecclesias instituere iisque Episcopos præficere, & antiquas in fide confirmare, ac super eas ipsorumque Episcopos tantam habere auctoritatem, ut non nisi eo consentiente, & in suam communionem admittente Pastores nulli in Ecclesia Christi, Episcopi nulli aut doctores veri, & legitimi esse possint.

Hæ sunt duæ claves scientiæ, & potestatis seu iurisdictionis, quas quidem Apostoli omnes à Christo immediatè acceperant non à Sancto Petro, illis enim omnibus, & singulis Christus dixit, *Sicut misit me Pater. & ego mitto vos, & ite in vniuersum mundum docete omnes gentes, & quacumque solueritis, & ligaueritis in terris, erunt soluta, & ligata in celo.* At solus Petrus has potestatis summæ, & doctrinæ seu eruditionis infallibilis claves posteris, & successoribus suis tradendas accepit, nam vsu earum non minus indiget Ecclesia, vsque in finem sæculi, quam indigebat primo eius sæculo. His annotatis.

Probatum Apostolicitatem Ecclesiæ Romanæ immediatam, & per se primo, Matth. 16. *Et ego dico tibi, quia tu es Petrus, & super hanc petram edificabo Ecclesiam meam, & porte inferi non praualebunt aduersus eam, & tibi dabo claves regni, & quodcumque ligaueris super terram eris ligatum, & in celis, & quodcumque solueris super terram eris solutum, & in celis.* Quibus in verbis considero primò id vni inter omnes Apostolos Petro promitti, id enim significat illa verba *ego dico tibi quia tu es Petrus tibi dabo, quodcumque ligaueris*, solus enim vocabatur Petrus. Considero 2. siue per hanc petram intelligatur ipse Petrus, siue ipsa confessio fidei, seu Petrus ut fidem illam habens, siue etiam Christus, quod vix probabile est, nihilominus tamen in eo fundamento includi Petrum ipsum, quia non frustra dicitur *tu es Petrus seu petra*, quamobrem Petrus, ut habens fidem de Christo, & ita vnitus coniunctusque per fidem Christo primo fundamento Ecclesiæ, est quoque fundamentum Ecclesiæ, nec quisquam fidelis super Christum edificari & in eo firmiter stare potest, nisi ipse sit Petro superpositus, & nisi eius fidei firmiter nitatur, adeo ut ipsi quoque Apostoli in fidei dubiis,

Carriere in Professionem fidei.

ut cum postea dubitatum est an circumcidendi essent Christiani à gentibus conuerti, quia id ipsis immediatè reuelatum non fuerat, sed rationatione ex reuelatis colligendum erat. S. Petrum in primo Concilio Hierosolymitano præsentem, & ferentem sententiam adire & audire debuerint, quia nulla Ecclesia Christi par est quæ super Petrum non sit edificata, & Ecclesia Christi specialem promissionem infallibilitatis, & inuincibilitatis habet à Christo. Considero etiam specialiter, & alio modo quam reliquis Apostolis claves, & ligandi solvendiue potestatem datam Petro. Quia nimirum quamdiu erunt claves istæ, in manu, & potestate Petri erunt. Quod si Christus, Matth. 18. ait omnibus suis Apostolis, quæcumque alligaueritis super terram. Considero id non dicere singulis, sed consequenter, ad ea verba, *Dic Ecclesiæ: si autem Ecclesiam non audieris, vnde colligo reliquos Apostolos eorumque successores Episcopos in vsu clauium supponere Ecclesiam, seque esse membra Ecclesiæ capiti colligata per communionem legitimam eosque uti potestate, & clauibus Ecclesiæ datis S. Petro tanquam omnium principi.*

Idipsum constat. Ioann. 21. ubi Christus, quod antea promiserat Petro tribuit Simoni Ioannis, inquit, diligis me plus his, *Pasce agnos tuos, pasce agnos meos, pasce oues meas.* Bellarm. autem lib. 1. de Rom. Pont. cap. 16. probat in Græco legendum esse: primo loco, *apria 2. apocaria 3. apocata*, quæ latine verti possunt agni ouicula, & oues, ut Christus significaret nullum esse in Ecclesiæ gradum, quem S. Petro pascendum non committeret.

Quod si Petrus est pastor ouilis Christi, 15. pascua Christi nosse, & fidem doctrinamque Christi, quæ viuunt omnis Christianus tradere, sicut & potestate omnes Christianos regere debet: quamdiu autem ouile Christi futurum est, Petrus illud pascere debet per successores.

Constat idipsum Luc. 22. *Simon Simon ecce satanas expetuit vos ut cribraret sicut triticum, ego autem rogaui pro te ut non deficiat fides tua, & tu aliquando conuersus confirma fratres tuos.* Quibus in verbis obseruo Christum loqui de omnibus suis Apostolis, & verè Christianis, quos Deo permittente diabolus tentat, & in omnem versat agitatque partem, at Christus in eorum gratiam, & ut eos à tentationibus liberet, ait se rogasse Patrem pro Petro tanquam reliquorum Pastore, & Principe, ut scilicet eius fides non deficiat, nec quicumque cum eo communionem habere volent, ij vniuersam in fide vera deficiant. Quamobrem non aliter perpetuam in Ecclesia fidei doctrinam futuram esse promittit, quàm quatenus ea in Petro radicatur, & inde ad alios propagatur: vnde, & ipse Petrus iubetur confirmare in fide fratres suos, quod præceptum non tam de Apostolis, quam de omnibus aliis Christianis intelligendum est, nam Apostoli in gratia confirmati fuisse dicuntur, & tanquam magistri Orbis à Spiritu Sancto edocti erant infallibiliter.

Probatum idem Ecclesiæ Romanæ Apostolatam seu soliditatem indeficientis fidei ex SS. Patribus. Irenæo lib. 3. cap. 3. *Necesse est omnem Ecclesiam conuenire ad Romanam propter potentioris principalitatem, & in qua semper ab*

Christus rogauit pro Petro, ut reliquorum pastorem, unde fides non promittitur in deficiat nisi quatenus in Petro radicatur.

G G g + + + hu.

Duæ claves
sunt scientiæ
infallibilis, &
summa potestatis
ad regendam
Ecclesiam vniuersalem.

Apostolicitas
est per se primo
in Ecclesia
Romana.

his, qui sunt undique conseruata est ea, quæ ab Apostolis est traditio. Et loquens de successione Episcoporum Romanorum ait, hac ordinatione, & successione Apostolicam traditionem in Ecclesia, & veritatis præconisationem ad nos usque peruenisse, & hanc esse plenissimam ostensionem seu argumentum, quod una eadem, & viuificatrix fides ab Apostolis usque nunc sit in Ecclesia conseruata, & tradita in veritate. Et lib. 4. cap. 43. ait Episcopos Romanos cum Episcopatus successione charisma certum veritatis secundum placitum Patris accepisse. Tertull. lib. de præscript. adu. hæret. cap. 36. Ex Romana Ecclesia nobis, quoque autoritas præsto est, statuta, quod si Africanis Ecclesiis præsto est certè de reliquis idem dicendum.

Romana est principalis, ex ea unitas Sacerdotalis est orta ad eam perfidia non accedit.

Cypriano lib. 1. Epistol. 3. de Nouatianis ad Cornel. scribente. *Navigare, inquit, audent, & ad Petri cathedram atque ad Ecclesiam principalem, unde unitas Sacerdotalis exorta est à schismaticis, & profanis litteras ferre, nec cogitare eorum esse Romanos (quorum fides Apostolo predicante laudata est,) ad quos perfidia habere non potest accessum.* Athanas. in Epist. ad solitarios post enumerata impia, quam plurima Arrianorum facinora in ipsos etiam Episcopos. *Ne Liberio, inquit, Episcopo Romano pepercerunt, nulla reuerentia ducti, vel quod sedes illa Apostolica esset, &c. addit Arianos secum cogitasse, si Liberium in nostram sententiam traxerimus omnes breui superabimus.* Quibus verbis significatur, quo in loco seu pretio habeatur Romana Ecclesia, Basilio Epistol. 79. ad Episcopum Romanum, fateretur in occidenti esse caput Ecclesiæ vniuersalis, quod nisi ratione Romanæ intelligi potest. Ambrosio, & Synodo Medio in Epistol. 81. ad Syricium P. eum vocat Pastorem qui seruat sibi commissam ianuam, & pia sollicitudine custodit ouile Christi, dignum, quem oues Domini audiant, & sequantur.

In Romana Ecclesia viget principatus.

Augustino qui Epistol. 162. ait in Romana Ecclesia semper cathedra Apostolica principatum viguisse, Et in Epistol. 90. Patres Concilij Carthag. ad Innocent Papam petunt ut statutis nostræ iniquiunt mediocritatis etiam Apostolicæ sedis adhibeatur auctoritas.

Innocentio ipso qui Epistola 93. ad Synodum Mileuitanam ait. *Per omnes prouincias de Romana Ecclesia, seu de Apostolico fonte presentibus responsa semper emanare, & præsertim quoties fidei ratio ventilatur omnes Episcopos, non nisi ad Petrum, id est sui nominis, & honoris auctoritatem referre debere, quod per totum mundum possit omnibus Ecclesiis prodesse.* S. ipse Leo Epistol. 87. ad Episc. Viennenses ait, *Domini nostri instituisse ut veritas, quæ antea legi, & Prophetarum præconio continebatur per Apostolicam tubam in salutem vniuersitatis exiret, sed huius muneris Sacramentum, ita Dominus ad omnium Apostolorum officium pertinere voluit, ut in beatissimo Petro Apostolorum omnium summo principaliter collocaret, ut ab ipso, quasi quodam capite dona sua velut in omne corpus diffunderet, ut exorcismum se mysterij intelligeret esse diuini, qui ausus fuisset à Petri soliditate recedere, &c.*

Probatum ratione. Ergo enim Christianus audiens esse aliquid de fide controuersum, quia dubitatur, quid de eo docuerint Apostoli, &

per eos Christus, debeo posse repetere infallibilem magistrum, cum quo maneat etiam nunc ille paracletus Ecclesiæ datus, ut maneat in æternum suggerens, quæcumque Christus docuit: debet quoque magister ille esse illustris, seu cognitus à quolibet Christiano: iam vero non potest esse, nisi vel in vna Ecclesia particulari, vel in omnibus simul, & collectiue sumptis, vel in pluribus. At horum trium nec secundum, nec tertium dici potest, quia experientia constat multas particulares Ecclesias easque præcipuas ut Ephesinam, Constantinopolitanam, Antiochenam, Alexandrinam penitus à fide defecisse. Taceo iam legitimas earum successiones ab Apostolis ad hæc usque tempora non perseverasse, multosque earum Episcopos fuisse hæreticos. Quamobrem ex non fuerunt certæ, & infallibiles Apostolicarum traditionum custodes, & mundi magistra.

Quod si præcipua illæ Ecclesiæ Patriarchales, & fere omnes ab Apostolis fundatæ, non sunt infallibiliter Apostolicæ, eadem erit ratio cæterarum, excepta vna Romana propter priuilegium concessum in scriptura, expressum. Quod vero nec magisterium istud seu Apostolica in docendo iubendoque auctoritas non possit dici esse in omnibus Ecclesiis collectiue sumptis primo, & per se, ita ut nisi ex omnes simul sumantur non possit certè haberi traditio Apostolica, patebit cum Concilium vniuersale, & Papa comparabuntur inter se. Deinde contrarium constat experientia totius antiquitatis, cum enim aliqua noua heresis emerit non semper coacta sunt Concilia œcumenica. Silco quam sit hoc difficile, quodque Ecclesiæ suæ non satis prouidisset Deus si breuiorem, & faciliorem viam rependiendæ Apostolicæ traditionis ei non suppeditasset. Quare restat primum, quod Apostolatus primo, & per se sit in Ecclesia particulari Romana in qua sedet successor Petri. Adde quod si Ecclesia ædificatur ut ciuitas ex Psalm. 121. cuius participatio eius est ipse idipsum, seu in unitate radix unitatis Ecclesiasticæ debet reperiri in aliqua sede, hacque præcipua, qualis admittitur Romana. Tum si apud Pontificem Aaronicum reperiebatur doctrina, & veritas, cum Deus diligat portas sion seu Ecclesiam Euangelicam super omnia tabernacula Iacob, sine dubio hæc præferentia haberi debet in sede Petri, à qua proferantur oracula. Quæ hæcenus dicta, & probata sunt de Apostolicitate impetuntur generaliter ab omnibus sectariis, quos anathemate percussit Ecclesia Romana, quam ideo à fundamentis conuellere, etsi in cassum non cessant. Afferro ergo principales eorum contra successionem legitimam, & antiquitatem seu Apostolicitatem doctrinæ obiectiones, quibus dilutis sua se luce propalabit Ecclesia Romana vera Christi sponsa, & mater fidelium.

Præcipua Ecclesia ab Apostolis fundata defecit in fide excepta Romana.

Papa multas condempnat, & suppressit hæreses solo suo iudicio.

Dices, ex triplici genere successionis, quæ profertur potest, loci, personæ, & doctrinæ, nullam habent Papistæ. Ergo Ecclesia Romana non est vera Ecclesia, si successio est Nota Ecclesiæ. Quod localem non habeat probatur, quia Romanam Ecclesiam non fundauit Petrus, nec ibi habuisse sedem constat, idque videtur aduersarium Apostolo, qui deambulatus,

bulatorius, & diuini verbi vbique disseminator est, hocque dato Clemens V. translulit sedem Auenione anno 1305. vbi per 74. annos Pontifices residentiam continuam habuisse testatum faciunt historiarum temporum.

Confessio ex
hij. Petrum
ex Dei inspi-
ramine se co-
tulisse Roma
ad sedem ibi
fundandum.

Resp. ad hoc Petrum ex Antiochia Romam venisse spiritus sancti dictamine, vt expressè scribunt historiæ Tertull. Abdias, Eusebius, Irenæus, ibique sub Nerone crucifixi. Sedemque Romanam suo sanguine consecrasset, hoc autem non impedit, quin pro exigentia propagationis Euangelij aliquando se transferret alibi.

26. schismata
Ecclesiam di-
mezant, vi-
gesimum du-
rant 40. an-
nos, & vige-
simum sexu
36.

Ad Translationem ? Resp. Quod Clemens V. Burdegalus ob seditiones, & bella Italiæ, quæ ex-
guere aut sedare non poterat, sedē Auenionē trā-
sulerit, nihil præiudicat Ecclesiæ Romanæ, quæ
nomen hoc sortita est, & semper retinuit, quia Ro-
ma fuit sedes fixa Petri, eius martyrio confirmata,
& quia primatus est inseparabiliter annexus Pon-
tifici Romano, tum sedes Petri Auenionē mutata
erat per modum refugij ad certum tempus. Quod
Personalem successionem non habeat constat ex in-
terruptione, quam inuenerunt viginti sex schisma-
ta, quæ Onuphrius in suo Chronico refert quorum
vigesimalium quadraginta annos durauit, & vige-
simum sextum ab Urbano 6. vsque ad Concilium
Constantiense 36. annos ex Genebrardo, vel 40. ex
Onuphrio, & tunc ait Genebrardus *alter in alte-
rum seniebat censuræ*, & tota Respublica Christia-
na turbata erat, & cum intrusi essent Pontifices per
Imperatores, potius quam electi, monstra erant,
& successio legitima turbata est, sicut olim in sy-
nagoga tempore Antiochorum. Brunus l. 1. de se-
ditionis c. 3. notat. 29. schismata. Anno 974. Boni-
facius dictus 7. sedem occupauit tanquam prædo,
strangulato prædecessore Benedicto 6. cum autem
tanquā inuasiore expulsus fuit, spoliavit Vaticanum
& Constantinopolim abiit. Præficitur alius ex Episcopo
Surino dictus Benedictus 7. qui post nouem
annos moritur. Succedit Ioannes 14. redit prædo,
& Ioannem detrudit in munitionem S. Angeli,
ibique 4. mensibus detentum fame perire coëgit,
& iterum inuasit sedem, tamen post 4. menses re-
pentina morte moritur, & Ioannes 15. creatur. An-
no 1033. Benedictus 9. puer annorum decem,
creatur factione Alberici comitis Tusculani pa-
tris sui, ægrè ferentis pontificatum domi suæ quasi
stabilitum ex successione duorum suorum germa-
norum Benedicti 8. & Ioannis 10. alio transferri,
proprius ipsius filius intrusus est ait Baron. Is au-
tem per Romanos expulsus à sede 1044. iterum
remissus, tandem resipiscens à praua vita cessit
sponte Pontificatus, alique duo qui antipontifi-
ces erant persuasione Gratiani cuiusdam Presbyteri
miserum statum Ecclesiæ compatiens, ipse enim
adiit illos tres qui diuisi inter se reditibus diui-
sim sedebant Romæ, vnus dictus Syluerius ad S.
Mariam maiorem, alius ad S. Petrum, & Benedictus
in palatio Lateranensi, eisque à sede sancta cedere
persuasit data pecunia; Benedicto, quia maioris vi-
debatur esse auctoritatis redditibus Angliæ reli-
ctis. Ob quæ ciues eundem presbyterum Gratia-
num tanquam Ecclesiæ liberatorem in summum
Pontificem elegerunt, ac mutato nomine Grego-
rium sextum vocarunt. Hæc Otto, eaque sunt quæ
loco simoniæ Gregorio postea objecta fuere, sed
legitimus habitus fuit ob electionem, & redem-
ptionem sedis à vexatione per transactionem il-
lam quam fecit, hunc tamen postea Henricus rex
Germaniæ Papatu in Synodo Sutriana abdicauit, &

Duplex
status Eccle-
siæ, qui tres
antipapas ha-
bebat.

Clementem II. elegere fecit, cedente tamen spon-
te sua Gregorio 6. ad vitandum durum schisma
alias imminens, inde enim compressa fuit factiosa
audacia Comitum Tusculanorum, etsi præsumptio
Henrici spirituale potestatem sibi arrogans pec-
cato non vacet?

Resp. hanc confusionem in successione Aposto-
lica dæmonis, & hominum malitia inductam fuisse
propter peccata hominum, & ad manifestan-
dam diuinam providentiam erga sedem Aposto-
licam, quæ ordinem, & successionem, ira conser-
uauit in his scissuris, & schismatibus, vt indubitata
serie recenscantur Pontifices Romani à Petro vs-
que nunc Plura ad enudeationem dubitationis di-
cemus suo proprio loco, & articulo de Primatu
Papæ, Quantum ad successionem doctrinæ, Ro-
mana in Ecclesia?

Resp. cum omnibus Catholicis, ita illibata, &
integre conseruatam fuisse doctrinam Apostoli-
cam vt omnes, qui dehiscunt à fide Romana, &
societatem aduersam faciunt, hoc ipso censentur
hæretici vix enim schisma, & auersio à Pontifice,
sola videtur, quæ hæresim, & errorem, non ad-
mittat & profiteatur, vnde Irenæus lib. 4. c. 26. ait
schisma ad æternum exitium in extremo iudicio
decernendum esse, à fortiori hæresim. Hanc suc-
cessionem Doctrinæ Apostolicæ in Ecclesia Ro-
mana euidenter apertè historiarum series, quæ no-
tat alias omnes Ecclesias consuluisse Apostolicam
sedem in re gravi, quæ vel minimum ad fidem
spectabat, sed constantem, & inconcussam fidem
primæiam apud Romanam Ecclesiam circa duode-
cim principalia dogmata chronographice repræ-
sentat R. P. Iacobus Gualterius Soc. Iesu, quæ duo-
decim veritates Catholicas Scripturæ, & Sancto-
rum Patrum auctoritate confirmata aduersus
Caluinismum nuncupat.

Hoc ipso quod
quis deficiat à
fide romanæ
habetur hære-
ticus.

Primo Realitatem & Transubstantiationem in
Eucharistia, cum Sacrificio Missæ.

II. Honorem seu cultum & Inuocationem SS.

III. Vsum & venerationem Sanctarum Reli-
quiarum, Imaginum, & sanctæ Crucis.

IV. Liberum hominis arbitrium.

V. Solius fidei sine bonis operibus & manda-
torum Dei obseruantia insufficientiam.

VI. Bonorum operum ex gratia Dei condigni-
tatem ad vitam æternam.

VII. Abstinentionem & delectum ciborum, lei-
niorum & Quadragesimæ obseruantiam.

VIII. Cælibatum Sacerdotum, & Religioso-
rum cum annexis votis & cætemoniis.

IX. Sacramentum Pœnitentiæ cum Confessio-
ne delictorum, & Absolutione sacerdotali.

X. Purgatorium, & suffragia pro Defunctis.

XI. Primatum Petri, & Ecclesiæ Romanæ.

XII. Auctoritatem, & infallibilitatem Eccle-
siæ in statutis, & Traditionibus.

Opus hoc, impenso sane laboris, per duodecim
distinctum columnas Ecclesiæ statum ab incuna-
bulis ad nostra vsque tempora fidelissimè por-
tigit, vnde cordato Lectori satis sit ad natos quos
affingunt hæretici Ecclesiæ Romanæ, ex sæculorū
in spectu facilliter diluere & huius fidei, firmitatē
demerari quā ad nos per perpetuā & nusquam in-
interruptam magistrorum & discipulorum catenam
fuisse deriuatam nemo sanè mentis inficiari potest.
Et ideo Arriani v. g. in Polonia aut Transilvania
degentes vel Lutherani Germani aut Calvinistæ
Galli possunt equidē ab authoribus hæreseon sua-
rum originem proferte & successionem doctrinæ

12. Dogmata
quæ Gualte-
rius chrono-
graphice præ-
sentat.

aliqualem prætere, sed hæc doctrina non habet successionem ab unitate & Apostolatu cum quatuor prima Concilia generalia (quæ ipsimet Nouatores, tanquam quatuor Euangelia admittere videntur) hanc reiecerint, & cõdemnauerint nec non & sub-sequentia, & vltimo Concilium Tridentinum omnem doctrinam spuriam præulo rigoroso & longo examine seriatim disceptatione Controuersiarum inter Nouatores & Catholicos inita reprobauerit, & veram Apostolicamque fidem ab omnibus fidelibus Christianis profitterendam declarauerit.

Consilium meum In hoc articulo & vltimo Symboli nota Ecclesiæ erat Lectorem beneuolum doctrina Quatuor primorum Conciliorum generalium in ipsis eorum Canonibus rescriptis expressâ recreare: sed ne aliorum teram vestigia, supersedeo, hoc habet Cõonus Societatis Iesu in sua institutione Catholica, hoc idem passim legitur apud Controuersistas.

Demonstrata ergo & indigita Christi Ecclesiâ ipsaque sede Romanâ ex successionem loci, Episcoporum, & doctrinæ dicam merito ad hæreticos quoscumque, nominatim autem ad Lutheranos & Caluinistas, dicam inquam ipsius Ecclesiæ nomine qui estis vos! quando & vnde venistis! quid in meo agitis non meo! Mea est possessio scripturarum genuinique earum sensus, olim possideo, prior possideo, habeo origines firmas ab ipsis authoribus quorum fuit res: nimirum duco originem ab Apostolis & specialiter à Petro quem Christus ipse fundamentum post se fecit Ecclesiæ, fides eius indefectibilis comprobatur ab oratione Christi & ab euentu sexdecim seculorum obfirmato, ego eâ habeo & teneo, sum hæres Apostolorum, quo iure inuaditis bonum alterius, si filij legitimi mei estis ostendite genealogiam vestram.

Quis ante Lutherum Lutheranz, religionis Antistes! quis ante Caluinum Caluinianæ sectarius fuit! Ostendite Episcopos vestrosque ad Apostolos vt Ecclesiam vestram esse Apostolicam probetis. Hoc ego facio incunctanter hocque vnico successionis personarum & doctrinæ argumento, satis habent doctores orthodoxi ad hæreses conuincendas.

Fortè respondebunt Lutherani apud ipsos extra successionem personarum & supputari Episcopos continua successionem præfatos Ecclesiæ eorum, saltem de Anglicana hoc serenissimus Angliæ Rex protulit in sua responsione ad eminentissimum Sanctæ Romanæ Ecclesiæ Cardinalem Petronium cap. 75.

Ad hoc medullitus discutiendum & intelligendum extra hypothesim.

Nota illos solos in Ecclesia semper habitos fuisse veros Episcopos qui ab Apostolis per legitimam successionem & ordinationem descendisse ostendebantur, omnes autem alios fures & latrones, quippe qui per ostium non intrassent, sed vel intrusi fuissent à Tyrannis vel ipsi contra Christi & Pauli Heb. 5. sibi ipsis assumpsissent honorem. Nam constat Christum à quo Ecclesia noui Testamenti cœpit, duodecim tantum Episcopos & Sacerdotes elegisse, eisque commississe, autoritatem pascendi & gubernandi Ecclesiam. Apostolos autem postea delegisse & ordinasse alios Episcopos, eisque similem tradidisse potestatem, alios deinceps ordinandi.

Itaque duo requiruntur vt aliquis Episcopus dicatur legitimè descendisse ab Apostolis ac pro-

inde vt sit legitimus Episcopus, vnum est successio, alterum ordinatio.

Quantum ad successionem id requiritur, vt cui Apostolo vel ab eo constituto succedat, vel si nouus introducit Episcopatus vt Episcopus constituitur ab eo qui Apostolicam autoritatem habet, nam vt scribit S. August. Epistola 162. in Romana Ecclesia semper viguit Apostolicæ cathedræ principatus, Ratio huius est, quia institutio nouorum Episcoporum non potest pertinere ad vllum qui habeat definitam regionem, sed ad eum qui toti Ecclesiæ præest & cui propriè incumbit cura propagandi Ecclesiam, quales fuerunt omnes Apostoli. Petrus quidem ex officio & cæteri ex delegatione. Et quicumque aliter intrat non est de Ecclesia Apostolica cum non possit ostendere originem suam ab Apostolis. Nec tamen ob id negamus quin etiam Patriarchæ & Metropolitanæ aliquando possint novos Episcopatus erigere (quod S. Athanasium in oriente & S. Bonifacium in Germania fecisse constat) modo à sede Apostolica facultatem habuerint.

Quantum autem ad ordinationem requiritur vt qui Episcopus fit, ordinetur à tribus Episcopis, qui & ipsi sunt ab aliis ordinati & illi ab aliis donec ad Apostolos veniatur id exprimitur primo canone Apostolorum.

Episcopus à duobus aut tribus Episcopis ordinatur id est à duobus assistentibus Metropolitanis consecratore, idque docet Analet. Epist. 2. ex ordinatione Iacobi quem ordinatum Episcopum Hierosolymæ à Petro Iacobo & Ioanne scimus, hocque modo ordinandos cæteros innuitur Idem habetur in 1. Concil. Nicæno cap. 4. & in Chartag. 4. c. 2. imo Paulus hoc ipsum indicat cum 1. Timo 4. scribit noli negligere gratiam quæ in te est, quæ data est tibi cum impositione manuum presbyterij, id est Episcoporum qui simul cum ordinante imponebant manus super caput ordinandi, vt exponunt Chrysost. Theophyl. Oecumen. Aliquando ob raritatem Episcoporum duo infulari Abbates vicem Episcoporum ferentes assistunt Episcopo consecranti.

Nota ad constitutionem successionis personalis Episcoporum non sufficere quod vnus alteri substitutus fuerit sed requiritur vt eadem formâ & cum iisdem conditionibus Episcopatu annectis subsequens ingrediatur, quibus antecessores admissi fuerant. Nec enim ad legitimandos lenitas in tribu Israel seu sacerdotes quos Ieroboam induxit propria autoritate sufficiebat quod locum legitimorum quos ipse abstulerat occuparent, liquet enim quod conditiones legitimæ successionis illis deerant.

Præterea sciendum est duas esse species successionis in sequela personali Episcopatus, prima est successio characteris, alia est successio iurisdictionis seu autoritatis, nam secundum doctrinam Catholicam Episcopatus hæc duo includit, Character in ordinatione impressus seu extensus sacerdotalis potest quidem extra Ecclesiam conservari & asportari, quia indelebilis est, consequenter & dari seu aliis communicari potest extra Ecclesiam et si quidem illicite; At successio iurisdictionis seu autoritas Episcopatus nec conferri nec asportari potest extra Ecclesiam, ipsaque suspendi & aufertur potest ab Ecclesia seu superioribus, id est sede Apostolica vel Metropolitana cum ex causa fertur sententia depositionis vel degradationis, sicut Concil. Sardicense deposuit Narcissum, Menophantem

*Institu-
tioni Episco-
pi pertinet
ad Papam*

*Tertull. de
prescr. Cy-
priani l. 1.
Epist. 6. optat
Milanis. l. 2.
contra Para-
mon.*

*Duplex est
species succe-
ssionis in se-
quela Episco-
pali.*

Arian. Apo-
log. 2. & c.
tra Arian.
diffini. 3.

nophantem & alios, quo non obstante caracterem habebant Episcopalem: v. g. officiales regis cum ad hostes transeunt rebellando insignia regis quidem asportant, & aliquando sigillum ipsum, auctoritatem vero nequaquam. Et ideo cum degradati, vel ordinati extra Ecclesiam redeunt ad Ecclesiam, debet ipsis conferri, seu restitui legitima ipsorum potestas ad proprias functiones obeundas restitui inquam vel per singularem rehabilitationem, aut per notoriam Ecclesiae declarationem, quod ipsos in sui communionem admittit cum facultate munia propria exercendi. Et ita simul rehabilitati olim leguntur Episcopi Arianii, cum ad fidem Catholicam redierunt.

Ex quibus resultat eos qui extra Ecclesiam veram ordinati sunt non esse Episcopos quantum ad auctoritatis functionem, etsi quantum ad characterem tales sint, unde quoties ante rehabilitationem munera obeunt Episcopi quae ad auctoritatem spectant, peccent, & sacrilegij culpa inurantur.

Quo iure ait Athan. de Synod. Arimin. & Seleuc. loquens de Arianis Episcopi esse possunt si ordinationem susceperunt ab his quos haereseos insimulant.

Posita ergo hac distinctione in Episcopatu, de caractere & collatione auctoritatis sequitur non dari successionem Episcopalem ubi caracter illicitus post sententiam depositionis, suspensionis & excommunicationis ob schisma confertur, unde nec sic datur successio Apostolica in Anglia, multo minus apud Calvinistas, qui à nullo Apostolico viro habent ordinationem, qui consequenter non habent Episcopos seu Pastores, unde nec Ecclesiam, quae ut sine Episcopis esse non potest, nam ut docet Cyprian. l. de unit. Eccl. Ecclesia est una, scissa non est, sed connexa, & coherentium sibi inuicem Episcoporum glutino copulata, adde quod Angli communicant in doctrina cum Calvinistis qui ordinationem sacerdotalem aut Episcopalem

pro mero ludibrio habent, & à nullo Episcopo ordinationem susceperunt.

Dices, vera nota Apostolicitatis est imitatio morum & vitae Apostolorum quae nulla videtur hodie in Ecclesia Romana.

Respondeo negando utramque propositionem, cum Ecclesia in Scriptura comparatur ut plurimum arbori, vineae, &c. quae paleas & vinacea grano & viti immixta habent. Quod si deploranda sunt vitia, luxus &c. bona plurima quae patent & religiosi mores laudandi & approbandi sunt.

Instant: depravatio doctrinae & morum tam generalis & exitialis visa est ut indiguerit reformatione, quare ea manifesta existente nihil fuit opus vocatione ordinariâ sicut si conflagraret ciuitas, non deberet cuius bonus expectare Rectoris imperium ad restringendum incendium.

Respondeo illum ideo non debere expectare quia clarissima & sensibilis esset conflagratio, & satis per se petitus cuius quilibet, ad illam restringendam: imaginaria autem aut praetenta Ecclesiae Romanae corruptela, nec manifesta est, quia si esset, satis ab aliquo deprehendi potuisset totis mille annis ad quos extendi asseritur, nec certa, sed ad summum dubia, cum à nobis qui plures sumus tam constanter abnuatur quam ab aduersariis asseritur: In dubio autem pro reo praesumitur. Imò procul nulla (saltem ex parte doctrinae) Et quamuis certa esset corruptela, non tamen ad eam reparandam admittendus vel aptus esset quilibet, sed haberi deberet delectus maximus sicut & Medicorum ad vulnus medicandum, & is de sanctuario primò absumendus esset aut denique conuocandum tunc foret Concilium generale pro reformatione Ecclesiae tam in capite quam in membris. Hoc autem Dei gratia saepius factum, sanctaeque leges, stabiliti Canones, pro recta fidelium directione. In custodiendis illis retributio multa sit Psalmista, addo ego & perfectio Christianismi.

CREDO SANCTORVM COMMVNIONEM.



MIRABERIS Studiose Lector Sanctorum Communionem qua in Apostolorum Symbolo expressa habetur omitti aut non exprimi in Symbolo expositiuo Conciliorum Oecumenicorum: saltem in illo quod praefert Conc. Tridentinum tanquam scutum fidei contra Lutheranos, aliasque haereseis. Communionem hanc maiori ex parte conuellant.

Respondens Sancti Hieronymus adu. Luciferian. Augustinus de fide & Symbolo, & de Symb. ad Catechumenos. Rufinus in Symb. fidem de Communionem Sanctorum includi in speciali attributo Ecclesiae Catholicae quod importat & declarat Ecclesiam Christi non consistere in simplici coetu & numero fidelium disunctim & sigillatim consideratorum, sed in communicatione, commercio & coniunctione totius corporis mystici ita ut haec duo clausulae Credo Ecclesiam Catholicam: Sanctorum Communionem unicum componant articulum. Satis ergo fuit nouissima huic Oecumenica Synodo singulares explodere errores, & insurgentes extirpare haereseis, quae cum aperto Marte Appendicem hanc Articuli IX. non conquassarent, aut verba Apostolorum non excluderent, censuit exprimendum esse Symbolum fidei totidem verbis quibus, ut ait, legitur in omnibus Ecclesiis, quod quidem eiusmodi est. Credo in unum Deum &c. ut est in missali. Nec instat hanc SS. Communionem distinguere apud aliquos scriptores in specialem articulum, nam illorum non tanta est habenda est ratio sicuti Catechismi qui ex decreto Concilij Tridentini & Pij V. Pontificis maximi iussu ad parrochos primum editus fuit: is autem non distinguit Communionem SS. ab articulo IX. de Ecclesia, quam Sanctam & Catholicam credere docet. Diuersae autem Symboli Partitiones leguntur (quia ut notauit folio 21. ex S. Hieron. Epist. 81. ad Siricum, Augustino, Rufino) Apostoli tradiderunt sine scripto Symbolum: hincque Doctores diuersimodè concinnarunt Articulos XII. quorum praecisam non habebant distinctionem, quam indifferentem arbitrati sunt, modo duodenarius completeretur numerus quem assignabat traditio. Ratio huius diuersitatis est, quia cum cognita sint in cognoscente secundum modum cognoscentis, & intellectus humanus cognoscat componendo & diuidendo, aliqui Doctores cognouerunt obiectum alicuius articuli per modum vniuersi, quod alij partiti sunt, v. g. mortuus, sepultus, descendit, resurrexit: sic & alij unum fecerunt articulum de carnis resurrectione, & vita aeterna, quia haec consequitur. S. Augustinus in uno ex sermonibus singularem facit diuisionem: ab ea variat glossa auctoris incogniti, ab utraque declinat Catechismus Romanus, qui cum expresse meminerit. Communionis Sanctorum quam quidem tacent Conciliorum Symbola, hanc uti partem & complementum Articuli IX. explicatam habere non pigebit.

QVÆSTIO VNICA.

Quid, & inter quos sit hac SS. Communio.

NOta incertum esse an hæc SS. Communio supponat hic præcisè pro societate reciproca, quam habent fideles, qui in terris degunt, ad quam nos inuitat S. Ioannes 1. 1. *ut & vos*, inquit, *societatem habeatis nobiscum, & societas nostra, sit cum patre, & filio eius Iesu Christo* Græcè legimus *κοινωνία* id est commercium, communicationem. Vel an inferatur Symbolo ad designandum commercium, quod fideles seu sancti militantis Ecclesiæ exercet, cum sanctis seu beatis Ecclesiæ triumphantis: illis continuè orantibus, & intercedentibus pro militante Ecclesiâ: istis autem inuocantibus illos, eorūque honorabilem facientibus commemorationē, quod in Liturgiis nuncupatur, *communicare memoriis SS.* Vnum certum est non esse de fide, quod ista Communio Symboli intelligatur inter Ecclesiam triumphantem, & militantem (ut probe annotauit illustrissimus Cardinalis Petronius in resp. ad Regem Angliæ).

Quidquid sit certum est, & de fide esse in Ecclesia communionē, est enim corpus, & quisque fidelium est membrum de membro, vocatur autem corpus eo, quod vno eodemque spiritu mēbra nectūtur in vno vinculo fidei, spei, & charitatis, quodlibet verò membrorum alteri membro obsequitur ob connexionem sub vno capite Christo, & omnia operatur in bonum totius Ecclesiæ: Est corpus quia vnus est spiritus, 'qui regit eam: vnus pater omnipotens qui in ea sunt *Dei*: vnus omnium Redemptor, Iudex & Mediator Christus.

Porro locupletissima est fidelium societas, augustissimaque SS. communio, quæ mirum in modum explicat, quid sit Ecclesia, & quod mutua sit omnium, qui in ea sunt communicatio, societas, & vnio in eadem fide, doctrinæque conformitate, & Sacramentorum vsu in mutuis officiis, & participatione meritorum, orationū, satisfactionum, gaudij, & tristitiæ, sicut enim, inter corporis membra mutuam fieri videmus omnium officiorum communicationem, quia etsi membra diuersa sint, tamen corpus efficiunt in quo singula proprio officio funguntur ad commodum, & salutem totius: sic in Ecclesia, vbi licet varia sint hominū genera, quia tamen omni baptismum receperunt, ideo vnum corpus fiunt cuius caput est Christus, vnde etiam sit ut mutuam communicationem bonorum habeant, omniumque opera in utilitatem totius corporis redundent, ut pote, quod ab vno eodemque Spiritu Sancto animatur, *vnus autem, & idem spiritus diuidens singulis*, inquit, Paulus. Huius autem Mysterij sicut diuersus est sensus, ita etiam diuersam explicationem patitur. Prima est, quæ literalis videtur, & Concilij Tridentini, ut ad Communionem Sanctorum intelligatur Sacramentorum communio, quorum vsus, & fructus sicut omnium aliarum rerum SS. ad vniuersos fideles pertineat, quibus quidē (maximè autē Sacramētis) Christo cōiunguntur, & simul omnes eius gratiæ participes efficiuntur.

Olim inter fideles erat communicatio in bonis temporalibus, ut dicitur in Actis Apostolorum, alter enim alterius onera charitatiuè portabat, alterque alteri pro posse, & exigētia subministrabat necessaria: De hac communicatione non agit Symbolum, sed de communionē in rebus spiritualibus, & charismatibus, quia ut dixi communicamus in

sanguine Christi, in donis gratiæ, quibus sanctificamur, in mysterijs fidei, in verbo Dei, in promissis Euangelij, & ista omnia bona cunctis sunt communia, quia omnes vocati sunt ad eandem fidem in eadem spe vocationis, ad eadem superna bona ad eadem Sacramenta, non aliud credunt aut sperant diuites, aliud pauperes, aliud principes, aliud plebæ, & vnum baptisma omnium, vna Eucharistia, vna absolutio, idem verbum, Dei pro omnibus, sicut qui eiusdem sunt ciuitatis habent communicationem in iisdem priuilegijs, in syluis, pascuis, fluminibus, fontibus, foro, plateis, propter colligationem, quandam in eadem societate politica: ita Ecclesia ciuitas Dei omnes suos ciues facit participes spiritualium bonorum, quæ Christus in ea posuit, ipsa enim est, *Hierusalem, quæ edificatur ut ciuitas cuius participatio in idipsum*. Hæc explicatio non indiget alia probatione. Secunda infert specialem cōmunionē iustorum in meritis, & bonis operibus, quia Ecclesia est vnum corpus de cuius bono omnia membra participant, vnde accidit ut nobis etiam absentibus preces aliorum, & bona opera profint, sicut & nostra illis, singuli enim ut filij Ecclesiæ fructum, & utilitatem referunt, itaque cum fideles sibi inuicem sint membra dum orant non sibi ipsis tantum orant, sed omnibus orant, dum laborant in via virtutum non tantum sibi laborant, sed omnibus, dum patiuntur omnibus patiuntur, sicut pes dum ambulat pro toto corpore ambulat, manus dum operatur, auris dum audit, os dum comedit, oculi dum vident. Probatur ex Scriptura Psal. 118. *Particeps ego sum omnium timentium te & custodientium mandata tua.* Apost. Colos. 1. *Gaudeo in passionibus meis pro vobis, adimpleo ea, quæ desunt passionum Christi in carne mea, pro corpore eius, quod est Ecclesia*, Quasi dicat licet pro peccatis vestris satisfecerit Christus, vult tamen ut & vos aliquid satisfaciatis, & patiamini, hoc autē ego nomine vestro præsto, & mearum passionum vos reddo participes, tanquam membrum satisfaciens pro toto corpore: sic & de alijs loquēs, 2. Cor. 8. *Vestra*, inquit, *abundantia illorum inopiam suppleat, ut & illorum abundantia vestra inopia sit supplementum, ut fiat equalitas sicut scriptum est. Qui multum, non abundauit, & qui modicum non minoraui.* Probatur ex SS. Patribus Aug. de fide ad Petrum. *Ecclesia est quadam forma iustitie, id est commune ius omnium, in commune orat, in commune operatur, in commune tentatur, sine Ecclesiæ Catholica societate, nec alicui baptismus prodesse potest, nec opera misericordia, nisi fortè ut minus torqueatur.* Idem tract. 32. in Ioan. *Varia sunt dona Spiritus-Sancti, nec omnia habere possumus omnes, si vnitatem amas, nihil non habes, nam etiam tibi habet quisquis in illa aliquid habet, tolle inuidiam, & tuum est, quod habeo, tollam inuidiam, & meum est, quod habes, lior separat, charitas iungit* Gregor. l. 19. moral. *Sancta Ecclesia consistit vnitatem fidelium sicut corpus vnitatem membrorum.*

Probatur rationibus, corpus naturale ex varijs partibus seu membris compactum subsistit per cōmunionem humorum, spirituum, motuum, & vitæ ita ut, ait Galenus lib. de vsu partium cap. 9. *mutuo consensu earum vna vltèri inseruiat, ergo à fortiori hæc communio reperiri debet in corpore mystico, quod à gratia compactum est, à fortiori inquam, quia gratia perficit naturam, & ad Deam vnitatis principium tendit, eoq; magis, quod Ecclesia vna est.* Secundo ex Christi instituto oramus in plurali dicentes, *panem nostrum da nobis,*
dimitte

dimittite nobis debita nostra. Ne nos inducat in tentationem, & minister Ecclesie recitans officium sacerdotale priuatim dicit Dominus vobiscum in plurali, hoc autem demonstrat inuinctas orationes pro toto corpore Ecclesie recitari, & proinde fructum earum ad quoslibet fideles deuolui per communionem. Tum charitas finis est fidei, & scopus Ecclesie, hæc autem non quaerit, quæ sua sunt, sed in omnes diffunditur. Ergo datur in Ecclesia militante consociatio communicatio, & participatio generalis omnium bonorum, ita ut bona singularia cedant in omnium utilitatem, & quilibet fidelis particeps existat omnium timentium Deum, exempli gratia dum tu ieiunas, alter orat, ego lego, alter eleemosynam largitur, alius deniq; infirmitates, & afflictiones patitur, tu de mea lectione fructum, ego de tuo ieiunio, de alterius eleemosyna aut patientia lucrum percipio. Communio hæc bonorum operum, in Ecclesia non restringitur ad iustos tantum, sed diffunditur ad malos etiam, qui per fidem sunt de corpore Ecclesie etiam si per peccatum mortale charitatis vinculum dissoluerint, & vitam spiritualem amiserint, qua extincta restant, tantum membra mortua, multifariam enim mali participant de hac communionem Sanctorum 1. habent vsum eorundem Sacramentorum 2. ex bonorum societate sæpe vitam spiritualem recuperant, quam boni illis impetrant. Quam sæpe in peccatis grauib; fuisti, & cum in damnationis statu te relinquere posset Deus, erexit te, inspirauit, emolliuit cor tuum ut ad penitentiam recurreres, idque te aliud cogitante, nec mentem tuam disponente, imo aggrauante per noua peccata, quod sine dubio Deus fecit propter merita, ac preces aliorum, quotidie enim orat Ecclesia, orat Sacerdos in Missa, orant pii viri, & austeras ad hunc effectum adiungunt penitentias, ut qui in peccatis sunt, & peccatorum occasionibus à Deo excitentur & vincula dissipant: sic orabat Monica pro Augustino, & fundebat lachrymas, sic orabat Stephanus pro persecutoribus, & Paulum in modis sceleribus respiciebat Dominus.

Secundò fructum participant mali ex hac SS. Communionem, & societate, quia ob illam sæpe euadunt flagella Dei, habemus exemplum Genes. 18. vbi Deus, dicit si forent in Sodoma 50. iusti 30. 20. parcere se velle Sodomitis, & locis vicinis, constat etiam ex Act. 17. nam ob merita Pauli 276. animæ ereptæ sunt de naufragio.

Tertiò hæc societas quandoq; affert malis benedictionem in temporalibus, sic benedixit Deus domui Laban, ex Iacob. præsentia, domui Puffaris propter conuictum, & societatem Ioseph.

Tertia explicatio importat commercium, & communicationem Beatorum, cum fidelibus Ecclesie, militantis per mutuam beneficiorum & donorum collationem, quæ fit inter ipsos, quasi inter cælum, & terram, inter triumphantem Ecclesiam, & militantem, terra mittit orationes, & supplicationes in cælum, & cælum mittit ad nos dona sua.

Probatum hæc communicatio ex Scriptura Genes. 28. scala illa Iacob, quæ super terram posita cælos tangebatur, & per quam ascendentes, & descendentes erant Angeli figurat hoc cæleste cum terra commercium de Angelis, singulares assignantextus, quod nos dirigatur protegant intercedant, Tobie 1. Apoc. 8. Daniel. 10. Matth. 8. Psal. 90. *Angelis suis mandauit de te ut custodiant*, & Zachar. 1. Angelus, sic orat, *Domine exercituum, usquequo non misereberis Hierusalem, & urbium Iuda quibus iratus es*, qui mox exauditus legitur?

Respondit Dominus Angelo, verba bona verba consolatoria. De cæteris beatis seu sanctis idem est censendum, quia ut dicitur Matth. 22. erunt omnes sicut Angeli Dei, & euincitur ex Apoc. 21. vbi Deus Sanctis promittit potestatem super gentes. *Qui vicerit, & custodierit hæc & in finem opera mea dabo ei potestatem super gentes, & reget eas*, Idco Ioannes cap. 15. dicit vidi phialas aureas plenas odoramentorum, quæ sunt orationes SS. Probatum ex SS. Patrib. Cyprian. serm. de mort. *Iam de sua immortalitate securi, adhuc de nostra salute solliciti.* Beda serm. 18. de sanctis, *Hodie omnium SS. sub una solemnitate lætitia celebramus festiuitatem: quorum societate cælum exultat, quorum patrocinio terra lætatur, quorum triumphu Ecclesia salta coronatur*, Bernardo ser. 2. fidelis sermo quos beatissimos prædicamus, ad beatitudinem eorum curamus, quorum delectamur præconiis, subleuemur eorum patroniciis. Probatum ratione, quanto magis aliquis participat de bonitate, & sanctitate Dei tanto Deum ipsum imitatur in communicatione, & diffusionem ei possibili, sed Beati sunt in gradu sanctitatis consummatæ noruntq; viatores periclitari in hac valle miseræ. Ergo in quantum norunt & possunt, eis succurrunt, & gratias implorant à Deo, & ad exaudiendas, fidelium supplicationes Deum ipsum inclinant, sicque stat communio vnius Ecclesie triumphantis, cum militante, quæ certa, & generali apud fideles comprobatur experientia, ideoque Origenes, qui tertio sæculo florebat scribit hom. 16. in cap. 13. Numer. nullatenus dubiam fuisse communionem hanc beatorum cum fidelibus eorumque sterile suo tempore dogma catholicum de intercessionem Sanctorum.

Quarta communio notatur inter Beatos, viatores, & animas quæ detinentur in Purgatorio, illos enim pro istis suffragari, & preces Deo offerre credit Ecclesia, quia illæ sunt membra viua eiusdem Ecclesie, imo & Christi, & eandem fidem, spem, & charitatem nobiscum habent, & licet non sine in statu meriti, meruerunt tamen dum hic erant, ut iquarentur ibi, vultq; Deus, & charitas dicat, ut eis compatiatur. nam si quid patitur unum membrum, ait Apostolus 1. Cor. 12. *Compatiantur omnia membra*. idque quotidiano docet experientia contulū enim aut vulneratū mēbrum non satis intuetur oculus, illud tangunt manus, sanguis calefacit, cor spiritū transmissione fouet, cæteraq; corporis membra per sympathiam naturalem ei condolent, & opitulantur, quod membra corporis naturalis ex propensione nature non errantis faciunt, mystica corporis membra dictante, & mouente charitate omittere non possunt, vident Beati, non ignorant Viatores cruciari igne purgante animas, quæ non exhibunt inde donec soluerint nouissimum quadrans, norunt utiq; misericordes futuros beatos, certè afflictis animabus misericordiam impendere non cessant probatur ex scriptura, quæ Machab. 15. refert Oniam, & Hieremiam iam defunctos viros fuisse orare pro populo Iudæorum viuientium, probatur ex SS. Patr. Aug. lib. 4. de cura pro mortuis, vbi scribit Christianos ideo in locis sacris, & templis post obitum recondi, & inhumari elegisse, ut à fidelibus in monumētis orantibus cōmendarentur intercessionem SS. aut Martyrum sub quorum nomine Deo dicata essent templa, consentit vniuersalis Ecclesia, quæ in orationibus pro defunctis hanc singulariter recitare solet. *Deus veni largitor quasumus, ut intercedente B. Virgine & omnibus SS. ad beatitudinem conser-*

sin. pervenire concedas fratres nostros, qui ex hoc seculo transferunt, plura de suffragiis congesta habebis infra proprio in articulo.

Sufficiant hæc ad plenam explicationem Appendicis Articuli IX. de Communione SS. quam Concilia non expresserunt, eademmet forte de causa quam affert S. Thomas 2. 2. q. 1. ar. 9. loquens de descensu Christi ad inferos, quem unum ex articulis fidei facit. De ipso inquit nullus error exortus erat apud hæreticos, & ideo non fuit necessarium.

aliquam explicationem circa hoc fieri, & propter hoc non reiteratur in Symbolo Patrum, sed supponitur tanquam prædeterminatum in Symbolo Apostolorum; non enim Symbolum sequens abolet præcedens, sed potius illud exponit. Nicænum & Constantinop. præcessere Lutheranismum, & Calvinismum. Tridentina vero Synodus formam professionis fidei expressit, quæ ultimam hanc explicationem communionis Sanctorum, singulari articulo profiteretur.



EXPLICATIO ARTICVLI X.

CONFITEOR VNVM BAPTISMA in Remissionem peccatorum.



QUAM diuinum, & ad salutem necessarium sit Mysterium, quod articulus iste Symboli continet, satis illud indicat, quod Christus ante Ascensionem suam de ipso testatus est, cum discipulis sensum aperuit, ut intelligerent. Scripturas. Oportebat, inquit, Christum pati, & resurgere a mortuis tertia die, & prædicari in nomine eius penitentiam, & remissionem peccatorum in omnes Gentes incipientibus ab Hierosolyma Luc. 24.

Articulus iste spem erigit hominis, qui ex se pronus est in peccata, unde facile illum desperatio illaquearet, nisi fides diuina de remissione peccatorum, qua hic proponitur confidenter erigeret.

Summa autem articuli istius est reperiri in Ecclesia Catholica, non solum remissionem peccatorum; sed etiam potestatem remittendi peccata esse in ea, qua si ritè & secundum Leges à Christo Domino præscriptas ministri eius, Apostoli scilicet, eorumque successores, Episcopi & Sacerdotes utantur, credendum est verè remitti & condonari peccata. Hinc Sanctus Augustinus, lib. 2. de ciuitat. cap. 29. Per remissionem peccatorum stat Ecclesia quæ in terris est, per hanc non perit quod perierat & inuentum est, quod mortuum erat reuixit. Hoc vero munus diuinum & hominibus quam maxime salutiferum nulli creatura antequam Deus fieret homo concessum est, sed primus omnium Christus Saluator noster, ut homo, cum idem verus Deus esset accepit à Patre cælesti, deinde eam potestatem ipse Episcopis, & Presbyteris in Ecclesia sua concessit, quando Vicarios suos constituit. Ioan. 20. Sicut misit me Pater, & Ego mitto vos. Hæc cum dixisset insufflauit, & dixit eis: Accipite Spiritum-Sanctum, quorum remiseritis peccata, remittuntur eis, & quorum retinueritis retenta sunt. Gratissimum ergo, & omni acceptione dignum est hoc Dogma Christianum, quod ut plenè intelligatur duplicem eius sensum, & interpretationem duabus expeditio questionibus.

QV SÆTIO I.

De vniuersali peccatorum remissione per Baptisma.

Cur Patres
Constantinop.
synodus
in hoc art. Ba-
ptismi esse
remissionem
peccatorum.

PRENOTANDUM, hunc fidei articulum diuersè recitari in solemnibus professione ab Apostolica institutione quæ simpliciter habet. Credo remissionem peccatorum, Concilium autem Constantinopolitanum proximè post Nicænum habitum sic habet in Symbolo, quod unanimi 150. Patrum consensu, sub Damaso Papa edidit, anno Christi 381. Confitemur unum Baptisma in remissionem peccatorum. Sicque nunc publicè scanitur in Ecclesia, & in Concilio Tridentino eodem tenore, tanquam scutum contra omnes hæreses præposi-

tum fuit sessione tertia. Videtur ergo limitata hæc remissio peccatorum & reducta ad Baptisma, qui præuiam ex se non exigit penitentiam, de quo tamen nihil habent Apostoli, fortè hoc expresserunt Patres Concilij ad explodendas multas hæreses aduersus necessitatem & utilitatem Baptismi. Nouatiani eum reiecerunt aut corruerunt anno 254. Manichæi penitus abiecerunt, tanquam nihil ad salutem conducentem, ut notat Sanctus Augustinus sub anno 278. licet eo uterentur ut scribit Sanctus Hieronymus. Itémque Pelagiani negantes peccatum originale; isti autem post Concilium Constantinop. surrexerunt. Alij autem uti priores occasionem dare potuerunt Concilio inferendi hæc verba. Confiteor unum Baptisma, &c.

Et certè non sine causa exprimitur quod Baptisma detur in remissionem peccatorum, quia Symbolum

Symbolum quod firma fide credendum pronuntiarī debebat à baptizando, uti singularis inter alias introducta caeremonia ab Apostolorum successoribus, teste Sancto Clemente, libro 7. Constitutionum, cap. 41. exprimendo lauacri huius spirituales effectus, fidem Christi mirificè commendabat, eoque magis quod non tantum peccati originalis maculam emundet, sed & quorumlibet ante Christianismi professionem, & Ecclesiae introitum reatus peccatorum auferat & condonet absoluit. Quod utique verissimum est & à Beato Petro in prima ad Iudaeos concione à Spiritus Sancti aduentu declaratum est, ut legimus Act. 2. *Baptizetur unusquisque vestrum in nomine Iesu Christi in remissionem peccatorum*, & ab Anania ad Paulum post vocem Christi in Damascus deductum, *Exurge, & baptizare, & ablue peccata tua inuocato nomine ipsius*.

Tenor Symboli pronuntiandi à competentibus, seu baptizandis talis olim erat circa istum articulum. Credo & baptizor in carnis resurrectionem, peccatorum remissionem, regnum caelorum, vitam venturi saeculi. Sic Clemens cit.

PROPONIT ergo hic articulus Catholicam de baptismate fidem.

Nemini licere illud iterare, eidemque inesse vim remittendi peccata. Primum declaratur hac voce, *VNUM*, posterius autem sequentibus verbis.

VNITAS BAPTISMI clarum habet in diuinis litteris testimonium, nam praeterquam quod non iterabatur Circumcisio quae Baptismi umbra fuit: scribit Apostolus, Ephes. 4. quod, *Sicut unus est Deus, sic una fides, & unum Baptisma*, in epistola ad Hebraeos, cap. 6. *Impossibile est eos qui semel illuminati sunt, gustauerunt etiam donum Dei, &c. & prolapsi sunt, rursum redire ad penitentiam*.

Quod cum de communi poenitentia intelligi nequeat, quae toties laudabiliter institui potest & debet, quoties in peccatum caditur, sicut in Prouerbis, cap. 24. scriptum est. *Septies in die cecidisti, & resurgis*, de ea sola quae praecedit & adjunctum habet Baptisma est accipiendum, quaeque idem repeti non posse dicitur, quia Baptismus ipse non reiterabilis est, in quo quia lumina accendebantur, illuminati dici solebant, qui Baptismo initiabantur, sic locum Pauli interpretabantur, Chrysostomus, Theodoretus, Theop. Oecumenius, Sedulius, Ambrosius, libro 2. de poenitentia, cap. 2. Tandem Roman. 6. Paulus docet Baptismum esse representationem, tam sepulturae, quam Resurrectionis Christi. *Consepulti sumus cum illo per Baptismum, per mortem, ut quomodo Christus surrexit à mortuis, per gloriam Patris, ita & nos in nouitate vitae ambulemus*. Christus autem, nec bis sepultus est, nec bis resurrexit.

Probatum ex Sanctis Patribus, Epiphapio libro 2. haec 59. *Non duo sunt baptismata, sed unum, nec bis crucifixus est Christus, sed semel, neque bis mortuus est pro nobis, & resurrexit*. Augustinus libro 2. de Baptismo, cap. 14. *Quid perniciosius sit, utrum omnino non baptizari an rebaptizari indicare difficile est*. Cypriano epistola 73. *Statuimus unum esse Baptisma in Ecclesia Catholica*. Nec me morari in Professionem Fidei.

uet, quod vir tantus solitus erat rebaptizare baptizatos ab haeticis hoc quippe idem factum est quod eo usque non declarasset Ecclesia validum esse Baptismum collatum ab haeticis, cum tamen sit quando, nec in baptizante deest intentio faciendi quod Ecclesia in actu illo à Christo accepit faciendum, nec peccatur contra materiam & formam ab eo institutam. Itaque Cyprianus bona fide ratus cuiusmodi Baptismum inualidum esse illum reiterare solebat circa eos qui abiecta haeresi fiebant Catholici, quasi nondum baptizati, tunc primum baptizaret.

Vnitas ista Baptismi hodiernis Sectariis probatur his quidem qui non sunt Anabaptistae, quia ceteros, hoc est Anabaptistas valde oderunt, quod Baptismum denno conferre videantur reque ipsa conferant. Ipsi vero Anabaptistis probatur vnitas, quia etiam Baptismus secundus reuera sit quem conferunt adultis ex Secta quapiam ad se transmigrantibus existimant, non esse secundum, quia censent ad verum Baptisma debere supponi in baptizato usum rationis qui non est, inquit, in alienis Sectariis, quando aetatis primae tempore baptizantur, unde si scirent praetextate in eis, vel non praerequiri usum huiusmodi, atque ita validum esse Baptismum iis collatum, nunquam de eo iterando cogitationem susciperent.

Probatum ratione ex natura generationis deprompta, Baptismus est generatio spiritualis, sicut ergo nemo bis generatur carnaliter ex Ioan. 3. *Nunquid homo, ait Nicodemus, potest in ventrem matris suae iterato introire, & renasci*. Ita nec spiritualiter. Deinde qui baptizatur signum Christi speciale accipit & accipere debet, non minus quam olim Iudaei carnale per circumcisionem, ut non obscure significat Paul. Ephes. 4. *Nolite contristare Spiritum Sanctum in quo signati estis in die redemptionis*. Hoc autem signum cum nulli alteri qualitati aduerteretur indelebile & constans perseverat, cui proinde iniuriam facit quisquis per anabaptismum illi velut insufficienti aliud substituere nititur, nam & regio sigillo nullum passio detractum iniurius esset, qui eo non contentus simile aliud velut insufficienti superadderet.

Probatum ex iure Pontificio, nam irregulares habentur & sunt, tam qui scienter se reringii sinunt. cap. eos de consecratione, distinct. 4. quam qui eos restringunt, seu rebaptizant, siue iam tinctos sciant esse, siue ignorent, quando crassa est ignorantia, vel affectata, cap. qui bis ignoranter, & tit. de Apostol. capit. 2. Extat insuper ibidem grauis illa ad Parochos omnes, admonitio, nequis audeat, etiam sub conditione rebaptizare, quem obsterix domi baptizari, donec didicerit, an & quomodo baptizari. Et si nihil essenziale praetermissum audierit, ritus tantum suppleat, seu adiciat, si probabile putet libris omnibus defuisse aliquid, Baptismum repetat, sed sub conditione, vel expressa verbo quod tutius est vel tacita.

Dices, Baptismus est ablutio peccatorum per aquam, sed saepius iteratur apud Catholicos ablutio peccati per aquam lustralem, ergo rebaptizantur Catholici.

Respondeo puerile esse hoc obiectum, nam usus aquae lustralis non est Sacramentum, nec illius formam, aut finem habet, spectat enim, HHh non

In Baptismo
caracter inde-
lebilis impri-
mitur, unde
& hinc inte-
rabilis.
probatum Ba-
ptismum.

non ad peccati originalis abolitionem, sed leuium demeritat culpam, vel ad arcendum diabolum à rebus quibuscumque sacris abhorrentem.

ALTERA PARS, seu remissio peccatorum per Baptismum, & vim à Deo ei insitam probatur ex Scriptura. Ephes. 5. *Seipsum tradidit pro Ecclesia, ut illam sanctificaret mundans eam lauacro aqua ex verbo vite.* Act. 2. *Pœnitentiam agite, & baptizetur unusquisque vestrum in nomine Iesu-Christi, in remissionem peccatorum vestrorum, & accipietis donum Spiritus Sancti.* Ad Titum 3. *Saluos nos fecit per lauacrum regenerationis, Salus autem non obtinetur, nisi interueniente remissione peccatorum, sicut nec spiritualis regeneratio quam operatur idem Baptismus.* Ioan. 3.

Probat ex Sanctis Patribus, Augustino in sermon. 6. de verbis Apostolor. *Quidquid carnis concupiscentia agit in nobis prætorum peccatorum, siue in factis, siue in dictis, siue in cogitationibus, totum deletum est, sacro baptismo omnia deleuit, una indulgentia, restat, ergo cum carne consistit, quia deleta est iniquitas, sed manet infirmitas.* Tractat. 80. in Ioannem. *Vnde tanta virtus aqua, ut corpus tangat, & cor abluit?* Richardus de potestate ligandi. *Infideles & criminosi Baptismum cum fide suscipientes, sic absoluntur à debito damnationis, ut non teneantur debito expiationis, fideles verò & criminosi post lapsum verè pœnitentes, sic absoluntur à debito damnationis, ut tamen teneantur sub debito expiationis, sed cur quæso expiatur difficilior, nisi quia offendit grauius.* Cassiodor. super Psalm. 5. *In Baptismo, sic omnia & originalia delicta & perperam commissa mundantur, ut illi nos restituat puritati, in qua Adam dignoscitur procreatus.*

Probat ratione, exstimandum est id à Christo obseruatum in baptismo, quo mirificæ Dei potentia illustratur, & insignis quædam occasio datur exercendæ fidei, & disponuntur omnia suauiter, & replentur consolatione ijs quos contigit baptizari. At talis est illa Baptismi efficacia, ergo Christus contulit illam Baptismo; probatur minor, quia non parum se prodit Dei virtus cum interpositis signis sensibilibus, cuiusmodi est ablutio, operatur insensibiles, seu spirituales effectus, qualis est remissio peccati: seriò exercetur fides, dum creatura vilis ad tantum opus, siue effectum assumi posse creditur: habet locum suum suauis dispositio, eo ipso quo ad sanandum hominem corpore prædictum instituta sunt remedia corpora, denique non sine consolatione corroboratur ad præ, vel adipiscendæ salutis fiducia, dum sensu experitur homo adhiberi sibi sanctificationis instrumentum. Præterea nemo aduersariorum dubitat saluari infantes, qui suscepto Baptismo discedunt ex hac vita; nec ambigit iis salutem obtingere, hoc autem eis obtingit, aut per fidem parentum, aut vi Baptismi, primum hoc non dat, ergo secundum; probatur minor, quia sequeretur alioquin mentitos esse Christum & Apostolum, & Psalterium regium, cum vel negant aliquem non baptizatum intrare posse in Regnum Cælorum. Ioan. 3. vel affirmant omnes conceptos esse in peccatis,

Psalm. 50. & Ephes. 2. Excipere quippe mox liceret has enuntiationes fallere in filiis fidelium, qui esto abluti non sint, saluantur nihilominus per fidem parentum, cumque hæc fides extet, quando concipiuntur & nascuntur, tunc quoque Deum huius fidei intuitu nullum prorsus peccatum imputare, atque ita eos, nec in peccatis concipi, nec prodire in lucem ite filios.

NOTA, ex eo quod Baptismus non sit iterabilis, ut demonstratum est, sequi præter insitam ei vim remittendi peccata omnia præterita, seu ante commissæ, aliam quandam in Ecclesia agnoscendam, per quam alia elui possint Baptismo posteriora. Cum enim huiusmodi multa esse soleant, haud dubiè, si non superesset pro iis abolendis alia quædam potestas, siue remedium, imperfecta esset circa humanum genus diuina providentia, nihilque prodesset suscepisse Baptismum. Eiusmodi remedium ordinarium, ac præcipuum est Sacramentum Pœnitentiæ, de quo infra agemus suo articulo.

HOC prætermittere non licet. Omne prorsus peccatum in Sacramento illo pœnitentiæ remitti, quia repugnat infinitati bonitatis diuinæ malitia aliqua hominis vinci, idque derogaret efficaciz sanguinis Christi. *Qui propitiatio est, non tantum pro peccatis aliquibus, sed pro totius mundi,* inquit Ioan.

Vnde hanc bonitatem considerans Manasses, clamabat ad Deum, confidens de peccatorum suorum remissione, quod & suo exemplo omnes peccatores facere debere suadet. Oratio eius habetur in Bibliis vulgaribus post Apocalypsim: peccata autem istius regis 4. reg. cap. 21. Omnis ergo tempore recurrentibus ad Deum remissio peccatorum oblata est, sed & nunc maximè facilis est in Ecclesia, quia iuxta Zachariæ prophetiam, cap. 13. *In domo David fons patens est in ablutionem peccatoris & menstruatæ.* Fons hic, est Christus; ex quo salus perpetuò emanat, qui nullis hominum excessibus arefcit; ad quem qui accedet inueniet vitam & hauriet salutem. Neque fons hic salutis clausus est aut absconditus, quem pauci inuenire quæant, sed patens & obuius omnibus probatur, nemòque prohibetur haurire: quinimò multos riuulos habet de se scaturientes, quasi secundarios fontes, ipsa scilicet Sacramenta de quibus Isaias dicit. *Haurietis aquas in gaudio de fontibus Saluatoris.* Nec vacat mysterio quod patens dicitur fons in ablutionem peccatoris, & menstruatæ, id est, quantumvis spurcissimæ fœditatis, non enim est macula quam non eluat licet inueterata & multiplicata.

Dices aliqua peccata non remitti, neque in hoc sæculo, neque in futuro, sic dicitur de peccatis in Spiritum Sanctum.

Respondeo, non dici irremissibilia, sed non remitti, ut significetur, quod magis ordinariè contingit, & vrinuatur difficultas remissionis, non ex parte ipsius Dei, sed ex parte peccatoris, qui ex malitia obfirmata obstitit ipsi gratiæ, per quam fit remissio, & ideo moraliter loquendo vix remittuntur; vnde tales dicuntur peccare in Spiritum Sanctum, quia gratiæ Spiritus Sancti obicem ponunt, & ideo moraliter loquendo vix remittuntur, quia talibus est difficile

facile veram poenitentiam concipere ob cordis duritiam, & mentis obsecrationem.

Est & peccatum aliquod, quod non remittitur, nimirum finalis impoentia, non propter malitiam peccati, quæ superet misericordiam Dei. Sed propter adiunctam qualitatem, videlicet perseverantiam in peccato usque ad mortem, cum qua non consistit remissio. Simpliciter ergo loquendo Omne peccatum est remissibile, quia obstinatio, obsecratio, obduratio simpliciter & absolute tolli potest, si homo cooperetur gratiæ divinæ. Nec gratiam sufficientem denegat Deus ad illam excutiendam & tollendam cum præcipiat illam tolli, ipse autem nunquam dat præceptum, quin præcurrat auxilio, inquit S. Leo. Defectus ergo est ex parte liberi arbitrij pugnantis contra Deum. Exemplum ponit S. Aug. in Pharaone & Nabuchodonosore. *Post innumeras, inquit, impietates flagellatus poenituit rex ille poenitentia fructuosa, & regnum rursus accepit Pharaos, ipsi flagellis durior effectus est & perit.*

Nec remissionis articulo, aut gratiæ obstat potest multiplicatus numerus iniquitatum, quia nullo numero vinci potest bonitas Dei, aut efficacia redemptionis Christi, unde interroganti Petro. *Quoties peccabis frater meus & dimittam ei?* Respondit Iesus, *non dico tibi septies, sed septuagies, septies id est, infinities, seu toties, quoties, ponitur enim numerus determinatus pro indeterminato: Si ergo homo iubetur remittere poenitenti toties, quoties offenditur, an putas maior est propitiatio hominis, quam Dei? certe misericordia Dei super omnia opera eius. Vnde Isaïa 56. Impius revertatur ad Dominum, & miserebitur eius.*

Notandum, non posse remitti vnum peccatum sine alio, ratio est, quia peccatorum remissio, est quædam amicitia cum Deo redintegratio, est ablutio & sanctificatio cum adoptione in societatem filiorum Dei, quia homo instituitur filius & hæres regni, quæ omnia non possunt consistere cum vno peccato, quia quamdiu, vel vnum manet, manet inobedientia & auersio, & macula, & seruitus peccati, morsque, inextricabilis obligatio ad damnationem, inde Iacobus cap. 2. dicit, *Qui totam legem seruauit, offendit autem in vno, factus est omnium reus, qui enim dixit non moechaberis, dixit non occides, quod si occideris, factus es transgressor legis.* Sic ergo remanente vno peccato, non potest esse amicitia redintegratio, & est velle conuentionem ponere inter gratiam & peccatum, vitam & mortem, Cælum & infer-

num: si remissionem petis de vno & non de altero, hoc est velle seruire Deo & diabolo, & cor diuidere.

Notandum præterea, quod hæc remissio peccati non est vera, non imputatio Dei, vt volunt hæretici, aut exterior tantum condonatio, sed remissio fit per dona interiora, quæ homini infunduntur, patet tum ex Concilio Trid. quod hoc expresse definit can. 11. sess. 6. *Si quis dixerit hominem iustificari, vel sola imputatione iustitiæ Christi, vel sola peccatorum remissione, exclusa gratia & charitate, quæ in cordibus eorum per Spiritum Sanctum diffundatur, atque illis inhaereat, aut etiam gratiam quæ iustificamur esse tantum fauorem Dei, anathema sit.* Tum patet ex Scriptura, quæ dicit infundi nobis charitatem per Spiritum Sanctum, Roman. 5. Item imprimi in nobis imaginem hominis cælestis in iustificatione, & dari nobis gratiam qua adoptamur hæredes vitæ æternæ, denique dari nobis pretiosa dona, per quæ diuina conortis reddimur natura. Quæ omnia significant hominem habere inhaerentem iustitiam in se & non esse formaliter iustum per iustitiam Christi: Sicut Sol iustitiæ & Pater luminum non remittit peccata, nec pellit eorum tenebras, nisi infundendo internam iustitiam & gratiam creatam, quæ est participatio lucis æternæ, & sicut in corporalibus non intelligitur vita sine forma viuificante, ita nec in anima sine dono gratiæ animam informante & operatione Dei intus in animam agente.

His non obstantibus nemo potest scire certitudine infallibili se esse in gratia sibi quæ remissa peccata, nisi ex speciali reuelatione, licet probabilem & coniecturalem possit habere.


Probat ex Script. Ecclesiastic. 9. Iob. 9. 1. Cor. 4. *Nihil mihi, ait Paulus, conscius sum, sed in hoc iustificatus non sum.*

Probat, quia licet certi sumus de misericordia Dei, & efficacia Redemptionis applicatæ per Sacramenta, semper tamen timere debemus de indispositione nostra, an verâ poenitentia expiauerimus peccata, tum ex impetu & feruore quodam naturalis amoris multa facimus bona, non ex pura radice charitatis, tum non videmus fundum cordis nostri, an vitium secretum lateat quo Deo displiceamus: An opera nostra non vitientur aliqua perversa, aut non satis pura intentione. Ratio autem cur Deus nollet nos habere omnimodam certitudinem est, vt semper solliciti de iustificatione ipsa non torpeamus securitate.



EXPLICATIO ARTICVLI XI.

Et expecto Resurrectionem mortuorum.



MULTA ad vniuersalem hanc mortuorum resurrectionem spectantia pralibari in Articulo resurrectionis Christi, quem efficacissimis, & sensibilibus argumentis per quadraginta dies Christus redinius demonstrauit Apostolis, ne ipsi munus suum obcunctes, & Christianam fidem disseminantes Carnis seu corporum redintegrationem, & resurrectionem gentibus proponere dubitarent, sed confidentius de vita futuri seculi predicarent, de qua multa à Domino, nec non, & ab iis quos eius imperio, & potestate suscitatos viderant edocti fuerant, ut & ipsi alios docerent didicerant equidem homines in Schola natura nasci, & mori, nihilque præterea nouerant, cum sensus nihil aliud ipsis renuntiaret. De resurrectione, ne dum cogitabant, quin potius impassibilem eam credebant, hincque illud vulgare Philosophorum dictum à priuatione ad habitum non datur regressus, sed cum indubitata sit Christi resurrectio, & apud Iudeos Christi hostes infensissimos explorata, certè quod Deus in vno potuit indiuiduo, eadem, & facilitate, & potestate, operabitur in omnibus non enim abbreviata est, manus eius. Nec dicas eam Christi resurrectionem modo à Iudeis, & à plerisque aliis negari, nam nonnullorum peruicacia certissimis illis non solum Apostolorum sed etiam omnium qui deinceps fidem ab illis acceptam tenuerunt, & constantissime tenent testimoniis detrabere non potest, ut præclare omnino ostendit S. August. lib. 22. ciuit. cap. 25. Hanc, inquit, resurrectionem infideles quantum possunt negant, sed credentes multi negantes paucissimos reliquerunt, & ad Christum, qui hoc quod istis videtur absurdum in sua resurrectione monstrauit, fidei corde conuersi sunt docti, & indocti, sapientes mundi, & insipientes, hoc enim credidit, mundus quod prædixit Deus, qui etiam hoc prædixit quod hanc rem mundus fuerat crediturus. Ne ergo durus sit sermo lectoribus nostris de penultimo Symboli articulo insurgentes discutio questiones.

Q V A E S T I O I.

An Resurrectio probari possit Scriptura, traditione, & Rationibus?

NOtandum 1. Resurrectionem hic à nobis sumi pro reuiuificatione corporum mortuorum, seu restitutione vitæ corporalis cuius per animæ separationem à corpore mors est priuatio. S. August. sic eam definit lib. 8. de Trinit. cap. 5. *Quid est aliud resurgere nisi reuiuiscere, id est, ex morte ad vitam redire.* Duplex autem resurrectio, ut & duplex mors à SS. Patr. & in scriptura appellari solet: prior animæ, quæ scilicet per peccatum mortale mortua Deoque suâ vitâ spiritali priuata, per iustificationem viuificatur; posterior verò corporis, quâ istud mortuum ad vitam reuocatur quam vtramque resurrectionem clarè Christus Dominus attigit in Ioann. cap. 5. Nam de

priore sic ait. *Amen dico vobis quia qui verbum meum audis, & credit ei qui misit me, habet vitam æternam, & in iudicium non venit sed transit à morte in vitam.* Et de posteriore sic subiungit. *Nolite mirari quia venit hora in qua omnes qui in monumentis sunt audient vocem Filij Dei, & procedent qui bona fecerunt in resurrectionem vitæ, qui verò mala in resurrectionem iudicij.*

Notandum 2. ex Tertulliano lib. de Resur. cap. 21. si quod fidei mysterium clarè, & perspicuè vnquam tradi oportuit, istud de Resurrectione esse eiusmodi, quia, ut ait, S. Epiphanius in ancorato numer. 91. *In Resurrectione carnis nostra thesaurus omnis, & sanamentis firmamentum ac boni ominis officij spes est collocata.* Sic autem loquitur Tertull. *verisimile non est ut ea species Sacramenti in quam fides tota committitur, in quam disciplina tota connectitur, ambigüe annuntiata, & obscure proposita videatur: quando spes resurrectionis nisi manifesta de periculo, & premio neminem*

ad eiusmodi præsertim religionem publico odio, & hostili elogio obnoxiam persuaderet. Nullum opus certum est mercedis incerta. Nullus timor iustus est periculi duby. Es merces autem, & periculum in resurrectionis pendet euentu.

Notandum 3. agi hic de resurrectione communi, tam reprobis seu damnatis hominibus quàm electis, & salutaris, vnde pleraque scripturæ, & SS. Patrum dicta de Resurrectione Beatorum huic nostræ quæstioni non nisi cum quadam ratiocinatione accommodari possunt.

Notandum 4. Resurrectionem mortuorum esse propriam Christianorum fidem, nam quotquot Philosophi hac de re disputare voluerunt, omnes resurrectionem negarunt aut, ut ait, S. Epiphan. in ancorato, propriam, & consequenter erroneam de eâ doctrinam habuerunt, ut autem omittam eos qui de immortalitate animæ dubitarunt, ij enim omnes corpora mortuorum ad vitam redire suisque animabus iterum vniri, & animari posse negarunt. Qui de animæ rationalis immortalitate benè senserunt Gentiles Philosophi, & Hæretici, de resurrectione errantes quatuor in classes commodè distribui possunt.

In prima sunt ij qui animam per mortem à corpore separaram in æternum, permanere voluerunt, etsi Aristoteles mentem suam circa statum animæ post mortem, non declarauerit ut fateretur. Auerroës in tract. de beatitudine animæ, vnde hinc est à multis dubius de immortalitate animæ: plures tamen discipuli eius inter quos ipse Auerroës, Alexander, Themistius, & Peripatetici Philosophi, existimarunt animam ab omni corpore solutam, & liberam in æternum permanere, tuncque beatam plerique eorum dixerunt, cum ab omni concretionem materiæ libera per seipsam operatur, & seipsam substantiâque separatas, id est, intellectus abstractos clarè, & euidenter intelligit. Isti ergo omnes resurrectionem corporum negarunt. In 2. classe de resurrectione hominis errantium sunt Philosophi, & Hæretici qui animam in multa corpora successi è transmigrare dixerunt isti, autem duplicis generis fuerunt: alij enim animam hominis multa quidem corpora, sed tamen non nisi humana animare dixerunt: alij eas etiam per alia corpora bestiarum, & stirpium vagari, & pro metitorum diuersitate eas detrudi voluerunt. Illam animarum transmigrationem *μετεμψύχωση* velut transanimationem hanc verò *μετεμορμύτωση*, transcorporationem vocat Tertull. lib. de anima cap. 28. vbi eas refellit. Primam docuere Pythagoras Plato, Manichæi Porphyrius, & forte ex hac opinione Iudæi quæsierunt de Ioanne Bapt. vtrum Elias esset. Secundam Mercurius Trismegistus induxit, Plato ut notat Euseb. lib. 10. de præparatione Euang. docuit remulentorum animas in asinos amandari, rapaciū in lupos, accipitres, miluos politicorum in apicularum formicarumque corpuscula demitti, & post diuagationem per varia corpora in sua pristina, & propria redire In 3. classe errantium tam Philosophorum, quam hæreticorum, sunt ij qui fatebantur animas aliquando assumpturas corpora, sed ea spiritualia alteriusque prorsus rationis, & diuersæ à carne, vnde corporum quidem non carnis resurrectionem agnoscebant, ita Origenistæ, quos anathematizat Iustinianus in V.

Synodo. Huius opinionis notatur Ioannes Hierosolymitanus, qui de carne silet cum de corporis resurrectione agit. In eodem errore fuit Eutychius Constantinop. Episcopus arbitratus corpus nostrum in illa resurrectionis gloria futurum impalpabile, ventis aëreque subtilius, vnde negabat quod postea moriens confessus est, quia omnes in hac carne resurgemus.

S. Gregorius conuictus Eutychium.

Resurrectio probatur ex scriptura. Iob 19. Scio quod redemptor meus vinit, & in nouissimo die de terra surrecturus sum, & rursum circumdabor pelle mea, & in carne mea videbo. Esa. 26. *Viuent mortui tui, interfecti mei resurgent.* Ezechiel 37. vbi constituitur Propheta in campo pleno ossibus mortuorum, & iussus est clamare. *Ossa arida audite verbum Domini, & statim ad eius vocem factus est sonitus, & accesserunt ossa ad ossa, & nervi, & caro, & pellis.* Daniel 12. *De iis qui dormiunt in puluere alij euigilabunt in vitam æternam, alij in opprobrium.* 2. Machabæorum 1. rex mundi defunctos nos pro legibus suis æternæ vitæ resurrectione suscitabit. Ex nouo Testam. Matth. 22. quod & Marci 12. & Luc. 10. habetur, *Accesserunt ad Iesum Sadducei qui dicunt non esse resurrectionem, errati, ait Iesus, nescientes scripturas neque virtutem Dei, in resurrectione neque nubent, neque nubentur, sed erunt sicut Angeli Dei: de resurrectione autem mortuorum non legistis quod dictum est a Deo. Exod. 3. Ego sum, Deus Abraham, Deus Isaac, Deus Iacob, non est Deus mortuorum sed viventium.* Vbi nota Christum hunc adduxisse textum, quia Sadducei recipiebant pentateuchum Moysis non autem alios scripturæ libros. Horum autem verborum duplex sensus, & argumenti ratio duplex cogitari potest. Prior, ita ut Christus significet Abraham adhuc esse, nec solam eius animam superesse, cum non solius animæ Deus esse dicatur, sed ipsius Abraham qui non nisi in compositione vtriusque partis corporis scilicet, & animæ saluari, aut intelligi potest, verum hic sensus legitimus non est, nec enim tunc temporis aliter quàm secundum animam existeret Abraham. Quare admittendus est sensus, & argumentatio hæc posterior, Deus non est, Deus rei nullo modo existentis, cum igitur ex scriptura quam Sadducei admittebant contra quos disputat, constet Deum dici Deum Abraham, necesse est hunc aliquo modo adhuc post mortem superesse, scilicet secundum animam. At semel admissa animæ Abraham immortalitate, consequens est eiusdem carnem resurrecturam, quia est pars hominis, & anima est essentialiter forma corporis, sic redarguuntur Sadducei negante, animæ immortalitatem, vnde, & corporum resurrectionem reiciebant. Ex Paulo 1. Corinth. 15. *Si resurrectio mortuorum non est: neque Christus resurrexit: si autem Christus non resurrexit inanis est ergo prædicatio nostra, hac argumentatione inculcat Apostolus tria hæc esse inter se connexa, resurrectionem Christi, & nostram ac fidei Christianæ veritatem.* Alia ibi est ratio. *Si mortui non resurgunt manducemus, & bibamus, erat enim moriemur.* Quibus verbis significat, cum qui resurrectione non credit futuræ sèsu vitæ nullo affici merito posse nec iudicii diuini metu villo abduci à vitiis, sed satius esse ut huius vitæ bonis, & voluptatibus libidines suas expleat nihil futurum expectans, quia nimirum

supponit nullum Dei iudicium, nec supplicia, aut præmia meritorum bonorum aut malorum vlla fore.

Probatur ex Sanctis Patribus, Augustinus sermone 143. propria fides est Christianorum resurrectio mortuorum, & in libro de cura pro mortuis cap. 3. docet, *Curam sepultura mortuorum esse propter fidem resurrectionis astringendam.* Irenæus lib. 3. aduersus hæreses, cap. 14. sic scribit. *Si non haberet caro saluari nequaquam Verbum Dei caro factum esset: & si non haberet sanguis iustorum inquiri, nequaquam sanguinem habuisset Dominus.* S. Zeno Veronen. in serm. de resurrectione. *Christus humano generi formam dedit, quoniam ad hoc Deus pro homine mortis intra gressus, ut homo per Deum ius immortalitatis reciperet quod amisit.* Sanctus Cyrillus Hierosolymitanus in catech. 18. *Si non est resurrectio mortuorum, cur mortuorum spoliatores condemnas. Si enim periit corpus & desperata est resurrectio, cur prædo mortui mulctatur? Vides quod etiam si neges labii, infra facta tamen apud te manet resurrectionis conscientia.* Tertullianus librum edidit de Resurrectione carnis, quam rationi debitam omni modo & necessariam probat. Ambrosius librum etiam de resurrectione scripsit, in quo rationem hanc proponit. *Ratio resurrectionis evidens est, quia cum omni vita nostra usus in corporis animæque consortio sit, resurrectio autem, aut boni actus premium habeat aut pœnam improbi, necesse sit corpus resurgere, cuius actus expenditur, quomodo enim in iudicium vocabitur anima sine corpore cum de suo & corporis contubernio ratio præstanda sit.* Plures consule & congere Patrum sententias.

RESURRECTIO Probatur rationibus, & primò astringitur possibilitas. Si non esset possibilis, hoc esset vel ex agentis, vel effectus parte, sed hoc non, quia nihil præcedens creationem, & nihil sequens annihilationem, sunt eiusdem rationis, sed Deus potest de nihilo aliquid creare, ergo potest corruptum & in nihil redactum postmodum reparare, corruptum autem reparari est resurgere, ergo resurrectio est possibilis. Quod autem sit futura manifestum est ex fide. Nisi autem idem numero homo reuiuisceret, qui est mortuus non esset resurrectio, resurgere enim, ut ait Sanctus Augustinus libro 8. de Trinitate, cap. 5. Nihil est aliud quàm reuiuiscere, unde ponere quòd non sit idem numero, qui resurget est hæreticum; quia oportet, quod idem numero perueniat ad finem, propter quod est factum ne in vanum esse videatur factum, finis ille est beatitudo.

Prima ratio petitur ex bonitate prouidentia & iustissimo Dei iudicio, sicuti Deus est potentiss. in conditione naturarum, seu creatione specierum, ita est clementissimus in collatione gratiarum, & iustissimus in retributione stipendiorum; quoniam igitur homo, vel meruit, vel demeruit simul in anima & corpore, puniri aut præmiari debet in utroque, unde in eisdem oportet eum resurgere, & quia anima præuenit corpus in operibus bonis aut malis, idèd iustitia Dei ordinavit, ut anima præsentiat & prægustet dulcedinem præmij, aut amorem supplicij, sicque ante unionem iteratam ad corpus, seu ante resurrectionem corpore in puluerem

redacto anima, vel beata, vel pœnæ addicta est.

Secunda resurrectionis ratio, petitur ex immortalitate animæ. Anima est pars essentialis hominis, & ita pars, ut id ex sua natura & essentia habeat. Igitur in toto esse homine postulat, nec nisi cum aliqua vi suæ naturæ insituta extra eum à corpore separata subsistit. Hac ratione vitur Sanctus Hieronymus in Epistola ad Pammachium, contra Origenistas arbitratos animas existentes, antequam corpora informarent, sic argumentatur. *Si anima est naturale esse sine corpore, ergo contra naturam est esse in corpore: Si hoc, ergo resurrectio corporis contra naturam erit.* Ego vero iisdem principiis usus sic ratiocinor, quia naturale animæ est esse in corpore, contra naturam est esse sine corpore, si contra naturam est esse sine corpore, ergo resurrectio corporis est animæ naturalis illiusque negatio contra naturam istius est.

Ad eandem rationem pertinet, quod Sanctus Thomas libro 4. contra Gentes, cap. 79. ait, animam separatam, beatam perfectè esse non posse, nisi vnita sit cum corpore, & consequenter desiderium illud naturale quo suam appetit beatitudinem, & in eam tendit, ad resurrectionem quoque extendi & pertinere, *quia omne imperfectum perfectionem consequi naturaliter appetit, anima autem à corpore separata est aliquo modo imperfecta, sicut omnis pars extra totum suum existens.*

Tertia ratio proponitur à Tertulliano, libro de Resurrectione, cap. 12. Nulla res semel à Deo condita vnquam annihilatur, ut docet Sanctus Irenæus, libro 5. aduersus hæreses, cap. 36. *Non, inquit, substantia neque materia conditionis exterminabitur; verus enim & firmus qui constituit illam.* Igitur homo non est annihilandus, nec corpus eius ad nihilum redigendum, sed si quando esse desinit, in substantiam aliquam alteram mutari ac conuerti debet, ita ut in æternum materia corporis humani sub aliqua forma substantiali existat. Id autem esset contra ordinem naturæ, quia cum reliqua omnia corpora ad hominis quatenus ex anima & corpore, constat vsum ex naturæ ordine sint instituta, iste ordo non seruetur, si homo ipse in aliud corpus in æternum mutaretur, sed potius cum reliquis mundus corporeus post huius corruptibilis statum futurus immutabilis, non nisi in alicuius substantiæ corporeæ vsum seu commodum cedere debeat, inde duo manifestè sequi videntur: prius quidem hominis corpus non sub alia, quàm sub humana forma, seu anima in æternum futurum esse, posterius verò ipsum hominem immutabilem, seu incorruptibilem futurum in æternum, id ita exigente ordine diuinæ prouidentie & conditi mundi consilio. *Absit, ait Tertullianus, ut Deum manuum suarum operam, ingenij, sui curam afflatu sui vaginam, molitionis sue reginam, liberalitatis suæ heredem, religionis suæ Sacerdotem testimonij sui militem, Christi sui sororem in æternum destituat interitum.* Ex his omnibus colligitur, quàm benè Christus ex animæ immortalitate resurrectionem mortuorum probat, quia ista est secundum naturalem eius exigentiam, ea enim est essentialiter pars hominis & forma corporis, cuius gratia, mundus corporeus conditus est, cumque iste non sit annihilandus,

landus, sed futurus in æternum; à fortiori totus homo, & non solum anima ipsius immortalis, quia huius gratia corporeus mundus non est conditus, sed propter hominem ipsum, ideoque homine nullo superstito futuro, in vanum existeret. In rebus autem perpetuis nihil vanum aut otiosum esse potest, quemadmodum nec violentum, qualis esset status animæ humanæ à corpore separatæ, quia subditum sibi & quod informet corpus habere postulat ratione suæ dignitatis, ut docet Sanctus Augustinus, sermone 143. de tempore, & Sanctus Thomas 1. part. quæst. 76. artic. 1. ad 6. *Anima, inquit, secundum se convenit uniri corpori, sicut corpori leui secundum se convenit esse sursum. Et sicut corpus leue manet quidem leue cum à loco proprio fuerit separatum, cum appetidine tamen & inclinatione ad proprium locum: ita anima humana manet in esse suo, cum fuerit à corpore separatæ, habens appetitudinem & inclinationem naturalem ad corporis unionem.*

At enim inquires sequeretur Resurrectionem non esse obiectum fidei, nec articulum singularem, quia posset per rationes naturales probari.

Respondeo, eam prius credi fide divina, quam rationum istarum vis appareat, suntque rationes potius defendentes articulum fidei nostræ, quam eam primitim intellectui humano demonstrantes. Ita Sanctus Bonaventura in 4. distinct. 43. art. 1. quæst. 1. *Super fundamentum, inquit, fidei superadificatur persuasio rationis; quia quod resurrectio sit futura, exigit remuneratio divina iustitiæ, quæ homini retribuit sicut & meruit. 2. Confirmatio gloriæ, quæ omnem appetitum animæ complebit vel quietabit. 3. Perfectio naturæ quæ consistit in toto composito, non in altera eius parte, & hæc sunt rationes supra fidem fundatæ.*

Q V Æ S T I O I I.

An, & quomodo futurum sit idem numero corpus seu caro.

PArti affirmatiuæ, quæ est de fide patrocinantur allatæ pro resurrectione rationes, cum enim resurrectio sit eius quod cecidit, & mortuum est restitutio; nihil aliud resurgere potest, quam caro quæ cecidit quæque mortua est, si vero corpus aliud animæ redderetur non esset resurrectio, sed alterius hominis, aut saltem corporis productio & carnis in corpus illud conuersio, sicut quando ex ligno fit ignis nemo dixerit lignum resurgere, quia non resurgit nisi idemmet quod cecidit & mortuum est.

Supposito ergo, quod corpus resurgentis sit idem quoad speciem & essentiam, seu ex carne, ossibus, nervis, aliisque partibus organicis constans, dicendum est, Petrum & quemlibet resumpturum corpus, quod viuens habuit & in quo passus & mortuus est, consequenter idem numero, non solum vnitate animæ, sed etiam vnitate materiæ propriæ.

Probat ex Scriptura, nec enim aliter explicari potest, quod ait Iob, se in carne sua, illisque suis oculis redemptorem visurum, Iob

19. *Ego ipse & non alium videbo.* Luc. 24. Christus ait discipulis. *Palpate & videte, quia spiritus carnem & ossa non habet sicut me videtis habere.* Omnes autem proprio corpore superuestiri debent in resurrectione sicuti Christus proprium quod habebat resumpsit.

Probat ex Sanctis Patribus, Tertullianus libro de Resurrectione, cap. 18. *Sed nunc proprietas vocabuli vindicanda est suæ sortis, iam quidem eo ipso quod resurrectio, caduca rei, id est carnis, eadem erit, & in nomine mortui, quia rei caduca est resurrectio quæ dicitur mortuorum.* Augustinus in Enchiridion, cap. 88. *Non peris Deo terrena materiam, de qua mortalium creatur caro, sed in quolibet puluerem cinerem soluat, in quolibet balisum, aurâque diffugiat, in quamcumque aliorum corporum substantiam, vel in ipsa elementa, vertatur, in quorumcumque animalium etiam hominum cadat, carnemque mæetur, illi anima humana puncto temporis cedit, quæ illam primitus ut homo fieret, cresceret, viveret animauit.*

Probat ratione, quia id importat definitio resurrectionis allatam supra quam sic etiam ponit Sanctus Damascenus. *Eiusdem numero iterata resurrectio, eiusdem inquam numero, quia nisi sic non esset resurrectio, idque patet, alioqui falsum esset quod dictum solet idem corpus quod cecidit & mortuum est, & quod iacuit in sepulchro idem resurgeturum.* Nec enim cadaver potest dici idem numero tale constitutum per formam, quæ viuens informabatur. Non me latet aliquos ad hanc vnitatem numericam exigere tantum numericam rationalem animæ vnitatem, materia, aiunt, ex se sola nec est quid, nec est quale, nec quantum, sed potentia hæc, & ut per formam accipit quod sit talis specie, ita quoque accipit quod sit talis numero. Vnde quæcumque tandem materies animæ Petri resurgentis detur erit idem numero Petrus & corpus ob vnitatem numericam animæ illius, erit idem numero. Eo pertinet, quod Sanctus Thomas ait, in 4. contra Gentes, cap. 81. *In corpore hominis quamdiu viuit non esse semper easdem partes secundum materiam, fluunt enim & resuunt, quia tamen sunt eadem secundum speciem, ideoque adhuc est vnus numero homo à principio vitæ vsque ad finem.* Ita eruntur ex sinu Philosophiæ, quam in rebus fidei non inquirendam docent Patres, sed attendendum ad reuelationem & ad id quod Deus facturus sit.

Dico tamen hanc vnitatem numericam corporis Petri, & aliorum, non esse ita intelligendam, ut aut tota illa materia, quæ per animam Petri viuificata fuerat eidem restitueretur, aut non alia noua ei addatur, & adueniat. Hoc fatentur omnes Patres, & Doctores, qui aiunt non resurgeturum hominem in molem nimiam; quam tamen cogeremur admittere, si tota ea materia quæ ab anima illa viuificata fuit resurgeret, & idem dicunt, qui infantes mortui sunt non resurgeturos in corpore infantili, sed iustæ magnitudinis.

Ad hæc quæres, *Quam totius illius materiæ quam viuens homo habuit partem sit in resurrectione accepturum.*

Respondeo primò, parum admodum, aut nihil interesse pro doctrina fidei nostræ, quænam tandem pars à Deo destinetur seu animæ restituarur

Definitio resurrectionis ex Damasc.

restituatur. Respondeo tamen secundò probabilius mihi esse, quod ea quæ primùm cor, hep-
par aliasque partes potissimùm vitales, & ossa,
seu partes solidiores composuit materia, sit res-
tituenda; quia eiusmodi materia nec per ma-
ciem aut decrementa dissolui solet, nec per au-
gmentationem, vel diminutionem, saltem or-
dinariè, aut facile mutatur. Et ita solemus dice-
re ossa illa arida resurrectione potiùs, quàm
quæ statim in dissolutione cadaueris partes le-
cretæ exhalauerunt.

*QVÆRES, Si qua materia in pluribus homi-
nibus successivè fuit, cui illorum in resurrectione
restituenda sit.*

Respondet S. August. in enchir. cap. 88. &
lib. 22. ciuit. cap. 20. *Redderetur caro illa homi-
ni, in quo esse caro humana primitus capit.
Ab illo quippe altero tanquam mutuo sumpta
deputanda est, quæ sicut et alienum redhibenda
est, unde desumpta est. Ego tamen credide-
rim id ita intelligendum, ut si qua materia
priori homini fuerit tantùm alimentum in
carnes conuersum, posteriori verò fuerit primi-
genia forma, & partibus illis præcipuis consti-
tuendis deservierit, huic potiùs, quàm illi resti-
tuenda sit, quia ille sine huiusmodi materia
multò magis idem numero corpus habebit
quàm iste habiturus esset. Quantum autem fig-
ri commodè potest exillimo asserendam hanc
corporis mortui, & resurgentis unitatem nu-
mericam.*

QVÆSTIO III.

*An resoluti possint qualibet obiectiones
contra Resurrectionem?*

AD quasvis difficultates, in quibus circa
resurrectionem imaginatio humana labo-
rat; satis est cogitare Deum omnipotentem
esse illius auctorem, sicuti fuit, & creationis:
illas autem dissoluo, quæ frequentius opponi
solent contra ipsum articulum aut modum eius
unitatis numericæ?

Dices scripturam destruere fidem resurre-
ctionis hominum Ecclesiast. 3. *Vnus est
interitus hominum, & iumentorum. Job. 14. Ho-
mo cum dormierit non resurget donec altera-
tur calum, quia terra, de qua minus suadet ra-
tio, in æternum stat, Ecclesiast. 4.*

Respondeo ex annotatis in Speculo meo
vniuersali Bibliorum, Salomonem notasse dis-
putari communiter inter homines, An homo
debeat sperare aliud sæculum? quod si hoc non
esset nihil ipse differret à iumento in ratione na-
turæ; ideo præfatus est. *Dixi de filiis hominum
ut probaret eos Deus. Tum similis iste inter-
itus intelligitur tantùm de corpore. Vel dic Sa-
lomonem in hoc libro se habere, ut conciona-
tor, nunc allegat pro parte stultorum, nunc re-
spondet ex sententia sapientium; illud autem
dictum est ex sententia stultorum. Ad Job
Respondeo. cælum nunquam atterendum se-
cundùm substantiam, bene autem quantum ad
efficaciam, seu influentiam in hæc inferiora,
per quam mouet ad generationem, & corru-*

ptionem, qua ratione Paul. dicit 1. Corinth. 7.
Præterit figura huius mundi. Potest etiam dici
cælum hic sumi pro cælo elementari de quo
Petrus. *Cæli calore soluentur in die iudicij.*

Dices secundùm rationem videtur resurre-
ctio, & modus eius impossibilis, nam ar-
guitur primò: Totum requirit vnionem par-
tium, ergo idem totum eandem vnionem, sed
non redibit eadem vnio, quia est interrupta,
interruptum autem non redit idem, quia si re-
dit, iteratio est, sed iteratio repugnat idemitati,
quia iteratio ponit numerum, idemitas au-
tem eum excludit, Ergo non est possibilis re-
surrectio.

Respondeo quod vnio est simpliciter neces-
sariò requisita ad entitatem totalem, ideo illa
redibit, si vnio accipiat pro illa relatione par-
tium vnitarum ad inuicem, non autem si acci-
piatur pro passione ipsa quæ non manet nisi in
instanti resurrectionis, illa enim potest poni
alia, sicut & illa mutatio alia est à generatione,
si ergo non erit idem fieri rotius, sic etiam non
est eadem numero vnio.

INSTABIS, vbi est alia, & alia humanitas
non est idem numero homo, vnde Socrates, &
Plato sunt duo homines, & non vnus homo,
quia alia est humanitas vtriusque: sed alia est
humanitas resurgentis ab ea quam nunc habet,
ergo non est idem numero homo: minor pro-
batur dupliciter, quia humanitas quæ est forma
totius, non est forma, & substantia, ut est ani-
ma, sed est forma tantùm, huiusmodi autem
formæ cedunt penitus in non ens; & sic non
possunt iterari: secundò quia humanitas resul-
tat ex coniunctione partium, sed non potest
eadem numero coniunctio resumiri quæ prius
fuit, quia iteratio ut supra notauimus, opponitur
idemitati, iteratio autem importat numerum,
idemitas verò vnitatem, quæ se non compa-
tuntur. In resurrectione autem coniunctio ite-
ratur; ergo non est eadem coniunctio, & sic
non est eadem humanitas, nec idem homo.

Hic tangitur difficultas philosophica, An in
eodem composito sint plures formæ substan-
tiales? cuius affirmatiuum tenet Scot. in 4. di-
stinct. 11. quæst. 3. art. 2. ponens maximè duas,
scilicet formam mixti, & animam potissimum
in homine. Rationem eius vnā assero. Cer-
tum est quod corpus habet esse ab aliqua for-
ma, sed hæc non est intellectiua, nec vegetati-
ua, nec sensitua, non prima, quia ipsa est inex-
tensa, corpus verò extensum, at nulla forma
inextensa dat esse extensum, quia hoc aduersa-
tur suæ naturæ, ergo habet esse ab aliqua alia
forma, quæ sit extensa, hæc non est sensitua
neque vegetatiua, quia inextenso modo conti-
nentur in intellectiua, ergo datur forma cor-
poris substantialis distincta ab anima: Et ita
sunt plures formæ substantiales, in homine sal-
tem. Tum ex Aristot. *Anima est actus corpo-
ris physici organici,* ergo antequam anima per-
ficiat corpus, iam corpus physicum, & organi-
cum est, nisi enim esset, non diceret Philoso-
phus, quod anima sit perfectio eius. Sed dice-
ret, quod anima perficit corpus physicum orga-
nicum: colligitur ergo, quod corpus præcedit
animam quoad esse. Confirmatur, quia anima
non dat esse corpori, sed dat operationes, ut
vegetatiua dat generare, nutrire, augmentare
sensitiua

fenfitiva dat sentire, & ideo etiam in fecunda definit one ait Philofophus, *Anima eft qua primo nutrimur fenfimus intelligimus*, ex quo patet quod anima non dat corpori efle corpus, fed efle animatum, & operari opera vitæ, quia ex corpore phyfico, & organico, & anima, fit compositum tanquam ex matetia, & anima, compositum inquam, fcilicet animal.

Nec valet oppositio Thomistarum contra afectionem, dicentium, si plures formæ substantiales effent in composito, tunc vna adueniret enti completo, & sic daret efle accidentale, & ita non distingueretur à forma accidentali, differunt autem, & maxime, quia forma substantialis dat efle simpliciter, accidentalis vero dat efle secundum quid.

Respondeo quod illa propositio, Quicquid aduenit enti in actu facit vnum per accidens, siue non dat efle substantiale, verum est de illo actu, qui est actus, & forma vltima, & completa, quæ alteri formæ non subordinatur, fed de illo actu, & forma, qui est etiam potentia, vt est forma mixti, siue forma corporeitatis quam admittimus non est vera.

Instabis vnus entis vnum est efle, vnum autem efle est ab vnica forma, ergo vnus entis substantialis est vnica forma.

Respondeo, licet in animali sint plures formæ substantiales, tamen non faciunt plura entia, quia istæ subordinatæ sunt ad vltimum ens, quod est cæteris perfectius, & quod dat efle specificum, & vltimum composito, vt in animali anima, licet enim in composito animato fit forma mixti, & in forma mixti sint aliæ formæ partiales dantes efle substantiale partibus ipsius corporis, tamen omnes istæ formæ ordinantur ad formam mixti, & forma mixti ad animam, adeo quod respectu matetie quam informant sunt actus, fed respectu formæ ad quam ordinantur se habent vt materia, adeo quod forma mixti respectu animæ intellectiue se habet vt materia, & hæc est sententia Aristotelis in calce quarti Meteororum, vbi dicit solam postreimam formam efle formam absolutam, & actum; intermediis verò efle matetias, & potentias ratione iam dicta. Hoc etiam exposcit ordo naturæ, neque enim anima potest immediatè informare matetiam, fed necessariò prærequirit prioritate saltem naturæ loquendo de intellectiua, corpus organicum vt possit operari. Ideo his sic stantibus

Respondeo ad rationem vnus entis est vnicum efle completum, & absolutum, fed multa possunt efle partialia: Et cum subinfertur, fed vnicum efle est ab vnica forma, vnicum totale concedo, fed multa possunt efle partialia, licet vnicum specificum sit ab vltima forma.

Iam ad Argumentum, alia est humanitas resurgentis.

Respondeo quod non, quia vltima forma compositi est forma totius, & forma partis, eaque dicitur forma partis secundum quod perficit matetiam, totius autem secundum quod ex ea ratio tota speciei consequitur. Et quia humanitas secundum rem non est aliud quam anima rationalis, quæ est eadem numero, consequenter est eadem numero humanitas, imò corpus post mortem est idem numero, & eadem partialiter humanitas, quia in corpore mortuo manet eadem forma corporeitatis.

Carriere in Professionem Fidei,

Dices, idem homo non est plura animalia, ergo si non est idem animal, non est idem homo; sed vbi non est idem sensus, non est idem animal, quia animal definitur per sensum primum, scilicet tactum, ex Aristot. lib. 2. de anima textu 16. sensus autem non manet in anima separato, ergo homo resurgens non erit idem animal, & sic nec idem homo.

Respondeo, id concludere contra eos, qui ponunt animam fenfitivam, & rationalem efle diuerfas animas in homine. Scotus autem licet teneat efle plures formas substantiales in composito, tamen non tenet in animali efle plures animas, realiter distinctas, fed quod in homine sit sola intellectiua, quæ contineat vegetatiuam, & fenfitivam, tanquam potentias: Brutum quoque continere vegetalem, tanquam potentiam, & facultates vegetales tanquam proprias facultates; has vero potentias continet intellectiua anima vnitivè, & realiter, fed remanent distinctæ formaliter: sicuti color, & qualitas vnitivè continentur in albedine, & sunt distincta formaliter, & tamen albedo est vna forma simplex Aristot. 2. de anima text. 31. hoc habet, ait, enim quod *vegetatiuum est in fenfitivo potentia, vt triangulus in quadrangulo*. At triangulus non est in quadrato, vt alia figura distincta ab ipso quadrato, fed est vna met figura realiter cum ipso quadrato; Ergo anima vegetatiua vt est in fenfitiua, non sunt duæ animæ distinctæ realiter, fed est vnica anima continens animam vegetantem.

Posito ergo quod in homine eadem anima secundum substantiam sit rationalis, & fenfibilis; sicuti enim manet rationalis, manet, & fenfibilis, saltem secundum substantiam. Quod si secundum aliquos non manent istæ potentie, cum sint accidentales proprietates, earum varietates non possunt auferre idemnitatem animalis, nec etiam partium animalis; non enim dicuntur potentie perfectiones vel actus organorum, nisi sicut principia agendi, vt calor in igne.

Dices, matetia statuar principalior est in statua quam matetia hominis in homine; quia artificialia tota sunt in genere substantiar ex parte matetie, naturalia autem sunt ex forma, vt docet Arist. 2. physic. text. 2. Sed si statua ex eodem auro vel ære reficiatur, non erit eadem numero; Ergo multo minus, si homo ex eisdem pulueribus reficiatur, erit idem numero homo.

Respondeo, quod statua potest dupliciter considerari, vel secundum quod est substantia quædam, vel secundum quod est artificiale quoddam: & quia ponitur in genere substantiar ratione matetie suæ, ideo si consideretur vt est substantia quædam; est eadem numero statua, quæ ex eadem reparatur matetia; fed in genere artificialium ponitur secundum quod est quædam forma artificialis, quæ & tranfit statuâ destructâ, & sic non redit idem numero, nec statua potest efle eadem numero. Sed forma hominis scilicet anima, manet post dissolutionem corporis, & ideo non est similia ratio.

Dices, idem non resurget in diuersis, fed quod fuit de veritate carnis in vno, potest

test esse nutrimentum alteri, & sic conuerti in veritatem naturæ eius, & corpus hominis comestum à Leone, vel caro patris deuorata à filio, vti commune est apud Massagetas aliasque feras gentes antropophagas. Quæres enim in cuius corpore caro hæc deuorata redibit, an in comedente, vel comesto?

Respondeo, quod nunquam fuit, nec erit vsque ad finem mundi aliquid æqualiter de veritate naturæ in duobus suppositis; & ideo resurget in vno, in quo magis fuit de veritate, vel quia in ipso prius fuit animata pars illa, vel quia magis de intentione naturæ fuit. Hinc patet, costam Adæ non redituram in eo, quia hæc nunquam fuit de perfectione individui, sed ordinata ad multiplicationem speciei: resurget ergo in Eua, sicuti semen non resurget in generante, sed in genito. In alio autem supplebitur, vel de partibus aliis, quæ fuerunt sui corporis in successione vitæ suæ per nutritionem, vel si tales partes non sufficiunt, qui de nihilo omnia fecit, supplebit vnde voluerit.

Instabis, illud quod fuit semen in vno, potest per multas transmutationes fieri semen in altero, & sic eadem materia radicaliter pertinere poterit ad naturam plurimorum, etiam æqualiter.

Respondeo, hoc dato, resurget tale semen in primo.

Dices, corpus humanum vsque ad elementa resoluitur post mortem, sed illæ partes elementorum, in quas resolutum est, non conueniunt cum corpore humano, quod in illa resolutum est, nisi in materia prima; quo modo quælibet aliæ partes elementorum cum prædicto corpore conueniunt. Si autem ex aliis partibus elementorum formaretur, non diceretur idem numero. Ergo nec si ex illis partibus reparatur corpus, erit idem numero.

Respondeo, quod illud quod intelligitur in materia ante formam, remanet in materia post corruptionem, quia remoto posteriori adhuc remanere potest prius: oportet autem, vt dicit Commentator in 1. physic. cap. 1. 4. & vltim. ante formam substantialem intelligere dimensiones non terminatas, secundum quas attendatur diuisio materiæ, vt diuersas formas in diuersis partibus recipere possit: Vnde, & post separationem substantialis formæ à materia, adhuc dimensiones illæ manent eadem, & sic materia manens sub illis dimensionibus quamcumque formam accipiat, habet maiorem idemnitatem ad illud, quod generatum ex ea fuerat, quam aliqua alia pars materiæ sub quamcumque forma existens: Et sic eadem materia ad corpus humanum reparandum reducetur, quæ prius materia eius fuit.

QVÆSTIO IV.

An Corpora resurgent in membrorum integritate.

NOtandum est, corpus humanum componi ex multis partibus organicis, propter multitudinem operationum quarum anima est principium. Videndum est ergo de idemnitatem

partium organicarum, quæ heterogeneæ sunt; & quia hæc componuntur ex partibus homogeneis; videnda est in eis idemnitatem, qualiter pars homogenea, puta caro in nutritione continua maneat eadem, & non eadem: his enim ignoratis non potest sciri præcisè, quid sit de veritate naturæ humanæ.

Est autem opinio Magistri, quod nihil de nouo, seu de nutrimento incipit aut transit in veritatem naturæ humanæ, sed illud tantum est, quod trahitur à parentibus, & hoc per seipsum multiplicatur, vt augmentatio fiat, vel vt ex eo possit semen decidi à generante, ex quo filius generetur; in quo etiam illa pars decisa multiplicatur, & ad perfectam peruenit quantitatem per augmentum: Et sic deinceps, & ita totum genus humanum multiplicatum est.

Secundum hanc opinionem dicitur, quod perfectio veritatis naturæ humanæ, & quantum ad numerum individuorum, & quantum ad debitam quantitatem cuiuslibet individui, resultat, & procedit ex ista multiplicatione seminis, sine eo quod generatum sit ex alimento; quod quidem non additur nisi ad resistendum consumptioni, quæ posset induci per calorem naturalem; sicut argento apponitur plumbum, ne ex liquefactione consumatur. Vnde in resurrectione cum oporteat naturam humanam in perfectione sua reparari, nec tunc agat calor naturalis ad consumptionem humidi naturalis, nulla erit necessitas quod resurgat aliquid in homine, quod generatum sit ex alimento; sed resurget tantum illud quod fuit de veritate naturæ humanæ individui, & per decissionem & multiplicationem ad prædictam perfectionem peruenit in numero, & quantitate.

SCOTVS impugnatur hanc sententiam; quia non minus perfecta est vegetatiua in homine, quam in bruto; hæc autem in eo conuertit alimentum in aliti substantiam, ergo & in homine. Confirmatur, quia homo generatur tam imperfectæ quantitatis vti brutum, nec minus sit in eo continua deperditio partium quam in bruto; ergo ita oportet augmentationem esse & restorationem deperditi, sicut & in bruto. Item, secundum hanc viam non posset poni augmentatio possibilis in homine, nisi per miraculum: sicut, v. g. multiplicati fuere panes à Christo. Tum hæc opinio omnes arguit medicos, qui nutricem facultatem auctrice inseparabiliter dotatam agnoscunt, animal autem viuens necessariò nutrirī debet, quamdiu viuunt; quia triplicis substantiæ, solidæ, carnosæ, & spirituosæ perennis sit dissipatio partim ab infinito, partim ab externo calore marcescit enim calor inopiâ pabuli, quod quidem indefinens effluuium, nisi assumpto alimento repararetur, animal marcescere interiret quam citò; hanc iacturam facultas nutritrix refarcit; huius obiectum est alimentum, quod primò dissimile caloris ministerio variè coctum & præparatum, tandem redditur simile, quia assimilatur: tumque alimentum actu ab Hippocrate vocatur, quamdiu est dissimile improprie, & potentia duntaxat est alimentum, vel proxima vt ros, sanguis, chylus, vel remota, vt panis, caro, pomum, vinum.

Nutriuntur partes solidæ, & carnosæ, alimenti assimilatione, spirituum indefinens iactura reparatur aëre inspirato; Spiritus tamen proprie

proprie non dixeris nutriri, quia manere oportet id, quod nutritur, sed in locum dissipati spiritus nouus reponitur, quod verius est generatio quam nutritio: quæ duæ mutationes etiam si plurimum consentiant, differunt tamen quod generatione quædam noua substantia producit, nutritione verò conseruatur quæ iam existit.

Nutricem facultatem sequitur auctrix facultas, quæ partes solidas corporis viuentis in longum, latum, & profundum simul extendit, seruata eadem specie & continuitate; quæ definitione excluduntur tres modi accretionis improprii, per additionem, rarefactionem, & repletionem; additione creuit aceruus, creuit & vinum affusâ aquâ; rarefactione creuit aqua resoluta in vaporem, quia ex vno pugillo aquæ fiunt decem aëris; repletionem creuit venter hydropicorum, quod pertinet inflatio; cum vesica impletur statu, aut Oceanus multoties spiritibus, tunc enim mare dicitur creuisse. Necessaria ergo est homini nutritio, quam sequitur augmentatio partium; non ergo id solum quod est de conceptione, seu de prima institutione corporis, centendum est esse de veritate naturæ humanæ: Consequenter quod per alimentum conuersum est in substantiam aliter, debet resurgere, si non totum, saltem quod accreuit pro perfectione quantitatis indiuidui.

Dico, & sentio aliquid de nouo incipere esse de veritate naturæ humanæ, etiam in isto vel alio indiuiduo, caro scilicet per nutrimentum æquisita; ita vt non solum caro traducta à parentibus, sed quicquid verè animatur anima rationali, sit verè aliquid huius indiuidui, puta Petri aut Ioannis, quia non est distinctio talis in corpore humano, vt aliquo pars materialis signata remaneat per totam vitam; sed ad hoc indifferenter se habet quælibet pars signata, manente semper eo quod est speciei in carne, fluente verò & refluxente quod est materiæ. Et sic humidum nutritimentale non distinguitur à radicali ex parte principij, vt dicatur radicale quod est ex semine generatum, nutritimentale verò, quod generatur ex cibo; sed potius distinguitur ex termino, vt radicale dicatur quod ad terminum generationis peruenit per actum generatiuæ, vel etiam nutritiuæ virtutis; sed nutritimentale dicatur, quod nondum peruenit ad hunc terminum, sed est adhuc in via nutriendi.

Nec arguas cum Henrico tenente, quod alimentum conuertitur in carnem traductam à parentibus, præexistente; conuertitur, inquam, non recipiendo nouam formam, neque secundum totum, neque secundum partem, sed solum per hoc conuertitur, desinente ibi forma nutritimenti, succedente in illa materia carnis præexistentis forma: sicut anima intellectiua de nouo perficit materiam, quæ fuit sub forma alimenti, nec tamen ipsa est noua, nec secundum totum, nec secundum partem.

Non arguas, inquam, quod si induceretur noua forma carnis in nutritione, pari ratione desineret in deperditione pars formæ carnis, quæ præfuit, & sic non solum materia carnis fluere & refluxere, sed etiam forma; quod est contra Aristot.

Respondeo, siquidem formam carnis non respicere materiam indiuisibiliter, sic enim esset

simplex, vt intellectiua; ergo cum post nutritionem ipsa forma perficiat materiam alio modo extensam, oportet quod & ipsa sit aliter in se extensa, & tunc cum partes eius priores maneat, oportet quod aliqua pars formæ sit noua, alioquin non esset extensior nunc, quam prius. Item forma non potest manere eadem, nisi maneat informans materiam quam prius, dependet enim naturaliter à perfectibili quod perficit.

Ad exemplum Henrici, Respondeo animam intellectiuam respicere materiam modo inextensibili, ideo nullam partem nouam habet per hoc, quod perficit nouam partem materiæ; sed oppositum sequitur de extensibili forma, & quæ educitur de potentia materiæ.

Dices si caro fluit & refluit secundum materiam, quomodo manet secundum speciem, quæ datur à forma, quæ cum sit in materia, debet & ipsa refluxere

Respondeo posse dici, quod aliqua modica pars, cui non potest competere propria actio, licet maneat in toto, est pars secundum materiam, pars autem sufficiens ad agendum, est pars secundum speciem, continuat ergo ipsa forma carnis educitur à carne ingeneratâ per nutritionem; nam materia alimenti non manet sub forma alimenti; sed sub forma nutriti.

In hac autem generatione seu ingeneratione ex alimento, forma carnis quæ inducitur in materia, est noua, non enim potest forma præexistens perficere de nouo istam materiam, cum sit forma extensa, vt dictum est. Pars autem adueniens per nutritionem est aliquo modo similis parti, quæ infuit per generationem embryonis, & aliquo modo dissimilis. Similis quidem in forma specifica, non tantum rationali, sed etiam in forma corporeitatis; dissimilis verò in hoc, quia quanto agens merè naturale agit & continuat suam actionem in suum contrarium, tantò magis debilitatur virtus eius, cum repatiatur in agendo: Ergo caro habita in generatione embryonis, quanto magis agit in nutrimentum tanquam in contrarium, tanto magis debilitatur virtus eius: & ex hoc dicitur impurius caro; & consequenter caro genita ab illa carne, quanto posterior generatur, tantò regulariter erit impurius, quia ab impuriore genita.

Ad Quæstionem ergo incidentalem, Respondeo, totum quidem, quod est sub forma carnis & ossis, eadem ratione pertinere ad veritatem naturæ humanæ; quia non distinguo aliquid materiale signatum permanens in homine toto tempore vitæ eius, quod per se pertineat ad veritatem naturæ humanæ primò: Nec distinguo, cum aliquibus, aliquid fluens & refluxens, quod pertineat ad veritatem naturæ humanæ propter perfectionem quantitatis dumtaxat, & non propter primum esse speciei. Sed pono omnes partes, quæ non sunt aggenerate præter intentionem naturæ; pertinere ad veritatem naturæ humanæ, quantum ad id quod habent de specie; quia sic manent, non autem quantum ad id quod habent de materia, quia sic fluunt & refluxunt indifferenter. Vt ita intelligamus contingere in partibus vnius hominis, sicut contingit in tota multitudine ciuitatis,

uitatis; quia singuli subtrahuntur à multitudi-
ne per mortem, aliis in locum eorum succe-
dentibus, unde partes multitudinis fluunt &
refluunt materialiter, sed formaliter manent;
quia ad eadem officia & ordines substituantur
alii à quibus priores subtrahuntur; unde Res-
publica vna numero remanere dicitur. Et si-
militer etiam dum quibusdam partibus fluenti-
bus, aliæ reparantur in eadem figura, & eo-
dem situ, omnes partes fluunt & refluent se-
cundum materiam, sed manent secundum spe-
ciem: manet nihilominus idem numero homo.

Hinc dico ad questionem, de integritate
materiæ, quæ fuit in partibus & membris ho-
minis resurrectionis: Nullo modo necesse esse,
nec verò satis probabile, quancumque mate-
riam anima hominis resurgentis toto vitæ tem-
pore animauit, eam ipsi totam restituendam.

Pater 1. quia certum est, Christum non re-
surrexille cum tota materia, quam vnquam ha-
buit, sed in eadem mensura eodémque corpo-
re, quo mortuum & sepultum fuerat. Idque
diserte ait Sanctus Augustinus, libro 22. ciuit.
cap. 13. Probaturque, quia in ea magnitudine, in
qua notus erat, discipulis apparuit, & conse-
quenter verè resurrexit, nec enim alius quam
erat apparuit; alioqui phantasma ex aliqua
sistrem parte fuisset, & oculis discipulorum
illuisset.

2. Non esset vlla ratio, cur tota illa mate-
ria redderetur, nisi vt esset idem numero ho-
mo post & ante resurrectionem; sed ad id non
requiritur reditus totius illius materiæ, sicut
continua mutatio materiæ, quæ per veteris de-
perditionem & nouæ acquisitionem fit, non fa-
cit vt homo senex sit alter numero & diuersus
à seipso iuvene; vt taceam hac de re Philoso-
phorum communem sensum. Sanctus Tho-
mas, libro 4. contra Gentes, cap. 81. non re-
quirit ad hoc quod resurgat homo idem nume-
ro, quod quicquid fuit materialiter in eo se-
cundum totum tempus vitæ suæ, resumatur,
*Sed tantum ex eo quantum sufficit ad comple-
mentum debite quantitatis.* Et præcipue illud
resumendum videtur quod perfectius fuit sub
forma & specie humanitatis consistens. Idque
probat, quia licet partes secundum materiam
fluant, nihilominus homo est vnus numero à
principio vitæ vsque ad finem; *Cuius exem-
plum, inquit, accipi potest ex igne, qui cum
continue ardet, vnus numero dicitur propter
hoc, quod species eius manet, licet ligna con-
sumantur, & de nouo apponantur.* Idque ipsum
in hoc argumento attulit Sanctus Hieronymus
in Epistola 27. ad Eustoch. *Etatum diuersitas,*
inquit, *non mutat corporum veritatem. Cum
enim corpora nostra quotidie fluant, & aut cres-
cant aut decrescant, ergo tot erimus homines,
quos quotidie commutamus; aut alium cum
triginta, alium cum quinquaginta, alium cum
iam toto capite sum.*

Quantum ad partes corporis quæ ad eius
integritatem & perfectionem pertinent. Ex
diuiduntur in solidas, & fluidas seu fluentes;
& tam solidæ quàm fluidæ iterum diuiduntur
in viuentes propriè & animatas, atque inani-
matas. Porro quicquid est in homine, id à
Deo auctore naturæ est institutum, vel ad or-
natam & decorem, vel ad ornatum simul &
vsum aliquem, vel ad vsum solum. Primum

ostendit Augustinus libro 22. ciuit. cap. 14. Ex
barba hominis & eiusdem manibus. Quod
vero sint nonnullæ partes ad vsum duntaxat,
credo probari posse ex lacte semineque, qui-
bus qui carent, nihil vt opinor, decoris & pul-
chritudinis suæ amittunt. Quod denique sint
nonnullæ & ad vsum & ornatum, satis patet.

Iam quæ partes corporis propriè animatas
sint, Philosophis disputandum relinquo. Sup-
pono tamen, humores omnes seu partes fluxas,
quæ corporis viuentis nutrimento destinantur
& præparantur, non esse animatas; quia cum
nutritione completæ sint animandas, ante eam
non animatas esse necesse est. Non enim ex
animato fit animal, nec ex viuentis viuentis, nec
ex carne caro, sed quidquid fit; ita, ex aliquo
non entis, seu priuatione vel purâ vel contra-
rietatis fieri, nos docent Philosophi. Quare
sanguis nutritivus non est animatus, nec tres
alii humores, scilicet pituita, flaua bilis, &
atra, quæ temperamentum corporis ingrediun-
tur, nec qui humores sunt excrementa, semen,
& lac, quæ sunt materia animalis, vel gene-
randi vel nutriendi.

Resolutio primæ questionis. Partes solidæ,
& membra officialia, & quæ ad decorem ani-
matæ faciunt, resurgent, cum ad integritatem
spectent, si ea integritas ad corporis pulchritu-
dinem faciat, hæc enim instituta est, vt intuen-
tium oculos deleat, & mentem eorum ad
sapientiam Dei laudandam inuiter. Non fu-
tura in corpore rediitio semen & lac, do-
cent Richardus in 4. distinct. 44. D. Thomas
quæst. 54. addit sanguinem nutritivum.
Ratio est, quia in corpore tunc nihil erit super-
fluum. At quod ad decorem corporis non per-
tinet, & totum institutum est ad officia vitæ,
quæ tunc nulla erunt, superfluum esset.

Nec opponas, intestina & venas ipsas non
futuras vacuas. Aio enim ea vasa replenda spi-
ritibus illis naturalibus animatis, qui cum etiam
in dânatissimis & subtilissimis, & ad sensum
tam externorum quàm internorum exercitiis aptissi-
mi sint, idcirco facile inde colligi potest, quæ
primarum qualitatum temperies futura sit, &
consequenter quænam qualitates secundæ, &
inter cæteras quinam colores. Nam neminem
resurrecturum Æthiopem, aut villo colore,
qui ex immodico primæ alicuius qualitatis ex-
cessu existit infectum arbitror, cum Domini-
co Sorolin 4. distinct. 44. quæst. 1. art. 4.

Sanctus Augustinus libro 22. ciuit. cap. 19.
hoc habet, ex quo multa colligi possunt, ex-
plicans illud Luc. 21. *Capillum de capite vestro
non peribit.* Quod non de materia & longitu-
dine capillorum, sed potius de numero dictum
crediderim. Neque, ait, hoc dixerim, quod
aliquid existimem corpori cuiquam perituum:
quod naturaliter inerat, sed quod deforme na-
tum fuerat. Nota illum excludere quod malè
positum fuerat, & deformitatem faciebat, dein-
de postquam dixit, *quod omnis pulchritudo est
partium congruentia cum quadam coloris suauitate,*
ubi autem est partium congruentia, aut
ideo quid offendit, quia paruum est, aut ideo
quia nimium: addit, proinde nulla eris deformati-
tas, quam facit incongruentia partium, ubi qua
præua sunt corrigentur & quod minus est quam
debet, unde creator nouis supplebitur, & quod
plus est quam debet, materia seruata integritate
detrahetur.

destrahatur. Admittit ergo Augustinus aliquam detractorem, & additionem in resurrectione, ut reformetur corpus, quod antea inane aut monstruosum fuerat.

QVÆSTIO V.

An in Resurrectione erit sexuum diuersitas?

Negare diuersitatem sexus, error est; quia resurrectio est redintegratio, & perfectio eorum quæ circa hominem creator fecit, qui non per accidens neque occasionaliter, ut quidam dicunt, feminam creauit, & cum tot circumstantiis in Genesi expressis costam Adæ in mulierem ædificauit.

Probatur conclusio ex Scriptur. Luc. 21. *Capillus de capite vestro non peribit*, à fortiori neque sexus, qui ad ornatum individui magis confert quam capilli Matth. 22. dicitur, *quod in celo neque nubent neque nubentur.* Primum ad sexum masculinum refertur, aliud ad femininum, ut notat S. Hieron. epist. 27. ad Eustochium, *ubi enim dicitur, ait, neque nubent neque nubentur, sexuum diuersitas demonstratur, nemo enim de lapide, & ligno dicit, non nubent, neque nubentur, quia naturam nubendi non habent, sed de iis qui possunt nubere, & gratia Christi ac virtute non nubant.* Probat ex usu Ecclesiæ, quæ in supplicationibus sanctas feminas inuocat; quod etsi non conuincat, quia immutatio corporum fiet in resurrectione, probat tamen, quia immutatio hæc non est destructio, sed redintegratio naturæ.

Probat ex SS. Patrib. August. 22. ciuit. cap. 17. exponens enim Matth. 22. locum, ait, *Nuptiæ futuræ Dominus negauit esse in resurrectione, non feminas ibi negauit: & ibi negauit, ubi talis quæstio vertebatur, ut eam negato sexu muliebri celeriore facilitate dissolueret, si enim ibi prænoscere non futurum: imo etiam futurum esse firmavit, dicendo: Non nubent, quod ad feminas pertinet; neque uxores ducunt, quod ad viros, erunt ergo qui vel nubere hic solum vel ducere uxores, sed hic non facient.* Hieron. citat. *Si sexus membra non fuerint, ubi erit resurrectio corporum, quæ sine sexu non constant, & membris? porro si corporum non fuerit resurrectio, nequaquam erit resurrectio mortuorum?* Item in epistol. ad Pammach. idem probat ex eo, quod Iob cap. 19. ait, *Suos oculos oculos seque ipsum, & non alium, conspexerunt Deum. Quasi dicat: videbo in ista carne, quæ nunc me cruciat, quæ nunc præ dolore distillat. Si autem is non in sexu suo resurrecturus est: si non in eisdem membris, quæ iacuerunt in stercore: si non eosdem oculos aperiat ad videndum Deum, quibus nunc vides vermiculos: ubi erit ergo Iob? tollit ea in quibus subsistit Iob, & donat mihi vocabulum inane resurgentis. Ubi caro, & ossa, & sanguis, & membra sunt, ibi necesse est ut sexus diuersitas sit, ubi sexus diuersitas est, ibi Ioannes, ibi Maria.*

Probat ratione, quia sicut considerata natura individui, debetur diuersa quantitas hominibus, ita eadem ratione diuersus sexus; & hæc

etiam diuersitas competit perfectioni speciei, cuius diuersi gradus implentur per dictam diuersitatem sexus vel quantitatis: non erit tamen confusio mutui aspectus, & nuditatis, quia abest ab hoc statu libido incitans ad turpes actus, ex quibus causatur confusio, quæ nec in statu innocentie fuit.

Dices cum Origenistis negantibus: diuersitas sexus maris ac feminæ, erit aut non erit; si erit, sequentur nuptiæ, & concubitus, sed & generatio; Si non erit, sublata diuersitate sexus eadem corpora non resurgent. Confirmatur, nam in æternis ut nihil superfluum, ita nihil inane, & otiosum futurum esse videtur.

Respondeo, officia animæ vegetantis vacatura ratione conditionis, & status vitæ incorruptibilis. Quare sicut vis digestiua stomachi non aget, nec cibum digeret, multo minus generationis actus exercebitur. Hieron. epistol. ad Pammach. *Nec, inquit, statim superflua videbuntur membrorum resurrectio, quæ caritura sunt officio suo, cum adhuc in hac vita possint nitamur opera non implere membrorum.*

Officia membrorum hæc apud SS. Patres inuenio. Primum ex Tertull. lib. de Resurrect. cap. 60. *Cum membra virtutis aut vitij instrumenta homini fuerint, eadem quoque in premio aut supplicio futura sunt; secundum enim, ait cap. 40. collegia laborum, consortia etiam decurrant necesse est premiorum.*

Alterum ex Iustino Martyre quæst. 53. ad Orthod. ad contemplandam Dei prouidentiam. Inducemur namque per genitalia membra ad cognitionem tam proximæ sapientiæ Christi, qui hominibus morte deficientibus membra illa attribuit, ad eorum per generationem augendorum conseruationem, ut sobolis creatæ successione genus nostrum immortalitate perduraret. Quod sanè officium immortalitati illi vitæ valde accommodatum est, ubi quilibet vestigia sua telegit, & mente reuoluit; quibus tandem gradibus ad tantam euectus est gloriam. Tertium officium affert S. August. 22. à cap. 17. *Non est, inquit, vitium sexus feminine, sed natura, quæ sunt quidem & à concubitu & à partu immunda erit; erunt tamen membra feminea, non accommodata vsui veteri, sed decori nouo; quod non allicitur aspicientis concupiscentia, quæ nulla erit, sed laudetur Dei sapientia atque clementia, qui & quod non erat fecit, & liberavit à corruptione quod fecit. Nec negandum est, partes omnes ad integritatem, & consequenter formam, & decorem esse omnino necessarias, etiam excluso earum vsu.*

Dices, nonnullos Patres negasse futurum sexum femineum. Hilarius in illud Matth. 22. Basil. 114. Psalm. in ea verba: *Quoniam eripuit animam meam*, ait, non ibi insolere rebellionem carnis contumacem, quoniam in resurrectione neque mas neque femina erit. Athan. serm. 3. contra Arianos. Multi apud S. August. 22. ciuit. afferunt, omnes in vitili sexu resurrecturos; quia Ephes. 4. dicitur, *quod occurremus omnes in unitatem fidei in virum perfectum.* Unde Scotus in 2. dist. 40. expresse docet, feminas resurrecturas in sexu virili excepta B. Virgine, quæ gaudium im-

mentum, alit, & gloriam habebit ex sexu muliebri propter specialem rationem. Ratio eius est, quia masculus, & femina sunt differentie accidentales; ita quod huius sexus non variat speciem hominis, nec hic sexus hanc personam. Addit & communem sensum Medicorum, qui feminam aiunt concipi occasionaliter, & præter intentionem naturæ, ex defectu virtutis formatiæ in semine, quæ non potuit perducere materiam concepti ad virilitatem. Unde Aristot. lib. 2. de gener. animal. cap. 3. dicit, quod *famina est mas occasionaliter*. Quod autem est imperfectum, & præter intentionem, non resurget in statu illo perfectionis.

Respondeo ad 1. immerito proferri Patres, qui novam creaturam tantum in Christo Iesu, non masculum aut feminam, & Christum omnia in omnibus futurum dicunt, ut loquitur Apostolus. Qui autem exprimunt sexum, volunt tantum neutrum futurum quoad operationem, & morus libidinosos. Ad locum Pauli, *in virum perfectum*, Respondeo exponi communiter, quod siue boni siue mali resurgent quoad ætatis seu staturæ virilis perfectiones similes Christo, qui in resurrectione sua fuit omnium exemplar. Sic S. Thom. Bonau. Scot. Richard. Gabriel. & alij, ratio autem est, quia corpus redditur animæ, estque secundum huius exigentiam; quare corpus eiusmodi resurgere debet, cuiusmodi anima exigit. At cum sit forma corporis, & in resurrectione illud in statu perpetuo futurum exigit, non nisi quam perfectissimum exigit, quod autem infantile est aut senile, & consequenter senio imminutum non est perfectissimum in magnitudine, sed solummodo quale quale est in ætate perfecta, quæ ideo dicitur perfecta, & plena, quia in ea anima omnes suas virtutes auctricis exeruit, sibi que formavit corpus suis omnibus partibus absolutum.

Ad Scotum Respond. eum dubiè locutum. Rationem verò Medicorum relinco; quia Deus & natura per se intendit producere Euam, & feminam, ut per matrem & feminam species humana propagetur: potest tamen dici mas occasionaliter, quia mas est perfectior, natura autem in genere intendit perfectius, non autem in specie, & in individuo; nam hic, & nunc ex tali semine intendit producere feminam, non virum. Resurgent ergo feminae in sexu proprio, qui sua est perfectio naturalis.

QVÆSTIO VI.

An omnes resurgent eiusdem statura?

Respondeo, probabilius esse non omnes resurrecturos in æquali statura corporis, sed alios aliis proceriores; ita tamen ut nihil monstruosum aut deformè quod ad magnitudinem sit, nullusque aut pygmæus aut gigas resurgat, si qua gygantea proceritas venit ex defectu; sicut certum est, parvitatem pygmæorum ex aliquo causatum ad corporis organizationem & conformationem occurrentium defectu, & vitio accidere.

Assertio primæ partis, probatur ex communi DD. sent. in 4. dist. 44. & nominatim S. Thomæ qu. 1. art. 4. Soto qu. 1. art. 3. ratio eorum est, quia resurget homo ut est unus numero, nec debet solum attendi quid species, sed etiam quid individui ratio exigit. Natura autem speciei habet aliquam quantitatem, quam nec excedit nec ab eâ deficit absque errore; quæ tamen quantitas habet aliquos gradus latitudinis, & non est accipienda secundum gradum determinatum aut mensuram: Vnumquodque autem individuum in specie humana, assequitur intra terminos illius latitudinis aliquem gradum quantitatis, quæ competit naturæ individui, & ad hanc perducitur in termino augmenti, si non fuerit aliquis error in opere naturæ, per quem aliquid sit additum vel subtractum prædictæ quantitati, cuius quidem mensura accipitur secundum proportionem caloris extendentis, & humidi extensibilis, quod non est eiusdem virtutis in omnibus; & ideo non omnes resurgent in eadem quantitate, sed quilibet resurget in illa, in qua fuisset in termino augmenti, si natura non errasset vel defecisset, ratio est, quia quantitas naturalis consequitur naturam individui cuiusque, sed in resurrectione non variabitur natura individui, ergo nec quantitas eius naturalis; sed non est eadem naturalis omnium, ergo non omnes resurgent in eadem statura. Adde, quod ad perfectionem naturæ humanæ pertinere videtur, ut licet omnes homines conveniant in una ratione specifica, individuale tamen aliquam diversitatem habeant, nec sint omnes eiusdem prorsus formæ & figuræ, aut eiusdem omnino quantitatis.

Quare sicuti non omnes resurgentibus erunt eiusdem figuræ, ut rectè norat S. Iustin. in quæst. ad orthodox. quæst. 60. alioqui unus alio non dignoscetur, nec qui cum Christo resurrexerunt, à suis amicis agniti fuissent; ita non omnes erunt eiusdem magnitudinis, sed alij aliis maiores erunt.

Assertio secundæ partis ab omnibus resurgentibus quodlibet vitium aut deformitatem tollens, non solum de beatis, sed etiam de damnatis intelligitur, & probatur ab eodem S. Thom. cit. quia homo resurget absque omni defectu humanæ naturæ; quia sicut Deus humanam naturam absque defectu instituit, ita sine defectu reparabit. Quare servata ratione individui, si quod in corporis formatione vitium irrepsit, id Deus auctor resurrectionis reparabit, sic exigente statu resurrectionis. Cum enim in resurrectione causæ deficientes, à quibus deformitas profecta erat in vita mortali, locum non habeant, non esset vitij eius auctor alius nisi Deus, id autem sapientiæ, & bonitati eius repugnare videtur.

Corpora damnatorum, ait S. Thom. 4. cont. Gent. cap. 84. *Oportet animabus esse proportionata, anima autem malorum naturam quidem bonam habent, ut pote à Deo creatam, sed voluntatem habebunt inordinatam, & à fine proprio deficientem*. Corpora ergo eorum quantum ad id quod est naturæ, integra reparabuntur; quia videlicet in ætate perfecta resurgent absque omni diminutione membrorum, & absque omni defectu & corruptione, quem error naturæ aut infirmitas introduxit, unde Paul. 1. Cor. 15. *Mortui resurgent incorrupti*. Proba

Probatum utraque assertio ex August. in enchir. cap. 80. vult enim, unicuique in sua effigie servandam proprietatem, & discernibilem similitudinem, & pro 2. ait, indecorum aliquid ibi non erit, sed quicquid futurum est hoc decebit, quia nec futurum est si non decebit, & capit. 88. Neque enim monstra que nascuntur, & viuunt, quamlibet cito moriantur, aut resurrectione negabuntur, aut ita resurrectione credenda sunt, ac non potius correctæ emendatæque natura. (Et postea.) Ita cetera que singuli quique partem vel amplius vel minus aliquid habendo, vel quadam nimia deformitate dicuntur, ad humana natura figuram resurrectione vocabuntur.

Hinc habes, omnes resurrecturos in eadem ætate, non quantum ad temporis numerum, sed quantum ad statum, qui ex annis relinquitur, unde Adam dicitur creatus in iuuenili ætate, propter talenti corporis conditionem, quam primo die suæ formationis habuit.

QVÆSTIO VII.

De incorruptibilitate Resurgentium.

NOTA duplicem à Magistro sententiam in 2. dist. 19. immortalitatem seu incorruptionem haberi. Vnam qua quis potest non mori, alteram qua non potest mori: Prima competebat Adamo in statu innocentie. Secunda propria est statui resurrectionis, discrimen autem duplex est inter hanc immortalitatem resurrectionis, & iustitiæ originalis: prius quidem in eo, quod Adamus poterat non mori, & à necessitate moriendi immunis erat, seu de facto moriturus non erat; resurgens autem non solum nunquam morietur, sed nec vnquam mori poterit, adeo ut si damnatus velit mori, ut saltem à pœnis corporeis liber sit, minimè tamen queat. Istud discrimen docet S. August. 13. ciu. cap. 24. Corpus, inquit, animale in quo primum hominem factum esse dicit Apostolus, sic erat factum, non ut mori omnino non posset, sed ut non moreretur nisi homo peccasset: nam illud quod spiritus viuificantem spiritale erit, & immortale mori omnino non poterit. Posterius est, quod immortalitas Adæ statum iustitiæ originalis comitabatur, eratque gratiæ Dei, seu munus gratuitum. Vnde soli boni & grati Deo ea gauisuri erant. At resurrectionis immortalitas, & bonis & malis communis est, nec consequenter propriè loquendo gratiæ rationem habet, quis enim ad gratiam referat, quod miseris ad miseriam cumulum aduenit? Notantur, & alia discrimina.

Quod verò non sit eadem vtriusque immortalitatis conditio, docet Paul. 1. Corinth. 15. cum ait, Factum est primum homo Adam in animam viuentem, nouissimus Adam in spiritum viuificantem. Et si enim iste nouissimus aliquando pro Christo exponatur, tamen pro quolibet homine sumitur etiam ab August. ad Consensum epist. 146. Ita ut, inquit, in vnoquoque homine vtrumque compleatur, ut primum Adam sit in corpore mortali, nouissimus Adam idem ipse in corpore immortali.

Immortalitas sic declarata status innocentie certa est, & de fide.

Probatum ex Sap. 1. Deum mortem non fecit, & cap. 2. Deum creantis hominem inextinguibilem, inuidia autem diaboli mors intravit in orbem terrarum. Constat ex Conciliis, Mileuitano can. 1. & Tridentino sess. 5. vbi hæc veritas tanquam fide certa definita est.

Quæres, quam ratione fieri potuisset, ut homo in illo statu immortalis extitisset, si quidem corpus eius, utpote ex 4. clementis compactum, natura sua fuisset dissolubile.

Respondeo, immortalitatem hominis in statu illo causandam fuisse, tum ex prouidentia Dei speciali, quâ fuisset ab omni læsione agentium externorum præseruatus, tum etiam ex esu fructuum arboris vite, quibus præter id quod illis cum aliarum arborum fructibus commune erat, nempe alere, & nutrire hominem, duplex adhuc inerat vis, vna reparandi humoris radicalis, illiusque in primigeniam puritatem restituendi: altera caloris natui corroborandi, ipsiusque vigorem pristinum restaurandi. Ita S. Thom. quæst. 97. art. 4. & August. 14. ciu. cap. 26. qui, & docent, hominem in innocentie statu non solum immortalem futurum fuisse, sed & impassibilem, hoc est omnis læsionis, & immutationis corruptiue expertem. Quod & probat S. Thom. ante ex eo quod, si passibilis fuisset, fuisset etiam corruptibilis, ac proinde mortalis, quod enim pari potest aliquid nature sue contrarium, potest etiam corrumpi.

Notandum autem ex eodem art. 4. lignum illud virtutem habuisse conferendi immortalitatem, non absolute & simpliciter, ita ut qui semel de fructu illius comedisset, mori amplius non potuisset: sed tantum vsque ad certum aliquod, & determinatum tempus, quo elapso vel homo ad statum gloriæ translatus fuisset, vel illius esu iterum uti debuisset.

Immortalitas resurrectionis tribuitur corpori ab anima, ita ut non fiat per solam externam Dei protectionem, aut impediendo omnem corporis læsionem seu defectum, qui sequitur nullus esset, etsi causæ quæ alias corruptiue essent non impediantur, quo modo probabile est integra seruata fuisse Israëlitarum vestimenta, quæ ut habetur Deuter. 29. Quadragesima annis attrita non sunt, nec calcamenta vestitus consumpta. Ita tres pueros in fornace babilonica illæsos seruauit Deus. Ita Ionas demoratus à Bellua mari, in cuius aluo naufragia digerebantur, triduo post incolumis expulsi sunt. Ita Tertullianus libro de Resurrectione cap. 58. Ita demique hodie Enoch & Elias nondum resurrectionis disjuncti, inquit idem Tertullianus. Qui tamen de orbe translati ex hoc ipso iam eternitatis candidati, ab omni vitio, & ab omni damno & ab omni iniuria & contumelia immortalitatem carnis ediscunt. Nec enim probabile est eos, licet nec edendi nec bibendi necessitate subiecti sint, habere tamen alia corpora, quam quæ habebant ante suam translationem, quamque habituri sunt, cum ad nos reuersi parientur incommoda & morientur. Totum igitur illud opus ita diuinæ virtutis erat, ut ad extraordinariam Dei protectionem pertineret. At in resurrectione longè aliter futura immortalitas corporis est asserenda. Ratio est, quia, ut habebetur 1. Cor. 15. corpus Adæ non erat mortale, sed non moriturum, siquidem erat animale & seminatum

& seminatum fuisset in corruptione, & corruptum erat, nisi impedita fuisset corruptio.

At *Corpus resurget in incorruptione, & spiritale, fietque homo in spiritum uiuificantem, & quod corruptibile est induet incorruptionem & mortale immortalitatem.* Ibi dicitur, *Quod nouissima inimica destruetur mors.* Quæ verba immortalitatem nostram asserunt. Sicut enim vita non nisi per mortem destruitur: ita mors non aliter quam per oppositam vitam destrui potest. Si vero ita morti succederet vita, ut huic quoque mors altera succederet, nequaquam mors destrueretur, sed tantum esset vtriusque alternatio.

Nota corpus dici futurum spiritale, quod per spiritualitatem sibi intrinsecam intellige, ut & immortale per immortalitatem; quia tam immortale quam mortale significat quandam corporis ipsius habitudinem & dispositionem internam, quare admittenda est in ipso corpore excitato aliqua vis, affectio, aut qualitas, qua verè formaliter & intrinsecè incorruptibile & immortale fiat. Spiritale autem dicitur, quia spiritui uiuificanti erit perfectè subditum, quod ut dicit Augustinus Epistola 146. ad Cosent., iam cum spiritu est immortale.

Nota, animam duplicem habere rationem seu conditionem; alteram animæ, alteram spiritus. Est enim & dicitur anima, ut est vegetans, communisque animalibus, seu constituens animal; est vero spiritus, ut cognoscit seu ut est ordinata ad cognitionem, inquit Sanctus Thomas 1. Cor. cap. 15. lectione 7. Sicque est propria hominis. Anima etiam ex eo vocatur, quod ad viuendum vel uiuificandum animet corpus, vita autem simpliciter possit primum gradum vitæ, scilicet vegetatiuum tantum dicit, huncque alius subsequitur, scilicet sensituius, qui propriè cognoscitiuus non dicitur. Licet enim anima quæ constituit animal, sit sensitua & consequenter cognoscitiua, quia tamen animalis seu bruti notitia non est sui gratia, sed quantacumque est, vegetationis causa est, & in bruto sensitua, ad pascum aut venerem, & indiuidui vel speciei conseruationem, tanquam ad finem suum instituitur; idcirco dixi animam ut corpus animale constituit esse vegetatiuam, quæ autem cognoscitiua est, ita ut notitia sit sui gratia, spiritus appellatur, & corpus spiritale facit, quia habet à Deo ut in ipsum perfectè dominetur, quantum ad hoc quod ipsum uiuificet: ita docet Sanctus Thomas 4. contra Gent. cap. 85. Vbi tres causas immortalitatis beatorum & damnatorum assignat, finalem, quæ est perpetuitas præmij & pænæ, efficientem, quam statuit virtutem Dei, & formalem, quam dicit esse animam, cui ut immortalis redditum corpus ita disponi debet, ut ei sit conueniens; Deus autem incorruptibile corpus facit, præstando animæ, ut in ipsum perfectè dominetur, quantum ad hoc quod ipsum uiuificet.

QVÆRES, quodnam sit istud animæ dominium in corpus ut ipsum immortale reddat?

Respondeo, tres modos hic posse intelligi. Primum quidem, quod anima mutata in se accipiat aliquam vim nouam, quæ careat dum corpus mortale informat; quæque formaliter fiat potentior ad conseruandum corpus ab omni corruptione.

Alterum verò quo anima quidem nihil tunc nouum habeat, quo iam in via careat, sed potius corpus ipsum aliter se habeat, & fiat animæ magis subditum: Tertium denique si & in anima, & in corpore aliqua mutatio admittitur.

Secundum modum amplector, quia is solus dominium animæ in corpus sufficienter exprimit, citra tamen dotem gloriosam, qua anima beata suam corpus regere & administrare pro arbitrio suo concedendum est.

Quod autem corpus resurgens aliter se habet respectu animæ suæ, quam prius se habebat, adhuc tripliciter intelligi potest, ita ut hæc mutatio triplex sit.

Prima, qua corpus aliquid eorum quæ habet cum mortale est amittat: Secunda, qua aliquid nouum accipiat. Tertia, quæ sit alicuius antiquæ entitatis deperditio, & nouæ acceptio.

Hanc mutationem tertiam veriore existimo, quia Sanctus Augustinus, eam in Epistola 146. insinuat, cum ponit *corruptionem emersuam & stabilem vigorem* & in lib. 21. ciuit. cap. 4. de damnatis, sic ait, *Habebis tunc ista carnis substantia qualitatem ab illo inditam, qui tam multas miras edidit, quas videmus, ut eas quia multe sunt, non miramur.* Eandem vtramque mutationem Tertullianus quoque significat, cum *Passiones auferri & munitiones conferri*, ait. Deinde hac vtraque mutatione alicuius dispositionis antiquæ deperditia, & nouæ acquisitiua commodius, ni fallor, illud animæ dominium, seu perfectæ informatio explicari potest; quod ut manifestum fiat.

Nota, corpus humanum mortale & substantialiter esse corruptibile, duplicem ob rationem priorem quidem sibi communem cum omnibus corporibus sublunariis, tam simplicibus quam mixtis, quatenus habent, inquit Philosophi, materiam priuationis, ob quam de forma in formam transmutari potest, non quidem à seipsa, sed ab aliqua efficiente causa & transmutatiua. Quare ut corpus eo modo corruptatur, de facto necesse est, ut sit susceptiuum formæ alterius impossibilis, cum ea quam habet, & præterea ut incurrat in aliquam causam efficientem, quæ generans seu produciens in materia corporis illius formam cum ea, quæ prædicta est, impossibile ipsam destruat & corruptat: ut autem id faciat, necesse est ut prius destruat qualitates proprias formæ corruptæ, introductis qualitatibus quæ illis contrariæ, ad formam producendam dispositiones sint. Quamobrem omnis huiusmodi corruptio sit per pugnam qualitatuum contrariarum, & verò elementarium seu primarum, ut eas Philosophi appellant, caloris scilicet, frigoris, humiditatis, & siccitatis; secundum quas sit omnis alteratio, tendens ad substantialem mutationem, ut ex Philosophia suppono. Inde autem sequitur, si quod corpus simplex aut mixtum, verbi gratia, vinum, suarum qualitatuum primarum temperiem eiusmodi habet, ut non sit susceptiuum caloris aut frigoris aut humiditatis aut siccitatis graduum aliorum, illud non habere materiam suam priuationis, & consequenter non tantum non corrupti, sed etiam corruptibile non esse.

An verò id fieri possit, seu an calorem suum ut quatuor, (id enim ut proprius vini supponatur)

Corpus humanum duplici ex capite corruptibile est: ab materiæ priuatione.

eur) ita tenacem & stabilem habeat, ut contra vim omnem agentis contrarii naturalis cam tueatur, postea videbitur.

Altera conditio ob quam corpus humanum mortale est, non est ipsi communis cum quibuslibet aliis, sed viventibus solis, quæ etiam si nulli externo agenti à quo corrumpitur occurant, senio tamen & vetustate tabescentia deficiunt & moriuntur; eamque ob causam alimentum egent, quo nullum corpus inanimatum eget? Quod enim ignem pabulo quo foueatur egere, nonnulli dicunt, id propriè intelligi non potest. Quia vero hæc corruptibilitas vegetantibus omnibus communis est, idcirco homo ea non laborat, quatenus homo est, nec vero quatenus habet animam sensitivam, sed vegetantem, Vnde si in resurrectione homo non habet amplius corpus vegetabile, nec condiciones vegetantis vitæ, sed tantum sensitivæ & rationalis, & possunt illæ condiciones separari à corpore humano, ita ut sensitivæ solius animæ, non vegetativæ affectiones proprias habeat, optimè ni faller explicabitur, quomodo homo de corruptibili fiat corruptibilis. Hic non mentiamur animæ rationalis, ut rationalis est, quia ea ut est talis, non est organica, nec nisi ut sensitiva corporeas qualitates & affectiones respicit.

In hac autem secunda corporum viventium propria corruptibilitate, omittendum non est, duplicem adhuc modum corruptionis repetui, quorum alter est per senium & marcorem, alter verò per divisionem. Cum enim nullum inanimatum pereat divisione vlla, quia partes omnes ignis, aquæ, lapidis, divise à se invicem, sunt ignis, aqua, lapis; vivens omne partium suarum divisione corrumpitur; aut statim, aut certè paulatim; & quo nobilior est vivens, eo partium divisarum interitus celerior est, verbi gratia, rami arboris, serpentis secti, & partis hominis. Quamobrem duplex est in universum hominis & cuiuslibet viventis corruptio: una sit per divisionem, altera per alterationem in primis qualitatibus, licet fortè quæ per divisionem mors accidit, alteram quoque adiunctam habeat; nec pes hominis à trunco divisus moriatur, & animam perdat, nisi quia perdit temperiem primarum qualitarum, quæ cum materia animam colligatâ tenet; sed cum sine vlla divisione per alterationem aliquando homo intereat, idcirco animalis duplex corruptio agnoscitur. Quæ autem est alteratio, ea adhuc duplex distingui solet, una quæ senio & marcore sit, altera quæ vi & imperu agentis externi accidit. Utramque illam mortis & interitus causam significat Augustinus cum Epistola 146. ait, quod spiritus efficit corpus spiritale, *Absumens omnem corruptionem, nullam metuens separationem.*

Q V A E S T I O V I I I.

An corpus post resurrectionem erit vegetabile.

AD explicandam rediuvni corporis incorruptibilitatem, necessaria est hæc Resolutio negativa, Quæcumque qualitates, aut ea-

Carriere in Professionem Fidei.

rum affectiones corpus hominis afficiunt tantummodo pro functionibus animæ vegetantis, scilicet nutritione, augmentatione, & generatione, eas omnes in corpore resurgente, à Deo non produci, quia cum nullæ functiones eiusmodi futuræ sint, nec quicquam eo in corpore vanum aut superfluum, & statui illi inotile futurum sit, nullam earum repetiri fatendum est. Atque ita corpus resurgens animale non erit: Non enim animale aliud intelligitur, quam quod ad vegetantis animæ finem ordinem habet. Affectiones autem animalitatis seu vegetabilitatis, sūt omnes corruptiones. Nisi enim corpus seu homo corruptibilis esset, nec nutriretur nec alterum generaret. Hæc enim officia sunt subsidia, pro restituyendo defectu aut individui aut speciei. Deinde ut homo nutriri possit, necesse est ut habeat partes corporis in primis qualitatibus variè affectas, sinque aliæ calidiores, aliæ humidiores, ut experientia constat. Quia vero licet sint partes vnius viventis, ex tamen sunt contrariæ inter se, ideo in se invicem agunt & patiuntur; quæ ex pugna & actione passionèque mutua accidere potest intestinos.

Præterea in corpore animali seu vegetativo sunt semper qualitates aliquæ extraneæ, nullæque pars eius ita se habet, ut nullum prorsus accidens habeat, nisi quod emanet ab anima, & tanquam proprium conservetur: & ut verbo dicam, corporis animalis propria conditio est, in continuo motu versari, quia nutritur continuo, & sit nonnullarum partium deperditio, aut saltè novarum acquisitio. Quamobrem nunquam anima vegetans est, ut ita dicam, quiescit, & soli suorum accidentium conservationi stabili attentat. Sed in pugna continua, aut certè in alteratione perpetua transmutationesque versatur. Vnde contingunt duo; quorum prius est, materiam corporis animalis esse materiam privationis, quia quantum motus seu mutationis successivæ habet, tantum privationis habet, nec censetur calidam habere privationem frigoris, nisi cum incipit frighieri. Quia igitur corporis vegetantis & animalis conditio est, in aliquo motu seu mutatione successiva perpetua esse, nec tam est seu fixum & stabile existit, quàm sit corpus animale idcirco non mirum si corpus animale ita suis qualitatibus afficitur, ut contrariarum privationem propriè & strictè sumptam habeat.

Posterior vero quod in corpore animali contingit, est, quod in corpus huiusmodi anima vegetans perfectum dominium non habet; Cum enim forma extensæ in materiam dominatur, quatenus eam habet, & ut suam possidet, sibi que propriam, nec materia formæ alicui approprietur, nisi quatenus est affecta qualitatibus illius formæ propriis; si corpus vegetabile & animale aliquas affectiones alienas ab anima seu adventicias habet, necesse est illud nondum perfectè ab anima possideri. Istud exemplo clarissimo explico: Aquæ elementaris formæ qualitates propriæ seu affectiones sunt, verbi gratia, frigus & humiditas in summo gradu, & consequenter densitas ut sex, & gravitas ut septem (hæc notè assero, sed tantum ut in exemplis fieri solet suppono) quamdiu aqua qualitates illas non ita affectas habebit, forma substantialis non censetur habere perfectum & pacificum dominium in materiam,

K K k

sed

sed reperiet aliquid debellandum & corrigendum, nec materiam ipsam in quieto statu continere, sed potius transmutabit, ut videlicet qualitates omnes illas ad eam sibi propriam symmetriam reducat; quod cum vi sua emanativa consecutiva fuerit, tunc nihil novum molietur, sed solummodo suas illas qualitates in fluxu suo conservabit, tuncque in aqua non erit saltem adeo propria privatio, ac erat prius cum movebatur, seu de potentia in actum redigebatur.

Iam verò dico, animam vegetantem ex sua natura esse semper & in continuo conflictu, quo & contrarias qualitates debellat, & novas pariter acquirit, estque hæc corporis animalis seu vegetabilis conditio.

QVÆSTIO IX.

An corpus resurgens erit perfectissimum in sensu?

Dico, corpus resurgens nullam qualitatem aut affectionem habere, nisi quæ sensitivæ animæ propria est: unde corpus spiritale seu soli cognitioni serviens, nullos fumos, vapores aut excrementa habet, nullam prorsus intestinam pugnam, nullaque pars in aliam agit: sed complexio totius corporis aptissima est ad sensuum vivacitatem, & certitudinem, quia quilibet resurgens etiam damnatus habet sensus omnes excellentes, & quam perfectissimos hominis natura postulat. Eorum autem perfectio duo potissimum habet primum est acumen seu vivacitas, secundum est certitudo, & veritas in representandis obiectis. Exceptis autem aliis quatuor sensibus externis, visus, auditus, odoratus, & gustus, nulla, ut opinor, pars hominis est, quæ tactu non sit prædita; is vero tunc est, cum primarum qualitarum temperies moderata est, seu in calore potissimum & frigore mediocritas. Cum vero in corpore animali pleræque partes, ut hepatis, pulmo, lien, tactum valde obtrusum habeant, in resurgente & spirituali existimo easdem longè excellentiorem tactum habituras, ita ut corpus illud exquisitissimo tactu sit præditum, & consequenter tota eius corporis crasis, & complexio sit quam maximè moderata in primis qualitatibus; unde etiam fiet, ut in eo sine spiritus animales purissimi & defæcatissimi, & totum corpus permeet spiritus ille naturalis, seu, ut nonnulli eum vocant, calor complexionalis & celestis. Illi spiritus omnes nullam prorsus motionem aut fluxum habebunt, sed ita suis organis immobiles insidebunt, ut nullo prorsus modo varientur. Nam ad vivacitatem & certitudinem sensuum, immobilitatem seu quietem & moderationem spirituum plurimum facere, notum est ex Philosophia. Ita inter ceteros docet Sanctus Bonaventura in 4. distinct. 49. artic. 1. quæst. 1. *Erit, inquit, in corpore resurgenti mixtio temperata confringens contrarietatem; & ex illa complexione aequali exsurgens calor celestis conservans.*

Resurgens habet spiritum animales purissimos hosque quiescentes & sine fluxu, pro vivacitate & certitudine sensuum.

Concludo, animam eatenus corpus illud incorruptibile constituere, quatenus istud informat perfecte ut est sensitiva, & in illud jugiter

insluit, vique emanativa conservat perfectam illam symmetriam primarum qualitarum, & ea mediante fovet spiritum illum naturalem purissimum, & per totum corpus diffundit, eoque mediante istud perfecte vivificat.

Spiritale corpus ab animali distingui dico, eo quod animale est in perpetuo motu seu mutatione: spiritale in statu consistentiæ seu stabili & immutabili. Unde anima ut vegetativa est mutat potius corpus, illud vero quiescat anima ut sensitiva est. Idque ex utriusque fine colligi potest: vegetativa enim tota quanta est ad defectum naturæ generatione aut aggeneratione seu nutritione, quæ non nisi aggeneratio est, reparandum, atque ita ad mutationem substantialem spectat: sensitiva vero habet pro fine cognitionem, quæ ex se sistit potius in obiecto, quod repræsentat.

Potest item dici, animam humanam eatenus reddere incorruptibile corpus, quod perfecte informat, quatenus omnibus qualitatibus & accidentibus eius dat modum essendi seu inherendi stabilem, diversum ab eo essendi modo, quem iisdem accidentibus in corpore corruptibili tribuit.

Iam verò colligitur, corpus resurgens habere intimam sibi incorruptibilitatem, longè diversam ab ea quæ Adamus, aut nunc Enoch & Elias dicuntur immortales. Homo enim resurgens non habebit in se illam constitutionem, qua nisi extrinsecus fuisset adiutus Adam, mortuus fuisset senio & marcore, seu defectu. Nec timendæ sunt corruptiones ab extrinseco agente quæ iam solent hominis debitam temperiem vi sua & actione corrumpere. Nam post resurrectionem status rerum omnium erit eiusmodi, ut nulla sit futura alteratio, nulla corruptio, nulla mutationis in contrariis qualitatibus vicissitudo; sed res omnes in quiete erunt, & ad status illius perpetuitatem conspiciuntur. Quare ex ea parte homo resurgens non mortalis nec corruptibilis erit, sed potius incorruptibilis.

Dices contra incorruptibilitatem, corpora damnatorum ab ardentissimo igne inferorum patientur, unde epulo clamat. *Oncior in hac flamma.*

Respondet primò, ignem illum corpus damnati non calefacere, licet ei sensum doloris infligat, quia huius sensitivæ passionis & immutationis corpus illud capax est, & susceptivum, non autem passionis illius alterativæ, quæ non in aliqua prima qualitate posita est, & non sit nisi cum qualitas una in subiectum cum alterius contrariæ abiectione inducitur. Quia vero corpus damnati nullam prorsus privationem contrarietatis habet, nec quas qualitates, earumque dispositiones habet seu gradus intentionales habet, non potest amittere, ob modum illius inherentiæ, quem habet, idcirco non mirum si corpus damnati in media aliqua fornace huius mundi positum, nihil tamen ab ea detrimenti aut nocimenti acciperet, quia nulla est naturalium causarum activitas, quæ resistentiæ formalem qualitarum eius corporis vincere & superare possit. Resp. 2. infra de damnatis.

Dices, quæcumque composita ex materia & forma dissolui possunt. Ergo.

Respondet ex Tertulliano cap. 57. carnem post

post resurrectionem futuram possibilem, quā ipsa est & eadem, sed impassibilem, quā in ipsum manumissa est à Domino, ne ultra pati possit. Vult Tertullianus dicere, incorruptum fore corpus per gratiam. Quod & Augustinus epistola 146. significat. Sed dico gratiam ab iis latius sumi pro dono naturæ corpori superaddito ratione sui status. Deinde SS. Patres ferè semper loquuntur de beatis, qui non tantum incorruptibiles, sed etiam impassibiles dono gratiæ seu gloriæ dono admittuntur. Vnde Sanctus Augustinus non raro ait, damnatos tunc non tam immortales futuros, quā in morte æterna, sic habet lib. 13. ciu. cap. 2.

Resp. 2. etsi materia est dissolutionis & corruptionis principium, posse tamen ita ab aliqua forma actuari, ut nullam amplius priuationem habeat, nec transmutari possit ab aliquo agente naturali; quod in resurrectione futurum esse dixi. Certè priuatio illa, seu appetitus priuationis, non est essentialis materiæ, sed ordo ad formam, ut cum ea vnā essentiam totalem constituat. Lege Philosophos.

Dices, homines post resurrectionem habituros sensuum suorum functiones, sed ex non sunt absque spirituum commotione, rarefactione, dissipatione, ex qua saltem sit totius corporis marcor & corruptio.

Respondco ex supradictis spiritus omnes animales fore immutabiles, & ex eorum habitu constitutam corporis temperiem semper eandem fore.

Nunc addo, duplicem esse obiecti sensibilis in sensum cuiusque organum actionem: alteram, naturalem, & alteratiuam; alteram intentionalem. Nam ut quod difficilius videtur in tactu, id explicem, ignis carnem afficiens ei sui caloris sicci intensi speciem intentionalem imprimit, ut sensorium hac specie instructum exprimat illius caloris sicci sensibilis & tactilis tactum; deinde sensorium ipsum seu organum calefacit & exsiccatur. Prima actio est organi tactus perfectiua, quia per speciem illam tactus, fit potēs tangere & elicere propriam suam actionem, quæ haud dubiè perfectio est. Quis enim non malit obiectum eiusmodi sentire, quā stupore affectum aut putridum sensu carere: altera vero actio alteratiua est organi destructiua, quia auferit ei mediocritatem primarum qualitatū, caliditatemque & temperiem, quam exigit organum tactus, ut tactuum sit. Estque inter illas duas actiones obiecti tactilis ordo ejusmodi, ut intentionalis prior naturā sit quam naturalis, hæcque sit penitus alteri accidentaria, & inuicilis, ac potius noxia. Id patet, quia intentionalis sit in instanti, aut certè breuissimo tempore, quia absque contrarij pugna aut resistantia sit: alteratiua tempus exigit, ob rationes oppositas. Deinde intentionalis à natura instituta est, ut altera naturalis & alteratiua ab animali, eam vel commodam assistimante procuraretur, vel tanquam noxia declinaretur. Nam si animal sentit, & quia frigidius est quam exigit, eius actionem alteratiuam admittit, & vel ad ignem accedit, vel præsentem se sistit: è contrario vero si uisionem sentit, statim recedit, ut impediatur sequutura calefactionem. In visu autem prior est oculi illuminatio, speciei visualis impressio, & ipsa visio, quam spirituum visoriorum dissipatio, quæ non nisi calefactio-

ne & rarefactione fit. Quæ cum sint clarissima, ad objectionem

Respondco, corpus rediuuium fore ejusmodi, ut sensus viuacissimos habeat, & eorum functiones excellentissimas, absque vlla prorsus tabe aut marcote, aut corruptione, quia corpus spiritale non animale erit, ut supradictum est.

QVÆSTIO X.

An omnes homines morituri sint ante Resurrectionem vniuersalem?

Questio maximè instituitur de fidelibus & sanctis viris, qui in fine mundi superstites erunt, an videlicet illi morituri sint separatim à corpore animā, an vero sine hac morte immutandi sint, & corpora gloriosa habituri? Quemadmodum nisi ob peccatum mors intraret in mundum, homines beandi, & non solum animæ, sed etiam corporis dotibus beatificis donandi fuissent. Discrepantia singularis notatur inter Patres: ob duo Scripturæ loca. Multi negant morituros omnes. 1. Cor. 15. Nam ubi lectio vulgata habet: *Omnes quidem resurgetur, sed non omnes immutabimur.* Nonnulla exemplaria habent: *Omnes quidem non dormiemus, omnes vero immutabimur.* Sæpe legunt Chrysostom. hom. 42. hic & ex eo Theodor. Theoph. imò Origen. & Didymus author Græcus. Sed vulgatam probant recentiores post Ambrosium, Augustinum, Fulgentium, Sanctum Thomam, Hieronymum, Tertullianum. Quia lectio hæc planior, & reliquo textui conformior. Alius locus est. 1. Thessalon. cap. 4. *Hoc enim vobis dicimus in verbo Domini, quia nos qui vivimus, qui residui sumus in Adventum Christi, non præueniemus eos qui dormierunt.* Aitunt autem auctores sententiæ negatiuæ, S. Paulum non de se loqui, certum enim est eum mortuum esse, sed de illis Christianis qui in fine mundi reperientur. Hieron. in eam propendit sententiam. epist. 148. ad Marcellam. *Hoc, inquit, ex ipsius loci continentia sciiri potest, quod Sancti qui in Adventu Saluatoris fuerint deprehensi in corpore, in iisdem corporibus occurrant ei; ita tamen ut inglorium & corruptum & mortale, gloria & incorruptione & immortalitate mutentur, ut qualia corpora mortuorum resurrexerint, in eadem substantiam etiam viuorum corpora transferantur.* Eandem quoque ex Paulo colligit sententiam Tertull. lib. de resurrect. cap. 4. vultque esse privilegium, quod non omnes desiderare ait Paul. in 2. ad Cor. 5. *Nam & in hoc, inquit, ingemiscimus &c. si tamen vestiti non nudi inueniamur.* Sanctus Augustinus in libro de peccato mortali cap. 31. ob locū Corinthiarum arbitratu est nonnullos sine morte commutandos & glorificandos. Addendus & rationi dubitandi locus Symboli. *Inde venturus est indicare viuos & mortuos, viui enim, illi non morituri possunt reputari.* Sed triplex hic sensus affertur. Primus Rufini in Symbol. per viuos exponentis animas, & corpora, per mortuos; ita ut Christus dicatur indicaturus non solas animas, sed cum corporibus quæ mortuæ erant rediui-

uos. Ita S. Petrum in cælis & in sepulchro esse dicimus, quia anima eius & cadauer ipsius nomine appellatur. Fuit hæc interpretatio Methodij & Didymi apud Hieron. in epist. ad Minervinum. 2. Per viuos August. & alij communiter bonos per mortuos intelligunt reprobos. 3. Leonardi Coqueri in c. 20. lib. 20. ciu. Dei. Quod habita ratione tempo is, non quo iudicium fiet, sed symbolum conditum est, aut quo eius confessio fit per viuos, intelligantur ij qui tunc viuunt: & per mortuos, qui in viuis tunc esse desierunt: ita ut sit sensus, credo venturum Christum qui iudicet omnes homines tam eos qui iam obierunt, quam qui adhuc viuunt morituri; Aut certe id referatur ad tempus aduentus Christi & viui intelligantur ij, qui in aduentu Christi ita viuunt, ut tunc moriantur quasi in raptu & breui resurrecturi, mortui sumantur illi, qui ante aduentum illum mortui fuerint. Hanc & 2. interpret. habet Aug. in lib. de fid. & symb. cap. 8.

Conclusio: licet non sit contra fidem dicere, non omnes morituros, ut notat S. Thom. in 1. Cor. 15. lect. 8. & in 4. dist. 43. q. 1. art. 4. Ecclesia tamen contrariam sententiam seueriorem habet, ut Scripturæ loca, quæ dicunt necesse esse omnibus mori. ut Heb. 9. *Statutum est hominibus mori, post hoc autem iudicium.* ibi innuitur non futurum iudicium, nisi postquam homines mortui fuerint. 1. Cor. 15. *Sicut in Adam omnes moriuntur, ita & in Christo omnes viuificabuntur.* Scio equidem hæc loca explicari posse aliter, licet non ita commodè, ac de vniuersali omnium hominum morte.

Probatur ex SS. Patr. Augustino, qui licet ob locum Thessal. 1. cap. 4. arbitratus fuerit in lib. de pecc. mort. c. 3. nonnullos sine morte glorificandos. & in lib. ad Dulcitium. q. 3. videatur dicere, nonnullos morituros non esse: hæret tamen dubius, nam negando, aduersatur dicto illi 1. Cor. 15. *Omnes resurgemus,* aut ut Græci habent, *omnes dormiemus*, & quæstionem indecisam relinquit. At in lib. 20. ciu. c. 20. quæstionem soluit, aitque illos qui in aduentu Christi erunt, celerissima morte & dormitione breuissima ad immortalitatem, quæ immutatio dicitur à Paulo, transiuros. Tertull. lib. de resur. c. 18. *Vnum,* inquit, *opinor apud omnes edictum Dei pendet, resurrectionem mortuorum, cum audio resurrectionem homini imminere, quam necesse est, quid eius cadere sortitum sit, siquidem nihil resurgere expectabit, nisi quod ante succiderit.*

Probatur ratione, iustitia diuina mortem inflixit propter peccatum Adæ, sed hoc omnes contraxerunt, ergo omnes eidem pænæ subiacent. Cur isti excipientur? Qui ergo in die iudicii viui reperientur, morientur vel in raptu, ait Aug. Ansel. vel potius in terra, qui locus est morientium, ait S. Th. & Oecumen. antequam rapiantur, resurgentque postea canente tuba.

QVÆSTIO XI.

An Resurrectio fiet in instanti?

Respondeo, respectu eorum quæ fiunt immediate à Deo, dici potest agenda in instanti, veluti enim 1. Cor. 15. dicitur *in momento*, Græcè est & *ἀποτομή*, id est, *indivisibili*, uti est punctum temporis, & ictus seu nictus oculi, *ατομή*, ait Hieron. est punctum temporis, quod di-

uidi non potest. Ratio responsionis est, quia virtus infinita subito operatur, saltem si velit. Resurrectio autem fiet virtute diuina, ut docet Damasc. lib. 4. de fide orthodoxa; hanc autem certum est esse infinitam.

Illud autem quod fiet ministerio Angelorum erit in tempore imperceptibili, propter facilitatem operandi, quæ est in Angelis.

Nota, Deum vsurum in resurrectione ministerio Angelorum, in his quæ corporaliter fieri debent: ratio est, quia sicut dicit S. Aug. lib. 3. de Trinit. c. 4. *Sicut corpora crassiora & inferiora per subtiliora & potentiora quodam ordine reguntur, ita omnia corpora reguntur à Deo per spiritum vitam rationalem.* Et hoc etiā tangit S. Greg. lib. 4. dialog. c. 5. Vnde in omnibus quæ corporaliter fiunt, vitur Deus ministerio Angelorum.

In resurrectione autem est aliquid pertinens ad transmutationem corporum, scilicet collectio cinerum, & eorum præparatio ad reparationem corporis humani, idque facient Angeli. Sed anima sicut creata est immediate à Deo, ita ab eo immediate vnietur corpori, sine aliqua operatione Angelorum. Istud ministerium Angelorum vocatur *Vox Archangeli* ab expositoribus, 1. Thessalon. 4. Quod autem operatio Dei subsequatur hic Angelicam patet, nam collectio partium corporis debet præcedere, id Matth. 24. exprimitur: *Et congregabunt Angeli electos à quatuor ventis.* Motus autem iste non potest fieri in instanti, ex Arist. 6. physic. debet etiam præcedere forma mixti, ex corruptione cinerum, & eodem instanti animatio, seu vnio animæ rationalis ad corpus fit à Deo, si enim anima vniret se ad libitum, pari ratione posset se non vnire, quantumcumque præsens esset, & eadem ratione seipsam separare, cum esset vnita, & iterum revnire.

Dicendum ergo, quod naturaliter anima non potest vniri corpori, sed Deus eam vnire, sicut primà vice. Imò nec dæmon, nec quævis causa naturalis potest hanc corpori revnire; cum enim anima sit substantia spiritalis, non subiacet potentie cuius corporali, nec dæmoni. Vnde constat, quod resurrectio non potest fieri à creatura, & si quæ attribuitur dæmoni, ea illusoria & præstigiū fuit. Vnietur autem anima in instanti, quia hæc vnio est à solo Deo, cuius operatio virtuti nihil resistit, tum quia non potest esse successio in receptione formæ, nisi vel propter partes formæ introducendæ, vel propter partes corporis, quarum vna prius recipit formam quàm alia, neutrum autem est in ista vnione; vnde sequitur, quod Resurrectio, si pro vnione sumitur, fiat in instanti.

QVÆRES, In quo loco fiet Resurrectio?

Respondent aliqui resurrekturos omnes in valle Iosaphat, vbi iudicandi sunt, sicque Angeli imperio Christi cineres vniuersamque materiam, ex qua corpora hæc formanda erunt, illuc congregabunt in breuissimo tempore. Alij tenent, cineres coacervandos in duo loca, in vno iustorum, in alio damnatorum, iuxta Match. 13. ver. 49. *Exibunt Angeli & separabunt malos.* hæc enim separatio videtur fore ante resurrectionem.

Alij dicunt corpora resurrektura vbi fuerunt sepultra, vel vbi maior pars eorum, ita Richard. quod Ioan 5. innuitur. *Omnes qui in monumentis*

ris audient vocem filij Dei. Sic qui cum Christo surrexerunt, exierunt de sepulchris, & de SS. Petro & Paulo Chrysost. ait. *Non ita Sol splendescit, sicut Roma, duas illas lampadas effundens, &c.*

*Quando fiet Resurrectio hominum,
& quo ordine?*

Non est quæstio de nonnullis, qui resurrexisse creduntur cum Christo, & beati iam in cælis regnant, ex privilegio quod præter B. Virginem allumpram in corpore rediit, datum S. Iohanni Evangelistæ concedit S. Thom. in 4. dist. 43. q. 1. de iis tantum queritur qui in vniuersali resurrectione resurrecturi sunt, & duplex institui potest quæstio. Prior, an nonnulli aliis prius resurgent? Posterior vero ex hypothese quod omnes simul resurgent, quandonam hæc omnium resurrectio futura sit?

Ad primam, Resp. expulso Chilistarum seu millenariorum errore, qui existimarunt, iustos mille annis ante mundi finem seu suam in cælo assumptionem resurrecturos, & in hoc mundo cum Christo multa in pace & deliciis spiritualibus regnatos, quod se aliquando credidisse ait Aug. 20. ciu. c. 7. & tenuit Tertull. factus Montanista, unde lib. 3. adu. Marcion. c. ult. *Nam & confitemur, inquit, in terra nobis regnum repositum, sed ante calum, sed alio statim, utpote post resurrectionem in mille annos, in ciuitate diuinis operis Hierusalem calo delata, intra quam aetatem concluditur Sanctorum resurrectio, pro meritis maturius vel tardius resurgentium, in Angelicam substantiam commutandorum.*

Respondeo inquam, omnes iustos & reprobos simul & eodem tempore resurrecturos. Ita Hieron. epistola ad Minucium, probatque ex 1. Cor. 15. ubi omnes excitandi dicuntur tubæ sono & clangore in motu oculi.

Nota hanc vocem seu sonum promendum per æris collisionem imperio Christi ab Angelo formandum, unde & dicitur vox filij Dei.

Dices, frustra vox emittitur ad eum qui audire non potest, sed mortui non habebunt auditum: ergo frustra vox quasi signum ad suscitationem eorum.

Respondeo, sicut formæ Sacramentorum habent virtutem sanctificandi, non ex hoc quod audiuntur, sed ex hoc quod proferuntur; ita vox

illa quicquid ea sit, habebit efficaciam instrumentalem ad resuscitandum, non ex eo quod sentitur, sed ex eo, quod proferitur; sicut etiâ vox ex impulsione ipsa æris excitat dormientem, soluendo organum sentiendi, non ex eo quod cognoscatur, quia iudicium de voce veniente ad aures sequitur excitationem, & non est causa eius.

Dico præterea, audient, id est, sentient vim huius vocis, vel ei obedient resurgendo, perinde ac si audirent vocem filij Dei, qui vocat ea quæ non sunt, quasi ea quæ sunt.

Ad ordinem. Erit in primis vniuersi mundi conflagratio. colligitur ex Matth. 24. præmittitur ibi solis obliuiscitas, defectus Lunæ, calus stellarum, antequam mittantur Angeli, ut congregent homines. Deinde ad iussu Michælis Archangeli, per aliorum Angelorum ministerium, colligentur in vallem Josaphat pulueres mortuorum omnium, quo tempore qui vltimi moriuntur, erunt iam mortui, aut certè in tanta rerum omnium confusione moriuntur; quomodo enim viuerent sine manifesto miraculo? quod non videtur hic admittendum; quia miracula non fiunt nisi ut sint signa infidelibus, aut ob solatium piorum, aliisque eiusmodi causas, quæ tunc nullæ erunt. Tertio ad vocem Archangeli, seu clangorem tubæ, omnes mortui resurgent. Quarto, manentibus in terra impiis, pii omnes in æræ elati occurrent Christo, visibiliter descendenti. Quinto, proferetur sententia, Sexto, impij ad inferos detrudentur, & qui resurrexerant incorrupti ad inferos detrusi, in damnationis æternæ statu & ordine suo collocabuntur. Pii verò qui resurrexerant incorrupti, & cum dotibus gloriæ, ex anima beata in corpus ipsum dimanantibus, tunc vltimam beatitudinem sortiti, cum Christo in cælos pergent. Septimo, omnibus tam beatis quam miseris, suo in loco collocatis, fiet vltima totius vniuersi renouatio.

Ad horam, Resp. ex Scoto, matutina; quia cum Christus sit exemplar nostræ resurrectionis, eo tempore, quo ipse, resurgemus. Vnde Anselm. in elucidario ait, resurr. futuram in die Paschatis, idque Macharius homil. 6. & 12. significat, dicens futuram tempore Aprilis, quando omnia florent; tum tempus lucis magis commodum, ut omnes homines possint naturali modo se videre, & spectare videtur ad bonorum gloriam, ut tempore lucis resurgant. Tamen Hier. Aug. Ambros. media nocte id futurum opinantur, ob parabolam Euangelij, de aduentu sponsi media nocte ad virgines. Scriptura hoc non exprimit, ideo quando placitum erit Deo, fiet.



EXPLICATIO ARTICVLI XII.

Et vitam venturi sæculi.



ARTICVLVS iste ponitur ultimus in Symbolo, quia fides vite æterna est totius religionis Christiana Scopus & finis, nec enim Christiani sumus nisi propter vitam æternam, quæ ultimus est finis hominis, propter quem rationalis creatura creatoris sui Dei capax facta est, & ad eius imaginem & similitudinem, quantum ad animam, condita est, ut ergo Apostoli sancti duces, & Doctores nostri, insinuent fidelibus, nihil aliud post carnis resurrectionem expectandum esse, præter æternæ vitæ premium, & in illud desigendas esse mentis cogitationes, Symbolum fidei hac veritate catholica claudere & terminari voluerunt, quæ varia in sacris litteris nomina sortitur; interdum equidem nuncupatur regnum Dei, Christi, cælorum, aliàs Paradisus, sancta ciuitas, noua Hierusalem, domus Patris dicitur: perspicuum tamen est nullum ex iis sufficere, ad exprimendam magnitudinem eius, Quam nec oculus vidit, ait Apostolus, nec auris audiuit, nec in cor hominis ascendit. Licet autem hic vita æterna supponat pro beatitudine hominis, ad quam tendunt Christiani; Tamen vita æterna latius spectat, nam statum immortalitatis post innouationem mundi, & generalem carnis resurrectionem importat, cuius duæ sunt sortes, eaque maxime oppositæ: una gaudij est & felicitatis in regno cælorum: alia damnationis & summæ miserie in centro terræ, seu in inferno. Idcirco quæ de statu Beatitudinis hominis, & æterna damnatorum vita sciri debent, sub extremo hoc symboli articulo diligenter proponam, & accuratè, si Deus dederit, exponam.

Q V Æ S T I O I.

*An Homo in hac vita possit esse
Beatus?*

Sermo est de beatitudine perfecta, quæ qui fruatur, perfectè beatus est: de qua hæc definitio assignari solet, *Quod sit summum hominis seu naturæ, quæ beata est, bonum, cuius frui, & possessio perfectæ appetitum beati omnino satiat, explet, & quietat.* Ita ut beatus is sit, qui possidet id, unde plenissimè gaudet, ut notat S. August. lib. 10. confess. cap. 12. Quare nec indolentia, seu omnis incommodi corporis carentia, nec voluptates corporeæ, nec bona fortunæ aut animi, ut virtutes, in hac vita mortali nusquam hominem efficiunt beatum, ut acutè & solidè probat August. lib. 13. de Trinit. cuius rationis summa hæc est.

Supposita communi sententia, omnes velle esse beatos, & consequenter si quis verè beatus est, cum non possit esse neutrum circa beatitudinem, ita ut nec velit nec nolit esse beatus; quia non potest suam beatitudinem non amare, & qua in re eam sitam esse existimat, ipsam

summè amat. Qui ergo beatus est, is ita suam beatitudinem amat, & statum suum, ut æternum eum esse velit, nec verè beatus esse potest qui timet, ne beatitudo sua se deserat, non enim beata vita est, nisi quæ in beati potestate est; quia beatus aliter esse non potest, nisi qui habet quicquid vult, & nihil mali vult. Nec is beatus est, qui quoquo modo à beatitudine sua excedere potest; vel enim eam amittere volens, vel nolens, vel neuter; non volens, quia quomodo beatitudinem expertus eam non amat, aut volens amittit, cum nemo etiam miser non possit non velle esse beatus? Non etiam neuter esse potest, ob eandem rationem, quia beatitudo non est de numero rerum indifferentium, sed summum bonum est, quodque homo non potest non amare, nec id amatur quod vitrum vigeat aut pereat, indifferenter accipitur. Si igitur beatus suam beatitudinem amittit, nolens amittit, tantòque magis nolens, quanto amabilius est beatitudo; ergo miserrimus est, eò maxime quod cum summè delectaretur, summè in amissione tristatur. Nec is solum qui eam tanto cum dolore amittit, miser & non beatus est, sed etiam qui eam fruens, ne ipsam perdere cogatur, timet, nec censendus est frui beatitudine quam in sua potestate non

non habet : cum cuiusque rei fructus & vera possessio id habeat, ut qui eam fructur, possit eam habere quamdiu vult, quia alioquin eam in sua potestate non haberet, quæ tam vera est ratio possessionis alicuius boni.

Hinc concludit S. August. neminem beatum esse posse, qui non sit immortalis, nec vitæ huius mortalis conditionem ferre, ut quisquam in ea beatus esse censendus sit.

Et in lib. de beata vita disput. 1. hæc habet axiomata.

Omnis qui quod vult non habet, miser est.

Quod bonum sui possessione beatum facit, id semper manens, nec ex fortuna pendulum, nec ullis casibus subiectum esse debet.

Qui timet, beatus non est, quod autem amat quisque si amittere potest, non potest continere, nisi imprudens, & stultus est : magna autem miserie pars est stulticia ; ac licet non omnis sapiens, eo ipso quod sapiens est, beatus sit, si tamen sapiens non est, beatus esse non potest.

Quod si huius vitæ mortalitas cum statu beatitudinis pugnat, multo minus hæc vita nostra tot malis, tam animi quam corporis afflictis incommodis, & erroribus dici potest beata. Beatum enim aliter neminem esse posse sentiunt omnes, nisi habendo quod velit, & nihil patiendi quod nolit. Molestias autem quaslibet vir quidem sapiens fortiter tolerat, sed ita ut eas esse nolleret, non enim qui tolerat, id amat quod tolerat, licet id tolerare velit, & tolerantem amet.

Cumque non nisi malum toleretur, non quia malum est, aut propter se toleratur ; nec quicquam prudens tolerantem, aut fortem patientiam propter ipsammet amat patiens, sed propter aliquod bonum, ad quod per patientiam pervenire sperat. Qui autem sperat, is nondum beatus est, sed per patientiam expectat beatitudinem, quam nondum tenet. Si quis vero sola patientiæ honestate delectatus, sine ulla spe mercedeque cruciatus, adhibet tolerantiam, non est beatus veraciter, sed miser fortiter : neque enim propterea miser non est, quia miserior esset, si & impatienter miseriam sustineret. Vide S. Aug. 9. civ. 4.

Nec dicam cum Stoicis, quod sapientia seu virtus contentum faciat hominem sua sorte, quia omne quod volet, habebit ; quia nil aliud quam quod accidet, volet. Respondeo enim, nullam virtutem per seipsam esse beatitudinem, aut beatum facere, quem ab omnibus malis non liberat, sed tantum ne iis opprimatur, corroborat, datque ei, ut etiam in malo sit bonus, & finis malis omnibus, atque impletis bonis omnibus sit beatus. Quod autem virtus studiosum per se non faciat beatum, patet, quia ille labi potest in vitium, & si constans ita sit, ut ne pravus fiat, prudenter non timeat, nihilominus tamen eum ab omni furoris & insanie periculo & timore non liberat.

Nec in statu innocentie, in quo Adam creatus est quantumvis iucundissimo, beatitudinem ultimam, quam homo naturaliter appetit, locum habere potuisse, assero. Nam in eo statu proficere & melior fieri in naturali potuisset cognitione, & amore boni, & nova incrementa virtutum acquirere : ergo nunquam factus fuisset optimus, seu ita bonus, ut vi status nec deter-

rior, nec melior fieri posset. Tum, in illa vita homo aliquando dormivisset, & ab omni saltem perfecto virtutis actu cessasset ; beatitudinis autem veræ & simpliciter dictæ, de qua hic agitur, status is est, ut qui beatus est, continuam, & nullo unquam tempore interruptam habeat operationem illam, quæ beatitudo formalis est, & ex qua delectatio maxima oritur. Absurdum autem aiunt ipsi Philosophi, si quis dormientem beatum dicat.

QVÆSTIO II.

An solus Deus sit hominis Beatitudo, eaque supernaturalis?

Suppono 1. Beatitudinem hominis formalem, & quæ is obiectivam attingit, ut hac fruens sit formaliter beatus, esse aliquam ipsius actionem immanentem, non transeuntem : hac enim agens non perficitur foris aliter, sed tantum aliquod externum subiectum suæ operationis vel seu affectionis perficit. Ita sentiunt, quotquot de beatitudine philosophantur, quia beatus nemo est, nisi cum perfectionem suam assequutus optimè se habet ; qui autem agit actione immanente, is longè melius se habet, quam qui agere tantummodo potest ; Eamque ob causam Deus non habet actiones immanentes, nec intellectiones, aut affectus mutas, sed eosdem actus, & intellectus, & voluntatis æternos ac immutabiles habet, licet quotidie operetur novas operationes transeuntes, & aliquid novum efficiat : sicque res creatas mutans & perficiens, ipse non mutatur, nec de nouo perficitur.

Suppono 2. actionem quæ homo beatus sit, non esse sensus ullius aut potentiæ materialis, quia eas omnes facultates habet communes cum brutis : nemo autem Philosophus bruta felicitatis aut miserie capacia facit, sed solas naturas intelligentes. Sensuum autem omnium, tam externorum quam interiorum, operationes suas bruta ad vegetantis vitæ commodum, specialiter ad pastum, & generationem, nutritionemque prolis referunt : pugna enim & victoria si delectari noverunt, ad illa duo ordinantur ; quia enim in iis, quæ ad pastum aut generationem spectant, aliquod impedimentum tollendum, aut aduersarium vincendum habere possunt. idcirco victoriam & pugnam, & actiones erga heros aut socias animantes ludicras exercent ; vita autem vegetativa incapax est beatitudinis, quare nec brutum nec homo, in iis quæ cum bruto communia habet, beatus esse potest.

Quod si homo alium ob finem, quam ob vegetationem sensuum muneribus tingitur, nec idcirco beatitudo eius potest esse in sensus alicuius operatione ; nullus enim est in homine ad se ordinatus, ita ut sit sui gratia, sed vel refertur ad vegetantis animæ bonum, ut in brutis ; vel ad intellectivam partem, si enim homo audit aliter, id facit, ut credat docenti, & disciplinam scientiam acquirat : sicut visus servit intellectui, ad scientias inveniendi comparandas, & earum principia attingenda. Atque hic

Lector obseruet, duos istos sensus datos esse homini, ut per eos veritatis principia, & causas rerum eiusdem hominis mens attingat. Duplex enim rerum principium & causa est, altera naturalis, altera libera. Hæc non nisi auditu, & per reuelationem eius, qui quod liberè volt, & cordis sui secreta audienti significat, attingi potest. Naturalium autem causarum, ex quibus scientiam acquirere potest homo, causa princeps, & vniuersalis eorum est, ad quod intuentium os hominis sublime, & oculi erecti mentem ipsius excitant, & veluti ducunt, ut fateatur cum Eccl. 43. *Quia magnus Dominus, qui fecit illum. Solem scilicet.*

Quamobrem fatentur modò Philosophi, beatitudinem in intellectu hominis querendam esse.

Quia verò triplex est, seu triplicis rationis operationes. habet, ob quas dicitur speculatiuus, practicus, effectiuus, & solus speculatiuus est sui gratia; idcirco extra eum frustra hominis beatitudo queritur. Sanè effectiuus est totus in rebus corporeis procurandis, quia artifex est, dirigique artes, quæ, ut 1. metaphys. cap. 1. docet Arist. vel ad res vitæ humanæ necessarias, vel ad delicias suppeditandas tendunt. Practicus autem circa virtutes morales, & bona media versatur, nec finem ipsum vltimum, & beatitudinem proximè attingit. Solus igitur speculatiuus summæ felicitatis locus est, & in eo solo beatitudo sedem habet.

Enim vero triplex eius functio est; aut enim circa principia rerum causasque occupatur, aut ex iis ratiocinando scientiam haurit, aut postquam per causas, & ex iis manantes effectus multa meditatione discurrens & indagans reperit tandem vno sapientiæ intuitu quieto fixoque obtutu in causis, non iam ampliùs in confuso cognitis, ut priùs, sed comprehensis, effectus, & in essentiis substantiisque accidentia propria contemplantur. Vnde quicquid faciliè intelliget, totam sapientiam habere beatæ operationis condiciones, quæ non addit dolorem, sicut indagatrix scientia; sed tranquilla suauitate delectat & pascit; vnde dicitur sapida scientia. His prælibatis.

Resolutio Catholica, beatitudinem in supernaturali & quidditatiua & intuitiua Dei, prout in se est, visione ponit, quam perfectus amor eiusdem, delectatio summa, & ut scriptura dicit, *gaudium Domini*; animæ quies tranquillissima, & aliæ veræ consummatæque felicitatis dotes consequuntur.

Probatum ex Scriptura: Ioan. 17. *Hæc est vita æterna, ut cognoscant te solum verum Deum, & quem misisti, Iesum Christum.* Quod ipsemet Ioan. videtur interpretari 1. epist. c. 3. *Videbimus eum sicuti est, cum apparueris, similes ei erimus.* Significat enim, beatitudinem ex iis duobus constare, tum quod Deum intuebimur, qualis in natura & substantia sua est, tum quod veluti dii efficiemur: Nam qui illo fruuntur, quamuis propriam substantiam non amittant, tamen quandam prope diuinam formam induunt, ut dii potius quam homines videantur, ob omnimodam perfectionem, quam tunc possidebunt in anima & in corpore; unumquodque enim tantò perfectius est, quanto magis coniungitur principio essendi, quod est Deus. Nunc quidem per fidem apprehen-

sus, seu *Per speculum & in enigmate*, ait Paul. 1. Corinth. 13. *Tunc autem facies ad faciem.* Perfectissimus autem modus, quo anima nostra coniungi potest Deo; est, si eum intelligat, & in eo per adhesionem, & plenum amorem acquiescat, nihil inde potest appetere: vnde Dauid ait; *Satiabor, cum apparueris gloria tua, &c.* Moses Exod. 33. *Ostende mihi faciem tuam.* Et Apostoli per Philippum: *Ostende nobis Patrem, & sufficit nobis*; Quiescit enim naturaliter in centro omnis creatura, Deus autem est centrum & finis creaturæ rationalis. Hinc celebris illa S. Augustini lib. 1. confess. cap. 1. ad Deum confessio. *Quia fecisti nos ad te, & inquietum est cor nostrum, donec requiescat in te, &c.*

Probatum hæc veritas à SS. Patribus August. in lib. de natura boni cap. 7. *Tale, inquit, bonum est Deus, ut nemini eum deserenti bene sit: & in rebus à Deo factis, tam magnum bonum est natura rationalis, ut nullum sit bonum, quo beata sit, nisi Deus.* Vide, ut ex natura ipsius hominis & Angeli, solum Deum asserit posse esse eius beatitudinem. Fulgent. in lib. ad Monimum: *Creatura rationalis alia beatitudo non potest esse, nisi ut agnoscens a quo non solum facta, sed etiam à quo facta rationalis est, maiorem dilectionem exhibeat bono creatori, quam sibi. Neque enim ei inesse posset vltimæ ratio, nisi posset creatoris inesse dilectio, &c.*

Probatum ratione S. Thomæ 1. 2. quæst. 2. artic. 6. Bonum quod est vltimus finis, est bonum perfectum, complens boni appetitum; Appetitus autem humanus, qui est voluntas, est boni vniuersalis; quodlibet autem bonum inhaerens ipsi animæ, aut alteri creaturæ, est bonum participatum, & per consequens particulatum: vnde impossibile est, quod aliquod eorum sit vltimus hominis finis, ergo solum bonum infinitum, quod est Deus.

Tum, quælibet res tunc in se perfecta est, suamque vltimam perfectionem assequuta, quando suo principio effectiuo, quam simillima esse potest, effecta est. Rem autem totam suam perfectionem habere; idem est ac finem suum vltimum esse assequutam; igitur cum principio suo, id est, Deo vnitur, quantum potest, ut sit in clara visione, tunc creatura rationalis est perfecta; Ergo clara visio est beatitudo creaturæ rationalis.

Dices, bruta Deum habent pro suo principio effectiuo, & ad eum tanquam finem suum vltimū referuntur, ergo non habebunt summam perfectionem suam, nec finem suum vltimum assequuntur, nisi Deum ipsum attingant, & prout in se est, videant & amant.

Respondeo verum esse, quod res aliquæ corporeæ referuntur ad Dei gloriam, ut de fine mundi docent omnes: ac cum ex non sint intelligentes, non agunt propriè, sed potius aguntur propter finem; & ut finem illum vltimum vniuersi non intendunt, ita nec eo fruuntur, Animal, y. g. bonum vegetantis animæ tantum spectat, non bonum vltimi finis.

Quæres, An ex partu naturalibus possit homo adipisci beatitudinem?

Respondeo, quod non; probatur ex scriptura: Rom. 6. *Gratia Dei, vita æterna, &c.* maior est

est error dicere, quodd homo ex puris naturalibus possit attingere ad gloriam, quàm sit error Pelagij, qui hoc dicebat de gratia: nam non minùs mirabiliter Deus beatificat creaturam, quàm gratificet, sed gratificat immediatè, & impossibile est aliquam creaturam concurrere cum eo.

Scorus dicit, quod nec intellectus nec voluntas sunt causæ actiue, nec totales nec partiales suorum actuum beatificorum; sed sunt in potentia passiuà tantùm, & receptiuà perfectibilis naturaliter per tales actus, & in potentia naturali respectu ipsorum licet in potentia obedientiali tantùm, respectu Dei, qui potest de creatura & in creatura, facere quicquid non implicat. S. Thomas sic idem probat; homo est principium naturaliter actuum illorum per intellectum & voluntatem, sed beatitudo excedit intellectum & voluntatem, ut dicitur 1. Corinth. 2. *Nec oculus vidit, nec in cor hominis ascendit.* &c. Ergo homo per sua naturalia non potest assequi beatitudinem.

Dices, homo est nobilior irrationabilibus, sed hæc suos attingunt fines per naturalia, ergo multo magis homo.

Respondeo, quod nobilioris conditionis est natura, quæ potest consequi bonum perfectum, licet indigeat exteriori auxilio, quàm natura, quæ imperfectum bonum ex se consequitur.

Instabis, natura non deficit in necessariis, sed nihil est tam necessarium, quam id per quod finem vltimum consequitur; Ergo hoc naturæ humanæ non deest, ergo per sua naturalia potest assequi.

Respondeo, quod sicut natura non deficit in necessariis, quamuis non dedit homini arma regumenta, sicut aliis dedit animantibus, quia dedit ei rationem & manus, quibus potest illa sibi comparare: ita hic non deficit, licet non daret aliquod principium, quo posset consequi beatitudinem; Sed dedit ei liberum arbitrium, quo posset ad Deum conuerti, qui eum beatum faciat; quæ enim per amicos possumus, per nos aliquid potest, ut dicit Arist. 3. Ethic. c. 3.

Scorus ergo concludit, quod nulla creatura potest esse sufficiens actuum principium, respectu beatitudinis: quia non habet in se Deum formaliter secundum propriam rationem, nec etiam habet eum eminenter; & sic non habet causam actiuam beatitudinis. Quod si dicas, potentia passiuæ naturali respondet actiua naturalis. Respondet, quod non, nec ideo frustra est, quia datur actiua Dei potentia; per quam reducitur ad actum; sicut patet de anima rationali in corpore, & sic dicitur de potentia naturali & de beatitudine in mente.

QVÆSTIO III.

An visio Dei intemita sit possibilis intellectui creato?

Questio intelligenda est, non de potentia naturali, certum est enim nullum intellectum humanum posse naturaliter ad illam clare in Professionem Fidei.

ram essentia diuinæ cognitionem peruenire; unde merito ab Ecclesia proscripti sunt Arius & Eunomius; & illorum discipuli Anomæi, qui, ut refert S. Epiphanius. hæc. 76. non minus impiè quam stolidè se perfectè, & clarè Dei essentiam videre & cognoscere iactabant. Proposita igitur questio intelligi debet de potentia obedientiali, seu, an intellectus creatus aliquo auxilio & lumine supernaturali possit ita confortari & eleuari, ut ad claram essentia diuinæ cognitionem peruenire queat?

Dicendum est, illam esse possibilem hanc enim à Beatis videndam, astruit fides.

Probatur ex scriptura Matth. cap. 5. *Beati mundo corde, quoniam ipsi Deum videbunt.* Et cap. 18. *Angeli eorum semper vident faciem Patris mei, qui est in calis.* Ioan. cap. 3. *Similes ei erimus, quoniam videbimus eum, sicuti est.* 1. Corinth. 13. *Videmus nunc per speculum & in enigmate, tunc autem facie ad faciem: nunc cognosco ex parte, tunc autem cognoscam, sicut cognitus sum.*

Probatur ex definitione Benedicti Papæ II. in extrauaganti, cuius meminit Alphonsus à Castro. Item ex Conc. Florent. in decreto vnionis, in quo determinatum est, animas iustorum in cælo clara Dei Trini & vnus visione & fruitione esse beatas.

Probatur ex SS. Patrib. Irenæo lib. 4. cap. 27. *Deus incomprehensibilis visibilis se & comprehensibilis, & capax hominibus præstat ut viuificet percipientes & videntes se.* Et paulò post: *Homines igitur videntes Deum, & viuunt, per visionem immortales facti, & pertinent usque ad Deum.* August. lib. 13. de Trinit. *Eo ipso quo anima imago Dei est, ipsum capax est.* Bernardo serm. 4. de omnibus SS. *In hac eris vita aterna, ut cognoscamus Patrem & Filium cum Spiritu Sancto, & videamus Deum sicuti est, non modo sicut inest, nobis videlicet, aut ceteris creaturis: sed sicut est in semetipso.*

Probatur rationibus, homo, ait S. Thom. habet appetitum, & desiderium videndi clarè Deum, cum enim videt effectum, naturaliter appetit videre causam. At si clara visio non esset possibilis, sequeretur Deum frustra & sine ratione desiderium illud indidisse nostræ naturæ, quod omnino dici non debet; desiderium autem naturale vel inclinatio non est respectu impossibilem; ergo Deus videri potest. Scor. 4. sent. dist. 49. qu. 8. sic ait, videtur mihi quod per rationem naturalem potest probari assertio, sublata status istius imperfectione, quoad cognitionem. Primum ex parte obiecti, sic omnis potentia habens obiectum primum adequatum, potest per se in quolibet contento sub illo obiecto, sed primum obiectum intellectus humani est Ens, ergo & quodlibet in quo saluatur ratio entis; est obiectum per se eius, sed est impossibile, quod quietetur in aliquo, nisi in summo totius analogia; sicut nec visus, nisi in pulcherrimo visibili; sed hoc non potest esse in cognitione eius in vniuersali, quia cognitio ut in vniuersali, non est illius ut in se, ergo erit eius ut secundum se ut in particulari. Nec Respondendas ex Philosophis, quod ens secundum analogiam, quantum ad immaterialia & immaterialia, non est obiectum intellectus nostri, sed tantum ens quantum ad materialia. Contra, impossi-

impossibile est cuiusque potentie aliquid cognoscere sub ratione communiori, quam sit ratio primi obiecti: sed intelligimus aliquid sub ratione vniuersaliori, quam sit quidditas materialis. Ergo impossibile est, quod materialis quidditas sit primum obiectum intellectus nostri adæquatum. Maior patet, minor etiam constat ex Aristot. qui 4. Metaph. dicit, quod est quidam scientia entis, in quantum ens, sed ens ut sic, non est quidditas tantum materialis. Dices, volo quod sit aliquis conceptus communior, quam sit entis materialis, tamen ille conceptus non est causatus, nisi à quidditate materiali. Contra, impossibile est felicitatem intellectus nostri esse in aliquo conceptu, qui est minus perfectus, quam sit conceptus rei sensibilis, causatus per actum sensitivum; sed quicumque conceptus de Deo causatus ex sensibilibus, est imperfectior, quam actus cognitionis sensitivæ. Ergo in nullo tali est beatitudo: probo minorem, impossibile est intellectum agentem cum obiecto suo causare conceptum perfectiorem suo perfecto verbo, quia realiter est effectus sibi adæquatus; sed vnus effectus est adæquatus vni causæ, ergo non potest perfectiorem illo causare de Deo; & sic tunc responsio ista destruit Philosophum, qui ponit beatitudinem in perfectissima cognitione, & hanc ponit substantie entis.

Secundo probat Scot. ex parte potentie, quia quod est perfectionis simpliciter in aliquo genere, si competit inferiori in illo genere, competit & superiori; sed cognitio intuitiva competit sensui, ergo multo magis intellectui.

Hanc rationem improbat Suarez; primo, quia non est necesse, ut omnis perfectio, quæ conuenit inferiori naturæ, conueniat superiori, extra Deum; nam esse incorruptibile, est perfectio simpliciter, hæcque conuenit quibusdam substantiis minus perfectis, quam ab aliis, quibus non est ista proprietas in 2. arguit, claritas est perfectio simpliciter cognitionis, & naturali scientiæ conuenit, non autem fidei, cum tamen fides sit simpliciter perfectior, ergo quod est perfectionis in aliquo inferiori, non debet conuenire superiori 3. arguit, etsi idem intellectus sit capax visionis intuitivæ, tamen non est capax intuitivæ Dei, quia eleuatissimum est hoc obiectum, potestque superare vires intellectus.

His non obstantibus, valet ratio Scoti, nec evertitur à Suarez, nam

Ad primam rationem in contrarium, Respondeo, si incorruptibilitas attendatur in eodem genere materialium, sic enim loquebatur Scotus, quæ est incorruptibilitas vel corruptibilitas in inferioribus; erit etiam in superioribus, quoad principium intrinsecum, & sic cæli, in opinione Scoti, sunt æquæ corruptibiles ac homo, cum materia sit principium intrinsecum corruptionis, & eadem spetie sit rerum cælestium ac sublunarium: verum est, cælos esse incorruptibiles ab extrinseco agente, ut ait Scotus, cum non habeant contrarium agens quod vincat: Homo vero sit corruptibilis ab agente extrinseco, quamuis sit substantia perfectior cælis, sed hoc est per accidens, & non in genere materiæ.

Ad 2. nego fidem in entitate sua naturali esse perfectiorem ipsâ scientiâ, & ideo euiden-

tia scientiæ non debet ei conuenire: Nego etiam in genere cognitionis esse perfectiorem scientiâ, solum enim fides perfectior est, quia ab agente creato non potest produci, item ex eo quod meritoria sit, non autem scientiâ: sed loquendo de cognitione: dico, esse perfectiorem scientiâ, eo quod sit euidens, non autem fides.

Ad 3. Respondeo Scotum loqui, sublata imperfectione status, quoad cognitionem. Quod si dixeris, intellectum angelicum non habere talem imperfectionem, cum non dependeat à sensibus. Respondet Scotus, Angelum habere cognitionem Dei abstractiuam, hoc modo intelligens quoddam species aliqua representat istam Dei essentiam, non quod naturaliter sit acquisibilis in tali intellectu, sed merè naturaliter.

Dices, Deum dici in Scriptura inuisibilem homini, sic Exod. 33. *Non videbit me homo, & viuet.* Tum dari debet proportio inter intelligibile & intellectum, sicut inter potentiam visibilem & obiectum visibile, distat autem Deus ab intellectu creato in infinitum.

Respondeo, omnes authoritates exponendas de cognitione impossibili, pro statu viæ, vel pro oculo corporeo, vel de intellectione comprehensua, quæ soli intellectui diuino competit, nullatenus creato, vel de visione ex solis naturæ viribus.

Instabis, plus distat Deus ab intellectu creato, quam intelligibile creatum à sensu, sed sensus nullo modo pertingere potest ad videndam spiritualem creaturam, ergo nec intellectus noster poterit pertingere ad essentiam Dei videndam.

Respondeo, quod duplex est similitudo & distantia, vna secundum conuenientiam in natura, & sic magis distat Deus ab intellectu creato, quam intelligibile creatum à sensu. Alia est secundum proportionalitatem, & sic est e conuerso, quia sensus non est proportionatus ad cognoscendum aliquid immateriale; & hæc similitudo requiritur ad cognoscendum, non autem prima, quia constat quod intellectus intelligens lapidem non est ei similis in esse naturali, sicut etiam visus apprehendit mel rubeum, & fel rubeum, quamuis non apprehendat mel dulce, fellis enim rubedo magis conuenit cum melle in quantum est visibile, quam dulcedo mellis cum felle.

Dices, capacitas videntis est finita, quia creatura est finita, quomodo ergo poterit suscipere visionem obiecti formaliter infiniti?

Respondeo quod est finita subiectiuè, non obiectiuè.

Contra. potentia & obiectum debent esse adæquata.

Respondeo quod non debent esse adæquata in ratione entitatis, imo necessariò debent esse diuersa, sed in proportionem; & sic non est inconueniens, quod natura finita secundum entitatem habeat capacitatem finitam, & tamen ordinetur ad obiectum infinitum in entitate: Inter enim potentiam & obiectum cadunt duæ relationes, quarum vna fundatur in potentia, alia in obiecto, quæ fundatur in potentia & terminatur ad obiectum dicitur capacitas: quæ fundatur

fundatur in obiecto ad potentiam dicitur finis: quando ergo in obiecto infinito fundatur relatio finis ad potentiam, illa relatio ratione fundamenti necessario est infinita, licet in se sit ens rationis, certum est autem quod Deus est ultimus finis voluntatis creatæ.

Dices, Deus est tantum sibi ipsi notus & sufficiens, ergo excedit capacitatem creatam.

Respondeo quod in ratione obiecti est adequatus ita sibi, sicut potentia creatæ, sed in ratione modi sibi soli est sufficiens, quia ipse solus seipsum perfecte intelligit.

Instabis, quomodo fieri potest quod Deus sit adequatum obiectum potentia creatæ in ratione obiecti, & tamen non sit adequatum secundum modum cognoscendi?

Respondeo hoc declarari exemplo; Ponatur albedo decem graduum, & visus qui videat albedinem illam quoad unum gradum, ille imperfecte videt albedinem illam: Ponatur alius visus qui videat illam quoad decem gradus, is adequatè videt in ratione obiecti. Ponatur alius visus qui sit perfectior hoc secundo, hic videbit illam albedinem etiam quoad decem gradus, & tamen visio eius erit perfectior, ergo erit perfectior non ex parte obiecti, sed ex parte modi videndi, siue ex parte actus videndi, quia iste ultimus habebit actum perfectiorem secundo, tamen secundus visus est adequatus illi obiecto in ratione obiecti, licet non in ratione modi videndi: Hoc ex Scoto valet in multis materiis.

QVÆSTIO IV.

An visio Dei detur nunc animabus sanctorum?

Multi notantur errasse in hoc puncto. Tertull. & Vigilantius differendam beatitudinem censuere post communem resurrectionem, & nouissime Caluin. lib. 4. instit. cap. 20. Alij ex Apocalypseo verbis prauè intellectis dixerunt, Christum cum sanctis regnaturum super terram mille annis, antequam ad celestem beatitudinem ac essentia diuinæ fruitionem illos deducat.

Conclusio affirmatiua est de fide.

Probat, ex Script. Luc. 23. vbi Christus dixit latroni secum crucifixo: *Hodie mecum eris in Paradiso.* In quibus verbis nomine Paradisi SS. Patres ipsam gloriam & visionem beatificam intellexerunt: ita Ambr. in hunc locum. Hieron. in cap. 9. Zachar. August. epist. 57. vbi ea verba eo sensu intelligenda existimat, vt à Christo dicta sint, non in quantum homo erat, sed in quantum Deus, cum quo futurus erat latro per ipsius claram visionem, quod est esse in paradiso, id est, paradisi gloria & beatitudine frui. Item ex 2. Corinth. 5. *Audemus & bonam voluntatem habemus magis peregrinari à corpore, & praesentes esse ad Dominum.* Hoc est, vt exponit August. lib. 14. de Trinit. cap. 2. Deum intuitiue & facie ad faciem videre.

Probat, ex decreto supra citato Concil. Florent.

Probat, ex SS. Patrib. Cyprian. lib. de exhortatione ad martyrium: *Quanta est dignitas & quanta securitas, exire hinc latum, exire inter pressuras & angustias gloriosum, claudere in momento oculos, quibus homines videbantur, & mundum, vt Deum videatur & Christus.* August. lib. 12. de Genesi cap. 34. vbi dicit, *animas Sanctorum esse in Paradiso siue in tertio celo, quo raptus fuit S. Paulus, easque in illo celo Dei substantiam, Verbumque Deum, per quod facta sunt omnia, ineffabiliter videre.* Ec in lib. meditat. cap. 22. *Felix anima, qua terreno resoluta corpore, libera calum petit, securam est & tranquilla, non timet hostem neque mortem, habet enim praesentem, carnisque indifferenter pulcherrimum Dominum, cui seruit, quem dilexit, & ad quem tandem lata & gloriosa peruenit.*

Probat, ratione, Deus cuius natura bonitas, cuius opus misericordia est, prouincul dubio est ad remunerandum, quam ad puniendum; Atqui animabus impiorum statim atque decedunt à corporibus, poenam æternam tam damni quam sensus infligit, vt patet de diuine epulone Luc. 15. cuius anima statim à corpore soluta, delata est in infernum, ibique poenis & cruciatibus affecta. Ergo multo magis credendum est, illum beatitudinem æternam, quæ in clarâ suæ essentia visione consistit, animabus iustorum concedere, statim atque ex hac vita perfecte à peccatis purgatæ, vel hic vel in purgatorio migrauerint.

Dices, ex Matth. cap. 20. & 25. in parabola operariorum, mercedem non nisi in fine diei omnibus simul operariis solui, & Apocalyp. 6. animas sanctorum visas esse sub altari, diuinumque responsum accepisse, vt expectarent adhuc modicum tempus, donec compleretur numerus statuum suorum. Ex quibus locis videtur sequi, visionis beatificæ fruitionem omnibus electis dandam post iudicii diem.

Respondeo, hæc & similia scripturæ loca intelligenda esse de beatitudine totali & completa, quæ non animæ solum, sed & corporis gloriam requirit, quæ quidem vt sit post corporum resurrectionem, secundum legem ordinariam reservatur.

QVÆSTIO V.

Quomodo Beati videant Deum, An per speciem impressam?

NOTA 1. Beatitudinem consistere in visione Dei sicut in se est, vt dicit scriptura. Vnde elicitur, visionem illam seu cognitionem esse intuitiuam, hæc autem est cognitio rei existentis, vt existens est, & præsens intellectu.

NOTA 2. duplicem esse cognitionem intellectui, abstractiuam & intuitiuam: Abstractiua est cognitio quidditatiua obiecti, prout abstrahit ab existentia actuali & non existens, scilicet quæ considerat obiectum siue existens, siue non. Intuitiua est cognitio obiecti ex-

L.L. 1 stentis,

rentis, ut existens est, & ut præsens est in propria existentia ipsi virtuti cognoscenti, utraque illa cognitio est evidens.

Et de abstractiua patet quod datur, quia scientia datur, scientia autem est de objecto prout abstrahit ab omni existentia actuali, & ab hic & nunc, nam existentia actualis pertinet ad singularia, quæ modò sunt modò non sunt, de illis autem non est scientia, sed de quidditate in communi, ut abstrahit ab existentia illa particulari.

Intuitiua patet in potentia sensitua, ut puta visus, intuetur enim obiectum ut existit, & ut præsens est ipsi potentie visui in debita proportionem.

Quod autem competit potentie inferiori, competere debet eminentius potentie superiori in eodem ordine; sed intellectus in genere cognitionis est eminentior sensu, ergo habet cognitionem intuitiuam. Confirmatur ex Theologia, quia secundum fidem expectamus cognitionem de Deo, non quæ haberi possit ipso non præsentem, sed illam quæ est faciei ad faciem, hæc autem est intuitiua, sicut sensitua est rei præsentis & existentis in seipsa, & est facialis.

Nota 3. quod cognitio abstractiua fit per speciem representantem obiectum, sed illud non est præsens; At cognitio intuitiua duplex est, alia quæ immediate est obiecti præsentis ut existentis in seipso. Alia est obiecti præsentis, sed mouentis mediante specie, ut cognitio calor.

Conclusio. Beati non vident Deum per speciem impressam, sed Dei essentia vnitur immediate intellectui Beatorum.

Probatum ex Scriptura. Matth. 5. *Beati mundo corde, quoniam ipsi Deum videbunt.* & 18. *Angeli eorum semper vident faciem Patris mei.* Videre autem faciem non est videre per speciem representantem, sed videre clarè in seipso. Vnde 1. Corinth. 13. *Tunc autem facie ad faciem.* & 1. Ioan. 3. *Videbimus eum sicuti est.* Si autem fieret per speciem representantem, esset in alio, & non facie ad faciem.

Probatum ex Sanctis Patribus, Augustino lib. 15. de Trinitate, cap. 9. *Cum Paulus dicit; videmus nunc per speculum & in enigmate, his nominibus quacumque similitudines ab ipso intelligi possunt significata; quæ accommodata sunt ad intelligendum Deum; sed videre Deum per essentiam non est visio enigmatica vel specularis, sed contra eam diuiditur.* Dionysio lib. de nomin. diuin. cap. 1. *Per similitudines inferioris ordinis rerum nullo modo superiora cognosci possunt, sicut per speciem corporis non potest cognosci essentia rei corporis.*

Probatum rationibus. Primam desumo ex Sancto Thoma, essentia diuina est aliquod incircumscriptum, continens in se supereminenter quidquid potest significari vel intelligi ab intellectu creato, & hoc nullo modo representari potest per aliquam speciem creatam, quia omnis forma determinata est secundum aliquam rationem vel sapientie vel virtutis, vel ipsius esse vel alicuius huiusmodi; vnde dicere Deum per aliquam similitudinem videri, est dicere, essentiam diuinam non videri. Secundum assero ex Scoto in 2. distin. 3. quæst. 7. Species ponitur ad hoc ut obiectum sit præsens

intellectui, & moueat ut præsens; tum ut intellectus determinetur circa tale obiectum, sed nec propter hoc aut illud ponenda est species circa visionem Dei: non ratione primi, quia obiectum essentie diuinæ est perfectissimè præsens intellectui: non ergo requiritur propter hoc. Quod si dicas speciem informare intellectum & obiectum essentie non informare, licet sit perfectissimè præsens. Respondet Scotus, accidens esse ipsi speciei, quod inhaereat seu actuet, & ideo obiectum non debet informare, sicut nec Angelus dum cognoscit substantiam suam, hæc non informat intellectum suum.

Nec propter secundum poni debet species, nam obiectum essentie diuinæ determinat intellectum ad visionem sui. Adde non esse multiplicanda miracula sine necessitate. Hic autem esset miraculum, ponere speciem ad hoc ut obiectum esset præsens, cum ipsum sit perfectissimè præsens.

Probatum non posse dari talem speciem. Non potest dari tanta cognitio in intellectu creato, ut cognoscat Deum sub propria ratione formali, quæ est Deus, ergo non potest dari species causans huiusmodi cognitionem. Consequentia probatur, quia quantumcumque contingit esse representatiuum, tantum contingit esse cognitionem causatam per illud; ergo à destructione consequentis, si non potest dari tanta cognitio, neque potest dari illud antecedens, scilicet species representans obiectum. Antecedens probatur, quia qui hoc modo cognosceret Deum, non solum quoad *An sit*, sed etiam quoad *quid sit* cognosceret à priori omnia conuenientia illi sed nulla creatura potest habere hanc cognitionem de Deo, ergo. maior probatur ex Aristor. 4. physic. ubi ait, *Quod definitio soluit omnes difficultates, & est principium omnium demonstrationis.* Ergo qui cognosceret Deum sub propria definitione, cognosceret omnes proprietates de Deo naturaliter à priori, quod est absurdum. Confirmatur, quia obiectum infinitum ut sic, non est representabile per aliquid creatum. Minor probatur, quia infinitas est ipsum, quod quid est Deitatis, alioquin Deus non esset primò essentialiter & intrinsecè ens infinitum.

Dices, intellectus in actu est intelligibile in actu, sicut sensus est sensibile in actu, hoc autem non est nisi in quantum sensus informatur similitudine rei sensibilis, & intellectus similitudine rei intellectæ. Ergo si Deus videtur actualiter ab intellectu creato, oportet quod videatur per aliquam similitudinem.

Respondeo, prænotando quod ad visionem tam sensibilem quam intellectualem duo requiruntur, scilicet virtus visiva & vnio rei visæ cum visu, non enim fit visio in actu vel intellectio, nisi per hoc quod res visa est quodam modo in vidente: Et in rebus quidem corporalibus apparet quod res visa non potest esse in vidente per suam essentiam, sed solum per suam similitudinem, sicut similitudo lapidis est in oculo, per quam fit visio in actu, non autem ipsa substantia lapidis. Si autem esset vna & eadem res, quæ virtutis visivæ principium, & quæ esset res visa, deberet videntem habere ab illa re virtutem visivam, & formam per quam videret: manifestum est autem, quod Deus est

author

author virtutis intellectus, & videri potest ab ipso intellectu creato, & cum ipsa virtus intellectiva creata non sit ipsa essentia Dei, relinquatur quod sit aliqua participativa similitudo ipsius Dei, qui est primus intellectus; unde & virtus intellectualis creaturæ, dicitur quoddam lumen intelligibile, quasi à prima luce derivatum.

Requiritur ergo ex parte visus potentia ad videndum Deum similitudo quædam, quæ intellectus sit efficax ad videndum, siue hoc sit lumen gloriæ, siue habitus supernaturalis eleuans intellectum.

Sed ex parte rei visæ, quam aliquo modo vniri videnti necesse est, nullo modo videri potest essentia Dei per similitudinem creatam, sed ipsa essentia vnitur intellectui creato, faciens per seipsam intellectum in actu seu intelligentem, idque est, quia non potest videri Deus specie cuius esse non est sua essentia, quia Dei esse est sua essentia. In nulla autem re creata est idem esse & essentia. Tum si talis species daretur, oriretur relatio similitudinis inter ipsam & Deum, sed hoc est impossibile; Ergo Consequentia probatur, quia illa species esset similis Deo, falsitas consequentis probatur, quia omnis relatio similitudinis fundatur in vnitatem aliquam in forma; ergo illa species esset eiusdem naturæ cum Deo. Ex confirmatur, quia species illa esset infinita in representando, & Deus est infinitus. Ergo essent eiusdem rationis.

Tum si daretur talis species essentia diuinæ posset eam Angelus viribus naturæ cognoscere & videre; Consequentia patet, quia est quid creatum, omne autem creatum potest naturaliter ab Angelo cognosci; falsitas consequentis probatur, quia tunc Angelus posset naturaliter videre Deum, quod est erroneum.

QVÆRES, *Quomodo essentia diuina immediate vniatur intellectui creato Beatorum?*

Respondeo, essentiam pro tanto vniri, quia vnitur & coniungitur ei immediate ad producendam intellectionem, eo modo quo species ipsa intelligibilis vnitur in ratione obiecti tantum, non autem aliis modis qui proprii sunt speciei, quia cum species sit accidens, recipitur in intellectu, tanquam in subiecto. At essentia diuina cum sit maxima substantia, non recipitur in intellectu, sed solum illi sese constituit præsentem in ratione obiecti tantum, vt de ea possit clicere visionem.

Nota Scotum supponere in 4. Sentent. distinct. 49. quæst. 11. possibilitatem speciei representantis Deum quidditatiuè, & in 2. Sentent. distinct. 3. quæst. 9. respondet rationibus præfatis contra possibilitatem illius, dicit enim res inferiores representare superiores, intelligi posse duobus modis, vno quoad cognoscibilitatem adæquatam & comprehensiuam absolutè, altero quoad cognoscibilitatem adæquatam, non absolutè, sed in comparatione ad talem potentiam & ad talem actum: rationes allatæ inquit, concludunt de specie impossibili secundum primum modum, non autem secundum: vel dico ex Scoto, quod duplex est species representans, & faciens cognoscere aliquid, alia est quæ representat tantum, & facit cognoscere vt cognita, alia quæ representat, & facit cognoscere, non vt cognita, sed tantum vt ratio cognoscendi. Rationes adductæ concludunt de specie primo

modo, non de specie secundo modo. Species autem de qua loquitur, est species 2. non 1. modo. Consulatur textus, argutè ratiocinatur. Negatiuam partem magis amplector.

Dices contra conclusionem. Obiecto perfectissimè præsentem ponitur species expressa seu Verbum, Ergo debet & impressa poni. Probatum antecedens, quia intellectio & cognitio obiecti est imago expressa obiecti, alioquin non esset vera cognitio obiecti, si ipsum non repræsentaret, sicuti est, idque testatur Augustinus lib. 9. de Trinit. cap. 10. *Notitia habet similitudinem ad eum, ad quem est notitia.* consequ. probatur, quia non est maior ratio de vna specie, quam de altera.

Respondeo, hoc argumentum torquere Thomistas, negantes dari Verbum seu speciem expressam, ex eo quod species creata non possit aliquid increatum repræsentare. Nam pari ratione nec poterit dari Verbum, quod est imago & repræsentatio obiecti. Nihil autem facit contra Scotistas, asserentes intellectum creatum se habere in visione Dei passiuè tantum & receptiuè, ideoque non indigere specie impressa, cum obiectum essentia diuinæ sit ex se præsentissimum.

Nota plures admittere speciem impressam. Sic Aureolus, Richardus, Alensis & nouissimè Vasquez 1. part. disp. 3. §. idque forsitan obrationem quam affert Scot. in 2. Sent. dist. 3. Visio beata creata est species expressa & exprimens Deum sicuti est, & tamen est quid creatum. patet, quia intellectio & cognitio obiecti est imago expressa obiecti, alioquin non esset vera cognitio obiecti, si ipsum non repræsentaret sicuti est, Ergo poterit dari species intelligibilis impressa finita & creata, quæ Deum repræsentet.

Vasquez ait, dari non quidem talem quæ prius visa faciat videre obiectum, vt imago Petri facit videre Petrum, sed quæ sit principium videndi.

Hæc opinio non præiudicat determinationi Ecclesiæ, quia Vasquez non negat Deum videri in se, sed ait videri in se mediante specie; quoniam aliqua cognitio intuitiva fit per speciem, vt corporea visio oculi fit per speciem receptam in oculo in debita approximatione, & tamen est intuitiva, & rei visæ secundum essentiam in se. Improbo tamen hanc opinionem, quia species intelligibilis impressa ponitur propter obiectum, quando non potest per se mouere potentiam, vt fit in cognitione nostra intellectuali pro hoc statu, quæ est abstractiua & ex sensibus, quoniam cum obiecta sint materialia per se sentiri non possunt à virtute sensitiua, quæ est spiritalis. At essentia diuina est obiectum per se sufficiens: intellectus est capax aptus natus ipsam intueri sine specie, ab illa enim nullam actiuitatem accipit, cum Deus vult se ei manifestare, quod pluries dicit Scriptura & noscum videre sicuti est. Superflua ergo est hæc species intelligibilis, Deus enim ex se est præsens & mouens.

QVÆSTIO VI.

An Deus videatur per verbum creatum à videntibus productum?

Affirmatur communiter, nec dissentit Scot. licet expresse non dicat; ut patet in 4. dist. 49. qu. 11. nam etsi posuerit intellectum non producere visionem, & ideo negauerit lumen gloriæ, asserit tamen Beatos ipsa visione videre, & ex hoc colligitur posuisse verbum. Tenent hanc sententiam August. lib. 14. de Trinit. Suarez. Probatur ex scriptura, quæ hominem testatur esse imaginem Dei. Gen. 2. Deus autem intelligendo seipsum producit Verbum, ut Ioan. 1. nominatur, quod proprie & strictè loquendo non est ipsum intelligere, sed est aliquid productum intelligendo, tanquam imago & expressio rei intellectæ.

Probatur ex SS. Patrib. S. Thoma 1. part. qu. 27. art. 1. *Quicumque intelligit, ex hoc ipso quod intelligit, procedit aliquid intra ipsum, quod est conceptio rei intellectæ ex vi intellectiua proueniens, & ex eius notitia procedens, quam quidem conceptionem vox significat, & dicitur verbum cordis significatum verbo vocis.* Probatur ex Scoto qu. 3. quodlibetali, dum ait actus immanentes esse qualitates: sic ergo dicitur, beata visio est qualitas siue à Deo siue ab intellectu creato producta, mediante lumine gloriæ, ut per eam formaliter constituatur intelligens. Ergo est verbum creatum illius obiecti, quod per qualitatem illam videtur, id est, ipsius Dei, ut est in se: Antecedens patet, nam talis intellectio creata est siue à Deo, ut vult Scotus, siue producta ab intellectu beati, ut volunt alij, quod si creatur est accidens, ergo est qualitas.

Dices non esse qualitatem, sed puram actionem, eaque ratione negabis esse similitudinem: sed profectò si interuenit realis actio in visione Dei, necesse est actionem illam habere terminum, quia intelligi non potest productio, quin productum aliquod ei respondeat. Et probatur ratione, quia si actus mentis non sit per actionem, non potest esse nisi qualitas; si autem sit per actionem, actio illa terminari debet ad qualitatem, & illa est quæ ultimè respicit & actuat potentiam, quæ producit illam: in quo completur ratio & effectus formalis actus immanentis. Hæc ergo qualitas necessaria est in mentibus Beatorum.

Iam vero probatur consequentia. Quia verbum nostræ mentis nihil aliud est, quam internus terminus illius actionis intellectualis, per quam intelligimus. Sed in videntibus Deum est actio realis intellectus (secundum alios, secundum vero Scotistas illa actio supplebitur à Deo) per quam intelligunt, & illa habet suum terminum internum, ergo ille terminus est Verbum. Addo quia illa qualitas ad quam terminatur illa actio, est conceptus & notitia mentis, ergo est similitudo obiecti cogniti, iuxta doctrinam S. Augustini, ergo est verbum.

Dices, vbi per intellectionem producitur verbum, intellectio immediatè terminatur ad verbum, & per verbum ad rem cognitam: si ergo videntes Deum producant verbum creatum, intellectio eorum non immediatè terminabitur ad Deum in se, sed ad rem creatam: hoc autem non potest dici, quia beati non viderent Deum immediatè in se, sed in aliqua similitudine.

Respondeo, actionem propriam quæ accidit in visione beatificâ, immediatè tendere ad verbum creatum, ut ad rem productam, ad Deum vero ut obiectum, quia ad illum tendit ut ad rem cognoscendam, non ad suum terminum: Actio tamen ut sic, non vnit intellectum perfectè ipsi obiecto, quia est tantum via ad vniionem, nec verbum ipsum seu actus intelligendi in facto esse vnit mentem Deo immediatè, ut obiecto suo primario.

Instabis, in intelligentibus creaturis verbum ponitur, tantum ut suppleat vicem obiecti vel absentis vel non satis intelligibilis per seipsum, sed in visione Dei Deus est per seipsum præsentissimus & intelligibilis.

Respondeo, verbum præcisè poni in intelligente, propter imperfectionem & conditionem naturalem talis potentie, quæ quatenus est potentialis indiget propriâ formâ, qua in actum redigatur: quatenus vero intellectiua est, indiget formâ repræsentatiuâ, & hæc vocatur Verbum seu Species expressa.

Instabis, repugnat dari speciem creatam & finitam Dei, prout in se est.

Respondet Scotus, quod non requiritur talis proportio inter potentiam & obiectum, quod sit æqualitas in entitate, nam nec cum lumine gloriæ vnquam visibilis esset Deus, quia illud est finitum: Sed tantum proportio motiui ad motum, imò magis requiritur dissimilitudo, ut est inter actiuum & passiuum.

QVÆSTIO VII.

An detur lumen gloriæ in intellectu Beatorum?

Questio de lumine gloriæ potest duobus modis tractari. Primò, an de facto & secundum ordinariam legem Dei sit necessarium? Secundò, de possibili, seu, an de potentia absoluta beati videre possint essentiam Dei sine illo lumine?

Respondeo ergo loquendo de facto, necessarium esse auxilium aliquod supernaturale, quo intellectus creatus confortetur & eleuetur ad visionem claram Dei eliciendam, quod est qualitas & habitus præcedens visionem beatificam.

Probatur ex Scriptura Ps. 35. *Apud te est fons vite, & in lumine tuo videbimus lumen.* Apoc. 21. *Claritas Dei illuminabit eam.* Scilicet, societatem beatorum videntium Deum, ut explicat S. Thom. qu. 12. art. 5. vbi ex duobus his locis infert, necessitatem luminis gloriæ.

Probatur ex Conc. Viennensi sub Clemente V. in quo inter alios errores Beguardorum, & Beguinarum, iste quinto loco recensetur: *Quod anima non indiget lumine gloria eleuante illam*

illam ad Deum videndum, & eo beatè fruendum, & ibidem tanquam hæreticus damnatur: ibi etiam refertur Clementina, ad nostrum de hæreticis.

Probat ex SS. Patrib. August. lib. 1. de peccatorum meritis & remissione cap. 19. ubi sic loquitur: *Verumtamen si percepto baptismo ex hac vita emigraveris, soluto reatu cui originaliter erat obnoxius, perficietur in illo lumine veritatis, quod incommutabiliter manet in æternum iustificatos, præsentia creatoris illuminat.* Gregorio lib. 4. dialog. cap. 33. *Quia enim illa omnes, scilicet anima Beatorum communi claritate Deum conspiciunt, quid est quod ibi nesciant, ubi scientiam omnia sciunt? Ibi communis claritas ponitur pro lumine gloriæ.*

Probat rationibus, quia impossibile est intellectum esse causam visionis, nisi habeat obiectum præsens, in seipso, in ratione obiecti, sed natura humana ex suis viribus naturalibus non habet Deum in se præsentem in ratione obiecti, nec in alio in quo eminentius contineatur, quia nihil tale datur, quod Deum eminenter contineat; Ergo ex se non sufficit ad habendam claram notitiam naturæ diuinæ. Tum, sicut quando obiectum est naturale, potentia non potest attingere illud sine concursu generali Dei, ita quando est supernaturale, non poterit potentia sine supernaturali auxilio Dei habere actionem circa illud. At in visione beata obiectum est supernaturale, ergo sine lumine gloriæ, quod est auxilium supernaturale, intellectus humanus non poterit videre Deum. Præterea, si intellectus ad eliciendum actum fidei supernaturalis in hac vita, indiget aliquo auxilio supernaturali, multo magis indigebit ad eliciendum actum visionis beatificæ, cum longè sit perfectior, & superemineat multo magis naturali facultati ipsius intellectus. Atqui certum est, intellectum non posse sine aliquo supernaturali auxilio elicere actum fidei, spei, charitatis, ut definitum est in Conc. Trident. sess. 6. can. 2. & 3. & antea definitum fuit in Conciliis contra Pelagium congregatis. Ergo à fortiori idem intellectus ad eliciendum actum visionis beatificæ, indigebit auxilio quodam supernaturali, & illud est quod à Theologis vocatur lumen gloriæ.

NOTA lumen gloriæ esse qualitatem habituale infusam à Deo intellectui creato, illique per modum habitus inhaerentem & permanentem, quæ eleuatur potentia cognoscitiua permanentem & modo sibi connaturali, ad Deum clarè videndum: cum enim status beatitudinis sit permanens, debet etiam habere modum sibi conuenientissimum, quo intellectus perficiatur permanentem, per aliquid sibi inhaerens, ad visionem illam eliciendam, in qua essentialis eius beatitudo consistit. ita communiter Theologi.

Scot. in 1. sent. dist. 17. qu. 2. tribuit habitui actiuitatem minus principalem ad effectum simul cum potentia, quod si nolimus admittere actiuitatem in lumine gloriæ, quod se habet per modum habitus, non est neganda causalitas inclinationis in potentia ad actum visionis, requiritur ergo lumen gloriæ tanquam habitus siue instrumentum & medium ad Deum videndum, non quia ille habitus seu lumen det aliquam virtutem, sed quia intellectus

sine illo instrumento non posset producere suum effectum: sicut duo trahentes dicuntur mutuo se adiuuare, non quia unus perficiat virtutem alterius, sed quia unus sine alio non potest producere effectum suum. Ita in proposito, Deus enim est excellentissimum obiectum, & excedens vires naturales ipsius potentie visus, quæ respectu eius se habet veluti oculus nocturnæ ad solem, propter fulgentissimam lucem suam, ideo opus est lumine tanquam medio, quo illustratus & adiutus possit, figere mentis aciem in essentiam Dei, & promere visionem beatam.

Dices, quanto obiectum est magis in se lux, tantò minus propter ipsum requiritur de lumine tanquam medio, sed essentia diuina est maxima lux, ergo ad eam videndam non requiritur lumen gloriæ.

Respondeo ex Scoto, argumentum concludere, non esse necessarium absolute de potentia absoluta, quod & docuit Scotus: Concludit tamen de potentia ordinaria esse necessarium lumen, quia licet Deus sit in se lux fulgentissima, est tamen obiectum voluntarium, & ostendit se quibus vult, & quantum vult; ideo cum ex se sit obiectum occultum, necessarium est aliquod lumen, in quo nobis innotescat, alioqui viribus nostris relictis nequaquam eum videbimus.

Instabis, quod est per se lucidum in rebus sensibilibus, non indiget alio lumine ut videatur, ergo nec in intelligibilibus; sed Deus est lux intelligibilis, ergo non videtur per aliquod lumen creatum.

Respondeo hoc non esse necessarium, ad hoc ut essentia fiat intelligibilis, quæ secundum se talis est; sed ad hoc quod intellectus fiat potens ad intelligendum, per modum quo potentia sit potentior ad operandum per habitum; sicut etiam & lumen corporale necessarium est in visu exteriori, in quantum facit medium transparentem in actu, ut à colore moueri possit.

Instabis, cum Deus videtur per medium, non videtur per suam essentiam, sed cum videtur per aliquod lumen creatum, videtur per medium, ergo per lumen gloriæ non videmus Deum, ut est in se seu in essentia.

Respondeo, lumen istud non requiri ad videndum Deum, quasi similitudo quædam in qua Deus videatur, sed quasi perfectio quædam intellectus, confortans ipsum ad videndum, & ideo potest dici, quod non est medium in quo Deus videatur, sed quo videtur, & hoc non tollit immediatam visionem Dei.

Q V Æ S T I O VIII.

An possibile sit Deum videri sine lumine gloriæ?

Non est hæreticum, aut inconueniens dicere, beatos videre de facto Deum sine lumine gloriæ, supponendo aliquod speciale auxilium Dei, si intellectus actiue concurrat ad visionem, ut communis habet sententia; Aut sine auxilio, si se habeat tantum passiue & receptiue

passiue & receptiue, Deo producente in intellectu visionem.

Prima propositio patet, quia Conciliium Viennense non definit, intellectum concurrere actiue vel passiue, sed definit tantum, viribus naturalibus non posse eleuari ad beatitudinem, ut hæreticè assererent Begardi & Beguinæ. Dum ergo aliquis dicit, visionem beatificam non causari ab intellectu creato, sed produci à Deo solo, non asserit viribus nos posse assequi beatitudinem. Hoc modo ipsa visio potest dici lumen gloriæ, eleuans potentiam ad visionem: quod optimè animaduertit Vasquez 1. part. disp. 43. cap. 2. Nec obstant verba Clementinæ, *Lumine gloriæ eleuante intellectum ad videndum ipsum Deum*. Nam verificantur, si dicamus potentiam passiuam intellectiuam eleuari per ipsam visionem, ad Deum videndum, visio enim ipsa est illustratio, & actus deducens ipsam potentiam passiuam intellectus ad suam perfectionem, & sic potest dici eleuatus. Nec virget Scriptura, *in lumine tuo videbimus*, id est fauore & beneficio. Nec Apoc. *Claritas*, nam visio est ipsa claritas.

Secunda Propositio, quod non sit inconueniens excludere lumen gloriæ, supposito quod intellectus se habeat tantum passiue, elicitur ex Scoto, qui licet notetur problematicus in lib. 4. Sent. dist. 49. quæst. 11. Videtur magis inclinare in asseritionem, quod intellectus se habeat merè passiue respectu visionis beatificæ, propter excellentiam & excessum eius supra facultatem (licet in primo Sent. dist. 3. quæst. 8. determinasset, intellectum & obiectum esse causas intellectiōis, & intellectum magis principaliter) nam negat necessarium esse, ponere aliquem habitum creatum in intellectu animæ Christi, ut videre est in 3. dist. 14. quæst. 1. & distinct. 31. quæst. 1.

Probat non esse necessarium lumen gloriæ. Si admittitur aut est propter obiectum, aut propter potentiam, aut propter visionem, sed nullo modo. Ergo, &c. Non propter obiectum, cuius essentia diuina est perfectissimè præsens, estque actus, & nullo modo potentia. Non propter intellectum, nam aut hoc esset, ut reciperet visionem, aut ut produceret eam, non ut reciperet, quia ut ait Scot. in 3. dist. 4. quæst. 2. Habitus non ponitur propter receptionem actus, sed potius è conuerso actus ponitur per receptionem habitus. Non ut producat, nam supponimus se habere passiue.

Tum a quo contra Thomistis, lumen gloriæ non potest esse principium producendi visionem Dei, & sic nec propter intellectum nec propter actum. Tum quæro, propter quid ponatur? Aliqui dicent, ut fiat vnio rei visæ cum intellectu. Alij ex S. Th. quia id quod ordinatur ad aliquid excedens suam naturam, debet disponi dispositione, quæ sit supra eius naturam. At non propter hoc debet poni, non propter primum, quia sic potius esset species quam lumen, tum obiectum est ex se perfectissimè vnium. Non propter secundum, quia posito lumine obiectum semper excedit in infinitum capacitatem intellectus creati. Adde quod, ut subiectum recipiat aliquam supernaturalem formam, non requiritur aliud supernaturale disponens ipsum, ut patet de habitu Fidei, Spei & Charitatis, non enim datur habitus præcedens, qui disponatur in

intellectum aut voluntatem ad recipiendos huiusmodi habitus.

Dices, requiri necessario & simpliciter ad actiuitatem intellectus, sed neque propter hoc, quia quicquid Deus potest per causam efficientem mediam, potest etiam immediate, & hoc in quocumque quod est receptiuum illius. At lumen gloriæ si esset necessarium ad visionem, ut causa efficiens, non posset esse nisi causa efficiens media, Ergo Deus posset per se efficere quicquid illud efficit, ergo non est necessarium. Respondebis. maiorem intelligendam cum hac glossa, nisi in effectu inuoluatur, quod sit à causa secunda, quia tunc implicat effici sine secunda; potest namque Deus sine secunda facere, quodcumque facit cum secunda, sed non potest facere, ut talis res effecta sit à causa secunda, nisi ipsa concurrat, quoniam id inuoluit contradictionem, verbi gratia Deus potest calefacere sine igne, sed non potest facere, quod calefactio illa sit ignis ipsius, siue ut ignis per eam calefaciat sine concursu ipsius ignis ad calefactionem, quoniam in eo quod ignis calefaciat eà calefactione, includitur quod efficienter producat ab igne. Ita Deus potest efficere sine lumine, rem illam quæ dicitur visio, sed non talem visionem.

Hæc responsio supponit lumen gloriæ esse actum perficientem intellectum, ita ut per illud habeat vim intelligendi, & non per se, & oritur ex fundamento communi Thomistis, qui putant intellectum non esse causam productiuam intellectiōis ex se partialiter, sed speciem intelligibilem esse rationem formalem gignendi notitiam actualem in intellectu, ipsum verò intellectum se habere tanquam materiale, quod perficitur à specie, tanquam à principio dante illi esse intellectiuum. Sed falsa est hæc opinio, nam si intellectus ex se sine specie intelligibili & omni dispositione extrinseca non est perfectè in actu primo, sed fieret in actu primo per speciem aut per lumen, sequeretur illam speciem vel lumen esse magis intellectum, quam ipse intellectus; tum, actio per se primò competit principio formali, seu animæ vel intellectui, ergo maximè intellectui, quia est actio vitalis debet competere principio vitali, & non rei inanimatæ, speciei aut lumini gloriæ.

Dices, intelligere seu videre est actio vitalis secundum veram Philosophiam, ergo beatus debet efficere eam actionem immanentem.

Respondeo, intelligere esse pati, de ratione autem actus vitalis solum est, ut recipiatur in potentia vitali.

Instabis, quod sit impropria locutio, *Beatus videt*, sicut si dicas hominem currere, qui non moueat pedes per se.

Respondeo, non esse parem rationem de currere & intelligere, quia currere est essentialiter agere, sed intelligere est formaliter pati.

Instabis, sicut intellectus eleuatur per habitum fidei ad actus fidei, sic in cælo per habitum luminis gloriæ ad visionem Dei.

Respondeo primò, dari aliquos actus fidei & charitatis sine habitu. 2. Dico hos habitus poni in via, quia actus non sunt permanentes, at in visione Dei actus sunt permanentes ex Sco-

so libro 3. Sententiarum. Ideoque habitus non requiritur.

Dices, Charitas in via ponitur actiua respectu dilectionis Dei simul cum voluntate creata, ergo & in patria, quia Charitas viz & patriæ est eadem, ergo actus visionis non est à solo Deo.

Respondeo, non esse inconueniens, Deum solum producere actum visionis, nec tamen sequi, Deum frui, quia ille videt qui recipit visionem; supponendo autem intellectum se habere merè passiuè, dicendum est non esse parem rationem de statu viz & patriæ, hic enim intellectus concurrens actiuè ad intellectionem obiectorum naturalium, non autem in patria.

Respondeo finaliter, Scortum admittere lumen gloriæ, vt habitum præcedentem visionem, & eleuantem intellectum ad producendam visionem de Deo.

QVÆSTIO IX.

An clara visio Dei possit concedi viatori?

Negatur absolutè de visione per oculum corporeum. Ita Sanctus Augustinus, epistola 111. & 112. Vbi ex professo illud variis tum Scripturæ, tum Sanctorum Patrum Aθανασij, Gregorij Naz. Ambrosij & Hieronymi authoritatibus probat. Ratio eius rei est, quia nulla potentia suā vitali actione versari potest extra limites obiecti sui, vnde si impossibile est, per facultatem corpoream visuam percipere saporem vel sonum; multo magis percipere rem purè spirituales, qualis est Deus. Deinde si Deus prout in se est, videri posset visu corporeo, magis adhuc posset sensu interno, vnde sequeretur ipsa bruta animalia capacia fore beatitudinis, quæ in visione Dei consistit, quod absurdum est, & dici non debet? Nec obstat Job 19. & in carne mea videbo Saluatorem, nam refertur ad humanitatem, &c. tum vt ait Augustinus 12. ciuit. cap. 19. Job non dicit se carne aut oculis corporeis visurum Deum, sed in carne, hoc est, post resurrectionem corporis, vel de oculis mentis exponendus est, vt alibi, *Nunc oculus meus videt te.* Quod Sanctus Thomas sic explicat, aut de providentiæ diuinæ effectu erga homines, quem nunc ait se euidenter expertum, cum antea non nisi auditu & aliorum relatione agnouisset.

De clara visione secundum mentem eleuatam in corpore mortali, non est impossibile. Nam quod hoc fuerit in mente Christi est de fide, cum anima eius ab instanti conceptus sui fuerit beata.

No sit tamen ordinariè, quia tempus istud est pugne & meriti, non autem præmij, quod maximè consistit in visione Dei. Tum quia status animæ in corpore mortali, ineptissimus est ad hanc visionem. An vero Moles & Paulus viderint essentiam Dei, non constat; asserit quidem Sanctus Augustinus lib. 12. super Genes. cap. 13. habetque Glossa 2. Corinth. 12. quia Paulus innuit, se audiuisse arcana, quæ sapiunt statum gloriæ. Hinc Sanctus Thomas 2. 2.

Carriere in Professionem Fidei.

quæst. 175. vult, quod habuerit lumen gloriæ per modum transeuntis, quod sic beatum non facit hominem, sed dat tantum Beati actum. Becanus negat, quia raptus eius contingit ante scripturam Euangelij Ioannis, in quo cap. 1. versu 18. *Deum nemo vidit vnquam*, dicitur, sine exceptione cuiusuis. Quare admittitur raptus eius ad erapyreum, vbi per reuelationem, non autem per beatam visionem arcana audierit.

QVÆRES, An in Raptu seu Ecstasi homo rapiatur ad diuina?

Raptus definitur eleuatio ab eo quod est secundum naturam, ad id quod est supra naturam vi superioris naturæ. Raptus violentiam quandam importat; *Violentum* autem dicitur, cuius principium est extra nihil conferente eo quod patitur. ex Aristotele 3. Ethic. cap. 2. confert autem vnumquodque ad id, in quod tendit secundum propriam inclinationem, vel voluntariam, vel naturalem, & ideo oportet quod ille qui rapitur, rapiatur ab aliquo interiori in aliquid, quod est diuersum ab eo, in quod eius inclinatio tendit. Quæ quidem diuersitas attenditur dupliciter, vno quidem modo quantum ad inclinationis finem, puta si lapis qui naturaliter inclinatur ad hoc quod feratur deorsum, projiciatur sursum: alio modo quantum ad modum tendendi, puta si lapis projiciatur deorsum velocius, quam sit motus eius naturalis; sic igitur & anima hominis dicitur rapi in id, quod est præter naturam, vno modo, quantum ad terminum raptus, puta quando rapitur ad præter naturas. Sic Psalm 49. *Nequando rapiat, & non sis qui eripias.* Alio modo, quantum ad homini connaturalem, qui est vt per sensibilia intelligat veritatem; & ideo quando abstrahitur à sensibilibus apprehensione, dicitur tapi; etiam si eleuetur ad ea, ad quæ naturaliter ordinatur, dum tamen hoc non fiat ex propria intentione, sicut accidit in somno, qui est secundum naturam, vnde non potest propriè dici raptus. Huiusmodi autem abstractio ad quæcumque fiat, potest contingere ex triplici causa, vno modo ex causa corporali, sicut accidit in eis, qui post aliquam infirmitatem patiuntur alienationem. 1. ex virtute demonum, vt patet in atrepti 3. ex virtute diuina, & sic nunc loquimur de raptu, prout scilicet aliquis spiritu diuino eleuatur ad aliqua supernaturalia cum abstractione à sensibus, iuxta id Ezechielis 8. *Spiritus eleuauit me inter calum & terram, & adduxit me in Hierusalem in visione Dei.*

Nota tamen, quod rapi quandoque quis dicitur, non solum propter alienationem à sensibus, sed etiam propter alienationem ab his, quibus intendebat, sicut cum quis patitur euagationem mentis præter propositum, sed hoc non ita propriè dicitur. Nec dicas, naturale esse homini ferri ad Deum, iuxta id S. August. *Fecisti nos Domine ad te.* Vnde excludas raptum ad diuina. Dico siquidem, esse naturale homini vt eleuetur ad diuina, ex quo factus est ad Dei imaginem, sed non est naturale, vt fiat id per abstractionem à sensibus.

Rapi ergo & mentem eleuari à Deo, est præter & supra facultatem naturæ. Quod autem in raptu necessaria sit abstractio à sensibilibus, saltem in videndo Deum per essentiam, patet, nam res spiritualis non potest ab homine videri

M M m quam

quàm per intellectum, is autem non convertitur ad intelligibilia, nisi mediante phantasmatis, quæ per species intelligibiles capit à sensibus, & in quibus considerans de sensibilibus iudicat & disponit. Dei autem essentia non potest videri per aliquod phantasma, imò nec per aliquam speciem intelligibilem creatam, quia essentia Dei excedit in infinitum non solum omnia corpora, quorum sunt phantasmata, sed etiam omnem intelligibilem creaturam. Oportet autem cum intellectus hominis elevari ad altissimam Dei visionem, ut tota mentis intentio illuc aduocetur, ita scilicet ut nihil aliud intelligat ex phantasmatis, sed totaliter in Deum feratur; unde in hoc statu Deum videre nequit sine abstractione à sensibus, quod & Paulo contigit, unde 2. Corinth. 12. *sine in corpore, sine extra corpus, nescio*. Quæ ignorantia, ait Augustinus 12. super Gen. fuit, an eius anima fuerit in corpore, ut est, cum corpus dicitur vivere siue vigilantis, siue dormientis, siue extatica à sensibus alienati fuerit hic modus, vel an omnino iacuerit emortuum eius corpus, arrepro Apostolo à carnis sensibus in 3. celum hoc defuit ad plenam rerum cognitionem, qua Angelus inest, quod siue in corpore, siue extra corpus esset, nesciebat: hoc utique non erit raptus corporibus in resurrectione mortuorum. Beati siquidem videbunt tunc essentiam Dei absque abstractione à corporeis sensibus, fiet enim redundantia ab intellectu ad inferiores vires, & usque ad corpus; unde secundum ipsam regulam divinæ visionis, anima intendet phantasmatis & sensibilibus, talis autem redundantia non fit in his qui capiuntur.

Dices, Christus verè fuit viator, & contínuè fruebatur visione Dei, nec tamen fiebat in eo abstractio à sensibus, ergo illa non fuit in Paulo ex aliis necessaria.

Respondeo, intellectum Christi glorificatum fuisse per habituale lumen gloriæ, quo Deum videbat, erat autem viator propter corporis passibilitatem, secundum quam Paulò minus ab Angelis minorabatur, ut Hebr. 2. dicitur, dispensari; & non propter aliquem defectum ex parte intellectus, unde non est similis ratio de eo & de viatoribus.

Instabis, Paulus memor fuit eorum, quæ viderat, unde dicit, *Audini arcana*, sed memoria pertinet ad partem sensitivam ex Aristotele libro de memoria. Ergo cum vidit Deum, non fuit alienatus à sensibus, tum dicit se vidisse quasdam similitudines, puta tertij celi, hoc autem potius arguit imaginariam visionem, quàm Dei.

Respondeo, memorem fuisse cessante rapto per quasdam species intelligibiles habitualiter ex illo in eius intellectu relictas, sicut etiam abeunte sensibili specie remanent aliquæ impressiones in anima, quas postea conferens ad phantasmata memoratur. Unde nec cogitare, aut exprimere poterat totam illam cognitionem. Tertium celum dicitur hic vel empyreum, tertium respectu syderis & aquei siue crystallini, vel intelligitur Dei contemplatio in gradu summo, vel status gloriæ, unde ratione delectationis degustatæ dicit se raptum in Paradisum.

QVÆSTIO X.

Quid videant Beati in Deo?

Respondeo, intellectum eorum illustratum seu elevatum lumine gloriæ, videre essentiam Dei, & simul tres personas, ac omnes perfectiones formaliter in Deo existentes.

Probatur ex Scriptura 1. Ioan. 3. *Videbimus eum sicuti est*. quæ verba unanimiter SS Patres intelligunt de visione beatifica, quæ videtur Deus sicuti est in seipso.

Atqui Deus in seipso est unus in essentia, trinus in personis, & habens perfectiones.

Definita est hæc veritas in decreto unionis Concilij Florentini ubi decretum est, animas iustorum recipi in celum, & intueri clarè Deum unum & trinum sicuti est. Unde sequitur secundum mentem Concilij, omnes etiam perfectiones videri in Deo, cui non minus convenit esse sapientem, iustum, &c. quam unum in essentia, & trinum in personis.

Probatur ex SS. PP. August. lib. 20. civ. cap. 1. *Quid videbimus nisi Deum, & omnia illa quæ tunc non videmus credentes, &c. hic credimus illuc videbimus*. Greg. lib. 18. mor. c. vlt. *Hæc visio nunc fide inchoatur, sed tunc in specie perficitur; quando cœternam Dei sapientiam, quam modo per ora prædicantium quasi per decurrentia flumina sumimus, in ipso suo fonte bibemus*. Bernardo libro 5. de consideratione, cap. 1. vident, beati scilicet, *Verbum, & in verbo facta per verbum, &c. Optimum videndi genus, si nullum egeris ad omne quod nosse libuerit*.

Probatur ratione, impossibile est aliquid quod simplicissimum unum est & indivisibile, clarè & perfectè videri, quin simul videantur omnia, quæ illi insunt, & cum quibus realiter idem est. Atqui essentia divina est simplicissima & omnino indivisibilis, & præterea est idem realiter cum personis divinis, & cum omnibus perfectionibus formaliter in Deo existentibus, quæ in eo unica & simplicissima sunt perfectio. Ergo visâ essentia divinâ necessario videntur personæ, videtur ergo sublime illud Trinitatis mysterium, quomodo Pater producat filium ab æterno, sibi consubstantialem, & in omni perfectione æqualem: Quomodo Pater & Filius se se amando spirant Spiritum-Sanctum, quomodo tres unum sint, & Trinitas in unitate. Secundò distincta notitia in Verbo videt Beatus quilibet pulchritudinem & ordinem totius universi, & præinde omnes species rerum naturalium, vel genera quæ fuerunt, sunt & erunt non enim minor est illa beatifica visio naturali scientia Angelorum, qui naturaliter omnia hæc cognoscunt. Tumque hæc cognitio spectat ad perfectionem intellectus, quæ exigitur maxime in statu beato. Videt & omnia mysteria supernaturalia hic credita, fidei enim succedit visio, obscuritati claritas, spei possessio, charitati fructus, & verificatur dictum Psalmistæ: *Sicut audivimus, sic vidimus in civitate Domini virtutem*. Videt & ea omnia quæ illum speciali modo spectant. Hoc inferitur ex epist. 2. Petri c. 1. *Dabo operam & frequenter habere vos post obitum meum, ut horum memoriam faciatis*. Quibus verbis significat, curam & sollicitudinem

nem, quam seruaturum se dicit in statu gloriæ pro salute fidelium: unde sequitur, cum in illo statu cognoscere omnia, quæ ad eorum salutem spectare possunt: hæc enim cognitio ipsi ut Pastori totius Ecclesiæ maximè competit, sicque de quolibet proportionaliter dici potest. Hinc

Nota fieri posse, ut aliquis beatus qui meritis ac proinde gloria minor est, plura in statu beatitudinis sciat & cognoscat, quam alius qui sanctitatis & gloriæ gradum superiorem obtineret. Quia scilicet illius specialis conditio hanc cognitionem exigit, huius verò minimè. Nec propterea quicquam huius gloriæ & felicitati detrahatur, siquidem ut rectè dixit Sanctus Augustinus libro 5. Confessionum, capit. 4. Deum alloquens, *Beatus est qui te nouit, etsi alia nesciat; qui vero te & alia nouit, non propter illa beator, sed propter te solum.*

Nota ex Sancto Thoma 1. part. quæstion. 12. animas beatorum duplicem in cælo habere rerum creaturarum cognitionem, vnam per proprias illarum species, quas vel initio beatitudinis acceperunt, vel per aliquas reuelationes de nouo accipiunt; alteram verò in essentia diuina seu in verbo diuino.

Nota ex Sancto Augustino libro ultimo de Trinitate, cap. 16. *Non erunt volubiles cogitationes nostra, ab aliis in alia euntes & redeuntes, sed omnem scientiam uno simul conspectu videbimus.* Hoc exigit status consistentiæ beatitudinis.

QVÆSTIO XI.

An videntes Deum comprehendant ipsum, & el comprehendere possint?

Comprehensio duobus modis sumitur. Primò, pro consequutione alicuius rei, quam quis desiderat, qui enim attingit eam aliquando, dicitur eam comprehendere quando tenet eam, & sic Beati dicuntur comprehensores, iuxta illud Canticor. 3. *Tenui eum nec dimittam.* Et sic intelliguntur loca quædam Scripturæ, 1. Corinth. 9. *Sic currite, ut comprehendatis.* Philippen. 3. Et hoc modo comprehensio est vna de tribus donibus animæ beatæ, quæ scilicet responderet spei. Non enim apud nos omne quod videtur, iam tenetur vel habetur, quia interdum videntur distantia, vel quæ non sunt in potestate nostra. Neque præterea omnibus quæ habemus, fruimur, vel quia non delectamur in eis, vel quia non sunt vltimus finis nostri desiderij, ut ipsum expleant & quierent. Sed Beati habent hæc tria in Deo, quia & vident ipsum, & videndo tenent sibi præsentem in potestate habentes semper eum tenere, & tenentes fruuntur sicut vltimo fine desiderium implente.

Secundò, suscipitur strictè, secundum quod aliquid includitur in comprehendente, uti sphaera inclusa in manu si corporaliter loquimur. Hic vero pro perfecta & adæquata cognitione rei. Hæc posterior comprehensio non eodem modo ut de Deo est quæstio, exponitur.

Vasquez disputat, an sit dogma fidei, Deum

non posse comprehendi: posito autem quod in spiritualibus comprehensio dicitur, ea cognitio qua rem ita videmus, ut nihil eius nos lateat, & eam sicuti est videmus. Sic concedit Deum comprehendi à Beatis. Certè hæc Opinio est contra sensum Theologorum, sed ij laborant in exponenda incomprehensibilitate cum clara visione essentia: ut est in se.

Sanctus Augustinus Epistola 112. cap. 8. sic definit comprehensionem, *id comprehenditur, quod ita videtur, ut nihil eum lateat videntem.* Disquirendum ergo est, An Beati ita Deum videant, ut nihil eius eos lateat. Et præcipua difficultas est, Quid sit illud in Deo, quod lateat Beatos, nihil enim tale videtur esse, nam Deus est ens simplicissimum, in quo nullæ sunt partes nec compositio, sed Beati vident illud ens simplicissimum sicut in se est, Ergo nihil eos latet, ergo comprehendunt Deum.

Communis Responso est, Deum totū videri, sed non totaliter; sed oportet explicare quid sit videre totaliter: nam si sumatur ex parte obiecti, necesse est videri totaliter si totum videatur, quid enim potest esse ex parte obiecti, quod aliquid videatur totaliter, nisi quod omnis res vel modus aut ratio realis, quæ in obiecto sit, omnino videatur, nam sic videtur Deus à beatis, & si est aliquid non visum ex parte obiecti, ergo Deus ipse non videtur, nam illud est idem ipsi Deo, nec magis distingui potest, quam vel personæ ab ipsa essentia, vel ipsæ inter seipsas, quæ tamen omnia supponuntur videri: Si sumatur ex parte videntis, nihil aliud significabit, quam quod obiectum summè videndum summè videtur per clarā visionem, & summè perfectam ex conatu & conditione videntis: hoc autem modo non tantum Deus, sed etiam omnis creatura erit incomprehensibilis, nisi à solo Deo. Propter hanc instantiam dixerunt aliqui, esse ex parte obiecti seu Dei, scilicet non videri in eo omnem perfectionem formaliter existentem: Hoc autem sustineri, non potest, nam quicquid est in Deo, formaliter, est ipse Deus.

S. Thomas quæst. 12. art. 7. sic ratiocinatur illud comprehenditur, quod perfectè cognoscitur, id autem perfectè cognoscitur, quod tantum cognoscitur quantum est cognoscibile Deus autem cum infinitus sit, est infinitè cognoscibilis, non potest autem cognosci à beatis infinitè; probat istud, quia beati eo magis vel minus perfectè Deum vident, quod plus vel minus habent luminis gloriæ, sed impossibile est hoc lumen esse infinitum, ergo impossibile est Deum infinitè videri à beatis. Hoc enim solius Dei proprium est.

Responderem, non requiri proportionem entitatis inter instrumentum, quo potentia cognoscens utitur, & obiectum quod illa speculari, alioquin nec per lumen gloriæ intellectus creatus posset attingere Deum. Nec valet exemplum quod affert S. Thom. si id, inquit, quod est cognoscibile per scientiam demonstrationem, teneatur opinione & aliqua probabili ratione concepta, non comprehenditur, puta si hoc quod est, triangulum habere tres angulos æquales duobus rectis, aliquis sciat per demonstrationem, comprehendit illud: si verò aliquis illius assertionis accipiat opinionem probabiliter; per hoc quod à sapientibus vel pluribus ita dicitur, non comprehendet, quia

quia non pertinger ad illum perfectum modum cognitionis, quæ cognoscibilis est illa propositio. Nullus autem intellectus creatus pertingere potest ad illum perfectum modum cognitionis essentia diuinæ, quo cognoscibilis est, quia vnumquodque cognoscitur secundum quod est ens actu, Dei autem esse est infinitum, ergo infinitè cognoscibilis.

Non valet, inquam, exemplum. nam visio intuitiua beatorum æquiualeat demonstrationi, imo vera est demonstratio, & credens sapientibus si certo sciret eos esse infallibiles, non minus sciret, quàm is qui per demonstrationem aliquid sciret, vnde fideles certiores dicuntur de articulis fidei, quam Philosophi de rebus quarum demonstrationes habent, idque quia fides supponit Deum reuelasse, qui verax est. Suarez lib. 1. de attributis Dei negarijs c. 29. ait recurrendum esse ad cognitionem creaturarum in Deo, dicitque ad comprehensionem non satis esse, totum id nosse quod inest formaliter rei cognitæ, sed etiam illa omnia cognoscere, vt ex vi talis modi cognoscendi ea omnia comprehendantur, quæ quouis modo ab illa essentia emanant, aut emanare possunt.

Non acquiesco huic responsioni. nam quæro, quid intelligat per modum per quem creaturæ emanare possunt? nec enim à possibilitate & emanatione creaturarum Deus dicitur incomprehensibilis. Certè si clara visio essentia Dei importat omnium attributorum cognitionem, consequenter & omnipotentia, quæ cum voluntate Dei radix est emanationis creaturarum, consequenter & emanatio & modus emanationis cognoscitur.

Recentiores Doctores coguntur recurrere ad libera decreta & consilia Dei, quæ tenent non videri ex vi visionis beatificæ, sicque tuentur incomprehensibilitatem Dei, certum siquidem est, comprehendi Deum quoad naturalia, de liberis verò decretis Scriptura Marci 13. habet: *De die autem illo vel hora nemo scit, neque Angelus in caelo, neque Filius, nisi Pater.* Quod est dicendum, subintelligas, de omnibus decretis, cum sit eadem ratio. cap. 10. Danielis refertur, vnum Angelum per tres hebdomadas restitisse alteri, item beato vtroque illorum pro vtilitate sibi commissi populi contendente, & quid Deus veller fieri nesciente. Estque S. Dionysij sententia, & aliorum S. Patrum, Angelos inferiores à superioribus illuminari, & ab aliquarum rerum nescientia purgari, non ergo videntur decreta singula, sed per solam reuelationem innotescunt.

Dubium etiam est de visione creaturarum in Deo.

QVÆRES, si Deus alicui beato reuelaret sua consilia & decreta, an is comprehenderet Deum? At quis non asserat: cum nihil omnino ignoretur.

Becanus tamen negat, dicens Theologos nomine comprehensionis intelligere vnam aliquam intentionem, per quam totum obiectum adequatè & perfectè, sicuti in se est, cognoscatur: in hoc autem casu non esset vna intellectio, sed duplex, vt dictum est, nempe visio & reuelatio.

Peto, an libera decreta distinguantur ab attributis? certè non: nec distinctio quæ dari

posset, impediret actum visionis vnicum beatorum, qui eodem essentiam diuinam, & personas realiter inter se distinctas vident. Decreta ergo sunt vna simplicissima res cum attributis. Ergo si beati vident attributa, vident etiam libera eius decreta. Respondet Becan. ea esse idem cum essentia & attributis, quoad entitatem realem quam dicunt, sunt enim vna res simplicissima. At præter entitatem realem includunt aliquid aliud, primò liberam terminationem ad hanc vel illam creaturam in particulari producendam vel gubernandam. Secundò respectum rationis ad eandem creaturam, qui resultat ex eo, quod essentia diuina libere ad hanc vel illam creaturam per modum volitionis terminatur. igitur beati qui Deum vident, simul vident decreta Dei quoad realem entitatem, quia sic nihil aliud sunt quàm essentia diuina, non tamen vident liberam terminationem & respectum ad creaturas in particulari. At quis non videt quàm parum sit iste respectus, ex quo incomprehensibilitas deducitur? Vnde esto, quod attingere Deum mente qualitercumque, sit magna beatitudo, vt dicit S. August. epist. 112. cap. 5. Crediderim tamen (saluo meliori iudicio.) *Beatitudinem esse Dei comprehensionem*, ipsa enim sola totum desiderium intellectus creati explet. Quod si Deus in Scriptura dicitur incomprehensibilis, verum est respectu nostri in via, non respectu beatorum in patria, cum videant Deum sicuti est, facie ad faciem. Locus Marci potest exponi, quod dies iudicii nesciebatur vti viatoribus reuelanda, certo enim sciebatur à Christo, quidni & ab Angelo? Locus Danielis innuit, quantè molis erat educere populum.

Ad intelligentiam Quæstionis de incomprehensibilitate Dei, consulendus est Scotus in 3. dist. 14. qu. 1. vbi dicit, quod anima Christi videt in verbo omnia quæ verbum videt, non quidem actualiter, sed habitualiter, quod exponit, non quod in anima eius sit aliquis vnus habitus creatus, qui vnica sua ratione ostendat infinita, sed quia anima Christi eo actu, quo videt verbum, omnia quæ sunt in verbo reuertunt sibi, & sunt sibi præsentia in actu primo: Et propter hanc præsentialem dicuntur sibi habitualiter nota, quia generaliter loquendo illud dicitur habitualiter notum, cuius actus primus est sufficienter ostensiuus, & quo habitu possumus exire in actum secundum. Cum ergo Verbum respectu animæ Christi sit speculum voluntarium, manifestans & repræsentans omnia, hinc fit quod omnia illi animæ sunt habitualiter nota, & potest exire in actum secundum, scilicet in visionem & contemplationem actualem cuiuscumque illorum. Actualiter tamen non potest omnia, neque vno actu, neque diuersis cognoscere distinctè illa omnia repræsentata, quia non potest dari vnus actus respectu infinitorum intellectuum, quin sit infinitus: ipsa autem anima non potest elicere actum vnum infinitum, neque infiniti actus de rebus infinitis simul haberi possunt ab intellectu finito, & propter hoc non potest actu cognoscere omnia possibilia, quæ sunt in verbo, pertinentia tam ad cognitionem visionis, quàm ad cognitionem simplicis intelligentiæ.

Nota autem istam cognitionem habitualement omnia non esse comprehensiuam, quia non sequitur

sequitur ex hoc, quod anima Christi habitu videat in verbo omnia, quæ videt verbum, comprehendat actu omnia illa obiecta secundaria: nam ad comprehendendum aliquid requiritur cognitio actualis, non habitualis: Et ulterius, ut dicit Scot. licet videret infinita actu, non sequeretur quod illa omnia comprehenderet: quia virtus infinita potest videre illa intensiori modo, quam virtus finita: ulterius non sequeretur, quod comprehendendo omnia quæ sunt in verbo, comprehenderet Verbum, nisi comprehenderet illa omnibus modis, quibus sunt in omnipotentia verbi, quia hoc esset comprehendere Verbum.

Nota etiam cognitionem habitualement non esse actum secundum seu visionem effectivam, sed per actum primum seu habitum intelligit aptitudinem proximam ad actum secundum: quo modo dicimus habentem perfectum habitum Theologiæ & actu non contemplantem, scire omnia Theoremata Theologica, non quia ea omnia contemplantur, sed quia potest pro libito quodlibet illorum contemplari, quia habet omnia requisita ad actum secundum, ita quod est in actu primo perfecto, & potest exire ad secundum.

Dices, dum intellectus animæ Christi vno actu contemplatur Verbum, eodem actu contemplatur obiecta secundaria relucens in verbo, & hic est actus secundus, quia eodem actu illa videntur, quo Verbum.

Respondeo, quod eodem actu quidem quo videtur verbum, videntur quoque obiecta secundaria, & ille actus est actus secundus, sed illo actu secundo non videntur omnia obiecta secundaria, sed aliqua, scilicet omnia quæ potest intellectus creatus pro sua virtute finita intelligere simul.

Ad reliqua verò se habet in potentia, & tantum in actu primo, ita quod potest videre pro arbitratu, licet actu illo non videatur: & propter hoc dicit Scotus, quod non videt omnia actu, licet videat omnia habitu, inferre volens, quod videndo verbum videt etiam actu multa obiecta secundaria, & reliqua alia quæ non videt actu, videt habitu, quia sunt æqualiter illi præsentia, ita quod pro arbitratu suo potest in actum secundum exire, & illa videre actu, & propter hoc quantum ad actum primum omnia sunt sibi præsentia, & illa videre potest, licet postea respectu omnium simul non exeat in actum secundum. Et hoc est omnia cognoscere habitualiter, non autem actualiter.

Instabis, de ratione scientiæ beatæ est, quod sit semper in actu secundo, quia est perfectissima scientia & immutabilis: Ergo si omnia quæ sunt in verbo sunt præsentia intellectui creato Christi, semper actualiter illa omnia intelliget: hoc secundum est falsum, ergo & primum, à quo sequitur. Confirmatur: quia quæro, quando anima Christi videt verbum ipsum in quo relucet omnia, vel transit ad actum 2. scilicet ad actualem visionem omnium obiectorum secundariorum, si non simul, saltem successivè, videndo modò vnum modò aliud, vel nunquam potest reduci ad actum. Si secundum dicas, ergo frustra ponitur quod possit omnia videre habitu, cum ad actum secundum nequeat exire. Si primum, ergo in visione Christi po-

test esse varietas, ita ut nunc sit beator, nunc minus beata, quod statui repugnat. Vnde August. ait, *Non erunt ibi volubiles cogitationes.* Vnde sequitur quod semper videt actu omnia.

Respondeo, quod visio beata est semper in actu secundo, estque immutabilis respectu essentia diuinæ, quæ essentialiter beatitudinem in sui visione constituit. Obiecta secundaria accidentaliter tantum important variationem, hæcque dicit perfectionem, nam oritur ex magnitudine & multitudine rerum, quas omnes vna vice intellectus creatus non potest comprehendere propter finitatem suam, essentialis visio est semper in summo constituta gradu, & cum satietate. Imò verisimile est essentiam diuinam representari cum quadam varietate intellectibus beatorum, cum enim offeratur beatis sub ratione obiecti infiniti beati nunquam plenè illud apprehendunt & fruuntur, sed semper cognoscunt bonitatem illam & excellentiam esse maiorem; alioquin illam viderent sub ratione finita, & non infinita; hoc tamen non est cum passione in ipsis beatis, sed contenti sunt, unusquisque de gradibus quibus attingunt illam, licet cognoscant esse attingibilem in maiori gradu. Varietas hæc non est cum indigentia, sed cum maxima satietate & superabundantia.

Absoluta Responsio ad Questionem. Beati Deum totum vident, tamen cum non vident adæquatè in ratione modi cognoscendi, is enim soli Deo proprius est, extensivè vident, non autem intensivè. Habet exemplum de albedine supra quæst. 3.

Q U Æ S T I O XII.

An, & quomodo beati videant in Deo creaturas, tam possibiles quam futuras?

Hortus Marchantij suaves doctrinæ rosas hequidem profert, sed spinis aculeatas, dogmata fidei multa proponit, pauca verò exponit: in proposito sic habet. Quantum ad res contingentes & particulares, licet beati non cognoscant omnia quæ sunt in Deo eminenter, (non enim cognoscunt diem iudicii), tamen cognoscunt ex iis quæcumque ad statum vniuscuiusque spectant, hoc enim est conveniens, ut satietur desiderium eorum: sic Rex beatus totum sui regni statum videt, Episcopus gregis, Paterfamilias domus, &c. Sic sancti cognoscunt preces & vota ad ipsos directæ, vident autem hæc omnia in essentia diuina quasi in speculo voluntario, sicut speculum nos ipsos representat, & ipsummet speculum, & quicquid præsens est: sic per speculū diuinæ claritatis videbimus ipsum Deū, & nos ipsos, & alias creaturas, vnicā visione unico intuitu, hæc omnia videbimus in illo speculo, de quo scriptum est: *speculum sine macula, & candor lucis æternæ.* Iste Catechista multa dicit & pauca probat quasi verò vocando essentiam Dei speculum voluntariū, omnia dixerit, at nunquid potius necessariū & naturale quod æqualiter in se continet omnem creaturam, cum Ioan. 1. dicatur, quod

factum est in ipso vita erat. id est, Deus ipse vivens. Et Concilium Sennonense sic habet: *Beatu pernitum est omniforme divinitatis speculum, in quo quidquid id eorum interfit, illucescit.* Magnus equidem hic nodus, ex quo dissolvenda pender celebris hæc quaestio, quomodo in essentia tanquam in speculo representante, quæ apud nos sunt Sancti videantur?

Nota 1. modum istum loquendi, creaturæ videntur in verbo, non ita strictè intelligendum, quod in solo verbo cognoscantur; nam æquè in Patre & Spiritu habent representationem, sed est appropriata locutio, quia enim Verbum producitur per intellectum, cognitio appropriatur verbo.

Nota 2. Dum loquimur de cognitione creaturarum in Deo, non intelligimus de esse quod creaturæ habent in Deo, quod tripliciter distinguitur ab aliquibus. Dicunt enim illas tribus modis esse in Deo. Primò in potentia tanquam in causa efficiente. 2. In idæa tanquam in causa exemplari. 3. In scientia tanquam in cognoscente. Vnde fit ut triplex esse habeant in Deo, eminens, ideale, intelligibile, illud quodcumque esse creaturarum in Deo est increatum, infinitum, & ipsemet Deus. Loquimur ergo de creaturis secundum esse proprium & formale, quod habent in seipsis extra Deum, quod esse est creatum, finitum & incorruptibile, aut annihilationi subiectum.

Nota 3. Multum differre has positiones: *Creatura videntur visione beatifica, & Creatura videntur vi visionis beatifica*: Prior habet hunc sensum, creaturæ videntur ea visione, qua videtur Deus: Posterior habet hunc, creaturæ ideo videntur, quia Deus videtur. Hæc valde sunt distincta, & patet in simili exemplo. nam aliud est dicere, video canem Petri ea visione, qua video Petrum; aliud, ideo video canem Petri, quia video Petrum, seu Petrus à me visus est ratio videndi canem, quod sine dubio est falsum. His positis

RESOLVTIO prima. Si creaturæ spectentur secundum illud esse quod habent in Deo, certum est beatos eadem visione qua vident Deum, & etiam vi visionis illius quæ vident Deum; videre creaturas.

Probat ex Scriptura. Ioan. 1. *Quod factum est in ipso vita erat*, vita Dei videtur, id est, essentia; ergo & creaturæ ut sic.

Probat ex Sancto Patre Augustino 11. ciuitat. cap. 7. *Cognitio creatura in seipsa decoratior est, quam cum in Dei sapientia cognoscitur; velut in arte per quam facta est.* Omnia hæc aliter in verbo Dei cognoscuntur à Beatis, ubi habent causas rationesque suas, secundum quas facta sunt incommutabiliter permanentes; aliter in seipsis, illic clariore, hic obscuriore cognitione. Bernardo libro 5. de consideratione cap. 1. *Vident Beati Verbum, & in verbo facta per verbum, si nullius egeris ad omne quod nosse libuerit.*

Probat ratione, quia illud esse creaturarum non est re ipsa aliud, quam ipsa essentia diuina, ut rectè docet Sanctus Augustinus 4. de Gen. ad ad litt. cap. 24. At Beati vident essentiam Dei; Ergo & creaturas secundum esse increatum, quod habent in Deo. Hoc sensu intelligendus est Augustinus 4. de Gen. ad litt. cap. 23. & 1. ciuit. cap. 29. & lib. 93. quæst. 26. Vbi distin-

guat duplicem cognitionem in beatis Angelis. vnam matutinam, qua norunt creaturas in verbo: Alteram vespertinam, qua eas cognoscunt in proprii generis existentia: nam per matutinam intelligit visionem beatificam, qua Angeli norunt creaturas in Deo, non secundum proprium esse quod in seipsis habent. Sed secundum esse eminens & increatum, quod habent in Deo, & quod est ipse Deus: per vespertinam vero intelligit eam notitiam, qua Angeli cognoscunt creaturas extra Deum, secundum proprium esse quod habent. Prima cognitio est beatifica, secunda naturalis. Sic Augustinum exponit Sanctus Thom. 1. part. quæst. 58. art. 6. Vbi sex dies in quibus creaturæ factæ sunt, dicit non esse hos visitatos qui solis motu peraguntur, cum ipse 4. die factus legatur, sed vnum diem, scilicet cognitionem Angelicam sex generibus rerum præsentam.

Nota autem, priuationes & mala quænis & defectus, quos certum est Deum per se non facere, sed potius accidunt ob causas secundas deficientes, non videri in Deo à Beatis, iniustitiam v. g. non videt Beatus in Deo, nisi quatenus videt iustitiam, cuius illa est priuatio aliqua, aut pura, aut contrarietatis, videt voluntatem creatam eatenus iniustam, quatenus quam ponere deberet iustitiam & facere, non facit, hanc autem voluntatem, iustitiam, & eius debitum vtpote res bona & positua in Deo tanquam in ipsarum causa, & illis mediantibus iustitiam ipsammet videt Beatus. Sic docet Sanctus Augustinus passim, ac nominatim lib. 11. ciuitat. cap. 27. ait, nos per interioris hominis sensum, id est, mentem iusta & iniusta sentire, *Iusta per intelligibilem speciem, iniusta per eam priuationem*, & cap. 29. ait; *Beatos Deum non per verba sonantia discere, sed nosse per ipsam præsentiam immutabilis veritatis*, Hoc est, per Verbum ipsum, & ita nosse, ut eis magis Deus totaque Trinitas, quam nos ipsi nobis cogniti simus.

RESOLVTIO secunda. Creaturæ secundum proprium & formale esse quod habent in seipsis, non videntur in Deo, ex vi visionis, ita ut essentia clarè visa per modum obiecti cogniti sit ratio videndi. Ita Sanctus Bonauentura in 3. distinct. 14. quæst. 3. Gabriel Okam. Maior, Almainus, Marsilius, Vasquez, & illi omnes qui dicunt, Beatos quædam videre progressu temporis, quæ à principio beatitudinis non videntur. Et illi qui purant vnumquemque videre ea quæ ad suum statum pertinent, & illi qui asserunt non omnes creaturas, sed aliquas videri. Vasquez quæst. 12. art. 8. disp. 50. cap. 5. 6. 7. probat ab absurdis, nullam videri ex vi visionis. Primò ex parte essentia Dei, cum omnes creaturæ æquè sint in Deo, aut omnes videntur, aut nulla à quolibet beato. Non enim est maior ratio de vna quam de alia. Secundò ea parte luminis gloriæ, quæ omnia lumina sunt eiusdem naturæ, & solum differre possunt intra eandem speciem secundum magis & minus, intensio verò & remissio intra eandem speciem non potest esse ex parte principij. Tum si ex vi visionis viderentur creaturæ, decursu temporis inciperent videri, sic talis visio mutaretur, & fieret intensior, hoc autem nequit esse, nam visio Dei non mutatur. Ex his & similibus infertur Beatos cognoscere creaturas per particularem

particularem reuelationem. Quæ ut docet Be-
canus, potest fieri duobus modis.

Primò, per visionem beatam, extenden-
do illam ad noua obiecta videnda. Secun-
dò, per actionem distinctam à visione, vel si
intellectus se habeat passiuè, infundi potest à
Deo in beati intellectu actus visionis, cuius vo-
luerit creaturæ. Tum conceditur à Theologia,
quod beati non vident omnes creaturas possibi-
les futuras & existentes. Ergo si quas vident,
non vident vi suæ visionis Dei, nam ex natura
visionis Dei non potest dari ratio, cur hoc po-
tius videant quàm illas. Hoc sic ostendo, om-
nes creaturæ possibiles sunt æquè possibiles res-
pectu Dei, similiterque omnes futuræ sunt æ-
què futuræ respectu decreti vel permissionis Dei
& deinde omnes existentes sunt æquè existen-
tes respectu conseruationis diuinæ. Ergo non
est ratio, cur Deus clarè visus repræsentet po-
tius has possibiles quàm illas, & has futuras
quàm illas, nisi quia ita vult. Et sanè quæ po-
test esse causa, cur multa futura contingentia
definitè cognoscantur à Beatis, & tamen defi-
nitus dies iudicii hos lateat? Hoc non prouenit
ex natura visionis Dei, quia dies illa non minus
est visibilis, quàm alia futura contingentia, sed
ex sola Dei voluntate, qui vult illum diem om-
nibus occultum, cum tamen multa alia velit
esse manifesta.

Dicunt aliqui, causam assignandam ex parte
luminis gloriæ, nam lumen quod est in Petro
ordinatur, inquit, ad has creaturas, non ad
illas manifestandas. Non valet, nam si essentia
clarè visa est ratio cognoscendi creaturas, ut re-
nent Aduersarij, Ergo ex parte essentiae diuinæ,
& non ex luminis assignanda est causa, cur po-
tius hæ videantur quàm aliæ. Tum lumen est
eiusdem speciei in omnibus, & non differt nisi
secundum intensionem & remissionem intra
eandem speciem, quæ tantum facit ut obiectum
magis clarè vel minus videatur, non tamen ut
hoc vel illud obiectum videatur.

Solent aliqui respondere, lumen gloriæ ta-
met si eiusdem sit speciei in omnibus, differt
tamen per differentias individuales, quæ effi-
ciunt ut hæ potius creaturæ videantur quàm
aliæ. Sed frustra. Nam de lumine gloriæ serua-
ta proportionem differendum est, sicut de lumine
supernaturali fidei, & lumine naturali intelle-
ctus. Sicut enim lumen gloriæ est eiusdem spe-
ciei in omnibus beatis, & in diuersis habet di-
uersas differentias indiuiduantes, sic etiam respec-
tu viatorum dicendum est de lumine fidei &
intellectus. At differentiae individuales in lumi-
ne fidei & intellectus, non efficiunt, ut Petrus
credat alios articulos quàm Paulus, aut noscat
alias res naturales, potest enim fieri, ut non ob-
stantibus differentiis indiuiduantibus ambo cre-
dant eosdem articulos, & intelligant easdem res
naturales. Ergo similiter non obstantibus diffe-
rentiis indiuidualibus, in lumine gloriæ fieri
potest, ut videant easdem creaturas in Deo.

Concludo, hoc dependere omnino à Deo
manifestante prout vult, vel dante speciem im-
pressam eorum, quæ vult, vel immediatè per
seipsam supplente adiuuantem speciei.

Dices, Beati in cælo cognoscunt nostras pre-
ces, & alia quæ circa nos fiunt. Sed non
est alius modus cognoscendi, quàm in Deo,

Ergo omnia norunt in Deo ex vi visionis
eius.

Respondet Sanctus Augustinus in libro de
cura pro mortuis cap. 15. Beatos tribus modis
ista nosse. Primò ex reuelatione hominum, qui
ex hac vita ad illos veniunt. Secundò ex reue-
latione Angelorum. Tertiò ex peculiari Dei re-
uelatione: qui enim omnia nouit, non parietur
amicos suos, quibus intimè in cælo coniunctus
est, ignorare ea quæ apud nos fiunt: præsertim
si aliquo modo eos attingant, hoc enim requi-
rit lex amicitiae, ut fateatur Christus Ioann. 15.
*Non dicam iam vos seruos, sed amicos, quia
seruus nescit quid faciat Dominus eius, vos au-
tem dixi amicos, quia omnia quaecumque audi-
ni à patre meo, nota feci vobis.* Hostres modos
tradit Augustinus, & si alium videndi creaturas
in Deo nouisset tanquam in obiecto cognito,
non vique dissimulasset, præsertim cum cap.
13. 15. & 16. dixerit: *Nesciunt mortui etiam
Sancti quid agant viuicula eorum filij.* Hæc
opinio Sancti Augustini non aridet totali-
ter, quia indignum est & incongruum, quod
Beati discant ab animabus quæ recipiuntur in
cælo, aut ab Angelis. Primò, quia non oppor-
tune scirent necessitates inuocantium eos. Se-
cundò, cum feruentior oratio fiat in mentis co-
gitatione, quam neuter nouit, vix sciret, tum
ad cognoscendas preces, quæ eodem tempore
fiunt diuersissimis in locis, non sufficit celeritas
Angelorum descendendum ad nos, & ad cælos
redcurrentium, sed requireretur vera vbiquitas,
quæ nec Angelis nec hominibus concedi po-
test.

Respondet Sanctus Thom. 3. part. quæst. 10.
art. 2. quod intellectus creatus cognoscit in ver-
bo, non quidem omnia simpliciter, sed tanto
plura, quanto perfectius videt Verbum seu
Deum, nulli tamen beato deest quin cognoscat
in verbo omnia, quæ ad ipsum spectant. Grego-
rius lib. 12. moral. cap. 13. *Beatis in verbo mani-
festatur illud, quod deest eis cognoscere de eis,
quæ circa nos aguntur, etiam quantum ad inte-
riora motus cordis, maxime autem excellentiam
status eorum deest, ut cognoscant petitiones ad
eos factas vel voce vel corde, & ideo petitiones
quas ad eos dirigimus, Deo manifestante cogno-
scent.* Sic Cajetanus, Bellarminus itidem lib. 1.
de Sanctorum beatitudine cap. 20. qui tenet
cum Sancto Thoma, quod Beati à principio
gloriæ suæ cognoscunt in verbo, quæ pertinent
ad eorum statum, & non tantum quando pre-
ces ad eos fundimus, reuelari eis. Nam Ecclesia
non ita audacter diceret omnibus Sanctis, *pro-
te, intercede pro nobis*, sed peteret aliquando
à Deo, ut eis reuelaret preces nostras. Deinde
non potest reddi ratio tam facilè, cur Sancti
nunc inuocentur, & ante aduentum Christi
non inuocarentur.

QUÆRES, cum Scoto in 1. distinct. 1. q. 2.
*An de potentia absoluta possit videri essentia
diuina sine personis, & voluntas frui ea & non
illius?*

Respondet, beatitudinem equidem consi-
stere in visione Dei trini ut est, & beatos ne-
cessario eum videre, eoque beatè frui. Supposi-
to tamen quod essentia est obiectum primarium
& quod ad hoc ut aliquis sit beatus, non requi-
ratur quod videat essentiam secundum omnes
rationes, secundum quas est visibilis in se. Sicuti

ait Scotus, non implicat quod Beatus videat essentiam, & non videat creaturas in ea, saltem aliquas, ita non implicat, ait, quod videat essentiam non videndo personas. Ratio est, quia non obstante lumina identitate, potest alicui communicari essentia sine persona, quo pacto communicata est Filio & Spiritui Sancto sine paternitate, quod cognoscatur Deus sub relationibus vel idz est quasi objectum secundarium, id est, non necessariò absolute inclusum in cognitione essentiae, ut essentia est.

QVÆSTIO XIII.

An omnes Beati aequaliter videant Deum?

Cum vita æterna consistat in visione Dei, Ioan. 17. *Hæc est vita æterna, ut cognoscas te Deum verum.* Ergo ait Sanctus Thomas 1. part. quæst. 12. artic. 6. poneretur æqualis in omnibus beatitudo, data æquali visione. Dicendum ergo, inæqualem esse visionem, & beatitudinem consequenter.

Probatur ex Scriptura Ioan. 14. *In domo patris mei mansiones multe sunt.* 1. Cor. 13. *Sicut stella a stella differt in claritate, sic eris resurrectio mortuorum.* & 1. c. 3. *Vnusquisque propriam mercedem accipiet iuxta laborem suum.* 2. Cor. 9. *Qui parce seminat, parce & metet.*

Probatur ex communi consensu totius Ecclesie, quæ sanctissimam Dei matrem super omnes Choros Angelorum in cælestibus regnis exaltatam esse prædicat.

Probatur ex Conciliis, præsertim Florentino sub Eugenio Papa 6. sess. ult. in quo declarata est inæqualitas meritorum, unde cum beatitudo detur omnibus ut merces, servatur ratio iustitiæ distributiue, ut est in malorum punitione, Apoc. 8. *Quantum glorificauit se, tantum dabit ei tormentum.*

Probatur ex Sanctis Patribus, August. lib. 1. de Trinitate, cap. 9. & 15. *In visione clara Dei est tota merces, visioque illa est summum bonum.* Gregorio 4. moral. cap. 3. *Quia in hac vita discretio est operum, erit in illa procul dubio discretio dignitatum.*

Probatur ratione, quia facultas videndi Deum non competit intellectui creato ex natura sua, sed per lumen gloriæ quod intellectum constituit in quadam deiformitate, unde intellectus plus participans de lumine perfectius videt Deum, plus autem participabit de lumine gloriæ, qui plus habet de charitate, quia ubi est maior charitas, ibi est minus desiderium, & desiderium facit desiderantem quodam modo aptum ad susceptionem desiderati.

Dices, cum Ioviniano hæretico ex Math. 20. in operatorum parabola æqualis merces vnius denarii redditus est operantibus in æquali tempore & labore, primis & nouissimis.

Respondeo cum Sancto Augustino, sermone 59. de Verb. Domini, cap. 4. per æqualitatem denarii cuique operatorum soluti, intelligendum esse æqualitatem durationis in beatitu-

dine, hæc enim in omnibus æterna futura est. Vel cum Sancto Thoma 2. 2. quæst. 5. articulo 2. Per denarium intelligi obiectum beatitudinis, quod in se vnum idemque est pro vnoquoque Beatorum, scilicet essentia diuina quæ eadem ab omnibus clarè videbitur. Quæ tamen æqualitas durationis vel obiecti non impedit inæqualitatem visionis & fruitionis ipsius obiecti, pro ratione inæqualium meritorum, ad pondus charitatis remuneratorum, ex lumine gloriæ, & ex eo ex intensione visionis.

Respondeo, præterea in parabolis spectandum esse scopum, & non omnes circumstantias: scopus huius est, ut ostendat primos fore nouissimos, & è contra, id est, Iudeos qui primi venerant in vineam Dei, & portarunt pondus legis, non plus accepturos, quam Christianos, qui ultimi venerunt, & legis seruitutem non sunt experti.

An ergo inquit, minoribus meritis respondent maiora aut æqualia præmia? Nullo modo, aliud est plus & longiori tempore laborare, aliud plus mereri. Iudei plus laborauerunt. Christiani plus merentur. Unde hoc? quia meritum non fundatur in externo labore & obseruantia legali; sed in gratia & charitate: in nouo Testamento maior & potentior est gratia Dei ob præsentiam Christi, & diffusionem Spiritus Sancti.

Dices, videbimus Deum sicuti est, sed ipse est vno modo, ergo vno modo videbitur ab omnibus, ergo non perfectius ab vno quam ab altero.

Respondeo, hoc adverbium *sicuti* determinat modum visionis ex parte rei visæ, ut sit sensus, videbimus eum ita esse sicuti est, quia ipsum esse eius videbimus quod est eius essentia.

Instabis ex Augustino lib. 83. quæst. quæst. 32. Quod vnā rem non potest vnus plus alio intelligere, sed omnes videntes Deum intelligunt essentiam eius.

Respond. hoc esse verum, si referatur ad modum rei intellectæ, quia quicumque intelligit rem aliter quam sit, non verè intelligit: si vero referatur ad modum intelligendi, non valet, quia intelligere vnus est perfectius intelligere alterius, ex diuersa facultate externa intellectus, siue auxilio hominis.

Dices, omnes Beati habent eandem inclinationem ad Deum clarè videndum, ergo si vident inæqualiter, non quietantur, nec sunt Beati, cum non satietur naturalis eorum appetitus.

Respondet Scotus in 4. distinct. quæst. 6. Quod inæqualitas potest stare cum beatitudine in eadem specie, Non oportet inquit, quod appetitus habeat omnem perfectionem, cuius est summè capax, patet de graui, quod est capax esse summè deorsum, scilicet in centro, non tamen omne graue potest esse in centro, & si tolleretur omne impedimentum, esset summè deorsum, & tamen non potest esse, sed facit se deorsum quantum potest, & ibi quiescit: & ideo sufficit, quod graue quietetur eo modo, quo grauitas est principium ineriscentum ad quietationem. Est autem principium sic, quod stante naturæ perfectione eadem ad quam maior est intentio naturæ, maiorem habet perfectionem,

perfectiorem, & hoc siue sit ab intrinseco positiuo eorum, siue ab extrinseco, quod est natura vniuersalis: hoc autem est, vt illa quæ sunt magis graua, quietentur magis deorsum, vnde sufficit minus graui, quod quietetur in superficie terræ. Sic etiam in proposito, licet appetitus naturalis inclinet ad summam perfectionem, iustitia tamen distributiva, quæ est in Deo; quæ ordinat omnia propter seipsum, ordinat sic homines ad beatitudinem, vt hæc perfectio detur propter meritum, non propter appetitum naturalem, & quia merita possunt esse inæqualia in eadem specie hominum, consequenter & perfectio potest esse inæqualis.

Dices, beatitudo est summum bonum, sed deo non potest esse quid maius, ergo vnus non potest esse beator altero.

Respondeo, quod duplex est beatitudo, obiectiua scilicet & formalis; obiectiua est Deus, qui est summum bonum, & quo nullum potest maius esse, & hoc modo vnus beatus non fruatur maiori bono quam alius. Formalis est ipsa visio, qua Deum tanquam summum bonum possidemus, & qua sumus formaliter beati, & hæc visio in sua specie dicitur etiam summum bonum, quia est perfectissima possessio summi boni, quamuis possit accidentaliter perfici intra eandem speciem, quia vnus potest alio clarius videre Deum, & sic vnus potest esse beator altero.

Q V A E S T I O XIV.

An intellectus perfectior possit intensius videre, quam imperfectior in equali lumine?

Idem queritur de fruitione in equali charitate.

Quamuis aliqui beati minus perfecte Deum videant quam alij, non tamen desiderant perfectius videre eum, sed sunt contenti suo beatitudinis gradu, vt colligitur ex Psalm. 16. *Satiabor, cum apparueris gloria tua.* Quæ autem sit huius rei ratio, non conueniunt omnes. Quidam referunt hoc ad diuinam providentiam quæ sicut prædestinavit ab æterno beatos ad diuersos gradus beatitudinis, ita etiam constituit illis dare & præscribere appetitum, qui iisdem gradibus perfecte expleatur.

Hæc ratio non placet, quia in omnibus hominibus est appetitus eiusdem rationis, neque ex natura rei est contractior in vno quam in altero.

Alij dicunt inferiores non appetere maiorem beatitudinem, quia Deus non vult concurrere cum illis ad eam appetendam, sed vult contentos esse ea, quam habent.

Nec ista placet, quia non sufficit. Primò, quia tantum habet locum in appetitu voluntatis elicitò, non autem in naturali appetitu intellectus & voluntatis, qui est solum propensio & inclinatio naturalis sine actu elicitò, & est rationis eiusdem in omnibus. Secundò, quia nec appetitus elicitus hoc modo esset positiuè & in

Carriere in Professionem Fidei.

seipso expletur vi beatitudinis, sed tantum negatiuè & ab extrinseco, quatenus Deus non vellet concurrere ad desiderandam maiorem beatitudinem.

Vera ergo ratio est, quod vterque appetitus tam naturalis quam elicitus, sit vi beatitudinis perfecte satiatus. De naturali probatur, quia naturalis appetitus intellectus nostri fertur ad cognoscendam totam latitudinem veri, quam naturaliter cognoscere potest, & similiter appetitus voluntatis ad appetendam totam latitudinem boni naturaliter cogniti, ergo vtriusque potentia naturalis appetitus expleri potest, illa latitudine boni & veri ad quam fertur intellectus & voluntas, ergo in Deo clarè viso expletur vtriusque potentia appetitus naturalis, & quidem multò perfectius quam si totam latitudinem veri & boni naturalis extra visionem beatificam possiderent.

Hinc sequitur contineri in visione beatifica omnem cognitionem naturalem, quam intellectus habere potest, pariterque in amore beatifico omnem amorem naturalem, quem voluntas habere potest.

Dices, visio beata trium graduum non continet eminenter visionem 6. graduum, ergo beatus per visionem 3. non habet totam latitudinem boni ad quam se potest extendere naturalis ipsius appetitus, ergo non est perfecte satiatus.

Respondeo, appetitus naturalis secluso actu elicitò non extendit se ad cognitionem & amorem supernaturalem, sed tantum ad naturalem, vnde visio trium graduum licet non contineat eminenter visionem 6. graduum, quæ supernaturalis est, continet tamen eminenter omnem cognitionem naturalem, ad quam intellectus se extendere potest; & ideo perfecte satiatur appetitum naturalem. Adde, licet visio 6. graduum non contineatur eminenter in visione trium, continetur tamen eminenter in Deo, qui videtur visione 3. graduum, & ideo etiam ex hac parte nihil deest ad satiandum appetitum.

De appetitu elicitò voluntatis, patet hunc plenè satiari, id est, quod Beatus nihil desideret, quam quod habet; & quidem de desiderio boni naturaliter cogniti patet ex dictis, quia omnis amor naturalis, quem voluntas habere potest, continetur eminenter in amore Dei beatifico. De desiderio autem supernaturalis boni probatur, quia Beati amore beatifico plus Deum diligunt quam seipsos & sua commoda, ergo magis desiderant implere voluntatem Dei quam suam. At voluntas Dei est, vt præmium sit æquale merito, ergo non desiderant plus habere quam meriti sunt.

Dices, hinc sequitur, quod Beati vellent plus habere, si Deus etiam vellet, & ipsi meriti essent.

Respondeo, verum est, quia hoc est velle sub conditione, neque dicitur voluntas, sed velleitas, quæ potest consistere cum plena satiata & beatitudine, vt patet in ipso Deo, qui vellet omnes saluos fieri, si ipsi non impedirent.

Dices, Beati appetunt sua corpora gloriosa esse, ergo appetitus eorum non est expletus.

Respondeo, non appetere id appetitu elicitu voluntatis, de quo agimus, quia se conformant diuinæ voluntati, sed appetitu quodam naturali (non intellectus aut voluntatis, qui expletus est) sed naturali quadam propensione animæ, quæ vel forma appetit vniri suo corpori: hic autem appetitus licet non sit expletus, non tamen parit desiderium absolutum in voluntate, ob summam eius conformitatem cum diuina.

Hinc soluitur Propositio, quod minus beatus sit verè beatus licet naturaliter loquendo illius appetitus non sit perfectè expletus, cum sit capax maioris beatitudinis.

Respondeo enim, quod si offeratur inferiori beato superioris beatitudo sub ratione maioris boni, non tamen eam absolutè desiderat, quia conformat se voluntati Dei.

QVÆSTIO XV.

An dato equali lumine, perfectior intellectus possit intensius videre?

Thomistæ totam causam inæqualitatis referunt ad inæqualitatem luminis gloriæ. Scotus verò quem Caietanus, Molina, Richardus & alij sequuntur, dat partim intellectui, partim lumini gloriæ. Ratio eius est, quia intellectus concurret actiue ad visionem (si hoc supponitur) ergo ceteris paribus quo perfectior est intellectus, erit & visio: & confirmatur, quia intellectus Beatorum non concurret liberè ad visionem, sed necessario, ergo concurret quantum potest, ergo intellectus Angeli concurret maiori conatu quàm intellectus hominis, ergo augeat intensiorem visionem. Secundò, nobilior intellectus cum æquali specie intelligibili intelligit perfectius, ergo etiam cum æquali lumine gloriæ. Tertiò, actus Fidei, Spei, & Charitatis non solùm habent intensiorem suam ab habitibus supernaturalibus, sed etiam ab intellectu & voluntate, ergo à simili visio Dei. Quartò, visus corporalis acutior perfectiue videt quam visus debilior, cum æquali lumine, Idem ergo est de visu intellectuali. Denique ratio vniuersalis est, quia perfectius agens cum æquali instrumento perfectius operatur, unde si Angelo daretur tanta gratia, quanta animæ Christi, nulli dubium est quod fruitionem perfectiorem eliceret: quàm voluntas humana Christi. Idem dico de intellectu, quoniam intellectus & voluntas Angeli sunt efficaciora & magis actiua.

Ex eodem fundamento habetur, quod imperfectior intellectus potest habere perfectiorem visionem & fruitionem cum maiori lumine, quàm superior intellectus & voluntas cum minori lumine & gratia. Nam cum vtrumque sit causa partialis, potest contingere quod lumen & gratia sint adeò intensa in intellectu inferiori, vt valde superent lumen & gratiam intellectus superioris, & tunc vbi deficit perfectio intellectus, supplet perfectio & maiestas luminis & gratiæ, ideo potest quoque esse perfectior visio

& fruitio. Et hac ratione Scotus in 3. distinct. 13. quæst. 3. ait fruitionem animæ Christi esse de facto maximam elicituè, & superare omnem fruitionem & visionem cuiuscumque Angeli etiam perfectissimi.

Dices, si mensura perfectionis beatitudinis desumeretur ex perfectione intellectus, sequeretur quod aliquis gradus beatitudinis haberetur ex puris viribus naturæ, quod est Pelagianum: Consequentia probatur. ponatur casus quod Angelus & homo habeant æquale meritum, ergo Deus debet eis dare æquale præmium, scilicet æquale lumen, at Angelus habebit perfectiorem intellectum quàm homo, ergo cum illo æquali lumine perfectius videbit Deum quam homo, ergo illos plures gradus quibus Angelus superabit hominem in visione Dei, non accipiet Angelus ex merito suo, sed ex propriis viribus naturalibus, quod est Pelagianum.

Respondeo hinc non sequi haberi aliquem gradum beatitudinis sine merito, sed sequi haberi ex perfectione naturæ, neque hoc est Pelagianum. esset Pelagianum dicere, quod ex solis viribus naturæ posset aliquis gradus gratiæ & gloriæ haberi. Neque ex hoc sequitur, illum gradum haberi ex solis viribus naturæ, si enim deesset lumen gloriæ, vel gratia illum gradum non haberet, sicut nec vlllo modo haberet ipsam visionem & fruitionem, sed posito lumine gloriæ & gratiæ, quæ sunt alia causa partialis constituens naturam in actu primo sufficiente ad eliciendum actum secundum visionis & fruitionis, ex perfectione suæ naturæ, addit illum vel illos perfectiores gradus.

Instabis: forma ordinis supernaturalis non potest intendi à forma ordinis naturalis, quia non habet proportionem cum ea, sed visio est ordinis supernaturalis & diuini, ergo non potest intendi ab intellectu quantumcumque perfecto, sed à lumine gloriæ, quod est forma ordinis supernaturalis.

Respondeo intellectum & voluntatem inclinari naturaliter ad videndum Deum & eo fruendum actiue, licet actu propriis viribus eum non possint attingere, ideo illa visio & fruitio est actus naturalis intellectus & voluntatis, vt ab eis procedit, licet sit supernaturalis, vt à Deo efficitur mediante lumine gloriæ. Falsum ergo est, quod visio & fruitio sint actus supernaturales secundum essentiam, & alterius ordinis ab ordine intellectus & voluntatis.

Observa vitam aternam beatam non consistere in sola visione seu intellectu essentia diuina, qua præcisè considerata intellectum tantum complet: requiritur præterea amor & fruitio ipsius Dei, qua voluntas beatorum plenè satiatur, & ex quo ineffabile gaudium oritur, quare ad plenam vitam aternam intelligentiam aliqua expendo de voluntate Beatorum.

QUESTIO XVI.

*An Deo per intellectum apprehenso
necesse sit voluntatem
frui?*

AD perfectam intelligentiam status Beatorum, qui Deum clarè cognoscunt, ipsumque consequenter necessariò & immutabiliter amare dicuntur, sciendum est, vtrum voluntas creata necessariò fruatur Deo clarè viso?

Nota primò quæstionem hanc pendere ex notitia actuum humanorum, quam infra habes in articulo professionis fidei, qui iustificationem ad sensum Concilij Tridentini amplectitur. Consule etiam Sanctum Thomam in 1. 2. quæstion. 10. de modo quo voluntas mouetur.

Nota secundò, quod fructio, vt docet magister Sententiarum 1. distinct. & August. lib. 1. do doctrina Christiana cap. 4. est amore inhaerere alicui propter se, & in hoc differt ab vsu.

Vti est inhaerere alicui propter aliud, actus ergo quo aliquid diligimus propter se, est fructio, quo vero propter aliud, est vsus. Magister ponit discrimen inter fructiorem ordinatam & fructiorem in communi, neque enim omnis fructio est ordinata, sed aliqua est inordinata, vnde August. dicit, *Magna peruersitas est, vti fruendis, & frui vtendis.* Fructio ordinata est, quæ habet debitas circumstantias, vt cum diligimus Deum propter se, frui vtendis est, cum diligimus creaturam propter se, non autem propter Deum.

Obiectum fructiõis ordinatæ est vltimus finis, quia sicut assentiendum est per intellectum primo vero propter se: ita assentiendum est per voluntatem primo & summo bono propter se. Tum, ait Scotus, virtus appetitiua habet pro adæquato obiecto ens, ergo non potest quietari nisi vbi Ens est perfectissimò modo & in summo: huiusmodi est solùm in Deo & vltimo fine.

Adde, quod voluntas nostra non potest quietari in vno aliquo ente tantùm, nisi illud ens contineat alia entia, quia voluntas inclinatur ad diligendum omnia. At solus Deus continet alia entia perfectissimò modo, Ergo solus Deus est obiectum fructiõis ordinatæ. Sanctus Thom. 1. part. q. 2. hanc affert rationem, solus Deus est principium efficiens & creans animas, ergo solus est fructiõis obiectum. non concludit, dicunt aliqui, quia Deus non quietat in quantum est primum efficiens, sed in quantum est ens perfectissimùm & summum bonum, vnde est per accidens quod coniungatur in eodem obiecto, ratio efficientiæ & ratio summi boni, vnde si per impossibile obiectum fructiõis esse posset summum bonum, & non primum efficiens tamen esset obiectum fructiõis.

A fortiori ergo Deus clarè visus est obiectum fructiõis nostræ, cui necessariò inhaereat voluntas creata (supposito quod eleuata sit charitate supernaturali.)

Ratio principalis est, sicut se habet principium in speculabilibus, sic se habet finis in operabilibus, ex Aristotele 2. physicor. text. 89. sed intellectus assentitur necessariò primis speculabilibus, vt, quod totum est maius sua par-

te. Ergo voluntas necessariò assentitur fini vltimo in operabilibus, Ergo vult Deum clarè visum, vult inquam necessariò. Secundò, quicquid vult voluntas, illud vult vt est bonum, sed omne bonum est bonum participatione bonitatis vltimi & summi boni. Ergo voluntas necessariò vult summum bonum, quia necessariò vult, cuius participatione vult quicquid vult. Tertiò, voluntas tantùm potest non velle aliquid, quoniam in isto sit vel aliqua ratio mali, vel aliquis defectus boni, sed in vltimo finè Deo clarè viso nullus est defectus boni, nec vlla ratio mali, ergo necessariò vult Deum.

Probatur autoritate Sancti Augustini lib. 13. de Trinitate cap. 3. vbi dicit, quod quidam minimus in publico theatro promisit toti populo, se die sequenti dicturum, quid omnes vellent, confluente autem populo dixit, vultis vili emere & carò vendere. Subiungit autem Sanctus Augustinus. *Si minimus ille dixisset, vultis omnes esse Beati, & non vultis esse miseri, dixisset aliquid quod omnes agnoscerent in sua voluntate.* Hoc autem non esset verum, nisi voluntas ferretur in beatitudinem in vniuersum. Præterea natura quandocumque adipiscitur finem vltimum, ita quiescit in eo, quod non potest appetere recedere ab illo, sicut lapis quando adipiscitur centrum, ita quiescit vt inde non recedat nisi per violentiam, sed visio beata est finis vltimus hominis, ergo ita in eo quiescit, vt non possit ab eo amoueri, nisi per violentiam. Tum in patria actus dilectionis beatificæ mensuratur æternitate participata, at quæ sic mensurantur sunt inuariabilia & necessaria. Ergo dilectio essentiæ diuinæ est inuariabilis & necessaria. Hæ sunt rationes pro sententia S. Thom. Quæ supponit fructiorem esse actum appetitiuæ potentiæ seu voluntatis, quem consequitur delectatio seu complacentia in obiecto.

Scotus in 4. dist. 49. quæst. 9. & 10. docet voluntatem duobus modis considerandam.

Primò, secundum inclinationem naturalem qua tendit ad propriam perfectionem, vt quælibet alia natura, & secundum hanc considerationem dicitur appetitus siue potentia naturalis. Alio modo, vt est elicitua actuum suorum & sic dicitur appetitus, siue potentia libera & voluntas.

In primo sensu voluntas vt est potentia naturalis, appetit naturaliter beatitudinem, hancque non indeterminatè, & vniuersaliter, sed in particulari. Ratio est, quia appetitus ille naturalis non sequitur cognitionem, sed eam præcedit, si enim subsequeretur cognitionem, non esset actus vel appetitus naturalis, sed liber. At vniuersale non habet esse ante operationem intellectus, quia illud est obiectum intellectus, vel fit per operationem illius, ergo appetitus ille naturalis non potest tendere in aliquod vniuersale, sed in aliquod particulare, Ergo erit beatitudinis in particulari, non in vniuersali, licet ignoret illud particulare, in quo sita est.

In secundo sensu sumendo voluntatem quatenus est potentia libera, suorumque actuum elicitua, Scotus tenet esse impossibile, voluntatem necessariò velle beatitudinem, siue in particulari. Ratio hæc est, si voluntas agit necessariò, hanc necessitatem non habet ab intellectu, sed ex natura sua, at hoc non, ergo non vult necessariò beatitudinem. Antecedens pro-

batur, quia causa inferior non determinat modum agendi causæ superioris, intellectus autem est causa inferior respectu voluntatis, quia voluntas eo videtur tanquam lucerna, & applicat ipsum ad intelligendum quod ipsa vult relinquitur ergo, quod hanc necessitatem habeat ex sua natura: falsitas consequentis probatur, quia quando causa superior necessario agit, mouet inferiores causas ad agendum actiones suæ actioni necessarias, cum ergo ad actum voluntatis requiratur apprehensio intellectus, sequitur quod si voluntas necessario velit beatitudinem, quod determinabit intellectum ad semper considerandum de beatitudine, quod est falsum, ut patet experientia.

Et hoc dictum circa beatitudinem apprehensam confusè.

Quantum ad Deum clarè visum, seu beatitudinem,

Nota voluntatem nostram velle beatitudinem, contingit duobus modis, vel actu concupiscentiæ, vel actu amicitiae 1. modo est velle sibi inesse illud bonum, ut bonum sibi sufficiens 2. modo est velle finem ultimum in se & propter seipsum. Fruitio autem nostra consistit in actu amicitiae, non in actu concupiscentiæ, quia erimus beati volendo & diligendo Deum propter se, licet ad hunc actum sequatur etiam actus concupiscentiæ, scilicet dilectio Dei etiam, quia est beatitudo nostra.

Tamen formaliter consistit in actu amicitiae. In præsentia autem non quaero. An voluntas velit necessario actu concupiscentiæ ultimum finem in communi, id est beatitudinem sibi inesse, quia de hac re non est dubium, quod omnes concupiscunt sibi bonum, quia ista concupiscentia est naturalis appetitus, non elicitus.

Quæstio est de actu elicito, huncque essentialiter liberum esse, propugnat Scotus. unde & asserit Spiritum Sanctum libere produci, quia per voluntatem spiratur. ad hoc vide locum proprium. Vbi supponitur, voluntarium stare cum necessitate, non tamen cum libero. Nam actio voluntaria potest diuidi in liberam & necessariam, non tanquam genus in suas species, sed tanquam subiectum in suos modos.

Ad propositum totius quæstionis sat est, quod amor beatorum licet producat libere, quia hoc est de essentia voluntatis, tamen immutabilis erit. In articulo de iustificatione examinatur accuratè libertas arbitrij.

QVÆSTIO XVII.

An gaudium sit de essentia beatitudinis?

STriquè & speculatiuè loquendo, Scotus in 4. dist. 49. qu. 7. negat delectationem esse de essentia beatitudinis, quia delectatio est passio, beatitudo autem consistit in operatione, visione scilicet intellectus, & fruitione voluntatis, voluntas autem dupliciter considerari potest, vel ut potentia operatiua, vel ut receptiua, primo modo perficitur simpliciter operatione coniungente simpliciter ultimè optimo simpliciter, & in hoc consistit beatitudo. Ut recepti-

ua, est perfectibilis non operatione tantum, sed passionibus spiritualibus, nam talium ultimè est receptiua, & sic perficitur delectatione & gaudio. Ex quo patet, ait Scotus, quod gaudium magis est de beatitudine, quàm securitas. Rationes Scoti pro conclusione hæc sunt: nulla passio est beatitudo essentialiter, sed gaudium seu delectatio est essentialiter passio, quæ recipitur ab obiecto in potentiam. Tum, quod est de essentia beatitudinis, debet respicere obiectum beatificum, non solum in ratione causæ efficientis, sed etiam obiecti, sed passio non respicit obiectum nisi ut causa efficiens.

Dices, ex August. 10. Confess. *Gaudium de re, erit vita beata.*

Respondeo verum esse, quia gaudium est in voluntate, ut est passionum receptiua.

Instabis. Beatitudo est perfecta quietatio beati, perfecta autem quies est gaudium & delectatio.

Respondeo esse quietem causaliter, quia beatitudo eam causat, tamen essentialiter non est ipsa delectatio & quies. Adde, quod quietatio nunquam est in se, sed in alio, unde creatura non quietatur in se, terra v. g. nisi in centro. delectatio est formaliter in voluntate, ut est receptiua passionum, non habens in se formaliter quietationem, & sequitur operationem per quam quietatur in alio, cui coniungitur.

Instabis, delectatio realiter differt ab operatione, per Scotum, ergo separari potest à visione Dei, nam Deus potest separare omne quod non est de essentia alicuius, sed implicat quod quis Deum videat, & non delectetur in ipso.

Respondeo, concedo possibilem separationem, sed hoc esset speciale miraculum Dei, conseruantis visionem, & non gaudium.

Dices, beatitudo est maxima perfectio beati, sed ipsa erit maior perfectio, si gaudium fuerit de essentia eius, quàm si solum comitetur eam, ergo melius est ponere, quod sit de essentia eius, sic enim melius saluatur eius perfectio.

Respondeo concedo maiorem; Ad minorem dico, perfectiorem fore beatitudinem, si gaudium esset de essentia, sicut homo esset perfectior, si sapientia esset de natura eius, sed passio non potest esse de essentia beatitudinis, quia de essentia eius est, quod coniungat obiecto beatifico, hoc autem non potest facere passio.

Quæres, *Quid in beatitudine sit principalis, visio vel delectatio.*

Respondet S. Thom. qu. 4. art. 2. esse ipsam visionem, nam cum causa sit potior suo effectu, certè principalius bonum est ipsa visio in beatitudine, quàm delectatio comitans.

Dices, illud propter quod aliquid appetibile est, potius reputatur, sed operationes appetuntur propter delectationem ipsarum, unde & natura, in operationibus necessariis ad conseruationem individui & speciei, appositae delectationem, ut huiusmodi operationes non negligantur ab animalibus, Ergo delectatio est potior operatione intellectus, seu visione.

Respondeo, quod apprehensio sensitua non attingit ad rationem communem boni, sed ad aliquod

aliquod particulare bonum, quod est delectabile, & ideo secundum appetitum sensitivum, qui est in animalibus, operationes queruntur propter delectationem. Sed intellectus apprehendit universalem rationem boni, ad cuius consequentiam, sequitur delectatio; unde principaliter intendit bonum; quam delectationem, indeque est quod divinus intellectus, qui est institutor naturæ, delectationes apponit propter operationes. Non est autem aliquid æstimandum simpliciter secundum ordinem appetitus sensitivi, sed magis secundum ordinem appetitus intellectivi.

Instabis visio respondet fidei, delectatio autem seu fructio charitati, sed charitas est maior fide 1. Corinth. 13. ergo delectatio seu fructio est prior visione.

Respondeo, quod charitas non querit bonum dilectum propter delectationem, sed hoc est ei consequens, ut delectetur in bono adeptio, quod amat, & sic delectatio non respondet ei ut finis, sed magis visio, per quam finis sit ei præsens.

Quæres. *An divinitas possit sine gaudio videri a malis?*

S. Thomas qu. 90. art. 3. in supplemento, dicit quod non, quia vita æterna est cognoscere Deum, ex quo patet quod essentia beatitudinis consistit in visione, At gaudium est de ratione beatitudinis, ergo divinitas non potest videri sine delectatione. Tum, cum essentia eius quod est bonum per essentiam, non possit non delectare apprehensa seu cognita, Deus qui est essentialiter ipsa bonitas, non potest sine gaudio videri, unde dicendum, quod in quolibet appetibili vel delectabili possunt considerari duo, scilicet id quod est delectabile, & id quod est ratio delectabilitatis seu appetibilitatis in ipso: sicut autem id quod est, potest habere aliquid præter quam quod ipsum est, ipsum vero esse nihil aliud habet præter se admixtum: ita id quod appetibile est vel delectabile, potest habere aliquid aliud admixtum, unde delectabile vel appetibile non sit, sed id quod est ratio delectabilitatis, nihil habet seu habere potest, propter quod non sit delectabile vel appetibile.

Res igitur quæ sunt delectabiles per participationem bonitatis, quæ est ratio appetibilitatis, possunt apprehensæ non delectare, sed id quod per essentiam est bonum, impossibile est quod essentia eius apprehensa non delectet, unde cum Deus sit essentialiter ipsa bonitas, non potest videri sine gaudio.

Dices, voluntas implorum perversa non magis aduersatur humanitati Christi, quàm eius divinitati, sed visio humanitatis Christi cederet eis in pœnam, ergo à fortiori si divinitatem eius viderent, magis contristarentur, quàm gauderent.

Respondeo, quod divinitatem secundum se nullus odio habere potest, sicut nec ipsam bonitatem. Sed quantum ad aliquos divinitatis effectus, dicitur odiri ab aliquibus, ut quantum aliquid agit vel præcipit, quod voluntati eorum est contrarium, & ideo visio divinitatis nulli potest esse non delectabilis.

Instabis omne quod recipitur, per modum recipientis & non recepti recipitur, & omne

quod videtur, recipitur quodammodo in vidente, ergo licet divinitas in se sit delectabilissima, tamen visâ ab iis, qui absorpti sunt in tristitia, non delectabit, sed magis contristabit.

Respondeo, quod tristitia non nominat dispositionem, sed magis passionem: omnis verò passio tollitur à contrario fortiori superveniente, & ideo damnatorum tristitia tolleretur, si Deum per essentiam viderent.

Instabis sicut se habet sensus ad sensibile, ita intellectus ad intelligibile, sed palato non sano pœna est panis, sano suavis, & sic in aliis sensibus, ergo cum damnati habeant intellectum indispositum, pœnam eruent à Deo viso.

Respondeo, quod per indispositionem organi tollitur proportio naturalis eius ad obiectum, quod natum est delectare, & ideo delectatio impeditur, sed indispositio quæ est in damnatis, non tollit naturalem proportionem, quæ sunt ordinati ad divinam bonitatem, cum imago Dei semper in eis maneat, quantum ad naturam. Et ideo non est paritas.

QVÆSTIO XVIII.

An Beatitudo consistat per se in actu intellectus, vel voluntatis?

Scorus in 4 dist. 49. quæst. 4. & 5. assignat voluntati & fructioni principalis, licet totalitate extensivâ beatitudo naturæ intellectualis, totalis consistat tam in actu intellectus, quàm voluntatis. Probat ex eo, quod voluntas sit nobilior potentiarum, consequenter actus eius nobilissimus simpliciter, & in tali Beatitudo maximè consistit. Tum, finis extra seu Beatitudo est aliquid simpliciter optimum, & summè volendum, ergo inter ea quæ sunt ad ipsum, id quod est sibi immediatius, est magis volendum, sed velle est sibi immediatius, quia immediatè tendit in ipsum, cum finis ultimus sit proprium obiectum ipsius velle, ergo ipsum velle est magis volendum, quàm ipsum intelligere, & sic in eo magis consistit beatitudo.

NOTA autem ex Scoto, Beatitudinem naturæ intellectualis consistere in solo actu voluntatis, qui est fructio quia Beatitudo non potest consistere in aliquo nolle, tum quia nolle habet per se obiectum malum, quod non potest esse obiectum beatificum, tum quia actus beatificus est primus & immediatus respectu ultimi finis, nolle autem non est simpliciter primus inter actus voluntatis, quia non habet nolle nisi virtute alicuius velle, ex Anselmo de casu diaboli.

Nec consistit beatitudo in velle concupiscentiæ tum quia illud non potest esse primus actus voluntatis, quia omne concupiscere est in virtute alicuius actus amicitie, tum quia actus amicitie inest voluntati, secundum quod habet affectionem iustitiæ. Actus autem concupiscentiæ sibi inest, secundum quod habet affectionem commodi, nobilior autem est affectio iustitiæ, quàm affectio commodi, quia regulatrix eius est & moderatrix, & est propria voluntati, secundum quod est libera & iniqui actus amicitie tendit in obiectum, ut est in se bonum.

bonum: actus vero concupiscentiæ tendit in illu. l. ut est bonum mihi, nobilius autem est in se quàm in aliqua alia habitudine. Concludo ergo, quòd beatitudo consistit in actu amoris amicitia, talis autem est fructio, videlicet amor alicuius propter se, scilicet propter amatum.

NOTA quod tentio succedens spei comitatur beatitudinem, licet autem illa sit actus voluntatis, non tamen in tentione consistit beatitudo.

NOTA beatitudinem non consistere in omni fructione, illa enim quæ est viæ, est imperfecta, nec consistit in illa, qua quis videns Deum frueretur eo sine charitate, talis enim non haberet aliquem primum actum supernaturalem, esse autem præcedit operari, consequenter nec haberet beatitudinem.

Dices, ex S. Thom. qui intellectui assignat 1. 2. quæst. 3. art. 4. Beatitudo est acquisitio finis ultimi, sed consecutio illius non consistit in actu voluntatis, hæc enim fertur in finem, & absentem, cum ipsum desiderat; & præsentem, cum in ipso requiescens delectatur, & quod plus est, nunquam desiderat aut prosequitur aliquod obiectum, quin prius illud cognoscat, hæc enim non fertur in incognitum, ergo prius cognoscitur ab intellectu, quàm ametur à voluntate; at finis ille obtinetur, & præsens habetur, cum per illum videtur, ergo ab actu intellectus dependet beatitudo, quæ est noster finis ultimus, & probatur Ioan. 17. *Hæc est vita æterna, ut cognoscant te.* Tum, *visio est tota merces.* Adde quòd beatitudo est bonum per se sufficiens, sed huiusmodi est visio Ioan. 4. dicente Philippo: *Offende nobis Patrem, & sufficit nobis.* Tum intellectus immediatius vnitur obiecto beatifico, quàm voluntas, non enim vnitur nisi mediante intellectu.

Respondeo, quod licet per intellectum sit aliquis affectus obiecti, prior prioritate generationis, non tamen prioritate perfectionis. Nam ex Arist. 9. Metaph. textu 59. posteriora generatione sunt priora perfectione, quod maxime verum est de posteriori, quod est simpliciter immediatius ultimo, quod ultimum est simpliciter perfectissimū, sicuti est hic.

Ad Ioan. Respondeo quod actus intellectus est vita, & vita æterna si est actus æternus; si autem addas, quod est vita æterna beata, hoc non est in Euangelio, sed additur, ita & addo: *Ut cognoscant te, & ament te.*

Ad totalitatem mercedis, Respondeo, visionem esse summam potentia intellectiva, sed non summam mercedem totius hominis, sic que glossari possunt multe autoritates pro intellectu pronuntiantes.

Ad sufficientiam boni in visione Respondeo, quod dilectio est bonum magis sufficiens, quàm intellectio, quia eo habito habens minus eget: dictum vero Philippi intelligitur, sufficere quantum ad instructionem fidei de mysterio Trinitatis, tunc enim non plenè illud intellexerat, non autem loquebatur de visione beatæ, quasi illa sufficeret sine dilectione, vbi apparet per responsum Christi: *Tanto tempore vobiscum sum:* Quasi diceret, si me secundum deitatem vidisti perfecta visione fidei, & patrem meum simili visione fidei vidisti.

QVÆSTIO XIX.

An perpetuitas vel securitas sit de essentia Beatitudinis?

Certum est de fide, vitam beatam futuri sæculi fore æternam.

Probatur ex Script. Matth. 25. *Insisti ibunt in vitam æternam.* Quæ, ut dixi, est beatitudo, quod autem est æternum non deficit. Probatur ex articulo Symboli.

Probatur ex SS. Patr. August. 13. de Trin. cap. 8 vbi post alia enumerata ad beatitudinem pertinentia, subdit: *& quod est omnino beatissimum, ita semper fore certissimum erit.*

Probatur ratione, cum enim ipsa sit perfectum bonum & sufficiens, oportet quod desiderium hominis quietet, & omne malum excludat, naturaliter autem homo desiderat retinere bonum, quod habet, & quod eius retinendi securitatem habeat, alioqui necesse est, quod timore amittendi, vel dolore de certitudine amissionis affligatur. Secundò, beatitudo consistit in visione essentia Dei, est autem impossibile quod aliquis eam videns velit non videre, quia omne bonum habitum, quo quis carere vult, aut est insufficiens, & queritur sufficiens loco eius, aut habet incommodum aliquod annexum, propter quod in fastidium venit; visio autem Dei replet animam omnibus bonis, cum coniungat eam fonti totius bonitatis, vnde Psalm. 16. *Satiabor cum, &c.* & Sapient. 7. *Venerunt mihi omnia bona pariter cum illa;* scilicet contemplatione sapientia, & quod incommodum adiunctum non habeat, subditur: *Non habet amaritudinem conversatio illius, nec cadum committit eum.* Similiter non potest eam perdere beatus Deo subtrahente, quia cum substractio sit quedam poena, quæ non potest esse à Deo iudice, nisi pro aliqua culpa, in quam cadere non potest qui Deum videt, cum ad hanc visionem ex necessitate sequatur rectitudo voluntatis, quæ rectitudo est per debitum ordinem ad finem ultimum. Nec aliquod aliud agens subtrahere potest beatitudinem, quia mens Deo coniuncta super omnia alia eleuatur, & alternationes temporales non possunt esse, nisi circa ea quæ subiacent tempori & motui.

Dices, finis respondet principio, sed beatitudo habet principium, quia homo non fuit semper beatus.

Respondeo habere principium ex conditione participantis, sed caret fine propter conditionem boni, cuius participatio facit beatum, vnde ab alio est initium beatitudinis, & ab alio est quod caret fine.

Instabis, visio consistit in actione intellectus, qui subiacer voluntati, sed voluntas se habet ad opposita, ergo deficere potest ab operatione, qua beatur homo.

Respondeo, voluntatem se habere ad opposita, in his quæ ad finem ordinantur, sed ad ultimum finem necessitate naturali ordinatur, quod patet ex hoc, quod homo non potest non velle esse beatus, ita S. Th.

Scotus tamen causam perpetuitatis assignat voluntatem Dei, quæ sicut perficit naturam talem intensivè, ita conservat eam perpetuò in tali perfectione: Non enim vult, quod potentie animæ circa obiectum operentur necessariò, aut quasi necessitatio determinantur ad operandum perpetuò.

QVÆRES, An & quomodo beatus sit impeccabilis?

Respondeo, teneri communiter, Beatos fore impeccabiles?

Probat ex Script. Ioan. epist. 1. cap. 3. *Omnis qui in Deo manet, non peccat, & omnis qui peccat, non vidit eum, nec cognovit.* Igitur qui non potest eum non videre, & sicuti est ac perfectè cognoscere, is non potest peccare, si quidem qui videt eum, non peccat; quia in eo manet intellectu, & affectu, addit Ioannes. *Omnis qui natus est ex Deo, peccatum non facit, quoniam semen ipsius in eo manet, & non potest peccare, quoniam ex Deo natus est.* Semen istud gratia & charitas est, quam in corde iusti diffundit Spiritus Sanctus, ex quo nati sunt omnes Dei filij, voluntate, non natura geniti, seu non naturales sed adoptivi. Quem igitur Spiritus Sanctus ita vivificat, ut semper amorem suum ei inspiret, hocque medio omnes facultates eius & operationes animet, is peccare non potest, quia ex Spiritu Sancto non agere non potest, à fortiori qui fruitur gloria, quæ est gratiæ consummatio.

Probat ex SS. Patribus August. in Enchir. cap. 104. dicente, *Non solum beatorum peccatum non committere, sed nec voluntatem peccandi habere posse, & cap. 105. Sic oportebat prius hominem fieri, ut & bene velle posset, & malè, nec gratis si bene, nec impunè si malè: postea vero sic erit, ut malè velle non possit, nec ideo libero carebit arbitrio; multo quippe liberius erit arbitrium, quod omnino non poteris servare peccato, neque enim culpanda est voluntas, aut voluntas non est, aut libera dicenda non est, qua beati esse sic volumus, ut esse miseri non solum nolimus, sed nequaquam prorsus velle possimus: sicut ergo nunc etiam anima nostra nolle infelicitatem, ita tunc nolle iniquitatem semper habitura est.* Bernardo serm. 31. in Cant. ubi postquam descripsit immutabilitatem sempiternam visionis beatæ circa obiectum æternum, seu ut loquitur, formam quæ est, nec ullam ex eo quod fuit vel erit, mutationem capit, sic ait: *Quod apparet ut invariabile in se, est ita invariabiliter insistentibus; præsto est, & quibus apparet, nihil desiderabilium volunt, nihil possunt delectabilium, quando erga illa vel fastidiet aviditas, vel se subtrahet suavitas, vel fraudabit veritas, vel deficiet æternitas? Quod si in æternum extenditur videndi copia, pariter & voluntas: quomodo non plena felicitas? nihil quippe aut deest iam semper videntibus, aut superest semper volentibus.*

Probat ratione S. Thomæ in 2. 2. qu. 24. art. 1. ubi docet, charitatem non esse amissibilem, nisi ratione subiecti, quod non totaliter actuatur, nec totam eius potentialitatem replet, quod contingit in hac vita, saltem ex eo quod homo aliquando ab actione charitatis cessat, sicque eius habitu solo præditus, in aliqua potentialitate manet, quia habitualis status est medi-
us inter puræ potentie & puri actus disposi-

tionem, quia potentia est contradictionis, idcirco qui habitu tantum charitatem habet, & non actum, is in eo ordine imperfectus est. At in beatitudine, *charitas replet totam potentialitatem rationalis mentis, in quantum scilicet, omnis actualis motus eius fertur in Deum, idcirco inamissibiliter habetur.* Et in quæst. 62. art. 8. probat Angelos beatos non posse peccare, quia vident essentiam Dei, quæ est ipsa essentia bonitatis, quæ cum clarè videtur, omnino amatur, & totam voluntatem & totaliter in se rapit. Quia igitur beatus non potest velle vel agere, nisi ad Deum attendat, non potest peccare, quia qui ad Deum afficitur, seu ipsum amat, & ex illo affectu operatur, non peccat, non enim à bono vero summoque deficit; peccare autem est à fine suo deficere. At licet varia, eaque forte opposita beatus subinde velle queat, & eligere, quia tamen secundum Deum ea eligit, non peccat, ait S. Tho.

Probat ratione Scoti etsi enim nulla sit causa intrinseca in voluntate beati, per quam excludatur potentia ad contingenter agendum, & ad peccandum, sed per extrinsecam est impossibile, quod peccet, videlicet per voluntatem Dei prævenientem illam voluntatem, ut semper continuet actum fruendi, & ita nunquam possit potentiam suam remotam non fruendi, vel peccandi, reducere ad actum, si quidem nunquam causa secunda prævenit à causa superiore; ad vnum oppositum potest potentia propinquā in aliud oppositum exire.

Dices, esse contra naturam voluntatis humanæ formaliter libere, quod determinetur in suo ordine causandi, seu producendi actus elicitos volitionis, & nolitionis, qui ordo est ut velit contingenter, consequenter, quod Deus uti causa superior, voluntatem determinet ad semper velle beatitudinem, est violentia.

Respondeo, simpliciter loquendo, esse contingens, quod voluntas beati non peccet, quia ordo causæ simpliciter contingentis infert contingentiam simpliciter effectus; Tamen nunquam eveniet, quod peccet, quia causa superior semper præservat.

Instabis. Saltem est in potestate voluntatis, ut eveniat.

Respondeo, quod non minùs est beata, si in eius est potestate quod peccet, vel quod nolit frui, hoc tamen nunquam eveniet, quia Deus semper præveniet.

Dices, ex S. Thoma, quod bonum in communi facit erga voluntatem creatam; hoc Dei essentia facit in patria, at hic voluntas ita habet bonum in communi pro obiecto, quod nisi sub ratione boni, nec quicquam insequitur nisi ut bonum effectivè vel apparenter, ergo voluntas comprehensoris nihil omnino appetere potest, nisi ad regulam & ordinem essentiae divinæ, consequenter impeccabiliter, cum peccatum sit deflectio ab ista regula.

Respondeo, bonum in communi esse quidem obiectum voluntatis. At licet peccatum ex se sit malum, tamen quod subternitur peccato, potest esse obiectum voluntatis creatæ, v.g. cessatio ab actu fruitionis, considerata quasi executio imperij naturalis voluntatis.

Instabis

Instabis cessare à fruitione est nolle felicitàtem, at voluntas necessario habet nolle infelicitatem, ergo à contratio vult necessario felicitàtem, consequenter necessario habet nolle iniquitatem.

Respondeo, neutrum esse verum loquendo de nolle ut est actus elicitus, sed sicut nunc voluntas habet perpetuo nolle habitualiter infelicitatem, ita nunc in practica habet nolle iniquitatem.

Dices, habet nunc nolle, quia non potest velle. Dico, quod non ideo potest velle infelicitatem: quia necessario habet nolle eam, sed quia infelicitas non potest esse obiectum actus volendi.

Ad questionem ergo respondeo, beatitudinem non esse perpetuam; quia ut dicit Scotus, est accidens, non ergo minus dependet quam suum subiectum, quod dependet ex conseruatione Dei ipsum contingenter conseruantis, sicque non habet necesse esse formaliter, ergo nec ipsa beatitudo creata.

Si dicas, quod licet beatitudo habeat absolute esse contingens, tamen ex quo semel inest naturæ, necessario inest manente natura. Contra Deus conseruare potest prius essentialiter sine posteriori, sed illa natura prior est beatitudine. Dicit ergo Scotus quod, nihil à Deo habet esse formaliter necessarium, sed simpliciter contingens, tamen aliquod creatum dicitur habere esse incorruptibile, pro quanto non habet contrarium vel non potest destrui ab aliquo creato, sed tantum annihilari potest à Deo non conseruante, & hoc modo concedit beatitudinem esse incorruptibilem.

Sanctus Thomas statuit perpetuitatem non ex nuda natura potentia, sed ex necessitate determinationis potentia per habitum luminis gloriæ ex parte intellectus, & charitatis perfectæ ex parte voluntatis: isti enim habitus ex perfectione sua sic inclinant & determinant potentiam, ut necessario habeat actus suos circa obiectum beatificum. Arguit Scotus, quod non potest habitus esse prior causa operationis quam potentia, sed est secunda causa, illud enim est potentia, quo simpliciter possumus. Vnde habitus non vitur potentia, sed potentia habitu. At causa prior non determinatur ad agendum, nec per consequens necessitatur per causam secundam, sed è conuerso. Item si habitus perfectæ charitatis necessario determinat ad fruendum, cum Beata Virgo habuerit in via charitatem maiorem, quam multi Sancti in patria, videtur quod necessario fruebarur, & quod non poterat non frui, quod est falsum. Ergo habitus non determinat necessario.

Concedit tamen Scotus, quod ex habitu luminis gloriæ est necessitas secundum quid in intellectu ad videndum, quia habitus est naturaliter inclinatus, & intellectus naturaliter operatius. Sed ex charitate non est talis necessitas in voluntate, quia voluntas potest liberè uti charitate, vel non uti.

Negatur ergo motuum Sancti Thomæ, nam potentia non necessitatur ab habitu, sed eo vitur ut causa sibi subordinata.

Status comprehensoris.

EX dictis constat, statum Beatorum cum esse quem habent in termino viæ, cum finem suum vltimum assequuti eo fruuntur, ita ut fruitio amorque ille beatus ex natura sua, seu ut vult Scotus, ex Dei conseruatione perpetua immutabilis perfecte quiescit mentem Beati: res enim tunc in motuum suorum termino est, cum principio suo vnitur ea vnione, quam perfectissimam ex naturæ suæ conditione habere potest, ex hac enim vnione cum principio intelligibili & vnico existit cognitionis & intellectus certitudo, ex qua tunc amor producit, qui definit immobiliter teneri in Deo voluntatem. Nec ratio huius æternitatis & immutabilitatis Beatorum ab similibus est ei, ob quam Deus ipse æternus vnicum Verbum Spiritumque Sanctum, seu amorem æternum immutabilemque producit. Quia enim Pater æternus se intimè & perfectissimè comprehendit, & actu sapientiæ se primum verum intelligit, idcirco non nisi vnicum verbum gignit, & vterque Spiritum Sanctum producit, quia se perfecte intellectos toto, ut ita dicam, diuinitatis conatu amant, estque ea intellectio & dilectio primi summique veri & boni perfectissima profecto vnica, & ex se æterna immutabiliterque perseverans. Nam ut ait Hugo à sancto Victore, libro 1. de Sacramentis part. 3. cap. 13. *Variari & mutari non potest Deus, omnino, non enim augeri potest qui immensus est, nec minui qui vnus est, nec loco mutari, qui vbique est, nec tempore qui æternus est, nec cognitione qui sapientissimus est, nec affectu qui optimus est.*

Eamque ob causam Beatus cognitione mutari non potest, quia sapientissimus est, ipsumque primum ens & verum intuitiue videt & contemplatur, illudque se contemplari, nec aliud nobilior obiectum latere se eadem cognitione certissimè nouit. Nec denique affectu mutari potest, quia summum bonum perfecte diligit, seque illo frui & nouit & amat. Statum istum immutabilem nullus in merito profectus aut noui præmij consequutio decet, nam ad meritum actus humani necesse est præter bonitatem moralem, ut sit actus viatoris non comprehensoris, seu status viæ non termini, siue id referatur ad voluntatem Dei, qui actus Beatorum quantumuis æquè ac nostros ex natura sua meritorios ad præmium acceptare nolit, siue referatur ad naturam fruitionis, quæ terminum facit, & amorem necessarium constituit, per quem Angeli & homines beati operantes cum voluptate maxima nihil mereri possunt. Quantumuis enim pleraque erga nos officia pietatis Angeli & animæ beatæ liberrimè exerceant, ea tamen sunt quoad affectum charitatis omnino determinata, quia sunt imperio amoris illius beatifici, qui nullo modo mutatur. Cum igitur quicquid illi agant nullum in charitate Dei progressum faciant, nihil meriti noui acquirunt.

Hinc intellige, quomodo Christus ipse (quem viatorem & comprehensorem fuisse simul non est dubium) non potuit mereri beatitudinem, aut eius augmentum, quia scilicet non poterat proficere in scientia beata, & actum charitatis beatæ illi scientiæ seu visioni Dei respondentem, eandem

eundem ac inuariatum habuit, & in eodem quem primo conceptionis momento elicit charitatis affectu, tota vita perseveravit, esto ut i viator, & corpus passionibus obnoxium habens, & proficiens in scientia experimental, & in amoribus affectionibusque eam consequentibus, meruerit gloriam corporis, exaltationem nominis, & plenam vim & potentiam conferendi nobis gratiam, & gloriam, ex his quæ passus est, acquirerit.

QVÆRES, An requirantur bona opera ad consequendam beatitudinem?

Responsio affirmativa est de fide. Probat passim Scriptura: *Si vis ad vitam ingredi, serva mandata.* & Ioan. 13. *Si hac feceritis, Beati eritis, si feceritis ea.* SS. Patres nihil magis exprimunt.

Ratio ipsa suffragatur, quia beatitudo datur, ut merces, ergo prærequiritur meritum, quod tamen non exigitur ad insufficienciam diuinæ virtutis beatificantis, sed ut servetur ordo in rebus, hæcque beatitudo est omnino supra merita. Vnde Luc. 6. *Mensuram bonam & conferam dabunt in sinum vestrum.* Sanctus Thomas 1. 2. quæst. 5. art. 7. sic concludit solus Deus natura beatus est, Angeli vero diuinæ naturæ proximiores unico motu beatitudinem sunt consequuti, quam pluribus motibus seu actionibus meritoriis Deus voluit, ut homo consequeretur. Actus autem humanus ut sit beatitudinis meritorius de condigno, debet vi gratiæ & charitatis produci. Sanctus Thomas exponit actum formari charitate, ordinari ad Deum tanquam ad finem, vel operari ex affectu iustitiæ vel sanctitatis aut obedientiæ, ut Paulus docet 1. Corinth. 10. *Sine manducatis, sine bibitis, sine aliud quid facitis, omnia in gloriam Dei facitis.*

QVÆSTIO XX.

De Aureolis.

DVplex vitæ beatæ præmium statuitur. Essentialiale, quod in visione Dei & amore consistit. Vnde Sanctus Augustinus libro 10. Confessionum cap. 22. dicit. *Ipsa est beata vita, gaudere ad se, de te, propter te, ipsa est, enim & non altera;* & dici solet laurea vel corona.

Et Accidentale, quod Aureola vel laureola nuncupatur, quasi quædam corona minor quam beatus habet, ut ornamentum & speciale gaudium ex operibus virtutum heroicarum eximiiis, ob excellentem victoriam.

Sanctus Thomas in 4. distinct. 49. quæst. 5. art. 1. docet aureolam esse quoddam præmium accidentale, nonnullis ex dono Dei ac privilegio concessum, quia respondet merito alicui excellenti, fundato in aliquibus operibus privilegiatis. Ita quoque Sanctus Bonaventura in 4. distinct. 24. part. 2. dub. 1. agnoscit meritum cum aliqua prærogativa, & Richardus in 4. distinct. 49. art. 3. quæst. 3. definit aureolam, gaudium de bonis creatis privilegiatis privilegio victoriæ excellentis.

Triplem tantummodo aureolam omnes Theologi agnoscunt. Primam Virginum, & *Carriero in Professionem Fidei.*

cundam Martyrum, tertiam Doctorum sacrorum.

Quem numerum variis modis illi explicant & probant. Alij enim reperunt ex triplici hoste, cum quo configitur. Primus est carnis concupiscencia, seu caro repugnans spiritui, cui ab isto excellenter resistitur, isque penitus profligatur à virginibus. Secundus est mundus, qui Martyres persequutus ab iisdem vincitur patientia, & mortis ipsius, quod est gravissimum ab eo inflictum vulnus, contemptu. Tertius est Diabolus, quem acriter resistentem pugnantiemque egregia victoriâ debellant, qui ab eius imperio peccatores aut infideles ad Deum convertit libérant.

Alij aureolam quærunt in virtutibus cardinalibus, prudentiâ, temperantiâ, fortitudine & iustitiâ, ad quas reliquæ siue naturales & acquisitæ, siue infusæ & supernaturales reuocantur, ut autem ternarium numerum non excedant, excludunt prudentiam, quia non tam diuiditur ab aliis tribus, quàm illæ ipsæ à se inuicem. Ea enim rectam rationem omnibus aliis præscribit dux cæterarum est, nec opus suum separatum habet, & quicumque prudenter agit, is aut fortiter aut temperanter aut iuste agit, nec consequenter suum speciale meritum in hac vita, aut in altera præmium accidentale habet. Præterea non offendit in officiis suis & actibus peculiarem aliquam difficultatem, cuius insignis victoria propriam ipsi pariat coronam. Ex materia enim virtutis oritur illa difficultas, cui vincendæ opus sit vi aliqua heroica. Idque ita se habet, quia in materia, verbi gratia, fortitudinis, plus minusve reperitur, estque malum passionis ab honesto retrahens, aliud alio maius, omniumque maximum mors est, & terribilium malorum terribilissimum. Quare cum reliquis malis superandis humana fortitudo satis sit, ut mortem superet, diuinum aliquid seu humano sensu maius accipiat necesse est. Prudentia vero nullam sibi additam materiam habet, sed quæ aliis omnibus communis est, in ea ipsa versatur. Non habet igitur ex se virtutis heroicæ rationem, nec consequenter ius ad aureolam, quæ non nisi virtutis heroicæ corona est.

Reliquæ virtutes, Temperantia, Fortitudo, Iustitia, sunt quibus ut heroicis respondent tres aureolæ, Temperantiæ Virginum: Fortitudini Martyrum: Iustitiæ Doctorum: Iustitiæ inquam non illi generali, quæ virtutes omnes complectitur, sed ei quæ alterum respicit. Obstat equidem auctoritas Sancti Thomæ, qui distinctione 49. quæst. 5. art. 5. videtur aureolam Doctorum tribuere prudentiæ, & officium Doctorum ad charitatem aut potius misericordiam reuocare.

Nota aliqua de aureolis in vniuersum. Primum non habitui sed actui virtutis aureolam respondere, quia non in se & solius habitus quantumvis intensissimi ratione virtus est heroica, sed ob excellentem modum agendi, & actuum nonnullorum dignitatem, quàm victoria insignis conciliat.

Secundum cum in qualibet virtute actus alijs sint præcepti, alijs consilij, in vtriusque potest esse pugna & excellens heroicæque victoria, cui quia talis est, aureola debetur, falso itaque quidam operibus consilij tantum assignant aureolam.

Tertium opus aureolæ meritorium electionis esse debere, ita ut operanti sit liberum, alioqui enim non esset meritorium. Vnde pueri morientes cum virginea carnis integritate non recipiunt aureolam, nec ij qui absque proposito seruandæ perpetuæ virginitatis, Virgines ætate prouecti moriuntur.

Quantum: propositum illud & animi consensum in ea virtute perfectum esse debere, qualis non est conditionata voluntas, cuiusmodi esset ea, quâ quis virgo permanere vellet, nisi fortè mutato rerum statu sibi faciendum aliter videretur. Nequaquam tamen necesse est, accedat voti firmitas & religio: absque voto enim potest esse constantissimum animi propositum.

Quantum, non amitti aureolam, si quo casu in eo animi proposito seruando, & opere virtutis illius exequendo, nulla grauior ostenditur difficultas, dummodo quod ex natura sua difficile & arduum opus est, fiat, quia ex conditionibus aut circumstantiis merè accidentariis non pendet virtutis ratio, & propositum illud voluntatisque actio cui respondet aureola, sufficienter habetur, cum opus ex natura sua difficile exequitur.

Sextum, nulli virtuti politicæ, quantumuis per charitatis imperium de condigno, aut etiam præmij alicuius accidentaliter meritorie fiat aureolam conuenire, verbi gratia, ciuis pro salute ciuitatis pugnans fortiter occumbit iustus & in hoc opere intuetur Dei beneplacitum, & mortem illam eligit, etsi enim multum mereatur, tamen strictè loquendo mors illa non est in genere actuum heroicorum fortitudinis, nullaque etiam politica virtus humana heroica propriè dicenda est, ratio mea est, quia ut Philosophi ipsi fatentur post Aristotelem 7. Ethicor. cap. 1. Modus ratioque virtutis heroicæ plusquam humana est, nec nisi cum quadam vi spiritus diuini & instinctu actio heroica fieri potest, quia in toto affectuum humanorum ordine nullus est qui animo ad opus illud heroicum vires subministrat sufficientes, ideoque diuino spiritu agi dicuntur.

At mihi naturale est velle pro patria mori, quia cum patriam tanquam aliquid meum considerem, qui honestus quidem sed naturalis & humanus amor mei commodi me afficit, is mihi satis est, ut malim mori, quàm sine patria & ciuitate viuere. An qui pro bonis fortunæ defendendis motitur, is heroicè agit. Nequaquam profecto, quia naturale & humanum est, malle mori, quam pauperem viuere, seu absque subsidiis bonorum fortunæ, quæ homo etiam probus ad vitam humanam honestè agendam & virtutum humanarum, verbi gratia liberalitatis officia, sibi aut necessaria aut utilia esse intelligit, quibusque carere acerbius, quam mori existimat. Cum ergo pro morte illa subeunda suppetant vires humanæ, & ipsa etiam sensitiuæ partis æstimatoria eo in opere rationem iuuare queat, inde eruo, nullam virtutem politicam his terminis & limitibus inclusam verè heroicam esse, nullique eius operi deberi aureolam, quæ non nisi heroicæ merces & corona est.

QVÆRES, Vnde constat dari aureolam Virginitatis, Martyribus, Doctribus.

Respondeo, id non haberi expressum in Scriptura fundamentum, nam quod in eorum com-

mendatissima remuneratione legitur, de præmio essentiali, seu de Aurea siue Corona, siue visione Dei, quæ includit omne bonum, concinnè exponitur. Vnde non desunt qui doctrinam hanc de tribus aureolis, merum Theologorum figmentum esse dicant.

Alij docent, quod ipsum præmium commune, quod est Aurea, accipiat nomen aureolæ secundum quod Virginitatis vel Martyribus, vel Doctribus redditur, sicut & in Scriptura denarius accipit nomen debiti, ex hoc quod alicui debetur quamuis omnino idem sint debitum & denarius. Non tamen ita quod oporteat præmium essentiali esse maius, quando dicitur aureola, sed quia excellentiori actui respondet, non quidem secundum intensiorem meriti, sed secundum modum merendi, ut quamuis in duobus sit æqualis limpiditas visionis diuinæ, in vno tamen dicitur aureola, non in altero, in quantum respondet merito excellentiori secundum modum agendi. Ratio plausibilis ad hoc est, quia præmium respondet merito, radix autem totius meriti est charitas, Deus enim non respicit opus, sed solum cor & internam animi dispositionem, iuxta illud Augustini: *Ama, & fac quod vis.*

Cum ergo charitati respondeat Aurea, videtur quod in patria non erit aliud præmium distinctum. Sic saluo distinguendum honore, credere mihi fas sit. Nec obstat Sanctus Hieronymus in Epistola ad Eustochium mentione coronæ virginitatis, & verbis illis: *Grandis labor, sed grande præmium esse, quod Martyri esse, quod Apostoli esse, quod Christus est.* Vbi ex triplici hac conformitate ad Christum, per prædicationem veritatis, per tolerantiam passionis, & per professionem puritatis, tres exprimit status, quibus assignantur Aureolæ. nam mox respondebo, neminem admittendum ad coronam, quin conformis fuerit, ut ait Paulus, imaginem Christi, sicque omnes aureolandi forent. Tum vix concipi potest istud accidentarium gaudium de statu aureolato, cum gaudium essentiali proportionetur visioni, quæ non augetur per aureolam.

Aurea ergo appositè Aureola vocari potest ex persona, quæ hac donatur.

QVÆSTIO XXI.

De corporis Beati dotibus.

CUM ex speciali articulo, *Carnis resurrectionis*, constet, corpora participatura de perfectissima illa rerum conditione, quæ omnia immutanda creduntur, nulli dubium esse debet, quod homo resurget absque omni defectu naturæ humanæ: quia sicut Deus eam instituit absque defectu, ita sine defectu reparabit, ut iam notavi loquendo de qualitate resurgentium: & corpora humana præclaris quatuor dotibus exornabit, claritate, impassibilitate, subtilitate & agilitate, ex quibus secundum quid & metaphoricè beata dici possunt. Stupent ad hæc Philosophi, & sibi persuadere non possunt, corporeas operationes in inuariabili statu beatitudinis locum habere posse, aut quouis modo exerceri, hincque corpus humanum uti tunc incres-

iners & inutile penitus excludunt, nec reparandum, aut à putredine surrecturum volunt, sed in sola anima beandum hominem multi statuere. Quorsum enim, inquiunt, corpora gloriosa & beata, si nulla tunc eorum officia futura sunt? an status ille perfectissimus, & præclara rerum conditio, in qua vna Dei bonitas sapientissima maximè viget, omnemque defectum, qui ex rerum humanarum mutabilitate oritur, & ad earum commodum aptissimè accommodatur, excludit quidquam quoquo modo superfluum aut superuacaneum patietur? Quid porro inanius, quid inutilius, quàm quod nulli eorum ad quod natum aptum est vsui esse potest. Vtque animæ vegetantis functiones omitantur, quas non solum à gloriosa, sed etiam communi tam beatis quàm damnatis resurrectionis statu ablegauimus, soliusque animæ sensitivæ ratio habeatur, eam in felicitatis ultimæ statu illaque spirituali, incorruptibili, & omnino diuina vita nullum locum habere, & consequenter corpus omne sapienti fugiendum, aut certè negligendum esse, Philosophi illi Platonicæ Peripateticæque contendebant; quia cum operationes organicæ, & cum corpore coniunctæ, aliæ non sine quam vegetatiuæ & sensitivæ, nullaque natura penitus iners, otiosa, quæque nulla operatione fungitur, sapienter admittenda videatur, si iam omni opere vegetatiuæ vitæ reiecto, sensitivam ipsam cum beatitudinis statu pugnare probatum fuerit, nullum in ipso corpus esse, ipsa ratio Philosophiæque clamat. Quod autem vitæ sensitivæ conditio cum animæ beatæ, seu beatitudinis ipsius ratione pugnet, probari primo videtur ex eo, quod illa nulla est sui gratia, sed tota quanta est, aut vegetatiuæ aut intellectivæ seruit, nec enim brutum sentit, aut vilo vitæ sensitivæ munere fungitur, ut sentiat, aut sensu ipso delectetur, sed id totum ad vegetationem & ad suam ipsius indiuidui conseruationem, aut generis seu speciei propagationem refert. Homo vero præter illum finem cum cæteris animantibus sibi communem, sensitivæ animæ officia adhibet ad suppeditanda intellectui obiecta, materiamque, in qua suas artes exercere possit.

At in beatitudine mens hominis nullo huiusmodi sensuum ministerio indigebit, quia tunc virtutum seu facultatum effectivarum & actuum, quæ foras & extra animam ipsam erumpunt, atque in aliqua externa materia operantur, vacatio & otium perpetuum erit, nulla tunc voluntatis in finem intentio seu tendentia, nulla mediocri electio præuiæque animi deliberatio, sed summa delectatio & stabilis quies, Dei æternitatem participans, in se immota inuariatæque manebit.

Quare sic arguo. In illa vita beata nullus animæ sensitivæ actus aut operatio rectè intelligi potest, nisi quæ tota à voluntate beata pendeat, ita ut illa nec videre quidquam, nec imaginari, nec concupiscere concipiatur, nisi quatenus voluntati paret, & quod ista decreuerit exequitur: ut nimirum voluntas plenissimo in illas omnes, si quæ tunc erunt facultates, naturæ suæ inferiores, dominio patiatur. At repugnat ut voluntas seu mens beata quidquam videre velit, tum quia tota in obiectum beatificum rapta circa res alias occupandas vires nullas habet, tum quia cum satis virium ad

omnes illas operationes ei superesset, non posset quidquam noui appetere, cum nullius indiga & appetens aut capax esse possit.

Addo omnis voluntatis appetitio in genere duplex est, aut fructio, aut vsus: fructio circa finem obiectum, vsus circa media; iste temporaneus, illa æterna, iste cum motu & agitatione mentis coniunctus, quia per eum ad finem tenditur, illa quieta & in termino motuum constituta, seu voluntatis ipsius in fine possidendo firma & constans detentio; iste viatoris ut aiunt, illa comprehensoris hominis propria functio; iste meriti, illa præmij; iste intellectus practici aut effectiui, illa speculativi, qui sui gratia est. At voluntas beata tota in fructione est, igitur nullam vsus appetitionem habet, Aliunde vero sensatio, animæque sentientis functio nulla, nisi vsualis, totaque ad videntem voluntatem pertinet, quia cum bonum aut obiectum sensibile nullam beati, & summi boni, & consequenter ultimi finis rationem habeat, si quod respectu voluntatis bonum est, non nisi medium esse potest.

Quamobrem quia sensus nullus nisi circa sensibile esse potest, si in beatitudine nullus est vsus sensibilibus bonorum, appetitioque nulla, haud dubiè nullus sensus futurus est.

Præterea si beatus videbit aliquod obiectum, vel in æternum in eo defixus erit eadem numero visione, vel eam commutabit ad alia obiecta, sicque diuersæ erunt visiones, hæc autem vicissitudo concipi non potest sine priuatione nobilioris obiecti, v. g. corporis Christi omnium pulcherrimi, ut autem in ipso, v. g. continetur interrupta visio, Christus per totam æternitatem ita immotus stare præsupponitur, ut nec digitum nec palpebras mouere possit, aut velit. Tum si beatus habebit corpus, vel absque vilo motu in eodem situ perpetuo erit, vel se se pro arbitrio mouebit, locum mutabit, & situm? si immotus persistet, non tam homo viuens quàm statua aliqua videbitur; si moueat se, cui bono quem ob finem? an ut perfectiori modo se habeat? an vero ut res alias perficiat? quemadmodum Angeli quantumvis beati cælos mouent; seque diuersa ad loca transferunt, non ut melius se habeant, sed ut vim suam beneficam rebus aliis applicent, & in eis agant: At post resurrectionem in vita experte omnis mutationis, neutrum intelligi potest. Hinc Philosophi censebant beatos homines ab omni corpore, mutabilitateque illud consequente liberos æterna quiete frui, sicque contra glorificationem corporum difficultatem faciunt.

Ad istas obiectiones respondebitur infra in questione de sensibus externis beati.

Q V Æ S T I O XXII.

De numero & qualitate dorum.

Quatuor, ut iam prælibavi, non pauciores nec plures glorioso corpori tribuuntur dotes, quas probant Doctores ex scriptura. 1. Corinth. 13. ibi enim Paulus explicans qualis sit futura resurrectio mortuorum, quamvis à præsentis vitæ huius conditione diuersa futura

sit illa corporum Beatorum, quæ Soli & stellis comparat, constitutio, sic ait: *Corpus seminatur in corruptione surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget spirituale.*

Per corpus seminatum alij volunt intelligi corpus mortale, quod vitâ vegetatiuâ viuens crescit, adolescit, nutritur, generationeque propagatur, sicut semina terræ mandata. Alij cum S. Chrysost. in eum locum exponunt corpus mortuum, quoddam sepelitur, videtur seminari in resurrectionis spem. At per corporis incorruptionem communiter, cum S. Thoma in eum locum, intelligitur à Theologis impassibilitas per gloriam, claritas per virtutem agilitas, per spiritualitatem subtilitas. Philippen. 3. *Expectemus Salvatorem nostrum, qui reformabit corpus humilitatis nostræ, configuratum, corpori claritatis suæ secundum operationem, quæ etiam possit sibi subycere omnia.*

Sapientie 3. hæc quatuor innuuntur, ut notat S. Bonau. in 4. sent. *Fulgebunt insti, & tanquam scintilla in arundinetis, discurrent, in fulgore claritas, in scintilla impassibilitas, in arundinetis, subtilitas, in discursu agilitas.*

Matthæi 13. *Tunc fulgebunt insti, sicut sol, in regno patris eorum.* Sol enim est clarissimus, impassibilis, subtilissimus, & agilissimus.

Probatur ex SS. Patrib. August. in Enchir. cap. 91. *Resurgent sanctorum corpora sine vilo vicio, sine vlla deformitate, sicut sine vlla corruptione, onere, difficultate.* Cum enim ait, ea fore sine vicio, intelligit substantialem eorum integritatem nullo penitus cum defectu, cum deformitatem aufert, innuit pulchritudinem cuius forma, actus, & complementum claritas est, sicut materia est patium venustas, & debita figura, ac proportio: corruptionem excludit impassibilitas, onus, & ponderis tarditatem agilitas, ac difficultatem subtilitas. Damascen. lib. 4. de orthod. fide cap. 28. *Resurget corpus spirituale, immutabile, impassibile, subtile, hoc enim significat spirituale, quale post resurrectionem corpus Domini erat, cum per ianuas clausas transiret.* Gregor. Nanz. in Orat. 10. quæ est de laudibus Cæsarij: *Cum mens beata cognatam carnem à terra receperit, eam quoque ad cælesti gloriæ hereditatem secum admittit; & quemadmodum ob naturæ continuationem arumnarum particeps fuerat, sic etiam iucunditates suas cum ipsa communicabit; videlicet corpus in se absorbens, & cum eo vna effecta, & spiritus, & mens, & Deus, absorptio à vita eo, quod mortale & caducum est.* Ille Doctor significat, dotes quas vocat iucunditates, procedere ex virtute animæ glorificatæ.

Probatur ratione numerus iste: nam ut ait, S. Thom. in lib. 4. contrahentes cap. 86. corpus beatum debet esse subditum animæ, non solum quoad esse sed etiam quoad actiones & passionem & motum & qualitatē corpoream. Subditum animæ redditur quoad esse per incorruptibilitatis donum, omnibus resurgentibus tam beatis quàm damnatis commune, quia perpetuitas existentie tam miserie quàm felicitatis fundamentum est, nec quisquam aut miser aut beatus, nisi existens intelligi potest. omissa ergo incorruptibilitate, quæ anima habet perfectum dominium in corpus quoad esse, alia

quatuor dominia sunt, saltem ex mente S. Th. quatuor illæ dotes quibus corpus solum anima beata sibi obediens ad nutum, regit & administrat. Animæ enim in corpore habitus quatuor sunt. Primus agentis, secundus patientis transeuntis, tertius mouentis, quartus sentientis, duæ istæ functiones sunt immanentes, ad actiones plurimum confert claritas, ad passionem auertendas impassibilitas, ad motus faciendos agilitas, & ad penetrationem corporum subtilitas quæ obstaculum nescit.

Ratio secunda istius numeri petitur ex plena reformatione corporis beati. Nam corpus humanum componitur ex quatuor elementis, & quia hæc imperfecta sunt in mixto, ideo corpus habet ab eis defectibilitatem, ab aqua enim quæ est elementum humidum & passibile seu receptiuum, habet passibilitatem, à terra vero, quæ est elementum obscurum & opacum, habet obscuritatem, ab igne habet animalitatem, quia calor continuè aliquid consumit, & ideo indiget continuo ciborum alimonia, ab aëre habet infirmitatem, qui facillimè immutatur & cedit cuilibet impellenti. Contra corruptionem & passibilitatem datur corpori glorioso impassibilitas. Contra obscuritatem claritas. Contra animalitatem spiritualitas. Contra infirmitatem virtus seu agilitas. hæc autem assignatio correspondet authoritati Pauli 1. Cor. 15. & conformitati quam speramus ad corpus Christi, quod ut notat Hugo Viçtor. in 17. Matth. assumpsit 4. dotes ante passionem, subtilitatem in natiuitate, quia salua matris virginitate ab utero exiuit, agilitatem, quando ambulauit supra mare. Claritatem in transfiguratione, impassibilitatem in cœna, quando corpus suum manducandum dedit. Assumpsit autem dotes secundum actum, non secundum habitum, quia aliter miraculis eius derogaretur.

Dices, dotes sunt in corpore glorioso secundum quod comparatur ad animam, quæ dupliciter duntaxat comparatur ad corpus, ut perfectio, & ut motor, ergo duæ tantum ponendæ dotes.

Respondeo, quod secundum has duas comparationes, requiruntur 4. dispositiones anima enim ut perfectio corporis influit viuificando vitam immortalis, & ut motor mouendo infatigabiliter, alioquin non esset gloriosa, nisi excluderet mortem & pœnam; quia ergo viuificat, ideo necesse est esse dispositionem ad vitam, & hæc est lucis abundantia & claritas, quia vero vitam immortalis necesse est corpus habere dispositionem ad immortalitatem, & hæc est impassibilitas, quia vero mouet motu infatigabili, oportet quod nihil resistat, ideo assignatur ei subtilitas, oportet etiam quod nihil retardet, ideo datur ei agilitas. Patebunt singula ex speciali eorum dorum discursu.

Qualitas omnium beati corporis dotium exactè intelligi nequit, quin prius tria in vniuersum considerentur. Primum, quoniam effectus habeant. Secundum, quid sint; ac tertium, quoniam ex causa efficiente oriantur, quod idem est si queratur, quid sint, propter quid & quid efficiant; hoc vltimum primo loco expendo ad expeditionem reliquorum.

Effectus dotis gloriose in vniuersum alius non est, quàm perfecta eius subiectio, habilitas,

& aptitudo ad obediendum animæ gloriæ; ut enim tota bonitas, virtus & perfectio animæ rationalis est in eo sita, quod perfectissimè subdita Deo, & adhærens ab eo diuinorum donorum gratiæ & gloriæ, ipsiusque naturæ diuinæ conlors efficitur: ita corpus humanum tunc optimè se habet, cum per subordinationem plenam ac perfectam, in omnibus suis officiis rationis humanæ particeps ab ea regitur, sicut ratio ipsa Deo præside gubernatur.

At sicut omnium corporis dotium communem vnum effectum assignare est facilè, tanto difficilius est illarum rationem formalem & quidditativam asserere. Cum enim claritas sit aliqua in corpore recepta & inhærens qualitas, an idem de impassibilitate dici queat, dubitatur. Nec nisi in singulis exponendis definiri potest, an ea sint aliquid aut in animo aut in corpore receptum; an vero sit solummodo Dei ad quolibet occasiones præparatus concursus? Nunc tantum moneo, quid pro ista quæstione soluenda sit in singulis attendendum, utque res planior fiat propono exemplum impassibilitatis, qua beatus ut suppono, nulla molesta cuiusvis externi obiecti passione afficitur. Id duobus modis fieri posse intelligitur. Primò, si Deus obiecti sensibilis impressionem in sensum beati aliqui faciendam sui concursus necessarii suspensione impedit. Secundò, si beati tactum, verbi gratia, aut alium sensum obiectum quantumvis sensibile attingit, seu tentat, ne tamen ea impressio sequatur, beatus ipse resistit. In primo modo tota vis esset in Deo, at in secundo vis illa seu virtus esset ipsi beato interna. Et secundus iste modus adhuc duplex esse potest. Prior quidem, quo sola anima spirituales illam qualitatem & resistendi vim habere dicitur. Secundò, si ea vis corporea est, & in ipso corpore inhæret: hæcque vis adhuc duplex esse potest, vel permanens & in corpore perseverans, etiam tum cum nullæ molestiæ passionis inferendæ ipsi periculum imminet, vel certè transiens ad instar cuiusdam motus aut impetus, tunc tantum ab anima corpori imprimendi, cum ista pro statu illo gloriofo attentissima ad ea omnia, quæ extrinsecus accidere possunt, præsentis aliquo obiecto molesto cum pro corpore tuendo, & noxia illa impressione excludenda, necessarium esse intelligit.

Causa effectrix alia esse non potest, quam vel Deus solus, vel ipsa quoque anima gloriosa, quæ cum Deo illas in corpore beato producat qualitates seu dores, vel saltem à Deo productas conferuet; quod secundum fortè commodius esse videtur, ita enim anima beata respectu corporis sui se habebit, quomodo anima respectu corporis quod animat, & in vniuersum forma quælibet substantialis respectu suæ materiæ, in qua suas proprietates emanare dicitur, ita nimirum ut eas à generante productas suo iugis influxu conferuet. De dotibus illis id insinuat Sanctus Bonaventura in 4. distinct. 49. part. 1. art. 1. quæst. 2. Vbi ait, gloriam corpori conuenire propter resurrectionem, seu hac medianre, & quia hæc sit propter animæ vniorem, seu corpus restituitur animæ, & huius exigentiam & conditionem sequitur, non vero è contratio, ut sit in prima hominis generatione, in qua iam præparato corpori humano anima aduenit, idcirco ipsa corporis gloria ex anima glo-

riosa ortam habet, ita tamen ut à Deo secundum dispositionem, ab anima vero secundum consummationem fiat; Quali philosophicè loquutus dicat: Dotis qualitatem Deus producit, sicut rationem ignis sol, ei autem existendi modum seu esse accidentarium anima gloriosa, sicut calori illi ignis forma tribuit.

Nec sanè omnino negari potest, quin anima beata in dotibus corporis efficiendis partem sibi aliquam causæ agentis vendicat. Ita enim communiter sentiunt Theologi post Sanctum Augustinum in Epistola 56 ad Dioscorum, ubi sic ait, *Sanitas perfecta corporis, illa extrema totius hominis immortalitas erit, tam potenti enim natura Deus fecit animam, ut ex eius plenissima beatitudine, quæ in fine temporum sanctis promittitur, redundet etiam in inferiorem naturam quod est corpus, non beatitudo quæ est fruētis & intelligentis propria, sed plenitudo sanitatis, id est, incorruptionis vigor.*

Quod si hoc in loco de incorruptibilitate tantum videtur loqui, planius de omnibus dotibus ad animam referendis agit in Enchiridion, cap. 9. dum dicit, corpus resurrecturum spirituale. *Quoniam tanta erit tunc concordia carnis & spiritus, viuificant spiritum sine sustentaculi alicuius indigentia, subditam carnem, ut nihil nobis repugnet ex nobis, sed sicut foris neminem, ita nec intus nos ipsos patiamur inimicos.*

QVÆSTIO XXIII.

De impassibilitate corporis beati.

Errum est ex scriptura, ut supra probaui, quod corpora beatorum erunt impassibilia. Cor. 16. *Oportet mortale hoc induere immortalitatem, & corruptibile incorruptionem:* Tum homo non potest esse beatus in hac vita, sed in vita æterna, sed totus homo erit beatus, ergo totum erit beatum in corpore immortali: adde quod omne passibile est corruptibile, quia passio, ut docet Aristot. lib. 6. topic. text. 63. abiicit à substantia, quod intellige de passione reali, ut distinguitur contra passionem intentionalem: adde quod beatus habebit perfectionem, quæ competit suæ naturæ, talis est immortalitas, quia animæ immortalis non repugnat perficere perpetuò suum perfectibile, unde sicut ex immortalitate animæ concluditur resurrectio, ita probabiliter infertur ex eadem immortalitas hominis, & per consequens corporis, & ita impassibilitas.

Ea verò impassibilitas beatorum propria, præter incorruptibilitatem substantialem omnibus etiam damnatis communem, dabit beato ut nullam sensibilibus obiectorum impressionem molestam, & ex ea sequentem vllam noxiam passionem admittat, hancque ob causam à S. Augustino, *Sanitatis plenitudo, incorruptionis vigor, & salus nullo dolore corrumpenda appellatur.* Nec ea vnius dumtaxat tactus incolumitatem præstabit, sed etiam omnium aliorum sensuum, quibus suas offensiones proprias esse videmus, nec enim solummodo dolorem molestiamque sensui tactus affert vltio, aut alia huiusmodi passio, sed etiam sapo-

res nonnulli gustui ingrati, odores graues & tetri, soni striduli, nec solo excessu, sed etiam qualitate sua auribus molesti, & colores aut obiecta visibilia visu horrenda sunt. Quia cum sensuum voluptates ex quadam obiecti cum potentia proportionem, harmonia, seu congruentia nascantur, quod obiectum disforme & disproportionatum est, ingratum sensui & molestum esse necesse est.

Quamuis autem obiecta eiusmodi iniucunda beato homini præsentia adessent, ea tamen ipsum non afficerent, vel quia speciem illorum nullam admitteret beatus, & consequenter nullum, ex quo molestia illa nasceretur, eorum sensum haberet: vel si quæ obiecta ex se ingrata agerent in eius sensum, eaque speciem sui sensibilem ingererent, ista tamen sic temperaretur, ut quod horroris est, totum exueret & blandè sensum afficeret. Ita in ipso tactu fieri aliquando videmus, ut ignis vrentis actio ex se molestissima, per medium humidum correcta & temperata, tactum molliter affectum foueat & delectet. Ita ex saporum extremorum commixtione nascitur condimentum palato suave, in quo omnium illorum species, quæ singulæ displicent, coniunctæ sensui gratissimam impressionem faciunt. Idipsum in odoribus accidit, & quid iucundius concentu, quem faciunt multæ voces per se singulæ molestæ auribus, & quarum asperitates vnâ totius concentus speciem iucundissimam faciunt. Denique id videre est in ipso visu, cuius obiectum si vel quia splendidius, vel obscurius est, displicet, & visum male afficit, ita tamen refractione, reflectione, longinquitate, aut etiam multorum disparium concursu amœnissimum fieri potest. Estque in iis omnibus notandum, quorum obiectorum singulæ species sensui ingratae, dum eorum omnium simul concurrentium vnâ species eidem maximè congrua sit, hanc tamen eiusmodi esse, ut non solum totale illud obiectum, sed partialia etiam, & prout ea in se sunt, repræsentet. Qui enim musicæ arte præditus, multarum vocum harmoniam vnâ & concentum audit, is voces quoque singulas percipit, intelligitque singulas seorsum sumptas, futuras auri asperas, ita ut & singularum asperitatem & cœuentium suauitatem percipiat. Quicquid igitur in sensu beati incurrit, nullo pacto eos offendit, sed potius delectat, & voluptate quadam admirabili perfundit, vel quia per se & in se tale est, vel quia per speciem sui in illis sensibus receptam tale efficitur. Ita non est improbabile, beatum auri suâ percepturum damnatorum gemitus & ululatus, varios quidem, & per se seorsim sumptos horrendos, quique damnatis ipsis molestissimi sunt, sed quorum speciem ita beatus recipit, ut eius auditori nullum horrorem aut molestiam ingeneret: sicut aliquando accidit, ut inconditi ululatus felium canumque latratus, aliquo suo concursu placeant, quique artis musicæ periti sunt, eos clamores inconditos fingentes, melodiam aliquam ex illis conficiant. Denique cum non sit dubium, quin beati damnatorum corpora deformia & inferorum, *ubi nullus ordo sed sempiternus horror inhabitat*, teste Iob cap. 10. locum per se horribilem, damnatisque ipsis abominandum, oculis suis corporeis intueantur, is tamen aspectus damnatis molestus, beatorum vi-

sui iucundus est, quæ omnia deos impassibilitatis illis diuinâ quadam arte præstat.

QVÆRIS. Quæ sit impassibilitatis causa præcisa?

Esi iam innuerim, eam vel à Deo ipso, corruptentibus non concurrente, vel ab animæ singulari energia petendam; quia tamen multa opponi solent contra ipsam dotem, ob actiones sensuum, quæ alterationem & corruptionem quandam includunt; ideo ad plenam studiosi lectoris informationem, rem ad diuersa doctorum beneplacita, quæ audire non erit ingratum, expendere libet.

Quidam attribuunt causam impassibilitatis cessationi motus cœli, quia is est essentialiter primus ex Arist. 3. phys. illo ergo cessante nullus erit alius motus. Sed falsum est dicere quod, stante cœlo, approximato igne stuppæ, ignis non combureret eam. Præterea per rationem Arist. 2. de genere motus pro tanto est generationis causa, quia adducit generans, ergo tantum facit ad præsentiam, vel ad approximationem generantis respectu materiæ, ergo si sine motu haberet eandem præsentiam vel approximationem, æquè foret generatio. Pono exemplum, si subito per potentiam diuinam Sol fieret in medio, sicut fit nunc per motum, eodem modo illuminaret & calefaceret supposita ei, sicut nunc calefacit, imò fortius tunc, quia non cessaret agere, quousque totaliter corrumpisset sibi suppositum si posset corrumpi, nunc autem quia non moratur super passum suppositum, minus efficaciter agit in ipsum. Respondeo ergo, quod motus cœli habet aliquam primitatem ad alios, utpote vniuniformitatis & velocitatis, sed non primitatem causalitatis, nisi in quantum adducit generans, quod est per accidens, sicut motus ignis ad lignum haberet primitatem ad combustionem ligni, ac posterius bene potest stare sine primo, si vicem talis primi aliquis suppleat.

Quidam attribuunt causam impassibilitatis conditioni elementorum, quæ aliter tunc se habebunt in corpore, quàm nunc; dicunt enim quod elementa ibi secundum substantiam, sed qualitates actiue & passiue ab elementis auferentur. At hoc impugnatur, quia qualitates actiue & passiue sunt de perfectione elementorum, unde si sine illis repararentur elementa in corpore resurgentis, ea essent minoris perfectionis, quàm nunc sunt, & præterea cum qualitates illæ sint propria elementorum, accidentia, ex forma & materia ipsorum causata, videtur absurdum, quod causa maneat, & tollatur effectus.

Alij dicunt, quod amoueuntur qualitates contrariæ, seu saltem non remanebunt ut contrariæ, & non habebunt proprias actiones, diuinâ virtute id faciente ad conseruationem humani corporis; sed hoc etiam non potest stare, quia ad mixtionem requiritur actio & passio actiuarum & passiuarum qualitarum, & secundum prædominium vnius vel alterius mixta efficiuntur diuersæ complexionis, quod certè oportet ponere in corpore resurgentis, quia ibi erunt carnes, ossa & huiusmodi partes, quibus omnibus non competit vna complexio. Tum ut dicit Scotus, sic non essent corpora physica, & consequenter non essent naturaliter informabilia ab anima. Item dato quod per hunc di-

cendi modum non paterentur ab extrinseco, possent tamen pati aliquo modo ab extrinseco. Si secundum dicas quod manebunt qualitates, sed non contrarietates; non enim sunt contrariæ qualitates, nisi quia in eodem susceptivo succedunt sibi inuicem, illæ autem qualitates non erunt in eadem parte susceptivi, vel aliter remanebunt qualitates, sed sic reducentur ad medium, quod non agent mutuo nec patientur.

Primum dici non potest, quia huiusmodi qualitates ex specificis naturis suis habent contrarietatem, siue in diuersis subiectis sint, siue non, ideo non possunt manere sine sua contrarietate: similiter etiam per illud non excluditur passibilitas corporum ab extrinseco. Secundum dictum etiam non valet, non enim possunt redigi qualitates sic ad medium in corpore humano, sicut in auro vel argento, tunc enim totum esset ibi confusum, nec tale corpus esset proportionatum animæ, & præterea hoc non excludit passibilitatem ab extrinseco.

Alij dicunt, quod in corpore glorioso erit aliquid prohibens passionem corporis gloriosi, scilicet natura quinti corporis, quam ponunt venire in compositionem humani corporis, ad concilianda elementa in harmoniam quandam, per quam possint esse debita materia animæ rationalis, sed tamen in statu huius vitæ, propter dominium elementaris naturæ, corpus humanum patitur ad similitudinem aliorum elementorum, sed in resurrectione dominabitur natura quinti corporis seu cælestis.

At hoc non potest stare, quia corpus quintum non venit materialiter in compositionem corporis humani: Et præterea est impossibile quod virtus aliqua naturalis, qualis est virtus corporis cælestis, transferat corpus humanum ad proprietatem gloriæ, qualis est impassibilitas corporis gloriosi cum Paulus 1. Corinth. 15. & Philipp. 3. attribuat immutationem corporis gloriosi virtuti Christi, dicens: *qualis cælestis, & sala cælestis*. Tum non potest natura cælestis ita dominari in corpore humano, quin natura elementaris remaneat, cui ex principis suis essentialibus passibilitas inest.

Sanctus Thomas in 4. distinct. 44. art. 2. q. 2. dicit, quod anima constituta est in medio inter Deum & creaturam corporalem, sicut ergo tunc ipsa erit perfectè subiecta Deo, tanquam suo superiori, ita perfectè dominabitur corpori suo inferiori, & quia omnis passio fit per victoriam agentis super patientem, aliàs non transferret ipsum ad terminos suos, impossibile est autem quod aliquid dominetur super patientem, nisi in quantum debilitatur dominium formæ propriæ super materiam patientis (loquendo de passione, quæ est contra naturam, de qua hic questio est) non enim materia subiicitur vni contrariorum, absque hoc quod tollatur dominium alterius, super ipsam, vel saltem diminuatur; corpus autem humanum, & quicquid in eo est, erit perfectè subiectum animæ rationali, uti anima Deo ipsi, ideo in corpore glorioso non poterit esse aliqua mutatio contra dispositionem illam, qua perficitur ab anima, & ita corpora illa erunt impassibilia.

Impugnatur à Scoto, quia supremus Angelus per imperium suæ voluntatis non potest impedire actionem alicuius causæ naturalis. Nam causæ corporales non obediunt Angelis ad nu-

tum, quantum ad actionem & alterationem earum. Tum anima non repugnat qualitatibus actiuis & passivis, eas enim præsupponit in corpore, & eas præexigit, & pari ratione non est impossibilis effectibus vniuocis istarum qualitatum.

Dices, prohibere actionem qualitatum non propter repugnantiam, sed propter imperium, quia imperat qualitatibus, ne agent in corpus.

Reijcitur responsio, quia, ut dixi, causæ corporales non obediunt spiritibus quantum ad actionem & alterationem earum: item quia actus imperandi est immanens, non factiuus, vel impeditiuus alicuius extrinseci, nisi aliquid plus addatur; tum nulla virtus creata, aut imperium quodcumque voluntatis, creatæ, potest impedire actionem actiui naturalis sufficientis, approximati passivo disposito, hoc enim est solius potestatis diuinæ, sicut patuit de igne Babylonis respectu trium puerorum. potest tamen dici pro hac sententia, Quod Deus non faciet voluntatem animæ omnipotentem, id est potentem facere quicquid vellet facere, sed sufficere sibi, quod quicquid volet fieri circa corpus quod animat, fiet, & sic corpus suum perfectè subdetur voluntati suæ, hoc est erit sicut ipsa volet, sicut & ipsa subditur Deo, ista autem subiectio corporis sui est effectiue à voluntate diuina: fauet huic sententiæ Aug. cit. ad Dioscorum: *tam potenti enim natura Deus fecit animam, ut ex eius beatitudine redundet in corpus incorruptionis vigor*.

Henricus in quolibetis quæst. 19. & alij cum eo faciunt impassibilitatem per aliquam qualitatem supernaturalem, creabilem à solo Deo, quia corpus humanum non est amplius in potestate naturali, ut transmutetur ab agente naturali in aliquam aliam formam, quia talem qualitatem supernaturalem nec attingere nec excellere potest, ita quod licet maneant in corpore priuationes aliarum formarum, non tamen potest ab agente naturali transmutari in illas, impediente nimirum tali forma supernaturali, & ita corpus gloriosum est simpliciter incorruptibile, supernaturaliter tamen sicut cælum suo modo, dato quod habeat materiam, quæ à nullo agente naturali pati possit.

Qualitas hæc potest dici pertinere ad primam speciem qualitatis, est enim quædam qualitas mixti habitualis, & dispositiua ad incorruptionem, & est in corpore, quasi durities vel infrangibilitas in lapide, videtur autem conueniens ponere talem qualitatem correspondentem ad dotem securitatis in anima: talis ergo qualitas est causa dispositiua impassibilitatis, etsi Dei manutenentia sit causa effectiua principalis, causando & conseruando talem qualitatem, & similiter subtrahendo suam influentiam à causis secundis, ne agere possint in tali corpore: huius opinionis creditur August. ex loco citato.

Arguit autem Scotus, quia vel ista qualitas supernaturalis est cælestis, aut elementaris, aut mixtionis: non primum, quia nec est perspicuitas nec lux aut lumen, tum corpus cæleste non venit in constitutionem corporis humani materialiter, quod est mixtum: Nec potest dici quod sit qualitas elementaris vel propria mixti, quo enim modo dicatur, non impediret omnem actionem

actionem vel passionem, ut patet in exemplo Henrici, quia durities licet impediat incisionem, non tamen combustionem, vel aliam actionem destructiuam, & præterea ipsum elementum est simpliciter corruptibile, & consequenter ex ipso mixtum: oportet autem qualitatem magis sequi naturam subiecti, quàm e contra. Probatur etiam ratione, quia omnes formæ eiusdem susceptiui proximi sunt eiusdem generis physici ex 5. & 10. metaph. Sed omnes tales sunt contrariæ, vel mediæ ut ex eodem 10. habetur, omnes autem huiusmodi non prohibent actionem mutuam, imò sunt eius principia: ergo illa qualitas si est elementaris vel mixti, per consequens eiusdem susceptiui, non prohibebit omnem passionem corruptiuam, sed magis erit principium agendi vel pariendi. Tum illa qualitas aut repugnat aliis, & tunc non prohibet omnem actionem, quæ est eiusdem generis, aut non repugnat, & tunc non prohibet omnem actionem alicuius illarum in aliam, quia illæ aliæ sunt inter se repugnantes; sicque principia mutuo agendi, & ita nulli earum repugnat actioni. Nec potest qualitas illa dici spiritalis, cum sit perfectio corporis, ipsique coextensa.

Secus tenet quod causa impassibilitatis est voluntas diuina, non coagens causæ secundæ corruptiue, & per hoc est illud corpus impassibile, non potentiâ remotâ, sed propinquâ, non à causa intrinsecâ, sed extrinsecâ impediente. Exemplum huius est ignis Babylonicus, à quo subtraxit Deus suam influentiam, non coagendo ipsi igni, sic ignis nihil in pueros egit, nec corpus gloriosum, si poneretur in inferno, ullam sentiret ab igne læsionem, non propter aliquam impassibilitatem intrinsecam pueris, aut corpori glorioso, nec ex carentia potentie passiue, nec ex contratio intrinseco impediente, sed quia Deus ex voluntate sua non cooperabatur, aut cooperabitur igni ad illam actionem. Hoc autem ordinauit Deus perpetuò facere in corporibus beatis, nec est miraculum perpetuum, sicut non est miraculum, quod Deus influat prædictis agentibus ad corruptionem coagendo eis pro statu corruptionis: ita non est miraculum, quod non influat prædictis agentibus ad corruptionem vel passionem corporum Beatorum pro statu beatitudinis: Sicut enim nunc est tempus mutationis, ita tunc erit status quietis & immutationis, & tunc erit consuetum secundum communem cursum, quod Deus agat ad quietem, sicut agit nunc ad motum.

Dices, dos videtur esse aliquid intrinsecum Deicuius est, illud autem velle Dei prohibens causas secundas, non est intrinsecum corpori glorioso, ergo impassibilitas non est dos beati, quod est contra August. citatum.

Respondeo, quod potest dos non inesse realiter ipsi dotato, sicut sponsæ non inest illud quod ei datum est à sponso, quod consuevit quandoque dici dos, ut Gen. 34. vbi Sichen ait Iacobo & filiis eius: *Augete dotem, & munera postulare.*

Dos etiam secundum Iuristas dicitur illud, quod datur à patre sponsæ, sponso quidem quantum ad vsum sed remanet proprietas apud sponsum, patet vero quod non inest realiter sponso aut sponsæ, sed tantum est aliquid aliquo modo habitum: ratione igitur nuptiarum spiri-

tualium in resurrectione consummandarum, dabitur cuilibet beato pro dote ista assistentia diuina, præseruans ipsum ab omni corruptione, licet illa custodia non insit ei realiter: Præterea si ut dotatus habet ius in illud, quod assignatur sibi pro dote, ita Beatus pro meritis habet ius in hac sibi impendenda custodia. Ad Augustinum dicendum est, quod sanitas & vigor deriuatur ab: nima in corpus, quia videlicet est quædam ordinabilitas in corpore, ut conseruetur sibi sanitas & vigor à Deo, ex hoc quod animatum est tali anima, quæ sibi fuit principium hoc merendi, ita quod hoc est præmium corporis mediante anima, quæ sicut principalior fuit in merendo, ita principalius præmiatur.

Dices 2. si sic est, æquè erit dos impassibilitatis in elementis, sicut in corpore Petri, & æquè in corporibus damnatorum, quantum ad incorruptibilitatem. Tum ex Augustino alio modo beatus erit immortalis, quàm fuerit Adam in statu innocentie, Beatus enim non solum poterat non mori, sed etiam non poterat mori, ad quod non videtur sufficere subtractio diuinæ influentiæ in causis secundis corruptiuis, quia illa communis est utrique statui.

Respondeo, quod nec elementa habent ius ut præseruentur à corruptione, nec corpora damnatorum, imò illa præseruantur ad afflictionem propter demerita præcedentia; ista autem propter præterita merita habent ius istud, & ad commodum.

Dices 3. *Contra positionem impassibilitatis.* Corpus gloriosum erit palpabile ex Gregorio in Ioann. 20. Sicut corpus Christi, de quo Luc. 22. *Palpate & videte.* Sed quod palpat, necesse est corrumpi.

Tum si impassibilis sit beatus, ergo non poterit sentire aliquid sensibile, consequens est falsum, quia sensatio cum sit perfecta operatio animalis non deerit homini beato, Consequentia probatur, quia omne sensitiuum potest corrumpi ab excellenti sensibili, quod autem corrumpitur ab excellenti, patitur ab inferiori, sicut quod corrumpitur à calidissimo, patitur à minus calido. Tum contraria nata sunt agere & pati ad inuicem ex Aristotele 1. de generatione, text. 50. Sed corpora Beatorum erunt composita ex contrariis, uti nunc sunt, ergo passibilia. Et si, ut dictum est, resurget sanguis alique humores, ex quorum pugna generantur ægritudines & passionem in corpore, ergo post resurrectionem corpora Beatorum erunt passibilia. Hæc & similia ut soluantur, poni & resolui debet sequens questio.

QVÆSTIO XXIV.

De Beatorum sensibus externis eorumque functionibus.

DE hac questione pauca certa & resoluta habent Doctores sacri; vix quoque alia quam duo, quorum primum est, Beatos nec comesturos aut bibituros, nec alio vitæ vegetatiue officio functuros esse. *Erunt enim sicut Angeli De-*
nes

nec nubent aut nubentur, nec esuriunt aut sitiunt. Hæc enim omnia sunt vitæ mortalis remedia aut subsidia, & quæ ex illis actionibus voluptates sensuales percipiuntur, ex alijs esse non videntur, quàm depulsiões dolorum, ut ostendit Auicenna libro de Almahad cap. 7. & definit delectationem veram *sensualem sensationem redditus seu reuersionis ad dispositionem naturalem, cum remoueri sentitur horridum ladens.* id est, tunc gustus aut tactus delectat, cum organum dolore aut lædente obiecto affectum leuatur, & cessare dolorem, & quod lædit sensum, remoueri sentit anima. Ita delectatio comestitionis aut potus fit propter remotionem famis & sitis, quod ibi de libidine venerea fusè probat, eamque ob causam Epicurus voluptatem indolentiam & doloris vacuitatem appellabat. Eo autem in statu beatitudinis nullum eiusmodi voluptas & libido locum habet, in quo noxium nihil aut molestum depellendum esse potest.

Alterum doctrinæ Christianæ placitum certum & exploratum est, beatos visuros obiectum aliquod delectabile, & videndi facultatem in eis otiosam non fore, quia inter cæteta ait Iob cap. 19. *Se rursum circumdatum pello sua visurum Deum suum, ita ut ipse eum visurus sit, & oculi sui conspiciantur.* Si quæ ibi pro intelligentia functionis sit difficultas, expendetur infra: hic tantum propono, quod doctrina Christiana tradit, ut certum.

De cæteris varijs in varias abeunt sententias, nec constat an omnes sensus erunt in actu: difficultatem enim non parvam eorum functionibus ingerit motus, successio, & alteratio, quæ supponitur in sensatione, & communiter ablegatur à beatitudinis immutabili & quieto statu: nec hærendum est in multis, quæ ex Scriptura, specialiter ex Psalmis adducuntur, quæ quod ad litteram non sint exponenda, patet ex contextu Psalm. verbi gratia 49. legitur: *Exaltationes Dei in gutture eorum: latabuntur in cubilibus suis, gladij ancipites in manibus eorum.* Nam sicuti cubilia & gladios allegoricè oportet sumere, ita quoque exaltationes in gutture eorum interpretabitur, qui vocem & laudem vocalem non admittit.

Certitudo de rebus, quæ totæ in coniectura positæ sunt, haberi non potest, ob maximam earum cum vitæ huius functionibus & actibus dissimilitudinem, & Doctorum varia opinantium discrepantiam.

In vniuersum autem dico, verisimile esse, quod sensus omnes erunt in actu proprias exercentes functiones, & ex iis aliquam percipientes voluptatem.

Probat ex autoritate Sanctorum Patrum. Hoc probabile habet Sanctus Thomas in 4. dist. 44. quæst. 2. art. 2. Idem insinuat Sanctus Prosper in lib. 2. de vita contemplatiua cap. 4. vbi vitam hominis Beati sic describit: *Ibi humana creatura ita perfecta erit, ut in melius aut deterius esse non possit. Cuius humana substantia ad conditoris sui similitudinem sublimata, omnia bona quæ naturaliter accepta peccato corrumperat, reparabuntur in melius, id est, intellectus sine errore, memoria sine obliuione, cogitatio sine peruagatione, charitas sine simulatione, sensus sine offensione, incolumitas sine debilitate, salus sine dolore, vita sine morte, facilitas sine* Carriere in Professionem Fidei.

impedimento, saturitas sine fastidio, & tota sanitas sine morbo. Anselmus clarissimè idem dicit libro de similitudine cap. 57. *In illa futura vita delectatio quadam ineffabilis bonos inebriabit, & inestimabili dulcedine sui totos eos inenarrabili suauitate replebit. Quid dixi totos? oculi, aures, nares, os, manus, guttur, cor, iecur, pulmo, ossa, medulla, exta, etiam ipsa & cuncta sigillatim singulæque membra eorum in communem mirabili delectationis & dulcedinis sensu replebuntur, ut verè totus homo torrente voluptatis Dei poterit, & ab ubertate domus eius inebrietur.* Laurentius Iustin in libro de disciplina & perfectione monastica cap. 23. *Cars, gloria, & honore, & immortalitate, & aternitate circumamicta, suo inherebit auctori, sine deformitate, sine læsione, & absque macula in mensuram ætatis plenitudinis Christi reformata, per omnes sensus suos multis modis exuberabit delicijs.*

Probat ratione, gloriæ status requirit, ut potentia sint in vltimitate perfectionis, propriæ autem perficiuntur suis propriis & connaturalibus actibus, quos aptæ natæ sunt recipere, ergo saltem habet quælibet actum vnum perfectum. Ut autem sensuum singulorum actiones & delectationes futuras vitæ illius beatæ à nostris, ut credere est, dissimiles explicem:

Nota non improbabile esse, quod docet Guilielmus Parisiensis, sensus omnes ita suis operationibus & muneribus functuros, ut nulla in eis vicissitudo, mutatio, aut diuersarum actionum obiectorumve successio sit, sed omnes in eodem actu protus inuariato perseuerent ablegato omni motu. & præteriti futurique temporis lapsu seu fluxu. Hanc ille tradit doctrinam duobus in locis, in tractatu de retributionibus Sanctorum, & in parte secunda primæ partis de vniuerso. Incredibilis hæc videbitur primo intuitu, & fortè in sensu auditus potissimum ridicula videbitur. Huic tamen doctrinæ probabilitatem concedit Sanctus Thomas. Nam in 4. dist. 44. quæst. 2. art. 3. cum dixisset necessarium esse ponere, quod corpora gloriosa aliquando moueantur, quia Christi Domini corpus motum est in Ascensione, & corpora Sanctorum, quæ de terra surgent ad cælum empyreum ascendent postea de eorum statu in cælo, ait: *Verisimile esse quod aliquando moueantur pro sua libito voluntatis, ut illud quod habent in virtute, actu exercentis diuinam sapientiam commendabilem ostendant, & ut etiam visu eorum reficiatur pulchritudine creaturarum diuersarum.* Ita Sanctus Thomas, qui sanè non ignorauit rationes istas duas esse tantum probabiles, ac ne quid de secunda dicam, satisfacturus in tractatu de visu Beatorum, prior illa ratio non multum premit. Nam agilitatis dos & vis mortis non solummodo in motu, sed etiam in quiete & constante corporis constitutione aliquid operari est certum, nec qui sanus & robustus est, neruorum vim minus ostendit, cum indefessus stat in pedes rectus & immotus, quàm cum ambulat.

Nec si otiosa esset vis illa mortis, valde incommodum existimat Sanctus Anselmus in libro de similitudine cap. 52. vbi quæstionem nostræ simulem ita soluit. Sed fortassis quæret aliquis, quid nobis tunc illa fortitudo præstabit, cum singulis tam conuenienter, ut conuenientius

nequeant ubique dispositis nihil immutandum, nihil emendandum, nihil statuendum sit, in quo vires exercere possit? Qui hoc dicit, paucis nobiscum quid in huiusmodi habeat usum humanum attendat, & videbit quia non semper omnibus, quæ habemus, & quæ nos habere non parum gaudemus, actu utimur. Sicut u. g. ipso visu & potestate aliqua nonnullarum scientiarum, & multu in hunc modum. Sic & tunc de quo questio est, fortitudine erit, sola namque possessio eius nobis grata erit, & exultatio grandis licet in actu necessaria non sit, nobiscum ut dictum est in suo statu convenienter locatus. Hac eadem questio si de velocitate aut de aliqua beatitudinis partium monetur, hac solutione, si non aptiorem lector inuenerit, solvatur.

Attende Lector, Anselmum probabile arbitrari, nihil immutandum esse à conuenienti beatorum dispositione. Ita autem de sensuum immutabilitate loquitur cap. 54. *Optior sanitas est vita futura ita vigere, & immutabilem ac inuolabilem fore, ut ineffabili quadam dulcedine suauitatis totum hominem repleat, & omne quod alienum in se vicissitudinis, mutabilitatis, aut lationis suspicionem pretendere queat, procul arceat atque repellat.*

Audiamus Sanctum Augustinum lib. 22. ciuitatis cap. 24. *Nunc quid acturi sint in corporibus immortalibus atque spiritualibus sanctis, non adhuc eorum carne carnaliter, sed spiritualiter viuente, quantum Dominum dignatus fuerit adiuuare, videamus.*

Ecce questionem: subiecit vero. *Et illa quidem actio, vel potius quies atque otium quale futurum sit, si velim dicere nescio, non enim hoc unquam per sensum corporis vidi, si autem mente, id est intelligentia vidisse me dicam, quantum est, aut quid est nostra intelligentia, ad illam excellentiam. Ibi enim est pax Dei, quæ sicut ait Apostolus, superat omnem intellectum, quem nisi nostrum aut fortasse etiam omnium sanctorum Angelorum? non enim & Dei.*

Vide quomodo Sanctus Augustinus non capiat, quomodo beatus ita secundum sensus suos agat, ut actio illa sit potius quies & otium, quamquæ sine motu aliquo tēporis vix concipimus, qui in illa vita æterna non est futurus. Erit igitur ibi visio, erit & auditio, sed eadem immutata, alioqui si finitur, iam tempus & mutatio, & non vera æternitas, nec vera immortalitas, ut in re simili ratiocinatur libro 11. confessionum cap. 7. *Quia mutabilitas est quadam mortalitas. Dum enim quid de præterito in futurum mouetur, quasi præterito mouetur, inquit author tractatu de cognitione veræ vitæ cap. 31.*

Doctrina ergo Gulielmi non habenda est incredibilis, cui tres isti Sancti Patres patrocinantur aperte. Obseruat ergo Gulielmus pro fundamento, beatitudinem dici vitam æternam, quia multum contraria est temporali. Sicut enim temporalis tota fluit & euanesceat, & nihil habet stans: sic illa recta tota stat in soliditate perpetuitatis suæ, & nihil habet fluens, & sicut illa totum habet cum morte commune, & vitam quasi in puncto solo contingit, ita illa tota est seorsim à morte, & se tota vitam primam contingens, in nullo morti approximat. Ipsum enim viuere vita temporali seu præfenti morti est si quis intumè consideret. Cum enim huiusmo-

di vita sit tantum transitus & fluxus vitæ, nec iste sit nisi mors, manifestum est quod tota ipsa vita temporalis mors est, iuxta verbum Senecæ, quia videlicet præteritum mors habet, futurum nondum tenemus, ipsam etiam præfens cum morte diuidimus.

Vis ratiocinationis Gulielmi nititur conditione rationeque propria beatitudinis, quæ vita æterna dicitur, & consequenter quæ maximam æternitatis & immutabilitatis participationem habet, & quia ut docent Philolophi res duras est, & vel temporanea & æterna, vel æterna est, quatenus operatur, inde fit consequenter, ut beatus æternitatem Dei æmulatus, nullam in vita sua seu operationibus mutationem & vicissitudinem admitrat.

Alioquin aliquid eius beatitudinis euanesceat, atque ita beatus à vanitate, cui creatura omnis, atque adeo ipsa Angelica nunc subiecta est, nequaquam plenè liberaretur, sicut autem nostra hæc vita tota temporalis est & fluens, & vita Angelica mentiumque Beatorum ante finem mundi æterna, seu partim temporalis & partim æterna, & secundum visionem beatam immota, secundum verò alias operationes, quibus nos adhuc mortales respiciunt & attingunt, seu nobiscum societatem habent, mutabiles sunt, ita vita gloriæ perfectæ tota æterna erit, cum scilicet tota vita illa, seu beatus in omnibus suis operationibus, vitam primam, Deum, scilicet Christum Dominum attinget, cumque vnum contemplantur.

Quid circa tantam difficultatem amplecti possim, aperio. Dico generatim verisimile esse quod in actionibus sensuum nulla post resurrectionem & iudicium vltimum vicissitudo aut mutatio, sed vna & eadem oculi, auris, & aliorum sensuum actio æterna erit, nec beati mouebuntur localiter, sed eundem situm & corporis dispositionem inuariatam perpetuam seruabunt. Hanc coniecturam probabilem facit, quod ex Gulielmo & asseclis eius retuli, nec non æternitas status gloriosi.

Visus & tactus actiones & munera admittit Sanctus Bonaventura in 4. distinct. 49. part. 2. art. 3. exclusis reliquis, quia, inquit duorum illorum tantum obiecta erunt in gloria, scilicet claritas & tactilis leuitas, quia sunt proprietates, inquit absolutæ, & non tantum emanationes à corporibus, cuiusmodi est odor, qui nullus est nisi exhalet; & sonus, qui cum motu fit, & sapor.

Tactus delectationem eam beaturna percepturum dico quæ videmus affici eos, qui san o corpore & optime affecto, non solum nullo doloris sensu punguntur sed etiam sanitatem illam & optimam corporis dispositionem sentiunt.

Hoc ut intelligatur, nota ex Auicenna cap. 7. de Almahad, delectationem sensualem tunc verè esse cum remotione obiecti lædents percepta, sensus reuertitur ad dispositionem naturalem. Hæc delectatio non habet locum nisi in tactu & gustu, qui depulsionem immodici caloris, frigoris, aut siccitatis, & humiditatis, & famis sitisque tam gustus quam tactus organa & temperamentum lædentium, delectari dicuntur. Quamquam delectatio sensibilis non est actio sensuum cognoscendorum, sed appetitus sensitiui, quam in isto excitat proximè æstimatoria cognitio, non sensuum exter-

rum, quæ æstimatoria est rationum, inquit Philosophi, non sensatarum, seu ea est commoda & incommoda animali & fouentis vel lædenti obiecti apprehensio, excitata in ea facultate æstimatoria per alicuius sensibilis externi sensum, ut, v.g. ouis videt lupum, & ut noxium æstimat, canem, & ut amicum apprehendit.

Quia vero cum depellitur sensibile tactum lædens, tunc æstimatoria apprehendit recuperationem dispositionis animali naturalis & commodæ, idcirco appetitus sensitivus ad delectationis actum eliciendum excitatur.

Item dico beatum in æternum habiturum delectationem suauissimam, & certissimam, & acutissimam, maximèque viuam æstimationem sanitatis, & vigoris totius corporis, quam sanitas illa, & optima corporis dispositio excitabit, quadam mollissima spirituum omnium animalium titillatione, vel potius totum corpus permeante affluenteque influxu suauissimo. Id, ni fallor, experitur is, qui defessus in mollissimo strato decumbens, ex membrorum omnium & totius corporis naturali situ & dispositione, quietæ cuiusdam delectationis, nec alio sine quàm tactus ministerio perceptæ, sensu fruitur.

Gustus quoque beati sua delectatione suauissimè afficietur, ex percepta humiditate naturali, quam velut omnium ciborum condimentum, natura nobis prouidit. Nam notum est experientia, absque vilius externi saporis impressione, qui ob febrem aut aliam ob causam malè affectibilis, effusione laborant, os & palatum amarissimum habere, & ex illa amaritudine dolore affici.

At qui bene valent, linguam, palatum, & totum gustus organum, lapido quodam & dulci humore nativo perfusum habent, & pro varia istius suauitate magis aut minùs delectantur. Quo experimento facile intelligi potest, qui fiat ut beatus absque vilius cibi aut potus ingestione, miram in gustu voluptatem capiat, eamque continuam & sempiternam S. Thom. in 4. dist. 44. qu. 2. art. 2. Richard. in 4. dist. 49. art. 4. qu. 3. censent humiditatem illam creati à Deo, & ab anima, vel, ut de dotibus dicitur, à Deo productam ab anima beata conseruari.

Odoratus voluptatem ex causis illius experientur beati. Organa enim optimè disposita habent, & ut reliqua obiecta odora, quæ in cælo assignari possunt, omitam, ipsum corpus beatum ob perfectissimam temperiem suam odorem gratissimum afflat, absque vlla exhalatione aut alteratione, per solam speciem intentionalem odoris ipsius. Non est enim existimandum, odorem sola corporis & substantiæ odoræ euaporatione aut exhalatione diffundi, experientia enim constat, odorem aliquem ad tantam corporis subiectique sui distantiam emitti, & tantum spatium implere, quanto vel tenuissime & insensibiliter aspergendo, non sufficeret tota corporis substantia, in fumum aut subtilissimam exhalationem resoluta. Non incommode igitur absque vlla alteratione, mutatione, motu, aut operationum latentium fluxu, explicatur constans, stabilis, & perpetua sensuum trium magis materialium, tactus, gustus, & odoratus, voluptas beatorum liquidissima, & sincerissima, non cuiusmodi in hæc

vita ex illis sensibus oriri solet.

Auditus an beato insit, dubitat Bonauent. quæ de laude intellectuali, textus scripturæ mentionem facientes de voce & laude, exponi posse scribit. Difficile equidem est, functionem auditus absque vlllo motu intelligere, sed nec ista, aut quæ aure voluptas percipi potest, cogit nos vllam in obiecto sonoque, aut in organo auditus mutationem admittere. Comperit enim est in philosophia, non minùs sonum quàm odorem aut colorem per species intentionales sentiri, & longissime exaudiri posse: quomobrem non est admodum difficile, concipere sonum in gutture beati formatum, absque vlllo motu sui speciem foras emittere, absque vlla noua soni ipsius multiplicatione, aut medijs per quod defertur agitatione: cumque per corpora solida sentiat sonus, quia huius speciem accipere & transmittere possunt, facile intelligi potest, cælum & quæcumque in paradiso corpora post resurrectionem erunt, beatorum sonos ad aliorum aures deferre, non est igitur vlla ratio, ob quam beatis denegemus auditus operationem, ob soni aut eius speciei productionem, si quidem neuter corporis sonum edentis aut deferentis alterationem, mutationem, & motum localem necessariò coniunctum requirit.

At quis sonus in cælo fiet? is duplex cogitari potest, prior loquutionis sanctorum, posterior concentus alicuius, quem canentes sancti forment, aut ministerio Angelorum. Deive ipsius in cælo productum cum voluptate beati audient. Guilielmus tenet, beatos inter se voce non colloqui, quia per nutus absque voce sua secreta, eaque omnia, quæ nos vocibus loquimur, sibi inuicem manifestant. Quomobrem probabile est, non alium in cælis fieri sonum, quàm concentus quem faciunt beati omnes canentes, ita ut singuli canant sonum vnum simplicem, vel acutum vel grauem, vel certè talem ut ex omnibus fiat vna harmonia & concentus suauissimus. Ita etiam vnicò modo simplici & continuo fistulæ multæ insistentur, ex his tamen grauiissima modulatio fieri solet, absque vlla singulorum sonorum varietate, nec metuendum est fastidium ex tali vlu, nam si pura & liquida voluptas esset, nec organum fatigaret, quod tunc timendum non erit. Cantus beatorum meminit Greg. lib. 8. moral. cap. 3. August. 22. ciuit. cap. 30. & Psalm. 88.

Vilius certior est præ cæteris sensibus, quod habebit aliqua obiecta quæ intuebitur, inter quæ commune omnibus est Christus, quem omnes beati vno fixo immobili inuariatoque obtutu perpetuo respicient, & in eo quæcumque tunc singulos beatos videre decebit, aut etiam quæcumque vel in cælis vel in inferis visibilia sunt.

Probat ex scriptura Ioann. 17. vbi sic ait Christus: *Hæc est vita æterna, ut cognoscant te solum verum Deum, & quem misisti. Iesum Christum.* Et postea: *Pater, quos dedisti mihi, volo ut vbi ego sum, & illi sint mecum: ut videant claritatem meam, quam dedisti mihi.* Quod enim de se ut homine loquatur Christus, multi interpretes existimant, ut & quod vita æterna intelligatur tam ea quæ gratia est, quia homo Deum & Christum hominem fide cognoscit, quàm de vita gloriæ in qua tan-

quam magna merces visio non solum diuinitatis, sed etiam humanitatis Christi, & eius claritatis ac gloriæ promittitur. Ita S. Thom. in illud cap. sect. 1. *Datur, inquit, intelligi quod in vita æterna gaudebimus etiam de humanitate Christi iuxta Isaia cap. 33. Regem id est Christum in decore suo videbunt.* Et in cathena ex August. & Chrysost. *Ut videant claritatem dixit non ut credant, fidei merces est ista, non fides nec dixit ut participant gloriam meam sed ut videant, hoc occultè insinuans quoniam omnis requies ibi est filium Dei videre.* Ex quibus verbis colligo visionem quâ à beatis humanitas Christi videbitur fore continuam & sempiternam.

Primo quia alioqui non esset vita seu vitalis operatio æterna, quæ enim subinde mutaretur æterna dici non posset, deinde quia fidei merces æterna & continua esse debet, est enim gloriæ pars aliqua & fructus. Tertio quia nisi sit continua & æterna ea non est omnis quies beati.

Probat ex SS. Patrib. August. in manuali cap. 26. *Dem in similitudine hominis apparuit ut uterque sensus hominis in ipso beatificaretur & reficeretur oculus cordis in eius diuinitate & oculus corporis in eius humanitate, ut sine egrediens sine ingrediens in ipso pascua inueniret natura humana condita ab ipso.* Laurentio Iustin. lib. de discipl. & perfect. monast. cap. 23. de beato sic ait: *Delectabitur oculus in amabili redemptoris aspectu, cum videbit regem in decore suo gloria ornatum ac diademate redimitum quo coronauit eum mater sua in die desponsationis cordis illius.* Bernard. serm. 61. de Christo. *Nunc dignationis sue posteriora demonstret, alias in gloria dignitatis faciem suam demonstraturus sublimis in regno, sed suauis in cruce. In hac me visione prænuntiat, in hac adimpleat, adimplebis me, ait letitia cum vultu tuo.* Quod si ita se habet, & beatus satiabitur cum ei gloria Domini apparuerit. *Quando ergo (ut eiusdem Bernardi sermon. 3. verbis utar) illa vel fastidiet aniditas vel se subtrahet suauitas vel fraudabit veritas vel deficiet æternitas. Quod si in æternum extenditur videndi copia pariter & voluntas: quomodo non plena felicitas? nihil quippe aut deest iam semper videntibus, aut superest semper volentibus.*

Probat ratione, quia ut Psalm. 44. *Christus speciosus est forma præfiliis hominum, etsi cum in terris vivebat tanta pulchritudine tantæque oris elegantia florebat ut intuentium oculos & corda ad se raperet & in aspectu suo defixos miraminitate detineret, quanto magis in gloria defixos beatorum oculos immobiles detinebit, quod duabus ex causis fiet, priore ex ipsa obiecti pulchritudine, posteriore ex beatorum in Christum amore, certum enim est quem magnopere diligimus cum nos cum volupate inuerti adeo ut amicos in oculis ferre dicamur, & quo cor nostrum rapitur ibi animam & oculum habitare & esse.* Quare si delectatio facultates cum obiectis vnit & in actionibus gratis detinet quo maior erga personam est amor eo quoque iucundior est delectatio Christus præterea est obiectum quod primum beatus vult videre ut authorem gloriæ cuius particeps est.

Situs autem Christi in cælos talis supponitur quod sit tali loco & modo, quod totum mun-

dum vno intuitu cernat, siue directè siue per alicuius corporis specularis subsidium. Cur autem quam vnâ totius illius obiecti speciem visibilem accipit in oculos beatorum omnium emittere nequeat, nonne omnia corpora visibilia aliquatenus sunt specula & quas aliorum corporum species accipiunt remittunt? Cur Christus distinctè, repræsentare non poterit, quæ corpora visibilia imperfectè repræsentant.

Quam multa quotidie noua & nisi experientia fidem faceret incredibilia mathematici excogitant in variis specillis, speculisque efformandis ut quæ aucta sunt visui præsentia fiant, quæque aut quia longissimè diffusa sunt aut exigua sensusque ipsos fugiunt clarè & distinctè cernantur. Quidni igitur Christus poterit ita intuentium oculos confortare, se illis aspiendum proponere & si opus est corpora specularia disponere ut singulis beatis aut res omnes huius mundi visibiles aut saltem eas quas eos cernere oportebit ita in se repræsentet ut in ipso, illi omnes beati, beatos omnes, damnatos & reliquas res corporeas eo in ordine in quo sitæ sunt dispositas, in ea magnitudine quam in se ex habent & ut verbo dicam distinctissimè clarissimèque videant visionem æternam & nunquam mutanda, quia nec in obiectis nec in intuentibus aut vlla in re mutatio accidet. *Ibi ait August. 22. ciu. cap. 30. Vacabimus & videbimus, videbimus & amabimus, amabimus & laudabimus. Ecce quod erit in fine sine fine.*

Ex his omnibus Responde ad Dices tertium contra impassibilitatem, non esse necesse pro illo statu quod tangibile & palpatum corrumpatur, licet enim pro isto statu tactus qui ut docet Aristot. primus est inter sensus fiat per immutationem corporis animalis ab aliquo exteriori corpore prædominante in aliqua qualitatibus actiuarum vel passiuarum, quarum tactus est discretivus, vnde & maxime materialis dicitur, quia plus habet de materiali immutatione adiunctum, non tamen immutatio materialis se habet ad actum sentiendi (qui perficitur spirituali immutatione & apprehensione per æstimationem) nisi per accidens. Et ideo in corporibus gloriosis à quibus impassibilitas excludit naturalem immutationem, erit immutatio à qualitatibus tangibilibus spiritualis dumtaxat.

Die si velis, quod anima nihil in sensu recipit nisi volens & sciens, vnde impassibilitas sita dici potest in eo quod organa beati sensuum exteriorum nullam speciem sensibilis doloriferam grauem & acerbam admittunt, nam mens circumueniri nequit & alioquin de habet in sua potestate & pleno dominio spiritus animales quibus organa sensuum non solum ad eliciendas sensationes sed etiam obiectorum species recipiendas prædita sunt. Nec enim dubitari potest quin organum sensuum pro speciebus vitaliter accipiendis nonnullos spiritus animales requirat quorum ex suppressione aut retentione sit stupidum quorumque dispositio in illis speciebus variè temperandis plurimum valet. Hos autem spiritus pro suo arbitrio administrat anima beati, quare nullum sensibile percipit beatus nisi quando & quomodo vult sibi que passionibus illas omnes intentionales perfectissime subiectas habet dono isto impassibilitatis. Quæ formaliter aliud nihil est quam ex vna parte

vis animæ ad omnes sensibilibus occurfus vigil & attenta, & ex altera parte sensorij organi quæ specierum receptivum est subiectio perfectissimæque obedientia, quæ fit ut illud pro suo arbitrio conformet, fingat & flectat, & eius spiritus animales tractet, applicet, remittat, intendat, prout ei quam vult impressioni sensibili faciendæ conducere novit.

QVÆSTIO XXV.

De claritate corporis Beati.

DOs hæc singularis qua corpus beatorum lucidum & clarum speratur testata habetur ex scriptura Math. 13. *Fulgebunt iusti sicut sol in regno patris eorum*, & 1. Corinth. 15. *Seminatur in ignobilitate resurget in gloria*, id est in claritate ut patet per sequentia ubi corporum resurgentium gloriam Paulus comparat claritati stellarum. Philippen. 3. *Reformabitur corpus humilitatis nostræ configuratum corpori claritatis sue*. Ex quibus locis primo specialiter elicitur claritatem corporis beati fore similem cœlesti solis & astrorum, videlicet permanentem & stabilem, non qualis in igne aut nonnullis aliis corporibus terrestribus visitur.

Verum cum id certum videatur, dux de hac claritate quæstiones à Theologis proponuntur, prior an corpus beatum sit futurum perlucidum & transparentes sicut vitrum purissimum & crystallus, an potius ipsum sit futurum coloratum & visum beati terminet; Posterior est an beatus eam claritatem suam in potestate sibi que ita subditam habeat ut eam vel extinguere vel aliorum contuentium oculis abscondere possit, siquidem Christus post resurrectionem suam apparebat, quando volebat & quo volebat modo discipulis, & evanescebat ab oculis eorum.

Ad primam dico corpus ita fore perlucidum & transparentes ut tamen sit coloratum cum admirabili pulchritudinis venustate & decore quo fiet ut qui beatum intuebitur non solum corporis superficiem sed omnes etiam minutissimas illius partes intimas ac viscera perspiciat illoque aspectu totius corporis partium congruè concinnæque structuræ delectetur. Nec enim repugnant perluciditas seu transparentia aliqua & visibilitas seu lux & splendor, potius cum color sit qualitas corporis mixtam, cum opacitate pelluciditatem habentis, & quo splendidior est color eo plus pelluciditatis & transparentiæ in suo subiecto habeat; non enim lux efficiens corpus coloratum & visibile reddens eius solum superficiem attingit, sed ipsum penetrat intimè, alioqui non actuaret nec informaret. Est igitur corpus beati lumine perfusum seu lucidum & ita splendens ut quemadmodum in iride fieri videmus, lux illa pro varietate diversarum partium sit diversa, & cum nullam partem profundam occultet, sed potius illustret & visibilem reddat, ipsa tamen visum terminet.

Scotus dicit claritatem istam nihil aliud esse quam refulgentiam quandam manifestativam coloris in corpore beato, unde color erit clarus secundum gradum complexionis subiecti suo modo, sicut veritas dicitur clara, vel clara in-

tellectio. Clara ergo erunt corpora beata quia habebunt perfectam manifestationem sui corporis, quia quilibet habebit colorem pulchrum secundum gradum complexionis suæ, quia non omnes habebunt eundem colorem nec secundum eundem gradum qui habent similem colorem, quia commensurationes colorum sequuntur commixtionem propriarum qualitarum, & ideo secundum diversas complexionones habebunt diversos colores, unde & nunc quis delectatur magis in vno colore quam in alio quia est conveniens complexioni suæ. Et sic non omnes æquè clari erunt etiam habentes sibi similem complexionem sed secundum merita sua unde ex Paulo, *Alia est claritas solis alia stellæ*. Et illa claritas videtur sufficere quia sensus visus hominis magis delectatur in pulchro colore corporis humani quam in corpore luminoso, unde plus delectatur naturaliter in videndo faciem humanam bene coloratam quam solem.

Dices, omne corpus luminosum constat ex partibus peruiis, at corpora non erunt peruia cum in certis partibus dominetur terra sicut in carnibus & ossibus, ergo corpora non erunt clara vel lucida.

Respondet Scotus maiorem esse falsam de corpore claro, cum claritas nihil sit aliud quam manifestatio sui in corpore denso, & colorato. Quod si opponas peruietatem à Gregorio positam necnon à Laurent. Iustin. in lib. de descript. & perfect. monast. conuers. cap. 23. *Erit, inquit, tota eius (scilicet beati) substantia corporeis oculis visibilis adeo ut viscerum cæterorumque membrorum hominis harmoniac conditoris delectet magisterium admirandum*. Respondent quod non erunt peruia quasi diaphana ut vitrum vel aqua vel aër, sed erunt porosa ita quod per poros subtiles poterunt multiplicari species harmoniæ interioris usque ad oculum beati qui videat ac si corpus esset transparentes: sicut dicitur quod Linx potest videre per parietem, si autem sic non videat, videbit visione mentali, & intuitiva ea quæ sunt intra in corpore glorioso.

Respondeo ego quod licet virtute naturæ, & de lege communi color non sit nisi in corpore terminato non peruiio seu non diaphano, tamen corpora beata erunt colorata, & lucida, quod Deus dabit diaphaneitatem non obstante colore & ratione coloris terminabit visum; pro intelligentia

Nota colorem & claritatem esse diversas qualitates ut dicit Avicenna 5. naturalium: ista distinguuntur color, lux, & lumen color enim terminat visum & nunquam est nisi in corpore denso & terminato ex Aristot. Lux autem vel claritas est in corpore lucido, pura in sole, susceptivum eius est opacum & densum, lumen verò propriè dicitur esse in medio ut in perspicuo vel peruiio non terminante visum.

Ad secundam quæstionem an beatus claritatem illam abscondere possit.

Respondeo, primo eam totam à beato intercepti aut impediri non posse quin fulgeat in cælo & beatorum oculis sit conspicua, status enim hoc exigit.

Respondeo secundò id à beato ita liberè fieri ut is pro sua potestate quest impedire ne ullam sui speciem foras emittat, vel emissio-

nem speciei ita tempore ut sub diuersis figuris & aspectibus appareat ratio mea est quia hæc actio transiens est, & ut sit in potestate beati nobilitatis status illius postulare videtur, adeo ut quia omnis efficientia transiens est in motu locali, vel in obiectiua sensuum excitatione per species intentionales & sensibiles emissas tam libera beato sit hæc secunda quam prior illa ex communi doctorum consensu libera est.

QVARES, *An claritas gloria possit videri ab oculo non glorioso.*

Respondeo, affirmatiuè quia lux ex sua essentia non est mouere visum, & visus pariter natus est percipere lumen.

Dices, illa maior erit quàm solis quæ ob magnitudinem sustineri nequit.

Respondet S. Thom. quod sicut corpus gloriosum non potest quicquam passione naturæ sed solum passione animæ, ita & proprietate gloriæ non agit nisi actione animæ: claritas autem intensa non offendit visum in quantum agit actione animæ, quin potius delectat offendit autem in quantum agit actione naturæ calefaciendo & dissoluendo organum visus & disgregando spiritus, & ideo claritas gloriosa licet solem excedat tamen de sui natura non offendit visum sed demulcet, propter quod claritas illa comparatur claritati iaspidis Apocal. 21. vers. 11.

Dices, nullam esse proportionem visibilis ad visum quia claritas hæc est alterius naturæ.

Respondeo, non esse quantum ad speciem diuersæ naturæ sed tantum quantum ad causam unde sicut claritas naturæ proportionata, & visui ita, & gloriosa.

Instabis visibile oppositum oculis videntis necesse est videri quod non videmus de corpore glorioso cum discipuli non viderint Christum.

Respondet S. Thom. claritatem istam provenire ex merito voluntatis ideoque, & subdi ut ad imperium eius videatur vel non unde beatus occultare vel ostendere eam potest.

Scotus dicit id ab ordinatione voluntatis diuinæ esse quæ ordinauit non influere ad actum visionis talis claritatis nisi beatus velit.

Causatur claritas hæc beatorum ex redundantia animæ ait S. Thom. in corpus quia eius spiritualis claritas recipitur in corpore ut corporalis unde pro gradu spiritualis erit, & corporalis, & ita in corpore glorioso cognoscetur gloria animæ sicut in vitro cognoscitur color corporis quod continetur in vase vitreo. Ratio propositionis est quia inquit quod recipitur in aliquo, non recipitur per modum influentis sed per modum recipientis, & ideo claritas animæ quæ spiritualis est recipitur in corpore ut corporalis, non placet; ex hoc enim sequeretur quod anima esset corporalis, & non spiritualis quia recipitur in corpore, tum nihil habet anima quod formaliter aut virtualiter tantam claritatem corpori conferat.

Scotus tenet claritatem illam causari à Deo in beatis ad meriti proportionem.

Dote hac claritatis præter corporis harmoniam & internam dispositionem patebunt (si aliquibus Patribus credimus uti S. Gregor. Au-

gust. 22. ciuit. cap. 30.), affectus cordis aliis beatis ita ut quilibet beatus alium intuens ex signis quæ conspicua, habet tanquam nutibus quibusdam intelligat quid habeat in corde aliusque vipote amicis illa manifesta esse velit idque per spiritus animales lucidissimos quos anima pro libito ad hoc temperet. Non placet quia manifestatio cogitationum pendet ex speciei impressione, & modo loquendi beatorum, vide quæ de ea diximus.

QVÆSTIO XXVI.

De dote agilitatis.

Tertia corporis beati dote est agilitas, certum est enim illud moueri posse, quia & ipsum Christi corpus cui beatum quodlibet assimilabitur, de terra ad cælum motum est in ascensione ibique aliquando pro libito mouetur, licet autem in tempore, imperceptibili tamen, propter breuitatem & motus velocitatem.

Probat ex scriptura quæ 1. Corinth. 15. virtutem vocat infirmitati oppositam. *Seminatur in infirmitate resurget in virtute.* Ibi Glossa habet: *mobile, & vinum*, mobilitas vero hæc nihil importare potest quàm agilitatem ad motum. Sapient. 3. *Tanquam scintilla in arundine discurrent.* Isaia 40. *Qui sperant in Domino mutabunt fortitudinem, assument pennas ut aquila volabunt, & non deficient, current, & non laborabunt ambulabunt, & non deficient,* hoc clariùs habet Paul. cit. *Seminatur corpus animale, surget spirituale*, tarditas autem maxime repugnat spiritualitati.

Probat ex SS. Patr. August. in quæst. de resurrect. capit. 49. dicente, *Quod corpus gloriosum utraque interualia pari celebritate pertingit ut radius solis*, & 22. ciuit. cap. 40. ubi vult spiritus ibi prout erit corpus, & lib. 13. cap. 18. disceptante contra Philosophos negantes corpora terrena in cælis esse posse, contendit ea ob agilitatem his præstare. *Et nullo in ima pondere deprimantur: ipsique animæ perfectissime beati ut quantum terrena tamen incorruptibilia tam corpora ubi volunt ponant, & quo volunt agant suū motūque facillime, additque sanctorum perfectos atque beatos diuino munere spiritu sine difficultate vlla posse ferre quo voluerint, & sistere ubi voluerint sua corpora.* Congruentia figuræ membrorum detenta seu mole gravitateque corporis talia, & detracta ponderis tarditate ut postea subiungit. Anselmo in lib. de similitud. cap. 51. & 52. *Tanta beati velocitas erit ut ipsis Angelis aequè celeres futuri sint qui à tælo ad terram, & à conuerso dicto cuius dilabuntur.*

Nota primò, pro intelligentia istius dotis quod in homine & in quolibet composito est duplex motus, vnus secundum exigentiam elementi prædominantis secundum quantitatem, & sic omne corpus animale mouetur ad centrum ad quod tendunt graua scilicet centrum terræ, id est deorsum: Alius est motus secundum naturam animati anima sensitivæ, qui dicitur motus progressiuus: differunt autem isti motus secundum tria, vno modo ex parte principiorum quia principium

principium vnus motus est mixtum per naturam elementi prædominantis & ideo post mortem quando maximè terra vti non impedita vel per spiritus qui leues & ætæi sunt aliquo modo subleuata prædominatur cadauer redditur grauius : principium alterius motus est in anima. Secundò differunt quia motus qui consequitur animatum ratione corporis non sequitur cognitionem, sed appetitum naturalem illius corporis, & ideo est ad vnum sicut appetitus naturalis ad vnum determinatur alius autem motus qui est ratione animæ sequitur apprehensionem quæ non est semper respectu vnus loci & situs sed nunc respectu vnus iam alterius, ideo appetitus animalis sequens cognitionem non est respectu vnus loci & situs, ideo ille motus non est semper ad eundem locum. Tertiò differunt quia animal in motu cuius anima est principium potest se sistere per intrinsecum, brutum enim quamuis non moueatur liberè, potest tamen cum alio apprehenso occurrente se sistere, sed in alio motu non potest, sicut nec elementum prædominans potest se sistere in motu suo.

Nota secundò quòd in anima non solum est potentia motiua, quæ organicè scilicet partem post partem seu vnā alia quiescente mouet, sed & est potentia non organica quæ potest mouere totum corpus simul, quod patet, quia potest anima separata seipsam mouere sicut & Angelus, & pari ratione suum corpus sicut & Angelus eadem potentia qua se mouet, mouet & aliquod corpus. Potentia autem qua anima seipsam mouet non est organica, hæc enim non habet organa: item anima potest mouere aliquod corpus non suum, ergo pari ratione suum, est enim mobile sibi proportionatum. Confirmatur, quia si repugnat animæ separatæ mouere se & aliud corpus, aut hoc est ex immaterialitate sua, aut ex imperfectione sua non primum, quia mouere se & aliud corpus competit naturæ intellectuali, vt Angelo qui se & cælum mouet, nec secundum quia conuenit corpori quod est ens imperfectum.

QVÆRES, an frustra sit hæc potentia in anima, cum nusquam expectum sit quod animal moueatur motu animali non organico.

Respondeo non esse inconueniens quod hæc careat actu pro statu præsentis coniunctionis, hunc autem habebit post resurrectionem ait Scotus, corpora enim gloriosa mouebuntur ab anima & non organicè si velit, id est totum corpus mouebitur non vna parte mota & quiescente alia, quia volabunt & non deficient hæc autem motio simul totius corporis non est per organum, ergo in anima est virtus alia quam illa quæ potest mouere organicè dicique potest non esse diuersam ab organica.

QVÆRES quid sit propriè agilitas?

Respondeo esse habilitatem ad promptè mouendum se eo motu cuius principium est anima, corpus enim agile mouet se secundum locum non motu naturali cuius principium est elementum prædominans, sed aliorum motuum, quia vero habilitas non potest esse in aliquo toto ad facilitè mouendum se nisi concurrente virtute motiua & mobili, ideo ad rationem agilitatis requiritur perfectio virtutis motiue in anima & perfectà dispositio non repugnans ex parte corporis, vnde dicendum quod agilitas est habilitas in aliquo toto ad promptè

mouendum se secundum locum ex perfectione virtutis motiue animæ & congrua dispositione corporis.

Effectus enim dotis agilitatis duplex est in genere, alter motus corporis velocissimus & ad nutum animæ, alter est situs eiusdem in medio aëre aut cælo empyreo, vbi tam facilè sine vilo corporis fulcientis subsidio quàm spiritus ipse Angelicus erit.

QVÆRES, quæ sit illa dispositio ex parte corporis quæ requiritur ad agilitatem. Varij variè dicunt.

Sanctus Thomas respondet corpus gloriosum esse omninò subiectum animæ gloriificatæ non solum vt nihil in eo sit quod resistat voluntati spiritus (quia hoc etiam fuit in corpore Adæ) sed etiam vt sit in eo aliqua perfectio effluens ab anima in corpus, per quam habile reddatur ad prædictam subiectionem, quæ perfectio dicitur dos. Anima enim coniungitur corpori non solum vt forma, sed etiam vt motor & vtroque modo oportet corpus esse summè subiectum & expeditum ad omnes motus & actiones animæ. Nec dicas membra humana esse eiusdem dispositionis in figura & quantitate, sicuti modo sunt respondebit enim habitura aliam dispositionem saltem in proprietate gloriæ quæ dicitur agilitas.

Richardus in 4. respondet auferendam grauitatem à corpore ita inde fore agilia sicque dicit agilitatem esse quandam qualitatem creatam in corpore qua facilè mouetur secundum locum quia scilicet facit proportionem mouentis ad mobile.

Sanctus Augustinus lib. 21. ciuit. cap. 5. hoc tenet, vbi dicit quod pondus graue corporis auferetur, & ratione probatur, quia nisi grauitas auferatur, corpora erunt violenter in empyreo sursum contra propriam inclinationem sicque non quietarentur sed potius fatigaretur ibi.

Arguit Scotus 1. quia grauitas inest corpori ex complexione naturali propriæ mixtionis, ergo non auferetur, nec intelligi potest quod maneat corpus hominis, & in eo non dominetur terra, sicut quod fiat sol vel aliud corpus cælestis & in eo dominetur terra, idem enim est dicere quod maneat terra, & grauitas non maneat, sicut quod remaneat lapis & non sit durus. Tum anima non perficit corpus quocumque modo dispositum, si enim corpus hominis esset ita densum, vt aurum non esset perfectibile ab anima, ita si non habeat grauitatem & alias naturales qualitates. Adde, quod si auferatur grauitas aut induceretur leuitas, aut corpus remanebit, nec graue nec leue sicut cælum, primum non potest dici quia leuitas repugnat ibi, nec secundum quia tunc corpus gloriosum non inclinaretur naturaliter ad aliquem locum determinatum sursum vel deorsum, & ita non haberet aliquem motum naturalem, nec habere posset nisi in circulo. Tum si aliqua ponitur qualitas propter agilitatem ad motum respectu, vbi ergo determinat vbi, sed omnis forma determinans ad vbi determinat ad determinatum, vbi vt ad vbi quod determinat elementum prædominans in mixto, ergo qualitas illa sic determinans ad vbi magis addet fatigationem quàm agilitatem ad motum, vnde non video quod vna qualitas possit dare agilitatem ad omne vbi deorsum sursum, &c.

Scotus

Secutus tenet quod corpus erit agile ad motum sine supernaturali quocumque addito animæ vel corpori, non enim oportet ex parte animæ nisi quod virtus motiua fiat perfectior, & quod resistentia accidentalis ex parte corporis tollatur: perfectissima ergo & intensissima erit virtus motiua animæ, & proportio mobilis ad illam virtutem erit. Tolleitur enim omnis dispositio contraria tam in iuncturis, nervis quàm in toto corpore, & fiet multiplicatio spirituum corporalium convenientium tali motui, poterunt autem beati tali agilitate vti si sint in loco convenienti.

Itaque Responderetur, ad Aug. quod pondus aggrauans auferetur, sed non omnino grauitas, hæc enim requiritur vt corpus sit perfectibile ab anima, & non leuitas, anima enim non compararetur ad ipsum vt motrix, vnde leuitas in aliquibus impedit motum.

Ad violenter quod præfertur esse sursum Respondeo, tunc ibi quiescere esse ipsis naturalius quàm si corpus esset in terra, nam cum sunt aliquæ potentie ordinatæ, naturalitas potentie superioris est maior quàm inferioris, sic graue ascendit sursum ne fiat vacuum, naturalis autem est corpori perfici ab anima & quod fiat eius perfectibile conueniens, & quod moueatur motu competenti animæ quàm quod proprio ad centrum, & ideo secundum intellectionem naturæ superioris quiescit naturaliter, sed secundum quid innaturaliter. Nec fatigabitur, quia non vincitur nec est contraria actio à corpore quæ esset causa fatigationis.

Nota inde sequi Beatos habere situm erectum non autem sessionis nam inclinatio partium videtur repugnare agilitati & statio conuenire corpori in quantum est instrumentum animæ. Hinc Augustinus sessionem Christi expressam in symbolo non intelligit de corporali. Et S. Stephanus vidit stantem.

Dices contra agilitatem motus localis non competit Beatis, quia non indigebunt alio loco, cum quia motus est actus imperfecti, cum quia non divideretur aut cederet cælum nec dabitur penetratio corporum, cum quod participat diuinam bonitatem sine motu nobilius eam habet quam cum per motum est acquirenda, cum ergo quædam corpora tunc remaneant sine motu vti cælestia, à fortiori corpora Beatorum vacabunt à motu.

Respondeo, quod motus localis non variat aliquid eorum quæ intrinseca sunt rei, sed solum id quod est extra, scilicet locum vnde id quod localiter mouetur est perfectum quantum ad intrinseca ex Aristot. 8. physicorum text. 17. & 57. Quamuis habeat imperfectionem respectu loci, quia dum est in vno est in potentia ad alterum; nam non potest esse actu in pluribus simul, hoc enim est solius Dei, is autem defectus non repugnat perfectioni gloriæ, sicut nec defectus quod creatura est ex nihilo & ideo huiusmodi defectus manebit in corporibus gloriosis. Ad participationem patet quod corpus Beati participat multò perfectius ipsis cælis per gloriam, quam ipsi per motum qui si conceditur Beato est ad demonstrandam virtutem, animæ. Ad modum motus.

Respondeo, quod Beati non poterunt moueri intra cælum vi propria, sed in loco eis ce-

dente, cedit autem cælum, Deo ipso hoc faciente cum moueri volent.

Dices, Beatus est in determinata distantia, vel approximatione ad Christum, ergo nullus volet moueri, quia per motum fieret remotior, aut propinquior, propinquitatem autem non meruit.

Respondeo, quod argumentum supponit Christum stare semper in eodem loco, sed cum supremus sit Dominus, per se mouebitur ad libitum, itémque Beati si placuerit.

Dices, si corpus est agile cur defertur ab Angelis, vt 1. Thessal. 4. ait Paul. *Rapiemur in nubibus obuiam Christo in aera.*

Respondeo id fieri ex reuerentia & Dei beneplacito non ex impotentia Beatorum.

Dices omne quod mouetur vel mouetur in tempore vel in instanti. sed corpus gloriosum post resurrectionem non mouebitur in tempore, quia tunc tempus non erit, vt dicitur Apoc. 10. Ergo in instanti.

Respondeo, licet non sit tempus quod est numerus motus cæli, tamen erit tempus confluens ex numero prioris & posterioris in quocumque motu. Non est autem possibile motum localem fieri in instanti, quia non potest aliquid simul totum esse in vno loco, & partim in alio, quia sequeretur quod altera pars esset simul in duobus locis, quod esse non potest: sed omne quod mouetur partim est in termino à quo, partim in termino ad quem, omne autem quod motum est totum, est in termino ad quem motus, ergo non potest esse quod simul moueatur & motum sit, sed omne quod mouetur in instanti (quod cærum est non diuidi) simul mouetur & motum est, ergo motus localis corporis gloriosi non potest esse in instanti. Licet velocius moneri possit ab anima quouis corpore naturali ipso etiam cælo aut astris, & in nictu oculi possit, v. g. transire à centro mundi ad extremam eius superficiem, quia autem motus ille est quantus & in partes diuisibilis necesse est mediam illius partem duplo breuiorem esse. Nolim tamen asserere omnes Sanctos pari agilitate esse præditos, cum potius sicut in aliis, & ita in ista corporis dote dispares inter se dicantur, sicque idem spatium vnus altero celerius decurrere possit. Nam resistentia sola medij non facit successionem quæ est de ratione motus localis, sed celeritas pendet ex vi mobilis. Cum autem agitur de motu Beatorum ex agilitatis dote comprehendendi debent omnes motus quibus corpus situm mutare potest, v. g. palpebras mouere, oculos ad aliquid contuendum conijcere, linguam & reliqua vocis organa ad loquendum adhibere membra constringere, dilatare, variis modis fingere, spiritus animales agere & pro libito commouere. Temperies siquidem spirituosæ quæ tota massa corporis ipsæque solidiores partes penetrantur agilitatem facit.

QVÆSTIO XXVII.

De subtilitate corporis Beati.

QUarta & vltima dos corporis gloriosi est subtilitas, cuius effectus non eodem modo ab omnibus explicantur, omnibus tamen fatentibus eam inesse.

Probat ex Scriptura 1. Cor. 15. *Seminatur corpus animale, resurget spirituale*, id est subtile, non quod corpus in spiritum, aut in corpus aëreum vertendum sit, ut voluit Origenes & Eutychius Patriarcha Constantinop. tempore S. Gregor. à quo conuictus reuocauit errorem, sed spirituale, id est, spiritui omnino subditum & penetratiuum aliorum corporum, sic animale opponi volunt DD. spirituali.

Probat ex Philipp. 3. *Qui reformabit corpus humilitatis nostræ configuratum corpori claritatis suæ secundum operationem, qua etiam possit sibi subiacere omnia*. Christus autem illæto materni pudoris signaculo ianuam mundi huius intrauit, ut ergo plena sit corporis nostri ad Christum conformitas subtile pro libito fiet.

Probat ex Sanctis Patribus, Augustinus tractatu 121. Vbi de ingressu Christi per ianuam clausam, sic ait. *Meli corporis vbi dimittas erat, ostia clausa non obstituerunt, ille quippe non eis apertis intrare potuit, quo nascente virginitas matris inuoluta permansit*. Auctor de cognitione veræ vitæ, cap. 45. apud Augustinum, sic ait, Corpus Sanctorum resurget spirituale, quia velocitate, leuitate, perspicuitate spiritibus erit æquale, & omne solidum erit ei penetrabile: sicut & corpus Domini lapide clauso surrexit, & ianuis clausis intrauit. Sanctus Damascenus libro 4. de fide orthodoxa, cap. 28. Resurget corpus spirituale, immutabile, impassibile, subtile hoc enim significat spirituale, quale post resurrectionem Corpus Domini, erat cum per ianuam clausam intraret. Anselmus libro de similitudine, capite 53. *Quicumque Angelus assimilabuntur, eorum quoque libertatem necessariò assequuntur libertatem nimirum dotem spiritualitatis seu subtilitatis appellat*. Itaque sicut Angelis nihil obstitit, nec aliquid eos impedire potest, vel constringere, quin pro velle suo cuncta penetrant liberrimè, ita non erit aliquod obstaculum quod nos retardet, nulla clausula quæ nobis vllatenus obstat.

NOTA duos à Doctoribus assignari Subtilitatis effectus.

Primò, sensuum viuacitatem, dos enim, hæc facit: ut Beatus visum acutissimum habeat, & etiam remotissimi obiecti partes minutissimas distinguat, cernatque perfectissimè; ut verbi gratia, Beatus è cælo, ita inferos cernit, ut nec vnus puluisculus eum lateat, & vno intuitu Christus quæcumque in prospectu præsentia habet, velut totale illud obiectum ita aspiciat, ut quæ in eo singula sunt discernat & visione acutissima perspiciat.

Idque ipsum de aliis sensibus dicendum est, ut, verbi gratia, de auditu quo concentum Beatus audit, ut singularum vocum tenuissimos tonos distinctè notet & percipiat: Vnde

Carriere in Professionem Edei.

sic, ut ea cognitio sensitiua sit maximè delectabilis, & sensus magis actiuus.

Hanc autem subtilitatem præstat spirituum sensoriorum dispositio, tenuitas scilicet, seu subtilitas & firmitas, quæ habent, ut non sint fugaces & enanidi, aut quod dissipari possint, sed tenaces, firmi, quique sensus seu organa sensoria subtili constantèque inhaerentia informant.

Id ut intelligatur, suppono ex Anatome spiritus animales in genere esse duplices, alios ad motum, alios ad sensum animæ sensitiuum secuentes, illi motores resident in nervis per totum corpus sparsi, & musculos componentibus: Sensorij verò multiplices sunt, pro sensuum tam exteriorum, quam interiorum multitudine, nec idem est visorius cum olfactorio, aut tactiuo, sed ut singuli sensus organa ipsa situ distincta, ita spiritus suos & horum vaginas nervos habent, eosque omnes diuersi temperamenti, quo enim sensus nobilior est eo spiritus eius tenuior est, subtilior & clarior, eoque sensus acutior.

Quare sicut alia in beato agilitatis dos non est quam spirituum illorum motorum, seu animæ morticis ministrorum excellentissima dispositio, ita subtilitatem præstat spirituum sensoriorum exquisita ac perfecta temperies, ac constitutio, quam anima beata, ut sibi connaturalem vel beatitudinis suæ producit, vel à Deo acceptam conseruat, vel ex Scoto Deus ipse facit.

Secundus subtilitatis effectus ponitur penetratio corporum, qua nimirum beatus per corpus illæsum pertransire, & illud penetrare possit, pro cuius intelligentia.

NOTA de Fide esse, quod virtute diuina duo corpora possunt simul esse in eodem loco. Nam constat hoc extitisse in Natiuitate Christi, Matre remanente illibata, & in ingressu in cœnaculum ianuis clausis, ut testatur Ioannes 10. Nec non & cum in Ascensione penetrauit Cælos, & nunc etiam simul est cum Cælo Emphyreo, quod dabitur Beatorum corporibus post Resurrectionem coëxisturis ipsi cælo.

Queritur autem an vis hæc penetratiua corporum sit qualitas aliqua creata in carne, aut animæ beatæ inhaerens, an vero nulla sit eiusmodi, sed sola Dei indubitata assistentia, quæ corpus nulla sui materia priuatum, nec rarefactum potens faciat existendi, cum alio corpore ad libitum animæ informantis, quæ hanc assistentiam pro dote meruit, vnde licet actione miraculosa fiat, tamen pro statu illo naturalis habeatur.

Hoc vltimum asserit Scotus in 4. distinctione quinquagesima, nec non & Sanctus Thomas in 4. distinctione 44. quæstione 2. articulo 2. & in capite 15. primæ Corinthiorum, lectione 6. disputationem hac de re institutam, sic concludit. *Relinquitur ergo, quod esse simul cum alio corpore in eodem loco non possit esse ex dote, seu ex qualitate corporis gloriosi, habebit hoc tamen, ut Corpus Christi habuit, corpus cuiuslibet Sancti, ex virtute diminutatis existentis in eo per quem modum Corpus Petri habuit, quod ad umbram eius sanarentur infirmi, non per aliquam proprietatem ipsam*. Hoc

QQq que

que modo explicat virtutem miraculorum, qua Christus prædictus fuisse dicitur. *Quid, inquit ibidem, nulla virtus terminata potest facere miraculum, hæc solius Dei est, sicut virtus creatrix, creata esse non potest, quia terminata & finita esset.* Nec obscure huic subtilitatis gloriolæ explicationi fauet Augustinus citatus, dum causam illius in diuinitatis præsentiam refundit.

Ducendus in 4. distinctione 44. dicit, quod anima beata habet plenam potestatem sui corporis, & ided potest illud reducere ad quancumque figuram & quantitatem, & sic per corpora porosa potest transire, & in eis esse, sicque ponit Christum per vterum & lapidis poros penetrasse.

Refutatur hæc opinio, quia reducendo se ad tam parvam quantitatem pateretur corpus, sicque non esset gloriosum & stringendo se ita in modum acus, tunc non haberet quantitatem corporis organici, quam anima humana requirit ad organizationem. Nec inles hoc haberi in Eucharistia, Corpus enim Christi non coarctatur hac necessitate, ut sit in loco æquali, vnde totum continetur sub paruis, vel magnis dimensionibus hostiæ consecratæ.

Respondeo enim Christum non esse ibi localiter. Imò dico Corpus gloriosum non posse esse in alio glorioso, quia non habet imperium super aliud gloriosum, cum æqualiter dotem habeant, id autem actui corporis non conuenit.

Habes ergo dependentias vitæ beatæ quam speramus in dotibus corporis sic elucidatis ad satisfactionem Lectoris

Impassibilitas præstat corpori ne corrumpi possit, aut affligi, quia Deus causis corruptiuis statuit non coagere in gratiam Beatorum.

Claritas efficit, ut corpus fulgidum & transparent sit.

Agilitas facit, ut corpus omni onere aggraunte liberatum pro libito transeat velocissimè, & in icu oculi à loco in locum distantissimum.

Subtilitas denique sensus acutissimos reddit, & penetrationem corporum quorumvis præstat. *Sic reformabit Christus corpus humilitatis nostræ, configuratum corpori claritatis suæ.* Quam bonum ergo in paradiso, ita in perpetuum viuere, gaudere & exultare in Deo & Iesu. Vtinam quæ scripsimus & credimus attingamus.





DE VITA MISERA FUTURI SÆCVLI.



DUPLICEM conditionem seu sortem vite venturi sæculi, credendum esse constat, ex pluribus scripturæ locis, & ex summa Dei equitate, quâ, sicut virtutem ultra condignum remunerat post mortem, ita & crimina (quæ ut plurimum, tolerat in hac vita) punire debet pœnâ aternâ, cum omnia tunc aterna sint. Beatam sortem hucusque ut fide capi potest exposuimus. Nunc de damnatorum summè miserorum pœnis agendum mihi restat, ne quid in materia Symboli Catholici intactum relinquam. Atque in vniuersum dico quacumque de damnatorum supplicijs dicuntur, ea esse diuinâ iustitiæ tribuenda, hocque pacto nihil nisi pro meritis reorum, miserorumque hoc in negotio à Deo fieri, aut permitti, ipsumque in illorum damnatione nihil serè aliud facere quàm cogere eos ad habendam continuo notitiâ perfectam earum rerum quas impiorum status exigit, ut v. g. quod à Deo creati sunt, ad consequendam beatitudinem supernaturalem, ab ea peccato suo defecerunt, & in aeternum ea carituri Deumque sibi offensum, & ob peccata sua inimicum habituri sunt. Vnde cum Deus sit quidem naturæ naturaliumque donorum, & præterea veritatis, & gratiæ seu bonitatis author, si quod donum illis denegat, non ob aliam causam denegat; quàm quia ipsi accipere noluerunt, habentque aliquod formale impedimentum quo donum illud ne idem subiectum afficiat, impeditur. Quare quia peccata prauique eorum habitus, naturæ donis non aduersantur, idcirco quacumque damnati naturæ suæ conditione postulant, ea à Deo accepta habet sicque in resurrectione corporum, corpora integra absque vlllo naturali defectu recipient, ut in art. de carnis resurrectione notauimus, & intellectum habitibus hac in vita acquisitis, nec non scientia naturali imbutum habebunt, quia hæc statum animæ separatæ aut corpori incorruptibili unitæ sequuntur, ut notauimus qu. 18. de cognitione animæ separatæ, estò species illæ per quas damnati intelligunt non sint ornamento ipsis, ut subtiliter obseruauit S. August. lib. 10. confess. cap. 23. sed potius tormento, & incessabili exprobrationi de summo bono perduto Summa huius vitæ miseria consistit in pœna sensus, utramque igitur expendo, si prius Lectorem beneuolum à communi obiectione redemero.

QVÆSTIO I.

Quomodo peccans mortaliter pœna aeterna dignus est.

Resolutio istius difficultatis supponit plenam peccati notitiâ in tractatu infra de iustificatione ventilatam. Vnum tanquam certum recolendum est, malitiâ, & rationem formalem, peccati mortalis, quæ quis peccans, & malè agens dicitur, positam esse in illo peruerso amore, quo peccator in eo quod libere vult & eligit se summè diligit, & consequenter usque ad contemptum Dei, cuius præcepto posthabito, & neglecto suæ voluntati, satisfacere superbo affectu vult, detrectans Deo subditus

esse: vnde Eccl. 10. dicitur. *Initium omnis peccati est superbia.* Quod exponens S. August. lib. 3. de lib. arb. cap. 17. & 25. ait, *Mala voluntatis initium, quod potuit esse nisi superbia, & perversa celsitudinis appetitus quæ deserto, Deo cui tanquam principio debet, animi inharere, scilicet, per iustitiâ, & charitatem; quam nisi pia subditaque Deo voluntas habere non potest, sibi quodammodo voluit esse principium, quod sit cum sibi nimis placet; & cor ad seipsum habet, non autem ad Dominum; quod est obedientia, quæ nisi humilium esse non potest.*

Hinc Doctores dicunt, vnanimiter rationem, peccati mortalis, consistere in auersione à Deo vel in contemptu amicitie diuinæ, vel in eo quod quis creaturam, plus amat quàm Deum, hæc enim idem sunt, qui enim adulteratur,

plus voluptatem amat, quàm Deum cuius legem prohibentem spernit ut frui possit voluptate.

Licet autem nonnulli doceant malitiam peccati non esse infinitam, esto per ipsum Deum qui est infinitus offendatur, quia inquit sequeretur omnia peccata continere æqualem malitiam, vnumque non esse maius altero, tum quia in genere entis actus creaturæ tam in quantitate, intentione, & ratione contemptus est finitus. Tamen quia Deus est infinitus, & offensa quæ circa Deum versatur est in suprema specie offensa, quæ esse potest, licet non sit infinita, nec priuet Deum nisi honore finito quem ipsi debebat creatura rationalis. Iuste supplicio æterno afficitur, qui Deum opt. max. cui omnis debetur honos voluntariè contemnit, & quia peccans constituit ultimum finem, in creatura, censetur quodammodo destruere Deum qui est essentialiter ultimus finis omnium, ad quem omnes fines actuum hominis habitualiter aut virtualiter referri debent.

At inquires quomodo tam brevis culpa ex instantanea voluptate contracta tanto tam diuturno, eoque æterno supplicio digna meritis, censenda est. Sed quid miraris tanquam insolitum, quod quotidie fieri vides? ob crimen capitale puniatur reus, & iustissimè puniatur, cum tamen mortis pœna sit ex se æterna, quia irreparabile malum est, nec enim qui semel moritur naturaliter à iudice excitari potest. Quod si dixeris vitam illi reo in resurrectione, restituendam, id nullo modo à iudice mortis supplicium inferente attenditur, nec pœnæ acerbiteriam mitigat, si nihil aliud accedit: hoc idem respondet, S. August. 11. ciu. cap. 11. *Hoc, inquit, iniustum quidam putant ut pro peccatis quantumlibet magnis pœna infligatur, æterna. Quasi verò id unquam ullum iustitia, legis attendas, ut tanta mora quisque puniatur, quanta mora temporis unde puniretur admisit.* Exemplumque profert ex homicidiis adulteriis, & aliis quæ cum captum quodammodo fiant, longissimam, tamen carceris exiliivæ, pœnam post se relinquunt. S. Thomas in lib. 3. contra gentes cap. 144. aliam profert rationem: æquitas, ait naturalis postulat ut unusquisque, priuetur bono contra quod agit, eamque ob causam secundum iustitiam, civilem qui contra reipub. peccat, eius societate, omnino vel per mortem vel per exilium, perpetuum priuatur nec attenditur, quanta fuerit mora temporis in peccando, sed quid sit contra quod peccauit. Verumtamen ad reipub. terrenam vita ista se habet, ita, & tota æternitas ad beatitudinem, & societatem sanctorum qui ultimo fine æternaliter potiuntur. Quis ergo contra ultimum, finem peccat, & contra charitatem, quæ est societatis beatorum conciliatrix, is in æternum puniri debet. Quodque omne peccatum mortale sit contra charitatem Dei, & proximi patet, nam philantia seu amor proprius, quo sibi per eum adhæret peccator contrarius est amicitia Dei, hac ergo iustè priuatur, & ut inimicus Dei, pœna damni, & sensus puniatur. Quadrat hic dictum S. August. 21. ciuit. cap. 12. *Ille dignus est æterno malo qui hoc in se peremit bonum quod esse posset, æternum.* Addere etiam licet Deum, non tam facta quàm corda inspicere, & voluntatem pro facto reputare tam circa bona, quàm circa mala, unde

si ex æquitate affectus bonos, in quibus eminenter velut in semine, facta continentur æterno remunerat præmio, eadem pœnos damnat, & quidem ea proportionem quam postulant, quod apud ipsos homines, quandoque observatur. Hinc illud Ciceronis, in orat. pro Milone, *Quia res perfecta non est, ideo puniendum non fuit? quasi exitus rerum non hominum, consilia legibus vindicetur.* Reatus fuit quod, *Clodius cum sic, Pompeij trucidandi causa deprehensus fuerit.* Atqui reproborum voluntas atque studium, ex hac vita in peccato mortali discedentium, fuit peccare semper si licuisset. Ideo enim ante mortem, non resipuerunt, quia usque ad illam peccati peccandique affectum retinuerunt.

Quid ergo mirum si semper quoque crucientur, qui quantum in se fuit facere nunquam voluerunt peccandi finem? Vnde S. Gregor. 4. dialog. cap. 44. *Ad magnam ergo iniustitiam iudicantis pertinet ut nunquam careant supplicio qui in hac vita, nunquam voluerunt carere peccato.* Qui enim in peccatum mortale propria voluntate labitur, se in eum statum iniustitiæ redigit ex quo propriis viribus erui, nusquam in æternum, poterit, unde ex hoc ipso quod vult peccare, vult consequenter in peccato per æternitatem totam manere. Quare iustè à Deo peccator non solum, ob actionem peccati sed præsertim ob voluntatem in peccato, permanendi, quæ sicut dixi in æternum, protenditur pœna interminabili, & æterna plebitur.

Peccatum ergo duobus modis infinitum sufficienter est ut pœna æterna puniatur, primò quia cum voluntariè, & liberè peccator perseuerat, & moritur in peccato quod scit in hoc tantum sæculo remitti posse, hoc æternum, cōsequenter infinitum facit. Secundò quia cum opponatur charitati, per quam præmium æternum adipiscimur, & Deum ipsum possidemus proculdubio cum ex logica contrariorum eadem sit disciplina, & contraria consequentia, æterno supplicio sicque saltem in duratione infinito puniri debet à iustitia diuina.

At inquires contra allatam affectionem perpetuam, in peccato multi peccant cum spe veniæ, & penitentia? Item quis cum furatur velit semper furari? aut alia eiusmodi peccata perpetrare? non ergo quisque mortaliter peccat, censendus est in æternum, & semper peccare velle.

Respondeo alium esse affectum voluntatis alium effectum, fornicatio, furtum, blasphemia, effectus est seu factum, at dilectio illa sui, & philantia amor, affectus est, & in eo sita est peccati mortalis malitia, qui affectus ex suo genere irreparabilis est ex parte peccantis, & æternus est, quique se ita diligit semper se ita diligere velle censendus est, nam ita se diligens, hanc sui dilectionem amat, & consequenter malitiam æternam, quia cum sit summa ex se æterna est. Qui vero veniam, sperat cum ita se diligit is non ex aliquo iusto pio bonoque, affectu sperat, sed ex eodem amore sui peruerso. Cum enim reliqua bona, tunc amare non possit, nisi ut alicui personæ dilectæ commoda, quia se summe diligit, & huiusmodi dilectio summa totam voluntatem occupat, & absorbet, quia est dilectio ex toto corde; ideo tunc cum

cum actu peccat mortaliter, quicquid aliud siue veniam, siue poenitentiam, siue beatitudinem, aut quoduis aliud bonum, & commodum vult, non nisi ex illa sui dilectione vult. Hæcque dico de voluntate peccantis non eius, qui peccauit, hic enim cum se amplius, non summè amat potest poenitentia duci, dolere sperare, & pios erga Deum affectus habere.

Respondeo præterea impiè, & iniuste, argui æquitatem diuinam, de indicta æternitate supplicij damnatis, cum penes eos omnino fuerit, resipiscere, & veniam petere, & impetrare, nam in quacumque hora peccator ingemuerit, Deus paratus est, ad remissionem quorumuis delictorum. Certè malitia incorrigibilis, & æterna, poenam continuam, & æternam meretur, omnia vno verbo retundo. Sic visum Deo qui iustus, & sanctus est, esto impiis inuisum sit qui peccati gravitatem non ponderant, adde quod natura, & status dispositionis in qua damnatus Angelus, aut homo continuus, & vno eodemque sempiterno amore illius philantiz se amat, & diligit, ad exclusionem amoris in Deum, seu cum auersione à summo bono, exigit vt è contra Deus, sit ei auersus, & inimicus consequenter & puniens hincque resultat dolorem, & reliqua mala damnatorum debere esse æterna: sicut enim tam beatus, quam damnatus transit in statum immutabilem, quia, vt ait. Ioan. Apocalyp. 10. *Tempus non erit amplius*, ita immutabilis est, poena vnius quam gaudium alterius. Tum quod est, lapsus Angelo, id est mors homini, ait S. Damasc. lib. 2. de fide orthod. cap. 4. at Angelus immobiliter, vult quod in puncto viæ suæ elegit, vnde resipiscendi non habet potestatem; sic & homo mortuus, in impoentia perseverat in ea, vnde August. lib. 8. de Genes. ad litteram cap. 14. *Diuina iustitia est, vt qui voluntate amisit, quod amare debuit amittat cum dolore quod amauit*. Vide quæ de poena æterna dæmonum scripti.

QVÆRES. *An nunquam terminabitur poena damnatorum per misericordiam Dei.*

Respondet, S. August. lib. 2. ciuit. cap. 10. *Qui hoc asserit tantò errat deformius, & contra Dei verba peruersius quantò sibi clementius sentire videtur.*

Quod autem sit contra scripturam, patet. Apoc. 20. *Missi sunt in stagnum ignis, ubi cruciabantur die, ac nocte in sæcula sæculorum*, quod æternitatem significat, ex scripturæ loquutione. Tum error ille ex vna parte, extendit nimis misericordiam, & ex alia nimis coarctat: eiusdem enim rationis esse videtur bonos Angelos, & iustos homines in æterna permanere beatitudine, & malos in æternum puniri: Vnde qui ponit animas damnatorum, quandoque liberandas, consequenter, habet dicere beatos quandoque à beatitudine distrahendos. *Iustus enim, & sanctus est Dominus in omnibus*, et si pro hoc statu, *misericordia superaxlet iudicium*.

Dices, Sapient. 11. *Misereris omnium Domine, quoniam omnia potes*. Sed dæmones vii creaturæ continentur inter omnia.

Respondeo, Deus quantum in se est, miseretur omnium, sed quia misericordia eius, regulatur sapientiæ ordine, inde est, quod ad quosdam non se extendit, qui se indignos fecerunt

misericordia. Vel dic citra condignum puniri ex misericordia, non quod totaliter à poena soluantur.

Dices, Roman. 11. *Concluserunt Deus omnia sub incredulitate* (consequenter sub peccato vt) *vt omnium misereatur*, sed Deus conclusit, id est concludi permisit dæmones sub peccato.

Respondeo hinc errorem hunc Origenem, sumpsisse, quod quandoque liberandi, sint dæmones vt notat, August. lib. 21. ciuit. cap. 17. & 23. sed ibi intelligenda est distributio pro generibus singulorum, & non pro singulis generum, vt littera exponatur de hominibus, secundum statum viæ quia scilicet Iudæorum, & Gentilium misertus est, sed non omnium Gentilium, vel Iudæorum.

QVÆSTIO II.

De statu damnatorum.

Duo consideranda sunt, circa damnatos. Primum, quomodo se habeant post resurrectionem carnis, circa animam. Secundum, quomodo in corpore. Quantum ad primum, iam notauimus in quæst. 27. articuli de resurrectione corpus futurum incorruptibile, siue quia Deus dabit animæ illud, informanti vim, & facultatem resistendi actioni, corruptiuz ipsiusmet ignis, & alterius cuiuslibet, voluntas enim Dei est vt tunc esset corruptio, sicut nunc est vt vnius generatio sit corruptio alterius, qua ratione S. August. lib. 21. cap. 8. scribit. *Nulla melior ratio quam dicere, Deum omnipotentem facere, & facturum quæ dixit, cum iam multa fecerit quæ ante prædixerat*. Siue vt tenet Scotus, quia Deus non concurret causis corruptiuis. cruciabantur tamen igne inferni, æterno qui paratus est diabolo. Matth. 23. nam sicut corpus cooperatur hic ad animæ meritum, ita ei cooperatur ad peccatum, vnde propter illam cooperationem vtrumque præmiatur vel punitur. Vnde Iob. 20. dicitur. *Lues quæ fecit omnia, nec tamen consumetur, iuxta multitudinem adinventionum suarum sic & sustinebit*. Modum & actionem ignis in corpus, & spiritum exponam postea.

Quantum ad statum animæ, obseruo Deum præter quam quod naturatum author est, & humanam angelicamque conseruat, quia rem nullam annihilat, veritatis & bonitatis, in creaturis intelligentibus authorem esse, veritate quidem mentem, seu intellectum perficit, bonitate voluntatem. Si vero aliquod vtriusque donum, negat, id non facit nisi quia in creatura, illa impedimentum reperit.

Quare in voluntate damnati conseruat amorem commodi, seu affectum quo quilibet sui amans commodum suum, ac maxime beatitudinem desiderat, intellectui vero infundit omnem notitiam veritatis naturalis, cuius ille capax est.

Cum autem quæ mentis actio cognitioque veritatis independentem à voluntate, primum sit nisi eius beneplacitum, & delectatio quædam mentem cum obiecto copulet, ac in eius

conspicere detineat, illa cognitio non perseueret, idcirco quia damnati voluntas affectum delectationis eiusmodi nullum sentit, illam non tam lucentis, quam redarguentis, ac proinde odium parientis, (ut loquitur August. lib. 10. confess. cap. 23.) veritatis notitiam non conseruaret, aut ab ea etiam intellectum voluntas auerteret, nisi Deus damnatum in eiusmodi cognitione inuitum, & reluctantem detineret.

Hoc verò vincum, Deo tanquam veritatis authore faciente, quæcumque damnatum incommoda afficiunt, aut vexant, ea non aliunde quam ex voluntatis damnatæ conditione, & priuatione bonorum, quæ ipsa peccans sponte deseruit, priuatione oriuntur. Quare tota in eo Dei ultoris vindicta sita est, quod peccatorem, in eo, in quo se ipse constituit, statu dimittit nec tam malum aliquod, aut pœnam infligit, quam ipsius conscientia, & affectibus torquentum eum relinquit. Id disertè asserit S. August. in Psal. 5. ad ea verba, Domine deduc me in tua iustitia. Cum punit Deus peccatores non malum suum eis infert, sed malis eorum eos dimittit. Ecce, inquit, Psalm. 7. Parturiit iniustitiam, &c. cum ergo punit Deus, ut iudex punit eos qui legem præterunt: non eis inferens de seipso malum, sed in id quod elegerunt expellens eos ad complendam summam miserationum. Rectè autem Deus, eos expellens, quod de intellectu ad eam veritatem redarguentem, perpetuo ob oculos habendam determinato constrictioque dicebam exprimit.

Estque eiusdem celebre hoc dictum lib. 1. confess. cap. 12. *Insisti, & sic est ut pœna sua sibi sit omnis inordinatus animus.* Ambros. in lib. de Paradiso cap. 15. assentitur Augustino colligens ex verbis lib. 1. Reg. cap. 2. *Quicumque glorificauerit me, glorificabo eum; qui autem contemnunt me erunt ignobiles, honorem, ait, bonorum operationis sue esse declarat, & contemptores dixit priuabuntur, non priuabo, non sue operationi deputans eorum iniuriam.*

Q V Æ S T I O III.

An ignis inferni sit corporeus.

Verum, & materiale, seu corporeum ignem illum esse docent communiter SS. Patres contra Origenem.

Probat ex scriptura, quæ etsi non conuincat, tamen hoc innuit. Matth. 25. *Discedite à me maledicti in ignem æternum, qui paratus est diabolo, & Angelis eius.* Apocal. 20. *Diabolus missus est in stagnum ignis, & sulphuris, ubi cruciabitur in secula seculorum, & S. Iudas in canonica dicit, reprobos vinculis æternis sub caligine reseruari.*

Probat ex SS. Patribus August. lib. 21. ciuit. cap. 10. hoc tanquam ætæum affirmante Gregor. lib. 4. dialog. cap. 19. dicente non licere vlli de hoc ambigere hinc lib. 9. ista habet. *Illæ vltimæ flamma vitiorum concremationem, & lumen non habet: quia quo illos gehenna flamma deuorat, à visione veri luminis caret, ut foras eos dolor combustionis cruciet, & lib. 20. Gehenna ignis cum sit corporeus, ut in se missos reprobos corporaliter exurat nec studio humano, succen-*

ditur, nec lignis nutritur, sed creatus semel durat inextinguibilis, & successione non indiget, & ardore non caret. Bernard. in quodam serm. *Prius benedicti vocabuntur in regnum, quam maledicti in caminum ignis deiciantur æterni, quo videlicet acius doleant videntes quid amiserint: & iusti videbunt, & letabuntur considerantes quid euaserint.* Lactantius autem lib. 7. cap. 21. quia recipiendis destinatur corporibus sic loquitur. *Ignis ille erit purus, liquidus, & in aqua modum fluidus. Ut in eo quo modo nunc in aëre fumus, damnati illi, absque vlla penetratione corporum sint.*

Probat ratione, quia corpori conuenienter non potest adaptari pœna nisi corporea. Tum cum peccatum sit auersio à creatore, & conuersio ad bonum commutabile, & corporeum, & deordinatio voluntatis contra dictamen rationis, hinc propter auersionem erit carentia visionis Dei, & propter conuersionem erit pœna incendij materialis, propter deordinationem autem rationis, & voluntatis erit pœna vniuersalis quæ consistit in afflictione varia, & æterna.

Dices, ignis corporeus in modo suæ actionis non sequitur modum culpæ, in eo quod igne crematur, sed magis modum humiditatis, vel siccitatis: ut ignis inferni non vno modo, ait Gregor. cruciat peccatores, vnusquisque enim quantum exigit culpa, tantum sentiet de pœna ergo non est corporeus.

Respondeo, quod ignis ille erit instrumentum iustitiæ diuinæ punientis, instrumentum, autem non solum agit virtute propria, sed etiam in virtute principalis agentis, & secundum quod regulatum est ab eo, unde licet ignis secundum propriam virtutem non habeat quod aliquos cruciet, secundum magis, & minus ad menturam delicti, habet tamen hoc secundum quod actio eius modificatur ex ordine iustitiæ diuinæ, sicut etiam ignis fornacis modificatur ex industria fabri in sua actione secundum quod competit ad effectum artis.

Dices, ex Damasc. lib. 4. in fine, tradetur diabolus cum impijs in ignem æternum non materiale qualis est qui apud nos est, sed qualem nouit Deus. At omne corporeum est materiale: ergo non est corporeus.

Respondeo, non negari esse materiale, sed non sic qualis est noster, eo quod certis proprietatibus distinguitur ab eo, nec enim certò scimus in qua materia subsistet, an in eadem qua est in sua sphaera, ubi non lucet, uti docent Philosophi, an in materia terrestri veluti in carbonibus, vel in materia aërea, uti in flamma vel dicendum quod ille ignis non materialiter alterat corpora, sed quadam spiritali actione agit in illa ad punitionem, ideo dicitur non materialis esse non quantum ad substantiam sed quantum ad punitionis effectum in corporibus, & multò amplius in animabus.

Q V Æ R E S. *An ignis inferni sit sub terra.*

Respondeo hoc asseri in scriptura, & elici ex art. *Descendit ad inferos.* Fauet Apocal. 5. *Nemo poterat, neque in celo, neque in terra neque sub terra aperire librum.* Indignantur hic Angeli, homines, demones per diuersum locum. Suffragantur SS. Patres August. lib. 12. sup. Gen. cap. 34. ut quoniam defunctorum peccata

peccauerunt amore carnis, hoc eis exhibetur, quod carni mortuæ exhiberi solet, ut scilicet sub terra retrudantur. Et sicut conueniens locus gaudii Electorum est cælum empyreum, ita locus tristitiæ damnatorum est intimum terræ.

Suadet ratio; nam sapientiæ diuinæ est res ordinare, hoc autem est distribuere sedem & loca secundum conditionem & qualitatem cuiuslibet, ut notari potest in ordine naturalium, qui grauius deorsum, & leuius sursum assignauit, spirituales ergo sursum locantur, & ponderosi peccato descendunt in abyssos.

Tum iustitia in hoc elucet, ut qui ex superbia legem Dei conculcarunt detrudantur in profundum. Nec dicas ex Iob. *In inferis nullus est ordo.*

Respondeo, bonæ scilicet intentionis & operationis regularis, damnati enim obstinati sunt in malo, tamen locum habent pro exigentia meriti.

Dices, vix credibile esse reperiri tantum spatium in centro terræ, quod tot corpora locum occupantia capiat, ergo ignis puniens non est sub terra.

Respondeo, non esse inconueniens, quod virtute diuina tanta concavitas conseruetur intra viscera terræ, infernus enim inter tria insatiabilia ponitur, Prouerb. 30.

Nec arguas, ignem esse ibi extra centrum, consequenter, per violentiam, quæ perpetua esse non debet.

Respondeo, conseruari ibi ex ordine iustitiæ diuinæ, vnde fit ei naturale mutato statu generationis.

QVÆSTIO IV.

An ignis inferni sit eiusdem speciei cum nostro

Vix resolui potest solidè hoc dubium, nam tot differentiæ in illo notantur, ut diuersa species ab aliquibus Scriptoribus admittatur: si tamen ex principiis Philosophiæ arguamus eandem speciem agnosceremus, nam ut primo Topic. cap. 6. dicitur. *Omnia aqua omnia aqua est eadem speciei*, Ergo eadem ratione omnis ignis omni igni. Tum Sap. 11. dicitur, *Per quæ quis peccat per hæc & torquetur*, sed peccant homines per res sensibiles huius mundi, per easdem ergo iustum est ut puniantur, adde quod Apoc. 20. *Sulphureus* dicitur, vnde eius typus, & præambulum fuit ignis sulphureus, quo conflagrauit Sodoma Genes. 19. de quo Sanctus Iudas ait *Quod ignis penam æterni sustinentes facti sunt exemplum orbi.*

NOTA, quod ignis, quia maximè est virtutis in agendo inter elementa, ideo habet alia corpora pro materia, ut libro 4. meteor. cap. 2. dicitur, vnde ignis dupliciter inuenitur scilicet in materia propria, prout est in sphaera sua, & in materia aliena, siue terrestri, ut patet in carbonē, siue æreæ, ut patet in flamma; quocumque autem modo inueniatur, semper est idem speciei, quantum ad naturam ignis pertinet.

Potest autem esse diuersitas in specie quantum ad corpora, quæ sunt materia ignis, vnde flamma & carbo differunt specie & similiter lignum igneum & ferreum ignitum. Nec differt quantum ad hoc siue ignita sint per violentiam, ut in ferro, aut ex intrinseco principio naturali, ut accidit in sulphure.

Quod ergo ignis inferni quantum ad hoc quod habet de natura ignis sit, cum nostro eiusdem speciei, est manifestum.

Vtrum autem sit existens in propria materia, aut si in aliena, in qua sit, nescimus, & secundum hoc consideratus potest dici materialiter à nostro differre. Quidam tamen proprietates habet maximè differentes à nostrate, ut quod succensione, nec pabulo, aut lignis indiget, nec nec exinguitur aut marcescit, exhalet, fortè vero quia ita in loco suo inclusus tenebitur, ut nullus expirationi locus pateat. Quanquam apud nos non desunt ignea corpora, quæ accensa nunquam extinguuntur, aut marcescunt, ut de asbesto Arcadiæ lapide, aliisque eiusmodi refert Sanctus Augustinus 21. ciuit. cap. 5. detinet corpora quæ vtit, quod noster non facit, non agit æqualiter in subiectum, eius ardor intendi potest, quasi in infinitum uti Dei instrumentum. Sed hæc differentie non inferunt diuersitatem in specie quantum ad naturam ignis. Licet ergo Augustinus dicat hominem nescire cuiusmodi sit ille ignis naturamque nostri esse notam omnibus, hoc non infert differentiam in natura, sed ignorantiam in hominibus, quantum ad materiale quod in eo est.

Dices, ignis corporeus indiget fomentis, infernalis vero durat inextinguibilis, æternum autem & corruptibile non sunt eiusdem rationis, cum nec communicent in genere lib. 10. metaph. text. 26.

Respondeo nostrum nutriti & ab homine succendi, quia est artificialiter & per violentiam introductus, in materiam alienam, sed ille non indiget, quibus foueatur, quia vel in propria materia existit, vel est in aliena non per violentiam, sed per naturam à principio intrinseco, vnde non est ab homine succensus, sed à Deo qui naturam illam instituit, & hoc est, quod Isai 30. dicitur. *Flammæ Domini*, sicut torrens sulphuris succendens eam; sicut autem corpora damnatorum erunt eiusdem speciei, ut iam sunt, licet iam corruptibilia sint, & futura sint incorruptibilia ex ordine iustitiæ diuinæ, & propter quietem motus cæli, vel Deo non coagente corruptiuis. Ita est de igne inferni.

Instabis, quod noster luceat infernalis minimè ex Iob. 18.

Respondeo, lucere non conuenire igni secundum quemlibet modum existendi, quia in propria materia, aut sphaera non lucet, nec in materia opaca, & terrestri, ut sulphure. Iob autem exponitur non de igne, sed de ruina impij. Tum dico, ridiculum esse per rerum huius mundi experimenta probare eas quæ non mundi propriæ futuræ sunt. Vterque enim mundi status est omnino diuersus, ac potissimum quoad corruptionum & generationum vicissitudinem.

Q V A E S T I O V.

Quomodo damnatorum corpora vrantur nec corrumpantur?

Resolutio peti posset ex quaestione 7. de incorruptibilitate resurgentium, quæ communis est beatis & damnatis: non enim timenda sunt corruptiones ab extrinseco agente, quæ nunc solent vi sua corrumpere debitam temperiem, cum status talis futurus sit, ut nulla detur alteratio, nulla corruptio, nullaque in contrariis qualitatibus vicissitudo, consequenter eadem invariata subsistat temperies, & iidem spiritus per quos fit sensatio, necnon & sensuum organa, nullo modo alterentur. Vide Dices quaestionis nonæ, articuli de Resurrectione, & Augustinum libro 13. ciuitatis cap. 16. & sequentibus.

Nunc repeto, sensibilem objectorum duplicem esse actionem, alteram sensitiuam, seu intentionalem, alteram alterationem & corruptionem, tuncque corpora susceptura esse actionem primam non secundam.

Præterea obseruo in homine triplices operationes esse, alias ad vitam vegetatiuam spectantes, alias ad sensitiuam, alias denique ad intellectiuam: sensitiuæ nullo modo sui gratia sunt, sed omnes ordinantur ad vegetatiuam aut intellectiuam. Ita sentio ignem vrentem ut declinem vim eius vegetanti vitæ perniciosam; aliquando vero sponte vitionem sentio, ut, in intellectuâ parte experimentum capiam & deigne vrentis scientiam comparem. In altera vita nulla animæ vegetantis functio erit, quare sensitiuæ omnes functiones, tam in Beatis, quam in miseriis pertinebunt ad vim intellectuam, ut ei aliquid significantes voluptatem, vel dolorem pariant.

Et quemadmodum quæ beatitudinis bona partem animi inferiorem, aut etiam appetitum sensitiuum afficiunt ex superioris partis beatitudine, ac gaudio desluunt, ita quæ partem damnatorum inferiorem vexant, & ex superioris partis tristitia pœnaque perfecta descendunt, & illi communicantur.

Quamobrem ignis corpora damnatorum tangens excitabit proximè tactum impressa sui specie; deinde per sensum communem & phantasiam attinget intellectum, tanquam signum Dei offensi & in vitionem peccati infligentis mortem æternam. Ibi sistit ignis, Deique illo tanquam signo vrentis propria operatio.

At ex ea & ex affectu voluntatis tam naturali, quo quiuis beatus esse vult, & eius iacturam dolet, quàm peruerso amore proprio qui in peccatis actualibus includitur, sequuntur dolores alique damnationis pœnæ, estque illa igni, vstio seu actio; qua dolor vrens fieri dicitur. Nec enim metaphoricè, aut improprie, sed verè corpora damnatorum vri dicenda sunt, quod ut intelligatur.

N O T A mortem violentam inferri ab agente contrario duplici, priore diuidente, ita capite amputato homo occiditur, posteriore alterante.

Alteratio autem fit per vnâ è primis qualitatibus, sed ita ut & quæ per se primò duæ sint

calor & frigus, duæ aliæ non alterent, nisi ut cum illis duabus coniunguntur. Nec enim per siccitatem ipsam, sed per calorem aut frigus corpora exsiccantur. Humiditas vero & siccitas duas alias ita temperant, seu disponunt, ut earum vim humiditas obtundat, siccitas mirum in modum acuat. Ita aqua si sit gelu longè magis ac citius fruges facit, quam cū humida manet. Quod autem frigus aut calor siccus alterat dicitur vrere, nam glacies gelūque vrere æquè ac ignis dicitur. Et in vniuersum quod agens contrarium vehemens & multum actualum sentitur sensibili præsentia sua & cognitione vrere dicitur, seu producere dolorem acutum, & quo æstimatiua vis excitata in appetitu producit fugam celerem, vehementemque auersionem agentis illius admodum contrarij, ut pote quod subitam, eamque grauem perniciem potest animali creare. Quare dolor qui ex præsentia agentis maxime contrarij percipitur is dolor vrens, & sensitiua cognitio illius causa vstio dicitur.

Quo posito, dico ignem inferorum damnatos verè ac proprie vrere, quia signum est præsentis agentis maxime contrarij, Dei nimirum mortem eis æternam inferentis. Hic dolor ex se est acerbissimus & acutissimus, quia oritur ex cognitione præsentissimi mali effectiui. Notum est enim malum dici tripliciter, subiectiue, formaliter, effectiue. Quod enim malum præsentia sua doloris sensum facit non est formale, nec materiale, aut subiectiuum, sed efficiens. Mors enim, verbi gratia, quæ est malum formale dolorem potius exinguit, quam facit; at malum efficiens, verbi gratia, occidens aut diuidendo, aut alterando, cum se præsens sistit sentitur, tunc dolorem facit: & si vi alterandi antea subtili & veloce præditum est, tunc vrere & dolorem vstionis gignere dicitur.

Quia igitur ignis est signum intellectuui damnato præsentis mali effectiui, seu cause addendum noxiæ, utpote quæ eum vita æterna priuat, idcirco doloris acerbissimi atque vrentis sensum in voluntate producit.

Nonnulli verò hoc minimè intelligunt, quia dum ignis vrere carnem & dolorem vstionis parere dicitur existimant vstionem, & doloris huius causam esse malum formaliter contrarium carni, & calorem immodicum productum in carne. Licet autem hic contrarius calor vstionem comitari soleat, minimè tamen vrit, nec sensum illum & dolorem facit. Nam statim atque in ipso momento quo ignis carni admouetur, sentitur eius calor maximus, atque acutissimus, quatenus, verbi gratia, octo gradus caloris & siccitatis habet, cum tamen carnem egelidam, vix tunc remissè, leuiterque calefaciat. Quæ igitur ab igne vstio in carne producit, productaque in anima, & appetitu tam sensitiuo, quàm intellectu dolorem acerbum acutumque facit, non est carnis alteratio, & immodica calefactio; sed præsentia ignis, seu species impressa, sensusque & cognitio, qua sentitur, & tam tactu, quàm sensu communi, vi æstimatiua & intellectu cognoscitur agens contrarium, quodque mox nisi fugiatur carnem sit læsurum & mortem corruptionemque illaturum, & ut planè dicam causa vrens est ea, quæ tangit, quâ tangit, id est, carnem non vi vegetans est, sed sentiens est, afficit, & ut ipsa vicina, præsensque sentiatur facit.

Idque

Idque ipsum contingit in dolore, qui ex diuisione partium sentitur. Non enim propriè loquendo ob diuisionem iam factam dolet animal, nec ipsa est molesta, & vt aiunt dolorifera, sed potius diuulsio partium, vt in doloribus cholicis acerbissimis accidit, quia per eam sentitur præsentia & ætuitas causæ, quæ ad nocendum accincta ipsum animal iam tangit, producitque in eo actionem illam sensitivam, quæ alteratiuum non solum natura, sed etiam duratione antecedit, estque signum, quo causa nocens animal admonet se adesse, vt timeat fugiatque, aut vim eius repellat, seque defendat. Quod si neutrum præstare potest, tunc tristatur, atque etiam desperat. Quia igitur Deus vult pœnam mortis æternæ damnato inferre, eamque infert, idcirco eum torquere, & ipsi dolorem incurere dicitur, quatenus se facit ei præsentem, seu in eius intellectu cognitionem huius suæ voluntatis ipsi contrariæ facit, & ignis ipse, quia eiusdem Dei ita agentis signum est, eundem verere, & visionis dolorem facere dicendus est.

Ad secundam ergo propositionis partem adjungo, corpora vrenda nec tamen contumenda.

Primo, quia tunc materia sic vnita erit suæ formæ, vt aliam non appetat, ne tunc transmutationi detur locus.

Secundo, quia cessabit motus cæli, quem causam esse vicissitudinum docet Philosophus.

Tertio, quia Deus non coaget causas sufficientibus ex se ad corruptionem.

Quarto, quia virtutem corporibus infundet ad resistendum. Nec fidem naturalem excedit pati & viuere intra ignem. Plinius libro 11. cap. 36. refert dari in insula Cypri, quasdam muscas quadrupedes, pyraustas nuncupatas, quæ in mediis flammis, tanquam in centro viuunt, & extra moriuntur, mirabilius autem est viuere sine dolore in medio flammarum, quàm in ipsis pati & viuere.

QVÆSTIO VI.

Quomodo ignis inferni agat in spiritus & animas.

Certum quidem est ignem inferni cruciare dæmones, & reprobos, cum Christus Math. 25. vtrisque paratum esse asserat: difficultas est de modo, quo cum corporeus sit agat in spiritum. Iam aliqua dixi in quæst. 12. de pœna dæmonum.

Quidam dixerunt, quod hoc ipsum, quod est ignem videre sit animæ pati ab igne, vnde Gregorius 4. dialog. cap. 29. *Ignem eo ipso patitur anima quo videt.*

Sed hoc non sufficit, quia quodlibet visum ex hoc, quod videtur, est perfectio videntis, vnde non potest cedere in pœnam eius, in quantum est visum, sed quandoque est puniriuum, vel contristans per accidens in quantum, scilicet apprehenditur, vt nocuium sibi & disconueniens, & ad talem apprehensionem afficitur timore & dolore, affertur exemplum ab Auicenna libro 9. metaph. de somnio, quo aliquis magis cruciatur, ex apprehensione phantastica alicuius

Carriere in Professionem Fidei.

ius disconuenientis, quàm affligeretur, quandoque in vigilia ex præsentia eiusdem.

Sed hoc non videtur sufficere, quia sic passio animæ ab igne non esset verè, sed secundum apprehensionem tantum: quamuis enim possit esse vera passio tristitiæ vel doloris, ex aliqua falsa imaginatione, vt dicit Augustinus lib. 12. super Gen. cap. 19. & 32. Tamen non potest dici, quod secundum illam passionem verè patiatur à re, sed à similitudine rei, quam concipit. Tum quæro, aut vera apprehensione apprehendit ignem, vt disconuenientem sibi, aut falsam; si vera oportet ponere modum illius disconuenientis, qui non apparet possibilis, nam non potest esse disconueniens, tanquam contrarium corruptiuum, nec disconuenit, vt obiectum intellectui aut voluntati, obiectum enim vt obiectum conueniens est potentis: si falsa sequitur:

Primo, quia non ab igne, sed à sua æstimatione cruciatur.

Secundo, si ista falsa æstimatio est à Deo, ergo Deus erit immediatè causa deceptionis, si est ab Angelo, & is inde crucietur, non videtur probabile, quia ex Dionysio cap. 4. de nomin. diu naturalia sunt in eis splendidissima, ergo possunt naturaliter apprehendere, quod ignis non est eis disconueniens.

Alij dicunt, quod oportet ponere animam separatam, & dæmonem etiam realiter ab igne corporeo pati, vnde Sanctus Gregorius citatus colligi dicit, ex Euangelio quod anima, non solum videndo, sed etiam experiendo patiatur: & tali modo dicunt fieri.

Ignis corporeus potest dupliciter considerari vno modo, vt res corporea, & sic non habet, quod in animam, vel dæmonem agere possit, secundo secundum quod est instrumentum diuinæ iustitiæ vindicantis, hoc enim eius ordo exigit, vt anima, quæ peccando se subdidit rebus corporalibus, eis etiam in pœna subdatur, sicque retundi vult superbiam dæmonis per infimum corporum; instrumentum autem, non solum agit in virtute propriæ naturæ, sed etiam in virtute principalis agentis, & ita non est inconueniens, si ignis ille, cum agat in virtute spiritualis agentis, agat in animam, vel dæmonem, per modum etiam, quo dicitur, Sacramenta sanctificare animam.

Sed istud non videtur sufficere, quia omne instrumentum in id circa quod instrumentaliter operatur, habet propriam actionem sibi connaturalem, & non solum illam actionem secundum quam agit in virtute principalis agentis, imò exercendo primam actionem oportet, quod efficiat, hanc secundam, sicut aqua lauando corpus in Baptismo, sanctificat animam & ferrea secando lignum producit formam domus: Vnde oportet dare aliquam actionem igni, quæ sit ei connaturalis ad hoc, quod sit instrumentum diuinæ iustitiæ peccata vindicantis.

Et ideo dicendum, quod corpus in spiritum agere naturaliter non potest, nec ei aliquo modo obesse, vel ipsum gravare, nisi secundum quod aliquo modo vnitur corpori. Sic enim inuenimus, quod corpus quod corrumpitur aggrauat animam, vt dicitur Sap. 9. Spiritus autem vnitur corpori dupliciter, vno modo vt forma materiæ, vt ex eis fiat vnum simpliciter, & sic spiritus vnitus corpori, & viuificat cor-

R R r

pus

pus & aliquo modo aggrauatur à corpore ; sic autem spiritus hominis, vel dæmonis non vni-
tur igni corporeo : alio modo sicut mouens
mobili, vel sicut locatum loco eo modo quo
incorporalia sunt in loco, & secundum hoc spi-
ritus creati definiuntur loco. Ita in vno existen-
tes loco quod non in alio : quamuis autem res
corporea ex sua natura habeat quod spiritum
incorporeum suo definiat loco, non tamen ex
sua natura habet quod spiritum incorporeum,
loco definitum retineat, ita vt alligetur illi loco
quod ad alia diuertere nequeat, cum spiritus
non sit ita in loco naturaliter, quod loco sub-
datur, sed hoc superadditur igni corporeo in-
ferni in quantum est instrumentum diuinæ ius-
titiz vindicantis, quod sic detinet spiritum, &
ita efficitur ei pœnalis retardans eum ab execu-
tione propriæ voluntatis ne, scilicet operari
possit ubi vult, & secundum quod vult. Hunc
modum tenet S. Gregor. cit. exponens enim
quomodo anima incendium experiendo patia-
tur sic dicit. *Cum veritas peccatorem dñitem
damnatum igne perhibeat, quisnam sapiens re-
proborum animas teneri ignibus neget?* August.
20. ciu. cap. 10. *Sicut anima in hominis, condi-
tione corpori iungitur, ut dans ei vitam, quam-
uis illa sit spiritualis, & hoc corporale & ex illa
coniunctione vehementer concipit amorem ad
corpus, sic ligatur igni ut accipiens ab illo pœ-
nam, & ex illa coniunctione concipit horrorem.*

Corollarium. Ignis habet ex natura sua quod
ei spiritus coniungi possit vt locatum loco, sed
in quantum est instrumentum Dei vindicantis
habet vt ipsum retineat quodammodo ligatum,
& in hoc ignis veraciter est spiritui nocivus sic-
que anima ignem, vt sibi nocivum videns ab
igne cruciatur.

Scoti opinio solidior hæc est, quod spiritus,
non patitur ab igne dolorem, quia talis passio
sequitur appetitum sensitivum, qui non est in
Angelo, & ex August. lib. 13. ciu. cap. 13. *Dol-
or carnis tantummodo est offensio & carnis, &
quædam ab eius passione dissensio, sicut ani-
mæ dolor qui nuncupatur tristitia est ab his re-
bus quæ nobis accidunt nolentibus.*

Ex hoc apparet quod dolor est passio con-
sequens apprehensionem, alicuius obiecti no-
liti: dolorem propriè dictum non oportet quæ-
rere in Angelis, siue in animabus separatis, nisi
singas quod in anima separata sit appetitus
sensitivus, & pari ratione sensus, & tunc etiam
posset sibi inesse passio tam secundum appeti-
tum illum, quam secundum sensum, quod ta-
men falsum est secundum, Aristot. lib. 1. de
anima ubi dicit quod nihil aliud est dicere ani-
mam tristari vel gaudere quam texere vel ædi-
ficare, quod verique verum est prout sunt pas-
siones appetitus sensitivi quia illæ passiones sunt
totius coniuncti.

Nec tamen nego in anima sensitiva, esse il-
lam perfectionem, quæ est, completiva in ra-
tione potentiz sensitivæ, nam illa non est aliud
ab ipsa essentia; animæ intellectivæ, supposita
opinione Scoti, quod principia operandi ex
parte animæ non sunt accidentia animæ, sed
illa perfectio quæ est in anima imo, est realiter
ipsa natura animæ, non est potentia auditiva, vel
visiva nisi partialiter, sed propria potentia visiva
v. g. est quoddam essentialiter includens illam
perfectionem animæ, & aliam perfectionem,

corporis mixti correspondentem, isti ad opera-
tionem communem, & eodem modo ipsa sen-
satio est primò, totius coniuncti ex istis duobus,
ita quod susceptivum proximum, & ratio susci-
piendi non est anima vel aliquid quod præcisè,
est in anima, nec forma mixtionis in organo,
sed forma totius compositi ex corpore mixto,
& anima. Et talis perfectio est proxima ratio
suscipiendi sensationem, & ideo illa forma to-
talis est potentia sensitiva, nec vna pars eius
scilicet, forma mixti nec anima. Ergo de dolore
vt distinguitur à tristitia causam quærere non
oportet nec in Angelo nec in anima separata
quia non potest esse ibi.

De tristitia videmus ait Scotus, quod cum
sit in voluntate ex apprehensione existentiz ob-
iecti disconuenientis secundum rationem, vel
oportet quærere obiectum, quod statim osten-
datur vt disconueniens per rationem, & tamen
positum: vel si non potest statim ostendi vt
disconueniens nisi à ratione errante, quia non
esset disconueniens, v. g. Michaëli, oportet ibi
invenire obiectum disconueniens secundum ra-
tionem, & nolitum, & tamen positum.

Dico autem quod ignis inferni est obiectum
disconueniens dupliciter, primò vt detinens spi-
ritum diffinitivè, dæmones enim in corporibus
nihil nisi præsentis agunt, & dum vni corpori
alligantur, magnum libertatis suæ detrimentum
patiuntur, quod superbi, & libertatis eiusdem
amantes non nisi cum acerbissima tristitia, &
nolitione seu repugnantia patiuntur. Secundo,
vt immutans obiectivè.

De primo, nullum corpus vt locans est dis-
conueniens locato, nisi quia aliquod corpus est
sibi conueniens, spiritus autem sicut cum nullo
corpore habet naturalem conuenientiam
(quia tunc esset naturale saluantium eius) ita
ad nullum corpus habet naturalem disconue-
nientiam propter quam ibi detineri sit naturæ
suæ disconueniens, vnde si Michaël esset cui-
cumque corpori ex præcepto Dei coniunctus
localiter diffinitivè etiam perpetuè, & hoc ap-
prehenderet, nullo modo apprehenderet vt
disconueniens nec vt materiam tristitiæ. Ergo
ad habendam tristitiam de igne detinente oportet
vt primò inveniatur ratio noliti. Sic dæ-
mon habet nolle detineri ab igne in perpetuum,
& specialiter ab illa ratione quod sit à
sententia diuina, vel voluntate diuina, eum ef-
fectivè detinente, & ad suum illud nolle incli-
nat affectio commodi secundum quam appetit
vri potestate propria, consumit invidia, pro-
pter quam nunquam vellet determinatè esse
propter sententiam, vel actionem diuinam:
istud nolle præcedit detentio, & apprehensio
detentionis: isto autem nolle posito in volun-
tate, licet inordinatè, sequitur apprehen-
sio certa de euentu, seu positione istius no-
liti, & ex hoc tertio, vel quarto, computan-
do: ista duo quæ præcedunt suum nolle sequi-
tur tristitia, & cum tristari sit formaliter crucia-
ri, eo modo quo possibile est spiritum cruciari,
sequitur quod ignis vt formaliter, spiritum de-
tinens, & vt sic Dei instrumentum cruciet, prin-
cipalius enim odit detentionem activam Dei,
& suam passivam quam illam formalem ignis,
quia secundam non odit, in si in ordine ad pri-
mam, & ita quod affligit obiectivè, in secun-
do affligit in virtute primi sicque instrumenta-
liter.

liter. Exemplum istius modi tristandi potest esse in hominibus desiderantibus mori, quibus vita est odiosa, hoc modo odiunt animam esse in corpore suo usque ad instans mortis naturalis propter aliquod odibile concomitans vitam mortalem, & secundo apprehendunt illud nolitum fore, & ideo tertio sequitur tristitia de detentione animæ in corpore seu de corpore ut detinente animā. Istud insinuat Greg. l. 4. dial. c. 4. *Spiritus hominis incorporeus tenetur in corpore cur non post mortem teneatur igne corporeo?* August. 21. ciu. cap. 4. *Si spiritus incorporei hominum potuerunt nunc includi corporalibus membris, & tunc poterunt igni indissolubili aligari.*

De secundo modo qualiter ignis ut obiectum immutans contristat consimiliter.

Dicendum est, primo quod intellectus Angeli mali determinatur, ad perpetuū considerandum intensè ignem in ratione obiecti, secundo apprehendit determinationem istam ad talem considerationem: tertio odit, & sicut prius istud odium oritur ex affectione commodi, ex qua vult obiectum pro se sibi delectabile fuerit considerare, nunc hoc nunc illud, & promouetur ex superbia ex qua vult intellectus sua uti secundum imperium voluntatis suæ, & consummatur ex invidia propter quam odit determinari à Deo ad aliquam considerationem unicam, quarto sequitur apprehensio, non tantum nuda istius considerationis in secundo, sicut sed apprehensio certa de euentu istius considerationis intensè, & perpetuo: quinto ex hoc sequitur tristitia.

Nota non conuenire igni virtute propria mouere intelligentiam Angeli ad perpetuam sui considerationem, quia posita tota virtute cuiuslibet obiecti Angelus sibi dimissus posset ignem vel aliud corpus indifferenter considerare ad libitum: detentio ergo illa in ignis consideratione intensè, & perpetuo, & contra Angeli voluntatem est effectiue à Deo principaliter, & ab igne secundariò ut actiue, & minus principaliter. Exemplum potest poni, sicut intellectus, & phantasma se habent ad mouendum intellectum possibilem in nobis: sic in proposito Deus habet similem modum intellectui agenti, & ignis phantasmati, & esset omnino in nobis simile si intellectus agens esset, formaliter volens, & possibilis, similiter, & agens si per voluntatem suam sibi determinaret certum aliquod phantasma ad efficacissimè mouendum intellectum possibilem contra voluntatem eius, nec obstat quod principale agens, & instrumentum non sunt in eodem supposito hic, sicut ibi intellectus agens, & phantasma, quia ordo agentium illorum non requirit identitatem suppositi.

Tristitia ex hac detentione est maior quàm ex alligatione ad locum, quia in oppositione, liberi vius suæ intelligentiæ maiorem habet nolationem quàm in impedimento virtutis suæ motiue, hæcque coacta: consideratio intensa ignis maiorem habet disconuenientiam ex natura rei, vnde magis effectiue affligit ignis.

Dices, contra assertionem vñionis, omne agens corporeum agit per contactum sed, non potest esse aliquis contactus, ignis corporei, & animæ quia is solum est inter corpora

quæ habent vltima simul. Ergo spiritus aut anima non patitur ab illo igne, spiritus enim non habet vltimum, & confirmatur per Arist. 7. physic. vbi vult quod agens, & patiens oportet esse simul, & nihil medium horum: spiritus autem non potest simul esse cum corpore quia respectu corporis quasi non est in loco.

Respondeo ex Scoto, quod non requiritur contactus mathematicus, sed virtualis, quo aliquid in isto potest esse terminus virtutis in illo, quod nihil est aliud quam illud habere virtutem causatiuam alicuius in illo, & isto modo si Deus non esset præsens citra orbem lunæ præsens esset centro terræ.

Dices, agens intendit assimilare sibi passum sed corpus non potest assimilare sibi spiritum, quia tunc spiritus esset capax alicuius formæ, in qua similaretur corpori.

Respondeo, quod causa æquiueca æquiuocè assimilatur secundum aliquid quod habet in se non formaliter sed virtualiter, & hoc modo obiectum quod est nobile habet in se iustitiam, & secundum illam assimilatur: vel dic maiorem esse veram de agente principali, non de instrumentali: hic autem Deus est principale agens, & sibi assimilatur passum, quia intelligit, & vult afflictionem illius, & secundum hoc intellectum, & nolitum assimilatur sibi passum.

Instabis, omne quod patitur recipit aliquid ab agente, si ergo spiritus patitur ab igne recipit aliquid ab eo, sed omne quod recipitur in aliquo est per modum recipientis, ergo quod recipitur in anima ab igne, non est materialiter, in eo sed spiritualiter, at formæ rerum in anima spiritualiter existentes sunt perfectiones eius, ergo si anima patitur à corporeo, hoc non erit in eius poenam sed magis in eius perfectionem.

Respondeo quod ignis agit in spiritum non per modum influentis, sed detinentis, & ideo non currit ratio. Quod si arguas ex lib. 1. de gener. text. 87. illa solum agere, & pati ad inuicem quæ conueniunt in materia, spiritualium autem, & corporeorum non est materia communis, vnde non possunt inuicem transmutari. Respondeo Aristoteli loqui de actione illa per quam transmutatur patiens in naturam agentis talis autem non est actio ignis in animam vnde non concludit ratio.

Dices, contra modum omnes detinentur æqualiter, ergo omnes cruciantur æqualiter: consequens est contra August. 21. ciu. cap. 16. nequaquam, ait negandum est ipsum ignem æternum, aliis leuiorem, aliis grauiorem futurum esse siue ipsius ardor pro poena digna cuiuscumque varietur, siue æqualiter ardeat, sed non æquali violentia sentiatur, ex qua auctoritate videtur haberi quod ardor cruciabit damnatos, & non detentio.

Respondeo, quod detentio formalis quæ est secundum diffinitionem formalem est æqualis, sed nolle non est æquale imò intensius in his qui magis peccauerunt, & ideo maior tristitia.

QVÆSTIO VII.

*An pœna damnatorum sit multiplex
& æqualis.*

Respondeo, quod sicut per multa, & varia peccarunt, ita conueniens est ut ex multis affligantur, quia sicut omnis creatura est beato materia gaudij, ita damnato ex omnibus creatis tormentum accresceret, quod Sap. 5. innuitur, *pugnabis cum illo, Deo scilicet vindice orbis terrarum contra insensatos*, hinc Basil. in Psalm. 28. dicit, quod in vltima mundi mundi purgatione fiet separatio in elementis, ut quicquid est purum, & nobile remaneat superius ad gloriam beatorum, quicquid vero est ignobile, & fœculentum proiciatur in infernum ad pœnam damnatorum. Et hoc nomine ignis vti maximè afflictius designatur Matth. 25. Nec non, & variis Scripturæ Symbolis Luc. 13. fletus, & stridoris dentium, vermis, tenebrarum, &c. Vnde Gregor. super illud Matth. 8. *eiicientur in tenebras*, dicit. *In inferno eris frigus intolerabile, ignis inextinguibilis, vermis immortalis, fator intolerabilis, tenebra palpabiles, flagella cadentium, horrida visio demonum, confusio peccatorum, desperatio omnium bonorum, eris enim miserris mors sine morte, defectus sine defectu, quia mors ibi semper incipit, & deficere nescit.*

Inæqualis eorum pœna comprobatur ex scriptura Psalm. 60. reddet unicuique secundum opera sua, Apoc. 18. quantum glorificauit se, & in deliciis fuit, tantum date ei tormentum, & luctum. Suadet ratio æquitatis & modus beatorum, cum ratione mercedis mansiones multæ dicantur distinctæ.

Dices, pœna essentialis damnatorum est pœna damni, quæ carentiam facit visionis, & fruitionis diuinæ, carentia vero est priuatio, hæc autem non recipit magis, & minus. Item ignis qui causat pœnam sensus erit idem omnipotens, sed agens naturale agit secundum vltimum potentiam in omne in quod agit, ergo æqualiter patientur, quia in omnibus actio erit æqualis.

Respondeo damnatos esse miseros miseria animæ, & corporis, & ita duplex est miseria sicut in cœlo duplex datur felicitas, miseria autem animæ est in duplici pœna, scilicet damni, & vermis, seu remorsus conscientiæ. Pœna damni non solum est carentia, quia sic non esset pœna, sed est carentia boni apti nati inesse, & conuenientis, quod debet inesse, non boni remoti sed propinqui, nec cum hoc toto illa carentia esset pœna nisi esset nolita, & ideo oportet quod sit carentia inuoluntaria. Sic verò potest intelligi dupliciter inæqualis, vel ratione quantitatis, vel ratione maioris, vel minoris appetentiæ, seu desiderij gloriæ amissæ: quantitas pensanda est ex diuerso gradu habitus op-

positi, seu gloriæ, vel luminis gloriæ, quem habuisset quo pœna damni eum priuat, inuoluntarietas maior vel minor est ad inæqualitatem culpæ. Idem dico de pœna vermis, nam damnati pro mensura culpæ dolebunt de amissione commodi, sicque patet quod licet priuatio non sit maior vel minor ratione habitus quem negat; est tamen inæqualis ratione maioris vel minoris boni vel inuoluntarietatis.

Ad pœnam sensus ab igne causaram non est difficultas assignare diuersitatem, cum Deus, hanc per ignem efficiat pro exigentia culpæ, seu dispositione subiecti, hinc Greg. lib. 4. dialog. *Sicut in hoc mundo multi sub uno sole consistunt, nec tamen eiusdem solis aquanimitur ardorem sentiunt, quia alius plus assuat, alius minus: ita illis in uno igne non vnus est modus, incendi, quia quod hic diuersitas corporum, hoc illic agit diuersitas peccatorum, ut & ignem, non dissimilem habeant, & tamen eosdem singulos dissimiliter exurat.*

Hinc habetur quod damnati vti possunt notitia quam habuerunt in mundo, quod & Luc. 16. constat de epulone, considerabunt ergo quæ hic fecerunt & scierunt: tum species intelligibiles remanent in anima separata, quod frustra esset, si eis vti non possent. Nec dicas longitudinem temporis causare obliuionem ut lib. 4. phys. text. 128. dicitur. Respondeo enim causare per accidens, in quantum motus cuius tempus est, mensura est causa transmutationis, sed post iudicium non erit motus, unde nec obliuio, imò anima separata non mutatur à sua dispositione per motum cœliante iudicij diem.

QVÆRES. *An damnati appetant non esse.*

Supposito quod desiderare est actus elicited voluntatis isque liber: & præterea quod non esse, potest considerari dupliciter, primò secundum se ut est priuatio totius boni, sicque nullo modo est appetibile: secundò in quantum est ablatiuum pœnæ, vel miseriæ, sicque accipit rationem boni, carere enim malo est quoddam bonum ex 5. Ethic. cap. 1. & sic melius est damnatis non esse quam miseros esse, unde est illud Matth. 26. *Bonum erat ei si natus non fuisset.*

Respondeo eos appetere non esse ut ablatiuum damnationis, patet ex Apoc. 9. *Desiderabunt mortem, & fugies ab eis*, tum eorum miseria excedit omnem huius mundi ad quam multis appetibile est mori. Eccl. 41. *O mors bonum est iudicium tuum, indigenti & qui minoratur viribus, defecto ætate, & cui de omnibus cura est, & incredibilis qui perdit sapientiam*, ergo multo fortius damnatis. Id tamen non appetunt ex pœnitentia de peccato, nam voluntas malitiæ remanet in eis, & oderunt Deum quem non norunt secundum quod est in se (sic enim est bonitas ipsamet quæ odiri nequit) sed tantum secundum effectum iustitiæ punientis, mala autem voluntas eorum non est capax demeriti, quia est eis in pœnam, & quia sunt extra viam, & ad summam malorum perueniunt.

Concludo

Concludo Tractatum de vita aterna, seu beata, seu misera, & cum ipso Symbolum fidei enucleatum, & digestum emitto, monendo, Beneuolum Lectorem, quod incredulitas operum, Dei procedit tantum ab ignorantia eorum qui attributa Dei, & perfectiones eius non norunt. Qui enim creationem mundi, inficiatur, in hunc labitur errorem ex ignorantia Omnipotentie. Qui Providentiam conculcit, Sapientiam Dei non nouit. Qui redemptionem hominis, per Verbum Dei, incarnatum non admittit, profecto inexhaustæ Dei bonitatis, & misericordiæ thesauros ignorat. Denique qui aternitatem pœnarum Gehennæ reijcit, sanè diuinæ Iustitiæ grauitatem, & seueritatem nescit, unde cum ex ratione naturali sufficientes non depromantur obiectiones, inconcussa & intemerata manet fides Catholica, quæ perducit, ad vitam æternam, per IESVM CHRISTVM cui cum Patre, & Spiritu Sancto, Laus, honor, & gloria sit hic, & in æternum. Fiat fiat.



Finis Primæ Partis.

